

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部

第二五三冊



責任編輯：孫言誠 賀 偉

ISBN 7-5333-0615-5



EB42/05

四庫全書存目叢書·集部二五三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 55.25印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第二五三冊目次

集部·別集類

德星堂文集八卷續集一卷河工集一卷詩集五卷

〔清〕許汝霖撰
浙江圖書館藏清康熙刻本

一

素巖文稿二十五卷

〔清〕王喆生撰
北京圖書館分館首都圖書館藏清刻本

三二五

飲醇堂文集二十卷抱膝廬詩草十一卷娛暉草十一卷和靖節集三卷西山紀遊一卷
南浦詞三卷和昌谷集一卷

〔清〕周金然撰
上海圖書館藏清康熙刻本

五八一

德星堂文集八卷續集一卷

河工集一卷詩集五卷

〔清〕許汝霖撰

浙江圖書館藏清康熙刻本

附《四庫全書總目·德星堂文

集八卷續集一卷河工集一卷

詩集五卷》提要

德星堂文集目錄

卷一

韶課 策問 跋 序一 序二

卷二

序三 序四 記 書 雜著

卷三

傳

卷四

誌銘

卷五

祭文上

德星堂文集目錄

卷六

祭文中 祭文下

卷七

疏表 賦

卷八

啟

卷九

課士條約

卷十

河工集

卷十一 以下嗣出

議策擬表論

卷十二

殿試策應制

卷十三

遺文

卷十四

年譜

德星堂文集

德星堂文集卷一

海寧許汝霖時菴著

館課

主一論

天地之道爲物不貳故天得一以清地得一以寧而人之參贊乎天地者亦得一以貞一者三才之本萬化之原也顧降衷伊始莫不皆然而形生神發以來氣拘于初物蔽于後事役其外嗜亂其中攻取日紛而搖搖莫主無論其逐感而動也即或一物未交一事未接一念未萌漠然無爲而此心之恍忽而莫可據者求其一焉何可得哉而或者謂人之一心二氣具焉五行備焉自

文集卷一

一

神聖以及庸愚綱常倫紀何一端不係于乃裹飲食起居何一息不營于乃慮于變萬化隨時而應人固不得而測已亦不得而專向使沾沾焉執一以持之異學之寂守而已子莫之偏執而已其何以變化生心守經達權參天地而盡人物也哉此其說似矣而不知一非膠固也非淡泊也非清淨也非惝恍而無憑也蓋純此一心以酬酢乎萬變或安常而履順或貽大而投艱經權任遇變化因時錯綜參伍一似極天下之紛紜而此中則確然自一者若是者何哉曰無欲而已且夫欲亦何可無也先儒曰無欲以觀其初有欲以觀其復故耳欲聰也目欲明也爲子欲孝爲臣欲忠交朋友欲信也賢

欲希聖而聖欲希天古今來內聖外王之道何一不殫我欲以致之而必曰一者無欲也欲固若是其可却乎曰非也欲原于性則未發之中即爲天命之良欲微于情則已發之和即爲率性之道致中和而位天地育萬物皆欲也欲亦何可無哉然或不辨其真妄不察其貞邪而第曰隨所欲焉無論其適于聲色也殖于貨利也徇于宴安而即于悖淫也即名教自持而矢志未純道德即爲功利之習剛大自矜而返衷未粹忠義亦爲意氣之階古之人讀書談道動以聖賢自命而一念或謬卒之身敗名裂爲天下惜者豈少哉孔子曰振也欲焉得剛甚矣欲之宜審而無欲之難也然則何以無欲曰

大集卷一

二

誠而已矣誠則存之也無妄誠則發之也不欺不見可欲而心固不亂習見可欲而心更不搖日用云爲隨在有沂水春風之趣俛仰動靜無往非鳶飛魚躍之機胞胞乎其無偽也浩浩乎其無私也此即天地之不二也誠也其何欲焉周子曰無欲則靜虛而動直虛非冥心以守也經營以周乎蕃變而實者自虛直非徇情以往也委蛇以達乎機宜而曲者愈直靜虛動直而卓然有主尚何不一之有而猶恐操焉其或舍也暫焉不克繼也無欲而欲思萌焉可奈何曰持之以敬而已朱子謂主一無適之謂敬敬則戒之于不睹不聞慎之于至微至隱內防其攻取之幾而外嚴其出入存亡之介理無

論精粗揆之以盡善事無論大小酌之以至純運無論汚隆遇無論顯晦衷之以天經地義之恒時無論安危行無論難易準之以物理人情之至兢兢焉利不得而誘也害不得而阻也愛惡不得而攻情僞不得而濟也吉凶悔吝之數不得而亂也貧富禍福之形不得而役也天下之常者變者聚者散者往者來者紛焉至賾以相嘗者舉不得而擾也以主一之敬純主一之誠俛焉仰焉動問之間闢不越我通復之中發焉藏焉萬類之生成即在我操存之際所爲天得一以清地得一以寧而人之參贊乎天地者亦得一以貞也三才之本萬化之原孰有外于我心之主一者哉故曰一爲要

大集卷一

三

立綱陳紀論

有治人無治法法者綱紀也而所以維乎法者人也彼人之懷一能挾一技奔走以邀祿位者何嘗不可以集事而要其審取舍別是非正誼明道與天子相可否則必在讀書明大體之士故周官之命官也曰元士中士下士而四民中亦以士爲冠農次之工與商又次之彼庶人在官者不得與焉而近且何如哉流品既淆官方益雜于是貿遷之流府史胥徒僕隸之屬皆得操奇贏翹首以希天子之爵祿而絃誦詩書被服於古聖賢之教者或皓首而不一用用矣日暮氣頽碌碌無由自振則操奇贏以博富貴者反得以彌縫工巧善事上官傲

之以所不能而羞與爲伍名器倒置人材日滿而欲紀綱之克立也其何日之有且天下士之所爲奇才異能超越儕衆者其人原不多觀下此則循繩墨守矩矱者多焉故古聖王破格以待天下之奇傑而循資按序以安天下之中才則賢者有以自勉而不肖者亦不敢有微倖之想法至善也今自侍從而下一遇陞轉皆將破資格而爲選擇選擇之途開而奔競之風熾無論其長而略短情向也士大夫服官蒞事不思恬靜謙退爲名教重而顧乃翹翹然暴其技逞其長以求名公卿一旦之知此其人居何等哉若乃外吏自監司而藩臬而督撫歷級而升黜陟操于主罔敢私也今以虛公之雅

才集卷一

四

槩委諸公卿之推轂斯其心與疇咨若采者何以異而無如上以公求下以私應一二人主之數十人不得不隨而和之當則獨尸其功不當則諉其罪於人而已不與以國家之名器爲若輩膏緣之具以朝廷之虛懷卿大夫之公論爲一二人恩威自專之藉天下事尚可問乎昔蘇軾上書神宗欲存紀綱而專其責于臺諫謂竊恐自茲以往習慣成風勢必盡私人而後止紀綱一廢何事不生吁可畏哉然則紀綱之大要可知已欲立法則莫若任人欲任人則莫若整躬以率屬深宮之內不邇不殖寡慾以清心廟堂之上無怠無荒勅幾以凝命窮經讀史非詞章也究古今治亂之原巡岳省方非遊

豫也察遠近安危之要而且飭內府之大臣罔干威福嚴外廷之近侍不假笑頰夫然後凜萬幾以匡百職位三事者何以調燮未遑而從事頌屬以塞責司九列者何以匡救無策而止徇條例以苟安職記注者何以故沃無聞而僅博詩詞以固寵號諫議者何以糾繩不事而祇工奔走以希容容宣莫亟於督撫而何以較優劣者止爭彌縫工拙之間親民莫切於守令而何以課殿最者僅在捕緝催科之際甚至一事奏覆而屢經查駁則內外之需索何窮一案告訐而輒遣重臣則供億之緝騷何限兵興大役動云設法于地方則應誅求者何異醫瘡而剜肉水旱奇災乃責勸輸于官吏則望賑救

才集卷一

五

者何殊畫餅以充饑由此以推凡事之背理而傷道者難徧以疏舉然而進言者皆曰海宇宴然百度具舉登三咸五之盛不難復見此真賈誼所謂抱火厝諸積薪之下而寢其上火未及燃因謂之安者也然則如之何而可曰天下事苛細以求全則人思自遁寬大以鼓舞則不勞而事集堯舜之治天下也端拱無爲初不聞屑屑然爲後世綜核之術而惟急親賢以先當務故六府修而三事和萬世下號至治焉宮廷之上宵衣旰食弘濟艱難實足以邁百王踰千聖而但不以求治太急立法過嚴使士大夫救過不暇而羣思相通于文法之外興一利也規其久不圖其暫除一害也謀其大不責其

細行一令也務中外之必遵而非以飾故事立一法也求久遠之可守而非以急目前議一事也公卿之意見或有不同則不妨各爲是非以俟裁擇而不必拘以畫一之條定一案也廟堂之可否或有未宜則不妨力爲獻替以盡勸勸而不可徒爲承順之習公聽並觀虛衷詳酌嘉與二三大夫權其緩急而次第布之以飭幾康至慎也以定賞罰至當也以伸舉措至公也以輯兵刑以興禮樂至無不宜也立綱陳紀輕重同得實可以爲萬世法程而猶慮繁重難舉徒飾奉行之迹而究且因循不振者吾未之前聞

道德仁義論

文集卷一

六

理之命於天具於人推行於事物之間而存之於吾心者名雖殊一以貫之者也何則無極而太極渾然而已自動而生陽靜而生陰動靜互根兩儀分立而人之受中於天地者稟二五之精擅萬物之秀一心之中衆善具焉循之則爲共由僂之則爲獨得實而體之則不外乎愛敬之良廓然而大公油然而順應故理之紛焉萬殊者究其實皆一致而同歸知此可以論道德仁義矣顧世之所爲道德仁義者吾惑焉異端之學遺棄一切謂道德爲虛無而仁與義其矯揉者也至淪於清淨者又曰失道而後德失德而後仁失仁而後義是道德與仁義皆若可離不相合者其爲說也固妄而儒者之言

又謂仁與義爲定名道與德爲虛位是故道有君子有小人德有吉有凶其視道與德若兩岐之路然任其所之而隨有以博愛爲仁者矣以知覺爲仁者矣以物自外來因而應之于吾心若不相係爲義者矣立說愈紛要皆道其所道德其所德竊仁義之說以賊夫仁義者也且亦知道何昉乎或曰離器無以爲道或曰由氣化有道之名或曰道者太虛之體此其說似矣然揆其所自則道之大原出於天而已彼立天之道曰陰與陽立地之道曰柔與剛道固貫乎兩間貫乎萬類流行于終古者而人自降衷以來冲漠無朕之中萬象森然而已具及其隨感而動則小而日用大而倫常極而參天地

文集卷一

七

育萬物莫不各有當然之理可大而可久故曰道者原于天之所命根于人之所性而著見于日用事物之間如大路然莫之離也若夫行是道而實有得于心則德名焉德者得也一德立而百善從之故自其得乎天者而言之虛靈不昧曰明德聖凡同具曰達德粹然至善曰懿德漠然無爲曰天德而要以得之于天者力而行之以實得乎其身爲子之道宜孝也而我則實得乎孝焉爲父之道宜慈也而我則實得乎慈焉爲臣之道宜忠爲君之道宜仁也而我則實得乎其忠實得乎其仁焉推之萬事莫不皆然彼堯舜禹湯文武周公孔子非古今來所推爲至德不可及哉究其實不過循循然力

行乎斯道而實有諸已焉已矣故曰至德以道爲本也然而易曰立人之道曰仁與義而周子亦曰德愛曰仁宜曰義則道與德又孰有外于仁義哉仁者何生之性也而愛其情也公則其用也彼謂仁者天下之正理又謂仁者天下之公心此亦就其理言耳若其體乎人者以好生之性發而爲慈祥惻怛之情天地萬物無不與爲一體而五常統焉百行備焉萬善該焉道德之大原莫越于是矣顧又非姑息而寡斷者也是非可否確乎不拔于其中而因事以施隨物以應自日用飲食辭受取予以及綱常名教之大緩急先後安危常變無不化而裁之各適乎其宜而義自不可勝用矣雖其間或以

文集卷一

八

仁爲體義爲用或以爲仁體柔而用剛義體剛而用柔而要以生成並濟恩威互用則非仁無以統義非義無以成仁非仁義無以全道德是仁義者道之本也德之原也道德者仁義之統仁義者道德之實也故曰名雖殊而一以貫之者也堯舜禹湯文武周公孔子以仁至義盡之學爲道全德備之儒後之君子不能幾乎是也則惟不役于形不囿于氣不徇于習不亂于情不惑于異端不安于小就存誠主敬窮理力行自一念以推乎萬感自一息以凜乎終身動靜咸宜經權各當而道德仁義同心而自裕何外求焉

南北郊配位說

孝莫大於嚴父嚴父莫大於配天有虞氏郊禘夏后氏郊繇殷人郊冥雖有其文荒遠不足據自成周郊祀后稷以配天而典禮大備誠以物本於天人本於祖大報本而反始尊尊親親之義也秦漢以降郊社之祀或分或合甚有以皇后配地祇者要以周禮冬至祀天夏至祀地各以后稷配則南北郊自宜分祀新莽同年之說既屬不經而漢魏之以皇后配也其瀆襲又何事辨哉我國家膺天地之篤祐承祖宗之積累肇舉殷禮折衷盡善始亦嘗合祭而今則圓丘方澤二至分舉且以祖功宗德超越千古太祖高皇帝太宗文皇帝世祖章皇帝並配郊壇煌煌鉅典誠古今所未有而議者以配位之左右鯁鯁然慮之蓋以南郊南向故配位東昭而西穆此無可議者宋政和間改地壇爲北向設太祖位于西西方東向是地之配位仍在左也自明嘉靖中始分北郊位亦北向以太祖配地而配地者位仍東設西向似以右爲昭矣一祖從祀猶爲可議今以三祖並配而設位猶沿明季左右昭穆之不詳先後尊卑之亦紊所當亟爲釐訂以昭定制其說似矣而愚以爲無庸也凡祭必視其所主而主必從其所尚天陽也陽尚左地陰也陰尚右奚以知其然嘗考周禮小宗伯之職掌邦國之神位右社稷左宗廟先儒曰右陰也地道之所尊左陽也人道之所嚮以是知陽之

文集卷一

九

尚左而陰之尚右也彰彰明矣陽尚左故配之位左尊而右卑陰尚右故配之位右先而左後左右不易其方乃以見天地之合德左右各從所尚益以見天地之同尊似亦禮以義起未可執一成之道以概之者而或者曰人主之於天地猶子之于父母也子于父母拜跪侍立未或有異其左右儀者何獨于天地而不然然亦思同一天地也天之壇既不從北而向南地之壇又不從南而向北天與地既各因所尚以異其方而人主必執左昭右穆之說以爲配是不從父母而從人子也有是理乎以一室之祭天則何以宜冬地則何以宜夏壇坫之地天則何以宜園地則何以宜方而且祭天之樂以黃

文集卷一

十

鍾祭地之樂以太簇祭天之玉以蒼璧祭地之玉以黃琮祭天之牲以騂剛祭地以黝犢由此而推無非以天爲陽故陰之者各從其陽地爲陰故祭之者各從其陰陰陽異尚固不皆然而顧以左右爲鯁鯁也母乃好是古而非今也乎若夫以昭穆爲疑則亦知昭穆之義果何昉耶宗廟太祖之主東向子孫之侍北而向南者爲昭昭明之意也侍南而向北者爲穆遂深之義也昭穆以南北名初不以左右定不以左右定而曰左爲昭右爲穆亦適以主位之東向言耳向使當日主位而西向則子孫必易其位而向北者可仍爲昭向南者可仍爲穆耶矧夫郊社之配尤當因天地之所尚爲尊卑爲先後

而例以宗廟之序左昭右穆抑何其拘而鮮通也故曰無庸疑也獨是對越天地神無二主禮曰郊以祖配昭得姓受命之始也故周之郊祀獨配后稷以文王之功德僅祀明堂而武王之克集大勳者併不與焉漢以高祖配而不及光武之中興魏晉以下無不如是自唐始以高祖繼以太宗後加以高宗遂有三祖同配之例識者非之宋亦配及三帝後禮院議遂寢明洪熙間太祖而外增奉成祖嘉靖議禮之臣俱謂不可仍止配太祖良以得姓受命禮有專崇仁之至義之盡不可過也鉅典所垂凡知禮意者無不皆以爲然而愚獨謂時有今古業有異同我太祖開天立極太宗恢廓丕基

文集卷一

十一

世祖統一區夏弘猷駿德皆爲千百代所未有創守相承團圞于圓丘方澤之間幽明上下未有不顧而相慶者奚拘于周家一代之制而反以千百代未有之盛事爲疑也哉

兵制

從古兵制之善莫如本朝兵威之盛亦無如今日而議者以海寓蕩平遂議銷兵之策臣獨以爲未也夫履安不可忘危修文亦當振武古聖王所爲建威以銷萌者正在已治已安之日耳今四方清晏萬年鞏固而綢繆區畫不在神京之禁旅要在各省之分防則當推居重御輕之方爲基布星羅之勢滿兵之宜設也如聞

粵如滇黔如秦蜀之錯壤地既遙則鞭長不及當倣江浙之駐防各宿重師以扼其要綠旗之宜設也如總督如巡撫如巡守之監司兵不屬則控制無由當分水陸之提鎮各統偏旅以予其權滿與漢相維文與武互制有事既可共伺其不測無事亦可杜患於未形臂指交使而犄角互援於以輦億萬年金湯之固者法無有踰於此矣至於慮綠旗之糜餉方議裁汰又念行間之效力復勅撫綏 皇上仁至義盡之恩何以更加而臣謂即撫綏之內陰寓以裁汰之漸者則莫如屯田今夫八旗之制披甲者各有莊也是即寓兵於農意也屬在綠旗不可倣而行乎駐師之地西北固有石田東南

文集卷一

主

亦多曠土山陬海濱其為斥鹵不耕者不知凡幾誠相土而分屬之給以牛種緩其賦稅以卒之精銳者捍禦而以老弱者半伍而半農以地之險要者駐防而以閒曠者且耕而且守則名以示滿漢一體之制實以寓兵農漸戢之機顯酬其效力陰消其雄心以壯軍威以節兵餉所謂即撫綏而寓裁汰者也亦何憚而不為此

吏治

民生之休戚係於吏治而吏或不甚惜民者非吏之盡不肖也考成之法密則補救惟艱督率之人多則彌縫倍苦況事例一開挾貨者以作吏為奇贏之術服官者以剝民為加納之資而名列正途者且皓首不一用矣

即或截留至部而守候經年朝夕不給以桑榆之暮氣歷艱苦之傳嘗一行作吏惟知苟且以自便耳其能出所學為 國家愛養百姓乎今例雖稍簡而待選猶繁莫若於計察之中陰示以甄別之意使流品既清官方不雜然後寬之考成以專其心力重之事權以免其牽制酌繁簡之宜以量其才德隆超擢之典以鼓其功名而其所懸以黜陟者尤莫要於獎廉廉則無額外之微而能科即撫字也廉則無徇私之法而刑罰即教化也廉則淡泊寧靜而德可格奸逃自緝盜自化也廉則強固精明而才可應劇吏自服民自安也周官以六計弊吏不可仿其意而實行之乎若夫督撫者所以表率乎羣吏者也合天下計之不下二十餘人其二十餘人中弘猷清節賢者固多而一有不職則吏之受其弊者已不可勝數是在 皇上慎之於將用之初防之於既用之後關門詢岳以激濁而揚清則唐虞之熙帝載而亮天工又何難復見于今哉

安民

議安民於未安之日非振動無以更新議安民於既安之時非鎮靜無以休息則安民者不必別求安也務去其不安而已 國家重熙累洽民登仁壽近以逆氛肆毒搶擾數年蕩定以來肆赦蠲通湛恩汪濊山陬海濱已藹宥于 皇上如天好生之德矣而猶以元氣未復

文集卷一

主

勳歷 聖懷 臣謂澤沛萬邦者先謀緩急恩周百世者務酌淺深則惟審天下之全勢而次第布之滇黔閩粵之郊甫離湯火者亟圖其安集吳越秦楚之地久困供億者宜定其撫綏兵民雜處者或強弱之相陵則規以輯睦水旱游臻者或流亡之未復則廣以招徠大綱既振民命乃甦夫而後賦役雖寬尤懲有司之加派刑罰雖當須禁無故之株連驛遞雖無濫擾而經費當復其初逃人雖有明刑而波累當寬其典盜賊弭矣尤宜禁憑城之胥役貪污黜矣尤宜戢倚勢之豪強嚴丁田捏報之罪勿使開墾者仍荒而招攜者無實禁開墾溢額之解務使貿遷者樂業而行路者懷心沿河困于征徭

文集卷一

古

濱海困于遷移則當沛非常之惠以復幹年澤國苦于水潦高原苦于旱乾則當謀經久之規以消災浸凡此者去其不安即所以安之也而其要則尤在于簡督撫擇守令為守令者實以興農桑廣教化為循卓而不徒效于簿書期會之間為督撫者實以恤士民率僚屬為賢良而無所取于承順奉行之迹大法小廉共圖休息而皇上又以痼癰一體之恩使無一夫不得其所則時雍風動復觀于今而又何民之不安哉

論程敏政考正祀典得失

按尼山之亡廟賜于周魯哀公賜祀創于漢而以諸賢陪祀實始于唐貞觀時以左丘明等盛於宋備于明士

大夫尚論者言人人殊而準今酌古則惟程公一疏庶幾近是然其間尚有可議者聖門中惟公伯寮愬子路跡近讒諂景伯告於夫子而欲肆諸市朝則其人誠可斥耳遽伯玉知非寡過默契聖心縱非及門亦不當罷祀申黨與申振姓同名異乃疑為一人以去其一則顏氏八人亦將有可去者乎林放載於禮殿圖顏何載于史記秦冉二書皆載彰彰著明何所據而斷其為後人所增益且以為字畫相近之誤也至考正歷代先儒欲進董仲舒王通胡瑗三人與著曲臺記之后蒼加以封爵一體從祀發微聞幽誠為定論而其所議罷斥如楊雄頌莽背漢為名教罪人萬無侑食之理馬融設絳談

文集卷一

五

經生徒最盛而前既附隲後又媚冀文行相背斥之亦宜他如賈逵之附會圖讖戴聖之治行不法王肅之贊勅司馬杜預之贖遺要人略跡原情不無可酌然罪狀既著亦難為之曲諱至於荀況生戰國之季崇仁義斥功利有功世道人心惟以性為惡以禮為偽以子思孟子為有罪未免悖謬然歐陽永叔之斥繫辭司馬君實之疑孟子皆未嘗見擯於學宮奈何苛責荀子耶劉向忠諫直言乃心宗室何休辭病不仕進退可觀誦神仙而註風角其罪似可末減王嗣輔雖好老氏所著易傳闡發義理而不雜于陰陽災異實超於兩漢諸儒范甯謂其造為清談罪深桀紂噫亦太過矣鄭衆盧植服虔

范甯四人經術節操皆卓卓可稱鄭康成囊括墳典精通六藝又在諸儒之上乃亦謂所行未能窺聖門所著未能發聖學與鄭衆輩同改祀於其鄉千百載尊之一旦罷之是何說也吳澄學術淵深與許魯齋相伯仲惜也貢舉於宋仕於元大節不無可議而程公反不及焉殊未免于疎矣以上二十二人有功少而罪多者公伯寮楊雄馬融賈逵戴聖王肅杜預七人是也有罪少而功多者荀卿劉向何休王弼吳澄五人當與鄭衆盧植相提攜者林放蘧瑗秦冉顏何申黨及鄭康成六人是也乃嘉靖九年永嘉爲相概行黜罷則追用程公之說爲

文集卷一 六

多又有程疏所未及而崇祀之典尙當更定者十哲世俗之論宜入兩廡而程子接不傳之統緒朱子集儒學之大成僅與諸儒並列未免有待元代名儒最著者惟魯齋一人而何王金許四先生後先興起以斯道爲己任魯齋既從祀而諸先生詔祀於鄉學不亦可乎明儒自薛胡王陳外指不勝屈而方子希直劉子念臺醇粹忠直出處生死動合古先爲二百七十餘年留此浩然之氣表章之舉不能無望于 聖朝矣

論郊社分合

王者繼天地而立極未有不崇郊祀之文以隆一代之大典報萬世之歲功者也然帝王之郊祀雖同而古今

之分合或異所貴定其制者以父天母地之心爲報本反始之義則明禋既合而一代之大典以此定萬世之歲功亦無不以此答矣考自虞書有肆類之文夏商有郊禘之舉祀典雖隆無所謂分與合也迨成周冬至祀天於圜丘夏至祀地於方澤而分祀之說遂始於此然先儒以謂庚戌柴望之舉告天而即以祭地昊天成命之什祀地而即以歌天則分之之中亦未嘗無合之意矣三代而降祀無定法如漢祀分也而光武之後則又合唐祀合也而中宗之世則又分宋祀分也而元祐之後則又合明祀合也而嘉靖之世則又分立法不同而揆諸明祭之意極之仁孝之念未有不以合祭爲得

文集卷一

七

宜者也夫主分之說者謂天爲君而地爲臣君臣似難於合食不知元勳可以配廟百神可以配帝而謂后土之難以從祀也有是理乎謂天爲生而地爲成生成似宜於各報不知天道可以下濟地道可以上行而謂施生之必有殊量也有是義乎抑謂冬至祀天夏至祀地則陰陽不爽其序天子祭天諸侯祭地則尊卑不混其統周禮所以無合祀也不知周正建子故祀天於歲首周有列國故郊統於王朝今以建寅之月而必拘冬夏之至則地先於天固非崇報之序以一統之盛而必分郊社之制則天異於地亦非合漠之誠此緣情以制禮因時以致祭爲古今不易之說也況乎天猶父也地猶

母也父之與母雖有尊親之異而究之孝享之意則怙恃同懷稱天曰皇稱土曰后皇之與后雖有倡隨之分而究之資生之功則陰陽合德所以禮曰郊天者掃地而祭言地與天交而後可謂郊也合祀之說不益彰明較著哉

論刑罰寬嚴

今夫政教者帝王治世之大經而刑罰者帝王治世之大法是刑之爲用固所以輔政之不逮而弼教之不及者也但論刑於今日人以謂不患其不嚴而第患其不寬其以謂不患其不寬而第患其不嚴非患其不嚴也蓋嚴其所當嚴而後能寬其所當寬則嚴之適所以寬

文集卷一 文

之也粵稽虞書有欽恤之典周禮垂赦宥之條刑期無刑遐哉尚矣即如漢祖之約法唐宗之讞獄宋祖之恤囚自古以來未有不以寬而用刑者我皇上御極之初即面諭各官毋得偏引重條而赦令並頒大獄必讞好生之德誠自古所未有而某以謂今日之刑宜嚴而不宜寬者何也蓋上世之刑恒恐於官吏之燬煉故非寬不足以核其實而近世之獄恒苦于草野之誣訐故非嚴不足以戢其奸今夫朝廷之德意非不廣也官吏之奉行非不恪也閭閻之守法非不謹也而民之敢於爲好者往往伺朝廷之好惡以伸一己之恩仇援官吏之短長以憑一時之喜怒窺閭閻之貧富以恣

一日之貪謀或微隙而誣以大罪或私怨而陷以深文或因一事之發而遷累多人或因一案之成而動經數載雖無辜者幸而得白其人已不勝苦矣所以案牘益繁處分益衆而刑獄亦益紛也乃議者不察而動以寬大之說爲當寧獻不知刑固宜寬也但寬其所當嚴必反嚴其所當寬刑固不宜寬也但嚴其所不可寬而後能寬其所不必嚴此蓋理之所固然勢之所必至也爲今之法莫若由誣告之令重反坐之條懲越訴之弊禁株連之累而且飭其等威辨其名分肅其志氣庶爲嚴者不敢以身試法而不肖者亦不敢以已嘗人所謂嚴其所當嚴者此也夫而後良民之罹於刑者則爲平反以釋之無知之陷於法者則爲原情以恤之罪之介於輕重而獄之介於出入者則爲矜疑以慎之秉之以公成之以斷出之以大度矢之以小心將見承問之時既不致以飾詞周內者失帝王平允之法則讞決之日自不致以深文羅織者違天地好生之心豈非聖朝無枉法而盛世無冤民哉某故曰嚴其所當嚴而後能寬其所當寬也

策問

丙子順天武鄉試策問一道

文集卷一 文

癸未會試策問五道

問三代以上治道之隆惟有禮耳禮也者天地之經民物之則而從古帝王持世之大術也禮不可纖微缺即

不可斯須離百年後興胡爲而有此說與先儒謂禮者性也理也原禮以制禮依禮以節性夫性無弗中即理無弗協設施運用因之而已何節制之與有將無三百三千儀文度數之盛悉皆先王精意之所存所謂出乎自然略無勉強者與或曰剛柔絃競成乎習忠敬質文從乎時然則大經大法即在因革損益之中聖人範圍曲成之妙固合當如是與漢唐而降禮制罕備古意寢衰明祖集禮一書亦寡所折衷施行未允豈非道不虛行即修明有待與我皇上創制顯庸章程明備且銳意復古匯列聖制作而集其成則一時典禮之司稽古之士當何如考究何如釐定俾綱舉目張盡善盡美於

以昭垂萬世而無弊與考亭儀禮經傳通解尚須校正家禮參用三家之說亦非成書累朝言禮諸家牒可充棟並費商訂博而綜之精而畫之固非易易矣諸生好古有年曷詳著於篇以佐聖代休明之治

問考績之法肇自虞廷于以亮天工而熙帝載典至重也後世鮮有能遵行之者其故安在即或議行之矣而時日之久暫科指之寬嚴條例之繁簡並迥然其各異其間孰得孰失可得而悉數之與漢以六條察二千石年終丞相奏事舉殿最唐令百司之長歲校其屬功過差以九等曰四善二十七最相爲參列以第内外官宋初文武常參各以曹務閒劇爲期限後復設審官考課

二院主之諸所措注果與成周六卿率屬倡牧詔王廢置之典微有合與明制京察大計有常期庶幾周官五服一朝之意然所云八法考注猶屬空名非關實跡斯其爲弊不更烈與我皇上加意吏治舉錯予奪俱出宸斷慮無不精白澄叙纖悉靡遺矣顧所司奉行不力人情巧僞易滋則欲其賢否晰分刺舉允當以副聖主黜陟幽明之意將何道之從與漢宣最稱綜核當時王成猶以僞增戶口受責故黃龍之詔曰上計薄具大而己務爲欺謾以避其課東京朱浮亦上疏謂尚書之平決于百石之吏兼以私情憎愛人不厭服然則九年通考羣后四朝舍敷奏明試之外別有畸術與抑舉

文集卷一 主

而措之端存乎其人也凍水司馬氏曰采名不采實責文不責意二語切中後世考課之弊然所以采之責之法必何如而後盡善與多士其悉念敷陳毋隱問從來糧儲輸輓其法有三曰陸曰河曰海議者謂河費半省于陸海省幾倍之其信然與禹貢於九州貢賦後必言達帝都之所則皆由河也穿溝泛舟已見于春秋之世而黃睡負海之郡率三十鐘而致一石又何其艱與漢都關中用張良議而行漕初不過資山東粟數十萬石而已暨元鳳間乘孝武凋耗之餘議減議捐無虛歲豈非撙節愛養之遺意與唐劉晏領度支糞米而造歌艘計百一十萬石無升斗溺者今其法尚可踵而

行之與宋明兩朝並仰給東南矣然河汴江淮船艘遞易軍民長短轉運各殊亦其勢有不得不然者與國家飛輓之法率準先朝舊制年來講求利病優恤弁丁蓋不啻諄諄焉漕規所載如交兌脚耗贈折尖樣寄囤空運一切程限禁約之類積猾宿蠹從而囊橐其間幾至不可窮詰何道而可徹底清察公私胥便與且自大江入邗溝上清口經徐呂沂泗至濟寧而北溯漳御趨直沽抵白潞河而達於京師三千七百里之間地有淤墊歲有旱澇伏汎有稍長物力有盈絀則剝淺過閘挨次守凍之苦難以悉數又淮南運道勢不得不視河渠爲通塞一綫之高堰六壩之洪波防濬失宜關係匪細

文集卷一 主

必作何區畫經理俾百萬軸轡啣尾而集天庾畧無阻滯允爲萬世利賴之長計與多士留心康濟已久其各抒所見以備採擇焉問自有載籍以來文章之功用抑鉅矣上之經世華國明道覺民固宇宙之精英造物生人之命脈也其次若上女之謳陰儒生之撰述或抒情見志或比物興懷揆藻摘辭各呈其美苟未甚謬戾亦天壤間之不能無者然作稽省覽卷帙實繁倘非探其本原抉其微奧辨其體製折其駢枝則立言者奚所取法而持衡者亦何所據爲標準耶古之學者大都以通經讀史明體達用爲第一義及著爲文詞則一衷以六藝而澤身于大雅之

林今之操觚濡墨者果能如是耶程子曰聖賢之言包涵盡天下之理後人所爲乃無用之贅談耳朱子曰古之賢聖有是實于中則必有是文于外初非有意學爲之觀二子之云不大彰明較著與若夫六朝之纖三唐之排儷與夫二氏百家之荒誕而駁雜皆文士家所最忌而近代作者則往往犯之豈文章一途不能不隨風氣爲推轉非真正豪傑之士罔克條祛陳習超越時趨卓然特立而浩然獨存乎多士之於此道蓋童而習之者也而又幸生文明之世捧讀聖製沐浴教思至熟矣可暢言極論以規平日之所學

問吏道雜而秀民起是盜之興自有司失職始也則試

文集卷一

五

反其術而用之不已得其要領耶爲板本之計者曰盜賊亦吾人也惟慎簡循良之長爲之足其衣食謀以信義相與撫綏而約束之則刁頑自化而攘竊亦消其說是矣然必如龔遂之治渤海黃霸之守潁川而後道不拾遺境內以靖斯其人可多得耶他若寧成操下如東濕薪義縱以鷹擊毛摯爲治一時豪強惴伏野無犬吠史冊亦稍稱之或又以爲鬪健任威頗傷苛急非愷悌君子之義然則椎埋穴壙之雄顧可任其滋蔓充斥而不一遏翦之耶國家令甲優捕緝之賞重疎縱之條又諱匿有罰株連有禁可謂張弛互用而恩法兩全矣乃開關之內劫賊時聞雀符之中胙篋屢告其故何

丁卯四川鄉試策問五道

問自古帝王繼天立極定一代之大業開萬世之太平雖曰天授蓋亦有學問之功焉自唐虞一中允執肇啟心傳嗣後禹之祇台湯之日新文之亦臨亦保武之敬勝義勝歷聖相承心源符契未嘗言學也迨傳說之勉

文集卷一

五

高宗曰學于古訓乃有獲成王之訪落曰學有緝熙于光明而學之名始焉豈唐虞三代開創之主神靈天寶可不學而能而守成令辟乃事學歟抑傳心即所以傳學歟三代而下經術始盛漢武帝表章六經光武投戈講藝唐太宗聚四部書二十餘萬卷博選文學之士更番商確宋太宗詔史館修太平御覽日進三卷不以爲勞彼皆勤學好問號稱令主然或銳初而怠終循名而鮮實豈學之不篤歟抑心介于純雜故學焉而未醇也皇上聰明天縱健行不息神功峻德直接堯舜禹湯文武之心傳而非漢唐以下諸君斤斤章句者所可擬矣顧猶御經筵浴日講丙夜皇皇披覽勿倦稽帝

王之大典闡賢聖之微言下至諸子百家詩文騷賦靡不晰微而抉蘊自開闢以來未有典學若斯之盛也欣逢神聖親炙懋勤思慮涓埃以仰裨其道果安在歟夫學貴窮經而六經四子之書皇上已精研其闡與學貴讀史而編年紀事之冊皇上已深灼其源流學以窮理盡性爲要皇上洞貫古今念念求諸踐履非期飾于聲華學以法天動民爲大皇上博綜典籍事事措諸治安非徒彰于文誥由宮禁以至大廷無在非就將之地自公卿以逮百職無一非故沃之人盛著隆崇誦讀勿輟窮年皆念典之時用人行政規畫精詳萬幾皆懋修之實古今來千聖百王之學皇上總

文集卷一

示

以一心握之當更無殊術足贊高深而第就古大儒先後論學之旨或格物或居敬或主靜而立入極或存誠以握化源由博返約慎終如始必有同條而共貫者多士其詳言之以仰佐聖天子心學之要問天生人材原足供一代之用而用之之途古今各異虞廷敷奏以言明試以官人之法遐哉尚矣周禮大司徒以鄉三物教萬民而實與之鄉大夫三年則大比層累升于司馬而司士掌羣臣之版以德詔爵以功詔祿以能詔事蓋用之若是其慎也兩漢孝廉茂才賢良方正諸科得人稱盛而六條殿最猶爲近古自魏崔亮始限年勞唐裴光庭奏用資格說者謂執簿呼名一吏

已足而萬事之所以煩弊百吏之所以廢弛皆由資格之失其說然矣然因其失而盡變之捷徑一開士途旁雜誠有如古人所謂官無一程之式者其故何歟我皇上旁求俊乂立賢無方近者停掄納之例廣疏通之法師師濟濟行見奮庸而熙載矣然事例雖停而冗雜猶故議者以漢人納粟欲倣御試旗之下例文義既優然後畀以民社庶不致有美錦而學製其法果可行歟抑于計察之年別置一格果其治行卓越也不妨優容否則稍澄叙之可歟循資按序所以安中才不次超擢所以鼓豪傑近慮人才壅滯間行選擇庶賢者有以自奮而又恐巧宦者或藉以速化恬退之吏無由上達

文集卷一

示

其弊果有然矣皇上求才若渴每遇督撫藩臬缺出必令會推雖關門詢岳何以加茲然出自宸斷則中外翕然出自衆推則異同漸起將師錫之公尤不如府照之明歟大賢才不拘于一轍而舉錯要酌乎大公今欲使吏道澄清官方肅叙懸異數以開功名之路循常格以杜僥倖之門爾多士致身將有日矣其敷陳毋隱問古今不朽有三立德立功立言言者心之聲也易曰修辭立其誠心誠而辭達文乃炳焉故曰文以載道六經言道之書也其文如布帛菽粟不假雕績而辭尚體要煥然如日月之經天沛然若江湖之行地何其盛歟

諸子百家人矜著作然而卓卓可傳者代不數人豈果皆悼道不足述歟抑爲之也易故傳之也不遠歟賈晁班馬爭雄兩漢而大醇者惟董江都潘陸徐庾樹幟六朝而起衰者惟韓昌黎文章至宋號稱極盛而開闢濶洛之書庶幾與六經表裏其間之淺深可得而詳論歟

聖天子重道崇儒表章經術 允廷臣之請刊刻

御製詩文行將頒示中外日星雲漢昭垂天壤煌煌乎與典謨訓誥並勒矣獨是取士之科首崇制義兼及策論表判將以明體亦期達用而或者謂黜軼休明鼓吹大雅非詩賦不足以揚光 皇上每召詞臣親行校閱觀人文以化成猗歟盛已考核于既仕之後不如揣摩

文集卷二

天

于未用之先則制舉一途時藝而外或可兼校於此歟記曰事君先資其言拜自獻其身以成其信先儒又曰文衷於道行乃可遠平日窮經讀史以養其立誠之基儲其載道之器和順積中而英華發外又不徒在區區辭章間歟有本淺而信曲以鈎深氣本薄而矜張以鳴厚學不足以窮今古托迹于幽奇理不足以達體用假塗于緣飾皆非文之所取爾西蜀相如子雲賦麗以則眉山蘇氏父子文詞卓犖張寬學于文翁受七經還以教授其鄉里而經學推蜀獨盛其淵源所自久矣多士幸生文獻之後躬逢明備之時欲思報國惟在文章則立言之學必有與立德立功相表裏者蓋悉心以對

問蜀省禹貢梁州之域也漢爲益州地沃野千里有鹽鐵之利有竹木之饒有笮馬隸僮之富民殷物阜古稱與區蓋坤維一大都會也五十年間疊罹鋒鏑市廛井邑蕩爲廢墟賴我 皇上德威遠屆削平逆亂出湯火而登諸衽席者非朝伊夕矣猶復 軫念瘡痍 德音並頒蠲稅免賦殆無虛歲湛恩汪濊亘古以來所未有而戶口凋瘵四野荆榛日雇司牧之喚咻不暇給豈游食者衆而生穀之土未盡墾歟抑哀此殘黎靡有孑遺也近奉 俞旨令蜀中紳士游宦他省而輕去其鄉土者悉回原籍爲庶民復業之倡行見葛藟不作鴻雁與歌矣顧迺迴樂土裏足不前捐墳墓而背井里彼獨

文集卷一

元

非人情哉夫或有不獲已者何道而使之歸焉恐後也縉紳之家慕義急公而窮黎之失業流離于東西南北者不知凡幾惟桑梓人亦有心言旋言歸復我邦族可無術以徠之歟土著者有限募化者無窮蜀號土滿而東南人滿之區無立錫而饑寒者亡筭哀多益寡則招民之例募望之方尚可酌而行焉者乎未至者思招當今已歸者樂業數年來哀鴻甫集開墾方殷而供億絡繹不能驟減于他省民力幾何不苦賦而苦徭則相率而逃耳休養而綏輯之其道安在昔唐太宗貞觀之治號稱極盛逮至永徽中直將一世而生齒猶未殷繁舍人李嶠言天下流散非一浮衣寓食積歲淹年宜設

禁令以防之垂恩德以撫之助其乏困竭其懸逋而又施權術以濟之由斯以觀蓋生聚若斯之難也况以蜀之傷殘未復而驟興富庶勢固有所不能然先儒有言輕徭薄賦得良有司以撫循之民將不招而自來廉范之治蜀也有昔無襦今五袴之謠薛逢之刺巴州也其兒童皆願以名垂非已事之驗邪 聖天子知人善任深惟西南一隅必得清廉強幹之吏始足以鎮撫故張詠在蜀可無西顧之憂而大吏得人尤賴守若令之共宣德意歟爾多士情關梓里所以綢繆夫牖戶者計之孰矣尚其各抒所見

開井田之制寓兵于農後世阡陌既開征戍煩而召募

文集卷一

三

廣始有長從之兵遂增養兵之費當事者思變通以盡利即兵以務農則屯田昉焉此在往昔歷有成效而以語於蜀省似尤切蜀省山川四塞北接關隴東控荆襄瞿塘扼巴峽之流劍閣表殘雲之固界以番族限以蠻部西南之重險也 皇上聖武布昭蕩平再奏而建威銷萌不得不設重兵以鎮之兵衆則餉繁餉繁則賦忌計蜀賦所入歲不過四五萬不足供軍需之半皇皇焉協濟於隣省崎嶇跋涉餽運維艱而蜀之民乃益困矣夫因民以設兵而兵或反致於累民奚如籍兵以爲民而民又不困於養兵如古所謂屯田一石可當轉輸二十石者豈宜於古不宜於今邪若之何未一行也或者以駐兵之

處不皆曠土而兵之執于戈以捍牧圉者憤悍性成恐不能降心以力稽扞格而難行所固然乎亦思今之蜀地多而民少民少而兵多各鎮協之星羅棋布於茲土者間田沃壤所在皆是非若人稠土狹之區奪民田以給戎行者也奚不便之有且蜀兵皆隸於綠旗綠旗之兵從田間而來當亦身習夫農事者八旗 禁旅皆有庄屯豈防鎮之卒而逍遙成習不可一自食其力乎昔趙克國之田金城羊祜之守襄陽郭子儀之鎮河中也軍旅叙粹攻取方殷尚復躬先耕耨爲諸將倡卒之大收其效况當戢干橐矢之年人稀土滿之境釋戈矛而事耒耜開曉瘠而爲膏腴固天假以時地予以利而人

文集卷一

主

爭自奮其力者也師往制而規畫之可勿亟歟古者分軍置堡大約以十分爲率三分戍守七分耕屯半伍半農且耕且守而又爲之懸賞格給牛種寬追科良法具在——可循特恐樂於觀成難於慮始則良將士之督率與賢有司之經理何以使之奉行恐後歟多士讀書懷古留心經濟久矣當酌其切實可行者願藉手以紓兵食之計

跋

寶翰堂擬跋

恭惟我 皇上德協天樞學優聖域勅幾宰治切咨儆於勲華錫極體元契淵源於洙泗 龍帷餘暇手不釋

書 鳳藻常新道蕪游藝時陶情於翰墨亦擅技乎神
奇自秦逮明諸家悉綜其妙由真及草各體咸攬其長
或巨製或細書結構皆成琬琰爲連篇爲單幅體勢並
籠烟雲允矣集古今字格之成煥乎超帝王筆法而上
蓋即書學精微之極致總屬 聖功神化之難名凡朝
列諸臣時蒙寵賚而 天家帝子尤被恩頒惟 郡
王書羅六藝策擅三雍典秩修明久樹鴻儀於譜牒彛
倫傳叙長承 寶訓於宮庭每於趨侍之時爰有 御
書之賜彙短牘長牋以成帙統年經月緯以爲編因念
雲附縉紳千百國傳觀難備必得貞珉削剛億萬年垂
範始長是用妙選良工俾之細礪嘉石曲摹深刻期神

文藻卷一

三

采之通真硯紙和烟極晶輝之煥發臣忝隨鐫侍久沐
奎光欣觀琅函彌驚 睿藻尋行數墨借倉書義畫
以同珍考義徵文共禹鼎湯盤而不可朽仰 聖人制作
之富載賡日月光華捧 賢王卷軸之藏永並河山帶
礪竊慙蠡測敢效管窺敬紀末行用申忭舞

王總憲薛殿三鳳閣跋

婁子風雲之地茆湖襟帶之鄉山比象于鳳凰人交輝
于鸞鷟則有佩刀華胄刻戟高門弟兄依日月之光勳
勳占蓬瀛之盛同儀阿閣駕荀氏之八龍並咏岐山邁
薛家之三鳳後先虎觀次第蟠均唱和一時崢嶸九列
大兄康樂曲禮樂于容臺小弟清和綜權衡于農部更

有中和之質方居季孟之間作臺主而踞南床領憲司
而踐北斗露門仗退珂珮齊歸星戶漏沉火城爭擁莫
不金輝羽殿王立麟軒非道不陳于前在廷無出其右
某 稔羣鸞之令望欣鳴鳥之深交猶憶曩佐冬官繼勩
民部兩值大農先生爲之領袖示我典型幾年欽底績
之許謨萬事服寧邦之卓識中與少宗伯先生同趨建
禮分掌秩宗寅清則端賴夔龍輔轍則誰如班馬至若
總憲先生自題名于雁塔攜手看花旋珥筆于鸞坡隨
自視草檄諸金石孰比堅貞如彼瑟琴常資調劑鳳翽
之擊九千里莫究端倪鵷班之附三十年已諸踐履似
此金昆玉友宛然璧合珠聯氣象巖巖爭輝楓陛丰神

文藻卷一

圭

爲需交映荆枝雖清任和各擅一家之勝而直方大無
慙六德之臣真所謂鏘鏘卅穴節律呂于簫韶翩翩紫
庭耀文明于鵷火翥九天而太平應騰八極而大化臻
者矣在昔象微帝夢肖傳說于巖間秀出班行羣王商
于畫裏未有萃三君子雁序彙寫羽儀鍾八座于錫原
爲留粉本繪衣冠之盛事當讓君家傳翰墨于大勳誰
如此卷正使鵬搏六翮應慙溟海之未寬若令鷗見九
苞尤媿藩籬之終陋敢抒小序聊代微吟

駕幸少宗伯秀甲園 賜書蒸霞二字謹跋

華亭王少宗伯先生燕許宗工夔龍鼎望揮毫東觀彰
補鞅于螭坳曳履南宮聯星辰于雁序庭堦則棟蓂荆

枝而外玉樹交柯郊園則泖湖崑岫之旁珠林蔽野藍田丘壑秀極人間綠野亭臺甲于天下山來鏡裏樹到床頭花安鶯飛楊柳之風四面波澄雁落芙蓉之月一奩野芳發而展齒香水荇開而筆船放過司州之印渚自滌襟懷招子敬于習園都忘塵俗較量樂事樓臺與鼎鼐俱歸眷戀 君恩風月與江湖未遂歲當乙酉帝念平成 駕幸三吳民徼游豫適屆 成天之節慶洽百神廣敷匝地之恩懽呼 萬歲爰停芝蓋特蒞松江開金谷之名園迎珠旆之仙仗孝廉伏謁嘉鮑昱之象賢 綸綍榮褒幸蘇瓌之有子繁花旖旎挹和氣而爭開翠幙周遮護曉風而不落安榴千葉彌洽 皇情

文集卷一

三

魏紫重樓頓邀 宸盼旋移 黃屋更就朱藤林禽與汀鷺齊飛鳳竹共鸞絲競奏前池琴筑雜珂珮以鏘鳴遠岫烟雲棲軒窗而疊畫 天顏喜溢鑒捧日之精誠睿藻輝騰錫莢霞之寶翰神羅萬象超典則于書林腕運三辰該適奇千字苑鍾王墨妙僅等批糠虞褚筆精都安臣僕伏義龍畫宜齋宿而仰觀神禹螺書必正冠而下拜昔韋公龍渥金輿降于山莊韓國功高玉趾臨于風雪然而笛鳴竹院誰見搗毫酒進蘭筵未聞潑墨即攀車而受覲豈在臣家或登床而被恩多從御闈况若連江之鳳縮不巡瀕海之鶴坡山川則雪早未逢父老則翠華罕覲乃 九霄仙蹕竟在松齋藥碗之間

而五色 奎章復懸杉月蘭泉之上瑤光照而丹砂結墨彩輝而甘露凝既典冊之未經實臣工之曠遇史簪形而紀勝公拜手以銘恩誦十首之新詩奚啻徵招甫招之盛逢百年之此日謾誇鑑湖石湖之榮敬綴蕪詞式彰異數

李約齋先生年譜跋

乙卯冬余應省試來都下蔚州李子麗生惠然以文字稱莫逆越庚申大司寇敏果魏公邀余與其嗣君一齋同事硯席時麗生尊公約齋先生方官戶曹與魏爲茂苧親晨夕過從因得稔知先生生平又一年麗生之兄東生亦來同學又一年同成進士敏果公喜東生之與

文集卷一

三

余一齋同售也邀其祖恒岳太先生來邸爲十日飲當是時李氏三世聚首一堂余以通家舊好相得甚歡未幾太先生別去而先生以戶曹轉刑曹 京邸六年追隨杖履無旬朔離也丁卯余奉 使入蜀而先生亦重念老親請假歸里遂成契濶逮東生以中書舍人選授諫垣癸酉冬迎養先生踰月余復使江左不獲見既而麗生提南宮選庶常思得面受嚴訓先生復來京師則乙亥二月也相見問訊道故舊且稱比年遊踪所歷渡大江遊滄海攬姑蘇錢塘諸勝更涉浙徯謁禹陵遊山陰道而歸詩歌記序充叔奚囊抵掌間喜動眉宇不意此會之後遽爾永訣噫嘻悲哉麗生兄弟哀思展轉輯

其生平事實爲年譜若干卷以余知先生最深千里寓書傳序其後人生可惜百年一瞬耳老將至矣功業不建古人所歎也平生紛糾營擾趨利祿身家以外絕無所用心逮至蓋棺論定而生平乃無一事可述遂靡然與草木同腐矣先生生六十八年孝友以立身勤儉以理家清慎以服官禮法以垂後好行其德洽於鄉閭一生梗概具於譜者皆卓卓可傳古所謂鄉先生歿而可祭於社者不在斯人乎哉昔漢時家風之嫩咸稱萬石人立然石氏諸子如建慶等不過舉策數馬以訓行第門而已陳氏又有公慙卿卿慙長之評今先生子若孫後先鵲起族望燕晉服官者卓犖有聲澡身者學成

文集卷一

主

名立家風雍穆突過昔代何哉德厚者流光李氏自恒岳太先生樹德既厚而先生又能愷悌濶達善承先志故足以令其後人而寢昌寢熾夫且與敏果箕裘並垂奕葉不替也書此以慰東生兄弟並以質諸一齋其以余爲知言否

跋王文成公全書後

今天下哆然議文成之學矣亦曾取其全書讀之乎公全書爲卷三十有八首語錄三卷次文錄五卷又次別錄十卷又次外集七卷又次續編六卷而以附錄七卷終焉乃公門人餘姚徐愛錢德洪孫應奎嚴中揭揚薛侃山陰王畿渭南大吉安福鄒守益臨川陳九川秦

和歐陽德南昌唐堯臣諸君所編緝而豫章謝廷傑彙集之者也其嘗取其語錄讀之傳習諸錄見公與其門人授受之宗旨焉又取其文錄讀之見公書序記說雜著等篇純乎講學明道之文焉其奏疏及公移則爲別錄具見公一時經濟之畧其詩賦及應酬諸作則爲外集并見公當年文學之工至于續編之簡書墨跡皆尋常瑣屑細務之言而莫不有物各付物之意若夫年譜附錄則并公生平功業與其先代世德一一可攷見焉善乎茅坤氏之言曰文成諸書及學記尊經閣等文乃程朱所欲爲而未能者也江西辭爵及撫田州諸疏此陸宣公李忠定所不逮者至如淵頭桶岡軍功之疏條

文集卷一

主

次兵情如指諸掌公員百代殊絕人物也嗚呼三代而降聖學榛蕪百家蠹起道德之與文章事功之與學術莫不判然二之矣公生千百載之後闡微言於既絕振鴻業於天壤舉夫文章道德學術事功渾而歸之一貫此必非從事于虛無寂滅者所克具其體段也世人乃徒隨聲附和泛而指之曰禪豈爲得公之真者哉其故表而出之使欲議公者得以考證焉

題查逸遠學圖圖

查逸遠先生心潛百聖胸著千年文舉裁書許以士卿之望林宗避席信其王佐之才自風景不殊山河非昔感鯢魴之相戒驚燕雀之俱焚埋照墻東沉光水北

交遊而學園寄歲月于灌園書卷則野老農皇生涯則
元修諸葛落南山之豆富貴安知賈東陵之瓜滄桑不
問籬邊黃菊得高士之孤標嶺上青松遇達人之曠致
其或草堂春雨麥壠晴雲主伯具來少長咸集殷兄張
丈同話桑麻朱老阮生平章菰韭則有緯蕭諸子傳硯
文孫或帶經而鋤或剪髮而待雖鹿門餘澤但遺以安
而鶴蓋成陰相將以仕顧乃春苗可擷逝水不回撫枯
倦之清芬芙蓉城遠賸丹青之遺像幾率天高在昔杯
案清談我懷歷落春秋嘉會君樂蕭樓時逢紅稻莊前
非舟非駕同飢青楊巷裏爲彈爲輪每語長饒相期白
首詎意鶴猿茹怨雞鵠殊音遂雨散而風流且星移而

文集卷一

壬

物換彙容過眼昔夢登心訪橘顆之素交綺黃已矣問
酒壚之往事高李如何幸也觸目琳瑯燕之盈庭簪組
撫今追昔恍晤當年潮往覘來能忘勝事裁尋遂初之
賦重爲思舊之銘悲羨方乘鋪茶易極

讀近思錄書後二則

近思錄凡十四卷俾初學之所入門而馴致乎廣大闢
博之域由是而四子由是而六經庶可漸見其大原此
朱子喫緊爲人處也論語曰學而不思則罔思而不學
則殆近思云者學與思其交至矣乎文公之言曰若憚
煩勞安簡便以爲取足於此而可則非所以纂集此書
之意似爲不及者言之成公之言曰若乃厭卑近而鶩

高遠躐等凌節流於空虛迄無所依據則豈所謂近思
者耶似爲過者言之余嘗反覆探索而更皇然有大懼
者竊謂高遠空虛今之學者并不能有此患惟是甫窺
是書未能有得而憚煩勞安簡便之意往往輒起此則
隱痼之病又取足於此者之罪人也過此以往勉圖卒
業方階階階梯之是慮遑遑凌躐哉

先賢相對旬日商榷編摩擬述舊聞抽揚微義爲千百
世學者計是何等心事我輩幸讀此書若不實體貼得
幾句將自己家當悠悠忽忽終歸墮落則負愧無地矣

送魏司寇序

文集卷一

壬

今上御極二十三年兵銷刑錯海內又安大司寇魏
先生年六十有八以衰疾懇致政上倚毗方篤溫旨
慰留越數月疾未瘳陛辭益力上惻然嗚咽良久
不獲已予致仕馳驛歸里歸之前召見者數四賜
餼賜飲賜手書顏其堂曰寒松宜付史館誌不朽
一時公卿大夫都人士咸噴噴羨其榮既又悲老成之
去無不嘆息泣數行下而予小子獨踴躍爲先生慶夫
余與先生誼竊淵源館其署三載情不啻骨肉攀轅先
生宜莫如予而予顧以先生之去慶先生者蓋先生進
退事關風教非可與流俗人之去留同年語也考亭朱
子曰儒者出處非特其身之事而已苟進易而退難雖

品秩其幽明風流則劉并柯亭簡要則丘山污水胸中
五色補堯舜之衣裳魁下三台占臯夔之事業莫不
擎天煥壁燭野光朝至若總裁書局叠簡文衡滇南鵬
起雲中得風斯變冀北馬多天下逐日皆空凡王國之
羽儀皆公門之桃李况乃孔戣耳目未衰衛武精神益
固廟堂詢于黃髮延李泌而稱先生草野誦其衮衣留
溫公以相天子其垂勲也如此其蒙恩也如彼固宜
移明一德二十四考中書師保萬民三十六年宰輔顧
乃挂酬赤霄抗章紫禁帝嘉元老作王室之股肱
詔許全人樂清明之鐘鼓安車駟馬遂大雅之保身
綠野手泉喜耆英之聚首黃閣別梧桐之月滄洲越蘆

文集卷一

聖

菰之風允矣至貴不軒冕而榮至仁不導引而壽矣門
森從遊數仞親炙卅年未能入室登堂聞道座右亦嘗
進禮退義奉政朝端晨趨建禮之門唯虞漏盡晚出明
光之省常恐日斜乞身上致政之章微恩遂懸車之請
雖登蒲衣鉢敢望師傳而引退林園庶幾家法然而先
零蒲柳豈同松柏之姿無用櫟樗不比棟梁之質二宜
陳疏匪辭祿而遺榮五技自窮非急流而勇退豈若我
師息心塵外見幾事先擺落卿相之榮雖聖賢而難決
終始功名之際尤今古所罕全者哉今者祖張青門逍
遙白社貽琳瑯于朝右撫蘭蕙于堦前投竿養雁之陂
巢由知已講道街魚之席游夏從游門空瞻靈鷲之

峯飛來無術欲到畫龍之壁變化奚從徒結夢于緇帷
難離糧于畏壘外則爲天下惜老成之去內則爲師門
慰相倚之私不揣巴詞敢祈郢政

送余京兆念劬省覲序

同年余京兆念劬族望寶林秀鍾蘭渚校龍編於秘閣
躍驄馬於天街使領仁鈞處脂膏而不潤官同景儉持
法律以能平既而建節陪京司衡遠左教敷千里佐
培豐邑菁莪績奏期年佇卜傳巖霖雨而乃嬾從鴻舉
愛聽烏啼萱堂九十將盈子舍之光陰可惜驛路五千
不止曙樓之眺望何除勇上封章苦求定省蓋自登
朝伊始幾番懷表而陳情及茲陟岷彌殷始獲蒙恩

文集卷一

聖

而逮養叨叨勿顧刺刺何爲花撲金鞍飛送使君之馬
驚啼綠岬坐迎遊子之舟樂事如斯高懷誰偶僕等烟
霞雖戀輶佩空縻憶聯步於雲端歲盈二八悵離羣於
日下儔止十三落落晨星依依舊雨陶情借杯酌每閱
月而開尊遣興待篇章亦分題而闡韻時維春暮棹事
重修月在閨餘羽觴再舉屬荒廚以烝飢適歸馭之停
驂遠地初還慰經年之契濶明朝便別盡此夕之綢繆
擬折柳於灞橋慙贈車於渭涘倥傯離緒滿堂皆叩鉢
以成詩繼繼餘情下走并濡毫而作序

羅整菴困知記序

先儒爲學未有不求自信于心而苟同乎人者羅整菴

先生之講學適與陽明王氏同時其時良知之說尊信于天下而先生致書陽明則有三可疑之說且謂大學古本之復不宜遂去朱子分章而削其所補之傳于是天下學者謂先生之學誠得乎朱子之傳而非他人所可比並矣雖然此猶未識先生自信于心之處也其嘗取困知記讀之先生之學莫精于論理氣朱子以理氣爲二物嘗有氣強理弱之說先生則謂通天地亘古今者惟一氣而已而其動靜闔闢莫知其所所以然者即所謂理非別有一物依氣而立附氣以行也先生何嘗苟同朱子而墨守之者乎不第此也太極圖說朱子所最信從者而先生謂無極之真二五之精妙合而凝則

文集卷一

四

太極與陰陽已爲二物其未合之先各安在耶未敢以爲然也此其不苟同乎元公者也正蒙曰聚亦吾體散亦吾體知死生之可與言性矣先生謂氣聚而生則有此理氣散而死則無此理安得所謂死而不亡者此其不苟同乎橫渠者也邵子數學推見至理其所見超卓殆與二程無異而先生謂其發本要歸不離乎殺其作用既別未免與理爲二此其不苟同乎康節者也象山言心即理也先生謂易言聖人以此洗心孟子言理義之說我心詳味斯言心非即理明矣此其不苟同乎子靜者也夫先生自信於心之學已不啻苟同乎元公橫渠康節紫陽象山諸公而何論于陽明然苟執

困知記之說而遂謂元公橫渠康節紫陽象山陽明之學俱有可議則又豈以生困知記之心乎故學苟自信于心雖伯夷之隘柳下惠之不恭不害其爲超之一無損其爲聖人之稱也况區區言論之殊指乎苟不察其自信于心之處而徒以其言則夫荀卿之崇王黜霸不幾與子與氏同科而楊雄之太元法言不且與易論語等列哉故夫章句之儒拘文牽義是非可否俛仰隨人不足語于深造自得之學矣此困知記不可不讀又不可不善讀也若其探討釋典排斥佛氏高景逸謂自唐以來未有若是明且悉者其立身行己自發身詞林以至八座林希元謂如精金美玉莫可致疵嗚呼學術醇

文集卷一

四

正人品卓然先生可謂一代之真儒矣

保定張氏傳後序

夫見危授命士之常守固扞敵臣之分食祿而避難妾婦所羞綰綬而偷生國家安賴未有身歸林下地異戎行未憑授鉞之恩靈亦鮮專城之寄託遇黑山而咆哮過青嶺而激昂虞長史之一門埋魂中野章護軍之三弟析骨窮塵則地老天荒無二之心不改主辱臣死在三之節凜然孔曰成仁孟子云取義豈非生輕一髮名重千鈞者哉在昔明室板蕩大青流行玉牀圯而帝曜移寶鏡亡而孝陵爨螽蟥匝野流民枕牆壁之間參虎經天叛卒起竿旂之下窮奇構杙各蝨于峭函石勒王

潮漸鳴張于江漢加以陳濤之將本乏神機潮上之軍
但如兒戲九州水潰五嶽塵飛鯉魚上天勸進獻海東
之識李花結子成符援河北之謠錦帳銀筆賣雄城而
自得青袍白馬渡重險而不知遂犯居庸長圍鉅鹿將
傾大厦一木何為既濁黃河寸膠奚補乃有保定張氏
者大兄釋褐預關宴于曲江介弟挂冠留清風于光祿
張安世累葉國恩表劬公乃心王室對監軍而流涕誓
鄉勇以嬰城左袒一呼義旗四起戰無三北不求燧子
之援智却九攻大有鷄兒之勢武安則无同雷震盱眙
則尸與城平既而六經猿鶴九廟灰塵聞魚服而椎心
焚龍耳而無路則有築壇上將不圖祀夏之功推轂元

文集卷二

四六

臣竟蹈奔周之迹射帛告華元之惡總城獻督亢之圖
雲漢烟紅崑崙玉碎西偏既陷睢陽無殺賊之時北回
長辭初起得捐軀之地臣力已竭天道何言伯兮叔兮
牽衣而赴鼎鑊無小無大執手而下井闌百六運終此
何時也廿三人死欲誰為哉嗚呼雪霜賢賢知曉節之
益堅風雨蕭蕭信晨鳴之不變粵自龍飛白水虎踞金
陵拔茅則陽德方升開國則小人勿用雖復成王何在
蹈赤族而如飴愍帝無歸抱青衣而痛哭更有整頓乾
坤之手急收中興將帥之心惟祿士而尊賢乃破家而
仗節泊乎嘉隆中替威福下移元載盜枋于前盧杞蠹
國于後及任刑餘于恭顯宵小呈身寵乳媼之聖燒清

流醢骨北寺之玄黃未息東林之水火相仍田寶貴貴
而蛇爭牛李分明而麟關赭衣何罪刊章逮鈞黨之魁
碧血多冤錄牒滿同文之獄過墓門而悲大鳥賢聖道
衰焚筆硯而聽黃鸝衣冠數盡遂使鬼謀曹社人哭秦
庭風鶴相驚或竊妻而逃晉鼓鼙尚遠已羣族而辭虞
豈知良臣解骨之年竟餘子一兄弟庶士叩心之日猶
傳南八男兒下至汪疇殤魂不忘杜稷祀梁燭室亦厲
松筠十六才子之生方斯未讓五百軍人之死儼此非
慙立僅則合乎貞併命則貫乎義為招魂于桑梓全節
名鄉倘刻木于春秋表忠識觀與臧洪而同日一片丹
心後袁聚而死讐昔年恨淺不揣婣鄒聊寫悲歌

文集卷一

四七

彭禹峯先生讀史亭集序

鄧州彭禹峯先生星象降精山川結粹威容器觀森梢
烟雨之標維辨壯詞舒卷風雲之氣探羽陵而搜汲冢
腹富詩書譏高密而薄扶風眼空今古以至穀城奇策
鬼谷兵謀九攻九却之方七縱七擒之術莫不樞機在
手變化從心呂文穆見而改容許以台司之量郭林宗
出而延譽重其王佐之才爾其雁塔初題牛刀始割正
值邊郵烽火旋驚畿輔滄桑終制北堂避兵南服未幾
拜雄藩之辟命羔雁方來提節度之孤軍鸛鵲已整衆
裁一旅寇乃重圍王鼓鼙行鞭笞痍叛金戈直指簪掃
櫓槍請纓縛响町之魁破竹搗牂牁之穴既而昆明持

節乃比王褒南粵擁旄還如陸賈遂使蘭滄葱嶺歸我
版圖羅帶玉簪服吾聲教棄軀學劍傳介子之功名投
筆登壇班定遠之骨相固可書之年表載以旂常至若
幕謀檄草不藉陳琳薦墨歷書無煩阮瑀事當火迫磨
楯以揮變起倉皇橫刀而去文勇與弓聲並振才鋒將
銳氣俱來河瀉崑崙走滄溟于萬里雲生泰岱徧寰宇
以崇朝又若橫槊題詩書鞭作賦入曹劉之坐意氣沉
雄登李杜之壇冠裳綵繡豈惟貼蟄爆蟄愈風已瘧
轉前古沽巧後人而已哉顧乃風景不殊江山無恙呼
陶潛之菊聊爾消憂種邵平之瓜且將息世泊乎蟻
見如猿臂難封驚心新息之讒銷骨中山之謫推枕則

文集卷一

果

黃梁已熟金帶安歸攬鏡則白髮無多唾壺欲缺頭顱
如許未酬馬革之心解肉奈何莫究龍文之用又況山
陽日暮舊雨依稀易水風寒昔遊零落落茫茫青塚無非
埋恨之場浩浩黃塵安得寄愁之所于是臨河下泣登
嶽長謡託興于炎風瘴雨之間感懷于楚水黔山之上
平原歎逝之賦大都悵居多蘭成思舊之銘唯以悲
哀為主則又孤臣所不忍讀秋士所不忍聞者也其手
筆也如此其功業也如彼惟其生長南陽抱武侯之方
畧結鄰西鄂占平子之才華故得身作功臣傳歸文苑
杜常陽何嘗跨馬將帥並推祭征虜不廢投壺儒雅胥
服豈若殷家名士未解韜鈴曹氏武人麓諧競病則信

乎應百年之運鍾五行之秀者矣令嗣直上先生員半
千之子弟卓爾不群何第五之德言褒然無敵哀父書
于匡衡壽家集千棗梨不圖沆瀣之精乃屬糠粃之蕘
其望琳瑯而目眩對珠玉而形慙登薛卞之門何知論
買入夔牙之室敢謂解音誣諉難辭揣摩略附云爾

潘夫子稼堂文集後序

吳江潘夫子道航聖讀材棟儒林孝弟根心樹五常之
軌範文章報國萃六籍之菁英張茂先之洽聞三十餘
重鄭夾深之博物五十八籤莫不原始要終望表知裏
加以吟鞭弔古蠟屐尋幽登泰岱而涉黃河眼高四海
上會稽而探禹穴胸著千年波起洞庭遙聞廣樂月明

文集卷一

五九

太清獨聽清鐘求笙吹于伊川仙人宛在想簫聲于汾
水古韻依然五嶺逢人梅花如雪三瀧放棹荔子初丹
訪李渤之弟昆淹留廬阜問錢鏐之孫子躑躅幔亭舟
車窮宇宙之奇筆墨擅江山之秀況乃支郎今日摩詰
前身心會真如義聞第一光生湛寂語契前三清衆筵
遶曾闌羊車之教淨名席上咸諮龍樹之禪故凡九章
三統之書得其原本四聲五音之學辨至毫釐而平生
得力尤在十翼之中精義入神不襲九師之說管公明
服其自遠王輔嗣讓厥辭文固已秦肆金輕周京紙貴
者也于是賦傳黃案恨不同時詩入 丹宸驚爲才子
下弓旌于高密給筆札于尚書遊島上之三神壓人間

之千佛露門造膝非仁義不陳 帝前廣廈說經有語
言必妙天下編華林之七錄近領鄒枚擅史局之三長
遠同遷固龍鱗不世則魚鮪皆驚虬幹有年則蚍蜉難
撼聞枕中之秘借讀盈門索亭上之玄求觀如堵洪瀾
巨派盡號文雄大手名人交推獨步夫搗文以傳世道
在則尊養氣以立言德成者上方朔三千之牘徒騁才
情康成百萬之言有功經傳夫子胸吞雲夢心湛秋陽
感物造端括囊乎道蘊覆山範水涵泳乎性靈詩本風
騷文兼崔蔡可以呵磨戰疥可以凜雪精神玄酒太羹
蓋古今之至味黃鐘大呂寓天地之元音豈猶岳淺機
蕪元輕白俗所能望其萬一也哉 簾下傳衣座中授

文集卷一

五十

簡雖當前數役從入無門而疇昔辦香依歸有日詎意
斯文寂寂吾道茫茫思北面其何年入南柯今無路所
幸杜陵詩在喜家法之有傳顧悌情深輯遺經而復觀
嗚呼重遊海上鍾期授寫怨之琴藏在山中李漢製編
年之序天無意于後死人有感于前刑敬附詹言淚零
末簡

管黃門若梁詩集序

河來天上揚波詎比于支流雷出地中聒蟄寧同于蟄
鼓簫韶洗耳自厭滛哇雲夢羅胸奚容滓窳立言立德
琳瑯雅頌之音昌志昌詩磅礴江山之氣故有真儒之
風矩騰輿青箱必追大雅之聲塵希光紫磨膠東紙貴

秦肆金輕新興管若梁先生黃散班資朱虛門望弄白
心于篋衍家集猶存留皂帽于巾箱清芬未遠編還七
錄僻書不在南床鍊就兩京才地誰如西鄂于是把金
鉞而鑿混沌登玉籍而上蓬萊排門則二等金釭直院
則三更鈴索賦詩拾翠骨有仙風落筆中書文如秋水
方雲移平雉尾即天笑于螭頭前席談深覺賈生之過
朕虛宮對後喜司馬之同時晉秩夕郎升華左掖唐侍
中 蕭蕭寶扇漢惠文珥插金貂嗽蒜風流古井無波之
水彈蕉峻整淇園貞幹之臣王冷蘭香猜防不顧黃鱸
赤管從事獨賢更有二端足規萬善憶昔當癸未之春
竊曾襄甲乙之柄看珠成碧疑心秤之未平登明選公

文集卷一

五十

懼口碑之不許唯聖俞為五星之佐使王曾占千佛之
題 天語特褒輿情胥洽似茲虎榜公負不負其初心
投得驪珠我更難忘其慧眼既工選士復擅釐奸向因
盜鑄之犯科爰飭輸錢以充賦昭然令甲徧滋靈更薰
心赫爾新規難免貪胥恣壑時余謬司臬府慚杜弊源
先生以徽省檢校大農呂誨以栢臺整察民部同度尚
之發摘令出惟行藉王儉之精能姦何由作其風節也
如此其文學也如彼海域挹其軒冕公卿服其軌儀以
之丹青政府富貴雖若緒餘梁棟朝家功名必留久遠
願以松班之偶誤遂其菊徑之閒情長樂鐘殘往夢已
如蕉鹿夕陽亭暮秋風正值蓴鱸橫野水之孤舟浩然

去國讀故山之遺集聊爾歸田乃者班馬將行把袂而語恨古人之不見定價爲誰恐來者之難誣敷華匪易閒多吟咏敢冀流傳唯恃惠施知我之深願同敬禮定文之託爰因誣謾畧爲鋪茶夫其括囊道藝之林闕思風騷之內光昭正始嗣蘇李之音微沈浸黃初輝曹劉之骨彩三年楮葉幾費工夫一片瀉綃都成紋縷非烟過眼清風入懷聽曲郢中誰赴陽春之節刺船海上難抵山水之音未望牆籬聊颺糠粃云爾

路學博題意便覽序

儒者讀聖賢書將以體諸身用諸世也沾沾焉句詮而字釋之抑未矣况徒爲時藝作指南乎覽雖

文集卷一

五

取焉雖然書不盡言言不盡意既已屈首受書窮年硯硯而古聖賢言之所發意之所存不能深究僅取一二逢年之技描聲畫影以倖博科名此又與不讀書何異有識者更病之余幼承庭訓年十六即補博士弟子逮歲踰強仕始徵通籍三十餘年間南北東西總以舌耕爲業脩門下士日講四子書一章取大全蒙引存疑翼註說統等書綜其緒論定厥指歸迺復合先朝定待存閑同文錄所選諸大家及故楨名文含英咀華組織成一家言積十五年始竣嘗出其書與同學呂子晚村仇子滄柱風雨明晦賞奇晰疑而二子亦嘗採其說附諸時藝之末以質海內雖可否未知然于此中之甘苦亦

約畧備嘗矣頃膺督河之命駐節平舒學博鹿默菴數稱其同里路孝廉砥行力學司鐸益津日與弟子員手四子書一卷闡微言究精意其或以門外事瀆者面發亦有古君子風余心竊識之未幾來謁道貌古音令人肅然生敬徐呈其所著便覽丐一言爲序余讀之原原本本挈領振綱而所衷仇呂之說則又如逢素心不常數晨夕而訪異同快何如也嗚呼今之爲學博者作一衫援明經例儼然人師者吾無論即或登賢書薦歲進士一旦膺此席不過邀升斗與門弟子較束修薄厚而已否則賦詩飲酒廣樹交游以坐作聲價其于古聖賢精意微言茫乎未之聞也今路子以名孝廉坐典壇十餘載戶外事不一問所相與發明者惟古聖賢垂示之旨則思不出位亦即體諸身而用諸世也使由是而大行焉其成就又烏可量豈猶夫倖科名邀升斗坐作聲價者可同年語哉

文集卷一

五

馮黃門懿生詩序

雁門馮懿生先生學廣聞多芒寒色正令稱大小緋笏橫床屋列東西青箱盈案語通明之家世韋杜唐年論清劭之門風表揚漢代言成準的大雅扶輪行守官庭諸生祭酒丹霄餘簞呈其構厦之材滄海風高展厥垂雲之翼瀛洲學士搜天府之圖書方丈仙人謝世間之風日八九席迴翔講幄數十年領袖金華拜命丹墀

持衡白下裁江南之桃李不種薔薇收冀北之驂騑唯
遺驚駘螭頭退食吟紅藥于西清蟬鬢升華彈甘蕉于
左達鳴朝陽之鶯鶯將令百舌收聲放霄漢之鷹鷂欲
使羣飛歛翼人之不幸今也則亡安民濟世之才黃門
已矣酌雅稟經之句細簡依然其向遊敏果之門遂識
曲陽之面挹清波于劉井沾丐良多攀貞幹于柯亭風
流可即當年桂澤一堂容谷之駒何處芙蓉城千古華亭
之鶴遺編在手髮鬢琴瑟召我之時昔夢登心依稀風
雨懷人之日嗚呼劉真長之悲塵尾心許斯人向子期
之賦節情鍾我輩爰因敬禮定文之託聊作兩成思
舊之銘煤尾墨滿簡端淚漬

大集卷一

五

學博呂雍時遺集序

原夫曆元兆數隨月令以分宗樂府和聲配律音而定
族故受斯姓氏造化每屬鈞衡出彼門牆春秋亦增紀
覽硯友雍時呂長兄絲綸世系鐘鼎家聲生稟奇微隔
地而驚胞紫鳳根慧業見書而訝晴青花吐毫端直欲
迎風笑舞蛟生字裏早思破壁驚飛當黃郎對月之年
已魁博士暨楊子龍禽之日便餽膠官固已名高宿學
儲軼類之名駒譽滿通都矯空羣之神駿爾乃論交最
篤筮麗澤以泳游集益方酣訪他山而攻錯記臨雲之
雅集在丁酉之芳春斯時也筆陣摩天文瀾捲地趨敦
槃而思後奚止兩到雙丁拔旆幟而爭先大都三朋八

俗壯心浩遠君既鼓吹其間豪氣激昂僕亦折旋于後
自盟金石加締絲蘿脫帽呼觴漫道為姻為婭踞床圖
茗馬知誰主誰賓似此忘形相於快意詎料星霜易換
不少升沈膠漆縱敦偏多聚散偶前驅而倖獲仕路茫
茫奈並駕而棲遲名場寒塞風飄鱗羽三千里外空傳
雪染鬚眉十八年來希覲迫息機而返轍懷往事之昔
非因懷舊以作銘問故人其安在幸哉此老大有貽芳
妙矣諸郎正多濟美奉遺編而屬序若定文有記于前
披荆簡而興嗟乃知我實函于素是用循環紉繹說經
就讀狀之風錯落縱橫譚史發觥觥之象褒貞表孝
非華薄而崇忠希聖尊賢都是庶頑而立懦宏篇幾什

大集卷一

五

同年蔡方麓紀恩詩序

其見生平尺牘數行亦窺有超韻乃縹緲插架終淹伏
勝之一經首宿堆盤卻負鄭虔之三絕官居其左在右
氏未必為卑號取夫愚恐柳州或非無憾然而文章原
有定價寧藉熱官著作既足垂型自逢知己又况初扳
台欬起萬丈之文峰再涉清溪挹千尋之墨海龍門望
峻振鐸奚窮鴻筆輝騰棲擅亦樂則今日笑談雖杳寤
寐猶通款桑戶而徘徊豈容題鳳度板橋而踟躕仍許
聽鵬忍斷耶西州末路堪贈者北郭先生
清溪蔡學士目窮萬象胸著千秋閉戶譚經涵泳先王
之澤下帷嗜古周旋大雅之儒夾漈五十八籤率皆默

識陳留四千餘卷靡不覃思煥乎文章聚張融之玉海
繡其璧悅昭郭況之瓊厨高價風馳驚才電逐過江名
士爭爲扶輪入洛時賢交相承蓋雲霄翰聳呈其構厦
之材閭閻風高展厥聊天之翼遂以一翼之雋出當千
佛之魁杏苑題名萊苗協夢平生勵志王曾本海內無
雙當宁傳臚孫弘真天下第一佩荷筒而保直拔藻天
庭賜蓮燭以歸來分光香案凌雲賦上喜司馬之同時
前席談餘嘆賈生之過朕金輝羽殿洵翰墨之大勳王
立麟軒寶蓬瀛之異彩而巖廊寵渥吧咭思深入陳烏
馬之情出捧鳳凰之詔十年及第久邀羣王之榮五鼎
承歡更甚泥金之喜問起居而上壽賜錦如雲迎笑語

文集卷一

五

而稱觥官花似綺蘭泉杉月頻進潘輿雲袞霞纓都成
萊綵感恩 北闕縱眷戀于 九重養志南陔甘棲遲
于百歲詎意匪莪街恤樂棘茹悲雖檀火葭灰流光屢
改而兒啼孺慕祥琴不調時則 鳳帽春巡 虹旂南
下念邵枚之學術嘉乃勤勞鑒曾閤之孝思增其錫賚
拜賜金于 少府開連綴之佳城桃柳依依儼庭闈之
手澤松楸歷歷總霄漢之恩波子平之下兆已申安石
之出山乃決露門載筆日三接于西清廣厦說經歲九
遷于東閣上池金鯉頒及松門宮硯王蟾擎從茅殿擢
爲詹事賜第接于 宸扉呼以狀元殊恩出于 天語
肯敬與言聽謂內相而不名李泌功高稱先生而加禮

以今相較與古並榮而且扈蹕省方每叨清問過家上
冢海被輝光是則張茂先之公才廟堂倚注薛贛君之
經衍物望歸投密贊絲綸羣瞻黼黻正如羣山之仰嵩
岱萬壑之赴江河固宜感物造端婉雅儷頌者矣夫三
德以正直爲先四教以文行居首抒寫性情之什乃號
風騷發揮天地之經無慙述作學士包涵天粹擣礪道
真會三光五岳之全究四始六義之旨新詩麗則大都
忠孝之音雅咏溫恭悉紀君親之德撞黃鐘而鳴大呂
鄭衛銷聲當元酒而挹太羹牲牢無味可以滌濯淫靡
可以支立欽欽誠世教之津梁亦國風之宰匠周京紙
貴秦肆金輕豈比夫潘淺陸蕪元輕白俗而已哉弟 某

文集卷一

五

看花並轡視草齊年罕繼聲塵神索大巫之側幸同吳
味氣蘇君子之前明月入懷玉卮在手較量六代不如
李札之聰誦美三都未及士安之識敢因誣謗畧附鋪
論

頤嵯院三友居序

何水部流連公廨祇托興于清芬表丹陽造訪人家且
走觀夫瀟碧若乃亭亭獨立翠色非筠鬱鬱後凋蒼皮
似鐵杜拾遺移來堂下略比人長王給事種得庭前希
逢鱗老是知芳叢可借衆美難偕雅契云遙一奇孤賞
不有襟期絕曠將往蹟其焉尋縱關臭味最真或名言
之鮮聚如我使君頤公之蒞浙也秉公餘而眺署後緣

故地而構新居植松竹梅若干顏曰三友噫異矣間嘗
遐考芸編旁參并譜見夫尊之爲吏曾拜大夫愛則稱
君并呼慈母至於月明林下美人之相贈胥宜雪滿山
中高士之交推不爽如斯比類亦復多端要未有畧形
骸敦性命而直呼以爲友者詎期烏幕朝暉森其才而
羅列柏臺夜雨須我友而樂羣創者何人定非俗子草
之此日殊勝當年抑思薄海熬波赤地乏半枝之蔭單
車權鹽黑天惟冗竈之遮填委簿書那容拋擲安排商
僧難免綢繆又况冰節乍移奈星軺之速去瓜期易及
等傳舍而難留槩窘倥偬漫誇瀟洒公乃寄情其遠結
契彌高歸告徑以相延庇荒齋而共寫未嘗折簡自許

文集卷一

夫

招攜試一披襟真堪晤對向伊不厭忘佳客之忽遇合
是日寶其勿到鏘鏘環珮豈信人間渺渺竿笠
直疑天上荷歟舊緒展也芳規因是竊有感者以彼樵
歌漁唱微風月之遞乘花笑驚啼閑亭臺之幾換仙翁
已杳嶺抹萬株刺史奚從閑沉千个蝶雖撲粉誰爲蘇
女之樓鶴縱歸雲茂認林君之戶凡湖山之荏苒皆倦
仰以躊躇公獨開心尋幽自喜人咸合志懷古滋殷吟
嘯連篇憲府便似神仙之窟獻酬累牘銜竟成騷雅
之區而且加意采風刻期彙錦歌斯友者莫非鮑逸而
庾清頌厥居焉都是班香而宋豔投珠實燦倚玉增輝
雖白傳之三朋但傳北牖即米顥之獨拜罕和南宮僕

既息松檟窺繡句集偏屬序勉綴蕪詞支願抱膝之餘
頗饒想像蘸墨濡毫之後還欠形容惟是扳來桂樹羨
淮彥之皆仙玩去桃花卜劉郎之再駕庶其券若聊以
弁諸

花園里朱氏宗譜序

吾邑多著姓顧漢唐以降號閭閻者槩陵夷矣惟元明
迄今勲名爛然後先相輝映不下數十家而自宋以來
四五百年間出處彬彬敦倫勵節崇經術以昭理學之
傳則朱氏爲最考其譜牒上溯顓頊歷三代暨秦漢六
朝代多偉人彪炳史冊逮唐季制置茶院公始著新安
八傳至吏部公韋齋官政和遂家于建誕考亭夫子爲

文集卷一

五九

孔孟後一人于是朱之在閩在歙在金陵吳郡永城者
無遠近皆宗之而吾邑花園里朱氏獨以考亭世系雖
班班足據恐世遠涉疑寧闕如斷以宋皇慶間千二朝
奉公枯爲始祖蓋居浮橋而藝花園肇跡確然從信不
從疑也夫以考亭之賢俎豆千秋縱不朱氏亦可遠宗
而祖述况世系昭然者乎而慎重乃爾較世之妄宗華
胄影續名賢謂他人父而祖若宗反湮沒不之問其志
趣相懸爲何如哉且聞朱氏統紀茶院公之後有宦武
原者居尚胥里世號東朱而考亭哲孫轉運兩浙遂卜
居杭郡主文公祀其一子復徙鹽官小桃源稱西朱是
杭與東西二朱皆與千二公系相屬居相近昭穆相次

不稱素詩書繩武冠蓋比肩主宗盟者似可比而同之以鳴厥盛而諸公復以族紛人衆訂核維艱板雖三四仍以系出本里者爲三大支條分縷析源委秩然非特誌科名詳爵秩也凡力田而敦行下帷而稽古孝友睦姻貞烈可垂者雖貧賤罔或遺焉噫近時家乘所紀不過揚扈魏科舖張官績否則文采風流蔓援枝引而終實什掛棄遺不一錄者何可勝道睹斯編其亦知慙然愧憬然悟否也余生也晚花園里典型在望不獲盡觀矣然即如近修先生窮經讀史以名孝廉爲人倫冰鑑而長歎短喘姑自號欠菴以鳴其俯仰負疚之意亦可慨矣康流先生掛冠遐遊胸羅百家言嘖嘖如不出

文集卷一

李

口而窮年著述實足闡微言而垂百禩不欲效義熙遺老托詩酒以怡情吾邑著姓中求如兩先生有幾人哉而前與後之彰彰耳目者又未易更僕數矣憶少時一謁欠菴聆其緒論康流公則數經提命者嘗偕其猶子與三乾若若生諸君同事藝壇而哲嗣子懷砥行嗜古與余交倍篤講成問序姑爲之述其概若夫圖系之詳採訂之確紀述之明備一覽而勃然興仁孝者諸先達詳哉稱之不復贅

顏伯寧傳序

顏君伯寧曲阜根條平原派行廟藏鵲印表襄鄂之勲庸庭列蟬簪配朱張之族望文通武達世祿綿延地義

天絕門風清劬故其學由師授仁自性生魏郎美戟之年即知叔父黃童對日之歲不惜捐軀蹈白刃其如歸黃巾而益奮遂使鵠兒稱孝遠還鮑出之親賊賊聞風勿犯華秋之里既而讀書厲行挾藝射科將經營于四方竟棲遲于三徑宗族票訓鄉黨歸仁聞徐孝甫之誘人望廬引咎懼王彥方之知我被戮甘心排難解紛頻脫鉗奴之厄嚮風慕義爭求蘄橡之書而淳白難緇揭謙不伐襄曉報德畏暮夜之難欺嚙首酬恩恐屋漏之多愧而且憐婦翁之無後納姬侍于別廬門戶不孤其家有紹孔仲山固阿里之善士魯仲連誠戰國之高賢卦揲中孚福操左券固宜九百餘策錫之自天七十

文集卷一

李

一人嬉恒繞膝泊乎歲當辰巳運厄龍蛇一隻黃麟方征寥廓十九白鶴頻集軒擗月羽攤機類陶家之弔客霜毛秀整疑張相之前身似茲下瑞生祥定屬人倫之異事益信澡身浴德當爲國史之名流敬序傳端用彰風軌云爾

常先生鄉賢事實序

近世士大夫頌揚先烈輒舉科名爵位侈耀當時否則著述有所表見亦或追叙之不忘間有述及行誼者類必瑰琦卓犖驚人耳目之舉而日用倫常置焉勿道以爲是庸行無足多也豈知官非可恃文不足矜新奇可喜之事庸俗驚焉君子不錄而惟茲日用倫常飭躬砥

俗以善厥身以垂厥後科第文章亦往往于是基焉蓋報施若斯之神也常給諫縉公與余同榜成進士釋褐時善氣迎人已現世德然余官翰苑縉公出宰山左踪跡淵疎淵源不獲深悉甲申余奉命督河駐節平舒去歸義止三百里邑紳士洎父老嘖嘖頌縉公官聲皆由先生積德累仁貽謀所致余心竊誌之及奏績還朝縉公亦膺銓車之選共事容臺幾一載乃備知先生生平積累善蓋方州而縉紳士庶羣彙其素履呈諸當事俎豆宮牆給諫遂付剞劂以公海內嗚呼余一言為序余不文然誼不敢辭因即其所頌述畧為表章而敦倫砥俗科第文章之盛淵源固已遠矣較彼高談世

文集卷一

奎

間遠追文望與夫矜奇而弔異者且夕間非不赫然未幾而湮沒竟不復振孰得孰失相去為何如哉

稽叔子先生三集序

酉戌之交淮陰稽先生以當代峻望來守吾杭龔黃異績更僕未易數閱壬子歲屆寶輿先生檄九邑弟子員自春王至秋七月月各命題一試試凡有七某不敏俱叨冠一軍九邑嘖嘖傳為盛事先生以縉衣之好囑邑令召某一見某性迂從未懷一刺投謁官事竟不赴乙卯忝賢書公車過淮始造訪先生先生喜甚曰吾向為若郡守召不一來今已老牖下惠然肯臨何古道之敦也酌酒而別已未春先生膺鴻博之徵某亦以計偕抵

相走西郊握手先生遂以病南還不復起治官翰林公嗣南軒適與同署相得益彰辛未督學江左南軒乞假過澄江晤別別後雲山曠隔杳音問者二十年辛卯春先生賢孫麟洲即南軒之子也忽辱顧寒暄外問何所事曰先君子存日旦夕間獨佩先生今去世不肖承先志不遠二千里無他幹念先大父立德立功彪炳寰宇其立言也著述等身真可信今而傳後所刻初集不計十火存者僅二集都人士羣奉為指南不肖輩搜檢竊復得遺稿共若干續為三集將剞劂以行久遠當公宗工惟先生而先生又獨敦古道敢丐一言叙之用藉不朽某驚謝不敏繼又念知己之感雖老彌篤而麟

文集卷一

奎

洲跋涉數千里表彰先烈尤未俗所僅見誼曷敢辭遂展遺稿讀循環不能贊一詞畧叙其淵源之概若夫文之卓犖彷彿韓歐詩之沉鬱詞之雋永竊然以深峭然以古直與唐宋諸名家互爭雄長讀者自知之非末學敢阿所好也

蔣約齋玉筍堂詩集序

憶乙丑蔣子鶴汀挾其時藝一冊虛懷請訂余讀之原原本本絕遠時蹊早悉其家學之特異矣數奇不偶出宰臨陵凡所施設一本世德為愛養不數年仁聲翔洽邑士民戴之若真父母是鶴汀之文章及其政事何一非庭訓之所貽耶壬午膺銓車之召某亦曾虛左忽以內

難歸都人士惜之庚寅補西曹晨夕晤對溫文爾雅不
啻明時白雲司王李諸公風流復見益心儀不置辛卯
春因予將南旋乃出其先人約齋先生所咏五七言近
體三十六首丐余一言雖未覩全豹而春容渾灑駉駉
乎已入三唐之室其傳世又何疑焉余因之竊有感矣
先大夫負奇磊落滄桑後棄舉子業寓意詩古文高吟
密咏晦明不少輟十餘年詩可約萬首蒼鬱沉雄直與
牧齋梅村兩先生互爭雄長然秘之枕中不肯一示人
丁酉秋病劇命一童檢篋笥所存悉付祝融氏併呼余
兄弟曰陶靖節丁與午之末寄情詩酒冲融夷澹圭角
渾然而吾則撫時感事慷慨悲歌不無忤俗之句故火

文集卷一

奎

浙閩總督王公制義序

韓退之有言自古文章之作恒發于羈旅草野至若王
公貴人非性能而好之則不暇以爲而獨于僕射裴公
著作則稱其鏗鏘發金石幽眇感鬼神謂之材全而能
鉅余讀王先生之文而益信斯言也先生學本六經貫
串諸子百家之說自十七史以至馬鄭之箋疏朱陸之

異同靡不探其精微舉其稂莠而一一發見于文章弱
冠取進士第歷官方面爲一路福星轉躋卿曹遂開府
建牙統制浙閩擢賢能黜貪穢吏治民風翕然不變至
今兩浙士民尸祝不衰始余典試西蜀先生觀察北道
聞風投契即以古人道義相期許自後歸京邸數從晨
夕言方行矩卓然海內人師時而興會勃發詩古文詞
伸紙直書搖筆千言立就渾灑流轉中有淵然之光蒼
然之色蓋余之心折于先生非一日矣余房師幼水陳
先生作宰惠安治行爲天下第一以不善事上官不得
報最偶向先生言及輒扼腕不置及蒞任八閩即首列
薦劄余益服先生之知人善任爲不可及也嗟乎先生

文集卷二

奎

功在社稷澤被生民固不但以著作名世先生之著作
又不但制舉業可以傳世行遠然竊謂佳文之在天地
如珠玉錦繡其精光寶氣蓋有必不可沒者今年夏先
生令子轉托張公鳳崖持先生制舉業若干示余
問序將開雕行世余讀之見其取材于博取精于約左
宜右有運奇制勝時而長江大河頃刻千里時而鍊金
成液寸鐵殺人其所化裁于先民者上自歸熙南唐應
德下及金子駿陳方城有明三百年以制義名世者皆
以資其鎔鑄而一歸于醇正噫觀止矣始公與武定相
國李公友善各以名世自負其功名遭際亦畧相等而
其文又各自成一家之言昔韓魏公不言政事歐陽文

忠不言文學蓋不欲以其所長誇耀當世然是二者兼之為難如先生與季公兼而有之信所謂材全而能鉅也余歸田以來杜門却執久不事筆墨辱張君之請追維曩昔數十年間舊雨零落慨然太息獨先生之文信其可以傳世行遠因併識其大概于端

顏氏家乘序

睢陽忠義公世籍鹽官少時讀書故廟祠墓俱存歷代遣官奉祀子姓聚族居許村數十世譜牒昭然邑同姓皆宗之獨先大夫訂家乘以時代既遠恐間有疑誤特遙奉焉斷自許村初遷洛塘公為始祖辛卯秋 子告歸里同學朱子懷家譜成問序于余併述其尊先生康

文集卷一

李

流之言曰東南朱氏繫宗考亭吾獨以世遠關疑第奉始卜厥里者詳其世系不少素余聆其言與先大夫意昭合欣然贅數語以慰其請甲午冬族兄水心過硤川緘一編囑曰此復聖公家牒七十八代孫甦叟翁所手訂翁係老友願丐一言幸勿辭余唯唯繼思唐宋迄今間時不甚遠康流先生與先大夫猶厯闕如復聖公遙居東魯歷今二千餘年南渡以來地遷世異考核惟艱徘徊者久之姑置篋中不敢贊一辭閱數月乃恍然曰咄哉何余識之拘也禮祖有功而宗有德子思贊仲尼曰祖述堯舜豈堯舜果貽謀而仲尼迺繩武哉朱子曰祖述者遠宗其道道之所傳功德存焉祖而宗之即水

之源也木之本也復聖公當中天之季早年聞道集大成至聖並垂萬禩後之好學者苟有志聖賢縱非顏姓亦可遠宗而祖述況甦叟翁讀書砥行出處卓然久尊為武原文獻水源木本之思祖論其孫父勗其子由武原而訪桐溪由桐溪而考石門由石門而溯曲阜遠稽近核垂數十年折衷乃定源源本本必有確乎其足信者紹先型而垂後裔功孰偉焉余顧以遙遙華胄之閔氏同類而疑之母乃好議論不樂成仁人孝子之美乎哉且余更有說顏夫子年僅三十有二早列聖門向使天假之年窮神達化又何可量今甦叟年且八十七矣食貧樂道耄期不倦其於簞瓢陋巷之所得或更有賢

文集卷一

李

于人者水心兄試以余言問之甦叟翁然乎否

洛塘宗譜序

乾吾父而坤吾母人之所自生皆天地也九州八荒具形色而戴高履厚者孰非吾同胞乎哉沾沾焉惟宗系之是問隘矣然而源雖一本流則萬殊古聖王於人生得姓之始別其親疎叙其遠近由同懷而推異服由異派而溯同源祖功宗德昭然若睹人之所由無忝於所生也向使負形成質列衣冠而讀詩書詢其所自來數代而遙茫焉莫曉則與夫翼而翔脰而走飲啄奔趨以畢乃生而鞠我育我反眼若不相識又何以異焉若是乎敦本睦族生人大事而宗系之不可不辨也顧宗宜

辨矣而三代以後動誇門第以爲我舊家我大族非單
寒烟起者可望亦思開闢以來迄有今日均是人也孰
非盤古氏所詒何舊何新何大何小况既已得姓數千
百年之久有貴即有賤有賢即有不肖帝王之冑神聖
之裔亦不能免而今之訂宗系者不問真僞不究信疑
妄援顯秩竊附名賢自謂遙遙華胄光垂簡冊而不知
謂他人父我祖我宗反棄焉而若遺較之翼而翔脰而
走者罪更浮十百矣尚可覲顏於天地間哉子生也晚
不獲博稽文獻但就歷史所傳郡邑所志家乘所載知
許之厥初肇于炎帝至伯夷佐堯有功爲太岳而食采
許昌則自周初文叔始歷秦漢六朝以迄唐代六十餘

文集卷一

五八

傳至忠義公世籍鹽官出守睢陽殉節後歸葬本里讀
書林側建廟雙忠賜祭田二十五畝餘歷代春秋奉祀
子政婺州司馬現金吾大將軍共居邑西鄉號許村二
十一世及五提舉公出處名位譜牒昭然而先大夫獨
具卓識謂唐以前無論即睢陽公忠貫天日善炳山河
縱非許姓亦可遠宗而祖述祖豈不桃况世系彰彰何
敢自外第千有餘年滄桑疊變倘間有疑誤此裏何以
自安斷自五提舉次子誠齋公從許村初遷洛塘耕讀
開基爲前步橋始祖移遞承鑿鑿不爽子若孫其謹
誌勿忘予不敏仰承先志從前許牒不敢遽泯而誠齋
公以下迄今十有四世爲之表其字諱考其生卒詳其

妻妾子女親疎遠近一覽而興敦睦之思庶幾誠齋公
世澤藉以不朽即質諸睢陽公以上得姓所由縱有關
如淵源自可默契何必援顯秩而附名賢爲有識者所
深鄙耶至于同宗數派遠不具論而同籍鹽官者如許
村許巷長安邑城靈泉里白洋池沈蕩岩福以及武原
數大支統譜猶存可分可合姑以俟後之修明者

宮詹李吉津先生東村集序

壬戌之春予雋南宮其同榜進士首除縣令者是爲濬
邑李君西音之任之日同人祖送國門皆曰君此行非
久即當膺鋒車爲臺省官李君奮然作色曰士君子出
膺民社當期不媿古良吏寧徒阿娵取容上官苟以報

文集卷一

李九

最而已耶及之官蒞事精強無所撓避竟以不合上官
意投劾而去杜門教子弟無幾微不平之色于是慨然
心折西音之能踐其言而恨未竟其用也及癸未會試
天下士子倖廁總裁得一卷古質蒼然含章蘊采歎爲
老成績學之士撤闌詢之則李君同懷弟孚若也比來
謁魚魚雅雅退然如不勝衣蓋蔚然有古君子風暨謁
還爲江南石埭令二年後以試事墨誤吏議當落職而
此邦士民攀轅號呼哀籲請保畱者日以千百數大家
宰富公適識此案細訪李君善政得民之深遂招以
上聞天子知其賢嘉家宰能知人復原職補任浙江
德清令甫下車黠吏豪宗憚君威名屏息觀望君則愷

以強教之悌以悅安之不剛不柔敷政優優治行爲浙屬第一中丞深嘉之俾攝篆石門復翕然化效石門士民惟恐君之不久于斯邑也其德清父老則又日夕祝告惟恐君之一日而離吾邑也予因是竊歎李君兄弟先後舉進士文學吏治俱卓卓可紀述如是果何以致此哉今年秋八月予若惠顧余舍持吉津先生東村集拜手進言曰此先子遺書將開雕行世乞夫子一言以垂不朽予盥手捧讀迴環數四慨然太息知先生之忠孝文章佔歆後昆而西音乎若兩君之出處事業故能光大其前人也語曰草無根醴泉無源其然豈其然乎先生少年擬魏科三十典京闈未及四十晉位官詹

文集卷一

主

正議直指位非言官而以人所不敢言者去位謫戍陪京聞命即慨然登車偕雪海天中諸先生齎倡七年忠君愛國之思發乎性情見於懷歎無時無地而不有焉卒之先帝念其孤直命返鄉土作詩自述云只有故園三畝地疏泉好灌紫梢藤其天襟洒落意致蕭疎又何其言短而味長也先生與宛平尚書王公眞定相國梁公同年同館中更升沉不以盛衰得失易其交情今觀其集中詩文往復古道照人一人爲廣陵散矣嗚呼先生名高千古游轍遍天下文章垂世讀之無間知與不知莫不感發興起有動於中況予與長公爲同年至交次公又忝有文字之知此尤爲之俯仰徘徊掩卷

歎歎而不能自己者也今先生往矣而後嗣代興濟美前賢先生其可以含笑于九京而無憾矣夫

史記十則序

讀史者貴得其大意之所存以綜其源流之終始而辨其質文煩簡之宜如杜武庫之於左氏范豫章之於穀梁不彬彬乎稱雅構哉若夫分曹折類摘撫補苴驅古人之精靈以就我範圍則昔之君子罕從事焉雖劉向七略鄭默四部通典通志暨近代左右編諸集要皆總羣書而爲之非於一書有所變置也亦可知提要鉤元之非易易矣江都蔣君海賈六籍著書等身而龍門一編尤爲扶藩籬而窺堂奧由是分別義類釐爲十則兼

文集卷一

主

綜條貫不蔓不枝蓋髣髴于紀事本末之義而自成一家常言其用心亦良善矣說者謂馬遷之史瑕瑜互見如所謂其文直其事核以及先黃老而後六經退處士而進奸雄者昔人言之詳矣今第綜其始終酌其文質使二千餘年間是非成敗瞭如指掌亦足以識大意而觀得失之林固不必凌裂位置以掩古人之真如劉季緒之見謂于東阿也然余惟史學之荒落久矣世之學者拘文章習掇採陳言童而誦之老而無獲尚安望其沈酣勃窳驅駕從心於墨守膏肓之外匠心獨運如蔣君者乎况夫引經雖異曲度維均不屑屑于作者之跡而仍無失乎作者之意則真善讀史者而未可與季緒同

年語也

東安令周子草窗嘉禾集序

皇上垂衣四十有九年緝熙至道保合太和齊七政於璇衡調四時於玉燭漏泉滴露竹葉均沾莖葉實連宮庭迭見則有黃雲覆野村村華黍之祥朱稼搖風歲歲歸禾之盛露白光天之下吐秀銜葩霜青薄海之濱充箱置隴况東安而近華蓋得氣尤多爲北闕而作鉤陳占春最早一莖六穗大有宛平之苗異類同株絕勝瑯琊之稻扶輿淑氣固聖治之馨香宣布中和亦官曹之材傑縣令周子草窗汲古得綆學道愛人展驥足于九霄試牛刀于三輔四知自凜百廢具興頻宮則碧瓦參差都無蔓草城堞則丹樓縹緲宛若晴霞絃歌聲裏夜闌無吠巷之危秔稻香時秋盡之打門之吏藉茲民樂用召天和雖粒粒紅瓊盡屬田家辛苦而垂垂白髮半由邑宰陽春昔張堪之典漁陽謝承之遷吳郡兩岐數穗異代同符得結數公出爲霖雨如仇百輩往作福星倉無碩鼠之偷野有維魚之夢豈非迂叟所深賀杜陵所亟稱者哉於是人懷綵筆家寫紫芒篇篇得秋水之清字字奪春雲之麗日月之貴名方起君畏人知乾坤之新渥必蕃吾爲爾宰

文集卷一

圭

大城王文若詩葉序

詩言志非以鈞聲譽也三百篇清廟明堂而外窮巷幽

棲勞人思婦苟有得于心即可矢於口登諸編簡被諸

管絃太史陳之王侯探之吾夫子亦未嘗刪之若是者

何哉其志篤故其言傳不必皆高位而望重也自風雅

既降源委漸岐談詩者或溯魏晉或倣齊梁或尊三唐

而宗兩宋元明以來條派尤別要其所崇奉者類皆名

公鉅卿之句否則亦必經其賞識而後一唱衆和羣且

奉爲指南他如鄉陬績學皓首吟歌而敲金戛玉埋沒

于流俗人之耳目者可勝道哉歲丙戌余駐平舒河濱

岑寂子焉寡儔忽一日樓堤王生手其先明經文若所

著詩若干問序于余余閱之春容爾雅灑灑可誦三復

之餘詎敢謂追踪陶謝比跡王岑駕蘇黃而軼何李要

文集卷二

圭

其性情之所得溫厚和平蓋實有足多者近世士大夫

幼從章句俾一第始徇時而嫻吟咏根柢原未茂也閱

數時稍有所得倏然自豪漸且剗梨棗樹壇坫雄長一

時而聞風與望影者又或羨其爵位炫其聲名爭相推

許爲當代宗工其于志之貞邪言之純雜果有合于古

作者之詩否究未之計也視文若之所著優劣果何如

耶余故樂序之以媿世之耳食而鈞聲譽者

同門吳司成花底和鳴集序

鳥鳴於春蟲鳴於秋鳴則同而聲變已唯風亦然當其

初春物溫溫徐來草木遇之而鳴人亦愛其鳴也及

其盛發果烈叫噉怒號若有所激於時而鳴焉者人之

以文辭鳴也亦若是焉耳矣同門吳鱗潭與余同官承明十年逢天子特達之知常侍上左右出入講幄又上好文學時令進其所著詩古文辭親爲甲乙以故鱗潭得以其欽崎歷落之概鳴於朝應制之暇退朝花底則聚其氣類之相應者爲詩酒文讌而善鳴之其聲惜惜云是以讀鱗潭之詩敦厚而直摯藹然爲盛世名臣之言其感人也如春風之被物如琴瑟之專壹焉泉所謂和其聲而使鳴國家之盛者其始此耶伐木之詩以鳴其鳴矣求其友聲又曰神之聽之終和且平故其鳴嚶嚶如也鱗潭之以花底和鳴名其集也其有

文集卷一

古

伐木之遺哉余交鱗潭爲莫逆知其人坦率而剛直嚴氣正性待子弟不少假借視朋友如性命偶有不合意即拂然以起面發赤髮上衝冠其人心術之久而思其言之切於病也輒近前謝過鱗潭即欣然交好如舊蓋余儕之益友也其鳴也進於道矣其亡時余爰之失聲今其子瞻泰瞻洪先哀其詩集若干卷壽少梓而問序於予予熟視之甚有所傷感於其中而亦不自知其情之何以鳴也爲畧書其概

查夏重敬業堂詩集序

夏重之重于人與人之重夏重者豈獨以詩哉其在家庭也愉婉承歡善繼其尊人逸遠先生之志與其弟一

堂師友砥行立名至于垂芳垂訓慈而彌嚴長若幼皆能自樹立倡隨之誼食食相莊悼亡一賦終其身不再娶其飭躬子內也如此其立朝也著作承明出入禁闈者十年天子嘉其勤慎卿尹服其恬雅年甫六十四遽移疾還家其於進退之際又如此則夏重之足重于人與人之重夏重者固自有在不獨以詩也明矣即論其詩亦恢之以學問深之以涵養且歷覽字內之名山巨川以達其氣裕其神而擴其耳目之間見即物寫懷寄其忠孝友愛至性至情之所蘊蓄而流露初非規規焉爭能于聲律字句間也平生所作不下萬首今手自刪定起已未迄戊戌凡四十八卷取隨駕山莊時

文集卷一

集

御書賜額名曰敬業堂張乞余六言弁首藏諸家余與夏重生同里重以昏姻晚又出余門下自其少時伏處海濱迄三十歲以後游學京師歷任歸田數十年如一日世之知夏重者孰奈若遽不辭而爲之序修陶菴先生夏重舉京兆時同年友也既而南直內廷晨夕數年頌聲唱和儕輩皆一時之選而其服膺者惟夏重一人丙申冬出撫東粵夏重來訪之隔別捐俸鳴謝其詩以問世是夏重之見重于陶菴與陶菴之重夏重者跡雖重其詩實不獨以詩重也世之讀夏重詩者以衰朽或不足信請試贊之陶菴先生

余浣公先生大觀堂集序

余幼習舉子業即知暨陽有余浣公先生讀其文思其人而未得見也未幾先生出宰封丘治行為天下最章皇帝擢置南臺正色立朝嘉猷讜論傳誦中外余益想望丰采而思一見吾先生乙卯秋幸與令嗣靖瀾同舉于鄉時總裁為徐王兩夫子而易經兩房出酉山許先生門者陳介眉等九人出陳幼木先生門者方若韓等八人而余以謏陋倖荷先驅兩門得士極一時之盛先生喜甚招飲寓舍分韵狂吟武林傳為盛事既而同榜是匪菴謁先生一見恨晚語靖瀾曰是科人文俱堪領袖而究其成就則吳與仇庶足與許子並輝廊廟為當代典型汝敬事之母忽謬荷推獎如此乃再上公車

文集卷一

主

至壬戌同成進士因上幸陪京九月回鑾殿試屆期靖瀾忽辭歸省親強留之不得至家而先生果病聞旗鼓迎門喜出意外不數日霍然從此承歡膝下旦夕不忍離左右至戊辰先生促之廷對對畢倉猝復回而先生竟于己巳冬告逝養生送死終其身無稍遺憾噫仁孝之所感異矣讀禮既竣經營窵辛未春余視學兩江持札招之介然不來余心折不置越乙亥靖瀾以就還抵都余大喜下一榻風雨明晦同臥起者幾一年除掣龍陽尹遣人至鄉攜家屬抵任清操偉績誓不名一錢明年再得一子曰我願畢矣即欲辭印綬督撫交章薦剴不得已復強從事卓魯之績聲傾朝野余與匪菴

聞之喜欲狂謂旦夕此君來吾道不孤矣乃銜車已召忽以病告叩其故曰吾從事臺省朝夕營營先君子生平文集誰與為哀輟者遠飄然賦歸同弟瀟友蒐輯梓辛卯秋余歸田靖瀾以先生集惠示余考其政績閱其奏疏雖龔黃韓范無以過即其他所著議論如賈董叙事如班范詩歌出入唐宋大家元明以來如先生有幾人哉考亭曰人之傑也鍾靈于地已亥春余與靖瀾同登八表因渡江一祝獲拜先生墓謁先生祠登先生堂瞻其車服禮器恍然如覩宗黨萬餘人巷滿烏衣而親苦曾元甫四代已一百五十有四荷歟盛矣靖瀾縣車任菴後守惠郡餘皆官成歸里孫曾輩英英王立賦

文集卷一

主

鹿鳴入鄉序而貢太學不啻七八十讀書談道皆藏器待時餘雖幼斲然已見頭角越州為江左名區王謝以來千餘年地之靈不鍾于先生也耶更足異者余過楓橋與靖瀾一數晨夕即抵高湖宿繼明五年兄齋不先後榻以外忽產靈芝三莖遠近驚視者日無幾隨構一軒顏之曰芝瑞奇禎異彩流傳奕葉孰非先生至德格天俾八旬兩老人附垂於不朽也因濡毫而記之願世之觀是集者領其詩讀其書論其世以想見其人大哉觀乎勿徒作文字觀則觀止矣

序二

江寧府歲試卷序

天子誕敷文德聲教達於無垠而廣勵學宮作人雅化於江左尤加意焉霖以疎陋承乏斯席惴惴懼弗勝任念學臣之職以明道成德維風易俗爲先而士子之學以居敬窮理躬行心得爲要衡文校藝特其一節耳然言爲心聲仁義之言謁如古者必以是爲觀人之藉也今大江南北人才蒸蔚所恃循聲覈實以相爲劇切者得憑一日之文而可以易心處之以躁心嘗之乎夏六月首按金陵溽暑揮汗閱次其高下有慎無易寧紆無躁既竣錄文如干首授之梓大抵取其理不詭于聖賢意各抒其懷抱而聲調字句之工抑未矣諸生尚沂流以窮源益致力於根柢之學毋狃于淺嘗無安于小

文集卷一 七

成則余實有厚望而凡摩厲以須者咸務元本經籍屏棄陳因彈自具之心思以發明乎聖賢之旨趣將見風氣日上且以是編爲秉耒之先焉夫君子之于文不惟其辭之好好其道焉爾果其德日益修行日益勉而猶有文不日益工者哉本之不圖而徒思撮述則浮華易萎譬陳宿饌以饗賓其吐之矣能無惡乎爰弁數言布告多士

太平府歲試卷序

姑孰山瀆環秀有天門靈壚青山白紵慈姥浮丘之勝大江湧流烟波上下歷采石之險則詩人錦袍放歌處也然屏之浦靈怪鍾焉意高深所毓當必有雄偉奇傑

之氣發爲文章又民風素泊不尚雕飾意必有淳古渾樸者振響於其間爲拭目俟之矣閏七月按試時殘暑未收初涼乍起披閱之下不厭再三亦不敢執向所期者以相繩惟是理必取其真意必求其達氣馴而自充詞質而近雅庶稱彬彬矣且夫試牘之文固因乎其地而亦將以云救也竹箭丹青橘柚梗梓物之美者亦綜其大致以爲言耳固不能強其所未有而惟即其所有者而別其良以是爲因之矣至若溯秋水於駟鐵之鄉考鐘鼓於蟋蟀之俗風人所錄凡以云救也制義一道積習新積新成故枝葉有遷變而本原之學爲必不可易祛陳腐者先以蕩滌返空虛者歸于根柢救之稍

文集卷一 七

將有所進焉夫濬源以及流自澗而陟遐昔人取義於學山學海者豈一得輒以爲至哉則所爲雄傑之章淳古之音予終拭目俟之矣

蘇州府歲試卷序

自有制義三百年守溪開其盛震川集其成皆吳產也迄今弁冕羣彥鼓吹菰林類多發蹟茲土焉豈惟山川清淑之氣鍾靈毓粹要亦鄉先達風流弘遠弗替引之也秋八月按試玉峰一時才人學人標穎擢秀雖風簷走筆亦樂觀其盛矣夫鴻文輔轍業已成大名顯當世諸高才生率皆翱翔京國讀書上舍而其留于庠序者不乏大雅之士而負奇挺異于童子科者又往往而有

吾於是歎天地之生才爲無盡也雖然竊有慮焉吳俗向號浮靡開闢之間技巧薈萃丹青金碧之集絲縞錦繡之陳得無有出見紛華而悅者乎尚標榜馳結納廣攜梨棗羣飾羔雁則名盛而實衰者有之吾既以前之所幸者爲諸生勉而復以後之所慮者相戒于或然也足乎內者輕乎外掇其實者謝其華則德奚患不日修學奚患不日進區區制義詎獨讓守溪震川專美于前哉既嘗以斯言告諸生而於試牘之刻仍識諸簡端

松江府歲試卷序

夫清水也其來有本其行以漸其積之也深以靜大力能負中涵淵光其文之體乎乘時而盛百川輸灌迨夫

文集卷一 全

潦盡源清不落日其文之候乎或平流如掌千里一碧而或洪濤奔駛汨沒魚龍雜揉沙礫則文之不一其境乎若夫風水相遭於大澤之陂舒蹙疾徐揖讓旋辟至乎治海之濱洶湧怒號橫流逆折宛轉縈回此所謂風行水上爲天下之至文以其出於自然也松江接溪澤之流蓄以泖浦注于大海風土所鍾發而爲文宜其有似乎此也夫制義特文之一端耳有體有候不一其境即今論韻格者稱元宰論才調者推大樽兩先生固各有所以耶同源異派而容臺幾于自然矣今閱雲間歲試牘亦既各徵其體各覘其候各呈其境則歎爲洋洋浩浩不同澮盈不與波靡沿而進之將有漸近自然

耶雖然行者文之本也祭川者先河而後海或原也或委也苟濬其原而竟乎其委其又烏可量也夫

揚州府歲試卷序

北走燕南走越舟車之所衝貨利之所集商賈之所聚揚州爲最其間偉人傑士後先繼起則又風雅之所鍾也予校士茲土因憶鮑明遠之賦蕪城李伯紀之賦迷樓其故址既已草蔓煙荒徒供感慨爲後人炯戒若董相之祠俎豆如故平山堂檻煥乎復新未嘗不歎理學文章之澤歷千百年而未艾而不與繁華聲利同歸歇滅也夫積之也厚則其發之也醇而其傳之也彌永董子正誼明道之言發於六經灰燼之餘至宋儒而大顯

文集卷一 全

其指歐陽公振興一代文運其言循循一軌於正視當時權術功利之說迥不相侔固宜其流澤之遠矣夫文章不足與理學相表裏者與無文同學者可不審厥源流厚自蘊積哉既閱試卷見夫名章傑構雅足資實乃往往有不自振拔者何歟誠明乎義利之辨以厲其志相與涵濡乎理學發揮乎文章而不徒標選樓東閣之韻爲風雅也嗚呼斯真風雅也已

常州府歲試卷序

苟有所自得於心而發之爲文其於理也必貫其於氣也曲而愈昌其辭必潔不拘拘焉受縛於法而動與法俱則可以爲文矣苟無所自得於心而以一知半解之

理假外強中乾之氣飾塵羹土飯之辭因鎖決裂而無法焉尚可以爲文乎若夫所得有深淺則文亦因之爲厚薄非可假飾於外而強之使相同當其至焉則同歸於是而已即有至有不至不妨各抒其所得而正樂觀乎其異也余於常郡之文遇之蓋自端文忠憲重興正學爲一時節義文章所自出寒溪落日不斷流風書草荒亭猶沾餘澤生茲土者能無興起余以暢月試澄江時積雪盈階短檠長漏飛霞從隙中落紙上颯颯有聲每得佳義覺四顧皎然閱童子卷往往從淡墨滲紙模糊凍空間綉繹而出即短章片句亦不忍沒也夫文之作者既以知其中之所得而深淺厚薄次第互收誠不欲以一律相繩而樂觀乎其異矣雖然吾以俟其同諸生其益務深造涉前賢之津筏溯厥淵源可以知文之所自來其不與榮飄音過同歸易泯者蓋不徒有得於文已也

鎮江府歲試卷序

余常登金山西望長江灝淼萬里渺無涯際其東則大海接之洶湧澎湃詭滴萬狀而鐵甕城實橫亘其間士生於中者既得夫江山清淑之氣而又日以驚濤怒流沐日浴月之觀開豁其心胸豈終鬱鬱不吐其奇哉余採風至此意必有非常之士磊落雄特之才光燭震耀足以洞心駭目者蓋未始不一二遇焉惜乎求之而不足

文集卷一 全

多見也蓋士學之弊亦日以甚矣文不歷變則不工而安常習故者每苦於不能變其好言變者則又爭趨於姿態之妍句調之美而文遂日隳於空薄夫江流之吐吞海水之鼓盪煙雲風雨頃刻百變而浩浩湯湯終古不息者其渟蓄深而滙歸遠也若涔蹄之積盈尺之波亦何變之有夫物極必變變而必本於古以極天下之大觀則余實有厚望焉又何敢謂求之不多見也

徽寧池三府歲試卷序

宣歙池陽之間層崖激澗疊獻串流而黃山白嶽九華諸峯鼎峙爲雄雲海變幻芙蓉森列奇秀甲江左陰陽之所蓄洩鬱爲遼爽舒爲清曠將必有魁岸秀傑之氣

文集卷一 全

萃於人文可易量哉春月歷試三郡賞奇拔尤往往遇之而又不多觀何也豈山川清淑之氣得之者固間出之數耶抑拘於其習抱殘守故而不自振興者衆也夫物惟靈故異山容朝夕萬態水源雲竇咫尺移人四時之景不同觀者各領其致莫窮其狀非以其變而日新乎新安固朱子之遺澤存焉敬亭秋浦昔人之所流連歌咏也士生其間鍾山谿之奇秀砥行蓄德蔚爲文詞風氣日上使神翺仙的之區藉以增重豈不存乎其人哉

安廬鳳三府歲試卷序

皖城濡須東關之間吳魏要衝也鍾離壽春合肥南北

朝重鎮係焉清流又周唐時戰爭所也每當天下有事兵燹必及故其地易盛亦易衰我國家車書一統生養教訓數十年於茲塢花疊草皆為禾黍之場沐浴久而咏歌作矣迺校試所及選選一郡之地而俚雅不同音利鈍不同器謂風土相限歟抑人事之沿習使然也夫阪田沮曲旱潦不齊者地為之也魯舉衛數聲能互殊者習為之也然而先生溝洫之制與使書亦赤墳之區皆為沃壤固以驅其不齊者而齊之至聲教所同曲之葦岐之陶皆蔚為風雅藪而况均處一方豈終此焉豐而彼焉嗇乎學猶頽也不殫將落勤敷舊修疆畝力農之本也陳禮以耕講學以耨以筆硯為良耜以理義

文集卷一 金

為豐年闢舊徑之茅葦接先民之阡陌學文之準也不然擁敝帚而盼千金是猶輟耒而徒仰望于天行也豈不惑哉時數郡皆苦旱予即以農事之說為諸生勉書有之若農服田力穡乃亦有秋將拭目以觀其盛焉

淮安府歲科試卷序

淮水發源胎簪桐栢達迤瀕濱至清口與河會而瀕河州郡淮與徐皆居要地洪流巨浸鬱蒸磅礴地靈所鍾宜無此疆爾界也顧人文之盛諸州邑向遜山鹽其故何歟說者謂大河實逼處此負土東薪靡有寧宇匪學之疎繫力之絀蓋所由來舊矣今仲秋歲校念道里之遼闊跋涉維艱連舉科試極目騁觀山鹽固彬彬諸州

邑要不乏才噫何幸也至彭城所屬古稱多慷慨跡地之士風氣或稍殊焉乃挾策而至者新劍勃發時露一班以余所親合余所聞駸駸乎日上矣由是而進之烏可量哉夫學問何窮之有人各有所已至亦各有所未至爾多士不見夫河與淮乎源遠流長而皆朝宗於海斯足以被潤澤而大利濟學猶是也孟夫子曰觀水有術信夫

揚州府科試卷序

繁華聲利之境恒易搖學者之指趨而士之有志者不難自立也維揚自昔稱佳麗舟車之所絡繹百物之所萃集其為眩耀者何限而一二縫掖之子抱遺經守殘

文集卷一 金

編孜孜矻矻伏處於寬閒寂寞之濱其中誠有所味故不以彼易此曩者歲校越冬至始去海陵今茲亦遇至日竣事聲希味淡天心來復焉而所錄之文視前較進好學深思所在都有軟熟庸陋漸歸淘汰余甚喜諸士之有志自立而其進將無已也夫為學何殊貧富身都膏粱而心棲澹泊安在不可以聞道如必饑寒始奮仍是繁華聲利按捺不下耳且夫恥惡衣惡食者固未足與議試問足與議者所議云何向上一層大有事在願諸士之時復繹思也今諸士中之好學深思者業已不屑為軟熟庸陋之文矣即此不屑之心充之不可勝用則有志自立始為不虛行且真儒輩出易俗移風於是

乎在奚翅工於文而已哉

蘇松常鎮四府科試卷序

余寡陋學殖荒落於制舉一道未能追附作者顧惟少時攻苦歷今數十年竊見文章風氣開自三吳其間代不一人人不一格各極其變以自爲一家而要其原本本則百變而實有不變者存故並傳於今不朽王唐四大家尚已震川以一人集其成嗣後婁江金沙分標樹幟天下雲集響應而陶菴大樽曩仲維斗諸先生卒能以讀書大節炳耀霄壤爲有明結一代文章之局雖丰格各自不同要之經緯史窮極理奧則皆有不可變者根柢乎其中千百年莫之易也近世操觚家亦知

文集卷一 全

文之不可不變矣至其所爲不變者茫然未之有得不遇厭常喜新與俗推移而其甚者猥以空薄俳纖之習高自位置一時儉腹者流樂其說之便而易文其陋也尤而效之蕩軼曩軌詆訛前賢不惟文章敗壞而人心風俗亦漸有江河日下之憂誰之責哉余不揣寡陋亟挽而正之歲校時既取其文之有原本者以示所趨向距今科試不越一年間風氣駸駸乎上矣濃淡奇正不拘一轍總欲以窮經讀史之學發揮義蘊斐然各造乎其勝而不相襲所謂得其不變者自極乎變化之所至也豈徒爭字句較聲調與時俗推移云爾乎獨是文章至今日號極盛矣江左尤風會所宗而吳門四郡又人

文數也磊落英多卓犖海內而余以類唐婦鄣之識于旬日間集數萬藝寒風凍雪篝燈而甲乙之豈敢謂百無一失姑謬竭所見與三吳稽古之士深求原本扶進大雅以不獲戾乎諸前輩則苦心或共睹焉爰梓其文若干俟有識者之進而教也

上江科試卷序

自金陵沂流而上至於皖城浙嶺障其南淮流限其北而長江天塹貫乎其中采石梁山螭磯燕子爭雄扼險以爲迴波湍湍之奇此亦天下之偉觀也至若九華之鉅麗巢湖之汪洋龍眠金庭黃峰白岳敬亭諸山參差環帶而淝水濠梁滁河貴池諸溪爲之爭流奔會於其

文集卷一 全

際生其地者類多瑰瑋絕特之士黜猷道德文章節義輝映史冊作於前者爛如日星而踵於今者亦麟麟而炳炳矣顧論者於兩江之文每左右袒夫豈平流沃野如京口以南瓜步以北始得發爲詞華而雄奇遼奧之區反不足與於斯歟抑亦蘊之者未盡其術議之者未得其當歟金陵下江屬也向之分隸於司衡者偏屬上江余甫下車首按是郡盛欲以作兩江之人文而於扶進上江也尤亟曾幾何時歲甫週而科已竣風果駸駸乎上矣因益歎山川之瑞鍾靈實多而余之食茶茹檠以劇切多士者亦何藉乎以告特論之乎焉遂合上江各州郡諸牘而梓之仍冠以金陵亦不忘初試意也

江南試牘合刪序

古人稱三不朽立言其末也立言而至制舉業抑又末已學使者奉天子命董率一邦期與都人士陶鎔淬濯為古大儒明體達用之學沾沾焉唯制舉是講縱毫髮無憾不過藝林事耳於移風易俗廣勵學宮之義何與焉雖然勿謂此可忽視也制科之藝盛於前代成弘嘉隆諸大家高文典冊炳炳麟麟即至末流風會稍替矣而讀書稽古卓然成一家言者類能以光偉磊落之氣維植綱常彪映青史孰謂制義一道非即立言而盛德豐功亦藉以抒其所自樹立乎實行不敦古學衰息庸庸庸庸既不足以服人心一二有志趣者又不能固

文集卷一 六

厥根柢扶輪大雅蹈虛空關纖巧舉一廢百好事無識者流樂其多刺譏而且以便枵腹也一唱衆和矩矱蕩然文章佻薄莫此為甚而欲求其心術之粹品行之醇學問經濟之卓犖斷乎其無是也余學殖荒落於古人書不能窺見本原捉筆為舉子業瞬息朽腐慚慚方深忽焉擁皋比持衡才數心怛怛滋愧兼之舟車跋涉暑經寒文字浩如煙埃甲乙定于旬日手披目覽食寢未遑學識大過人冬烘不免泥固陋如余而謂百無一失則亦妄人也已矣唯是此中甘苦略嘗一二不揣忝鄙思與兩江多士窮經讀史力挽頽趨庶幾于古人立言之萬一從此砥德樹功亦或有厚望焉用彙各州郡

之所梓而重訂之以樂正於當世之操文章柄者

江南武試牘序

士方握管為舉子業誦誦焉高自位置一語及武則夷然不屑曰生乃與若輩為伍嗚呼何其軒輊失倫而輕重天下士耶三代之時文與武未嘗分也秦漢以降其途始二而披荆斬棘削平禍亂者大概師武臣力居多雲臺煙閣後先彪炳可不謂盛焉逮乎衰世咕嗶小儒倖一第翱翔當途而元戎名帥建牙專閫者雖功蓋天下一書生輒掣其肘俾不得展甚且斧鑕隨之所謂刀筆之士美其文墨英雄豪傑為之仰天椎心而慨焉長吁者也覆轍相尋審矣曷足怪且夫武亦何嘗無文哉

文集卷一 七

當其操弓挾矢範我馳驅射御中節禮樂寓焉而又試之以七書叩之以古今成敗得失之數洋洋灑灑肆其欲言此豈長鎗大戟不學無術者所能乎況學士家所為文者庸腔陋習萬喙同音間有振拔之士朝榮夕秀不數年亦復覆瓿而論策一科自漢賈董以來唐宋諸大家代作歷千百年不朽由斯以論其為之難易傳之遠近相去何如而軒輊失倫不亦謬哉 聖天子文德誕敷武功赫濯隆恩異數優禮戎行而設科以招天下士也兩途並重倚歟休哉誠千載一時矣余不敏謬司文柄顧于千城之選釐剔頗嚴其前拔者皆已賦鷹揚穎脫而去即獲伏諸生亦能善讀書斐然成一家言試

竣後彙而梓之俾益知所劇切爲他日勒旂常銘鐘鼎之券彼詡詡焉高自位置軒輊失倫者讀此當亦嗒然自失也夫

九華山志序

禹服之所歷職方之所載嶽鎮諸名山著矣若夫匡廬九疑武夷天台峨眉巫峽金華羅浮標奇獻秀臚舉莫罄類皆藉名人藝士咏歌紀誌以傳獨怪池陽之九華奇秀甲江南而其名最後出何歟漢以前無論已六朝都秣陵去此山不遠往往多名流好事豈不能探幽闕輿發此山之勝乃自顧野王品目憤峰此外寂寥至李太白更定今名劉夢得杜牧之張承吉輩相繼詫賞嗟

文集卷一 李

題山因以著豈前此無過其地者耶將雲封霧結過之而未望見耶抑可望而不可登遂等閒置之耶隱著係乎其人而顯晦各有其時豈獨茲山也哉吾因之有感矣夫山川遊歷有其志矣力未逮力逮矣未恆其時不可必也昔余偕上長安經泰岱秦碑漢碣攀躋一觀嗣奉天子命典試兩川取道終南太華盤旋馬首入劔閣遙望峨眉天半事竣沿江而下巫峰十二高下拱揖過西江距廬山咫尺俱未獲一登作此鹿鹿無乃山靈笑人今者校士南國從歛歷池風雨時來黃山白嶽雲海變幻杳不可覿過青陽忽覩芙蓉秀出環峙邑南欣然神往一宿郵亭輒馳去勾人夢遊豈山之可望不可

即哉時有所未遑也抵郡太守李君以所輯九華山志索余一言以序披圖按籍凡峰壑之幽翠堂舍之邃敞昔人之所留連抒寫而恍若身歷其中左挹右攬應接不暇一一從眼目飛動王文成謂李白詩于此山亦潦草今得是編可謂詳且盡矣夫深山大澤蘊蓄韜藏吾意靈奇所鍾將必有偉人傑士振拔其間爲茲山生色者此邦之人士其勉乎哉若其控扼江流屹然爲東南巨鎮凡蒞茲土思所爲保障溉潤鎮一方而雨天下足與此山相映發者太守其優爲之矣而豈徒以紀志爲山增重也

癸未會試錄序

文集卷一 李

皇上御大歷服四十有二年久道化成鴻庥於燁武功文德渥澤深仁冠古今而浹宇宙億兆之衆含生之屬靡一不得其所願猶 厘念河上 親示善後之策警蹕所臨湛恩汪濊瞻雲日而沐兩膏者舞躍歡騰謳歌萬壽倚歎盛哉士之際此期也不誠千載一時哉春二月適屆禮闈 臣部列考官名上請 上特命 臣履 廷敬董厥事而以 臣涵及 臣汝霖爲之副伏念 臣海墘鄙儒學殖荒落疊蒙 聖恩拔廁侍從之班累忝衡文之任值講 東宮游歷卿貳 高厚鴻慈涓埃莫報茲復膺掄才重寄拜 命之頃倍切悚惶謹從諸臣後焚香炳燭偶有一字未安不揣狂瞽商榷再三求無

纖毫之憾而後已榜既放錄文以獻臣例得賜言簡
末顧自維固陋不敢遠徵博引侈陳麗藻而但矢樸直
之詞與諸生共勉凡有司之取士也惟其公而士之應
有司之求也惟其正夫所謂公非特屏請託絕瞻徇已
也鑑空衡平異同悉化精其識虛其衷和其氣從容詳
慎協恭以求至當而士之獻策於南宮也亦豈徒不事
奔競暗中投合侈然謂大居正哉凡平日馳騁之習與
倖之想達世僥巧之行以至臨文之或為弔詭軋茁以
爭高或為庸爛纖靡以希合充其類皆與于不正之甚
者是役也按羅剔扶不敢謂一無遺珠而諸臣殫精竭
慮衾影靡慙蓋庶乎其免於不公矣其獲薦者皆平昔

文集卷一 奎

攻苦耳目彰彰遇合之藝類能湛深經術醇雅昌明空
滑佻纖之風漸滌殆盡易田觀乎人文以化成天下又
曰進以正可以正邦也多士其無愧此乎雖然此特拜
獻之先資耳坐而言必思起而行今日者策名伊始扳
茅而彙征矣行將輔轍嚴廊經綸民社則一矢念一舉
動必期何以盟幽獨何以酬君父何以告天下萬世
文章事業彪炳寰區俾他日之論科名者曰某閣得士
庶幾至公故人材蔚興一軌于正則臣等既得藉手以
報聖主之簡畀而多士將來建監非常垂光史乘皆
于是編基之矣可不勉哉可不勉哉

丁卯四川鄉試錄序

皇帝御極二十有六年羣生休和大化朔洽植豐碑於
孔庭垂天章於書院海宇之士益喁喁嚮風力崇正
學思出而輔轍太平之治其年秋當舉鄉試先期進諸
臣于廷誕命臣汝霖偕戶部員外郎臣麟燭往典
四川試事伏念臣以章句宋儒獲官翰苑給筆札與編
纂一旦膺重寄掄材梁益之境恒懼弗勝星言戒塗有
懷靡及既至則巡撫臣締虞監臨試事明慎清嚴整綱
肅紀提調則布政使臣輝祖建昌道副使臣熙衡智淵
心密區畫周詳監試則按察使臣業興松茂道僉事臣
承祥才識優巨細咸舉乃肅同考試官知縣臣王輅
時成臣良球臣廷聘臣粵固臣鑣臣繼臣瑄臣諮臣

文集卷一 奎

元實等十人進提學副使臣周燦所錄士一千五百有
奇而三試之誓於明神探策發題聚一堂較閱拔其醇
者四十二人副於榜者八人謹循舊典錄文二十篇以
獻臣謹拜手颺言簡端臣惟古者司徒以鄉三物教
萬民而賓興之先之以六德六行而六藝其後焉者也
漢晉而下薦辟之法不盡出於公乃設科目以收天下
士又慮有司之不公也糊名易書以授校士者而審擇
焉夫以德進以事舉一時之論猶不能定其生平觀其
文果足信其人乎雖然是有道焉觀乎人文者亦觀其
經術何如耳聖賢之道在六經造之不深則言皆枝葉
惟深於易者潔淨精微而不賊深于書者疏通知遠而

不誣深於詩者溫柔敦厚而不愚深于春秋禮者屬辭
比事而不亂恭儉莊敬而不煩故夫深於經者文未有不醇者也蜀自漢唐以來詩文詞賦代有專家而修明
經義者史冊所載更不乏人文翁以七經授張寬還教
鄉里其後易有趙賓嚴遵馮灝任安譙定李舜臣書有
張楷陳壽常曷何隨馮繼先李燾詩有景鸞任未楊仁
杜瓊杜撫孫逢吉春秋有楊終張裔蹇遵品黎錡任伯
兩趙鵬飛禮有董鈞文立仲子陸季心兼之者張霸尹
珍譙周李誤任玠王長文鄧至黃澤之徒以及三蘇氏
二常氏其書或傳或不傳而蜀士之於經猶農之於菑
畚而工之于陶冶也淵源所自久矣邇者逆亂削平瘡

文集卷一 畜

瘡方起 皇上睠焉西顧渥澤殷流又復慎簡廉吏以
宣播德意撫綏教養漸奏雍熙多士幸逢厥會沐浴咏
歌守前儒之緒論而發揮之經術湛然其抱負亦約略
可觀矣由是而升之南宮策之 丹陛授之爵祿施之
政事因文章以覘經濟因經濟以觀理學彼張綱范鎮
虞允文之徒風流未遠而張栻魏了翁李道傳度正其
典型不在望邪高山仰止景行行止庶可副 聖天子
側席之求矣多士勉乎哉維時有事斯土者總督四川
陝西等處地方軍務兼理糧餉兵部右侍郎兼都察院
右副都御史加一級食俸 臣圖納提督四川等處地方
軍務總兵官左都督世襲阿達哈哈番帶軍功五等加

三級 臣吳英分汛則鎮守四川松潘等處地方總兵官
署都督同知 臣高鼎鎮守四川重慶等處地方總兵官
左都督 臣鄭倫柱鎮守四川川北等處地方總兵官
馬子雲鎮守四川建昌等處地方署副將管總兵官事
臣王進才分猷則分巡永寧道按察司僉事 臣李煊分
巡川東道按察司僉事 臣郝惟諤兼轄則巡撫甘肅寧
夏平慶臨鞏等處地方贊理軍務兼理茶馬都察院右
僉都御史加三級 臣葉穆濟巡撫貴州兼理湖北川東
等處地方提督軍務兵部右侍郎兼都察院右副都御
史 臣馬世濟例得並書

文集卷一 五

序三

陳廣陵行稿序

世俗子值榜放每遇單寒則色喜見一貴冑輒群焉忌之從而議其後則寵門右姓雖有軼材終不免負俗之累乎陳子廣陵天下才也少有英稱力承家學尊公容菴先生席閭閱讀書談道奏對大廷不得志中年復遭輾軻遂閉門刻迹樹德務滋督令嗣輩益嚴庚戌春延余百尺樓時難弟謝侯辰山執經問業廣陵方弱冠亦折節同事研墨風雨晦明篝燈誦誦無倦色每匝月

大集卷二

一

課文會者九容菴先生闢題督閱日三藝不脫稿雖溽暑蚊擾嚴霜雞喔漏沈沈不進晚餐以故廣陵諸兄弟銳志攻苦窮六經探子史下及百家言搜奇披奧而制舉業亦夙然各登其巔壬子秋健菴徐先生典京闈中副車一見盱衡擊節喜歎不置每以悞則為憾乙卯又為有司誤作壁上觀輦下薦紳先生皆以廣陵負奇才數奇落落競為扼腕而廣陵獨恬然安之決計南還同余棲跡靈鷲雄談醉讀百折不回業益精進容菴先生時私語曰能如是雖不遇何傷未幾報鹿鳴矣猶憶丙辰春余被放南旋大司寇宋先生臨岐祖道慰勞如平生歡屬余曰陳甥雋才勿以得失介意願君相與廟切時徐

先生亦慇懃寄勉咄咄廣陵不藉是慰知已哉今夫卑寒不乏令器或食貧少鮮家學又無良師友規其不逮淪落拋棄者亡筭而統袴子蒙遺業淺中薄植車裘肉食癡肥自了其次飾冠蓋聲勢赫奕徒熏轍其鄉里最上則廣交游從容詩酒結一二名流坐作聲價聞事迫勉襲舉子業數百言一不第蹶張無狀倖而弋獲倏然謂名已成文章之甘苦吾不得而知也廣陵以貴介意致遠到卓然自立不朽貧賤中無其倫烏衣巷子弟又豈易比數耶榜一發道路間無論知與不知聞廣陵名莫不舉手加額謂容菴先生厚德之報而天所以報之者正未有艾也今日者書播國門衣被海內特緒餘耳他

大集卷二

二

容軒偶存序

日秦筆黃樞出其學黼黻太平與諸兄弟後先頡頏爭輝前烈以上慰容菴先生之志度指顧間事耳企予望之向余與張子戩侯繩其讀書城東隅時昆詒纔五六齡耳輒侃然論古今人物得失文章高下雖宿儒無以過余心竊奇之越十年余講業詠年堂昆詒折節同事雄談今昔賞奇析疑如是者六年六年中余以浮聲馳逐或門下士著述暨四方投贈輒藉昆詒點定丹黃甲乙余實遜不逮年來因慨然於時習庸劣勢如江河日下不有以大創之不止遂從事於存雅一書甫布國門而海內搢軀家羣奉若指南蓋昆詒之功在斯文非一日

矣且昆詒亦何獨以時藝重也性孝友恂恂溫雅謙退如不勝及臨大事剛斷果銳即古豪傑不能幾又肆志於六經子史諸大家窮源極委以其暇發爲詩歌則自關堂奧不屑一語寄人籬下東海爲人文淵藪掄其最必推張氏昆詒其又張氏之白眉乎今茲以時藝歌鹿鳴亦特緒餘耳他日出其學得展胸中之蘊我又安能量我昆詒哉

張昆詒選存雅序

余非能文者也不能文何敢論文雖然甘苦亦略嘗之矣國初鼎新文章草昧句剌字棘一望靡蕪時余方束髮受章句家伯仲力挽時趨動以先正大家勲勲規

文集卷二

三

勉私爲門庭授受而一時望風氣者亦復廓然大變點浮芟縛扶進雅馴於是大全蒙存同文定待諸書稍稍懸布國門然而古學不講浸淫時習空疎無識之士遺神却理掇調沿腔不數年遂成一平庸軟媚之錮疾牢不可攻而其最下者又復零星割裂破碎支離自謂力矯卑靡不知彌增陋劣二者交馳風氣益蕩焉不可復問矣海內諸宗工怒焉憂之於千百僑伍輩拔一二通經學古之儒振興提唱經以經緯以史組織於古文先輩諸大家俾宇內之士翕然爭趨向之平庸陋劣爭衡數十年者一旦知其說之無所容而醜焉三舍避也嗚呼可不謂盛焉顧今之學者不思其讀書窮理登堂入

與斐然成一家言乃更啜其糟粕家襲戶沿流而甚焉以粗疎汗漫爲力大以晦僻爲思深以枯淡不着意爲神遠以險仄爲致新以割經竄史剝蝕諸子大家爲才膽而學博題本秩然有節次也以統攝爲高渾義本實也以空翻爲超脫字貴典意貴醇也以痛哭不祥背叛無所根據之談爲透關爲新奇種種諸弊難更僕數夫當文章極盛風氣旋新之日流弊且有不可詰者尤而效之長此安窮非有心斯道者所更怒焉憂乎張子昆詒有心人也雞鳴風雨與余同甘苦者十年慨然恐江河之日下預砥狂瀾於是有存雅之役丹黃甲乙瑕瑜不掩艾錢諸公以來未敢多讓獨恨余以謏劣之材奔

文集卷二

四

走藝林二十餘年矣隨俗浮沈漫無實得去秋坊刻數藝祇緣潦倒熱中勉爲騎牆之見妄希媚世私心愧惡真有不堪告知已者秋來鍵迹百尺樓讀書數行稍有進隙方將命祝融一燎夙案好友如張子不能爲我取薪顧反揚其波乎萬一諸名家顧而驟然曰咄嗟許子乃與爲伍則余實痛恨我昆詒也

朱雪巢文稿序

學士家偶博一第羣焉出其所揣摩肆厥丹黃布國門以鳴得意而其究也適足以供覆瓿者亡笑間有浪弋大名一時紙貴叩其所蓄積無有也其斐然成一家言不過集千狐之腋而四方之操月旦者莫辨真贗竭力

表章名倖成侈然謂天下之文章莫余若也嗚呼羊質虎皮今古同慨可勝道哉朱子雪巢余素心友也食貧樂道博綜經史百家言出其餘爲制舉業一時公卿郡縣大夫咸折節以國士遇每一藁脫同舍生抄誦之多所成就而數科來丐其吉光以弋高第者又未易更僕數以故榜一發浙人士羣舉手加額欣雪巢之遇而嘆主司之知人能得士也文章有定價若是哉海內耳其名亟想其素所著述爲指南坊客固以請雪巢就正於周子兼三而必欲丐余一言爲定嗚呼輕躁獵獲之子幸一得志趾高氣揚本來臭味幾不自知雪巢以天下才名滿宇宙出其業豈難下剗犀鵠上決浮雲顧歎然

文集卷二

五

不自是抑抑焉向素心而疑與析也以視夫肆厥丹黃鳴得意者不逕庭哉而余且重有感矣十年前余以文字之役會東南諸同好於復堂篝燈角藝意氣甚豪不數年諸同好俱後先捷去今雪巢與顧子在衡又飛聲南北矣同學少年幸多不賤而鄧子廷珩顧子九恒則二十年北面友也窮愁著書淪落不偶抑獨何歟

周采上啓蒙十藝序

憶庚申歲予下榻于敏果魏大司寇之邸鍵戶謝客適有友人持時藝一卷示予心賞不置詢其人曰雲間周子采上所構也予讀其文即想見其人已而晤叱瞻董孝廉備述其淵源孝友爲鄉黨所推重予益企之越數

月來謁恂恂儒雅果不負人言嗣執一經輒以舉子業見示予亦不避狂率直抒所見爲他山之助未幾聲鵲起司成諸先生爭目以國士甲子京闈爲曹舍人實菴所推薦以句字誤被別扼腕者久之甲戌春予督學江左事將竣采上來見出其癸酉試卷復爲有司亟賞而俛得重失何數之奇至此然采上胸懷洒落並不以是介介于愈嘉其業之精識之高而器量之弘以遠也所成就又何可量哉近者以啓蒙十藝走三千里相質子細閱之一題也而層思叠構直如萬斛源泉隨地湧出小題之能事約略盡矣其友人付之剞劂丐余一言余樂得而序其概云

文集卷二

六

王晉侯制藝序

癸未春倖預南宮之役獲一卷稟經酌雅粹然正始元音羣嘆賞不置及拆卷得王子名時慎菴王先生知貢舉作而言曰王子字晉侯篤行君子也與余同里閑讀書談道動以古人自期得人若此真足爲科名光旣出闈兒輩閱榜錄指王子驚相告曰是三楚第一流子聲周業師所朝夕亟稱許者也蓋周師爲隨菴王先生令會稽所得士故熟悉王氏群從觸目琳琅而晉侯尤爲千里駒今果雋耶余聞之彌自喜越數日來見恂恂醇雅文如其人及微叩所蘊則岳峙淵渟不能測其涯矣乃益信王氏家學果有淵源而慎菴子聲兩先生所嘉

藝爲不虛也廷試後欲賦歸慎菴先生忽疾作晉侯以維桑之戚問視周旋情踰骨肉甚至綜理家政經營後事仁至義盡雖古人不是過嗚呼晉侯非真篤行君子歟入秋將扶其櫬南旋迺出生平制舉業百篇問序於余余謂文者行之緒也先儒謂根柢深厚斯發越光昌晉侯行如此則其文可知文如此則他日膺民社而佐嚴廊其治行亦可知又豈徒區區制藝與拯飢家爭短長乎哉且余又重有慰也隨菴先生有令嗣曰聲聞與晉侯伯仲辛未冬錄其所著述囑子聲先生問業於澄江之署余讀之彌中彪外氣奪千軍早決其爲遠到遲之十年蟻伏如故每一念及爲扼腕者久之得晉侯之

文集卷二

七

捷足覩文章原有定價而遇合之遲速不必計也聲聞其亦堅自信乎余故樂序晉侯之文而藉以勉焉

孝友堂墨義序

癸未南宮余隨諸先生後獲一卷俊偉光昌羣相賀曰是殆學有淵源者及拆卷知爲文安高子越數日來謁淵亭嶽峙丰采翛然心益竊異之然與諸進士旅進而退未暇詳考其所自也甲申春余奉命督理畿東河道移駐平舒去文安四十里許高子時時過從相得甚懽徐出其孝友堂墨義問序于余余讀之不啻如還之史固之書大小蘇之文章原原本本後先輝映向之所決爲學有淵源而翛然自異者不益信歟余因之重有

感矣三代而後封建既廢魏晉之代概崇地望其子弟不務讀書砥行徒事清談坐作聲價柄用未幾先烈頓墜隋唐以聲韻取士益滋奔競迨經義興而敦崇實學暗中摸索得人始稱極盛然或貽謀無術樹德不滋始未嘗不赫奕而後乃凌夷式微者何可勝數余聞建平先生兩令江北治行俱推第一大參先生以木天偉望歷試外藩清風渥澤迄今聲稱不朽則孝友堂之所以裕後昆者豈徒以區區舉子業矜淵源之有自哉勲垂民社績炳嚴廊於以紹先型而繩祖武余蓋於高子有厚期焉

邵

制藝序

文集卷二

八

古稱三不朽一曰立言夫言而謂之立其必有以自樹而不屑屑于時俗之好尚可知矣時藝雖小道然既命爲文則亦立言之類也乃今之爲文者吾惑焉弃本而務末喪實而增華不爲經之羽傳之翼而泛泛焉枵腹以游也不爲遷之潔固之嚴愈之醇而肆而褻褻乎如掌上之舞也又其甚者穿插纖襍首足易位而譁然者以爲慶曆之遺複句疊文味同嚼蠟而嚮焉者以爲湯董之齋嗟乎文不正其本不厚其實而竊古人之形似以欺人譬諸俳優而衣冠非不便辟有象也然止于眩伎而已曾敢比于有道仁人之跬而立焉者乎余嘗欲與世之知文者廓然一大變之會荷兩江之命衝寒敵

若手披口吟兢兢奉此意以周旋雖與俗好或乖而庶幾無罪先民比來株守邱舍四方君子猶有不弃謫陋而過問者因得讀吾鄉邵子之文而嘆興焉邵子之文本則寧正而勿詭實則寧厚而勿薄夫時俗之不樂于正與厚有不獨制義爲然者而邵子之不惑于人言如此吾固知邵子之必能以文章名世也丙子秋邵子果于北闈魁其經未幾以改籍爲吏議所斥余初爲邵子惜之已而且爲慶也君子疾沒世而名不稱疾必于沒世者名固無取乎蚤成耳世之枵腹而戰裊裊乎爲掌上之舞者皆志在速成而不知其朝華而夕萎也若邵子之能自樹立而益加植焉增其本堅其實以進于古立言之不朽者則今之抑邵子正欲邵子以名世而兼傳世者也邵子其茹吾言乎茹吾言則無問時俗之吐吾言否也

吳嵩伊歷試草序

歷三年一大比士應試者多至萬數千人少亦不下七八千四五千不等鎖闥三試約其文十萬有奇校閱之期計止十餘日以一人之目閱文十數萬于十餘日之間走馬看花勢已難矣况兩闈題類皆平日所揣摩暗中摸索真贋豈能細剖以故冬烘之誚所在不免獨學使者于歲科兩試每庠不過數百人分期考核寬然有餘而所命題又不由人意擬風簷真本甲乙一不當則

文集卷二

九

士論譁然學使者縱極不才其幕下亦必延致數名士從容論定以厭人望故棘闈有倖獲而小試之品題大概不襲豈詳于小而略于大哉無他勢使然也余向者持衡江左深知毘陵爲人才藪而吳子嵩伊負奇磊落試輒高等余尤以國士目之乃遲之十年蟻伏如故爲扼腕不置壬午冬令嗣太學生簡成叩余門手一編廼嵩伊所著歷試草也且述其言以請曰吾潦倒舉子場三十餘年今老矣自惟科歲試嘗見賞于當代大君子竊欲授諸梓以誌不忘顧里閭中稔知余攻苦者惟荅湖周先生一生私淑願學不能至者爲金閨慕廬韓先生人偷月旦超軼前後而感恩稱知己者則海寧少宗

文集卷二

十

伯許先生願得三先生一言以弁吾文吾無遺憾矣敢以丐諸先生余聆其言慨然竊有感也學士家舍英咀華窮年矻矻冀一得當主司意而膺是役者或少年科第甘苦未深否亦簿書鞅掌於此道幾復茫然一旦睽目任意謬種流傳遂使懷才績學之士困頓無聊不得已迺出其區區小草悲歌慷慨以鳴不平如吳子豈少哉噫真可憫矣願司文柄者之一識余言也

張韋存續刻時藝序

昔子夏謂仕優則學學優則仕士大夫遂疑仕與學爲兩途而不知學古入官仕以行所學未有不學而後然仕者也古君子讀書談道窮年矻矻綜經史百家之言

鉤深挾奧一一實體諸身心而後以修于家者獻于廷
調燮陰陽經綸民物歷中外而綏遐邇無非取諸生平
所講習以見諸施行故處爲名儒者出即爲名臣秦漢
以降學術漸漓策名而仕者或簿書或門望或詩詞帖
括學既非古仕亦日衰然而伊唔咄嗟晨夕間猶知有
鉛槧也自纔識之無者乘例急公博青紫如拾芥授以
民社不過覓一二青油塗飾文移而早夜所籌畫者非
腹削之陰謀即逢迎之秘策結黨援而市丰采物色者
以謂是才且能也推轂恐後彼心勞撫字悃悃無華者
罔一過而問焉仕至此不重負我 聖天子求賢之至
意哉韋存張先生以名進士含香畫省出守吾杭十餘

文集卷二

士

年飲水茹蘗誓不名一錢而弊剔利興巖巖正氣百姓
戴之若慈父母一二大吏先後薦剡而余于庭推時亦
特舉陳君滄洲及先生爲龔黃再見一時公卿輩爭相
嘆服謂當今仕籍中實罕其儔豈知醴源之本先生之
得力于家學固有自耶我 朝定鼎方新京江邇先生
應昌期之運領袖江左于是十五國人文翕然一變文
貞公承過庭之訓論道經邦文章事業卓冠當代禮存
惕存兩先生一堂唱和樹幟千秋而先生復以英特之
姿遲之又久金聲玉振卓然集其大成紹箕裘而叶墳
麓淵源固已遠矣當年闡墨及房行所錄久奉楷模而
揣摩之秘藏諸名山者猶不輕以示人徐子子文今之

月旦也索其全集公諸海內馳數行屬序于余余自讀
書中秘執經於文貞公三十年來略嘗甘苦竊謂制舉
業雖不足盡聖賢之學而文以載道先資係焉姘鄙小
儒妄肆丹黃竟致空疎汗漫江河日下先生斟今酌古
殫力起衰向非窮經讀史網羅百家實體諸身心者必
不能道隻字則讀先生之文即可覩先生之學矣學而
后仕出生平所講習以見諸施行鴻猷卓犖不誠與鄴
侯香山文忠諸名臣後先輝映峙吳山而永聖水豈徒
區區制舉業哉余故樂序之爲天下學者勸亦爲仕者
規焉

越守俞恕菴某竹堂制義序

文集卷二

士

經術所以濟世務也古大儒身居蓬蓽而天地事物之
變古今理亂之幾無不研窮條貫于誦讀之年不出戶
庭而國是民生皆若燭照而數計一旦任民社處盤錯
隨所施設無往而不當子夏曰學優則仕仕優則學端
相助實兩相濟也後世咄嗟家握管伊唔鄙棄當世之
務而沾沾于簿書期會者又以儒術爲迂疎于是文苑
與循良史家亦分列爲二求其明體達用本醇儒爲良
吏三代下有幾人哉滇南俞郡侯以名孝廉尹交城惠
愛清勤爲循卓最陞刺同州政聲彌著都人士咸嘖嘖
稱羨想望其丰采未幾擢輔京兆余始得睹其行事聆
其言論恨相見之晚已而分猷畫省殫精釐剔誓不名

一錢公卿輩皆交口薦頌爲六曹中屈第一指余適抱微疴 予告歸里不獲與素心人再數晨夕爲耿閱一年侯卿 命出守會稽會稽與余郡一江隔耳湛恩汪濊仁風翔洽塗視波謳耳無虛晷如率勤崇儉獎薦揭貪濟困儲荒養老造士尊聖學闢儒基極巨憇裁冗役汰浮費禁滯刑築石塘以捍患毀水閣以移風不五載而十邑中吏肅民恬利興弊絕善政纍纍未易更僕數時余雖杜門辱當事惠問必舉浙東西賢二千石俞侯爲龔黃再觀各當事咸保以爲然然硜硜自愛不敢修片羽阿所好也丁酉秋越州耆宿周子奕思翩然顧寒廬持侯所敍歷及浙東風謠歌于野颺頌于廟堂者與

文集卷二

三

余聞靡不脗合大快厥心稍頃復出余同年仇少宰一札備述侯卓績之餘併訂葦竹堂制義一冊同余門下黃子際飛評騭已竣兩公月旦海內復何間然顧不以余不文囑泐數語彰同聲之應余喜甚即于臥病中窺其大概緯史經經光焰萬丈無一字寄人籬下蓋以賈董之識韓歐之才聞瀟洛關閩之奧固非世俗吏所能望見即今樹幟藝壇者恐亦不能幾十一原原本本此建賢所由裕而仕與學兩相濟也從茲登薦牘騰鋒車旬宣方岳輔輶岩廊爲 聖朝揚千秋之盛烈垂簡冊而勒旂常余雖老猶得拭目以覩厥盛云

王里高歷試草序

棹歸東海廬結峽山羨踔躐之羣英懷才欲奮咲頽唐之一老結習難忘間與都人士披卷短檠揮毫長檠汎南湖而尋北墅花管分題登西嶺以陟東山錦箋競勞則有王子里高性稟書淫情耽史癖而於制義一途尤爲儒林獨步重規疊矩含英咀華由督學以暨採風百千儔塞旌首拔自入黌以幾貢璧兩三紀奪幟先登于焉懸絳帷以談經坐緇帷而課藝造河汾之室卓爾醇儒登安定之門蔚然國器亡何鹽車久困爨木長焦萬丈光芒未見名題雁塔千秋陶冶不聞姓兆虎洲抱膝行吟撫膺太息然而冲霄劍氣豈肯終埋炳日珠光自應共矚適先生懸弧週甲迺弟子扶杖稱觴丐厥瓊璣登諸梨棗雖窮年製錦尚待耀于雲衢而歷試登壇先呈輝于藝圃君抒片羽僕觀一斑識愧平輿敢曰品題月旦才高元達僉云雋望風流企其人歟讀其文也紹矩矱于先型賈焉莫逮垂津梁于後學邈矣誰儔

序四

祝大城鹿訓導壽序

歲丙戌春王正月朔有一日邑紳士環署而請曰平舒蕞爾邑夙號文獻比年來浸稍衰微默菴鹿先生振鐸吾土歷七年所文教復翕然人之被其德而沐浴其教澤者戶頌家謳莫知所報茲十有八日爲先生攬揆辰吾儕謀所以祝之愧不能文也閣下崇獎人倫凡學博

之橫經于鄉國者咸隸容臺屬門下士鹿先生晨夕侍左右重荷品題願丐一言以獲附不朽余固陋不習視暇詞堅辭之而重違其意也竊謂古今來移風易俗之機大概崇學校而學校之興端賴師儒秩雖不甚尊然造就人材以助宣化理責至重也司訓一官薰陶誘掖較大司成與教諭多士者倍親且切後世不權輕重猥以弟子員食餼于庠年最久者歲各貢一人于庭以儲其選又需次或十年或二十年然後得授一地衰老蹢躅旦暮不自保遑問訓人而非然者膏粱子自分不能通顯假他途廁鄉進士躋等先庸儼然坐臯比而號人師叩其中情如也經明行修之謂何濫竽至此愚孰甚

文集卷二

五

焉我 皇上崇儒重道廣厲學官親策侍從諸臣第其高下爲十五國學使者而師儒一秩甫策名命撫臣嚴課之稍不稱則被黜亡筭其獲留于是席者學使者復歲課其殿最不少假以故人無倖位文教益敷而畿輔首善之地風厲尤神默菴非卓犖較著者乎默菴爲邢州世閥其高曾皆以名進士敝歷中外尊公願良賢其兄調仲又以名孝廉領袖成均稱鄉祭酒蓋家學之淵源所由來遠矣默菴幼稟庭訓年弱冠即以高才生中京兆副車英姿偉抱取青紫不啻如拾芥顧氣識深沈不甘欲速自隘樂就寒糴以儲大用推其意實欲讀書砥行充其學老其才爲一代儒宗因偕都人士敦修不

倦相期于大有成也固非垂暮蹢躅苟邀升斗亦豈鴻都年少侈然坐臯比者所能希百一哉初筮元城聲稱藉藉及蒞平舒日與博士弟子賞奇析疑經義治事無爲體用之學他日者黼黻嚴廊經營民社積數年講求舉而措之成就又何可量械櫟之詩曰壽考作人默菴雖儒生其作人也成人有德而小子有造黑頭公亦不媿夫壽考已都人士之被德而沐浴其教澤者僉欲丐一言以祝先生豈若當途赫奕權勢能驅策人故稱觥躋堂藉以媚悅云爾耶余兄簡可與默菴尊先生甲午同舉賢書有上誠齋兩侍御係默菴昆仲又同余壬戌提南宮每向余稱默菴不置今親接其丰采聆其言論

文集卷二

六

壽邑侯耿公文

相見恨晚而又嘉平舒之紳若士尊師樂善能不忘所自以綿謳頌于勿衰也爰徇其請言之不文不暇計矣世之祝萬齡者動以南山北海而頌禱之詞情非不篤然以壽其身可矣而余謂有位者之壽當更有進則以壽諸身不若壽諸民者之大且久也壽身者何以康以寧錫爾多福壽添碧海丹還元谷鬢髮期頤天環地續此身壽也壽民者何肅紀整綱旌良剔垢械櫟成業桑麻滋茂摩義漸仁俾昌厥後此民壽也壽身者獨善者也閱百年而已竟壽民者兼善者也垂千百世而靡窮有位者兼善天下自當壽其大且久者寧獨爲此身計

百年已哉歲甲午序屬九秋秋成也在四德曰義在五
行爲金邑父母耿公於月之十有九日適嶽降焉書曰
天壽平格詩曰壽考作人壽身乎壽民乎請舉觴而陳
之寧邑濱海夙號瘠壤 聖天子休養數十年賢有司
蒞茲土者噢咻鞠育悉稱慈父母而積習相循未遑復
古公下車飲冰茹藥政教翕然沐浴謳歌遽難罄述而
大端有可約略指者寧之民素刁悍獄訟繁興公則懲
指峻嚴誣告聽斷如神而無情者不敢飾辭以相逞此
壽民者一宜觴寧之地斥鹵數年來旱澇頻仍輸將不
給公則減耗羨省差役不急急于催科而懲勸有方民
自樂輸而恐後此壽民者二宜觴寧之俗競尚淫靡終

文集卷二

七

寔且貧而侈奢踰分類有半菽不能飽者公則供億不
煩而兼以持已儉以率屬德意所孚民將返朴而還淳
此壽民者三宜觴寧之士大夫頗知自愛而一二簞簋
不飭者習逢迎工干謁妄希請托以肥厥身家公則恬
靜而高明謁和而嚴肅是非可否惟理是憑被覬覦者
何所容焉此壽民者四宜觴至若吏胥之翫法豪棍之
逞強擾閭閻而啗懦弱比比然矣公則勸以禮義繩以
法令遐邇聞莫不感公之教畏公之威心悅誠服而稟
然相戒以勿犯此壽民者五宜觴屈指下車以來僅數
月耳而公之壽我寧民者已歷歷可指若是則自茲以
往公與民日相習民與公日相親弘猷渥澤知必有更

僻難數者是使吾寧三百里濱海窮瘡長登仁壽之域
也而由是褒以璽書召以鋒車爲省郎爲牧伯秉節鉞
爲制撫調鼎鼐爲公卿四海蒼生沐其澤者淪肌浹髓
共化成于在宥而壽及千百世也大且久者爲何如而
豈獨寧民三百里家謳戶禱爲我公祝壽考也耶且夫
詩之歌樂只也既美之曰民之父母即頌之曰遐不作
壽古之能壽乎民者未有不壽乎身者也觀公之克壽
其民而知公之獲壽于身者正未有艾矣是以其壽身
者推而及之民即以其壽民者合而集諸身眞所爲兼
善天下而公與民並壽于無疆也觴不能盡舉姑以是
爲公祝

文集卷二

六

邵子萬壽誌配李孺人雙壽序

門人趙子奏功每向余稱其里人子萬邵君不置口余
心異之因述其行事甚詳尊人爲郡城長者生三子子
萬其長也少孤母氏以苦節撫之家食貧日夕事機杼
餬口令三子先後出就外傳子萬稍長見母氏茹荼飲
藥廢書歎曰有子不能自立而令劬勞者作苦若此亦
安事章句以博不可知之科第爲即泣拜辭母襖被遊
京師習會計業若干年囊資少裕旋歸覲母母始聘名
家女李氏令其成婚結褵未一載李懷娠三月子萬復
毅然入都後舉一子今將十年矣而子萬未及見其岐
嶷也經營勞勩家業漸饒顧纖毫不欲自私舉橐中所

有悉與兩弟共而仲若季亦能一乃心力以贊翼其兄一室之中雍雍肅肅孝友敦睦之風雖古人不是過而其詰配李孺人奉姑惟謹勸家政勤以儉絡繹蕭蕭依然作貧家婦風子年九齡亦崢嶸見頭角由是以往其食報又何可量哉歲庚寅正月李孺人三十初度而四月某日爲邵君四十揆覽之辰其同里諸君子因趙子奏功請余一言介觴余竊慨當世士大夫承祖父遺業封殖自私視弟兄如秦越人彼此絕不相顧而妻若子曳羅綺厭膏粱侈然自得其同氣寥落不獲自存者何可勝數子萬孝于母友于諸弟刑于妻子敦本砥行力挽頹風以視世之席豐履盛各私其所有者賢不肖相

文集卷上

尤

去爲何如耶且聞其爲人慕禮義重然諾濟人利物之事生平難更僕數今 聖天子方重實行搜隱逸如子萬者詎不足當是選乎未可以闕闕輕也余忝居同里稔悉其槩故樂爲序之

東林僧廓然七十壽序

友峯葛君名家子也偕余共硯席者二十載胸羅百家目空千古同學數千子皆後先獲雋顯名當代君獨數奇落落終不得志于有司發憤棄舉子業遊跡徼山卿大夫欲一望見掉頭不屑余兒模屬君門下壻去元亭咫尺終年不數顧他可知已已乃卸儒衣黃冠道服覓方外高人爲忘形友而與山僧號廓然者交尤莫逆每

寄札致余稱道不置口卯春余歸里君一見寒暄數語間無恙外即曰公既高臥東山亦知山之西有高僧爲余向所稱道者一訪與談否余曰唯唯閱數月詢之兩山賢士僉曰西山之高僧有三俱以然相字曰澹然曰循然曰廓然富而好禮士大夫樂與遊者也澹然早解脫循然踞山之巔高賢葛先生時托跡焉近亦謝世而先生相與數晨夕者唯廓然一高人余以彼既云出世不能空所有假以富名母亦與世沈浮者耶烏乎高未幾葛君窺余意復曰公以僧枉被富名不樂與遊獨不憶惠遠公買盡廬山悟空一切公家元度亦嘗與闡微言究奧旨乎何嫌焉余領之徐訪其廬則煒孫年十三

文集卷二

干

時暮厥高風手勒古東林三字以顏之者也稍頃廓然出一見貌朴而度神癯而古興豪邁而意蕭閑及細與語則哀如充耳若不聞一字者然善解人意隨問輒答如響之應聲聾也噫何聰也既而察其行事考其所交游自公卿以及賈豎交口頌其賢而高下平等善氣迎人絕無有纖毫塵俗介其胸臆者其風規固已高矣去山三里許卜數椽桑禾肆蔽水碧山青而以時趺坐其間暮鼓晨鐘儼然物外余由是益高之樂與往還或啜茗或烹醪或手談口謔微咲狂吟究不知廓然師年月爲幾何也八月既望山間衆耆宿欣相告曰兩山一卷石葛仙翁高踪遠蒞道範巖巖公以山斗爲儒者宗

年皆踰七袞踵武者英廓然師一破衲耳兩達尊左提
而石挈之儼然爲三教之長九月朔有四日七袞之誕
辰也敢介仙翁巧大儒一言爲釋衲壽余咲曰佛本無
生僧不記臘坡公云天地不能以一瞬區區七十何壽
之有衆進曰公以坡老言謂七十不足壽然其詩不有
曰若活七十年便是百四十乎若從百四十而再活焉
由千而萬而億而漸至于無可量雖長生究無生記臘
猶不記臘也區區七十何必壽亦何必不壽衆既退靜
言思之恍與友峰氏所云買盡廬山圓通無碍有味乎
其言也遂不復辭聊述我三老結契之由戲占一律以
博衆菩提冷然一笑云

文集卷二

主

壽杜總兵序

蓋聞三垣呈象光輝仰河鼓於中天五行用兵參麗表
雲圖于八陣輩金湯而調玉燭爰資碩輔救寧建牙肅
而撫凋戈聿著膚功安攘威行朔漠猗歟衛霍勳高名
震西陲偉矣范韓績茂膺冕旒之眷注氣色一新酬帶
礪之恩榮旂常滿載勳高柱石慶祝臺萊維我杜公名
叶瑤樞光分絳斗杜陵族貴輶鈴工太乙之書武庫經
傳人物稟長庚之氣邇延年之績定策功高緬鵬舉之
祥鎮碑兆應弓圓似月必逢貫蠲以稱奇劔燦如花每
爲剗犀而耀彩隨龍旂之十乘早歲從戎開虎帳之千
屯壯年克敵伽佑鵬張于滇國蠢動遐荒段蒙豕突于

變天雲連叩焚桓桓策府率虎旅以嬰城屹屹元臣奉
蠟丸而建節時公則身臨境上令肅行間慷慨鼓儼山
川不離夫指顧崎嶇陷陣草木亦畏其威名烹宋萬于
軍中縛陳稀于帳後遂使彩雲見處依然翡翠之班王
帳開時不改檳榔之紫蓋剪茲封豕 天家之籌畫居
多而障此狂瀾閫外之勤勞最著策勳天府喬木遷鶯
作屏鄉邦維桑衣錦雨拋金鎖間憑虎豹之關風閃朱
旗坐息鯨鯢之浪賀蘭山畔不聞青犢之鳴黑水河邊
永絕蒼鵝之異栢臺薦牘寄游徼于旌旄 楓陛傳綸
侍班聯于輦轂雲開正殿常隨鸛鷺以朝參月饒周廬
每率欣飛而番直粵以勲猷之茂游膺 簡畀之崇嚴

文集卷二

主

鎖鑰于雄關建旌旗于中土陣雲乍起威震幽燕劍氣
遙騰光連鐵輔雖風霆不顯流形之迹而雨露每多優
渥之時 帝眷益隆臣心匪懈惟茲津門要地實拱衛
夫 神京念此鈐閣重權更有資于良弼特蒙 簡命
遂隸雄藩東海流波萬國效梯航而至黃河縈帶于邦
輪結栗而來節制之中具有嚴明令甲拍麾之下莫非
保障弘猷家家被解慍之休風自同偃草處處沐維馨
之厚德奚啻投醪近悅遠來萬戶既依仁而仰戴騰聲
馳譽三軍亦挾纊而謳歌統百屬而示南車共願就裁
于陶鑄率群僚以拱北闕皆思奮迹於風雲綸巾羽扇
之揮戎稱克詰緩帶輕裘之度人識無欺挹萬頃之汪

洋祇覽滄溟尚淺荷二天之覆被比諸泰岱尤高凡以
才可無人吉甫之文武爲憲亦且政成多暇卻殺之詩
禮竟敦蓋公之數歷頻經堪書竹帛勳階履擢可勒鼎
鐘貯胸中百萬兵雖羽檄交馳之地而不畏晝朔方十
三策即俎豆雍容之時而可爲登承三命之褒揚數被
九重之贊賞趨瞻豹尾 特賜賜冠珥以豐貂旌其
偉伐光之金螭獎此殊猷 翠華巡狩之時仙仗趨承
之下 天章載錫瑤光入細柳之營上 頌頌來金埒試
長楸之下允矣 宸衷特注洵哉際遇非常正欽出總
師干已茂麟圖之烈行觀入泰樞府宏開鵠印之徵卜
景福之未央知大年之克邵乃者節逢天貺慶益海籌

文集卷二

三

元鶴南飛曲度彩雲之影青鸞西至書衡丹篆之文當
國家卜世無疆宜藩翰如川方至簪裾鞠胞用晉霞
鵬素韃卷翥效夫華祝 向聞偉略喜 聖主之得賢
臣旋奏殊勲見中樞之署上考因趨螭陛得識荊州每
入鶴班交稱元凱爰從嵩嶽降神之日少效武岡祝嘏
之詞藉脩清罇式昭長慶

祝王年伯母任太夫人八表壽序

蓋聞膠西雄麗最居海岱之尊齊右高華誰及瑯琊之
盛況乃居隣三柱巍峩久矣不騫嶂列九仙福履于焉
並集爰鍾人瑞徵結蘊于山川用迓天庥叶禎符于雲
物奉蓋公而敷治處處仁民湖太任以承歡年年壽母

何必鄰泉來菊方

丁壽砂纓尼

長添夫遐笑維太夫人樂安舊系清濟名門大雅揚花
恩齊周京紀美成風崇修祀典魯國貽徽以故幼即敦
詩長而習禮幽蘭綴佩早已奉爲女宗香茗吟題總不
煩夫姆教克敦大體甚薄時榮隨以叶鳳之和鳴歸我
吹笙之妙裔儀同鍾郝抱雅贖於珩璜德比孟桓扇芳
規於筐筥是時贈公 先生 歲鋤經苦心種學暇
漁文園大都七篋胥通揮酒言華奕止百函俱湧然而
馳驅季子能無憔悴之容偃蹇仲卿大有激昂之勸是
以寒機軋軋槩爲佐需夜火熒熒豈惟獨照入室則析
終周匝一如奉彼嚴君居家而臧獲整齊自是關平內

文集卷二

四

主若乃纏綿至性屋集慈烏篤摯人倫園生孝笋而且
善人在難竟將緩急自居窮子知歸不以有無爲解雖
屬外庭之慷慨彈力解推要皆中饋之屏當同心覬勉
向彼齊眉廡下止曉傭春對坐燈前徒工握筭雖復才
優封殖僅爭野婦之桑術擅權衡但問西家之棗即云
小補難許上流而維母也器局恢弘機神練達論古至
亨屯之會知廢知興處令在損益之宜不奢不儉以至
舊交嵇阮尚邀可否於山妻因而後輩范荀且服重輕
於劉母鬻釵購籍并公他姓之兒九膽課書更督克家
之子然則科其才識縱鬚眉當遜不如觀此猷爲尤巾
幘所傳希有者也緣茲厚澤綠蛇微蟠筭之祥兆厥高

閑彩燕駘投懷之慶宜三珠之並耀羨一鳳之先鳴我
帶河中丞舉似鸞翔傳如鵠立神姿軒朗起果之在人
中風度雍容裴休之來座上遂爾青箱世禪名策魏科
彩筆颺飛聲騰上苑展三春而臚句虛左瓊林向六詔
而腰章極南花縣辭親初筮徒切望雲稟訓迢征那堪
愛日旋見甄夫循卓便特任以清剛凜凜霜稜寒生白
簡煌煌豸繡熱吐丹忱矢直道以不后期慈恩之無負
既而桓驄共避郁雨分霑邛子國中於菟代乳襄陽池
畔蹀躞皆醒習勤則建甃堪師乘暇亦投壺自豫於是
丹綸遙錫秩晉厥躬 紫誥重頒褒優自出雖華簪
之追賁邈矣椿庭而珈笄之及膺忻哉萱幄迨夫治平

文集卷二

三

既奏 簡擢特殷游歷崇階晉襄獨坐斯時也氣象增
凝丰裁愈峻修篁原挺肯遽罷此彈焦侍闈可排亦何
妨乎傾壺在家問則云無虞母老而臺綱則曰但效臣
忠貞聲咳徹乎 九重而顧盼周斯八表矣卿月方登
使星忽遣甫貳度支之署即賦皇華已離巡守之邦再
臨蠻土持衡兩造案定而文武稱平秉鉞昔年政成而
勲猷報最由是聲馳萱背謂都亭可奉板輿豈期績奏
楓宸念吳會還需保障遂移三湘之旌節聿委兩浙之
封疆甫下車草木畏威不匪歲禽魚食德明非舉燭詎
得藏奸怒不聞雷疇能犯軌蓋冰心不假鐵面而秋肅
總屬春溫凡變化而不居和平是福皆劬勞之所授中

正惟天茲于仲冬穀旦爲我太夫人八表設悅之辰律
轉初陽節踰亞歲華鍾具奏群稱介壽之榮綵線徐添
並效履長之慶早探春花于北關尚譽次公潛養靈豹
于南山還誇叔子孫曾齊侍恰符元凱之生長幼卑趨
大過荀陳之會而乃文通武達盡屬公門吏悅民懷胥
遊仁宇快浙東西之歡呼罔極較湖南北之歌祝倍慇
誠哉天上昌期允也人間盛事其也幸叨蘭譜久跋徽
音誼托通門敢謝群公之授簡情深猶子應領庶姓以
稱觥頌滿吳山慶盈東海行見手調巨鼎脯漿多貢夫
仙班座列上台柱石尚憑夫天姥不慙蕪筆聊侑瑤觴
壽陳母查夫人序

文集卷二

三

式觀彤管人誦女宗載繹細編群推婦道邇高門之鼎
盛定著賢媛瞻順德于坤儀自膺多福眉齊堂上益遐
壽于椿齡膝繞庭前競敷榮于桂子恩綸稠疊下五色
之鸞封彩服繽紛祝千秋之燕喜頓傳閭內享祿位名
壽之全爲語閨中本言德容工之備固宜寶筵日永務
去陳言仙樂風微特揚清曲者矣維我陳母查太夫人
乙未孟冬七旬初度門邊珠履稱說芳型座側銀屏鋪
張淑範西河女子丹房居十二之間南嶽夫人紫館出
三千之界曾傳觴于閨苑滿飲碧霞試乘輦于嶠山飽
饕餮雪人名益壽子號延年性且若夫龍龜升復餘于
雞犬此介眉之恒語雖縷指以難勝若其章設絳紗虞

紫綬從夫有爵細繁瑤草之絲教子成名爭捧金花
之譜積床中之笏冠帔流輝盈架上之衣山河煥彩雖
其寶錄猶屬常談即夫生自華宗世仰龍圖之望早窺
碩德家承鳬舄之賢習筐筥之芳徽柔嘉擅輿播衿纓
之雅度淑慎流傳柳絮工吟居然謝女椒花製頌不數
劉妻執有懿筐則行遵曲陌結惟巾帶則坐織迴盤周
卹賓朋好有知來之贈仁慈滅獲恕無愬往之逢符內
則以無慙對女箴而不愧伊夫人之懿美傳述已多而
鄙僕之文章數陳未暇惟是辭家以出桃咏于歸授室
而來蘭徵受賜自有特豚之饋婉順攸聞曾無叱狗之
嫌溫恭益著問寒問煥克全子婦之文鼓瑟鼓琴永合

文集卷二

三七

夫君之好禮稱齊體和識同心合龍劔于斗邊雄確諧
偶叶鳳翽于嬌後律呂和鳴坐對篝燈每相莊于鴻案
行看囊穎寧待泣于牛衣大宗伯先生挺生命世之賢
光輔參天之業股肱斯寄數千里職在旬宣喉舌專司
四十年榮遷仕宦身惟許國心已忘家而夫人象服有
輝彌甘操作魚軒罔御獨任支持遂成羊祜之康不之
官舍益勵徐弘之守恒在機床儉以律身何事鉛華之
飾勤能率下奚辭紡績之勞樛木歌仁縣瓜誌盛人盡
謝庭之王家踰王氏之珠先後聯翩悉鵬搏而鯢化弟
昆接武列鷺序而鵷行佩玉垂紳總遡源于珠閣筆精
墨妙咸推本于璇閨叩諸子之才華識夫人之教誨風

雲月露晴誇碧海淵源治亂安危熟悉紫陽綱目包羅
全史事辨古今融會微文理通家國爰以治平之效措
諸闕閭之中無過無愆有條有理斯誠鬚眉之所少不
徒巾幗之希聞者矣茲者錦初賜翠恰當設悅之辰橘
始垂黃正值加邇之候瓊筵乍啓客喜登龍綵袖紛投
人誇吐鳳或獻瑤池之菓或呈瓊島之珍次第稱觴謂
王妃之同老更番獻壽云金姥以齊年道有固然詞無
復贅某昔年同學曾聞嵇阮之評近日通門更仰郝鍾
之法得大端于一二自足傾心略小節之尋常奚煩置
喙竊附葭莖之後用占松栢之承適當三爵而還敬進
一言以祝

文集卷三

三八

祝郝年伯母蔣太夫人序

蓋聞紫蘭宮畔飛鳴多九色之禽白玉堂前縹緲奏八
琅之樂鸞駕繁而脩王母定屬芝田擘麟脯而奉麻姑
如遊蓬島况乃花明金谷水暖銀塘新鶯爲自在之啼
小草占忘憂之號烟籠芝甲喜時物之恒春句琢壺辛
奉觴壺而介壽豈非鄉邦所爭羨宗黨所盛傳者乎郝
年伯母蔣太夫人者督亢高門鍾山巨姓牙旂羽葆南
朝開府之家銅沓金鋪東漢通侯之第詩書世守既武
達而文通清白相傳亦醴源而芝本故其言容婉婉圖
象溫恭秋菊春椒彌耽藻采冬裘夏葛更喜紉針環珮
雍容擅大家之模楷油檀屏當薄時世之粧梳讓東推

梨倍憐同氣絕甘分少每戒異心方逢介弟之牽絲未
有良田而種王鏡臺奩具手自分將竹筍疎裳身寧儉
約十年乃字五日爲期臨貴壻之門楣歸繡衣之第宅
流黃獨織艷大婦之當軒金絡生光擁中郎而入室瑣
窗朱戶門羅翡翠三千桂棟蘭寮池列鴛鴦十二而德
稱無遂義美克勤鶴警露而宵興雞鳴寒而夜起驚聞
嬾婦響秋月之刀砧教寬封侯慎春風之行李時則年
伯雪海先生拜 恩殿陛持斧江淮唯 王事之賢勞
牢盆往典更何心于家室翟偕行迨報政于三年遂
申班于獨坐玉簪羅帶江山分一半之天金甲油幢庭
戶行千里之外太夫人以巖疆始靖未隨琴鶴之行時

文集卷二

元

序頻還不免草蟲之感而飄飄金節化鶴方歸渺渺鐵
冠騎箕不返遂使第啼寡鵠瑟怨單鳧和者誰與悲可
知也然而栢舟矢志共知貞婦之操蘭砌承顏常勵蓋
臣之節必使莊孫之後饒有父風欲令畢萬之家均爲
國寶雖賢如閔損無間人言而德及王祥原同已出于
是瑤臺綵樹多開四照之花琪圃仙葩蚤擅一枝之秀
或躋班于左掖梁棟朝家或司鐸于泮宮藻芹士類或
爲諸生祭酒雅雅聲名或爲大學典型堂堂領袖兒能
將母子又生孫莫不鴻漸天衢鵬鸞雲路至若親懿筐
之績貴不忘勞服染練之繒膏尤知潔學蜀山之姑婦
對奕爲歡笑曾氏之母妻蒸梨交惡滅獲莫窺其喜

家兒亦化于閭訢而且香燈翻鹿女之經乳麋拜鴿王
之座遂使夫有安世之貴稠疊鸞章子如文伯之尊禱
襪鳳誥斯固延鄉之錫儼此非榮石窳之封方斯不媿
者矣茲屆季春之月適當初度之辰樺燭薰天鐘聲殷
地形鳳共斑麟並集雲龍與日鶴俱來 其自交陶侃曾
分剉薦之餐繼觀宣文亦與披紗之講蓋覽裳曾咏于
同日則高風更知其上流雖桃李不言豈望抽毫而頌
德唯芝蘭夙好方將拜母而稱觥用介里辭式昭家慶
謹序

祝錢母陳太君七表序

文集卷二

年

前日事其姑裔之散留我吳越者數百年間英賢接踵
而近代名流余亦得交一二歲甲申奉 命督理畿東
河道移駐平舒臨大河險倍他郡需河佐甚迫越六月
錢二尹來詢其籍系知爲前相國文貞公從孫而武肅
王十 世裔也余既幸得人且喜獲見先賢後徐攷其
績操謹而才瞻恪勤乃職私自意曰是殆得之家教者
優乎既又聞少而孤轉異其何所承訓而能自堅立乃
爾未幾侍御杏山寓書於余曰江東小阮隸宇下荷獎
勵甚厚先生亦知其堅立所由來乎皆余嫂陳太君闡
教力也大君爲鑑湖右族幼而淑慎余家叔慕其賢聘
之爲余兄君球配君球少失恃主閭政者無人于歸後

大小事悉以委之太君曲承舅志事先孝相夫勤處姻黨御臧獲罔不惠而有禮由是宗族咸里咸嘖嘖稱道不置無何余兄不祿家中落遺孤五孱焉幾不自振太君茹荼飲藥恢張其門戶訓諸孤不假姑息以慈母蕙嚴君隨其材質課督之俾各自拔于流俗以故諸子承懿訓爭相剴切綽然皆有所成就幼雖丞也志趣尤未可量則太君之訓子雖古賢母九熊畫荻何以加焉今孟秋吉爲太君七袞設悅之辰先生位宗伯崇獎人倫用句一言揚休彤管爲余宗光寵其可乎余聞其言益竊喜向所異其豎立必有由者果不誣而平舒文武吏與紳士父老又合詞以請曰二尹秩雖卑顧蒞吾土

卷二

圭

也再歷年所凜官箴恤民瘼胼手胝足以拯茲飢溺聞其所貽謀皆出自太夫人今七袞矣非大人表章之不足重敢以爲顧余因感中世士大夫席豐履盛勉圖溫飽一旦顛覆頽然輒放廢者亡筭其訓子孫也苟合取容博青紫足矣德業之成否總非所問而太君以一婦人平居稱賢內助不幸隕所天經營擘畫垂裕後昆俾長若幼砥行立名爲宗黨所交稱而被其澤者更謳吟之不能忘太君雖巾幗不賢于偉丈夫遠哉余既佩太君之賢重違侍御之請而更羨平舒之吏民能不忘所自以誌愛戴于無窮也即以羣所頌太君者述其概爲侑一觴兼以勉二尹之昆仲曲推懿訓重自砥策以擴

乃家聲不愧爲武肅賢裔云

宓儒人壽序

嘗觀世係之所以不墜于後者其先世必有賢人君子積累深厚傳諸奕模或續承之光大之恪守前人之緒以克肖乎其家而學士大夫遂從而樂道焉此非獨男子然也巾幗中閨風閭範亦有淵源故能揚庠彤管著其姓氏以昌後嗣而彰前徽惜乎未俗之不多覩也余向者視學江左衡文而外間採風謠凡閭閻中女宗婦順有關風化者不憚委曲諮諏以俟表彰而都人士遂嘖嘖以石城薄君之配宓孺人謂先賢宓子賤嫡裔所出賢而能足備輶軒之採余心誌之顧以其系遠未之

卷二

圭

信也壬午冬余所拔士徐孝廉羽儀再上公車謁而言曰生與同里薄生世爲婚姻其母宓孺人確係先賢之後懿行縷縷大江以南所僅見明年春屆七袞里之戚友欲稱觴焉冀得夫子一言以爲重敢請余曰發潛表幽余志也余素諳孺人之賢表彰未果徐孝廉篤行君子也其所稱述必不虛傳曰德之凝者福斯集焉薄人以儒家女克相夫子擴其家聲而又訓子若孫以讀書砥行享期頤于耄艾也以德若彼以福若此孰非先世之遺澤積累深厚故巾幗中亦能遠紹前修爲賢哉女長爲賢哉婦老爲賢哉母俾士大夫樂道不置哉余故藉孝廉之壽孺人而述其槩爲末俗勸若乃秉質之

淑慎宜家之哉 戚若友咸能頌之無俟余言也

記

文昌會碑記

士大夫讀聖賢書往往習焉不察間與語鬼神福善禍淫事則瞿然警故古聖王每假神道以設教而文昌六星見于司馬遷天官之書切近紫微帝座司命司祿昭昭在上非荒竊不經者比且京師首善地也十五國人文係焉奎壁之光高爲象緯降爲神祇尤呼吸通乎紫極者其祀事不綦重哉崇文門迤西薛家灣有廟翼然蓋關壯穆祠也兩不戒于火善士郝公睿捐資而鼎新之乃并以文昌附焉家士弘姪慕其事偕公睿之子之

文集卷二

三

英聚輩下博士弟十有八人歲醮資約五十金每于文昌誕降之日飾供帳上冠帶設醮張樂以鳴石文之報洋洋盼矚猗歟盛已都人士恐日遠漸弛不肅于事謀勒石屬余爲記余惟首善之地事關文教非徼福于荒竊不經者故誌其樂俾後之踵事而增美云

俞節婦碑記

古今來人道之所以不息者惟此忠孝節義常存于夫壤之間而節義之在閨閣較丈夫之忠孝爲倍難顧或世胄名閨孤幃自矢不得已爲門第所閑否則貧家作苦藜藿自充即不然終窶凍餒而禍患不侵猶得勉自樹立守貞白首史乘中往往稱之若乃以饑寒無告之

孫娶喪侮頗仍而之死靡他卒能安先靈以綿後嗣耳

目中不多聞見而吾邑俞節婦爲僅觀云節婦貧戶施釣美女也母沈氏憐愛之然嚴于教動止有則不妄咲言稍長日事織紉不少懈遂許字于邑庠俞茂良之孫君亮年十六父病且亡哀毀莫措有弟隆壽未離襁褓遂以一弱息殯嚴父養老母而撫幼弟其至性已過人矣三年服闋曰孀于俞而翁天如家徒壁立磨腐爲生姑氏年衰善病節婦操井臼承顏順志深得堂上兩白首歡自春徂秋結褵甫九月夫輒痿痺婉轉床第間翁與姑又同時染疫隻身奉侍號泣禱天翁終殞命視舍甫畢姑又踵亡家無長物止遺臥榻及布衣數種鬻之以經紀殯費旬日兩喪痛也何如明年夏幸生一子曰聖洪夫病轉劇節婦面相慰譬退即含悽畫則且哺且織汲漬機絲宵則籲蒼祈代如是者五年而君亮竟長逝矣時年甫二十三屢欲引決繼念遺孤在俞氏似續所關未敢殉夫泉下忍死以待隨攜母若弟同居以撫四歲孤亡何母亦去世哀慟喪殯無異曩時之於父也越二年族之人有以年少孤苦婉頰諷之者節婦涕泗交頤危言叱拒厥後不令聞知忽焉鼓樂肩輿迫之行節婦怒號散髮觸柱倒地幾絕黨鄉驚聞急救踰時始甦於是羣慚服無復敢以非禮挑者斯時也母氏無可歸之路夫家無可倚之人頭無一椽益無半菽晨昏

文集卷二

五

之以經紀殯費旬日兩喪痛也何如明年夏幸生一子曰聖洪夫病轉劇節婦面相慰譬退即含悽畫則且哺且織汲漬機絲宵則籲蒼祈代如是者五年而君亮竟長逝矣時年甫二十三屢欲引決繼念遺孤在俞氏似續所關未敢殉夫泉下忍死以待隨攜母若弟同居以撫四歲孤亡何母亦去世哀慟喪殯無異曩時之於父也越二年族之人有以年少孤苦婉頰諷之者節婦涕泗交頤危言叱拒厥後不令聞知忽焉鼓樂肩輿迫之行節婦怒號散髮觸柱倒地幾絕黨鄉驚聞急救踰時始甦於是羣慚服無復敢以非禮挑者斯時也母氏無可歸之路夫家無可倚之人頭無一椽益無半菽晨昏

振作以供新米實屋之資噫苦已且復時時訓誨其子稍成立即為聘婦閱數載有孫始一色喜既又念夫與翁姑尚浮淺土未亡人脫不諱何以見地下百計經營卜一坵身履冰霜捧土封窆視彼富貴家身居堂厦而祖若父暴霜露不一謀窀穸者仁孝為何如耶年六十疾黨稱觴節婦扶杖抱孫含淚而謝蓋隱痛夫壻早世不獲見孫於今日也嗟乎霜霰交侵貞心如故金石融劫勁節不移而又能孝父母字弱弟事舅姑代所天以育子孫生養死葬裕後承前此中悃中之德完行美者也雖閨閭或難之乃得之閨閭之家斯已奇矣而又出于顯連困侮之餘雖古之磨笄截髮何以踰此歲

文集卷二

三

邑人士聞之交相嘉嘆學使者顧其廬請旌建坊以風海內此固聖化涵育然非氏貞操格天烏能使閨閣之節義倍難于忠孝者屹然獨峙于海濱聲稱藉藉不朽哉坊旣竣邑人欲泐之石介王孝廉丐余為記余向厠史館倖歷容臺闡幽表貞素志也況同里所稔悉何敢以不文辭爰誌其略庶後之聞風者勃然知所興感也夫

葆真閣記

余觀海昌邑乘澤江塘之南有鄧野南有葆真閣當宋寧宗嘉定間海潮沸溢陷地四十餘里閣亦淪沒時住持羽士羅以謙奔避鄧野祠見祠前地甚平曠

高丘起伏有五羅立如指因加修葺建閣焉仍名葆真不忘所自也余為經生時嘗過之其後宦遊三十餘載致政里居復過其地見其傑閣巍煥僉曰周鍊師之所重修也神像莊嚴僉曰周鍊師之所重裝也余因攝衣而上遙眺青岑下臨綠野左眄右睇遠景畢聚洵勝觀也俯仰之餘不禁有感曰廢興成敗相循無窮若有數焉然苟得其人以維持之亦可以歷久而勿替不然如唐之王貞觀宋之洞霄宮非不金碧輝煌照耀耳目不數十年即化為灰燼廢為榛莽鵲巢之所巢獲狐之所窟騷人賦客徒悵悼於荒烟冷霧欲訪其遺踪幾不可得矣若茲閣者羅師創之於前周師葺之於後鼎已

文集卷二

三

四遷新如一日非以維持之有人歟周師名字以清渾為宗類有道德者托張子瑞公丐文於余余因為記之使後之人能承其志庶可以興而不廢成而無毀也夫

樂蘇橋老坟記

地從金銀店橋坤申發脉逶迤至潘家滙大港港西數里有鄒家橋港東半里有冷家港皆由南而北共抵洛塘從西過東四圍皆水中存實地一區約數十里潘家滙港北去岸數十步有樂蘇橋橋浜自西南而東滙為小漾迺北至抵樂蘇橋洛塘迤西半里許亦有短浜由南而北有橫浜由西而東中有獨木橋即潘貞烈渡河處

今稍改潤東會于樂蘇橋浜始趨北前後又有二短浜自西過東後浜之北爲德星堂宅基基後有一淒淒北又有一浜皆從東入西由西上南合西南兩水溝皆出東北繞過宅基與坎地相應浜北有半里實地至洛塘爲後拓西南又有長浜唐家浜道人浜皆出洛塘與潘家滙港西鄰家港港東冷家港壤地相接左右前後重環繞眞歷久發祥之地坎後屋三間已毀尚存一碑謂洪武初彥貞君始卜此地蓋誠齋公初遷洛塘而珍二公即彥貞卜此地以葬之也今坎有六穴無墓碑可考自誠齋珍二太常景清克宏文遠諸公六代適相符而西南數武又有數穴係河口船上始祖之墓蓋同一

文集卷二

三七

地而彼係坤申入離此獨入首轉丁大不相侔矣向無祭田印峯心泉兩公始置十二畝爲後人所賣乃糾分以祭赴者寥寥康熙年間心泉公支下共買田十畝祭亦不敷二十一年崑生公支下每年發米漸增至十石以供兩祭又恐日久難支康熙五十六年公捐四十畝連前十畝共五十畝歲收米五十石完糧役外每祭付值祀者五石歲共十石歛歲或不足糾分助之豐必有餘儲爲修築再買祭田之用但祭雖公闢而此田必擇置田支下公舉輪管或五年或十年每歲登記公同閱美稍私者罰無宥倘有不肖輩擅賣分毫即以逆論合族鳴官以究嗣後子孫或受爵升官中式入泮以及老

年得子壽祝七旬八旬者隨力捐助多寡不相強若有老而無子擇繼時公酌十分中捐一二以承祀從此擴充積貯漸盈公用之外或每祭再增若干以爲飲福漸繁之計至于孤孩寡婦艱苦堪憐者亦酌賙以廣先惠公誌勿忘 墓後數十步太學楚生公同施陸兩孺人墓西山卯向即在西北并記

戴陽橋新坎記

地從三水橋辰巽發脈有大梅橋浜再西有白獐浜俱自南而北直抵洛塘塘之西有 港中爲戴陽橋南里許合西來諸水南北分流南至五湖涇北至洛塘而洛塘東西之中有蔓藤浜浜中間向有一堤水因南流過

文集卷三

三

西有小漾折西上南東南又有小浜里許從巽口過西會西浜同向西南出戴陽橋故坎爲亥卯未三合震局坎前浜南又有小浜中東一堤東流巽口西入港南又有曲浜繞地如紗帽狀稍南又有二浜東西圍繞如方印正對坎前而蔓藤堤之西自東磚橋北至戴陽橋南田地數百畝迴環逆抱氣力更雄與坎南兩印相對眞天造也此係鄰人袁氏屋基屋誤造不得地氣家遂敗表子托人求賣于心泉公公預得夢兆持厚禮走謁袁母問果否母慨然公乃爲子別構一宅器用具備復送良田白鏹若干較常價不啻十倍袁母子狂喜訂期遷屋忽一棍誘以屋有數樞盡火之埋甕于土彼必不敢

動表聽其言公初不知及啟土奔告表曰屋雖移項見數甕骨壘壘棄人之祖父以葬吾親不忍願奉璧表佯不許公曰果爾我當緩我事先爲君卜一佳城何如表曰諾遂復延地師擇一坵穿營築柳封植森然表母泣拜曰公眞仁人也感勸曷忘地遂定規無如何繼知地之東向買朱卿畝許復誘其仗官來贖鳴諸官重懲之乃不敢肆隨擇日時癸山丁向墓洛泉公于穴閱數載公歿亦同山向附墓于東長子匡字公四子二酉公乾山與向皆于明季相繼墓西右次子太原公歿于本朝丁酉冬同祖父山向墓于東七太華公又遲數年亦效之通墓于東左共六穴焉向無祭田糾分以祀貧者

文集卷二

完

但不赴康熙二十一年崑生公支下每歲捐米漸增至九石以供兩祭但坟後向有屋毀後無看坟者坟樹屢被竊康熙五十三年買浜西地半畝監牌樓以表墓道又以坟後買祖遺分地二畝七分構屋三大間擇人居住并畀以地不完糧不起租留爲工食使加謹看守復于坟前濶之南買分地二畝監名器中鋪石路達于南浜俾祭者走謁墓前坟之西舊有一木橋行人來往不絕今去之移置東北不礙行者往來而坟北東西又植槿結籬以環墓後葱蔥鬱鬱庶少有踐履者兆斯靜矣第捐米值祭日久難支康熙五十六年公置祭田四十畝歲收米四十石完糧役外春秋發米十石分畀值祀

者設歲糾助豐或有餘貯爲修築及擴充祭田之用至于擇人輪管量力捐助廣先惠以禁擅賣悉照老坟之例公誌不忘但此坟所係專在蔓藤一埧明季爲鹽巢所掘龍氣逆而凶煞侵許氏之不絕如線國初重祭幸獲安宇順治末年奸宄者復開禍且益烈乃鳴于縣詳于院給示重修載入通誌曰蔓藤填加築已二三丈矣嗣後本支每歲于夏淺冬涸之期貧者効力富者輸錢增高加廣延濶百十丈或爲義塚或爲神祠永垂不朽則坟之龍脈益眞拓砂彌厚福澤寧有涯哉

紫雲村坟記

地在紫雲山北四圍俱水四面皆山惟西北山少乃于

文集卷二

甲

港南特發天子母墩龍從此起西有隨龍一浜自北趨南直至顧家門前西來大港港以南雲山葱鬱古人所謂紫雲山脈落平田鳥跡蛛絲體自然龍氣渡港而聚北未必可信港則由西而東南承十餘里山水別無他往總匯於港東爲吳口迤北有短浜數十武西流過東會諸水環繞堂前遠迤趨北又有一浜較前浜稍長從西北東流與衆水相合作一小漾紆徐落北復有橫浜數條長短濶狹似稍不齊皆從西北過東爲重重後拓直過港北抵金粟統西來諸山爲衆水砥柱盤旋曲折總趨東北此水勢也龍氣則西北自天子母墩高卑起伏踴躍趨南忽有二濤中間高地數丈過峽而東益

勝從辛亥而庚酉入首以右旋為左旋已酉丑五合之局堪輿俞公邁深嘉此地適親家徐歲升以此地欲葬先人今已別厝求售於眾弟兄乃合買之復延鍾子期覆閱亦以為可遂定于康熙庚戌十月朔卜葬先一日往拜坟隣夜則扶兩大人及邵即兄元配顧氏三柩方上岸忽村棍數十人揭竿爭拒送葬者亟欲鳴官眾弟兄曰無庸不妨為先人屈置盃酒以金帛給之數十人跪柩前叩頭悔罪于是兩地師定穴俞欲取中鍾恐以乾戌碍堅欲偏北非雲兄調停其間遂定于東北面對三台山中正不偏辰初棺甫進槨而村落中突有六人騎馬而過識者以為為祿馬到堂之兆築三和土四日始

文集卷二

聖

竣眾親族胥賀而邵即兄以地非上選虞一兄以墓稍遠不能時拜謁眾弟兄亦以先君盛德不欲與互鄉伍決計欲遷越乙卯秋子倖薦于鄉還意尤決復買郎眾磚橋親家錢紫益地八畝好友繩其仲張兩張公久以地理擅名共加嘆賞定期築槨一衿棍葛姓以葬鄰彼地夜呼數十人移一棺置槨側凌晨邵即兄亟鳴諸縣令許西山以子已允彼反求情假捏謂舊槨六七誣許赴司寇館因命邵即兄棺蓋被拋佔誣許于臬司王日離院孫振不得已迺復控院李本發府鄭委三府親勘勘定審詳本府臬司及撫院離院八禡草之以重誣擬絞減等改流臨遣挾村嫗誑為母老乞留養眾弟兄憐而聽之遂不敢復肆然訐訟已三年矣壬

戊子提南宮旋徵館選凡地師來閱者嘖嘖稱羨遂不復議遷擴坟地三畝餘植蔭樹更買浜北地構祠堂中奉兩大人神主前為看坟者住每歲糯米三石祭則六房通輪取墓外田十畝租為春秋兩祀五十年監牌樓于西南五十四年買浜東地監名器正對墓前五十七年輪祭畢公置田七十畝合墓外十畝共十畝取租為春秋祭每先兩日祭本邑兩坟第三日主祭者持餚饌先赴餘皆鼓棹自膳午刻齊到墓歡聚半日晚各餐就寢祠中明日天未明煮祭餚眾各盥洗至墓先以三牲祀后土後以茶酒湯飯春盤茶盒五牲五菓及五大簋二桌設墓前長者薦獻畢率眾四拜稍停再

文集卷二

聖

獻又四拜稍停三獻復四拜拜訖起相揖候片時乃焚楮錠收酒餚別墓就祠堂列數桌各五品飲畢乃飯別祠堂仍趨墓叩謁付隨祀者人各五十文為往還費各登舟賦歸又于冬夏兩至之次日祭祠堂兼課子姪文藝祭亦五簋共八席課文者早粥午飯晚即甲乙其文夜則以祭餚招長幼共飲明晨歸歲共四祭約費二十餘金完糧役看坟者米三石餘皆貯為修築再買祭田之費然祭雖共輪田必擇人管理或五年或十年每歲登記公同閱笑稍私者倍罰另擇人相代嗣後子若孫或受爵升官中式入泮老年得子壽祝七旬八旬者量力捐助多寡不相強擴充至二百畝外視貧窶者或孤

或老病或不能婚嫁或好學能文而窘不應試公同酌助以垂可久至于情業而飢寒妄行而患難總不之恤倘有不孝輩借端違命私賣一二畝即以逆論衆共鳴官究追戒之哉永矢勿諼

誠齋公初遷洛塘至珍二太常皆單傳太常公生三子長宗昌次景輝季景清爲三大支景清公生一子克宏克宏公生文遠甫一週而孤賴潘貞烈教育克昌厥後文遠公生子五長良秩號樂泉二良弼三良宰四良諭五良直復爲五支居處不同坟墓亦異而遠近彰彰惟三墓爲最著故先記之支下各有佳城祈續梓以共垂不朽

書

文集卷二

聖

寄同年張景峯司寇

承手教垂注數拳即應裁復因久蓄歸田之志今已遂願局定奉荅幸不以遲遲爲罪憶壬戌冬三十五人共步瀛洲依依如昨日事曾幾何時而存亡顯晦恍似浮雲彼少而不祿老而成化壯而高臥自甘者不具論即如吳子楞香周子蟬岩彭子文洽以及余子子鴻劉子禹美皆以命世之器轉瞬雲霄而中道云殂殊深於邑至于蔡子方麓忽臥東山吳子匪菴孫子雲韶王子薛殿渠齋輔輶岩廊旦晚以公輔相期而朝露溘然未竟厥志每一念及輒爲流涕惟僕與景峯公年齒雖懸而

寓相近境相似名位亦相亞雄談善謔情性亦復相倫同時曳履並坐彈冠侃侃陳謨實爲一時盛事乃半載以來景峰忽先我賦歸舉朝痛惜而僕又景逼桑榆踴躍殊劇不得已具疏引退幸奉 俞旨回想三十五人在朝者惟于岳眉長修子胄司四子而已撫今追昔恍同一夢豈不大可傷哉然景峰以盛德挂冠駕行後白雲司覆雨翻雲都人士愈追思愛慕爲景星慶雲賜環之兆早晚可卜僕則衰朽南還長共農夫以沒世矣倘邀天之幸或不即就木則癸巳暮春當踐舊約尚可北來一晤把盞挑燈重叙三十年樂事不知能如吾願否令弟令郎聚首一堂天倫之樂人世無兩幸各致意

文集卷二

留

致晚研他山兩館丈倡舉三老會

近體稍痊索居殊苦因想唐宋諸名賢優游林下必有同志數輩聲應氣求作佳會以數晨夕如九老如耆英如真率一時盛事千載嘖嘖爲美談元初家魯齋與姚竇二公蘇門講論不過一二會三四百年來猶艷稱之近世士大夫鞠躬王事家居絕少乃忽于東南濱海藉尖龍鳳長牆秦駐之間特鍾吾晚研先生及查他山館丈胸羅百家目空一切僕不材亦得廁葭莩之末執鐙隨後居既同年復相亞共叨一第唱和蓬瀛志趣一揆不肯苟諧流俗子若孫亦皆能讀書以承歡暮景三年之內先後歸田而所處數十里三方互峙各有名山

大澤供歷登臨此真天作之合鍾靈于我三老也可不
仰步前英創茲良會爲千秋佳話哉竊不自揣顏其會
曰三老每一年祁寒酷暑之外約于九月三月一會會
必三日一日登眺一日清談一日游藝先期半月單刺
走訂三日前再一邀臨期不更速隔夕登舟黎明赴會
晨用粥午飯三豆一湯申刻四點晚則五簋九碟酒無
限約二鼓就寢僮僕俱自膳三日滿賦別倘有他幹歸
自寓主人不復留如此計之一年不過三會一會不過
三日一人一年所費不過三金而收四時之嘉景作九
日之快談嘯傲酣歌真足千古況從此一年或數年或
數十年傳之子孫垂之志乘區區三老何必不與唐宋
諸名賢爭雄夫環而姚竇許三君子不又再見也耶來
春三月僕即首事先以鄙指告之先生再致查他山想
亦不我外也草泐伏候回音不盡

寄楊晚研

逕啓十五日徐觀老伴以一札致他山一札委僕謂臥
病旬餘致稽曩訂今梅藥雖殘而梨葩正艷欲僕轉懇
先生暨梅谿道長即同鼓棹僕以他山于二月初早往
西江大約夏杪方還則梨園似少點板况梅殘梨媚舍
彼就此是棄貞娘而趨嬌女僕老矣非我思存不如省
却月會總俟八九月間各帶杖頭徑往具區或訪桂或
尋菊橙黃橘綠作半月之婆娑似與天時地境物態人

文集卷二

望

情事事夥合因即草數行覆之不知台旨以爲然否擅
意之罪幸祈原諒

又

數日前接手教謂三月杪枉顧敝廬喜且欲狂繼復代
爲籌筭既訂三月何不以十三四先過破山十五日同
往寧邑叩 萬壽以見臣等雖在外不敢忘君長公即
萬里初回松喬重聚率弟若孫晨夕承歡父子之至性
也如夫人睽隔者垂十年一旦夫婦重圓此中妙趣豈
他人可能描畫盛族諸兄弟趨候頻頻往而不來非禮
也雖然惠顧友愛斯敦邑中友朋數十輩喁喁然望顏
色者久矣忽焉親芝宇而飫塵談愉快又何如耶屈指
盤桓不過五日而天倫之樂已足千古況從此或再遲
遲婆娑故里樂更何涯否則拜祝一竣攜手同歸翱翔
東西兩山信宿宿然後言旋往返半月歲以爲常所
得不多乎哉拙宜公靜言思之當必怡然以鄙言爲萬
當也

寄同門余靖蘭

人無賢否皆有朋友而意氣不篤把握交懽別即秦越
人不相顧矣惟僕與靖蘭生既同庚薦于鄉則同門提
于南宮又同譜固天作之合鍾其誼于我兩人也而意
氣交孚不啻同懷兄弟茫茫宇宙交游輩誰復有如我
兩人者乃綰符一別遂隔雲山然鴻鯉往還音問如織

文集卷二

望

即子解組後猶得偕令子姪輩詢悉道履恍覩芝顏逮僕乞歸田方謂一江似澗洄溯可通從此與素心人不時聯袂雄談醉讀快叙數十年濶踪天倫之樂名教之榮真爲古今勝事不意子既養高杜門却執而僕又衰軀習懶不能一出門戶吳地越山竟成蜀道迴憶卯秋旋里迄今五六年晨夕間無一刻不三四馳依也不知靖蘭曾一念及否因思鹿鳴握手曾幾何時轉瞬俱老豈矣古人千里相思尚期命駕况一衣帶水乎桑榆景過更待何年願于三秋之候靖蘭暫扶筇着屐一訪西湖頭先期確示僕即鼓棹武林雙峰三竺作十日快談若天假餘年或每歲或兩歲三歲再循往轍傳爲千秋佳話庶不負天之鍾意氣于吾兩人也靖蘭聞此豈以僕言爲河漢耶

文集卷二 哭

與巡撫徐蝶園

切膚之患重荷大中丞憂勞而漠然不顧天壤豈有是人但負疴沉重實難舉步此耳目可親驗者况此案估費若干用夫多寡在諸當事確籌定議大中丞審擇行之芻蕘之獻前札已備悉矣至加賦一事諸公事權在握勸懲惟命顧欲以歸休就木之人出而倡議無論衆怨沸騰腐心切齒而此時扶病登舟呻吟竭蹶亦將有不能終日之慮捐軀趨召諒亦不忍聞也仍煩敝友代草并遣孫煒負荆方命之愆萬祈垂宥

與藩司段百維

孫煒歸備述隆情慙慙垂注兒子一疏重蒙嘉賞感難言罄但謂一勞永逸勢必不能只須隨坍隨築姑保目前無恙其竊以爲過矣夫元明以前海塘坍陷數十年淪沒生靈以數十萬計即今康熙三年興築以來亦屢經坍修矣而此番危險較從前不啻十倍必須十數萬金修整堅固庶可數年無恙若止捐輸數萬苟且目前方築復坍誰任其咎况兒子所奏監例雖云一邑而將來鄰近州縣皆可附納冒籍不禁十四五萬金期年綽然但患錢糧既裕而司厥事者援天命之說以怠人事耳誠能慎簡下僚申明賞罰微員無染指之私紳衿無

文集卷二 哭

中飽之患採買大石修造木櫃所用之夫每名日給數十錢使寅而作酉而息吏胥保正不得乘勢欺壓索錢私放如此而塘工不成者其未之信也至于寧邑所具之呈有陸續報完功將垂竣等語不知兩年修後風潮不測現在重坍數十里數千餘丈綢繆無策故在今日必將此危險情形大聲入告庶幾可動 聖聽若云業已垂竣何事開捐而敝邑陳令又欲推廣數郡再開他例則無論冒濫多門有傷國體萬一 聖明動疑不維不允別遣部司到邑勘估官民受累更何以堪此萬萬不可者 某臥病雖深籌策已熟懇推愚父子苦衷俯採鄙言勿爲謫議所惑使海塘得以告成生民不罹水患

則永戴生成豈筆墨所能盡耶運使謂揭收宜在司庫言亦有理惟台裁是荷

與太守張鳳崖

趙叩劇擾返棹匆匆不獲細聆大誨歉仄無似某賦性輕拙從不與聞戶外而事關民隱偶為代陳如寧邑門攤一案全書所載共一百零某居硤石向止二十二兩七錢者今且征至九十二兩門攤之外另有稅課局課閘鈔以及酒醋油染埠頭漁戶各行自辦向止數兩數十兩者今且各征至數百餘兩浮派多多哀號載道此某所親見者一鎮如此各鎮可知但各鎮畏懼胥役明知控亦無濟含忍不言獨有長安之民以各憲公明大

文集卷二 哭

非昔比故以全書所載趙碑所立確據上呈初非與康熙四年間謂一鎮獨多欲派各鎮如弋公所刊木榜之比前月上省偶過長安數百人哀哀公訴某目擊心傷故爾陳于臺下及自省歸縣承陳令以詳稿見示某面同該役將全書趙碑細細詢駁陳令茫然該役亦俯首無辭但求不再致上臺庶免罪累某曰父母初臨並未染指故欲作勝事以造福于無窮既已詳覆自然悉聽耳今接手教知秉公確訊悉如縣詳芻蕘之獻不蒙採納某從此不復置喙矣但祈嚴示敝縣門攤稅課局課等項悉照定額若干設櫃徵收自投發票不許胥役奸牙妄行包佔私派徒督保長賠累以致賣男鬻女上千

天和則民之帶高厚者寧有盡哉恃愛直言極知取厭然李密有言知善不薦聞惡無言隱情惜已自同寒蟬是罪人也茲之所陳亦欲使明府令問休揚有裨萬分之一耳伏祈垂宥是荷

與巡撫李厚菴書

小力歸備述大論并拜台翰慰誨勸拳雖父兄之于子弟不過如是某獨何人叨斯至愛感勒五中永矢勿諼矣目疾甚劇聞新城郝典史頗能針灸延治數日略奏小効因封篆暫回歲終仍復到寓正二月間彼謂可以漸愈伏祈婉諭道府一應公幹煩其遣調感何如之更有讀者本年報修之冊七月間承執事諄諄面囑故敢

文集卷二 五

相商今上閱堤工稱善聖德高明無微不矚而某猶有所慮者茲歲修築之苦萬一未經深悉則似因襲前人絕無所費以効力者他日三年期滿亦安能放歸鄉土乎是造冊報修實一大關鍵也夫臣子之事君也廉不言貧勤不言苦忠不言己效公不言己能鞠躬盡瘁死而後已豈敢存息肩之思但某衰軀多病筋力盡於經營家財竭于修築倘力不能繼有誤欽工此則身命事小國家事重每一念及未嘗不惕然憂懼也倘肯俯鑒苦衷或具摺或面陳相機一奏俾年來輕家國報之舉聖意略知則執事回天之力銘佩豈筆墨所能盡哉

與巡撫李厚菴

近接大檄封函竟用移咨之體殊切悚惶在執事冲懷
若谷尊而彌光某則何以當也幸循前例以肅觀瞻
又

既聆大誨銘感何既廿三日登舟親見保屬洪濤與前
兩日大異及抵子牙雖踰漕數尺尚似平坦不意月杪
以迄今茲日夕暗長漸驚澎湃堤高者離頂一二尺卑
者不及尺許問之土人皆云去歲相因且有云更甚于
去歲者蓋去歲之水夏初便發積而不退今則初時不
覺歷秋暴漲其危險似較甚矣幸兩岸新修堅實可恃
而夏間令俞同知詳濬新河重荷飭行洶湧之勢分流

文集卷三

十一

稍減種種綢繆何一非執事所賜但刻下長而未消尚
難預定嚴督各執事晝夜保護寓中親知僮僕分遣巡
防刻無寧晷務求萬無一失以慰殷懷大約中秋後方
可安枕始笑數日前登龍奉謁自謂安瀾真燕雀處堂
未經閱歷者也至保屬高陽雄蠡漫溢情形先後通告
日切悚惶各令頗有循良而胥廳又正將服滿不知可
無碍否卑刺草奏前已面陳統惟垂宥

又

初五日拜讀台教慰誨懃拳感豈言罄啟者水勢洶湧
前已申悉至初四後日夕漸盈離堤頂者不過數寸蕪
之風高浪湧駭目驚心蓋亦危矣幸西堤數十里俱屬

新修而東堤自子牙鎮以南一帶亦係某所自築可恃
無恐惟門留二庄地最窪下自保陽奉台諭東歸又發
工價親督楊主簿再為培厚更覺萬全總之今秋之水
自新河以南較去年似甚新河以北較去年稍減統而
計之實無大異向非新河挑濬而子牙東西不經手築
其不似去年之漫決數處者幾希矣今仗執事之宏庇
綢繆孔固而時已白露勢漸消退大約再過數日便可
高枕而臥特此附報以慰台懷至保河所屬漫溢疊告
現在嚴檄堵修限期報竣此中情事實可憫惻想執事
定能垂諒也

又

文集卷三

十一

逕啟初八日接據俞河廳一詳承批由各處申報以憑
奏明具感執事之委曲提攜誼同高厚今遵命以節畧
一紙咨呈于臺下伏祈裁鑒不盡

又

亟欲趨叩崇堦面謝種種并商歲終報修之冊緣生目
疾甚熾跬步難行不得已暫爾中止俟月杪月初或得
稍痊即走謁也啟者工部所咨奏明修築一事兩承台
諭指示明晰造冊此誼所當然豈敢推諉自便奈前任
分司不解何故竟將緊要各卷悉歸烏有至于此案之
奏銷自執事行知一帙而外詳冊底稿總無隻字留署
憑何繕造因又以實情移守道轉復矣敢拜懇執事垂

又

逕啟挑河一道前已面陳叩謁後乘歸舟之便親勘四五日乃知緊要宜濬尚有數處某既任其一而文大兩縣向有公務之項俱已悅服今遵台諭具呈敢懇于執事預飭河廳一俟凍解親督各印佐刻期分濬否則以嚴詞警之庶幾功可速竣感沐非淺鮮矣特此再瀆曷勝虔禱

又

前在上谷承賜顧後適晤河間白守道及吳橋縣被控

文集卷二

五十三

一案在部堂不得不准以警官邪但以一吏員竟捏合縣公事挾仇顛誣必得嚴究庶幾刁風可戢某謂此等事從不聞說且秦鏡高懸自有公斷白守云原係閑論非求鼎致者今歸後徐思杜令去年署篆實感其有功堤岸而歷訪輿論亦與白守相符故敢密陳以備一叅又及

又

逕啟河員報滿今歲自戴同知高縣丞而外更無人矣不意日內又有劉主簿者向在任丘今補獻縣俱係清河專設前後接俸共滿三年有餘詳廳轉報某以事雖近理然清河設官以來未有此例且所爭不過一年乃

從前數月不早為計何得于榮行之頃忽行瑣瀆因嚴詞覆之奈彼謂兩任題拔原荷閣部特恩始終成就正在此時哀懇再三曉曉不已某思旗員不甚曉事若堅持不報必疑某為阻抑無可如何勉爾轉呈可行與否統惟裁奪但勿以冒昧見督幸甚

又

歲前拜讀回諭銘勒無似初擬封篆時大駕即已過發近晤李河廳始知尚在開印之後春新動履萬福未遑趨賀榮行竟不及走送種種疎越想執事自能見原于格外也

又

文集卷二

五十四

泰運日新鴻禧彌茂不及趨叩崇塔歡仄奚似啟者堤工椿木例須就近購買乃河廳俞品去冬面稟河獻兩邑來春共購椿木二千根方足濟用伏乞發價代買某即如數交委已經咨呈在案不意領價之後屢以州縣詳免貌不肖辦將來各屬效尤堤工勢必貽誤輾轉思惟不得不以一呈懇于執事恩賜主持嚴飭該廳用力倘以此呈太露且止不用或就去冬某所咨再購椿木事執事諭以時屆春融務須速購毋得推諉則彼庶稍知所做病中憂心如焚尚有未盡之語特遣小力面稟伏祈垂憫鑒察賤目尚未愈郝典史已令回署矣

又

前承手諭知報銷一案已蒙敕奏感極感極二十五日復接大檄嚴飭各屬防修捧讀之餘倍深銘勒蓋今歲堤工其雖貧病然已多方竭蹶或自築或委修悉照去年經費不敢稍惜絲毫致滋意外故子牙六十里西堤及東堤閘留等處現在親修更加堅固其餘酌給所屬未免因循然仰仗德威尚可鞭策獨霸文兩處堤多殘缺其既不能周濟而鄒令丁艱楊牧又漫不經心是則稍可慮者至于保屬河廳杳未抵任署篆者復不能驅策各屬不識執事可諭郡守一為督率否草謝并瀆伏惟鑒宥

又

文彙卷三

五

逕啟奏明修築等事去秋重蒙執事賜稿咨覆甚明乃頃准守道移文知戶部復欲造報切思所存舊案前司俱行帶去並無片楮遺留早經奉告今又准部駁敢仍懇執事賜咨詳復以了葛藤如必欲細造仍煩貴吏揀核舊冊定稿轉發以便遵奉若懸空摸索萬萬有不能者不揣屢瀆情非得已伏祈鑒宥臨穎曷勝悚惶子牙東堤現委吳廷奕修築敏練勤勞要地實可倚任願望留神并禱

近情形畧陳一二大城西堤雖委本邑印佐分頭董役而經營種種實親為從事想可無虞東堤閘留二庄等處上所注念又重荷執事諄諄切囑特委吳盡力興修較前堅固不啻數倍此皆委官所目睹者廣福樓一帶雖發價青令而彼仍用民力然觀其修築視去年似覺較勝秋間可無慮也河獻二處因分發椿葦故不能復同往年侵蝕殆盡亦似可喜靜海署令頗能任事但皇差之後繼以捕蝗心力竭矣所應修者不無草草今雖報竣復飭加倍當俟其後效耳保屬各堤數少力省大概可保唯文署霸牧奉差僅責兩河員拮据了局現在遣役往勘當再報也大城趙令今歲勤

文彙卷三

五

又

本擬月杪趨謁叩謝隆情并請大教奈目疾愈甚竟不能行不得已特着小力面稟倘有要言不妨明諭之也

臨穎曷勝依馳之至

又

白露踰旬秋濤漸落安瀾之頌可預爲獻矣平舒數萬
戶旱澇頻仍今且雨暘時若重登大有此莫非執事已
饑已溺之慇懷所感召也恐 至尊遣問肅此預報俟
秋深賤目稍痊趨轅面頌臨穎曷勝欣忭之至

與同年王公垂

公垂長役初間止聞大概但不知實費幾何刻下交過
若干嗣後陸續何時可以竣事懸念日切幸祈示慰僕
半年來每接好友惠札無不謂公垂日夕憂焦形容憔悴
景况大非昔比僕雖同病聞之頗以爲過矣一得之

文集卷三

幸七

獻不敢以遠喻請即同館以爲喻同館三十五人自戊
冬迄今不過二十一年撫今追昔恍似南柯竊見魯子
敬侯王子醇叔尤子慧珠高躅清標翛然物色之外實
非僕輩可及其餘同在風塵者路子廷彥吳子漢章姚
子映垣魯子韜人英年偉負羣以黑頭公相期而才與
命違早歌薤露家山濤兄人文領袖與潘子一韓周子
安侯黃子紫臨武子允安者年碩德師表人羣而後先
賁志不得稍展尺寸更如吳子樛香嚴氣正性望隆中
外周子廣菴文章淹雅彭子文洽氣識深沉余子一弘
劉子禹美敷陳歟歷相得益彰之數子者瞬息間參衡
鈞軸秉鉞嚴疆而中道云殂朝野爲之嘆息統而憶之

廿一載之風流十四人之芳軌顯晦殊途沈埋一轍豈

不真可哀哉至于碩果長存歸然如魯靈光者金子會

公羽儀當代不啻景星慶雲而名山著述竟與吳子西

李表子紫臣毅奇不偶置散授閑他如沈子虞似少壯

負奇朱子玉樹老成持重以及李子則叶張子伯績懷

抱不同同歸淪棄雖丈夫自命不以勢位爲榮而成敗

論人未免三致慨焉乃若得時行道勳名未可量者吳

子容大王子薛澱孫子雲韶蔡子方麓張子景峰王子

眉長阮子干岳激揚臺閣放沃宮庭而史子胄司胡子

脩子廣颺輔輶彪炳方新是八九子亦未嘗一開畫錦

之堂賦遂初而終老也僕與公垂位幾三事年過六旬

後人亦知讀書稍能自立天之待吾輩固厚而吾輩之

叨沐 天恩亦踰分矣今日者贊勳公務傾盡家資亦

皆 國恩所賜非盡生來自有以公辦公分所宜然況

身外之物何開輕重縱使錙銖既竭升斗無儲尚可四

方餬口以樂殘年較同館三十餘人視十數子或不足

視二十餘子不恢恢乎尚有餘耶俯仰快然夫復奚憾

且吾輩景逼桑榆旦暮不能長保自反生平幸無愧怍

正當趁此餘生曠觀物外晤大造之盈虛憑化機之消

息悠游歲月庶冀首丘倘坎珂方歷日夕憂惶將此塊

然六尺空悲腐草恐還以未了之局留補後人不幾上

負君父下累子孫重爲觀聽者痛惜乎哉諺云愁人莫

文集卷二

五十八

向愁人說僕本愁人近以病餘悔悟頗似無愁故敢以親歷之語遙相勸勉願公垂翻然思憬然悟大放愁眉亟舒愁狀快滌愁腸迢迢自適從此改喚莫愁可也

雜著

家訂六則 并序

竊聞學貴治生諡先敦本維風厲行寧儉毋奢方今物力惟艱人情不古競紛華於日用動輒踰閑勉追報於所生事多違體習而不返長此安窮不揣迂疎謬抒臆見黜浮崇雅敢云率俗于淳龐慎始慮終聊欲飭躬於軌物爰陳數則用質同心

文集卷二

五九

一宴會

酒以合歡豈容亂德燕以怡禮寧事浮文乃風俗日儻而奢侈倍甚簋則大缶舊瓷務矜富麗菜則山珍海錯更極新奇一席之設產費中人竟日遞需瓶罄半載不惟暴殄兼至傷殘嘗與諸同事公計如宴當事賀新婚偶然之舉品仍十二除此以外俱違五簋繼以八碟魚肉鷄鴨隨地而產者方列于筵燕窩魚翅之類概從禁絕桃李菱藕隨時而具者方陳于席閩廣川黔之味悉在屏除如此省約何等便安若客欲留寓盤桓數日午則二簋一湯夜則三蔬片酒踉蹌服役者酒飯之外勿煩再稿

一衣服

衣服之章等威有別寒暄之節南北攸殊然而流風易溺積習難回居官者章身不惜夫重價服賈者耀富亦羨乎輕裘朱邱高朋冠裳濟濟青油幕客裘馬翩翩習以相沿歸而不改每見貴豪遊子返溫之地雖暖如寒致令富厚少年靚燦麗之陳趨新忘故金貂王鼠南服偏多白狸青獐炎鄉不少偶焉寓目輒為驚心亦思僕隸細人衣踰紳士優伶賤役服擬公侯適滋醜耳又何慕焉吾輩既已讀書自當毅然變俗舊衣楚楚素履可欽襍被蕭蕭高風足式傳前人之清白不墜家聲貽後嗣以廉隅永遵世德撫躬自較所得孰多

文集卷二

卒

一嫁娶

倫莫重于婚姻禮尤嚴于嫁娶古人擇配惟卜家聲今則不問門楣需求貴顯因之真假難究亦且晤對不倫婦或反唇壻且抗色嫌滋妯娌彙啟弟昆種種不祥莫可殫述若既門戶相當原欲情文式協而女家未嫁之先徒爭賄幣男家既娶之後又責粧奩彼此相尤真可浩歎亦思古垂六禮文公家訓合而為三可知事貴適宜何煩縟節但求允問名原無浮費而請期納聘每有繁文因與一二同志再三酌定如職居四民產僅百畝聘金不過十二納緞亦止數端上之六十八十量增亦可下則十金八金遞減無妨度力隨分彼此俱安而親

迎之頃舟車鼓樂儀從執事一切從簡總勿徇時乃近來婦家或于扶輪奠雁之外縱僕攔門拉壻拜轎此破落戶之陋規亦鄉小人之鄙習可駭可嗤亟宜痛戒若夫女家嫁贈貧富雖殊而荆布可風總宜儉約縱有厚資不妨助以田產資以生息使爲久遠之謀切勿多隨臧獲厚飾金珠炫耀於目前致蕭條于日後至于宗親世胄豐儉自有尊裁贈遺豈敢定限但求有典有則可法可傳則所裨于風俗固厚所貽于兒女亦多矣不揣葑菲敢獻芻蕘

一凶喪

人生大事惟有送死終天之痛在頃刻罔極之恨在千

文集卷二 奎

秋纖悉不周貽悔何及故凡父母年踰五十察其精力稍不同前則壽器當密爲儲備脫或不諱哀慟固不待言而附于棺附于身者尤當凡事檢點衣衾之屬務求完整金珠之類勿帶纖毫周詳無憾然後蓋棺灰布宜密油漆須眞經久之計莫切于此棺旣蓋矣循例成服男女有別親疎有序哀痛哭泣寧戚無文成服之後始議開喪或三日或五日報知親友訪確周詳但須素有往來不可妄邀豪貴喪期既定亦勿多請陪客徒滋浮費止酌親族數人輪流分派執主送迎執司饋饌弔唁者祭無牲牢幃無綾緞欸待者饗無腥酒送無犒程志在從先何妨違俗至于寢苦枕塊禱祥之後似可從寬

歆粥除葷精力或衰亦宜稍酌表彰功德則述行狀以垂誌銘緬想音容或侍几筵而廬墳墓總須核實勿在徇文若世俗于殯殮之場誦經禮懺哀號之側鼓樂張筵不惟悖禮實爲逆親凡有人心所宜痛禁而或者借讀禮之時縱翺翔于山水假謝孝之跡輒干瀆于交遊有靦面目可不戒哉

一安葬

古者士庶之家踰月而葬後世王公以下皆至三月期何寬也而惑于術家者妄求富貴借前人已朽之骨殖圖後人未卜之顯榮愚已甚矣又或造年月之利害判房分之吉凶長幼猜嫌牢不可解代復一代年又一年

文集卷二 奎

甚有越數世而不獲淺土者生者大厦高堂死者賴垣敗壁撫輿自問忍乎不忍若謂風水可憑寧遲無害何以堪與諸公高談鑿鑿而詢厥身家概多寒陋且有跋涉一生餓殍于道路者豈謀人工而謀已拙耶噫亦可悟已僕少時亦嘗取地理諸書考究多年若必如所云龍穴砂水左右印托十全無碍方成吉壤則數千百年以來選擇殆盡豈復有留遺隙地以貽後人者乎嘗觀大江以北古塋纍纍附葬者多或百計少亦數十問其子孫雖有貧寒豈無富貴原非一墳一塚始稱有吉而無凶也故爲子者當知暴棺非孝入土爲安不必遠求但宜預訪或隣近山川猶有遺穴或祖宗墳墓尚可附

皆適分量力擇而取之審其消納定其向背磚宜堅而灰土宜厚築宜固而封樹宜周勒碑附壙題主歸祠堂兆既安慶莫大焉若欲遍覓佳城廣求大地則秦漢遺寢草蔓煙荒唐宋諸陵狐蹲兔伏六朝之故塚安存五季之新阡何在豈帝王之卜擇反遜能于士庶哉至于朱母分遷于兩地孔父合墓于一防取而較之孰得孰失雖先儒亦有不必從者矣

一祭祀

古人祭先士以三鼎大夫五鼎等威有辨非可僭也但牲牢物產南北異宜酌而用之祭菜則羊豕雞魚之屬五品爲常菓物則棗栗桃圓之類八色爲準隨地隨時

文集卷二

壙

盡人可辦第所商者古不祭墓而近世春秋兩祭概在先塋從之則失禮違之則不情斟酌其間或於春秋祭墓冬夏祭祠祭墓則遵時俗之通例尊卑遠近合九族以共將祭祠則做考亭之成規高曾祖親分四代而同享于理于情庶兩無碍獨是坟多族衆值祭維艱輪流則貧者難支糾分則吝者多却經久之法莫如祭田但始焉難以創行久之易以滋弊今欲創行務須尊顯之人率先倡置餘如入學而登科甲者因名位以酌捐務農而業工商者隨貲產以量助或數十畝或數畝縱不拘例務盡厥心至于五十舉子七旬祝壽多寡均輸惟力是視積而充焉便可以奉祀之所餘濟孤寡而助婚

費擴宗祠而立家塾不亦善乎至欲革弊則管理之人必須公舉富而有守素行不欺者責令主之經理三年聚衆一美如果無私不煩更換或有可疑再行公保遵而守之雖百世可無弊矣若夫誕辰忌日罔極情深喜事良辰追先念切祀我祖考誰曰不宜而邪說誣民者造爲七月望日地獄放歸掃室宇以送迎附孟蘭而超度誣其祖父惑厥愚氓司風化者禁之可不嚴哉

以上六則係辛卯歸途所訂年來里居準此行事初馬蒙家世族莫不非笑久而安之近且多率從者異日家遵戶守變澆俗爲淳龐是所望于當代諸君子鹽官宗譜存疑考

文集卷二

壙

按統譜許自神農歷隋唐數千年曠邈不具論至睢陽公遠唐書圖經及備考省志等書皆謂世籍鹽官少時讀書泗水亭即故廟也手植銀杏一樹至今猶存殉節後長子致招魂歸故土合葬柳氏靈德慈義郡君於讀書林側散騎常侍柳渾撰碑禮部尚書杜確作志代宗時勅建雙廟初在睢陽宋大觀二年詔遷于公之本里長子致娶州司馬次子現金吾大將軍墓俱在熱微山南天竺庄子若孫居邑西鄉號許村凡許氏忠臣墳墓及祠墓二十五畝一分八釐永不徵科歷代遣官春秋奉祀勿絕此彰彰無可疑者但公爲右相敬宗之孫唐書敬宗本傳謂敬宗有孫曰彥伯昂子也敬宗晚年不

一筆凡大典冊皆彥伯爲之嘗戲謂昂曰吾兒不及若
兒昂曰渠父不如予父迄今傳爲佳話而統譜並無諱
昂者且以彥伯爲敬祖之子而敬宗之子則曰令伯今
先以及睢陽公是併無彥伯而反以彥伯爲敬祖子矣
錯誤殊甚予從祖枚菴公詳訂家乘載敬宗五子曰昂
曰昂曰昂曰昂曰昂曰昂曰昂曰昂曰昂曰昂曰昂曰
彥伯生子曰望字欽園右羽林將軍始生睢陽公遠所
紀與唐史合而且與歐陽文忠公宰相世系同真實錄
也元尚書貢師泰遜跡海昌確考許譜曰許本高陽六
朝時有許飯者避亂攜家來鹽官傳十世至善心初仕
于陳隋文帝滅陳曰我平陳國惟獲善心一人遂仕隋

文集卷二

空

爲禮部侍郎復祖族歸高陽其子則敬宗也俱爲北新
城人同墓易水敬宗子有名通者又歸隱鹽官東審山
故其子彥伯其孫睢陽公皆爲鹽官人今統譜既無通
名而枚菴家乘亦未之及此其可疑皆在公之前者至
于統譜睢陽公有三子曰玫曰現曰現曰現曰現曰現
而現之子彥強生德卿名述字公繼乃生天祥以述
及提舉枚庵家乘又以現子彥博生晉卿後竟無傳惟
玫字邦珍封婺州司馬墓天竺庄有三子曰彥強彥原
彥龍強與龍自有派而彥原之子曰德卿更名公繼睢
陽公三代孫爲濟寧教授遷睢陽令通儒師諸墓而
大慟乃棄職歸隱于湖之陽著書設教歸休甚矣屹然

成一村世稱曰許村似公繼爲政後非現後矣或曰現
至晉卿而絕繼德卿爲後故更名公繼然亦無攷公繼
六傳而迄節之統譜系夢龍應康之後枚庵家乘謂岩
生夢奎奎生應徵徵生節之且統譜節之有四子曰延
齡遐齡鶴齡玄齡鶴齡長子鼎生莘夫莘生章甫枚菴
家乘以鶴齡爲謙之子節之四子則曰延齡龜齡遐
齡修齡延齡生鼎鼎生莘夫莘生章甫又統譜以萬一
生斗祥而枚菴家乘謂斗祥即千三中宋淳祐甲辰科
劉夢炎榜授亞中大夫係景旻四代孫晞呂第三子出
繼萬一後與三十三世圖系相符似屬明確至統譜百
三提領之下又有統增生德銘五提舉二公枚菴家乘

文集卷二

空

以百三提領與統增皆斗祥公所生原係兄弟統增生
德銘而百三提領自生五提舉此數端在睢陽公後皆
可疑者先大夫謂睢陽公忠義縱非許姓亦可祖述况
譜牒昭然何敢自外但千有餘年滄桑遞變恐間有疑
誤寧闕如斷自五提舉公次子誠齋公初遷洛塘耕讀
開基爲前步橋始祖誠千古卓識也予仰承先志誠齋
公歷今十有四世源合流分詳訂既竣若從前統譜雖
有疑誤刊行既久不敢遽泯枚菴公以名孝廉博聞多
識考訂必非臆撰故自隋禮部侍郎善心公至睢陽公
下迄五提舉刻此數十傳存以誌疑益見先大夫卓識
而後之孝子慈孫重訂宗系者不可不詳且慎也

聖門弟子從祀記略

按弟子名數史記載孔子之徒七十有二人皆異能之士也唐司馬貞素隱曰孔子家語亦有七十有七人宋馬端臨曰孔子弟子史記止列弟子七十有六人魏王肅本自顏回至顏祖顏何已載於家語而肅本缺之曰家語字誤則知顏仲尼門徒升堂者七十有二顏氏居八唐顏真卿自叙家譜稱孔門達者七十二人顏氏有八人氏裔孫必各有據今當以古未遠之推真卿俱顏顏何足七十有七人之數云

顏回 閔損 冉耕 冉雍 冉求 仲由 宰

子 端木賜 言偃 卜商 顓孫師 曾參

澹臺滅明 宓不齊 原憲 公冶長 南宮括

公哲哀 曾蒧 顏無繇 商瞿 高柴 漆

彙纂

六十七

雕開 公伯寮 司馬耕 樊須 有若 公西

赤 巫馬施 梁鱣 顏幸 冉孺 曹卣 伯

虔 公孫龍

以上三十五人頗有年名及受業聞見於書傳其四十有二人不見書傳者紀于左

冉季 公祖句茲 秦祖 漆雕哆 顏高 漆

雕徒父 壤駟赤 商澤 石作蜀 任不齊

公良孺 后處 秦冉 公夏首 奚容蒧 公

堅定 顏祖 鄒單 句井疆 罕父黑 秦商

申振 顏之僕 榮旂 縣成 左人郢 燕伋

鄭國 秦非 施之常 顏增 步叔乘 原元

籍 樂欬 廡潔 叔仲會 顏何 狄黑 邾

與 孔忠 公西與如 公西蒧

大史公曰聖者多稱七十子之徒舉者或過其實毀者或損其真均之未觀厥容貌則論語弟子籍出孔氏古文近是余以弟子名姓文字悉取論語家語問答次為編疑者闕焉一按史記所載數同冉鄒單三無琴牢其數文翁石室圖七十二人比家語少公西與懸置原挑公夏守句井疆邾與顏何八人而別有蘧瑗秦冉林放三人由古史又錄七十九人蘇子曰孔子弟子高弟七十人余以太史公書及孔子家語考之皆同秦冉顏何不載於家語而琴牢陳亢不見於論語故并錄之凡七可偏廢而琴牢陳亢又見於論語故并錄之凡七十九人又曰索隱云文翁圖有蘧伯玉林放中振申堂今石室圖七十二人亦無所謂張與堂也。人以意增損或名同而數異或數同而名異此殆後入從祀者列之紀其實也

彙纂

六十八

四配

復聖顏子 魯人名回字子淵 宗聖曾子 魯南武城人

之 述聖子思子 詳具 亞聖孟子 字子車魯公族

十哲

閔損字子騫 魯人 冉耕字伯牛 魯人 冉雍字仲弓

伯牛之 宰字子我 魯人 端木賜字子貢 衛人 冉

求字子有 之族仲由字子路 魯人 言偃字子游 吳

人 卜商字子夏 衛人 顓孫師字子張 陳人

先賢

澹臺滅明字子羽 武城 宓不齊字子賤 魯人 原憲

字子思宋人鄭玄公冶長字子長齊人家語南宮
適字子容一作括一作韜一作高柴字子羔齊人
高孫十漆雕開字子若一作憑字子開樊須字
子遲魯人樊皮之後司馬耕字子牛宋人司馬公
西赤字子華魯人有若字子有魯人琴張字子開
衛人一字子張與子桑申振字子周魯人邢昺論
少孟之反二人為友申振字子周語註疏曰申
振孔子弟子家語作申續史記作申黨其實一也
夫子曰吾未見剛者或對曰申振子曰振也慾焉
得剛唐封魯伯陳亢字子亢陳人巫馬施字子
期陳人梁鱣字子魚齊人年三十未育子欲出其
十八無子夫子曰無憂也瞿過四十未有子欲出
子今果然吾恐子亦晚生耳未必妻之過也從之
有二年而公哲哀字季沉齊人商瞿字子木魯人冉
孺字子魯魯人顏辛字子柳魯人伯虔字子析魯
人曹邴字子循魯人冉季字子產魯人公孫龍字
子石衛人鄭玄漆雕哆字子歛一作修秦商字子
丕魯人鄭玄漆雕徒父字子有一一作從字顏高字
子驕魯人一名刻商澤字子秀一作子壤駟赤字子徒
家語作穰徒任不齊字子選楚人石作蜀字子明
泰之成公良孺字子正家語作公夏首字子藥家語
紀人公肩定字子中家語作堅字子仲魯人后處字子里家語
魯人公肩定字子中家語作堅字子仲魯人后處字子里家語
作石處字子單字一云鄒單家語懸置魯人
堅之齊人鄒單字子家字一云鄒單家語懸置魯人
今家語奚容蒧字子皙一作奚蒧字罕父黑字子
索魯人顏祖字子襄一作祖榮旂字子祺一作祈

秦祖字子南秦人左人鄧字行家語作左鄧句井
疆字子疆家語句作鄭國字子徒一作薛人公祖句
玄字子之家語無句原亢字籍一作原桃字子籍
魯人縣成字子橫魯人廉潔字子曹一作子庸衛人
燕伋字思家語作叔字叔仲瞻字子期家語作顏
之僕字子叔魯人邴異字子欽魯人樂欬字子聲
家語欬作欣公西與如字子上古史作公狄黑字
正義曰魯人孔忠字子茂家語作弗孔子公西蒧字
哲衛人子尚叔叔葉字子車齊人施之常字子常魯人
秦非字子之魯人顏瞻字子聲魯人
先儒
左丘明中都人授經圖曰魯公羊高周未齊人受
夏穀梁赤魯人伏生名勝齊人高堂生漢魯人孔安
國字子國夫子十毛萇趙人董仲舒廣川人治春
博士下帷講誦弟子傳以九次相授業或莫見其
面蓋三年不窺園其精如此進退容止非禮不行
兩相驕王皆以禮匡正凡所著述皆推明孔氏抑
黜百家立學校之官州郡舉茂材孝廉皆自仲舒
發之元文宗至順元年從祀明洪武二十九年追封
江都伯成化三年后蒼東海縣人明嘉靖十九年追封
祀杜子春河南人王通字仲淹韓愈字退之胡瑗
字翼之海陵人王通字仲淹韓愈字退之胡瑗
定先生明嘉靖九年從祀周敦頤字茂叔世居
之上程顥字伯淳河南人歐陽修字永叔邵雍

遷配啟聖祠俱改稱先賢某氏

傳

周孝廉傳

周宗彞字五重別號青蘿海寧硤川里人也本漢絳侯之後迄宋南渡有司農寺丞名濬之者自汝南扈蹕遂家臨安其七世孫宣爲職方郎值少帝北狩宋亡宣死之長子肇仕官無錫謂其兩弟添二添三曰父死吾義不苟活第忠臣不可無後行矣弟輩勉之添二遂隱居寧之洛塘里其派入硤川者添二五世孫硤樵即宗彞之大父也宗彞生而岐嶷志不屑一切父郎以賢雄于

文集卷三

一

鄉晚年舉二子宗彞既卓犖負奇槩弟^{啓琦字}亦沈勇絕人自束髮受書每讀家乘至職方父子死節事兩人輒激昂慷慨更相流涕曰大丈夫不當如是耶由是爲諸生益以氣節相矜里中有大豪以苞苴竄仕籍結與拔挺擊之案廷論譁然豪依禁掖行賄据黨戶魁人益側目居鄉睚眦殺人莫敢誰何宗彞獨曰橫至此可坐視乎吾行剪之矣遂不惜殊死力列豪罪狀致之獄父卒抵于法當是時朝野莫不稱快東林諸先哲尤嘖嘖嗟異曰誰謂一白面能剪此巨慙以是爭樂與之交崇禎己卯舉北闈從倪文正公元璐遊甚器重之曰雄毅果斷士罕其匹他日名教干城爲吾黨生色者必子

也甲申三月闖賊犯關帝后殉社稷宗彞聞變絕粒數

日矣夫人卜氏強勸之食曰君亡國破死固其宜然竊聞江左尚有推戴事未可知也蓋俟之宗彞復蹶然起盡傾其家貲募勇敢練鄉兵水陸設重關複柵以捍衛井里未幾南都不守大兵且下浙宗彞謂弟啓琦曰極知天命有歸螳臂不可以當車顧我職方遺烈之謂何今日其偷生也乃奮不顧身乙酉八月十五日兄弟同蹈兵而死于是夫人卜氏號而召妾張氏王氏曰吾固知有今日但張也生男尚在孩抱孰能爲周孝廉作程嬰乎二妾相顧曰死易立孤難也夫人遂束其子明珠于懷躍池水中二妾從焉乳母輩赴死者十餘人越

文集卷三

二

數日從姪明俱具棺殮夫人及二妾猶屹立不仆顏皆如生里人因名其池爲節義青蘿池云

同學朱人遠傳

日觀山人余畏友也長余生八歲丁酉同課藝於臨雲閣訂交伊始庚子春鼓篋北山丙午夏談經靈鷲晨鐘暮鼓日夕與俱而平昔之把酒雄談歌呼於道游堂咏年堂及德星堂二十年如一日也庚申余舌耕京邸君集諸同人酌卮判袂山川雖隔鴻鯉時通戊辰余試蜀過里惟晤三四日已已君率長郎赴京拈題把盞暢握年餘辛未春歸別維揚癸酉忽聞訃設位奠訖甲戌過西村憑棺一慟迄十餘年夢寐中若與君相往還者無

廬月辛卯 予告言旋長即捧行狀丐余一傳余曰此余志也何敢以不文辭君姓朱諱爾邁字人遠日觀山人其別號也系出徽國文公後公第三子建安侯在生子鈞仕兩浙運判卜居杭城鉉子澆復遷海寧爲始祖出處遞承代多偉望十六傳至岷左先生諱嘉徵以名孝廉操海內文柄年三十一艱于嗣夢神授記特誕君一人前壬申六月二十七日夙稟異質酷嗜讀書而忠孝根于至性年十三聞煤山之變尊先生着芒鞋提孤劍欲棄家渡江君慨然願隨行母吳夫人固止之乃止其矢志固已異矣繼隨母氏避跡小桃源攻制義尤喜學爲詩亂甫定返城西草廬尊先生于郊外築數椽曰

文集卷三

三

止溪有終焉之志亡何避公車署會稽學博君偕往督學者奇其才首補弟子員數年歸里邑名家適有臨雲之集君登壇監旗鼓指揮浙西諸名宿聲震一時由是學使者暨各當事採風無不以國士目之雖秋闈屢躋怡然不以介懷也未幾尊先生爲新例所迫特授叙州司李蜀道天高嶽嶠萬里君含淚隨征至廣陵驛聞母氏病亟返東瞻西望雙淚分流真有不堪回首者歸侍北堂鍵跡攻苦十三經子史暨唐宋諸大家無不探微抉奧以發爲文章而俳儷之筆含英咀華組織六朝蓋不獨以詩名雄海內已顧著述益工彌懷陟岵不得已單騎北上訪尊先生遷轉之期途遇盜幾懼不測告以

誠半分其資斧揖謝而免造京師知遷期尚遠以謀省覲南還別母氏啟行雲山萬疊望道爭趨初不覺巴程之嶮巇且遠也及抵叙晉謁父子相見忽驚且疑轉喜復悲咲言嗚咽宛然如在夢中閱數日歸計已定乃上成都各當事久耳君名一晉接風流吐納相見恨晚俱欣然爲尊公遂引年之請返署促裝不百日旋里兩尊人年俱七十有七朱顏鶴髮舉案齊眉子姓輩晚拜稱觴戚族親者僉舉手加額謂非君至孝所格不致此哲配葛以名家女夙嫺風雅子三長瀨次淳次治皆能讀父書擅詩名一女芬亦善咏花晨月夕率婦若子焚香發墨向兩尊人承歡歌咏久之成一家言迄今猶傳頌云

文集卷三

四

壬子春尊先生命赴北闕公卿輩聞君至倒屣爭迎握手恐後而合肥李先生方爲少司成拔冠三雍留下榻相得歡甚逮入闈典試事者以避嫌見別浩然賦歸李先生固留不得約明年赴召癸丑遂甫入國門而風鶴之警中外洶洶雪深冰沍奔赴家山從此不復志四方游矣時尊先生文集甫竣又有漢魏樂府詩集廣序鐫刻行世已復選兩漢六朝迄元明二十二代詔令奏議彙爲一集曰經世書君句叅字數以佐所不逮暇則哀輯數十年所製詩古文名日觀集計二十卷父子一堂作述千古天倫之樂名教之榮誰復有踰此哉天不憖遺尊先生忽抱病不起呼天搶地痛不欲生因母在不

敢過毀吞聲飲淚乃閨一年而母夫人又辭世也裂肝
毀腸死而復甦者三四以戚友勸姑節哀竭慶喪祭經
營寔安服闋慨然曰吾事畢矣今而後茹蔬採薇從吾
所適何殊碌碌城市爲遂隱龍山訪西村構一草堂蒔花
種竹釀酒婆娑間與耆舊六七人登臨嘯傲野服蹢躅
道旁觀者不識爲何代人氏鹿門栗里不重見于今耶
合肥李先生聞之篤舊好貽札敦請陳澤州王阮亭兩
先生亦先後遣人至君徘徊不欲赴諸先生往復再三
不獲已偕長郎同行館舍肥第陳王兩先生日一往還
而館閣諸公以詩文質者戶外屢常滿旗亭古野高會
狂吟余亦藉素心稍慰晨夕庚午冬忽負病諸先生不

文集卷三

五

敢堅留春正月余適督學江左同舟南下過邦溝唏噓
分手不謂越年餘癸酉五月八日年止六十二竟溘然
逝也嗚呼痛哉君性恬澹不事家人產豪于詩酒敦睦
好施服黨中賴舉火婚且殯者歲亡筭尤喜交游自卿
相至山人騷客一見輒傾倒客常滿座于書無不讀著
作等身而數奇落落不獲一展厥抱人無不爲君惜雖
然窮達命也人自貴不朽耳君以一書生交傾宇內名
重藝壇而至性所篤奉八九耋齊壽之椿萱一家唱和
不忘者自十三齡矢志結願終身雖浮沉隨俗而風雨
鷗鳴獨與同邑張待軒姚江黃梨洲三楚黃九烟諸遺

老窮經砥節聲垂天壤以續止溪先生未遂之隱詩文
科第烏足爲君輕重也君真余畏友也夫

李大尹傳

丁卯歲予典試西川所嚮士得李生鍾璧甚器之越十
年以其先人行狀丐言於予予以通家之誼不得不以不
文辭爲之傳曰公諱蕃字錫徵蜀通江人也始祖繼賢
公唐僖宗時爲洋州刺史封開國侯食邑于此遂世籍
焉宋末祖祿榮公爲將軍拒元兵戰歿土人祠之終有
明代有聞者遞傳至公父能白公爲茂才有聲選明經
因子秩贈文林郎公自幼失恃祖母馮是依口授公學
庸成童後隨能白公館于外初擢管爲文即洋灑異羣

文集卷三

六

兒弱冠補邑弟子員衡文者誠曰觀子文奇肆貌甚古
但恐他日傲兀不容于時後小試輒冠一邑迨辛卯鄉
試御史預詢學使者今秋解頭誰可乎學使者以公對
甫入闈溘警卒至亟歸侍能白公不終場事而七藝則
已薦第一洎丁酉舉于鄉尋知登州黃縣事初下車里
社循舊例厚餼金以獻公嚴斥之其例遂剷黃連歲苦
旱公爲民請蠲賦計所費過所蠲後二歲告歉不敢上
聞慨然代輸如數然慮難爲繼設諸儲備歲全活七笑
去之日猶積麥數百斛粟數百鍾登屬邑有八黃及福
山產大木採取爲民累而轉運又與他邑均公力請產
木之地得免轉運黃之案牘甚夥公決斷如流嘗判五

十餘事而朝食訟庭翕然稱神明負罪者琅璫在禁公一夜必數起密察圍扉雖暑寒不稍怠獄吏威戢不敢犯毫髮會籌餉頗急所在司牧多援鑿荒例晉秩實加派窮民藉徑通顯或以勸公公喟然曰巧宦者爲之吾不忍累吾民令黃凡九載循聲卓績不勝書臺使獎其治爲山左最行有期矣民有夫婦死非命者公廉其實上獄辭必置之法忤上官意竟以失入論罷且就逮下宛平獄黃民千百人爭赴京師日號籲載道願納露饘京師人見者無不泣下已論戍榆關遇赦放歸家負四壁立矣嗚呼世之所號才能工進取者不過委蛇迎合躊躇得失以取容于時耳豈復有敝屣一官甘爲民

文集卷三

七

受冤抵死不悔者哉然當日號泣而爲之哀鳴者不啻一口歷歲久而謳吟追悼數十年又如一日其爲孰得孰失當必有辨之者矣公爲人樂施與重然諾親黨有仕者虧庫額七千餘金幾蹈不測公傾橐中囊救之某得無恙且晉階及公嬰禍無一緘相慰卹公絕不置于懷其樹德能忘多此類公嘗誡諸子曰吾爲令無取於民惟區區羨餘未卻每以爲愧汝曹若當此宜力除之歿之日治命莊莊急索筆訓數十言而逝卒年七十有三平居惟嗜讀書經史外陰陽卜筮無勿深考晚喜吟咏但自寫性情書法大類獻之當其令黃也簿書之暇即課諸子文藝更禮接諸公討論問學姜其垓子同年

友也以貧廢業應里役一日至堂下公異之給以膏火復命之學遂魁壬戌榜以予所知若此公之造士云多矣公有丈夫子三長鍾璧次鍾我先後舉孝廉進取未艾幼子某亦能文並世其家學所著有紅玉諸集藏于家

陳惕非傳

鳳崗陳先生名錫世生于萬曆 午八月十有八日因字潮生聞道後改名易自號惕非其先本臨安高氏贅于寧世蒙陳姓故又稱高陳氏云先生父爲我旋公績學有壯齋志早世季父乾初公傳道于戴山劉子續證疾社于浙西一門羣從事季父如嚴師先生尤肫懇好修

文集卷三

八

以篤行著奉寡母沈太君至孝具述苦節成茹荼錄可補漢列女傳自其爲諸生淡泊性成遭時多故即厭棄浮名一意從季父教講日用踐履之學當是時楊園張考夫邵灣錢商隱澈湖吳仲牧袁仲語水呂晚村洛溪陸冰修以及龍山查逸遠石丈吾宗大幸欲爾諸君子勃率理窟相與吟風弄月彬彬然見大儒氣象數十年來老成凋謝風流殆盡惟先生幅巾節杖與家孟欲爾晚娛酬酢稱碩果焉先生貌癯骨立如高雲孤鶴瘦石貞松儉德持躬一布袍十年不改戶外事不聞一切然于大小宗祠墓祭時祭諸禮區區規畫必求盡善若遠邇親知子弟敦倫孝友輒爲色喜娓娓稱道遇敗類者

咨嗟嘆息至泣下不願一見其人老友錢商隱無後其
亡也繼嗣乖張先生年八十發憤爲死友申討當事者
見先生皓首扶杖肅然爲離席改容其勇于義類如此
子爲攻苦力學文譽藉甚甫拾芹溘焉夭折舉一孫又
不育天之報先生得無薄乎雖然運際滄桑舉俗波靡
先生以一韋布偕諸君子讀書談道砥節岸然視富貴
如浮雲維綱常于海曲雖終老不伸其志而乾坤正氣
所以不朽者自在後嗣之興替固非所計也況嗣孫其
頗見頭角猶子輩肩項雅馴而查太史聲山執壻禮甚
篤不啻表隗之事南郡兩外孫非惟額類風韻都似天
之報施先生又何嘗不厚乎哉余與先生居最近私淑
有年顧不獲數數見家伯勤從學先生丁丑來京邸述
其師行誼繪松菊圖爲乞八袞壽言予賦古詩一章以
誌景仰孰謂甫改歲而伊人不可復見乎查太史聞先
生訃爲位而哭介伯勤屬予爲傳予不文聊撫梗槩以
俟當世之君子論列焉

寧國令李繡章崇祀名宦傳

我國家創業陪京從龍附鳳之英遠踰豐沛勤旂常
銘鐘鼎者難更僕數而李氏尤以忠孝著自千戶英以
江右徙鐵嶺代多碩望六傳至太原郡司馬如挺夫婦
殉難生子五皆以忠名立意已較然矣其諱思忠者
鼎革初以布衣徵提督陝西兼轄四旗漢軍兵馬誥授

文集卷三

九

文集卷三

十

光祿大夫前數世贈如其官子耀祖禮部郎以疾致仕
生子三長錫司臬黔中次欽桂東令三即名宦諱錦字
繡章心菴其號也生而奇偉家老早識其非凡器尤素
至性孝父母友于兄妹類非近世所及及通籍初筮泮
山令不數月百廢具舉而雪沈冤鋤元惡境內尤頌之
如神時仲兄宰清源浮與清皆晉巖邑也政聲並赫然
不啻大小馮君之目忽丁外艱浮民狂走而呼曰疾之
情難奪吾儕之慈父母其可奪乎相率走京師籲在任
終制格于例不允其治浮甫一載得民如此服闋補巴
令蜀道險巇不忍離母氏奉板輿之任土曠人稀瘡痍
未復治較難于浮君則招流亡開荒瘠清丈冊酌稅科
以養以教善政疊疊臺使者檄州縣皆以巴爲法而察
冤誣之盜力翻成案水西難民百餘口陷于悍弁斷之
悉還籍尤人爲咋舌焉無何以從叔爲蜀藩引例迴避
巴之民聚而號訴于當事懇留任中丞時爲題請銓亦
亦以例不符俾回補其治巴約三稔得民如此旣而補
寧國寧雖僻處山陬然母氏春秋高得依南服心彌安
績亦倍著甫下車悉刻陋習誓不名一錢旣乃平催科
省詞訟創立書院月集諸生儒講肄其間復建義學置
義塚禁鬻妻弱女之風釐漕運匠班之役弊剔利興不
可殫述至于摘姦發伏明決尤神辨鳩毒于壺觴之誤
攜察養子于終宵之異哭雖鏡懸燭照何以過之范寧

凡五載寧士民方幸事君久不似巴浮兩邑之民不幸而過失其天也奈之何北堂病逝君哀痛不欲生寧父老罷市慰留又熟知前兩任攀轅不獲允聚哭而送之境外爲建祠勒石以誌不忘迄今十年餘猶公籲當祠名宦俎豆千秋其三仕令尹所在得民類如此君方歸總制兩江范公猶薦君治行第一應上諭附見以郡司馬用向使天假之年得展其偉抱夫誰曰父爲九州伯子爲五湖長已乎乃以哀毀之餘喪盡瘠年止四十有三溘焉朝露噫痛何如已夫動閭之裔大都總裘馬持梁嚙肥不復知籌國計恤民瘼爲何事縱或志微名譽且夕間發憤思樹立不轉瞬故態復萌絃已

文集卷三

士

改而轍亦易矣有初鮮終槩難負荷如君之忠于國孝于親恩澤孚于百姓聲籍籍歷久彌彰豈非人傑也哉舉丈夫子四尚德明德聚德皆諸生長峻德候選邑有司以君祀名宦不遠三千里焉余爲傳余不文顧與君家開府諸公交莫逆而典試川西督學江左皆與君共事相得甚歡孰悉其治行良不虛矣述其槩俟太史氏採列循吏以垂不朽云

同年明府張公傳

公諱一恒字北岳號蓬水登之蓬萊人也係出河南新息先世祖表投筆從軍以功擢衛千戶世襲著籍蓬萊蓬萊張氏自表始數傳生銘銘生可望可望生子五最

幼諱伯龍公王父也有子三次瑤明天啓進士開封推官遷御史殉難贈光祿寺少卿貤封伯龍如其官三環原生長諱珍字明席別號疎菴以明經宰滿城歷官戶部主政生三千伯仲俱諸生錢宜人出繼娶侍御浦公諱之浩孫女乃生公公幼失怙浦太君以慈母兼嚴師視前子一體恩勤教督故諸子皆得成立而公年少尤卓然能自樹已而太君逝哀毀骨立既終喪益刻苦奮發率子姪攻苦無倦受知學使者施愚山先生以式靡起衰厚相期望歲歲科試俱冠一軍歲壬子公長君爲政年十九登賢書公喜且咲曰子先我售乎然此道終當讓老成也自茲益肆力古文辭辛酉以義經魁山左壬

文集卷三

士

戌捷南宮諸總裁競推許爲秦漢名文聲譽噪京師庚午謁選授沐陽令沐陽淮罷邑也公下車即輕徭緩征罷諸不急事與民休息日夕審利弊爬剔扶罔有缺遺時大旱飛蝗蔽野田禾輒稿盡公爲民哀籲上官得奏聞恩免是年田租之半復捐俸爲義民倡賑卹之全活亡筭邑有屯糧之累運費殊苛貽民害者數十年公百計區畫改則裁汰沐民出湯火而登衽席公之賜也邑類散士風不振公建義塾葺泮宮進諸生激厲課勸拔其尤者與講大義敦古處以故士多自愛無敢惰窳踴治爲非者民有兄死而以其產付若弟俾育厥孤亡何弟負托攘貲逐其嫂若姪公廉得其情垂涕諭之弟

悔悟叩頭請改友愛復如初較蘇瓊之化河南普明兄弟何以異哉至若以撫字爲催科以教訓爲鞠獄發奸摘伏舞文者無所售其欺紳士請謁槩不行豪猾輩屏迹自匿甫期月而沐陽大治自郡守監司及中丞咸委重焉將以治行第一薦而公積勞成疾循力起視事病漸劇邑士民奔走請禱願以身代者數千百人而疾竟不起時康熙三十年辛未九月二十一日也壽五十六閭邑若喪考妣巷哭失聲曰天何奪我賢父母耶不得已請立祠鐫石以誌不忘公長君力辭勿獲于此可驗人心直道不惟桐鄉朱邑方城王渙獨擅名千古也已先是公王父贈光祿公隆慶時南游渡淮道過沐陽夢

文集卷三

主

一人創又流血號呼請救明日果見道傍伐一巨橡樹赤液流溢有感于夢輸十金以予匠使舍之人因號爲山東樹二百餘年矣無敢或剪伐者後忽有一醫取其朽質製爲丸試療疾立愈傾動遠近爭取伐無虛日樹亦尋枯蓋贈光祿以愛人利物爲心捐金活樹而樹亦能效靈以活人非橡之能自靈也由在天之靈實式憑之公長君侍公署徘徊故蹟述祖德作文以紀其事沐人思賢令尹之功德而又感其先人之大有造于沐也卽以長君文重勒碑于故樹之所使公之世澤流播無窮沐陽之橡其猶南國之棠歟公德配王孺人嫺閭範贊襄內治克嗣浦太君徽音是以公得專意讀書砥節

彌行爲名臣舉丈夫子三長卽爲政魁壬子楊由邑令陞州牧入輔京兆陟戶刑兩部郎九卿推轂特擢武林郡守治行卓卓敷歷正未艾次爲邦次爲藩皆名諸生稱難兄弟孫十二人象孫倬拔貢生次任歲貢生樂陵縣教諭又次孫信癸巳科舉人爲政出儒侗俱序生爲邦出健歲貢生爲藩出餘皆業儒孫女十一人曾孫女四人振振繩繩無異漢張安世門閥焉益嘆公之孝友積德累仁宜天之介爾景福也余與公同提南宮督學江左適共事知公治甚悉公長君與余子協恭農部交莫逆家成輩復偕公孫同年舉孝廉數世通門又韓公長君治下食德方殷辱奉命易敢以不文辭謹泐數語

文集卷三

古

藉附不朽云贊曰

公挺東海萬夫之特龍文獨扛鴻科聯弋綬綰沐陽共厥職前二百年巨橡祖植後先累仁遇災心惻錫賑亟行利興弊革績兆期年恩施千億蹇蹇匪躬盡瘁報國遺愛在人哀思匍匐泣淚摘詞貞珉誌德特樹棠陰雙碑並勒子姓繩繩雲衢沔陟酬德報勤其有極

汪茂才子幹傳

汪茂才子植字子幹天挺奎英地鍾嶽秀重規疊矩廣川儒者之家含英咀華扶陽經術之第自其弄戟之歲夙悟驚人對日之年逸才益世道探靈輿闡鄒魯之微言行守宮庭續程朱之正學筆能扛鼎思並湧泉行文則

風雨爭飛錯采則魚龍百變爰以江東獨步出爲祭酒
諸生盛孝章負九牧之名管公明擅一黌之雋而鹽車
久困振鬣無期費下半焦知音者鮮遂乃沈光水北埋
照牆東披絳帳而授生徒坐緇帷而談經義入河汾之
室卓爾大儒登安定之門煥然國器至若厄厄養志栢
倦思親門人爲之廢詩鄉人爲之罷社友于根平性具
爾頌其仁慧曉門前垂楊匝岸羅含齋內芳菊盈階况
乃澄波百頃直幹千尋比魯國之奇男同西州之豪傑
鄉隣被過恐遺王烈之知寇盜聞風勿犯華秋之里似
此秉操軌俗飭行格天固宜經術鯉傳科名鵲起方袍
王杖恒爲里巷之型台背秀眉永錫期頤之壽雋巢戶

文集卷三

五

外鵬上承塵雖與善無徵而餘徽未抹臨文不愧四方
信有道之碑至德可師千載讀襄陽之傳

貞女吳郭氏傳

貞女吳郭氏海寧孝廉斗山之女而錢塘吳生諱唐字
奎文之所聘也幼秉至性長喜讀書明大義歲乙酉許
字于唐唐爲文學至乙公次子公同懷弟景真早亡無
子以子丙相爲弟後繼母姚即志乘所載姚孺人以貞
孝旌其墓者母亡而丙相又殤乃以唐嗣焉唐篤行嗜
古丙戌甫弱冠學使者彭奇其才拔冠弟子員都人士
籍籍以公輔相期而食貧攻苦力疾悲吟竟于戊子閏
三月某日病逝氏聞訃隱痛哀傷欲自盡者數四父母

覺而驚救之氏曰父母既以兒字吳郎兒即爲吳郎婦
欲兒不死必令兒一哭吳郎棺柩即歸地下耳父母百
計勸阻不得已攜往武林踵吳氏門拜本生尊嬪憑吳
郎棺慟哭失聲死而復甦者再本生與所生交相慰譬
乃服縗麻守總帳慘澹經營百日內厝吳郎棺于繼父
母墓傍歸侍喪幄代奉高堂不意翁與姑又相繼去世
子焉晨夕筑筑靡依父憫之仍挈歸寧坐斗室衣縞食
淡派燈絡緯不聞一笑語聲壬辰秋父計偕入都母杭
氏忍病篤籲于天願以身代不解帶奉湯藥者累月母
旋愈父亦言歸越甲午寒食法然請曰兒自奔喪迄今
不登吳氏之壠久矣願一往奠父憐其意領之偕與之

文集卷三

十六

杭吳氏門無一人乃詣繼姑姚孺人弟晉際率其翁姑
與吳郎墓前伏地嗚咽悲號不能起扶掖之復欲以身
殉父與姚亦痛哭強令復歸自此傷神銷骨待盡奄奄
踰年病垂死一旦起盥沐肅衣裳向父母訣曰兒命不
辰早欲死而隱忍不即死者以兩大人年高弟尚幼不
能侍晨昏今弟幸成立兒既字吳郎生雖異室死當同
穴乞致姚舅公昇兒棺與吳郎共窆安死復何憾兒不
孝兩大人節哀勿以爲念言畢一咲而逝舉室聞異香
時乙未九月十二日也距生丁卯七月十九日與吳生
同庚後七年而卒計二十九歲是年十月二十三日昇
氏棺附葬吳生同侍翁與姑貞孝姚孺人之側道傍觀

者噴噴嘆嗟泣數行下曰異哉郭貞女而余獨爲貞女傳冠以吳曰貞女吳郭氏成其志也因竊有感矣古人謂人生天壤惟忠孝與節義而節義之在婦人較丈夫忠孝爲倍難彼人盡夫也無論已閨閱之嫻爲門第所囿不獲已從一而終否則蓬戶蕭然而高堂在上子女盈前之死靡他亦或不乏不然結褵數載慷慨殉身更不然扶輪謁廟一二日同牢而子影守貞猶爲巾幗中所僅見氏則待字數年未謀半面空閨寂寂堂上何依乃毅然茹荼飲藥甘爲未亡人哭其棺安其墓復同其穴卽湖之東山吳氏一姓貞女郭繼貞孝姚孺人爭徽前後幾將與岳坟于墓交炳湖山忠孝節義並垂不朽

文集卷三

十七

彼鬚眉丈夫朝秦廷暮楚闔而笑罵由人者亦何顏歌哭于雙峯三竺間哉

張崑來先生暨淑配李孺人傳

公名沛字雨若號崑來文學宜之公之長子也爲橫浦先生後裔世居至均輔公始遷於武原之橫山爲著姓而宜之公愛硤川山水遂家焉公性孝友爲人方簡而以謙和接物急人之難遇事輒剴果不撓甫八歲伯君素公卒無子公爲之後事母沈孺人能曲承其意朝夕必親視膳孺人小有疾即寢食皆廢必復初始安四十五年不稍怠與事本生父母無二也年十五補博士弟子員學使者試輒高等屢入棘闈不得志遂謝去

學子業猶日手一編至老勿釋嘗訓其子曰不讀書即無以爲人汝曹其勉之歲壬寅宜之公卒公擗踊盡禮心喪三年追慕不已枕席間長有淚痕也仲弟問夫蚤世無子季弟雲倬亦艱于嗣公爲訪娶側室生子嗣歲未週雲倬又卽世孺人徐氏欲繼公之子公曰弟幸有子當成長何繼爲因撫其遺孤庀其家政讀書婚娶經理曲至如已子及本生父母之終也喪葬之事公悉獨任之曰罔極之德恨不能報尺寸尚忍與孤姪計錙銖費乎教子姪甚嚴必擇能文而優於行者爲之師且時時親自課督故皆有聞於時至于親黨交游遭橫逆事必力爲排解被德者或負之亦不之校於是邑令

文集卷三

太

聞其賢延爲鄉飲賓公嘗舟行見一弋者溺水公急呼舟子拯之謂曰治生亦多術矣爾乃利物之死以謀己之生非仁者事今天其以小懲乎因反覆勸諭令其改業是人感悟自悔終其身不復弋獵公之勸人爲善類此者多不具載已未母沈孺人卒庚申春本生母黃孺人又卒連遭大故痛不欲生日夕卧床褥積半載至冬而溘然長逝慈孝之至性如公有幾人哉公娶李孺人溫恭貞靜不苟咲言色養兩姑皆得其歡心撫字孤姪至於成立孺人之力爲多焉公既卒延師課子若孫戚族往來款接皆以禮一如公在之時有丈夫子五人孫人每賦采芹必勗之曰汝方髫髻幸得一衿當益務

所學以承前人緒慎母自荒也孀居三十六年舉喪葬築宮室撫孤幼營婚嫁一一擘畫措處無不中度聞之者僉曰崑來公賢莫之逮皆夫人有以成之也卒以康熙乙未之春某月某日與崑來公合葬於飲馬山之麓余少時讀書橫山即知公生平後與余疊聯葭莩知之益悉蓋敦孝弟崇廉讓殆古所云純篤君子歿而可祭於社者歟若李孺人承先裕後訓子理家以一未亡人而持門戶數十年尤巾幗中不多觀也余故不以不文辭而樂爲之論次云

家太學印峰公傳

公諱爾任字朝箴號印峯唐睢陽公後裔洛塘諱檣良

文集卷三

九

直公長子也直同懷兄榜號一峯少年遊京師贅居魯氏善會計家漸豐老而無子歸故鄉擇繼聚少年子姪諭之曰能受我老拳三下無感容即攜之去衆聞言驚遁公甫八齡獨不去笑領三拳怡然自得一峯曰是真我子也挾以抵京母亦見愛踰已出延師課讀稍長入太學兼事治生娶沈氏佐以勤儉家資不啻十萬父母相繼逝喪祭盡禮譽滿都城母有一族子某幼爲宦寺事皇太子萬曆暮年鄭貴妃專寵謀立其子百計譖太子窮蹶困頓衣食幾不給魯監愬于公公毅然輸金帛膳其朝夕無少缺者數年魯復爲妃所忌繫東廠危在旦晚公罄所貲賂左右乘間得白而皇太子亦正位東

文集卷三

十

宮公狂喜謂沈孺人曰我家傾我願畢矣若踞此以希寵榮是商鞅之因景監也謂名義何旦夕整行李扶父母兩棺飄然南返皇太子遣追之不一顧太子曰異哉奇男子留爲他日用未晚獨聞其貧甚饔飧恐不繼奈何屬大司農以魯監薦督兩淮鹽課周其急魯之任亟奉令敦請公不得已走維揚一晤詰旦即辭別力挽之不能贈以金不受魯適覆東官手書勅數行動羨餘若干送之家公稔知勅爲東官手書不敢違叩首以登約百萬富遂甲武林由是制田里廣市廛命紀綱于各州郡買遷有無歲計所入十餘萬即以之調姻戚惠黨里矜孤恤寡友朋或緩急無不應負之者亦未嘗一問宗族無遠近至省會即寢食於其家延名師訓族子弟臧獲百餘口姬妾輩衣豐食腴盤飧狼藉鄰戶藉所餘以餬厥口者日數十家聲稱藉藉遐邇翕然皇太子嗣大統亟欲召用會不豫命閣臣草詔未就而崩事遂寢公聞之號慟累月托跡湖山不欲一入城市適嫁一長女粧奩殊腆途遇直指使者停輿閱半日目艷心薰亟訪之乃許百萬也光廟既崩魯監亦逝知其無所恃遣有司羈之縲絏中惘疑虛嚇公自反不愧屋漏浩然不爲理而親若友恐懼不測許厚貲以求當事及諸縉紳各爲排解皆不聽暮夜賂以五萬金釋然歸而各當事與縉紳向關白者遂冒爲已功爭索謝親友笑拒之公

曰吾意原不求人君等爲我謀厚許之幸脫然而不一償不知者不以彼爲冒功而反以我爲負恩我不忍負此名也數月間拮据以踐其諾家遂傾遺廣廈百餘間計不能存亦售之及移居衆謂居所貯器用甚夥將何以運公笑曰我擁貲百萬一朝立盡而顧以此子爲總總醒醒不足數悉付諸居停鼓扁舟挈家抵洛塘隨行者減獲百餘口悉焚其身券遺之歸構數椽偕妻妾子女朝耕夕織歌嘯自如長爲農夫以沒世天啓丁卯三月初二日無病而終壽六十二妻沈氏妾馮氏王氏焦氏子二必選必遂皆儒士女四適吳適徐兩適周壻皆名諸生 年 月塋天竺乳竇峯都人士過其墓者迄

文集卷三

三

今猶感泣不忘云嗚呼以公之才與其量睥睨古今何難躋雲霄大展厥抱乃富而貧貧而富富而益貧躬不綰半綬子若孫終窶以老天之報施善人何如也雖然窮達命也富與貴浮雲耳公以一稊子笑受三老率走京師立至素封一旦罄所有拯人之厄竟以一布衣匡復元良噫異已迨志已遂寵榮在望而飄然遠引雖儲君命不一顧可不謂奇焉卒之膺殊錫富甲東南聲施傾朝野倅櫻意外捐百萬金錢餌鬼蜮漠焉不介意嘯傲田間儵然物表重一介而藐萬鍾不卓卓烈丈夫哉彼俯仰狗人希升斗較錙銖蠅營狗苟倏然自號爲縉紳先生者聞公所行事亦慙然自疚乎否

從祖奉直大夫牧菴公傳

奉直大夫牧菴公諱遵字聿求曾王父贈光祿第八子也英年負異才俛視一切贈光祿知非凡師可範嫡孫季聞人文卓犖遂以愛子執經而受業于孫焉禮倍隆情倍篤季聞公承祖意教亦倍嚴公循循率訓惟謹閱數年于古今文各詣其極視季聞公如二阮幾不相下未幾學使者錄科不及赴府省中李叟有一子亦名遵府錄而忽病叟遇公奇其貌俾試之特冠郡庠贈光祿適病劇聞公捷且歸呼子若孫聚幃前而諭之曰吾雖老敢詩書以擴門戶體吾志者必是子也勉旃語畢溘然長逝公奉生母凌宜人率胞弟遠同居而舉三年艱

文集卷三

三

苦殊常公奮志益勇集十三經二十一史泊諸子百家無不手錄而於先正時藝亦纂輯罔遺服闋科歲試俱冠一軍妻若子藜藿不充勿顧也戊子賓興闈中墨尚沿舊習公獨創語新奇無一字寄人籬下主司讀之狂駭恐碍時目錄雖後而獎賞獨冠百餘人報至金已懸數日時去明季未遠親族鄰黨牽羊酒而供珍饌者頃刻盈庭公車之費亦不緩急而充然隨抵山左旅夢一神曰君雖雋情無祿明晚當有奇禍能茹素三年庶幸免壽可五旬明日果遇數盜劫其資而身脫公即絕葷酒三赴南宮連不得志遂以孝廉應揀選構時藝日未傍午立就數千言光焰萬丈閱之者羣驚嘆拔第一人

爲州牧冠異數也閱兩載筮楚南均州挈家而往甫下車訪官民積弊以五六事陳督撫極蒙嘉獎緣生平被一羽士欺而武當山爲羽士藪公不免遷怒彼乃于監司督稅者百計譖愬遂被糾適奉恩誥授奉直大夫妻陳氏宜人父母如其官棄職未領而歸抵家饔飧不給仍嗜讀書雞鳴即握管著述等身午餘取向所錄經史自家泊方言稗語以及墨牘房行復加纂補幾充棟至十家乘一冊原原委既詳且核大正統譜之誤功更不朽年四十九招親黨預祝五旬曰我來春必謝世敢預爲別衆駭然丙午秋年五十一果病逝子五人長天仲自恭才過優病卒無嗣四亦早夭妻黃氏生幼子惠

文集卷三

圭

公娶賀氏得一子不育而惠公亦卒姑同媳苦節艱貞聲傾里黨三子昂篤行長者誕七子以三子繼兄弟或治生或遊庠各自能豎立公一生食貧晚年家計稍裕而見小欲速壽不永功不建後之人無不相痛惜然鹽官許氏以忠義之裔闕閱繩繩及遷洛塘七八傳衣冠踵武而甲第寂然公于 興朝定鼎首薦賢書俾洛塘一派科名奕葉與靈泉數大支媲美海東則公之發軔詎可忘乎哉

從叔文學季闇公傳

續叔文學金章公

季闇公諱銘鼎伯祖匡字公第四子也同從昆排列故行七與先王父第四子嫡叔諱金章行八同年生俱負

異質甫就外傳經史百家言窮原究委而初試時藝造極登峯千人不敢迫視學使者與郡邑侯目爲國士先後冠一軍浙東西謂平輿二龍復見于東海云嫡叔稟弱甫遊庠諸大家以名媛求字皆未許暴病不支稟兩大人切勿續後以重不孝罪語畢遂逝都人士如望大星忽隕無不驚惜季闇公若失左右手雖與同懷山甫諸兄角藝爭雄而公獨望隆品潔科歲試輒領袖羣英尤爲誇後進曾祖以幼子枚菴公傲氣凌人非庸師能督用捐叔姪之分受業于公啟迪倍嚴先大夫亦以伯仲叔三兄先後追隨學業俱大就亡何歲壬午疫疾盛行公竟賣志而歿舉兩子幼慧而天長雲垂志慙敦睦

文集卷三

圭

顧不善治生學未成而家漸耗子孫亦中落然尚讀書未可量蓋洛溪詩書之澤承祖父以迪後昆實公創之不敢忘所自也

大兄文學待贈文林郎非雲公同配張孺人傳

先大夫績學負重望鬱鬱不得志詩禮之傳與後人更切前天啟癸亥六月二十五日伯兄生從叔季闇公一見曰我家千里駒也六齡命名汝明字非雲出就外塾三四載握管能文即受業于季闇公誦日益進年十六補郡庠生聲鵲起申酉鼎革先大夫不復事進取伯兄以家嗣責望尤嚴采芹後勉事舌耕一時好學者爭以入門下爲幸而數奇落落久困棘闥丙申夏太夫人見

背先大夫召諸子而命長兄曰母既亡我老矣息我肩
若舍汝家督而誰兄跪而請曰惟大人命遂謝館專秉
家政手執一卷不問寒暑雞鳴喔喔輒披衣起呼耕者鋤
織者杼學者盥漱大聲若雷旦且如是夜則秉燭鍵門
戶閭內外夙興夜寐罔敢或懈先大夫輒然謂庶不辱
命年餘先大夫又逝喪甫畢兄于苦塊中呼籲諸弟曰
有十六人不能博尺寸以慰所生罪其曷極若不再努
力何以對泉下諸兄弟痛哭失聲遂赴館卑自濯磨余
仍隨二三兄下闔攻苦年長亦授徒每歲時聚首各出
所課藝相質證夜或挑燈把盞論古今事當否兄一語
不洽輒鼻戟張叱咤不少假弟輩懽然兄亦轉盼怡怡

文集卷三

五

式好無或尤也同慶數十年兄既子視諸弟拮据殊艱
諸弟輩仰食無他費錙銖所積歲月漸豐讀書雖無大
效然二兄薦于鄉俛得復失三兄貢成均四六兩兄先
後遊庠而余亦倖博一第向非兄友愛所曲成曷致此
顧兄友愛之性實根至孝而養生送死尤亟於卜葬當
嚴慈之初背也長幼哀哀室如懸磬兄獨竭蹶不遑葬
王父母于高曾之墓封樹鬱然繼即延堪輿東西訪聞
歲無虛日庚戌冬始卜一壤于武原紫雲村北柩甫抵
穴村棍百十人揭竿爭拒道傍觀者俱髮指亟勸鳴官
兄曰無庸我爲先人屈置盃酒以金帛給之百十人跪
穴前叩頭悔罪嘖嘖頌仁孝不衰由是墓從祖葬從叔

葬族之兄若弟安母氏三代之靈封外家兩世之穴孝
思不置恩推三黨彼縉紳家閱閱巍然而先人遺櫬頽
垣風雨數十年不一問族與親更無論矣聞兄所措置
亦悉然一愧否他如思鄉黨朋戚友于一本中矜孤恤
寡老或迎養幼或撫育壯則代婚嫁善蹟疊疊皆孝
友之所推難更僕數矣余自髫髻沐諸兄教兩大人辭
世手足惓惓未嘗一歲離左右庚申春赴司寇魏公之
召壬戌提南宮廁名東觀數年曠隔兄每馳尺一諄諄
訓誡不啻面規戊辰三月試蜀言旋兄鬚眉白盡精神
抖擻喜如初辛未督學三吳諸兄俱來署兄于三年中
患然兩顧快談三四日即歸歸即以慎終如始母隕越

文集卷三

五

是勗甲戌夏回聚匝月淚別登舟謂握手正自有期不
意歲庚辰壽方七十有八正月十八日正衣冠呼兩子
曰讀書治生給祭田三十畝以廣先祀語甫畢而溘然
逝也余聞訃悼痛欲絕諸公卿稔悉兄素行爭先唱弔
嘆頌不置口而蔚州魏司寇爲當代山斗于兄六十初
度賦詩郵贈曰孝友江南第一家嗚呼此真實錄也兄
不朽已嫂張氏象元公女十九于歸孝翁姑友妯娌曲
體兄意及佐兄家督喪葬盡禮撫卑幼推甘就苦舉室
奉之如慈母淑德懿型非一言罄也顧善病勞勤一生
二女甫結褵不數年俱殞丈夫子兩人婚輒斷絃先後
復續者凡七姓喪舊娶新經營盡瘁說者謂天之報施

于想乎或歷然而齊眉偕老助振家聲子惟植舉賢書
惟律雖副車貢大廷已二十年孫五六人或拾芹或讀
書或幼見頭角振振繩繩正未有艾然則先大夫與太
夫人世澤非伯兄與嫂其孰鍾乎

二兄文學待贈文林郎舜使公傳

先大父太原公生先大夫三人季父甫採芹未婚而歿
伯父楚生公入太學仗策翱翔聲傾海內公卿輩皆折
節願交生子女六七殤不一存卒乏嗣先大夫以仲子
生兄弟六幸俱成立例應以長兄嗣大宗而伯父秉剛
賜稜稜自異不樂與中庸伍二兄諱汝益字舜使天啟
丙寅六月初二日生幼秉剛方齡齒時遇羣兒戲輒戟

文集卷三

三

手怒詈刺刺不休童子輩聞其聲却走不敢犯長讀書
嚴氣正性不苟徇流俗伯父曰是子何酷似我也遂命
先大夫告家廟繼兄爲後承顏怡志不啻所生戊子年
二十三從祖聿求公舉于鄉兄隨補博士弟子曰是亦
聽鹿鳴耶無畏可越而代也辛卯賓興卷爲烏程令劉
公所亟賞以名魁薦卒見別馳尺一來召相見唏噓曰
遲速命也詎若此何患不售厚慰贈而歸下幃益發憤
窮經史百家爲制舉業光焰萬丈浙東西先達望風懷
想爭具書幣敦請爲子弟師不能分身初下榻于楊園
族叔既而館寧邑赴橫山授徒駕湖設絳于武林數大
家談經嶽嶽論史觥觥佩其訓者擢元魁位列公卿爲

藝壇領袖者指不勝屈而余亦從遊六七年倖叨一第
皆兄所指授也課讀之暇好直言扶正氣里閭有不平
宗黨有不法戚友間有不公不直不問縉紳士庶不憚
張膽論是非可否不聽則瞋目叱咤再不聽則裂眦磨
牙極口痛詈使人汗愧無地人亦大都折倒感其誠服
其義退而相誠刑戮是甘毋污許先生齒爲終身幸憶
安陽先生之令我邑也崇道賓賢四方學者輻輳湊伯
朔旦讀法曰是真宰耶盍往觀之公事畢忽離席昌言
某利未興某害未剔某某不當列衣冠某某何得位逢
掖上侃侃數十言邑侯聳聽亟下階肅容相揖已拂衣
去卒不得一見學使者試輒高等屢以優行獎不受守

文集卷三

三

若令慕其風造廬而物色者輒婉辭非矯情其高潔固
性然也然性雖嚴又極仁慈孝親敬長而外養寡嫂撫
孤妹婚貧兒贖遠姪代從兄官通繕族叔頹字惠徧同
宗漸推三黨本生外王父徐後裔零落岳父母周無子
皆代爲窀穸調恤其後人而鄉里中沐恩施殫力排解
以默受其庇者尤未易悉數近世士大夫有幾人哉顧
兄勇于爲善不樂人稱道而惓惓欲令天下人共知者
惟崇正閣邪痛戒浮圖是亟康熙癸亥七月初九日臨
終呼諸子讀書恪遵聖道若一徇佛事即以不孝論羣
從迄今謹凜不敢違推而行之功真不在昌黎下矣歿
之時余病臥京邸忽聞訃驚悼幾不起同朝諸先生弔

暗者多方慰解始稍蘇未幾伯勤姪來京向余言疾亟謁榻前執手而泣曰余十試棘闈得而復失者再兄及弟皆未博一命今幼弟步玉堂庶慰先志余亦藉瞑目矣惜不獲一訣爲恨余聞之不自覺涕泗橫流而殘軀之頽然欲仆也迄今三十年每憶斯語不猶令腸寸斷哉嗚呼余兄弟壽俱七十餘惟六兄望六而見止五十有八獨先逝嫂周氏繼章氏懿德相承年俱不永予四人長惟懷貢于廷次惟楓廩于庠最幼惟櫛負異質甫博一衿不幸皆賁志歿蒼蒼者天幾不可問然猶足慰者予惟惜丙戌成進士不樂仕進毅然以兄弟所遺孤或流庠或入監或幼讀書或身歿而予又氣榮必欲身

文集卷三

无

三兄歲進士待贈文林郎邵即公傳

余兄弟六人三年遞長四六兩兄暨余最幼皆奉教于伯仲叔伯以冢嗣督率最先仲雖繼伯父友愛倍篤而憐訓育以佐伯仲所不逮惟三兄是賴兄諱汝稷字師即孝友性成喜讀書不倦年十六補弟子員時鼎革先大夫棄舉業嵩貴後人兄偕伯仲發憤攻苦自六經子史暨唐宋大家胸羅成誦而于四子書舉蒙存大全明代諸先正罔不窮探厥奧故發爲文章原原本本時

俗輩不能幾萬一旣而伯仲皆舌耕兄亦率六兄與余督課于家試筆作時藝嗣爲橫山張公所請余隨二兄試本郡不售學使者臨禾兄復來召拮据覓府名兩試俱別繼錄科又以五藝分籍應奇童業荷獎賞卒見黜余痛哭不自禁兄勸慰隨從兄讀書張園秦大中丞觀風錄奇童八人拔余冠兩浙明年遂拾芹兩大人喜甚相兄曰藉爾教此子始發軔矣越一年兩大人相繼見背哀毀筑筑喪殮諸大事伯兄總厥綱而罄館穀竭蹶以勸贊者兄之力居多先大夫遺命長兄析產總炊田僅六十四畝伯仲叔羣相讓四兄十畝余與六兄各二十七畝歲輸米皆七石四兄十石食指繁不給三兄獨

文集卷三

手

輸三十石以仰助長兄同爨共汲規誨勸勉務期各有成立不負先人命嗣是兄試輒冠軍浙西諸大家爭相延禮而余亦授徒不獲晨夕聚首歲時歸家出課藝就正諸兄甲乙不少借別則痛相策勵母陳乃志以故數年間四六兩兄先後遊庠余亦附賢書捷南宮策名藜閣固諸兄教而兄之惓惓誨育以成就余者尤不敢旦夕忘也顧兄所成就豈惟一弟凡屬門牆擬科名博青紫者難更僕數遂寧張中丞撫吾浙慕兄名延督其子稍暇輒以時事相商推偶有獻替立見施行曰當今文行蕪優不愧爲人師者惟先生一人辛未春余督學江左致札邀兄中丞公祖孫父子敬愛不忍捨委曲再三

乃得行甫抵署提綱挈領規畫秩然及出巡嚴飭內外剔釐井井丹黃甲乙之餘發一案必易衣冠潛行遠近博訪輿論無不鼓掌稱得士乃快然如是者三年試方竣六兄以得子來告快談信宿兄與偕歸甫踰月而六兄竟以訃聞余慟絕謂吳呱者將安所依兄在家早毅然以撫孤爲任事無巨細悉歸綜畫延師擇配家亦小康今惟相姪既抱子且入泮矣微兄仔肩能幾此否至于樂善好施調恤戚友入或以不平告多方勸釋而排難解紛默受其餘蔭者罄筆難盡陳仲弓王彥方諸公何多讓焉獨可異者兄自幼採芹食餼更久貢于廷試入鄉闈二十餘科卒不售己丑春吾鄉計偕者謂昨

文集卷三

三

秋三先生率子若孫三世入闈應點時千萬人中見有鬚眉皓白首戴一瓊笠閱數十年蟲蛀耗斲者僉曰此當今梁灝及榜發得而復失爭扼腕不置未幾文傳于京余讀之驚喜精神滿紙期願可預卜不意是年十一月十八日以次子殞遂含痛而長逝也年八十一不獲稍展厥志徒以明經老鳴呼報施其可憑哉嫂顧氏勤儉宜家生子惟植十試棘闈七薦未售甲午始舉于鄉鬱鬱善病有子七人長與次食餼膠庠幼皆能讀書繼董氏以世閥亦甘茹苦生子惟機貢成均筮麗水學博未抵任而卒遺孤文熾年雖幼眉宇昂然諸姪輩咸稱爲千里駒三兄聞之當亦輟然喜不以余言爲溢詞也

四兄文學次寅公傳

洛塘始祖誠齋公爲五提舉仲子提舉公承睢陽世澤生五子長守許村餘皆徙遠近簪纓奕奕而誠齋公亦遂以耕讀開基前步橋衣冠世守然皆一二子四傳至克宏公娶潘氏生子甫一週而公卒潘奇貞異烈載志乘不朽子文遠公遂生五子亦分徙長洛泉公守故址規模漸闢迄贈光祿大夫禮部尚書心泉公生子六太原公生子三而先大夫生余兄弟亦有六洛塘之世裔浸浸盛矣顧伯兄三兄所生僅二子六兄與余皆一子二兄有子四半俱不壽獨四兄丈夫子五人長惟權副車貢大廷次惟恒太學生惟枚庠生惟松惟本皆監生

文集卷三

三

讀書治生克自樹立孫七八繩繩未艾是雖不及曾王父先大夫有子六人而玉樹五枝直與提舉公文遠公後先輝映猗歟何其盛也然可異者余兄弟採芹惟六兄稍遲二兄二十三歲大三兄及余皆十六齡而四兄雄于文歷試浙西三郡艱苦備嘗甚且挾策持弓不惜與糾糾伍卒不售年三十四五始博一衿噫苦已不寧惟是弟兄得子六兄獨在暮年諸兄及余俱少壯時元配所產兄嫂陳氏孝友勤儉爲娣姒推服生子女十餘皆不育止一女將笄未結褵又逝時兄年五十餘矣不得已勉卜側室周氏黃氏年五十有五始得一子先後相繼向使五十五歲以前忽遭霜露其不爲若教氏幾

希矣不大可畏哉以盛若彼以遲暮若此一身而幸不幸相懸若是者何也蓋諸兄及余秉性雖輕而情多姑息輒好施不倦兄獨杜門却掃不預戶外一事耿耿然道義恪遵一介不取亦一介不與未嘗煦煦焉拋升斗捨纖毫沽流俗虛譽故感頌者絕少然見有豪強逞智挾術以欺凌愚弱則張拳踵足必欲竭綿力鋤厥匪類以安我鄉間即骨肉間偶一事不憚不憚大聲疾呼晨夕諄諄母隕越家聲爲長幼勗以故豪紳衿蠹及一二村棍輒相戒勿犯而子若姪亦惴然循謹不敢蹈一非義稍違先人訓微兄督責不致此憶兄之勸余督學也論文之暇案牘紛如督撫之所咨監司守令之所詳或

文集卷三

奎

以矜欺民或以棍凌士或文武員挾私互訐當事羅織而負冤可疑者兄不憚辛勤潛行密訪得其真相告與面質適符迺重翻其讞以正厥典每郡必數案迄今上下兩江畏威懷德啣戴猶不忘則兄之生平雖不一市恩而被其教陰沐其澤者真無涯涘較彼解衣推食矜詡自高相懸亦豈啻十百倍哉遲暮其身而厚其子若孫天之報我兄先後誠不爽也兄諱汝垂字次寅前崇禎壬申三月十五日生卒于康熙乙酉九月初二日享年七十四

六兄文學虞一公傳

兄諱汝襲字虞一本行五前有一姊雖殤而不忍沒故

行六長余三歲性至孝襁褓中即曲體父母意備極承歡事諸兄肅如也憐余幼愛護倍懇顧善病乙酉冬始同余從長兄讀孝經丙戌長兄館王宅先大夫食貧不能延師適同里錢叟一號敬吾延會稽金先生教其孫若子同學十七八人皆農家裔傲氣凌人余兄弟附其家恂恂謙退讀書則發憤爲雄自四子書及五經句參字酌三年訥覺稍進戊子冬金師告先大夫曰公即皆大器余不能勝任宜擇賢師已丑春同隨三兄讀書家斗室明年遷于近之北茅屋三椽左右皆住臧獲中一間三兄率八房兩叔講讀于前後半所僅堪容足余兩人共坐一几晨入暮歸爭相奮勵自史漢洎諸子大家

文集卷三

奎

含英咀華共探厥奧而時藝一途三兄以余質稍慧開筆先試見者輒嘆羨兄喜甚不以弟勝已爲稍嫌也時海饑糠粃不饜夜宿兩大人榻傍暑無帳空一榻以尺布蔽其口冬少褥米棧中柴厚而暖兩人寢處其間歡欣自得晨則雞喔喔攜手赴館忍饑劇切以仰副父兄訓如是者又三年壬辰三兄爲介甫張公所請兄隨大兄讀書周宅余與四兄隨二兄館于族叔仲楚家甲午介甫張公托三兄帶予讀書自菴乙未遷理寰先生宅而兄隨大兄亦館于橫山之顧相去里許笑語時親歲節一歸家暑櫛而冬棧骨肉依依猶然童子時也丙申適持張先生聘二兄課其子邀余同坐與兄迹稍疎夏

六月太夫人忽病諸兄弟歸侍湯藥殫心竭力兄更寢食俱廢艱苦備嘗顧天願以身代卒不效呼天搶地幾不欲生先大夫曲爲勸慰晝夜哀號聞者無不淚下八月間淑女之選兩外家遣冰人議婚兄大怒叱之先大夫曰事有經權奈何執硜硜之見致滋後悔況我在豈得違命不獲已于兩日內先後結褵禮畢即傷太夫人柩寢苦枕塊晨夕悲鳴足不一入閨內既而先大夫以年高命長兄秉家政俾諸弟專意課讀余乃仍從二兄而兄從三兄于叔章張公之宅歸即傷柩號慟晨昏不徹間或強一咲語博先大夫歡而丁酉九月先大夫又疾作醫藥無一效兄弟六人肝腸俱裂兄則奉侍之勤

文集卷三

妻

禱祈之苦悽怛慘愴較喪母更切諸兄猶稍遜余無論已成亥兩年兄仍隨三兄余又隨二兄于禹侃張公齋東西接武不啻團圓歸家宿兩大人柩側篝燈悽惻涕泗交頤前後計四年孤苦相依真有楮墨所不堪述者服闋兄入庠不復從游讀書之暇兼佐長兄經營家計余與二三四兄設絳授徒歸則聚首一堂高談醉讀爲天倫樂事獨長兄性嚴一語偶不洽怒形難犯兄或含淚或微笑多方排慰稍頃輒怡怡如故乙卯余舉於鄉兄狂喜復鳴咽以兩大人不及一見爲痛嗣後公車往還徘徊常聚庚申余赴司寇魏公之召壬戌倖捷南宮讀書中秘三千里外鴻鯉遙傳馳依時切丁卯典試川

西戊辰三月朔歸里門時惟二兄先逝莫哭悽愴諸兄俱拭淚相慰十年曠隔重聚崇朝實人間未有之快而兄則外若歡愉中常慨怛以握手無幾臨岐將在即也六月朔淚別登舟兄更回旋數四酷暑中陰雲慘感道傍觀者俱嘆息泣數行下謂吾兄友愛真近世所未有云抵都後睽違兩載夢想彌殷辛未春督學江左兄同諸兄子姪抵維揚入江陰署盤桓一月生平愉快從無踰此忽一夕兄獨黯然而細叩之曰我無他憾惟生子不肖何以嗣宗挑余勸其再聘兄唯唯明年乃于吳門復卜一側室年餘得一子兄亟鼓棹來余署曰我願畢矣數年前獲一兆此子必承我後但年老恐不得觀其成

文集卷三

妻

奈何語畢淚泫然余曲解之詎料歸家子方彌月宗黨稱觴甫十日而兄竟逝也果兆之不爽耶天耶人耶其可信其不可信耶時康熙癸酉十二月二十六日距生前崇禎丁丑閏四月二十六日享年五十七正月朔子聞訃痛傷欲絕設位君山寺受弔唁三日四月歸家悼泣靈前不能起大三四兄強扶之稍甦回憶戊辰春拜哭二兄時肝腸更寸裂矣簡命在躬不敢久聚六月望哭別諸兄既復命亟欲請假南還與白髮諸昆婆娑垂暮而天不我祐大兄于庚辰逝四兄于乙酉終三兄距余歸止年餘先于己丑冬辭世棲萼荆枝凋殘餘盡辛卯夏予告言旋子姪輩拜舞遙迎歡盈道路而迴念諸

兄竟無一尚存者。號號衰髮，影孑形單。余獨何心，能不悲哉！含哀數載，集諸兄行事不敢溢一詞，姑傳其槩，垂示後人。而于六兄尤惓惓不忍。罄者先大夫樹德日滋，諸長兄承庭訓各成一家，而剛柔異稟，不能無稍過六兄。仁心爲質，恩溢鄉閭。人或以非禮犯者，唾面自乾，未嘗一較。而情深固極，孺慕終身。古史冊所稱純孝，恐不逮。至于手足間，謁和周，浹委曲，匡維遇險，患輒以身當。偶見一微疴，終夕徬徨，廢寢餐者累月。余最幼，自攜抱，幾成立，推甘就苦，憐恤慙慙，即至從遊遠近，曠隔山川，而夢寐馳思，余或一念偶忘，兄兄無一刻不憶余也。嗚呼！筆至此而淚霑霑，不自禁也。痛哉！所幸者嫂金氏

大業卷三

三

懿德垂型，妾宋氏陳氏淑慎，宜家女。六人俱獲配君子。子惟相已，采芹砥行，讀書未可量。孫炎年雖幼，瞻視非常。屹然見頭角，余嘗語子姪曰：余兄弟雖無大建，堅顧皆忝衣冠，肯堂構享年壽，而長子孫六兄于數者目前似稍歉。將來先大夫之澤，必鍾于茲。余老矣，惜不及待姪，其率乃子勉乎哉。

先室陸夫人傳

夫人陸氏爲同里望族。外舅間于公，以名諸生爭雄藝苑。家亦號素封。夫人係第二女生，五齡母吳孺人見背。外舅痛愛之，嘗集里中子弟課詩文，陸以揖配。余年十三，外舅特加器重，托媒氏道意。時先大夫滄桑後，屏棄

人事不應試，不治生產。先太夫人爲余兄弟讀書婚配，生計漸不給。向媒氏辭，以非耦。外舅志益堅，遂委禽焉。亡何外舅家亦中落，繼母前後異視，茹荼啗藥，幼已備嘗。丙申夏，先太夫人忽病逝。秋八月，驚傳淑女之選，余與六兄皆未娶。兩外家遣冰人議婚，嚴斥之。先大夫謂事有經權，奈何執硜硜之見，或滋意外，不得已草草于兩日間。先後結褵禮畢，即傷太夫人，柩側枕塊寢，苦足不一入閨內。而夫人年方十四，倉猝于歸，炎無帳，覓朽布數尺半圍牀面，以避蚊寒，不能置。鑪握升粟，市瓦甌貯火，鴉衣簞食，獨坐淒淒，其餘不遑一顧。先大夫憐而怙之，丁酉秋先大夫復謝世。鮮民罔極痛不欲生，喪竣始

大業卷三

三

一歸寧甫三日，而外舅又病，劇斷藥，號哭孤苦，其尚能堪此哉！幸長兄嫂承先大夫命，餼產周爰，藉以糊口。而形影相弔，百倍倍常。三四年情事，豈有不堪述者。服闋余始敦家室，旋即從游，或舌耕，夫人向不事女紅。至此遂習機杼，親刀尺身，無完護。敝桌垢，餐飯則瓶菜數筋。伺余館回，迴市菽乳，槐餘以當珍錯。歲或歉，日食一二糜而已。逮育男女，躬自乳哺，家止九歲一婢，又多疾不能驅策。裹抱之餘，或汲或爨，或澣滌，補綴手足，况痺離復有代其勞者。甚或公家饕餮，偶當兒女啼號，不暇分撥，則忍飢終日，又往往然也。甲辰夏，模兒生，生即善病。瘡癤盈頭，晨夕間撫摩，疔癢無寧。暑者五年，嗣後率生

女或育或不有劬勞之後間以悲哀精力益已耗矣余又以浮名爲累詩帖文壇賓朋絡繹瓶無宿春夫人百計典質以供讌會至于春蠶秋績夜織朝紡歲必以所產餘者置產數畝以爲常而余總不之知也乙卯秋余歌鹿鳴夫人方一舒顏公車將戒膏秣維艱夫人鬻簪珥質田畝經理井井絕不以煩余裹迨兩試南宮連不得志長兄嫂筋力稍衰爰命析箸適以一婢贅一僕用督耕桑余仍授徒而夫人拮据卒瘁較曩時更劇庚申荊州魏大司寇爲子若壻訂余肄業余遲迴未決夫人曰聞魏公當代大賢君苟思自樹立將負笈從之況下交乎余聞言欣然就道夫人獨持家政夙興夜寐不欲

文集卷三

无

以一事貽余內顧憂所愛一長女聰慧柔嘉病久天于壬戌元旦悲慟幾絕二月間余提禮闈座主朱大司空邀課子姪冬杪倖館選不復內顧夫人爲余指門戶闢田舍課模兒誦讀賦采芹復迎新婦何有何無皆十指中所擘畫也迄丁卯典試西川戊辰春便道歸里見夫人形神黠結大異曩初始悔南北各天十年契闊夫人之憔悴實由余致之傷如何已王程敦迫匝月啟行已已春命模兒侍夫人率媳與孫附糧艘北上炎燭蒸鬱半載始抵國門余適觸暑病臥而夫人至尤困頓對榻呻吟不能移跬步忽兩掌院薦侍皇太子講幄親來促引見病不能赴求辭夫人勸勿辭亦不赴第實以病

註特膺擢擢庚午夏量移官贊十二月即奉督學江左之命余以資俸最末蒙恩特簡呼模兒同矢天日夫人曰居官清白初願皆然第恐轉念或遷則信誓旦旦欺人乎欺天耳君毋欺焉余心識不忘辛未夏抵署秋將按部夫人信余之不一私也又曰文衡者貴衡其文之高下銖銖不爽故人知感奮若徒市清名而黑白混淆俾名器可倖不思政苦則不明之罪更浮于不公余是其言三年中焚膏繼晷甲乙親裁不敢使一卷稍留微憾正爲是也甲戌差竣夫人先歸里門爲次女營嫁裙布釵荆手自整理又新卜一椽頽敗幾盡夫人廢寢餐刻期營葺以待余歸歸數日焚黃掃墓親串又往來如

文集卷三

早

織夫人躬庀豆觴量加贈問人人務得其懽而神思則彌憊矣余亟行復命丙子春夫人乃率字吳幼女及字查姪女來京遣嫁兩月間尺布寸縷盡費心裁余特享其成焉方謂從此可稍暇逸而旅中珠桂視昔倍艱夫人左支右絀日坐愁城中余復喜交游四方枉問者夫人必飭盤食俾余款洽而一絲一粟一菜一薪一鹽鼓鑪鑿錫銖銖瑣屑凡可諉諸臧獲者心營手畫無不身肩厥勞噫苦已奈歸查姪女慘歿滋哀而所撫四女字顧者又于故鄉率畧完姻更深馳恤夫人之於邑何時已也幸已卯秋模兒舉于鄉計偕北來乍見歡甚時夫人同襄姊一子亦同儔一堂慰藉自冬至春爲數年間

團圓快境未幾兒下第不忍南還依依子舍者數月余亦不聽其去夫人念諸孫在南誰爲督課轉瞬三年便可快晤何庸效兒女子態爲因趣之行又恐傷余衷舍淚而別嗚呼孰謂夫人竟以是別與兒永訣耶辛巳春余復蒙破格簡右司空夫人始而喜繼乃愀然曰受恩愈重稱職愈難抽身益復不易恐自茲遽難言去奈何閱月餘見余于冬官陋例刻滌殆盡誓不名一錢而事劇費煩日不暇給則又強自慰解竭蹶支持甚至擁衾聽漏握髮迎門詢余饑飽察余寒暖伺余喜怒窺余勞倦苟可裨益余者不憚盡瘁以助余不逮而夫人則食減少眠勤憊不可支及不自覺也越壬午三月六日

文集卷三

聖

上御經筵夫人慮晨或啟事促余趨朝入署辦事畢詣萬壽道場送駕回夫人迎問余飢否方具饌適有薦一善易課者余出見夫人素不踰閭外聞其術甚驗特隨余出院立屏後將聽其評斷身忽仆地婢輩亟扶之湯藥不能咽攜抱至牀而異香滿室端坐已溘然矣夢耶真天之報施其可信耶夫人性凝重無遽色疾言孝友天稟痛余先考妣不逮奉養秋霜春露及生忌祀辰虔潔竭誠數十年如一日事余長兄嫂不啻翁姑處衆妯娌謙和而謹子女雖鍾愛訓課殊嚴恩恤僮婢不一加呵斥身喜淡泊絕肥甘併不茹葷酒四十歲以前衣裳皆布入都後製綺帛數襲日藏笥中平履布服

百結不棄舉動必遵禮法名園尼梵姻戚相邀輒婉辭不一赴心又好施予每勸余調恤然囊無私蓄同裏一弟姪南北追隨余分俸外不更贈以纖毫所愛女亦然曰吾不以私累公也尤嗜讀書通達古今嘗因余硯執百凡寬譬且曰士大夫正色立朝分固宜爾但自恃無私悻悻然動與時忤古來取禍亦不少蓋鑒諸余瞿然警其匡救多類此方期偕老膺後福而賦命不辰幼喪母繼喪父嫁又喪舅姑育子女八九存者三人臨歿亦不獲一送歸余四十五年旅館宦遊孤燈兩地計聚首不過十年餘名雖命婦而衣敝食貧窮年操作乃至力竭神枯頃刻間死而後已嗚呼痛哉時惟適吳幼女獨

文集卷三

聖

歸視殮訃模兒四月杪始至余又擢少宗伯匆遽開弔日夕悲號伴柩年餘癸未秋遣模兒扶柩南歸停洛溪祠堂而余即有河工之役瑣尾流離則向之雲衢坦坦皆夫人懿德所默祐也余忍忘乎哉夫人生于明崇禎壬午年十二月二十七日亥時卒于皇清康熙壬午年三月初六日申時享年六十有一初封孺人晉封安人宜人今封夫人子一幼名擬入學名惟模已卯舉人娶葛氏頗賢孝女三一名順許字庚辰進士楊守知未嫁卒一名良適庠生顧芝一名全適監生吳用楫恩撫嫡姪女適庠生顧五達孫三一煥一燾一焯俱幼孫女一未字迄今十餘年兩女兩孫相繼云祖塋則並擬魏

科偕模兒勦猷部院孫煒已薦孝廉諸外孫稟庭訓亦能自成立而余以謫劣秩晉大宗伯 予告還鄉恩榮六代夫人惜未及見今余老恐歲久或忘亟取當年行狀扶病而稍節之文雖冗無一字虛飾謹附兄嫂之後不忍負糟糠也

德星堂文集卷三終

文集卷三

星

德星堂文集卷四

海寧許汝霖 時菴著

誌銘

禮部尚書介山公墓表

嘗觀國家重熙累洽上有文武聖明之君下必有公忠敏練之臣爲之左右贊襄允釐庶務而其人又往往出于世胄早自樹立踴厲風發以著聞當時出典庭方入參朝政其誠慤足以結主知其勲名足以垂奕禩用能任侔將相以功名終歷稽史策或不概見 本朝吏部尚書介公其一人也公姓淑舒覺羅氏諱介山世爲長白山納音江人父贈太宰公際遇 太祖龍興以武功顯至公而門望益大年十七扈從 世祖皇帝入關定鼎初辦事戶部以才授四品主事未幾轉員外郎已丑春渾源州寇亂公以驍騎參領隨 睿親王出征渾源既平叛帥張訛尚據大同復隨 英親王往討後先餽運千里相繼及凱旋公之功居多辛卯歲兩遇覃恩初授拖沙喇哈番再加拜他喇布勒哈番明年陞戶部三品郎中 世祖章皇帝傳諭 鄭親王曰朕觀介山在部理事故奏明晰才品兼長此係王旗下人員可以恩待之 王啣命賚子亡美明年授兵部啟心郎丙申考滿晉階二品授工部侍郎廕一子又以公熟曉機務調兵部侍郎時亡命海販者猶僞稱名號煽惑

文集卷四

一

徵輔政大廷建議于沿海郡縣立木爲界禁奸民之私通者公奉使粵東事竣還 朝與輔政者意不合遂被吏議鐫秩公時年甫三十六優游閑放無幾微不平之色家居七年 今天子親政有言從前處分太過者 勅部再議照原品降一級復用需次者又五年癸丑夏補太僕卿轉大理卿尋陞戶部侍郎加一級遇覃恩復加一級不逾年而擢左都御史蓋 上已稔悉公才 先帝知之而未究其用 簡任之衷於是乎屬矣當是時閩氛未靖 康親王奉 命督禁旅出討公爲參贊大臣陞辭之日 上御乾清宮召公入屏左右密諭曰今福建漸次平定而海逆猖狂陷害州郡將軍

文集卷四

二

大臣一時未即尅復卿兩世舊臣練達兵事素有胆力此行調度官軍撲滅賊寇惟爾是賴事有機宜不必關白主兵者汝可先行後奏毋爲掣肘也耿精忠勢屈而降其心叵測尤以嚴防爲要又 諭曰閩海濕熱卿須加意保養早奏膚功以副朕委任之意 特賜御用銀鼠袍以寵其行公感激恩遇倍道入關籌餉足兵相機戰守剪除頑梗綏輯善良興化漳泉諸郡縣及金門廈門等處以次恢復誅殺海賊何續資等又設計招降吳逆僞將軍韓大任等率從福建一路押送京師每一捷聞輒 優詔褒獎繼以漳州地勢濱海復留公鎮撫勞來安集威惠並施海寇聞而懼伏久之疆隅底定 上

嘉公勞績就軍中陞刑部尚書 賜紫貂裘 賜朝服 賜中秘書終繹不絕再轉吏部尚書適奉 詔班師中途聞 命到京謝 恩後隨請謁 陵及回部視事年已五十有四矣其秋 上幸瀛臺宴九卿諸大臣賜內紵六表裏及蓮花菱藕等物二十二年正月 賜宴于乾清宮 上手持金杯賜酒畢 諭曰自古君臣之分雖嚴而上下之情貴達唐宋盛時往往如此故稱和洽之治卿等出入勤勞殊愜朕心今選內廐好馬便千乘騎者並內庫綢緞分賜卿等以示朕眷愛之意時公負重望恩數有加焉尋以世值昇平制作綦重調補禮部尚書扈從南巡至濟南釣泉 上以公不習漢

文集卷四

三

文 御書溯洄二字而署公名勒于泉上尤異數也及返 蹕公遂引年乞罷慰留再三公免剝固辭情詞懇摯始允所請而公長子朱馬泰已蒙優擢詹事矣公伏闕叩謝 賜茶 賜杖給扶還家從此從容頹養又十二年乃考終于邸第 上聞訃軫卹 子祭墓如例公自弱冠策名以及致仕身爲察察之長而小心翼翼因事盡忠雖起家勲舊不以富貴驕人接佐屬賓客必以禮歷事兩朝坎止流行合乎君子進退之道迨老而予告時蒙 存問既歿而贈卹有加蔭子及孫始終眷顧未有若公之隆者也觀乎古純臣若漢蕭何鄧禹馮異輩庶幾近之矣公生于 年 月 日卒于 年

月 日享年若干元配傅察氏繼室瓜爾嘉氏俱封一品夫人子幾人官某孫幾人官某例得傳書于石余後進仰公數十年公之子員外郎登德同余官戶部持公狀乞序其事不敢以不文辭爲述其概

兩江總督邵公神道碑

蓋聞維嶽降神皇天所以濟世太上立德大人所以事君故開國承家感夢訪星辰之佐重熙累盛聞鐘思社稷之臣臧孫歿而穆叔稱隨武亡而趙文歎鄭悲子產行悼柳莊代有人焉斯爲盛矣公系奇渥溫氏諱邵穆字遠公葉爾拜察人也父諱圖拔烏事 太宗皇帝歷一等護衛護軍叅領 世祖章皇帝廓清海宇以功

文集卷四

四

晉資政大夫勲昭日月氣薄風雲寶王琬弓視邠岐之勳舊蟬簪鶴印同豐沛之故人豈若漢家四姓之侯周室千夫之長既爾沙塵騷動長轂襲行寶車騎之北征五原拜爵霍嫖姚之西擊萬戶增封遂叙功由拜他喇布勒哈番加世襲拖沙喇哈番爰承世德特鍾我公氣稟金精神同璣鏡將相之器墮地可知文武之才自天而授學優則仕不因閑閱之崇父任爲郎早見公侯之復勳郎署遷翰林未幾授陝西茶馬御史茶如粟粒不以投懷馬似羊羣未嘗入廐商車有筭猶言吳隱之清馬客何知亦愛孟嘗之潔擢翰林院侍讀承恩宣室造膝沉沉勸講露門沃心繼繼鈎深學海珥形成遷固之

書囊括詞林紀事得春秋之筆却門前之千斛佳傳無私擅史館之三長名山不朽除國子監祭酒大昕鳴鼓集博帶于橋門函丈橫經招諸生于館下琢磨六學德成而教尊模楷四門言揚而事舉揚龜山之行誼璧水帖然呂正獻之老成高山仰止特除內閣學士兼禮部侍郎尋歷禮部左右侍郎參聞政道東觀拜學士之員粉澤典章南省作尚書之貳春官六十昭舊職于寅清曲禮三千還斯民于子諒公才如此 天子器之丙戌冬 詔以公總督江南江西兵部左侍郎兼都察院右副都御史氣噓淮海征南鎮北之名手握風雷開府儀同之號禧帷初駐草木畏其威名尉候無虞鷹鷂革其

文集卷四

五

兇性而至仁不殺大德曰生的貪泉而官不傷廉對弱水而民不敢玩宋人獻玉盡委道旁故吏遺金誰欺暮夜其或山川滌滌徒費牲牷原隰茫茫大無禾麥明燭照流亡之屋封章求曠蕩之恩直以禹稷之心往行周孔之道又若三載考績六計尚廉窮當道之狼不恤一家之哭薦摩空之鶚寧嫌五服之親豈唯飼雀埋蛇放鳩縱鴿子子以爲義煦煦以爲仁而已哉淇澳三章爭言德盛鱗魴九戩唯恐公歸人願丹青天無早白羊太傅之碑石遺愛鏘洋孟嘗君之池臺樵童下上罷肆哭樂公之社逝水不回傾壘奠石相之祠高天難問康熙四十八年七月初六日遘疾卒于江南之官舍享年六

十嗚呼哀哉公忠孝因心正直率性危厄在手不改兒
啼風雨陟岡每懷子季雖復麾幢八座羽儀十連位望
崇矣天眷厚矣猶且好賢式于木之閣下士執侯龜
之書霍將軍之上殿尺寸不移何賴考之燕居衣冠如
故讀書則十行俱下遺子則千樹無資茅屋松床唯知
崇儉桑杯布被非以釣名信乎學者泰山國之喬木矣
雖涼陰埋昭從此千年而箕尾騰光猶然萬丈夫人
鄭王之郡主也西池王母來自泉源南極夫人生由
瓊脂田粉確夙奉教于公宮蕙幄松門早棲神于大
野將被滕公之室遂陪季子之階以康熙年 月
日終于其所越年 月 日祔于某原子五人曰恩

文集卷四

本

代曰邵蘭俱早世曰德誠曰納爾泰曰德孚孫二人曰
邵瞻曰邵義天經地義尊萬石之家規春誦夏弦守光
祿之庭誥泣時攀栢鳥助悲鳴冢上養松鹿知潛避以
某久共容臺夙探閭域見託銘石用識泉扃為有道而
題碑敢無實錄過江都而下馬應感斯文銘曰

飛龍在天丹鳳鳴岐西平積慶東里逢時黑衣方補驄
馬旋騎左史右史經師人師將星淮畔卿月江湄清風
入頌蓁竹聞詩王棺俄下天柱其歎京兆遠矣雷陽連
而淒淒丹旆颯颯靈旗悲摧樂棘慟甚風枝墳開連緼
跡載穹碑繩繩孫子勿替引之

座主果亭徐公墓誌銘

觀夫神生崑嶽地氣之所鬱盤宿直斗箕星精于焉翕
聚文在奎婁之府江本名婁質同金玉之相峯原號王
高州特望親炙者百世之師東國人倫私淑者四方之
則蓋難進而易退寵辱不驚故生榮而死哀身名俱泰
我座主徐公諱秉義字彥和號果亭江南崑山縣人也
始駒王而開國繼麟子以傳家代挺偉人世多碩德或
予杖而遺謫直著九重或代疏而請蠲恩流億姓曾祖
應聘前癸未進士選翰林官至太僕寺少卿閬苑開基
京卿肇跡祖諱永美前乙卯副榜叻鳴秋宴艷吐春華
父諱開法以名諸生貢入太學黌宮尊席國學觀碑承
先則敦詩說禮昌後則積德累仁公適生而克岐弱不

文集卷四

七

好美聚和鳴之三鳳載好其音合頭尾為一龍次居其
腹六年就學讀書則目有專睛十歲屬文落筆而手無
停腕河曲令馬公具米衡之鑒懸月旦之評增擇床東
母勞射雀容窺城北便許委禽時甫勝衣年方舞勺而
繡閣三史搜羅百家斟酌齊梁唐宋之體裁研窮濂洛
閨閣之理學中宵風雨床無上下之分盡日墳簷居不
東西之隔年十五補博士弟子員郡中文學管輅無雙
洛下秀才蔡洪第一於時輻輳剡裳之會紛綸壇坫之
交人競識荆士爭御李霞軒星聚九州于以雲從敦王
藥珠一室居然鼎立甲辰丁父艱讀蓼莪而輒廢攀柏
樹而幾枯三年服闋例入成均辟雍之聲價倍增祭酒

原缺第八葉

具在夜合得田荆之茂春生多謝草之聯攜監尾之一
尊醉賦共被聚白頭之三老愛敬同胞迨乎玉樹長埋
金銀遽掩始子猷之哭弟人琴俱亡既張融之悼兄風
流頓盡嗟乎已矣從此終焉乃 上以公績學望崇徵
召特召甲戌冬赴京即克一統志總裁擢授左春坊左
中允周制千八百國虞書一十二州借翰苑之頭銜諸
職方之掌故龍宮衛翼增秩儲坊齋禁論思仍名經幄
乙亥陞翰林院侍講秋陞右春坊右庶子掌坊事金華
侍直瑤函依日月之光王署掄材彩筆煥風雲之色飛
聲入望爰晉麟臺登譽儒宗特崇鶴禁丁丑陞詹事府
少詹事兼充日講官起居注信劉向之忠誠選王恭之

文集卷四

九

學識可傳可法舉則必書記動記言職斯克任已卯陞
詹事府詹事鴻嘉屬少傅之官龍朔改端尹之位若韋
賢之篤學若孔霸之授經公實當之庶幾無忝庚辰
命克總裁明史 百七十年之興革一十有六王之盛衰
是非則朗若列眉得失則瞭如指掌七月特授額外禮
部侍郎仍管詹事府事韋貴之實兼二事不須懸缺以
求賀知章榮命兩加仍令攝官而理九月命武會試總
裁人材矯矯取士於大勇何疑 天語煌煌嘉公之老
成可信旋陞吏部右侍郎兼管詹事府如故上同太宰
侍衛而秉鑑濟濟者待拔於泰茅下與諸曹裁競而抑
浮訛訛者潛消於天寬辛巳充律例館總裁之綱之紀

惟允惟明復充 經筵講官啟沃獨慤助勸彌篤定猷
而閱河工獨微曠典啣綸而審鹽政微誤爰書詰責同
僚似可因人以諉過堅承共事豈甘爲已以辭愆古道
羣欽 聖明倍鑒銓銜暫解官尹仍留壬午特點順天
鄉試正主考澄波撒網收海底之珊瑚燦冶鎔金汰礪
中之砂礫從來冀北放榜喧囂獨此司南撒開帖服癸
未春祭告少昊陵堯陵孔林將事告虔成禮即返嗣又
護送山東饑民回籍集哀鴻於安宅還碩鼠於樂郊旋
陞內閣學士兼禮部侍郎黃扉捧日絳殿書雲參密勿
以心勞益滋兢惕佐明諧而身瘁用乞歸休幾馬幾車
歡送國門之外一丘一壑笑迎塲圃之間藥爐共茶竈

文集卷四

十

俱清竹徑與松窗自適乙酉 皇上南巡齊牽錦纜臨
幸山園命載藍輿光榮几杖丁亥復迎 聖駕 君恩
高厚方慰問之有加臣力衰頹欲報稱而制極計從筮
仕登荷隆施尚方衣餼中秘圖書璇榜榮褒勝盧矢形
弓之錫 奎章寵賚聯珠拱壁之珍以至 鳳輦承
恩 龍樓拜德自古明良遭際得未曾逢於今鄉里榮
觀驚爲罕有公所著有培林堂文集代言集詩集經進
集別集經學志餘集殉難錄集準經酌雅絕去風雲月
露之詞累牘連篇都歸忠孝貞廉之旨更加賦祝壽母
詩紀 榮恩或珥筆於彤墀或揮毫於溫室莫不堂皇
典則黼黻文章既擲地以金聲亦隨風而玉唾洵足扶

衰八代紀盛一時者矣至於誼篤倫常情深推解憫孀妹而撫藐孤體嚴親而訓幼弟友友則生調死殯脫駭效宣聖之仁恤孤則贖罪捐金擔飯笑王哀之陋阡名廣孝澤並高深堂號育嬰恩踰顧復清丈量之冊豪右不侵立世德之倉豐凶攸賴惠週姻黨真握管而難窮善蓋鄉閭亦樹碑而莫罄若夫稟性謙和居心庶靜仕止久速各適其時消息盈虛自安其運不營營於祿位不亟亟於功名初緣養志而還屢因引疾而退或謂夔龍作相雲漢爲昭公云魚鳥親人烟霞自適以故行藏名得疑詢不櫻由其守約守貞致有福謙之道知止知足得無招損之虞也嗚呼哀哉兩楹不壞忽驚尼聖之

文集卷四

士

歌千丈松崩應共長與之歎以康熙五十年正月十九日終於故里春秋七十有九即以本年十二月二十二日合葬於馬夫人之墓吳縣蓋字圩新阡子樹闕歲貢生候補行人司司副孫德慎尚幼閱以霖誼屬淵源委撰銘誌嗚呼向列馬帷久依鱣席端木備三千之數築室爲誰坡公過六一之墟流泉有自親聆聲歎倍感激于餐花緬想音容託殷勤而負樹銘曰

婁江潄溪王峯萃嶽山川毓靈賢哲間出世濟其美載卜其吉祥鍾一室帝美三難逢池日直蓮燭星攢一時異數千古榮觀曳履有隨出綸口代黃閣晨趨青宮夕對知進知退不辱不殆尋子初服返我故廬水流勿

競雲山自如半園桂竹一榻琴書梁木忽摧歲星乍隕素旒橫翻冊旒遠引北面親承中心曷忍龍歸雲暗鶴去月明年華表十里松聲蓋高蓋厚以寧以清

處士許芝岩墓誌銘

三代而下自王公至卿大夫身都通顯其歿也不惜卑辭厚幣巧當代名公鋪張碑誌以飾其生平而苟非富若貴者欲傳于后則必爲新奇可喜之行驚人耳目好事家亦或有述焉若布衣韋帶之士敦本崇實力挽頹風闇然以古人自命往往湮沒而勿傳深可慨也吾宗處士芝岩公有足多者公諱昆盛字玉芳芝岩其別號也系本睢陽世居新安里其先伯昇公嘗爲汀州守有

文集卷四

士

名千宋歷十餘傳至公父達徵代有隱德公生而英異少習舉子業博通羣籍卓然推鄉祭酒父病割股以進及卒弟尚幼乃棄所業游江淮結治生以養其母母享年八十七色養備至孺慕戀離老萊子不能過焉性好施予族黨有貧乏不能養娶者調恤之亡笑遇事尤敢言排難解紛片語立決人以比之陳太丘王彥方云新安之俗家感德輿父母歿或數一年淺土不殯公竭愛一生自父母祖父母及曾王父母累代遺棺蔚然封殖子孫數十人咸獲其蔭風俗遂爲之一變歲壬申余歲校新安事竣過許樹伯叔兄弟集馬首進而言曰我新安子姓近數萬支分派析家各有祠而大宗俱本

于忠義公今欲合遠近建大宗一祠以敦睦睦願先生倡之余唯唯顧難任厥事者衆咸推公公毅然力任募金卜地鳩工庀材寒暑不少較歷八年工乃成而公亦積勞成疾嗚呼學士家高談孝弟一登仕籍朝夕皇皇輒不暇將父母祖宗丘壟甚有終其身不及覩者又安問千百年之止追淵源而蒸嘗之乎公以一布衣根柢孝友竭力殫心上溯厥初下聯宗黨本支百世俾皆謁然知有尊祖敬宗之誼敦本崇實以維風教厥功不誠偉哉較彼身都通顯無善足錄與好事家侈爲新奇可喜者相去又何啻什伯也公生卒年月及子孫姻黨俱載行狀中今於某年某月將葬於蔭余特按其狀而爲

文集卷四

主

之銘銘曰

人非金石孰能不朽矯時俗詭云可久卓哉處士明敏篤誠本其素學見諸躬行其行維何孝弟忠信大節所存心殫力盡世風日下有偽無真爰錄斯墓用告後人

華亭尚廣文崇祀名宦碑銘

庚寅秋九月雲間周庶常與徐服閣還朝以同里多士之請爲故華亭廣文尚君崇祀名宦乞碑于予曰維尚廣文懷貞履潔才長強禦以死守骨其死也先生實首褒揚令其入祠也先生寧可無文以紀之乎應之曰惟唯不敢辭憶予曩歲視學江南孜孜汲汲以礪廉隅

維風化爲先務甫下車玉峯而松郡人士紛然以尚君守正死官宜配食官墻爲請予服尚君之義感諸生之誠撤有司詳考尚君素行并核死事顛末不謂俗吏拘牽忌諱置若罔聞暨予離江南濡遲未果迄今垂二十年始獲舉行蓋訟定之難如此君諱元調字燮臣淮安府山陽縣人康熙壬子科舉於鄉屢上南宮不售以戊辰歲除授華亭縣學教諭君學問醇正性剛直無所撓屈蒞任之後殫心厥職時學校射圃久爲軍伍侵佔君創議恢復權貴人斤斤持不可軍伍仗權貴人之庇也勢張甚且加辱焉君以爲非死不可以爭又不可以徒死遂手書一紙納諸懷中自縊于學宮官舍此已巳年

文集卷四

西

閏三月十一日事也嘗稽諸祀典以死勤事則祀之以勞定國則祀之尚君孱然一書生耳非有封疆之守戎馬之寄金革之危而克復費序慷慨畢命設以尚君膺天下之大任處危疑反側間其所堅立必有大過人者義憤所激視死如歸視世之醜顏囁嚅求生以害仁者賢不肖何如耶雖與前代仗節死難之臣俎豆一堂焉可也因書其事以復周庶常以塞郡多士之請并爲之銘曰

尚君之官文學是司尚君之死風教是維詰死之由中外殫疑矯矯阮公抗疏毋墀譁呶悍卒不逋其誅射闕既復魂兮來歸謂予不信視此豐碑

吉水李宗伯墓誌銘

公諱振裕字維饒號醒齋唐西平忠武王晟之後王之
憲觀察豫章憲子游復守宜春郡子孫因家焉
其始遷吉陽之谷村者公世祖子堯也高祖楷登故明
賢書爲昌邑宰歸與念菴羅公倡道里門世稱株山先
生曾祖時學官四川都司都事祖尚德官保定檢校考
元鼎前壬戌進士累官兵部左侍郎官績炳然 予告
後僑寓寶應偕元配朱太夫人以著述自娛自考而上
曾祖祖皆加贈如公官公生而穎異八歲見兩尊人吟
咏即能屬和年十二步揚文貞公韵作雪霽詩見者識
爲大器順治庚子年十九舉于鄉康熙庚戌提南宮選

文集卷四

五

內弘文院庶吉士隨陳情力請歸養出都甫二日聞父
訃大慟墮馬絕而甦者再抵子舍哀毀骨立壬子復丁
內艱痛不欲生一如失怙時丙辰服闋補官分修皇輿
表鑑古輯覽戊午授翰林院檢討已未充纂修明史分
校禮閣得人最盛癸亥陞右春坊右中允兼翰林院編
修纂修 三朝聖訓甲子陞翰林院侍講是秋典試秦
中故事充會試同考者不得再典鄉試公邀 特簡爲
正考官矢慎矢公秦風於焉一變復 命以原銜充
日講官起居注會各省學使者報滿 上念江浙人才
蔚起 命改學院以重其任慎選在廷諸臣而昇公江
南下車後亟繕疏請釐正學宮兩廡從祀先賢位次裁

汰濫冒祠生令國學生之赴省試者與諸生一體錄科
以別真才皆報可江左人文素甲天下于時尚積習相
仍競爲浮游軟媚之文代取科名其不肯徇俗卓然欲
成一家言者類呼號委頓于窮巷之間終其身汨沒不
自振公痛之毅然與之更始未按臨月即有試拔其尤
爲先聲試既竣又進通經淹雅者試以詩賦古文詞俾
知崇實學而歲科兩役搜爬剔抉力去陳言原原本本
不使一字無根抵第年積學之士網羅殆盡時 朝命
郡邑選高才生一人貢入成均加意搜拔所傷皆當時
名彥不數年先後擢巍科爭自樹立有聲于時而文章
蔚然緯史經經無復向時之陋迄今二十餘年讀彙征

文集卷四

六

錄羣雅集諸牘咸嘖嘖思公而余之踵公武者猶得奉
成式爲幸也丁卯試未滿超擢內閣學士兼禮部侍郎
越明年戊辰還 朝奉 命祭告泰山是歲山左苦旱
魃公將事未幾甘雨湧沱東人士咸頌爲誠敬所感已
足克 經筵講官 國史副總裁陞吏部右侍郎廉明
釐剔銓政肅清庚午察賑畿輔災荒所經歷嚴飭吏役
勿令中飽八郡十九州饑氓賴全活者亡筭嘗賦詩十
童倦倦有元結杜甫遺意誦之者多不禁嘆息泣下云
事竣轉本部左侍郎辛未晉工部尚書乙亥督建 太
和殿丁丑告成 優旨褒嘉力辭 恩賚 誥授光祿
大夫 經筵講官工部尚書加四級先是以軍興吏道

稍嫌公建議凡非正途者宜加考試江西漕兌久苦脚耗督撫屢疏請豁部議格不行公一言奉 特旨蠲免八年中規畫類是者不可勝數戊寅轉刑部尚書值秋審仰體 上諭凡久禁緩決諸囚悉從寬典減釋之復疏言祥刑之要慎簡司員故用法獨稱平恕是歲轉戶部尚書有豪強欲網直隸山陝諸道鐵利又長蘆奸商叩告鹽引不敷願增引數以辦課事下部議挾津要以囑者日再至同官皆惶惑而公不為動事卒寢其持正不撓恤民瘼而維 國計大率如此甲申 上以昇平日久制作宜崇特改禮部尚書入直 南書房纂修佩文韻府考訂唐類函等書公以案牘少減得親書史深

文集卷四

七

自喜幸然立朝四十年游歷五部 褒寵優渥 賜賚便蕃 恩遇之隆廷臣實罕其比故每事殫精竭慮力圖報稱晨夕況瘁不敢稍自暇逸久矣其積勞成疾矣已丑春奏事畢 上鑒公恪勤神憊而力衰不可煩以職俾以原官致仕功成身退恩逮始終古大臣出處如公有幾人哉公容貌端凝踐履篤實生平無他嗜獨肆力于經史百氏之書故發為文章皆卓犖可傳行世者有白石山房集家藏餘稿續刻書法高秀顧恒自矜惜嘗與大學士京江張公同侍 上命作字公臨天馬賦及赭白馬賦以進 上特稱其工豪于吟咏得自家學尊人梅公先生所著石園集海內共珍妣朱太夫人亦

著有隨草集公長戶部時進呈 御鑒 上贊為當今第一流 皇太子亦稱慕不置公之詩學其淵源厚矣讀書談道尤重敦倫兄維介無子卜愛子嗣之式好無間言女弟諸甥教育倍篤使各有成就太夫人亡後敬恤舅氏不以存歿間三黨姻親以緩急告者莫不各給其求故人子有片長必廣為獎飾王之於成教後嗣不徒博科名美翰墨務以砥礪名節為先李氏固世德而公復慎守其家法宜其食報遠也辭 闕後叩恩就道歸寶應先寓侯暑退即還故鄉不意旅寓數旬遵疾不復起本月七月十七日卒享年六十有八元配陳氏誥贈一品夫人繼劉氏 誥封一品夫人側室姜氏程

文集卷四

八

氏均有壺範子男七人景邁國學生先卒景邁國學生景遂已卯科舉人候補內閣中書景迪癸未科進士戶部貴州司郎中出嗣伯維介後景迪副榜貢生景廻戊子科舉人景邁幼女二長適原任行人司司正熊大彬次幼孫男七人暄壬午科舉人候補內閣中書日璣庠生日玘副榜貢生日璧日玘日琮日璣俱幼孫女五曾孫女一其姻戚具載行狀冬十月扶柩歸吉水越明年庚寅 月 日卜葬於 之陽禮也景邁等先期走一介乞銘于余余與公為晚進然同朝幾三十年先後督學江左旋侍虞部及少司農今復相繼傳員秩宗典型在望事事式繩而公之子若孫又間屬通家情好倍

爲不敢以不文辭敬詮次其概而爲之銘銘曰

崑崙之山文江之水山高水清篤生君子仙李蟠根簪
纓勿絕父既揆天母亦咏雪自公幼時克疑克岐未經
舞勺濡毫賦詩自入木天日事冊鉛青藜火徹蜀襖袍
鮮水鑑屢膺最稱得士劍識虹霓馬空驟耳游歷五部
名劍六卿臯夔稷契萃于一生下澤斯民上忠我后
疊錫恩榮顯揚父母既友且恭親舊樂從潤彼涸魴
嬰嬰是宗神祚明德子孫蟄蟄如桐之枝如椒之實哲
人云身騎箕尾地卜牛眠人憑鶴指不騫者山不竭
清川於斯藏之孔固萬年

李太宗伯墓銘

文集卷四

九

竊聞朝崇濟美家慶象賢詩書之裕後澤長忠孝之承
先風烈生擔顯爵經猷依日月爭光歿享鴻名世德勒
鐘彝不朽蓋因有是父以傳是子故爾助乃國以承乃
家近代以來惟公不媿公姓李氏諱振裕江西吉水縣
人其先唐忠武王晟第七子憲爲江西觀察使遂家焉
伯陽入開始得其姓西平有子乃定厥居自葉流根世
號鳴珂之里由源溯委代稱通德之鄉自高祖楷以孝
廉官昌邑令父元鼎以前壬戌進士累官兵部左侍郎
家有遺經廟藏赤舄公以中和之粹質秉清白之餘芬
傳家法知皇王致理之由讀父書窮天人相與之際越
在斯世卓乎棟梁彼夫認羊祐之金環徒云早慧聆杜

陵之王案不過能詩以此絮彼曾何足云順治十七年
舉于鄉康熙九年成進士授庶吉士陸平原作賦之歲
已步蟾宮崔季珪就學之年即登鳳沼翔翔禁地方瞻
東觀風流緬想高堂忽恐西山日薄鱸魚可膾遂欲承
歡烏鳥陳情偶然在疚出都甫二日即聞父訃十一年
復丁內艱王安豐之骨立朝士咸憂吳道助之悲來隣
人亦泣祥琴五日彈不成聲舊穀三年哀尤顧禮自非
道探闕與行守宮庭安能毀不滅性孝則因心有如此
哉十五年服闋補前官十七年授翰林院檢討明年充
會試同考官又充明史纂修官五星明處憶辛苦于富
年于斛歸時懼鬼神于暗室公正遂流于士論是非不

文集卷四

十

謬于聖人間陸贄之門生居然龍虎窺董狐之史筆自
挾風霜二十二年除右春坊右中允未幾除翰林院侍
講簡陝西正主考成例分校會闈者不得復典鄉試惟
公春華秋實翊贊銅龍裁露縫雲迴翔金馬是以 楓
宸眷注俾歐陽重轄兩關品物權衡似薛宣常兼數器
仍用南宮之藻鑑盡搜全陝之遺珠復 命充日講官
起居注尋以江浙人才日盛亦照直隸改設學院特命
公督學江南配臬都而分吳越一時獨坐惟三以詞臣
而領節旄近世兼官無兩六朝金粉遞出雕華八代文
章都由司命音開羣雅家家握其靈蛇體別彙征處處
宗其繡虎拔大江之名士梗柎與杞梓俱收貢天府之

珍材荆棘與薔薇不種劉陶之登太學髦彥希風庾信
之入關中名卿翹首凡公門之桃李皆帝室之羽儀
不待報政三年遂已空羣一顧帝嘉心稱命改頭街
二十六年奉使未滿超擢內閣學士兼禮部侍郎尤異
殿也二十七年入朝參聞政道南衙見學士之真陪貳
台司東閣贊中書之密二十八年除吏部左右侍郎三
登九品被其幽明一燕六鴻權其輕重風流則柯亭劉
升簡安則沔水丘山二十九年晉工部尚書三十四年
督建太和殿三十六年告成覃恩誥授光祿大夫
經筵講官五曜明于斗北常伯納言六星麗于危東司
空亮采飭材庀匠對太紫而建皇居法九象氏環鈞

文集卷四

主

陳而開大寢疇庸有典譙挹不居錫慶自天貽封已遠
三十七年轉刑部尚書虞以臯陶作士民罔不仁晉舉
隨會爲卿野無羣盜不數月轉戶部尚書杜元凱之掌
邦賦運籌歸食貨之書張壯武之在度支獻納負台衡
之望金推閭夜鄙哉故吏之言珠委大廷清平尚書之
節繼以昇平日久制作宜崇四十三年改補禮部尚書
命入南書房纂修佩文韻府兼訂淵鑒類函典曲禮
之三千晨趨畫省統春官之六十六夕出容臺乃復招
樂而率淵雲探奇金匱邇莊騷而追姚姒搜秘玉山編
七錄于華林攬一條之風景進攜龍角帝座凝嚴起
望麟軒天顏咫尺雖過眼五千卷孔斂耳目未衰而

鞠躬四十年疏廣春秋已老竊念橘中之樂頻憐菊徑
之荒嘉惠老臣賜歸故里安車駟馬遂大雅之保身
綠野平泉喜耆英之聚首白少傅來遊洛水未返下邳
蘇文忠偶憩常州寧忘西蜀天胡不弔人忽云亡四十
八年七月十七日遘疾卒于寶應之僑寓享年六十有
八嗚呼哀哉公金相其德玉立其身言有物而行有恒
神無方而用無體同氣擬姜肱之睦疎宗傳汜毓之仁
玉樹盈庭每加恩于宅相萱花謝室還報德于渭陽恤
衣葛之諸孤憫駢桑之餓客汲長孺之振廩窮鳥更生
韋夷中之作詩哀鴻欲泣而傷神遺稿刻意揚名叩金
爵之君門上石園之家集王子淵挾天藻彩繡偏青

文集卷四

主

宮曹大家垂範文辭流傳紫禁邀絲綸之數語貢泉
壤之二人炳若景星昭茲文苑至若御書名畫資子
便蕃紫鹿黃羊寵頒稠疊隆貴比韋平之父子忠愛類
顧陸之門庭眞所謂生榮死哀傾壘罷肆者矣
年 月 日 葬于 之 禮也有子七人曰景邁
太學生早卒曰景邁太學生曰景遂舉人曰景迥癸未
進士戶部郎中繼兄某後曰景適貢生曰景迴舉人曰
景暹孫七人曰瑄舉人曰璣曰玘曰璧曰珩曰琮曰璵
才皆經緯器盡琳琅慟甚風枝克紹臧孫之後悲摧樂
棘不同李嶠之兒以某久附後塵夙叨摯誼見託銘石
用誠泉局爲有道而題碑敢無實錄過江都而下馬竊

愧斯文銘曰

江流浩浩匡阜峨峨山川秀異人物英多猶龍慶遠
鶴聲和策名飛步弱冠登科晏粲皇衛文思天子提
厥王道付之綱紀五蹈卿班三升俊士臣哉隣哉召公
是似在三盡瘁見一名堂飛夢帝所歸全水鄉披帷宛
在典刑已亡巷悲子產朝惜柳莊皎皎隙駒交交棘鳥
古木非春陰堂不曉百身莫贖篆石已表地久天長德
音世紹

張少司寇劬齋墓誌銘

嗚呼余與公交契幾三十年公之幼子又及余門與余
子同學南世敦好情逾骨肉客秋都門諸先生傲潞公

文集卷四

墓

耆英之會集九列年登七十者五六人稱觴城南墅公
鄉里集爲一時盛事余適病不赴竊艷羨不置曾不一
年五六公者或歸或病或歿先後相繼去而公亦竟舍
我逝耶嗚呼痛已今年六月公之子扶櫬南歸將以某
月某日從塋于淮安城東三里塘祖父之舊兆累然喪
服來以掩幽之辭爲請余辭不獲則案狀而序之曰公
諱睿字涵白號劬齋世居淮安山陽祖諱某父諱某皆
贈左副都御史公幼而耽學爲諸生時嘗讀書東村村
濱海居人以漁爲業每月夜潮欲上時邀公挾冊坐漁
舟中擊檣歌咏與潮聲相和公文日進而漁者亦獲利
三倍識者早卜公非常器矣康熙十一年壬子舉于鄉

十八年己未成進士筮仕司經局正字嘗進書藏臺值

大雨衣盡濕兩足浸水中不爲動禮部尚書湯公潛卷
謂其力可任重資與道近遂訂交焉陞禮部主事監督
通州倉倉有積蠹數人穴地道通廩中每夜負米潛出
米日以減耗而人莫之知公廉得其人悉置諸法不貸
遂著能聲以薦授工科給事中轉戶科條陳河工疏兩
上其一謂運河宜挑濬射陽湖宜疏通其一請分黃淮
淮于仲莊閘以下不移運道之中河自清河縣起至山
陽縣之草灣附近地方約長七八千丈挑寬十餘丈以
足二十丈之濶上口將縷堤開通使黃水由此洩下口
亦然仍歸大河會流入海則中河之水可由此去黃河

文集卷四

三

之水可由此分運河之議雖格不行談治河者皆題之
閻仲莊閘河則皇上屏排羣議獨斷行之蓋公生平
好讀書談經濟自以淮人在淮言淮故河工利病講求
尤熟幸在言路則剴切陳之方工部議覆之日公適侍
殿階上命公至座前者三公復理疏中語詳悉敷繹
至移日晷不退聖心嘉悅後上南巡至仲莊閘猶
指示河臣曰此張睿在垣時條奏所開也蓋自是遂注
意任用公矣明年內陞通政司使右叅議不三四年而
遷至左副都御史典試陝西公先是分校鄉會試皆號
得人至是益矢精白勤校閱秦人翕然稱公明寒士有
徒步送至二百里外者蓋本朝之用大臣典鄉試自

公始而公之所以答 主知振振寒峻者要亦從前所
希見也又三年陞刑部右侍郎凡遇命案再三詳議未
嘗枉一人部中大案拖累率常數十百人公素稔其苦
澤其無辜者悉釋去之都人呼為張佛云四十七年年
滿七十為文以自壽告諸子孫曰余以孤生無才地授
計第官至三品大臣榮及祖考再奉使三扈 警蹕受
賜御書書籍衣服飲食等物便蕃過分乞骸骨歸殆
其時矣作詩曰閑來手草歸田疏細數君恩過分多顧
以 主眷稠重依戀逡巡不即得上未幾而病痰暈於
四十八年十二月二十日卒 上軫念老臣 賜祭葬
存歿 恩榮嗚呼公亦可以無憾矣公性孝友居父母

文集卷四

圭

喪哀瘠盡禮過時而悲與人交不設城府相好始終不
渝待門生屬吏一以和前後所薦達至督撫大吏者數
人一出至公終不敢市德居家儉素不事侈靡喜為詩
有集若干卷作畫有元人筆意士大夫家屏障得之以
為榮焉夫人林氏某縣人某之孫某之女秉正淑明佐
公孝養教子女動如禮法二十四年十二月二十八日
先公卒于男三人長錦候選州同知居公喪以毀卒遠
近哀之翕然稱孝子次鍾貴州貴筑縣知縣能其官次
鉞乙酉科舉人候補內閣中書能輯父事謹謹無失女
一人孫男五人秦 永源溥女六人夫人舊曆黃土橋
今乃遷附公墓銘曰

緊公之年登于七十老壽考終福祥既集緊公之官陟
于貳卿從容 廷陛赤芾葱珩公之章疏載在國史賈
讓歐陽名言齊肯公之利濟普在蒼生千里安瀾績用
大成有行有學有文有藝有子有孫以克繼世報公生
平列公幽宮更千萬年永祀我公

陳黃門陟齋墓誌銘

陳為吾邑著姓自前代及 本朝敷歷中外世多名臣
而以純孝摯性為名諫議則陟齋公為最公諱黃永字
叔嗣號曰陟齋先世本臨安高氏明嘉靖間東園公贅
於寧邑陳遂蒙陳姓累世種德至高祖諱中漸善益鄉
國曾祖諱與郊前太常寺卿祖諱璵贈刑部郎父諱之

文集卷四

圭

伸前湖廣叅政祀名宦鄉賢多善政公其第三子也幼
稟至性事父母先意承志長則竭誠致敬委曲以博親
歡遠近翕然稱純孝事載家乘讀書目數行下網羅百
家為舉子業不屬草每一稿脫同學者率奉若楷模又
慷慨好施予結納賢豪海內士大夫耳公名願得一識
公為幸乙卯登賢書三上公車屢得復失遂扼腕就選
得楚之安仁便道歸里未抵家即謁叅政公墓墓在邑
東有岡曰鳳凰術者言地未盡善公感然亟謀改卜
則迫不獲待痛哭經旬含哀之任安仁僻處荆南萬山
中向惟兵燹瘡痍未復公下車闢荒土省雜徭課農桑
廣積貯崇學校以養以教獎剔利興八年邑大治丙子

天子詔直省大吏舉廉幹慈惠之員荆南中丞檢校
六十三州縣特以公治行第一 上聞召對 上大嘉
會有兵事于西令返任丁丑內擢邑士民攀轅臥轍哀
號百十里不得行婉給之乃去甫數月有軍譁于衛道
掠旬邑過公所治境相顧曰甘棠猶在寧忍以一矢相
加吁公德被安仁淪肌浹髓乃猶覆帔于去後而且化
及不逞之徒也可異已抵京授刑垣兼察戶工錢局公
少時常隨參政公舟車南北熟悉其人民風土戶口阨
塞爲諸生即以天下爲任日夕間講求器冷得失朝野
利弊而別白于胸中及受是職益感激無進抗疏指陳
所條奏難更僕數如請廣額肅官方正朝儀糾銓政責

文集卷四

七

成保舉革除規諸大疏彰彰耳目者或格于部議輒
蒙 俞旨如所奏行一時臺省諸公報焉愧不及也庚
辰掌印工垣日同公卿集議兼別人才賢否獨薦素所
知外吏五六人後先擢藩臬秉鉞建牙與向任安仁分
校所拔十五人皆以功名顯都人士羣頌爲水鑑云有
權要某者官某省恣意剝削廉得其實効之聞者慮禍
且不測公泰然謂吾特除民害以報國何懼焉每入直
襄鉅典或 賜書賜詩賜錕賜宴賜賚便蕃褒崇優渥
如是者六年 上方欲柄用公而公怍怍念先人墓未
卜改亟以遷葬請情摯語迫 上憫其誠許之公卿輩
多公之孝而轉怒然謂被垣中自此無真諫官矣歸之

日甲申五月也先是在諫垣值 覃恩 誥贈參政公
及丁太恭人於是詣鳳凰岡捧 綸綍焚告先靈道傍
觀者爭欣羨而公獨潛焉雪涕滋忉忉也不得已處墓
四閱月相度權宜躬披草土眠食溲暑風露中不知居
處之失節也寔安甫竣而疾作矣卒于九月九日年六
十九於戲以公之德與其才宜居鼎鼐作霖雨俾四海
蒼生食公之福如安仁而乃以孝思盡瘁不大展所用
能不以惜公者爲天下惜哉雖然孝以承家忠以報國
公設施雖未竟而行冠鄉閭恩流民社抗疏以澤被天
下者又何涯涘固不在區區目前也詒配錢氏贈宜人
前進士句容令諱朝彥女惠淑性成年十七歸公初公

文集卷四

七

遵父命主伯兄祀宜人亦奉孀居吳孺人以姑禮時丁
恭人在堂兩世稱姑宜人相夫子晨昏承事曲盡孝養
公兄弟析居將割伯氏已分之宅宜人引推宅故事解
吳孺人意使同氣無嫌尤賢婦人所難而親黨共羨美
者他若訓子女御臧獲獲獲繁雜佩噴有賢聲年四十九
先公卒男六長淦世殤次堯世國學生候選州同知爲
公伯兄後次世基貢生候選儒學訓導宜人出次世廣
國學生世大國學生世弼幼側室張氏出孫男五光祖
太學生祖武太學生世基出元宗堯世出 世大出
俱幼女七孫女 姻戚姓氏具載行狀今於康熙五十
二年癸未十二月 日卜葬公于紫微山南麻金港之

原而以宜人附世基等知公與余少同硯席同舉于鄉
同仕于朝交惡誼篤稔悉生平爰稽類丐余數言誌公
墓予不文顧不敢辭謹詮次其槩而銘諸石銘曰

鹽官襟海今緒尖蔽潮汐澎湃今指天際靈鍾哲人兮
陳公公之大節兮曰孝與忠試撫字於衡陽兮鼯然螭
頭簪筆兮力回天天不勅遺今大猷不卒地卜幽宮兮
安且吉風揚波兮沙渚烟籠樹兮村墅北顧薇山兮東
瞻龍鳳與齊飛神式憑兮朝出游而暮歸泐懿蹟兮墓
門引之勿替兮子子孫孫

誥贈資政大夫兵部左侍郎嶽齋李公墓誌銘

夫天心福善明哲之後必發祥神道好謙積累之家有

文集卷四

五

餘慶故九代清德邈矣高蹤七葉素儒藹然休問叔子
因而載誕稚春于以挺生大振前光若操左券公姓李
氏諱允登四川南部人也里稱通德家有遺經散璞發
輝則瑤琨代襲收名定價則圭臬世推莫不掉執士林
拔幟鄉塾公網緼降秀光嶽稟靈清明在躬文章華國
加以少傳祖硯時習父書遂以獨步之才出作一費之
儒辨窮稷下學敵淹中何哉效其容儀郭泰稱其器局
楊穿三葉桂折一枝爰因異夢之徵還擬亥年之第順
治丁酉舉于鄉已亥成進士丁未知廣平曲周縣誠明
宰物布三惠于封隅正直當官凜凜四知于暮夜金雖如
粟不入清白之懷鷹亦爲鳩總藉陽春之脚或斬蛟而

改行與彼歸投或市虎而成疑矜其謠詠朝朝明燭祇
照流亡歲歲移文唯求曠蕩忽焉呈網遂爾投簪黃牘
胡床仍還官舍桑杯布被獨上扁舟鼓統如而難留棠
蔽芾而勿剪歲時垂涕卅青石相之祠父老懷恩俎豆
樂公之社已酉罷職歸里門收跡江湖沈光衡館偕九
老而酬唱召二仲而往來雲袞霞纓嘯傲蓬瀛之外蘭
泉杉月相羊濠濮之間逢田父而話桑麻世塵不到息
交游而謝旌蓋終歲誰來吾何求哉樂可知矣若其道
德爲樞宮庭是域窮而喪父傷鼎釜之末陳老更思親
泣几筵之儼在祥琴五日彈不成聲廬墓三年出則銜
恤至若黑山薦食青犢沸騰矢石通中路交橫于豺虎

文集卷四

三

川原流血人盡變于蟲沙軍仰桑榆野無爪麥莫不草
萊求食墻壁埋魂公奉母而出煙塵避亂而棲山谷厄
匪致索塵不隔于食中修灑奉甘飯未焦于鑪底泊乎
霜露侵染難求三世之醫風燭須臾莫續百年之命王
安豐之泣血慟甚忘生吳道助之呼天偏然在疚于是
執葛紼引桐棺孝子不惜乎賴肩行人亦爲之借力反
眞吉地還骨環江墓上種松何曾鹿觸家人物土舊是
牛眠豈非德感神明孝通冥漠莫之致而至莫之爲而
成者乎曾閔在前荀何在後以公相較吾何間然況乎
王立其身金輝其德以婚以嫁同姓頌其仁何有何無
凡民被其施偶分光于鄰女勿責報于王孫幽獨不欺

鄉邦蓋遠恐彥方之知我閉戶滌瑕聞孝肅之誘人望
應引咎蒙鉛華于絳帳位業斯尊承教義于緇帷才名
必大則信乎人倫木鐸學者泰山矣天不憖遺人將安
放康熙癸亥年三月二十日卒享年七十有一嗚呼哀
哉有子二人長曰先復曳履星辰貳六卿于畫省分光
日月掌九伐于夏官實與魏萬之家克紹臧孫之業次
曰先益涵今茹古已著成均學道受人必爲良吏公以
子貴 覃恩誥贈中憲大夫奉天府府丞再贈資政大
夫兵部左侍郎加三級 朝章追遠天隆錫類之徵家
廟增榮人慶貽謀之善蘇瓌有子公業不亡以其年其
月某日葬于某地之舊塋禮也某與大令而同官知士

集卷四

主

衡之先德見託銘石用識泉扃爲有道而題碑敢無實
錄過江都而下馬應感斯文銘曰

岷山奕奕井絡煌煌分華孕秀積慶流長因心孝友率
性貞方魚跳東浦鳥馴壽堂迺奉時寶來觀國光鳴琴
花滿解組菊荒樂天知命道顯身藏二難篤生五世其
昌家之芝蘭 帝之棟梁貽封載錫遺懿永揚露晞蒿
里風颯秋行篆石以表德音不忘

待贈文林郎牛太初墓誌銘

歲辛酉坐最勤齋見四方士大夫以文字干魏公者概
謝不敏一日市王通家子進士牛兆捷歷血書尊人狀
乞銘詞憫而惻不獲已遂命予以一言代誌其墓余不

敢辭按狀翁諱位坤字調均別號太初世居澤州高平
邑先世多隱德弗仕父某個儻磊落好賑施一方推爲
長者舉丈夫子三翁其冢也翁生而英穎喜讀經史百
家言爲舉子業渾涵淳蓄故明崇禎己巳補博士弟子
歷試高等與同里畢擷雲先生爲石交赫然稱鄉祭酒
癸酉挾策試太原會流寇起張甚剽鄉井行過市王翁
聞中道亟還翼其父避南山之南猝遇賊奔趨躡逼翁
度不獲免號天而慟策其父疾驅身故遲遲不能步委
以餌盜父得脫遂執翁及及頸者四斷未及喉強以肘
衛項血淋漓伴僵而臥免嗚呼中世子弟趨富貴若鶩
聞科舉蹈禍害不避皇顧其家既引還不幸父若子同

文集卷四

主

罹厄矣愛其父或恤其軀即義不恤倉迫間慮不能脫
父父脫亦萬無自全翁獨從容委身釋父難躬瀕死者
數復甦卒無恙翁之孝殆格天哉冠冠稍戢益發憤卒業
肆力古今文冀一第爲父歡數奇連不得志於有司父
卒哀毀骨立喪暨葬盡禮事繼母以孝聞未幾 皇
清定鼎翁遂混迹博徒酒人里俠以興自豪絕不復言
科舉事生平慕宋陳同甫爲人晚復愛孫太初因爲號
其一亭顏曰六宜偃臥其中且讀且耕且賈以糊其口
本第以放逸家漸蹶分財振起宗黨苦徭役毅然身任
不以累恤人患難破產立與無幾微德色與賢豪大人
長者語道理衡古今事當否人物高下則雄談橫辯慷慨

慨激直不一字少借以故鄉先生臧否得翁一言爲輕重里井中行不義者不畏有司畏翁知翁真不愧太丘云子兆捷負奇質翁嚴督以學令執經畢擯雲先生稱高弟乙卯舉于鄉已未成進士念翁老未廷對趨省翁翁曰兒來見無自盈哉士東髮讀書志期遠到小得何足榮幸今未釋褐當博師當世大賢豪擯其識勿以我老患貧不學躁進失遠志夫浮薄子幸一第侈然志得父若祖率爲榮翁世乏簪纓身蹶場屋者數十年乍觀子成名折屐而喜亦人情翁顧不爲意勸以遠大翁益加於人一等矣是年夏翁七袞子姓謀舉觴會歲授翁惻然止之曰人糠粃不饜而我張飲耶憶我父值海

文集卷四

墓

饑賑活數十百人今雖貧大可大施小予立捐所有惠黨族鄉之人賴舉火者七笑庚申冬司寇召其子進士設絳蔚蘿進士有難色翁曰魏先生非予向所謂當世宜師者耶幸召兒而兒故違之何促之來甫踰月進士心怛怛動若有所撼春正倍道還覲翁十餘日而翁竟以疾卒時康熙二十年辛酉二月朔也翁年七十五妻馮氏聘而天繼田氏武氏相繼卒魏氏生子三長即進士兆捷仲兆甲季兆鼎皆鄉學生孫二姻戚詳狀中太史公謂學者多言無鬼神然言有物方翁之脫父患於南山也父潛匿古廟假寐夢神人賜青獅二忽一人蒙髮踐血持而去覺見翁來被賊刃創甚如夢狀因鑿

石獅二期翁顯翁不顯而顯其子人嘖嘖以爲祥余姑不論跡翁生平讀書明大義孝于親友于兄弟繩子以義訓激昂慷慨直樂善不倦天之報施翁其有艾哉某年某月某日卜葬于某之陽因爲銘

行潛斯篤德積乃昌翁砥於身修於家而善溢於鄉爰歸爰藏爰發其祥

總憲王薛澱墓誌銘

長淮源遠聿垂靈水之徵華國風清遂膺佩刀之兆襲青箱之炳煥青史名高躋烏府之巍峨烏衣世美蓋自六朝而後代有聞人可知五世以還家承舊德公諱九齡字子武號薛澱江南華亭縣人也星分斗宿地接婁

文集卷四

墓

江五茸之慈秀攸歸三泖之祥光是翁自汾亭公埋金志潔拒女操堅義既砥於絕倫傳自推夫獨行高霞公則研經味道教授更盛河汾斌箱公則訓俗賓鄉宮牆特崇俎豆遂乃孫仍子貴臣存君恩列祖貽贈三公累葉追榮八座至侍御農山公順治戊子舉人已丑進士起家大行歷官巡視京通二倉監察御史司庾平其出入無煩運輓於關中執簡肅此糾彈共凜威稜於社下既好釐而弊別亦綱舉以目張丕著官箴誕綿家慶公稟冲霄之氣膺降嶽之靈篤實本於性成虔恭原於天授兄先弟後龍腹則頭尾之間箠和塤吹麟定居趾角之列十五補博士弟子員二十食餼於庠管輅擅無雙

之譽蔡洪馳第一之名右史左圖披吟跌宕冬鉅夏簞鉛槧沈酣浸淫在年經月緯之中服習得養志承歡之意惟知此樂豈復言疲然而螻屈何常鵬飛可決用觀碑於大學旋收駿於金臺丁巳舉京兆爲範經冠壬戌成進士試第二甲第二人授翰林庶吉士維時公之伯氏既早提南宮而叔氏又先登上第金蓮隊裏並照金昆玉筍班中共推玉友較燕山之五寶此獲其三笑鄴下之雙丁彼輸其一乙丑散館授職編修以公雅號能文夙懷乘直入棘闈而分校成例勿拘集華萼於一堂典司攸屬以故二難星聚共摸索於暗中因之多士雲蒸彙英雄於殼內得人最盛上賞旋騰遂乃卿月流輝

大集卷四

三

雨露自九天而降帝心妙簡股肱宣三事之勞起草則屬文豪寅恭是協摛華而臚德意著作攸傳加以爲民祈福代帝明禋殷憂水旱之灾致祭園陵之禱自非誠能動物德可回天豈易潔此苾芬昭茲享祀丁丑十月簡副武會試總裁儲以干城嫺茲筆陣持衡甫竣簡在彌愍隨晉詹事府少詹職擬尚書選惟端尹珪璋特達常垂日月之光廊廟趨蹌間扈風雲之蹕龍舟飛渡臨景誰攀驚序追隨趨風宵後臣私可念休沐沛以綸音帝賚有加恩榮錫之墨翰過始寧之舊野靈運興願言之嗟侍京口以陪游延年發空食之歎勤勞王事六載垂紳展拜親榮一朝歸錦縱竭無涯之報稱難

酬不次之遷除已卯九月進秩左僉都御史絳駟啟路禮並尊崇赤棒椎車威同搏擊爰值庚辰之歲適逢論造之期天子以公才德俾得副此總裁聞寵若驚感知欲泣肝元似雪心更如水識牝牡於驪黃辨淄澠與白黑維時考績僉謂知人復於是年秋七月擢內閣學士兼禮部侍郎甲申正月擢禮部右侍郎兼翰林院學士署入容臺典參司禮珮曳花磚之影朝必先趨班隨雁塞之羣署將同陟床無分於上下屋待列於東西引義陳辭原情調補以公爲兵部侍郎遂乃樞省風行司戎電厲武夫披其心腹祈父礪以爪牙朱數月改吏部右侍郎隨轉左侍郎首六卿而爲貳統百職以受成王

大集卷四

三

戎以簡要居官裴楷用清通蓋職以彼方此兼而有之豈徒毛玠用心頻教俗易山濤啟事藉甚時稱而已哉丁亥十二月特擢都察院左都御史秩峻三司班崇九列坐推獨席聲望則踞以南床名並三臺勳階則隆於東漢伏蒲而抒讜論身可觸邪上殿而獻嘉謨鳳鳴瑞方資補袞用作何衡行開閣以招賢佇秉鈞而資弼詎謂金甌待卜玉樹旋埋摧柱石於巖廊殄綱維於邦國勤勞成疾奄忽就終以康熙四十八年十二月二十六日卒於官邸春秋六十有七池平薛縣州臨朝致輟講之哀在野無相春之樂嗚呼哀哉公風規亮貞器宇端凝浴德澡身動循矩矱依仁游藝時懋修能

秉照臨璣鏡之心兼容納山河之量財利不形於口臧否不設於心顧廚俊及靡不奉爲楷模濂洛關閩總以成其問學爲子則名高五郡爲臣則光昭四鄰恂恂執王之儀抑抑循牆之戒斑斕作戲視入無形簪組承恩言能有紀前後丁內外之艱始終盡喪葬之禮誼篤君親無非忠愛心存民物要是纏綿雖處勳名之盛貴以彌謙即逢疎逖之儔親而樂比宜其傾心朝野爲物望所依歸拜手闕廷荷 皇恩之稠疊者也詎意視天若夢與善無徵未屆椿齡遽歸松寢以其年某月某日葬于阜原少宗伯望雁序而嘆切塵大司農痛鵲原而臨窆石命婦李氏淚竹欲枯孝子圖熹哀我罔極勸祀則

文集卷四

三

四淑女承祧則兩幼孫眷渥九重特表賢臣之墓情深百爾交稱君子之陵况屬金蘭兼孚肝膈敢抒蕪語用勒貞珉銘曰

三泖含珠九峯孕玉族望攸占靈鍾是屬祚衍綿長氣凝清淑無味本源有秩昭穆惟祖惟考世載忠貞伏鶩耀彩威鳳和鳴人殊顯晦德合休明歸然令範炳矣榮名公之挺生曰惟天假華蓋峰飛文昌星下辨志離經歌風輯雅舟楫巨川棟梁廣廈碑探岫嶺稻辨瑯琊質含秋實文艷春葩瀉達可漸鵬路行賒譚罪王屑步躡金華亦旣影纓旋看給札側席方求斯文不作兄弟同時品題棧樸髦士蒸蒸陳言憂憂班資顯貴遂陟卿階

納言有允論奕無猜青宮月耀白簡霜皚途中馬避道上輪埋周道惟視高山惟仰杞梓紛綸甄陶和發籲俊簡心掄材握掌爰用起衰聿酬注想通參三事存副六卿寅清典禮命詰戎兵董茲評察肅爾澄清談惟風月鑒若氷衡乃貳天官爲國之輔秩晉憲臺爲天之柱鳳翽梧崗烏樓柏署方倚三台遽嬰二豎溟波正運弱木將危峰傾中岳地坼南維芒寒珠斗星落尾箕鶴歸華表龍亡黑陂北郭長悲東都永別地迥山高天低雲密頌矣叢蘭傷哉樂棘玉貌俄藏金碑載勒

侍御趙園菴同配蘇孺人墓誌

吾浙趙氏概由宋室南渡分居吳越代多名臣而以忠

文集卷四

三

孝之傳數歷中外爲真御史則羣推園菴君君諱蒼璧字晉襄園菴其別號也先世隨高宗南遷分支居於越自見菴公徙錢唐五傳至曾祖文峰授京衛經歷祖瞻峯知聞喜縣事俱有名績父諱景和前丁卯舉人知廣德州甫三月 王師南下奸臣馬士英潛竄挾其母矯稱太后過廣德公憤其奸拒勿納士英縱所部攻圍公死之事載明史時君方九齡亂兵推撞得僕錢義負匿厓而免依寡母勞太君扶襯歸里攻苦讀書弱齡首補博士弟子後凡八遇學使者及各當事試輒冠一軍諸先達爭推服設絳湖濱遐邇師事之號曰聖水先生戊午登賢書壬戌成進士及選庶常掌院陳公以君未獲

與復薦名士四人雖數盈不盡用而君之才名宸衷已默識矣輦下諸公卿羣相汲引遂館京師丁卯謁選得楚之麻城單車赴任誓不名一錢首罷苛差保歇諸病民事俗喜訟嚴禁訟師一字涉虛者刑無赦民懾悍輕生廟祀雉經投河二像爭効死以株累者亡筭君立毀之多方曉譬民由是知自愛乃復嚴保甲課農桑崇修文廟廣建義塾每月朔躬課生童甲乙之期年邑大治戊辰夏武昌裁兵倡亂全楚震動君所治當荆豫門戶申守歲二十五條修城堡製炮石儲米穀團練義勇民皆自奮亡何漢陽黃州一時被襲偽總兵某犯淋山河陽都督某直趨岐亭勢張甚官若民無不爭逃避君

文集卷四

五

歸與家人訣曰勢危矣正臣子效命之秋也吾父死封疆而我顧偷生以隳家聲可乎出集文武吏激以志義誓死守晝夜環堞巡自夏徂秋兩足潰瘡無所恤而忠憤彌勵賊惕息不敢犯卒就戮事平楚中諸大吏奇其績先後奏聞適臺班員缺上命公卿破例保舉崑山徐相國特以君薦刻期抵都偕彭君無山陸君稼書邵君子崑同引見皆以御史用一時頌得人君試山西道政刑大故洞悉條達號敢言熱審減等奏請展限每歲得廣邀生全著爲例巡視南城一意息寧而民率畏服試滿實授協理陝西山西河南道事兩掌山西道蕪察吏兵刑工各部及掌登聞鼓院省憲滯詰暴鋤奸善政

累累而會讞集議輒戴星往蹇蹇諤諤不敢一事瞻徇退食讀書悠然儒素滿侍御某某偶過訪徑入臥榻見其四壁蕭條破被脫粟有貧士所不能堪者撫案呼曰君真清吏而君則寧淡自如初不市矯潔以沽譽也辛未甲戌兩監文武會試釐剔雖嚴造育不少視西城考內府教習所拔皆名俊稍暇與四方士衡文講藝沐其教顯名當代者難更僕數總憲諸先生屢經薦剡當寧亦稔悉方欲柄用而竟以積勞成疾卒于康熙三十年十月初九日距生前崇禎丁丑閏四月朔享年五十有九嗚呼以君之才與其德方將登大耋霖雨蒼生而壽未週甲位不酬學人無不以惜君者爲天下惜然

文集卷四

卑

君以藐孤發憤樹立文章被海內所著性理解等集皆足垂後行誼則孝于親友于兄弟恩推姻黨善益鄉閭甫膺民社平巨寇奏奇功垂聽四載利興弊剔抗直回天俾天下嘖嘖稱真御史視彼處無令望出鮮嘉謨高官厚祿享耄期而湮沒無足紀者賢不肖何如哉元配蘇氏封孺人文學又韓公女公以廣德公變謂忠義之後必大且目侍御曰人中驚鷺也以孺人字焉年十七勞太君病篤倉卒于歸侍疾送終竭誠盡孝嗣後東家政食貧茹苦俾侍御得端意成名當隨任木陵逆焰方熾有謂孺人宜權避者孺人叱之曰是先去以爲民望也率官衙婦女婉諭而嚴束之卒勦城守功可不謂偉

焉他如事父母友愛娣姒惠姻戚而訓子孫詳家乘不具述康熙丁亥十二月二十四日卒享年七十子三長荃歲貢生候選知縣先卒次蘇附貢生候選訓導次芝監生女五孫男三長念祖先卒次振祖繩祖俱幼孫女五姻戚姓氏且載行狀今于某年某月某日合葬君與孺人于青芝塢之陽其孤蘇等以墓前片石丐余誌數語余與君少皆寒賤受知各當事同年進士先後官京師分淡逾兄弟熟悉生平何敢以不文辭謹詮次其槩而銘諸石銘曰

世胄挺英才雄德邵華國文章傳家忠孝綰符木陵逆順原僚誓死孤城守堅扼要聿奏奇勲酬庸廊廟烏垣

文集卷四

里

梧臺永壺王照忽焉騎箕胡天不弔靈鍾河濱神依山嶠奕葉垂榮貞珉永耀

魏官諭生母劉宜人墓誌銘

宜人劉氏順天府大興縣人父諱光斗修門寄跡一床隱士之書都市埋名三徑高人之菊羣推令德特產賢媛宜人淑順性生徽華內蘊列傳似聞于劉向遠佩家箴師氏恍稟于班昭默誦女誡油檀不御薄花艷于春風絡緯頻煩響砧聲于秋月魏太夫人慕德情慙美孫念切稔知夫人李久寂寂于鳳雛因卜宜人劉兆說說于金羽年十八于歸敏果公三星增耀四行備醇入張子孝之門儼如賓友對馮君卿之面肅若堂庶奉慈幃

則篤孝勲中饋則攝譙縈錡釜于廟中誠而能敬獻蒞

蘭于堂上恪而彌和洗手作羹九十之儀罔慝怡聲奉

盟三千之禮無違時敏果公班躋左掖直震中朝汲長

孺之鯁言聞者側目任彥升之封事忌者含沙雖射隼

張弧共服丹忱倍勵而垂魚擁笏還虞白髮滋憂宜人

曲慰親心勉供婦職邀恩 楓陛叩齋報子夜之烏終

養蔚蘿汲水躍窮冬之鯉洎經大故備竭哀忱及敏果

公栢臺簡召棘序班崇擁獨坐而踞南床百寮震懾晉

尚書而踐北斗庶獄平反勁栢凌霄萬勲名于韓范寒

松歸里尋樂事于孔顏歿爲完人貧踰婁士宜人晨昏

浣濯朝暮藿鹽輔趙抃之清風甘少君之苦節爰鍾三

文集卷四

里

于其羨卅雖學讓名列成均承桃于宗室學譙聲馳費

序修文于夜臺長子學誠壬戌進士珥筆黃扉揮毫玉

署備 東朝之啟沃鶴禁名高衡南國之人文龍門望

峻奉板輿于絳幄 賜璇榜于丹青麟定振振祥輝婺

宿蘭蓀茁茁慶洽坤幃女一適中書舍人李恒煥允符

玉潤足配珠融而且推樛木之含弘體鳴鳩之均一庶

子學識早授孝廉幼子學 亦優文行兒無常母熙熙

記鍾之庭家有奇植啄啄董生之室非夫人倫七德風

化二南爲能婦道若此之純母儀若此之備哉方謂德

與福齊壽偕名永豈期兩江之水鑑三載方盈八袞之

靈堂一朝頓萎康熙四十八年三月十九日卒于潯江

學使之官舍嗚呼哀哉宜人孝慈秉性勤儉持躬履貴而宗戚稱謙食貧而黨隣感惠洵疇垂白不忘內主之仁堂戶永清未見家兒之愠擴單傳于六世砌繞芝蘭助介節于一門厨貽冰蘗其淑質爲尹姑所共欽其芳規亦鄰鍾所未逮麻傳彤管瑞叶佳城仰承同穴之懷

之舊塋情

年不辭鄭誌敢銘貞石用貫幽泉銘曰

周姓兆燕城基昌篤生淑女嬪魏發祥承姑秉禮輔

文集卷四

聖

傲戒環珮齊莊勤昭清節訓佐義方琳瑯競耀蘭蕙爭芳篋儲 鸞誥榜錫 奎章五福具備百齡在望世爲關水人若朝霜寒泉結思春暉鮮光白楊颯颯黃壤荒荒勒茲懿德節隴天長

徐師母馬太夫人墓誌銘

聞之地道無成易重含章之德公宮有教禮詳修慎之條宜爾室家則閨闈之位正式諸邦國則孝敬之化行以此清芬光我彤管固宜鍾和師其禮法尹姑讓其門風者矣維我師母徐太夫人者姓馬氏崑山人笙歌絳帳代聞詩禮之傳羽翼丹青世任股肱之寄凌烟之名籍甚自葉流根伏波之訓依然垂芳積厚曾祖諱王麟

明進士官雲南布政司參政祖諱天驥以茂才贈知縣父諱雲舉順治己丑進士知河曲縣事太夫人蘊粹醴源孕和芝本年方洗齒誦惠子之五車身甫勝衣寫華林之七錄春山點黛不爲時世之粧秋月流黃獨喜天孫之織三千其禮小大由之九十其儀造次以是遂使清機朗識動合名儒且令伯姊諸姑目爲女士年十八歸我座主閣學徐公三間瓦屋正機雲種學之年萬軸牙籤方軾轍鋤經之日持竿流麥忍憎高鳳之貧提甕挽車獨守鮑宣之誠同盤會食門內豈豈洗手作羹堂中肅肅奉姑嫜則比諸顧復接姊姒則睦若友昆未幾大馮小馮後先奮跡南阮北阮豐約殊形而刺得繡文

文集卷四

聖

爲辦形門之稅粥來釵采頻營好時之田必令寒士之厄區不異貴人之鐘鼎非夫人倫七德風化二南則曷能使曾參成養志之名季路鮮傷貧之嘆乎方我座主之遊學長安也析彼珠鈿供其資斧遂使太學交推仇覽諸生盡畏何蕃虎氣方騰龍鱗轉化我座主于康熙十二年成進士探花及第三株玉樹參差海上之山二等金釭照耀人間之世而太夫人處膏肓孺孺居尊益謙繼北舍之佳兒爲求新婦撫小姑之弱息必嫁官人邑中五服之家恒邀任恤門下三千之客咸頌溫良牢落泥中憐鄭公之婢獲喧喧冢上恕王子之僮奴及我座主舒嘯東臯息交南垞深山樂志克佐老萊列國希風

不朽乃命門下士某敬爲撰述伏念某百拙有餘一辭莫贊當年立雪既聞道于程門繼此趨庭更受經于韋母自頂至踵歸化地之生成日往月來感舊恩之廣大敢因嚴命泣狀徽音雖至敬無文而篆石近古乃作銘曰

父傳清白母出文康挺生淑詰動協珩璜迺由馬服來嫁駒王吟璧敬戒和鳴鏘鏘承顏舅姑問衣寒燠秋社獻功青燈佐讀式是六姻睦茲九族克相君子宜其命服尼丘禱祀穆木宜慈蘭徵芽茁恩斯勤斯功在宗祠慶流今支匪惟婦道并擅母師風躅宛然山川迢忽遲遲柳車陰陰松月歸全于丘篆銘于碣百代繩繩奇祥

文集卷四

異

長發

李孺人墓誌銘

李孺人姓楊氏爲通江關溪舊族先世明輔公當明正德中嘗率鄉勇殉鄢監之難事聞授指揮坊表忠烈通傳至父金鰲公以行義重于鄉母馬氏早世孺人生甫九齡哀毀如成人當是時闔氣橫甚又歲饑人相食而金鰲公族子家僮及鄉里仰食者無慮五六十人孺人孱焉一女子主饋分餉均且有節關溪噴噴稱楊氏女才德俱贍云及笄于歸李事大尹錫徵公相敬如賓奉舅能白公至孝值寇亂後故居破壞乃徙芝坪之右藍樓爰舍以創其業剪榛莽構室廬不廢錫徵公青瑣書史

實惟孺人之力丁酉錫徵公舉孝廉尋知山左黃邑事孺人則善諫曰求志達道固知君必無負第君素性嚴惡願恕以濟之慎以審之也錫徵公手額稱善居官數載廉節美政具見大尹傳中孺人襄贊居多因內顧門庭及先人丘隴孺人先返故里而錫徵公卒忤上官以論罪失入竟被逮孺人聞之曰君有惠政于黃黃之民戴之黃之天豈不之鑒乎怡然并曰日事操作勤課諸子讀書以待錫徵公之自白未幾果遇赦放歸芝坪里人益服孺人之識量爲不可及矣錫徵公既歸田日與故人野老琴尊酬酢孺人中廚供億有無龜勉絕不使錫徵公知有罷官意象也迨伯子仲子先後登賢書孺

文集卷四

四七

人稍爲色喜益以名節刻勵續前人未竟之施爲重歲甲戌錫徵公以天年終孺人痛不欲生諸子長跪哀請復勉理慈闈遄命諸子拊鑿錫徵公于祖墓閏四年戊寅冬十月孺人卒享年十歲子三人鍾璧丁卯舉人鍾義癸酉舉人鍾孫六人將以其月某日合葬孺人于公墓鍾璧奉狀乞予爲誌其銘曰
孝而淑慈而恂芝坪之阡李孺人

德星堂文集卷四

華歷踐動罔不臧進司啓沃退擁縹緗雙懸組綬並綰
銀黃誠孚 輔座道翊 儲皇晉階宗伯肅紀整綱人
倫俊顧月旦班揚荆山璞剖玉笋春芳馬空冀野鳳翹
高岡 帝命宅揆世慶明良如益在夏如說在商一德
交泰九譯梯航勳勞謀議彪炳煒煌階環玉樹砌繞琳
琅遷談繼武軾轍爭強中秘之書視若家藏鸞坡之上
列爲雁行珠簾隔坐彩袖飄颺 恩榮罕儷知止不忘
迅流勇退力辭 帝閭 溫綸特沛賜帑辦裝千官祖
餞萬衆傍徨尋仙辟穀晝錦旋鄉芷蘭可佩芝朮爲糧
青山綠水杖履徜徉齒尊德劬既壽而康 顧問存省
勤懇周詳 奎文法物錫賚無疆方期省壽如佺如彭

文集卷五

三

美門赤松携手相將上慰 宸旒下慰黔蒼昊天不憖
實沈爲殃業炭大厦摧其棟梁 九重震悼典禮光昌
錫碑賜謚祭葬相望生榮死哀孰與頌頌某夙承提命
久沐汪洋山頹木壞莫禁淋浪瓣香束楮蕙肴桂漿靈
爽如在鑒此盡傷

祭潘稼堂夫子

嗚呼昊天不弔哲人云亡朝野震悼聞見悽愴感恩知
已況屬門牆山頹木壞能不神傷於惟夫子望著河陽
山川之秀植幹之良詩書是澤仁義是坊孝性天植問
視靡遑因心友愛軼田與姜既承色養又切顯揚坎壈
數奇奔走四方其遇益困其行愈芳其遊倍壯其文彌

光爰自鴻詞特達非常人文炳蔚天路翱翔螭坳啓沃
鳳榻廣揚搗枕經術報國文章典司館局著作琅琅大
手燕許麗筆班揚才兼萬有譽擅三長凡百論議非公
莫當眷逾倫等倚重勳勳禮闈分校凜矢冰霜明以濟
公得士無雙自慙下走亦獲騰驤依依絳帳示以周行
方期大用坐論巖廊尊羹鱸膾一旦褰裳名山大業高
蹈允臧百家探究五嶽徜徉詩囊賦笈史麓經箱等身
著述萬丈光芒千秋黼黻一代津梁 六龍巡幸 眷
念不忘耆儒舊德 顧問敦詳 寵賚彌篤福履且康
塞鴻江鯉好音時將今秋忽訃 師母之喪維二三子
實切傍徨弔唁孔亟用慰彭殤如何 夫子亦悼彼蒼

文集卷五

四

遺書把讀痛徹肝腸臨風洒涕遙奠酒漿徒以職守不
克登堂聊據哀慕式告泉壤猶可慰者雖歿彌彰筭盈
冰雪階繞琳瑯倚三珠樹望重珪璋暫棲苦塊佇觀高
岡家聲永劬世德寢昌榮問不朽奕葉焜煌是所冀焉
陳詞激昂嗚呼哀哉典型既謝杖履曷望雲車風馬在
上在旁涕泗交頤回首茫茫願言顧之進此一觴尚饗

祭崑山徐座師

嗚呼吾師詣貫天人望崇今昔三代以來名公卿所不
多覲而棟折山頹風流聞寂此正斯文絕續吾道盛衰
所係而士大夫之弔唁者往往以昆仲大魁侈其門第
巍科顯秩艷其名位恩褒榮錫羨其寵眷玉樹晚榮年

希耄耄飲其福壽而稍越流俗者又以網羅載籍著述等身鋪張其文學勲高啓沃黜陟賢奸數陳其功烈正潔冰清風光月霽舉世咸沐薰陶而不能一窺涯涘則又羣推其德量之數者非不足以頌吾師而其之欽崇佩服哀慕不能已者又不止是竊觀古名臣之樹立也類皆根源孝弟審慎行藏難進易退不亟亟於富貴功名之介乃可以希賢聖而輔治平古大臣所爲澹泊寧靜明志以致遠也方吾師之未遇也讀書砥行名高山斗出其學何難博青紫如拾芥而兄弟登朝獨甘澤暮椿暉萱綵色養承權此其志趣卓犖超然於世境遠矣既而觀國光擢上第盈廷仰之不啻景星慶雲而典試

文集卷五

五

還朝倍慰孺慕依依慈闈之側終養數年其高躅爲何如也孝思既畢重入春明時立齋健菴兩公寵冠楓宸紀綱朝局一時望東海門墻者儼若登龍而吾師識炳幾先持盈懼滿宮允一轉決計歸田徜徉山水之鄉嘯傲琴樽之側鏐經鑄史囊括千秋若不知朝端內有同懷領袖也者無何風波忽作脫然事外立齋健菴兩公先後繼逝而吾師以一身兼其喪葬猶之嚴慈當日養送獨全天之特成吾師之孝弟也抑何厚哉從此杜門鍵跡若將終身不意高臥東山蒲輪特召于焉簡侍經筵總裁志局陟宮端而摧銓部轉軒屢遭大愜輿情即至鋤奸偶抑而海內文武人才重蒙培育翼贊 青宮

參知黃閣論道經邦不過指顧間事乃歲逼懸車飄然遠引 聖天子慰留賢公卿敦勸都人士攀轅而臥轍確乎其不可拔也難進易退于古聖賢之行藏又何間焉逮至 翠華南幸瞻念慈憫禮遇之優賜賚之渥皆廷臣所不敢望而吾師啣感之餘仍不改其蕭疎自得之趣優游數載浩然乘箕不特浮雲富貴敝屣功名即生死之際依然尼山之扶杖而逍遙也吾師乎吾師乎古今來完人如吾師有幾人乎其也久侍宮墻略窺顛末大約吾師一生質醇粹學問深沉故能入孝出弟舍藏用行澹泊寧靜不逐時趨而程朱之理學韓范之勳猷班馬賈董歐蘇之文章無不集其成而化其迹真

文集卷五

六

三代以來所不多覩者今日儀型雖謝而斯文未墜大道猶存 九重之軫悼彌慙四海之哀思倍篤則吾師之所以垂天壤而千百載不朽者原自有在特未易一二爲流俗人道也肝腸幾裂拭淚濡毫吾師有靈當不以某言爲阿好

祭大城趙尹

河陽花謝延水龍飛雙鳬已杳五柳何依陰雲遍野零露沾衣電光不永駒隙生悲惟君毓秀平山鍾靈汾水代著簪纓家傳孝弟少而岐嶷長則穎異効力黃扉分書青史爰叨異數佐理名州興利剔弊後樂先憂千渠疏濬三輔歌謳中丞入告 黼座稱優俾尹平舒胼胝

奏績吏盡畏威民咸戴德雖大閑閑桑麻鬱鬱飲羊無人鳴琴在室曩膺簡命督理河堤民樓苻藻金產蛙抵滔滔澤國浩浩水涯賴君諳練佐我敷施孰下孰高嘯順嘯逆或築或疏為排為決畚鍤靡寧辛勤不輟聿觀厥成君與有力共事三年量移民部送我河干慈懃致語雖隔雲山時申尺素後夕縈懷寤寐馳溯謂君年富膺力方剛治行報最指日騰驤胡為一旦二豎忽殃刀圭無効聞訃心傷君有令嗣崢嶸頭角箕裘克承光昌可卜絮酒一卮生芻一束遙奠總幃神其來格

祭李大宗伯維饒前輩

喬嶽新摧長淮遽涸龍躍劍飛麟亡星落人間畱浴日

文集卷五

七

之功天上赴騎箕之約百身莫贖忍聽山丘華屋之詞四野罷春空餘濟世安人之略望弔鶴而悲纏撫巢鷺而歎作於惟先生道標琬琰名應球璜柱下根盤配元都于北極關中枝遠占仙籍于西江累朝齊蘇杜之名家風彌劭居室傍歐曾之里絕學方昌況乃箕裘八座鐘鼎一堂世衍貂冠之緒家綿鵲印之祥業紹徐摛筆以珊瑚作架法傳逸少書應玳瑁為裝五典琴箏如入金絲複壁百家肴核爭窺白石山房於是木雞賦就奮翼洪都芸館香薰蜚聲虎觀曉趨溫室奪重席以談經暮山浴室送御燈而歸院乃迴首於白雲遂陳情於黃案曾參齧痛風木悲酸和嶠毀傷夢我點竄孝行既人

言無間公望亦至德中平萬事服胡公之明識九重嘉田叔之許謨三司文柄一片冰壺較士南宮已盡荆山之璞持衡西陝不遺滄海之珠化雨江南樹公門之桃李空羣冀北絕私室之苞苴方持衡于絳幄俄特擢于黃樞銓管人材一燕六鴻之必辨平均衡石丘山汚水之何殊于是作喉舌而比星辰効股肱而同宰輔長孫平稱職司空柳公綽恤刑于比部為度支而清約共服隱之掌邦教而多才咸推壯武入建禮之仙門坐明光之堂無典綌金匱搜羅秘奧之書奏對彤庭啓沃松雲之宇文章全盛見班馬于春卿冠劍有容擬夔龍于往古若其經術相傳早得克家之子公侯必復因高

文集卷五

八

定國之間或折秋風之桂或携畫省之爐韓氏則才皆經緯王家則器盡璫璵顧乃感韋杜之遭逢恒虞持滿羨朱陳之詩句耽賦遂初綠野帶黃扉之春色平泉分太液之波餘蓋集木臨淵大節惟知忠孝而禮園義府平生多本詩書固宜蒼生共祝謝安出扶梁柱兒童亦知司馬入拜衾襦詎意共禱岡陵乍辭箕穎聽珠履其無聲盼高車而絕影梓澤之賓未散遺草悲涼美城之主已遙歌鐘寂靜某身陪鷺序心折龍門以昌黎起八代之衰豈獨當時領袖况宣子尤六卿之望敢窺前輩墻藩自送歸裝之後頻思獨樂之園嗚呼惜典型之不見冀神理之尚存遙憑澗藻溪蘩來陳總帳不獲素車

白馬親尊芳樽徒情深于一慟空目斷乎九原近淚無
乾懸知太尉荒墳之土遺光猶顯竊慙中郎碑版之言

祭學士翁公

高山峩峩流水湯湯昊天不慙哲人云亡風悲則星寒
箕尾雲慘則斗隕珠芒忽太山之失仰兮撫梁木而徒
傷追儀型之渺渺兮信神理之茫茫嗚呼哀哉惟我公
之挺生兮實曠代而鍾祥竄英姿之彪炳兮爲重器之
琮璜克孝友于厥家兮亦言規而行方冲懷兮光風霽
月粹質兮玉琢金相白鶴兮半天矯矯澄波兮千頃汪
汪粉內美之既舍兮更博綜乎縹緲文既綜于兩漢兮
詩尤擅于三唐爾迺雲衢奮迅皇路翱翔佐蘭臺之秋

文集卷五

九

肅兮顧烏府而氣昂乘花驄于天街兮佩青玉于水蒼
峭筆端之風起兮凜簡上之凝霜于是職司起部名著
曹郎裴季彥之獨步兮第五倫之無雙鄙漢廷之大匠
兮笑宋室之末行木師既卒業于宮室兮水衡亦保守
于河梁爰丹絳之疊膺兮旋承旨于內廊入中台之東
閣兮首石渠之講堂命便宜于章奏兮實樞機之共商
開令狐之金鏡兮操北海之銀章仰公孫之恭儉兮具
王嘉之直剛允忠抒而誠佈兮遂集荷衣而褰蕙裳結
輞川之水室兮數杜曲之花房辨絲竹之清圓兮拂驪
駒而騰驤信于門之必大兮知厥後之克昌蔚鳳岡之
雛起兮又鯢徙于溟滄攀三花于上苑兮修五禮于明

光啓後圃之滋蘭兮繼昔日之含香伯也允南金之價
重今仲也復荆玉之名彰燦燦兮庭樹林林兮笏牀蠟
屐兮容與昇輿兮徜徉曳太丘之瓊杖兮醉耆英之霞
觴是宜同壽考于彭篴兮何妖夢之倏歿彼百年之俱
泯兮已德立于無疆雖生存之一致兮覩素幃而孰不
悲愴某等或共斷金而結契兮念蘭譜之芬芳或同哲
嗣之青袍兮懷前規而未忘驚心兮野燐之碧慘目兮
邱土之黃春寂寂兮永閉雲黯黯兮不揚蘭膏兮芝髓
桂酒兮椒漿靈之駕兮惟蒼虬靈之降兮自大荒

祭同年匪菴吳總憲

某自六月朔染病迄今將三月支離牀褥不能移跬步

文集卷五

十

三日前忽聞公凶問痛哭幾不能生稍甦爲公酌遺疏
經紀後事事既竣即欲覓一友草數言寄奠既念某與
公名雖友朋情同骨肉若假他人手不過譽品望誇顯
榮與肺腑總不相涉因力疾直書不復以不文愧嗚呼
以公才名卓犖眷遇優隆文與行赫赫垂不朽兩令嗣
復象賢諸孫嶄然見頭角弟若姪科名鵲起壽考令終
人生至此亦何憾某獨傷悼不能已者三十五年老友
道同遇同甘與苦固不同而多年契闊生死各天涕靈
靈不自禁也憶乙卯同賦鹿鳴居同鄉家同宴形迹同
磊落不徇俗同以文章自命一時以故較諸同譜誼尤
篤及同赴公車同不得志於有司而蕭寺香清蓬門膠

濁狂呼密咏意氣彌豪如是者七年暨壬戌同醉瓊林
公牘傳第二其亦館選冰街同署重以婚姻雖寓各東
西而此適彼來無一日不同聚聚即醉讀雄談輒竟日
始別明晨復同聚如故如是者五年越丁卯其典試川
西辛未督學江左聚散三四年跡似不同而鴻鯉往還
風雨酬倡方寸中不啻同晨夕也甲戌復命公以京卿
特達其仍一條冰顯晦各殊情好倍摯婚嫁則略儀文
緩急則忘爾我雖任劇事繁而品茶鬪酒闌韻敲枰篝
燈促膝與曩初仍同一轍如是者又七年辛巳其幸同
卿貳事無大小動必相諮問者或與公同訂稿同集議
同衡文嶽嶽懷方肝膽相映舉朝士大夫無不目余兩

文集卷五

士

人爲真同年真同志非近今所觀如是者三年方謂從
此追隨自無離合詎料癸未冬其奉命督河倉卒間不
知所措公涕泣贈送夙夜綢繆兩載中音問無旬日或
隔地雖異情實同也丙戌春書來謂冬間奏績便復同
朝不意春杪長卽接武公竟以病假秋間舟過青郊與
平舒密邇循河趨送甫登舟見其髯盡白眼復病不似
當年其又見公容消減欲發一言格格不能吐遂抱首
哭哭同失聲臧獲輩亦同爲之淒絕是晚宿尊舫對子
若孫竟夕不成寐詰朝賦詩泣別道路傷心此衷悽惻
數月間更無有不同者丁亥春其倖入都公家居善病
如舊兩閱暑寒音書如織三千里外恍同言笑戊子秋

次卽登賢書來邱儻悉近狀今春其歲偪懸車早擬乞
休卽可抵里門與公同泉石同盃酒彷彿耆英一慰未
冬迄今六年之濶二月杪忽荷量移二三好友來相敦
勸謂此時萬難遽假不得已勉畱年許再俟良緣乃入
夏抱疴奄奄一息條傳來訃喪我三十五年道同遇同
甘苦同心之老友枯淚頓乾病腸幾裂公雖瞑目當亦
曾念數十年同聚同散同樂同憂九原下亦同其一號
慟否

祭涵齋汪少司農

梁陰載缺蒿構中傾園荒梓澤臺入笑城賓從蕭條北
海之風流聞若士林顛顛西州之涕淚縱橫望德惟而

文集卷五

士

恹恹顧華屋而怔營惟公天上麒麟人間驚鷺出數華
而緯國世賴名臣入涵古而茹金羣推尊宿翳鳳皇與
芝草儼此文明彼翡翠與蘭茗讓其芳郁蜚聲虎觀奮
翼鴻都皎皎宵飛光浮日下熊熊日上彩徹雲衢拜方
丈清華之職讀蓬山中秘之書刺天而飛脫穎而出進
直黃門入簪白筆人如任昉彈文多報國之忠學似宣
公封事得致君之術司楚國之權衡儲藥籠之參朮未
出棘闥先除卿秩科條咸理見馮翊之清風夙夜維寅
守太常之齋日張公之爲廷尉惟允惟明李浩之佐理
官讀書讀律司光職盡無慚楊子之箴銘京兆令行較
若鄭侯之畫一游登烏府獨掌早囊藪藿風靡殿驚有

虎梧桐日霽岡聽鳴鳳遂昇華于民部佐計相于巖廊
曳履星辰之側乘船日月之旁方期躋登鼎鼎調燮陰
陽配勳名于夔契輔元化于虞唐况乃彪外弼中禮園
義府學者斗山儒宗千櫓堦前則蘭薰薌芬殿上則箕
裘接武橐筆明光含香比部固宜優游不死之庭常灑
救時之雨詎知運際泣麟時丁賦鵬珠斗晨寒玉棺夜
越舊琴雖在悼音韻之銷沉遺草常存騰椒蘭之芳馥
天胡不弔韋布壘傾人之云亡衣冠巷哭某追步西清
希風已久同官盡省投分何深情淡彌真劉公幹之逸
氣形疎益密周茂叔之冲襟更因王樹都得金針或溯
淵源認兩重之傳鉢或緣摸索感一日之知音尤愛白

也叶園木集卷五

十三

公祭涵齋汪少司農

嗚呼二氣之秀五行之靈下爲河嶽上則日星其鍾于
人命世之英魁偉鴻碩應運而生於惟我公世稱華族
唐宋元明代多芳躅雙溪里巷人傑比屋令德相承聲
光炳郁迨我贈公閱彌崇八閩執法功勳曩鐘駟馬
篤慶丕振儒風燕子貽孫遺澤無窮洎公之生尤稱卓
犖髫齡矢志聖賢是學精言解頤高談折角楮尉紅霞

毫飛繡萼千言倚馬萬卷蟠胸舉香桂殿奮翼南宮迴
翔金馬益用磨礪孜孜罔間盛暑嚴寒旣擅三長仍兼
五絕特簡梧垣茂著風節澄清吏治表章前哲許謨謹
論鴻裁碩畫播爲德音垂諸史冊武闡分校三楚掄才
冰壺朗映雪鑑頻開干城偉器杞梓良材得人之盛譽
滿金臺 帝眷日隆官階屢陟敝歷卿寺務殫厥職其
佐京兆學政允飭其典太常祀事靡失其在廷尉明允
篤誠寧遠衆議法必持平其領大官矢志潔清革除積
習纖塵勿撓爰自京尹晉秩烏府薦角裁輝映朝宁
簡任北官平均國賦宿弊盡蠲私門永杜 九重倚毗
恩眷無涯魚來文沼硯錫松花 龍章累幅靈藥三極

文集卷五

十四

珍爲世寶爛若雲霞湖公懿德殆難枚舉社稷是憑
天子所予言物行恒周規折矩孝友嫺睦動罔或忤蓋
其素學一本周程居敬窮理實踐躬行紫陽正脈賴以
昌明望尊山斗人仰裁成至于里黨尤篤恩義既慮其
害薰謀厥利倡僧贖資叔垂成例三十年來鮮有遺議
瑤林繞砌玉樹盈階含香視草濟濟蘭陔藜燈宵映雁
翼雲排荀龍薛鳳未足與儕盛德日躋純嘏彌偉秉均
宅揆方期大任云胡一病遽乘箕尾山頽木壞哲人其
萎 楓宸軫悼相杵停春典型凋謝朝野洵 某等夙
披霽月共沐光風同朝繾綣多所折衷哀訃驟聞五中
如結緬想生平涕何可雪有酒盈樽有肴在列式降几

筵飲此芳潔

祭重慶鄭總鎮諱喬柱

大星朝隕空餘梓澤之賓高嶽夕傾何處芙蓉城之主迴
生乏祖洲之草識報巢鷺續斷無弱水之膠悲纏弔鶴
得不懷德音而惆悵真行潦而秋歔於惟先生谷口家
風甘州族望一門完節焚良玉于岡頭三世芳踪留劫
灰于池底貞魂有後猛氣無前骨肉則燕領虎頭三河
年少弓矢則吟猿落雁六郡良家棄繻出函谷之關墨
磨楯鼻荷戟督臨洮之戰米浙矛頭將似孫吳讓其後
殿歟如衛霍推以前茅未幾上馮社稷之靈下藉龍巖
之用驅麗譙之鸛賊成擒布常山之蛇鴉兒悉殄樂

文集卷五

五

名破陣邑號受降叙彼橫行不啻摧枯而拉朽 詔除
游擊固應擔爵以賞功乃復師出川中鼓行雲棧莫不
同斯破竹如彼建瓴于是統甲士之三千入參帷幄副
元戎之十乘出寄腹心嘉頗牧于同時 九重倚注繼
范韓而建節萬姓歸投召見行臺試養由之百發詳咨
兵法誦尚父之六韜喜動 天顏身邀 帝眷王符金
券開巨鎮于東川犀甲熊旂築將臺于西蜀天分半壁
人倚長城乃以久歷行間遠違故里頻上二宜之疏將
營樂之園徵以安車嘆伏波之未老賜之名馬表定
遠之殊勲然而乞身益堅陳詞倍切蒲輪歸去橘顆蕭
關總江南之烟花因而僑寓聽竹西之歌吹時復移情

之餘風歸九原而可作

文集卷五

六

祭江補齋副憲

嗚呼千尋壁壞百尺樓傾山空桂樹臺入芙蓉北海之
風流聞若西州之涕淚縱橫望總帷而恫慄奠絮酒而
怔營惟靈胸著千年名高九牧代傳緋笏知漢上之高
門世衍青箱是醴陵之右族論博瞻豈惟五十八籤推
文章何翅三千餘牘蜚聲鄉校奮翼鴻都製錦中州文
學兼乎政事牽絲劇縣循吏本平真儒頭銜類夫孔奮
腰笏比之易于棠陰百里薤水一盂遂乃最報彤廷名
除黃紙擢鳬舄之仙人來馳馬之御史虎視鷹揚鸞傳
鵠峙排雲披腹 帝嘉納牘之訐謏向日傾心人畏伏

衛之直指資階崇積龍昇重申持斧則風清畿甸熬波
而澤被海濱夙夜納言方遷匭使詩歌典學旋格天神
既而晉秩宗卿司天潢之譜牒躋班獨坐領憲府之簪
紳顯顯烏臺有語言而必妙森森白簡非仁義斯勿陳
顧乃對張翰之秋風每懷綠野憶陶潛之時菊遂去
紫宸息交遊而長往唯水石之相親至其彪外綢中禮
園義海兄弟陸推黎衷而無私金友玉昆吹壘篴而
快聚聯四海之敦槃奉一堂之縞紵爲能急難鞭多窮
爲之授自分久要劔憶故人之語詎意一朝竟成千古
等閒共班聯咸推冠冕鵷行久聚作同列之楷模箕
尾忽隕阻曩時之談讌人之云亡天不與善今日生芻
寄莫固應誅德而悲來他時宿草驚心將復過墳而涕
潛

文集卷五

七

祭謝浮陳少司寇

嗚呼鳳凰占吉鳩汭流長聚星奕奕筮仕鏘鏘三台八
座阿大中郎上卿亞相元方季方金芝匝砌寶樹輝堂
或來囊筆或入含香望均顧陸族盛表揚公生其間顧
顯印印行守宮庭言爲法式古井無波朱絲自直裕茲
瑚璉光我邦國行已潤身孰如公德生而敏慧早著聲
聞遺經循誦種學殷勤千詩百賦秋月春雲數華輝國
孰如公文一官翰林再除贊善勸講金華光輔綱維
棘銜升星辰轉踐出入凝嚴孰如公顯禮闈校士

侍衛野萃召鹿官樹遷鶯音問正始朝得賢英舉幽拔
需孰如公明赫赫中丞門無干請憲憲司寇俗無豪橫
執法行詰奸奸屏陳力就列孰如公正平生忠信晚
節波濤浩然去國角巾方袍秋山萬菊廣水一舸悠哉
游哉孰如公高身隱林園帝思耆舊方春始和值南
巡狩頒以寶書輝其巖岫天眷若斯人宜眉壽
况在臧孫傳經有後五桂羅生一則早秀花縣鳬飛麥
畦雉雒顧而樂之松栢方茂玉棺遽下丹竈未成高臺
斯壞曲池坐平月明華屋雨濕銘旌傾軀赴弔罷肆哀
鳴等向飲醇醪羣推冠冕望比金鐘道欽玉鉉物換
星移風流雲散誄德哀纏臨文涕泣嗚呼昔爲同列今
隔九原野塵已寂道義誰論遙瞻門館寄莫蘋蘩神其
來格一鑒斯言

文集卷五

八

祭檢討劉方齋

嗚呼風驚夜燭露盡朝陽金刀掩鈍玉樹凋霜空餘北
海之尊賓朋零落重過東山之墅絲竹銷亡望總帷而
怆慘撫華屋而悽愴維君質挺高嵩才空京洛凌雲映
雪管生江令之花截玉雕瓊賦對終軍之木惟愁紙盡
擅韓潮蘇海之奇寧患才多負武庫書倉之目環林奮
翼蓬島飛聲迴翔中禁出入承明海上三神渺然雲霧
人中一佛籍甚簪纓沈香授簡拾翠聯吟入深宮而賜
宴奪重席而談經把金錐而鑿混沌持玉尺以量才英

蒲之直指資階崇積寵畀重申持斧則風清畿甸熬波
而澤被海濱夙夜納言方遷匭使詩歌典學旋格天神
既而晉秩宗卿司天潢之譜牒躋班獨坐領憲府之簪
紳顯顯烏臺有語言而必妙森森白簡非仁義斯勿陳
顧乃對張翰之秋風每懷綠野憶陶潛之時菊遂去
紫宸息交遊而長往唯水石之相親至其彪外綢中禮
園義府兄弟陸推梨棗而無私金友玉昆吹壺篴而
快聚聯四海之敦槃奉一堂之縞紵爲能急難鞭多窮
勢之授自分久要劔憶故人之語詎意一朝竟成千古
等向共班聯咸推冠冕鵷行久聚作同列之楷模寔
尾忽難阻曩時之談讌人之云亡天不與善今日生芻

文集卷五

七

寄莫固應誅德而悲來他時宿草驚心將復過墳而涕
潛

祭謝浮陳少司寇

嗚呼鳳凰占吉鳩汭流長聚星奕奕筮仕鏘鏘三台八
座阿大中郎上卿亞相元方季方金芝匝砌寶樹輝堂
或來橐筆或入含香望均顧陸族盛表揚公生其間顧
顯印印行守宮庭言爲法式古井無波朱絲自直裕茲
瑚璉光我邦國行已潤身孰如公德生而敏慧早著聲
聞遺經循誦種學殷勤千詩百賦秋月春雲敷華絳國
孰如公文一官翰林再除贊善勸講金華光輔綱維
棘琤升星辰轉踐出入凝嚴孰如公顯禮闈校士

侍衡野華召鹿官樹遷鶯音問正始朝得賢英舉幽拔
濡孰如公明赫赫中丞門無干請憲憲司冠俗無豪橫
執法法行詒奸奸屏陳力就列孰如公正平生忠信晚
節波濤浩然去國角巾方袍秋山萬菊廣水一舸悠哉
游哉孰如公高身隱林園帝思耆舊方春始和值南
巡狩頒以寶書輝其巖岫天眷若斯人宜眉壽
況在臧孫傳經有後五桂羅生一則早秀花縣鳬飛麥
畦雉雖顧而樂之松栢方茂王棺遽下丹竈未成高臺
斯壞曲池坐平月明華屋雨濕銘旌傾壙赴弔罷肆哀
鳴等向飲醇醪羣推冠冕望比金鐘道欽王鉉物換
星移風流雲散誅德哀纏臨文涕泣嗚呼昔爲同列今
隔九原

文集卷五

八

附九原祭墓已寂道義誰論遙瞻門館寄莫蘋蘩神其
來格一鑒斯言

祭檢討劉方齋

嗚呼風驚夜燭露盡朝陽金刀掩鈍玉樹凋霜空餘北
海之尊賓朋零落重過東山之墅絲竹銷亡望總帷而
恫慘撫華屋而悽愴維君質挺高嵩才空京洛凌雲映
雪管生江令之花截玉雕瓊賦對終軍之木惟愁紙盡
擅韓潮蘇海之奇寧患才多負武庫書倉之目瓊林奮
翼蓬島飛聲迴翔中禁出入承明海上三神渺然雲霧
人中一佛籍甚簪纓沈香授簡拾翠聯吟入深宮而賜
宴奪重席而談經把金錐而鑒混沌持玉尺以量才英

盤之食仁如伯道無亡弟之遺孤心鄙陸生分羣兒以
美宅遵清簡寬簡之 御書守文貞文靖之遺則何圖
麟鳳之衰遽值龍蛇之厄 某等附通門于孔李藉餘蔭
于趙張風月江山主領向歸喬木田疇子弟悵懔盡恃
甘棠鶴去無歸念五紵之軌範鴻飛不復增九戩之懷
涼是用共陳薄奠肅拜儀床惜典型之安在計直道之
未亡遙知一罷村春齊哭文翁之廟更恐重聞隣笛忍
輕董相之莊

祭道園戴宮允

嗚呼日斜庚子歲在龍蛇源枯淮泗嶽地蒿華問梓澤
今宛在望茨城其已遐塵尾何歸劉尹于焉太息虎賁

文集卷五

王

空對孔公是以咨嗟得不撫琴亡而隕涕值腹痛而迴
車維君世受青箱家傳絳帷搖毫戛戟之歲識貫天人
禍文對日之年語驚尊宿宿還獨步江東實足空羣莫
北于焉鴻都奮翼虎觀飛聲迴翔中禁出入承明海上三
神占清高于地位入中一佛標風雅于簪纓沉香投簪
拾翠聯吟入深宮而侍宴奪重席而談經玉硯流香頌
從驚拔珠毫洒翰捧出鳳城遂乃上黃扉而奉丹詔載
六藻而建雙旌採泮水之芹藻秉畿輔之權衡得士三
千滄海釋遺珠之恨去天尺五荆山抱璧玉之情遽北
關西槐市望雲霓之集羣空冀北戟門喜桃李之成至
若危區養志標棧思親新穀既升哀纓行路蓼莪廢讀

酸感門人同氣有姜肱之樂疏宗傳祀毓之仁枝無窮
鳥轍鮮枯麟德由日積福自天申員半千子弟能賢鳬
將飛于赤縣何第五詩書克繼鴻已漸于成均固宜入
郡觀風長作膠庠之化雨三年報最永為 聖主之賢
臣何乃王事賢勞旋摧風燭遂使士林憔悴共惜霜椿
某生同鄉國道叶金蘭嘗從文酒之場醇醪有味每共
冠裳之會古井無瀾物換星移季重之舊遊零落風流
雲散子山之壯志凋殘嗚呼百身莫贖古鮮其人一慟
不禁後無繼者是用溯厥平生莫茲爵竿今日生芻可
來敢辭瑞子之災難他時宿草無忘應為江都而下馬

祭趙贈君

文集卷五

王

嗚呼儀型不作空思有道而咨嗟耆德云亡每念哲人
而歎息東皇何在迢迢路遠青城南極徒懸渺渺雲歸
碧落豈獨緬懷燕翼悲填孝子之胸抑且追慕鴻猷淚
灑知交之目於惟贈君支分京兆譜出營平早負俊才
世頌顧厨之號幼多至性人傳曾閔之風淡漠名場傳
介子棄觚而自奮遨遊列國端木氏結駟以邁行陶地
四通獨善朱公之策楚人一諾長輕季布之金聚百口
而同烟合三宗以待變時逢認馬不妨徒步歸來即遇
盜竊翻欲奉身避去是以渴求識面不特李邕而願卜
為鄰匪惟王翰金昆王友方鵠起於一堂驥子熊兒將
燕詒於百世信仁人之有後知盛德之克昌長君奏功

少嗜縹緗雄辨早驚前輩長工鉛槧高名遠邁時賢衣
染綠楊讌排紅杏初含香干畫省共服寅清繼襄管干
容臺羣瞻輔輶而翁則推恩愈篤樹德彌深攜廚帳以
勸婚贈麥舟以助塋頻年焚券春滿窮簷到處解衣暖
生寒合西京耆碩多推仲舉爲端人東洛名賢咸服彥
方爲長者德誠厚矣名豈誣哉方期臺垣遷秩奉鸞
諾以承歡仲季聯鑣迓龍章而戲綵奈何星寒箕尾
忽驚泰岱之頽斗隕珠芒羣訝喬松之仆六橋花柳樹
樹秋聲三竺峰巒層層暮色看荀龍之淒楚未免傷心
親謝鳳之摧哀能無隕涕其興思懿躡景仰芳規誼屬
通家愧製展禽之謚居還同郡願題郭泰之碑竊欣王
臨

文集卷五

三

祭同學侍御張昆詒

嗚呼望重蘭臺封事方騰於金馬歌傳蒿里靈符遽下
夫王魚憶歲月之幾何痛幽明之倏隔朝傾柱石爲巖
廊重惜之人野想斗山尤吾黨難忘之友所以都亭執
紼淚一灑而幾傾故里憑棺賜九迴而更裂嗟乎已矣
奈之何哉惟我昆詒張君清河華胄東海奇英仁孝本
於性成友恭由於天授方終軍之弱冠蚤工奇木白麟
當宗慤之妙齡即志乘風破浪猶憶虞卿座上追思張

緒當年共羨洗馬之神清快識士龍之才俊乍看搖筆
驟駭湧泉旋觀傾箱還驚霏雪而况薛氏盡人是鳳荀
家何一非龍凡君伯仲之同堂者十人與余弟昆之共
硯者九輩君真畏友原殊高弟之班子豈人師謬忝先
生之號奇文共賞抒懷於晨風夜月之間微義相叅結
契於流水高山之外兩心相印甘苦攸同十載云遙寒
暄倍篤逮題名於蔬榜棟蓐聯輝尋馳譽於杏林椿萱
並慶初來製錦交東德化無雙再試鳴琴冀北治平第
一雖龐士元之展驥非徒百里之才而宓子賤之烹鮮
已奏十年之績歷司校士咸慶得人春華與秋實兼收
才空齊石東箭與南金並美頌滿燕臺爰上最計之章

文集卷五

四

用下墮書以召非茲庶吏莫任銓曹劉毅風稜分晰百
僚清濁蘇公氷鑑權衡一代妍媸允推故事之金繩
楓宸色動特染題屏之御墨栢府聲高補闕綸扉仲山
甫遺徽未遠拾遺禁闥汲長孺直節重聞駟馬行行豪
強因而歛手埋輪嶽嶽貴戚爲之潛踪方謂虎豹在山
獨立螭頭而簪筆豈期龍蛇交厄竟騎箕尾以乘雲別
君歸里而重行將慰兩年契濶冀我抵都而先逝忽爭
六日差池慟想音容已同隔世悲思笑語竟在何鄉况
手赤棒空懸不見皂囊之佩烏臺閨寂無聞白簡之彈
誠爲當代傷神寧止私交隕涕所幸赤水龍駒意氣獨
高湖海丹山雛鳳文章自足風雲玉映珠輝蘭馨芝茂

誠有後矣亦何憾焉獨念其潦倒陳人徘徊舊侶依
如昨日彈指五十餘年落落若晨星傷心二三知己當
時共學無非道義漸摩晚歲同朝更以忠貞砥礪典刑
忽謝景仰奚從用痛惜乎人琴空與懷于杖履誰其似
者望虎賁而不來我所思兮效驢鳴而自去情深一奠
慟極千秋

祭同年督學蔣凝齋

嗚呼泰岱峰巒孰壁高山之景仰長淮澤涸疇知學海
之源慨文教分淪胥百身莫贖嗟典刑兮凋謝多士
莫從況元伯云亡誰爲知己而鍾期已逝無復賞音能
不憶長夜而神傷撫人琴而淚滴也哉於惟凝齋蔣公

文集卷五

五

九侯垂系五葉傳經孝友格天不羨寶家玉樹典墳儲
腹奚誇馬氏白眉驥種羣推龍門共企庭既盈乎縞紵
僕亦附于金蘭聽雨情深每聯床而醉讀凌雲氣壯輒
奮袂以雄談迨夫宴賦鹿鳴君果着鞭先赴幸而名題
雁塔我亦踵武同登自愧攜毫於東觀旋欣給札于西
清蓮羽槐廳彩宣鳳藻燃藜芸閣輝映龍鱗顏之推博
極羣書名標 丹陛岑之敬雅工詞筆望重黃扉分校
京闈徧撥琳瑯之器持衡粵嶂廣栽桃李之姿由是譽
滿 楓宸題芳名于畫省忽焉訃傳營幄竭哀悃于慈
幃既而補秩冬官功高莫又陞階秋署德重平反爰錫
命于九霄俾衡文于三楚奈捧檄者寵誥方膺而望雲

者哀音倏至撫庭椿而嗚咽慟感棲烏攀墓栢以悽愴
悲驚伏兎于是亭生孝筭黨隣共服其孝思繼且宅湧
忠泉朝宁咸推其忠蓋再司文柄重任荆鄉拔江漢之
英材總屬櫛櫛杞梓羅耶襄之奇駘無非駟騁驂騑入
郡方完湖北徧知人之譽三年未半湖南望宗哲之臨
道首台旌傾心絳幄夫何丹鉛猶在方評甲乙之編碧
落永歸音厄已辰之紀悵真儒之不作悼大雅之將亡
夔子城邊巴東西啼歸戚戚羊公碑下湖南北淚隨依
依豈徒痛切蓼莪我長抱九原之恨憂深棠棣轉淒八月之
涼已耶 金石交慰葭莩誼篤都亭握手甘苦如同一
室旅館談心寒暄不隔三日乃雞鳴禁陌二十年共看

文集卷五

五

晨星而雁斷衡陽三千里驚傳朝露奉文仲事君之教
但有淒傷憶張堪知我之言能無愴感所幸晚年式穀
砌繞芝蘭同室孔懷樓攀花萼閭內擅和丸之訓彤管
流徽庭前都珥筆之英青箱濟美斯文未墜口碑之衡
鑑獨公盛德必昌手澤之詩書永紹敢陳情于三爵庶
含笑于九原

祭宋冢宰漫堂

星暗三台嘆賢臣之忽逝山搖五嶽痛碩輔之云亡
九重聆訃而咨嗟臨朝輟講四海聞哀而震悼哭巷停
春神理茫然從此百身莫贖歎猷宛在空教萬禩難追
原夫宅土開商賓王祀宋歷周秦而暨漢晉祭敦盈門

聞唐宋而迄元明簪纓世第逮興朝之定鼎爰佐命以調元績著旂常恩垂開閣公則鍾崧高之秀名世重生挺洛下之英元勳復繼伊陟爲阿衡之子世篤忠貞丁公乃呂望之兒仍留宿衛初因任子入作從官繼易文階出爲通府便造望郎之署聲溢含香旋膺觀察之符化行露冕陟臬司于山左欣看草茂園空晉方伯于江南快覩禾盈室阜特申簡命作鎮雄藩當其秉鉞洪都江以西戴二天春色旣而建牙吳郡淮之南布一路福星郇伯重來雨潤當年茂泰召公復蒞雲蒸昔日甘棠利旣咸修半壁仰同慈父獎無不剔兩江奉若神君樹屏翰者十年荷生成如一日加以才資英特經術

文集卷五

七

閱深朱齡石百札俱飛無憂勞許劉穆之五官並用莫溷刀丁酷嗜圖書裁珊瑚而作架雅耽墳籍製玳瑁以爲簪纓快連雲名踰七畧牙籤耀日富軼五車是以紙貴詞壇幟標藝苑滄浪亭畔揮毫收月露之奇笠澤湖頭把盞狎禽魚之趣提衡經筵體超兩漢以前領袖騷篇格在六朝之上乃至掘門寒峻皆將寵以聲華雖在委巷窮儒不惜巧之談論益綜其政事卓然韓范齊驅而覽厥文章偉矣歐蘇再觀昔者六飛臨幸萬國歡呼一而再再而三楚尾吳頭競識聖顏有喜庶者富富者教黃髮白叟爭逢天笑爲新隨沐恩榮酬汝藩宣之績數承顧問眷茲保障之勞顧以恬退爲心滿盈

是戒臣云耄矣筋力奚堪帝曰欽哉股肱斯託游陟九卿之長用伸六計之條甄別賢豪不數當塗毛玠澄清流品遠踰典午山濤此真壽國元公康民耆輔備旣醉之福五達天下之尊三者也旣乃抗疏求退屢牘引年歸榮畫錦之堂旋結耆英之社留連丘壑髣髴平泉瞻眺亭臺參差綠野林下之高風轉勝家居之樂事偏多頃以節屆成天慶逢週甲偕五更而獻華祝率三老以效蒿呼寵眷特隆當宁親加爵醕褒崇獨至少師禮絕臣僚服官政六十餘年恩流陬澨赴中書二十四考名勒鼎鐘方謂尚父之佐三朝人欽耆舊畢公之相四世天錫壽祺乃詆授庚申忽駕軒車以謝世而數

文集卷五

七

窮辰已竟騎箕尾以歸天朱邑祠前空有招魂之客羊公碑下還聞墮淚之人所幸芝茂蘭馨珠輝玉映伯也兩浙衡文海內奉大蘇之學季今三都作賦官中知小宋之名叔子作翰西川治績行追張趙諸孫策名上苑文聲籍甚鄒枚奕葉爭榮九原殊慰侍情深世講誼篤通門宦遊輒復同行止恒如一轍謬膺督學時聚首于靈岩震澤之間承乏司農更同心于鷺序鵷班之內佩服事君之教感懷知我之言公旣請假于前予亦乞休于後方違兩載共想三秋幸踏千山同呼萬壽重開樽以話舊嘯咏晨昏暨判袂于臨岐徘徊信宿豈意破川乍返驚聞嵩嶽長顏雪縞梁園攀旌無自風淒

睢水執紼奚從謹陳蒿里之詞敢望雲裝暫責聯作溪
毛之薦庶祈仙步遙臨

祭勞副憲書升

嗚呼久而始定直聲偕日月以爭光後必可傳正氣挾
風霜而俱厲蓋經天爲星辰行地爲河嶽生固可與相
參而立身有功德報國有文章歿更並垂不朽於惟先
生系本勞山祥開語水世衍貂冠之緒家綿鸞印之禎
早歲傳經羣稱琬琰髫齡握管戶誦珠璣奮跡龍門偉
矣名高五絕蜚聲虎觀卓哉史擅三長勝踞瀛洲輝增
藜閣既而持籌民部佐禮容臺懸冰鑑于南江楚尾吳
頭收盡梗楠半壁持王衡于東國齊疆魯界網窮騏驎

文集卷五

五

千羣由是當代大賢薦推第一斯文鉅匠頌滿無雙乃
宗工報最之辰適邊徼需才之會桂林象郡逆黨鴟張
越雋祥牂妖徒猗突幕下屯戊巳之尉時警烽烟軍中
間庚癸之呼人憂饑饉當此扶危濟險正恃長才不遇
銷節盤根曷彰利器先生轉漕千里折衝歸掌握之中
飛輓三軍奏凱在指揮之頃馬騰士飽氣壯珠厓兵悅
民安勲恢銅柱于焉沐 溫綸于吏議旌節纔移荷特
簡于 宸衷銓車獨召陟司喉舌旋督逋逃石慶服太
僕之官天閑孔阜叔孫漂奉常之職典禮攸崇佐廷平
而定國門高參京兆而王尊澤遠兩監棘院庀廣廈者
萬千七度銀臺沐鴻施者八九晉僉烏府頻挾皂囊乞

民命于 行宮園無滯獄酌軍需於積貯戶有餘糧爰
擢副平臺綱俾助持夫憲紀剛風益勁亟欲旋乾而轉
坤烈膽彌張不惜櫻雷而掣雷謹謨雖激忠悃已伸遂
乃息影岩阿殫心著述潛踪丘壑絕意勲名幸逢 聖
壽無疆共覲 天顏有喜玉堦傳賜環之命慶溢彈冠
金枝崇執爵之儀榮踰納履懷羹食德方期調味于鹽
梅捧硯啣恩尚欲書功于鐘鼎天胡不弔人忽云亡約
指生平總潔身以奉國緬懷梗概皆移孝以作忠怡志
椿萱推恩桑梓其造士也選舉盡屬鄉材其陳謨也激
揚皆關國計其奉職以助勦也遇事奏誠民之績其歸
田而紀述也隨時抒戀闕之忱古鮮其儔今誰與匹山

文集卷五

五

頽星隕固四海所同驚鳳杳麟亡實千秋所共慨侍 某
倖邀前躅獲踵後塵當年握手巖廊欣承警咳此日乞
身泉石悵隔音容幸也蘭桂盈堦增羨青箱之克紹薰之
縹緗滿架快黃絹之猶新杖履如存儀型宛覲敢效溪
毛之薦仙蹕祈臨併陳蒿里之詞靈旂望賁

祭禮部侍郎徐贊村

山川氣象自開宇宙以來文字光華原軼星雲而上巍
巍天目盤礴鍾靈鬱鬱仙潭清連毓秀以故太和長保
容碩德之樂天大雅獨扶任耆英之匡世既稱人瑞實
秉國楨乃韋氏少翁方遵時以調鼎而蘇公鉅手竟乘
化以騎箕天不勅遺吾將安倣如公生爲麟種系本駒

王見天而晴駭其青隨地而胞驚其紫聽騷便熟早煎
屈宋之香食古甚酣偏嗜歐蘇之味行夷于倪劉前輩
督學者目以大儒文賞于龔徐鉅公採風者傳為絕調
迨夫聯登蓬島已臻知命之年遙望萱幃還戀承歡之
日南陔築舍煦煦一亭北牖舞班依依十載既而勉遵
慈命晉陟成均雲擁橋門乍見鱣堂下風清碧沼仍
思鯉躍江頭亟欲陳情忽驚哀訃斯時也白髮間關不
顧途艱冰雪墨纒卜兆奚嫌俗忌于支長傍松楸實忘
圭組然而江南老名士荷 特褒而傳詩禮者既接蓬
瀛閣內大文章承師錫而勅典謨者還推山斗爰擢司
成之舊席旋膺侍讀之 溫綸 講幄重咨京闈 特

文集卷五

圭

簡前茲分校二十八士無非繡虎雕龍今日主司一百
餘人概似隋珠趙璧羣空冀野頌滿燕臺雖招異已之
疑愈篤承天之寵顧乃補陟繼繼懷白燕于新阡卻執
逍遙契青松于舊圃遂爾筆床茶竈陸天隨散跡林塘
書卷畫箋米元章汎舟烟雨追味烏巾之釀若下同醺
肆聆雲耳之聲前溪罷曲此間足樂所在實多然公伏
處名山仍籌國計流連勝地彌篤天倫策水利以安瀾
賑民饑而鼓腹圖傳二老惠徧六親序年譜而痛先型
贈麥舟以濟寒士心滋戚矣誼何隆焉而且惜陰則似
陶侃稽古更倍桓榮解經饒媿媿之言談史抗觥觥之
象文體自周秦而下百家之籍胥編詩篇則漢晉以來

三唐之音備錄與居隨寫常憶白蘋紅蓼之間聞見悉
杳竟忘黃髮蒼顏之際含咀盈腹何殊墨海弘濤著述
等身不啻詞峯宗岱所以屢邀 宸眷凡三錫于巡遊
特貳秩宗致九遷于覲謁伏勝在草廬授簡彼或似之
鄭崇拜白衣尚書斯較踰矣又况老去彌康寵來滋渥
司空表方抒終養之情 御翰疊頒復錫壽祺之榜
從此一堂歡讌共五福于洪疇奕葉榮光永三多于華
祝嘏盈蘭蕙花咲長春堦繞琳瑯樹輝喬嶽修琴更接
踵而前采藥翁比肩而進人倫最樂名教真榮何圖玄
亭之草跡未乾綠野之哦音頓杳修文天上還想杖藜
問字人間奚緣載酒既一值龍蛇之厄康成之書帶皆

文集卷五

圭

枯倘再逢羔雁之施和靖之吟香誰繼要之公於五表
前也推騷壇之宿將標駿望於寰區其在六旬後也媿
洛社之名臣監鴻儀于天壤考祥已備貽澤何窮侍
俸步後塵久欽前躅曾於去冬之暮特訪畫溪獲親聲
咳真德輝之時覲忽凶問之驚傳恒矣摧肝潛焉雪涕
雖庭崇玉樹頌繡衮者行藉藉以增榮而筭積瑤編讀
蓼莪者將哀哀其欲廢則九齡錫兆更安從城北之公
半月名泉恐長斷州西之路

祭胡大司寇南荅前輩

文章煥炳非無本而宜華名節巍峩豈徇聲而鮮實惟
漱泉於祖硯硯海泉飛更映雪以父書書田雪積故能

席一家之組繡貫串百家抱蓋世之經綸輝煌累世於
惟先生姿稟清妍襟期磊落蘊花潭與蓼渚秀甲人間
憑烟浦與畫溪驚屏度外早工綺密反慮才多妙製英
奇只愁紙盡矧比家聲於河北奚啻崔盧若徵才子於
江東直追王謝故爾射策殿廷之上升冕爭誇校書館
閣之中縹緗最次曾掄材於鳳闕鑒徹冰壺遂珥筆
於螭坳光搖玉陛金匱石渠之奧無檢不修琰碑帛祝
之隆何儀不瞻凡膺鉅曲稔知在上云何縱屬微言似
捨斯人不可然而官無定例借講讀以暫歷京堂事樂
逢源閱寺司而復還秘閣其間一驅紫塞三扈滄江規
畫行間內顧問身依日月勅勅道左行秘書手摘星辰

文集卷五

七

旋從禁闥特亞夏卿創設巨圖雄陪大閱杜武庫胸羅
甲仗多是詩書馬伏波指畫山川無非衽席而且春監
鎖院秋總翹關因貳禮而釋副兵實文通而收武達推
諸祭川禱嶽遙緒龍章旌孝褒忠肅頌鳳詒陸敬
輿絲綸獨握何多讓焉張燕公喉舌常司無難幾耳嗣
此銓衡佐理方師善啟山公未幾欽恤專揆真拜嘉謨
臯士明非舉燭體祥刑而矜屬三千惠乃樹難赴肆宥
而活人五百爰謀窳窳拜表拳拳敢憚馳驅還朝汲汲
詎料白雲未補遄赴白雲之鄉丹筆尚懸忽傳丹筆之
訃大廷輟講曠野無謠慨斯酒幔茶檣氣皆蕭瑟憐
彼舞衫歌扇情亦淒涼洵大雅其頽而素秋是漂已向

使乞假不堅卜阡稍緩蓼莪徒廢千百歲亦何安葛藟
足悲十七棺其焉托今乃義不遺親愛惟同敬迓黃腸
之歸櫬共哀負土仁人望丹旌之殊銜交頌銘鐘大老
又况藍田種玉何必多英驪穴探珠祇須一顆冢君公
輔之器詎待度刀賢嗣弓治之傳夙誇起鳳清芬氣象
宸眷猶殷安定規模宗風自振所恨某與先生蓬山接
武絳閣聯輝在同館則附後塵坐一堂復資前席南宮
契合還思西省之清玉署銜兼等笑冰廳之冷既而乞
骸先出離緒云多幸萬壽之趨朝也御柳開衙鵷行
復集宮花連幃鱗次重瞻瀛壺之譙皆仙義吳之天不
老酒痕並染豈惟粘學士之袍果核紛攜大抵滿醉翁

文集卷五

七

之袖某仍謝去公亦假旋松城之薤露預歌雲路之驪
駒又唱奈何哉登龍轉盼迴鶴驚傳前溪之曲既終餘
響之聲不改試問烏巾山下灌美釀而奚從但尋明月
破邊湖遙情其如素

祭閣學顧秋崖

嗚呼魁芒晝隕色黯丹雘珠斗宵埋光沉黃閣廷咨啟
沃鞏興鼎覆之哀野失儀型共切山頽之痛况乎喬同
梓喪蓬島茫茫鳳共凰殂鸞宮寂寂撫肝欲裂揮淚奚
傾於惟先生金粟高風華陽雅望識兼三史推公輔之
弘才學貫九經負嚴廊之夙譽珠樹交輝於玉陛手探
宮花珊瑚鞭並騁於鴻衢名居鼎足讀書中秘搜三倉七

畧之藏視草清班備秋實春華之妙爰入黃扉之引薦
遂趨紫禁以揮毫收星河之彩於雲間霞凝張草寫
雲漢之章於楮上墨擁江花深沐主知屢霑天眷
山左爲人才之藪帝曰誰堪學使乃制藝之衡僉云
君可冰壺朗映開岱宗冰鏡之輝玉尺高懸煥闕里玉
麟之色值桃花之初放正鸞路之南巡采輿誦于泮
林風清城樸拜宸章於冰署日麗椿萱臣位靖共
君恩稠疊命自天而三錫人與地其雙清賴子史之
精華吮毫欲腐耐寒暄之蒐討奉職惟勤聯晉官僚特
膺簡在御試賦材于上苑君司文柄于西秦思酬
聖主之言寸丹自矢懼辱衰親之念尺地難安懸明

文集卷五

圭

月之一鈞噓清風于半榻盡收名士咸云坐有歐陽敬
讀賢書羣服人皆司馬駿聲海重寵命頻來曳履鸞
臺佇看經綸偉畧彈冠鳳閣行登台輔崇階爲吉士之
羽儀作羣仙之領袖時勤講習俱成東觀之英人樂甄
陶盡入北門之選固中朝之所屬望而海內之所具瞻
也是則顯榮名于人爵巽命重申快樂事於天倫高
堂具慶鳳池接翼棲萼聯芳科甲分鑣咸籍同登于珠
榜絲綸世掌談遷共直于玉堂且也恩蔭寵頒銀臺
需次茲安卓犖將誇季子龍驤秀質高奇佇見文孫虎
炳方謂堂前舞綵奉表陳養志之情膝下含飴上壽唱
將雛之曲誠一門慶集萬口歡騰者矣而乃隙駒不留

靈椿頌謝甫報三年之愛正值萬壽之歡因赴闕而
祝九如復逾年而侍三殿爰念賢能之著遂有疏濬
之咨相土渠邊勞同鄭國負薪河畔忠比王尊其利溥
哉允藉隄防之績臣力竭矣用酬高厚之恩何意序屬
暮春忽抱西河之痛時更初夏更與東海之悲遽日上
花磚將論思之誰屬薰風搖蓮燭更輔弼之奚需況其
駕鶴而遊方失箕耀何遽乘鸞而逝復墜婺星歐陶之
懿矩頃亡鍾郝之徽音不再天心不惠人痛何窮嗚呼
龍鍾衰白思愛子其不歸躃踊諸孤慕嚴君而莫睹以
至分甘懷內已少一人啼血幃中空增萬感此朝野所
以失望遠邇爲之生哀者也某姻比朱陳交同張范向

文集卷五

圭

也太翁名德曾齊北郭之盟今而仲子清標更重東床
之雋而乃哀音疊至凶問頻聞正悼騎箕即悲入月仰
彥先之詞藻悵也何如想元歎之風猷邈焉其香捐寶
官舍旣撫含視歛之無從歸櫬故鄉惟束帛生芻之將
意神其來格鑒此愚忱

祭楊藩臺

薇堂月冷空思屏翰之勲棠蔭風淒誰嗣休養
殘碑而淚下人憶羊公對舊樹而悲來爭以名
同而野衙我公惟我公崔館開祥
國之清士之名門清白傳家推闡而之
累葉之華垂勳代于茲

公瑞鍾麟趾美繼鳳毛堂構光聯續前修而振武冠裳
輝接紹世德以流芳鳬鳥初飛牛刀劃奏篆兼劇邑理
絲無慮紛糾地值衝衢利器正宜盤錯爰捧河上之檄
遂親捍築之勤載月戴星履隄防于波畔梳風沐雨督
畚揭于水濱迴一帶之狂瀾河渠寧晏蒙 九重之清
問奏對詳明數語褒嘉快聽 德音疊下五言 宣賜
爭驚 宸翰飛來允矣偉才膺茲殊寵繼書柱題輿之
美逾賜金增秩之榮嗣即公薦交章 帝心特簡陰膏
沛股肱之郡日暖淮陽清霜飛參井之墟風行山右爰
報績于廊廟遂秉憲于洪都總轡遄臨九江肅澄清之
氣豸衣蒞止日城瞻風紀之尊乃以激濁揚清之望晉

大集卷五

五

搃軍儲國計之權江右水壺移來江左持平玉尺特寄
持籌周知補瘡剜肉之情悉除剝髓椎肌之慘德共靈
巖並峙澤隨江水同流乃劉尚書出納精明能使鴈鴻
無擾而蕭相國轉輸勞瘁致令星崇來侵岑寧峰頽空
有招魂之客長淮川涸惟留遺愛之碑朝失名臣民離
慈母嗚呼痛已某也居幷樾蔭情切草親廣福河堤共
酌綢繆之策 翠華閱視蒙採引薦之辭邈數載之辛
勤坐懷明月恨多年之契濶寤想清風既而節駐三吳
手平九賦方謂地連帶水可握晤于虎丘何意人去瀛
洲終分攜于鶴馭盤桓胥嶺徒託空談躑躅河濱頓成
昔夢心之悲矣傷如之何度陳菲莫庶冀神歆并展蕪

詞聊申哀悃

祭英侍御

嗚呼蘭臺一去大雅云亡蕭條緒柳悽惻琴牀黃公鑪
畔謝墅山房詩情未了酒債疇償風蒲黯淡梅雨淒涼
惟公弱冠才比鸞鳳風流王謝門第金張太常勲業積
厚流光毓靈鍾秀芷郁蘭芳如圭如璧金玉其相以南
以雅追琢其章學窮五庫書富三倉在昔方伯式涖南
邦招集英俊跌宕文場玉玲瓏閣紅茵茁莊題襟投紵
冠蓋相望公之才藻四座激昂高騖壯采踔厲冠裳揮
豪削素嚙徵含商清詞麗句遂遍四方迨公筮仕才力
精強神鋒是斂道術是將初官駕部政聲煌煌權關南

大集卷五

五

海使職克襄望隆遐邇名動廟廊遂遷御史蹇諤朝陽
獻可替否無怠無荒官守言責猷業彰彰功名得失亦
又何常我所重者公之器量方公貴寵不卑不亢泊乎
閒散而吉而康閒閒十畝地近郊塘榜曰田居雅志所
尚農師老圃晨夕相羊或從舊雨酒陣文觴興酣搖筆
聲韻鏗鏘性勤著錄六籍冊黃經緯史靡不參詳遇
事敢言明決不棄群疑衆難獨挈其綱掀髯抵掌淋漓
慨慷雖招膺忌夫復何傷初終一致出處偕臧夫何違
疾遽罹災祥東山不起逝水茫茫悲朝露爰惜秋霜
某交同孔李誼切貢王緬懷言笑勿諼勿忘忽聞溘逝
薤歌斷腸幸公有子玉立琳琅紹聞衣德永世克昌生

芻一束誅板十行願駕仙車願泛慈航來格來享如在
洋洋

祭朱堯年文學

嗚呼風高有道人欽通德之門星隱少微客散名賢之
里此酒壚邈隔向秀聞笛以增悲棋墅長遙羊曇過門
而隕涕也於惟朱君雲蒸華霄霞蔚儒宗溯姓氏于東
吳門才介張顧陸之右考淵源于南宋理學集濂洛關
之成作者代興名儒輩出公則當年弱冠即傳芍藥之
篇時甫勝衣早擅芙蓉之譽出寒水于巨壑心絕塵埃
和白屑于金莖氣融沆瀣楊子雲慚其筆札郭林宗遜
其品題雅量則千頃波澄風標乃萬仞壁立文壇樹幟

文集卷五

五

振鳳羽于羣中學海迴瀾探驪珠于領下錢稱萬選固
常奮跡風雲紙貴三都行見策名日月而乃秦書累上
知己疇逢楚王未沾含章自惜悲劉蕢之下第歎李廣
之難封石則不戚戚于功名不營營于得失與人無忤
不夷不惠而自如謂我何求老圃老農而亦得滋芳蘭
于九畹植雲母之千竿友于則媲美薛苞嫺睦則比謙
殷慶聞詩聞禮趨而過庭難弟難兄從以式穀盈眸少
子都為渥水神駒遶膝諸孫盡是藍田美玉筆精墨妙
悉推本于義方璧合珠聯總溯源于家學極人間之至
樂真地上之行仙何圖噩夢遽徵神芝不驗年方臻乎
杖國身忽返乎帝鄉大雅云亡塵袞袞乎講席耆英永

謝風慘慘兮靈帷嗚呼哀哉其通家孔李密戚潘楊昔
與哲昆共主文章聲氣近欣猶子更叨閱門楣聞訃
心驚悼典型之已遠登筵神感儼懿範之猶存聊摠臆
以陳辭冀靈爽之來格

祭李登范太學

嗚呼耆英永謝風慘靈帷大雅云亡塵封講席過青蓮
之竹徑無復行人仰元禮之龍門尚思品目几筵在御
悲感交馳維君命世鴻才名家駿彥閎闊則影纓曳轂
清門望重夫衣冠人文則削素含毫才子名標于翰墨
紛綸經史頻看綵鳳神飛囊括古今不待黃衣夜夢一
賦子衿子佩再遊上國上庠譽重南金價侔東箭若使

文集卷五

罕

鳴珂宣室對鵬豈遜長沙執戟金門忠愛知同曼倩而
乃青門托跡寄興烟霞白社遨遊怡情丘壑尚平之志
甫畢謝安之望愈殷於是溥仁惠于宗公敦慈祥于里
閭鶉衣百結恒憐范叔之寒塵甕徒懸每餉王孫之飯
是以邦君請業過則式問學者欽風樂于問字備此軼
羣懿行允稱有道仁人加以玉燕頻投石麟疊降既塤
簞之競爽亦華萼之相輝或看苜蓿之盤承歡潔白或
宿芙蓉之幕將父賢勞舊德祇事詩書清規不譚權要
于公子弟眾盡識其高門石慶家風無不稱為長者子
姓珠聯而璧合孫枝蕙馥而蘭芳公則視聽未衰神明
日朗臨風却杖猶聞矍鑠睛原負旭鈔書尚自摩挲斗

室佇俟期頤之壽欣看爵命之榮豈意月犯少微俄推
高士祿占太史竟隕文星嗚呼傷哉某生同梓里心切
景行帶水非遙凝結香山之社寢門在望忽聽薤露之
歌文生于情不能自已言不盡意式鑒在茲

祭濟東道宋澄溪

林鍾叶律鵲火初昏暑雨灑簾北海尊疊俄散秋蟲吟
壁西園詩賦無聞明哲云亡德音長往泊金陵而飲恨
悲填孝子之膺瞻虎阜以含悽望斷故交之目哀隨日
永淚向風傾嗚呼棘寺名門蘭臺華胄延清妙舉世稱
絕藝成三太素多才朝重高文第一鳳閣展經綸之略
賦有梅花雞窗擅玄理之宗吟成白雪於惟公身佩君

文集卷五

聖

親之義家傳忠孝之經綺歲工詩不減賦燈之慧文壇
結客早飛奪錦之華而乃明月之珠輒遭按劍干霄之
木屨遇運斤然氣足乘風何妨投筆而才堪製錦正可
栽花先分房子之符後綰商南之綬鎮之蕪靜撫以惠
和鼓籥千村戶享緇衣之樂絃歌兩邑堂高綠綺之聲
攝篆留遺愛之碑澤深漳滏遇災代久邇之賦潤比陰
膏掘地得磚築城而民無謫譴作文驅虎除暴而神亦
感孚自宜巷衢尸祝于在官而功德建祠于去任也至
若開江以通餽餉捧檄赴公收粟而賑饑荒應徵恤患
具見敷施之妙共推經緯之長因之屢列薦章遂以特
膺簡命監司外府觀察濟東綜筭鑰于軍民福星滿

路蕪提衡夫水陸法曜凌空焉政肅清輶車不擾河堤
修築漕艘無虞蒞職五年興除咸當綰符三道利弊洞
然況乎鄉閭之稽簡惟明計典之甄裁克允是誠視國
事有如家事體君心以盡已心者矣若夫慈惟值上壽
之辰喜生愛日迎養遂承歡之志瑞湧清泉始則御
輅南巡繼而迴鑾東指嘉良臣之勞勤思慈母之義
方珍膳是頒金筵拜奎文之賜天顏有喜萱庭膺
映綵之輝萬口誇曰特恩千載傳為異數乃心殷報
主或有可待之年而念切事親難必逮存之日即陳情
於督撫乞終養夫桑榆雖清濟棠陰羣攀蔽芾而北堂
萱色自樂瞻依扶杖南陔四世徵一門之慶稱觴元旦
私庭勝官署之歡試邇山塘介壽韻追修模之遺以暨
聖室銜哀淚洒思親之句縱欣戚不齊而慕懷則一故
榮哀成錄留美後昆俾行有編見褒前輩也方請遊情
菊圃看獨鶚之摩霄怡性硯池玩五芝之繞砌端溪歸
權揮毫收月露之奇東墅扶輿把盞狎禽魚之趣行同
五柳年比大椿何意犀塵頃埋金鉞乍掩上思當宁
賜閒之旨已云不辜下念在途聞訃之心能無餘憾某
居聯桑梓誼切金蘭承下問之虛懷殊堪愧我挹居官
之偉績真足超羣幸有同心共優游于岩壑方期握手
得吟嘯于烟霞何以鶴市來遊遽有床琴之痛中秋過
訪條聞隣笛之悽悲自中來涕何能禁虔陳薄奠聊展

文集卷五

聖

哀忱

祭鄭司翁中丞

謝傳云亡西川路泣召公已逝南國悲思雖雨露猶存
名長留於天地而典型斯遠志彌切于謳歌往日衣冠
惟深夢寐當年色笑徒起酸辛原夫棗邑華閭鄭鄉名
冑賦鹿鳴於弱齒題雁塔於當年乍入瀛州蛾眉班列
旋歸星署雞舌香含持使節以過征貴竹菁莪編植賦
皇華而言邁牂牁禮樂旋興攬轡浙東春暉一路褰帷
陝右德雨千家法曜高懸掌楚南之廉察福星遠照作
江左之屏藩爰駕八駟特膺副相惠露霑星沙重地仁
風扇熊繹初封維 帝念鎖鑰于三吳詔公移旌旗于

文集卷五

聖

七澤領東方牧伯草木知名鎮南紀封圻兒童戴德望
齊北斗潔比西江服官而凜四知蒞事則操五術吏行
水上蠶鄉漁戶騰歡人在鏡中冰市山村載色本實心
而行實政惟律已斯能律人不剛不柔民懷清靜胥匡
胥正士樂絃歌書勳管充三千共喜吳人得歲領節門
排十六羣言澤國皆春豈期賜罷臬臺遽爾身歸箕尾
黃童白叟處處悲號田婦村夫人人涕泣峴山車過淚
痕濕羊祜之碑訟舍風飄德澤留甘棠之樹用從輿論
載入名祠歲奉蒸嘗享一方之俎豆禮容瞻拜昭百世
之明禮馬清恪紹美于前湯司空垂仁于後言追懿躅
莫踰我公何殊周召交承宛似范韓遞出一堂論志綽

有同心千載歌功洵推合德某昔承塵誨幸接犀儀聽
仁者之言紛紛披藺蕙觀吉人之度倍覺溫恭聯事欣依
同岑幸托不謂盍簪之日言笑宛存永成判袂之期音
容難象甫臨六皖江路既遙痛絕中丞訃音獨後隨致
南州一束特遣紅鱗兼陳杜老八哀用裁赫號無如靈
輜已駕丹旆難追水驛問途已蒞人而遠唁祠門拜奠
復酌酒而遙陳支硯山前謹將棗栗吳趨里外敢設牲
牢雖于豆于登愧未親手香几而來享來格藉代祝乎
哀詞

祭陸吳洲先生

河汾雨暗門少傳經伊洛風淒堦無立雪遂使機雲妙

文集卷五

書

筆頓絕人間還教衛樂清言終歸天上尊開北海思賓
客于曩年路泣西州嗟淒涼於茲日原夫吳陵華族甫
里清才硯啟琉璃吐珠璣于象勺筆搖鸚鵡馳聲譽於
膠庠絕似秦遊揮毫對客豈同無已覓句閉門因之淮
左名邦海陽勝地千里錦帆雲集非爲看花一時吟屐
香飛多來問字巾裁折角暫去江南杖挈紅藤遠遊日
下卑傳鵲薦隨唱鹿鳴看紅葉之翻堦對紫薇而起草
雖青衫已脫一官猶歎窮窮羈逮淡墨隨題三賦還聞紙
貴高文杜牧及第已傳望重徐堅中書仍入香含雞舌
簪筆而召仙郎詔出螭頭登車而迎使曜雉工展采秩
峻冬官龍節分榮惠深東魯收駿骨於黃金臺畔冀北

羣空折桂林于白竹湖邊粵西花滿乃簡陸朱清望用
衡吳越鴻文水壑照人玉壺鑑物參苓朵朵不來統穆
之家鳳凰聲聲盡出單寒之族而且扶風經幄不事威
嚴元禮龍門惟存忠恕偕諸生而闢墨同多士以濡毫
呵凍傳書吏嗟脫腕衝炎覓句文喜鏤心得隻字于雞
林珠來合浦傳片詞于藝圃蘭川秋堦既而解組歸田
閒居作賦山亭水榭烟繞茶鐙左史右圖書翻薜屋梅
邊朱老同看月以聯吟松下阮生每迎風而闢酒名山
富有集載丙丁南極高懸年逾甲子白香山之赴社影
醉婆娑陶靖節之編籬花馨爛熳蘇瓊有子文妙傳家
靈運多孫才堪繼武昔居膠序幸托遭逢澄鑒清秋竊

文集卷五

聖

喜荊州之識駑駘下質曾邀伯樂之知十載銅街悵遠
南北三冬珂里慰接笑言漆點蘇髯色映桃花之面經
藏邊腹話傳蘭室之香移孔席于畫船醉陳筵于雪岬
方謂承顏有日坐拂春風豈期不死無方淒聞秋雨望
鄭鄉而涕泣過關里而傷悲縱獻香醪未識仙魂何在
謾書哀誄徒知舊德難忘

祭何給事

梨花署冷聲咽樓烏梧葉垣空影悲鳴鳳入千皮之室
笑貌無存登張劬之門琴書安在酸風苦雨頓教有夢
徒牽密霧重雲謾使馳情無已原夫家隣京口里號相
臺丁卯橋邊門開閨闔芙蓉樓外族起簪纓過餘慶之

坊並聯婚媾入鳴珂之里半屬姻親至若五桂清才既
擅名于曩日三何令望復結譽於今茲競說頭龍吟塲
第一豈知季虎藝苑無雙綠筆縱橫識麒麟於天上綺
思敏絕聯鸚鵡于句中非惟擅五字之工抑且兼雙鉤
之妙永嘉訟舍曾侍潘輿懷縣官齋頻穿萊服佐畫簾
之案牘惠露遙霑奏偃室之絃歌仁風遠播因之受知
張鑑縞紵言歡見重孔融漆膠誼好既而淵明解印對
五柳以高吟子溥歸農植七松而肥遯惟時都諫青燈
誦讀問字車盈黃卷勤勞談經席滿乍受烏公之聘薇
省論文隨歌鹿野之章賢書赴薦燕看紅杏省筆名題
衣剪綠雲玉堦臚唱鳬飛葉縣驅轂而宰一同鸞下香

文集卷五

吳

泉綰青絲而拖七尺人耕綠野勸課桑麻犬臥花村靜
消蜂蠆桐溪治蹟南董樂只歌傳香令才名異政仁聞
集載甫加章服遽召鋒車八舍升班仙葉崇蘭采桑五
雲司課鸞坡勁草枝枝疏伯雨之懸章青蒲長伏刊雅
圭之諫葉赤管頻抽校士浙中花盡參苓色艷問才山
右聲多鳳凰鳴高烏集升平長途方騁雲歸碧落大限
俄窮未編甲子之歌忽值巳辰之厄雖五常才妙喜有
傳人而四諫影單悲無合志其雷陳誼切僑扎情深旅
館蕭條挑燈話舊花磚出入並騎論心不謂夢兆玉樓
難挽哲人之袖歌聞杜曲徒深耆舊之悲慙一束于南
州遜七哀于子建重泉路隔望仙府之遙遙長夜愁增

思德音之邈邈

公祭張公選先生

岷山導江赴海百折金焦潌洄兩柱中屹瀝爲名區誕
鍾賢傑英雄不作文采間出峨峨龍門望高千尺厥生
匪偶其死不沒惟公文章波瀾壯濶百子其章六經其
質小儒句讀鉅釘餘習譬彼雲霧迷漫四塞雷厲颺馳
長空一碧惟公科第煌煌開國王師南下干戈載戢
決科取士萃五拔十應運斯興名垂第一惟公宦蹟冰
壺朗徹用典銓衡吏咸稱職衡文于豫囊錐穎脫馬騰
於驥鳳翽其翼三年報最飲水不熱急流之退人服勇
決外貌冲夸中情恬適公之閒居風同萬石里門先下

文集卷五 哭

庭草不闌洛濱東書東山欄屐几杖隨遊親朋斯集眷
列東西巷分南北舍貽美孫文度在膝蒲輪再下終焉
引疾公之家聲後先踵接羣鳳齊鳴一龍矯絕時維仲
公克光前烈出掌絲綸入參密勿人之所推瞻瞻黃髮
依然恭謹不踰檢飭公望端兒中外噴噴帝簡儒臣
命貳宗伯本公夙教廓公遺業如花承拊如木拔末向
侍講筵某忝同列玉珮聯展金蓮共夕竊聞餘論不殊
親炙叩公學問淵源莫測問公起居飲食必悉大賢當
世碩果不食臥鎮有餘君子之澤天胡不憖長松忽踣
風靡波委孰挽其極小子後生孰示之則有顛孰扶有
躄孰室其偏其詖孰繩孰墨吾道污隆係公存歿一觴

遙奠千古於邑

祭同年仇滄柱少宰

台星掩耀難留崧嶽之申卿月藏輝俄奪東山之謝悵
老成之零落朝野同悲聞碩輔之云亡士民失望况邈
神交于疇昔復誰共對梅花而念寧協于良朋祇自空
歌難露悼心曷已雪涕難收於惟先生系自考城望崇
崇邑河汾是紹家傳詩禮之宗伯仲相師世羨機雲之
俊浩浩波瀾萬頃詞類江河岩岩萃嶺千尋品齊山嶽
桓榮稽古早蘊明堂清廟之華施子明經遠蜚石室金
閨之譽析理則折衷濂洛論事而頡頏韓蘇選樓之王
律高提藝圃之金針暗渡爲斯文之山斗洵後學之津

文集卷五 哭

梁故春風噓桃李之英龍門望峻時雨潤菁莪之色馬
悵勲高迨夫秋空鶚薦名列前茅春浪鯤飛人甘後乘
萬言草就爭重劉黃三策傳來人驚董相乃太臚首唱
竟非忠孝之子韶而天祿先登交讓老成之中壘藜微
西清之旦披古簡以旁搜驚啼上苑之春入禮闈而分
校一簾明月朗徹玉壺半榻清風淨披冰鏡金箭盡東
南之美璆琳羅山海之珍人慶同文朝稱得士猶復研
心四庫彈指十年方乞假歸鄉虔卜先人之兆適時
巡幸浙恭呈杜集之箋蒙藹擊之溫綸沐殷勤于
御榻寸心猶赤思酬國士之知兩鬢雖蒼願竭老臣之
力既而震宮講道時陳翼善之箴便殿說書屢進

格心之論侍 經筵 疊席 皇眷陟鳳閣而哥貳天
官爭商困秦民艱不數山公啟事懲貪令保廉守非徒
裴楷知人從此名重黃扉佇慰蒼生之望不謂身依
紫禁倏懷綠野之情契見幾于六二爻中符知足乎五
千言內花開三徑泉遠雙扉興來聯席上之吟客到喚
牆頭之酒拍顧天衢看二龍之並駕仰瞻雲路待小阮
之齊驅雖蔗境彌甘而菊情愈淡枕中鴻寶受丹訣於
八公天上星精賜靈圖於五老笑談 御座眷戀雖殷
呼吸 宸居瞻依亦篤而妙解長生之訣偏懷不老之
鄉遂以子牙應聘之年即爲長吉修文之日自此盈廷
集議誰見揚清激濁之風侍幄陳謨孰聞陳善閉邪之

文集卷五 哭

論此 九重所爲震悼而四海所爲驚惶者也某譜切
金蘭交同硯楮寒燈風雨商古籍之異同禪室晨昏訂
奇文之甲乙猶憶壬子除夕餞歲雲居即於辛丑元辰
迎年蘭若忽來季札同醉屠蘇抵掌于梅雪香中不計
星回天畔掀髯於荔枝園裏併忘春到柳稍羣云有此
三人自應傳乎百世不意當年僧舍果兆異日玉堂誠
百口之美談亦一時之盛事嗣後或追隨鳳沼或慷慨
巖廊迹偶稍疎而情真愈密顧因年致政余既尋泉石
之盟而屢疏乞身君亦動煙霞之興則懸車而後似可
贈谷乎青山解組以還庶共往來于白社乃欲趨隨乎
杖履偏限錢江今且追想夫笑言忽歸蓬島嗟我已矣

傷如之何臥病長年不獲登堂以展悃含悽終日姑先
灑淚以陳詞

海寧許 汝霖 時菴著

祭文中

祭同學葛友峯

嗚呼生寄也死歸也人之聚者偶而散者常也茫茫宇宙何戀何悲而余于君獨有不能忍然者憶三十年前時當申酉邑同人樹幟臨雲閣爭雄競長先後三十餘人君少余一歲年最幼坐最末而意氣激昂咲談磅礴直可凌轡萬夫每一會輒心折不置閱癸卯君邀余過咏年堂課弟及外孫君亦同硯日夕間窮經讀史聞諸子百家及宋儒閩洛之奧虛懷詢質退然若不自勝及

本集卷六

一

握管操觚則光芒萬丈氣吞霄漢不肯一字讓余頤地心竊怪之君曰毋怪向未深識公竊謂當今人傑恐無有兩今而知既生僕復生公天之鍾我兩人非偶然也遂以金蘭之契重訂葭莩于焉擔簦靈鷲北山雄談醉讀睥睨古今若天壤間不可一日少我兩人者然庚戌春予應始升陳先生之請亦遂延君鷄鳴風雨仍坐一堂數奇落落雖不得志於有司而文章氣節自足予亦同輩輩親炙者迄今猶羨頌不衰亡何余倖邀一第京邸棲遲雲山曠隔形迹隨疎而君即枉責寒廬課余子得訓余孫鴻鯉往還三十年晨夕如數不特川西送掉江左迴旌數月快談依依若昨日也既而聞君香

文集卷六

七

巋然猶存惟君與予而今已矣巋然衰魄把臂何人君雖棄予子獨何心能忘君乎哉猶可慰者茫茫宇宙轉眼浮沉天地不能以一瞬何況區區予雖暫寄亦即同歸向之偶焉聚者今且嘗焉散也然而盈虛消息往復無窮則今之散者又安知不重聚鴻濛翱翔天壤億萬年終不一日少我兩人也乎君以爲然否

祭侍御李嶧山

竊見學士家甫握管爲舉子業一不第不曰主司不公則曰命也非戰之罪倖而奏賢書提南宮矣不獲與蓬瀛之選需次銓曹又曰豪商黠吏未嘗盡識之無一旦意公不數月紆青拖紫而名登甲乙者或十年或數十

年皓首龐眉始得綰尺綬即或年少登科早膺一命彼贊岩廊建牙而東鉞者未必皆清絕一塵者也善逢迎市聲譽薦揚恐後否則棄焉如遺耳幾見有讀書種子不名一錢而得崛起在高位聲施卓卓者乎余聞若輩言痛詆之謂聖明在上激濁揚清果能重自振策特達之知若操券然何爲出是言暴棄乃爾羣咄然曰噫是給我也公試于中外仕籍如公所云者能舉一二人爲吾儕證否予曰遠不具論獨不見維揚視聽侍御李使君乎君以寒畯負殊質下帷攻苦試童子輒冠一軍未幾歌鹿鳴名題雁塔都人士讀其墨嘖嘖稱羨以爲文章實有定價向不遇而曰不公非戰之罪真妄語矣

文集卷六

三

閱數載勦猷比部弊劇奸釐分校儀閣衡平鑒澈而偕帑一案擇人飛噬累窮簷者數十年君獨拋此七尺攜積贖入楊左灘血之場斥權貴懲奸宄不兩年脫貧黎于湯火者數萬人勒石焚香頌盈畿輔逮秋曹秩滿以二千石出國門黃童白叟歌呼而頂禮者駢肩塞道百里內行旅爲之裹足盛事藉藉近今所未有也予目覩其勝每向諸公卿謂黃堂中有是人若遇薦剡舍此更無他屬及抵臨濠甫五月百廢具舉適有驍司之缺時予雖請假尚留京邸滿漢諸先生憶余言交口推轂而當宁亦稔悉有素遂膺殊擢初下車訪從前虧額三百餘萬之由積弊種種剝涖殆盡敝衣藿食風厲侈鄉

不重敲朴而正課與帶征爭先輸納商悅民懷謳歌載道由是賑饑氓給寒士蠲土稅裁冗員濬河築堰育嬰療病攝藩篆而弊絕監棘闌而風清善蹟纍纍未易更僕數三四年間恩周半壁名徹九霄聖天子褒綸疊賁寵及弟昆甚且與張趙諸公同年並語可不謂榮焉余自辛卯引年癸巳叩祝三千里往還總不一會當事而若獨聞聲遠迓一掃拜饋之習鼓扁舟煮五簋殷殷馬虛懷請益予曰無他語惟慎終如始隨所至爲清流第一則叨光曷旣未一歲果膺綬督視江淮期年奏最重徵再任天之報庶吏厚矣向使再假時月任謝脂膏清心寡慾養此精明強固之身以仰酬特鑒則黼黻

文集卷六

四

廟堂旬宣方岳不過拍額間事而執意匪躬寒寒中道云殂不能展此未竟之緒不深可痛惜乎哉雖然君以一書生服官未十載數歷中外疊荷殊榮績炳恩垂聲傾朝野大丈夫得志于時亦云偉矣况乎棟蓐聯輝芝芳踵馥承遺緒而光大之繩繩未艾人謂讀書種子不名一錢未見有崛起而聲施卓卓者聞君名不亦慙然愧勃然奮乎否余忝一日之長不敢溢美姑以傷悼之衷聊抒蕪誅爲知己慰併爲士大夫勸云靈其有知幸祈來饗

祭儀郎陳巨萬

古人謂天壤間在三之義曰君曰親曰師師者道誼相

卒所以飭言行砥德業處爲醇儒出爲名臣聲垂不朽故其恩與君親等而今之所爲師者吾感焉士方五六齡未識之無延先生訓以字課以句稍長解以文義及握管試舉子業則又具書幣聘里中耆宿窮經聞史督時藝而筆削之儼然臯比號人師而言行之醇疵德業之成敗出處之賢不肖不一問也故執經者雖曰先生貌相敬文焉已耳至於赴棘闈試蘭省舉子輩鏤心嘔血聽得失于有司而典厥事者衡平鑑澈殫二三十日之心目以第其高下一入彀則策名殿陛紆青而拖紫榮孰甚焉然而祇尋章摘句憑文字爲去取在座主不過樹桃李而門下士之感恩者權高望重趨承恐後否

文集卷六

五

則過焉輒忘矣豈人情不古哉蓋其所爲師者原非有道誼之孚言坊行表成就其德業俾出處垂不朽也余與足下獨異是憶五十年前膺尊公之請督課諸昆時足下甫讀經已乃操觚坐絳幄者別有名師而余于偶焉署督見家庭骨肉之間臧獲輩不無同異視余不避嫌怨曲爲調劑足下言動偶不慎則痛相規誨勉以孝弟併立身經世之道足下頗心折旣而別數年聞庭闈間恩勤友愛大異曩初而足下孝于親友于兄弟推恩于姻族黨閭頌聲四起輒謝曰微許先生教不及此是余與足下原非訓詁家拈字句而筆削者可同日語已逮足下奏賢書重赴南宮余倖爲總裁副是科黜陟

惟孝感公一人是問余不揣獨肆爭衡謬爲同事所許孝感亦虛懷及榜發南宮八名寧邑居五而弁冕于諸卷者非他人足下也同鄉共學人固不疑而余亦絕無嫌欣然以知已獲雋爲國家得人慶閱數日足下已諗其潔潔忱拜謁余迺北面正襟而論之曰余兩人非座主門生比向時芸窗規易君已服膺然祇勉爲孝子爲悌弟爲鄉黨善士耳今已名題雁塔國計民生皆分內事願重自振策奉醇儒之學筮爲名臣斯無負生平所望對曰唯唯惟師言是凜廷試後卽歸省觀孝友睦婦齊稱爾茂更取古名臣勲績朝稽夕考毅然自任以期不負子言未幾余奉命督河足下含香署補轅宜

文集卷六

六

飲釐奸剔弊誓不名一錢顧爲門第所抑不獲登侍從一抒讜畫告養言旋朱一載終天抱恨枕塊寢苦呼號寃安里中翕然稱純孝服既闋余底績還朝足下亦來京晨夕追隨懃懃懇懇未嘗一日離左右辛卯蒙恩子告戒行李選輿從三千里跋涉皆足下預爲經理出國門追宿岐亭雞喔嗶泣盈不輟同逆旅者皆歎息泣數行下余曰大丈夫聚散有時但須初終一節聲傾朝野以慰知已何庸爲兒女子態詰朝掩袂而別余歸里足下重補春官廉潔忠勤慎終如始明年分校禮闈拒私囑嫉虛聲冰鑑高懸都人士嘖嘖頌公明第一而根盤節錯人所畏難不致任者慨然力赴以故盈廷推轂

保障郊圻余適謁 萬壽抵都握手道故數月間依依
不忍捨方謂期年奏績便可旬宣方岳勳贊岩廊大慰
生平所望孰意握別三期鯉鴻如織而非躬蹇蹇中道
云俎不獲大展未竟之緒天耶人耶其可信不可信耶
雖然足下以命世才不矜閱砥節勵行望炳鄉邦勲
勳廊廟玉樹森森踵遺緒而光大之所以垂不朽者正
未有艾獨恨余桑榆景逼志切傳人雖侍函丈者十五
國不乏英豪然求如道誼之孚言規行矩德進業修幾
幾焉衷醇儒之學踵武名臣若足下實不多覩迴想芸
窗規勗京邸追隨余不敢自附在三之義妄悲喪子而
茫茫墜緒遠紹無人瞻言知己淚霑霑實有不能自禁

文集卷六

七

者非徒以情敦金石誼篤葭莩效流俗人望几筵而陳
俎豆飾一二蕪詞以表厥悃也

祭吳孟舉

語水波寒方訝風光易別皂林月白忽驚霜氣橫侵痛
黃鶴其何歸悵白雲之杳杳登床而琴音頓絕過宅而
笛响堪哀今昔異時因雪涕于西州之路存亡殊跡爰
愴心于北郭之墟維公系出延陵望高渤海媿江東之
顧陸禮樂傳芳駕河北之溫邢詩書繼美龍光豹蔚文
章興西漢之風蕙秀蘭清節概振南陽之舊雅好金蘭
之契遠來縞紵之交客滿座中爭說今時文舉車填戶
外羣云昔日鄭莊詩舉玉壘之旌獨當一面書擁石第

之軸何假百城別墅唱酬富嘉謨同其雄拔選樓甲乙
蕭昭明遜此精詳家絃黃葉之編戶誦宋抄之集出桓
君山之秘經鉛槧而世睹寶珠發李鄴侯之藏付東黎
而羣分拱壁至于經明高等推博學于漢廷詔擢中書
膺華銓于晉代方謂鳳池鵲觀將陳十難之詞抑亦絳
闕黃扉佇賴三長之筆況值 翠華之幸浙曾拜蒼王
而陳言司馬封禪有書高文堪佩崔駰肆巡能頌典美
稱工 別殿揮毫 天子賞凌雲逸氣 行宮授簡諸
臣驚繡虎清才 寵膺 宸藻之輝光煥 天章之彩
九重飛下迴鸞鳳于行間雙手擎來走蛟龍于楮上
鐫之金石共寶奇珍曠厥古今爭誇異數而乃菊情殊

文集卷六

八

淡梅韻獨清花野酒林忘主賓于爾我春風池館同雲
水之去來扶短策而臨流閑吟清新之句捲疎簾而聽
雨時招野逸之賓卓哉川嶽之靈允矣松筠之傑既克
昌夫名德且垂裕于後昆長公墨綬分符黃堂佐理早
應佩刀之兆行看攬轡之榮更羨諸君皆爲偉器煥文
峯而散綺翻學海以騰波將接翅于青雲高翔鵬路且
聯鑣于黃閣遠陟龍津以至文孫尤多雋品不數燕山
之寶幾同高里之荀是則舞綵椿庭舉頭日永扶節蘭
祀繞膝香浮大典重夫引年人欽國老榮褒追其舊德
朝採鄉評何以歲末庚申占遂乘于箕尾豈其年方辰
巳夢遽厄夫龍蛇人之云亡悲烏能已其也地接粉榆

心欽山斗昔年造膝欣瞻翰墨之輝今日登堂徒抱人
琴之痛望音容而莫即火冷金缸聆嘔吐而未由風悽
玉案聿陳薄薦未罄悲悰

祭陳處士

嗚呼太丘已逝難尋長者儀型仲舉云亡莫覩老成矩
矱身騎鯨而去里中鮮相杵之聲客化鶴而來海內多
東芻之莫況生鄰粉社蘊結何言而雅慕松喬悲傷曷
已於惟陳君姓開虞裔星聚德門誕敬仲之後賢代占
昌熾守元方之家法世慶撫綬億中多謀端木氏何妨
領貢四通得地陶朱公不廢持籌讀計然之書非圖擁
利善海山之筴豈謂居奇指百口以名橋合三宗而舉

文集卷六

九

爨焚券非關於市義造車恒望以借人得季布之一言
黃金非重服仁軌之全行白璧無疵鄉黨化其清修途
多守劔郡邑尊其碩德巷有式廬擁篲而拜伏生此其
時矣渡江而謁卓茂非斯人乎而且室有同心閨稱偕
隱睹雙眉之齊慶洵五福之兼隆增滿金芝庭榮珠樹
人多似馬總是白眉子盡如龍威同紫色不待他年之
繩武遠勝于前即看此日之詒謀必昌其後謂宜制崇
更老永懷綺夏之高風禮重耆願長躋錢彭之上齒玉
鳩持杖時隨商叟以作歌銀鹿將車還向申公而問道
豈意玉棺墜地不留高士於人間絳節披霞忽召隱君
于天上方 龍章其待貴遽鶴駕以相迎增八月之淒

其山山寒色悵九原之聞若樹樹秋聲某也桑梓情慙
葭莩誼篤前逢八袞曾躬視失岡陵未及三年倏啣哀
夫山嶽挂徐君之劔不勝愴神題有道之碑能無墮涕
悲深瑾露敬奠椒漿

祭盧司業素公

霜染林丹宿霧暗南箕之曜雪飛蘆白文星沈環壁之
淵悼過隙于秘書金刀乍掩邈往情于長史犀柄終埋
梓里於以停春 楓宸爲之輟講况乎戚友能不悲懷
維盧君行軼四夔才高八采紹孝廉之遺緒羣仰宗風
傳詩禮于明經人尊家學蜚英譽序早騰鶴玷之聲榮
翰詞場垣長雞林之價畧非世出韻自天成玉質金章

文集卷六

十

前輩重瑚璉之器鴻文駿譽名卿締縞紵之歡猶憶余
因校士之閒偶臨虎阜君以論文之暇來自玉峯挹就
正之虛懷欽好修之雅志蓋于冬杪惠顧官齋遂以夏
交同遊帝里對花開月率多賡和之篇立雪坐風更切
綢繆之好情逾骨肉正可輸心久閱歲時殊堪屈指至
于燕臺賦就歌鹿鳴于涼風叢桂之間冀域名揚奪錦
標于銅馬金波之下喜可知也快何如之而乃猶是夜
光越他鄉而按劔同爲照乘因異地以投淵則足堪悲
還企吾璞失弓何恨且返故園幸而 翠輦南巡君亦
扁舟北向迎蒼龍以獻賦喜動 天顏登綵鷁而命題
文衡星彩後車命載依然鄉薦之賓講幄仰承榮矣親

藩之傳名流虎觀榮等螭切瞻濟集賢臺舞葩而吐艷
祇承崇政詞麗藻以摛華眷注殊深寵光何渥迨夫青
春波暖紅杏香妍浪湧三門泛仙槎于蓬島山開二酉
繡秘冊於瀛洲仍侍藩邸以說書兼立鑾坡而草詔且
命南宮造士相與北面執經峰秀學山集傳天之飛鳳
波澄筆海鼓出水之騰蛟俄而職典成均風高司業程
材意切坐空萬馬之羣鑄士念殷行兆三鱣之瑞乃忠
勤是矢寸心思酬宣室之知而蹇瘁不辭二豎遽入寢
門之夢江雲渭樹路隔幾千黍谷香山魂依尺五玉案
塵封于几上血染迴文瑤琴聲斷于床頭花凋連理風
流頓絕零落堪傷猶幸房齡剔目之妻式隆壺範鮑宣

文集卷六

十一

挽車之婦克茂懿刑常棟舒華業弘先緒芝蘭故秀名
列賢書綠舊德之流光卜門闌之餘慶自克不昌前武
庶可含笑夜臺獨寐以廿年之金石燕兩世之葭莩三
載相睽空悵燕雲而結想一朝永訣未臨再牖以遺言
忽興喪予之嗟輒洒傷君之涕痛何能已情亦奚堪惟
望千里銘旌眼枯宿草聊奠一杯醴酒腸斷生芻神也
有靈尚其來餐

祭陳履之孝廉

嗚呼隕玉穎川聽啼鵲之欲絕泣珠東海望歸鶴其何
年溯情好于生前屢婁哀于沒後淚烏能已涕豈無從
於惟陳君驚座名高臥樓氣逸三君陰德人欽星聚之

輝五世祥占羣頌鳳飛之吉族望婉江東王謝榮聲駕
河北崔盧胸挾慧璣章錯七襄之藻手裁文錦光搖五
色之霞振鳳彩于藝林探驪光于墨海孔懷連理旣冠
荆枝重念劬勞獨依萱幄乃以探矸之餘暇試綜練之
長才王處仲晦德難窺斯無愧矣陶士行精心會核殆
其庶乎顧學殖之豹藏漸文壇之鵲起先列副車之薦
繼登蒞榜之華溟徙三千忽躍鯤鱗于碧渚風搏九萬
爰騰羊角于清秋方謂桂子香飄已擷廣寒之馥自應
桃花浪暖旋看上苑之芳庶幾詩禮常親望松喬而並
倚墳簞競奏瞻蓬島以齊登而乃劍出匣以仍韜璞因
珍而滋忘丹忱再獻誰識劉黃紫禁重游孰爲永叔且

文集卷六

十二

握瑜以待價自藏器今逢年何意生慈之痛未忘舉案
之難復感蓼風初厲豈南方零朱實未凋芳華頃歎訝
金鉞其乍掩驚犀塵之長埋蘭榭雲摧難免西河之淚
池塘夢斷羣舍北郭之懷蕙帳空懸松窗長寂吁哉已
矣傷如之何某也誼切通門情關世好卯秋蟾耀兒忝
前驅辛歲鹿鳴孫叨後列燕之萼樓羣從盡屬金蘭桂
苑一枝更同冰玉乃床頭琴畔悼子敬之云亡而柳下
鐘邊痛移生之永隔目斷飛霞于香徑心傷浮碧于靈
岩無如臥病家園不獲酌一觴之敬特遣陳詞神几庶
稍伸五內之悲

祭楊孝廉二師

風泉哽咽傷玉樹之長埋霜雪森悼金鉞之不耀斯
文誰屬大雅云亡聞笛生哀撫琴增慨於惟楊君經傳
司馬寧紹關西崔館開祥千里有能文之目鱣堂集慶
累世高犀賦之才具冰鏡之清標稟玉山之秀質少夢
青鏤之資綠筆生花長工黃絹之辭琅函吐藻選樓甲
乙渡後學之金針藝苑丹黃定文家之玉尺是以曲江
占鳳爭看西閣之英京口乘龍羣羨東床之選雖密州
之遇子立又何加焉即延賞之得辜臯不是過矣爰起
鴻名于翼序遂騰駿譽于辟雍雖和璞隋珠屢暗投而
遭按劍而高山流水終默契而遇賞音方入月窟以搏
風即對天官而待詔丹墀主政共俟才子分司蘭署生

文集卷六

七

香行看仙郎入直而乃一簾暑雨頓生黍谷之寒半樹
蟬聲輒斷玉泉之響燕臺月冷神欲何歸易水波乾信
且終杳嗚呼金薤未老玉蕊先凋天各一方山重萬疊
憂心如擣夜驚入夢之魂望眼欲睽日西倚門之淚縱
含飴于北牖自有文孫而養志于南陔豈無哲嗣然花
晨月夕舞萊袖者已少一人則紫陌青畦御潘輿而自
增百感至于令嗣尚在弱齡勉陟帖以扶旌埋憂無地
或望雲以待幄抱恨終天况血染迴文黃鵠之歌欲絕
而枝枯連理棣華之痛彌深其戚比朱陳交同張范松
枝遠蔭竊幸施蘿桂子飄香復叨附驥方謂青雲直上
與有榮光何意黃耳傳來忽聞哀訊遙瞻 帝闕未申

視欽之儀病臥家園聊展陳芻之敬因靈輻之歸里寒
丹旄以扞忱薄奠是將悲懷何已

祭趙松原

嗚呼楓落霜洲倏斷賓鴻之陣竹寒月館難追戲馬之
遊睹銀迹之空存過鑪邊而邈若潛焉出涕悲自填膈
於惟先生白水名高黃山望遠天潢餘蔭家垂玉案金
枝聖澤流芳代著花磚藪閣遊宦攜鶴琴之伴依然御
史清搽翰墨傳松雪之香如見王孫雅致欽高標之濯
玉想秀韻之餐霞學富縹緲吹芳腴于四庫詞揮珠璧
敷繪藻于三都是以博物聲弘驚傳柱下明經望重直
達 楓宸因待詔于銓司遂策名于水部才雄八面自

文集卷六

古

遊刃而無前能壓千人正處囊而立見口含鷄舌行分
畫省之香班列駕行佇荷星郎之寵將旬宣于方岳且
輔轂乎巖廊顧乃譽炳寰中忽焉情依林下望驚飛以
登三竺尋鶴放以訪六橋羨季札之交遊劔留南北喜
鄭莊之好客驛置東西義聲廣被公卿締縞紵之歡友
誼羣宗名俊結金蘭之契通都委巷共跋高風掀院苑
官俱沾渥澤固宜八千歲為春秋何意七十年如日暮
蕭辰月冷輒聞白鴈聲哀涼夜烟沉頃惜黃花影瘦此
聖湖亭畔草木為之悼哀而鎮海樓頭風雲因以黯淡
者也然幸世德之克昌獨慶家聲之彌茂王樹方華不
異河東之薛蘭枝競秀將過高里之荀共入藝苑而分

鑾遊登詞壇而立懺藻思倚馬神超表子之才湘管生
花秀踐江郎之夢家綿餘慶代號多材胎厥孫謀鳳羽
蘊九苞之彩繩其祖武龍章燦五色之輝凡此承床于
百順之餘即可含笑于重泉之下者矣某也居聯梓蔭
交想蘭芬崇讓是鄰慕金城之遺跡集賢在望快王尺
之照人向因叔子惠來心殷御李何意仙翁遽逝情慘
悲結而抱疾家園關心藥石素車白馬未獲輕百里而
瞻帷束帛生芻聊率泐一辭以抒悃

祭安溪李相公

嗚呼魚火燭宵騎箕長往雀風扇暑仰斗無從函谷雲
橫望斷關前之氣長庚霧暗精銷月畔之輝元老云亡

文集卷六

五

道幾墜地哲人其萎勳孰擎天悲動 九重哀生四野
于惟先生登龍地峻倚馬才高理綜程朱砥吾道千秋
之柱格追漢魏起斯文八代之衰秋旻搏風蚤探蟾窟
上林看杏平步瀛洲雖魚水方歡正繫懷于北闕而雞
豚逮養更懸念於南陔遂解朝纓歸娛萊綵夫何蛙跳
閩水鹿挺古田洞口榴花蘿截樵翁之路江湓螺斗烟
迷素女之魂先生特倡老謀獨籌勝笑馳蠟丸以拒險
越間道而出奇集中澤之鴻飛息海嶠之蜃氣斯誠金
馬而靖金戈之餒玉堂而工玉帳之猷者矣於是 帝
賞元功秩超禁地佐調鼎鼎參掌絲綸乃情深反哺之
鳥慈親景晚而時念雖鳴之鳳 聖主眷殷召歸鰲禁

以揮毫異彩關金蓮之艷重立鳳池而課士雄文領王
荀之班雖直比朱絲或致嫌于曲木而貞如白璧自見
賞于良工特擢銀臺司 天喉舌更參兵政預國樞機
遂以武庫之材出秉文衡之柄一簾明月皎映冰壺半
榻清飈淨懸玉尺俄而靈萱乍隕幾斷愁腸無如 溫
綽慰留空結血淚爰移士林清鑑以肅畿甸威稜輪不
須埋寒破狼狽之胆斧殊可繡雄飛燕冀之名旣鎮三
輔以澄清遂長六卿而表率藻人倫則劉毅風裁課吏
治亦蘇頌冰鏡是以臣心無貳 皇眷彌隆鼎鉉身登
斗角手握 聖謨宣朗藉力三台 天道高明分功八
柱故兩山旗鼓即堪載酒以嬉而九鼎鹽梅仍待和羹

文集卷六

六

之妙傳來鶴詔 帝思舊學之甘盤再御蒲輪民仰前
猷于闕尹行將四海康而戶歌壽考三辰熒而人樂舒
長且也令子方養翮於秋風文孫將探花于春苑長君
工賦雖赴王樓小阮能文分鑣瀛島是爲家慶亦曰國
禎何以宿失蕭何星沉傳說山頭笙鶴公竟從仙子以
遊宇內經綸誰復爲蒼生而起此 廷悲頌輔因以罷
朝而野悼名賢爲之傳市也 某 夙欽先達幸附後塵如
學山而仰岱宗似觀水而逢渤澥棹船還勝早承薦訪
於邦江秉燭談心更接周醇於燕郊獨前視草曾藉嘯
枯河時負薪還憐伏櫪實銘恩于師德未報效夫隋侯
旣而家值引年病惟臥里驚歸說傅把鳳彩於武林喜

召溫公送鴻儀於秀水謂槐堦永鎮同尚父之翼三朝
且梅鼎長和若畢公之弼四世何五百年名世遽赴幽
泉而八千歲春秋徒成虛語則緬謨猷于疇昔公業爛
焉而邇歎曲于今茲余懷戚矣敬攜桂醕用展葵忱

祭蕭山趙令

嗚呼琴堂寂寞無慈父以誰依花縣淒涼望神君今不
再四境聞喪而震悼設奠盈衢兆民見逝而蒼皇攀號
溢路遂使羊公碑下徒聞墮淚之人還教朱邑祠前空
有招魂之客于惟趙君系分京兆譜出營平閣畫麒麟
著勲名于塞上身隨琴鶴表清節于蜀中酌雅票經羨
邠卿之瞻博筆精墨妙緬孟頫之風流爾乃岐嶷性成

文集卷六

七

權奇天授聽騷便熟早煎班馬之香食古甚酣徧嗜蘇
韓之味蜚聲鄉校奮翼鴻都張司空領袖西京先舉帷
而迎陸子陳太傅楷模東國獨下榻以待徐生公卿咸
欲締交賢俊爭求識面乃介延陵祭酒得瞻天水先生
搖筆則思若湧泉傾箱而辭同霏雪掀髯講道謬許爲
一字之師把臂論文雅訂比千秋之契迨夫鹿鳴宴賦
推冠冕于秦關鴈塔名題播文章于冀關牽絲入仕遂
得蕭山製錦當官爰求越水單車叱馭治裝何必攜妻
三鼓清閒退食還能課子頭銜類夫孔奮長絕苞苴腰
笏比之易于不傷盤錯公來何暮邑傳五袴之謠民命
其蘇野有兩岐之頌紛迎竹馬鄰封爭慈惠之師遍起

管絃督撫賞循良之吏劉穆之五官並用字莫溷于刁

丁朱齡石百札俱飛案無憂乎芻牛豪強飲手每見事

而風稜胥吏寒心多聞聲而冰惕文閣分校春華與秋

實齊收武榜程才東箭與南金兼採雖龐士元之展驥

非徒百里之材猷而宓子賤之烹鮮已奏七年之政績

方謂置身鶴鷺盡展經綸豈期運厄龍蛇未申抱負河

陽雪冷摧殘滿縣芳菲葉縣風微隕落雙飛鳬鳥召棠

勿剪童叟過之而愴懷萊竹空生士女睹之而飲泣某

向親道貌近挹德輝子弟田疇半載幸同借寇清風明

月一錢未遂送劉而乃鶴去無歸誰沐新恩于召杜鴻

飛不復難尋往蹟于趙張遙知一罷村春齊哭文翁之

文集卷六

大

廟更恐重聞鄰笛轉傷向秀之心聊薦溪毛敢望雲裝
暫育謹歌蒿里庶祈仙步遙臨

祭平陽守祝任菴

嗚呼風淒晉水燕寢香銷月冷平山畫輪彩暗茅簷寒
徹空傳五袴之謠麥隴春深無復兩岐之瑞凡思賢牧
莫不涕零況喪良朋能無神悴惟祝君簪裾華閭文獻
名家系本有熊氏以周官之舊支蕃南鄭族因黃帝之
封研三傳於麟經深明大義擷一枝於蟾窟羣拜下風
奈何金躍冶以見疑璞出荆而遭刖公車五駕終擯劉
生照乘屢投誰爲永叔於是事親惟孝南陔思承晨夕
之懽而教子以忠高堂勉竭股肱之力因展小試之端

于百里還屈大賢之任于一方三宰花封或數月或四年均被鳴琴之化一署蒲篆無分民有分土爭看製錦之才疏濬支河雞澤無狂瀾之倒堤坊順水鄆城獲安堵之休棄女再蘇恩同賈父丁溝流澤渠號祝公且也棘院冰清鵬奮垂天之翼蘆塘日暖鴻稀繞澤之音猗歎敷政如流詎異魯恭馴雉允矣秉心似水無殊顧凱垂簾治行獨隆薦剡交上丹墀趨觀蒙 帝語之褒嘉紫禁頒來驚天衣之安吉遂膺 簡擢爰刺虞鄉策善鹽池商快飛霜於關洛令行蒲澤氓安化日於解梁民舉無雙正應進爵政聲第一早自題輿僉云刺史懷楨幹材坐理由已 帝謂河東實股肱郡臥治惟卿遊刃

文集卷六

九

有餘利益彰於盤錯理絲有緒治寧棘于糾紛瑣尾多辛樂土來流離之子羽書旁午軍需辦指顧之間行見野增渤海之牛名題廷柱郊集頽川之鳳秩拜公侯而乃二豎見侵兩星爲祟一簾春雨誰吟畫戟之詩兩袖清風剩颺丹旌之字觀桑麻於瀉汭空想九真聽絃誦于禮城徒留五教是雖詩書繼美弓冶通傳蒼綬垂魚寄方州之鉅任絲毫吐鳳騰藝苑之芳聲音和吹燠非無仲氏輝聯棣萼自有季方然而郡失神君朝亡良牧天心不惠人痛何如某世同硯墨交篤金蘭衰病里居時聞報最庶能上達日卜升華何喜克方深而慟淵遽至念茲赤子難留慈惠之師悵矣青編空載循良之傳

望靈輻而飲泣奠桂醑以展忱

祭封侍御吳公

嗚呼花摧瓊樹難攀碩德之芳型水絕長淮莫溯名賢之淑行太丘既逝國中鮮相杵之聲有道云亡海內多奠芻之拜是以登堂號慟心實側於亡琴而過墓啣哀情尤傷于挂劍也惟公延陵貴冑江左名家少負異姿雅擅明聰之譽長懷至性夙傳孝友之風柱史揮毫文稱三變舍人傳樣詞重一時然而猿臂難逢虎頭未遇青衿一領未酬萬里之雄黃絹千箱頻爲六月之息遂遺情于宦達益勵志于經猷終子雲早歲入關慕請纓而長往陳孔璋連年作客睹草檄而爭傳杖策金門勝

文集卷六

十

笑何如鄧禹運籌幕府陰謀不數留侯文武兼資談笑而收一十九寨仁慈爲念從容而活百千萬人乃功已遂而不居輒效遊湖之范蠡賞既行而不受還同蹈海之魯連忽迴閭嶠之輿習隱廣陵之室悠然自得多忘蟪蛄之爭淡若無營靜看雞蟲之競而復性成偶儻意在流通讀計然之書非圖雄利善鳴夷之策豈謂居奇薛邑多逋恒毀馮驩之券隣人不借嘗焚阮裕之車廚帳攜來助婚處處麥舟持去給葬年年指百口以名橋合三宗而待養斯真攸好厥德永錫其年者矣固宜玉映珠輝同依壽極蘭馨芝秀偕遶靈椿令嗣侍御望重臺端情殷膝下袍拖官錦誇萊子之舞斑巵捧仙醪羨

申公之酌醴而公疊膺鉅誥屢錫鸞書千里飛箋命誠無非忠孝一掌侍坐訓詞總在清貞履貴持謙席豐守約胸藏丘壑遊山之屐時穿志託林泉訪戴之船頻放鬚眉儼若疑是神人耳目未衰猶成詞客躋芝山之上齒具栗里之高蹤東洛群賢推彥方爲長者西京耆舊奉仲舉爲端人是宜術識長生朱顏久駐方傳不死紫氣還添豈意鸞鶴俄來龍蛇忽悼風淒隋苑樹樹秋聲雨浥邗江層層暮色雖衛家玉樹大慰冰清孫舍桂香更欣喬木然而歎東皇之何在路遠青城看南極之徒懸雲歸碧落縱使花開頃刻未解愁顏即令酒造逡巡難消哀悃其馳思懿躅景仰芳規誼切通門方深御李

宋集卷六

主

情悲蒿里遽阻瞻韓痛幽壤之淪亡含酸曷已叩帝關而渺邈有涕難乾桂醑盈樽望蜺旌之暫駐荔丹載俎冀鶴駕之遙臨

祭文下

祭陳粮道母曾太夫人

孤忠貫日最難室內之同心苦節回天均屬人間之正氣太夫人裔傳宗聖德育名閨稟矩早凜夫蒸黎至孝先孚於嚙指奚煩姆教已擅禮宗自配國楨便多偉烈雖有脂田粉碓志厲丹青縱爲設悅施衿操堅金石其始從忠毅公于仕路也效王尊之叱馭即思破鏡于灩堆聽夔府之啼猿且欲斷腸于硤口至觀察東甌之日

值糾紛南戒之秋而浙右關鈴全憑括郡閩江烽火直薄吹臺公時代觀旋轅肯望氛而卻步服官守土矢邏血以投身埋碧之塲竟在大觀亭下歸黃之信乍傳孤嶼山頭斯時也奔赴奚從顧瞻誰倚夫人惟呼天一慟城非祀而全賴踣地長號石爲夫而立化無如所天既隕尚有遺孩阿母如亡疇扶爾祔用是未忍捐生大爲托命存一綫于未亡之手作壺內之程嬰哺藐諸于獨活之年爲女中之荀息然而無諸列戍觸眼蠻雲歐冶荒郊舉頭毒霧奴如李善差勝負穢之人友乏王成焉覓逃備之路夫人且間關百折奮隻翼以將雛保護萬端越夕陽而弔影既脫公宮幾同置袴倘逢漁父未必

大集卷六

主

輸羹瑣尾如斯亦云酷已又况無邊蔓草可憐漁仲空園一片蒼烟難問君謨舊宅譬諸枯鱗還整或不知何澤之波去燕來巢每誤認他家之壁旣茫茫而莫厝復獵獵以窮搜勒編丁伍之間恫喝鞭箠之下向使錯籌俄頃不若褒融同殉灰釘失策幾微反愧盱眙並塗肝腦夫人則催充竭蹶幸代僵桃抵塞綢繆終須完卵可謂履常盡三從之正應變極六出之奇其尤可異者王大令之根葉渡幾蹈夫瀕危白太傳之焚蠶議不需乎反顧微君之故中露胡爲有母是儀猶來無死豈非閭門慷慨歸趙增完璧之光落日淒迷反魯倍荷戈之象真形管所希聞而朱絃之絕響者矣旣而蜃市潛消

帆頻掃梅花深畔依然荔子之紅仙鯉洲邊不改檳榔
之綠夫人于是屏當餘燼勉殘編令桓山之四鳥比
翻凌霄俾田氏之駢荆爭榮照座而伯也起家花縣躋
秩黃堂板輿久安苔上已去復來封鰥再致甬東匪甘
伊苦及摧糧儲于吾杭也澄湖畫舫方承壽母之歡高
嶺楓林不少表忠之建而乃丁寧慈訓要無忘爾父之
幽貞次第官箴庶可報 大廷之寵卹鍾斯厚懿宜享
期頤播厥芳徽應尊璜璫奈何銀蠶遽掩金棗長含玉
女罷投壺之榮帝娥抱鼓瑟之悲僕風景坤儀未遑登
拜惟是數十年菴菴之悴屢拔猶生幾千載松柏之蒼
後凋實勁將見福唐歸旆樹知仰而若披華蓋留祠禽
聞悲而不去

文集卷六

重

祭陳太親母潘太夫人

嗚呼竹殯湘江蓮凋華井風號絕壑頃傾天姆之峯月
蔽愁雲旋碎媧皇之石鵲巢配德悼壹範以難追象服
宜躬惜徽音而不再惟太夫人系從花縣門盛蘭綺晨
風吟柳絮之庭夜雨直條桑之館年方逮笄歸我太翁
家世則熠煜簪纓江左羣推謝傳門風則精嚴禮法河
東獨擅枌枹太夫人乍咏齊牢甫諧鳴鳳潔蘋蘩以虔
禋祀佩櫛紼以奉晨昏無何運值維新家方多難忽棘
矜之肆暴火逼姜廬任王石之俱焚像留丁母流離漸
定近桑梓以卜居版築徐完奉姑嫜而致養遂乃蘭芽

文集卷六

重

競茁玉樹先華昆嗣騰奕奕之聲門第起隆隆之勢
君恩方渥沾雨露于重霄世路孔艱捲風濤于平地太
翁則倉卒遠行奉高堂而就道夫人則矜嫻獨處率諸
子以持門此雖賢甚少君識高德耀門庭燕喜或優淑
慎之儀家室漂搖誰展助勦之畧而乃臨危鎮定過變
安貞折罷珠鈿經百餘口之饘粥賣求寶鏡續五千里
之衣裘九胆通宵以慈母而兼嚴父茹荼兩載信健婦
可勝丈夫莫宗拓于方歆女中季友全室家于再造閭
內汾陽思更移山太行爲之夜徙魯陽揮日曦曜遂爾
宵昇迎夫子于他鄉返壽姑于堂上轉悲懷而爲歡樂
因和氣而召嘉祥尚書台斗之尊起居八座鄉賦孝庶
之選南北雙飛稠疊 龍章耀綸翟于閭里騰驥種
揚文彩于藝林繼乃抱痛離鸞銜悲寡鵠終身縞素長
齋舍利之前殫力支吾不墜太丘之教以故子孫鵲起
先後鵲行或問夜梧垣望九霄而陳封事或策名玉署
發四庫而宣秘書或職佐陳蕃掌進大官之饌或官同
常袞雅工制誥之詞至于羯末封胡珪璋咸達他若金
張尹姑婚媾爭榮崔家象笏充床古堪爲匹郭氏貂蟬
盈室今少其倫凡茲奕世之顯庸總係太君之福德板
輿分馭方期八千歲爲春秋壽年擬陳詎意七十年如
日暮返魂無藥內外罔不失聲赴哭傾城鄰里俱爲撤
相嗚呼痛哉某與高閨世通蘭譜今偕令子同步鑾坡

幸以僑盼之歡獲訂朱陳之好仰承璇閣俛配寒門欽
鐘母之芳型且慶絲蘿于喬木昇麻姑之仙蹟虛留衣
悅于空幃他時稚子登龍音容徒想爾日鄙人執爵推
痛何勝敬奉香奩用陳哀誄旃檀初炷願暫駐夫雲旂
醺醺徐傾祈降歆夫鶴駕

祭魏一齋生母劉太夫人

嗚呼惟懿質之鍾靈今誕琬琰于幽燕溯芳聲于漢代
分種嫩德于藍田茁淑姿于九畹今性溫順而貞堅秉
慈心以念典今攻內則而克嫺鸞宜偕夫威鳳今儼曠
代之名賢奉姑嫜以孝養今佐主饋以撝謙相夫子以
公忠今獨寒謫以回天晉烏府以糾繩今蒞白雲而矜

文集卷六

手

全羨勁栢之凌霄今撫寒松而言旋全臣道之終始今
實內助之助乎幾先毓三珠以競秀今課庶詰以爭妍
遊杏林以攀桂苑今睹先後之着鞭擴忠貞之世德今
綿清白之家傳憶夙昔之淵源今召勗勤以丹鉛哲嗣
之珪璋追琢今東床亦玉潤而珠圓喜芸窗之硯滌今
幸上苑之鑣聯瞻黃扉以出納今代紫綵以傳宣念
烏鳥以陳情今終子舍而恬焉忽鑾輅之西巡今追
舊德而勲拳徙鳳池以特達今轉鶴禁以屢遷東
朝之講幄甫陳今南國之水鑑高懸擁絳帳以登壇今
奉板輿以珎筵欣子姓之振振今復曾玄之綿綿誠德
福之咸齊今冥期願以永延胡昊天之不弔今遽鶴馭

平雲斬痛蔚蘿之淒絕今憶鍾郝而潛然闔儀既垂乎
奕獲今恩綸佇逮夫重泉洵坤範之永貞今雖八旬
何殊乎憶年亂曰隕寶婺今光沉萎菅草今摧心盼鸞
鑣今紫閣聆玉珮今青冥風淒淒今月晦雲黯黯今露
零望總幃今如在效執紼今無能謹臨風今拜奠冀慈
爽今來歆

祭高中丞母趙太夫人

嗚呼天姥峰傾媧皇石碎夜落丹丘之李秋凋翠水之
桃使嶺梅開千山盡縞金臺露冷萬象同秋悼壺範以
難追獨徽音而何在嗚呼夫人系從天水代著門楣溯
廣漢之節聲世傳纓紱茂邠卿之經術人擅詩書夫人

文集卷六

手

幼即端莊生而淑睿德容婉嫺獨擅女宗性稟溫恭奚
煩母誠既歸夫子即號宜家太翁則戮力封疆能罷奮
武夫人則慎儀閭環珮鳴和為戰士而補紉不數陸
姑勤力助嚴城之征繕聿追朱母英風芳聲遠達于六
宮懿範備周乎四德相夫既貴人傳贈佩之賢鞠子逾
殷家服九熊之訓扶珪綴組拖紫紆朱或膺百里表封
民呼父母或受干城重寄才裕公侯若我中丞尤推大
孝由朱輪而紫馬奏績多方爰六肅而雙旌開藩重地
魚鮒罹第往來吳粵之間紫綬金章焜耀庭闈之內代
姜詩之鯉鱣鰕美長江比陸績之橘筐荔鮮華苑魯僖
有壽母黃髮致頌于詩人公武奉慈親文駟典謠于學

士以致榮連桂樹芳茁桐孫觀丹穴之雛悉皆鸞鳳數
葉之種並屬麒麟奮迹瀛洲丰采照玉堂之署蜚英
藝苑文章佇金榜之華凡茲奕葉光榮總係太君福德
方謂年齊松柏永慶高堂豈期幻等風霜遽辭塵世厭
冠苞履洒血淚以爭號白馬素車決黃河而助慟嗚乎
哀哉某與令嗣同宦江鄉並轡聯鑣穆崔投分贈編獻
紵僑盼傾心羨文伯之服官敬姜倍凜樂士行之娛客
陶母欽承泊旋馬首于修門又接龍孫于鵷侶登堂之
拜曠隔三秋馳計之來忽驚一旦望丹旌兮飄渺曷禁
摧傷窺素帳兮深沉誰將哀悼旃檀鼎鼎幽香遠透于
重霄蘋藻盈筐薄味聊奉于碧澗誦祝冊而攀靈駕奏

文集卷六

七

神絃以駐雲旂

祭同門吳伯母

嗚呼廖家井涸難尋雲母之砂鄴縣泉飛空采玉英之
菊斜傾天姥不集霄鸞冷寂璇宮虛披寶錄淒其少女
風前碧落蕭蕭愁絕夫人城上丹樓邈邈握管茹悲陳
詞含感惟老伯母黃山毓秀晉國濟源座滿貂蟬學士
樞臺之第庭施祭戟文通武達之門族擅邢譚皇皇榆
翟人推鍾郝翼翼軒爾乃幼習宮篋長親刀尺晨風
紫菊抹烟絮柳之庭夜雨紅蘭綺石條桑之室爰以林
下芳型爲我延陵嘉耦攜來衿悅慶事寡姑製得釵鐙
敬遺太母營蒯臬麻之不廢操作必躬卮匱鱗鮓之是

陳屏當自手緬惟降昨而鹿車對挽泊乎同牢而鴻案
齊眉輒輒寒機洛誦聲清宵靜垂垂短布青袍色映往
飛庶幾佐讀供餐用成名于夫子編離抱甕克紹緒于
前徽豈意金刀早折瓊樹倏摧漢洞萋迷啜吸啼鵲夜
泣松峰聳矗條然化鶴飛歸愴何如乎恫可知也老伯
母則抱恨摩笄銜悲截髮髻以持家孱焉辦稅孤獨之
窮周恤匍匐寧辭金張之黨往來請謁不替杜泰姬下
惟燃照宣文君設帳談經薦剡中閨願息名賢之駕和
熊午夜勤求國器之成母以燕師時聞懿訓怙而加情
無隕家聲珠樹三柯譽駢枝于佳弟上林獨秀欣早登
于難兄惟我楞香門長文固宗工儒臣冕弁蛟生字裏

文集卷六

天

燃藜在白玉之堂鳳吐篇中珥筆直黃金之殿環橋門
而肅穆德孝之教必先擷芹藻其繽紛小大之從且徧
矚看槐位上升共慶金章早綰而乃畫錦娛親館柘風
和藹藹斑衣奉母庭萱日麗依依銀竿引年叔季承顏
而奉板輿行樂曾元遶膝以嬉滿砌芝蘭盡是班香宋
艷盈堦珠玉無非謝鳳徐麒是則青鸞瑞赤雁非祥
既福齊乎純嘏將壽進乎無疆方謂日在禺中來瑤池
而晏息何期陽生嶰谷望元圃而彷徨觀薛風之摧傷
社停管賽感荀龍之標躋里鮮春相某心仰閑儀情殷
諧誼聯鑣北闕同出陸公之門持節南邦旣聞陶母之
義泣新安而選雋亟欲登堂企楮德而思深未遑捧觴

念每切于居平心不忘乎積愆擬投簪而再過都期說
爵以申素志忽焉聞訃能不傷懷樹夢西靡悵金鷺之
永錮月沉北陸悼銀雁之常埋香杳雲軒乘迴風而縹
緲淒淒丹旆咽悲露以披離遺陳椒醕縷述誄辭南望
哽塞痛心連而

祭宋母葉老夫人

嗚呼媼皇石隕閭極誰依天姥峰傾闔宗孰仰悼徽昔
于吳會江東杵影俱空傷懿範于嵩山洛下砧聲頓寂
蓋本齊家以勸治國古罕其儔立婦極而樹母儀今誰
與匹彤管永垂緇編難嗣惟我夫人門同尹媿系自諸
梁吟柳絮以晨風咏條桑于夜雨年方踰紀歸我中丞

文集卷六

元

家世即望重調元門風則教嚴習禮夫人乍咏齊牟甫
諧鳴鳳林下雖標風致寧辭瑣屑于醪鹽閨中不避辛
勤每試聰明于組紉秉一心而輔襄君子揭四德而儀
式高閑既而庭茁蘭芽掌擎珠顆手煩畫荻恒佐訓于
義方種擅騰雲漸蜚英于 朝右爲父爲母旣曲盡夫
孝慈宜室宜家誰克方其令淑若乃境同啖蔗年比栽
松中丞旣歿歷卅年由鵲冠而開烏府夫人亦封章三
錫輝翟茀而耀魚軒而乃貴而能貧儉而有則庶哉朱
寵本無慕于賜梁清甚李衡肯贊謀于種橘身罕歷乎
官舍坐成叔寶之賢利不問夫田園畏觸公儀之怒洵
屬賢媛高致佇登命婦頭行而乃舉案二秋鼓盆一夕

庭人間之富貴魂逐星娥即天上之廣寒名分月姊形
管永垂于史乘素車卑集于旌轅嗚乎哀哉某淵源有
托曾登元禮之高門贈答長殷備稔山濤之賢助雖福
兼祝華逝者故應含咲于九泉而誼屬通家聞者其得
忘悲于一慟所嗟匏繫未盡芻蕘煩工祝以敷詞一二
言表章莫罄觀靈帷而致奠三千里悵望何長

祭趙母王太君

嗚呼驚山之靈聖湖之濱婺宿誕降蕙質蘭心毓烏衣
之閨閱鍾鸞穴之精英授內則夫師氏秉懿訓乎慈親
諧鳳凰于天水調琴瑟而和鳴洽閨門以靜好潔荇菜
于蘋蘋奉高堂以修灋肅視聽于彤聲躬習勞而紡績

文集卷六

辛

友君子其如賓賴助勦以成室雍雍稱宜弟而宜兄怡
皤皤之黃耆享耄耄之遐齡夜篝燈而課讀鎔三子以
及諸孫刷羽毛而豐滿扶搖奮九萬之鵬程長公乍聽
鹿鳴之咏旋題雁塔之名余忝掄才于杏苑慶 聖代
之得人今復分曹于南省時攜手而披襟問寒暄于宵
旦藹然如骨肉之深情矜臺垣之晉秩望叔季以登瀛
仲君方馳名于膠序季公亦策名于 彤庭蕙之蘭蓀
茁茁重以麟定振振雖藉貽謀于世德何莫非垂蔭于
徽音余旣屬通門而同里因稔知壺範與芳型婦儀堪
輝夫彤管母德足格乎蒼冥旣疊膺乎 綸誥曷不享
期頤之上壽以歷觀乎奕奕之簪纓詎昊天之不弔忽

馬駕驚駭而御雲駟痛衰翁之淚咽哀老父之涕零夫子悼亡惟于晦魄令嗣悲罔極于慈雲金風洒于蕭瑟玉露降而淒清路遙遙以千里願執紼以無能聆臨風而致奠庶靈爽之來歆

祭董年伯母

嗚呼日闇萱庭風淒柘館寶婺星沉鸞輪雲散音聞絳紗微揚彤管福備榮哀莫陳圭瓚維靈太丘望族仲舉高門謝傳名父阿大諸昆冰清玉潤芝本醴源應圖令淑言動恭溫嬪于江都兆成鳳卜純扇乘鸞柴車挽鹿頌獻春椒銘傳秋菊環珮雍容蘋蘩齋宿捺持門戶辛勤育畜昧日雞鳴挑燈佐讀青箱克紹彩筆交推崑山

文集卷六

三

片玉桂苑一枝鴻都釋褐虎觀題碑出而從政轉見騎箕嫠人恤緯寡女悲絲蔭分慈竹心比卷箴和膽爲丸晝菽作楮驥子旋騰鳳雛又蕭賦獻大人頌陳聖主花縣春行琴堂書鼓藻鏡爰襄銓衡式序持節江鄉衡文舊楚金箭盡收杞梓咸聚凡此賢聲都由慈矩延鄉再子石窮重聞桐孫方茂王樹齊芬鈿車耀日珠樹于雲板輿升降萊彩殷勤景薄虞淵年逾大耋芝斷三山蒲稀九節閭里罷春廬前攀耆貴子啣悲去官投檄交談欲枯蓼我長缺某獲交陶侃早識元方曾投雲錦共咏霓裳與子同澤拜母升堂忽辭輜輶不覩珩璫禮宗敬絕坤範永彰瑟瑟總帷飄飄葛紵石馬長埋王魚永

隔寄莫哀纒陳詞凄惻神之聽之來歆來格

祭封母李孺人

嗚呼丹鳳凌霄青鸞絕影琪樹宮寒曇花苑冷晨霜凜冽夜雪縈紛黃姑東沒天姥西傾哀哉維母世衍簪纓名高閭閻姆訓素嫻內儀不忒櫛沐晨雞組紉夜月上歡愉里閭欽式于歸夫子允協宜家高擎鴻案親挽鹿車篋無珠珥奩有荆釵勿事統縠却御鉛華姑性端嚴恪遵禮教視聽形聲周旋色笑風木興悲春秋致孝豐爾豆籩潔茲蘋藻芳規善世和氣盈庭情聯姑似閨閨田荆禮隆耆舊絡繹盤殮鄰黨分惠臧獲啣恩拮据相夫辛勤課子哲嗣蛟騰賢孫鳳起奔幟詞壇爭標文

文集卷六

三

壘披拂五雲搏扶萬里方期厚福應享遐齡有花子舍拄杖形庭龍章煥彩蓮幕生春史榮人瑞世誦女箴胡棄凡塵修登仙界紫府傳書瑤池促駕雁侶悲秋鶴雛泣夜玉鏡空懸金徽長謝嗚呼總幃寂寞淒涼音容何在賢淑流芳生芻遠寄薤露遙傷靈其有知介茲一觴

祭何今太母李孺人

嗚呼風淒柘館飄殘長樂之花雪壓護庭零落恒春之樹悼母儀之不再處處停歌慨坤範之云亡家家罷杵豈獨綱交范子者感懿蹟於慈幃佩德陶公者痛遺徽於彤管也哉於惟太母三韓右族四姓名家弱歲吟椒

初無煩乎姆教髻齡咏絮羣已奉爲女師既情肅而性
溫名齊鍾郝亦明詩而習禮舉並譚邢及歸我太翁何
老先生共挽鹿車桓少君徽音如在相莊鴻案孟德耀
淑行猶存處已惟勤五夜寒機軋軋持家以儉一身輕
布垂垂禮儀致美於無愆言笑咸欽其不苟劉更生之
傳列女古有其風范蔚宗之載貞姬今誰與匹至於逸
勞有訓文伯乃以克昌誥誡多方士行於焉獨顯是以
何父臺彈琴雅化共稱慈惠之師製錦雄才首入循良
之傳太夫人勉其仁恕勗以廉平對泣爰書惟欲下全
民命不燃官燭但思上報天恩人言君惠如膏總屬九
熊之所教我謂公清如水皆因封解之所成爾乃鳳

文集卷六

聖

詔頻頒榮深雨露 龍章屢錫寵極山河太夫人貴且
益謙老而彌篤御明璫而奚媿猶訪蒿簪衣翟弗而匪
誇長求弋綈青鸞繡佛心飯祇樹之林白雀齋僧口給
翳桑之飯賢哉是母允爲巾幗所難貽厥後昆寧止閨
闈之範宜乎羣賢鵲起列俊鴻鸞子姓矯若龍駒喜觀
芝蘭蔥翠孫曾騰如麟鳳欣看頭角崢嶸而太夫人視
聽不衰神明益茂曹大家之淑德曾享高年宣文君之
令儀用登上壽方謂東華增美孝子實切於祈天詎知
南嶽歸靈仙娥遽迎而返月四民揮涕仰壹則以無從
萬姓奔號溯芳型而莫邁其也幸交令嗣獨荷勤倦併
及寒門俱蒙栽植既感帡幪之澤彌懷拊育之源推林

氏爲母型得締薛家羣從頌桓釐之慈範竊隨沛國諸
生影溯祥鸞光窺寶婺千秋彤史異時揚松柏之徽一
束生芻此日望環珮之賁

祭張郡守范夫人

嗚呼竹頌湘江蓮凋華井風淒絕壑頃傾天姥之峯月
黯重霄旋碎鳩皇之石企徽音而不再處處停砧悼壺
範以難追家家罷杵於惟夫人高平世閑廉讓門楣弱
歲吟椒初無煩乎姆教髻齡咏絮絮早已奉爲女師既情
肅而性溫質齊尹姑亦詩嫻而禮習譽並郝鍾及歸我
鳳翁公祖也音調琴瑟氣協鸞鳳凜色笑于高堂歡承
養志篤雍和于同氣慶洽宜家惠逮宗親黨隣頌德情

文集卷六

壽

周卑幼臧獲啣恩勞勩持躬五夜雞聲軋軋辛勤佐讀
三更篝影煢煢憶先世鵬運春濱槐廳早陟喜今茲鹿
鳴秋月桂苑高攀迨至出宰琴堂屢冠循良之選入襄
畫省特膺卓犖之推雖曰公實爲之何非內所助也由
是褰帷外郡追異績于龔黃攬轡武林踵高風于蘇白
夫人規以釐剔輔厥廉能化奏期年恩翔九邑東西三
浙咸沾渥澤長流南北雙峰並戴慈雲高覆而且經傳
萱幄訓佐椿庭早步蟾宮羨一龍之先躍爭輝共閣吟
羣鳳之齊鳴夫人教育彌殷勩勩不倦桓桓少君之淑德
定享高年曹大家之芳規自登上壽豈意棄人間之簪
紱魂逐姮娥曳天上之瓊瑤神依王母彤管永垂于青

簡素車中挽夫丹旌三竺烏啼望吳山而增慨六橋花
散聖水以滋哀某也幸托通門兼叨併宇深沐黃堂
解推之誼稔知翠幄翊贊之型影迴祥雲痛板惟于無
自光親寶婺悲執紼以何從敬束生芻用抒哀詠椒漿
薄奠祈暫駐夫駕駟薤露與歌望遙臨乎鶴駕

祭陳侍講生母黃宜人

嗚呼連貝星沉扶輪月寂竹頌湘江菊殘鄺邑黃綸哀
淒絳紗音聞孝水長流淚河永滙於惟贈母陸終詰系
洛下賢關柔姿淑慎懿稟恭溫女儀默識內則性敦勤
德備沐餘飭盤殮歸侍容臺宜室宜家襄擎鴻案助挽
輿車勿事執轂却御鉛華釜無重味并鮮六珈代奉高

文集卷六

五

堂恪遵禮教視聽隱微周旋色笑風木與悲春秋佐孝
豐爾豆遵潔爾蘋藻撫譙輔聞卑牧承坤助勸左右翼
贊晨昏德周宗族惠逮里村葭莩頌義藏獲卿恩紡績
篝燈辛勤課子仲也蛟騰季今鳳起黼黻五雲搏扶萬
里堦滿蘭芝蹊盈桃李方期厚福聿享遐齡看花開苑
扶杖萱庭鸞章煥彩蕙藥增馨壽輝彤管德炳瑤屏胡
棄塵羈修懷仙化玉殿高吟瑤池遠迓參昂永徵葛藟
長謝琴瑟悲鈿芬芳泣榭某也向隨鳳侶幸附鶴行香
聞桂杏光羨琳瑯緣知惠淑實式家邦懿型雖逝慈範
難忘瑟瑟總惟飄飄哀縈露羽風淩鳳毛雲感執紼未
遑聞徽如覲芻帛用陳椒漿聊滴

祭陳母嚴太夫人

嗚呼寒殿宵寂北堂悲白鶴之踪涼露晨垂南姥促蒼
麟之駕痛井桑之踐夢寶婺光埋傷旣藥之應占金娥
望斷悼心無已愴志難伸於惟夫人天水貴宗華陰雅
望名先廬唱梁園作賦之家榮占龍頭富渚占星之裔
幼即性同蕙質長而揀厲冰心魚際教成早修婦順鳳
飛叶吉日墳名門採厥蘋蘩歌有齋于牖下友其琴瑟
頌靜好于房中不須環珮以鳴和正容中度豈事綺紈
之爭艷含體有章逮事君嫜固勤修夫櫛縫調和娒娒
更茂植其荆華方念丙夜讀書最君子趨庭繩武詎意
丁年捐館痛所天赴地修文遂含藥而持家亦茹荼而

文集卷六

五

保赤琅玕百尺澄玉壺一片之冰松栢千秋映銀海萬
尋之月于以盡母之教至能戒子之名畫我三冬雪艷
毫端之彩熊九五夜燈分惟底之光因知令嗣德繼三
君才齊七子文壇樹幟爭思懸榻高風藝苑分鐫誰似
臥樓豪氣方承歡于北牖選貳室者遠卜東床抑養志
于南陔入三雍而先占西壁以故秋芳高擢早步瞻官
顧乃春杏遙瞻暫離雁塔先尚瑯琊之甥館與案相莊
繼登虞水之部堂分曹共事口含雞舌蘭生畫省之聲
身列鵷班爐繞仙郎之瑞旣而京闈選士冀野掄材駿
到燕臺盡慶孫陽之顧珍羅荆璞誰悲卞氏之遺鵬海
增輝龍門生色是皆母儀之盡善故能子道之克光將

謂鳩杖婆娑日暖恒春之樹庶令萊衣舞蹈風和長樂之花兒饒時祝于錦堂鸞語聯袂于翠幄無如弄孫雖慰思子彌慙因陟屺以陳情隨率家以怡志團圓一室欣承三千里慈懷慶洽多年庶慰四十秋勁節疾云起已壽其昌乎孰意百齡方半六甲將週紫菊霜零青鸞影絕白華月冷彤管輝沉緬鍾郝之貽型忽焉邈矣溯陶歐之芳矩尚可觀哉此真天喪慈徽三秋爲之砧寂人亡懿範千里爲之春停者也某也誼屬葭莩交同金石附尊公之驥者蓬島三年登太翁之龍者芸窗七載憶亥歲玉樓之召身忝授經喜卯秋桂苑之攀兒叨同譜機聲軋軋久欽勸學之規簞影熒熒更仰傳經之績

文集卷六

三

奈何哉金風蓮謝徒病想於丹旌玉露萱摧空夢瞻乎經旒淚零絮酒曷罄哀忱涕泗生芻豢抒悲誄嗚呼哀哉

祭沈母曹太夫人

嗚呼鵲火初纏忽黯靈萱之綵雀風交扇頃沈寶婺之輝撫沒後之几筵追生前之淑慎芳型伊遠壹範空傳嗟夫林下之風雖多足紀閨中之秀豈乏堪稔然椒頌賦菊之才惟工藻艷而潘剪薛針之巧何係芳規惟太夫人新野華宗平陽貴閥居名芝里久傳忠孝之家室號書倉爭羨文章之冑聞望則風高鐵硯顯奕而世守金符幼即幽閒自擅少君之德長而婉婉更習大家之

歲親求桑刈葛之工止知勤勤鄙却月歸雲之飾不事紛華遂以繡虎之後昆聿配織簾之賢裔挑燈佐讀懸奎勸勤將魚菽于宗祊克亞夫人之裸採蘋蘩于牖下爰尸季女之齋逮事君璋益隆孝養暨隨姊如彌凜謙和而且惠以待人族黨交稱賢淑恩能逮下臧獲爭頌慈溫是非偏擅一長固云兼全衆德矣亡何鹿車喪侶鴻案離莊釵履徒存伴鵲啼之欲絕縹緲雖具供靈嚙之終殘而太夫人體遺澤于先人屢傳經于後嗣荻堪作宇彩溢毫端熊可爲丸先生筆底長君識貫三辰胸藏二酉桂香蚤擷旋探上苑之春桃浪初翻正近長安之日次公空羣駿品上舍人豪方鵲噪于泮林行鵬飛

文集卷六

長

于雲路至若蘭芽繞砌玉蕊盈堦鑄劍鋌銖勝汾陽之鏤錯琪珪玳瑾誰誇王氏之璠璣方謂賢子聯芳相輝棟韓文孫並秀通奏塤篪聽雙鳳之翱翔齊鳴帝閣看羣龍之天矯共躍天衢世號禮宗鳩杖出椒宮之賜代稱人瑞鸞章來楓殿之頒斯昭內則之休徵允著坤儀之積慶而乃甫登上壽遽賦仙遊愛日掩光悲雲肆起蒼麟促駕莫迴萱背之魂青鳥傳書長清萊衣之血此真風生蒿里巾幗春停而月冷鳬燈閨幃砧寂者也某也誼關世好情屬懿親思他時時息于歸恭聆德誨詎今日太君云逝痛想徽音淚零絮酒冀懿惓之遙醺涕泗生芻豢慈幃之式鑒

祭錢母陳太安人

時維秋仲律中函鐘訝南極之無光悲雲肆起驚發星之乍隕孝水欲枯陶歐之芳規寂然鍾郝之徽音杳矣含哀曷已悼心無窮太安人望重太丘系由潁水三君名德人欽星聚之輝五世榮占羣頌鳳飛之吉琬琰爲質蘭蕙成心幼即幽閒長而婉婉爰適表忠之裔吳越名家曰嬪太傅之孫賢良舊閥才高十子詩同沈宋之工社結三吳交有徐劉之契安人虔修櫛紉親治旨甘承兩世之歡顏竭一心而孝養以至勸學而養夫子課讀以裕後昆書受赤麟訓含白鳳煥文峯而散綺騰譽士林翻學海以湧波蜚聲藝苑於是或業高上舍或品

文集卷六

五

重辟雍或百里樓鸞榮宰栽花之邑或雙輪夾鹿寵分剖竹之符洒甘雨于廣寧雉隨鳬集攜清風于獨秀鶴與琴來錦縣雲深長娛慈幃之志黃堂日永遙輝綠袖之華行將寵命頻頒龍章煥乎道左恩榮疊至鳩杖賜自宮中世號禮宗里稱人瑞且也孫枝競秀克羣生五色之花曾亂呈祥丹穴耀九苞之羽是誠家多積慶代有流光矣何意人願常垂天心不惠夢風初厲奚傳青鳥之書豈雨乍零俄促蒼麟之駕思愛子其方遠魂倚里而空悲念慈母之已仙目望雲而欲斷也哉某與令嗣胼胝三載咨微一堂聞少君之才名夙欽淑德諗大家之禮法蚤仰徽音而乃蓮謝金風空想芳規于瑤島

柳疎玉露徒懷壺則于瑤臺矣叙哀悰恭陳薄奠

祭李宜人陳太君

金城去月悵鶴駕于西瀛寶婺辭星酒蛟珠于北樹沼邊躍鯉攜向誰人林上翔烏號歸何所怪來驚嘆皆成原氏之歌愁絕鵲啼盡和臯魚之泣含悲無已茹痛奚窮惟太宜人系自名宗歸于望族星輝潁水爭誇占鳳之後昆氣紫函開曰嬪登龍之賢裔北堂春曉進棗栗於堦前南澗風清歌蘋蘩于牖下封熒熒之燈火膏晷時親聽札札之機絲書聲相間既偕君子而霧隱復故人以雲驤於是健羽秋橫聯折廣寒之桂濃香春染羣擷泮水之芹書錦生輝萊衣增色乃志存將母惟懷

文集卷六

四

孺慕之悰而孝以事君時切慈親之訓爰赴銓曹先膺中翰繼遷虞部復陟秋官多所平反豈似不疑之太峻惟在公恕相期定國之無冤羣稱衆喙一鸞望高比部先美雙旌五馬權刺渝州人云蜀道之難當爲孝子母以王尊之義勉作忠臣通膺建節之榮入拜司臺之命既周諄於後報更致鑒乎前車裘自何來奚羨却纁之節筭以絕後不殊封鯉之祿故能治績彌隆清名日起遂以理漕半壁典憲三江絲粟不私斯可慰夫垂暮析楊須慎豈忍喜於得情允矣被仁言之藹如千村甘澍美哉奉母訓而勿墜一路春風是以仁人必壽陰德克昌舞綵堂前瓜瓞綿多男之瑞含飴膝下雲初集五代

之祥光飛長樂之花 龍章日麗色耀恒春之樹 鳳誥
風馳固昭天爵之獨尊亦極人榮之至貴矣何意夢來
二豎崇起兩星蒼幃空懸徒抱柎椿之慕翟衣虛襲長
深圖像之悲也哉某地接棠陰誼同蘭臭動容中禮早
聞孟母芳型出言有章夙仰曹家懿矩而乃林風頓絕
閨秀杳如回首當年接冲襟於仲子啣悲今日溯遺範
於宜人用展哀忱遙將薄奠

祭查夫人

嗚呼玉女峯傾悲雨聲之淒楚夫人城圯悵風葉之蕭
條樹謝恒春惟餘畫閣花凋長樂祇剩香奩荀奉倩之
傷神良有以也潘安仁之流涕豈徒然哉於惟恭人系

文集卷六

聖

自陶封堊崇茗水庭施祭戟文通武達之門座滿貂蟬
鼎食鐘鳴之第煌煌榆翟閭盛邢譚翼翼軒人推鍾
郝爾乃姿同芳蕙質擬貞松婉婉出自性生無煩姆教
明慧由于天授不藉女師吟柳絮于庭前自是閨中之
秀咏條桑于月下居然林下之風既而案舉齊生聲諧
鳴鳳不作金堂之婦甘事梁鴻願爲玉潤之妻言歸衛
玠北堂春曉進東栗而維度南澗風和歌蘋蘩而益肅
對熒熒之燈火膏晷時親聽軋軋之機絲書聲相間醪
醢零雜不避辛勤井臼提攜寧辭勞勩况乎棄繻不顧
終于雲早歲入關投筆有懷班定遠連年出塞室家修
飭絕勝丈夫門戶支撐足稱健婦逮我侍講公鹿鳴乍

文集卷六

聖

賦雁塔旋題燃藜白玉之堂珥筆黃金之殿衡平鑑澈
廣羅竹箭于粵東玉潔冰清徧識驪黃于冀北此皆公
之功也抑亦內有助焉于是副笄輝煌煌書屢錫山河
焜耀魚服時披若使顧婦潘媛實髻新粧豈少即令齊
姜宋子珠衣巧樣何難而乃體文仲之公忠效晏嬰之
節儉却明璫而不御猶訪蒿簪進錦綺而勿歡長求弋
綿庶哉朱寵本無慕于賜梁清甚李衡宵贊謀于種橘
而且仁垂樛木恩逮小星嬌若龍駒喜觀芝蘭葱翠騰
如鳳凰欣看頭角崢嶸教厲元熊幾忘公權之非已出
情深豈教雅愛光進之若親生方期日在鼎中來瑤池
而宴息何意秋生昧谷望桂窟而徜徉寶瑟星洒蛟

祭吳母汪太夫人

嗚呼寶婺星沉璇宮月黑黃綃悲哀絳紗音聞孝水長
流淚河成沍楹奠揚徽書彤諫德於維太夫人雙旌望
族萬石高門中郎名父阿大諸昆水清玉潤芝本醴清
應圖令淑言動恭溫嬪于州來兆成鳳卜頌獻春椒銘
傳秋菊榛栗承顏篝燈佐讀晒麥防漂蒸梨必熟娣姒

雍容郁鍾郁穆不訴殺牛唯甘挽鹿鄰窮撲棗客餓駑
桑自聞急難每樂傾筐麥舟施惠黍谷回陽積功累行
日引月長畢萬必大有媽其昌階生蘭玉價重琳瑯和
膽爲九畫荻作楮璧貴傾秦珩奇動楚奮翼鴻都含香
驚序文柄權衡士林棟宇法冠是戴栢臺爰處石窠褒
封延鄉錫予日薄虞淵年臻大耋芝斷三山蒲稀九節
南陔蘭芬北堂護折鄉邑罷春廬前攀栢其向從南省
深識大吳班躋烏府望稱鳳雛因知家法足式州閭禮
宗一逝坤範誰扶瑟瑟總惟飄飄葛綿歷燼哀纏窮塵
悽惻附此椒漿奠斯芻帛神之聽之來歆來格

祭查母朱孺人

文集卷六

聖

嗚呼家節洽宜無隕不獲壹範聿端處樂如約生也書
璧合章孔莫殺則鏡珉貽徽彌灼繫維夫人系本紫陽
幼稱窈窕禮尚端莊毀齒失恃孝見扶床勝衣課讀勤
始懿筐蘭儀天誕蕙問載揚旣賦于歸德容濟濟鴻案
如賓雞窗旦啟箴管長繼縹緗方砥但勉令修務敦大
體夫子攻苦提甕莫辭夫子嬰難持門勿疑作糜待釋
脫珥相裨貼危旋妥遵閨不靡深戒懷安勸君礪斷更
慮寡聞勸君游學累絲必成澤羽須沃陶答樂羊從諫
斯卓行不炊炭去不期環賢媛在室才子入關契濶魚
雁迢遞河山激昂未返奮迅方還顧念慈顏已臻皤首
日旨日甘何無何有籠水乍生江鱗自剖式慰倚閭實

資操曰矧諸令子幼抱孩提翼茲鳳翽秦乃龍驪養齊
式穀教代折筭芬芳芝秀燿燿玉齊俛仰仔肩無關夫
壻春月照樛秋風鳴砌家杼頻空客裘幾敝會合何期
詎庸早計得弛內顧征邁氣雄錐摩益猛枕秘滋充秦
川縹寄趾效玲瓏富公書擲恐涸心胸策射 大廷賦
登上苑臚句巍義藜輝凝遠厲志竟成凌雲非晚喜報
泥金高堂加飯十年瞻峴此日扳萱森森象服翼翼魚
軒奉迂京邸並入仙源興懷離合細話寒暄嘖嘖天街
盛傳家慶夫謝妻芳子歌母聖祿本太君位端主孟特
被 褒封佇仍寵命母心雖悅鄉思實致言辭北闕遙
向南枝夫人力贊左右扶持里稱燕喜家祝期願方謂

文集卷六

聖

開禧從茲永順母命服官風木轉瞬獨繕喪儀星馳哀
訊馬鬣佐封雲輶徐輟桑乾再渡荏苒三秋素飢淡泊
愈厭紛綢屏間側聽帳後坐籌寂焉屏慮闌若寡謀谷
養太和象宜難老忽御金鷄遽舍銀棗相罷隣春砧停
秋擣別鶴弦驚孤鸞鏡惱濡毫累紙聲淚皆眞悼亡潘
岳牢此傷神情生孫楚庶見敦倫十言紀行讀者含辛
以是女宗匹平人傑豈可忍寒底須夢熱綠竹溪灣白
楊丘垤彷彿歸來壑哀泉咽若子私痛益復無涯兄遺
弱女荼苦童牙行年及笄荆布裙釵才雖孱拙性亦柔
嘉字爾賢郎其行則季諸姒在南獨修女贊善教初來
曲於後至無母何依恩章是庇奈何同病一呻一呵姑

猶眷媳媳願代婆難勝髮經伏枕泗沱我儀母澤心碎
絲蘿惟是德門光遠有耀夫貴雲霄子才廊廟追贈斯
崇嗣徽彌邵奕葉其昌九原含笑

祭通江李母

嗚呼無非無儀履常處順惟敬惟貞持危弭釁鬚眉所
難巾幗尤僅淑範雖亡徽音自震繫維孺人生秉端莊
世承清德門樹忠坊幼而失恃甫脫扶床哀哀孝女嘖
嘖關鄉稍長性聰代綜家政時遭寇氛又遭歲饑主饋
實繁分釐自定厄免鄰媛恩均賸膝荀女方孩治軍卻
敵李娥未笄作食供客比母童年俱堪咋舌婉婉于歸
宜家無射既賓大尹昧旦雞鳴提甕親汲舉案相欽故

文集卷六

望

居傾圯爰徙芝坪裏饒胥宇中露披荆曾不逾年遂能
安堵雞犬中厨桑麻外圃未雨綢繆端資內輔無煩夫
子專事詩書篤興廉孝光啟門閭邑乃馴雉軒則迎魚
惠政佐舉耻曳華裾從邁于官每為婉諫賦性太嚴恐
遺後患好直伯宗妻多明見任賴王章室能早勸讒成
貝錦藉被刊剗幾遺北戍久繫南冠母曰無慮君子行
端雖羅虎阱必遇雞竿課子治家趾顛出否果放歸田
不形驚喜阮氏作糜許允得理其識卓然足空彤史大
尹旣白日事琴尊鹿車載挽仍樂衡門雛成三鳳翽羽
連翩庭闈安吉正茂椿萱天不慙遺大尹遄逝無幾星
霜母復厭世閭苑繼登玉樓踵至懿嫺追書不勝擊說

子聞母卒更有深悲伯子及門志行不欺計偕未售旅
館京畿倚閭在念晝夜思歸子謂顯親斯為大孝况遇
廣羅 聖朝明詔萬里雲遙何堪敝道詎料畱行竟
啣永悼誰職其咎詒厥終天母德孔厚食報九泉一卮
遙酌率爾同年星歸寶婺輝映西川

祭太君

嗚呼青鳥凌霄玉闕待鸞軒之翠蒼麟促駕瓊樓迎鳳
幕之香悲增天上仙娥痛失人間賢母傷哉惟太君窈
窕嗣徽肅肅並軌來嬪孺子媲美孟光黃卷青箱寒暑
一瓊佐讀慈難挽鹿動勅三載名成井臼親操却紛華
而不御蘋蘩是職雖塵甑以無辭舅姑在堂調甘旨而

文集卷六

哭

燕喜賓朋滿座截雲髮以交歡孝德篤於性情賢聲播
諸遐邇慨自姬琴為友正諧荇菜之風虞瑟空張施作
湘靈之奏仔肩先德撫育諸孤寒燈素壁心摧飛雁以
俱哀午夜清霜月伴啼鵲而盡碧飲冰茹蘗誓栢矢松
勸勉分陰勤勞寸晷子是擁被畫三冬之荻歐陽文采
可觀分九嘗永漏之熊柳氏家聲繼起長公蜚英庠序
佇看奮翮于雲霄仲子薦領鄉書早鐸司文於櫟械隣
闈應聘訓切寒窗入棘遶才名傳玉筍是以成均 特
簡官牆盡瑣闥之英天府羣推化育多端揆之器凡後
嗣之克振皆母教之由成况夫繞膝芝蘭盈階玉樹受
茲介福方欣 鳳詔之褒崇享爾大年正喜 鸞書之

寵錫夫何魚輪修逝運馭云遐昊天何心慈徽孰繼魄
冷曇花之圃知歸鶴于何年神棲琪樹之宮聽哀猿而
維絕某等聞訃心驚悼徽音之不返登筵神戚見遺範
之如存謹抒蒿里之思聊代生芻之禱徬徨拜泣愴恍來
臨

德星堂文集卷六終

德星堂文集卷七

疏

請 御製聖訓頒發學宮以勵士習疏

竊惟典莫隆於學校治莫先於教化唐虞三代自古皆
然我 皇上聖德神謨超越千古 臣於按試各郡發落
諸生之日頌揚 聖學宣述 皇恩大江南北數十萬
文武生童歡呼踴躍咸謂感生堯舜之世親覩勲華竊
欲得 聖天子寶訓數條頒布學宮勒石垂遠以爲士
子法臣伏思 皇上睿藻天章輝煌百代凡古聖賢祠
廟俱 賜碑額凡屬臣民法守均頒誥誡至學宮之起
化多士之式型禱望既懇觀瞻尤切伏祈 皇上於萬
幾之暇俯慰輿情 親製寶訓命士子如何砥行如何
讀書如何爲他日服官 頒之各學勒之貞珉弁之學
政全書使每月朔望日府州縣有司旣以 皇上十六
諭與小民講解而府州縣教官亦於朝望日以 聖訓
數條與多士宣揚不徒擴其見聞并以惕其心志在一
時爲德教垂萬世爲典謨其裨文治非淺鮮矣

請禁教官捐納以重師儒疏

竊思捐納一途 皇上不得已而偶一行之從此筮仕
豈必盡無人才而獨於教職一項似宜稍爲變通者蓋
教職雖微而訓迪士子其責實重三代閭師黨正之屬
每慎其選而宋明以來名臣大儒亦往往出於其中我

朝定制惟進士舉人以及歲貢得充其任後因事例一開凡屬生員皆可援歲貢以授教職而其途始雜然猶曰生員也近乃以俊秀而亦得爲之舉人貢生考是職者守候數十年未獲盡授而市井之子年甫成童胸無點墨未嘗一識宮牆之徑忽焉南面以臨其上彼謂冷曹閒署既無刑名錢穀之責累其考成優游十載便可陞遷而不知膏粱年少坐擁皋比欲使官牆之內或三四十歲五六十歲淹博宿儒執經而修弟子之禮心既有所不服教又安所得施臣愚以爲俊秀納教不過數百金每省亦不及數十人於國用實無大裨俊秀援教似宜永停其既已報納者或量改佐貳否則或做古

文集卷七

二

限年之例年幾四十鄉試四五次後地方確核報部方行掣選則遲其歲月擴其學問庶幾身先免於佻達而後可以率諸生胸稍窺乎文藝而後可以課多士重師儒而隆學校未必無小補也

請禁生員爲禮生以敦士習疏

竊惟生員所禁不許出入衙門結納官府法至嚴也康熙二十五年學臣以禮生冒濫衣頂禮部覆照國子監例選擇在學生員文行兼優者充補大學六名小學四名五年更易歲科提等所以重典禮杜倖冒也法本盡善而歷久弊生凡地方大小各官到任落學祭壇講約以至朔望行香皆以生員爲鳴贊情面既熟奔競遂滋

或私相夤緣或公行請託借結交於官長因恐嚇乎鄉愚一二不肖倡之而效尤者踵相接矣臣受事三年嚴行選擇嚴行懲誡而藉口趨踰實難悉禁因思國學之中祭酒司業專司文藝故朔望行禮與諸生往還原無他慮至於外省各官皆關民事偶與生員交際便涉嫌疑况五年之久每月朔望之頻奔走追隨而能保其一無關說臣未信也敢請勅部定議裁額限期惟萬壽令節元旦冬至以及春秋二丁仍擇生員贊襄大典其餘地方各官自有陰陽生自有禮房執事不必衣頂皆可鳴贊一概不用生員則賢者閉戶潛修既得專心於誦讀而不肖者公庭罕至亦不得役志於逢迎非徒

文集卷七

三

砥士行抑且勵官方也

請禁私選假刻以端文教疏

竊惟文章一道關乎士運必使風氣操於上而後可化成乎天下臣考明代制科之初專刻程墨並無坊選故士得專其心志窮經讀史共敦實學而應制於場屋者道一風齊絕無岐尚沿至明季遂有房行始於會試同考咸於一二名家要未有盡人操選通篇俱僞者自末學小生羣尚私刻元魁之墨主考之評竄改假捏盡易本來甚至有一榜數十人一稿數十藝總非本人所自爲者耳目溷淆好惡錯雜流弊遂以日滋伏查私刻選文現奉明禁臣亦仰遵勅書嚴懲痛誠而積習既久

復恐或萌近奉 旨各省鄉墨禮部悉照原本刊刻頒行海內想望不啻饑渴 愚謂會試額少文字不多 應將四書經藝照本悉刊房書則仍做康熙九年部頒之例新進士各膳窗稿呈之房考定之總裁彙之禮部選訂發刻其有專稿佳文房書不能盡載者亦令諸臣鑒定自梓此外惟各省試牘學臣頒刻其餘房行諸選概行禁止違者本生黜革坊賈治罪地方官失察亦定處分如此則主持在上風氣自齊士之攻舉業者既不以其質之雜亂其心思兼可以專精之餘窮乎經史有其學問而後有真文章有真文章而後有真經濟似亦訓育人材維持風教之大端也

文集卷七 四

請旌表貞節以昭風化事

竊惟敦倫莫如節孝勸善務在旌揚我 皇上道德齊禮超越百代 訓諭內外臣工興行教化每於 題請節孝之案准其旌表直省地方聞風向義烝烝已久臣自奉命 督學江南校士之外細加採訪查順天事例凡有孝子節婦學臣差滿開列具 題請行旌表今臣事竣業已報滿惟俟新差學臣到任交代所屬上下兩江除江蘇等府照例仍聽江蘇撫臣查明於旌表事案內具 題外其安徽等府先據原任安徽布政使司布政使加二級佟國佐陸續具詳節婦各案三年之內安徽撫臣未經具 題 臣 循往例嚴加覆核至事實未確

年例久逾者俱經駁查寧嚴母鑑茲復據署安徽布政司事江安督糧道叅政加二級鮑復昌回詳前來合之於從前按試所至親行採訪無異者得節婦六人謹逐一臚列為我 皇上陳之

徐氏鳳陽府潁上縣學生員劉士昌之妻氏年二十歲夫亡堅志守孀殯葬舅姑撫孤成立布衣淡食有如一日康熙二十九年詳報時氏年六十六歲今已七十歲查其何以逾例多年始行舉報據該府呈稱潁上小邑諸生未請五十舉節之例是以俟其垂老方敢陳請該 臣 看得徐氏甘貧守節盡瘁全貞茹荼蓼而盡親完丈夫未完之事畫荻

文集卷七 五

灰而教子盡女子難盡之心永矢弗諼請旌無忝趙氏鳳陽府宿州民人王潢之妻氏年一十七歲夫亡子方一週氏矢節撫孤孝事翁姑養生送死康熙二十九年詳報時氏年六十三歲今已六十七歲查其何以不蚤報據該府呈稱氏當康熙二十三年以前舅王獻尚存氏念婦道未終未敢蒙獎嗣值年荒隨子避荒豫省為是遲報該 臣 看得趙氏孀居方一十七歲勵節垂五十餘年孝養服勞存亡無間流離困苦終始不渝洵足彤管傳芳亟請 華綸下逮

程氏池州府貴池縣民人吳大賓之妻氏年一十

八歲夫亡翁姑皆六旬翁之父年踰八旬遺孩數月氏忍死撫孤繼遇荒旱兩代連喪有叔未婚有姑未嫁氏一應勉力措辦因哀泣辛苦兩目失明屢辭旌獎至康熙三十年始行詳報時氏年六十歲今已六十三歲該臣看得程氏青年矢節皓首全貞哀死事生艱難備至承前啟後志操彌堅輿論久孚 旌揚宜錫

陳氏太平府當塗縣學生員彭應帶之妻氏年二十三歲夫亡未期子復妖氏孝事孀姑苦守幾三十年待夫弟生次子繼立為嗣拮据紡績營謀娶媳康熙三十年詳報時氏年六十八歲今已七十

文集卷七 六

一歲查其何以逾例遲報據該府呈稱緣請額無人待繼子成立以至遲延該臣看得陳氏身居蓬華志婉松筠代子職以事姑貧而能養立繼嗣以延後老而愈堅久歷艱貞宜膺 旌表

姚氏安慶府桐城縣學生員馬方思之妻氏年二十六歲夫亡痛哭誓死以舅老子幼乃忍死守節其事舅也生則致敬沒則致哀一準於禮其訓子也夫故之日長子五歲次子二歲氏撫育訓誨以迄成立康熙三十一年詳報時氏年五十一歲今已五十三歲該臣看得姚氏孀居未及三旬完貞已逾五十婦道兼乎子職母教等於師嚴例既合

符事堪矜式應加 旌表以示激揚

江氏安慶府桐城縣民人姚文良之妻氏年二十三歲夫亡水漿不入口者五六日姑郭氏諭以孫甫四齡氏始勉從撫孤後姑患痿痺氏移榻姑側扶持浣濯十二年無間寒暑教子成立康熙三十一年詳報時氏年五十一歲今已五十三歲該臣看得江氏于歸未久矢死靡他孝事病姑寒暄無間撫育穉子教誨有成允協輿情克符 旌典

以上節婦徐氏趙氏程氏陳氏姚氏江氏共六口皆自少年守節至老不渝與例相符所當亟請旌表以昭聖朝風化者也除事實冊結送部查核外 謹遵例具

文集卷七 七

題伏乞 睿鑒勅部議覆施行

報明科歲試竣剔除十弊疏

竊臣一介庸愚仰荷 皇上選廁清班洊陞坊職拔充皇太子講官 高厚恩深捐糜莫報嗣於康熙二十九年十二月內吏部題請學差因 臣資俸未深列名最末復蒙 皇上破格擢用督學江南荷 聖明特簡之榮兼念孤寒身歷之苦焚香告天誓不一念苟且致負生成惟是才疎任重受事以來時懼隕越今歲科兩試巡歷已週 臣之盡職與否知 皇上蚤已洞鑒何敢瀆陳但伏查康熙十八年吏部題覆憲臣魏象樞條陳學道一官等事疏稱順天學院任滿亦將剔除十弊之處

開明具題臣遵照順天事例合行題報查原疏開列十弊一曰童生未經府考徑取入學臣按考郡縣惟據提調呈送府取童生案冊收考一應大收結帶概不准收并無府冊無名徑取入學之弊二曰考試童生額外溢取撥發別學臣考試文武童生悉照大小學定額虛公校拔至於頂冒一項嚴查痛禁並無溢取撥發之弊三曰彌封坐號紅簿不發府州縣收貯臣每當考試點名甫畢即將彌封坐號各簿親付提調官收貯閱卷已定發令拆號查填姓名並無收貯不發之弊四曰不將紅案速行發學臣考定生童卷發提調官對簿填案懸示之後隨即據冊印發紅案並無遲延更改之弊五曰

文集卷七 八

令書承快手先開六等草單嚇詐臣恪遵功令跟役無幾復加關防嚴密考定優劣悉係臨時手定并無豫漏消息之弊六曰將文充武入學之後賁緣改文臣文武童生照額考取隨即造冊分報禮兵二部並無以武作文之弊七曰憚於親臨遠調考試臣稟遵條例不避寒暑親歷各屬並無憚勞遠調之弊八曰縱容教官私通線索臣永蘗自矢於各屬教官除送考值場公事相見外概不私見並無縱容作興之弊九曰曲徇情面私書及親朋討情臣誓拔單寒不避嫌怨按臨所至嚴禁私書查拏流棍矢公矢慎終始如一並無徇情行私之弊十曰將額外溢取童生不入新案造入事故項下朦

報禮部臣考取悉遵定例報冊欸項徹底澄清部冊見可查核並無溢取朦報之弊此原題十弊臣逐一剔除三載奉行不敢少懈者也至於禁派供應勸興義學痛懲奔競嚴戒奢靡又於每郡發落生童之日頌揚聖臣宣播皇恩諄諄告誡務使人敦孝弟家勵廉耻砥行潛修不負皇上作人至意但臣受恩深重賦質迂疎雖持衾影之忱莫遂涓埃之報今當差期已竣謹遵例開明具題字多溢額併祈睿鑒勅部議覆施行

請賜歸田里以安愚悃疏

竊臣一介庸愚蒙皇上拔置詞林充侍皇太子講

官督學典試洊歷講讀學士超陞工部侍郎繼轉禮部

文集卷七 九

侍郎督理子牙河道顧聖駕兩次巡幸指示周詳因得倖免隕越復叨異數轉補戶部侍郎又陞禮部尚書疊沐殊榮涓埃莫報竊思堯舜之聖亘古難逢臣既逢其盛世千載一時故服官二十九年從不敢請假一日而硯硯愚拙蒙鑒獨深受恩更渥正宜勉竭駑駘稍酬高厚於萬一豈敢託詞引退妄冀便安但臣今七十一歲目疾昏花步履遲滯心神恍惚忽記憶輒忘若再因循戀位必怠弛曠職負罪益深叩乞皇上憫臣衰憊念臣謏劣恩賜放歸矜全始終倘不即填溝壑猶得與農夫野老歌吟昇平日祝萬壽於無疆併將訓課子孫隨分報效生生世世叩結弘慈無盡

矣

表

恭進大易講義表

伏以 帝德窮經神啓圖書之秘 聖心稽古道開河洛之先蓋學炳三辰不外六經以治世書陳二酉要本一畫以開天惟神而明者能極深而研幾斯窮則變者能通志以成務 臣等誠惶誠恐稽首頓首上言竊惟十三經爲文字之祖而奇偶實闡其全廿一史詳理亂之幾而生成已握其要故包羲悟象兩之原以畫卦而文王繫彖周公繫爻孔子繫象理數天人四聖人若同堂以告語陳搏得九六之象以傳經而蔡子著啓蒙程子

文集卷七

十

著易傳朱子著本義辭占象變四大儒若異迹以傳心然非達化窮神安能知來藏往故宋開帖括而影響支離終成舉業之弊明易文章而章句訓詁徒貽學究之譏道不虛行事如有待茲蓋伏遇 皇帝陛下盡性至命精義入神首出咸寧法天不息厚德載物應地無疆固已俯察仰觀類情而通德乃猶居安樂玩衍數以陳疇日御講筵時披圖象由太極以溯無極審進退消長之宜因後天以悟先天徹終始屈伸之理崇效天而卑法地成性存存乾易知而坤簡能悅心堊堊展牙籤而如遊河洛翻紺帙而儼見羹牆風雨雷霆鼓潤往來於紙上日月水火光華爛熳於毫端治百官察萬民陋延

英之疎略行鬼神成變化鄙宣室之矯誣斯皆 皇心之廣羅萬象夫豈臣工之能贊一詞顧精益求精知新由於溫故聖不自聖日就繼以月將 特煥綸音集成講義點浮崇正猶是扶抑之機審異致同依然類辨之旨蓋周程張朱之傳述歷久彌彰而義文周孔之本來由茲可見務滙千流以溯源委毋沾一路以障光明藏密洗心自可得其理而不假其物前民利用尤必尚其辭而復玩其占合殿香飄曾被 玉音清問花磚日暖重分班管餘輝擬之披沙以檢金庶幾由博而返約 臣等通經有志寡過未能昔年伏處田間恒切觀光之念今日遭逢 殿陛常懷負乘之羞修辭立誠中心之疑

文集卷七

十一

未免前言往行多識之學尚疎輟虎皮之座既愧橫渠講龍飛之爻復慚昭素舊聞掇拾何增山嶽之高汗簡編摩無當涓埃之報伏願盛德富有大業日新陰陽柔剛相得而有合窮變通久神化以宜民試觀大小往來即爲泰否之倚伏苟非上下變易曷分損益之盈虛天地之德惟生好生已盡易書之理天下之動惟一貞一足該萬物之全藏用顯仁範圍而不過斷疑通志曲成而不遺則鼓之舞之事業暨乎千八百國廣矣大矣推行及乎億萬斯年

恭進詩經日講解義及春秋禮記表

臣等叨侍 講筵欣窺 聖學伏觀 皇上德懋緝熙

心嚴宥密夙興夜寐較宵旰而彌勤日就月將歷寒暑而弗輟探微言於四子囊括百家窮大義於六經網羅諸史固已胸涵今古道貫天人乃猶念陶情淑性之資端由風雅頌德颺功之典尤藉咏歌特命研稽隨時講繹溯關雎葛覃卷耳悟王化之有源首鹿鳴天保采薇徵治功之大定念爾祖則雅始文王對在天則頌原清廟雖風謠不遺列國而貞淫互異故化基周召者治訖於豳風即南雅原屬我周而功德攸同故頌次魯商者篇終於殷武勸懲備列咸資羣怨與興觀正變交詳具見溫柔而敦厚十五國已該夫六義三百篇可蔽於一言然太史所陳雅頌雖維乎王迹而黍離以降春

文集卷七 三

秋實繼乎周詩綜二百四十二年之事吾嘗而外類及桓文大統以天王爲斷合九百四十八篇之說丘明而下莫如公穀義例以安國爲宗是在晰其微詞因以窮其奧旨顧字嚴褒貶公好惡者固本於詩而意在惇肅正典常者更原乎禮爰因麟史遂暨曲臺彼周禮儀禮之傳淵源或異即大戴小戴之記繁簡亦殊然大要四十九篇之備詳正可息數百餘家之聚訟所當考其同異循次以敷陳自宜溯厥源流因時而獻納巨等學慚稽古識愧窮經曾窺先聖之書家傳詩禮素切尊王之義志在春秋幸厠西清而給筆札兼侍東觀而佩絲綸掇拾遺言知無關於啓沃推詳微蘊冀稍裨乎高深伏

願旦明愈惕追琢惟勤化洽睢麟風教追二南之上治隆保定絃歌逾三頌之聲奉天心以大居正黜幽陟明不徒假褒譏於魯史崇經術以致太平班朝蒞政直可超制作於周官則因其委即究其源三經足統百王之要而慎其終不殊其始一歲已端萬世之基矣

賦

上幸闕里觀檜賦

伏惟皇輿上列北開燕薊之鄉法駕遙巡東指泰岱之域憑天地之險然後四海爲家致山川之祠然後羣神受職聖人則千年一生無分今古封禪者七十二代見諸銘勒於時丹楓落葉天開金埒之場青女飛霜地擁

文集卷七 三

玉階之邑飛鳶載酒行漏抱刻尼岫凝鑒如過襄城之野泗濱休駕似觀汾陽之極翱翔於闕里之堂徘徊於杏壇之側始知泗上之冢獨有叢蒼昌平之墓不生荆棘考之皇覽有云昔者孔子弟子皆各生於異國人持其方樹種之於是乎柰枌雖離女貞五味菟檀之屬種種而殖見異樹之叢生獨茲檜之可式觀傳記於昔時謂文宣之手植天子於是乎紛披玉管親臨翰墨揮寶思於無涯運神機於不測既婆娑者久之思所以追踪於至德且夫伐湘山之樹者無得而稱開枌榆之社者僅成往事未若窮聖樹之根苗問尼山之桑梓原原本本樹猶如此煥乎其有文章唐虞之際斯爲盛矣爾其

層城之宮上苑之中奇花萬品異木千叢芳躰麝氣色
茂蓮紅低枝相投高幹遙通或烽火之照夜或玉樹之
青葱既榮落之遞改必春秋之代終於是乎觀此樹之
挺秀觀皇言之所云既亭亭而直豎乃矯矯而出羣詢
迷穀之堪佩豈枯槐之自焚並日月之照曜共天地爲
氤氲若夫白鹿貞松青牛文梓燕昭之柏化青衣而不
歸會稽之桑呼元緒而即死存之則千有餘年伐之則
一旦而已爾其皇根之苗帝枝之被湘竹悲於婦人指
佞驚於臣子大禹之寢駕梅梁而生葉商王之德疾桑
穀而自靡既將榮而復落復以泰而成否猶不能及此
樹之爲美也昔之三千枝葉七十條枚千駟之馬聚花

文集卷七 古

無取於齊景一簞之食好李亦學於顏回將習禮於斯
下又築壇于茲隈非桓魋之可拔豈秦政之能灰且夫
梁木雖云已壞檜樹直到于今橫之若奠楹之木豎立
則負杖猶吟至如昆明燒却金鏡淪沉毀室者膏流而
斷節焚書則火入于空心亦猶靈鳥之暝於若木與顧
兔之生於桂林豈萬古爲長夜終自植于千尋則此樹
之斧斤戕伐烈火見尋也若夫高槐成市香柏爲梁既
開石渠重理珠囊開花于魯恭之殿萌芽於河間之王
大易九師既有同于杞梓春秋五傳亦無慙于豫章西
都東京枝枝絲竹六經諸史葉葉笙簧亦猶扶桑照于
巨海木帝動於勾芒則此樹之絕而復續燬而彌芳也

復有紫氣浮關常星夜落賴鄉之縣指李樹而忽生身
毒之邦望婆羅而成壑或云此本根始于魯莊之七年
或云此老幹乃爲周朝之博學亦復山崖表裏根柢盤
覬彼兩樹之扶疎對茲根而自却若其詩歌季氏之庭
釀挂徐君之墓秦則大夫受封漢則將軍曾住夸父力
盡於茲鉏耰觸而不顧巢父之所隱居召伯存其思慕
思其人不亡其樹在於斯下者蓋以百數夫縹緲不衣
故得終其天年花萼非時終無慚於寂寞豈莊生不材
之間非宰子腐朽之質故能發今上之奇觀求前聖之
手澤子嘗云松栢之後凋此更後凋於松栢比龍門之
桐既半生而半死狀交讓之木亦非枯而非榮奔雷碣

文集卷七 五

突而彌固嚴風撼頓而不驚豈直栢樹五株只備宴遊
之地長楊數畝僅開行幸之旌至如雕陵之鵲欲棲樹
而將飛御寇之風若驚颺而忽震堅白問其異同縱橫
侔于戰陳諸不在杏壇之列古檜之類者皆絕其根勿
使並進况復風雲既感雨露全饒彼儒林之列傳只聊
寄於鷦鷯用孝弟爲根本樂仁義爲逍遙在其下者復
無草之不植離其本者豈部婁之能高惟金柯與玉葉
獨惜枝而愛條望寧臺與曲阜乃並峙於雲霄大樹爲
棟梁之木小材及案稅之苗幸君師之重蔭得自植於
今朝

葵賦

伊薰風之扇節今涉南園以延睎覽碧草之如茵今綠
陰濃而成蓋嘔茶蘼之謝秀今緬繁英之難再忽精曜
之特燭今紛吐奇於庭會乃循除而攬輝今坐中堂以
求概實斯華其英妙今匪衆葩之可配惟茲麗草來自
叩岷取精昂井毓秀坤珍移芳根於銅爵楊妙采於王
津初含苞而瓜折既挺質而麻伸莖疎今秩秩葉密今
蓁蓁葉參翠今承跗華燦炳今流英爾其大者赤厄今
觥修翹別色異藻敷榮或占魏紫或奪朱櫻或誇姿於
露井或闢麗于華林清風發其渥彩露滴珠而晶熒流
火樹於夜月錯繡柱於中庭金闥啟而增赫玉堦映而
微賴爾其小者別名為錦布若列錢城若紫樅纖枝攢

文集卷七 十六

麗客藻眩曜疊疊乎綴火齊以上下圖圖乎裁冰蠶而
周審爛令浣花之披濯燦兮江管之鏤銀凡茲二者殊
根同品其近視也若攜錦與布繡遠而望之則雲蔚而
霞蒸攬晨暉而浥夜露儼抗立之金莖先秋期而匝
惟所照而皆傾朝華未謝夕秀復呈黼黻炎帝吐翕離
精綿歷逾紀既享且貞彼芙蓉將由之而奪艷芍藥亦
因以含憎若同時之木槿又何足與乎斯稱

擬應制春流賦 有序

蓋聞川原有本悟大化之無窮沂水何心見隨時
之自得矧茲青陽布令綠水生香既泮渙乎 皇
心復洋溢乎 帝德詞傾三峽學曩百川媲美古聖

滄哲之神邁盛王淵默之化仰窺雲漢不啻望洋
近厠瀛洲有同觀海臣心如水願自附于清流

聖董同春敢頌言夫膏澤謹拜手稽首而獻賦曰
騎太極之始判維二氣之立名既變合以蕃化乃肇分
夫五行水獨居乎天一與地六而先成隨初陽以方動
鼓春氣之盈盈爾乃芳泉既發靈雨時傾極祿渺于津
頭瞻滄茫于水濱野鳬飛兮煙雲澗輕舸泛兮艸堂平
燕尾剪而綠縹魚口啖而痕輕溶溶艷艷杳杳冥冥喜
垂柳與垂楊更宜陰而宜晴能資生乎物類特俯慰乎
輿情一犁好雨今秧初種十千維耦兮服爾耕縱秋波
之能媚亦何濟乎民生若夫幽谿遠壑長林絕巘千重
紫翠一泓深淺芳草萋萋融光冉冉對斯流也則有如
香雨沾花 以下失稿

文集卷七 七

經史賦

乙丑年正月二十五日 上召翰林大小官一百
四十餘人親試于大殿大學士及掌院初取徐潮
第一將各卷親閱另取徐朝十五名再行覆試大不稱
意將各卷歸允肅親王叔元王九齡周金然及余共十
人二月初六日將十卷頒示公卿無不驚服閱完
仍收卷藏刻具干
古味思異數也

皇太后萬壽無疆賦

庚辰六月十五日 上召翰林大小一百數十餘
人至暢春苑十七日面試內庭時余病眼作字甚
艱初擬甚拙徐山徐座主第一繼得余卷 上
曰字雖甚拙原稿散失備
存序文俟尋覓補刻

德星堂文集卷八

海寧許汝霖時菴著

續集

啟

與總督傳

伏以秉鉞提封寵渥兩江風月分麾出鎮榮開八座牙
幢節制則逾陝左陝右之封疆勳名則兼一范一韓之
韜畧恭惟老先生台臺承天八柱映日三台調禹鼎而
補舜裳功歸副相播郇膏而霑召雨地照吉星豫章之
木千尋遠比豐功峻烈建業之水百出真同亮節清操
戟門排劍佩之官幕府立詩書之帥播仁風于萬里喜

大學卷八

一

鎖鑰久在南邦奏底績于九重看絲綸早來北闕
弟昨獲都亭接教今將賓閣承顏省駢語而去綈儀親
聞諄誨布塵悰而申蓬幅敢達荒函何期遙札莊嚴欣
望雲而得路倍覺蕪詞唐突欲謝過而無門敬藉鴻鱗
肅陳顛末伏願汪涵曲賜阮吟頻加規獲當前示我以
周行之路津梁在望開人以利涉之方臨啟翹企

回總督傳

伏以勲隆鼎鼐富韓名著九重德懋經綸周召聲傳
八字大司馬之掌邦政副丞相之握帥權遠近胥瞻士
民咸戴恭惟老先生台臺由生自嶽傳賚從天司六職
而振紀綱內榮獨坐乘八騶而宣教化外總百僚氷壑

照人清比西江之水薰風播物春開南國之花楚樹吳
雲人歸節制郇膏趙日地徧咏歌弟顛企屏儀幸聞塵
誨一方聯事依德宇而庇春暉百里馳思望賓筵而邀
隣照憶昨都亭接教共期駢語之悉燭惟茲申浦裁箋
不敢縉文以致瀆忽荷五雲遠賁愧悚彌增謾將十幅
上陳仰瞻倍切伏願公才公望允武允文賜帶礪之河
山萬邦為憲錫公侯之圭璧八柱承天臨啟曷任瞻依
虔注之至

候安撫江

伏以寶鉞巡疆三錫重外臺之寄金魚建府千秋崇列
岳之班耀麾騎於潛峰樹棘門于皖口羣僚令肅萬姓

大學卷八

二

恩濡恭惟老先生台臺望重南山寵隆北極筆花五色
綜副相之經綸劍佩三台東澄江之鎖鑰西清學士名
重花磚南國人倫節高栢府允文允武鎮半壁江山之
紀之網峻中丞節鉞七郡咸歌惠露百城悉被仁風內
天保而外采薇入周公而出方叔弟材慙樗櫟職忝蓬
瀛春誦夏絃未悉丙丁之部南金東箭護操甲乙之衝
翼僅挹景風於鷁鷺班中今幸親霽月於神仙隊裏敬
憑于墨肅達寅衷伏願續懋鍾鏞勲隆竹帛和鸞燕笑
蓼蕭德慶龍光攬轡澄清蓬華文占虎變臨啟曷任瞻
依虔注之至

又小啟

恭惟老先生台臺鳳池振藻麟閣書勳翰墨聲高掌絲綸于東學術雅重仗鎖鑰于南邦匹練江澄流膏一路尺題書奏宣化三春緯武實本經文佇登槐棘愛民定蕪造士早植菁莪弟幸邇芳儀願聞清誨偕同輩而親光霽昔年未獲輸肝喜聯事而挹丰裁茲日行將銘腑用申蕪牘載布蓬心伏惟鑒涵曷任榮藉

與江蘇撫院鄭

伏以元老牧寧勅金魚于寶帶康侯晉錫飛木鳳于琅函卿雲添虎阜晴光台宿煥楓橋春色百僚貞度萬姓騰歡恭惟老公祖先生台臺燕喜殿邦龍光治國門高通德鳳池騰五色之雲經紹康成虎觀滴三秋之露含

文藝卷八

三

香粉署績茂漢衛秉憲彰騁化孚欽恤建外臺于浙右分重鎮于吳中荆沅湖山悉受中丞節制江淮草木咸知副相聲名白叟黃童載歌惠露吳頭楚尾遠播仁風仲山甫補袞東方名移公錫自南國侍鳳欽台範忝附後塵覲德醉心曾親孔座望風縈思先布吳牋計地無百里之遙承顏伊邇聯事在一方之內接教正長伏願鼎實調梅袞章升藻秩蕪將相羣萬載之金湯名并河山盟百年之帶礪臨啟曷任瞻依虔企之至

又小啟

恭惟老公祖先生台臺勲高姬陟望重伊衡衣剪綠雲早擅賦才于冀北車連紅籀夙聞治績于江南鄂渚荆

清法星朗曜曉城澤溥愛日留暄憶鯨波初息于沅江仗元老永綏鴻羽幸虎節特臨于吳郡令小民共仰龍光棠芾郊圻春滿百花洲畔梅調鼎鼎風薰五鳳樓頭敷功豈獨半壁東南樹德直為中天柱石侍南州後進西浙庸才幸托同岑喜斗山之在望願分隣煥俾龔賢之獲親藉赫蹏以申懷憑紅鱗而布悃伏惟丙鑒曷任寅瞻

答織造曹

伏以雞舌含香早侍明光之殿鵲頭簪筆頻趨建禮之門補袞勲高繡裳望重恭惟老親臺先生三韓閱閭閻諫聲名持節乘輅放官齋于越來溪上赤幢朱旆開寶

文藝卷八

四

閨于鄧尉山前錦織水蠶繅分五兩羅成蟬翼工擅七襄霧縠冰紈山龍作會風羅雪葛繡駁增華上方需用無虧下土輸將恐後弟同岑幸托大雅欣瞻喜不隔夫寸雲愧未申乎尺幅過承芳訊敬誌鄙書寵賜珍儀藉歸趙璧伏願崇階屢晉殊眷頻加鵲繞身飛綰朱綬而趨鈴闥魚隨步躍着青袍而上玉除臨啟曷任虔注之至

與織造曹

伏以班崇北闕早通籍于日邊秩峻南邦久侍名于吳下官齋春滿畫閣風清恭惟老親臺先生子建高才國華重望仙郎起草開雉尾而近龍光使節分榮出螭

頭而蒞虎阜雕篋籠曹倉之積錦篋載慶氏之經綽綽
峰頭明霞錦織澹臺湖畔安吉衣裁繒潔如水共羨吳
綾之貴紗輕如霧不爭越蘭之奇承煥堯衣光騰禹服
弟一方聯事百里馳思昨承錦繡之貽愧乏琳琅之報
芹私用采葵向藉申伏願惠好有加鑒存是望芝顏賜
觀薰葭慰此日之恩塵誨願聞聲替啟他年之蔽臨啟
易任瞻注

答織造曹 賀午節

恭惟老親臺先生書號曹倉經傳慶學平江門對歌揚
競渡聲聲茂苑樓臨吹叶薰絃處處鶴文五禾用補舜
裳駕綺千章爰成禹服香羅疊雪知題處之自天細葛

文獻卷八

五

舍風喜着來之當暑鵬飛似火色映彩彩舊臨生庭香
浮玉梳弟吳疆初莅楚節忽逢解粽筵開值良辰于五
日辟兵符掛報故事于三唐璧藉開完書隨雁去德銘
五內神企天中臨啟馳溯

賀織造曹 午節

恭惟老親臺班崇日下秩峻吳中櫻筍厨開紫葉包紅
蓮之米菖蒲酒泛榴花韶綠水之波畫閣坐賓朋香羅
疊雪舞筵啟璫瑣細葛含風着來當暑還輕題處自天
猶濕弟未陪孔席早企荀香值五月五日之令辰蘭觴
願進修三楚三唐之故事菖葉敢將用布賀緘載申候
幅伏惟筦納曷任神馳

賀狼山總鎮 午節

恭惟老年臺丹葵表素青竹書勲金鎖甲邊早啟辟兵
之篆綠沉鎗底載楊競渡之旗菖葉生階香飛玉帳榴
花似火色映金壇浮玉梳而醉賓筵着彩衫而登畫闥
風清江市慶集星門弟令序欣逢同舟幸托八行魚素
莫宜道遠之思九節菖陽用展天中之祝伏惟汪茹曷
任榮瞻

回高按察司賀到任

伏以簪笏傳家奕葉慶風雲之會經綸翊運中天依日
月之光仗元臣丕播堯仁藉福曜弘開湯網聞風既久
觀德轉殷恭惟老年臺先生名世夔龍昌期麟鳳隼飛

文獻卷八

六

熊伏早開鈴閣于維揚攬揚揚鑣旋照法星於建業春
深棘署天暎頻青日煦梧亭路衣罕緒德望與吳山並
峙恩波隨震澤長流化寶無雙坐應登八弟材慙樗櫟
職忝蓬瀛翰墨西園未悉丙丁之部琳琅南國謬揀甲
乙之衡幸觀察之弼教維慙知多士之向風有素盍簪
伊邇接教正長展誦芝函瞻依倍切藉完瑤貺銘載轉
深伏願允武允文作舟作楫入為相出為帥公槐宰樹
交歌侯執信伯執躬紅籀碧幢並賜臨啟曷任馳企

賀江蘇撫院鄭壽

恭惟老祖臺先生傳賡從天申生自嶽聽尚書之履才
望彌隆講學士之經淵源有自五百年名世聲震北門

八千歲大春星懸南極俾爾昌俾爾熾何須却老之方
月之恒日之升自得長生之術紅榴照席洲滿百花綠
酒延年庭來五老伶和鹽梅之鼎羣看黼黻之光侍幸
際揆辰敢忘介雅值采蘭之節圖啟金箱醉解粽之筵
記傳王笈用將桃核上佐鶴觴伏惟茹存曷任榮藉臨
敬虔祝

答狼山總鎮劉

恭惟老親台臺沛國名賢澄江重鎮金壇令肅戟門樹
二八之枝玉帳麾分幕府建三雙之肅謝眺詩篇韓信
鉞允武允文李陵章句右軍書公才公望綠沉鎗臥徧
開壁壘之門金鎖甲拋遠報平安之火掌河魁五百三

文集卷八

七

吳草木知名帥君子六千半壁東南安堵師中錫命闔
外宣威弟幸托同岑欣逢令節厨開櫻筍莫陪解粽之
筵酒汎菖蒲遠示浴蘭之節返蘭相如連城之壁敬藉
蓮伉報習彥威五日之書肅申謝悃伏惟丙鑒曷任寅
瞻

答江撫院鄭送賀禮

伏以犀甲能旂名震江淮草木春風夏雨膏流吳楚山
川既秉鉞于東南自書勳于鐘鼎聞風馳思覲德醉心
恭惟老祖臺先生盛世公才清時人瑞題名雁塔早通
籍于金閨簪筆鸞坡旋侍言于朵殿中外盤根歷試後
先華躅相望建浙東之使節開江左之雄藩書帶堂前

執經問業紫微省裏講學明倫啟幕府于三湘七澤之
區人需惠露樹戟門于茂苑平江之地戶播仁風洵治
術之可傳宜政經之足守侍幸居德宇敢附仙舟入鄭
公之鄉願聞塵誨執李君之御獲近芝顏書賜卽雲光
生荒署儀頒趙壁榮哉雅懷敢藉使以拜歸敬裝牋而
布復伏願調鹽梅五味德比傅侯補裘繡千章功同虞
岳臨啟曷任虔注之至

小故

恭惟老祖臺冀北名賢江南重鎮珊瑚連逮器建牙于楚
甸吳疆鎖鑰雄權樹節于水門山市紅蓮幕啟賓客談
經白簡霜抽奸宄避跡領澄江半壁使星即是文星駐

文集卷八

八

天塹上游游曜仍編羅照入水壑播物陽春實維大
幕之觀瞻豈獨一方之倚賴侍幸同岑幸托廣厦欣依昨
奏候言愧柔函之之伴遠承惠問荷雅貺之多珍敢憑
雙雁之來敬返百朋之錫用申謝悃惟望汪涵臨啟翹
注

候兩浙鹽院

伏以烏衣峻秩總綱紀于一臺著佩崇班高聲名于三
院風送筆端之字霜凝簡上之花石室增榮鐵剗煥采
恭惟老公祖先生南床秉憲西掖糾司碑立五花頻奏
鮑宣封事臺攜八印屢書沈約彈文照福曜于吳根越
角之村懸法星于蠶鄉水市之地漸江水畔風飄學士

之鹽煮海村邊香踏御史之馬擁千堆素雪玉潔水鮮
飛萬竈青烟紫輪紅皎藉調羹于禹膳需補繡乎舜裳
弟未接清言夙儀大雅幸居德宇既托庇于春暉喜近
台光復仰邀平隣照敢借江鱗河雁用裁楚穀吳棧伏
願與重法冠望威憲府仰朝陽之鳳燾開幕閣三雙馳
禁路之騶枝列戟門二八臨啟曷任瞻依翹企之至

回淮揚道劉來賀到任

恭惟老年臺台翁沛國名賢建安才子香含雞舌簪筆
而事丹墀班列蛾眉握蘭而趨赤館乃山仙郎于畫省
爰建使節于淮陰攬轡觀風品與鉢池比峻揚鑣巡部
操偕漣水同清樹大旂于官齋啟芳筵于賓閣吟客雲

文集卷八

九

隨毗謡歌載弟楚州昨過犀表幸親荷郇字之屢頒雲
開五色驚趙琮之再及價重十城藉使拜歸襃牋布復
愧謝言之草率銘賀語之慇懃臨啟曷任馳溯

回淮揚道劉午節

恭惟老年翁台臺太常經學公幹詩才使節榮分乘輅
車而施惠露外臺峻陟策驛騎而播仁風九州之大惟
揚四時之盛在夏榴花照席人奉指揮蘭漿迎賓詩歌
永蘖嘉蒲觴之初泛祝鵲序之驟登弟乍別三洲忽逢
五日海苔藤角愧一縷之未將江鯉春鴻驚五雲之遽
賁返蘭相如之璧銘戢已深報習彥威之書馳思倍切
臨啟翹企

回江鎮道楊賀到任

恭惟老年台臺淵源家學赫奕治聲丁卯橋邊共看福
星朗照神仙隊裏競傳岳政弘宣攬轡觀風三吳澤徧
揚鑣巡部一路歌盈樹大旂于官齋啟芳筵于賓閣花
前春滿人奉指揮簾外風清撥同水蘖旣外臺之陟峻
自中禁之升華弟幸托同岑欣分隣照寸雲不隔接塵
教之正長尺幅未將荷瑤華之遽賁趙琮藉璧謝悞難
宣臨啟虔汪

回許開馬賀到任

恭惟老年臺先生絳帳傳經碧霄搏翮含香雞舌時趨
建禮之門簪筆螭頭日奏明光之殿藉西京之名胃掌

文集卷八

十

南國之貨權虎阜濕懸夏官節駐豈僅通三吳之舟楫
抑且裕九府之金錢弟幸托同岑欣分隣照寸雲不隔接塵
教之正長尺幅未將荷瑤華之遽賁趙琮藉璧謝悞難
布謝言伏惟鑒涵曷任勞藉臨穎翹注

與許開馬

恭惟老年臺先生畫省仙郎吳陵使節三秦華閭家聲
居韋杜之間九法雄權治績在廟廊之上爰啟官齋于
茂苑用掌貨柄于平江北客南翁舳舻相接年支歲計
財賦孔盈既足課之多方亦通商之有術欣聞報最行
看升華弟昔年偕侍日邊茲日同官吳下每懷藩伯既
叨庇于喬雲遠望使星復分光於隣壁一片誌個十幅

裁箋伏惟汪涵易任榮藉臨頤虔注

候鹽院吳

恭惟老先生台臺官榮銖柱秩峻繡衣簪白筆而繩違
惟賢是屬坐烏臺而執法有德斯升移柱史之一星掌
維揚之六察千堆素雪調鼎堯厨萬灶青烟通商禹甸
允足膺絲綸之寄匪惟總權束之權弟乍蒞澄江難拋
案牘欣霜稜在望候悃久稽藉雲雁來賓微芹遠采伏
惟汪茹蜀任榮瞻臨敬虔注

回江撫鄭午節

恭惟老祖臺先生天上文星域中人瑞中丞斧鉞遠控
半壁東南副相經綸誕總十連節制榴花朵朵紅映官
齋菖葉枝枝綠分經閣含風細葛自天題處猶新疊雪
香羅當暑着來彌稱蒲酒醉傳經弟子薰風吹徧地山
川侍獲步後塵欣逢令節越滕楚穀未布候緘垂露懸
針先承惠問省往來之貢縷誨東謹遵申節序而修詞
報章恐後伏惟崇鑒曷任榮瞻

賀江撫鄭午節

恭惟老祖臺先生才空冀北名震江南惟揚爲財賦之
區歲星遠照炎夏乃長養之節景曜久瞻官閣賓朋薰
絃解慍畫船簫鼓競渡揚歌述政術而誦政經地安瀾
而民安宅俗淳物茂益智之粽無須烽火燧銷辟兵之
符安用符欣逢令節願遵芳顏增翻向日之葵寸雲不

隔目送繫書之雁尺幅難宣伏惟汪涵易任榮藉

候提督金

伏以元老壯猷耀斗邊之一宿上公錫命樹閭外之雙
旌君子蒙休吉人受祉恭惟老年臺先生圖開八陣書
握六韜浙水東西早見金壇之肅江雲南北羣傳王帳
之猷應遁甲於三門風清蓮幕學神兵於五壘日暖春
城威名匪獨震九峯三邨之間節制實能控楚尾吳頭
之遠雲屯魚麗師中悉太乙之軍尺籍虎符麾下盡河
魁之將躬桓列爵鐘鼎書勳弟幸邇芳輝願承塵教一
絲敢獻用申葵向之誠十幅敬裁聊達雲瞻之素伏願
曲加涵蓋俛賜鑒存齋館留賓永結緼衣之好樓臺近

文彙卷八

士

水長敦霜柏之情臨敬曷任虔祝

賀鹽院吳午節

恭惟老先生台臺一星執法六察揚威持使節而蒞邢
江稜稜稱指戴惠文而抽霜簡嶽嶽懷方欣看驄馬之
來藉謹海王之筴邇三楚三唐之盛事角黍筵開值五
月五日之良辰蒲花酒泛香羅細葛賜自天家葵葉葛
苗得之仙署弟欣逢令序敢布頌言遙企官齊未克捧
觴而賀敬申蓬幅用思修簡以陳神馳柱史清輝聲聽
薰絃雅奏伏惟崇鑒曷任榮瞻臨敬虔注

回鹽院吳午節

望總鐵冠威高石室堯厨禹膳藉調五味鹽梅劉筆任

章用整百司網紀綵節駐廣陵之郡瓊沙堆煮海之村
蒲酒香浮采蘭節屆畫船晴泛競渡歌揚福祿是道絲
綸發貴弟澄江初蒞令序何知荷賜雲箋書飛五朵用
裁蕪牘報愧七襄聊申謝幅於賓筵蕪布候忱於記室
伏惟丙鑒曷任寅瞻臨啟翹注

回江蘇按察司高午節

有倫有要之紀之綱一路揚鑣喜法星之朗照八條按
吏欣福曜之達臨桃葉渡頭榴花照坐新林浦外蒲酒
開筵細葛含風題處自天還濕香羅疊雪着來當暑仍
輕宜總十連爰登八座弟澄江初蒞令序幾忘趙壁遠
貼方知五日郇雲寵賁如獲百朋藉蒼羽以歸盛儀裝

文集卷八

三

紅箋而申謝幅臨啟曷任馳企

候松江提督金午節

躬桓錫爵文武經邦幕啟三吳競說落雕都督壁分五
壘爭看大樹將軍鵲縮金符旌旗日暖鷓鴣開畫舫賓客
雲隨聽競渡之歌飲泛蒲之酒細葛含風題處濕香羅
疊雪着來輕弟幸托輔車欣逢令節四時盛德在夏敢
班芹私諸將節制惟公敬申賀悃伏惟鑒納曷任欣瞻
回江蘇布政李賀到任

伏以福星遠照江淮草木皆春岳政重頒吳楚山川改
色成名夙著猷守久傳恭惟老年臺先生一世龍門九
衛鳳羽掌六條以按吏綠徧含棠鎮半壁而開藩紅盈

倉粟借股肱為屏翰總財賦于東南提封屬泰伯之邦
春風遐播樂土歌召公之化惠露遙霑非惟司計而澤
三吳抑且持籌而修六府弟夙儀大雅幸託同岑重邀
五朵之貽如接蘭言于賓閣愧乏七襄之報聊申蓬幅
於籤曹伏願由四岳而升階碧幢煥采總十連而播化
紅榴增華臨啟翹企

回江蘇布政李午節

旬宜寄重藩翰聲高六府孔修底慎三江財賦一星徧
照惠安七郡人民幕府弘開綠浮蒲酒鈴齋遠啟紅映
榴花結五絲即是長生之縷粽傳九子勝尋益智之
方重荷注存倍增銘戴弟拜登芳訊藉璧盛儀三楚三

文集卷八

齒

唐因來箋而知故事五月五日憑去雁而報佳辰伏惟
台涵可任翹企

回提督金午敬

戟啟星門符分師閫峯青泖綠榴花色映金壇吳下雲
間蒲葉香飄玉帳筵開角黍九子粽傳衣賜香羅五絲
綰結為魚為鳥煥幕府之旌旂如雷如霆震畫船之簫
鼓弟欣逢令序獲接芳言五朵之貽雅懷敬誌一箋以
報謝悃難宣雖未遂乎鳬趨用載申夫葵向伏惟崇鑒
曷任榮瞻

回鹽法道崔來候

恭惟老父母年臺崔盧世閭沈范才名滿縣栽花縮青

絲而宰東浙專城剖竹樹朱旆而典南邦清風久達于御屏偉抱再掌夫螭政青烟萬竈飛紅燄而駕紫輪素雪千堆貯冰鮮而映玉潔用調禹膳載佐堯廚匪惟權束功高行即絲綸恩賁弟同岑幸托清誨欣聞乍過邗江喜芝顏之晉接甫臨申浦荷瑤札之寵頒藉蒼羽之遄歸裝荒函以布復伏惟丙鑒曷任寅瞻

回鹽法道崔午節

冀北名賢江南福曜仁風惠露徧施者海之村峻節清操久著維揚之郡榴花照席蒲酒盈尊吳船楚柁齊飛聲聞鼗鼓采椀雕盤並設鼎入鹽梅善政惠商殊恩晉秩弟行裝乍卸令序何知荷五朶之貽光騰荒署返連

文集卷八

五

城之貺敬藉歸鴻柔函率復謝悃難宣臨啟馳溯

復江安道周候啟

經紹漁溪節傳星使燕看紅杏早年雁塔題名衣剪綠雲今日鷄班晉秩開雄藩於獻花巖外司庾政於疊玉峯前攬轡觀風棠花徧綠揚鑣巡部倉粟皆紅非惟總十郡之賦源矧看秉中丞之帥節昔年後塵獲步茲日大雅欣瞻方幸誨來之正長遽荷瑤章之忽賁懸針垂露五朶榮施楚穀越藤一箋馳謝伏惟丙鑒曷任寅瞻

復糧道周午節

益公家學茂叔心傳統筆西清句炳紅蘭舊省持籌南

國名高列岳新猷值賜扇之令辰修浴蘭之盛事榴花朶朶紅飄櫻笋之厨玉椀雙雙綠泛菖蒲之酒賜來風葛裁看雪羅侍馳企常揚欣隨元白雖嫌昔日未邀聯事於北扉竊幸今茲或託同岑于南國五朶之貽謹誌百朋之錫藉歸敬布塵悰難宣謝悃伏惟丙鑒曷任寅瞻

回安撫江候啟

伏以簪筆侍綸扉播謨猷于西學建牙開幕府振綱紀于南邦咸知副相威名共識中丞節制恭惟老年臺先生三韓華閭五院崇班受瑞析珪皖水照碧油之帳銜書分闕江城耀烏府之旌轄半壁山川楚市吳城悉霽

文集卷八

六

惠露總十連節制錦州花邑並載仁風千里舳艫安瀾誌慶一時鴻雁樂土興歌匪惟映趙日而鎮東南佇即補舜裳而立廊廟弟同岑幸託末照欣依尺幅乍將敢述曩時之疎節寸雲不隔喜逢茲日之團圓乃荷懸針垂露之頒用戢錦匣雕盤之賜趙琮藉璧謝悃難宣伏願恩厚而宴龍津寵深而倍雉尾三篇誨納獨施調鼎之功六事戒陳早躋正台之席臨啟可任瞻依虔注之至

復布政佟

伏以樹雙旗於行省山岳增輝建大纛于官齋旬宣奏績方著平星之望旋操左轄之權恭惟老公祖年臺品

重三韓名高八顧之綱之紀卹膏與名雨借敷維翰維
屏惠露暨仁風並播懸浙東西之法曜開江南北之雄
藩舊政猶傳共看舍棠之綠新猷復著載歌食粟之紅
微省旌旗詩賡鈴閣畫船簫鼓酒啟賓筵洵爲秉鉞先
聲不負析圭重寄弟夙瞻芳範幸接塵譚櫻筍厨香孔
筵曾醉琳瑯句妙卹字重頌敬藏五色之雲藉返連城
之壁伏願碧油張幕榮升副相之階紅繡開藩寵錫中
丞之秩臨啟曷任翹企之至

復蘇松糧道候啟

天孫織錦太乙燃藜烏府先生看霜風之卷地馳行御
史望雕鸞以凌霄爰從肅政臺邊作鎮平江州外接舳

文集卷八

七

艦於千里民樂輸將掌出納於三吳人歌愷悌薄桑羊
之心計倉粟彌盈握劉晏之鞭籌福星增曜非惟秉江
東之使節行看來北關之鋒車第昔年獲奉芝顏茲日
幸承塵教一葦可溯良覲願從十幅用裁華箋頻布愧
乏七襄之報敬歸連璧之投敢藉蓬倅遠申謝悃伏惟
垂鑒曷任欣依

復蘇海防李繼勳

夙聞令望馳企至今蒞澄江博采輿論知老年翁仁
風遙播海不揚波荊州佐宰相才已見一班矣茲幸聯
事一方盍簪伊邇轉車有託慰藉良深侍遠愧家風難
言月旦芳尺獎借倍增慙戢楚璧之貽深銘雅懷藉使

歸上惟祈鑒入良覲有期語不多及不宣

賀總漕董中秋

伏以八座起崇階麗文昌於斗北三公尊副相建武節
於江南修六府而成禹貢之書則三壤以裕太倉之粟
功歸元老望重儒臣恭惟老先生台臺策對天人勳銘
鐘鼎綠雲衣剪早開及第之花絳帳風飄徧識題橋之
客握中丞之印施惠露於兩江掌司馬之兵播仁風于
七鎮江淮河濟地轄四瀆之全冀兗荆揚郡攝九州之
半花村烟市徧頌卹膏白叟黃童競歌召雨吳橋楚楫
歡騰轉粟之帆旄女篙師願鼓乘風之鷁惟其清比西
江之水積弊咸除故能恩垂南國之雲弘施悉被旣旣

文集卷八

六

猷之懋建宜寵眷之特隆晚獲步清塵幸邀仁造式懿
規於東閣奉以作師瞻雅範于西曹因之律已昔日官
齋侍對共期相映素心今茲奏記希疎未敢重違芳訓
所以醉錦筵而徒戢望賓席而長馳雖塵洗天兵倍深
崔躍而春還鈴閣未布魚戕幸值令序於九秋敢頌遐
休於百福伏願彤弓盧矢早錫帶礪于河山宰樹公槐
好奏經綸于廊廟臨啟曷任瞻依虔注之至

小啟

東魯大儒南天福曜朱絲絃正直謹論久聞金鼓露清
名遠播納納鈺納結欣金粟之皆紅佳話惟願
公看舍棠之徧綠萬夫輸輓咸樂恩膏一里結連共

深謳頌戟門重啟慰後先父母之思幕府仍開歡遠近
雲霓之望當吹曲佳節值制棗令辰金鑑千秋書成玉
軸仙歌五夜容奏錦筵瞻朗月之照冰簾喜清風之肅
繡壤晚同岑幸託懿範獲親雖官守有拘難侍慢亭之
燕而賀忱用布敢陳月賦之詞恐勞贈答之煩縉儀謹
節願塵左右之聽蒼雁肅憑伏惟鑒涵曷任榮藉臨啟
馳溯

賀總河王中秋

伏以八座起崇堦麗文昌於斗北三公尊副相建武節
於江南濟世允資舟楫之才憲邦必兼文武之略既隨
山而茅績宜治水以錫圭恭惟老先生祖臺望重烏衣

文集卷八

先

勳高麟閣西清學士早傳名世經綸南國福星久播樞
臺雨露郭汾陽六東旌節善政彌多裴丞相四登將壇
弘恩益徧因之吳歌楚語競述豐功浙嶺閩山都傳懋
德乃趨趙公之琴鶴用施禹貢之隨刊千里餘艘流安
竹葉河汎濫浪暖桃花大書特書誌河渠于漢史既
既既澤奏歌叙于虞廷宜作鎮而總師于自升庸而參
廟笑侍早聞諄誨幸步清塵茲喜聯事而藉指南所恃
雙魚以通座右乃者莊詞未布頌語遲修益願承懿訓
於官齋何能爽約而欲獻賀忱于於聖恩竟無言伏願
德與日而俱長帶礪河山並錫福借而彌永躬植蒲
履早分臨啟曷任瞻依虔注之至

小啟

受瑞析珪建塵作鎮紀八年之禹績自西北而訖東幸
奏三策於漢臣由河濟而及淮泗九山刊旅方歌原隰
既平百谷安瀾會見澄清作頌匪惟為兩江之鎖鑰實
足當萬國之干城茲逢制棗良辰幸值吹曲佳節商飭
令肅共傳使相之名朗月鑒清咸頌中丞之德千秋金
鑑玉軸裁書五夜霓裳錦筵奏曲南樓雅坐何殊昔日
元規北海清尊不媿當年文舉九秋既屆百福攸同
月賦未工魚書久缺一江之隔無緣侍讌慢亭千里以
將幸獲希忱官閣愧乏芟艾之肅縉儀無煩陳媿媿
之詞謹函啟布伏惟垂鑒曷任欣榮臨啟馳溯

文集卷八

先

賀江撫鄭中秋

鍾鼎勳高鹽梅望重嘉政舊傳兩浙秋肅春溫新猷復
播三吳風仁露惠旌惟進善治則寬和節以詰奸濟之
威武惟清惟公惟惠兼諸賢之善而集大成有守有猷
有為立四國之儀而收羣頌素商節屆壯月辰逢擊土
吹曲歡百城之父老斷壺剝蠆飽半壁之兒童闔閭吹
風秋雲滿座樓臺近水涼月當筵百福誕膺九重彌眷
侍昨承犀表幸接塵談聽仁者之言南車有賴望老人
之度北斗是瞻相去無百里之遙慢亭阻侍所恃有雙
魚之便蕪牘敢陳何須縉節以表贈貽徒藉賀忱以申
左右伏惟垂鑒曷任榮瞻

回總漕董中秋

伏以秉鉞建麾文武作萬邦之憲裕民足國修和成九
賦之書江淮河泗間早來作鎮冀充荆揚外悉屬提封
既懋勳名維虔頌祝恭惟老先生台臺爵班五瑞嶽視
三公提大司馬之虎符入爲師而出爲帥坐副丞相之
烏府緯以武而經以文嘉政頌兒童舊播兩江左右新
猷歡父老徧歌九土山川韓魏公懋德豐功出柁女篙
師之口杜元凱仁風惠露標吳檣楚檝之旗叢桂花時
香開官閣寬裳舞處曲奏仙歌汎北海之尊三秋令序
對南樓之月五福休徵晚身滯吳中心馳淮上思大賢
之遠隔難泛星槎喜芳訊之特頒肅藏錦字欣承雅眷
敢後頌言伏願鐘鼎敷膺躋上公之品秩河山誠誓播
元老之經綸臨復曷任瞻依慶注之至

小啟

恭惟老先生台臺燕許文章富韓勳德居聖人之里經
術過漢賢良捺節度之權世家如唐韓魏乃由東閣經
綸之手用掌七州財賦之區浮江浮淮白粳遠輸日下
千舟于陸紅蓮悉轉雲邊喜玉露之湛官齋慶桂風之
拂幕府山村水市剝棗聲聲雁戶漁鄉吹曲處處舳舻
遠近如來八月之槎南北軍民咸樂千秋之節晚舟車
鹿鹿跋涉勞勞望淮月之一九清輝遠照賜郇雲之五
采華衮增榮憑蒼雁而布吳牋藉江鱗而申謝悃伏惟

垂鑒曷任榮瞻

回鹽院吳中秋

日邊法曜江左福星開烏府於邗溝花撲錦衣似繡權
虎鹽於海國雲隨官馬疑馳進素雪以和羹烟分萬灶
貢鮮冰而調鼎王積千堆三五夕冰月澄輝坐滿泛蓮
之客廿四橋金風肅令歌聞剝棗之詞時際三秋休呈
五福弟車停茜涇思細蕪城託雙鴻而布賀枕芹私未
和捧五雲而戢寵眷珍貺偏邀用減繻儀恐煩贈荅翻
開疎節難報懃拳歸趙壁而藉紅鱗鳴謝忱而奏赫蹏
伏惟垂鑒曷任榮瞻

賀鹽院吳中秋

文集卷八

五

鳳城著績麟閣書名榮服繡衣振紀綱而司六察龍簪
霜筆謹管筭而鎮兩淮調鼎鼐而實堯廚端賴天家御
史和鹽梅而供禹膳敬頌鴻禧先生乃值樓臺八月之
涼正逢鼓吹千秋之節書成金鑑裝玉軸以彌光曲奏
霓裳舞錦筵而長樂披清風之閭闔襲遐福之休禎弟
幸託同岑未邀良覲隔千里今共明月相映寸心剖雙
鯉而得素書惟憑尺奏布荒函於賓閣連城之壁未將
侍雅會於幔亭一水之程尚阻伏惟垂鑒曷任榮瞻臨
啟馳溯

回提督金中秋

李郭勳名金張閱閱翩翾飛將牙璋金節交輝矯矯虎

臣壽甲瑯戈並耀本詩書而作帥大江南北兵無庚癸之呼矢忠孝以對君中護謀猷書寵甲寅之報坐金壇而望月聽萬里之吹幽開玉帳以迎風觀千村之剝棗膺茲百福董我三軍弟觀德思深承顏願阻幔亭侍讌未成八月之槎荒署增輝乃荷兩章之錫藉江鱗而歸趙壁憑藤角而寫謝忱伏惟鑒涵曷任瞻注

賀提督金中秋

入領太乙出總河魁註杜元凱之春秋兵規指掌頌尹吉甫之文武軍法盈懷江雲拂畫旗三柳夕烽遠息野鶴迎金印五茸畫鼓永停宜秉鉞鉞而控江淮用奠金湯而鎮吳楚茲值吹曲令序爰逢剝棗佳辰坐庾亮之

文集卷八

奎

床南樓對月醉孔融之酒北海開尊披閱清風膺干城重寄弟同岑幸託良覲未邀深彼美之思薰葭露結獻吉人之頌鴻雁書傳肅采芹私用佐幔亭之謙敬申賀悃敢塵記吏之聽伏惟鑒涵曷任慰藉

回狼山總兵劉中秋

威鎮三吳德綬七萃東帥旄而作鎮龍旗遠掣海雲獨齋斧以總師鵠印近播江月一代風騷將左韜畧而右詩書百年忠義家前李郭而後韓范風清閭闔北海開尊月照團圓南樓醉客吹幽擊土聲傳戌已之營剝棗斷壺歡溢熊羆之士弟思深覲德願阻承顏愧無八月之槎彩屋未遑身侍喜有兩章之賜瑤笈早已心藏藉

蒼雁而歸趙琮布荒詞而申謝悃伏惟垂鑒曷任榮瞻

回江蘇布政李中秋

龍門華胄薇省名賢來旬來宣誕總十連之任維屏維翰寵加四岳之先鎮半壁之山川歌溢吳頭楚尾控大江之南北歡騰水市烟村茲逢桂月良辰爰值商飈佳節風清閭闔畫看納貢之書月映團圓宵畫于蕃之政村村剝棗賴有藩侯戶戶吹幽欣來福曜弟同舟幸託雅範欣承相去止百里之間彩屋未遑遠侍所恃有雙魚之便瓊函乃荷先施敢深什襲之藏愧乏七襄之報伏惟垂鑒曷任榮瞻

答江蘇按察中秋

文集卷八

奎

王節巡方金章東憲懸福星於江左久高廷尉之門照法曜於斗南早試蘇公之律明五刑而用措拜舞吳童肅百紀以維清謳歌江吏赭衣遠遁聽戶戶之吹幽枹鼓稀鳴觀村村之剝棗對婆娑之桂鑑著千秋披閱閭之風槎看八月錫福則五分土維三弟乍接芝顏幸承塵誨枝南風北悵嘉會如萍踪春去秋來笑良辰似駒隙遙遙江水阻對芳筵幅幅雲書馳飛荒署藉紅鱗而歸趙壁裁赫蹏以布謝忱伏惟鑒涵曷任虔注

回江蘇撫院鄭中秋

為憲萬邦承天八柱裴丞相提封江左武緯文經韓魏公作鎮吳中珪分瑞析布嚴霜令於吳頭楚尾吏則畏

民則懷煦冬日愛於烟市花村衢爲歌而巷爲舞金鑑
成而金風肅序王節飄而玉露霑秋皎皎水蟾光映南
樓之席枝枝叢桂香浮北海之尊既萬物之受成宜百
祿之是總侍計程咫尺荷眷慇懃邀五朵之貽榮逾華
袞乏七襄之報難布鄙忱望賓閣而馳思對雁臣而鳴
謝臨啟虔注

賀許關馬中秋

馬帳傳經夏官敷政入掌七兵而條八事斗北名高出
司九賦而蒞三吳江南望重飛蝗走浪不歌杼軸其空
大舶參雲會見輸將恐後惟其裕民而足國故能恤商
以阜財茲逢剝棗佳辰兼值吹曲令序樓臺近水覓作

文集卷八

五

舞衣闔闔迎風月開仙曲方慶團圓於賓閣佇聆綸綍
於官齋弟乍奉芝顏備承塵誨一水遠隔侍燕未遑雙
鯉時憑馳心有託連城之壁何在未采寸芹十幅之箋
用裁敢申尺素伏惟垂鑒曷任榮瞻

賀江陰總兵林中秋

金壇令總王帳符分書羅五十家往蒞師貞之吉門排
二八戟出領中護之權樹龍旗而掣江雲鐵衣遠照縮
鵲印而搖海月金析遙傳欣逢八月之涼喜值千秋之
節樹韓淮陰之節鉞闔闔吹風賦庾開府之文章樓臺
近水滿秋雲於鈴閣邀朗月於錦筵弟鹿鹿舟車勞勞
歲月雖違顏未久思每切于三秋而覲德轉慙地尚阻

夫一水前者芳函未荅遠避嫌疑今茲荒牘載申用將
忱悃未工月賦難獻頌於幔亭敢藉雁臣謹通名於賓
席伏惟垂鑒曷任榮瞻臨啟虔祝

賀狼山總鎮劉中秋

六韜手握十策胸羅樹節江城烽靜烟村水市建麾吳
地令行月嶺霜溪鏐急萬人呼訓河魁之八百身輕一
鳥過整太乙之三千玉帳風清喜樓臺近水金壇月照
羨賓客盈堦爲帥端藉詩書酬庸誕膺茅土弟未工月
賦遲布魚牋三秋結露之恩敢徹候忱於記吏千里采
芹之獻願申賀悃於籤曹伏惟鑒涵曷任榮藉

荅鹽法道崔中秋

文集卷八

五

鹽梅上佐禮樂真儒數名開於西京首崔盧而次韋杜
領袖封於南國權財賦而鎮淮揚分廉察之權觀風問
俗掌司離之節者海嶠山看朗月一丸對平山而醉客
望青烟萬竈坐官閣以惠商韻響清風仙歌處處池浮
桂影香葢飄飄序值千秋寵膺百福弟舟車鹿鹿跋涉
勞勞自夏徂秋何知節序匪朝伊夕謾事丹黃忽荷郇
羹藏固深於什襲兼貽趙璧歸還藉於雙鱗用襲吳牋
載申謝悃臨啟馳溯

荅淮安府中秋

吹曲令序冰月澄輝叢桂花中香風拂座年翁嘉政益
新與時俱懋佇卜綸音之疊賁也瑤華遠賁深荷注存

藉手歸璧中心識之本擬試畢維揚即鼓臨淮之棹與
知已一申別緒緣舟車鹿鹿歲事將闌未遑遠涉毘陵
京口試期已檄勢難再更雖荷嘉招聆揮塵之談當在
春風拂柳時也冗次率復不宣

荅揚州府施中秋

千里維揚福星重照匪惟黃童白叟慰借冠之喜屬在
同岑竊幸清風長拂時聞嘉政於凝香之署也荷年翁
垂注委貺雲箋始知節序南樓嘯月叢桂香浮恨未一
況星槎瓊瑤之賜愧何敢承藉使拜歸心識之矣良覲
不遠奉教高賢當在黃菊滿山時也率復不宣

荅江都縣熊中秋

文集卷八

五

前者中牟惠績首刻薦刺謂八舍之召旦晚間耳聞之
倍深慰藉而當事猶刻苛求暫阻雲步雖江陽百里保
有得歲之喜誼切金蘭不覺悵快於中也荷年翁垂注
委貺瑤箋始知節序連城之壁藉使歸完銘載匪棧鹿
鹿舟車歲歲華虛度雖高賢在望一江遠隔未獲時盍朋
簪之樂離筍抽黃擬過維揚當圖俄頃良覲一申別緒
了知已之前耳率復不宣

荅揚州府施接考

遠阻一江未由把晤而塞帷雅化日來邦上之歌遙望
齋心儀倍切重荷年翁垂注飛箋惠問誦五雲之句
如對蘭蓀馥馥倍覺拂人也初擬吳中試畢當返棹澄

江校毘陵京口兩郡之士渴欲一接顏範遂掛江帆平
山堂外歐陽古柳依然坐令清談追維往蹟屈指良覲
當在旦晚間耳率復不宣

賀總漕董十一月廿五日壽

八座中台一星南極鳳書鸞誥輝煌副相之庭召雨郇
膏霑溉九州之地五百里侯五百里甸人樂輸將八千
歲春八千歲秋家增福祉奏尹吉甫文武爲憲之頌功
名自古無雙倣韓魏公君臣相遇之隆際會當今第一
熾而昌耆而艾錄注長生月之恒日之升詩詩眉壽
情依廣廈願祝南山晉咏三多羨添籌於海屋遙瞻六
靈阻介壽於官齋玉笈金箱出之仙室交梨火棗得自

文集卷八

天

家山伏惟鑒存易任榮緒

回淮開莫

伏以東閣詞臣屢賜金蓮之燭西清學士慣分官錦之
袍參翼贊而陟清班任才賢而崇優秩榮增儲策望重
端寮恭惟云天上文星人間福曜門高閣閱共傳累
世仙宗學富淵源咸奉專家經術剪三花馬鬣日直八
磚裁五色鳳書時簪雙管既藉經綸於日下復司財賦
於江南跨下橋邊爭迎使節淮陰市上競候星輅大舶
參雲都是越羅蜀錦飛艎走浪無非北棹南帆惟能足
國以裕民自不損上而益下弟瀛洲濫入芸閣幸隨曾
邀同館之歡華顏昔侍復作輔車之託廣厦今依燕牖

未將瑤箋先貢藏深什襲受看五朵卯書歸藉雙麟敬
返十城趙壁容修詞以酬別諭當專使燕布候忱以報
盛懷並申謝悃統希垂鑒曷任榮瞻謹啟

候淮關費

伏以掌絲綸於東閣衣惹御香司翰墨於北廳筆宣皇
澤居左右則為鼎為龜資贊襄則作得舟恭惟云
柱石弘才斗山重望讀禹貢於蓬萊室裏匪惟視草詞
工總會計於財賦區中佇卜持籌績懋陋弘羊之術不
空杼柚于東南執劉晏之鞭自樂輸將於淮海通商有
法吳帆楚柁齊來足國多方輦贍航琛畢至使車乍下
庶政一新弟較事方興候言未壯北門聯步結縞紵於
兼年南紀同官藉琢磨於茲日采芹私而憑蒼羽寫塵
幅而裝紅箋伏惟鑒涵曷任榮藉

候淮關筆帖式莫

伏以周禮治財須藉名賢以司計水衡制賦端資良弼
以持籌惟能課裕外臺始可榮分使節恭惟云公才
公望令譽令聞為疏附於虞廷經綸本之家學贊賦財
於淮甸出納得之心傳花發三洲錦纜牙檣來舳舻於
千里權操六府南帆北棹裕泉貨於兩淮弟馳慕香名
欣瞻使曜衡文鹿鹿致稽尺素以展忱覲德殷殷敢采
寸芹以將敬伏惟鑒納曷任榮瞻

與鹽院喀接上任

文彙卷八

元

望威憲府名重法剝日上花磚曾看紅蘭於省裏霜凝
奏簡尋抽勁草於臺邊十二銅街長驅驄馬東南臨策
特簡繡衣者海村中擁千堆之素雪甘泉山外飛萬竄
之青煙暫持節于淮揚藉調羹於鼎鼐弟論交最久觀
德彌深同館早依預卜凌霄在邇一方聯事欣逢侍海
匪遙將塵幅而裝紅箋慰素心而憑蒼雁伏惟鑒納曷
任榮瞻

賀鹽院喀到任

伏以簡上霜凝挈青囊而增采筆端風起戴黑豸以揚
威既明治體而侍日邊復握貨權而臨淮左恭惟云
望高北斗名震南邦芸閣麟臺出入絲綸之地松廳栢

文彙卷八

辛

府鏗鐸錫鸞之班作舟楫於盛時淮海共瞻法曜調鹽
梅于聖世吏民咸樂使星正潔冰鮮千帆遠載紫輪紅
皎萬竄齊開通吳楚之征商裕賦財於內府弟同岑幸
託隣照欣分禁露當年贈縞之歡久結瞻雲此日盍簪
之樂又逢命犀僕而壯賀忱采芹私而伴奏簡伏願追
蹤僑札敦舊雨而賜汪存奮武夔龍上青霄而占遠到
臨啟曷任瞻依虔注之至

回鹽院喀

伏以揚清激濁雄權居耳目之官肅紀振綱要秩握風
霜之任冀北遙看驄馬淮南近接繡衣恭惟云執法
星懸理財策奏坐松廳而掌六察白簡囊抽開烏府而

鎮兩淮紅鹽課權謹海王之策上佐堯羹持繡斧之權
遠巡禹甸既平貨於大江半壁遙看萬竈烟青復通商
於三楚諸城疊汎千帆水碧司均輸於茲日調鼎鼎於
他年弟喜近隣輝思深舊好幾幾束帛未邀俛納於籤
曹謫謫吉詞重荷遠貽於冰暑藉紅鱗而完趙璧憑蒼
羽而鳴謝言伏願嘉會益朋簪覲芝儀於官閣華塗騁
驥足膺鳳詔於綸扉臨啟曷任虔注

賀總漕董冬至

東門搗文南邦作鎮牙檣錦纜來萬里之謳歌炊玉飛
珠總九州之財賦入仙班而趨鵷鷺舊傳元弼於日邊
領節鉞而錫躬桓久照冬暉于江左含梅舒柳漁鄉徧

文集卷八

五

布仁風荔挺芸生雁戶悉沾和氣既迎長於繡線自增
耀於袞衣晚遙望長淮欣逢亞歲卦占七日肅和賀語
以展恍光麗三台愧乏縟儀以申敬伏惟垂鑒曷任榮
瞻

賀總河王冬至

雲臺德望麟閣勲名手障百川莫波濤於帖息躬乘四
載起昏墊於東南仁風舒柳以放梅律暖龍堂鱗屋和
氣生芸而挺荔春回雁戶漁鄉喜繡線之迎祥德與時
而俱永覺袞衣之增耀福偕日以彌長侍襪線何能緹
灰未暖詩成小至驚人事之相催律問太初喜天心之
來復當茲璧合珠連之序可無竹苞松茂之歌賀語未

工鑒紅箋而增惕縟儀謾去對蒼羽而加慙伏惟鑒原
曷任榮藉

賀江撫鄭冬至

視草北門提封南紀布陽和於半壁漁鄉雁戶春回震
剛德於三吳水市山村氣肅柳舒梅吐書戲香凝荔挺
芸生黃鐘簫放吹葭六琯百城懷挾續之恩刺繡五紋
千里守閉關之樂合璧長依日月獻履徑上星辰侍昔
賁吳趨登承清誨心馳廣廈感同江水以俱長德佩祥
風望接冬暉而彌切聽桓譚之論徒識連珠讀曹植之
文未能貢襪欣逢亞歲敬寫十箋伏惟垂鑒

賀鹽院喀冬至

文集卷八

五

秩峻烏衣班崇蒼佩紅蘭省裏聲傳供奉香名肅政臺
邊權握糾繩重寄滄溟御史之雨淮海陽回輪將學士
之鹽天家味適斗邊看子月來復之父既占臺上候祥
風視履之祥可考弟論交同館聯事一方良會卜於三
冬嘉辰當茲亞歲袞衣增耀之貢緣以輸誠繡線迎長
敢修詞以展賀伏惟垂鑒曷任榮瞻

賀提督金 狼山總鎮劉 江陰總鎮林冬至

鐘鼎書功旂常謀帥銀鞍駉裏偕彤弓盧矢以增華畫
角麒麟得鄂國褒公而加重千里星門畫靜士懷挾續
之恩百城金柝宵沉民謝閉關之樂卦占七日獻履迎
長儀具亞朝書雲集慶弟才慙一線庇託重緹小至詩

所去無伴緘之敬一陽節。雁飛。壯賀語之誠。雖未
祇詣崇屏。倍覺馳情。廣廈伏惟垂鑒。曷任榮瞻。

答淮府 接迎考

剖竹清風。夙深馳思。頃蒞海陵。密邇治都。褰帷雅化。雖
隣壤亦切。謳歌知得。歲之喜當不獨。淮陰水市間也。重
荷嘉招。足徵年翁雅眷。渴擬一接。顏範快話。家園風景。
顧歲聿云暮。計典繁懷。兼毘陵京口之檄。早已遣行。勢
難再更。遠望長淮。溯洄之思。倍深矣。來教另裁。別幅布
復。惟希鑒入。不宣。

荅山陽知縣 接迎考

雄封百里。撫字維艱。年翁製錦。高才戴星。而治仁風惠

文集卷八

重

露已徧。山橋水市間矣。良深健羨。辱教重荷。注存渴擬。
鼓檝長淮。一觀鳴絃雅化。緣毘陵京口檄試已久。兼歲
聿云暮。計典繁懷。剪江而南。勢不能已。嘉覲不遠。鶯花
爛熳。時當與年翁快述梓鄉舊事耳。不宣。

回提督金 冬至

略擅孫吳。功崇褒鄂。瑯戈壽甲。壯太乙之軍容。玉帳金
壇。振河魁之武節。吹六寸四分之管。星門冬日。高懸讀
五十三家之書。幕府祥雲。徧集看一陽之來復。喜百福
之攸同。弟虛度年華。都忘節序。修儀亞歲。聊隨衆而奏
賀辭。惠問五雲。忽乘風而荷寵。賁既邀雅眷。敢復謝言。
臨啟。虔注。

答鹽法道崔

說經侃侃。敷政優優。職方首數。揚州允資。彈壓連帥。今
推觀察。端藉旬宣。曲曲邦溝。拂清風而波溢。湯湯淮水
照涼月而浪平。胯下橋邊。婆婆菱影。竹西路。上遠近歌
聲。奏仙曲于南樓。霓裳五夜。醉賓筵於北海。桂酒千尊。
弟鹿鹿舟車。勞勞晨夕。分丙丁而辨甲乙。今序幾忘。披
蘭蕙而望蕪葭。芳函忽賁。璧歸完而藉蘆。使書裁報。以
布謝忱。臨穎馳溯。

答總漕董 賀壽

三公論道。五瑞褒功。本經術以治財政。譜悉原周禮。總
師干而作鎮。香名遠播。堯封建。麾則在四岳之先。試功

文集卷八

重

爰及七州之廣。裕民足國。仁風固徧。中邦扇越。霑吳惠
露。尤深南紀。紅蓮香米。絡繹千帆。黃帽舟師。咏歌萬里。
山河開職。掌帝念十連之重。端賴賢侯。忠孝是家。風食
云七政之調。當歸上相。佇卜青遠。馭轉轅。看冊詔榮頒。
晚片善無聞。流年斯邁。桑弧蓬矢。數馬齒以加慙。垂露
懸針。捧烏絲而增寵。紅螺雙盞。藉醉春醪。青鳥千絲。拜
歸賓閣。乏七襄之報。謾襲吳箋。銘五朶之貽。敬申謝幅。
臨啟。曷任虔溯。

答張布政 年節

伏以懋官懋賞。列爵居四岳崇班。爲翰爲屏。行省在三
吳勝地。受禹書而成賦。本周禮以阜財。恭惟云學富

五車貂傳七世西清學士早簪筆而侍花磚烏府先生
旋乘驄而抽霜簡敷齊魯詩書教澤歷試盤根播鼻
稷契經綸徧歌化雨山橫七聚草綠周圉地接三江粟
紅庾府既傳舊政益奏新猷茲逢五始肇春閣外氤氲
氣結兼值三陽啟泰樓邊旂旆香凝侍握別銅街載更
歲籥夙邀領袖仰瞻前輩風規久沐鈞陶幸托同岑雅
誼錦車甫蒞早期馳賀犀階官簿有拘未獲布忱賓閣
喜五雲之錫字方知節放椒花乏十幅之報章豈說銘
傳栢桀率裁荒簡敬布謝私伏願宰樹公槐晉秩卜星
沙築路頌圭信璧分茅當春日載陽臨故曷任虔注

賀總河王年節

文集卷八

七

九功惟叙六府孔修錫範圭宅百揆而總四岳蕞山
渠水弼五服而奠八荒競看氣轉青遠槎泛桃花浪暖
佇卜書傳丹鳳雲開官閣香凝驗正月之始和占台星
之遠耀履端有慶何福不臻特獻歲欣逢稱觴願祝林
鴟散炬未遂盍簪椒蕊盈盤敢申賀悃瞻韶光於河上
惟望鑒存集瑞霽於海邊倍深馳企臨故曷任顙祝

賀鹽院喀年節

驚車峻秩烏府雄權謬謬風清早擅香名於日下稜稜
氣肅羣看新政於江邊五始書春椒花獻頌三陽肇泰
栢桀傳觴調鼎須藉紅鹽濟川端需巨楫徧青烟於萬
竈錫冊詔於九重舊雨思深邗江簪盍郇廚席設酒

醉紅螺杜老詩吟時逢小歲藉雙鯉而邗宜春之帖佐
五辛而修獻節之儀伏望鑒存曷任榮藉

賀總漕董年節

躬桓錫瑞府事書勲論道經邦既作賡歌於斗北任土
作貢復慎財賦于江南來畫鷁之千帆春迎柳岸鼓蓬
窗之萬艘香汎錦波擁馬林鴟筵開守歲椒花栢桀帖
進迎年欣當春日之載陽佇慶紅沙之築路晚乍看新
曆幸接韶光戴雙綵勝以迓祥敢進屠蘇之酒邗五辛
盤以集祉願歌元日之詩賡既愧于五雲儀亦慙平連
璧伏惟鑒納曷任榮瞻

賀江撫院鄭年節

文集卷八

七

中台吉曜副相崇班東閣詞臣衣惹御爐香暖南邦重
鎮祥開海甸春生膏雨滋花梅邊紅綻惠風着柳江上
青舒當正月之始和羣歌新政際初陽之乍轉共祝休
徵遙望官齋茂膺寵秩欣逢嘉月載頌華年櫪馬林
鴟守歲之筵遠隔紅椒粉荔宜春之帖敢陳雖無雙綵
勝以將誠聊邗五辛盤而介福伏惟鑒納曷任榮瞻

賀提督年節

經文緯武說禮敦詩細柳營開候騎焱騰雲合中權令
肅靈峯虎翼箕張山河少算策之聲幕府醉屠蘇之酒
角弓彎處春映梅花霜劍懸時風飄蘭葉驗始和於正
月占有曜於吉星鳳曆新看斗車乍轉吞花臥酒欣

瞻守歲之筵握月擔風敢班迎年之頌采芹私以誌賀
寫蓬惻而修辭伏望鑒涵曷任翹祝

賀織造曹年節

忠貞世篤閭閻家承同漢室之勳庸金張華胄婉虞廷
之謨弼稷契元臣北闕遠辭南邦榮蒞春花映瑞錦補
五色之舜裳暖日織新羅班千章之禹服五始肇春而
迓福三陽開泰以迎祥弟新曆乍看韶光遠接進椒花
之頌雁字敢陳捧栢葉之觴芹私薄采伏惟鑒納曷任
榮瞻

回總漕董年節

建麾秉鉞緯武經文位班四岳之先功既彰乎六幕權

文集卷八

七

攝十連之重賦特總乎七州獻節風薰湖棹江帆偏集
初陽律動吳粳楚米齊供梅綻花邊香凝畫戟柳舒江
上春到官齋豈惟八座升班佇看三台晉秩晚華年虛
擲春日重逢粉荔紅椒甫班宜春之帖銀鈎翠管忽來
惠問之詞憑紫雁以寄報章藉紅鱗而申謝幅臨啟虔

答遊擊年節

春風習習景物喧妍正老親翁細柳營試之期烽靜波
恬致足樂也疊荷翰存情誼周至披虎文之煥彩飲佳
釀而增和借羽報章佩銘曷既臨池湖切不宜

賀總河靳年節

德懋九官班崇四岳寔百揆而平水土海晏河清修六

府而奠山川圭分疇錫重開鈴閣中丞之印仍領再理
河渠伯禹之功復奏茲值槐龍舞夏席照榴花兼看艾
虎乘時門懸朱索辟兵符掛五綵分絲競渡舟橫千帆
走浪角黍之筵未待汎蒲之酒敢陳幸邇隣輝欣逢
楚節春三方過倚聞車騎臨淮夏五重來還藉雁箋書
綢絲一縷修賀維虔江路千重馳思倍切伏惟鑒納
曷任榮瞻臨啟虔注

回拉撫鄭壽

公槐宰樹傳雨郇膏泰伯舊封領節門懸十六中丞嘉
政書勳管禿三千楚尾吳頭蕙風徧布蠶鄉漁市春日

文集卷八

集

長臨花樓來禽五稜葉飄蕭浦辰逢初度三山記出官
齋感懿好之離勳嘉額齡之增寵侍修名未立去日已
多冉冉歲華宛微蕭榮艾秀勞勞塵塋何知蓬設孤懸
豈期握蘭修揆之辰忽賜倒薤垂針之字敬完尺璧惟
藉雙鱗敢布寸心用裁水懽臨啟曷任馳謝

回鹽院喀壽

職親帷幄勳奏鹽梅淮有三洲咸奉烏臺網紀塲開萬
竈悉施蒼佩仁慈當紅酣綠戰之辰荷垂露懸針之賜
惠而好我捧趙璧倍載勳拳何以報公布謝言彌深惶
悚弟勞勞塵塋冉冉歲華感尺波之易流執蘭興慨知
寸陰之當惜捧扎增慙三雅祇承敢分仙人之室十連

敬返還藏使者之車裁赫蹏以陳詞藉紅鱗而展悃伏
惟垂鑒曷任榮瞻

賀總漕董午節

學傳董相功紹傳巖輔輶西清制誥笙璫珠典經綸南
國紀綱露惠風仁競渡走千帆三軍樂舞薰絃叶六律
萬里歡呼傳益智之方盤堆香粽懸辟兵之縷門設靈
符艾人在戶以迎祥沙路成堤而集慶晚承顏已久慕
德轉慙修楚節於百子山頭敢班綵絲五色奉巴箋于
千金亭外聊憑綠水雙鱗伏惟鑒涵曷任榮藉臨啟虔注

賀鹽院午節

和鼎和梅作舟作楫繡衣花點權鹽政于江南驄馬雲

大集卷八

五

隨裕財源于日下冰盤堆雪恍映榴花官酒汎蒲醉簪
艾虎吹薰絃六律萬竈烟青觀競渡千帆一江水碧嘉
辰幸值景福斯膺第縞紵歡深山川阻遠班綵絲五色
修節事于天中裁蒲竹雙牋布賀忱于鈴下伏惟鑒納
曷任榮瞻臨啟馳溯

賀織造曹午節

學富經綸功侔長養榮分犀節自斗北而及箕南光映
使星杓雪羅而被風萬官齋傍水競渡千帆荻管吹風
薰絃三奏菖苗葵葉香飛角黍筵邊艾虎槐龍影射泛
蒲酒裏盛德在夏第祿自天第皖水初來江雲遠望客
歲駕歸日下尺奏久疎旅亭節屆天中五絲專班敢修

賀惻敬達荒函伏惟鑒存曷任榮藉

賀提督總鎮同午節

幕啟青油符懸黃石龍韜潛運早成拔幟奇猷烏陣弘
開獨擅灤沙妙策將河魁五百銑歌聲奏薰風帥太乙
三千畫舸波翻競渡榴花照席官閣延賓螺盞泛蒲星
門迓福第遠違犀節仰企金壇采艾結蘆藉紅鱗而將
敬縢戕裁牒悲蒼雁以書忱伏望鑒存曷任榮藉

賀鹽院喀壽

蛾眉班列豹尾車聯入青瑣而挈青囊頻奏鮑宣封事
坐烏臺而排烏戟憤書沈約彈文遠蒞花廳惠露霑吳
疆楚服競看繡斧薰風播海甸淮封名世之生五百年

大集卷八

四

人傳列宿大椿之集八千歲位陟真靈玉潔冰鮮功調
禹膳露桃雪藕饌出仙廚頌進九如祥徵五福第滯羽
廬江馳心胥浦望桑弧懸處阻陪介壽之筵喜玉笈開
時敢效稱觥之祝敬裁蕪牘肅班芹私伏望鑒涵曷任
榮藉

荅將軍午節

豹變炳文龍韜耀武應昌期五百珣戈壽甲震雲間領
君子六千玉帳金壇開江左軍威赫濯無事辟兵之符
妙畧神奇何須益智之粽重邀寵眷表良節而賜五雲
遠荷德施應嘉辰而頌連璧第池陽棹鼓午日詩歌接
雁使于江邊絲傳朱縷歸楚琮于鈴下書報吳牋臨啟

馳謝

賀江撫鄭壽

傳賚從天申生自嶽文經武緯誕領羣牧東方松茂竹
苞遠照一星南極五百里侯五百里甸副丞相爵並躬
桓八千歲春八千歲秋大君子壽臻彭偃苗蒲葉酒
醉霞觴艾虎槐龍筵開錦席祝相公眉壽鶴滿金籠賜
午日宮衣香含風葛爰進三吳之頌載膺五福之徵侍
介壽情慙稱觴願切寫函谷關中子鬚眉宛似當年獻
蓬萊閣上仙耆艾還同茲日巴牋肅布桃實敢陳伏惟
鑒涵曷任榮藉

賀江蘇鄭午節

文集卷八

聖

文章華國謨典經時陳閣西清久著才名于日下春風
夏雨早來福曜于江南拜雪羅香葛之恩榮總楚樹吳
雲之節制畫船朱旆坐看競渡千帆雅吹清歌行奏薰
絃六律榴花似火徧照官袍仙酒泛蒲長開寶閣既開
懸乎綵索佇路築以金沙侍幸邇隣輝欣邀德庇修三
楚三唐節事莫陪角黍之筵望一亭一駟載程徒切向
葵之願敬憑蒼雁用班朱絲伏惟鑒存曷任榮幸臨啟
虔注

答鹽院午節

書讀石渠冠榮鐵柱四時盛德在夏施長養而奏治平
五行潤下作鹹蒞東南而阜財賦弘開官閣花飛角黍

之筵暖拂薰風客醉汎蒲之酒捧五雲而心載對雙雁
而神馳楚節載臨曉城初屆辰逢五日朗吟元禮之
詩壁返連城愧報彥威之扎欣叨夙愛敬布謝忱臨啟
虔注

答淮揚道劉午節

犀車敷惠鈴閣垂仁佐岳牧而奏旬宣楚樹吳雲載色
輔范韓而作舟楫衢歌卷舞騰歡九曲河邊播薰風於
鱗屋千金亭外照朗月于葵村開角黍之筵贈貽遠及
惠汎蒲之酒銘載倍增弟滯跡晚江縈懷淮市披五雲
而心誠報愧七襄歸連璧而神馳謝慙雙羽臨啟翹注

答總漕董午節

文集卷八

聖

柱石眞賢鹽梅上相霽江南德雨涉川因以濟川來山
左文星治術原之經術伊昔開兩江節鉞地斗斗牛而
今總七省賦財川蕪南朔吳船楚舵人樂輸將東棹西
帆時無留滯魏公懋德歷中外而國倚長城裝相鴻材
掌山河而民歌福曜辰逢夏日澤播薰風賜出宮衣雪
羅香葛醉傳仙釀菖蒲蒲苗不圖五日之貽出自五雲
之覬望淮亭而心載對晚水而神馳晚思切犀儀情深
塵誨違顏一載知鄙吝之復萌去路千程喜鱗鴻之遠
接眷吳酸而賜芳訊德佩五中修楚節而惠吉音書藏
什襲臨啟曷任馳謝

答狼山總鎮劉午節

羽翼良才股肱重輔載旆東鉞既書勳伐于曩年耀德
修文永靖干戈于中壘金壇花發儒服雍容玉帳春開
雅歌清麗酌椒花之酒坐看祥雲製栢葉之銘佇膺景
福芳年虛擲春日重逢戴雙綵勝以遙瞻方申賀悃
對五辛盤而竊喜忽賜華函藏五朶而返楚珍報七襄
以裁謝悃臨啟虔注

答鹽道崔 賀

冀北名賢江南福曜登車攬轡仁風播煮海村邊巡部
綦帷惠露霑維揚州外榷形鹽以供禹膳鞭書久聞賜
吉語而裝郇箋銀鈎共寶惠而好我寵及小年樂茲多
儀榮逾華袞 弟 川涂鹿鹿歲月勞勞年五十而無間徒

文集卷八

躍

增馬齒桃三千而始實忽賁仙林蓬矢之六已光木瓜
之三未報字憑雙鯉壁返連城臨啟曷任馳謝

荅江臬司高 賀壽

律謝蘇臬恩垂雨露棠開召舍福星遠照江城草護周
圖法曜久瞻澤國東方牧伯咸受指揮南紀民人羣歸
煦育揆余初度載錫竹苞松茂之歌樂茲多儀忽賜垂
露懸針之字頽齡藉以增寵嘉惠當之有慙 弟 歲華冉
冉塵壒勞勞五十無間愧桑弧之早掛萬千斯頌感藤
角之遠裁對楚壁而返十連申謝言而憑雙羽臨啟馳
謝

與江撫宋迎到任

伏以受瑞錫珪次相名同副相建牙樹戟西江地接東

江既歌嘉政于吳楚之交旋播新猷於江淮之際旌旆

戴責父老騰歡恭惟老年世叔台臺義重股肱勲高柱

石廣平相業世家舊誌唐編梁苑仙才吟筆今傳宋地

共說主盟藝圃爭看起草仙郎攬轡觀風駕使車于通

潞塞帷閭俗開庶鎮于臨淄隨移山左法星用作東南

福曜屏藩乍樹節鉞斯加水壑照人比澄清於彭蠡春

風播物徧謳頌於洪都保障三江頻慙帝念馳驅千里

用速公行富相重來早起吳中之慶趙公此去能無境

上之爭思舊德而望八駟匪獨黃童白叟仰高山而遲

十乘久深蓬幅塵襟 侍 誼切通家情慙舊好溯淵源于

泗水私淑已多企規範于龍門眷懷倍切幸邀聯事敢

望塵誨煩施喜托同岑惟藉商雲廣庇敬裁赫曉逋候

碧幢伏願盧矢彤弓鎮東南而錫封帶礪公槐宰樹領
鎖鑰而著績旆常臨啟曷任瞻依虔注之至

文集卷八

蜀

小啟

相門世濟藝苑家承任筆沈詩好句爭傳海內郎膏傳
雨香名早著日邊律謝蘇臬崇清召舍恩施雨露春滿
吳封領節西江羣誦中丞雅化移旌南國重披節度仁
風周公召公分陝之勲各建江左江右輯民之德同歌
來星斗於三吳固金湯於半壁 侍 愧同小草幸遇春暉
遠溯師門太夫子嘉言早述近連德宇副丞相廣厦堪

依雖未遂鳧趨迎犀車於道左而久深葵嚮寫塵惻於
殿中將誠未布芹私誌慶先憑郵使伏惟垂鑒曷任榮
瞻

賀江撫宋到任

伏以韋平華閭傳宰相於一門帶礪殊勲建節麾於兩
地久已作西江鎖鑰還來莫南國山川懋德懋官載歌
載舞恭惟台臺日邊文曜天上台星開府聲名早識梅
花作賦中丞節鉞羣歌水壑照人溯才子于大曆之年
粉署星郎望重來元老於中州之地仁風惠露謠深冀
充青楊犀節東西徧歷江淮河濟畫船簫鼓頻開臣作
股肱齊瞻山嶽江分左右益著澄清豫章之木千尋久

文集卷八 星

施雨露震澤之波萬派重映星辰圖籍依然載入戟門
字樣鬚眉如昨還看栢葉囊青楚尾吳頭春暉長照黃
童白叟德雨同霑豈惟踴躍三江抑且歡呼半壁某聞
風慕切覲德思慙喜使旆之早臨願侍賓筵而述世講
修候函於上班敢同芹子而布賀忱伏願蒲穀分封山
河錫誓李贊皇公侯世濟祥雲開上相之鄉宋尚書勳
德家承瑞霽布中台之里

小啟

八柱承天三公論道文章華國班香宋艷之才猷略匡
時召雨郇膏之政經以文緯以武東湖南浦共懷一路
福星作之舟作之楫水市江村咸沐中丞惠露嘉政猶

傳吳父老甘棠德澤猶存新猷彌布海東南烏府聲名
益著乍來澄景幸照秋陽甫接商風還逢愛日士女途
歌而巷舞兒童喜躍以歡呼某滯羽濠梁馳心虎阜遠
迓副相曾修箋記而命鱗鴻虔賀元侯薄采澗毛而陳
左右儀非連璧字乏五雲伏惟鑒涵曷任榮藉臨啟馳
潮

賀總河靳新任

伏以析圭受瑞齊侯總九伯以分封刊木隨山夏禹歷
八年而奏績念勲名於往日特下新綸歌府事於今
茲重來舊秩臣民胥慶中外騰歡恭惟台臺柱石承天
舟航濟世控兩江以作鎮皖城父老誦嘉政時頒乘四

文集卷八 星

載以濟川河水源流滋豐功早建奠山川而平原隰何
須問三策于前賢建瓴而下無隄防自可通九河于故
道慶新開之漕路喜永息乎狂瀾竹箭流安楚柁吳檣
交至桃花浪暖紅蓮紫米齊供升平之第暫歸彌慙宸
眷禹貢之書再奏重賴老臣澤國洵在江南從此于疆
于里廷臣無出公右宜其懋德懋官某願御李車欣承
阮瞻銅街載別備聆蘭言邦水重逢親瞻芝宇遡締交
之自昔縞紵歡深喜聯事之在今觀摩念切肅裁荒牘
敬布鄙忱伏願鳳誥驚書視三公而列爵雲臺麟閣鑄
九鼎以銘功

小啟

吉甫文武傳說鹽梅德播九州尤著功名于江左波安
百谷頻邀賚予於天中漁師鴈戶胥歌禹甸堯封咸慶
蕙山蕙水早欣借寇於昔年既澤既陂復幸歸公于今
日交稱出之四嶽功實難泯優擢斷自一人爵須重付
碧幢紅籥載領節麾大旆高牙仍開幕府莫波濤于帖
息循往轍而奏隨刊起昏墊於東南展新猷而施疏淪
其慙同樗木幸附仙舟千里論交伊昔非由人合一方
同事於今實假天緣庇敢託于二天喜自盈于五內鳬
趨未遂蕪牘先陳

答淮安府王來接考

握別一載嘉政時聞雖千里關山而淮亭風月長存于

文集卷八 聖

夢寐之中也近承陞任屢惠謠箋銘載雅懷真無既矣
其自春徂秋崇山遠壑鹿鹿奔馳辰下雖試竣濠梁而
除陽館舍尚有半月羈留知己論心連茵接對當在業
往飄香之候也率復不宣

荅山陽縣朱

以嚴邑藉香令以保障花封雅化鳴絃士民戴德渴
往帆于淮水相與接席論心而跋涉江山勞勞半載
以濠梁試事不日間提轡南譙而芳尺遠貽備承垂
雖籤程間阻此心已與長淮俱阻矣握晤有期語不
多及

賀副總河徐

伏以虞臣肱股司空德冠九官禹貢隨刊河伯位尊四
瀆簡才而命宏父作鎮而蒞青江屏幃動萬公侯望重
恭惟台臺律躬通介銘績旃常天上麒麟久作風騷宗
匠日邊柱石咸推承弼賢臣勳勤冬官成勞在國治平
水土荒度有方本已饑已溺之心行蕙水蕙山之畧龍
堂鱗屋胥慶安瀾竹箭桃花咸歸故道雖佐中丞而施
疏淪實相九土而播經綸其接教情殷承顏道阻同官
冀北早知起部聲名聯事江南幸遇景山規範雖候忱
遲布而馳思久深茲逢節屆中秋所恃賀憑雙羽伏願
奏九功於舜宇冠舉夔稷契之班分五瑞于堯階膺蒲
葭躬桓之錫

文集卷八 聖

小啟

伯益賢勞召公勸勸蛾眉刻傳僕射之文章雉尾韶
頒試司空於水土何須然載始湊平成佇看九衡早歌
清晏茲值桂花香汎北海尊開更逢秋月光澄南樓風
滿霓裳曲奏鱗屋歡騰博望棹飛漁村頌集咏卯風而
知令旦望綵屋而慶崇禧其夙企斗山早思瞻拜當八
騶初蒞川途遙隔尚疎候簡之修際雙雁重來節序方
新敢後賀函之貢深慮縉儀循套未布屏輝聊憑側理
書忱惟希台鑒

賀鹽院喀中秋

鹽梅調鼎舟楫濟川駕御史花廳權鹽田於淮左總揚

州繡壤司國課于江南叢桂飄池香射千堆素雪兔華
臨岸光搖萬竈青煙庾元規之風流時登江閣孔文舉
之賓客日醉仙醪雅奏半出幽詩妙管頻書金鑑欣逢
令序虔祝崇禧其川陸勞勞歲時冉冉望團圓好月便
思良友於江邊披閱清風敢布賀忱于閣下縉儀遲
遲荒牘先陳

賀總河靳中秋

調鼎鹽梅濟川舟楫政修六府奏功叙于堯階德懋九
官書平成於禹貢山旣旅川旣滌四方月照團圓海則
晏河則清萬里風吹閭閻門排畫戟秋桂香飄閣啟華
筵寬裳曲奏望仙槎於八月蘆花朵朵河邊奏金鑑於

文集卷八 記

千秋寶宇紛紛管底欣逢雅節慶祝休徵其遠隔屏幃
倍懷塵誨山程鹿鹿尺奏遲修璧月重重半秋幸值緜
節未敢循套賀詞聊以書忱

答江蘇臬司高中秋

躬桓錫瑞鐘鼎書勲執法而振八條風清召舍明刑以
弼五教慶集于門茲值桂影浮池佇看香風拂座庾樓
嘯月醉飲仙醪孔席開尊歌傳舞曲時逢令序德驗休
徵其久別芝顏頻懷塵誨川涂跋涉乏雙羽以展忱筆
墨琳琅藉兩章而增寵肅完趙璧敢布謝私

賀提督總鎮中秋

詩書謀帥鐘鼎銘勲鎖鑰東南運龍韜而開玉帳經綸

淮海提虎旅而望金瓯其無聞風清而甸幽風送秦
人樂堯疆客泛仙槎出首膏油幕裏影搖秋月照來黃
石符邊聽雅奏而醉香醪際步展而近景福其滯羽南
譙馳情中壘澄潭月影思侍誨而難能叢桂香飄敢裁
箋而速寄愧乏芹私之班辭將賀悃以陳

答江陰縣劉

澄江百里借香令以宰花封雅化鳴絃古風再觀望華
轂者匪獨山莊水市間也重承垂逮芳尺遠貽雖未邀
良覲幸託同城盍簪不遠暢月之初當剪江而南快覩
慈君之新政爾

答楊府施來接斜考

文集卷八 記

前者道經涪郡片輟清譚頓慰馳思淮陰試事於寒風
瑟瑟中盡批夕閱方得設局而飛箋遠至俯遂所期展
誦再三倍深銘戢鼓維揚之棹以赴嘉招爲日不遠傳
言笑於雪飛風號之時亦知已離樂聞耳

答總漕董中秋

儒術大名樞臺重望匣開紅篆總七鎮而慎賦財囊挈
青儀坐兩淮而通輪輓吳檣楚柁應律吹幽北里西山
連並獻瑞進千秋金鑑出入久冠諸公衆副相驚車聲
教徧聞萬里桂花凝露香染仙毫豆雨飄風箋傳雁字
旣銘雅眷敢後謝言其滯羽南譙馳心東楚聽秋聲而
申賀方裁十幅書忱捧芳訊而誌詞遠辱五雲錫寵雙

鱗報德計程尚隔山川九頓承顏屈指已交旦晚

荅提督金中秋

驚代麒麟傳家忠孝樹旌於越曾掌君子六千作鎮勾
吳復領河魁五百親王將軍武庫吐納詩書坐漢楊僕
樓船東南鎖鑰吹幽風而聲傳筆策擊土鼓而曲奏霓
裳喜接芳辰幸邀惠問某秋聲乍聽月賦未工班十幅
於賓筵愧乏潤芼之伴裁五雲於蓮幕驚同荆璧之貽
藉雙羽而拜歸隔千里而鳴謝

荅鹽運司崔

周官立政禹貢慎財總鹽田於煮海村邊場開萬竈掌
國課於維揚州外門列雙旌調禹鼎端藉鹽梅素雪映

文集卷八

冰丸之潔濟傳川還頻將解波吹金粟之香啟北海

芳尊忽懷人于千里坐廣公高閣特賜札于中秋永誌
雅懷敢裁報簡某馳驅塵息節序周知乍捧五雲驚同
月賦尋瞻連壁喜出荆山藉使拜歸臂箋鳴謝

荅揚府施中秋

春初雲陽城外片晷承顏隨即倥偬握別江山千里雖
藉紅鱗蒼羽之便時通尺素而東閣迢迢兼葭秋露馳
思彌深矣桂月芳辰冰蟾冷照勞勞川陸幾忘節序之
臨荷遠貺瑤箋重以珍賜對使拜壁中心誌之即日鼓
淮陰之棹道經治部當圖良覲一話廣陵勝事也

賀織造桑陸湖廣巡撫

伏以虞廷岳牧班瑞首重躬桓禹甸井疆敷土久分荆

楚為江湖之屏障藉調昭以經綸遠近騰歡士民胥慶
恭惟台臺韋平閣閣韓范勳名日下宣猷緯地經天早
著江南敷化仁風惠露兼施明十二章以黼黻廟堂舜
日堯雲耀采建十六雙而輝煌祭戟湘蘭沅芷飄香登
副相之車春到鸞熊城外吳中丞之印雲開鸚鵡州邊
帆挂金陵吳童遠送旌搖漢水楚客環迎喜新政之誕
敷慶名賢之莅止某一方聯事兩載同岑既接屏儀欣
瞻北斗復承塵誨幸示南車歸六轡于秋中一箋註別
送八騶于江上三楚榮恩伏願麟閣書名誓山河而盟
帶礪雲臺著績陟宰樹而進公槐

文集卷八

小啟

三公論道八柱承天召雨鄒膏澤遍江南草木傳舟趙
日思施歷下郊圻海岱浮雲花迎犀節青齊平野香拂
驚車樂淑禮陶舊識上公雅化肩摩轂擊新看次相弘
猷魯市齊郊鹿祥雲之朶朶東山北海照愛日以年年
式四國而重保釐鎮三齊而作師保某幸邀渥愛喜獲
嘉音三日而拜司空古有之矣一旬而歷兩鎮公則已
然賀荆楚錫圭雖有專函而愛朱徽於掌記慶青齊移
節願將不腆而儀難貢于典籤千里書沈惟有蕪辭之
一幅半生結契敢布蓬悃于雙鱗

荅常府于

丹榴白葛令節催新伏想仁聲美政坐暢熏風福履自
爾日增華翰寵頒又蒙腴赬愧何敢當謹領盛意矣方
有旬容之役正在倣裝舟過毘陵尚容把晤宣陳濶緒
也

德星堂文集卷九

海寧許 汝霖

續集

禁示

新頒學政

照得本院謬司文柄幸督名區固期冰蘗為懷振盡兩
江祀梓尤念斧斤在握琢成多士珪璋子佩子衿盡是
廟廊之器采芹采藻無非禮樂之才不謂下車以來請
號申革堆案文移駭目驚心愁懷訟牒已概從乎寬政
始未准行且各予以自新暫停批發兼飭各府州縣優
容禮貌共期栽培士氣作養人才倘或羅織深文苛求

文集卷九

細過申詳未至刑辱先加既敢恃乎 王章定難辭夫
白簡業已飭行該屬取具各遵依在案第有司固當重
念斯文而諸生亦宜共知自好前者本院撮取全書刊
行十則言言剴切苦口開蒙語語詳明婆心愛士果恪
遵而勿失欲取咎於何由尤念孝弟實百行之原不啻
再三施教廉恥為四維之要乃復反覆曲陳仍恐贅語
塵心繁言聒耳謹提大要再列四規既覺路之弘開亦
迷津之悉示多士其敬聽毋忽

奢

一儒學所戒 勿浮僞 勿輕薄 勿怠惰 勿驕

一學政所戒 勿健訟 勿抗糧 勿私刻 勿結

社

一考試所戒 勿規避 勿鑽營 勿冒籍 勿頂

替

一文章所戒 勿庸腐 勿離奇 勿冗長 勿油

滑

以上四條事皆易知簡能初非高遠示則常言俗語盡可率循望爾文武生童各懷愛鼎之心奉訓詞而律已無負崇儒之念改故轍以繩愆倘陽奉陰違二三其念愛莫能助法豈可逃特示

頒行月課行蘇州府學

照得士子之振興視乎師儒之董率該學解到月課三

文集卷九

二

卷爭奇競秀各有所長牘迫勤而衡鑒當具見一班矣本院細為評閱間有片詞隻句未工穩者一一摘出初非刻于持論實欲益求其精仰該學教官傳示諸生盡焚軟熟之俗調力追高古之遺音共加淬厲以候歲試三卷仍發本生改定另騰送院以憑選刻

行常州府學

照得毘陵風號名區人文自宜拔萃乃該學解到月課卷詳加披閱非勦襲庸庸則冗長油滑二百五十卷中求一正大高渾之作總不可得姑錄二等三卷掩瑕節取不過彼善於此非真所心賞也仰該學諄諭諸生大振願靡力變積習淹貫經史抒發性靈學貴本原莫拾時

文之餘唾辭尚體要安事不根之浮談倘歲試仍踵敝風優等必當全缺不憚曲示尚冀勉旃

禁翻刻舊稿

照得 國家氣運彌隆則文章愈盛所貴學者推新出異各自名家鑄史錄經共傳妙筆李杜不聞步趨沈宋柳韓何曾揣摩王楊至屬時文由來屢變即使述瞿薛鴻篇于今日錄金陳傑作於異時以此期拾甲與收科未必如探囊而取物况本院才慙下劣學遜曩賢房行兩稿雖經問世而下里巴吟八音難被土羹塵飯五味寧謂深恐一日趨時之作誤為多士奉式之篇既嚴之教條復頒之曉諭諄諄懇懇至再至三近聞坊賈鬼蜮

文集卷九

三

多端忽假西泠彙賢齋西爽堂舊坊名色擅刻學院許太史已未刻稿封面併印學院頒行圖記營射利炫惑生童深可痛恨合行嚴禁仰該府學教官嚴飭各坊立將所刻稿板盡行焚燬如敢藏匿一部該學詳報立拿重責枷示仍照來文事理錄掛各坊門首俾應試生童知本院文章趨向前後異同毋為坊棍所述自阻功名之路凜遵毋忽

嚴禁健訟

照得橫逆之加可以理遣求全之毀不妨情恕苟存退步何等安閒如去爭心斷無煩惱夫訟庭為陷穽之地半字入官便難拔去吏胥懷狼虎之心一事到手何曾

空過奈何逞暫時小忿頓起戈矛憑訟師片言遽張旗
鼓匍匐公門原被固有守候之苦証佐亦多牽連之累
夏楚及之身家隨破即或僥倖得勝旋家金錢已費時
日空拋仇怨相尋報施何已秀才固有玷於聲名百姓
寧無傷于家業凡爾士民何不知省本院夙聞江左健
訟成風昨甫下車以來呈案堆山及因事察情半皆誑
誕緣詞酌理盡屬荒唐兼有年深歲遠翻舊案而作新
司結院批飾虛詞以聳聽條陳則事事違例公舉則語
語非真刁誣若此深可痛恨嗣後除倫常大變名教不
容等事仍行准理外至于疊由關毆訟涉戶婚田土往
來丘壠瓜葛事在有司非關學政何須遠涉關山致擾

文集卷九

四

嚴飭月課

衡文之冰案詎事空勞紙筆謾污校士之清心爲此示
仰士民人等知悉嗣後如再混濫係生員發學戒飭係
民人發地方官杖懲不貸

照得良玉韜山端藉工師之追琢嘉林擇木定須大匠之
斧斤集高弟而傳經槐市實作人之地進諸生而講學
杏壇開訓士之齋每念士子偃蹇終身非皆由命雲霄
失路豈盡無才良由揣摩之未工自甘暴棄亦本化裁
之無術遂少琳瑯未收桃李於黌宮難采菁莪於泮水
其來已久深可痛惜本院謹頒學政於歲科之前先行
月課蓋歲科止較一日之短長月課則可隨時以造就

非僅急於窺豹直欲人盡登峯所恐多士視爲具文教
官奉爲故套齋名治事誰能揅管而前池號采芹孰肯
升堂而教本院實心造士法在必行下車之始月課首
嚴所有課題合行頒發仰府即將密封題目轉行各屬
教官定期每月十五日於明倫堂齊集生徒發封面試
第其甲乙別以丹黃按月彙解以憑覆核果有奇文如
多傑製非惟按臨之日定被優崇抑且經世之文當公
剗剗教官能恪遵不怠解卷如期 計典舉行登之薦
墨如或一學漏課至三人一生漏課至兩次溺職者既
有玷于官方曠業者亦有傷于士習嚴提參處法所難
逃其敬聽毋忽

文集卷九

五

課江寧詩賦

照得四始篇章詞歸諷諭六朝駢儷言本性情東馬嚴
徐作賦當年第一陰何沈范論詩絕世無雙豈徒小技
雕蟲工詠歌於風月直令高文繡虎奏金石於廟堂因
之雉尾扇開應制競裁五字蛾眉班列吐詞共效三都
自古文人最多傑構從來騷客定有奇逢况稽勝地於
淮南實推建業數英才於江左首重秣陵朱雀桁邊豈
無吟屐烏衣巷裏不少名流山中宰相之稱昔言仍在
句曲仙人之宇佳咏猶存本院幸筦文樞初臨名郡擷
經研傳思拔南金咀秀含英願收東箭無論杏壇茂器
槐市蕪才同可頻試隄廩長攜斗硯即令殊方遊子芳

谷幽人琢烹茶洗硯之歌賦秋水長天之句齊驅何病
並進偏宜豈云庾信平生年年蕭瑟林逋終隱事事沈
淪徒慕最足高風轉笑拙文陋習夫項斯妙筆樂有賞
音杜牧奇才欣逢知已所望榮三花之江管幾十幅之
巴牋孟淡李寬何妨殊調班香宋艷豈必同詞或構雅
製於八义或吐弘文於七步既可開門而覓句詎難對
客以揮毫本院試完芹藻之儒校及詞章之彥香薰豆
蔻期登才子之篇粉豔芙蓉還得雅人之製聽官商於
此日早識香名卜徵聘於他年遲看鴻筆

課蘇松詩賦

照得采琳琅於經庫施孟兼收摘蘭蕙於吟壇何劉並

欽崇卷九

六

錄藜然太乙校書本賴鴻儒錦織天孫琢句還須騷客
本院衡文建業較士當途漬墨磨丹無才不問敷華摘
藻有美必登况夫水綠平江里擅吳趨之勝城高白苧
山橫秦望之奇周泰伯故封德徽猶在言子游舊地文
學還存鶴市雞陂絃歌戶戶九峰三泖誦讀村村穀才
子於當年吳下三張久著考名流於往代雲間二陸早
稱因之詩派流傳人堪拔幟賦才艷麗詞各登峰吐江
管之花宮商字叶啟徐陵之匣金石聲調省啟紅蘭固
多學士幕依綠水不乏吟流校藝而坐書堂既喜經生
林立采榮而問岩谷兼期韻士雲從嚴樂筆精歌發江
南之調淵雲墨妙花飛紙上之春瑞錦香裁魚龍疊變

秋濤句湧風雨紛飛豈獨楓落吳江徒傳佳構直令王
鋪元圃再觀高文所望三賦先生毫抽虎僕五噫庾士
箋劈烏絲曉振商飈起吟情於叢桂夜凝秋露發謫思
于黃花雕管齊吹聲傳鳳穴朱絃競奏曲舞鸞林雖才
遜中郎焦桐未辨倘藝工叔夜古調能聽

課淮徐詩賦一

照得宋玉悲秋人傳好句表宏泛月時發清歌况茲紅
葉霜飛點綴山橋水市蒼鴻愁喚淒涼客館吟燈觸景
懷人感時言志縱無勝地猶思筆燦江花矧值名區還
看詞飛枚藻惟彼星分斗域界房心阻海控山臨淮
古郡連齊接魯西楚故都千金亭遺跡還存萬會橋浮

欽崇卷九

七

梁宛在雍門已去剩有荒村公路無存空留舊浦士稱
淮海豈其絕跡當年友號竹林自可追風往日論經叢
席二戴堪宗樹節傳芳兩龔足述詎使大風碑古篆千
載稱奇未許婆羅樹高文一時擅美本院研經竄史思
接鴻儒吐雅咀風期來騷客紫萸綴席寧耽戲馬之遊
黃菊浮杯尚擬題糕之句多士倘負長而願試本院當
擇日以虔迎雖戶雁村漁最多愁思而淮長河曲足助
吟毫惟期墨袖十螺運縫月裁雲之妙手箋懷百幅寫
陂金馬王之奇聲竚望旣殷惠然是幸

課寧國詩賦

照得丹穴雲飛最多鳳羽清淵水靜不少龍鱗收美璧

於邯鄲因之華國采明珠於合浦取以照車欲識奇珍
須乘勝地維茲宛陵古郡南國名區北嶠湖頭時來畫
舫敬亭山外慣住吟筇贈客佳篇曾賦桃花潭水驚人
妙句早傳謝眺詩樓至若苦嶺鄣城地連吳會竹山桐
水壤接宣州觸風月而興懷對溪山而增慨自多名構
豈乏吟流匪獨吏部詩中寄情島瘦當亦歐陽集內托
契梅酸本院訪士情深搜才念切花前展卷既尋馬帳
經生閣外求賢還采鄭門藝士倘有華閨英蕊結譽膠
庠槃澗幽人韜輝巖穴當茲條風乍轉社雨初飄擲札
含毫綺思紛飛桃李諧聲比韻鴻文直吐雲霞所當亟
擇芳辰重開吟館鶴鵲賦就識廣武於篇中鸚鵡歌聯

文萃卷九

八

板元之於席上無虛所望願慰斯心

課鳳陽詩賦

照得九畹芳蘭憤生楚澤連城美璧本出荆山貢浮石
於泗濱曾書往事溯觀魚於濠水載誌名賢斗煥文章
分野應塗山之國天昭雲漢授時屆商節之初鍾秀氣
於芍藥陂邊誕文星於鎮鉦山外村名禹會人盡冠裳
驛號王莊家多絃誦尋漆園之勝跡濯潁水之清流憑
弔古今遐搜記載官山齊海敬敬仲遺編繡虎雕龍咏
陳思麗句功深稽古向有通儒學妙談經還留碩彥乘
馳遠遡想勁節于當年攬轡徐登思濟風於曩日書挾
君山之富架滿牙籤技操中散之工聲謫玉柱豈獨山

川峻潔冠名勝於南淮抑且風雅踴躍蔚人文于西楚
本院輶車乍策吟館重開閣對含桃商聲節換亭思清
賴西瀨辰臨暑送涼迎喜劈箋而作賦露滋月肅望擲
管而裁詩倘客遇題橋才逢倚馬掃藝壇而獨步偕騷
客而齊驅爰擇芳期載迂吉士雖非月旦敢云盡拔賢
豪誠得鴻篇差可一新聞見

課滁州詩賦

照得鄭國名卿世傳東里尼山高弟家住南宮本雖間
世而一生地每因人而轉重所以郢中雅唱開三楚之
奇文鄴下名篇啓六朝之麗句豈謂一州藪爾難覓芝
蘭試看十室幾何必有忠信滁陽驛外市館重重亞父

文萃卷九

九

城邊村花朵朵瑯琊石印山當吳楚之衝西澗麻湖地
據江淮之勝八賢去後酒竈猶存三隱生前松田不改
亭開豐樂醉翁遺跡堪誇塲啟桃花司業高歌足述泉
香萬斛半到迷溝雲白千村偏來利浦沈都水家藏書
史不減君山張學士富有文章何殊子建誌人文于往
日覽山水于名區願遵清才還尋佳什寒蟬吟罷賦咏
秋陽南雁飛來詩歌團扇牛女夕之方去端正月之重
臨雕月剪雲俱付三花妙管殘霞吹錦盡裁五里香箋
吟館依然芳辰另擇道爲詩書重還迎處士於山阿名
因賦頌尊徧采嘉賓于鹿野

課徽州詩賦

照得朱桐紫笛叶宮羽以成聲輕縠織羅燦雲霞而布
色況乎珊瑚作架墨灑奇文玳瑁爲簪箋裁妙句其爲
絢爛更倍尋常所以藝圃掄才遇曹劉而握手詞壇取
士逢沈范而傾心然而人以地靈才難輩出維茲歙州
勝地鄣郡名區白嶽黃山峰峰秀插練溪歙浦派派流
清吳口村邊半築仙人之室松風亭外盡藏騷客之居
非惟雲谷老人道傳伊洛抑且晉陽仙尉體擅富吳本
院講幄初開既進經生而第甲乙官齋隨啟還延國士
以吐琳瑯况時值暮春桐花乍發兼節交初夏梅雨旋
飄觀茲良辰能無雅什所望山花艷闌出自巖宮雲瑟
聲調奏來巖谷茂陵賦就果然吟展能邀平子詩成敢

文集卷九

十

不佳期再擇

課太平詩賦

照得丹陽姑孰夙號名區牛渚天門舊稱勝地然犀浦
外水曲折以長流慈姥山邊竹參差而直上昭明雅藻
剩有書堂仁祖風流還存亭閣庾元規出鎮之地緬彼
英風李少溫作宰之邦思其豪氣驚人妙句才子偏留
乘月高吟謫仙曾寓集成千字周思纂才思無雙韻叶
五言郭功父吟情第一古既如此今豈未然本院固欲
於尋章摘句之中禮匡願而接邊腹尤期於握玉抱珠
之內拔陸海而羅潘江所願揆藻英才凌雲健筆或名
標庠序上應文星或跡遁丘園共傳處士造五鳳樓之

手豈難賦作班揚擅千里駒之名自爾詩工沈宋表宏
詠史雅尚斯徵王粲登樓高懷遂著無事空摹七發何
須謾詠四愁本院校藝生童既分工拙問才巖穴旁及
風騷多士其硯挈香姜羣試兔之墨箋裁王版共揮
虎僕之毫蘭馨蕙馥之篇一時播弄瑞錦秋濤之製萬
口流傳莫說雕蟲無關經濟果如飲虎自得聲名

課池州詩賦

照得亭花榭草影艷風前蕙葉蘭苔香飄月底非不芬
芳曲徑點綴春塔然而老柏千尋每望深山而列挺孤
桐百尺恒依峻壑以盤根維茲秋浦名區虎林佳郡山
橫九子面蓮華路入五谿層層壁月樓邊飛翠梁太

文集卷九

士

子書卷猶傳堰上落花葛仙翁丹爐還在杜舍人尋春
之地杏樹蕭疎寶子明跨鶴之池泉聲宛轉五更雞响
好句爭傳一鏡堤涵舊題競識荀鶴生非凡種塞翁出
自名流勝地從來高才輩出際茲風疏麥隴雨霽梅坡
采芹藻於泮宮縈琳瑯於藝圃賓筵別啟硯設紅絲吉
日重招管搖青鏤所願王將軍之武庫衛洗馬之風流
齊集吟筵三花句燦共來仙履八韻歌成登美水之亭
清吟不減汎梅根之浦雅製偏留庶不愧於前賢竊有
光於茲日

課安慶詩賦

照得六皖分疆星躔斗野五舒啟國域界揚州控荆楚

之山川立江淮之屏障山橫百子古木參差地接九江
狂瀾澎湃潛峰閣起月明客過千帆載酒堂開花簇門
連萬戶過翅大夫之墓懿躅堪追訪喬太尉之居休風
宛在來尋異地處處暗嵐去覓幽棲村村香徑形勝非
同別郡風騷定有奇才本院校士一年衡文十郡采淮
南蘭蕙已得機雲羅江北珠璣更須富駱值天中佳節
求第五清名豈云閣掃東西始來藻士還望山稱大小
重觀高賢帳外迎鄒芳期再訂吟邊逢謝別館重開遇
二李於龍眠采一毛於鳳穴黃梅雨滴潤五色之花牋
朱索門懸映三花之江管天台賦就金石聲聲午日詩
成鏗鏘字字與其舟飛競渡看江上波濤何如筆健凌

文集卷九 三

雲識篇中雲漢梁丘經學麟閣垂名司馬仙才金門奏
賦緬懷曩事願觀斯人

課廬州詩賦

照得潘江陸海字燦雲霞任筆沈詩箋裁錦綉豈獨奇
文壽世美輔轅于九重抑且太史采風徵歌謠於四國
所以論經束閣早揖公孫吐艷西園還來司馬本院職
司校士筦握衡文既鼓櫟於皖江尋挂帆於淝水維茲
勝地洵屬名區山繞巢湖不數浮槎積翠浦橫爭笛慣
看肥浪流紅王姥仙踪鹿啣花碎劉安道術雞唱雲飛
偃月城邊頻顧周郎之曲回車巷裏曾搖尼父之鞭書
讀高臺牙籤宛在碑藏古屋寶篆猶存峭壁詩刊文學

聲傳往日黃河笑比清貞節著當年豈其古有名賢音
容足述謾說今無哲士風雅云亡爲開騷壇遠求驚鶯
并開吟館徧集珠璣雖草遜迎涼媿乏沉李浮瓜之供
而棚堪避暑還期脫巾露頂以從擇吉迂賓分題起草
高文能吐何妨僖父之稱妙句可傳詎讓吟仙之號

課揚州詩賦

照得風雲聲出早傳德水沉鐘牛斗氣衝共識豐城瘞
劍是知十城荆璞不匿採於深山即如九畹澧蘭豈藏
馨於幽谷無如負才各異所見每殊通儒篤志功名競
工章句學士專心帖括慣薄風騷豈知侃侃談經固貴
五車博學鏗鏘琢句尤誇四韻新聲運用雖或殊途才

文集卷九 三

華本無二致本院情殷校士既收崑玉於江南志切求
賢尋拔瓊枝於淮左問竹西佳郡看邗上名都三十二
種花開園亭磊磊二十四橋燈映樓閣重重謝傅無存
甘棠猶在歐公已去疎柳依然訪東閣官梅何遜風流
還憶聽揚州歌吹杜郎俊賞堪懷淮海集中綠字書成
嘉句水蘭院裏碧紗籠徧新詞東部名賢吐辭第一建
安才子草檄無雙徐鼎臣譽重南唐孫莘老聲高北宋
叙其風景迥軼三吳遡彼英才還同八族茲當元英啟
序水正司辰木落水凝感懷作賦橙黃橘綠觸景裁詩
倘有藝苑宏才竹溪逸士同終軍之弱齒齊綺里之高
年平時管禿三千既能散雲霞於紙上茲日箋裁十二

何難吐珠玉於行間擇日以迎所望琳瑯滿坐分題而作更期甲乙盈編

課常鎮詩賦

照得瓊林敷藥吐盡仙葩玉圃呈輝生多怪石光芒萬丈吳鉤豐劍齊稱焜燿一時鄭璞隋珠並美自古珍奇之集定來山水之區况夫地屬毘陵鎮居京口九龍山翠雄帶五湖萬歲樓橫俯臨百越蘭陵城外坡仙書院猶存荆水溪邊杜牧詩歌宛在若夫山名招隱玉蕊花香郡號丹陽澄江波蕩訪丁卯橋之別業懿躅堪追尋海嶽菴之舊題遺徽可溯長康三絕出自名邦皇甫雙賢得之勝地數人門於澤國才俱鳳皇推時彥於江城

文集卷九

古

品皆杞梓名聲蘭蕙既振詩格於曩年價重璫璵定產賦才於茲日所願雄推三虎香擢八龍吐妙句而叶宮商賦新聲而繼騷雅篇篇瑞錦語織天孫字字金聲響傳雲闕吐三花於試館紙上春生賦八韻於風簷行間珠潤柳郎博學競起宅南杜老清詩早來潭北或東山子弟質美琳瑯或槃澗隱淪才高屈宋翱翔藝圃喜枚叟之重臨馳騁書林笑終童之復起擇良辰而集郡彥啟絳幄而迎嘉賓細劈花箋謾寫閒居之賦冷攜鸞管共裁感遇之詩傳寫佳篇紙墨何妨驟貴追踪大雅文章從此一新倘謂世乏知音朱絃難奏人期得路弱羽誰憐愧非伯樂之庭願識名駒千里謬入卞和之肆敢

收美玉連城

曉諭各州府

照得本院歷盡苦寒倖叨一第年今五十有二家惟一子薄田數頃兄弟同爨饘粥頗足自給昨以列名在末忽蒙不次之命力小任重報稱無自誓欲振盡孤寒仰酬知遇決不於生儒進取之途稍為分毫自利之計皇天后土實鑒此衷不敢作一誑語以欺爾多士也至於文章一道甘苦備嘗自十六齡補弟子員便事舌耕通籍以來依然教學丁卯秋試蜀始廢硯田而四方患教究無虛日侍講青宮之暇口不絕吟手不停批蓋歷有年所矣今謬操衡鑑之權更值人文之藪焚膏繼晷卷必評斷不輕假一人以繼關節倘有無藉棍徒作奸胥狡妄希撞歲玷我生平痛首疾心真不待教而誅者現今密行訪拏外示仰地方官留心嚴緝凡爾士民果能舉首一人重賞不吝本犯杖斃童生亦服厥辜歌寓縱留地隣容隱各重究無貸本院存心素厚執法甚嚴勿視為套語悔無及也

文集卷九

五

正士習培士氣

照得士子名列宮牆藝攻經史潛心聖域理學遠承振步層霄功名早建讀書務期遠大立志豈可卑靡無如青衫乍着黃卷遽拋出入衙門結吏胥為密友把持官府仗刀筆為長城片語相投稱功頌德一言不合訐吏

告官甚至攬錢糧而充段正抗賦年年陵鄉曲而作訟
師蠶人處處因之請禡詳革絡繹文移學霸豪衿紛紛
訟牒受公庭之斥辱學校蒙羞為鄉黨所刺譏衣冠喪
氣種種不法深可痛恨獨是膠庠之內敗檢固多芹藻
之中娉修不乏妍姪宜辨何容專事誅鋤懲勸當公詎
可徒矜擊斷按學政全書內開府州縣提調官宜嚴束
生徒按季考校除干謁瀆擾外俱宜以禮相待勿得橫
肆凌侮等語可知士固當以道自重有司亦不得非禮
相加蓋禮義為士心固有培養為吏治所關夫惟崇士
以禮貌而後可勵士以廉耻為國家儲蓄人才為
朝廷振興文教凡為賢牧諒有同心嗣後文武生員或

文集卷九 其

抗糧唆訟及敗倫傷化確應究懲者地方官備情詳報
本院按律禡擬斷不輕縱若未經詳批擅自決罰撫拾
細故羅織深文本院欽奉 勅書惟知 國法亦不能
為無端凌虐者寬也各宜凜遵毋忽

崇孝弟

照得入孝出弟訓語諄諄事親從兄教思疊疊蓋人非
孝友縱筆妙生花浮華何用而士失倫常即榮叨一第
根本難言試思恩深罔極承歡之日無多誼切孔懷博
笑之時有幾逮至蓼莪見賦報鞠育而無從暨乎棠棣
興哀望園罔而莫自圖形刻木究竟異路死生與蔭推
田到底感殊存歿本院童年采藻永日依親未久承歡

遽遭讀禮望形容而不見霜露增淒思手澤之猶存歲
時轉感白雲遠望有淚徒沾萊袖空飄含悲靡已至言
雁序幸有六人得共蓮門依然三徑易衣而出屈指蓋
已多年共爨而居聚首亦非一日自昔黃童總角已極
和樂於當時迄今白髮點霜彌快友恭於晚歲聊借親
嘗境遇樂為同志裁成所望庠序名賢珪璋令德念此
生所自出思式好以無尤歌怙恃之章孝思頻發咏脊
令之什友愛彌敦將里號南陔閭門必表鄉名和順姓
氏重褒倘徒事詩書不知孝弟潔豆遽以供客甘毳之
奉缺然博施濟以邀名墳麓之愛不足大倫攸數庸行
多虧即擅鑿韓飫柳之才奇文定損縱誇東箭南金之

文集卷九 其

譽重典必加毋忽

勵廉恥

照得秉禮守義為儒門絕太綱維鮮恥寡廉喪學者非
常品地咬得萊根斷一生事業方成立得脚根牢百代
勲名始建經天緯地都從書卷得來致君澤民多本秀
才做出矢志何可不遠大立品何可不光明謝太傅布
衣時早有公輔之望范蜀公舉子曰便知廊廟之才乞
火掃門終非賢俊求由問舍豈是英雄而况屏息柔聲
工逢迎而圖富貴習肩諂笑忍恥辱而覓錙銖不顧枉
尋何知直尺志卑行濁無論百事全非固少羞惡之心
較利徇私即令一念偶差亦非聖賢之學本院衡文志

切造士情深不獨期多士作千古才人兼欲望諸生立百年大節所願立加振作痛自濯磨共成磊磊落落之人勿效瑣瑣屑屑之士共砥堂堂正正之品勿學庸庸庸庸之儒況江南歷有名賢前規不少夙稱才藪懿躅最多倘儒行從此彌敦士風因而益茂文學機雲疊見節操肱肱重來品度亦緒亦雍功名如遜如抗誰敢妄誇挺植竊幸謬說裁成聽文圓聲聲無非麟鳳看名花朶朶盡是參苓在本院固覺與有榮施爾諸生豈曰斯之未信勉旃毋忽

禁止長生書院

本院畫粥寒儒箱經儉學恭膺特簡衡士兩江茲試蘇

文集卷九

七

松人瑞之邦近屬粉榆壤接之域三更燈火宛憶當年五色文章恐迷此日荆山煙煖期無抱璞之悲滄海月明豈乏沉珠之淚雖甘居枯寂無負初心而拔盡孤寒尚留虛願所以聽輿誦之載道彌切悚惶觀多士之盈前反深快悵今據蘇府提調詳稱兩郡生儒將建長生次興書院大凡譽之所由集即為謫之所由歸何如謫譽兩忘況乎始之有可觀不若終之有可信務在始終無間即甄拔亦職分所屬豈據掩後而超前惟舉動以禮教為開自宜去浮而崇雅各歸守樸庶相得以益彰勿事增華行更前而加勵毋若藐藐負此惓惓

嚴飭武衿

照得拔窮經之名彥用作棟梁收禦武之英才足資將帥蓋國家取士文武原有兩途使者作人膠庠定宜一體凡爾武生本院曲加造就倘有司共事優容豈期下車以來紛紛控告廬鳳為多累累呈詞武屏特甚或攬徭抗賦或占屋攘田或圖賴金錢或姦拐子女甚至捏詞唆訟志在肥囊抗役毆差身甘試法恃拳勇而威凌鄉黨結羽翼而武斷村庄因之人人切齒展訟牒而寒心事事請禡閱詳文而棘手本欲遽申三尺先開悔過一門一切詞訟姑不深究百凡詳報懇未准行爾等武生從此翻然起悔勉力自新刻意韜鈴留心騎射去赴赴之習氣化抑抑之威儀安見緩帶輕裘之彥不加誦詩習禮之儒若或怙終不悛頑石難雕蒙滯轉深沉疴不瘳爾既習于下流誰挽之而上進本院即轉慈顏而為鐵面據冰案而事刑書衣頂定禡欺賊必究一入法網悔無及矣除另檄示外仍仰該府照牌事理通行各屬錄挂通衢家諭戶曉此亦本院先教後刑之意牌到須遵

文集卷九

七

申明文體

照得文章為經國之大業紀律猶制義之成規前於所頒條約詳載言之恐習而不察再申其旨大要格取正大意崇遠聞詞貴本於六經諸史調必運於古文大家神雋永而彌深氣卷舒而不竭斯為共賞之技不愧大

雅之音若庸腐之陳言久嫌陋劣至新奇之近體尤屬支離錯雜不倫冗長無節拋荒正面虛衍盈篇輕點全題混發數比移生新而不成句語假超脫而徒飾空疎妄競尖纖漸滋油滑種種陋習痛欲掃除至本院鄉會兩稿氣局粗笨字句庸熟在當年已成數見迄今日更所厭聞若再襲一語斷然不錄

嚴禁供應

照得本院筦文樞以校藝慎儉德以束躬鑒物志在澄清賦性身甘淡泊蓋雞窗寒士固誓遴選維公而蔀屋窮黎豈謂艱難未悉今當巡試昇州按臨句曲署中日夕需用酒米薪水等項俱係自備仍恐各縣官吏借上

文集卷九 三

官供應任奸吏派科豈知一腐一菜之無多即刻民膏民脂之不少時一念及為之心傷合行嚴飭為此仰府官吏照票事理通飭各屬一切供辦概行停止非敢市矯廉之名竊欲效飲水之誼本院皎皎為懷硯確確守斷不恣一時之口腹違半生之素志亦不因逢迎之屬吏玷清白之官聲如謂虛詞套語視若罔聞仍違嚴禁復蹈曩規定行叅究不貸

嚴禁淫詞

照得欲端學術先正人心期真志以閑邪務防微而杜漸誠恐試館開時賈商畢集有一種無知坊棍刊布傳奇刻成小說破傷風化搖蕩人心禁飭雖已再三查訪

不容遺漏甚至方傳秘術煽惑少年室號藏春招搖密肆變淳風而趨淫俗壞士習而喪儒修其為流毒何可勝言除檄行提調官嚴加查究外合再曉諭為此示仰該地方城市書坊鋪戶人等知悉倘淫詞艷語鐫刻依然幻藥怪方鋪張仍舊一經察出本犯立斃杖下兩隣保約一併提究決不姑貸凜遵毋忽

申禁淫詞

照得本院巡試秣陵按臨句曲生童既眾商賈倍多所有坊棍刊刻小說乘機射利深可痛恨前經出示張挂省城仍恐此輩志切營財身甘抗法甚有描春意而貼市塵託秘方而開肆舍蕩人之心志導俗以淫邪合行

文集卷九 五

嚴禁為此仰縣官吏照票事理嚴加查究立行驅逐倘衙役輩徇私容隱一經察出本犯立斃杖下該役亦行提究俾鳴絃之地絕傷化之徒良有司諒有同心也

嚴飭奸棍

照得本院一介寒儒兩江督學矢心天日勵志澄清務期拔盡真才豈容姑留撞棍除密行訪緝併檄提調官嚴拿外合行再飭為此示仰與考生童及居民人等知悉各圖凜惕勿肆鑽營倘或酒壚茶肆容隱匪人旅舍僧房留藏奸棍縱其誑騙任彼招搖本院耳目最長一經訪問同拿杖斃勿以自己身家輕試法網慎之毋忽

嚴飭歲試規避

照得學校勸懲首嚴歲試捏詞規避例應褫究凡屬文武生員自宜恪遵謹守近訪各學子於平時既置書卷於高閣臨試輒捏事故以避考本非長卿消渴漫言臥病繩床本非林宗遊學謊稱遠館他鄉甚有捏病捏假前考未補復請展限或屬新進從未與考巧飾虛詞百般躲避其意懼真本蘭亭一時難匿希圖踰期示補任意僱替作弊生奸殊干法紀為此仰府州官吏照票事理即便轉行所屬各學教官凡有前考告過病假并新生未與歲試者遵照往例一概不得混詳間有真正病假生員查係實情須由提調官具詳於本院按試未下馬半月之前申請核批不許該學教官臨場紛紛竄請

文集卷九 五

至若丁憂各生務填明年月日期庶杜不肖假捏情弊如該學偏任學役受賄誑詳察出本生提究除名學書責懲不貸該教官亦難辭失察之咎其未奉批准文武生員仍造送與考毋得擅自扣除至請給衣頂生員俱候本院按臨面驗定奪勿許混行詳請票到須遵慎毋違錯

嚴禁刁棍

照得本院矢公矢慎誓拔孤寒歲試已經將竣鐵石為心初終如一辨妍媸于纖悉別高下于毫茫目疲神勞晨昏無間無非為爾輩單寒起見近聞惡棍刁徒百端奸計見本院利無可傾心實難移思欲通同門役倩文

傳通本院一片公心豈俾魍魎蒙蔽除諭巡風官役臨場嚴緝外誠恐生童密結奸胥以身試法傳稿遞文此本院所痛心髮指者訪拿到案定行一體立斃杖下言無虛設各宜凜遵毋忽

嚴禁竿牘

照得科試已竣遵例錄遺亟欲博收才俊共慰觀光第查已取科冊與總督部院傳題廣之數額已稍浮今考試之日期有限拔取之名數無多自當力秉虛公嚴絕情面務獲遺珠以副賓興之選乃不肖生徒不思摩揣專事夤緣或干求當事或暗浼京函種種奔競深為痛鄙除束卷不錄密提褫究外再行示禁為此示仰所屬

文集卷九 五

官員知悉各凜禁令共諒苦衷如有公文照例露封投進倘或借投文遞冊之名值場進謁之便代寄私函夾帶薦揭定將該員職名并原函飛章奏處毋貽後悔慎之

曉諭句容童生

照得句容遠抱茅峰夙稱仙邑名山鍾秀宜產異才下車之日力欲俞生童之請於譽髦中恢廓前數撥之郡庠不謂應考無多文亦絕少佳構從公減額殊負本院培植初心合行曉示仰句容縣各生童知悉嗣後須益加砥勵造就真才科試不遠如果有奇葩異藻定當憑文多撥以慰爾等之望也勉旃毋忽

曉諭姑孰生童

照得棍徒誑騙禁諭再三士子鑽營訓詞諄切非惟嚴峻關防爲自己聲名之地亦欲搜尋英哲絕士林奔競之門苟非大愚定鑒斯衷昨本院按試容城憑文甲乙孤寒滿目才俊盈前間或遺珠拘于成額在本院問心已無愧矣姑孰去秣陵無二百里之遙凡爾生童諒已熟悉仍恐走空神棍恃笙簧之口舌逞煽惑之技能專騙書駭希圖撞歲本院耳目最長訪拿最密一經察出固當立斃杖下更有一種功名性急之士知本院秉公校士無徑可投或恃待士稍寬之一着遂至以桃代李慣用鎗手而作生涯以莠亂苗甚至易卷以圖進取本院寬以待高賢不得不嚴以防不肖如有犯者從重究治斷不姑貸本院無非爲愛惜真才起見非好爲言之聒聒也

文集卷九 五

榜示太平府未經進取各童坐號

照得本院欽承簡命視學江南額天矢志誓必拔盡真才俾孤寒皆得上進茲者歲試太平口誦手披晝夜不輟去留甲乙幾費推敲憐才苦心神人共鑒但作文原有一目之短長而衡文尤在瑕瑜之不掩片善寸長何忍湮沒合通行曉諭以示鼓勵歲時易過學問無窮苟業益勤而文益工不患莫已知也

當塗縣童

蕪湖縣童

東秋八首篇有警句而多合掌
西薑三起講爽利文王等句粗甚起比南山不
句尤于理有碍然
通幅亦苦意經營

西月三

首篇每股有意不合掌次篇亦通別字
甚多如贊說贊萃說辛曉說倦昨訛准
淹說湮落說潘全
未對出難以取錄

西地五

當堂面閱年甫垂髫安筆頗
清未見學力有造之器勉之

繁昌縣童

東果六

筆氣甚爽次作起講更佳因首篇勸
顏淵數語不倫故置之然實可深造

榜示江寧府未經進取各童坐號

照得本院首試江寧晝夜校閱汗流浹背無暇揮扇一

文集卷九 三

片苦心天人共鑒但能文之邑佳卷實多限于定額雖棄猶惜今將坐號開列註批各童益加深造不患莫已知也特示

上元縣儒童

東玉十七

首作沉鬱頓挫幾可冠場次作檢舉
稿已完而勝真僅及其半初不忍置
終難破格爲之
悅惜者累日

東律五

首篇意極沉著
起二比勘題未確

東天五

六篇文氣亦通但疾行
善步何不端精兩藝

西張十二

文極淋漓之致惜
首作間涉俗解

江寧縣儒童

西收十

首作筆勢頗矯
惜次作未稱

東崑十八兩作俱有警句而前幅稍弱

東致四首作前半篇大有機勢但結處寬懈

東露八五篇前二作俱通第三藝粗謬可惜

溧陽縣儒童

東調二兩作亦佳尚有累句

高淳縣儒童

西生十九頗有才思太覺粗豪細心靜氣何患不工

西曷十三首作頗可觀而氣未靈動

溧水縣儒童

西收十四兩作俱通已經錄定查無府取係縣冊混送於例未便惜之

文集卷九

三

德星堂河工集

海寧許 汝霖 時菴著

批咨

戴同知 呈報事 據深澤縣詳安平私築堤岸

由

據詳衆營從無舊堰豈得私創貽害鄰封至所請梨園築堤裨益數村誠據截上流之策但果否有利無害仰即檄深澤縣確議轉覆餘俱如詳發落繳

俞同知 抵換堤岸等事 詳大城協修武哥庄及時修補不許推諉由

久之例驟難更變去冬早諭大令今春當昭舊修築

河工集

不得借端貽誤來詳具見同心已即行嚴飭矣此繳

戴同知 籲懇轉詳等事 詳懇咨東撫飭丘縣

一體修築堤岸由

據詳思深慮遠誠屬永久之計仍候撫部堂批示錄報繳

景州 東光 故城 發買椿葦事 會詳免買椿木由

據詳非不深悉但事係 欽工必須就近購買方可濟用去年發買二萬餘椿並無一邑抗阻者況查前司任內各該州縣曾辦三四五千今止一千價值較前每根又多數分反行詳免倘各處效尤勢必貽誤堤工咎將誰屬仰各速辦不得再行推委此繳

河間縣 哀籲陳情等事 詳本部堂承舍陳思

志失紬由

陳思志雖經失物然裨隔屬捕役無票拘人已屬不合黃甲等炒鬧未免親見遽行奔控本應提究姑念被竊是眞高陽縣既經懲過王化行等復請和息如詳逐釋繳

蠡縣 再購椿木事 蠡縣詳免買椿木由

據詳具見民牧苦心但事係 欽工必須就近協購況查前司案內該縣辦過萬根並未允免今反推諉恐各處效尤勢必貽誤堤工咎將誰屬且已經咨呈撫部堂原銀不便自收仰速行購運勿再遲悞繳

阿五集

武強縣 飭知事 詳免買椿由

據詳具見良牧苦心但事係 欽工例必就近辦購況前司案內該縣曾辦五千今止一千而每根價值較前又多數分反欲詳免倘各屬效尤勢必處處推諉貽誤堤工咎將誰屬姑寬限十日速行解辦毋致遲悞繳

武強縣 閭詞泣訴等事 據閭縣民楊廷弼等

求免買椿由

該縣接壤鄰封前後左右俱發採買並無一辭推阻該縣向經購辦離河更近何獨反數數也且已咨呈撫部堂萬難改發再寬十日如式購買速行運解繳

子牙主簿 懇恩委署等事 該員詳已陞授經

歷懇乞委署由

仰候遴員委署繳

高陽縣 叩天憐念等事 詳小民艱食懇給罰

米堤工易成由

本部堂於各屬並無記過罰米此繳

景州判代知 緊急公務事 免解椿木由

州事既經代理何得推諉仰即購運繳

交河縣 再購椿木事 詳免解運

使止該縣一處何難曲體但一處詳免則所在推諉勢

必無從購辦仰照前批速運繳

俞同知 瀝陳賢員實績等事 留子牙主簿

阿五集

三

楊主簿勤勞練達早已咨呈留任乃掣陞之後該員再四哀辭呈懇謝事不得已另行委署今據士民詳請具徵公道且見同心但已經部選靜候撫部堂裁酌可也此繳

保同知 謹陳堤工等事 撥夫必從地畝取出

務遠堤根由

加高培厚尺寸須用石礮此奉部堂現在興修行之已效者該廳任事方新便抒碩畫切當周詳具見實心擔荷仰候撫部堂批示錄報速圖力行繳

故城縣 發買椿葦等事 詳免買椿或解一半

由

訪向經採辦何得推諉況咨呈撫部堂檄委河廳亦無自行減免之理諸汎海至需用甚迫仰速行購運勿再遲悞繳

任丘主簿金諾 緊急公務事 詳各處險工實難分身懇撤免赴河間委辦 皇差由

既經保河廳批免仰速覆該署府以便另委毋致貽悞繳

牟同知 唐堤必需椿葦等事 詳唐堤逼近白洋淀請咨設法改椿工由

本部堂欽奉 上諭防守子牙凡劉梁兩巡道所經修者照例竭蹶不敢稍諉至保河一帶修築歲有常例該

何工集

四

廳任事方新即能備閱險區酌為永遠之計具見實心更覘碩畫但本部堂不能身先設法據詳轉請母乃舍已而責人乎于情似覺未便此繳

曲周 為行知事 詳送修築過新堤總圖說炤

閱圖說具見實心利濟規置周詳至欲于肥鄉賢店村築至臨漳王俠村七十餘里大堤為永久計更覘碩畫仍候撫部堂批示錄報繳

子牙主簿吳 詳請批示等事 詳存剩椿二百零九根其餘不堪應收應發乞批示由

此項椿木原屬不堪但係從前官物既經查報着即驗數收貯以存舊項不許他人擅動此繳

文安縣 遵旨接築等事 會詳一不願築一願築不敢強築由

仰速畫一妥議不得兩騎繳

署子牙主簿 飛催事 詳閭留庄工程另委料理或檄青縣另委料理督平緯路由

閭留二庄屢經 聖諭加意修築今工未及半該員遲行詳委殊屬不合 回鑒在即仰速催督毋得遲悞繳

任丘縣 人少堤多等事 詳唐堤歷來高民修築由

據詳源委已經深悉但既呈撫部堂現批道廳議明自有公斷仰候批示錄報繳

何工集

五

清苑縣 飭提事 管分司書辦郭通張廷樞在

郭通張廷樞久不辦事從寬革役繳應詳用驗不合

清苑縣 前事 管分司書辦賀友仙曹彥源現

在理事廳辦事 賀友仙曹彥源係分司人役本部堂並未分發糧廳乃

云印冊可驗此必造冊經承作弊添改本應提究姑從寬另檄行知該廳革役繳應詳用驗不合

保河廳 人少堤多等事 高任彼此互推並不

分修唐堤由

時屆伏汛何得任其推諉仰嚴催修築如再遲延立行

揭報繳

保河廳 科舉事 有河各官免調外簾用

秋汛堤防職守最重既據 撫部堂源牌具詳守道自

必照例免開倘或不然仰即飛詳以便咨呈撫部堂繳

靜海縣 伏汛已屆等事 詳請發減糶米給夫

將夏季俸工還項請特咨撫部

該令賢勞靜民艱苦非不知之甚悉但本部堂職司防
守未便代請此繳

河河廳 前事 前由

捐俸一策允屬急公但本部堂職司防守不便代為轉
請此繳

河工集

六

任丘縣 欽奉憲諭事 任丘縣詳高陽唐堤一

案由

分修多寡既經撫部堂面諭則弓口丈尺自宜恪遵豈
得偏私仰保定河廳秉公覆丈速報繳

真順廳 報明事 詳三年已滿保過伏秋造具

事實等冊申送

三年已滿仍請保過秋汛愈徵勤慎仍候撫堂批示錄
報繳

牟河廳 遵奉憲諭事 詳丘遲悞推諉唐堤一

案由

前據任令具詳因仰該廳覆丈今既秉公無偏仍候撫

部堂錄報繳

真定府 稟報事 詳冀州堤北橋村溢開老埝

并月堤由

前據該廳詳報已悉仰該府嚴飭該州速行堵築具覆
繳

真定府 前事 冀州冲埝已經修固訖

前據該廳詳報已悉仰該府確查果否完固仍取印甘
各結具報繳

真順同知 前事 冀州冲埝由

初七日先接該廳初四日詳稱該州已于六月廿九日
堵築修完仰再確查果否完固仍候撫堂批示錄報繳

河工集

七

高陽縣 申報事 所漫南布哩堤工已于七月

廿五日堵築完固訖

雖經補築有無傷損田禾已飭河廳確勘矣仰候撫部
堂批示錄報繳

俞同知 嚴飭事 保固今歲堤岸由

河流效順該廳保固之力實為可嘉仰候撫部堂錄報
繳

又 飛催事 三日一報水勢應否停止

四汛既畢詳報自行停止此繳

戴同知 報明事 詳四汛安瀾堤岸堅固由

眾水安瀾各堤堅固具見隄防妙用仰候撫部堂批示

續

又 三年期滿等事 詳三年任滿保過秋汛并送事實結冊由

三年勤敏才守俱優仰候咨呈撫部堂題陞繳

李同知 報明事 詳四汛安瀾堤岸堅固由

衆水安瀾各堤堅固具見防護苦心仰候撫部堂批示繳

牟同知 請設專管等事 詳雄縣永高堅三年

任滿由

據詳該員三年任滿勤敏稱職例由該縣造具河員履歷事實請冊空白四柱具結申送本部堂填註考語加

河系

八

結咨呈撫部堂核題升轉今該縣所詳任滿並無該縣清冊并少一結碍難核轉仰循舊例速取印結各三本套以便核咨繳

俞同知 請設專管等事 獻縣主簿連前俸三

年期滿由

據詳該員前後兩任俱屬清河嵩設接俸報滿雖未有例似屬可行但河員任滿例由該縣造具履歷事實清冊空白四柱結送該廳粘鈐申送本部堂填註考語咨呈撫部堂核題陞轉今該廳所詳並無履歷事實清冊憑何核咨仰循舊例速取該縣冊結各三本套該廳加結粘鈐呈送以便咨呈撫部堂核套繳印結并發

真定府 前事 前由

仰該府會同順德府及真順河廳秉公速查報繳

俞同知 請設專官等事 咨送獻縣主簿三年

任滿事實等冊結

仰候咨呈撫部堂核奪繳應詳用驗併飭

俞同知 特請委員協理等事 詳請檄調滄州

吏目張萬澤協挑文大兩縣淤河

據詳張吏目青年勤慎仰該廳檄令星赴協理挑濬仍自親率該縣印佐往來督閱不得徇諉併將興工日期深廣丈尺確報繳

大城縣 爲協修堤岸遙遠等事 請檄伯州着

河系

九

居民看守繕康武哥堤岸

縱牲作踐固當嚴禁而偷鋸椿木更屬可惡仰伯州印佐嚴行查究看守永禁繳

俞同知 堤工亟應及時等事 請檄印官不許

借敬偷要衙署內

仰該廳即行轉飭倘仍舊因循立提經承解究併將印佐揭報以憑咨參毋得徇縱繳

大城 虎視愛賄等事 詳後原訴皆誣彼此

互訐應開應禁憲奪

黨詐互訐本應重究因觀勘各堤已開一面而王姓者亦訪確懲革姑如詳發落繳

俞同知 協修堤岸等事 大城協修伯州武哥

庄等堤乞咨撫轉行伯州看守

前據該縣詳請已批伯州嚴查永禁矣此繳

大城士民梁阿衡等 奸棍瞞天等事 新劉煥等

仰大城縣一併秉公速審繳

又 泣陳苦情等事 新劉煥等

據稱兩造俱願清丈均修如詳永遵繳

賈村士民梁阿衡等 再陳堤工等事

前據該縣具詳紀庄四段賈村四段俱照夫頭之數清

丈分修最為公道已批如詳永遵矣今爾等復行奔控

因傳該縣面詢以五台新分之堤賈村原有舊址在內

何上集

十

應照河員前斷至于五台分築歷年已久自當照舊並

無改為歸併之說仰洛陽斷速修勿再滋訟也特批存

案

河河廳 請設嵩官等事 汪州判三年任滿送

事實等冊印結

汪州判實係才守兼優勤敏稱職之員仰候咨呈併題

繳

安肅 叩天報明事 詳報姜女廟冲决十八丈

並無淹沒由

仰速行修築刻期報完勿得稍遲致妨田廬此繳

大城縣 結狀事 據傳家庄等村民請開吳放

水由

昨勘堤內雨水高於堤外尺許田禾淹浸不禁門然今

據詳有舊溝一道士民甘結保無違悞仰即委員指示

暫開放洩但須預備物料多撥人夫晝夜看守瞬息勿

離一聞水勢稍長立行堵塞不得偶遲頃刻致干大累

再俟秋汛畢酌設涵洞一二店相機啟閉更為永久計

使此繳

廣大河廳 飛飭赴汛修防事 奉院行詳請轉

飭各仰河官竭力修防由

廣平低窪之處秋被淹沒事前何以失防事後何以不

報遲至月餘始見該廳轉詳殊屬疎玩至所請嚴飭各

何上集

七

縣乃即檄行仰候撫院批示錄報詳內並無書冊即補

送繳

伯州 旗棍盜挖堤工等事 詳程文炳盜挖香

營迤西堤岸由

據詳旂棍盜堤辱官大干法紀仰該州嚴查申解以憑

咨呈撫都院拿審題究此繳

李王堂 飛飭赴汛等事 詳老漳漫溢勢將南

徙乞飭各州縣修濬由

據詳老漳河忽淤漫衝官河身勢將南徙堵築可嘉但

全漳之流盡歸新河則運河或恐淤阻關係非輕仰該

廳嚴飭成安肥鄉廣平曲周魏縣元城威縣等處將已

成未成堤岸各修各築培厚加高遇有淤淺即便疏通毋得彼此觀望致干咨叅倘有衿棍把持抗不出夫立同州縣揭報以憑拿究此繳

青員由典史代折公務事 廣福樓淤涉現有端設河員可挑由

梁主簿早已檄飭矣但撥夫事屬有司不得推諉此繳

俞同知 飛飭事 單家橋挑獻縣河道告竣

單家橋一帶雖出運河實與子牙表裏今夏忽淤所關甚鉅幸撫院親勘即委該廳相度淺深緩急規畫詳明今又督同該員印佐勸賞鼓舞星夜趨工十餘日而挑濬深通事速功倍具見實心任事勤敏堪褒但河流通

河工集

三

塞瞬息靡常仰轉檄該員時加省閱毋廢成勞仍候撫都院批示錄報繳

成安縣 申報事 詳栢寺營漫溢二口當用排椿堵塞現將完工未碍禾稼由

據詳堵塞二口水流支河而霍村一帶竭力挑濬現在仍歸正流具見實心任事但細閱文內現將二字似屬懸擬尚未完工仰速行底績毋廢成勞仍候撫都院批示錄報繳

李同知 飛飭赴汛修防事 呂彪村二口已于七月二十日用椿堵好二河暢流無南徙之患漳河成安是其咽喉全在疏通今所有該員挑挖深

通並無淤塞印結二套申送由

計該廳成安印結一套于八月廿五日咨院訖已經據詳咨呈撫都院懇其免取矣俟照會到日另行檄知繳

俞同知 飛飭赴汛等事 詳保固堤岸由

四汛安瀾具見實心任事仍候撫院批示錄報繳

大城 袁陳輿情等事 詳白洋等村按夫分修等由

據白洋士民鄧日綸等原呈內有張家口新河工冊一紙即在大冊八百七十丈內則三村分工自應一律乃白洋止九十工樊庄一百廿工而張家村獨有二百四十四工工數多寡何以迥不相同意者村地有遠近則

河工集

三

利害有輕重往返有難易故分工因有多少張家庄新堤若此白洋大堤便可類推今該縣詳稱樊庄協修白洋之堤出夫二十五名已歷數年又有紅冊可據夫使二十五名定于紅冊歷年已久今日豈可紛更但出夫始自何年紅冊所載果否確有二十五名字樣抑或混說同修各無定數仰再確查妥議務使兩造心服併將紅冊新河工冊送覽核奪繳

大城縣 袁陳輿情等事 駁詳白洋等村堤岸由并舊冊舊印稿

細閱紅冊及新河工稿審斷最為公道着永行遵守不得再瀆紛擾繳冊稿并發

俞同知 結黨聚眾等事 劉源洪控韓三等一

案據生員郝天直等公息

搶銀不真便似虛妄但黑夜闖入客房理既不直情亦可疑因各講和姑如詳銷案繳

獻縣詳 為虎棍恃強等事 陳于陞告白養志

一案

據詳白養志不服縣斷辱毆誣訴本應重究姑念契上平分一半該縣審係兩人字跡尚屬疑似未見確供從寬革役如詳發落若再不悔過即行嚴懲此繳

河白府 堤工修築等事 詳請預備物料及時

修築由

河工集

高

據詳修舉及時脩料宜預具見實心本部堂現在親勘仰照前檄速催各屬送冊候酌奪繳

祁州 辦買椿木等事 詳請本月二十日限外

再寬半月庶免遲悞

據詳具見急公更蕪慎重准寬限半月運到幸勿再遲

繳

靜邑 飭催事 詳發買葦子即留為本縣應用

不便運送

本部堂奉 命防守一草一木並未累及民間葦束一項現在自行採買深知時價所發銀兩照時平買該縣何所見而云懸殊耶蔡家窪地方本部堂已經行文自

認修築且面諭楊主簿扣葦四千為本處之用今所存止六千東現貯廣福樓邊相去王凡不過數里一帆飛渡運費不知多少限二日內運到開明腳價若干具文請給必不令該縣賠墊也此繳

大城 恩准土培等事 詳覆周簞簋等呈

周生等呈亦見急公但據詳二百三十餘丈之外俱係椿葦堤岸獨將此段土培斜幫殊為未便自應照舊加修不必紛更也此繳

大城 懇恩俯順輿情等事 老人蘇成業等呈

西堤椿葦俱係頂頭本欲照舊修理乃百姓呈懇謂一經風浪逐漸損壞欲依河間等處更換龍尾今該縣亦

河工集

圭

稱龍尾椿場夯破堅固可保久長較勝于頂頭且洽輿情准如詳更換繳

保定河廳 詳請需員兼理河務等事 行令新

任蠡縣典史料理河道堤岸由

如詳令典史料理仍候 撫部院批示行繳

又 叩天轉申詳請按臨親驗等事 據雄縣詳

稱合縣鄉紳士民馬名官等呈稱王村口等處暫

開堤岸洩水歸淀由

王村口水果係歸河入淀無害于隣縣該廳既經勘實如詳暫開水退即堵仍所不致疎虞印結各結報查此詳該廳于廿九日發行遲至十三日始到各通舖怠玩

已極仰挨查何處稽悞究報

交河縣 飭知事 王士美罰米已奉部堂批行

改作煮賑矣

既經煮粥免提繳

河間府 各堤亟應歲修等事 請修河獻等八

州縣堤岸由

現經修理酌給仍候撫部院批示錄報繳

靜海 通飭及時等事 詳指輸米石免解作為

各夫修堤食用俟秋後將俸工買還

閭閻二庄月堤以及子牙廣福樓一帶本部堂已經修竣今所亟者子牙迤北及新河兩岸現在與工理正詞

河五集

共

順仰候撫部堂批示錄報繳

大城 叩天恩憐苦役等事 詳免指役食

劇縣窮役枵腹可憐仰候酌給併錄撫部院批示速報

繳

廣平縣 特委事 詳請飭行成安元魏并請移

咨山東巡撫轉飭丘縣一體遵行興工挑濬由

據詳開濬支河然後正流始有所殺務使上流之來引之甚暢下流之去洩之甚速區畫曲盡如詳飭行仍候

撫部堂批示錄報繳

安州 詳請委署事 知州現在彰儀門外堤工

重大詳請另委

州判員缺初係守道詳委該州既難兼顧仍詳守道選擇會知本部堂可也此繳

俞同知 詳明職守等事 詳到任月餘未奉一

檄由

催修各檄該廳衙門自有案卷豈尚未交代耶至于嗣後事宜自當照例委藉此繳

青 飛催事 詳大城李家等庄三村撥夫修堤

由

該縣詳稱北自小河村南至張弘橋以及新河東西兩岸俱已如式修葺何不具文申報至謂水涸之後間有破損催夫修葺其屬易易何不預為修補迨至本部堂

河五集

七

確勘嚴催又不據實申覆遲之又久反行飾詞欺瀆殊屬不解乃河間河廳即行轉飭并將李家庄數處堤工會同青大兩令親勘確查妥議速報以憑酌給毋再遲悞繳

雄縣 飛檄嚴提事 詳壯夫仍留本縣堤工應

用免調赴石工奉伯昌道行提

該縣堤工實係繁重仰候撫部院批示錄報繳

胥河廳 懇念民力艱難等事 詳高陽 高家

庄十三村地保王大成等呈稱十三村地勢窪下欽堤難修詳請暫築小堤以省民力由

果係民便如詳行繳

戴河廳 報明回縣日期事 于四月廿二日巡
查河道于五月十二日回縣由

據詳已悉繳

又 請飭按地分堤以均勞逸等事 詳飭有堤

州縣按地定堤紳民一體分修分守等由

按地分工此至公可久之法若富貴者傲免窮民何堪
獨累仰該廳即嚴飭各州縣照地分堤一體當差如有
徇隱抗違者立即指名揭報以憑咨參仍候撫部院批
示錄報繳

又 申請分別勸懲等事 詳請憲公之冀州武

邑衡水獻縣請加獎勵偷安之青縣武強等請嚴

阿五集

六

申飭等由

冀衡武獻四州縣才守本部堂久已熟聞據詳勤慎
公實心任事具見褒勸無私仰該廳行文獎勵以備薦
揚其兩縣當即檄飭也仍候撫部院批示錄報繳

成安縣特委事 詳請飭丘縣廣平魏縣元成館

陶一體興工仍請水田麥熟刈獲興工由

迅開隣縣各訂日期具見實心任事當即檄出無悞興
工可也此繳

青縣典史 公務事 詳挑濬新河請檄大城于

張家口築壩由

此案通飭三縣隨據大城詳報廿六日築壩廿七日報

竣現在挑濬豈大城飾詞抑該員夢夢借此推諉耶仰
即確覆繳

曲周 懇恩修堤等事 詳淤灘等村於四月

五日告竣

仰再催丘縣刻日興工工完之日如詳勒石定界分守

不得再為推諉仍候撫部堂批示繳

俞河廳 飛催事 詳小河村至張弘橋公議六

城每年出夫三百名協修

如詳永遵不得再推諉繳

威縣 再購椿木等事 詳免買椿木由

發價採木以濟 欽工非本部堂私事也况向年七分

阿五集

九

一根尚辦五千今止採一千又復增價而該縣反行推
諉倘逐處皆然則貽悞 欽工咎將誰屬仰即速行辦
解繳

曲周縣 再購椿木等事 詳請免買椿木由

發價購椿以固 欽堤原非本部堂私事且牌內發過

不再給今春二月非向年也且據詳向年曾買九千今

止一千又復增價該縣反行推諉倘逐處皆然則貽悞

欽工咎將誰任仰即速行辦解繳

俞河廳 詳請挑濬等事 詳大城所屬張家口

一帶每日計夫五六十名約築告竣須得二月由

現今汎水漸長若再遲延豈不貽悞即當嚴飭行繳

河間縣 行知事 詳快手邊花等現在憲轉服役是否實情由

邊花三名原係前任分司交盤冊內人役分班伺候此繳

大城縣 叩天恩憐等事 詳免捐俸工由

河濱窮役非不深知但事關通省不便獨咨請免據詳已留意矣此繳

衡水 再購椿木以濟欽工等事 詳免買椿由

發價購木以固 欽堤原非本部堂私事況向年曾買五千今止一千又復增價何得反行推諉使止該縣一邑亦可曲諒然此端一開逐處效尤將來貽悞 欽工

河五集

平

誰任厥咎姑寬限半月仰速辦解繳

安肅縣 報明沖開河口事 詳姜女廟沖開河

口並無傷損田禾由

漕河水發沖開三處有無傷損田禾仰速堵築報勘繳

又 嚴飭事 前由

秋汛通屆原當未雨綢繆據報沖決三十丈田禾廬舍果否無傷仰即星夜堵築具文報勘繳

胥河廳 請設需官等事 批據保河廳詳請保

咨任滿由

該廳任踰三載倍著勤勞仰候咨呈撫部堂繳

俞河廳 嚴飭事 詳大城王鎮店貌議不肯出

夫修理由

大令冒昧二三殊屬不合姑念此工本部堂原批酌給因將三百名夫價早發揚主簿催工修補至所詳當年立堤原案本部堂現在確查已經提取靜海縣舊卷在案仰該廳即關河間府移取康熙三十四年三縣會稿上司批詳全案送閱以憑查奪此繳

大廣同知 恭報漳水安瀾等事 報漳水隨長隨消由

漳水安瀾具見綢繆兩邑堤仰速催興築刻日報完毋再遲延繳

雄縣 報明 本月廿三日琉璃白溝諸河水發

河五集

平

冲塌本縣新修南橋現指渡濟其一切岸堤浸刷之處督同河員晝夜設法防護由

大橋冲塌洶湧可知仰速行防護勿致疎虞併確勘田禾有無淹沒仍候撫部堂批示繳

蠡縣 洪水漫溢等事 詳本月廿五日布里村

漫溢五十六步由

前據高陽申報已經飛飭仰速行堵築具文報查勿再遲悞繳

又 稟報事 詳本月廿五日南陳村漫溢八十

餘步

漫溢屢告殊覺疎虞仰速行堵築以憑確勘勿再遲悞

致干未便此繳

高陽 異常水患事 八月初五日東南兩路士

民張維寧等稟稱洪水從蠡縣陳村口水漫田甫

寧直注本縣連城等共四十餘村盡皆淹沒由

仰速行確勘候撫部堂批示繳

保定府 循例俸奉事 詳本部堂衙門役食由

河道胥役前任與通判不分今既各設衙門分班伺候

願隨本部堂者本擬自行酌給前因該府以深澤申請

轉詳守道批准春季工食應聽新任河道支取以致春

間跟過各役紛紛哀籲今復經詳問除深澤縣現將春

季解到外其各縣各有三十餘兩仰即催齊轉解以憑

河五集

五

分給至此後應否支領或在何處原批呈詳守道酌奪

該府現奉署理即煩酌定併行錄報可也此繳

靜海縣 悖 旨下箔等事 詳復王蓋臣所告

監生李正蒙罰革二千束留子牙河工之用庶可

戢將來之效尤也由

據供下箔之處與埽口折陷相去二十餘里所控似涉

假公但列名太學味遠圖而漁小利且至水發始收未

免稍阻姑罰革一千束留修新河繳

深澤縣 呈報事 詳安平生員張泮築埽壅水

由 仰保定河廳會同真順河廳公勘嚴查報繳

河河廳 嚴飭事奉撫院行 覆今歲各堤保固

無虞由

據詳具見勤勞候撫部堂批示繳

寧晉縣 壅水病民等事 詳寧東兩邑民人互

訐飭令兩典史會勘由

如詳先令兩典史往勘該縣即同束鹿縣虛公確查毋

各偏徇繳

高陽縣 特詳惡監撓工河官玩忽等事 唐提

漫溢縣丞陸疎慢監生董阻撓均行咨斥由

前據河廳揭詳殊堪髮指已批撫部堂批示懇咨革矣

此繳

河五集

五

大廣同知 報明漳水秋汛安瀾等事 田禾茂

盛秋汛安瀾等由

據詳漳水順流具覘經畫其于各屬豐豫尤慰飢溺慰

懷此繳

束鹿縣 壅水病民等事 詳寧晉縣李境之一

案已詳院憲

前據寧晉詳覆批令兩典史往勘兩縣虛公確查毋各

偏徇今既詳撫部堂仍候批示錄報繳

高陽縣 哀籲陳情等事 應否關發魏羅錙赴

河邑審理

陳思智雖經失物然裨隔屬差役無票拘人該縣之懲

責允宜魏羅錙未必真竊但據云代往當內查訪自應
關發以憑所供不許差役輩挾仇和鍛陳進文案內無
干不發可也高陽相去不過二百餘里來詳于半月始
到仰查何舖稽進懲報示警繳

大城縣 嚴飭事 李家庄等村向係青縣看守

由

前據青縣李家庄等處堤工詳諉大城本部堂以河堤
紛錯直屬甚多况承修年久成案昭然自無更張之理
不准批行青令以有成案逞詞屢瀆因批河廳轉飭
率同兩令勘查繼聞他案公勘該廳不顧原批不問成
案大令亦未將當年立堤舊卷聲明一語漫因衆勸竟

河工集

五

認辦夫三百名該廳未如確查據文轉覆本部堂以既
經認夫或者原無成案遂批如詳永遵不得再推諉繳
乃批詳已定催飭興修大令始據士民公呈備述康熙
三十四年立堤成堤成案復行置辦本部堂猶恐未確
靜海縣河間府并守道處送閱全稿三縣會議府道核
詳撫院批准以及青縣碣不遵依成案鑿鑿總于大邑
無干則大令認夫何怪士民之不服也無可如何顧欲
代捐夫價以慰輿情亦思該縣任後此價誰指苟了目
前適滋他年之爭竇耳朦混二三殊屬不合姑念此工
本部堂已批酌給已將三百名夫價發委嵩管主簿催
修隨檄青縣防守在案俟本部堂三年謝事仍照三十

四年成案責令青縣修補看守與大邑官民無涉重行
勒石永杜紛爭至大令所捐夫價留修學宮以爲詳覆
不慎者戒仰該廳備錄始末嚴飭大邑自行矛盾并嚴
飭青縣恪循成案不得執廳詳之所批希更張以推諉
也外發印抄原稿一本錄發兩縣存案繳

曲肥廣三縣會詳 漳水爲害民命攸關等事

詳成安栢寺營口魏義井口檄令開通便漳水支
流矣

據詳鑿鑿仰廣大河廳確勘嚴飭仍候撫部堂批示錄
報繳

俞河廳 發買椿葦 據交河故城景州東光四

河工集

五

縣並非產木之處詳請另發由

案查前任分司於康熙三十九年檄發交河縣採買椿
木三千故城縣四千根景州五千根官價每根七分今
本部堂每根檄發紋銀一錢採買不過一千豈得推諉
即東光一縣亦係該廳面稱可辦何得據該州縣等欺
飾會詳瀆請邀免殊屬不合况已咨呈撫部堂不便另
發事關 欽工急需毋得膜視如再推諉定即指名咨
參繳

戴河廳 爲呈報事 申深澤東營私築橫堤由

據詳東營從無舊堰豈得私創貽害隣封至所請築圍
築堤裨益數村誠據截上流之策但果否有利無害仰

即檄深澤縣確議轉覆餘俱如詳發落繳

清苑縣代守 公務事

高陽縣丞缺出詳請新城典史郝署理院批所委之人移會嗣後凡平常之處以長為例至河間獻縣伯保文大一帶要緊工程則須分司選擇移會該道可也仍將移文行知繳

大河廳 行知事 挑濬栢寺營由

院批如詳興工仍將形勢畫圖註明縣界河道加用說帖呈閱其成安各縣應修之工如詳遵若有違抗具揭處仍撥敬陳恤災案米二百石于大名縣取用該廳等察驗窮民酌給飯食可也繳

河五集

卷

東鹿縣 壅水病民等事

寧晉縣李境之一案既批仰管河同知古親往驗勘嚴提李境之等審明曲直照舊規應開應塞之處飭修繳保河廳 河官修防不力等事 陸縣丞及董監

生由院批守道

仰候咨革河務關係重大仍立將張弘承董見臣嚴加看守候審先將董見臣查何事例年月捐監及有無考職詳明咨部繳錄報前批由

奏河工情形

命差督理子牙河道二十四日面請 聖訓極蒙獎

勵隨于二十七日啟行二十八日先抵寶定到任拜會巡撫李光地備問情形即歷各州縣徧訪河道始知寶定離河尚遠而大城縣切近河邊遂借民房居住日夕親訪情形備悉咨呈巡撫調衆河員楊芳靜海主簿陳超保定訓導林蘭青縣巡檢吳廷燮完縣典史徐懷治大城典史喬之挺候選經歷馬綸守備郭宗唐縣丞佟世俊把總邢明義十人捐俸給賞派工修築復遣家丁十餘人分頭幫理而臣則每日于東西南北數十里親勘兩次所招夫子每名一日給工食錢五十文打椿運葦十分外倍賞仍照舊例持銀二百兩分發各河廳買

河五集

卷

椿買葦二月 日興工至于河間各縣路途遙遠不能分身親督亦照舊例加給銀錢俾各州縣親行代築自起工之日迄今結報兩次不致稍有疎虞偶違 聖訓為此呈報伏乞 睿鑒施行

示買辦

照得本部堂自幼食貧持身儉約日用所需一草一木一粟一腐皆現發銀錢平照市價不敢稍減分文倘有扣剋拖欠着即扭稟以憑重究

禁諭事

照得本部堂欽沐 聖恩督修子牙河道奉公潔已誓不稍名一錢各州縣向有陋規革除殆盡衙役家丁

給發工食往來出入盤費另賞自帶不許動擾舖戶一
粥一飯而本部堂巡河轎車亦皆自備從不妄用一夫
一馬矢天誓日幽明共鑒倘有冒名違禁着即扭稟重
究斷不輕貸

觀風生童

照得讀書報國惟有文章本部堂以髫齡拔冠奇童嗣
後科歲及各當事採風無不列名第一設絳數十年受
業皆拾青紫登巍科亡筭迨倖忝詞臣典試督學總裁
文武歷蒙 聖主褒獎士大夫許可而 皇畿首善
巔多奇俊奈因督理河工不獲與爾多士徧行親考特
發大小百題仰該州縣會同儒學當堂面試第其高下

河工集

三

以憑本部堂覆閱定案即着申送學院憑文去即以彰
樂育人才之意毋違 每州縣學院必進
十餘名科第甚多

賑窮民

照得王政所重莫先四民之無告我 朝發政施仁十
五省州縣各設養濟院以賑災獨而又于歲終特遣御
史賑濟五城實古今所未有本部堂雖河工鞅掌而仰
體 聖懷誼難自已每州縣捐資十兩發給有司而
有司亦于常例之外量力輸助以廣 聖天子矜恤
窮黎之至意仰即具領報覆繳

賑節烈

照得古今名教男惟忠義女惟貞節而貞節之苦較忠

義爲更難本部堂下車以來凡遇忠義之祠每歲整修
給祭而窮簷苦節憐念更殷謹于河工艱窘之日每州
縣歲捐十金給發有司爾有司亦量力輸助俾寡婦貞
女衣食稍充以廣 聖朝褒揚節烈之盛典維名教
而勵風化功莫大焉德莫厚焉幸加意毋忽

辭送名宦

照得本部堂督理河工三年底績皆承 聖天子指
示各有司效力本部堂安享平成撫衷負歎不意紳衿
耆老公呈當事致蒙咨部奏請與前任總督于公並入
名宦東西立主永享祠奉切思直隸首善數十年來大
小臣工並無一列名宦獨于督一人弘猷渥澤軼後超

河工集

五

前誠屬無愧本部堂何德何功乃敢當此已經咨覆撫
院併各當事求其垂諒爾紳衿耆老幸祈曲體愚忱萬
勿再瀆

送太公扁

本部堂河工奏績雖因 聖主親示河員效力而蒞
任以來年勝一年時和歲豐家給人足向之流離顛沛
餓殍于道路者今且比戶豐亨謳歌載道實由天地之
靈鬼神之助因念此河爲太公避亂開基自商周迄今
數千年而猶荷神靈陰祐故敢虔備祭禮手書默贊平
成一扁仰該縣先期懸挂祠內以待本部堂親祀也

禁諭錢送

本部堂仰荷 聖天子諄諄訓示幸告成功而衆河
員及爾百姓竭力效勞撫衷感佩實不忍別但欽奉內
召 王程敦迫若日夕餞送擁留道左寸步不能前進
則謁陛愆期獲罪多矣爾官員百姓幸祈速歸俟本部
堂服官稍暇即當再過河干與衆父老歡呼話舊快飲
數旬爲畿輔勝事也

吏員考職

咨請新募幹役照例考職事切思 朝廷分職有一官
則有數吏三年考滿即以吏員試授內而部院外而督
撫提鎮以及司府縣無不皆然今本部堂蒞任之初
即着各州縣選擇才守素行無過者具結申送以憑親

河工集

三

考自書辦差役共二十人捐俸給食朝夕辦事歷今十
一月 日已滿三年並無纖過伏乞大部循例奏請與
衆吏員一體考職則不特書役感恩盡心幹辦而後之
司河道者亦得收臂指之效裨益非淺鮮矣 奏請奉
旨依議

助李寡婦買田

照得寡婦李 氏係中丞公嫡孫生員之妻婦父孝廉
亦曾爲邑宰夫亡子幼貧不能自活日行乞以餬口本
部堂目擊心傷捐銀周濟已經三載今將行矣後誰
繼謹發銀四十兩仰該縣買田十畝起業收花令其母
子耕讀以繩祖父之書香勉旃毋忽

原缺第三十一葉前半葉

爲堤工緊要等事據該廳呈詳霸州莫金里等工堤應
加幫苑來里土堤應加椿掃龍王廟上六工堤照常修
補下六工堤亟須預備椿葦河間縣黃家張水境等土
堤一千四百一十七丈亟應加幫又東西二椿工五千
七百八十八丈四尺應換椿葦康寧屯應開月河獻縣
東西兩岸賈庄橋等土堤一千三百九十七丈五尺亟

應加帮又兩河四岸椿工一千六百十八丈應換椿葦
青縣廣福樓李家庄等土堤三千一百七十丈亟應加
帮又廣福樓河口南北馬頭椿工七十六丈應換椿葦
靜海縣朱家庄等土堤三千七百五十丈亟應加帮又
閭留二庄椿工六百六十丈應換椿葦保定縣何家道
口等土堤五百七十八丈五尺亟應加帮又何家道等
椿工七百八十九丈應換椿葦文安縣蘇家橋等土堤
二百丈亟應加帮又太保庄等椿工一千七十九丈五
尺五寸應換椿葦亟須預備庶可無虞緣由到部堂據
此為照清河堤岸原係奉 旨着府州縣及管河各官
每年保守在案今值冬深該廳應當乘隙將所管堤岸


河工集

二十二

親身逐一查勘某處卑薄危險應行修補某處椿工朽
壞應行增換俱當預為購備物料俟來春解凍後乘時
修補以防桃汛如有怠慢延誤臨期貽悞堤工該廳立
刻揭叅無得瞻顧徇庇致干并掛白簡慎速飛速為此
牌仰官吏火速遵奉毋違須至牌者

為再購椿木事切子牙一帶今歲堤工椿木閃壞又多
除河獻兩縣已經發銀七百兩交河間河廳轉發採買
外至大城西堤靜海青縣東堤俱係本司自築其葦草
已發銀六百兩交大靜兩縣採買所需椿木去秋預購
六千根尚不敷用今又發紋銀六百兩一委保河廳將

銀三百兩轉發蠡朱博野各領分一百五十兩各購木
一千五百根一委真順河廳將銀三百兩轉發新河武
強武邑各領銀一百兩各購木一千根俱限于二月終
運至子牙工所應用理合報明為此咨呈部堂查照施
行



德星堂詩集卷一

海寧許汝霖時菴著

拜獻集

聖駕南巡恭紀有序

皇帝御極二十有八年春萬國咸寧百昌率育緬平成
之奇績載事省方塵補助於窮簷重歌時邁嚴輿
衛減弱徒由綴輔而歷充徐朔江淮抵吳越
甚恩汪濊溫解虞絃閨澤殷流謳傳夏諺臣未隨
車于豹尾倖珥筆于螭頭蕩蕩難名莫罄呼嵩之
祝熙熙幸睹聯抒擊壤之謠

聖朝政理恢乾綱巍巍上參虞與唐裡宗輯瑞典鉅麗五歲

詩集卷一

再舉勤省方孟陬吉日維子

法駕南嚮乘青陽不聞輿徒傳警蹕却指馳路開康莊清塵

戒道慮滋擾

天語嚴飭先煌煌尚方玉食行自備所過不待儲餼振此來

本意咨疾苦爲民而出忍使妨春旗飄飄指畿甸官柳
未拂麥垂黃隔年嘉種獻雙穗地不愛寶呈禎祥北陸
仁風被稔黍東疇麗澤收豐穰齊邦魯邦重望幸有

詔預免來年糧名泉歷下七十二併作霖雨膏遐荒諸川脈

絡歷可數濟泗沂汶河淮江先時黃流績未奏異同衆
議紛巖廊盛明俯徇羣下請親歷勿憚循隄防告成果
與神笑合上下疏濬漸周詳懷柔胥效百神職東注太

海波不揚晏臨碧渚移畫鷁左右整娼羅縹緗雲烟千
頃浮震澤山水一道趨錢塘幾家映花起樓閣隨處截
竹調笙簫閭閻已享太平樂

帝念軫卹猶如傷數百萬租同日賜積逋更貸零星償白頭
年高加粟帛赤子罪薄弛桁楊恩殊詎數漢文景刑措
直踰周成康別寬小肯存政體新播大賚旌官常金花
綬香綵縈袖玉竿醴設瓊分漿文臣武臣腹心視竝侍
曲讌聯班行風霆雨露亦間作甄別實用褒循良吏肅
又看文治廣髦士濟列東西庠已敷聲教洽漸被遂湖
明德追懷裏會稽名郡留禹績崇山古廟丘陵蒼欲憑
千載通吟望親屈萬乘度升香成天平地灑

詩集卷一

宸翰藻采絢爛雲爲章斯須迴鸞復西渡老幼扶道爭趨

踰攀留官爲一日住匍匐少慰羣黎望日中交易自屢
肆陌上饁餉還耕桑瓜茄果蔬雜菽麥忠愛似可徵芹
將向來顆粒本率育野味特許田間嘗齋顏咫尺藹然
接有目盡識重瞳光去奢崇讓凜面命土俗立望還敦
龐金陵再傳修祀典鐵甕大閱雄巖疆時平形勝歸一
覽愈覺萬里江天長黃龍導舟允由翕虹氣直駕鼉鼉
梁六飛遄返光掣電仰視雲漢鸞鳳翔時巡三月禮告
畢仙仗行復排天閭具僚濟濟各獻賦

天子

穆穆仍垂裳韓詩柳雅詎勝頌夏諺周什誰能颺小臣
未叨扈從列珥筆紀述職所當有生幸托覆載內蠡管

窺測誠難量瑤階拜稽祝

萬壽惟願歲歲開明堂

聖駕北征蕩平頌有序

臣聞莫安萬國者天子之宏慈張皇六師者聖人之神武故春司生而秋司殺雨露不廢雷霆有功有賞而罪有誅禮樂亦兼征伐然自古除兇翦叛不過閭外登壇鞠旅陳師亦祇域中洩號尚爾歌鐘永勒篆碣長新況乎

聖績巍巍聲靈赫濯動一人以休萬姓揮戈直拂陰山勞一日以定萬年飲馬立枯青海神功最速建開闢未親之猷大漠永清創今古難名之烈用昭輔

詩集卷一

三

轍曷罄展願欽惟

皇上文德炳于勳華武功高乎謀烈大一統則九垓八極盡隸皇圖熙萬幾則二典三謨難窮帝載鑿齒雕題之屬沐浴光天跂行喙息之倫嬉遊化日魏乎蕩乎自兩儀判判以來未始有也詎厄魯特噶爾丹者敢逃覆載自絕網維井底蛙喧幸偷生于窮山寒谷金魚躍尚梗化于極塞遐荒在當年不殺之仁姑開一面乃蠢爾無知之逆翻放貳心侵我藩邦肆彼狡性皇上神威歛發赫怒丕張謂九譯總在全覆之宮蒼可使仍留御犬即八荒原屬一家之疆索寧今尚縱鳴狐爰是親統王師拍麾禁卒如熊如羆之衆臨以

萬乘旌旗非影非虎之雄攝以

九霄帷幄雷轟地軸遠驚此日軍聲星布天垣羣拍連營兵勢惟蕩平之畧悉本

許謨斯犄角之形彌昭勝筭兵分三路先驅早飭西陲師出萬全遠慮并防東道高牙巨纛

命上將而預塞狼巢鐵騎金戈帥勁軍而橫遮虎穴然後

躬驅入旅直達中途夔鼓逢逢聲徹雲霄之表驚旂獵獵色分斗宿之輝蓋當未行出塞之先已成一舉

平番之計於焉歷川原而度勢恤士馬以均勞聖慮周詳神機符契南垂北斗遠振敵衝東望西傾直

詩集卷一

四

臨賊界勢疑從於天降謀實出於幾先惟時小醜出不意之驚擣拏遠遁逆黨切俱焚之懼棄壘狂奔益用鼓我師徒徧搜沙漠好生德厚擒賊者特開貸死之恩焚伐威張破膽者惟辦逃生之路

雲旄王輅追五日而未停路鼓彤弓決三驅之必捷料渠通寇已入網羅計我西師當櫻吭背

廟筭方下回鑒之詔將軍果傳滅賊之音矛戟霜飛煙塵火塞風雲入陣草木爲兵群醜魂亡恨藏身

之無地巨慙魄喪悔獲罪之自天亂轍靡旗追奔三三餘里懸頭截耳陣斬二千餘人而且擒擊甚

多何問銅脰鐵額驅回不少并乃翠葆花笻收甲

伏之如山獲牛羊於徧野三軍踴躍七校奮揚雷霆
擊魑魅之鄉烟消萬里風雨洗螻蟻之垓蹟炳千
年大哉斯提固有目者咸瞻而含生者並快矣然
而

宸謀廣運究蠹測以何窮天祐頻徵更蒿呼而莫罄

雖愚陋敢效頌颺當夫群疑未定衆志難堅王者
之師固有征而無戰至人之武苟非斷以何成

皇上大展乾綱力排衆議默懸

宸鑒不徇僉謀命

皇太子攝理萬幾內安區夏選諸將軍分司六旅外
整戎行昭告

詩集卷一

五

天地神祇既明彰乎捷伐肆祀山川壇廟肅然祐於驅
除考昔軒轅之平四侯尚疇咨於六相顓頊之藉
羣輔始底罰於九黎今之

聖斷獨操洵足超邁萬古者矣若乃朔漠風殊邊方塵
隔寒沙苦磧或假一旅以當關白草黃雲敢望

九重之稅駕而

皇上躬擐甲冑親履山河依塞名王爭迎

輦轂沿邊屬國齊奉壺漿自

賜宴於殿廷已授步伐止齊之律逮申約於行陣復傳
鳥蛇龍虎之圖分帳連營刁斗亦煩巡察息烽舉
燧斥堠并塵叮嚀考昔采芑之殄蠻荆徒憑元老

飭車而追獵狁僅抵太原今之

親征絕域不尤卓越千秋者乎且夫師興二月方憂雨
雪霽霏兵走三方正慮關山險隘而乃雲橫雁塞
竟勞

虎步龍行沙壅駝峰緩度

鸞輿鳳駕與士卒同甘苦大庖日御一餐爲諸將廣
解推武帳時叨三錫投醪何能比德挾纘寧足言
恩又如凍合輪臺難覓丰茸芳草寒收笳吹誰開
戚沸甘泉非人謀之允臧奚天心之默相乃備籌
疏鑿旋應靈源按轡邊關每逢異卉唐堦箕英馬
跡至而繁生漢室醴泉鍾影臨而爭湧咲拍梅之

詩集卷一

六

何濟羞拜井兮非才況夫裕餉則不累窮簷遠輸
則不憂曠漠畫勝策則如著照敵形則似鏡扼險
要則狐兔莫脫量軍檢窮原則猱狄立空窟穴鞭
馳瀚海速踰鵬運鯤飛箭落天山疾勝風驅電掃
出車而春陽將暮振旅而夏令方中期祇八旬嗤
淮右尚煩四載功成兩月較鬼方奚待三年凡此
奇功胥由

睿美洵非酌海窺天所能述其萬一者也從茲脫劍韜
戈放牛歸馬旋獵貅於紫塞盡返桑麻蟄蟲豸於
黃沙勿驚樵牧金堤遙築何須疏勒駐將軍星海
長環豈羨居延有都護二十八宿之所不照亦昭

維結而獻忠忱七十二君之所未臨均費環裘而
稱臣妾誠無思之不服又何遠以勿懷臣倖叨珥
筆式睹舞千讀露布之遙傳歡騰鵲序聽凱歌之
旋奏喜觀

龍顏慶洽寰區競瞻雲而申祝光垂簡策敢吮墨以颺
休謹拜手稽首而獻頌曰

於鑠

皇清景運千億

幸甚

太宗建極煌煌武功允配文德

祖丕承式廓萬國穆穆我

詩集卷一

七

皇端拱垂裳黻輅有輿神武孔張逆氛既掃海波不揚九有
賓貢異域梯航蠢爾遠寇自辜辜育負固偏隅鳴張跋
伏窺我邊陲侵我藩服上天是棄宜膺顯戮

皇帝震怒赫赫明明謂天所覆咸戴生成忍聽狂暴弱小時
驚急行弔伐桓桓于征爰告

天爰告

祖考岳瀆百神明禋虔禱我武丕揚聿彰天討滅此朝食毋滋

蔓草羣臣寡識且顧且疑謂彼阻遠靜以待之否或違
將俾率熊羆黃雲漠漠敢勞

六師

天子曰否躬奮乃武黃鉞白旄率厥虓虎翼翼師徒淵淵金

鼓摧彼醜逆毋憚險阻我車既攻我馬既同我矛既鍛
我秣既充有嚴有翼我軍之容如雷如霆以奏膚功大
軍未行

遠猷先次特遣偏師防其不虞如獵野狐置羅四揭犄角勢

成

九旂過發赤羽耀日紅旌拂霓甘泉湧穴靈草盈蹊三令五

申勿愆止齊赫聲濯靈氣奪鯨鯢鯨鯢驚驚希保首領
誰知

廟廷勝謀豫整虎將西扼發機驅穿短劍揮膏長纓繫頸
是絕是忽獻馘獻囚明駝寶馬絡繹山丘饒歌載路允

塞

詩集卷一

八

皇猷百日之勤萬邦之休載觀史書亦多廟畧未聞六飛親
平朔漠瀚海天山爲鐔爲鋸轟轟豐碑預爲今作捷音

馳布大武於昭

翠華迴馭瑞靄騰霄童叟遮道式歌且謠光懸日月兵氣

爲銷兵既銷止殊勲不朽以歸三軍三軍何有以褒虎

臣虎臣稽首唯

聖獨斷爲

天子壽

天子德威侔地同天龍堆有月雞塞無烟功追丹水績陋燕

然銘鉞勒石於萬斯年

聖武功成詩有序

皇上御極以來德威遐暢刻三逆郡縣臺灣戢俄羅斯
薄海內外罔不率俾蠢茲噶爾丹僻處窮荒虐戕
鄰壤曩以喀爾喀歸順詭辭追躡闖入烏瀾布通
時

駕未親臨將士擊敗之倖而竊遁賢不悔禍旋竄巴顏
烏喇狡焉思逞

上惻然念邊民皆我民其忍令蹂躪無寧宇爰於去年
排羣議決策

親征命大將軍費揚古等分道進次二月

剿統六軍發京師直抵克魯倫河賊駭逸追至拖諾山
驚潰奔竄遇西師截擊於昭木多斬獲亡筭賊僅

詩集卷上

九

以身免顧不即面縛九月

駕復臨邊濟河至鄂爾多斯相機撲剿賊惶怖拜表乞
降

上察其詐飭邊師勒兵以待今年二月

駕出雲中巡寧夏

駐蹕狼居胥山指揮進止哈密擒其子以獻逆徒震懼

先後歸降殆盡賊力窮勢蹙計無復之遂於閏三

月十三日飲藥而死餘黨悉俘漠北平夫噶爾丹

雖小醜陰悍狡黠習於攻闖非尋常寇盜比乃

神謀決勝卒使二十餘年陸梁之寇匝歲間殄殲無遺

類而

皇上以萬乘之尊遠臨絕塞至於再至於三衝寒冒暑
不辭勞苦饑渴爲生民除害魏乎蕩乎自天地剖
判以來未有功德若斯之盛也臣弁鄙不能揚扞
恭

獻四言詩一篇凡一百五十四韻一千二百三十二
字酌海窺天聯效頌闕於無極其詩曰

皇帝御極臨燾萬國闔闔張弛蕩平正直兆姓樂生百司恪
職禮樂光華聲名洋溢旣陳俎豆亦揚干戚逆藩翦除
帝之則獨噶爾丹敢行狂獮樓蘭作兵冒頓鳴鏑虐我藩疆

狡焉思入出師聲討羣醜顛踣以

詩集卷上

十

駕未臨姑稽搏執憫彼昏愚旋馳

詔檄天覆地載罔遺蟣蠹稽顙來庭我不汝禁苟抗顏行滅
汝朝食詎料狼軀性工反側隙突不常去來叵測倣擾
邊陲爲鬼爲蜮

帝怒赫斯謂此點賊根株不淨邊烽不熄

親統六師遁逃是殛唯時臣工咸懷疑惑叩頭請留衆口齊
俞

皇帝曰吁非

朕汝拂邊氓被荼

朕心殊怒

朕不親征軍威不立全局預謀膚功可必爰告

天

祖矣精

社稷兵分三路先遣將帥

黃鉞白旄乃麾禁卒執轡有璽鞞有珌肝食宵衣披荆

新棘瀚海渺瀰天山崩山海阻修

六飛遄歷雷霆驚驚妖狐奔逸

睿筭先周密張羅畢過我西師窮追奮擊大敗賊徒折馘斬

級巨憖子遺潛踪竄匿破竹已成獻俘在即顧茲游魂

尚延殘息復塵

宸衷

命將校律拊背扼吭連營列壁時方沍寒朔風凜凜重勞

詩集卷一

十一

萬乘遠巡沙磧籌略兵機申討軍實賊勢漸窮求食不得拜

表請降輸情引慝

睿照如神燭其詐飾不解重兵屯邊以遏轉眼春開風融雪

汁

大駕復征魏縣躬勒

駐蹕狼胥祥烟上幕甲士訓方戎車整飭絕塞荒微排郵置

駟矛戟雲屯飛輓長給勤勩畢知疾苦備識夜寐夙興

雨沐風櫛

聖人憂民於斯為極虔奉進止厥有哈密乘機自效擒其逆

嫡以獻

行在請膏斧鑕檻車入都聚觀千億子爾臬雛愁顏慘感穿

梟獍足乃入其逆黨無多分崩離析不待楚歌詎須

羌笛面縛牽羊伍伍什什連冠雖狡智窮則急黨援既

盡骨肉奚覓進退維谷追悔曷及入地無錐逃天無翼

躑躅倉皇中宵雨泣醺酒裂肝命殲頃刻室孥為俘累

疊徽纒雨洗蟻封火空兎窟廿載陸梁一朝而畢從此

西北部落百十戍撤屯休烟消塵滌歸馬放牛馳弓跋

的延及九垓殊方異域西賁南琛梯航來覲章步亥度

收之一室

龍馭

迺還歡騰京邑長日輝煌薰風習習戟耀青霜旌翻彩

霓迎

詩集卷一

十二

警蹕草木山川一時生色伊惟往古勲垂史笈承鹿阪泉戎

兵克詰丹水除殘青丘掃敵駿烈攸昭並推殊特赫聲

濯靈未有

今日

皇帝至仁慈祥悱惻哀此荒裔救焚拯溺但計入安何辭遐

逃功在征誅志在安戢貸其懸首論以屈膝萬不獲已

乃加兵革逆者驅除順者恩迪

皇帝至勇大勲克集獨斷而行羣謀盡黜不憚勤劬惡甘暇

佚周歲之中窮遘三出飲食橐鞬復與羈勒叱咤風雲

砰鞠霹靂任彼跳梁魂亡股慄

皇帝至明神謀天臨策東

廟堂虛席原隰奇正互施步伐不忒日照月臨輿電激燭

萬里坐籌百無一失

皇帝至誠濟宇默率百神效靈三軍戮力禮泉溢湧芳草頽

萬有感必應無征不克杳渺八荒通於呼吸凌古鑠今

皇猷允塞允塞

宣史館

謨謀傳輯昭示來茲輝煌編帙薄海

尊親尚未殫悉羣臣百姓懍忱匍匐請膺

尊號欽崇丕績

文武聖神廣運大德中外揚旆天人叶吉綠章三進丹衷齊

詩集卷上

主

渥

皇帝曰嘻予勿庸襲治不惟文惟崇厥質安愈圖安莫弛乾

惕風勵班聯素絲五緘慎別臧否大彰黜陟官方既靖

民艱幸恤噢之咻之俾農稼穡間井恬熙室家生殖綱

舉自張利興弊剔迺議典禮神祇咸秩

孝思永言

湛恩覃錫榮逮羣工膏流庶物青災肆赦慶難縷述億載萬

年袍鼓永寂器車來呈嘉禾滋植海晏河澄日華雲霽

萬壽無疆金甌玉曆

小臣

顏愚職懸珥筆繪畫

乾坤技窮粉墨

蕩蕩巍巍聯名萬一

聖駕南巡恭紀有序

臣聞蔡津義馭龍馬呈祥鳩渚軒臨蘭芝泛采堯

咨降洞酬五老于河濱舜樂平成率三公于洛浹

夏后隨刊底績萬國來同周王允俞興歌列邦時

邁蓋禮瀆因而狩徵省方實以觀民有慶必行禮

隆自古無恩不沛典烈于今欽惟我

皇上

健協天樞

宏恢地軸

奮武則九域赫濯

揆文則八表光華鯨宮鼉島以南泳游

詩集卷上

古

舜日瀚海天山之北戴被

堯天遂令三辰正四時和六符平九功叙兆姓休息函

夏乂安而且

率孝自躬

推恩徧物惠無不周之地仁無不渥之年固已雲行

雨施山藏海納慶誠和于庶類垂樂利于萬年矣

獨以淮波屢溢致厯

宸衷河潦未寧恒煩

睿慮向者之盱衡俾乂幾費周咨今茲則度地授方必

圖永逸況東南財賦之地何可一日而不培若蘇

杭繁縟之鄉正須十年而加省用是

煌煌大誠徧煦春風

穆穆來游載舒化雨竚澄清于指顧普咻噢于照臨
魏乎蕩乎美矣善矣然而巡斯遠地晨昏之間省
恐疎出或經時

慈壽之瞻懷彌切棠舟桂楫可代安輿荷渚蘋汀足供
寶幄花迎含笑依然長樂宮庭鳥媚流音正是太
和宇宙而

皇上仰體

慈麻宏敷厚賚

勤民詳乎作息

愛物及彼勾萌麥浪彌天春漲之桃花已靜桑陰匝

詩集卷一

五

地夏波之爪蔓奚虞既厚恤乎農疇復廣濡乎泮
藻膏流開市澤沛園扉處處迎

鑿巷舞與衢謠胥慶人人留

蹕童歌偕吏頌交歡懷柔而山川色潤茂對而草木

輝增誠振古未有之

宸遊實當世無疆之景福以彼淵魚聽樂尚欲登鱗擺

馬聞弦猶能振鬣小臣愚陋亦產江鄉

盛典喬皇末叨扈乘第荷

恩綸之渙汗兼承厚澤之涵濡遙睽而送南天心依青

草欣瞻而拱

北極目繫紅雲敢效蒿呼勉成百韻聊隨華祝謹獻千

言詩曰

聖德天行健

皇謨泰運昌

武功滿六合

文教耀三光

孝治羣生被

仁恩歷歲將車書昭會極禮樂燦陳常懷保周河嶽時幾

叶雨暘一夫無不獲萬物復奚傷蕩蕩登熙皞魏魏仰

穆皇祇因盱澤國每用

軫巖廊俾乂咨雖亟成功告未遑必煩親閱歷庶永奠懷

襄諏吉憑春史乘和戒儆裝蒼旌楊柳岸畫舸荻蘆塘

詩集卷一

六

虎旅金鑣肅鸛班瓊珮鏘

溫綸近甸布大戒下阪張供帳齋

中禁庖饗給

尚方不須馳絡繹詎許索毫銚纖莫停鳴杆耕無廢插秧

販夫仍負擔賈旅任通航迢遞馳弘濟綢繆慮曲防豈

徒思鄭白端欲汴淮黃鼓楫從津漢揚舲越衛滄東齊

青未了西楚鬱相望

特駐歸仁畔深籌高堰旁地隆原與隰畝覈稔蕪荒大發如

墉廩多儲近水倉頓甦蛙黾窟堅築菽麻場便靜桃花

漲何虞瓜蔓決指揮旋底績區畫實迴狂荒度功纔竣

時巡典又煌淮南爭踴躍江左競趨踰爰沛邗溝澤旋

臨京口洋孤聲峰砥柱萬派國朝王

一覽水天接

重題鳳凰翔湧金車鎮宋浮玉陋開唐逕度趨吳會姑遲
省建康鶯花繁虎阜財貨殫金閭物力年差減人情習
未忘因奢曾示範返樸更胥匡適遇

成天節羣躋介壽堂歌登黃髮叟字上黑髭郎林屋還呈秘
洞庭紛獻祥與民遊皞世共

帝樂仁鄉盤鬱千人石纏綿

萬歲觴來遊既悅豫後望又徬徨斗野雖分牧禾原本合穰
迎

鸞呈版奏待

詩集卷一

七

蹕擔壺漿隴秀將登麥村濃正采桑物豐行徧恤人聚恐多
戕儀衛裁臨浙興臺減泣杭曲全至絲髮茂育及勾芒
山以高峰翠湖因聖水芳

靜觀涵萬類

飛藻苑中央桃艷坡仙球梅青處士庄燈輝宵似月鳥韻
旦如簧非有勾留意難違愛戴腸十年逢再省今福倍
曩慶就日方攀馭觀風又解舡重尋茂苑樹迴攬石頭
岡半壁依天塹六朝儼舊疆前陵典禮懋新額

御題莊間俗風謠採觀軍樓櫓撤圍餘赫濯競渡散滄茫
統紀

巡三月覃敷惠萬行何郊稀賀燕是藝盛朝鳳所過得沾渥

無施不藏汪右文先鼓簫造士廣膠庠賦緩舒耘耨通
蠲厚益歲關征輕恤旅鹽課減甦商網解三年兩園消
六月霜然徒欣鼓腹耆老快承筐

鼎食頌三事

筭衣錫五章

奎文光嶽瀆

寶翰煥縹緗百職皆褒賚群工盡對揚歡呼熙作息磨拜暢
明良絃奏薰風阜匏宣晨露湛

翠華回漸邇甘澤被猶湧匝路霑餘潤彌天酌載陽人人安
隄宅歲歲裕倉箱更篤天倫樂長依

慈壽仰承歡周繡壤綏祉襲黃裳日暎春蠶熟風清夏芋香

詩集卷一

七

起居隨次問貢獻每躬嘗

大孝誠難企

鴻慈豈易量挂帆萍始甲返樞密俱房繭獻五絲綵殖羞九

節菖匭氤薰惠氣迤邐泛蘭湯圖徧傳耕織謨咸勅紀

綱水經疏滿篋地象括盈囊王葉紛披渚金船盛吐潢

榮光延錦纜瑞瑞景繞牙檣輦草行仍碧宮雲轂倍蒼

六飛迴廣莫七萃解騰驤

睿昭原無隱周詢自丕彰乾坤均在宥雲物復加詳民俗庶

情僞官箴晰否臧畫屏森隴畝

楓陛藹滄浪葵向微忱切鳧趨弱翮惶仰瞻

恩浩浩佇聽

語琅琅瀛海綿清晏寰區懋表坊龍圖符

聖化鳳曆並天長

北河

聖功頌有序

臣聞天一生水爲五行首凡以潤萬物而濟羣生
轉輸灌溉利至溥也然治或失宜則利之不興害
即滋焉是以聖王之世九土所界必有流泉善治
者各因其勢以利道之而屬在畿甸所關尤重嘗
攷禹貢帝都近北故神禹之治水也首事於冀而
其名川則曰衛漳爲甸服之經流畎澮所距小水
所滙凡行千六百八十里自底績最先爲萬姓利
賴降及後世泉流所經遷徙不常修水事者往往
詳於東南而略於西北馴至奔溢汎濫害難勝紀
我

詩集卷上

九

皇上

觀天察地晰幾如神

非食卑宮勤民若渴

御極以來拓從古不屬之方隅敷無遠不屆之聲教

武功赫濯

文德裔皇庶績咸熙百廢具舉而于水利尤加意焉

東南奧區導淮障河費以億計規及萬世因復

珍念三輔之水關係民生特疏永定河外支流數百以

次經理而子牙一河尤

宵旰所時厯者子牙之源來自西南條派未易悉數
大要惟潯沱與滏爲衆流最而遠且險者莫過漳
河臣按清漳發源樂平之少山濁漳發源長子之
鳩山分流至彰德之林縣而始合跡其入直隸也
成安曲周肥鄉廣平首受之自前代以及
本朝之初南或衝衛北奪諸河沉災歲告奔猛難治
我

皇上

至德格天

神功奠地比年以來河之流

詩集卷上

十

畿輔也分爲四支一經魏縣元城至山東館陶歸衛
入運一經廣平至山東丘縣又分爲二一折而東
經威縣南宮東強武邑故城景州阜城交河至青
縣杜林村與獻縣完固口之支流合一折而西經
廣宗平鄉鉅鹿以抵寧晉與滏河會夫滏水雖清
性湍而熱南自磁州經直隸之廣平郡漸達寧晉
輔漳而流至冀州又合潯沱攷潯沱剽悍亦稱渾
水西由繁峙入直隸之平山達于真定奔騰湧伏
漸抵冀州偕漳滏諸流共由衡水歷武邑武強至
獻縣完固口復爲兩支一由西南入單家橋合杜
林村之流至鮑家嘴歸運一由西北入臧家橋經

上帝鑒觀靈貺默佑以待

河間大城爲子牙河出王家口歸淀統而溯之歸
運者三歸淀者一條分脈散厥勢漸平此真

聖天子之經畫者而議者乃欲合四支爲一過其入淀
悉會注漕創鑿新道以歸于海

皇上洞燭其弊謂水勢合則猛分則弱今諸河分流若
併歸運則漕道有妨併歸子牙則民田受害於是
悉屏羣議

特授方畧

命大小臣遵行相度凡三支之歸運者先于上游除廣
平諸邑之賦乘時捍禦隨于下流或濬或疏順其

詩集卷一

主

性以達之使不爲轉輸礙而一支之歸淀者臧橋
以下地狹而逼勢直而迅向使隄防無術春漲秋
霍非溢則潰沿河八州縣其不被昏墊者幾何爰
設河員不惜金錢數十萬於獻縣河間東西兩畔
高築長堤西接大城東接青縣靜海雙堤屹然各
二百餘里又於東堤廣福樓開新河以分其勢而
子牙一帶驚濤駭浪東行於兩堤內者直至王家
口安流無恙迺以三分東瀉支河以七分西出文
安境北與順天保定河間三郡各堤所束之水
蜿蜒而來注於霸州者亦抵文安之境合于牙末
流同趨勝芳越辛張復會諸河之所瀉入三家淀

逶迤以歸海由是而四支恬然各由其道南不至
合衛河以妨運北不至挾淦水滹沱以侵田

聖皇

天心密合誠非百執事所能窺萬一者矣猶復
翠華時勤

躬親省閔周諮疾苦指授機宜飭所司歲事修防勿墮
乃績以故七八年來廬舍盈阡桑麻蔽野向所淹
沒者皆涸爲膏腴歲收視曩時轉倍大害旣去大
利聿興億兆姓之田廬登諸樂土千百年之溝洫
告厥成功猗歟休哉自夏后氏而來未有如我
皇上情深饑溺勳奏平成俾西北之水利與東南並奠

詩集卷一

主

而府修事和貽萬世無疆之澤者也臣備員卿貳
習聞

盛事茲復膺

簡命分領河堤往來數郡圩岸之間親瞻

帝績目矚輿情陌舞塗謠歌咏

膏澤輒踴躍不能自休不敢以荒陋不文爲解謹拜

手稽首獻頌十章章十有二句其詞曰

膺膺甸服厥川曰漳由異而合來遠勢長演迤千里灌
注四疆深通舟楫肥育稻粱故跡漸堙奔流方張曰若
底績是待

聖皇御極萬福攸聚祗承照臨式闢土宇卑服邁文勞心劇

禹

肝食宵衣秋助春補以和三事以修六府何功不興何德不溥惟是涿水自古則難

聖智如神百谷舉安南有黃淮北有桑乾咸俾奔突澹爲安

瀾渾渾漳河灝灝驚湍民生攸繫

宸笑益殫澶漫迤靡行郡惟五混翕渾沱飲吐衛滏中併一

流尾分四縷猛漂田廬弱淤沙土

皇念下民急拯疾苦蠲其賦租徐議堙堵在昔治水利導有

經分殺其勢厥怒乃平或持異議欲歸一程

皇帝曰吁是曷可併南則侵漕北則害耕順其分流績用有

詩集卷上

三

成豈曰俾乂實勤

聖躬驚浪激雷子牙如虹

指授方畧堰過奔衝千杵齊舉萬夫奏功雙堤夾峙一帶

由中上游載滌引派別通凡百在事恭承

聖略率由以行勿情惟恪隄防堅完溝洫疏淪三支歸運一

道淀落爲鹵爲腴沉淪皆涸汎舟便利農事興作始時

河濱每惧荒堙今安厥居原隰的的滋液膏潤賦會龍

鱗桑麻依舊室廬聿新婦子既寧倉庾有陳歲以屢登

惟

皇之仁始時河側常恐墊塞今通其漕舳舻翼翼澎湃勿驚

延緣順則水禽翔嬉葭菼一色風帆齊張千艘相直載

道謳歌允惟

帝力臣本侍從文字是專況睹

成功通濟河員經流底定小水亦宜地平天成惟今則然

神謨洽帝景福如川河清海晏於萬斯年

通以三分東瀉支河以七分西出文安之土橋一流而北至滹裏石溝一流而西至左哥庄與順天保定河間

三郡所匯之水南則有岸北則有畔巨高培厚以東之

同起勝芳仍越太城辛張會支河之左庄谷子牙長流稿後又增改數語兩

存之今附刻于此

皇上六旬萬壽詩有序

竊聞三統稱皇五德號帝迓天庥者百千歲垂聖

治者萬億年要皆以健行不息之純衷爲永命無

詩集卷上

五

疆之景福是以宏猷光被錫遐曆于蒼穹久道化

成紹貞符於紫禁禎傳史冊瑞炳丹青然徒披往

牒而興懷孰若際

昌期而拜舞欽惟

皇上

德贊生成

勲兼創守虔將

郊廟敬誠通祀饗之先尊養

慈寧視聽凜形聲之外

宵衣旰食軫物力而厘民依

右史左圖飭官方而收士習

揆文則揮毫萬象開兩間未洩之藏

奮武則仗鉞三驅拓亘古不臣之域奉玉帛者不啻

千八百國垂衣裳者已歷五十二年然猶

咨儆時慙

恩勤倍篤

關巍科以宅俊

崇正學以尊儒

獨賦偏于九垓

祥刑周于八表

發一令興一事無非以恭儉爲先

命一將擢一官未嘗不慈惠是寄於是勲華累洽曆

詩集卷一

主

數彌貞同日月以升恒並乾坤而覆載茲值三陽

既泰正逢六甲初週霽旭曠曠萃蓬瀛之淑氣卿

雲糾縵籠閭闔之祥輝風暖柳絮露濃花妥賜大

章于鳳凰樓下喜徹重霄卻奇玩于韎韐隊中權

騰絕塞加以謙能集益誠愈徵悠殷宗之歷祚攸

長總期無逸周后之錫齡甚富要在靡遑誕播

德音務崇實意朝乾夕惕何誇華祝衢歌吏肅民安

不羨鳳儀獸舞頌

溫綸之藹藹湯盤禹鼎難幾仰

峻德之巍巍舜日堯天永戴臣一介蒙恩七旬致政感

銜舊林雖伏櫪而嘶風依戀榮光每傾心而向日

幸遇

天開壽域

鼎命長凝欣瞻人樂春臺

泰階共賀敢效躋堂之祝聊呈擊壤之謠韻叶百言

如同川至句吟萬字竊比山呼謹拜手稽首而獻

頌曰

皇建有極錫萬方得一以貞萬禩昌萬年景運正當陽春融

萬象啟混茫萬里北拱

帝座旁南極輝聯萬曜芒萬祚化日舒以長普天齊稱

萬歲觴稱萬歲歷顯藏萬彙重舒天地房資始萬物乾道

剛生萬物坤道常

詩集卷一

主

一人首出振萬綱參天兩地萬化相化成萬姓仰垂裳述稽

萬代誰頌頡頏震雷鼓萬解澤湧吳風吹萬渙號煌貞憲

考度萬緒康漸仁摩義萬俗匡賢良萬選士氣昂黜陟

萬當官方彰文超萬古

聖謨洋洋詩含萬籟

帝歌颺插架萬籤輝縹緗揮毫萬紙珍琮璫萬萬同文邁虞

唐萬區振武駕禹湯三逆肆靖讐萬荒縱橫萬陣掃機

槍親驅瀚海萬慮詳萬部稽顙皆來王從茲萬衆悉安

攘乃偃萬騎棄斧折東西朔南

萬乘翔共球贊幣萬國將河清萬家息築防海晏萬艘貢筐

筐萬里

威靈風決決萬頃

恩波露瀼瀼萬類咸若慶雨暘萬寶告成屢豐稔杭稌黍稷

萬斯箱萬億及秭溢千倉女紅萬杼織七襄瀕海萬灶

煮瀛滄買遷化居賈萬槁考工萬象貯棟梁萬畝頻減

賦與糧通千踰萬蠲勿償雞竿萬赦措析楊恩施萬疊

澤藏汪養老表貞旌萬鄉崇儒重道飭萬庠萬世師表

摘

天章萬揭萬仍示周行大賢嗣續萬宮墻大儒躋祀萬丞嘗

特闢賓興萬夫望併板干城萬旅揚萬戶絃歌雜耕桑

萬官黼黻贊嚴廊萬禮既洽欽願印萬舞樂奏諧宮商

鳴鐘萬石擊鼓鐘萬聲作止何鏗鏘咸秩萬祀無不當

詩集卷一

主

綏以萬福答臚脚萬呼萬丈微天閭日升月恒納萬祥

祥納萬籌閱星霜甲週春日萬卉芳先甲逢癸萬探藏

將午建巳萬紀張曆宗辰月萬人慶律中姑洗萬花香

一週花甲萬週倡化萬育萬萬未央萬枝遙草貢蒼食

萬斛丹砂映碧萬絲烟柳裊康莊萬轉宮鶯和笙簫

鳳麟萬旅效趨踰梯航萬譯奉珪璋萬域群監

天壽坊萬呼萬祝萬難量萬仙拜舞獻瓊漿萬龍奮翼萬馬

驟魚藻萬咏徧清浪栢梁萬和叢琳瑯

誥誠萬言示勿違實意敦行萬事強

萬幾時勅宵旰忙仁育萬民答宮葵晨昏萬安

慈寧倚本支萬葉慶一堂萬邦賡拜頌明良萬載昇平仰榮

光萬八千歲邁九皇壽維

萬壽壽無疆

集風雅頌百章恭祝

皇上萬壽

益聞景運方中兩曜之光久照太和在宇四時之

氣長春惟德與上下同流故壽與清寧合撰若乃

巍巍蕩蕩德極於無能名繹繹壽壽至於不勝

紀斯則在朝在野愛戴維深為雅為風頌颺莫罄

繫古今之大義實臣子之至情欽惟

皇上

行健體天

詩集卷一

主

無疆應地

握璿璣以齊七政

建皇極以協庶徵

精一傳心道法貫百王之上

周詳敷化質文酌五運之中舉一事而本末胥融統

萬理而精粗共貫

誠民畜物動之以至誠

夕惕朝乾持之以永敬裕顯仁藏用之量大包宇宙

而靡遺極開物成務之能細入毫芒而無間

睿美恒通乎遐邇萃千八百國為一家

宸衷無倦乎先勞合五十八年如一日溥天之下品

類咸亨振古如茲光華復旦天意欲斯民之久治
而人心樂我

后之長生此豈康衢之歌華封之祝所能管窺蠡測數
陳萬一者哉臣一介庸愚生逢

聖世四十三而通籍七十二而歸田癸巳三月恭遇

萬壽之期再入國門隨班朝賀蒙

皇上賜衣賜饌榮與老臣貤贈貤封

寵加先世拜

命以還不觀

天顏又六年矣去冬臣子惟模復蒙優擢由京畿御史

授順天府丞臣在家聞

詩集卷一

无

命望

闕叩頭不覺喜而增慙感而成泣伏念一門父子奕

葉

恩光頂踵徒存涓埃罔報臣犬馬之年今已八十雖精

神漸減步履漸艱而閒居無事未廢讀書夙夜有

懷寧忘祝

聖竊觀詩書所載人臣際時遇主類託咏歌對揚休命

用以紀鴻猷於髣髴美盛德之形容而三百五篇

尤稱善頌善禱輒不自揆效晉臣傅咸集毛詩之

體資古人之成語爲下里之謳吟彙集百章恭呈

乙覽謹諸綿羽鳴春思仰酬夫人造丹葵向日冀俛鑒

夫寸心云爾

帝作邦作對爲龍爲光則篤其慶長發其祥

右 國祚一章四句

旭日始旦日爲改歲日之方中哀時之對

右 正朔一章四句

世德作求昭格烈祖永言配命自求伊祐

右 世德一章四句

克長克君日就月將夙夜基命宥密學有緝熙于光明

右 聖學一章四句

斤斤其明赫赫厥聲允也天子展也大成

右 聖治一章四句

詩集卷一

丰

聖敬日躋倬彼雲漢韋修厥德誕先登于岸

右 聖德一章四句

瞻卬昊天昊天其子之監觀四方四方其訓之

右 聖化一章四句

皇矣上帝日監在茲小心翼翼敬之敬之

右 敬天一章四句

謂天蓋高俾爾單厚我將我享在帝左右

右 郊祀一章四句

謂地蓋厚以社以方是饗是宜豐年穰穰

右 祀社稷一章四句

天作高山及河喬嶽山川悠遠天子是若

右望祭山川一章四句

神不歆以洽百禮百禮既至百神爾主矣

右享百神一章四句

迺追來孝克配彼天昭哉嗣服天子萬年

右 聖孝一章四句

於穆清廟先祖是皇吉蠲爲饔餼祀烝嘗

右享宗廟一章四句

七月食瓜八月剥棗獻之皇祖假哉皇考

右時享一章四句

萬邦作孚受天之祐尚有典刑繩其祖武

右 法祖一章四句

詩集卷一

三

帝省其山陟降在原柞械斯拔松栢九九

右 謁陵一章四句

三后在天陟降庭止繼序思不忘夙夜敬止

右 三朝實錄一章四句

維清緝熙有物有則率由舊章正是四國

右彙典告成一章四句

綿綿瓜瓞椒聊之實本支百世時萬時億

右 聖慈一章四句

麟之趾施于孫子子孫繩繩以似以續以莫不與

右 天潢一章五句

雖雖在宮至于兄弟因心則友永錫爾類

右友愛一章四句

爲章于天邦家之光如金如錫如圭如璋

右 御製一章四句

如飛如翰式歌且舞如日之升照臨下土

右 宸翰一章四句

鼓鐘于宮於樂辟雖宜大夫庶士莫不率從

右 幸太學一章四句

呦呦鹿鳴我有嘉賓令德壽豈遐不作人

右特科一章四句

青青子衿思樂泮水趺趺周道君子所履

右學校一章四句

詩集卷一

三

示我周行順彼長道肆成人有德小子有造

右崇儒一章四句

誨爾諄諄德音孔昭其風肆好曾不崇朝

右典訓一章四句

東方明矣東有啟明匪東方則明庭燎之光

右 勤政一章四句

賦政于外介人維藩肅肅王命來旬來宣

右用外大臣一章四句

出納王命惟民之章無小無大無封靡于爾邦

右飭吏一章四句

文武受命龜勉從事無此疆爾界維君子使

右文武臣工互用一章四句

或哲或謀發言盈庭天鑒在下維邇言是聽

右會議一章四句

有命自天德音秩秩百僚是試好是正直

右會推一章四句

來咨來茹莫遠具邇入覲于王我心則喜

右外官陞見一章四句

鳳凰于飛肅雝和鳴烝我髦士邇觀厥成

右擢用詞臣一章四句

恩斯勤斯教之誨之無恒安處式穀以女

右教習一章四句

詩集卷一

三

敬爾在公王釐爾成式序在位無忝爾所生

右計典一章四句

便便左右共武之服爾公爾侯以定王國

右優待勳戚一章四句

召彼故老懷之好音式遄其歸以慰其心

右優禮大臣一章四句

賓之初筵一朝饗之既醉以酒樂且有儀

右賜宴一章四句

京師之野薄言震之如雷如霆以作六師

右大閱一章四句

載見辟王載錫之光誨爾序爵以謹無良

右引見一章四句

濟濟多士集于泮林我其收之方廣德心

右廣額一章四句

芄芄其麥厭厭其苗星言夙駕稅于農郊

右重農一章四句

降觀于桑其葉沃若載筐及筥洵訐可樂

右勸桑一章四句

率時農夫跂彼織女我儀圖之以穀我士女

右耕織圖一章四句

今汝下民既庶且繁爰得我所永矢弗諼

右戶口一章四句

詩集卷一

三

就其深矣深則厲就其淺矣淺則揭原隰既平民之攸

堅

右水利一章六句

哀此鰥寡何以速我獄淑問如臯陶載生載育

右緩刑一章四句

生民如何日用飲食父母孔邇昊天罔極

右愛民一章四句

式是南邦用剔蠻方苞有三蘂則莫我敢遏

右平定三藩一章四句

肇域彼四海四海來格海外有截無思不服

右靖海氛一章四句

其追其猶大邦爲讎王赫斯怒修我戈矛

王于出征有虔東鉞奄受北國四方以無拂

右 親征沙漠二章章四句

王旅嘽嘽大師維垣不震不動四國于蕃

右 禁旅出鎮一章四句

時邁其邦悠悠南行婦子寧止王心則寧

右 南巡一章四句

駕言徂東泰山巖巖維王其崇之民人所瞻

右 登岱一章四句

維此聖人明明在上先民有作魯道有蕩

右 幸闕里一章四句

詩集卷一

五

允猶翕河河水洋洋維禹之績告成于王

右 河工一章四句

駕彼四駟周爰咨度詢于芻蕘求民之莫

右 問俗一章四句

黃髮台背或授之几躋彼公堂媚于天子

右 養老一章四句

柔遠能邇懷哉懷哉如賈三倍惠然肯來

右 卹商一章四句

迺眷西顧八鸞瑤瑤駐于太原至于涇陽西方之人兮

懷允不忘

終南何有如松柏之茂君子至止如南山之壽

右 西巡一首一章六句一章四句

來牟終善且有登觀鉅艾嘗其旨否

右 瑞麥一章四句

以陰以雨浸彼稻田誕降嘉種實維豐年

右 嘉禾一章四句

王在靈囿零露漙漙百卉具腓于彼朝陽

王在靈沼有鰉有鮪如江如漢朝宗于海

右 暢春園二章章四句

穆如清風六月徂暑君子攸寧爰居爰處

右 行宮清暑一章四句

周原膺膺維禹甸之牛羊勿踐履自公令之

詩集卷一

三

有實其積衆維魚矣以開百室維其時矣

右 山莊二章章四句

白露爲霜駕言行狩公侯腹心悉率左右

瞻彼中林獸之所從一發五豝獻豸于公

敦弓既堅舍矢如破載績武功四方來賀

其車既載麀鹿麀麀何錫予之自天子所

右 講武行圍四章章四句

會同有繹率履不越爲王前驅職競用力

右 蒙古效力一章四句

十千維耦三百維羣維羊維牛祁祁如雲

右 考牧一章四句

有驪有黃或寢或黃于彼牧矣既庶且多

右馬政一章四句

鑿氷冲冲隰則有洋方渙渙兮弋鳬與鴈

右水園一章四句

其崇如墉黍稷稻粱以峙其糧乃求萬斯箱

右積貯一章四句

廼宣廼畝于疆于理如坻如京亦孔之厚矣

右田賦一章四句

滌滌山川其雨其雨既霑既足田畯至喜

右祈雨一章四句

相彼雨雪雨雪浮浮亦又何求貽我來牟

詩集卷一

三

右祈雪一章四句

我師我旅徹田爲糧或耘或耔廼積廼倉

右屯田一章四句

肆于時夏孔惠孔時百室盈止維其有之

右蠲賦一章四句

我取其陳挹彼注茲以就口食可以樂饑

右賑濟一章四句

去其螟螣以御田祖無蠲無害以介我稷黍

右捕蝗一章四句

天之生我我獨于罹如可贖兮其樂口且

右贖罪一章四句

如彼泉流以作爾寶不畱不處洵美且好

右錢法一章四句

城彼朔方百堵皆興庶民子來鼙鼓勿勝

右城工一章四句

洪水芒芒外大國是疆封建厥福我受命溥將

右封海外諸國一章四句

道之云遠我之懷矣而多爲恤惟其勞矣

右犒邊一章四句

帝命率育錫我百朋邦畿千里萬民靡不承

右大賚畿輔一章四句

王此大邦幅員既長萬邦之方莫敢不來王

詩集卷一

三

右外國朝賀一章四句

我征徂西是類是禡克壯其猶以對于天下

右西征一章四句

維莫之春春日載陽天子萬壽萬壽無疆溥天之下萬

民之望

右祝 萬壽一章六句

臣拜稽首匪今斯今以雅以南以矢其音

右述集詩獻頌一章四句

應制集

首春懋勤應制十二韵

泰啟三陽候辰開萬象先祥暉轉舊曆淑景兆新年聲

致風行地光華日麗天鳳儀瞻翺翺

龍德體乾乾勵治敷求切乘時茂對虔懋修依廣廈較藝集

翠員禁近清華接恩輝瑞鸞連暖雲殘雪外佳氣早梅

邊玉佩聲隨步金爐袖拂烟彩毫霞錦散水鑑日輪懸

才薄龍門后心驚

鳳榻前遭逢慚異數甄別聽微權

禱雨十八韻

避澤踰千載

仁風被八埏殷憂偏啟

聖容微直回天商紀桑林蹟周垂雲漢篇驕陽聞史載恒煥

觀書傳况值勳華洽何妨陽雨愆

詩集卷一

三

宸衷彌翼翼

睿慮更乾乾六事躬先責三言意倍虔下車情最切解網

詔重宣露潤園扉內星移貫索邊茫茫冀黍稷滌滌電山川

爰集南宮侶嚶谷東觀員風雲欣得路霖雨愧非賢報

國臣無策回蒼

帝有權風霆驅旱魃雷水解屯連發變盈原隰滄沱渥陌阡

九重方惕若四野已油然再慶禾三百還歌耦十千甘霽欣

在望霑足又豐年

閔江

錦水東流一色裁石帆西上錦帆開波涵赤日蕪天湧

檣夾黃龍動地迴牛斗移躔通析木龜鼉高駕接蓬萊

衡山望祀岷山遠惟有朝宗萬里來

南巡恭紀二十韻

聖德光天峻

神護極地雄端居辰有象恭默道何窮已致垂裳盛還思輯

瑞隆 六龍雷奮發萬象日昭融翠野迎 黃屋 金

輿下碧空青齊來畫裏泰岱指雲中漢栢珠承露秦松

嶺倚風古碑無字紀帝籙有聲通頃覺乾坤大行看帶

礪崇懷柔薰震疊岳瀆視侯公允翕傳周頌平成美禹

功

東巡停輦轂

南幸駕鸞轡牛斗開天闕龍龜接彩虹輿圖均道里王路闢

詩集卷一

四

鴻濛虎阜臨芳甸龍蟠問故宮

迴鑾周道近秩祀孔林豐大體惟崇道羣情待發蒙兩楹

仍俎豆一代表宗工扶杖園橋聽搗詞付石壠五絃歌

舜化億載戴

堯躬

駕閱黃河二十韻

禹甸承清宴 堯封廣幅員勳高歸馬日化洽止戈年赫

赫東巡事魏魏

萬乘邁秩宗崇典禮望祀徧山川遙指扶桑日平臨泰岱顛

百神懷恐後四瀆祭何先自昔論疏導惟河屢變遷崑

崙源發遠砥柱力方堅開闢論功大鴻濛信史傳八枝

湮故道一氣走滌旋鱗屋千層登龍門萬仞懸合江聲
浩蕩朝海勢爭滄玉牘開天出金繩授曆綿龍龜沉壁
後龍馬負圖前涿洞民無警平成

帝有權 鑾輿扶日馭萬旆拂雲翻河伯來清道波臣去執

鞭盟封從指帶轉栗即登天紺蓋威儀壯榮光氣象宣
詩成歌既濟何必羨張騫

聖駕登岱恭紀二首

喬嶽懷柔日登封屬

聖君旌旗天外轉笙鶴月中聞帳殿黃爲屋爐烟白是雲太
平功德在勒石頌

高文

詩集卷一

聖

其二

海日三更白齊烟九點青栢壇舒鳳翼松蓋走龍形城

闕運幾輔奎婁拱

帝星

東巡開典禮不爲禪亭亭

駕幸闕里恭紀四首

冠蓋開

王路奎婁接

帝星式閭光典制折節表儀型一代同文會千秋

注釋亭魯人誇盛事

宋爲傳經

其二

群教今尤盛斯文祖豆存禮優

天子聖道在布衣尊地接滄離脈天開泰岱門八方瞻景運
氣象滿乾坤

其三

玉璫題璇閣風雲畫卷舒十行嗤漢札四字邁唐書檜
入

天章記祖從 手詔除百年餘父老扶杖望 乘輿

其四

文鶴御書早蒼龍吐玉遲後生傳絕學缺畧創前規特
舉周公祀重臨孟子祠橋門觀聽在

詩集卷一

聖

聖主即明師

駕閱鈞安泉八韵

地入瑯琊里城臨鳳沸泉躍龍尋丈內吐鳳淺深遶水

鑑融初淨銀河恍倒懸源疑星宿近秀擅地靈偏顆顆

珠欽澤燈燈玉出淵有雲時作雨入壑遂成川舟楫江

湖外恩波泛濫前激湍

宸翰洒飛白

御書妍

駕登金山八韵

一柱中流峻雙峯萬仞懸龍頭飄羽蓋蒼背躡金仙路

許虹梁近天教鶴駕聯海門青湧浪江郭翠浮烟頓覺

乾坤大從知日月圓樓臺看鳳翥鐘鼓警魚眠

翰墨題壯江山

賜額傳悉徒舟楫邁

萬乘雨風旋

駕登報恩塔八韻

天幹金枝湧地蓮江山開舊關日月麗中驪宛

轉通千磴輝煌歷一川高疑河漢近倒指列星懸鶴背

飛長到觚稜鎮不遷榮光紛照耀清影落澄鮮勢拓陬

維外神開指額邊百年留殿宇一氣掃雲烟

禁中積雪

灑淨天街粉作沙上林處處滿瓊花似看有辨梅相並

詩集卷一

聖

若論無瑕玉未誇萬戶樓臺光徹曉九霄日月景重華

瑤堦向夢今親到敢負寒窗夜映紗

其二

彤雲霏屑滿長安瑞叶年豐萬戶歡色映瓊樓輝五鳳

光搖玉佩肅千官官鴉向曙驚飛蚤梅蕊含香欲吐難

幸傍九霄雲日近陽和靄靄不知寒

前題二十韻

氣肅凝寒外同雲遠近天八方增景象一色現山川霽

深周詩咏零霏謝賦傳光輝開晝夜珪璧定方圓

鳳闕參差出

龍樓上下聯巧裝溫室樹清濯玉池蓮皎潔梅舒萼低徊柳

撲綿總無花比質長與月爭妍慶叶

東封後時當

南狩旋堯年聞鶴語仙鼎熱龍涎

御酒迴陰律天衣拂舞筵九門紅映燭萬灶翠生烟珠爰晨

猶敬水簾書不褰瑤華

宸翰酒賞玩

帝城先黃竹琳瑯曲幽蘭琬琰編際時知澤遠

下詔許租蠲民俗歌襦袴官娥減翠鈿兩岐占上瑞盈尺想

中田澤到沾濡足恩從覆載全

上林枝畔見喜劇是豐年

元日立春二十韻

詩集卷一

聖

萬國朝元會昌期仰

聖人

天心開泰運

帝力轉洪鈞律應條風候祥徵麗景晨歲書重建子斗柄又

當寅黍谷飛灰動葭階見葉新餘寒分舊臘淑景接初

春高吐龍樓日微生鳳沼鱗層冰纔刻玉積雪乍消銀

鶯欲調笙柱烟疑護麝塵白添梅額粉青熨柳眉顰綠

勝分行戴桃符並戶陳百年逢令節併日闌芳辰酒市

家家醉花街處處隣向風飄錦幄爭路出朱輪宴樂時

方泰繁華俗豈貧暖雲低拂殿佳樹近浮闌索綯乾坤

故沾濡雨露勻恩波先葑屋品藻暨詞臣染翰依

丹陛擢毫視

紫宸自今看節序平秩四時均

暢春苑應制二十韻

運際勲華日

天開清晏時

齋心軒館闌

觀象舜衣垂同樂追文囿來歌陋漢池西山佳氣霽

北闕瑞烟麗暢望千村迥春留四季宜卑宮林蔭密曲徑

島崇奇石吼鯨吞浪雲翻雁下陂露華凝杞棘日影射

杳思樹鬱禽潛集荷深魚暗移香浮連太液操縵動南

颺宛轉紅橋外淪連綠水湄

詩集卷一

星

靈臺仍伏鹿

玉殿向生芝布席巖花護臨流荇藻披投籤書帙繞懸鏡

畫圖窺裾襲清芬滿碑延晝漏遲瀛洲欣預會蘭苑荷

晴容朽質慙樗櫟傾陽比萱草擢毫依

紫禁伸紙對

彤墀學愧賢臣頌榮叨

聖主知卷阿聊獻什萬載慶昌期

賦得微雲淡河漢

金風乘玉宇珠斗燦銀河忽被輕雲減還垂素練多中

天涵皓月大地映清波淡淡微茫裏乘槎何處過

賦得青雲羨鳥飛

何處祥雲奏鶴行快振衣鳳儀輝

紫閣驚序映

黃扉力欲搏風上身先向日飛乘時方奮翮戢影獨何依

其二

忽睹雲深處飛鳴破寂寥無心還出岫有翼自冲霄鳳

翥千尋峻鵬搏萬里遙遭逢欣若此誰不羨扶搖

賦得雲近蓬萊常五色

紛紛郁郁羨蒸霞瑞統

楓宸色倍華氣本從龍隨變化形同翥鳳任回斜參差瑤島

疑鋪錦繡縹緲樓似雨花簪筆自慙鏤繪手五雲深處

若爲家

詩集卷一

星

咏桂

涼風披衆卉雲外發天香影附冰輪皎葩隨玉樹芳露

枝先菊並霞錦軼萸糝曾憶淮南賦叢生敢自方

咏菊

風披百卉共淒淒獨占秋容燦野畦紫蒂凌霜晚節勁

黃花疑露落英低籬邊策杖愁無酒領上拈詩幸有題

願約春蘭同獻頌延齡私祝萬年齊

賦得風勁角弓鳴

天高風漸急獵獵動危旌月挂烏號影霜飛燕角聲控

弦千里震激羽九霄橫坐待秋獮後彙弓賦太平

咏雁

涼颼獵獵動危旌氣肅金河朱鳥賓翻向雲霄疑點畫
陣衝風雨任縱橫霜凝浦暗飛何處月落汀寒叫幾聲
自愧鵝行無一得天遠徒切向陽鳴

中秋

氣肅秋高倚鳳城天街信覺月華明風來閨闔銀河淨
露洒蟾蜍玉宇清幾處同亭看鳳翥何人中澤聽鴻鳴
聖朝雲物俱徵瑞圖壁輝多慶太平

大閱八韻

三駟合

威四海加金風催

駟玉露灑

詩集卷一

聖

雲車萬騎開雙陸千群耀五花戟排天仗整旗颺陣陰斜
虎帳分麟趾龍韜萃兔置弓灣秋塞月劒拂暮山霞令
肅層霄上聲馳薄海遐山川氣倍壯日月景重華
御書八韻

帝德乾坤合

宸章日月齊

天文輝玉版

睿藻燦金泥河洛心潛契風雲腕自齋神超八法峻勢歷二
王低軒翥紛鸞鳳光華動壁奎西園珍獨秘東觀寶分
攜瞻象懸鏡管觀瀾愧測蠡昭回被四表千載仰榮題
其二

文物光離照 賡歌慶泰交

宸章開聖域

睿藻發天苞腕運三辰合神超萬象包毫毫驚翥鳳墨海美
騰蛟靄靄烟雲拂霏霏金玉敲偃波潌虎觀垂露點螭
均倉史懸蚪蚪義文擬卦爻千秋瞻法象萬國仰聲教
觀獲十二韻

聖代天時叶

熙朝民事殷艱難先稼穡率育重耕耘東作功纔畢西成省

又勤

龍旗飄土露

鳳蓋度秋雲扶杖霜郊滿援鋤繡陌紛

詩集卷一

聖

宸衷方繼緒都屋已欣欣五穗搖青畝雙岐吐赤墳禾占三

百億耦快十年羣

帝曰勞由下農云惠自

君含饍堯壤慶解慍舜風薰介壽稱羔酒明煙潔茲芬晉天

真大有萬載頌

思文

其二

帝德周民隱年豐綏萬邦霜禾占慶百露穗耀岐雙解慍欣
財阜合哺慶俗龐躋堂還介壽春酒喜盈缸

續修類函十韻

文德光離照

奎章與泰清圖書呈法象禮樂肅模楷才集西崑彦賢
東觀齊竊均牙快散鰲禁彩毫排開卷千秋在分門萬
類偕風雲翔宇麗金玉和聲諧水漏藜光映花磚日影
扶韓歐真伯仲沈宋直優俳彪炳看虹巨噫和聽鳳咭
編摹愧螽酌敢洽

聖人懷

巡邊八韻

秋老邊城肅風高羽騎駸

鑿音移桂苑鏡吹出楓林露洒 霄旌動霜飛畫戟森涼

颺清蹕影爽顛豁

宸襟烟紫彌天彩花黃滿地金序迎九日酒途獻萬邦琛氣

詩集卷一

聖九

震山川烈恩翔膏雨深彌苗典禮在豈爲快登臨

恭和 御製登山

露白風高羽騎駸花迎鏡吹度雲巖霜飛丹樹三秋老

日吐青崖萬景函

睿藻凌烟光象緯

宸章戛玉和韶咸名山何幸

奎文賁拜舞欣承紫鳳銜

賦得鴻雁來賓

皇恩周百族朱鳥應秋來塞遠傳書捷天高逐陣開寒汀聲

斷續清月影徘徊願附隨陽侶飛鳴向

帝臺

賦得滿城風雨近重陽

秋雲淡蕩燦銀河纔欲登高沛澤多風轉 龍墀宣令

節雨霏 鳳沼散恩波更霰早被愁寒逼菊蕊遲開望

酒過幸傍

九霄依日月

天顏溫霽慶陽和

駕旋途逢九日

露肅天高玉宇澄 金輿迴馭六龍騰霜飛丹樹三秋

老日吐寒崖萬象凝菊蕊遙頒傳魏傳壺漿遮送似王

弘高山登處

奎章麗綫效賡颺魏未能

詩集卷一

辛

麥穗兩岐十韻

聖治天呈瑞農工物兆祥來幾先百穀率育佇千倉翠浪齊

翻碧青畦競吐芳三岐輸並蒂九穗遜連芳奇穎雙雙

秀輕花對對香東西鴉種熟南北雉飛忙蒨苑屏煌食

登塲薦壘嘗普天皆晉甸匝地似漁陽允矣蒸民立庶

哉萬寶昌先秋爭獻異時夏慶陳常

皇太子手勒 御書于無逸齋應教四首

帝德健于天 元良懋體乾艱難籌治本兢業印心傳

璇榜

奎章麗 龍樓

寶訓懸

皇家勤作述堂構萬斯年

其二

一卷周書在艱難歷

聖衷西山顏古訓甲觀稟

家風舉目無他處齋心只此中自慙厥情質何術贊元功

其三

萬卷縹湘兩字銘手摹寶訓肅仪型

天家作述還勤苦偏愧寒窗懶過庭

其四

當頭璇榜即箴銘治要原來在壁經兩字心傳親手勤
不勞圖畫費丹青

詩集卷一

至

寶墨堂應

教二十四韻

皇護輝景運

帝治炳中天文物星辰麗光華黼黻鮮奎章弘藻績

宸翰拂雲烟舞神軒翥龍蟠勢蜿蜒六書寧有迹一畫更

無前奄備諸家體紛飛五色箋爲靈光宇宙作寶鎮山

川勝地留題徧羣工寵錫駢眷茲麟有趾頻賜筆如椽

震索呈祥早桐封受命先凌霄開邱第插架擁丹鉛百

軸銀鈎勁千行玉筋圓偃波縈水石垂露貫璣璫瞻仰

天顏近披尋

聖訓宣錦幘含彩艷璽帶香研畫以卿雲護宵同璧月懸

東平爲善樂西楚受詩銓帶礪垂千祀藩屏拱萬年豈

徒以世守長用荷陶甄有道規模大無疆福澤綿欽惟

宸眷渥伏觀孝思虔色動縹緗帙榮分金石鐫賜言窮贊述

拜手頌仁賢遠愧淮南客清操叶管絃

賜觀湯泉

鵲行飛從出瑤京看取仙源舊識名明月一痕分翠嶺

靈砂千點護丹楹醴泉原爲璇宮湧惠澤應從太液生

更道

聖躬頻浴德湯盤曠代有同情

其二

鳳聲初下五雲中許侍

宸遊寓目同暖處定因依化日暄來初不爲薰風香跳珠雨

詩集卷一

至

正春融

花浮綠影落金錢蝶舞紅絕塞何須愁吟節恩深泰谷

其三

浴日無能竊溫竿前門霽霽幸前驅千官不異千巖拱

萬騎應同萬壑趨蹴步直教霑雨露開襟雅勝飲醍醐

共期性不因人熱長把冰心近玉壺

其四

野鷗端許立晴沙灩灩光搖五色霞漢代影娥殊不羨

唐宮凝碧詎堪誇太平已罷昆明戰遠使何煩寄望槎

共沐恩波猶未盡迴看馳送幾林花

御書忠孝守邦四大字頒賜安南國王黎惟禎恭紀

我

皇威德普天敷海晏河清同車書神武惟揚萬國寧絕域語
言通象胥安南荒服古交趾建邦乃在大海隅黎氏分
茅數百祀間以疊孽萌柳榆皇哉天威遠鎮撫兄終弟
及守故墟乃者滇池逞不道誓死效順不敢渝天開日
朗烟霧消匍匐請命來上都哀榮禮數循故典詞臣捧
冊賦載驅別有奎章煥

宸翰褒忠嘉孝恩特殊時艱彌堅翼戴節永錫爾類矢區區
銀鈎鐵畫耀雲霄清光對對成驪珠百靈呵護驚代寶
行舟何畏蛟龍扶新王聞詔行感激稽首呼嵩迎路衢
致君事親臣夙願矧煩

詩集卷一

奎

帝語重吹噓金繩玉函供高閣舉頭瞻天戴
聖謨海不揚波風入律越裳白雉年年輸

德星堂詩集卷一終

道光戊子夏
潘昌言經常
泮南氏作

天下之樂不
過此而已
出而遊之
此善斯矣
潘昌言

德星堂詩集卷二

海寧許汝霖

冰銜集

散館 賜宴恭紀十四韻

昭代同文會儒僚授職年制科榮

御試升殿記臚傳天祿慙分俸蓬池幸備員雞羣分鶴粒魚
目入珠淵敢負三年學來吟五字聯遭逢真異數甄別

總微權咫尺

顏初譽臣工禮倍虔已教簪珥筆還許侍瑤筵未作鹽梅用
欣當鼎鼐先茲芬傳馥郁餘氣襲芳鮮前席榮生座當

杯暖勝綿撤羹難辨味聞樂凝登仙慶叶如川頌情深

詩集卷二

既醉篇文章慙報 國陶冶荷

堯天

口占

抹却傾城國色真塗脂漫想逐風塵誰知仍在長門裏
悔讓昭陽第一人

和吳匪菴病中感懷十首

落拓原猶我升沉敢問天興來花自笑話去石還顛才
劣甘相讓官貧肯受憐金門多大隱何必憶林泉

其二

也知事若此焉用喚如何揮塵塵緣少掀髯詩思多琴
樽容嘯傲歲月任蹉跎富貴紛紛好浮雲與逝波

其三

漫隨詞話後頗幸得開身健跡疎時輩挑燈愛古人風
霜驚過眼冰雪暗怡神舉世悠悠者惟君覺可親

其四

寂寞誰爲伴幽人一往來風清談慷慨月冷影低徊自
有疎狂趣何煩遲暮哀蕭蕭窗外竹乘雪好栽培

其五

閒來何復事漫與酒徒俱故態憑誰好新詩強自娛日
長容病遺歲老惜饑驅行藏惟爾我一任俗柳榆

其六

僕僕風塵裏心期訴與誰文章櫻俗怪肝膽問天知鬢

詩集卷二

二

短驚霜早燈殘怯漏遲須知松栢秀多在歲寒時

其七

久分河干侶欣逢海晏秋金泥封泰岱翠蓋謁尼丘
愧乏相如頌偏多平子愁迂疎空咄咄何以爲時謀

其八

靜想年來事狂夫自笑狂耽棋披卷懶愛雪看山忙久
客歸無夢長貧饑漸忘茫茫今古裏那辨是彭殤

其九

榮枯原不計大雅實關情垂釣歸東海徐師談詩老北
平未座師鴻飛京口遠張掌院松冷蔚蘿清魏司寇莫
道風流盡前型屬後生

其十

近知消息理萬事不櫻心旅夢鐘聲斷鄉書雁影沈貧
交原自古拙宦豈徒今聊作閒庭嘯敢誇梁父吟

題金少司空湖山梅花圖

湖光淡蕩翠陰遮忽現羅浮數點花半壁荒亭供雨雪
一灣小艇渡烟霞暗香寂寂寒光動疎影蕭蕭落照斜
記得孤山曾似此偏疑不見鶴還家

八月朱座師以雨後秋聲演琵琶招飲

雨後秋聲咽夕陽傷心况復對中郎牛衣纔別思金屋
鶴髮誰依戀玉堂髮剪喪悲夜月松披枯塚泣秋霜
當筵豈少思鄉侶不待琵琶已斷腸

詩集卷二

三

朱座師同楊少司馬招遊摩訶菴看花病不能赴

是日風雨大作因以自解次韻二首

多年夢結憶招提况逐東風桃李蹊無奈春來愁易病
那堪酒到醉如泥雨餘花藥應增艷春老鶯聲漸想低
讀罷新詩還健美重遊肯許手同攜

其二

勝事憑君且漫提新花零落恐盈蹊樽開北海沙橫座
展傍東山齒印泥鴉散晚林迷遠近馬嘶歸路畏高低
何如穩臥幽窗好歌枕狂吟一卷攜

陪朱座師重遊花庄次周廣庵韻

柳拂春陰一路迎欣隨杖履步前型亭虛午過還疑蚤

林暖風柔不礙晴座上摧花驚燕語樽前覓句競鳴
平泉且盡今朝勝那管城頭暮角聲

送吳侍御青壇歸里

聖朝無闕諫何人爭奈先生不厭頻虎冠風驅纔戢影龍威
霜簡又批鱗名成好息雲中翮身退誰埋市上輪留待
草茅心事白語溪莫便穩垂綸

送楊自西少司馬終養歸里

憶昨春迎司馬旌揚旌今又送歸程卅年事業千秋史
雨鬢風霜萬里城捷徑功名甘落拓奕碁時事任縱橫
勲成敢望凌烟畫搔首聊陳將母情

其二

詩集卷二

四

桐柱銘勲恩已酬翩然綠服放扁舟兩朝鼎望儲黃髮
八座榮歸奉白頭客久誰無還里夢官高偏忘倚門憂
先生愛日情何限肯待三公易報劉

其三

枌榆誼舊薦蘿新握手京華意倍親官略尊卑十日飲
巷聯南北一家春鶯花策杖尋新墅風雨挑燈話古人
忽聽陳情歸計穩幾回健羨幾傷神

其四

數卷輕裝拍潞河水堅風急雪盈駝象封北關鳴騶少
是日滿帳祖東門圖畫多草草一樽蕭寺酒依依三疊
渭城歌揚鞭共羨登仙去我亦秋風到薜蘿

送徐電發前輩歸里

高蹤卓犖本南州珥筆承明孰與儔賦就雲霞真五色
文成袞鉞自千秋曲高莫怪人難和道重何妨俗易仇
從此名山多著述獨憐朝下少枚鄒

送張南溟少宰乞假還墓

仕路營營那日休風流張翰邈難儔千秋宦蹟雙蓬鬢
萬卷歸裝一葉舟年老久忘鄉橘柚官高誰憶舊松楸
山公哀慕情何限轉恐蒲輪到隴頭

送柯翰周孝廉隨令兄又鄒南還

翩翩年少憶新銅轉瞬公車又幾經我已疎慵頭漸白
君今落拓眼誰青楓凋古驛秋霜渡雁叫清江夜雨聽

詩集卷二

五

回首春風何限意那堪蕭瑟上離亭

其二

當年愛客羨平津四海招遊滿座春忽訝寒門爭結駟
可憐公子轉依人數奇總爲才名累骨傲聊因兄弟親
歸讀遺書還足用黑貂莫漫傲黃塵

送王薛澱編修省親

祖帳東門又一時春光駘蕩赴歸期驛亭上馬花爭笑
官袖捲風柳欲絲初志竟蒙丹詔許遠書先報白頭知
文章致主金昆在可少承歡膝下兒

其二

四載心期約畧同每聞清譽屬安豐無窮事業青冥上

有數交遊氣誼中襍被讓君開首路鬢絲留我颺春風
相逢便作還朝計莫負花磚日影紅

病中口占四首

輪蹄衮衮沒晨昏留得微疴靜掩門檢點詩文雖力倦
平章花月頗權尊眼前勝負看棋局身外榮枯對酒樽
興到偶然思覓句衰髯零落醉頻掀

其二

甌滿荒塵堦滿苔市朝況味等蒿萊雲衢有夢憑天去
霜鬢無情背地來鼠伺燈殘情跋扈燕窺簾曉語低回
閒看物態真難問且向床頭傾綠醅

其三

詩集卷二

六

十丈紅塵逐馬牛春風秋雨雪盈頭逢人求好偏增妬
到處尋歡轉益愁有限韶華隨水逝無憑富貴等雲浮
年來幸藉文園病歆枕酣歌萬慮休

其四

寂歷門庭老鬢絲年華荏苒晝偏遲詩成枕畔忘誰記
花發窗前落不知才拙堅留貧鬼笑官閒軟歎病魔支
春光過半何須問一卷殘編酒半卮

病占

廿載昏昏睡不成臉痕偏帶枕頭紋顏衰覓醉聯同壯
學陋拈詩強自文一霎升沈看野馬百年悲嘆聽嚶蚊
蕭齋兀坐愁無賴拋卷狂呼把硯焚

試蜀出都六月初一日

青衫席帽憶何人忽奉徵書忝使臣八載風飄蓬梗舊
兩行霜點鬢毛新病餘開塞驚心切恩重君師回首
頻萬里巴程今第一不知何日問歸津

初二日涿州道中口占

鐵網天開動使旌不才偏許賦西征巴鄉久訝陽春調
老眼空慚月旦評京國纔辭頻入夢家山遙望又關情
簡書敢畏蠶叢路諭蜀其如病長卿

祖述故里

中流擊楫意茫然不信書生先著鞭江左興亡且莫問
范陽斜日一碑傳

詩集卷二

七

定州道中

新雨敷泥滑未深垂楊兩岸蔽山陰炎蒸萬里三巴路
暫借疎籬一濯襟

其二

沙途兩印馬蹄深柳拂青雲萬嶂陰到此不知前路險
高吟呼侶且披襟

朝天閣登舟次石林徠韻二首

劍門高倚碧天齊萬嶂雲連倦馬蹄羨殺秋風帆獨早
夕陽遲我漢江西

其二

欲溯秋江共泛槎一關隴蜀即天涯思君却遂停橈約

月白風清對酒花

登金峯寺次韻

曲盡柳邊路峰巔隱佛宇崖陰萬樹碧日薄四山青盡
壁龍蛇動談經猿鳥聽勞勞偶一憇迴首隔蒼冥

秋林驛登廣福寺仍疊前韻

路泊霜林晚雲端見古亭荒茆覆地白叢嶂通天青經
亂蟲魚蝕樓空虎豹聽憑高何限意矯首羨鴻冥

秋日試蜀還朝莫朱座師墓

杖履如存七載望平泉重到竟荒涼蹊盈桃李人何處
堦滿芝蘭天各方舊壘烏樓悲夜月新封馬鬣咽秋霜
一罇難禁三年淚愁別松楸百十行

詩集卷二

八

汪東川前輩同年吳容大並擢司成志喜

醇儒先後簡 朝端八舍風流頃改觀十載同心爭鍵
跡一時異數競彈冠 恩深自惹時流忌道重何憂仕
路難從此經綸君輩事衰翁秋去理魚竿

喜同學魏禹平至

燕市分攜曾幾春暑寒頃易倍情親蔡邕嘆息原知已
張儉流離竟黨人驚觀畫樑巢自舊驚啼落葉景翻新
酒徒剩有高陽在擊筑狂歌痛飲醇

午日招吳容大朱玉如魏禹平小飲忽以公事赴

署歸而賦此

滿眼浮雲過眼花一官落拓絆京華偶尋好友消佳節

忽促徵書赴午衙開酒競呼賓奪主衝炎匍匐國忘
歸來洗盥乘餘興與那得長絲繫日斜

其二

蒲綠榴紅映碧觴聊搗小飲慰神傷君無琴瑟悲同調
我有糟糠滯異鄉百藥難醫寒瘦骨五絲豈續斷迴腸
更憐觸暑垂頭去公等酣歌竟擅場

題查夏重蘆塘放鴨圖

垂髫抵掌話乘桴高致翛然寄此圖南北東西君已遍
秋江空餓一羣鳬

其二

露冷風巾織雨蓑浮槎偏向玉泉過都因放鴨思乘鳳

詩集卷二

九

錯認蘆塘是御河

吳西李招飲看菊次韻

衝寒曾踏蜀山尖萬里歸來夢亦恬況有奇英霜後賞
可無錦字月中拈藏圖罰酒嚴金谷瞋膽移文笑海鹽
獨怪蹒跚偏緩步偶遲良會莫相嫌

其二

每憶家山大小尖桃源風景自熙恬悔教病骨歸無策
愁向衰髯斷又拈奏伎徒誇工鼓瑟調羹漫說作梅鹽
霜寒且共燈前醉釀薄花殘也不嫌

尤慧珠潘一韓招飲

圖書索寞半塵函強欲開時倦又緘白髮蕭蕭悲落日

青雲袞袞羨頭銜愁城突兀誰堪破藝苑荒蕪何處覓
勉酌一樽花下酒羞看赤白面如衫

其二

龍樓晨啓侍瑤函歸院頻傳招飲絨籬菊欲殘尋舊賞
瓶梅初放貯新街酒沾薄面迎風醉雪點衰髯對鏡笑
忽想今宵歸待漏誰家織手衣朝衫

元巳李司馬座師招飲楊園限蘭亭流觴韻

客久忘佳節欣承命采蘭殘紅霞十里蒼翠樹千盤園
近華林勝池疑曲水寬啣盃傾笑語絲竹續餘歡

其二

何必山陰上都亭亦有亭路依芳草碧籬接遠峯青舞

詩集卷二

十一

緩隨花媚歌清雜鳥聽東堂饒逸興那得此忘形

其三

永和千載後誰更擅風流俯仰悲陳迹追隨快勝遊就
花頻徙席豁眼一登樓感歎思今昔芳辰得易留

其四

高歌興正劇暮角促飛觴曲沼灣新月疎林綴夕陽履
聲歸第緩鞭影策詩忙得句寧甘後春風暮點狂

其五

我愛李夫子高風軼謝安談碁將墅賭着屐借絲彈郊
遠塵逾淨春寒花未殘敢誇桃李盛繞砌映芝蘭

其六

行行何所適春色在西垞老樹盤爲畫斜峯映作屏傳
孟浮曲沼繞棟過歌伶隨處風光好奚勞擇勝亭

其七

乘醉上高樓蒼茫一望收蘭皋何處問洛水亦成丘勝
地真難再芳辰詎易酬羣賢今一會袞袞看波流

其八

良會人生幾華林日正長流風傳魏晉逸事羨蘇黃邈
矣衣冠偉類焉鬢髮蒼蒼陽春莫漫和一句願三觴

送仇滄柱編修南還

秋風蕭瑟別他鄉把酒離亭對夕陽世事奕若甘落拓
天街捷徑任疎狂十年冰署千章註兩鬢霜絲一葉裝

詩集卷二

十一

轉眼浮雲看速化名山方感主恩長

其二

廿年風雨十年塵執卷挑燈話倍親白雪雙肩追事往
青雲萬態羨時新高才只合深山老大璞誰邀當路珍
此去輸君先一着秋江好待共垂綸

送徐健菴先生假旋三十二韻

熙朝推碩望江左挺名儒著述尊山斗行藏奉楷模五
雲徵異瑞三策兆許謨棟蓂聯枝映雲龍一德孚植躬
希孔孟致主在唐虞吐握懸延攬聲華佐誕敷持平
三尺定東憲百僚趨藻識懸冰鑑澄懷瑩玉壺撤蓮歸
院晚聽履上階殊暇即容休沐朝曾許給扶聖恩誠

莫並家慶更誰符黃閣金昆在 青宮王友俱荀龍桂
下饒賈謝膝前娛道重櫻時忌名高任俗掄 帝心彌
臣職倍勤劬疏爲陳情切忱因戀 主紆誌仍修
樂史論豈著潛夫剛訂千秋炳編摩百代驅璇題輝
鳳藻秘秩出瓊鋪直訝書盈路真堪繪作圖溫公聞返
洛張翰憶歸吳只暫離 楓陛無煩乞鑑湖鄴籤宛似
昨陶徑未全蕪不爲平泉勝總緣經腹腴文章原報
國絲竹敢怡軀霖也宮牆士情無伯仲區通門猶是子
私淑不殊徒趨步叨塵後纂摩侍坐隅未能隨杖履忍
聽唱驪駒出係人心正歸愁士氣孤鴻旌纓詣里蒲敷
竚登途旦晚金甌卜蒼生望再蘇

詩集卷二

士

擢東宮講官恭紀

沉疴半載掩蓬門推轂驚傳動

至尊周顗陳情原量力賀循表疾轉邀恩 龍樓筆染春雲

藻 鶴禁書攤秋樹根迴憶山村數學日 承華何幸

侍晨昏

初冬王薛毅招同館看菊分韻

索居半載謝塵氛良會招尋賴有君霜冷玉堂花漸老

酒開金谷韻初分幾年聚散頭添雪一夕歌呼氣薄雲

無奈疎慵偏善病寒鴻獨夜悵離羣時以病不赴

其二

當年促席快論文落落晨星轉眼分幸有鸞箋招舊雨

無健筆關凌雲酷濃漸覺霜華薄燭爛還看花影紛
從此相期晚節好歲寒猶得護餘芬

使旋集

督學復

命恭承

褒諭七月十日

久別

聖人前摠忱一叩天豈知三載拙早荷

九重憐苦節秋霜烈

溫綸藹日懸千官齊拜頌倍覺沐恩偏

侍 經筵

秋雲發發繞蓬萊

鳳殿欣傳經幄開

詩集卷二

士

天縱早窮圖史秘

宸聰還集討論材香浮

玉案三辰炳字放瑤函二百該捧冊自慙無寸裨鑪烟兩

袖竊攜回

入直 內庭九月二日

堯堦十載步羣賢曝直新瞻

咫尺天日映

龍鱗顏倍霽香浮錦袖色增妍牙籤萬軸烟雲麗

香藻千章鸞鳳驚迴憶寒窗夢不到翺翔竟已似登仙

其二

幾回沉想幾回疑蓬華何緣直

帝閣

天語躬承欣日謁

奎章手拂羨霞飛大官供饌充經腹內侍添香撲錦衣借問

鵷行三百輩誰人翔步

禁庭歸

和史胄司韻

三年疎放羨游龍颯沓重聽

闕下鐘敢謂冰心偏入夏那堪冷面又經冬幸看仕路如弦

直更沐

天恩似露濃珥筆喜隨枚馬後新詩大雅競春容

主敬殿會講十月二日

詩集卷二

南

半生邊腹笑便便今日談經

帝子前

五位臨軒隆教胄是日上不御門奉命大千官肅仗拱崇

賢道綜性學敷陳切尊德性一節治本艱難啓沃先

無違二節

少海何煩涓滴助徒懸稽古被榮偏

陪祀 祈穀次王薛潑韻

九霄春色曉霏微瑞光青郊擁

翠旂魚鱗乍傳

五鳳放鵷行爭傍

六龍飛風飄王管調仙樂雪點瑞壇照

袞衣祝史祈年真大有霓旌遙映綵雲歸

贈湯宗伯潛菴先生

豫州天中央文星木躔角靈山拔萬少德水交伊洛鬱
爲人文區名賢代有作煌煌二程子千載振絕學後來
漸榛蕪斯道孰開拓先生出曠世餘若螢火燭蘊蓄富
淵源發揮放棄舊本根秋實茂藻采春華落報國祗辭
章中懷諒已薄初登蓋珠榜遂入石渠閣

朝廷愛人才破例非一格分藩試敷歷江右專鎖鑰蔚州老

司寇許子必斟酌謂公眞清廉才品並卓犖薦揚大臣

事彼此兩不忤適當時右文設科召宏博公仍歸禁院

獻賦卑五柞衡文來兩浙百尺跗承尊假公鏘璫璵曳

詩集卷二

五

履久企脚非不重聲華何由展偉畧自從開幕府畱意

切民瘼吳中俗久疲百弊伺穿鑿大端示鎮靜積習還

淳朴新圖鄭俠繪淫祀懷英削即事具規模羣情奉繩

約忽傳鵠板箋已荷鳳尾諾袞衣行有日里巷慶嘻噃

兒童歌且謠父老驚以愕耕樵出山野商旅闌城郭臥

轍有相摩攀轅趾交錯同時百萬衆遮道情孔劇公去

國本端公畱一方樂計大無曲徇眷隆有深託

天子建文華

東宮開講幄嚴嚴師傳席所重在放沃必欲得醇儒同朝
孰公若禮儀觀舉止恭謹愈盤躓崇階領秩宗坐論體
勢各天香紫兩袖賓讌終三爵晨看鶴禁花夕聽龍樓

拆豈非稽古力蒙此雨露渥憶余舊識公回首事猶昨
初從魏公坐相見獲酬酢公貌謙而和公懷端且恪始
知賢達意寧靜必澹泊儀型儼在茲相去實寥廓接武
忝後塵發蒙仰先覺公今春秋高地望尤卓卓端揆佇
黃髮姿體儕海鶴聒頌心所欽詩成媿揚推

輓趙園菴

東髮騷壇意氣橫蹒跚垂老共題名我留東觀三秋雪
君往西陵萬里城燕市乍迎驄馬到吳江偏放鷁帆行
相違相憶纔相見痛哭蒼茫訣死生

其二

生死尋常不復論只難青史姓名存循聲萬口留三楚

詩集卷二

七

封事十章重

九閣仗節忠魂垂燕翼年伯傳經孝嗣敝龍門達觀到此誠
何恨爭奈交親淚暗吞

答張繩其原韻四首

醉別江干日幾何賓鴻忽寄短長歌樽前風雨離懷切
夢裏烟霞快晤多霜點衰髯慚寫炤燈欺老眼畏編摹
閑看袞袞青雲客塗抹當年愧阿婆

其二

癡情頑況老如何一盞村醅一曲歌客久漸教歸夢少
官閑偏苦和詩多天街捷徑浮雲看世局圖碁冷眼摩
忽聽 廟堂籌北伐請纓爭欲奪蓬婆

其三

老友慇懃問我何開襟放眼輒高歌但愁破甕蟻浮淺
那惜殘編蠹蝕多閒覓詞壇雄舌戰冷尋酒市逐肩摩
還餘一笑君知否曩日聶公今日婆

其四

何事書空喚奈何羨君到處足謳歌瀾迴吳楚三江濶
風偃青齊期月多百里琴聲時唱和一庭花萼競觀摩
還期大展東山抱莫爲操刀心太婆

送余靖瀾同門宰龍陽

蹉跎雙鬢已斑斑不道饑驅又出山半載共憐燕郭病
一官恰合楚雲閒霜凋驛樹詩酬倡水漲湘蘋夢往還

詩集卷二

七

只恐君來我又去可能湖柳再同攀

送于司馬振甲重撫直隸

河嶽迴元運雲麟炳

聖朝兩間鍾偉傑百度肅端寮代冀勲封盛孟邠世紀遙高
門真厚陰開國實承祧瑞溢

龍興地輝瞻鳳舉霄年冲終若賈策富董薰龜推轂由邠

老仔肩勝國僑三刀京兆輔五稊石城謠最蹟逾黃霸
雄名軼杜喬便膺都水監分領下河標正惠桃花漲難
防瓠子漂金隄千里漫竹捷萬夫僞蒿目徒瀾渺嬰心
每瑟慘河防未專寄方略肯虛描旋拜中丞簡遄登北
地輶百城承

輦轂萬井雜芻蕘戚里豪難問龍街牒倍曉望塵先掃慙懸

鑑悉屏妖鉤距何煩設風稜孰可搖麟郊空走獵烏夜

靜鳴鳴宮保崇開府臺綱總憲條絳綈寧易犯白簡可

敦請

天家賚殷充甲士枵伏蒲方撤撤攬轡復偷偷隄使功難竣

陽侯勢轉驕水衡錢浪擲少府簿空消特假司空柄爰

乘伯禹橈負薪焉補罅鞭石詎成橋窪凸周詳視堅疏

詩集卷二

大

飲茗

溫綸叨異數賄帛悼崇朝涕淚纔啣卹烽烟忽望敵日中狐

鼠竄井底甍蛙跳遂注天山箭長驅瀚海鑣天閑屯首

蒼行帳蔽嶢嶢掣電追窮魅奔霆擊遁公前鋒皆石虎

後扈並金貂塞遠全資餉師勞屢采樵飛芻鹿漠漠挽

粟路迢迢情奪忠移孝軍需旦并宵墨衰催出晉雪戟

佐征遼口口行饑督臺臺露積饒寸莖堪入櫪半菽亦

充饑期會憂時失輸將戒敵要豹羅歡宿飽鵲驚鳴空

哨無畏冰剝腹嘯雪沒腰氣溫人挾纊聲震夜鳴刁

黑曾鞭真斷巴顏草盡燒佗臣終獻呂昇子早倅澆漫

說量沙濟羞談聚米膏

三巡猶卷席疊運似承蜩庚癸呼聲寂機槍氣影銷功高充

國趙烈邁節侯肅

睿春新彌蕩哀衰自孔昭麾旋榮書錦鏡奏答節韶密勿資

前箸恢張藉指杓嘉謨參益稷大議協夔臯累驚誰如

鶚羣駒敢附驥辨分黑白地戰勝絳青綽敢武因除蔓

敦耕移澆苗桑乾紆水脈直沽繫農樵故道埋難溯渾

流泛若疾荒荒混沙礫冗冗沒荻蕭不借迴瀾手難施

穿地鉅瓊林頌鏗貝蓬戶惜脂膏畫野勤操畚成渠慶

酌瓢小黃能激濁九曲等安湊首善需賢亟前獻婉美

寥劍惟求故鍔弓未許先昭河內重來冠荊州再命陶

杖鳩恭謁叟騎竹喜逢髫去日隨車臥來時望乘翹追

詩集卷三

尤

談聲噴噴聾聾耳聊聊耳聊聊露冕觀餘化綦帷表

下寮辛綿新燕麥翡翠宿蘭苔雉乳奚驚雛慶游且聚

儵青旂搖柳絮紅旆度桃夭易俗期還樸示民貴不佻

高年勤幣問碩德愛旌招藥鞭屏儀簿鼓鐘節罷燕休

言次公老正羨茂弘超依舊單車按何妨兩袖飄計公

即需調

送于振甲司馬重督河道二首

天南天北代天工，蓋世經綸孰似公。
瀚海渾河收掌上，長淮巨濟亘胸中。
席無暇煖家違顧，驂不停馳老更雄。
呼吸

九重原咫尺，看清晏慰宸衷。

其二

河堤上下舊回翔，廿載驅馳復砥狂。
加鎖軍山蘇澤國，直排靈府護天閭。
威名草木重驚識，偉烈風雷倍激昂。
轉盼桃花春浪靜，車書王會頌榮光。

送彭黃門古愚按察黔中

詩集卷二

丰

九苞呈異彩，百煉出真鋼。
徹骨香偏遠，盤根器倍移。
山恩勝巧障，水曲迴狂若。
思誰似夏鳥，企獨倡靈鍾。
仙掌上瑞溢，左莆陽彭祖名。
賢裔橫塘通德鄉，一經崇閣閱十葉。
禪忠良公自趨庭，日早期大道。
匡淵濤何澹泊，嶽立最骯髒。
夏燦堅金石，冬嚴傲雪霜。
破袍安紙補，冷爨快羹膏。
溫飽原非志，澄清肯暫忘。
泊登薦孝目彌峻，斗山望篤行。
千秋植雄文，八表颺國華。
儲弁冕廟器，屬圭璋。
翻阻凌霄翮，幾乘蹈海航。
航叙潭沉鐫，缺星角嵌機。
槍猴沐偷吟，嘯蛙跳恣陸。
梁頊嗟櫻白，叔那許託青。
盲樊鶴因仙，翥燒蘭爲國香。
伴顛先拒戶，幽憤幾投床。
鉤爪蹲常仆，槌牙噤欲僵。
三年甘啞癩，萬死任披猖。

壤經生節嶽崎義士坊，霆威旋埽孽秦運。
復徵祥完行人爭識，更生志未償。
爲開新面目，徐理舊繚緇。
緇緇向滄江，擊輓隨上駟。
驤璞呈仍見，則珠吐又云藏。
勉作三河宰，言規百里疆。
祇因承甸服，首事戢豪強。
巨姓當車詰，羣妖照鏡亡。
短衣躬斫斫，歌鐙策荒荒。
賣劍欣牽犢，披荆愛課桑。
生徒重鼓篋，俎豆再興甞。
塵積洵廚甑，壺盈如陌漿。
勤恩邁新息，介潔越姑臧。
日下翔鸞異雷封，臥虎昂

宸遊過花縣

天聰到琴堂，嘉祥朱提燦。
溫綸青史揚，載起情知此漢鯁。
目

朝雨民康屢黜憐，強項頻留表石腸。
遂招威鳳侶，且上

詩集卷二

主

翠梧崗凡屬回天力，胥資給事章。
繪圖恤鳩鵲，捧簡斥豺狼。
排闥朝暉紫，叩扉夕月黃。
氣虹睡半裂，鬚戟膽全張。
痛切卑寒地，糾釐賁舉場。
欲攀天上桂，須凜殿中薑。
都肄三千士，分司十八房。
丹忱披旦旦，白水誓蒼蒼。
鑒澈斯文炳，衡平鉅典煌。
掄材方藉手，對仗又鳴吭。
好盡人滋忌，矜全

帝廬傷激揚，况有素屏障。
亦何妨火燕，千言草風輕。
半擔裝

馳驅洪澤畔，繾綣鞠宸旁。
栗耻監庶貸，籌殷猷子防。
清標同砥柱，逸響答滄浪。
日青咨當寧，宵勤問未央。
追思汲黯慙，還拜魏徵昌。
羸騎稽荒驛，孤帆逗野塘。
帽攜黃敝匣，筆戴皂餘囊。
延路翹丰采，盈廷負刺芒。

九重眷故態四海竚新銑對鎖思沉毅趨班貌肅莊不鳴非

故默將發正回翔忽被皇華使暫辭袞職勅黔黎叢花
佬獠穴蔽箐篁化雨雖雷夏蠻烟尚染祥刑需軫恤
爾教藉張皇特展雲端鴉深滋井野稂褰帷懸肅肅建
旒露滾滾共賀龍番順奚愁鶴駟長石屏供翡翠銅鼓
當笙簧洞被粗而煖味泉潔且芳花穠秋憲署草茂臬
圍墻經緯殊難罄張弛詎可量計公卅載績繫寸寸衷
詳出入孤拳豎安危一面當號愚原秉直軀懦寔操剛
矢願憑前哲齊心借梵王山無無不有嚴耐耐偏忙涼
踴皆奇槩崢嶸卻大方在朝專拍軼于野徧歌棠猶憶
同徵輩相看頗濟蹕連翩接駕驚轉瞬感參商謂特取諸君子

詩集卷二

主

再起多零落借來少顏頰謂再召諸君子木喬支大厦果碩貯
珍筐老氣胸橫甲許謨腹滿倉克忠緣克孝之紀復之
綱豈止科名瑞洵餘家國慶不才慙和汝古道幸須印
淮浦曾虛訪燕臺喜並將步趨規孔孟賡拜贊虞唐花
徑開樽話鑿坡攜手行日南君自去莫北我誰相行矣
前途壯遐哉別緒茫一甌聊漱沁百韻愧鏗鏘佇聽崇
屏翰尋瞻輶廟廊

送王少詹薛澱庵 蹕南巡

一番雨露又春陽江草江花輦路香妙選蓬山紛珥筆
子淵金碧最輝煌

其二

五雲遙望接雲間霽霽鄉山附鳳遠漫憶秋風鱸作鱸
春鮮何似大庾頌

其三

十丈宮碑

御墨高蘭亭勝處正風騷永和修楔君家事今日宸遊筆獨

叨

其四

季宣溫室伯嶠均相送青門看柳稍囑向松楸澆一杓
承恩應許及菁茅

其五

我亦江鄉羨屬車讓君行秘獨呈書詩筒一路應頻寄

詩集卷二

主

聊慰蹢躅嘆索居

贈于繩菴按察兩浙

三晉高門世德揚使君數歷姓名香離離輦草留春色
肅肅烏臺逐曉光舊雨尚思江左近清風今被海東長
舉頭迢遞鄉關遠聊勞蠻愛藉鯉將

送劉黃門喬南觀察賴南

人中屈軼是耶非嶽嶽丰稜震九畿祇為剛腸留白簡
原無關事戀黃扉月明左省梧陰寂風送西江鳳翮飛
到處經綸知不負鬱孤臺畔望依依

懷林遂菴湖廣提督

澄江風月喜相鄰猶憶公餘笑語親緩帶自紆儒將度

清尊長挹殿元春林本武狀元節旄闔望荆門重樓櫓軍容
漢水新此去郢中饒白雪可能時寄日邊人

送鄭喬柱還鎮重慶

天瑞方開五色雲于今人瑞孰如君帶裘原是宏儒度
壁壘森于細柳軍

宸語直令三峽震

褒恩還使九原聞明末母姊殉節德門世表西涼外豈止躬高麟閣

勲

送虞臣姪任祝阿

祝阿風物茂東齊大尹登車錦障泥紅雨青旗迎紫燕
綠莎朱勒引黃鸝蒲新問柘方登蘭梅熟提壺又勸犁

詩集卷二

吉

許看治平徵第一神駒千里耀雲蹄

送柯任襄陽司馬

使君齊魯徧歌棠西楚于今旆遠揚花簇大堤明似錦
鳥啼清渚韻如簧舉鞭不向高陽醉墓碣還尋武庫藏
況遇次公同治郡郡守黃世兄

褒綸媲美到樊襄

送陳堯凱任蜀令

涪翁溪路靄陰陰大史風流閱古今輔輶豈誇嫺製錦
賡颺且喜暇鳴琴霞飛楚道迎仙舄花滿巴鄉聽漢禽
把酒臨岐還贈語好將廟器慰家箴

送毛銓部守廣西

孝先典選重巖廊題柱仙郎又辦裝一萬里開蠻徼

二千石耀漢銀黃前旌早柳迎春色後乘飛花送遠香
轉盼南荒推治行鋒車計日聽鸞綰

賀陳旭老任萊府司馬

端佐由來待偉才況當強仕謁蓬萊題輿豈在陳蕃後
展驥還須麗統來馴鶴預從霞外舉清尊喜向日邊開
江州司馬猶傳頌肯讓風流古郡臺

題李約齋先生遺照

不玩琴書不把筆舉頭但向白雲看安如仙客翹翹立
節比蒼官矯矯蟠光霽自隨風月淡安閒恰趁幘衫寬
哲人誰道于今遠一觀前型一整冠

詩集卷二

圭

題張慕亭少司馬小照

蒼爾官仙爾客芝爾西綺爾石婆娑何儵然滿懷春拍
拍三江浴日紅九峯插雲碧指揮直欲彌穹壤嘯傲不
妨寄山澤

送熊蔚懷司空榮旋

卅載勲名重

九閣可勝繾綣荷

綸溫東山再起功彌劬北闕重辭道益尊自有芝蘭香出谷
更饒桃李瑞盈門履聲雖遠儀型在萬頃西江沐

賜存

輓朱母李太恭人

投簪將母正依依忽訝陶家白鶴飛卅載冰霜心獨苦
兩朝翟第報還微曾貽圖範聖南服又奉慈恩式帝畿
此日瑤池遊不返好憑金石記音徽

題羅少宗伯 御賜清慎勤額

卓哉羅公當代賢公忠報國紹家傳馳驅中外四十年
冰檠何曾名一錢惴惴小心如臨淵夙夜在公敢息肩
清矣慎矣又勤焉人或偏歎公獨全六曹徧歷大都然
三載秩宗更倍前

宸衷久已注懃懃爰煥奎章題榜璇璇榜題來錫自天三字
直如三光懸縱橫八法蔚雲烟旋疑鳳翥與鸞驚又似
大海迴百川氣象輝煌盈萬千

詩集卷二

圭

帝心豈徒誇如椽仰瞻實以勗官聯勗哉官聯孰不虔心獨
服膺倍拳拳什襲珍之不待鐫夕惕若兮終日乾乾乾
終日佩斯言奕葉公忠奕葉綿

輓李門韓貞女

生前空拍合歡春連理除非一夜新仙李根株終得托
比肩壠表比肩人

其二

韓閨舊節炳投壘烈烈貞心似再來剩有鴛鴦鳴太苦
可無鳥鵲曲增哀

袁母節孝

湘江竹淚幾千春剩有空明月一輪照得貞心同皓魄

當年莫問縞衣人

其二

裂鼻何心自療痾哺姑飼子苦心多慈恩自足馴號虎
靈藥分明付素娥

送同年周弘濟刑垣假旋

花縣移根植上林行踪磊落聽升沉青蒲映水傳家節
年伯疎白簡凌霜報國心匡濟滿懷難罄筆憂慙觸目
勉抽簪臨岐脈脈情何限我亦春風到海濱

送桐城相國 予告南旋四十韻

聖代崇儒懋元臣應運昌三台弘熒理一德慶明良風度誰
能似霞標孰與頡頏符鍾曉國間氣毓樅陽列戟門楣

詩集卷二

圭

峻鳴珂世澤長腹松曾肇瑞掌歡復呈祥早擅聖童舉
羣推大雅坊挾天華藻瞻夾日彩雲翔拜獻趨金闕委
蛇步玉堂直廬依紫禁賜第近紅墻

顧問承恩渥陪游屬草忙雲霞蒸寶墨袍袖帶天香班管珊

瑚架書籤玳瑁裘精誠通

黼座直亮朔

儲皇啟沃千秋鑑丹鉛四庫緇遂懸雙彩綬兼佩幾銀章

閨苑陶羣芳容臺飭大綱人倫收俊顧月旦品班揚下
璞荆山剖春林玉筍昂絲綸資補闕霖雨沛窮荒保泰
許謨密旋乾化理彰植躬惟鄒魯致

主在虞唐

楓陸春常藹蘭階秋更芳

禁庭成世業中秘似家藏鳳詔開棠萼鸞坡綴雁行文咸推

小許品實駕諸王坐處屏風隔朝回彩袖颺恩榮人罕
儼止足意寧忘屢疏抒臣悃完名辭帝閭優游韋相宅
瀟酒晉公莊船已移書畫途方凜雪霜

溫綸留獻歲

賜幣辦行帳警禁奎章錫龍樓簾藻揚千官榮祖道萬卷煥

歸囊驛路梅疎白春江柳嫩黃烟霞近赤舄與會寄滄
浪放鶴游蓬島紉蘭作佩纓恍同仙辟穀豈但錦還鄉
自悵傳經遠偏慙翹首望學山欽泰岱觀海愧汗潢提
命情何極規模志未遑坐風殊戀戀立雪正茫茫料返

詩集卷二

夫

浮山畔難忘叛戾旁安軍重入觀百歲贊垂裳

送鄭肇修前輩假旋

晚踏西清二十年簡書並日指江天龍門相望三秋
憶鳳闕同還兩意憐塵染霜絲漸後步風高雪騎羨先
鞭從今長嘯金崎畔莫爲徵車別釣船

祈穀齋宿翰苑次王薛澱韻

塵纓雪髻笑粗官回到蓬瀛與轉關忽報春風祈禱事
聊隨舊雨揖詞壇亭新鳳沼人偏老衣謝貂裝夜倍寒
幸藉雲間賦句好爭看錦字羨鸞鷺

其二

春宵戒宿應祠官話未三更月已闌王食尚煩齋

紫禁素餐敢忘事青壇漏傳宮樹迎風咽燈映書窗帶

雪寒回憶十年多聚散獨君翔步駕虬鸞

次盧素公歲暮雜感韻

寒窗忽報一箋貽然斷衰聾和轉遲眼底妍媸憑俗鑑
胸中冷暖問誰知風飄塵髮還曩日雪點辛盤又一時
且喜閉門無剝啄擁爐閑誦劍南詩

其二

雪飛午夜聽鐘鳴十載冰銜五易名幾夢峽東渾似蜀
却望江左又如并疎狂畏識公卿面貧病微窺僕隸情
自笑衰慵還自問頻年出處竟何成

其三

詩集卷二

夫

漫隨傀儡日登場送得窮時窮又將客久漸憊歸夢短
官閑偏苦和詩忙身留小病何妨樂家報粗安便是祥
轉盼五湖春色好扁舟烟雨肯招叩

其四

孤懷千載孰吾師帶索高吟憶放期虎觀徒慚窺露簡
龍樓漫誦擁皋比青雲萬態憑時羨白雪雙肩暗自嗤
衮衮俗塵多不問閑尋冷句和相知

其五

塵染霜絲十五年家園偷覩兩回便風吹花萼當樓笑
酒泥樵策對榻眠歲月幾何成往事烟霞猶自憶高賢
春來不用多商畧重指江鄉一棹前

又疊

何處柳盤青我貽流光空篋意遲遲臘殘炮竹聲爭報
春動盆梅花暗知簷雪寒侵夜柝後家山夢斷曉鐘時
支離倦枕愁無賴聊續新題一首詩

其二

雪打寒窗風急鳴朝衫忙挂去投名雙丸冉冉三冬逼
百歲茫茫一夕并暮興漫消濃逸興詩情徒苦礙閑情
挑燈且看歸來賦幾見思歸歸不成

其三

百年三萬六千場五衰空踰六衰將有意揮鋤便似矯
無心運甕亦何忙逢人懶說休官好獻歲憎聽得夢祥

詩集卷二

三

一卷黃庭浮一白敢云人醉醒偏印

其四

曾懸絳幄愧經師索寞言旋又一期每到歲除爭覓句
却逢韻險最嫌比途窮牛馬隨人喚迹混魚龍任俗嗤
不患不夷誰復似行藏自有寸心知

其五

霜侵旅鬢又殘年何日投閑得自便幾處雪堆高士臥
誰家花擁醉人眠風流老去慙時輩月旦傳來愧昔賢
幸藉故人新句好羈愁聊復慰樽前

又疊前韻併贈素公

侯門懶把姓名貽偏戀寒齋慰暮遲十里梓桑三世好

半窗風雨兩心知白雲望斷山窮處黃絹吟殘漏咽時
終歲依依話不盡挑燈閑賦五章詩

其二

老驥何須伏櫪鳴名高轉恐欲逃名南金北箭才誰比
後駉前楊氣獨并三載風塵同餞歲千章冰雪自怡情
最憐老去詩腸瘦欲和陽春愧未成

其三

束髮才雄詞賦場新劔奕奕識千將九天下詔需才
切三館徵書將伯忙花簇筆頭何待夢松生腹裏早呈
祥只愁瞬息雲霄去不肖窮窗一伴印

其四

詩集卷二

三

淵源家學勝名師詩體趨庭早自期道合千秋皆我友
神交四海總鄰比驂駟未遇空羣顧鴻鵠何嫌小鳥嗤
流水高山聊自賞孤懷肯易受人知

其五

儒雅風流羨少年五經貯腹早便便與來潑墨歌還舞
客到啣盃醉欲眠風月每談今夕好圖書常較古人賢
脩然丰格誰相似品第寧徒在駉前

送張侍御歸里

孤忠原不問升沉正氣稜稜自古今但使黃扉傳諫草
何妨青海解朝簪一鳴終落憑城胆三黜難忘報國心
試看從來抗疏者歸田還是主恩深

踏燈詞

銀花百丈臺輝煌東閨徹三台餘輝肯借寒窗照
人似偷光映雪堆

其二

簫鼓聲聲沸九天雕鞍玉勒擁嬋娟六街火樹千門映
不信窮簷有斷烟

其三

從來燈事羨長安况屬昇平萬戶歡莫怪貧兒不解事
笙歌叢裏叫饑寒

其四

百道紅光列隊過濃粧醉舞開秧歌太平真屬豐年象

詩集卷二

圭

誰說江南水旱多

走馬燈

一座江山錦繡懸脂膏盡起烽烟看來終少擒王日
何苦輪蹄徹夜旋

龍燈

赤龍十丈氣吞天鱗爪橫空匝地旋可惜肝腸俱是火
不與雲雨只興烟

老人燈

龐顏皓首古衣冠揖讓逢人真一般仔細看來假不得
鬚眉雖具少心肝

滾燈

滾圓隨地巧玲瓏線索如神觸手通一點丹忱轉眼沒
滿場鬧熱究空空

花朝集同門劉禹美潭西草堂

即以潭西爲韻

梁園落日印澄潭攜手天涯快盍簪人集竹林還倍七
夜圓桂魄尚遲三一灣春水冰全結幾樹新枝雪半含
可惜花朝花寂寂繁花如海憶江南

其二

門巷蕭然俯曲溪市朝恍似野人棲縱無花鳥乘時賞
頗有烟霞供客題 丹闕雲籠苔徑北青山樹隱草堂
西壺觴嘯咏真無負獨負春田雨一犁

清明集同年孫樹峯 墨雲堂用少陵二首原韻

詩集卷二

圭

奎光映日薄雲烟寶墨高懸書畫船幾度新春逢令節
恰邀舊雨話前緣蒼枰獨霸頻遭妬酒戶偏低不受憐
醉捲簾簾招燕語戲尋盆石看花然整筵重疊盃中醺
歸路遙飛陌上錢忽憶故園春露冷松楸悵望竟年年

其二

廿載清明別海東眼昏漸似許承襲幸逢好友花間滿
敢負佳辰杯底空禁裏新烟時乍異天涯舊侶與還同
青鞋漫踏春郊草白髮慵瞻漢殿楓萬事逍遙隨物外
百年牢落付壺中人生良會真能幾得失何勞問塞翁
送倪澂文秀才南還

牢落儒冠二十年才名纔向帝京傳匆匆便挂春帆去

握手叮嚀倍黯然

其二

篝燈夜話兩經年一棹春風漾柳烟轉眼三秋驚六翮
鳳城重看杏花天

又仿堯夫二首

多病都緣倚少年少年多病恰欣然長留小病珍年少
便是年年無病仙

其二

少年我亦病多年多病餘年付汝賢領取病中真受用
一燈不負老夫傳

春暮小集即送同年余念劬歸養得歡字

詩集卷二

壽

花球鶯老恨春開樽酒聊尋舊侶歡塞雁忽來欣接翼
又唱送歸鞍九關戀戀辭何易三日呱呱別更難
時念劬得子三總爲白雲迴望切鑑湖非敢撤長安
日不顧而行

題曹孝廉希文歸里圖

才名熠熠滿長安衰病時邀笑語懽忽對離亭千萬縷
不須攀折已愁看

青郊折柳

三條五劇萬聲歡侵曉撩人到漏殘倏聽枝頭微一轉
始知身已度桑乾

野店聞鶯

夢想家園春色闌朱櫻綠笋燦盈盤恨君歸去先嘗好
不肖遲余共飽餐

故園櫻笋

冬日汪東川前輩招同學顧在衡湯西崖陳廷益

雅集

東髮爭壇玷風霜兩鬢餘交情窮愈好故態老難除會
以論詩密儀緣縱酒疎天涯知已在何必愛吾廬

其二

夢結粉榆侶招尋恰歲餘病愁癡興減開喜俗氛除匣
底青萍合燈前白髮疎高吟今夕倡取次到蝸廬

冬至前一日再集同學顧在衡寓中

十日便相憶招攜續舊歡興長嫌晷短語熟忘宵寒月
引鄉心遠燈欺老眼殘擁爐候子半翹首望園壇

時請假不

其二

詩集卷三

重

多病閑無賴鐘開此日歡風輕吹律暖霜重射窗寒擊
鉢聲愁促彈碁局喜殘數奇還一笑年少盡登壇

和伯勤姪向周蓉湖先生索衣原韻

天街誰說錦貂裘多少鷄衣趁日紅剩有殘繒堪百結
漫呼冰署訴淒風

其二

推解于今事已希逢人何必賦無衣一寒縱使真淒絕
雪裏高眠未覺非

其三

殘書數卷對甕缸客夜霜鐘莫厭撞癡奴縱無溫飽術
阿咸何至凍芸窗

其四

青青松柏耐霜寒
宵畏程門雪正漫
若爲綿袍因獻句
恐令竟作布衣觀

和周荅湖前輩惠伯勤姪蘭綢原韻

絳帷高揭萬花叢
爭掇龍門一葉紅
十載緇衣今更切
單寒猶自坐春風

六二

慶桐柯竹久知希
况復東濱一布衣
忽散五紵酬國士
轉憐國士是還非

其三

君山我亦倒春缸
高會生徒金石撞
此日愁支珠桂裏

詩集卷二

美

幾能衣被到寒窗

其四

心冰面鐵激孤寒
撥盡青霄雲霧漫
攜得一縑還解贈
素絲莫作繭絲觀

贈太僕吳匪菴超擢副憲

臚傳早奏五雲翔
珥筆頻叨天語揚
忽借仙班承問命
特咨鼎望肅臺綱
朝聞鶴鷺彈冠躍
夕訝豺狼戢影藏
從此建牙方岳外
憐君空憶鳳池傍

吳匪菴王渠齋同日任臺長

羣傳執法亞三台
柱下封章見幾回
忽羨韓公剛獨坐
時王阮亭
爲總憲
又逢宏伯恰齊來
亦曾珥筆參藜閣
竟自彈

冠領栢臺總是 聖朝無闕補風流
依舊似鄒枚

和查秀才六階韻

幾松桑麻幾樹粉
幽棲長恐外人聞
揮鋤睥睨千金芥
振筆疏排八代文
偶別海東聊玩世
非來冀北欲空羣
一樽相見嗟何晚
快領秋風塵屑紛

和查秀才長源韻

卅載臨雲讓一頭
鳳毛今已擅風流
相看芝宇溫如玉
那怕金廳冷似銀
往事滄桑難再憶
新詩霞錦又誰酬
從今晨夕還憑數
好慰冰銜搖落秋

季秋集周廣菴寓分咏秋蘆

楓紅菊紫關詩新
拈得蘆花別有神
長傍滄浪非泛梗

詩集卷二

毛

偶依沙塞骨汚塵
風來搖曳招漁父
月上蕭疎引雁賓
莫謂此中秋色冷
蒼蒼露白溯伊人

其二

疎疎蔓蔓復叢叢
圖畫寒江恐未工
曾伴芙蓉消寂寞
還疑篠簜颺淒淒
雖然早白頭如雪
却自留青骨可風
獨笑軟塵無用處
筆杭何日五湖東

戲爲僉都王渠齋分咏秋蛩

霜威凜冽執回天
噴噴嚴宵口不緘
莫笑小蟲偏瑣屑
秋聲却自勝寒蟬

王薛殿招集同人僕病不赴聞席間忽失一爐大
索詩以嘲之

良朋高會正歡呼
簾外驚喧大索爐
可是座間荀令少
香烟無主暗中通

分咏堽戶

經歲門常閉
非關氣候寒
病懷疎節易
老態入時難
短景孟中遺
浮雲物外觀
穴居疑便是
那曉客長安

送杜遇徐宗伯榮旋

當途勇退半吾鄉
黃史彭嚴及陸楊
晉獨魏公善出處
齊惟馮老識行藏
江淮南北懸車少
楚粵東西結綬忙
忽聽履聲歸去好
駕湖芳躅又相望

其二

兩朝鼎望獨擎天
手佐昇平四十年
密掌絲綸勤啓沃

詩集卷二

壬

高持衡鑑肅陶甄
平成績奏刑書措
捷伐功崇禮教宣
多少勲名垂史冊
中流一棹更誰前

其三

光芒萬丈仰雄文
武庫胸羅弼帝勲
瀕海桑麻千載蹟
沿溪桃李百年芬
溫綸氣接丹霄靄
霄藻光搖綠野
雲卓犖高踪誰得似
蒼生只恐望還殷

其四

家園環接一湖濱
廿載鑾坡辱後塵
舊醪每傾邀月夜
新詩長讀灌花晨
賓盈蓮幕鄉心合
秀挺蘭堽道氣親
惆悵行旌情脈脈
春江肯待共垂綸
送周廣菴洗馬假旋分得真韻

曾謝朝簪理釣絲
東山重起應蒲輪
經橫鶴禁官還舊
筆珥螭坳眷更新
三晉雄文融大冶
九霄膏藻和陽
春從容正慰蒼生望
忽憶秋風又採蓴

其二

吳門寒漏接歸塵
簪蓋京華誼倍親
酌會每尋邀月夜
詩盟長訂灌花晨
一堂意氣雄千古
半載悲歡剩十人
欲唱驪歌情脈脈
春風好待五湖濱

送徐華隱前輩假旋次韻

幽懷長傍釣魚磯
鳳閣螭坳亦暫依
金闕未成辭曼倩
青山先卜乞元暉
六年密勿千秋炳
萬卷輕裝一葉歸
多少絲綸參碩畫
忠勤報稱莫嫌微

詩集卷二

壬

其二

何妨鶴髮繫朝簪
孝穆丰標重禁林
玉佩晨趨三殿曙
金鈴夜掣五雲深
功參丙魏司丹筆
學富班揚羨錦心
蕙帶荷衣歸去路
秋江一望影沉沉

其三

行秘書堪飫主恩
鴻才莫不媿金門
文瀾壯濶踰潘
陸詩格清高鄙李
溫自哂庸虛難接
武長將今古快同
論暮雲春樹從相
憶林下分甘抱弱
孫

其四

雲亭昔被鳳書徵
異數年年去未能
北闕馳驅今已暇
東山登歷老還勝
辭榮高致韋元宰
賦別深情杜

少陵幸托粉榆趨步久深知出處是師承

其五

昌時薄海盡同書端藉儒英領石渠銀閣金宮簪筆暇
珠江銅柱采風餘文章方作凌雲鳳游泳俄追縱鯨魚
廣受高蹤今漸杳欣看芳躅豈難如

其六

趨隨藜閣快多年忽聽驪歌倍黯然 鳳闕更誰工雨
賦駕湖竟自種雲田非開白眼櫻時忌實爲青山戀我
緣此日都亭爭羨望秋風明月米家船

其七

拜命啣恩別 紫宸林泉風味舊翻新隴分紅稻花迎

詩集卷二

早

午池蔭青桐露滴晨纓緩乍辭身便適縹緲重拂夢逾
親從今縱有蒲輪促何似丘園養谷神

其八

遲遲去國倚斜陽敢惜田蕪徑又荒廿載春明成底事
一灣秋水憶何方 宸章寵耀平泉墅 睿藻光搖載
月航只恐蒼生勞夢想未容高枕傲羲皇

贈邵少宗伯

十載螭坳步後塵平章風月倍相親經橫泮壁千秋範
祭筆贊綸扉萬國春幸到容臺尋舊雨恍追蘭苑飲
新醇如公意氣真無幾許邵原來是一人
次阮于岳齋頭並蒂蘭原韻

清入夏涼隔垣遙挹玉池香一枝已羨
驚絕世芳氣襲雙鬟薰佩玉影搖連理拂匡床
生來早結同心契臭味重叨鄰壁光

其二

賦佳句譜伊涼賦得幽姿笑語香楚晚春秋誇獨茂
謝庭伯仲喜聯芳紫莖互映珊瑚架綠蕊雙搖翡翠床
莫漫援琴傷寂寞奇芬早晚奏明光

時于岳偶被謫

送曾留耕司業假旋

瀾倒中流孰砥狂豫章今復挺歐陽三年壁沼千秋澤
一棹江湖兩鬢霜驛路凋楓彌望紫家園叢菊好看黃
從今高臥東巖好只恐蒲輪又速裝

詩集卷二

望

和張樸園前輩榮旋原韻

曲江高躅邈誰攀洛下耆英又一班赤手障川還北闕
黑頭孖草乞東山艱難百折敢言瘁著述千秋未許閑
纔到家園新句滿塵羈不覺愧癡頑

其二

八代衰文手獨刪鴻裁爭羨管城斑丹書輔轍垂黃閣
白鬢風騷戀碧山砌繞芝蘭和菊淡蹊盈桃李伴桑閑
從今高臥漳濱穩肯爲蒲輪又出關

哭同學張繩其

海內人豪第一流鄴侯彷彿亦留侯六經手訂三才貫
羅百代蒐銘受東西扶聖學譜傳忠孝翼王猷

豈知中道悲淪落底事茫茫孰與儔

其二

張許雙祠峙海門風流今日幾人存
生同歲月天相契跡異行藏道並尊
三世絲蘿逾骨肉六旬肝膽共晨昏
哲人云萎將安倣枯頰衰頤淚滿痕

賀張運青先生撫浙

琴聲鶴影結行藏正氣巖巖肅廟廊
佐國曾持三尺法告天不愧一爐香
平生所學原難負天下何人可或忘
吳越萬家先得歲還將一德報君王

其二

旌節纔臨樂不支圖書數卷聖明知
劉公尚有錢堪

詩集卷二

望

受胡質還無絹可遺月齋風光宵閉閣
霜清電紫畫簾惟西湖湖水澄于鏡
正是臣心坐照時

其三

楚鄭何曾見易民爲寬爲猛總洪鈞
湖山到處都眞學徑竇無緣少雜賓
京洛故人愁問道桑麻佳氣樂更新
莫言過化無奇績絕塞曾欽第一人

其四

半生名行重儒林寧靜渾忘歲月深
溫飽原非平日志孤高大有歲寒心
六橋碧浪添新潤萬里丹山送好音
常笑于公托邑子太虛何處着輕陰

和卞令芝臬司轉陞浙藩

穀卷圖書入戎輿萬民歌笑又逢迎
趨蹌廊廟詩還就嘯傲湖山政已成
乍見清霜飛玉節旋看膏雨潤霓旌
蠲租封事心原切更喜恩綸出鳳城

其二

大宋何如小宋賢龍躍總無前識韓
不隔同年面借寇欣逢此日萬里桑
麻沾舊雨六橋花柳籠新烟曾聞計
相旋黃閣會見鋒車下日邊

送王體仁任桃源

茂宰經綸到處佳錦帆此去又清淮
西江峻節眞如水東海仁風倍滿懷
鸞彩翩翩隨皂廨鳬雲點點護喬衙
君家臥閣依然在好向棠陰聽政諧

詩集卷二

望

贈廖樾阡不染菴五首

心遠從知地亦偏閉門端喜日如年
山窗無事看周易消盡薰爐幾縷烟

其三

春水羣鷗繞舍南忘機整日對書龕
裁詩休羨雲庵集麗句爭傳不染菴

其四

小池經雨長菱絲每向花間覓路岐
獨撫孤松成徙倚箇中幽意少人知

其四

鳥集空庭早散衙書籤藥裏任橫斜
要知應笑心如許

看取方塘菡萏花

其五

簷外黃花照眼青
仙人樓閣總飄零
他年鄴下推名勝
韻事應歸吏隱亭

德星堂詩集卷二終

寺集卷二

77

德星堂詩集卷三

海寧許汝霖

時著

河干集

癸未除夕

拜舞

楓宸二十年

溫綸霽霽荷恩偏
明朝萬國朝元會
獨愧孤臣遠日邊

其二

髫齡久廢蓼莪篇
荆樹凋零花半鮮
遙憶萼樓椒酒後
還思子季早朝天

其三

詩集卷三

一

悼亡歸櫬路三千
京邸青娥別袂牽
迴想團圓猶昨日
今宵幾處泣殘年

其四

麻衣一子甫南旋
弱息西陵痛九泉
剩有幼珠揮淚別
窮途此夕竟誰憐

保陽喜晤張昆貽查求變

共屬粉榆侶年來
中外分若非膺異數
安得聚同羣乍
晤真疑夢高談戚轉
欣遲遲重惜別攜手望鄉雲

過高陽

髫年競說系高陽
那識高陽世系長
今日偶從封域過
始知此地是家鄉

喜晤李幼祥

憶窺東閣似登瀛抱膝卽君大有聲曾向冰清誇衛玠
還隨玉笋羨玄成蒼苔無綠野遺三徑燈續青箱勝百城
十載炎涼休復問竚看刷羽早飛鳴

贈高陽令陳木公

風流奕奕鳳池濱我亦先揚逐後塵今日泥塗重握手
玉堂遙想幾時春

其二

同是登瀛客偏爲失路人青雲君百里白髮我千緡漫
醉蒿陽河休迷上苑津升沈原有定攜手問河濱

抵任丘

詩集卷三

二

保陽西往復東游重到阿陵漫展眸南望家山歸不得
北瞻

帝關去何由月窺野店雞聲亂風射孤衾蝶夢悠勉策孱軀

還盡瘁

國恩未報敢身謀

抵大城

征途僕僕向河濱最爾居然號大城百堵垣墻六七圯
十家隴畝二三耕風高夜靜齋鼯吼日冷朝淒鳩鵲鳴

幸賴

皇恩周節屋村燈也自開新正

上元抵子牙河

端居終日志澄清攬轡河干快此行萬里奔騰趨一綫
五年

宵旰千泓疎慵敢謂刊績衰老偏深餒溺情願藉上元
香半炷安瀾早奏鑒微誠

廣福樓讀

御製恭和

不誇纜錦與橋牙

王趾親勞遂戶家風擁

龍舟飛水激雲籠

鳳艦駐平沙豐亨澤國登稔黍淡泊天廚供菜蝦從此堯封
皆沃壤恩膏頻沛豈還賒

其二

詩集卷三

三

宵旰經年奠子牙

天章燦燦萬民家千條橫潦歸青海數仞宮碑鎮碧沙數土
共欣多黍稷安瀾漸喜少魚蝦微臣幸際成平日欲報

涓埃愧尚賒

王家口讀

御製恭和

九重勞省閱三輔奏平成

睿慮同天運

宸章燦日明黍禾沾

帝澤魚鳥悅

皇情拜舞穹碑下年年慶鑿耕

其二

聖慮勤民切神功喜告成

霓旌揚錦燦

鳳藻耀奎明實履憂勞隱非誇遊豫情汾歌與鐫咏何似省

春耕

過河間

憶昔公車到武垣雲霄指日夢乘軒今朝忽望重經地
腸斷南輪與北轅

文安大風

甫別文安境風來萬丈聲狂驚地裂氣橫過天號策
馬前還却揚旌去轉繞殘軀勉努力豈敢畏賢勞

答河臺張運青前輩

詩集卷三

四

室拙存吾道時艱仗素心相於期磊落原不問升沈淮
浦憐同調燕山慰遠音衰頹還自策豈敢負微忱

白洋淀

茫茫遙望裏云是白洋淀有影天疑接無邊地覺沉孤
帆飛鳥狎緩權夕陽侵何處堪依泊羈愁一片陰

保陽喜李恕谷至

塵羈好閉戶倒屣揖高風河道窮三策音書辦六同傳
經言疊疊論世話匆匆相對難相別踟躕城闕東

夜雪

飛雪洒空庭凄其愁裏聽一宿鬢並白幾日眼誰青
柝聲鄉思斷余寒酒意醒何時重見現矯首以真真

聞同年王薛澱權少宗伯

喜聽容臺信冠雖敝亦彈友朋甘避席兄弟美同官故
轍憑君鑒新型待我看

皇猷潤色暇曾念老河干

喜查洵安東州至

剝啄冰衙少欣逢二妙來十年驚一晤五日喜重陪對
奕醒時局談詩醉旅杯遲遲今夜別肯復憶蒿萊

對奕

開開無個事藉手一談茗花嫩午風暖燈殘夜雨遲局
新人競美計拙我偏宜勝負何須較長安異昔時

送朝近侯開藩三晉

詩集卷三

五

握別孝郊曾幾時

新恩又向晉陽馳五年疏淪棠陰蔽千里旬宣霽雨滋麗日

柳迎旌節燦和風花送馬蹄遲臨岐何事重回首鴻鯉
頻煩寄好詩

重謁李相國第

重謁元臣第蒼蒼古木盈

兩朝垂輔轍四世續簪纓故墅烏啼樹頽垣燕語楹年來誰

復顧瞻拜一書生

重過任丘

碌碌征鞍難自由酸風苦雨又任丘東西頻往忘新節
南北交馳憶舊遊想到百年雲過眼重來一月雪盈頭

閉門不敢窺行客恐有親知笑敝裘

任丘道中遇東撫王東侯還朝

建牙東海客三千兩袖風輕雪髯旋旅次相逢俱索寞
團圓還羨似登仙

喜晤何子厚覺羅

頻年逢俗侶觸目厭塵氛偶爾邂逅相逅儵然迫不羣
簪勝百堵彩筆掃千軍相見何嗟晚高歌薄暮雲

其二

結廬村外野耕釣自爲隣不羨朱門舊偏憐白鬢新
尊烟樹畔千卷露花晨握手難相別秋風再問津

王家口歸遇風雨

詩集卷三

六

長堤方閱歷歸棹雨漫漫霧散初凝霰風高漸激湍驚
凌千頃戲雁度一聲寒不涉淒其苦安知利濟難

大風泊子牙河

一棹大河洋狂飈撼短檣雲團漫地黑浪湧拍天黃忠
信雖堪涉風波應早防停橈還信宿聊以慎行藏

清明

平舒郊外草芊芊日靄風和恰禁烟夢向

紫宸分杏火醒看青陌散榆錢思鄉霧眼遙難望覓句霜髯
斷拍拈何日一杯丘隴畔團圓子姓笑衰年

生日

甲子重週又五年髯霜鬢雪眼泫然昨宵分火徒虛話

明日流觴亦漫傳追想劬勞悲罔極閑思班舞笑誰前
浮生看破真如夢且學癡頑不老仙

其二

初度從來不耐詩祇緣酬應苦紛如荒郊幸少登門客
謫宦誰貽祝嘏詞一卷殘書春寂寂三杯村釀漏遲遲
閑來偶想今何日始曉黃昏吾誕時

聞同年王眉長擢銀臺

清標垂玉暑峻宇重銀臺破格

天心渥殊榮人望推納言通萬國敷政光三台衮衮羣賢集
河濱孰溯洄

讀葛友峯且閑亭集

詩集卷三

七

十年懷舊雨一夕讀新編磊落胸中吐悲歡句裏傳黃
鬚淪海角白髮老河邊何日重攜手春風秋月前

即事

地暖三百里情擊一千時乍聚真疑夢徐看喜轉悲團
圓誰骨肉樓止尚流離酸楚防人覺嘆談淚暗垂

端午

日暖河干漾午風兒童爭報節天中青袍藉草蒲增綠
白鬢看花榴愈紅窮巷無絲懸五色荒郊有艾掛三叢
一杯村酒消佳節莫憶龍舟競海東

贈藍總戎

卅載鐘鼎早勒名河干何幸忽班荆南澄閩海千秋績

北鎮燕山萬里城揮塵春容扶大雅披襟磊落聲生平
相思相見俄相別惆悵依依望遠旌

聞同年蔡方麓擢官詹

憶聽臚傳漏曉終彩雲五色見苦東十年歸省風霜戚
半載承恩雨露豐獻替情深依

紫禁師資望重領

青宮平生溫飽原非志佇聽龍樓啟沃崇

遙送 徐座師錦旋

東海龍門萬仞超獨留碩果鎮飄飄花當全盛偏先歛
樹任羣推却後凋經術天教傳絕學典型

帝簡式同朝數名多少揚何盡只此行藏近已寥

詩集卷三

其二

雲達袞袞忽歸田

詔起東山又十年珥筆談經崇啟沃乘軒糾吏肅銜銓

青宮重領親師篤黃閣遲歸論道專一值懸車身便退從

容舒卷總由天

其三

師生末俗邪堪論知已從來勝感恩半世追隨同骨肉
多年甘苦共晨昏豈期臘雪辭雙淚不待秋風餞一樽
遙望歸帆情脈脈躊躇何日立程門

遙送陳謝浮前輩南旋

樓高百尺海門標公輔群推重兩朝纔喜三遷蒙異數

忽驚一案誤同僚霜飛法冠秋聲颯風送儒裝旅鬢蕭
偶向河干翹首望歸帆還帶

聖恩遙

聞同年吳匪菴擢總憲

仕途征逐似雲屯偏怪孤踪兩院尊方駭西臺何執法
刑部方那知

北闕反承恩萬邦共秉都堂憲獨坐羣趨亞相門此席從來

不易副糾繩須自凜晨昏

其二

溫綸乍喜慰銜銓太史重膺柱史權鳳詔揭毫聲擲地
烏臺簪筆力回天鳴鞭侍值東西可侍朝班者掌院揮
在東總憲在西揮

詩集卷三

九

扇趨朝冬夏便體肥性熱嚴
寒亦用扇雙篆一時爭標杏河干翻

自覺清漣

聞同年魏一齋授 東宮講官即擢諭德併候李

東陽舍人

芸窗同看杏林紅聯步丹墀聽漏終自喜舞班辭

紫禁忽驚繡帙翊

青宮榮叨稽古追桓子恩潮貽謀念鄭公獨憶

東朝曾侍幄河濱何日復春風

其二

稿毫久矣共承明鳳閣重爲玉署英同譜廿年譙後進
殊榮半載羨先生

龍樓珥筆尊三館

鶴林攤書勝百城寄語崆峒好視草中看聯袂踏西清

贈文安黃秀才霖南

河干托跡鬢蕭蕭山谷風流老更超秀挺蘭蓀承桂茂
輝聯棣萼映松喬謀貽孝悌家聲遠慶積詩書庭訓劬
何必老泉傳此地蘇橋今已屬黃橋

送哭韓慕廬先生

衰文重起似昌黎不似昌黎數上書臚唱南宮旋伏枕
紳垂東閣又歸廬十行應召奎盈榜累疏辭榮淚滿裾
無奈恩深還盡瘁風流千載共欷歔

其二

詩集卷三

十

憶讀鴻篇夢識荆十年趨步共承明聯鑣閭苑看花咲
曳履容臺聽鳥鳴臘雪辭公詩有畫秋風計我淚無聲
河濱遙望難爲送絮酒何時瀝九京

贈靜海表儀文秀才

小築青郊隱市廛汝南丰致自翩翩何須寒雪山中臥
且傍春流陌上眠揮塵春容霏玉屑披襟慷慨湧金蓮
聊將一扇相題贈願奉仁風紹昔賢

送大城劉用章司鐸南皮

平舒文獻屬彭城儒雅風流羨長卿手註一經傳世德
胸藏四庫領時英方瞻鳳羽凌雲迥已覩鯉堂化雨盈
太史河邊回首望徵書早晚佇登瀛

贈文安魏生仲玉并寄黃生霖南

了翁白髮興翩翩小築河干仿老泉架滿圖書憑尚友
庭盈綺紵接名賢樓花謝根仍茂指今桂苑枝單香
自綿指今寄語芳鄰山谷叟風流勝地兩家偏

喜恒姪孫以五經入學

弱歲羨新翎便腹五經一衿欣繼武四庫早趨庭棣
萼雖聯秀與煥孫同儕芹根似獨馨前途何限望勿負此衫
青

哭陳幼木夫子

秣陵鍾瑞挺醇儒一代人倫百代模教就三吳王者佐
裁成兩浙聖人徒南荒馴雉鯨波靜北關乘駟虎冠驅

詩集卷三

十一

忽悼山頽棟竟折斯文寂寂更誰扶

其二

每尋廡吏讀遺編那見遺編若樣廡餬口郭田無半畝
賃春廡無有三椽老憑轅固傳經舌病藉文園賣賦錢
身後百般渾未備空留清白子孫延

其三

絳幄睽違十五霜鯉鴻南北日相望豈期乘槎來三輔
忽報騎箕赴九閭桂苑一枝誰擷秀蘭堦雙蒂尚含香
師門蕭颯曠能憶憔悴侯芭倍斷腸

哭家僕楊雲

幼別駕湖侍海濱丹忱百折倍艱辛一生磴節榮枯共

半世萍踪冷暖親先意承顏逾孝子隨機效力似純臣
誰知潦倒泥塗日痛我窮愁頹汝身

其二

天道茫茫那可量
焚香積善友餘殃
三旬父魄淩京邸
六秩孀魂咽野邛
弱弟殘軀憐薄植
幼妻孀影痛他鄉
半生辛苦誰承受
風送孤棺幾斷腸

雄縣接

駕二月初七日

春風駘宕

屬車塵拜舞雄州謁

聖人數見霜髯無第二不煩中使問勞臣

趙北口扈

駕初九日

詩集卷三

士

憶昨南宮玉尺懸
總教會試孤帆忽傍水雲眠
身隨

鳳艦千櫓後夢逐龍門百丈前
樸被擁鑪風浙浙低蓬散枕

月娟娟萬家燈火欣相望
恍觀勳華復旦天

其二

霓旌綵鷁擁千官
獨照疎燈聽漏殘

豹尾雲屯宵伏肅

龍舟風湧曉波寒

九閣萬里瞻偏易
五夜丹忱寐轉難
多少冠裳欣拜舞
那堪

衰病老河干

隨看水園

初十日

聖代韶光分外妍

宸遊三輔湖流泉和風習習輕撓舞
霽日融融飛棹翩萬頃

烟波澄禹甸千羣魚鳥媚

堯天春蒐遠邁先王典扈

蹕今朝榮倍前

其二

淑景融和萬國春
省耕畿甸畝畝

思波浩蕩重臨舊畫擬輕颺
四望新魚躍武舟啣

聖澤禽隨湯網戴

皇仁昇平盛事真難遇
何幸觀光到水濱

呈北河頌重荷

恩褒十一

畿南滙百谷漳溢挾漳沱
一綫奔荒旋三支遶運河轉

詩集卷三

士

輪沾

聖澤灌漑沐

恩波幸睹

神功奏膚屢效九歌

其二

禹功先冀域底績潮漳流
饑溺慙臣職平成仰

聖謀川原敷五郡畝澮奠
千秋聯述與人頌何當

天語褒

十五夜扈

駕口占

纖纖月色映波清
倦枕支離到五更
忽傷鄉關娛骨肉

還隨京國狎簪纓
醒來孤艇迎風咽
想去愁腸逐浪驚

何日破東歸棹穩綠楊堤畔聽雞鳴

其二

鷓鴣首行隨一葉輕風飄霜髻愧逢迎低昂笑覲冠裳態
冷煖愁窺僕隸情一卷模糊尋蝶夢半杯潦倒聽鴻鳴
可憐多少團圓客孤影天涯對月明

駕閱子牙河十九日

雨細風旋緊重勞

玉趾巡

溫綸傳

少海

皇太子緩步問前濱隨駕步行三里細問利弊西顧東還慮南

容北更諄仄期煩屈指何以答

詩集卷三

古

高旻

二十日辭

駕策問幾時任滿回奏十月上將手指細數云只有五個月

了愈當勤慎不

可功虧一簣

午夜扈

宸遊

平明荷帝詠兩年叨默鑒數月塵前籌特恐衰殘逼徒慚消滴酬歸

來銘

聖訓一簣敢忘否

遙哭老友趙恒夫先生

風清琴鶴典型存白嶽吳山鍾後昆早歲賢書尊砥柱
荒城吏績軼盤根含香粉署優三館簪筆梧垣動九閭

老去寒矍眊寄跡忽驚風雨泣橋門

其二

從來大隱托金門卜築林泉傍

帝閣廣厦千間依俊彦新詩萬首嘯乾坤蘭芝競繞東山砌
桃李頻攜北海樽不道風流頓歇絕寄園松菊為誰存

其三

交情未俗那堪論古道於今爾我敦兩世執經同骨肉
令郎今孫卅年披瀝忘寒溫秋風江上愁懷結已午之皆拜門下臘雪河濱別淚吞癸未之臘予往河月一通音問當年腸欲斷天涯何處更招魂

喜楷姪聯捷

詩集卷三

五

多年夢斷曲江濱忽聽神駒步後塵埋筆九原遺澤炳
倚門七秩笑顏新弟兄奮勇爭搏翮伯叔垂衰喜積薪
更有一腔欣賞處硜硜介節不淄磷

遙哭王渠齋

萬洛靈鍾百代英茂弘峻望又誰京梧垣視草從天祿
翰林栢府陳謨晉地卿副憲升轉少司農廟簡雄儀懷嶽瀆風生
高論肅簪纓爭看揮塵家聲懋不道山頽梁竟傾

其二

杏園同醉醪醑新衮衮雲衢逐後塵南北忘形千載契
東西聯宇一家春看花坐臥無晨夕對酒歌呼孰主賓
忽聽秋風悲薤露能禁雙淚落河濱

其三

檀車憶昔別金門君亦憂
護淚暗吞踏雪歌驪強笑語
臨風寄鯉滿啼痕豈期家破
留衰朽翻痛身亡累子孫
回首孫園嘯傲處那堪風雨
泣黃昏

過青縣送匪菴都憲 子告還鄉

讓却臚傳第一人五雲偏奏
語溪濱恩遷九列邀前席
威肅千官望後塵王署方驚
身繡異金門又羨鳳毛新
書生榮遇誰堪並何待懸車
始乞身

其二

桂香香艷共題名聯袂嚴廊
歲幾更冷煖從無三日隔
苦甘恍似一家井非關兒女
圖溫飽實爲天人策治平

詩集卷三

十六

不信迂疎迴棹晚請看明哲
掛帆輕

其三

春暮辭

朝秋暮還慙慙戀

主畏間關雄軀謀國谷先瘦
壯健議論匡時舌漸艱
病不

載別來留半夕一灣送去隔
千山獨憐衰髻飄蓬梗目

斷歸帆淚暗潛

喜查夏重編修過署次韻賦送南歸

檀車造賁子牙壩兩夕挑燈
一榻連踏雪淚辭曾幾日
擁爐笑叙恍當年登樓試望
新堤畝披卷重尋舊硯田
莫厭冰衙留信宿囊空還有
杖頭錢

其二

平舒十室九云空疏淪年來
幸奏功浪靜桃花迎化日
陽回黍谷動薰風敢誇乘槎
稱勞吏聊仿垂綸作釣翁
揮手羨君先我去扁舟何日
海門東

還朝集

蘭皋鹿太常招集 天壇看牡丹用李文正公壁

間二韻

柳拂瑤壇一望遙仙姿璀璨
倚風搖花疑北向依

天闕根想南來自洛橋黃蕊
霞披金五色碧枝烟籠玉千
條

獨憐勝地三年隔前度何緣
今又招

其二

詩集卷三

七

數苞幽艷許誰尋烟鎖苔封
曲徑深紫府錦鋪疑貝闕
丹房燦列恍瓊林衰軀頗厭
厭濃華態冷眼何繁富貴心
偶對繁英聊共賞掀髯把酒
且高吟

景峯張少宰招集豐臺看芍藥分得無字

西郊花事艷青蕪紅白紛紛
翻待酒徒丞相園亭悲舊雨
天卿絲竹羨新猷春餘還仿
披裘客高會偏摹戴笠圖
借問平泉游玩侶疎狂有似
此人無

寄亭張庶子招飲怡園值雨次孫司成韻

憶別三年闊相逢一笑歡形
衰鬢並白氣壯面猶丹遲
日看花媚高亭望野寬忽聞
聲浙瀝著展縱游難

其二

四望羣峯翠浮空一葉舟景從詩裏寫人在畫中遊日
月如飛渡風雲等逝漚炎涼瞬息事何必話千秋

其三

林密疑無路灣深一徑通側身行曲曲豁眼鬱葱葱雨
細沾花潤風高撼樹雄羣公爭捷足緩步愧顏翁

其四

遊倦依花坐雄談舌吐蓮草書原自聖品酒不遺賢劇
飲傾晨露狂吟起暮烟歸來佳句滿醉和竟忘眠原稿三四

抵都任少司農和孫樹峯韻

蓬瀛攜手廿年餘晨夕高談慰索居自抵河干違鷺序

詩集卷三

六

空懷日下寄鴻書重來幸荷雲遠關相對驚看雪鬢疎
落落衰翁誰復憶吟詩那得不思渠

其二

孤懷磊落嘯乾坤肝膽逢君吾道尊一代文章推獨擅
千秋意氣賴重敦囊中翰墨皆鴻筆海內英髦半匠門
衰朽自憐會計拙瑤華寵賁愧承恩

和王少宗伯

聖駕兩幸秀甲園原韻六首

巖幽徑曲水清潺

鑾輅時巡駐羽林春入平泉饒電景寵承珂里煥
綸音行穿茗砌風回輦坐挹花枝香滿襟三載兩逢
宸眷渥感深如戴碧山岑

其二

棠花韓韓羨深根

帝澤沾濡湛露繁入座同懷勦黼座三春輪直到花村林泉
不出烏衣巷山阜還踰大傳墩徙倚容臺虛扈從家園
偏喜登蒙

恩

其三

茂弘峻望炳冊霄雛鳳風流覺更超胸擅雕龍陳
禁幄才高倚馬奏

行朝草浮秀色臨池燦花送清香入硯飄玉樹從來根自異

何疑困桂與申椒

詩集卷三

九

其四

翠輦重增綠野光冊青遙繪日相伴巖邊恍識

宸遊路軒內如親

御坐床惠逮禽魚咸煦育榮滋草樹不鉏荒莫嫌尺幅情難

罄浩浩吳淞江水長

其五

清詞麗句湧流泉稠疊

恩深意轉憐韋野偶臨聞自昔

軒車屢駐見何年韻諧金石心如錦語帶烟霞筆似椽盛世
唐殿誰得燒高吟試展畫圖全

其六

盛事喧傳百萬家

恩流弱草及微乾九峯雲飲韶華秀三泖風和瑞氣嘉蘋沼
每涵

禁鑾澤瓊杯頻酌小山茶明良遇合堪千古詎止當年里巷

誇

贈趙价人東籬詩

自喜清芬不逐時凌霜含露一枝枝人間亦有孤芳僻
何必淵明是鮑知

其二

採菊高踪豈預期偶馬興會覺東宜但存靖節陶然意
北與西南亦可籬

青集卷三

干

陸孝子同節母扶柩還鄉和司成韻

忠宣公後有聞孫翠栢青松植滿門百草萎黃霜葉朽
獨留慈蔭鎮乾坤

其二

隻身萬里走江湖身後誰憐旅櫬孤料得命終蕭寺日
只拚骨向鬱林枯

其三

兩子奔號歷險難一兒却挈兩段還千秋孝子傷心血
應化萇弘碧玉班

其四

撫孤暫作未亡人旅骨歸來志已伸絕粒西風含笑去

夜臺仍是一家親

其五

一門節孝世無倫四字褒嘉特筆存不有成均賢季子
大文何以慰幽魂

秦母胡夫人旌表

安定深閨馥秀蘭栢舟早誓條離鸞心同縞雪爭光潔
節比貞松耐歲寒恤緯奉姑魚入饌傳經課子膽和丸
旌綸錫後觴王母彤史輝連錦悅丹

送李天爵先生

題與雅望動皇都此去閩江再剖符相業自來傳玉署
清標端不讓冰壺荔枝果熟霞凝座茉莉花深月映厨

青集卷三

主

在昔佩刀稱世寶即看繼美入黃樞

李王堂任江安道

麟符初剖具區東又喜新綸建節雄兩穴遺錢歡父老
并州騎竹走兒童寨帷更昔行冰上轉粟人今在鏡中
才健自知宸眷渥不難立看百城紅

其二

宣房共濟識仙才疊聽綸音次第開纔剖麟符離魏闕
旋持龍節過蘇臺風清震澤汪波遠春滿鍾山淑氣迴
聞道百城新介壽高歌遙佐九霞杯

寄懷武翁長兄

歷鎮雄都展壯猷功成早遂赤松遊黃花晚節娛三徑

翠竹清風臥一丘，微外書勲銅作柱。海邊凝眺展爲樓，孔懷時厯池塘夢。龍馬精神老益道。

效忠圖

臣忠子孝事稀聞，血戰孤城異勲組。練三千同受業，生徒七十盡從軍。星河撼衝霄，礮風雨晨飛壓陣雲。龍渡口碑長不朽，褒嘉況際。

聖明君

賀觀城令張渠老

雲間張文宗幼子

觀城紫氣接蓬萊，飛寫爭看曙色開。昔爲哦松傳好句，今將製錦試新裁。家餘王尺衡文鑑，世有金門射策才。拭目政成三異後，鋒車羣羨五雲來。

詩集卷三

主

送謝昆臯檢討省觀

南陔鄉物近何如，歸向高堂問起居。朝別鷓鴣投驛路，晚來烏鵲報州閭。倚門白髮秋風裏，懷橘搗衣小雪初。贏得方違爭歎羨，此行真不爲鱸魚。

賀徐道積

金貂華閥冠皇都，年少能文起壯圖。三載科名天下有，一時英妙榜中無。雲騰注水知龍種，霞著丹山識鳳雛。便擬從今摹老眼，看登虎觀領羣儒。

贈畫馬

千里霜蹄總攝雲，斑斑目絢五花文。不須更待孫陽顧，自出洼池早逸羣。

抱琴圖

碧梧翠竹映清虛，萬籟無聲待月餘。流水高山幽獨坐，小童抱出白雲廬。

送刑垣周弘濟司年假旋

花縣移根植禁林，孤踪磊落聽升沉。青蒲映水傳家節，白簡凌霜報國心。匡濟滿懷難罄筆，憂慙觸目勉抽簪。臨岐脈脈情何限，我亦秋風到海岑。

送太宰宋牧仲榮旋五十二韻

盛代垂裳治，元臣畫錦榮。世家三恪舊，地望六星明。毓秀松峯峻，鍾靈孟澤清。斗樞欽祖德，鼎鉉紹家聲。早挺奇童舉，群誇國士名。黃熊經筵博，白鳳夢祥呈。筆陣千

詩集卷三

主

人掃詞源萬斛傾，驥騰歷塊足鵬奮。入雲程質穎標家，瑞才高義國楨門。資官汲黯侍從選，黃瓊劔倚龍犀立。鞭隨豹尾行，楚江襄竹使。畫省握蘭英，席擅珪璋粹。廷推柱石貞，津門持綉斧。岱麓建牙旌，觀察風何肅。屏藩績更宏，洪都專節鉞。大鎮控蠻荆，雲捲西山碧。波澄南浦晴，已盈江右澤。旋泣石頭城，財賦中邦裕。金湯半壁橫，凜水釐宿弊。沛澤達勾萌，書奏三千牘。胸涵百萬兵，省耕春汎鵲。按部雨聽鶯，酒對名花酌。詩同郢客賡，逸情王謝合。偉烈范韓并。

帝旣紆南顧，朝尤藉老成。將煩司燮理，先試掌銓衡。壁立看書削，淵淳俯碧泓。延賓風月麗，故事品題精。即賜高懸。

鏡行調傳說美明良交遇泰止足獨持盈引例辭丹闕
投閒采綠荷慰留溫緯渥寵錫

帝心誠瑤品雲霞錯奎章日月瑩舟從文園泛花向震宮攀
北斗名彌重東山道自尊伊余叨世好在昔締心盟邇
德中台迥尋源一脈滌淮南嘗校士江北謬司評雷漆
堅如結周醇飲輒醒維公持皎皎容我賦菁菁契濶忻
聽履追隨共捧罍正期助輔座忽見解朝纓瀟灑尋真
樂優游頌太平跡同仙鶴舉身逐野鷗輕履道居重葺
耆英社復營渥池龍種健丹穴驚雛鳴琪樹皆連理靈
芝本共莖摘毫鸞眼潤執法牙冠崢嶸貴盛人誰及勲名
世孰京詩書遺後起

詩集卷三

五

綸誥煥先坐疏傳何須羨韋侯未足驚獨憐離緒苦矯首望
蓬瀛

送張為經銓部假旋

故事銓曹歲月深暫辭

鳳闕訪丹林封題書笈緘名畫收拾吟囊背古琴明月一簾

良友夢白雲千里故鄉心

聖朝六計需才切莫戀烟霞玉爾音

送周仕閩江游府

侍從親陪翠輦遊閩江特簡擁華騶恂恂雅度推儒將
赫赫才名識壯猷刁斗夜閒山月淨牙旗畫捲海雲收
欣逢九譯梯航日南顧應紆

聖主憂

對月

海月濕雲光徘徊電影長不知何處雨遙贈此宵涼風
定更籌緩雲開宿鳥藏坐來烟氣薄童子又添香

題葉山農看雲圖

諱洪雲間人忠節公嫡姪今上賜號山農

咄爾何人性孤峭坐名山恣嘯傲抒其餘技點綴嶺嶠
觸目烟霞盪胸憑眺磊落孤踪問誰足肖

送周任江寧游府

平泉風月憶相親握手京華笑語頻豹尾時瞻揮羽扇
螭頭常羨整綸巾節旄闡望三山重樓櫓軍容二水新
開溯秦淮佳句滿可能時寄日邊人

詩集卷三

五

送顏宜菴任文安游府

誰邑摘毫早識名金臺何幸復班荆九關仗劍千秋烈
三輔擁旄萬里城揮塵春容扶大雅披襟磊落罄生平
頻煩鴻鯉傳佳句莫令依依盼遠旌

送陳右淮任江南游府

雲州威望鎮巢雲南北江南闔外分豹尾十年叨異數
虎牙萬里策奇勲元龍意氣今誰似曲逆風流舊有聞
遙望靈山劍珮香好將新句慰離羣

送郭晉卿任江南游府

威名久矣重燕臺軍識汾陽蓋世才執戟九雷聲萬里
建牙半壁望三台竹山看展看揮羽桐水投壺羨飲醅

此日離亭情脈脈江鴻時帶好音來

贈自南弋典簿

人師自昔重經師儒雅風流慰我思手擅凌雲揮鳳管
庭盈立雪擁臯比絳帷競聽笙歌繞素壁驚鴻看蚪蚪垂
爭仰高山欣在望臨岐聊贈數行詩

哭總憲王薛澱

九峯棟宇映三台獨羨瀛洲任往來銀案揮毫歸玉署
龍樓珥筆轉烏臺謀參密勿卅忱格弊剔銓衡百職培
重到都堂還獨坐忽驚棟折泰山頽

其二

杏林把酒向花看攜手蓬瀛幾歲寒風雨每愁三日隔

詩集卷三

主

雪霜時嘯五更殘曉谷國是同披膽偶話家常輒露肝
伏枕依依猶似昨今宵那得淚痕乾

送張司寇景峯歸里

秋風歸思羨張翰慷慨輸君拋一官疑案曲矜心獨苦
嚴綸直任誼偏安是非敢望千秋白得失聊憑一寸丹籍籍
都亭爭嘆息挂冠翻覺勝彈冠

哭吳匪菴

征帆南指送河干一夜挑燈話別難兩地書傳腸欲斷
三年夢憶淚常彈詎知衰魄還歛枕忽報雄軀竟薨棺
回首卅秋聚散日那堪風雨泣長安

予告誌喜

東濱何日忘垂竿白鬢蕭疎始挂冠半世文場都戲偶
卅年宦海幾危灘艱辛獨任功成易慷慨貪謀道濟難
回想一生聊自信蓬門此去任蹢躅

其三

少壯揮毫早踞壇金門射策歷層巒十年八座趨丹鳳
四世三公近紫鸞桃李盈蹊爭納履芝蘭繞砌佇彈冠
寒窗夢想何曾到歸沐恩榮報轉難

其三

海濱潦倒嘆儒冠十載蓬瀛鴻漸磐幾處持衡推砥柱
頻年操畚慶迴瀾農工纓悉民依苦禮樂重宣上理難
自愧疎庸何報荅從無微謹荷恩寬

詩集卷三

主

其四

蕭蕭短鬢雪漫漫半世遭逢千載難四庫縹緲輝玉燭
九章錦繡映珂鞍奎文璀璨光盈棟珍果離奇香滿盤
多少

朱恩紀不盡卅年前是一單寒

其五

昔錦堂開拜舞歡那知愁緒却千端夢我早廢肝還裂
索棟重摧淚未乾白首荆釵何處墜黑頭玉樹幾枝殘
晨星落落誰爲伴獨臥東山與恐闌

其六

霜髯霧眼擁歸鞍未到家山意已闌望旆老蒼鸞異態

迎門稚子訝何官同儕白髮飄零盡後輩烏衣記認難
回首當年聚散處臨風欲語淚先彈

賀澤州陳座師同月 予告

桑榆景逼賦歸田元老同心豈偶然分定師生欣接武
官分閭部忝齊肩兩年序齒原叨後半月聯章反媿先
雖許行藏惟爾我獨慚鑽仰益高堅

同澤州陳座師石槽接 駕

師生同月共辭官咏雪吟風耐歲寒忽報

鑒回攜手接欣承

天語問平安

迎 駕即歸致虛 傳宴賦以誌感

詩集卷三 天

迎得鑒與便着鞭歸來始曉

聖恩傳自慙寵錫雖虛負垂問難忘

天意慳

和瑁湖王少宗伯原韻原咏數首皆以澤州座師同時予告為賀

懸車乞放海濱東太傅辭榮眷更崇先後雖邀

堯舜許行藏敢謂孔顏同西郊匹馬雲霄外南國扁舟烟雨

中回想

朝端情脈脈陽春三復倍思公

其二

夢想家山溯破東

面體荷恩崇霜鬢景逼鄉心切黃髮風高歸思同師弟

陳情十日內公卿矯首五雲中寒窗敲句憑誰和三錫
琳瑯獨佩公

其三

蹕珊聊溯一帆東敢擬耆英地望崇落拓每慙偏我異
疎狂曾見幾人同青雲此去還江上白雪何來自郢中
讀罷新詩還羨望七旬猶是黑頭公

別王少宗伯瑁湖仍和原韻

海門一棹接江東棣萼聯輝攀望崇閨苑三珠先後共
容臺一鶴步趨同新詩每和春郊外舊釀頻傾夜月中
歸別茂弘留輔轍專驢莫漫憶張公

別安溪李相國

詩集卷三

千載根蟠閭嶠中龍門百尺仰彌崇枳荆豈想栽瓊苑
漫漶何緣置藥籠幾載河堤邀化日多年綸閣被春風
衰慵欲別重回首愧荷鈞陶負國工

別京江張相國

仰止宮牆萬仞崇卅年陶鑄藉宗工尊卑分隔形骸化
甘苦情深骨肉同霖雨羣沾蒙澤渥陰陽均燮荷春融
朽株雖向深山老尺寸能忘扶植功

別阮少司空

旗亭回首重逡巡欲別嗣宗倍愴神桂苑秋殘把酒舊
杏園春老看花新官分兩署星霜隔手握卅年風雨親
從此烟波憑一棹雲霄肯復憶東濱

別史官詹

漢廷許史共名揚今日風流更擅場對酒瓊林年最少
摘毫閣苑歲偏長銀濤東障君同苦雪鬢南旋我獨傷
轉眼凌霄橋共梓誰憐弱稚忝宮牆

別王閣學

年少烏衣第一流蓬瀛攜手忽卅秋風飄東海慙黃髮
日暖西江羨黑頭纔領銀臺歸玉署還參槐閣貯金甌
今宵風雨聯床話一別迴看隔十洲

別胡宮詹

惜別依依安定公熱腸露膈吐詞雄冰衡乍蒞秦風變
壁沼均沾楚澤融學贊龍樓欣接武謀參鳳閣快和衷

詩集卷三

三

詎知衰翼扁舟去鴻鯉能煩到海東

遙別張司寇

蓬瀛憶昔上層巒卅載雲衢共據鞍幾處啣綸持玉尺
同督學一時曳履步金鑒同日權連衡笑語晨相接寓居

對酒笙歌夜未闌忽送離亭身又去躊躇何日聚長

安

遙別傅副憲濟菴

萬里巴程憶舊遊欣逢國士慰旁求燈挑蜀署三更柝
酒送瞿塘一葉舟花縣重來曾咫尺栢臺相對幾春秋
誰知一別關河隔霜鬢南還更遠憂

其二

情同骨肉義同讐八載飄零竟白頭臘雪臨河君矯首
臘月赴炎巖出塞我凝眸六月鴻書風雨孤燈憶蝶夢
關山兩地愁此別賜環縱不遠烟湖可復共登樓

和別少宰曹夢懷前輩

海門通政鶴湖東當代文章物望崇桂苑一枝南北共
鑒坡卅載後先同啣盃每賞烟霞外敲句頻商風月中
自愧躊躇聊賦別金甌指日卜山公

別魏一齋宮諭時正在河工

幸附寒松萬仞牆最勤齋內和琳瑯瓊林對酒欣先醉
閒苑看花羨晚香曾向江南同砥柱忽來薊北共迴狂
自慚奏績還歸去許聽平成偉烈彰

詩集卷三

主

贈別李麗生中翰

鶚堡龍池仙李鍾輝聯棟萼煥羣峰鴻文映雪光千載
道氣凌雲徹

九重東觀談經儲放沃西清視草復春容卅秋把握形骸化

惜別何年再寫棕

題廖若村望雲圖

曾同鉅手細論文雒穴風流更軼羣已近蓬萊蒸爛漫
却瞻岵岵繞纈紛渺湖佇想爲霖切藜閣凝眸愛日殷
一曉雙鳬飛闕下白雲還共捧紅雲

詩集卷三終

德星堂詩集卷四

海寧許汝霖

歸田集

歸泊烟雨樓和拙宜楊官允韵

時辛卯五月十二日

千頃湖光一望收
家園咫尺且勾留
雲圍雉堞迷鄉徑
月引漁燈映客舟
勝地卅年欣共會
高吟半夕苦難酬
明朝幸傍東山臥
香餌還誰釣鉤

題鄒古愚瞻雲望日像

古愚居邑西長安鎮時同余自都回南故戲語及之

長安撇却上長安
憶上長安幾歲寒
袖手瞻雲慵策杖
科頭望日笑彈冠
酒酣朱邛裘還傲詩
滿青山筆更殘
且別長安歸舊里
長安咫尺海天寬

詩集卷四

題程雨和讀書秋樹根像

都亭載酒賦登樓
重晤東山話舊遊
老樹盤根擁萬卷
小僮捧筆嘯千秋
放懷自覺乾坤隘
靜坐方知身世浮
我亦歸來曾畫此
脩然高致可同否

九日

每逢九日淚沾衣
况復桑榆景漸西
七袞晚歸十月雁
三秋曉促五更雞
白雲野望愁燕市
綠鬢塵埋憶洛溪
迴想哀號罔極夜
傷原喪盡只孤啼

輓廓然師

慶觴歌未歇
弔哭忽驚聞
雪點東林月
風淒西嶺雲
花陰雖寂寂
鳥語自欣欣
悟得無生意
去來何足云

四老初會有序

僕行年七十有五矣
乞身四載屏跡兩山
神雖憊已興頗勃然
因思前輩家居每
多良會而風流歇絕
日厯予懷不期兩海
之濱特挺三君之望
既輝廊廟復賁丘園
如陳柱史梅谿風清
荷沼依郭悠然香俱
奉悔餘陰澹龍山杜
門自適而楊官允晚
研別築武原高樓物
表是皆年踰六袞蘭
桂爭芬居各一方川
巒競秀向我破山約
俱五十里而近祗接
襟連誠哉鍾其靈以
作之合也僕與諸公
誼托葭莖情敦金石
欲邀歡于晨夕爰訂
晤于春秋凡吾四老
神岐耆英會循真率
有遵五簋飲限二更
每歲值一行須尋勝
地

詩集卷四

二

每觴聚三日預卜芳
辰乃於三月之杪迄
四月朔春光猶鵲夏
景旋新曲徑初開方
舟肆集遂首會于也
叫園中斯時也濃陰
蔽野薄霧遮山遙睇
若迷放懷欲舞汎南
湖而訪道院登西嶺
以揖僧寮履着東山
烟雨中忽攜四杖鐔
開北墅亭臺外恍現
雙峯真看一幅畫圖
并貯千章詩料敢呈
已倡用異鄧酬當途
幾見一車懸東海風
流興獨偏卅載壯懷
籌報國兩年逸興賦
歸田青箱已付兒孫
業白髯還尋山水緣
靄靄烟雲扶四杖春
郊羣訝地行仙綠陰
新夏望無邊兩海烟
巒繞峽川敢謂耆英
惟四老聊循真率各
三天東山更領西山
勝南院重叅北院禪

信宿高談足千古何須後會計年年

次悔餘韻

芳辰登眺興何窮綠野青巒映碧宮春老葉稠花咲倦
夏新林鬱鬱啼空衝烟策杖衰髯繞雨扶輿病眼濛
一望兩山來四更高吟描盡畫圖中

其二

歸田何必賦歸第且會高年一畝宮榻借陳蕃三宿去
書探楊政五車空道源清節凌風勁良季長髯帶雨濛
讀罷陽春回一想攜笻宛聚綠陰中

小園即事

官拋三載益身輕好景當前若箇爭北闕兒傳封事稿

詩集卷四

三

南樓孫响讀書聲小僮攜杖看花咲老友啣盃聽鳥鳴
一局閑棋羸半着掀髯鼓掌滿園驚

五色蝶

誰說羅浮洞漸夷香飄鳳子却鮮奇踰籬似入莊周夢
消息還傳張翥詩有色斑斑啞粉翼無聲隱隱戀芳枝
獨憐金碧逢人艷那得樊籠肯脫伊

拙宜園次集

中秋

臥想玄亭夜棹舟凌晨天柱好同游趙知微以八月積雨十四訂好友日
明日中秋必晴誰知月半雲遮月恰值秋分雨點秋鷺
可同遊天柱峯誰知月半雲遮月恰值秋分雨點秋鷺
隱千竿聞唱和魚憑一葉看沉浮挑燈三老圖圖話惆
悵元龍獨倚樓梅翁病不至

其二十七早晴游秦駐

連宵聽雨客窗幽早旭登峯快壯遊南幹山迴知地盡
東洋水濶覺天浮潮雄何待明朝午居人十八午風颯刻羣有大潮
還疑昨夜秋吾輩攜笻同一駐山名豈必爲秦留

次悔餘韻

昨宵遲月望今午恰秋中時忽陰晴異心仍風雨同
敲松籟下酒酌桂花叢從此草玄處事宜換醉翁

其二

久鬱秦山夢晴雲豁早堂放懷乘老興陟頂趁晨光浪
湧乾坤外峰遮日月旁茫茫遙一睇萬慮却多忘

敬業堂三集 十月朔後三日

詩集卷四

四

四桂堂開聚五星玉峯恰又過芝庭後先解組憑頭白
遠近揚帆縱眼青扶杖翱翔還潑墨敲碁慷慨復談經
獨憐衰病惟高枕臥聽狂歌倒醪醺

其二

載酒靈泉醉小春風流儒釋遠相親馬仲安家伯勤扶及泉山法師筆
錦重訪龍山舊鼓棹遙看鳳嶺新幾處牛眠營兔窟何
年綠野蔽黃塵放懷且盡今朝勝良會生平得幾巡

又次悔餘韻

憶從高隱欵衡門坐嘯秋風老樹根桑苧似非當日徑
桃源可是舊時村堂前四桂爭飄子堦下叢蘭漸吐孫
五十年來重此會好同諸老一追論

其二

承明先後賦歸廬會看浮雲總是虛未耜自甘同稼圃
網羅誰有效畋漁攜筇暫憩墓秋奕把盞纔乾索柳書
我亦追隨猶健步翻憐策馬復乘輿

其三

東海人豪過東海海東風雅盡同人還山得趣何遲早
對酒當歌孰主賓老去雖衰偏似壯冬來餘煖卻疑春
登臨到處爭相訝勝地他年可再巡

其四

春霽秋陰冬日紅天容數老嘯寰中乘車偏羨懸車叟
失馬誰欣得馬翁寺歷宋元探舊蹟山連吳越挹高風

齊集卷四

五

洞庭還訂新年約夢想梅花映雪豐

次觀卿徐太史韵

扁舟恍聚老人村天許還山共感恩况幸南州來鳳嶺
敢忘東海潮龍門泉烹妙果看花笑酒醉菩提聽石言
寺有怪石日薄高歌歸棹穩丹楓一路任紛翻

過靈隱贈願海師

重尋蘭若侶剩有一衰翁塵鬢凌霜白酡顏映日紅窗
飛靈驚石杖倚冷泉夢亭畔有西來夢樹談笑渾如夢浮生幾
再逢

舊句題妙音閣

高閣妙音中廊迴一徑通路盤千個竹門對五株松夜

鉢聞江嶺晨燈耀海鐘祇園半載別仍倚兩雙峯

過韜光贈山止師

卅載韜光別山公欣再逢癯容還峭石冷語尚尖鋒月
映丁林白虹垂萬丈紅忽思當日伴淚洒兩三松

十月望後三日諸同人又集也叫園

昨冬鼓楫會靈泉經歲重臨谷水烟游擬商顏多一皓
飲歌杜句少三仙髻孫着膝慙依玉才子攜毫競吐蓮
自咲草堂空寂寂何緣史奏德星躔

其二

連宵聽雨滴堦空忽睹霜林旭影曉棹放東山尋菊紫
筇攜西嶺嘯楓紅暉琴關奕留殘霽把盞題箋候曉風

許集卷四

六

我醉自眠公等去好儲春釀待衰翁

和言揚韵

秋葉粘霜望似銀霜粘五老翼翻真幾年共謝雲霄翮
此夕纔收泉石身筇策兩山屐折齒箋題四壁塵揮塵
冬寒忽聽陽春調恍探驪珠照水濱

和梅溪韻

東海元龍豪最奇每逢豪舉却遲遲凌霜放鶴來何暮
聽雨鳴雞坐莫辭書羨小王驚後勁詩宗大阮駕前規
宿筵恍似家筵集羨殺風流傾一時

其二

啣盃宿雨竚天明旭報晨鐘趁醉行青嶽凋楓龍日露

紫岑殘菊傲霜清，胸吞八斗談爭劇。手競三叉句，早成何幸。躊躇逢勝舉，掀髯頓覺此身輕。

和晚研悔餘韻

落落者英兩海留，鵲湖今又集方舟。還家白首生何幸，報國丹心死未休。暮雨床聯三夕話，曉晴屐着四山游。莫將此興尋常視，良會從來得幾秋。

其二

霜點楓林谷水南，東西畫鷁歛雲蒼。夜吟不厭更交五，晨臥何煩晝接三。棹鼓烟巒尋勝侶，杯傾風月縱清談。挑燈欲和陽春咏，醉唱巴音醒却慙。

聞梅林囑題令兄君儀同嫂嚴孺人遺像

詩集卷四

七

曾聞鴻案傲王侯，何況齊眉又白頭。嚴母貽徽垂萬石，聞公樹德蔭三丘。鹿車共挽薇山夕，鳳管長吹谷水秋。留得倡隨圖一幅，萼樓追奉屬孫謀。

鴛鴦盆梅和古愚韻

豎傍東山半畝餘，一盆香艷影蕭疎。枝橫鉄幹凌霜後，花綴金蓓吐月初。素質染脂丰孰似，酡顏映雪韵何如。清標落落憑誰賞，聊和陽春臥草廬。

牆角梅次韻

也園空斗兩年餘，清友當前相對疎。霜鬢蕭蕭驛寧似，昔水姿澹艷却猶初。籬邊孤倚思誰並，雪裏高眠愧不如。自咲塵羈常鹿鹿，漫勞芳韻賁蜎廬。

其二

雨洒寒窗滴瀝餘，一枝冷蕊影扶疎。塵寰潦倒誰還舊，屋角幽棲獨似初。秦隴無書徒遠憶，羅浮有夢亦難如。試看轉瞬繁英競，那得孤芳伴我廬。

庭前老栢

一樹蒼然俯兩峯，騎鯨磐石似游龍。雖慙孔植千秋檜，却傲秦封五老松。雙幹參天標勁節，孤根拔地聳高蹤。還欣日薄桑榆暮，得傍長青醺酒濃。

其二

日映霜姿伴雪鬚，孤標凌漢絕纖埃。春來釀蟻香浮盞，夜望翔烏夢繞臺。石幹稜稜誇五柳，銅柯磊磊傲三槐。

詩集卷四

八

不知幾歷滄桑變，留得千秋標棟材。

盤栢

誰扶正直隱牆東，屈曲蛟螭奪化工。廿載盤旋纔七尺，十層團結似千叢。霜浮翠蓋還承露，松伴蒼顏肯變桐。從此凌霄憑百折，齊長共久羨童童。

賦得多雨春空過

聞說春來好，春來那似春。樹昏樓宿鳥，花悶悵遊人。酌酒徒愁主，吟詩漫想賓。浴蘭還折柳，勝事幾曾循。

楊官允晚研密雲之役，約餞禾中，屆期病阻，詩以送之。

鴛湖在望病躊躇，目送燕雲握手難。瀾倒三江纔砥柱，

城雄萬里又登壇臨風鼓鶴神何壯對酒歌驪興倍歡
只恐傳巖圖夢養也園高會竟闌珊

自笑

雪鬢霜眉壓隻眸躊躇萬狀假風流半殘蟻盞常欺口
百補貂冠且誑頭巴唱盈筇許李杜吳儂滿座認應劉
還餘一笑人知否醉倚無鹽醒却羞

其二

錦堂開綠野邊也園半畝閑三椽名花插架舊薇占
珍鳥投林鵲鵲嫌炎日樗簞招漫浪寒宵湯罐當嬋娟
還餘一笑人知否七八獠奴號典籤

其三

詩集卷四

九

斗室支離幾度春東山數武夢徒親五車經籍供蟲腹
八座旌旗敵鼠唇磔菜盤般尊菽乳筆床硯匣愛蓬塵
還餘一笑人知否犬矢開門日日新

其四

六載歸田五載荒窮年祈禱究茫茫熱腸每惹蠅蚊咬
瞞首誰憐牛馬忙口苦日嘗甘草味湯香夜浸臭皮囊
還餘一笑人知否老淚沾巾唾滿床

書懷

歸休無一事只事掩柴扉閑笑鷗還開瘦慙鶴較肥愛
花晨露賞玩月夜窗依門外紛紛者憑他是與非

其二

登樓望東山

何處生涯好生涯在綠陰消閑頻數竹解俗漫張琴午
悶茶三局宵愁酒半斟野花相對笑聊咏一披襟
歸來原爲爾病想漫勞神偶向樓頭望偏從眼底親夢
遊還是假畫看亦非真何似憑虛眺翻憐着展人

自述和韻

昏騰兀兀到華顛日飽餐飧夜飽眠飽繫一官踰廿載
塵羈八表欠三年畧知黼黻輝廊廟粗曉謳吟嘯石泉
獨奈逢時終不會疎狂偏自傲頑仙

送杭守張韋存先生假旋

北固雄蟠久南藩鬱麗偏光風開鐵甕瑞氣泛金船分

詩集卷四

十

斗三吳翕橫江百越闡文章端應運氏祚况連天韻俊
初交泰掄元正轉乾自承劈華手遂比占鰲肩瓊瓊連
珠照魏峨臚鼎傳似荀星聚頰抗實桂薰燕攬轡紛中
外彈冠耀後先望崇黃閣迥輝巨紫微躔公也人中傑
寬乎天上仙白眉原壓馬縉腹大誇邊四庫憑誰貯五
車任獨編翔翔羣藝圖開闢萬書田倫有從兄樂文還
自我宣胸吞墨浪湧手奪筆花鮮憂玉聲聲振鳴簫字
字圓商周非淺獵班馬合濃煎第五名何讓蕪三學乃
全隨遠千里目等遇九方歎便可乘飛驟其如又折旋
礪才甘破硯績學耐棲檀釋褐年方壯冲霄氣倍先嚴
廊資翼翼畫省借翩翩農部經先試民曹閱屢銓充司

鹽筴裕黔署權通竊偉績踰衡岳流膏被澗瀝仙郎題
柱竣郡伯剖符專三浙東南會兩江左右便鳴珂珂里
過衣錦錦堂寒水直趨京口山斜倚海堧襟連還袵接
扼吭且通咽九邑單車控雙峯五馬駢但歌來日暮惟
恐去時過初蒞憑廉肅端居麾委填尊經先屹屹崇道
務拳拳澆習煩磨濯衰文賴洗前翹材青汗地定品絳
紗權遁虎防胥猛烹鵝杜吏涎有條休舞美無間可負
緣訟牘冰銷冷園扉草鞠芊薰風方解溫旱魃登堪憐
窮鳥呼焚蕝枯魚泣涸川公儲勞請益薄俸慨能捐家
沐二千石戶沾三百廛歲饑饉軫恤海嘯又迭遭波駭
無迴轍濤奔不控絃胼胝瀾自砥番鍾浪何顛顛並吳

詩集卷四

十一

山峻澤同聖水連惠都霑雨露威復警風愆正色摧強
禦危言撼巧僞剛腸終似鐵傲骨肯如綿特立情多忤
宸遊眷獨度趨蹌膺異數褒寵拜天然縱道三公弟唯知太
守賢

溫綸承日馭

睿藻責奎躔

賜資誠優矣撫循益勉旃忽驚顏泰嶽特籲莫重泉承

旨迎丹旆叩恩執素鞭哀追台曜隕哭向大江還躬匪屏私
服情慙碎故鸛堂仍虛白坐鏡自逼青懸得暇頻移棹
探幽每住軒梅尋處士咏柳認樂天眠鄰井疏依六蘇
堤種約千梵鐘何谷出仙石幾峯連靈鷲看飛鳥風篁

響蟬喜扶山馬醉啖挾謝家娟巢父遙遮路漁翁唱
微淵光融三竺霽祥繞萬松烟與誦聲洋溢交章績炳
輝何爲違衆望竟爾樂孤鶩十載憐遺赤崇朝掉屬員
一辭復一綰三慰勿三悛甘退心靡動勞謙志愈堅烟
霞將此病組紱更奚學借寇車難挽攀劉市可還驚飛
雞滿巷狂走犬盈阡白叟偃轅下黃童抱馬前霜嚴轉
祖道風緊肅離筵還憤充官廐封魚印解橡虛舟并卻
石清渚且沉錢戶祝思何罄亭碑淚欲穿急流偏勇決
歸里便疴痊玉樹叢爭秀蘭蓀茁倍妍香收春塢草花
實臨林鵲望海樓瞻月留雲亭聽溪研園招雅客焦嶺
訪和卿興到排樽俎歡餘罷管絃如公真達者而我安

詩集卷四

十二

從馬仁宇叨新庇師門緬舊甄微言曾獨薦大德實群
鐫虛塵夔龍趾翻隨綺角除殘編恣嘯咏荒徑任游延
漫想陶籬菊還看周沼蓮銷憂殊磊落寄傲頗踰躔酒
盞雖疎對詩筒可通聯迢迢七百里片片兩三箋遇水
閑于廷登山快坐獲各隨行樂處共享太平年

送王帶河中丞擢少司空

內賜柱影祇體五韵先
生定稿後又手改十句

附註于下

紫氣金童青圻麗少陽九仙標特秀三桂照遙光地
既占雄會門尤表大方瑯琊無匹族閱有司常枕海
源真遠襟淮派更決佩刀啟穰省鳴王紹槐堂公稟如
椽筆羣推似繡腸公本趨庭訓亭亭同鵠立矯矯邁鸞

翔稽古胸書庫承先手墨莊黑頭規偉器翠管發奇章
自當凌雲翮難韜游又銚宦從花縣始政報日南倡見
爲通遠謁鮑封卻遠將未幾甄卓越遂乃任清剛多法
森冠上駉威避路旁引繩期必直對仗問誰當片語搖
山嶽孤聲聳廟廊一班驚落膽舉國賀鳴吭爲展埋輪
績因揮攬轡轡寒惟辭輦轂持節鎮耶襄勞運陶管甕
關懷習沼觴化深虎代乳波渥嶢輸芒忼慨沉碑杜悠
游緩帶羊鋒車徵絡繹誥拜輝煌台鼎調羹試天厨
奉膳勤旣而遷亞尹恰也繼三王敷教儲材懋宣猷佐
理良司平星獻瑞執法烏呈祥丹筆常投署赭衣盡改
粧三代吳家蔭
七傳郭氏芳
爰拋寺內棘又凜殿中葛鳳翽梧重盛

詩集卷四

三

烏還栢豈僵皂囊仍側席白簡復排闥鐵柱彈方肅銀
臺納轉詳喉唇通鳳綵風貌冠貂璫投魘輿情達封函
國典彰封投魘呈情傳俄焉迴北斗展矣副南床氣象增
凝重丰裁倍激昂盈堂欽左个獨坐貯中央對柱三公
慄簪毫百職惶農卿副特簡版部正胥康泉府源源裕
天庾處處穰一時同譜聚九列滿朝驥家醞年都釀鄉
鮮月每嘗佳辰遊紫陌麗句闢青箱忽奉皇華策重臨
蠻土鄉衡平文武洽鑑徹異同亡特假司徒旆權持節
度綱撫綏控辰沅經畧扼瀟湘迴雁啣恩迥潛蛟被澤
汾甫俞叩金闕隨命轄錢塘三浙東西滙雙峯南北傍
建牙憑鎖鑰東鉞奠金湯恩煦陽和日威凌秋肅霜崇

文欣折桂閱武競穿楊圖繪窮簷瘠籌捐積歲荒旱咨
蕪水傲海捍復江防干謁潛焚牘苞苴悔洗糞寬和非
縱屬寧靜實安氓路陶十一郡動並高峯峻德垂聖水
洋九霄軫吳越兩篆攝蘇杭澤徧徐揚域風行淮楚疆
海日融揚域一江如襟帶八郡徹開梁盤錯何辭瘁馳
驅不厭忙暮年胥惠保半壁悉安攘野慶車車賁宸褒
萬戶昌鄰封雖借寇舊治重思黃福德還專耀規模益
具張初終主不擾遐邇厘如傷龍綵冬官召榮綸春日
揚向葵原拱極傾輦幸朝暘王事雖靡盬天倫適聚慶
過門敦問寢便道慰瞻問畫錦嬉斑綵春醪介壽觴烏
衣輝象翟白髮燦玳瑁長樂花盈帳恒春樹繞房况傳

詩集卷四

古

荆本茂久羨棟花香簾額隨填額歸行接雁行蘭增還
馥郁玉樹更琳瑯鶴和容先後鵬飛定頤頤到家纔歛
歛納陞即銚銚開府聲彪炳還朝望喬皇策勳台輔召
分職水虞強且竣平成奏行看朝野匡黃扉煩補袞丹
陛翊垂棠慙子歸田暮懷君去思長勲名原獨擅意氣
更誰儔友誼惓惓別師恩欵欵商大賢登俎豆鉅典貴
官牆知已生成慰羣員留別愴圖書隨露幄琴鶴伴風
櫓三竺爭留鳥六橋變樹棠挽撓水甫洋臥轍露偏灤
有水皆涵碧無山不戴蒼扳留踰海嶠謳咏徧滄浪遇
驛梅堪折沿河柳欲颺一樽慙祖餞數語勸行藏龍辱
負難信盈虛詎易量功高儲鼎鼐志澹謝圭璋喜監千

秋蹟歡承百歲坊刪修希孔孟嘯傲樂軒唐公抱從茲
快予懷何日忘停雲惟佇想矯首各相望

頌劉觀察在園假旋

南郡遺清德如君大可風鳳樓綿世澤麟閣炳前功石
室藜光燦金門桂籍通佩刀傳海牧解印賦興公鄰壤
旋移馬專城倍式熊括蒼蒼阜峻羅刹剎波融召杜流
膏遠龔黃奏績同遂先羣牧舉存歷外臺崇攬轡聲尤
壯褰帷望更隆一身懷數篆五載肅羣工東浙方揚旆
西江又馭駟嚴霜威草木春靄化霓虹會泛桃花浪隨
勦氛于宮障川憑砥柱敷土荷忻懽

特鑒新猷懋重膺舊秩雄負薪公路浦填石呂梁洪勞勸頻

詩集卷四

主

施澤輸將率效忠迴瀾功孰並底績慶何窮忽見雲環
北還思水就東閑尋芳草碧遐覽野棠紅謝墅敲棋局
陶園醉菊叢溪鱗欣脫餌林羽快辭籠花正攀長樂斑
猶舞似童衍椒具鬱鬱蘊玉總璵璠寄烟霞外風高
圖畫中羨君纔乞老笑我已衰翁憶昔曾推轂於今忽
轉蓬興懷看落月比跡指翔鴻是處風光好隨時意氣
融何年重把握相與嘯鴻濛

歧亭憶別晨星落好友重臨幸有昨去新霜未滿
今來舊雨又同年西溪柳浪搖舟後東閣槐陰貯目前
忽見玉峯先我在同年王時叔先在鴛湖含淚話離筵

皇華映隰馬蹄駸垂訪東濱誼獨深共羨賢勞周驛路
白憐衰病臥家林清風暫向尊前挹明月仍從夢裏尋
遙想遠猷勤入告法星霜氣倍嚴森

富平家世自多賢佳兆欣聞鳳集肩望重黃扉正今日
彩輝丹穴看他年六橋皓月三秋後九島青雲十載前
自此何時重握手一燈風雨話清筵

同景峰司寇過海寧閭塘又疊前韻送其還朝

曲江讌罷歲華駸官燭花磚結契深節鉞清時仗元老

詩集卷四

主

郊扉晚計愛長林恩邀帝眷慙同竊誼感師門喜共
尋時訪錢塘強欲留君且少住丹楓搖落自森森

海濱父老瞻天使夾道褰帷競聳肩澤國波濤愁五
載秋官疆理喜今年寧無上策籌胸內定有昌言納陛
前老我白頭頻悵望三升醖酒勸蓬筵

和謔

歸臥東山幸飯強逢君對酒興彌狂來冬待我朝天後
收貯春醪剪燭光

又和

並遊京洛爾精強老去猶聞發興狂他日東華看雛鳳
桐花尚里挹輝光司寇時將舉

德星堂詩集卷五

酬應集

李鄴侯總制壽

麟閣丹青地龍韜戰伐場何人標北斗元老重南疆節制通曉越聲威訖甸荒滇頑倡逆炤閩孽抗顏行羽檄千書逼風塵一劍當建牙橫激水奮弩壓錢塘嚴壁新軍壘尋征邁斧折柯山披蔓草霞嶺掃樓槍雲鳥天邊陣濡臺露布章親王騰虎旅方叔並龍驤封豕逃何窟潛狐問爾藏瓊弓彎夜月連鐔鑒秋霜笛裏梅花落風前草木揚遊魚看沸鼎飲馬度江郎談笑清戎奔神機

詩集卷五

靜陸梁鍾壕空驕弄銜壁受降王銀鑊三年挂金城萬里長魁梧丰自峻嶺戰鬚成蒼破庭家奚事持籌國是皇軍屯麾赤羽士飽割黃羊賞激風雷氣兵銷日月光匡廬峯出瀑大庾嶺生香草面來思服歸心亦孔將錦波嘗鉤醬綠樹洗枕柳稽野休鴻鴈吳山立鳳凰有家依雪水得蔭蒂甘棠桃洞人迷擢蘋洲自採蔣思飄紅蓼雨望倚白雲鄉烟暖蟪蛄戶風吹薜荔牆烏皮無恙几蛛網拂塵牀境外宵傳柝場中秋時稂村村寧婦子井井理柴桑盡是隨陽鳥誰云賴尾魴碧瀾開畫錦浮玉泛春航官冷閑孫楚恩多拜李綱長留班定遠莫說段文昌西望鸞駕東征衮繡裳昔歌楊柳雪今記露

堂
並眾天老康無笑民依樂未央幽風朋酒在歲歲酌公

李厚菴先生六十

泰運鍾名世昌時誕大儒祥開藍水上瑞毓閭山隅仙裔根盤遠瓊枝樾蔭殊丰容驚日角淵度躍冰壺氣擅天人望神微道德符趨庭承世澤和膽奉家謨豈止人間傑還推聖者徒蒐羅窮二酉著作陋三都柱砥韓歐集衝開屈宋趨索丘藏笥腹河洛演疇圖象緯寧窺管山川如列臚植躬希孔孟致主在唐虞遂視鑒坡草矣操達島脈文標雄玉署賦擲響金鋪黎閣推新穎瀛洲開舊蕪陳情疏早切養志色常愉萊服斑爛綠菽

詩集卷五

水娛情非輕輔叛跡暫寄江湖豈料鴻飛境翻成蛙跳區妖氛迷海嶼通燭裂山衢擒獲時誠迫艱危志不渝蠟丸馳一介險道歷千嶠環甲躬巡壘登陴手執旄忠貞孚

廟簣赫濯奉天誅乍見樓櫓落欣看綬帶紆黃扉參鼎鼎丹

殿侍璽瑜下直時恒晚賜言

帝每俞

宸衷資柱石慈景迫桑榆再傲歸林鶴長隨反哺烏忽煩

宣室召重爲鳳池須五絕胸疇匹三長腹獨腴齒重朝論難鈐掣夜傳呼驚禁書思密螭坳謨更許龍沐滋物忌勞劇倍神癯精白

天心格忠勤衆志平銀臺司獻納玉帳箴機樞武庫韜鈴裕

文昌奎壁俱南宮咨東鑑東海羨搜珠八代衰文起千秋大雅扶經綸還報國顧復敢忘劬悼聽靈萱萎驚傳寶婺祖鄉關萬里遠血淚數年枯身甫離縈經

朝仍重稽模冰衡操斧袞玉尺運鍾鑪笛製郵亭竹琴裁旅

焚梧清風瑩似鏡化雨潤如酥喜見弘新標旋聞假節欽單車三輔震兩袖萬家蘇威鼓雷霆奮恩流汪濊敷前收桓氏衛歌滅郭家姝獄市官何擾租庸戶自輸有河皆渡虎無穴可藏狐才大紛綽解操勞勁節孤曲衣緣資士傭汲僅供厨介潔今誰並澄清古亦無

楓宸頻眷渥禾野疊豐膺德厚凝天祐功成遜碩膚高秋方

詩集卷五

三

授几週甲適懸張樹燦連枝萼場鳴千里駒天香飄馥黼廣樂溢笙竿筍錦輝黃菊樽霞艷紫萸攜節歡父老騎竹喜童雛陌繞黍禾穗門盈桃李株榮名人莫及大德理寧誣迴憶隨先達深慙屬後驅學山欽泰岱觀海愧潢汙幸附凌霄鶴曾憐伏檻驚驚匏依魏闕放鵲想遙途耿耿情奚極衰受頌豈詠臨漪青靄重橫翠碧雲迂祝嘏羞蟲篆抒忱情風鬢喬松厯孔固揚圻笑巴渝

吳端山別駕壽

臥龍環翠擅清標季札風流老更饒江管未拋花尚簇呂刀原佩鬢還蕭淮南編戶棠陰蔽冀北趨庭黍雨飄

襄以數五十

吳山挺秀毓人豪紫氣晴浮鴨綠濤臥閣風清琴韻古訟庭月朗鶴音高花繁春郭千枝樹香送仙崖五色桃半百懸弧才正健竚聞飛舄荷綸褒

范以濟八十

註史箋經臥碧霞桃源渾勝列仙家樽前歲月塵滄海砌下芝蘭蔣國華曳杖每能登白岳延年何用覓丹砂薰風冠珮稱觴日九節蒲香棗似瓜

道遠姪五十

萬魚一鵠事尋常未抵銀丸出玉箱陰德何慙大官祿深宮重越人方三層閣上桐雷帙四雷軒中梨棗香

詩集卷五

四

幸附同岑何所祝春來松醪自餘杭

張封翁八十

星明南極燦天章玉露凝華桂蕊香鶴隱條山迎皓月鳳樓粉署待朝陽赤松久授餐芝術丹籙新傳餌菊方聖世只今勤顧問佇看扶杖拜巖廊

張小白中翰壽

粉署含香倚藉洪深知萬石有家風瑤林更長凌雲樹丹室常留煉藥翁老我鬢眉雙闕下多君詩酒五湖中粉榆想像稱觴會碧海桃花映日紅

百歲王老人

七朝遺老舊烏衣人瑞由來見者稀倚杖更無同輩在

帝簡榮任專財賦地節駐管絃城攬轡千村慶持籌萬戶盈
瑯琊綿世德嵩嶽降賢英兼育師名父馮君似哲兄花
封傳化洽畫省喜班清轉曙郎潛久尋邀

江臬王公符六十

繡衣旋執法丹筆獨持平吳會棠蔭編園扉草盡生高
門同定國解組慕淵明遂託漳濱疾聊從頰尾耕仁恩
留戶頌哲嗣繼家聲接武含雞舌衡文賦鹿鳴敢辭丹
陛去暫望白雲行雅樂東山奏雕弧西第橫銀筵開露
井彩服晉霞觥海鶴姿難老閒聽出谷鶯

詩集卷五

五

吳滌齋八十

吾浙推高躅何人得比蹤兩朝留碩果羣望屬喬松遊
蹟千巖炳家君萬石恭雲霞隨捧席烟月到扶節藍巖
門生御詩囊野老從卷書收筆栗分岸種芙蓉桂樹雙
崖賦蓮花九子峯青雲翹首近黃石授書逢渭水綸垂
餌南山芝佐饗琳瑯還觸目次第羨花封

姚斐忱八十

蓬廬蒼鬱挺鴻儒扶杖朝端豎楷模藝苑狂瀾迴赤手
薪傳微焰鼓紅鑪蹊盈桃李呈虬翰砌遶芝蘭兆鳳梧
莫訝琳瑯遲戲綵春來黼黻耀天衢

趙處士雙壽

何必蓬瀛號列仙太和願養意翛然唱隨琴瑟稱耆老
紹述詩書敬後賢慷慨不佞身外物安閑自得性中天
清和節序賓朋集滿泛流霞祝大年

韓仲翁同年壽

一篋家傳韋相經文章吏部繼前型王壺冰鑑懸槐署
鐵網珊瑚煥鯉庭三輔清華連北闕百年耆壽耀南星
蓬山早作神仙伴又向瓊筵醉醺醺

詩集卷五

六

鄭封翁五十

帝里秋香通德門覽揆逢閏恰開樽瓊漿先拜瑤池惠
彩服還承魏闕恩桃李負牆欣結子芝蘭當戶喜添
孫百年勝事纔將半好向千秋細討論

壽趙明經

碧雞遙映少微星秀拔名賢蔚句町百行咸登先壺內
一經獨授獻明廷道通任卹原天性力以肫誠作典型
國史會編高士傳姓名應許簡常青

沈允斌前輩雙壽

吳興風物擅清華才地還推僕射家錦賜龍樓輝棣萼
綵盈鴻案映菱花金門近挹東方宿珂里遙飛南極霞

更羨銀河雙曜烟微書早晚到蒲車

開雍兄四十

雪滿關河恨各天忽逢驛使到春前書傳京洛人千里
路隔家山夢六年老我風塵歸未遂遲君絲竹臥仍堅
禦兒亭畔真堪憶萬樹梅花引畫船

其二

笑指蓬山路不賒語溪風物傷烟霞城端翠擁千家樹
水面紅開一塢花定有高吟驚俗客向來仙籍隸吾家
好修王斧真人傳四十平頭記歲華

南先生八十

當代推先達何人得比蹤百年留碩果羣望屬喬松宦

詩集卷五

七

蹟多年著家居萬石恭大賢虛左轄名德繼司農老益
頭銜重閑拋腰綬鬆雲霞隨捧席烟月到扶筇監譽門
生御壺漿野老供卷書收菓分岸種芙蓉桂樹雙山
賦蓮華九子峰青雲翹首近黃石授書逢渭水差相似
商顏懶未從蓬萊波淡淡無路覓仙踪

汪茗千先生八表

渭濱洛水久從容杖錫延年海內宗六館舉比才子席
兩山晴翠丈人峯寧親扈蹕榮誰似拜道扶輪禮又
逢更慶白頭偕老在琳瑯觸目引花封

程蝶莊封君六十

盛世鍾人瑞耆儒應運昌遺清垂柱史碩望在槐塘洛

下傳經遠筮瓊衍澤長絲來書滿笥久見笏盈床慶
岑山後基恢淮水陽丰安驚日角粹質表圭璋潑墨工
鵬鷗含毫咏鳳凰承歡芝挺秀篤慶夢聯芳絲作平原
繡金成賈島衰脫驟非異事分困亦尋常德配欣齊案
謀貽紹育堂盈堦盡蘭桂觸目羨琳瑯令子真才子元
方共季方文壇爭樹幟粉署快含香力贊平成績早儲
公輔望斑衣輝鳳采

綸誥賁龍章適屆青陽轉重迎

玉輅翔紅雲環翠蓋白髮觀

黃裳幸睹

天顏喜還瞻

詩集卷五

八

宸翰煌煌橫超八法璀璨耀三光甫慶

奎章錫欣逢嶽降祥仰窺璇榜麗倪映玳筵張座上桃方熟
庭前鶴正鵬瑤池斟王液瓊島泛霞漿甲子雖云徧春
秋益未量巴詞慙祝嘏聊以侑飛觴

題聞梅林八十壽圖

兩山八表一聞人半白鬚眉半氎巾經滿青箱傳自舊
琴攜綠水調還新篴竿百个龍鱗繞苔徑千層鶴跡勻
三秀仙芝呈石畔何須五老畫長春

山僧廓然七十

為訪東林識遠公廬山買盡悟空空奇思泉湧容偏朴
高論聽生耳却聾羨覓葛仙傳道訣慙招元度闡儒風

古稀三老人爭異雨叟皤然一禿翁

淨文法師五十

高岩微峯五十年無生偏悟有生緣登壇共羨花飛雨
掃管還驚舌涌泉西嶺晨鐘三界徹東林暮鼓一燈懸
從今謝却談經席黃菊拈衣微笑傳

佛慧師五十

佛說慧空方見佛豈知能慧佛偏嘉逢人嬉笑真彌勒
遇事慇懃老毗耶五袞何曾半席暖兩山似欲一拳擎
登堂正傍黃花好好祝陶公慧師俗姓酒快賒

李偉齋壽

天邊列宿地行仙大隱先生不記年俠氣直傾流輩外

詩集卷五

九

高風還出古人先慣傳道德五千字閒把逍遙六七篇
好稱秋光陳桂醕扶疎玉樹舞蹁跹

浙藩趙公壽

經術元公重濟川才雄八面邁前賢浣衣里第連天上
列戟斑斕倚日邊槐閣鸞陰開壽域湖心鶴舞接瓊田
更聽父老三多祝攬入霓裳奏綺筵

顧子勉先生壽

蔗倒餐來味愈佳毫添頰上色彌諧快談共喜瓊飛屑
妙趣須教春滿懷已見郎君雄玉署且容阿父玩花牌
讀書臺畔傳家學著作于今燦御街

其二

武林仙境本君家記得桃花爛若霞洞口豈迷漁父
岸邊常駐酒人車畫圖百幅支願遠題署千篇看眼
駕鶴謫鸞徒濫說何如憑此樂無涯

陳封君雙壽

江郭湖亭錦似花鳳啣雙語錫朱華悅長懸綉天孫駕
杖編尋梅處士家金訣書傳珍綠字玉壺酒獻泛紅霞
太丘况復稱偕老葛嶺丹飛幾斛砂

丘太翁八十

礪溪鬱鬱緬高風八袞蒲車復遇翁策對 彤廷專偉
望政勦赤縣疊膚功床榮珮級方連襲增秀芝蘭又幾
叢千畝蒼筤森渭涘鳳啣紫誥爲生嵩

詩集卷五

十

熊總憲蔚懷七十

五老峯迴司憲堂森森柱後總清綱皁囊收得黃初紫
法酒頒來菊正黃奉使輶隨江上雁還朝驄踏嶺頭霜
有熊自昔雄南服台鼎瞻扶寶曆長

木崖李先生七十

皖國尋耆舊如君德可膺威儀持抑抑羔雁謝仍仍教
子經專席呼朋酒幾升長春扶路穩鳩老百株藤

師元生九表

皤然人瑞老還童九十威儀德更冲紫葛岸巾呼綠蟻
紅藤支杖聽黃公頌寔早吹凌雲氣鉛槧還紆漱藝風
更喜含飴雙白髮孫枝鬱翠倚高桐

邑侯陳衡山壽

豐湖鍾秀映蓬萊飛鳥鹽官接上台花發春陽膏雨渥
琴調海曲怨潮回樓懸百尺千牆舞碑勒期年萬戶培
試聽雲璈聲未闕鋒車又羨日邊來

其二

穎川鍾偉傑庚嶺挺名臣世閱東京望雄文南海珍分
符臨赤縣遊及試青萍介節千峯峻和風萬井淳催科
勞撫字聽訟頌明神俗以蒲鞭化材將玉尺掄飛濤肆
吞嚙巡築任艱辛憂溺晨星下忍饑晚浪濱安瀾還擊
壤樂土復吹幽琴帶潮聲潤花涵露氣勻暮年爭介壽
闔戶盡生春蕊吐紅桃艷旣斟綠蟻醇通門情夙契戴

詩集卷五

士

宇誼重親佇看躋堂祝屏書睿藻新

李陵千壽

奕葉仙根迥軼羣靈鍾嵩少煥星文庭迎瑞氣盈丹壑
筵奏清歌遏綠雲家世龍門稱峻絕才華鳳闕吐奇芬
共知名壽方無極好啖交梨快酒醺

姚虞翁雙壽

雙星絢爛映明霞照徹齊眉燕喜家湖海襟期人共羨
郝鍾閭範世羣誇行觴擘脯紛仙客舞綵將車蔚國華
椿正凌霄萱正茂不須洞口問胡麻

孔

赫奕宗邦凜素王靈鍾岱嶽慶延長承家瑞應青麟紱

績學經傳白玉堂尊聖淵源榮世德憐才迢遞厲官常
小春佳候懸弧日金掌遙分湛露香

張靜齋五十

赤松黃石啟鴻儒奕奕才名冠具區博辨河懸翻白馬
高文霞蔚握靈珠還丹已署長生籍寡過應垂後學模
時值清和青鳥至遙瞻紫氣接蓬壺

孫懷老五十

嶺東谷口靜悄悄坐對名山敞素襟却軌偏開竹下徑
無絃能韻壁間琴蘭芽並蒂芳華早棟蓂膠枝雨露深
五十長齡方未艾鋪筵花外有清陰

汪乾甫八十

詩集卷五

士

瑞兆平陽鍾大年竿垂黃海漾晴烟金門捧杖依才子
石室看棋伴列仙瓊籙寧誇籌五百瑤筵不數客三千
長安紫氣欣相接何必雲霄羨偃佺

徐靜齋三十

孺子知名早終軍英妙年栽花初製錦馴雉正調絃日
下仙鳬集雲間朱鷺傳瑤觴今日醉桃熟待三千

河南許得子

朝來佳氣報充間欣獲吾家千里駒半老論年雖較晚
一生得意復何需昨盤湯餅邀嘉客取印題戈卜壯圖
從此高陽貽澤遠琳瑯豈遜仲將珠

周蘊翁壽

綠光搖映畫堂喧稱絲管正傳觴金盞喜進長生章
碧宇新傳却老方令子聲騰三輔牧文標名擅七經坊
九天恩遇頻年渥疊奉奎章貴顯揚

徐幼序七十

清淑吳山擅鍾英世澤長高名推孝穆華閭自駒王司
馬宜分郡扶鳩正杖鄉願乘櫻筍會共晉紫霞觴

魏太師母李太夫人八表

卓哉司寇天下無厲忠遂孝樹楷模高平文貞莫之過
堂堂正正大丈夫乃有夫人秉內範家檢真能佐國檢
直言不阻勸靖共肅節相成務師儉有時逆鱗且沾危

詩集卷五

圭

有時甘退與俗啖壺中無懼亦無喜出處一一稟厥規
某在高門叨礪斲親炙雍雍與嶽嶽雞鳴執爨送早朝
夜半焚膏起後學是時館舍題最勤麗澤不止諸郎君
女夫內孫紛硯席仙李妙才皆軼群爾乃南宮得並舉
文章鼎立魏李許母曰品槩自此分無忘最勤敦古處
亡何司寇遂懸車長公薇省辭勿居一如厥考奉大母
自喜投閒馭板輿我思親在資祿養未免王事勞戰掌
由來忠孝難並圖不如歸去專事仰司寇歸養垂十年
母執婦道罔勿度長公于今亦是中心愛日何等堅
今年大耋稱燕喜人倫聚順疇倅比堦前五子戲斑斕
下孫繞瑤珥間里姻婭盡歡歌陟綿椒衍盛絲蘿

綺綾芍醬滿庭實李家將酒魏家配我看南山南北山
北靡勁草零嘉木碩果不遺文鸞罷咏仙葩奚采野鹿
徒躅惟有寒松堂上春紺霜絳雪蒸鬱燠

王母李大孺人

絳雲繚繞似樓臺繡幌高懸母範推孝水早從慈水出
萱花長共堇花開麥新勝進雕胡飲桃熟宜添瑞露醅
戲綵正酣旋捧檄德門原自鬱三槐

吳母金安人

西華紫氣靄森森母揖羣真恰是金譙國山河綿象服
延陵聲悅嗣徽音梅花十月知光綻栢酒千春取次斟
更喜萱庭多寶樹風吹環珮韻璚琳

詩集卷五

酉

龍母郭夫人

坤儀端合歲華長彤管爭傳炳豫章吉字溪流原漱灑
龍光門第舊輝煌煌紫黃色老胥供佩黃菊香清正奉觴
善御潘輿傳駕部斑斕亞子更飛揚

王母李夫人

仙李根從天上來蟠桃況復母親栽錦璫預設迎春幄
煖玉爭擎獻壽杯天姥投壺紅雪舞皇娥拊瑟紫雲開
即君官貴分中外次第承恩鸞詔回

史年伯母吳太夫人

石渠舊業炳丹鉛恰羨慈徽毓玆天機抒龍文原在手
霞鳳彩早飛肩識高不貴投金瀨德厚應償種玉田

從此恩綸未盡起居纔喜及耆年

其二

安與翟弟未迎將端愛鄉園課拓桑蓬
雖豐辭學士萊衣正麗試諸郎水澄千里
尊羹細風淡三秋黃佩香強飯雕胡慈色
好棗紅黎紫萬珠璫

鄭母葉夫人

光耀南陽寶婺星于歸通德樹芳型
牙冠嶽嶽欽嘉耦麟角戔戔羨寧馨
白髮相莊娛綠野青雲爭附繞彤庭
恰逢勾漏啣新命好煮丹砂駐百齡

孫年伯母夫人

邦水遠遙溯漢江祥連千里織濤瀧
星雲喜鼓皇娥瑟

詩集卷五

五

黃菊香開玉女窗鸚鵡洲前詞似錦
鳳凰池上筆如杠母儀彤管書無盡
遙看歡承王母缸

甘母程太夫人

孤忠烈烈峙滇黔巾幗持危勇更沈
碧血淋漓光汗簡青燈嗚咽炳瑤箴
靈椿怡蔭萱葩茂寶婺長輝玉樹森
色笑豈緣斑綵戲平反深慰白頭心

鹿年伯母張太夫人八十

閭苑秋清會上仙喜看金母岳圖懸
脫簪龜勉成夫志畫荻恩勤故後賢
栢府飛觴稱八表瑤臺獻菓紀三年
筵前恰奏霓裳曲又聽鸞音發九天

劉門伯母房太夫人

淮南世閥懋徽音婦道母儀擅女箴
梁國高風傳蘊玉彭城貽德佐投金
欣看驥子翔華省又羨蘭孫馥上林
最喜小春添美日雲璈縹緲和仙禽

劉母朱太夫人

霄漢星垂寶婺輝祥光霽霽繞慈闈
挑燈詠史追前烈設絳傳經敬後徽
紅葉花隨高燕爛紫泥恩逐綵雲飛
華堂勝事真堪羨豈獨盈階盡錦衣

劉母陳太夫人

彤管流輝冠古今夜香臺築舊知音
栽成庭樹行行玉博得繪章字字金
期東煥爛疑閨苑朝桃芳馥類璫林
堦前衣繡承歡舞不負劬勞一片心

詩集卷五

六

蔣母熊夫人

西池開壽域南岳紀長生碧落雲璈
細瓊林寶瑟清烟霞浮錦幌沆瀣溢
瑤觥天姥峯原峻皇媼石自貞形編
垂禮法紫誥荷恩榮慈竹春陰滿靈
萱瑞氣盈鸞坡衣是綵花縣樹爲瓊
共效期頤祝援毫和鳳笙

史年伯母吳太夫人七十

黃菊九秋新瑤池壽母辰使星初照
里學士正寧親曲奏簫吟鳳筵開
脯擘麟稱觴歡四世簪紱勝荀陳

其二

鍾郝微型遠韋陶懿澤長仙顏恒不老
彤管久餘芳橘似冰桃艷魚同雪藕
香起居欣強健壽域是神光

王中丞年伯母任太夫人八表

八表思齋義太任瑤池親降祝徽音
裁成庭樹行行玉傳得綸章字字金
天姥投壺紅雪舞皇娥拊瑟紫雲森
錢塘萬頃歡聲溢不負劬勞一片心

沈母朱夫人節壽

紫陽閨秀紹儒風誓柏貞心千古同
恤緯奉姑晨汲鯉傳經課子夜丸熊
已看卿寺插班綵更觀庭階馥桂叢
四一堂開歡介壽浙西寶婺燦長空

任母史太夫人

北堂紅草盛丰茸繡戶簾前花影重
懿德好書添女誠祥雲瑞氣捧階濃

詩集卷五

七

朱母程宜人七表

黃山高與采雲齊鍾秀名媛表碧閨
堂上留賓稱湛母簾前舉案羨鴻妻
行隨花縣看紅艷拜受金章啟綠綈
桃核仙盟千歲在壽筵遙望晚霞西

汪母邵夫人五十

男兒出尋師間關輕萬里有成學乃貴
中道烏容已綢彼樂平妻大業勸夫子
斷機引刀譬忍把成功毀九仞一簣虧
慎終當如始聖賢豈異人何況拾青紫

汪母夫人

慈竹檀栾瑞霽敷郝鍾禮法本來殊
向時漁釣猶相對此日潘輿喜共扶
天以百年娛鶴髮人從五色慶鳩雛

靈山青鳥能傳語道有新添燕喜圖

葉母張太夫人

一部雲璈集錦筵紫芝初發曉風前
試看堂上坤儀厚目有堦前令子賢
滿室坐來巖嶺客盈庭爭拜鸞峯仙
板輿會向南州去沅芷湘蘭吐瑞烟

俞母仲太夫人六十

錦堂設悅彩雲重翟第魚軒奉女宗
解珮昔曾襄鳳沼和丸今更對鰲峰
親承北闕宸章錫貴勝齊廷石卯封
周甲稱觴歌壽母桂花香泛紫霞醺

吳母太夫人

南國羣稱壽母觴小春天氣早梅芳
里占寶婺輝刊水

詩集卷五

七

脯擘金麟佐錦堂不數薛家三鳳彩
略同竇氏五株香只看極品鸞書重
會見年年行發長

周節母韓太君七表

寶帙初開第七旬雲璈聲裏玳筵陳
尊前介酒笙馱鶴膝下含飴脯壁麟
尚憶栢舟堅夙志佇看榆翟賁新綸
分甘自愛芝蘭繞不羨金芝號養神

贈汪氏烈女

鬚眉潦倒孰難降氣震乾坤羨綠窗
豈待逢鴛思合顰已成單鵠願投瀧
益山泉上原無匹灞水津頭幸有雙
不見素馨花尚在香港風習習滿珠江

德生堂詩集卷五終

德里堂文集八卷續集一卷河工集一卷詩集五卷

巡撫探
進本

國朝許汝霖撰汝霖字時菴海寧人康熙壬戌進士
官至禮部尙書是編文集目列十四卷而十一卷
以下有錄有書注曰以下嗣出又目列卷九爲課
士條約卷十爲河工集而書中九卷題曰續集河
工集則自爲一帙不入卷數且書有刊刻未完之
處蓋初刻未校之本故體例不畫一也詩集五卷
而分爲八編曰祥獻集曰應制集曰永衡集曰使
旋集曰河干集曰還朝集曰歸田集曰酬應集汝
霖才思富瞻集中諸體皆備然如河工集內批高
陽水災詳文云仰速行確查候撫部堂批示繳之
類僅十二字亦列之集中則授梓之時舉其平生
手蹟一字不遺未免不能割愛耳

素巖文稿二十五卷

〔清〕王詰生撰

北京圖書館分館首都圖書館藏清刻本

附《四庫全書總目·素巖文稿
二十六卷》提要

素巖文稿卷一目次

策

殿試策


賦

聖駕南巡省耕賦 有序

恭紀

賜御書恭紀

素巖文稿卷一



殿試策呈進

第二甲第六名

對臣

聞古帝王之紹休烈而撫海宇也大一統無外之模而有圖幾於至要者在審民風之所嚮而行其鼓厲之權立萬世無疆之業而有善建於不拔者在審國計之所關而用其綢繆之意民風厚故禮教明而廉恥奮不流於奢靡怙侈之漸而率作倡興之有具道德所以大同也國計周故人事盡而天休應不狃於因循苟且之見而禦災捍患之得宜川嶽所以效靈也是以古之善治天下時時當全盛之時彌切圖寧之念四海既已乂安矣而宮庭之際動色相告者惟此興仁興讓之圖百度既已畢張矣而堂陛之間疇咨岳牧者猶然已溺已饑之慮明倫弼教基

書文稿卷一 殿試策

一

萬年有道之長平地成天底垂世永垂之績一時君臣相與早作夜思鼓舞淬勵務各振其積玩之氣而力行其可久之業一德一心以贊襄至治無怠無荒以勉彊有為此固有其大本存焉而非區區法制禁令之所能為也欽此

皇帝陛下

元化覃敷

聖暢

建正直蕩平之極調玉曆於靈臺

集詩書道德之成振金聲於義府

寶籙特開芝檢宏謨仰讚顯承肇百禩璇圖

瑤章屢上椒宮懿德丕昭尊養備萬方玉食

勝策獨籌於衽席疾雷掃而三葉遂平不特神稱大禹武擅成湯

泰交共慶於堂廉湛露普而百僚式序足使歌繼虞廷宴同端室固已體仁孝於不匱樹功烈於無前矣猶進臣等於廷策之以人心風俗之原明禮興讓之實而兼及於重天儲禦民患煌煌皆根本之謀臣愚何足以知雖然聞古之帝王撫有萬方貽庥并禩無不以興起德化移易人心為首務而至於軍國之需漕輓之計亦無不殫心經營而嚮者四方多警

廟堂之上宵旰憂勤未暇及萬世之業雖有型仁講讓之術難與我民相表示而一切大興大革創造艱難之事無能為

書文稿卷一 殿試策

二

國家計久遠者賴今

皇上神威赫濯海寓蕩平梗化者授首慕義者革心行將銷烽息燧興禮作樂嘉與斯民回心嚮道馴致唐虞三代之隆更與二三大臣講求政務舉

國家艱鉅之業一朝而脩飾之誠千載一時也臣雖固陋敢不竭其管見以對揚

休命於萬一乎聞上有教化而後下有風俗風俗者成之自下而實倡之自上者也故孔子曰君子之德風漢儒亦云上以風化下其感導之機如影之從形響之應聲積漸成習而不可變及其弊也上之人欲一旦更易之而有所甚難今天下風俗之弊亦甚矣然臣以為風俗之弊在下者

易治而在上者難變下之弊在奢淫澆薄者其害小上之弊在委靡苟且者其害大弊在奢淫者救之以恭儉弊在澆薄者救之以醇良而至於委靡苟且則中於人心之不正成於廉耻之不興非漸磨歲月潛驅而默導之未易改也夫天下之宜重者道德而富貴之念有以奪之天下之宜明者是非而利害之見有以動之富惟恐其不溢貴惟恐其不極見利則趨見害則避於是恬退者轉而奔競矣侃直者轉而容悅矣強毅者轉而選懦矣相率而為委靡苟且之行以至是非倒置道德凌喪浸淫至於鄉黨里巷之間重勢力而薄名分輕禮讓而趨貪鄙孝弟之行衰而敦樸之風遠所謂上有好者下必有甚焉者矣臣以為救

書卷一 殿試策

三

之道在乎興教化而明義利義利者人心風俗之所關不可不辨也昔孟獻子懲專利而揭官箴有不察不畜之訓大學引之以為戒而董子亦云皇皇求財利者庶人之行也皇皇求仁義者大夫之行也蓋持世之責嚴於有位而民可不犯矣

制策所云閑情節性坊表斯民之具或在於此而其本尤在皇上以整齊之法行鼓舞之意重祿以養廉興禮以教讓使天下皆知賢人君子之可為而移風易俗之原不外是矣若夫河之為患甚鉅而治之宜甚急

皇上特命河臣專意經營所請之費至二百五十萬不為不多矣所限之程以三年為率不為不久矣乃此防則彼潰費

多而效寡何哉臣以為治河之道當相天下之大勢而統觀之未可斤斤於一隅之地補偏救弊已也夫以數千里之河奔流湍悍一淮固不足以受之而自桃宿清河以下河身高墊幾三百里治河者不知下流之宜濬而徒致力於決口之宜塞無怪其堵於南旋潰於北也昔元臣賈魯詳言疏濬之法以為水有所通則不至潰決而無所歸此理之至常不待知者而明我

國家誠不惜重費不畏浮議於下流之淤塞者疏之於支河之壅積者濬之使水有所納而決口自分然後徐施堵塞之計則用力易而奏效速庶幾上不梗運下不病民有如制策所云者若夫擇人而治之懸之以重賞儆之以嚴刑懲其

書卷一 殿試策

四

破冒核其開銷則尤在

皇上慎重而鼓勵之已耳凡此二者臣敢因

聖策而盡其愚若夫治天下之大本未有不君臣合德而可以致治者未有不精勤明作而可以有為者是以古之帝王凜日中之戒履未雨之謀其治天下如朽索之馭六馬故上下交相鼓勵而百度具舉今天下進言者皆曰已安已治矣上下之情或不若前此之憂勤而惕厲也臣願

皇上獎公忠之節以振其頽靡賞謇諤之風以懲其唯諾化畛域之私以導其和衷破庸俗之見以鼓其任事使在廷諸臣皆得盡其才行其志而我

皇上復躬行而倡率之以居敬存心以設誠制行慎起居謹出

入從容講論於廣厦細梅之上而德日崇業日廣矣勤名
對遠近習朝夕延訪於賢士大夫之前而史誦詩士獻箴
矣考經傳以鑒其身心討羣史以權其得失究心於堯舜
湯文之道研精於孔孟程朱之旨而廣博聞見不足二學
文墨詞章不足為好矣庶幾明良交誦而綱紀畢張於以
開久安長治之業其在斯乎臣草莽新進罔識忌諱干冒
宸嚴不勝戰慄隕越之至臣謹對

書卷一

殿試策

七

聖駕南巡省耕賦有序

皇帝御極三十有八年萬方其靖九有咸寧文德誕敷武功丕
振

天威所至絕徼肅清驗風測海之邦浮竹扶桑之境罔不悉臣
悉主受隸來王固已歸馬囊弓勒銘鑄鼎皇矣唐哉萬世
太平之象也迺

臣之請

深宮注念常廩民瘼惟是河淮未安用切儆余期底乃績允廷
親臨周覽又念東南輿區田功未即時惟春也式導省耕之典
乘輿未動先渙德音布告中外禁騷繹止警蹕務令市無遷
肆壟不輟耕與吾民相見吳中黎庶兩迎

鑾駕又十年於茲恭聞

聖諭無論黃童白叟皆欣欣相告曰吾

皇樂豈大澤其將至乎微臣風預載筆之末伏臥草萊歷有年
矣既自幸得瞻觀

天顏又目擊吳民望幸之情歡忭踴躍爰竭愚陋撰省耕賦以
獻其辭曰

粵稽拓辟之敷政兮必敬脩乎民事於惟我

皇之致孝兮籍千畝以供禋祀尤勤恤於小人之依兮德既正
而用利數蠲租而給復兮兆豐年之屢至率土胥沾夫汪
濊兮恩膏倍渥於吳地蓋念納總與納秸兮視他邦而獨
瘁故賚予之詔游頒兮煦育之恩疊被當此殊方之畢貢

今值朔漠之來庭

皇威震於天山之境兮

聖武揚於瀚海之濱固銀瓊白環之威致兮何鵜來鯨至之足云

天子方深居法宮恭已穆清建五有極得一以貞慮一民之失所兮恒日昃以靡寧消兵刑於蒼定兮底府事於平成翕河長瀆未效厥靈灑沈澹災勞於

聖心緬神禹之明德兮曠八載以宣勤在吾

皇之績服兮得不歷九土而時巡於是循覽於河堤親行乎洲於觀淮南之巨浸慮黔赤之為魚勦版築通輓輸防泛注疏停瀦拯七邑之波臣得安田畝復窮簷之遺址永冀厥

雲嶺集卷一 賦

十

居蓋非常之原黎民是懼萬世之功

聖神所厝期永遠於一勞信

皇衷之獨悟既博謀而善成自地靈之協助於斯時也竹箭之流浩浩桃花之浪溶溶圖有蘭葉之瑞歌非瓠子之風匿負薪之徒勞慶錫圭之再逢從臣颺言而稽首百姓忭舞而呼嵩

天子則又仰星日而推時序俯溝塍而念田功惟江南之民火耕而水耨兮故獨軫切於

宸衷指綺陌繡阡以在望兮十千惟耦於其中因是造舟梁而東渡濟大江以乘龍戾闔閭而

駐蹕快億萬之吳儂則見夫瑞氣雲馳歡聲雷動九華之燈

夜懸百和之香微送綵梅被明月之珠錦帳綴瓊枝之鳳陳珍實於中庭奏琴箏之雅弄非敢娛

天子之觀聊以明野人之貢我

皇曰吁吾無用此慨爾俗之靡靡兮恒中虛而外侈競浮華以趨尚兮問蓋藏之餘幾示儉德以相先兮不殫物以飾美期懷忠而抱璞兮登斯民於上理際青陽之東作兮宜及時而舉趾紛盡力於南畝兮毋營心於末技爾乃降雲車撤日羽御輕舟鼓柔艣度山津遵水滸咨保介迂曰祖觀戴勝之羣飛聽倉庚之對語朱旂搖曳於楊柳之煙翠蓋沾濡於杏花之雨

天子於是辨種稂之嘉種識高下之殊宜驗土膏之異等知則

雲嶺集卷一 賦

八

壤之有差惟揚州之田下下兮厥土至今惟塗泥成賦一稟於禹貢兮歷漢唐而不移至於宋為已盈兮迄明時而什倍之征輸遂甲於天下兮三百年以至於斯賴

皇仁之愷悌兮弘蠲貸以恤窮黎屢降

旨而求故籍兮追均平之舊規將施湛恩於浩蕩兮起積久之癘瘼父老咸扶杖而懷思兮覲大澤之在茲仰

慈祥之首出兮值千載之一時幸天高而聽卑兮雖呼籲其何辭洵一朝而更始兮與覆載以同期若夫蓄泄惟時旱潦

宜備徑途存溝遂之形疆理定南東之界惟吳依山澤而為藪兮引江湖而成帶恒注水以灌田兮亦有利而有害

自三江之底定兮瀦震澤而為漚迹入海之故道兮以吳

淞為要隘乃歲久而漸淤今絲菱蘆而聚簪彼尾閭之壅

噎乎將中黃其必潰其餘通江之小水兮多積泥而累壘

有桔槔而難施今何所資其灌漑

天子固嘗命守臣而閱視尋百瀆之流派今也紆

睿覽而興思起滄桑之餘慨軫機穰之勤勞寓綢繆於積塊創

東南之弘利伊萬世之永賴由是東菑返駕南服迴車田

畷獻兩岐之瑞農官進千石之書

天子方且齋心於行殿端拱於精廬詠幽風之什披無逸之圖

開敦龐之大訓追淳樸於古初采惠農之實政考行慶之

令模幹止計及於萬禩膏澤不遺乎一夫邁夏王之遊豫

與軒后而為徒是以祥徵於鳴鳳應協乎騶虞或頌九如

才學多稿卷一 賦

九

於姬世或宣三祝於堯衢斯實振古無前之曠舉兩間再造之弘模也乃作頌曰

惟天穆穆惟皇肫肫天高地下醞為至仁昀昀原隰民食

所憑滔滔江河地脈所乘于以奠之利涉攸行于以植之

嘉穀斯登皇道作止天道屈伸作之者何利用厚生止之

者何省徭薄征帝命率育粒我蒸民

聖人握機默運至神非愚可測非德可名巍巍蕩蕩萬世永清

賜御書恭紀

歲癸未為

皇上御極之四十二年春正月以現河南巡行幸吳越於

二月初九日至鎮江臣詰生同在籍諸臣迎駕毘陵驛

上問名諸臣一一口奏十一日駐蹕蘇州十三日幸浙二

十日還吳有旨命蘇州在籍臣各獻字臣詰生恭頌七言

詩四句書箋以進踰時出御書二十幅分賜諸臣詰生與

馬祗領謝恩訖翼日迴鑾臣送駕射瀆又翼日捧御書歸

里什襲以藏於室明年五月建亭宅之東阜敬摹天章勒

諸琬琰雲輝日麗照耀蓬華臣詰生迺稽首頓首颺頌

聖德以誇榮於閭里以垂示於子孫粵惟我

素歲文稿卷一 恭紀

十

皇上神功廣運文德誕敷漸摩潤澤於海內者四十餘年矣而廟堂之上日夜孳孳惟以吏治民生為念因之天下

無事人民安樂

皇上得以其間從容文史之娛與二三儒臣講藝論文日

不暇給而即此肆觀餘閒猶不忘乎翰墨且澤及休沐之

臣焉其亦可知

聖學之勤帝德之廣矣如臣詰生一介之微猥蒙恩遇亦

得備員詞館而以烏鳥私情請休垂二十年方以遭逢聖

世未效涓埃之報心懷愧恥迺今得於田間望幸之日觀

仰清光叨承寵錫感戴曷有極也會石刻告成恭紀以誌

聖恩又竊以自幸云翰林院編脩臣王詰生恭紀

素巖文稿卷二目次

論

無欲故靜有主則虛論 館課

書義

吾十有五章講語

君子無所爭章講語

圖說

志矩齋讀書圖說

質問圖說

記

重建郴州濂溪書院記

素巖文稿卷二目

文星閣三先生合祀祠堂記

崑山縣漕糧德政碑記

鑾隱小記

無欲故靜有主則虛論 館課

知天地之化者可與證人心盡人心之用者可以參天地
天地之化晝夜不滯其機四時不忒其序運會不爽其期
無一息之不動也而至於百物生萬象備極天下有形有
色之類具足於其中又無一理之不實也天地果何所恃
以不敝於千古而為萬物之主宰哉嘗觀易書之論天地
矣曰夫乾其靜也專其動也直是以大生焉夫坤其靜也
翕其動也闢是以廣生焉又曰神也者妙萬物而為言者
也可見天地之化不有以包含蘊蓄於未動之先必不能
發揚振盪於既動之後而究其動也屈伸因乎萬物而化
成於無心故天下之至靜至虛莫天地若也而得天地之
心以為心者苟不全乎靜虛之體其又何能成位於其中
而無愧也乎此周子程子之說所以不可易也今夫人之
心本至靜也喜怒哀樂之未發謂之中其時寂然不動而
萬理皆備故曰中也者天下之大本也聖人常存此中故
發皆中節而賢人以下則有移於物感之私動於利害之
見以至情相求智相取使其心放逸而不可靜者則皆欲
為之也反而思之又皆吾性之所本無而不可以徇也誠
浩浩焉落落焉心一於理而不雜乎氣稟之偏物欲之蔽
舉天下得喪欣戚窮通生死之見皆不足關其慮而又何
能擾其靜正之體哉此周子之說也然而天下之人亦有
知存心者矣恒苦於紛擾而不能制或制於前而復縱於

後也制於此而復萌於彼也終日求靜而不得靜何哉以心之無主故也蓋嘗觀天下之勢主者常在內也故可以御外主者常居尊也故可以令卑今以一身之大而所主不存焉將使耳目口鼻四肢之用各得自便以遂其私而縱天下聲色貨利之物爭相進退以據吾方寸之地蓋此心之不虛亦甚矣今使卓然其精明毅然其堅定以吾心超然於萬物之上而五官惟我用不為五官用也百體惟我役不為百體役也彼其可以誘我情亂我性者方且潛消隱遁而不知所往焉故曰虛也此程子之說也夫兩賢者亦各自道其所得而要之靜者未有不虛虛者必由於靜他日周子又云無欲則靜虛而程子每見人靜坐則歎

素庵文稿卷二 論

主

其善學蓋聖賢之學其同條而共貫者有如此而至其入道之功則惟一主於敬而已矣夫敬則一念不起可以禁百邪之來而欲於何有夫安往而不靜敬則一理常存可以制吾心之往而主自我立又焉往而不虛蓋內無越思外無妄動敬之大端也循其端而內外交致其功是所以致靜虛之本也然而天下之寂滅以為靜清淨以為虛竊其說以行其教而適以病吾道又不可不辨也蓋天下之理靜者其體動者其用虛者其氣實者其理彼夫絕動以為靜者無論動不可絕即此厭動求靜之心已與無欲之旨相戾而離實以為虛者又茫乎若捕風捉影至於窮渺恍惚而無所主是又與於不虛不靜之甚者也後之學者

得聖賢之道而慎守之自強不息未始一於靜也篤實輝光未始淪於虛也然而創建非常行所無事酬酢萬變無與於己蓋不絕動以為靜而乃真靜也不離實以為虛而乃真虛也其與天地之屈伸變化於古今上下之間而不窮其用者何以異故曰知天地之化者可與證人心盡人心之用者可以參天地也

素庵文稿卷二 論

主

吾十有五而志於學章講話

此章書是聖人歷敘生平得力之處以告人其中淺深次第須體認得分位親切又須尋究出工夫本領果能念茲在茲纔是志學果能見真守定不為外物所奪纔是立果能於事物當然之理見得分明於事物所以然之故悟得了徹纔是不惑纔是知天命果能即心即理與天為一纔是耳順纔是從心所欲不踰矩這分位要體認得親切然此等皆是成功名目其中節節有工夫在即如志於學孔子當下實見得聖人可學而至到得所以立自有操存持守工夫到得所以不惑自有探索研窮工夫即至於耳順從心所欲不踰矩地位大段著力不得也脫不得涵養聖

素蒙文稿卷二 講話

四

人雖生知安行也只是較常人不甚費力其中與年俱進自然學力到則造詣深語語是實故程子謂孔子自言其進德之序如此聖人未必然但為學者立法而朱子則曰聖人雖無積累之漸然其日用之間必有獨覺其進而人不及知者竊意朱子之論較程子為更實也至於吾輩讀聖人書宜逐字逐句體認到身心間如今日講此章書不惟要看得聖人分位分明直須勘到自己身上能一一如聖人否凡今日羣聚一堂之上年齒不齊有才過十有五者有三四十者有不止四十者須各自猛省十有五者能如聖人志於學否不能則虛度此十有五矣三十者能如聖人立否不能則虛度此三十矣四十五十者能如聖

人不感知天命否不能則是四十五十而無聞矣即使將來到六十七十斷斷不能如聖人之耳順從心所欲不踰矩豈不是虛度一生只看聖人學問與年俱長或十五年一進或十年一進隨時變化光景日新吾輩何嘗無此歲月只是悠悠忽忽終成故吾今且勿講到耳順從心所欲不踰矩地位立與不惑是吾輩今日事自問果能持守堅定不動於富貴不移於貧賤不懾於生死否程子曰立能自立於斯道也有得於道纔能自立否則鮮有不仆者自問果能事理洞達無惑於是非無惑於疑似否朱子曰於事物之所當然皆無所疑說一箇當然是事物本具此理本無可疑但人蔽於欲而不能明人自惑之耳立與不惑

素蒙文稿卷二 講話

半

如此之難眼見得三四十無有造就要其病正由從前志學工夫未能透徹夫人當十有五時智識初開意向方定亟須講貫立志學者誰則無志試問志於何屬志不於學則於功名富貴矣聖人十有五而志於學今人十有五而志於功名富貴聖人志於學便從志學加上無窮工夫由此而立而不惑而知天命而耳順而從心所欲不踰矩一層高一層是君子上達樣子今人志於功名富貴亦便從功名富貴加上無窮智力無窮術數亦是與年俱進到得三四十時所以圖功名求富貴者愈工愈巧直至老而不衰所謂日流於汙下是小人下達了志向一岐所造懸絕如此豈不可哀可懼今日吾輩奉聖人之教幸得

明師良友講習討論於一堂之上誰不自命為志於學者然於聖人之道尚是背馳何也只緣於志學志字看得不透先儒云志字最有力如飢之於食渴之於飲纔有悠悠便是志不立又云志乎此則念念在此而為之不厭如此看志字何等懇至孔子當下信得聖人可學而至故志一定不可移易其學為聖人工夫一生做不盡直做到七十纔竟其學為聖人願力當下已定自三十至七十許多造詣都已抱負在十有五之時任重道遠如此不得不勇猛精進欲一刻放下不得然則今日欲學聖人之學浮慕二字斷來不得或以講學為可美之名而聊且附會者或迫于父兄師長之命而勉強來學非中心悅而誠服者不是

素蒙文稿卷二 講語

好名為之便當一件公事了結請各自猛省于自己身心有絲毫受益否於先生倡興正學教誨諸弟子初心有相印合否只緣於志學志字看得不透連學字亦認得不清何也先生今日所講之學即是聖人當日所志之學此學非形跡所能塗飾非口耳所能傳述胡氏曰聖人之教亦多術其要使人不失其本心而已此句直抉聖學宗旨試想聖人之教要使人不失其本心則今日學聖人之學者豈是悠悠泛泛浮慕好名從形跡口耳間可以勉強造就得來吾輩講論一堂領受先生之教在此今日體發先生之教不專在此今日聖人之教顏子與言終日而必退省其私然後信其亦足以發可見學者誠有志聖賢必須於

日用事為間沈潛體察勇往克治使本心不至走失方是志學真工夫否則一暴十寒一傳眾咻以講學為具文而絕不知吾心為何物治吾心為何事大有負於先生之教矣可不戒諸

素蒙文稿卷二 講語

君子無所爭章講話

此章書時說謂當看所爭所字所字有著在事上講者如人未忘乎利則所爭在利未忘乎名則所爭在名未忘乎事功則所爭在事功君子於義利之介辨之最明爭在利者無之程子曰為名為利清濁不同然其利心則一可見君子務名之戒甚嚴爭在名者無之君子何嘗不有事功但大公應物功不必自己出尚書所云不矜不伐天下莫與爭功能者爭在事功者亦無之不著一事何處有爭先儒所云立身於不競之地是也所字有著在心上講者凡人有爭雖因事而發其實是不忘乎物君子之心于物無乎不忘故雖有可爭之事遇君子而皆化即達而為君

素藏文稿卷二 講話

九

國窮而為學術勢不得不爭要如古人所云正殿如虎下殿不失和氣又孟子所云予豈好辯哉予不得已也其所爭在事不在心在義理不在意氣胸中仍是空空洞洞浩浩落落無纖毫芥蒂于其間也合事與心講君子無所爭之義已盡下文引射正以深明君子之無爭不消講得但吾輩讀聖賢書須要討一親切下手處如讀此章書畢竟要尋究出君子無所爭本領在何處且體勘得吾輩所以不能如君子之無爭受病在何處註中言君子恭遜不與人爭恭遜二字自是無爭本領但說得圓圖未見親切下手處竊嘗因射而得其意射為六藝之一是小學中事聖賢往往比之於成德中庸素位章引夫子之言曰射有似

乎君子孟子亦云仁者如射而射之所以似君子則曰失諸正鵠反求諸其身仁者之所以如射則曰射者正己而後發發而不中不怨勝己者反求諸己而已矣竊謂正己反求是君子無所爭本領而吾輩所以不能如君子之無爭者受病亦正坐不能正己反求之故何也正己者無求於人無求則無怨無怨則爭端自絕蓋正己之功難盡即素位章言之富貴有富貴之已貧賤有貧賤之已患難有患難之已推而在上位有上位之已在下位有下位之已人各思正其己自然精神智慮都收攝到自己身心上何暇與人爭且人之不正人自有咎與吾無與又何所用其爭所以無爭本領全在正己上若己已正矣宜與世不相

素藏文稿卷二 講話

九

忤或有橫逆之求咎當在人不在君子然而君子必反求諸身者君子總見得正己之功難盡平日所自勵于身心間者正欲于身世相遭自驗其學力之到否若一有拂意之加便焦然不能自安責人無已則平日正己之功謂何所以必要自反纔做得正己工夫完滿孟子曰有人於此其待我以橫逆則君子必自反也我必不仁也必無禮也此物奚宜至哉其自反而仁矣自反而有禮矣其橫逆由是也君子必自反也我必不忠自反而忠矣其橫逆由是也君子曰此亦妄人也已矣如此則與禽獸奚擇哉與禽獸又何難焉夫君子本是以仁存心以禮存心者其於愛人敬人之道平日體之已盡然且橫逆之來必反躬自責

一而再再而三惟恐己身有纖毫不盡心不盡理處以冀得罪于人何敢遽以妄人目天下直至反己自問毫無缺失明知其人之為妄而亦終不與之較則始終一正己而無求於人心事如是又安得有爭今人平時不能盡正己之功一旦橫逆之來或其自取而又不能自反以曲于人而以直自與其爭曷有已時夫爭之害不可言也其端起于一人一念之微其禍極于天下國家之大在下位者見於語言文字之間患貽於學術在上位者成其玄黃水火之勢害中于國是漢唐宋明以來已事可鑒矣士君子苟能體正己反求之訓以杜其源而絕其端所全不已多乎所裨不已大乎

志矩齋讀書圖說

歲丁巳喆生應京兆試受知南昀夫子冬歸謁太翁先生於里第時先生方闡明程朱之學興起後進喆生雖謏劣亦與聞其教嘗示論學之書娓娓盈牘喆生每誦不忘觀省以至於今年己卯吾夫子示以志矩齋讀書圖命為之說時先生歿已十年矣先生自少至老一志於讀書於七十之年頽其齋曰志矩其歿也吾夫子以寄其哀慕之思於是乎有圖喆生瞻觀之下恍如曩之親侍先生承其教者既悲思感悼又仰先生之學之正而勤可以垂之於後為千百世學人之準也故不辭愚陋為之說曰學者當以聖人為法也聖人又何法法天而已故先儒之言曰士

希賢希聖希天矩也者天之為也從心不踰矩則人盡而合乎天矣人自受中以後與天非有二而氣稟習俗雜焉而起有我之私故與天漸遠而馴而致之至於不可問則蕩然於矩之外而天理無復存焉矣志於學者去其在我之私而天理自見凡一事一物莫不各有當然之則順而應之所謂克己復禮是也先生志在於矩而尤致力於程子四箴其切於事天者乎而或有謂聖人之志在十五之年先生至七十而始志焉惜其已晚不知聞道有早暮見道無異同學者誠能見此矩也持此志也孳孳不息死而後已雖不能至於聖人亦庶幾乎賢矣衛武公耄而勤於學抑之所以戒也先生殆其人乎喆生志荒學惰負

先生之教已多近者吾夫子林居多暇方韜精鑢華扣擊性命之旨道味日以深矣詰生幸得時時受誨退而自省於天人之際略有見焉謂可與志矩之義有相發者聊識之如此先生往矣無能以相質尚冀吾夫子之教之

質問圖說

呂子德煥少從游吾師孝定先生服其教者二十年先生既沒弗敢忘也命繪者貌先生於尺素而已侍其側執經請業如平時名之曰質問圖以示余屬為之說余惟師弟子之義尚矣昔人重之以傳道解惑而其取益也於問為多蓋學者不能無疑而不通則問問而後教者有以析之理由以明而業由以進此不特弟子之賴有師也亦師之樂有弟子也蓋相長之益亦由問而發故孔子曰起予者商也聖人且嘉歎焉況其下者乎自先生之存每與門人講論必曰孔門弟子善問蓋惜門人之不能問也而至於今先生往矣即有能問者何從而質焉詰生蓋深悼今日憤悵之情無由啓發而瞻斯圖也猶得想見往時質問之樂呂子當此何其幸與吾且不知呂子所問何語而第由今日繪圖之意思當年請益之情設使先生尚在吾知呂子必能往復論辨發先生起予之歎如卜氏之於先聖者也則有呂子而先生之教固已存矣雖然先生之教豈徒以口耳哉呂子其無忘昔日之問而即以為今日之行踐履深造是先生之教也余尚與呂子共勉之

重建郴州濂溪書院記

自古賢有司未有不以興起教化扶進人材為事者近世
吏術少變號循良者別有事而斯道不講久矣余於郴
州書院之復建不能無慨慕焉郴為楚邊郡地稍僻然舊
志多所紀唐韓文公貶陽山令過此州人慕之為立祠宋
周元公三仕郴陽故建書院於州學歷世久遠祠與院皆
廢即舊址無有存者康熙乙亥秋古堇謝公慎齋除判衡
州不兩月來攝柳篆下車之始設義學集生徒數十人擇
士之有學行者為之師既而訪求遺蹟度地鳩工重建書
院於州城之南並祀二賢命諸生讀書習禮於其中余適
遊嶺南往來於此有生周某李某率其徒來見具言謝公

素庵文稿卷二記

古

所以興起教化扶進人才之事余聞之斂容起敬越一日
登其堂瞻拜二賢見夫庭齋寬靜几筵肅穆諸生攝衣請
見彬彬皆有禮余為之歎息低回不能去今天下需才亟
矣國家郡縣皆有學學皆有官所以育材者甚備而名存
而實亡師道之不立士雖有志其何法焉且夫前賢者後
賢之望也俎豆廢窳簡編零落彼後生小子目不識先儒
為何等而欲其振興於無因之地豈不難哉然則謝公官
郡司馬任非師儒其攝篆也又不久以去而獨能以扶進
人材為事又即以崇奉先儒之典為興起後學之藉其功
不誠偉而其人不誠賢矣乎余因是進周生而告之曰脩
墜舉廢以章前而啓後者良司牧之責也敦本勵實以崇

體而達用者士君子之事也謝大夫意良厚不可以負子
為諸生師其務倡以實學率以至行必如韓子之闢邪崇
正直聲振於朝野而後可以讀原性原道之書必如周子
之靜虛動直默契道源而後可以精求乎通書太極圖說
之奧處為大儒出為名臣柳雖僻小於諸君有厚望焉毋
徒以帖括舉業之文導諸生弋取富貴而已也生唯唯余
退而書為記

素庵文稿卷二記

古

文星閣三先生合祀祠堂記

吳郡城東南隅有文星閣為都人士講習之地始建前明萬曆年間後屢加脩葺踵美增華至今日規模嚴整蔚為勝觀我師南昀先生振興之力居多閣中有三賢祠祀仁簡彭先生在庚午五月祀端仁吳先生在辛未二月祀正誼宋先生在癸酉二月歷有碑記三賢皆居近東城彭吳二先生於文星閣特有勞勩存時率後進講學於斯故其歿門人奉主以祭于其所然特分祀而已至康熙四十九年庚寅四月吾師南昀先生撤其舊宇重建堂室奉三先生之主合祀焉又以三先生之高第弟子六人侑享於旁告之有司載於祀典而命詰生記之余惟師道之重於天

素蒙文稿卷一記

宋

下久矣教化之廢興人材之隆替皆于是乎係故有經師有人師自有漢諸儒而經術顯自有宋諸大儒而人道明二者功雖有間然皆為之師者以倡明聖教為己任訓迪後學孜孜不怠其弟子亦各謹守其傳轉相授受以自治治人故其顯者能闡遺經於千載之下使不失乎聖人之言而其微者又能契心傳於千載之上使共明乎聖人之道教化詳明人才蔚興由此其效也自後世師道不立而教化之責乃舉而歸之於上于是郡縣皆立學又設師儒之官以司教鐸夫化民成俗之事責之有位宜其效至易且速而無如其名存其實亡舉天下之衆無一人立於庠序之間而師儒之選又不得其人甚且大昧其設官之義

教于何興材于何造邪故愚嘗謂有鄉校之設而天下之學以廢有博士之職而天下之師以亡非過論也則夫鄉黨之間賴有經明行脩之士倡明聖教興起後學以師道自任如三先生者豈不足以匡國家法制之未及而贊天地化育之窮為功于斯世豈渺哉而其歿也又安得不俎豆于斯以為來茲勸哉三先生之行誼詳於前記中余小子不能贊一詞也然詰生固嘗親承仁簡先生之教憶戊午已未間先生方講學文星閣非程朱之書弗道也命學者研窮大學中庸二書為指示切要以居敬窮理括大學宗旨以存養省察括中庸宗旨以勤勤懇懇宣示不倦味斯言也先生豈但以經師自命哉吳宋二先生之教余雖不及與聞然吾師已詳語之矣遺型可慕固宜與仁簡先生合而祀之者也祀典之陋吾吳為甚鄉賢之冒濫至今人不屑與伍乃專祠又林立矣要之有關於教澤取重於鄉邦無如此三賢合祠之為允宜侑享者彭侍講寧求湯進士傳渠張庶常孝時張孝廉孝揚鄭進士駟董庶常麒六君子者行誼不必同要皆篤實醇謹有守有為之士惜限於天不克大展其施然固已卓卓各自表見無負乎三先生之教矣宜其後先濟美輝映於一堂也語云師道立而善人多信夫崑山後學王詰生謹撰

素蒙文稿卷一記

王

崑山縣漕糧德政碑記

惟崑山地瘠民貧田多賦重一歲之額徵三十六萬而漕居其半民苦輸將矣又奸胥悍弁因之以爲利百計侵漁而官不能禁亦藉以潤囊橐民由是重困無告者歷有年矣今

天子御極之二年陝西邵陽張公總督漕運吾民方籲請檄行整飭而河南嵩縣王侯適奉

簡命來知縣事下車後百度具張尤洞悉吾民之困於漕特甚治之宜亟慨然以澄清爲已任一歲之中屢集紳耆講求釐正又訪知有蠹於中者必早除之以靖弊源涖事之始先清白自矢不染一塵示端其本然後嚴以行仁斷

崑山縣志卷之七

七

以成信約束縣吏鎮撫旗丁爬梳剔抉不遺餘力彼且奉行之恐後惴伏之不遑無敢踵其弊肆其虐也憲司方按部廉知其狀深加褒美贊行申飭而數十年之錮習一朝盡革之矣侯且號於衆曰吾非獨爲一歲計將貽吾民永久之利歲歲有漕歲歲視此民以是感激懽懽萬口同聲頌侯之德爰勒石以詔不忘屬余秉筆爲之記曰甚哉端本之爲效速也功令凡有漕之地皆官收官兌官收則吏佐之吏舞弊宜懲以法而有時法不能加即加焉而吏不服官兌則軍受之軍肆橫宜懾以威而有時威不能行即行矣而軍不懼此曷故哉母亦有未厭乎吏與軍之心者是在官矣乃今日之官則侯也余嘗與聞乎議侯亦疑吏

之不可任有民收之說矣而格於令也故二十書吏之辦事如故何向者累累其有負而今則脫然無纖芥之遺累也侯又慮軍之不可制有調劑之請矣而非其時也故江淮羣伍之受兌如故何向者桀桀不用命而今則帖然若枕席之行師也然後嘆侯之擇術正而取效神非端其本何以得此哉夫芥千金而不顧履萬鍾其如遺豪傑之志也持之至公以生其明養之無欲以致其剛聖賢之事也彼義利之介廉能之辨士君子所素凜而自入官以後往往溺於所好昧於所從治行之不光聲聞之未達率由於此侯獨異焉故智勇俱奮而興革咸宜以此任天下之事事無不成除天下之弊弊無不去豈惟崑哉豈惟崑之漕

崑山縣志卷之七

七

哉今侯之令吏與軍者有數端曰部頒制斛尺寸不可踰也糧戶自執槩宜奉行之畫一也內扣外加之弊不可踵而行也六升二十三文公費之外一毫不可增也黠尖名色宜永禁也旗軍串通豪蠹以魚肉糧戶必寘之法也凡皆稟上憲之指以著於令者然此治乎漕也而非所以治漕者也必端其本然後可以禁爾吏飭爾軍以惠吾民也余故頌侯之德舉其大者而亦以告後之君子

鐙隱小記

明季崇禎間吾崑有通儒李子柴字牧公者已蜚聲庠序矣值鼎革披剃入緇流改名詮脩號二勝棄家小築於東門外玉柱塔之陰名曰鐙隱地不踰數畝高竹茂林垂蔭左右庭花四時不絕勝公坐禪其中間發其吟情繪事往往奪造化之巧與先君默道人深相契合如弟兄勝公嘗畫瓶鵝示先君先君亦每有筆墨無不請勝公題詠者今藏於笥可把翫也至壬辰先君不祿勝公亦飛錫閩中主雲門南山二席余猶見其在閩時寄詩翰及吾先王父未幾以微疾化去而所云鐙隱雖其徒主之要不能振興後有舍之而去者余每過其廬輒低回憮然感歎云忽於上

素懷文稿卷二記

三

年庚子十月有棘山和尚岍然來顧云將繼鐙隱之席余叩之則云棘山故是閩人其本師為勝公之徒不忘淵源請以繼之余欣喜欲狂而徐叩棘山所出又自不凡棘山出於鄭鄭為閩之望族今時多名賢顯者即棘山亦習儒業年弱冠登孝廉之選才一赴公車歸而棄家為僧時兩尊人俱下世喪葬事畢即飄然為世外游向駐錫北禪寺道行高邁吳之士大夫稱之今又謝北禪而棲鐙隱志更有在不嫌其陋也特有徒數人鐙隱隘思擴數椽以安其衆此易事耳當不值棘山一指余則以其紹述勝公之意為可嘉歎故泚筆記之勝公固非逃於禪者以此顯其大節故為不朽若棘山以妙才而際盛時與勝公殊不類乃

其脫屣富貴有如此意量正未可易測宜必有與勝公後先輝映者豈但幸鐙隱之得人哉余初見棘山語之曰學道如行路不必取一徑但須各自走得到走到時其中同異自了然也棘山以為知言乎則當勉之矣康熙辛丑二月素巖王詰生記

素懷文稿卷二記

三

素懷文稿卷三目次

序

送邑令仇侯序

送郡丞張君錫之任開封序

送劉悔菴觀察之任保定序

贈張孝先中丞序

贈崇明博士郭正宗序

高郡丞玉山頌言序

譚志草小學編註序

徐道積行稿序

屠艾山制義序

素懷文稿卷三

贈邑令王侯序

送縣令仇侯序

侯名士俊字子十保定人
雍正元年崇祀崑山名宦

往嘗語余同年黃枚功云今日仕宦一途惟守令可以得志守令於民最親朝下一令暮設一條利則興害則革在位一日盡一日之心與力無論地之大小邊腹也即或事由上官不得行吾意然固十之一二耳其得行吾意者固多也故今日惟守令尚可為然是說也獨不可以概吾吳焉吳之財賦半天下俗尚奢侈民貧而偷吏加猾焉吾崑尤甚故令是邑者雖奇才異能鮮得行其志自我朝五十年來令不下三十人無得遷者近歲民氣益頓艱苦較他邑獨甚縉紳與官府隔絕則上下之情無由以通黠胥儉壬肆其鴟張賤妨貴小加大名義蔑如矣而保定仇公來

素懷文稿卷三

序

為令適當是時人皆為公難之公則絕不置一官於念其馭吏也嚴而不暴其子民也仁而不柔其視同官也和而有禮廉以持已明以察物簡以行政而無有戾於人情違於時宜者其在位也民皆安之忘其所以治其去位也民皆思之惜其不能久當其操刀而割洞中窺要百度具舉行所無事幾不見有吾崑之難治者及其罷官也雖未盡公之施為然進退綽然公不以一去為戚戚而適若遂其心之所安吾崑之不幸公乃正以為幸也向使公之令吾崑不當是時上下無忌官民兩安公得盡出其才從容展布且與邑之賢士大夫深求密計舉吾崑之大利大害宜興宜革如清田墾荒水利諸大政次第施行垂諸不朽則

公之勲業更有爛焉不尤幸歟奈之何時會其艱公徒以得去為幸公去而望益著才益高異日之功名當益盛於公何損獨惜吾崐之民追慕餘澤悼公之不盡其才而抱無窮之感於公既去之後予是以從父老後送公行為文以序之

送郡丞張君錫之任開封序

瀋陽張公以縣令起家再任州守兩舉卓異授郡丞之職官於吳者三年矣政聲固已騰著八州邑余方養痾杜門槩不通謁官府故從未識公今年春以比糧按縣始接其言論風采果非常人也會兩臺軫念吾邑清田之役亟需釐正疏於朝請以公任

天子可其奏公聞命蒞事博採利病不鄙余虛已下問求所以搜抉隱弊為吾邑建樹不朽者兩月之中殫精竭慮以圖更始有緒矣適河南開封府闕撫臣請擇異材可任者廷議首推公

上特用之公以是當去不終任清田而吾邑士庶咸悵快

失望不忍於公之去蓋吾邑清田之弊已甚自始行迄今二十餘年其力而肆其姦者一細民耳然一細民之力幾幾乎盡一邑之眾罔不陰驅而潛率之將播虐於無告貽斲於無窮天既庇吾崐欲盡反其所為於是兩臺為民請命而又俾公以主其事方幸澄清可以計日而公竟去以大有為之材不克終其事豈吾民之終不幸歟抑天時人事有相左而無相成者歟夫天下之不能有為者當其為之吸吸乎有不能成之勢而惟大有為之材則雖欲為而未為已早知其事必有成方公與吾邑人士慮其始以圖其終也必欲為久遠萬無一失之謀卹卹乎視如其身與其家之事何其仁也且以為事莫善於鄉有其人咨於邑

之薦紳先生擇膠庠之士之賢而能者任之動之以誠鼓之以氣厲之以廉隅灼然知斯事之非其人不任而吏莫能與焉何其知也而且知愚賢不肖之辨洞然於中介然於外諮諏所及苟一言之合乎理中乎情輒和顏受之若恐弗及其非然者即義形於色毫髮不可干以私不可嘗以苟何其勇也夫此三者聖人之所謂達德以為立政之本者公皆有之而公又虛其心下其氣動號於衆曰吾未嘗學也夫不學者而能如是乎哉此清田之事公方欲為而未為而吾邑人士已早知其事之必能有成於其去也所以戚戚而不能舍也雖然余更有說焉夫人之材期於天下用之耳不必計其在地也以吾邑論清田固其大

素懷文稿卷三 序

四

者為公計則開封所轄三十四州縣其事之大有不啻什倍於吾邑者

天子不恤吾邑之一事而畀公以三十四州縣之任固權其輕重耳公出其大有為者以利開封則三十四州縣之被德者以視吾吳八州縣孰多何但一邑而況吾邑之事公能始之必有能成之繼公而任者固亦賢也所以搜抉隱弊為吾邑建樹不朽者雖不在公猶在公也吾邑之民亦可以無憾矣余請急十年落於海濱公特鑒其愚誠而深契之以未得為知已用顧不能無憾焉故於公之行序吾邑之民之情而并道其私如此

送劉海菴觀察之任保定序

康熙三十有八年春

天子巡幸江南問民疾苦且以察吏之良者時文安劉公以兩淮運使除陝西糧道

天子知其材可大用於行在改授蘇松糧道任兩月會屬縣崑山有清田之役中丞念非公莫能成之疏請監督公慨然以為已任條列事宜上之大要以為興百世之利於民官府不得辭勞公家不得惜費請自按部巡行阡陌以察隱弊擇州縣屬吏之能者襄厥事倡捐輸之議出帑任費嚴法禁以抑豪猾之阻撓者中丞可之檄有司奉行崑山之民歡呼載道皆謂是舉開吾邑利害數百世澄清匪易

素懷文稿卷三 序

五

天固將遺公於崑以成茲不朽也蓋公讀書明理夙負經世之略敷歷於外有年矣凡值農田水利有關民生大計者必悉心經畫以底於成茲念蘇松為東南重地歲漕之所入半天下而玩久弊滋多有宜振舉而釐剔之者方欲奮其精勤次第見諸施行以仰副

聖天子軫恤吳民之至意而崑山清田之事固其一也未幾直隸巡道闕銓曹列八十餘人以上

天子特用公公當去蘇松之民皆悵快失望其尤戚戚者崑山之人也則又謂吾邑有事會公之來千載一時而今復去天其終厭此舉乎余亦崑人於輿情尤甚其能已於言乎夫國家用賢以為民也兩漢吏治近古多行久任故

稱職者。屬書勳。勉增秩。賜金或爵。至關內侯。以為吏數易。則民不安。黃霸召信臣之倫。皆以此得盡其才。而潁川之民。猶得借寇恂。一年儻此風行於今日。固吾民之大幸也。且夫豪傑之士。勇於事功。爵祿非所屑也。故有以三公之位。易其一日之建樹。而不樂者矣。以此度公之心。其或不以一歲屢遷為可喜。而以未得行其志為有憾焉。未可知也。乃有為之說者曰。蘇松固重地。直隸不尤重乎。

天子方器公。倚為股肱。遑恤我蘇松也。公之才。行於畿甸。不尤烈乎。其言是也。而獨無解於吳民之戚戚也。又有為之說者曰。以公之才。得邀主眷。巡道不足羈行。即遷耳。天子注念吾吳。凡有闕必簡。篤眷者以來。他時之節鉞。吾

素懷文稿卷三 序

六

吳舍公其誰也。公之利吾吳者。更有進民其無憾。其言亦是也。而終無解於吳民今日之戚戚也。若余於公。非有素也。聞公之名十年。而不得見。比一見也。歡若平生。余忝鄙無所用於世。惟桑梓之念。不能釋。思藉手於公。以觀其成。因得奉教。以盡公之蘊。而今不可得也。於公行摘辭以送之。而戚戚者。不能以言盡。公其鑒之而已。

贈張孝先中丞序

中丞儀封張先生奉命撫治江南。期月而化行。吳民悅之。先生顧有不自得。迺具疏請休。

上慰留。被以溫旨。蓋信之深。任之專也。中朝士大夫無不歎慕。而吳民之被其澤者。捧誦綸音。至於感泣。以為古君臣一德之盛。相遇以禮者有矣。而相知以心。豈易得哉。故有一歲而九遷。有一日而三接。駢蕃之錫。寵遇之隆。多見於前史。而今亦有行之。若夫下之所為。上不能以盡知也。上之所契。下不能以必得也。抱潔清於余影。獨知之地。而九閭萬里。夫安得而見之。彼信而見疑。忠而被謗者。勿論矣。即譴責不加。而獎美無聞。雖有伯夷之行。原憲之節。沒

素懷文稿卷三 序

七

沒於衆人之中者。豈少哉。則夫先生之操行。於獨藏脩於閭而獨能受

聖主之知。且表襮之以示信之有素。任之不疑。使天下之為廉吏者。得以自安。而可無知希之歎。獨立之懼也。豈非千載一遇。而為人臣者。所得於君之異數哉。夫知己之難也。雖布衣之交。一言之合。有終身不能忘者。況其在君父乎。先生為當代醇儒。明於義者素矣。當斯寵也。其必惴惴於夙夜。思以報稱之宜。何如也。余竊為先生籌之矣。夫君臣之交。義主於信。故易之泰曰。天地交而萬物通。上下交而其志同。同志同者。信之謂也。然使上不能信。下固無以屬。臣節而使下不能承上之信。亦無以答主知。故大有之詞。

又曰有孚交如信以發志也蓋惟為之下者感激奮發以求遂其志而後無負乎上之信斯能致大有之治而交泰可成也今先生之見信於上至矣余向者固嘗微窺先生之志而果何以發之哉果何以發之而無負乎上之信哉蓋得君行道以濟斯民者時不可失也特立獨行以維世風者志不可回也衡材嚴賢否之辨救時審興革之宜大臣之務也處艱而不渝其素行權而無拂乎經大儒之學也體天之仁達民之隱以矢臣節以報國恩如此而已矣此之謂自信能自信而上之信於我者亦可無負矣余於先生非有舊也自先生來吳一再見若有深契余固幸先生之遇而更有望焉故為文以頌且自致其忱如此

贈崇明博士郭正宗序

歲壬辰學使者以校士按崑山一郡之良咸集余方抱病杜門謝客而崇之博士郭先生挾刺來訪且示其所以教士者有三刻御製訓飭士子文其一也禮部頒行臥碑其二也朱子白鹿洞教條其三也展誦間余竊異之以為此皆今日博士所不暇省者越一日謁於寓齋見先生之貌魁梧而雄厚聽其言磊落而深遠又知其品之不凡益敬之矣又明日折柬以邀先生不棄余而在駕焉迺得從容講論於樽俎之間溫乎其有容也輯乎其有辭也理明而氣和傑然其為體用兼優之君子也余因之有感矣先生為江左名儒曩者受知當事以選拔入成均譽滿都下一

時名公卿皆招延賓禮相其才望固宜置之石渠天祿間少陵所云金鐘大鏞廟廊之具也乃浮沈二十年始就一官於海之濱寒瓊寂寞不可謂得志於時之所為其能不為先生致慨然余又以為博士非冗官也上以宣聖教而下以敦士風苟朝廷有意於化理之原人材之重則此官不可不慎其選也誠得如先生者數輩參錯庠序間盡出所學以陶淑士類則世道其有賴乎先生勉之亦自盡其職而已先生又語余笈中有青溪垂釣圖先生之照也索余題詠夫青溪居金陵之勝發源於鍾山古之名蹟存焉先生卜築其間寓情於山水可為樂矣惜余未及見其圖有神往焉然而圖也雖出名筆亦僅得先生之似而已

余今已親炙先生佩其言論風采則固得先生之真矣又何俟乎圖也聊識數言以明仰止之私先生不鄙其說即以附於圖末亦無不可

高郡丞玉山頌言序

善頌莫如詩而詩之善頌君子又莫如南山有臺之詩曰樂只君子民之父母夫民不可一日無父母也父兮生我母兮鞠我民無父母則無以生無以養而若君子則治我民者也臨之以威力馭之以法制以為能治我民矣而詩顧稱之以父母何哉是又莫善於大學之言詩矣曰民之所好好之民之所惡惡之此之謂民之父母夫民有好惡但能告之於其父母耳不能為君子言也然而君子已知其所好所惡矣又不啻若其所自好所自惡焉心誠求之殆無異於保赤子者夫是以父母稱之而有不得辭也嗟乎今亦有善頌君子如詩所云者乎抑亦有善言詩之頌

君子如大學所云者乎三韓高侯以海防佐吳郡民樂其賢三年矣會崑山令缺來署縣事未期月而政成崑之人尤賢之而不忍於其去也競為詩以頌之吾不知頌之者其果有當於侯否也而即余之所頌亦有不能盡侯者無已則又以南山有臺之詩頌之蓋民不可一日無父母也而亦有時失其父母是以古之為治者既為民置守令矣又有假有守有攝其名雖異而所以撫之者情無二也譬之父母生子為之擇乳母焉其乳母或以他故去則鄰母代為之乳猶乳母也乃今之任斯職者可異焉其泛泛焉以涖茲土也視吾民類若無情者以為此非吾所素習也亦非吾所久治也疾痛疴癢之情既無所切於隱而張弛

興革之宜亦不暇求其實徒恣其漁獵而已甚則蹂躪之而亦不顧率然而來亦率然而去迨一過焉而民已僊也是何異於強祿之子自失其父母乞哺於鄰而鄰莫之恤又加虐焉嗚呼其亦不仁也已自侯之佐我吳也惠徧於羣邑崑固其所轄而一旦涖止殆復見漢世郡守行縣故事民深昵之而侯視吾民亦肫然有煦嫗之色下車之日集吏民於庭重宣諭之數以凡為攝者之病民如余前所云云而自言其志曰我於此皆不為也已乃嚴立教條與民更始侯又深知夫姑息之不可以治民而務以義行其仁殆有得於家人嚴君之意焉旬日以後次第設施其所行一如其所言禁游惰懲凶暴殲豪強疏寃滯民俗為之

一變而又脩廢舉墜百度具張凡大府檄行於縣一切皆實心奉行不為文具蓋侯之心主於愛民而其才又足以濟之廉潔之操既有以自信而稱物平施又能酌劑於時勢之宜仁而不愚介而能通故所為無不達而民皆賴之迨侯之去也猶懇懇以民事告之來者間有以啓上憲思為吾民經久遠之利其拳拳無已之情不以既去而釋此其父母之心也民於此時苟不盡孺慕之誠其何以安所以寄謳思於罔極申謠誦於無疆其亦南山之志也夫余既老且病無用於世而桑梓之念有不能已每樂得賢侯以撫吾民嘗切切效忠告而亦有不入者惟侯於余則深契相遇在流俗之外古之賢有司無不以得人為事子游

之於滅明其著者也而若不齊之宰單父亦有所謂父事兄事者乃至於今而此風何可得也侯其行古之道乎余既誦南山又為之賦緇衣矣侯諱鈐字重南廂黃旗人家世清華祖父多居顯要先令江華營山二邑又為安寧守皆有聲譽今佐郡亦多善政茲不具論論其施於崑者

譚志草小學編註序

世何以降乎成材之難也才何以難乎學不講也學何以廢乎教不豫也昔者聖人之作易也乾坤之後繼以屯蒙屯者世之始蒙者人之始也蒙以養正則人皆可以為聖而與天地並立為三才此聖人序卦之意也不然則人道廢而天地亦于是乎孤矣學其可不講教其可不豫乎哉子朱子集諸儒之大成於聖人之道無不通故其發明聖人之書無不盡而又以小學既廢教無所施于是蒐輯傳記為內外二篇以示天下後世學者必習聖人之道於童稚之日則少成若性而成材自易參贊化育之功於斯為極而無如後之教者不明此義往往率子弟以躐等童子

素藏文稿卷三序

四

自五歲以上驟與之讀大學又習於文而昧其義徒以為獵取科名之具導子弟以富貴利達有終其身不知聖賢教人之意者坐是人才謏陋世道衰微有心者怒焉憂之非一日矣竟陵譚志草先生有小學編註一書自題曰習其友人程君環脩來令吾邑攜以示余余受而讀之疏義詳明指歸篤實洵朱子功臣也程君令嗣芳慶譚先生之壻以是書付諸刷氏廣示來學而索序於余余惟今時學術之正莫如三楚自孝感熊先生以程朱之學倡率海內海內師而奉之其語有云大學之法貴乎豫養正之功在乎蒙又云小學全是主敬之方皆朱子遺意也余一再見先生于白下先生每致慨于人材之消長世風之升降必

拳拳於學術邪正之辨以為師道不可不慎今先生往矣學者有山頹之歎然其書固具在也艾山屠先生疏論語第六章經義有云教之不先則學無所就天下薄其子弟而並不恕其父兄余深是之以為篤論惜余未得見譚先生與之論學然今讀其書以知其入夫非躬行君子篤志于儒者歟即其命名曰習謂是習諸身心非習以口耳既以自習必思與人共習古聖賢自治治人之微意盡於此矣吾夫子論學首曰時習雖不專指小學而小學顧獨不然乎於戲肯哉天下之讀小學者請以譚先生之言為正鵠可矣

素藏文稿卷三序

十五

徐道積行稿序

余少受業于東海先生與其羣從子弟講磨道德校論文藝二十年矣近乞假歸里與實君道積過從尤數故其兄弟人文之美余歷歷能道之實君敦氣誼重友朋恂恂篤實有萬石家風而為文春容閒雅有典有則道積端嚴沈毅確乎有守無纖靡紈綺之習而文則一空依傍出入正希陶菴間乃皆累困場屋實君于甲子始舉京兆道積遲至今丁卯得雋南國海內文章家無不幸其遇心服而口譽之無異詞余因歎人患不自立苟能自立雖其地望處最難副之會人亦可以見信即欲苛于吹索之而有不能也蓋嘗論天地生才隨形賦質不拘一格寶牖繩樞之子

素懷文稿卷三 序

十六

布衣韋帶之士克自樹立者固不乏人而世家貴胄得賢父兄之教既深且聚天下之英賢于其門師之友之濡染薰陶又能縱觀文園練習世故故造就材能倍于寒畯公卿之子載在史冊者砥行立名文章政事卓然垂聲良有由耳或者以王謝子弟樂皆五陵裘馬羣屨少年甚而有意摧抑之使高才累于門第獨不得脫穎自出效用于國家可歎也漢之黃瓊李固固皆世胄史稱其折節好學至改易名姓負笈從師故得究覽墳籍為世大儒以余觀道積平時修尚厲節遺外聲利捷音至日語余時名之難居實行之未信欲然有不足于中者蘊負豈讓古之人海內讀其文知其德器深厚絕遠于流俗當以余為知言也

屠文山制義序

余請急歸里杜門養病二十年以課子為事諸子皆習制舉業應省試編官卷中困久無由達歲戊子溪川屠先生奉命典江南試偕檢討王君並矢清慎一時單寒皆獲雋余長子景獻亦與解額榜發後余謁先生於白下言論風采豁如也恨見之晚先生亦不鄙余遂相視莫逆既而出制藝百篇示余乃先生向日揣摩之作先生所得士惠士奇輩謀付剞劂以公當世屬余評騭余受而讀之丹鉛一月而畢為之序曰學問之事足於已而後能及於人惟文亦然非自為之不能知其藝之工拙也不能知其味之甘苦也不知其工拙烏乎取之不知其甘苦烏乎嗜之夫

素懷文稿卷三 序

十七

文之與我遇在恍惚之間耳非有所先於前也非有所介於旁也觸於目賞於心有舍之而不能者中其心之所獨嗜投其意之所欲取如水之合乳鍼之吸石焉苟非其素所自得與之相值何以能知之真若是哉彼夫取人以文而或以利合或以情求或以聲譽而得者皆非知之真者也中無所見而不能不假乎他途以取之於文固無與焉爾今我誦先生之文其理固粹以精也其氣固厚以達也其聲華固踴厲而輝光也於聖賢之道無不備於古今之事無不周煌煌乎大儒之學名世之業也余惟國家以經義取士固將率天下之人而導之於仁義忠信之途禮樂政教之地非徒以空言致也而士亦且殫畢生之才力以

求精於其業亦豈不謂前乎此者學問由以見後乎此者
事功由以立而非徒以譁世取寵苟一日之得以為榮也
則夫誦先生之文而可以卜先生異日之所施盛德大業
皆於是乎在若今日之取士以文足乎已而及於人者特
嚆矢焉耳猶不足以盡先生猶不足以盡先生之文也已
而獨是先生之文韜藏已久乃今始一發其光以照耀當
世文章之顯晦若有數存乎其間而余之訂交于先生得
誦習先生之文亦與有厚幸焉不敢不自道其私而適以
見先生之公也故序其文而并識之

贈邑令王侯序

名湖維字松巖河南嵩縣人

治天下與治一國無異道也因時而已矣時有宜於優柔
寬厚者道在慈以撫之時有宜於鼓舞振作者道在嚴以
率之要使民各協於中已爾夫時者天之為也天有春夏
秋冬之序寒極矣不得不繼之以溫暑極矣不得不繼之
以肅善變焉而不窮於運此天道也而治天下與治一國
之理何獨不然今日

聖人在上奉天出治因時制宜以布維新之化凡在廷大
小臣工皆爭自矜厲奮庸於

堯舜之世而若直省外吏自督撫以至郡縣亦靡不濯磨
振刷思盡反其舊日之為殆易所云窮則變變則通通則

久此其時也乃若崑山為吳壯縣稽諸舊聞亦素稱禮義
之邦也而自年來任斯土者政事奄沮以致士氣民風日
淪於衰敝余產於崑不敢議邦人之非平心而論駁駁乎
有必變之勢矣雖以宇內視崑山一彈丸耳然豈宜獨外
於聖化涵濡之內物極則反理固然也於是河南嵩縣王
侯特承 簡命知崑山縣事於雍正二年二月二日蒞任
余時謁侯於官署初接其言論風采洞乎有見也毅乎有
執也已知其為救時之傑迨下車以後出其剛斷之才明
敏之識剴割一切有不察察焉而必當有不為為焉而必
果侯蓋以為吾奉

天子之命以治崑道在安民而已而欲使民之良者安必

先使民之頑者懼於是懲凶暴懾豪強簡訟獄疏冤滯無
辜者覆盆而必雪有罪者漏網而亦誅由此之時行此之
政其道不得不嚴侯固無心於束濕也而淺識者以侯為
過用其威矣夫孔子治魯三月而有麇裘之謗子產亦然
彼皆大聖賢豈不能以煦煦為仁威其威於不試而勢有
不得行然後知善為治者不能為時而亦不失時焉耳若
夫侯之大有為而不朽於吾崑者漕政也亦既不名一錢
以自勵其節矣又奮其果敢之氣與奸胥悍弁力持焉而
終已克勝夫不憚肥梳剔技盡除其從前積痼之弊而又
經始慮終貽吾民以永永無疆之利此侯之偉伐也民感
之至行將立石以詔不忘而亦有秉筆以紀其勲者夫不

素懷文稿卷三

序

三

踰朞月而侯之政成循卓之譽臺司信之達於黼座侯
當以顯擢去乃吾民又有望焉幸朝廷之行久任增秩賜
金以留侯於崑則潁川之借寇恂安知不再見於今而侯
之治行當必有進於是者夫寬猛之各因乎時固已乃若
時有屢變則道亦屢遷故寬以濟猛猛以濟寬者亦聖人
之言也侯既知今此之時宜猛以救民之慢則必知後此
之時宜寬以救民之殘調劑焉而適合於中斯進乎聖人
之治矣章甫之誦吾知其必有聞焉侯豈獨優於治國哉
將佐

天子以平治天下亦如是焉已余之受庇於侯者久公餘
晤對往往有深契是宜有言以頌而不遽頌者欲徵其實

也凡進言於君子諛不可略亦不可侯之宜頌非余言之
可盡然自以為知侯之深莫余若也故忘其蕪陋而言之
自道其忱如此

素懷文稿卷三

序

三

素嚴文稿卷四目次

題跋

沈氏族譜家訓題詞

曹越石祥刑隔言題詞

題故令杭侯留葵募冊

重建啓聖祠修築泮池募冊書後

名宦題名錄書後

孝經石刻書後

魏敏果公庸言書後

陸氏三節婦傳書後

朱西瑄家傳書後

素嚴文稿卷四目

劉悔菴行狀書後

盛逸齋壽冊書後

夏曲園半硯說書後

孫淵如傷寒治驗始末書後

葉希聲記痛文書後

呂復蒙述略書後

朱慎關夜雨吟跋語

東籬子百無詩跋語

徐蒼來傳略書後

沈氏族譜家訓題辭

余自乙酉夏丁先慈太孺人喪杜門讀禮筆墨事林棄不預唯與族兄弟編纂家乘方討論間適洞庭世文沈子攜其族譜見示求序余受而讀之知其世系之詳核紀典之明備又載邇言家訓一則其族叔君階氏所著凡數十條提綱挈目洪細畢舉齊家脩己之道悉備於是雖語言通俗而義指闊深大有合於儒先之教余讀之終卷慨乎有感也今世詩禮之家載譜牒者有矣不過紀生齒之繁抑或侈門第之盛已耳求其表章先德訓迪後嗣者無有也沈氏之譜殆異於是其見不已卓乎大抵家運之興由其祖宗積累深厚而即之以垂訓子孫子孫守之兢兢勿替

素嚴文稿卷四

題跋

則德以繼德福以禪福生齒繁而富貴從之皆此基也苟非然者而興也勃焉亡也忽焉人或歎天道之無常不知皆人之自致而天特因之耳吾見世之昧於理者徒知教子弟以競進求貴之唯恐不速教子弟以封殖求富之惟恐不厚要其所以求之者事事與天相背而欲望天之眷之是猶南轅而求至於北豈可得哉夫譜者敬宗收族入道之大也而天道行乎其間以人合天則仍自人主之故夫兢兢立訓以教其子弟盡人道而迺天休誠為父兄之責也余既得其意以告我族之人而即書此以應沈子之請其以示爾君階氏或當首肯余言康熙丙戌三月望日

曹越石祥刑隔言題辭

吾友曹子越石出所著祥刑隔言見示余讀之歎其用心之仁為不能無感於中也夫天地陰陽之氣雜而成化不能使天下有君子而無小人而聖人代天出治於是乎不能有禮而無刑然刑者濟禮之窮而正以輔禮故帝舜之命皋陶曰明于五刑以弼五教刑期于無刑而祥刑之說見于周書呂命夫刑凶器也而謂之祥亦以刑期無刑民協于中則祥莫大焉乃後世君子有輕其官而不屑為者矣豈知典獄之司所關甚大士君子敬其事而使之克協于中則可以感民氣召天和故刑也者君子之所盡心也夫其所以盡心者惟明克允惟慎克明古帝之戒士者曰

素蒙文稿卷四

題跋

二

欽哉欽哉惟刑之恤哉欽則未有不明者夫以大聖人之君又得大聖人為之士其明固無有不照然其丁寧告誡于大廷之上者惟此欽之為言則後之任斯職者苟不能敬慎乃心雖有發姦黷伏之才其不能協于中也明矣曹子此編其悉乎民隱者意甚至所以告典獄者法甚詳而要之不離乎慎之一說得其說而行之豈獨守一郡令一邑可以無濫獄即上而佐天下之平民亦可以不冤皋陶之頌虞帝曰罰弗及嗣賞延于世宥過無大刑故無小罪疑惟輕功疑惟重今聖天子如天好生之德上煥虞舜矣而佐吾君以致無刑之化者尚體斯言也哉

題故令杭侯留葉募冊

古云即官上應列宿出宰百里即今縣令之職也豈不貴且顯哉而令於吾氓則不然方其捧檄而來綰銀章紆青綬人無不尊之者令亦自尊或恣睢南面蹂躪吾民無所顧迨其罷也不一二年而得罪以去且未得遽去蹴躡郡邑間踴躍焉無所與親民亦疾視之絕不知有舊君之誼者甚或羈囚數年而卒不免於死噫可哀已向使在位之日早見及此致謹於囊篋出入之際而於吾民又加恤焉則亦何至於斯極也乃若故令杭侯之在吾邑則又不同其在任日久於吾民煦煦有母之仁不幸而去位民皆憐之歲時餽問不絕死之日有哭而賻之者至今十餘年矣

素蒙文稿卷四

題跋

三

一棺暴露無所歸民則合詞籲於今之當事請留葉輸金以助惟恐後嗚呼可以見吾民今日之情矣而非侯之有德於其始豈易得此哉民如此其厚況於士大夫之好義者聞斯舉也當無不合合力以襄事又豈待余言之贅哉

重建啓聖祠脩築泮池募冊書後

歲癸酉三月二十四日崑山教諭梁于淇訓導徐湛源來告於喆生曰邑侯仇君善為政下車後百廢具舉尤加意於學宮崑邑學宮之復新始壬戌歲東海先生首捐重資明倫堂大成殿次第改為惟啓聖祠未之葺也行且就圯又泮池逼於城闌淤塞已久邑之人士咸欲脩治之有年矣未逮也今值賢侯雅化凡屬鄉先生亦與有責焉敢以告喆生聞命唯唯但余不敢先即以白之吾師東海先生先生曰此固非異人任特余方杜門子其代為之喆生謹受命不敢辭越一日詣學宮瞻聖祠臨泮池深駭脩舉之不可復延而歎邑侯之銳情更始甚盛意不可負也乃與

素蒙文稿卷四

題跋

四

廣文籌工值及財用費計四百金乃可又念吾邑貧甚士氣奄沮乃為設格勸輸人授一簡以五金為率裕則獨輸乏則分任始未有應者乃偕廣文率諸士子徒步暑日中徧告通邑累日金稍稍集用以不匱嗣罹旱災歲不登然猶有捐助者其終不應者十之一耳諸士子踴躍從事心公而慎慮周以密故其成也不日久且無患董其役者有若某某等十有七人當暑經營朝夕監視一木一石必親檢剔衆心如一始終不勑兩月而殿工成精堅高聳峙於金方泮池開土甃石秋亦告竣璧水榮觀為之一新喆生厚藉諸君子之力得仰承東海先生之命以答邑侯廣文之請其有幸乎夫理財者鳩工之本任人者集事之要以

吾崑之瘠而當凶歲然取而不怨斂之三月而輸恐後趨事若嗜赴公若私不可謂崑之士風不振也吾崑之事之當舉者不一特以畏難而不為耳於是役也可以信其無難故記其顛末而併書之

素蒙文稿卷四

題跋

五

名宦題名錄書後

謹按崑山縣志自宋淳祐凌萬頃始編至明而季篴顧潛方鵬周世昌續脩者四周志編於萬曆初年至國朝康熙二十年間縣令董正位偕邑人盛符升等編集新志若干卷麤具稿未付刷氏凌志名宦署宋以前十二人自季以後至周續入元明乃有五十六人新志益加廣終明代增至一百人然此特載於邑乘者耳若其崇祀學宮建祠立主與於春秋之祭者十僅得三焉如三國之顧雍南宋之祖冲之梁之陸慶陳之殷不佞志都列名宦皆不祀祀者自唐王綱始其後名在邑乘者亦有祀有不祀明天啓五年學博褚應畿脩輯祀考於名宦特立題名榜祠中唐

素叢文稿卷四 題跋

六

宋元明四代縣令丞尉學博參署共三十人於今將百年矣祠傾木蠹名榜僅存主浸有失者用是重加釐正凡已祀一遵舊額而又歷稽志傳其所載有功社稷有裨學校於民生士習農田教化卓卓可稱者宜並祀賢宗而闕焉表章稽諸官府又故牒無存今特据邑乘補入宋則有陳郭李結潘友文陳璧吳堅五人元則有李羅帖木爾姜復昌徐石麟三人明則有楊謚施德禎祝乾壽彭富王用章聶雲翰陳祖苞朱冕沈應奎洪應紹季篴張汝才堵應畿韶護金華十五人合之原祀共五十三人舊主漫漶亦長短錯雜無度悉藏皮壁間遵制高廣一式重立新主位以世序列以官次額分三榜中曰縣令題名左曰學博題名

右曰縣佐題名又稍更舊額而加敘焉庶使治行教績較然不混而登斯堂者亦各循分省躬是則是做啓迪後賢其有賴乎若我朝定鼎七十餘年蒞斯土者豈無循良之吏慈惠之師而紀載寥寥見於新志者止郭文雄一人又以未奉朝典不敢崇祀惟近年仇士俊治行可稱堪與郭公伯仲而歲在癸巳郡丞高鈐來攝縣事勵精振刷百度具舉善政嘉績嘖嘖人口允稱名宦均宜徵實詳憲俎豆宮牆以光聖朝吏治之隆者也邑人王喆生謹識

素叢文稿卷四 題跋

七

孝經石刻書後

吾師栢廬先生之學原本雒閭以躬行心得為務不求人知其教人也一準于是而尤相勉於韜晦斂藏喜與學者講論然每講輒曰吾儕但當以所聞於聖賢者反求諸己慎無翹翹然有毫髮矜詡之念苟或蹈是吾即輟而不講以是詰生等謹奉先生之教即素所服膺于先生者亦弗敢稱道蓋恐跡涉游揚也先生嘗以其暇作詩文又工書法用筆出入大小令而神骨酷似魯公學者慕之多求書者先生往往錄先儒格言為訓謂只此是學只此是教也又以孝經一書為先聖先賢授受切要語乃人道所由始學者宜身體而力行故於及門之士挾冊請書每錄孝經

素懷文稿卷四

題跋

八

以示誨語如左各因其材力務引掖之以進于道亦間書以贈所親知附有題識隨事提唱以發明聖賢之旨務使覽者感激興起於善以自得其無忝所生之義茲雖未盡載而可槩見門人輩不敢自私請勒石公之當世彊而後可梁溪顧君庭如名手也閱兩月而事竣董其役者同學顧子巽公呂子德煥葉子公奭暨先生之弟義和與有勞焉先生既自詳其所以不復贅辭詰生幸附門牆之末謹識日月于後乃若詰生之受教有年而學不進深自愧也先生于每月之上下浣必虔設聖像集及門之有志于學者講四書周易性理諸書肅衣冠竟日不倦雖嚴寒酷暑無少間退而以所講書義謹記之一字必求其安如先聖

之式靈于前無敢苟者如此十餘年矣書次第告成門人輩請行世先生堅不許然我恐先生之終不得秘也康熙三十二年七月門人王詰生謹書

素懷文稿卷四

題跋

九

魏敏果公庸言書後

余初入詞館謁先生於邸第屢受教先生深器余嘗語時菴曰吾觀王子醇叔銳於問學彼殆以聖人為必可至邪余聞之惕厲彌日今去其時三十餘年先生之墓木已拱而余亦且耄矣自愧無聞負先生之教而猶幸得以燈燭餘光展讀遺訓先生學術之正識鑒之精一一遇之先生固如在也披覽竟帙間憶已臆并附數言簡末以誌感慕云

素藏文稿卷四

題跋

十一

陸氏三節婦傳書後

人莫不受命於天天以仁愛萬物為心者也而有時甚不愛乎人施以至難堪之境且重厄焉若操一定之數以勝人者人於此順受其命處之不驚久焉而不變天雖欲奪之有不能者以人之有餘補天之不足人之權於是乎勝嗚呼此古來忠臣孝子義夫節婦處人倫之不幸能守其正卒賴以維植綱常挽回氣化者豈不然哉丁卯冬余遊于淮有陸氏子樞持其三世苦節告予予聽之悚然天之降罰于陸氏誠酷矣而又多生賢婦以光其家天又何其厚余方欲援筆記之乃舅氏雪鴻既為之傳以揚其節可無作也因綴數語于後

朱西瑄家傳書後

吾邑朱西瑄先生歿之三十餘年同里後學王詰生始得從其孫懋修瞻先生遺像讀其家傳乃不禁慨焉歎興曰人材之生豈不關乎時運哉及其用也實足以維風俗裨政事在朝與在野一而已方先生之仕於浙也以師儒攝縣事殫心竭智而至於被執不屈大節皦然謂為國之忠臣無疑也迨其放歸田里角巾杜門先生固以逸民自處矣迺一聞鄉里之菑遂不自矜惜奔走於三千里外以拯億萬斯民於溝壑之中嗚呼先生此何心也哉向使其桑梓之念飢溺之懷有未切於中其肯忘勞犯難以為斯民請命哉揆以當日之勢先生即不行必無有責之者亦或

素藏文稿卷四

題跋

十一

自遂其高而先生不願也夫以儒者讀書明理民物之志不可忽也故古有身為布衣而天下為任者矣況其在父母之邦吾觀先生但知利之在人而已不知有己也故志定而不移氣行而無懾朝野之間何可一日無此人也吾崑故為節義之區偉人烈士卓卓多可稱者時移世變流風歇絕至於今少異矣有一事焉大利大害之所在邑之人宜畢慮焉而未有過而問者甚至羣言淆亂而人心或幾乎息矣使先生生此時目擊而心傷其志氣之感激當必有甚焉者余故誦先生遺事而不勝運會遷流之感也若其生平行義炳如日星長老論之詳矣余何言哉余何言哉

劉悔菴行狀書後

右文安劉公行狀其友葉子蕃九筆也詞質而情哀余誦之為之出涕不欲竟其詞然又不能不三復之嗟乎士大夫固不可以無友也方其存善與之勸過與之規其志合其道同不必居相近齒相齊也而及其既沒則追其言論想其性情數其生平行事得於親見而熟聞者一一傳之蓋有父兄子弟所不及知而其友獨知之者古之人所以重友朋而通于性命之原也葉子產於崑山少負奇里之人未有知之者獨見知于劉公跡其生平與公相處之日多凡公行事卓卓可紀皆其所贊畫而左右之者故知之獨深宜述之倍詳也迺余亦得交于公方公之官于吳也一

素懷文稿卷四 題跋

十二

見歡若平生時崑有文田之役公為監督余陳其利病公傾聽之有議達于上憲余所啓也未幾公即去不得展所為吾民失望而公亦以為憾余有文送之言公不以一歲屢遷為喜而以未得行其志為戚戚公誦其言顧而歎曰君知我心也迺余望公再至而竟不得聞公計悲不自勝嘗仰天而問如公等留于人間所至皆有賴而遽折之造物何意哉由此言之余于公亦有深契覽斯文也能不悲乎素懷王詰生書時康熙丁亥五月望日

盛逸齋壽冊書後

吾崑山之俗重生辰凡年五十以上親黨咸集相慶人子及事其親者禮加謹焉然其事酒食宴享而已未有以文重者即有之藉顯者之名以登屏幃炫耀其觀瞻要之所重不於文也俗之陋自昔震川已言之至於今更甚矣吾友盛子玉臣異於是當其尊人逸齋先生六十之年為康熙丁巳三月玉臣已率諸弟稽首上壽設寶筵具享禮迺其心以為此未足以壽我親也特乞言於邑之能文者又廣之他邑凡得文若干首彙為鉅帙寶而藏之三十年矣今歲已丑出示予予受而觀覽歎吾友之善於祝親也夫親之得壽本於天錫其必有以致之為人子者欲導揚德

素懷文稿卷四 題跋

十三

美必藉學士大夫之言據寫而詠歎傳之永久以為可信使吾親之得受於天者不至泯沒於當世此孝子仁人所以無憾於其親而文章之足重亦以此也彼夫王帛獻酬之儀聲歌登降之節一時或借以為娛而曾何當於吾親之萬一哉如玉臣者能使其尊人之高風逸致曲盡於諸賢文字之中雖沒世已久而風規如在不惟今也即再傳而後覽斯文者猶將遇之而玉臣之用心大遠於流俗亦因之而傳也於戲豈不美與余交玉臣久於逸齋為通家子乃昔年未有侑觴之辭而今幸得披覽遺文識一言於簡末自今以往吾崑山之壽其親者宜皆以玉臣為法云

夏曲園半硯說書後

余粵游至東莞得見吾婁夏君曲園與之談論終日意旨不凡心竊異之時曲園以進士奉朝命防守東莞九年於茲矣廉靜寡欲一以戢兵息民為事四境賴之晏然不聞有警而曲園乃得以其暇讀書染翰從事於筆精墨妙入其署但見圖史分列爐衽具陳知為靜者之居而吐論風流屬辭高妙與之交者無不樂其儒雅忘其為將帥之臣也越一日過余寓館攜示一端石暨所著半硯說有云物之全者不易有亦不宜有似深有悟于造物之故而兢兢於苟完苟美之訓知足知止之戒者余歎其識之遠學之卓而後知昔之與談論終日心竊異之者夫固有本也以余觀曲園之才可以當大任乃其心抑然有以自下即其不早小官不辭微祿恬然無營若將終身者夫亦猶是得半而足不求全之意也此豈可求之今之仕者哉余固樂與之交也因其說而書之如此

素懷文稿卷四

題跋

十甫

孫淵如傷寒治驗始末書後

余交孫子淵如在戊寅年九月時余方抱幼子戚病幾殆邑中醫數輩來視皆言陰虛之症戒勿用參惟孫子主陽虛云非多用參不治余心疑衆說而獨是孫子故專任之日用大劑參一月而病始退孫子又語余病不可全恃藥餌凡服食起居皆宜慎苟從吾言謹調千日可復元余凜持之久而弗懈故幸得苟存自是益信之凡家中上下老幼病無大小一以任孫子孫子無不盡其心者皆立起而余間以語於親友則有信有不信信者任之固受益不信者不特不任之必詆毀之又排抑之且不欲使他人受其益余深怪之矣蓋吾邑無世其醫者偶動於利則業之平時又未肯讀書以人命試其臆遇明理者不知自媿徒生忌嫉蓋已無術以生人而又不許人之得行其術人之無良至斯極矣而余尤怪夫受醫者之變亂黑白以愛憎為是非忍其身與其親之不救而倡為私論以助夫庸庸者之為此何心哉是可歎也然余又嘗語孫子醫之道通乎造化賢者苟志存民物而權位之不屬無以展其利濟則寓其意於醫拯人於將死而贊化於無窮厥功偉矣特其道亦無止境予但潛心以入妙活人無算則食報自遠悠悠之口何足論哉固不計人之知不知也且人固已有知之者矣千百人之謗誹恒不敵一二人之揄揚亦視知之者何如人耳孫子領余言而氣日下藝日精至今年辛卯

素懷文稿卷四

題跋

主

八月乃有徐公子之事事詳於孫子所著治驗始末而吾友徐君敬思又為之說以示余余讀之固無出於余所語者今而後孫子益可自信矣雖然如徐君者豈易得哉吾觀古之君子學博而義精於醫無有不通至後世乃目以藝術而為學者不道矣余以為今之士大夫苟不知醫亦當知用醫用醫之道擇之宜審也任之宜專也宜信之平日而不可試於一朝也得其人宜躋之先生長者之列而不可惑於臧獲婦寺之見也若吾邑今日富貴之家所以用醫者不可問矣徐君殆目擊其弊而思力挽之其識量高於人一等矣向使是役也見之不明守之不固羣醫譁於前衆論沸於後孫子雖有善術安所施雖有仁心安所用哉其進退固綽然也而公子不幾殆哉然後知士大夫不可無知人之哲而任賢不可貳也嗚呼豈獨用醫然哉

葉希深記痛文書後

余誦葉甥記痛文而歎其父子之情至也人於父子可以無情乎情不盡於父子更何盡乎然吾見世之為父子者似偶然相遭亦漠然相與有終其身曾不得各致其情者吁可悲也昔震川先生云人能自得其性於父子兄弟夫婦朋友常獨覺其有情故其生嘗以百歲當乎人之數百歲余每誦其言知其有味今觀希深所作娓娓二千言纏綿篤至於其子可謂有情矣然其情必有感而發因思其子於二十年之中所自致於親者纏綿篤至之情必有甚於今之為文者矣希深亦幸而有是子爾即以二十歲當乎人之百歲可也視他人之漠然相與百歲之中曾不得一日之交歡其所遇不有幸乎而又何憾之有夫人父子之情豈必行於死生之際哉乃我於死後之慈而益信其生前之孝凡天下之為父子者誦斯文能無各自動其情也乎

呂復蒙行略書後

吾友呂子德煥痛其賢子復蒙早世有述以示後余讀而悲之夫人而賢鍾天地靈秀之氣不易得也既得之則當使久於世效用於家國若美玉之薦廊廟大木之為棟梁而有不盡然予之以材又限之以年如復蒙者蘭摧玉折不知造物果何意也余今誦其所述不禁涕洟惋歎況其所生親自灑翰以摠悲痛又何能勝也乎雖然余於此更有解天下之物庸庸者十居八九苟其無可稱雖於世有百年之久而所親欲加以一言之褒不得也如檇櫟之在望瓦石之委地莫有顧而賞之者矣孰若復蒙之既沒而深有以繫親之思其得年纔二十餘而志行皎然不可泯滅雖事不越庭闈而正惟父子兄弟夫婦之間肫肫乎有情肅肅乎有禮也斯已足傳矣古之哀其子者必稱延陵季札然僅及其葬子不聞道其子之賢卜子西河之慟子輿氏箴其過情亦不言其子何若而至於喪明也今呂子不為徒哀有述以垂後復蒙為不死矣人不患無年但患無可稱耳余為是說以慰吾友而且以教天下之為人子者故書以歸之

素懷文稿卷四

題跋

十八

朱慎闢夜雨吟跋語

人於五倫中惟兄弟相處最久亦最樂自垂髫以至白首入則聯襟出則並轡苟其合志同方於文章性命之業相為摩切其樂更莫可喻也而如或不幸中道分析則情之慘惡亦有不忍言者吾舅氏慎闢先生有悼弟之作截句一百一首自名夜雨吟纏綿悱惻令讀者時時掩袂昔人所云文生於情其此謂與吾蓋於今時相憶之深可想其當年相聚之樂誰無弟兄而鍾情有若是者寡矣垂之家乘以示來者殆與姜家被田氏荆並千古乎

素懷文稿卷四

題跋

十九

東籬子百無詩跋語

往嘗語東籬子大道無他只有無二字可盡學道之人要須識得無中有有中無東籬子時無以對至今年正月乃以養疴避居山院為百無詩以示余讀之如白雲在天如清泉瀉地飄飄爾混混爾有邪無邪以為有詩已言無以為無何以有詩我儀圖之非有非無亦即無即有天地如是也古今如是也知其說者可以言無亦可以不言無東籬子之詩可以有亦可以不有矣天游子素懷氏漫識

徐蒼來傳略書後

右徐子蒼來傳略吾兄西亭先生筆也先生平日慎於爲文雖一字之褒不輕予人顧於徐子紀述獨詳特表而目之曰孝友仁人之譽豈易得哉斯文出而蒼來不死矣余與徐子同里熟知其孝友尤悉且能推恩於宗鄰無不盡分又利濟及於桑梓以余所見可証西亭言不誣也憶在辛丑春蒼來受知當事以試卷見示余始識其風采深爲嘉嘆乃未幾遽有修文之召又惋惜之以天道爲不可問夫匪獨蒼來賢也其兩兄亦皆至性人自蒼來歿後于王漢客日誦其弟懿行聞於戚友且曲致其尊人痛悼之思圖所以慰之者其一門慈孝友恭之誼爲近今罕覩也吾

素懷文稿卷四

題跋

半

夫子與子貢論士既云宗族稱孝鄉黨稱弟矣而於閔子之孝又云人不問於其父母昆弟之言蓋其父母昆弟習之至久而知之至真故其言較之宗族鄉黨爲尤信也吾兄西亭深慨於士風之衰薄思援蒼來以爲之救以余觀於今日誠足慨也而若蒼來暨其兩兄亦可以風矣

素懷文稿卷五目次

壽序一

督學張樸園先生壽序

清田甘郡丞壽序

邑令金侯壽序

邑令程侯壽序

邑令李侯壽序

邑令趙侯壽序

邑令熊侯壽序

崑令呂侯節母進太君壽序

素懷文稿卷五目

督學張樸園先生壽序

滄陽張先生以內閣學士被簡命於康熙三十六年春視學江南所至郡邑登賢選良頌者如出一口其冬按行蘇松試事於崑山兩郡士子頌先生聲益茂於明年春正月八日為先生嶽降之辰謀所以壽先生者而屬諸生為文以序之諸生藁在詞館從先生後受先生之教今又得與被作人之化其敢以不文辭竊嘗謂庸人之壽及身而已賢人之壽則及於天下庸人之壽百年而已賢人之壽至於數十世而未艾夫壽及天下之大數十世之遠非作人之澤不幾此蓋天下之物未有無藉裁成而可以為用於天下者玉韞於石良工遇而成器斯世以為寶山澤之

素懷文稿卷五 壽序

中有巨木焉無大匠以斲之則不能施以成室而况人才者天地之所鍾靈川嶽之所毓瑞其剛柔純雜或不能齊故必賴中正之大人任君師之責以作養而成就之使之仰而跂俯而及文與行胥協於中以儲國家楨幹之材以助太平有道之長則貽澤遠而教思暨於無窮詩云周王壽考遐不作人此之謂也我國家涵濡德教垂六十年今天子倡明聖學興起教化藹藹吉人之盛已載歌於朝矣茲者武功丕振文德誕敷凡興賢育才之事次第舉行尤注意於學臣之選自畿輔外江浙皆用詞臣今復簡清望大臣主之而先生乃承是命夫豈不知綸扉要地參預密勿非先生不可而委重臣以司文柄且先生嘗為國子

師進六館英才而教之矣以師於天下者師江南一隅而不謂之屈者豈不以江南為人文之地曩者名卿輩出立於朝者卓然皆有可觀而近少衰矣其病或由於主文衡者未必加意作人士苟焉躡躡於膠庠中不知以通經學古砥行立名為事其卑者酣於利欲之途高者浸淫於異端之教人才之不振實由學校始苟非得大儒出而乘權鼓勵彼靡靡者其何能止而況朝廷之待士亦甚厚已重實興之典則廣其額以進天下之材而又拔膠庠之尤者貢於成均夫豈苟恤其人而使之富貴哉亦曰取其材可以為國家任使而舉一以勸百俾不得與者亦自愧吾學之不如而思可以自勵願意行於朝廷而鼓舞勸興之

素懷文稿卷五 壽序

實惟學臣是賴故必如先生者乃可云欽承

天子之休命而行其教於江南也方先生之試士也病文運之靡毅然以起衰為任合於古者錄之悖於道者黜之如懸之鑑然妍媸不能遁也如立之準然尺寸不能踰也士於是蒸然向於文已然而先生非直以文教也又先之以器識重之以德誼非周孔之書不以垂教非濂洛之旨不以示訓吾見海內之士其有蒸然向於道者亦必自江南始然而先生作人之澤又將不自江南止也行見三年報政當寧嘉歎其賢更寵異之以任銓衡而總百揆則佐天子以長育賢雋興起教化之事豈有窮哉故余謂先生之壽不止及身而及於天下不在百年而在於數十世良

不誣也抑又聞之先生稟承家學將盡發其遺書以示海內之士而即以之教其賢嗣今已蔚為國良行且濟濟踵武當世爭豔稱焉此又先生以作人之澤行於一家而余且舉其大者以頌故不暇論云

清田甘郡丞壽序

三韓甘公以佐郡來吳奉

天子命任崑山清田事將二年矣其見事精而核立心慎而公用凜嚴而斷必欲興大利革大弊以垂諸永久吾邑人士敬之愛之謀所以頌公者會公之誕辰在九月十二日迺相率獻壽而徵言於余余考六經所載頌禱之詞莫詳於詩正是國人何不萬年曹風所以美君子也躋彼公堂稱彼兕觥萬壽無疆幽民之頌其公上也南山有臺樂得賢以為邦家之基頌之曰萬壽無期而既醉歌太平則萬年景福之祝一篇之中三致意焉蓋古昔盛時上以誠愛下下以忠利上相與以情如家人父子故傳於詩者忠

愛之意千載而下若或見之不可泯也顧有以為詩人之詞善諛而失實者夫人雖多壽不過期頤而已即三代以上有聖人而享遐齡者亦不過百有餘歲而已萬年之頌何以稱焉而不知人生百年而止者形骸之壽耳若賢人君子德教垂於數世功業著於無窮其壽與天壤不敵非形骸之得限也故古之為人上者為治之具至詳且悉凡農田水利關生民衣食之源者必經其久遠不為一人一時之計而民利賴之至於子子孫孫食舊德於不替雖至時移世遠猶得仰其成功思其明德如親見當年手足之勞與心思之瘁者然後知萬年之頌為他時徵信之詞不得議詩人之諛而失實也今以吾崑之田賦混淆版圖散

侯在官者數十萬之征輸未有定額在民者千百年之世
守未有成規輕重失均廣狹無度此不能一朝居者而吾
民恬然處之不以爲事愚者袖手旁觀黠者乘機播虐雖
以公之精明果斷者臨之而不能以振蓋吾民之氣頓矣
然而公之任事不因之少挫念愈摯氣愈奮孽孽屹屹視
同已事雖未即於成而識者已知非公莫能成之也夫在
今日吾民之悠悠者聽公之自爲而莫之助耳異日者經
界正而則壤定事既成而公且去矣乃父傳之子子傳之
孫安享其利以至於無窮者非皆吾民也哉而其時得
不慨然興思曰此曩者甘公之所貽也則是舉也固吾民
萬世之利而公之不朽於吾民者亦千載矣然則今日效

素蒙文稿卷五 詩序

五

詩人之意而祝公以萬年夫豈誣哉公之先大夫忠果公
殉節於封疆姓名與日月爭光矣公承其緒以孝作忠宜
其志節有不凡者兄弟皆敬歷於外仲爲闡中觀察聞公
之任清田也寓書敦勉責以勤慎余誦之欽其家法爲之
感歎公有慕於古賢省身之學以省名齋辭以自警切實
真至雖儒先格言無以過也余所心折於公者蓋非一端
特以公之勤勞於吾民者清田爲大故書以爲頌而他始
不具論云

邑令金侯壽序 侯名世純字竹
卿正黃旗人

藩陽金侯席祖父之餘烈負才雋異達於古今之務以經
術飾吏治嘗令河南郟縣矣聲華已煥耀一時今年春來
令于崑未閱月而政大行邑之人爭欲頌之會侯之誕辰
在五月八日乃相率獻壽而屬余爲祝嘏之辭余不文然
不能以辭余惟世之盛也上與下皆明于一體之義而後
上有取而不病其虐下有奉而不憂其困蓋國家設官置
吏皆以爲民而郡縣之有守令則親民之官也有師帥之
道有父母之責故必知其所樂憫其所苦于其下有休戚
相關之誼而爲之下者亦以尊尊親親之道事之無有令
而不遵無有求而不應猶之事父母者盡人子之孝正所

素蒙文稿卷五 壽序

六

以全父母之慈也而苟其不然則晏然于上者疾視其民
而不之恤勢不得不行之以法而上以法驅下亦以法道
交相勝于法之中而卒以相病則惟不明乎一體之義以
至于斯極也吾崑故多良吏民亦號醇樸而近或少異乎
其初也有識之士思得賢以振之非一日矣方侯之初蒞
也來告于余曰爲吏之道固非一端某固將次第布之不
敢怠也他日又來告曰吏不得已而督賦苟有可寬不敢
不盡心也窺侯之意其不欲以督賦盡其所爲而即其督
賦也又不欲同於繭絲者之爲而刻削腹急非所願也是
古者循吏之事而爲民父母之心也夫古者循吏之事誠
未易一二數凡夫農田水利學校城池聽訟緝盜興行廣

教諸大務切于民生國計者皆其所盡心焉若兩漢之龔黃卓魯政績載于往冊班班可考獨不知課吏之術專以督賦為殿最者起于何年至于今乃舉前之所為一切棄置之而日令長吏從事于期會簿書逮繫鞭笞之下匪是則雖有殊能異績不之顯也令于是不得不奉上之令以為己之功名計而民且多為之術以巧避之不復顧官長之瘁其有一二無能之士涖于斯土者如衣敗絮入荆棘中不能展布民方利其惛庸與二三胥吏顛倒玩弄之聽其偃蹇而莫之惜以視漢代之以負租課殿大家牛車小家擔負輸租縹屬不絕如兒寬故事者此風今何可得也夫在上者之功名與在下者之身家各自愛惜而欲保全

素齋文集卷五 詩序

七

之者其情一也設有精刻者涖此懲其敝而峻法以處之民固有不利者矣然則今日之遇侯其能寓寬于嚴行仁于法權其緩急以養民之力先其期會以作民之信示吏胥之無權以絕民苟免之情立勸懲之有法以啓民從善之願而又省差擾使民之無所耗嚴禁令使民之不敢犯循循焉致民于好義而已無刻以治之痛以繩之之意也是則明于一體之義而能盡乎為民父母之道者豈非侯之德而吾民之幸哉若夫親賢下士良有司之事也子賤之宰單父也所父事者三人兄事者五人友事者十一人而此風今又何可得也以侯之下問于余出于至誠有古人之風焉愧余非其人也方欲引嫌以拒侯之來余豈獨

遠于古哉蓋有不得已焉者矣然而余之心未敢負也於今邑人士之獻壽于侯而特進一詞以為之祝曰願侯之寬以溥其仁廉以堅其守無更張無欲速使民有餘力而法可永行然後可以盡侯之才智以及于他務是侯之德也民之福也又願吾民之忠以獻其誠勤以循其分勉其力之可為赴其期之必至以盡于民之義以成父母之仁是侯之化也亦民之福也要皆不出乎一體之義而余之所以壽侯者亦大矣

素齋文集卷五 詩序

八

邑令程侯壽序

侯名大復字瑞
信州廣豐人

景陵程侯來令崑未兩月遽有去志以盜案自劾求罷上官知其廉能未之許也慰留之甚至於是吾邑人士皆稱侯之賢以侯之不以一官為念他日必能盡其職也語有之鄙夫可與事君也與哉其未得之也患得之既得之患失之苟患失之無所不至矣夫求得患失亦人之常情耳聖人乃目之為鄙夫而斥之以不可事君惡之甚而絕之至何哉誠以人臣之義在先國家之急而後其私凡夫以官為念者筮仕之初已置國計民生於度外其所孽孽不已者惟此身家之自為計而已巧於奉上工於速化有一歲九遷而驟致顯要者矣究其生平若不知所歷之何官

素履文稿卷五 壽序

九

所任之何職也而至于得失之際則敗名墮節有不顧焉蓋其始念之不忘乎官而流弊一至于此然後知聖人之垂戒遠矣即如吾邑令者不一人要未有忘乎官者無論其始至即久之而益戀也然未有善政以結人心民惟恐其不去迨其去也有不能一日留者蓋得失之數不盡操之人患亦無益也夫以不去為不賢則知求去者之賢矣侯之見稱以此雖然余又嘗進說于侯矣謂天生聖賢非獨使之自有餘而已國家設官任能亦以為社稷民人之是賴而非為人擇官也故古之君子當其未用于世汲汲焉以君民為念而及其既出則仁不避遠義不辭難隨其身之所至而皆有濟于物無論乎事之繁簡勢之險易也

如徒曰我不以官為念也憇然一去以明高則明哲保身之計得而砥節奉公之意微其去身家之自為計者亦不遠矣且侯亦知吾邑人之望令等于望歲乎民之貧吏之黠俗之偷需撫循而振勵之亟矣乃期月而令一更攝事者恒相禪如秦越人之視肥瘠而百度廢弛民愈貧吏愈黠俗愈偷矣幸有賢者來而撫之而又以求去吾民不失望乎嚮之襁褓之子乞哺于鄰其失所久矣一旦其父母歸望恩甚切而不之救且疾視其饑寒而去之有不議其不仁者乎侯于時心識我言數月以來不復言去而微窺其所設施一皆盡心於民之事其悉乎吏之黠而懲一警百不盡發其姦也是寬政也其悉乎民之貧而用一緩二

素履文稿卷五 壽序

十

不竭澤而漁也是仁政也其悉乎俗之偷而寬猛並施將漸以革之而不急以繩之也是善政也寧持重而不失其慎寧博謀而不厭其煩勤于晝夜亦不得息焉良者頌頌亦不得怨焉而總不以纖悉累吾民不以聲色加吾民也於戲亦賢矣哉侯如是之盡心於民其肯憇然一去以明高也哉乃知向之求去有以致之非其衷也誠使上不責以無米之炊下不嘗以舞文之智使得從容展布以盡其才而行其化則侯雖久於崑豈有不樂哉夫惟今日之勢貴以廉而又迫之使不能遂其守望以慈而又激之使不得行其愛此皆非令之過也是在上之人變其法下之人革其心以交致乎今而吏道于是乎有興矣此又不獨為

吾邑言之也今九月八日為侯覽揆之辰邑之人士效躋
堂之義而徵言于余余不能辭也乃舉侯之欲去而不終
於去者以為說夫侯之欲去侯之知也而欲去而不終于
去則非獨侯之知也仁也仁且知可以壽侯矣

邑令李侯壽序

名世德字配
京正黃旗人

鐵嶺李侯以康熙五十三年春來知崑山縣事明敏練達
如其所素治又潔清自矢不染一塵臺司信之士民服之
不期月而聲績大著崑之人以為吾邑久未得賢令侯今
來邑之福也於九月二十七日值侯攬揆之辰相率效躋
堂之義而屬余為祝嘏之文余不敏然何敢辭先是侯下
車未幾日余循子民之分謁侯於琴堂侯恍懔明辨自言
其所以為治者有古循吏風余既已心折之矣嗣出一編
示余乃其先大夫陶菴公行傳余年友金檢討所著也受
而讀之為感歎彌日夫以陶菴公豈弟之性廉能之操志
存乎利濟所至皆以民生為重兩任邑宰聲施爛然其治

桂東僅三月然已能奠民居蘇民困脩廢舉墜興起教化
民故謳思之不能忘也至今春秋不廢祀楚之士大夫亦
多紀述以垂示來茲公之遺愛可以見矣而或不能無憾
於公之早謝深致其痛惜歎慕之私以為天生善人君子
固將有用於世福國庇民利賴正未有極而顧使之不得
大展其用將無疑天道之難問者而不知善人亦既有後
矣報之者不於其身必於其子孫天固未嘗不可問也則
吾於今日之侯信之矣夫天生善人固以濟世也生公於
昔與生侯於今無以異也天生賢令又以惠民也令公於
清源桂東與令侯於崑無以異也公施善政於兩地兩地
之民頌之侯施善政於吾崑吾崑之民亦頌之古與今之

吏治無異則古與今之民情亦無異也公以未竟之事望於侯則公之事皆侯之事而侯以無窮之業報於公則侯之業皆公之業也公倡於前侯承於後侯謳誦於今日猶公之謳誦也侯俎豆於他年猶公之俎豆也侯誠為令賢則侯千古公亦千古矣於公何憾哉且侯亦寧獨為令賢也侯之先世多為大官今之顯者亦憧戰相望又皆以忠孝傳家勲業銘於鐘鼎文章垂於史策炳炳如也侯繩其祖武一日千里以光前烈何可量哉

今天子眷念舊勲凡遇大臣子弟往往拔擢踰於常格此臣子千載之遭逢不易得也侯其勉乎哉余媿奔鄙不能為芬芳之詞以壽侯然頌揚先人之烈而勉以未竟之緒

素報文稿卷五 壽序

十三

當無戾於古義侯所樂聞也余嘗窺侯於微知侯至性肫篤仁孝人也而言論舉止亦時時合於道侯自言少失怙備歷艱苦又多羸疾常刻意斂約以自葆攝夫遠則思淫安則敗名昔人有明訓矣天既生侯於席豐履盛之中而又激之以困厄蓋不如是則才不備識不深也侯又自言幼育於王母王母之教嚴少戒其多飲侯則終身不御酒戒母令童子搖扇侯則終身當暑不受扇於其細可以知其大矣人未有不謹於奉親之教而可以有聞於家國者侯之志行如此余是以不敢以流俗之言進也

三韓趙侯奉

邑令趙侯壽序 邑志撰字定 縣人

天子命來令崑於康熙五十六年四月上任後一月之二十日為侯生申之辰崑之人效躋堂之義稱觥於侯而屬余為文以壽夫壽以文則必頌侯之治乃侯蒞任才一月其所施為未盡見我何頌哉雖然侯之治未盡見而侯之志已可知余蓋屢聞侯之言矣侯之言侯之志也方侯上任之日余謁侯於琴堂侯則有言越三日侯來顧聞侯言者再又數日侯復欲來見且伺余余他出不果來比余再謁琴堂又聞侯之言而侯旋來顧則侯言已略盡矣余因侯之言以識侯之志可以卜侯之必為良吏也已夫良

素報文稿卷五 壽序

十四

吏誠不易得良吏亦未可以言信也人固有簡默自持不輕表襮而不失為賢者矣亦有長于論議善為之辭而行或未逮者矣言固不可信人也且夫治行更未可以遽定或寬猛之殊施或初終之異論即大聖如孔子三月而魔衷謗興久而後有章甫之歌也子產亦然乃欲以立談之頃定異日之施行不已過乎顧余則有以信侯者以侯之慷慨洞達肺腑相示固不類於矜阿囁嚅之輩而又冲抑自下至誠愷惻更不若捷給浮偽者之所為余之信之良非過也然則侯之言果何若方余之初見侯即以潔清自矢有不染一塵之語及繼見則述先大夫之遺命誠侯以非道義一介不可苟取也所言至嚴切若警侯以不得不

從者而侯凜守之母敢數侯之言如是知其清以自持可
以卜侯之廉而有守也已余語侯以征糧之法侯則言為
官而事追呼非吾志也追呼而用鞭笞尤非吾志也朝廷
之命我以催科亦以撫字今日坐堂皇見階下累累以逋
糧受杖余心忍乎行將與吾民勸籌所以不事敲撲而自
能足賦者其必有道焉侯之言如是又知其慈以存心可
以卜侯之仁而不殘也已侯又語余蒞任之後有以言頌
者矣謂向日之崑不易為也今故希有遷者今已有遷矣
李侯之去為京朝官侯踵之當即遷也侯笑曰余固非李
侯比也余自膺斯命已置一官于度外固知崑不易為也
然而為官者有命焉亦有分焉命不可知也分則可自盡

東坡文稿卷五

詩序

五

也余既令斯土則必有所事利則興之害則革之或任以
三年或五年殫心力而為之盡吾分已爾他時之進退弗
計也且三吳重地九重所軫念即蘇松兩郡州縣吏亦不
輕授也余則當之敢負簡命而曠厥職乎侯之言又如是
余聞而感歎久之知侯之所見加于人一等矣又可卜侯
之能忠以事上惠以及民也已夫既廉矣又仁也既忠矣
又惠也得不得謂之良吏矣乎侯惟有其志則必能有其事
乃今未及施於事而先已發於言且以其所言告之余其
或以余為可與言與抑或以余之拙樸能不忘侯之言他
日必將以所言證侯之行與抑或不以余為無似其必能
體侯之志少展一得以佐侯之成與夫居是邦資賢仁以

相助為理聖人之訓也古之人有行之者矣而今不必然
也侯其行古之道乎愧余非其人耳雖然余亦有進於侯
者夫良吏不易為為良吏于吾崑尤不易也德優矣而不
足於理非良也才勝矣而或損其和非良也名美矣而鮮
有其實始勤矣而或怠於終亦不可謂良也侯其勉之哉
使他年之考政績紀成功者皆信侯之行一如其所言則
侯之志為不虛矣即以余今日之頌為左券焉其可乎

東坡文稿卷五

詩序

十六

邑令熊侯壽序

名壽字玉山
江西南昌人

余讀漢史而有慕於西京之盛當文景之時詔令溫厚治
理淳樸一時在廷多篤實長者如張釋之之不尚利口衛
綰之忠實無他腸石奮張叔之流皆以誠謹處官官屬懷
之不敢欺即其時郡國守令亦以廉平稱治民皆從化若
河南守吳公蜀守文翁其尤著者矣至昭宣之世尚有黃
霸朱邑召信臣之倫以愛利為行不尚苛察而民亦見德
至於沒世不忘歲時祠祭不絕於此可想見漢世風俗醇
古上下交相愛信有三代之遺風焉吾崑山為吳壯縣歷
有名宦今俎豆學宮者自唐及明無慮百數人可云盛矣
至於昭代未有記者固由吏治少衰亦或以直道未明不

書懷文稿卷五

壽序

七

行崇獎上與下交失之可為太息者也今南昌熊侯令崑
二載矣其天性醇謹又以儒學起家廉不妄取慈不忤眾
不尚皦皦之行赫赫之名崑之人稱之而亦有滋其議者
或云無能或云未達自余論之皆不足以知侯也蓋今世
之所尚可知矣大都以刻核為能以捷給為達耳以刻核
為能則必以寬仁者為無能以捷給為達則必以遲重者
為未達人各挾一私見以愛憎為是非又越上下之分相
激而至於相害民不自反顧獨以為侯之過乎且夫吏道
亦取其有益於民耳吾崑之困於征輸已久正供之外耗
羨加焉民不堪命矣侯下車之始深悉其病裁省什之二
三歲計之藏於民者多矣此侯之大惠也嗣又以戶田清

雜下令整飭之行之數月而未竟民終望其成也凡此皆
今日之急務有益於民之大者可以規侯之才守焉又安
見其不能有為抑為之而必無底於成哉余之論侯平且
恕焉不敢阿也以異於悠悠之口如此雖然余又有聞焉
人之生也固不齊其質矣沉潛剛克高明柔克天不能盡
予人以平康之路賴有變化之術以歸於極耳故孔子曰
不得中行而與之必也狂狷乎狂者進取獨者有所不為
非取其終於此也哉抑之鼓勵之以進於中行然後已是
以君子貴有學也侯固儒者宜知儒之所以為學夫學以
行乎其仕也古之人學而後入仕今則以仕學矣則毋謂
民情之向背事理之通否皆與我無與也謹取予所以固

書懷文稿卷五

壽序

七

我之節勤率作所以盡才嚴聽受所以達我之聰慎
交與所以成我之德此仕也此學也侯之化理加於人一
等矣漢世之循良何多讓與彼議者息而頌者興章甫之
歌行有聞矣賢者固不可測侯其勉之哉余不敏然不敢
以姑息愛人與侯固有素同出觀廬先生之門非但循子
民之分而已侯又處以古義每見必有咨詢余何忍負之
故於侯攬揆之辰不能無言而即以申相長之誼侯識之
或不以余言為贅乎

崑山呂侯節世遘太君壽序

余覽前史見古有良吏往往受教於其賢母雋不疑之為
京兆其母輒問平反以教其子嚴而不殘孟仁為鹽池司
馬以鮒奉母母切責之而卒以成令名夫慈與廉為治行
之最而皆由母教以成其善是以史氏稱之垂於簡冊奕
世而下頌吏治之良者必歸美於母德之賢慈孝相成猗
與休哉歲丙午三韓呂侯奉簡命知崑山縣事方其初
下車吾邑人見侯之靜以持身嚴以御下莊以接士大夫
已心儀之矣迺未幾而發其愷悌之仁行其意抑且寓於
言民於是頌侯之慈又未幾而勵其潔清之操明其志抑
且徵於事民於是頌侯既頌矣又欲推其所自致以

素履文稿

壽序

九

當英妙之年而具老
擅明敏之資而尚寬厚之
風處繁縟之境而存恬澹之意皆人所難能必有導之使
然者其奉前人之嚴訓與抑稟師友之良規與徐而察之
則高堂有賢母焉然後知慈仁之譽廉潔之稱侯見信於
民者皆得之太夫人之教也太夫人系出商賢曰嬪齊裔
嫺習詩禮樹範德容淑行懿修未易更僕數惟是太夫人
生挺名世之才負軼羣之望未登金馬早赴玉樓白首難
期青春矢節他年偉器此日藐孤以乳哺兼師保以慈母
代嚴父榮其向學驚心孟母之機教以服官惕志敬姜之
績奉斯慈誨蔚有需風及乎山縣分符花封迎養堂前示
意欣戚分寬

承歡視聽在形聲之外每晨衍

吏散退食餘時

之辭輒神怡而志喜見和平之色

即健飯而安眠方之古昔洵可與京兆齊徽鹽池媲美者
矣由是鼓鐘而聲聞於外作頌而碑載於塗盛德之心深
恩勒口此今日祝嘏之詞良由實惠非尚虛文也日者偶
憩琴齋詳諮壹行侯自明丘園之好初無仕宦之意特以
報母心殷期小草一出以揚芳節含悽而訴言有餘而余
因之感嘆略致鄙私侯既知當年顧復之深衷不欲以懷
安姑息則當思今日顯揚之弘願非徒以祿養酬恩母含
貞而教孝子移孝以作忠遠大之猷為要不出此慈與廉
二者以充廣之施濟民物以仰慰親心於侯有厚望焉若
太夫人冰霜之大節

素履文稿

壽序

十

矣揚貞風於百世
公千秋我國人當盛有紀述
用光彤史豈但採輿人之詞以誌甘棠遺愛康壽母之詩
以頌春萱燕喜而已哉是為序

壽序二

座主彭訪濂先生七十壽序

孝純陳先生六十壽序

孝純陳先生八十壽序

徐葵初侍御六十壽序

徐章仲觀察五十壽序

農部席元功六十壽序

龔翁水一七十壽序

徐振宜妹丈七十雙壽序

盛翁德一八十壽序

素嶽文稿

張翁元一七十壽序

張君元吉六十壽序

稼先兄六十壽序

建伯兄七十壽序

西亭兄八十壽序

座主彭訪濂先生七十壽序

吾師南畝先生以康熙丙辰會試第一殿試又第一授翰林脩撰未幾升國子司業升侍講一時人望歸之景星卿雲不可褻視然先生志高邁不羈自通籍後在朝列未及十載年方踰艾遽請急歸里杜門讀書深究性命之旨為鄉邦倚重人望之又如喬松古栢不年七十同里稱觴獻壽皆謂先生不世出矣訪濂逢聖朝分當為鹽梅舟楫佐理太平且位望已高先生肯少埃可立致卿相而泉壤事業行將霖雨天下顧獨老於林泉僅僅為功桑梓誠不稱其德以是為先生惜而余竊以不然夫孟子固將使之大用於世然必相時之急

山野所事雖有不同要其致用則

一也有如今日之立於朝者固濟濟矣而可以尊主庇民身任天下之重者不數數見也甚或尸位素餐乎

容者有之以先生躬身其際必有其不速而至於閭鄙之中風俗衰敝

正直之人砥於其間上之足備賢有司之咨訪下

鄉之子弟奉為矜式而里巷小夫敗倫越紀之輩亦

畏忌不敢為非此王彥子仲弓之所以見稱於昔而

在今日尤不能無藉於斯人者也間嘗稽考舊聞吳固

多名賢前明盛時吳文定王文恪皆以巍科晉顯彩晚歲

告休風流蘊藉聲施至今洎乎末季姚文毅王文肅當國

績學分當置身貴顯迺今僅以明經升上舍將謂天之報先生未優而不知人之受福于天正不在貴顯一途彼夫橫金紆紫之倫非不赫然稱快一時而或其中有未適焉較以先生所處有萬萬不_如者而先生則神完而德腴體泰而道尊出則門牆有濟濟之才入則家庭有雍雍之慶是豈不為至樂乎回思五十年前荼苦之狀先生隱隱自悼者豈易有今日哉則夫天之報先生不為不厚而苟不若先生之刻自鏤勵讀書砥行以期振拔則天亦豈能私厚先生而先生又安得有今日哉先生性耿直遇事有不平則義形于色能言人所不能言然尤自謹飭不問戶外或溷以他事_然若_然若_然有不能以終日者我觀先生于

素業稿卷六

今之鄉里間_一 陶陶篤實之君子矣予攸好德良非虛語自求多福不亦信哉余為陳氏情少受外舅知遇之恩歲時過從先生與從兄弟三四人必偕集歡若同懷見者不知其為從兄弟也乃余不能事外舅忽忽已二十年而余妻亦復不存余能無感于中而今猶得從里之親友奉觴稱祝于先生之堂不愈幸乎今先生年纔及耆精力強盛於當世之業正多表見而令子亦皆負才雋異德門嘉慶後當有可紀者余雖不_不而秉筆而俟之

孝純陳先生六十壽序

余內叔孝純陳先生以十二月二十日為其誕辰_今康熙三十九年庚辰為甲子一周同里親朋製錦稱壽而屬余為文序之余惟古之善_壽壽者必通于天人之理蓋壽命於天其數有不齊皆以為莫之致而至者惟默定于冥之中而人無所與于其際不知天道善因因乎其人之能受而為期為頤皆其自致焉且不獨壽為然凡夫富厚康寧生人之所願得皆一一能以自致而天特如其量以副之云爾故洪範之敘五福以壽先之而攸好德尤其福之大者人非好德則無以為得福之本而富壽康寧又何所憑以施其_壽壽_壽天_壽天_壽人相感之理微矣余嘗以之驗于人

素業稿卷六

世有始亨而_者者有始困而終亨者其始亨而終困者必其得天甚厚而不能以善承之則天亦無如何而豪傑之士往往于坎壈愁苦之中獨行其奮發有為之志初雖甚厄而久且漸安天即欲故抑之而有不能是所謂始困而終亨者如我陳先生其人矣先生生而荼苦五歲遭兵火兩尊人皆遇難依于王父母撫育成立焚斃之況先生其自知之他人有不能言者因之刻自鏤勵讀書砥行以期振拔未幾受知于吾師_朱朱先生以冠軍補博士弟子又未幾食餼焉聲譽日起里中大人先生爭延致之以訓其子弟來學者日益進今多顯達者令子鶴九鴻九皆能文章有聲黌序間準以流俗之見_必必有以先生高

是混淆之際退居鄉里挈持清議排久異類甚則有周忌介之舍生取義名在天壤者矣吾吳風概特重海內固有諸君子在豈獨以科名盛哉今先生之居於鄉也居而不苛和而有守凡人之所歎曰者先生不為而其所不欲為與不能為者先生必為之慕義若嗜赴公若私故於學校之地身任董理久而不勌於先賢祠宇廢者修之墜者舉之地方之利病告於所司言有必盡而窮親故交之類連無告者竭誠以扶植之雖至有知言者恤也益其弘獎人倫有文定文恪之遺而嚴氣正性雖文毅文肅亦無以過之至若往歲兩臺之訟元黃水火幾同潰爛先生奮臂一呼膠庠之集者數百人公論以伸爾時甘心於先生

素蒙文稿卷一

名亦既耽耽 司非

聖人在上黜陟之道明則忠介之禍安知不接踵而起蓋幸則為先生不幸則為忠介其矯然志節固未始有異也當是時先生獨行其是顧盼左右無有從之者元生之勢孤矣然微先生則此邦竟無人焉矣稱禮義之國哉然後知天之位先生於鄉非無意也而士大夫苟能自命又何必三公九卿為得志哉詰生辱先生之門受教多矣於先生之壽不能無言而不敢以世俗祝嘏之言進故以素所服膺於先生者為壽然不特為先生壽也且為吾吳慶有人而所以壽先生者亦大矣謹序

孝純陳先生八十壽序

吾崑之頴川有直道君子孝純陳先生今年壽八十臘月二十日其誕辰也曩在康熙庚辰先生花甲一周之歲同里親朋製錦稱祝命余為人壽余敘先生孤生力學受天之祐其言信矣乃忽忽又二十年先生之齒加尊而德彌邵邑之人咸以直道歸之稱為君子不誣也于是壽先生者禮益虔又屬余為侑觴之辭余為陳氏情又久侍先生被其教仰其德之日進而不已也是宜申以無疆之祝又何能已於言乎夫士風之靡也貪戾者尚詭譎選悞者習唯阿直道之不行而是非之正昧於人心久矣惟先生剛正之氣得之天者全又讀書數十年善善惡惡之理信

素蒙文稿卷一 壽序

於心而矢於口遇事則侃侃無所私於己亦無所撓於人人有動於利或專已自便先生必反覆勸諭之得其悔悟然後已少年有過則正色相告必盡其言無有容隱邑大夫亦賢其德禮遇甚優事有難處者往往咨決必當於理其守正不阿如此又不特然也凡親友之事有欲為而不得者先生必殫力以助之婚喪之舉同姓異姓之賴以克濟者歲無虛也今子鶴九鴻九承先生之志服勞無勌以續乃事者又數數見也人皆謂先生負此才力惜不得大顯以有為於當世僅僅聞於鄉里然余以為鄉里正不可無先生若古之陳仲弓王彥方其人能挽頹風振末俗所裨益豈有量哉而先生之以直道賴於今日又曷可少哉

余嘗深維乎直之義其說始於周公之繫易於坤之六二曰直方大孔子贊之曰六二之動直以方也又曰直其正也君子敬以直內他日又云人之生也直又曰斯民也三代之所以直道而行也然後知非直無以為人非直無以為君子非直亦無以成世道直之於今日亦少熄矣凡所以為人者千百其類而總不特於直之義然則獨有一先生能維此直道於今日先生顧不可重歟且余以為直之義必壽也莫壽於天亦莫直於天易又云夫乾其靜也專其動也直終古此直則終古此天故曰直之義必壽也先生年及耄矣而容色不衰步履若飛善飲千鍾不亂酒酣以往論說往事娓娓可聽至中夜不倦以此更歷二十年

青溪文集卷六

壽

六

其氣體當與今無異先生固是百歲人也夫世豈少百歲人乃或以百歲為難者未聞道於直也直則於百歲何有先生素未知服食導引之術余偶及之語於先生先生弗屑也先生既有得於天之所以壽又何問其他然吾聞崑之先有周壽誼者年至一百十四歲故老豔稱之以為異事余以為無足異也古有其人今何必不有其人先生誠有得於天之所以壽則先生固百歲人也余年少先生七歲當先生百歲則余年九十三爾時當更搗辭以侑先生百歲之觴其可乎

徐藝初侍御六十壽序

凡為人子未有不願其親之多壽而為人父未有不願其子之受祿然皆不可必得而兼之尤難也昔者武王夢帝與之九齡文王曰古者謂年為齡齒亦齡也我百爾九十我與爾三焉武王之壽文王與之也惟聖人道德崇盛與天為一故父子之間交相為壽而天亦應之自大賢以下或有未可必者而至於祿位之受亦自天命之雖聖人有以德必得之說而苟非其人則不能以自信且在人子欲以名位顯其親往往不能以祿養逮其親苟有一命之榮或遂慮忠孝之不能兩盡王事靡盬不遑將父古人所以望白雲而興慨也蓋人於父子之間其情至篤其交相欲

青溪文集卷六

七

致甚無窮已而勢有不能得則亦無如何也乃今於吾友徐侍御獨有慕焉侍御早擅英特之譽承襲華陰撥魏科踞顯要嶽嶽惠文傑然名御史也一時人望歸之謂不日可大用而遭時險巇遽返田里未幾又嬰末疾遂杜門不出人皆歎惜之以為厄其遇未竟其施而余獨以為此正天之厚侍御者蓋富貴壽考人之所欲而兼有為難向使侍御達於仕宦一往而伸縱才力過人而精神日敝或摧折於中年今雖不良於行而豐容盛貌飲嗽不衰相其風度無異四五十歲人天蓋欲少節其杖履之勞而厚貽以鼎裊之逸固將使之恬愉安靜以享無疆之福也豈謂無意與若其有為之志未竟於身者今且述於其子長公二

千石君負經世之才一出而聲績懋著由州牧陟郡守今得浙之金華捧檄歸里登堂上壽行即奉板輿之官祿養此人生之至樂也金華名勝之地層巒列嶂應接不暇侍御往焉以山水資其嘯詠游車所至吾知當有仙人如黃初平之流相遇於白雲靈洞間者疏淪宣導立起其沈疴期頤之壽正未可量皆二千石君有以致之矣又其地舊多名宦表宏沈約風流未墜宋元之間何王金許四先生教澤猶新侍御故為儒者能導其子以表章前賢振興絕學其功豈不偉與史稱雋京兆之母輒問平反以教其子嚴而不殘孟仁為鹽池司馬以鮒奉母其母責之卒成令名大抵父母之心常願其子為良吏古今同也乃史策所

素蒙文稿卷六

八

記類詳於母而不及父豈非以丈夫之教子為恒事而婦人者未嘗學問乃能識義理勤教誡故尤足多與然則二千石君幸得奉親官舍朝夕受命以無忝厥職不益可慶也哉以視向之效職天南去親萬里求一日之奉侍而不可得今之愉快為何如哉侍御六袞誕辰在康熙五十年十二月二十四日同里人爭欲獻觴以長公官於蜀未及舉於今五十四年三月長公歸自京師率兩弟為親壽旦人乃即往賀而屬余為頌禱之文余謂壽宜賀也壽而子且得祿又宜賀得祿而即奉親以養尤不可以不賀故實言之為吾友侍御慶而且以告二千石君使知父子之間交相欲致者為不易得而今且兼得之宜何如其自愛也

徐章仲觀察五十壽序

前輩歸震川為同邑顧南嶢先生壽文極言富貴壽三者之不可期而以萃於一人之身為難得以余觀於今日南州家運之盛殆與昔之武陵相伯仲而若吾友自強遭際較之南嶢則又過之去年秋九月為其五十初度同里親串至今歲始祝之屬余為文余即以震川之壽南嶢者壽之何不可也雖然余又以為震川之文徒反覆於斯三者之或得或不得而盛稱顧氏之兼有以誇榮之至其所以處此三者則未之有及其猶近於世俗之為壽者與余則以為富貴壽考天之所以命夫賢人君子而賢人君子之自命則不在此彼其始固有卓然自立於富貴之外者而

素蒙文稿卷六

九

後天錫之以福可以當之而不媿抑且其卓然自立者雖不因富貴而加損而亦未嘗不入乎富貴之中而有以表見故雖同焉富貴而有異乎人之富貴者其富貴乃足重而由富貴而得壽其壽亦足重也方自強之視學山左也余初有登岱之志亦將藉以觀其政既而不果然有聞於自強者二事今述之可以為自強壽也歷城之有白雪樓李滄溟舊宅也山右衛先生因之建書院為士子講習之地然先生去後已廢矣自強至葺而新之擇士之有學行者居其中頒示條教以敦實行崇實學為兢兢豐其餼廩嚴其勸懲月有稽歲有考鄉魯遺風彬彬乎未墜矣又渤海之南汾山之北有一人焉曰文貞子於家為孝子於國

為義士於學為真儒其聲稱泯沒已六十年矣自強至表而揚之以祀於澤宮刊其遺書卹其後裔不厭反覆敘論以闡幽光而發潛德此二事者余聞而心識之久矣竊嘗以為鼓勵人才脩明儒術學士大夫之素願也一旦受斯文之責乘權開化于以宣揚理學造就賢能尊聖教而光文治豈非士君子得志於時之所為哉余嘗以之告司文衡者而未有以應如自強洵其賢乎傳曰五十曰艾服官政自強以其才之敏氣之盛往而進焉內而卿輔外而屏翰亦惟是民瘼國是切切於中其聲施固未可量亦於此二者卜之矣凡此事者皆與富貴無與也然非富貴則亦不能有其事又獨怪夫世之凡為富貴者何以不盡有其事也吾故曰同焉富貴而有異乎人者其富貴乃足重也此余之所以壽自強者也

農部席元功六十壽序

農部席君元功家於吳郡之洞庭山解組歸來數年矣今康熙庚子七月某日為六十初度之辰里中親串製錦稱壽而其壻嘉績徐君來請嘏祝之辭余於君故姻戚也弗能辭惟君負才倜儻抱經世之志早歲登朝筮仕中翰洊歷部曹掌度支有年又為

天子治永定河克底乃績既而山左饑奉命賑濟活人無算一時朝論稱能幹謂指日可超擢乃望白雲思慕角巾東路養志林皋論者又以其盛年雄略未盡展布為致惋惜然余則以天之衡量斯人行藏顯晦各有深意未可臆計也

在焉然但有其語耳人未之見也今余所見吾吳之有洞庭其人世之蓬萊方丈瀛洲與太湖三萬六千頃七十二峰列焉而東西兩山雄峙其中以攬全湖之勝其間日月之升沈風雲之舒卷水石之湍激魚龍之變化奇詭百出不可窮殫而且金庭玉柱別有洞天丹井靈泉更多殊跡誠乾坤之奧區神仙之都宅也天既位君於湖山絕勝之地則必有以處之故寧靜於彼而豐於此逸其體潤以煙霞之氣悅其心發以川丘之光又有名花奇卉娛其觀靈藥珍果適其口此昔人所稱孫尚書欲卜居而不能范文穆思再遊而不果者君獨朝於斯夕於斯四時供其覽眺百靈助其嘯吟樂哉居乎雖三公之貴不能以易之矣向

使其無忘仕宦役役於風塵不息際斯時也厘四郊多壘之憂馳驅執掌日無寧晷縱令意氣豪上能將百萬之師射獵青海勒功燕然而已不勝其憊矣又何能身安意泰偃仰此山之中也哉以日知天之處之不為無意而況君之樂更有自足於湖山之外者上之承歡於壽母次亦致愛於同懷下則芝蘭之美冰玉之譽靡不可羨是豈不為人倫之至樂乎君又能不私其財好行其惠賑貧窮矜孤獨凡先世祠典之廢者舉之橋梁道路之壞者脩之以至琳宮紺宇咸增飾未備以助巖壑之觀蓋其施設實皆利賴於桑梓非但如游情風月縱意林泉漫自詡為湖山之主而已也洪範之敘五福一曰壽二曰富三曰康寧四曰

攸好德迺君既富矣而有湖山之樂則康寧莫甚焉今花甲一周壽先於此而漸臻於期頤未艾也要之皆始基於善先人畜德之錄為君家世寶今且實體之行事矣此非其錫福之本與余曩者亦嘗仕於朝以寧親告歸居於鄉三十年矣一丘一壑聊以自娛往嘗一至東山信宿而返未遂勝游遙遙百里視同天上望君真如蓬島人也今耄矣顧樂善之心不倦與君若有契異日者當策大夏之節從遊莫釐縹緲之間尚以報高德之指焉君其許我乎

龔翁水一七十壽序

吾崑之虞溪有龔翁水一者西園隱君之令子進士蓼邨之尊甫也隱君以勤幹起家饒於貲而好施其鄉里鄉之人頌其德余曩有文以紀之蓼邨工進士之業以顯於時名聞輦下膺清華之選行將馳驟皇塗矣惟翁隱德弗曜闇然不求人知人或未有知之者余謂此固翁之自重而世之所以重翁未必不於此也間嘗論人於作述之際有始興者創於前必有守成者繼於後創於前者櫛風沐雨其勞恒什伯於後之人故其事顯而易見繼於後者持盈保有未必徒享前人之逸而其事隱而難知蓋統業之相承志意之相應有為之前而後者幸得其傳有為之後而

前者無失其緒故其事以相須而其功亦相等即以今言之西園君之志已勤矣業已大矣所以啓佑蓼邨者亦源遠而流長矣然使於其間非有翁以為之繼續而當其任者或委靡不振或縱逸無節則安知西園君之遺殖不少墜乎而蓼邨雖岐嶷奮興或尚有待也乃自有翁而數十年之中兢兢以自保抑抑以自持至於今西園君之阡陌無恙也廬舍無恙也抑更有擴而大之者又能守前人之懿範施德於鄉里不衰而之無異於昔也于是進士君之興也勃焉而不可止即有忌之者而又若有祐之矣是非天為之乎抑不獨天為之乎吾固曰此西園君盛德之報也然而翁之承於前而啓於後其功又可沒哉今康熙

壬寅五月某日為翁七十初度之辰也之戚友期往祝而翁固辭至九月余乃訂葉檢討同行蓋裴邨以戊子舉於鄉余兩家子弟皆同年故相率造其廬至則捧觴請見而翁又辭裴邨于是張樂酒樂飲終日而罷乃翁未之見也翁之謙退用晦而不術於世其素履固然是亦足尚矣越日裴邨來謝且屬為之序余方以不得見翁為恨又安能芬芳其辭以壽翁然竊念之矣古人相與於無相與有以不見為見者翁之承於前而啓於後人皆見之矣此舉其大者耳不惟是也往者登翁之堂而憩其廬歷其所游之境見庭宇之闡爽與几榻之清嚴猶之見翁也見泉石之幽靚與花竹之繁美猶之見翁也翁之才與翁之性且

素庵文稿卷六 壽序

十四

見於斯豈但識翁之面哉他日裴邨或見招余且往翁或不終秘則以見為見未可知也余何恨焉故不辭裴邨之請而援筆序之以介眉壽一以賦觀止云爾

徐振宜妹丈七十雙壽序

余妹夫徐君振宜壽七十誕在二月初五日余妹先君一年生去年九月朔其誕日也其子有儼有俊有倬欲為母壽而未敢先遲之以俟八千而徵余為雙壽序夫壽不易得也而雙壽尤不易得故古之人以齊眉為樂事而君子偕老見於風詩頌燕喜者令妻與壽母並稱蓋人而得壽所以受福也而惟雙壽乃為福之全人子而壽其親無有不樂也而惟雙壽乃為樂之至大抵陰陽消長數有不齊而人之得天者亦有厚有不厚故雖在一室之內而脩短懸殊是有命焉不可強也吾崑山之俗重生辰凡年自五十以上親黨咸集相慶人子之事其親者禮有加焉故邑

素庵文稿卷六 壽序

十五

中稱觴之事歲凡數舉而慶雙壽者十不得一間嘗竊計之自余宗黨以至戚屬暨友朋之家凡其伉儷相守年至七十以上者指未一二屈也夫人生百年之內夫婦相與之日為最久雖其所處之境榮悴有不同要之自結褵以往數十年之中皆有欣戚與共勞苦相恤之致其誰不願白首相莊共享期頤之樂而有不能得者故雖當嘉慶之日子女盈前奉觴上壽而形單影隻未免傷感於懷即人子壽親之心亦莫不然也口未敢言而脈脈以思者何涯其能如具慶者之一無遺憾乎然後知今日徐君之受慶於其子洵全福也而因以知其子之致慶於父母又至樂也得天之獨厚如此余何能以無羨而又安得不詠歎之

哉余憶少時與徐君同學讀書從父績水公齋中時君之王父念菴拙菴兩先生皆清修耆望為邑名德余生晚惜不得見之而君之恂恂謹厚有萬石家風承其教也君生七日遽失母就撫於外祖家金壇王氏十三年始歸少更多難刻苦自勵天之報以遐齡豈偶然哉余妹為績水公愛女母陳夫人端亮善操作妹髮髻似之故能以勤蓄治生相夫子有家且教其子循法度皆能成立蜚聲庠序間駁駁乎顯榮在望矣諸孫且濟濟後有興者受祉未可量也迺余則有慨焉余少孤受庇績水公且蒙獎許謂可繩祖武比余成名公已不及見知已之感銜之終身故余與公之子不啻若親兄弟然即妹亦如同懷也今兄弟俱早

素齋文集卷六 詩序

十六

謝存者惟妹歲或一見而已余能無感於中余與妹同庚今老矣筆墨亦久廢是役也尚能率其蕪詞以紀君之家慶蓋亦不忘舊之意云

盛翁德尊八十壽序

吾邑德尊盛翁今年年八十三月初一日為其誕辰令子漢尹余妹夫也同弟吉士請余為文以壽翁余既與翁為姻戚弗敢辭而又素聞翁之孝友樂善見稱于里黨固余所樂道之者越一日漢尹復手一編示余乃其王父仲升翁昔年所著孝善錄述其子之志行以示後人者余讀而慨慕焉夫為人父未有不願其子之孝且善者子而孝且善未有不願稱之以告于人者而或慮其溺於愛則言有不實故孔子稱閔子之孝曰人不間於其父母昆弟之言而與子貢論士又曰宗族稱孝鄉黨稱弟蓋門內之行必徵之於門外而後其好無阿其言有足信也雖然聖人之

素齋文集卷六 壽序

十七

言亦以徵實耳若夫人之致孝於親為善於家者其宗族鄉黨但能稱其大略云爾至於精微之故有發于不見不聞而動於無形無聲者在他人何以得之而惟其父母昆弟身受其施則心知其意故言之自不厭其詳且盡也而不然者世豈無矯飾至行或能要譽於鄉黨宗族而其父母昆弟翻若有不嫌於衷者即口譽之而非誠然則孝不為真孝善不為真善矣余故誦其先人之所述而歎翁之志行為不可及也夫前之壽翁者有詞矣振振乎其以仁義之言頌之是宗族鄉黨之稱也而今翁之年彌高余所以稱翁者無異詞翁弟誦其先人之所述已耳余不能有加於孝善之稱也其何以祝翁也雖然余復有言焉亦所

以祝翁也而且為翁之子若孫告也大造家者德有厚薄而福澤之短長應之故有造以功力者矣有造以仁誼者矣而言乎其應則以功力者必不如以仁誼者之豐且久也以余觀翁之肇基處因而亨以謙而豫用情于父子兄弟之間施德於緩急有無之際由親以及疎先人而後已方之古人殆薛包田真之流與乃翁不欲以不足者處人而天正欲以有餘者處翁席豐履厚受福已多至于今富且壽矣樂而康矣以翁之子孫視之亦以為適然之遇耳不知皆翁之仁心義質積累于數十年之前而今食報於數十年之後在他人不能知其意也惟翁自知之而自信之而余尤願翁之子若孫共知之而共信之信翁之造家

耆叟文稿卷六 壽序

十

以孝弟而數世之後必無有借縷耨而德色愆乾餱以閭牆者矣信翁之造家以勤儉而數世之後必無有侈聲色之奉縱狗馬之好以隳其業者矣翁之德不世世永守與又不惟翁之子孫今吾邑富貴之家鼎立也能如翁之造家者有幾哉聞翁之風而有慕焉將見孝友不衰而睦姻任恤漸以成俗義門之風接踵而起矣豈非吾邑之尤幸與夫余之祝翁不于其一身而以及于子孫又不於其一

家而以及于鄉之人則所以壽者大矣昔震川之為文也稱人之善以祝其壽曰吾將使為善者自喜余今為此亦欲翁之聞吾言而自喜也

張翁元之七十壽序

余姻戚元之張翁交余二十餘年矣余深悉其人多有可稱者今歲甲申翁年七十九月三日其誕辰也同里之與翁契者皆為翁壽而其諸子謁余請為文以序之惟翁天性淳樸人也余在鄉里間每不喜與少年徵逐而樂從長者游故遇翁之表裏洞達不設城府者雖終日與語不厭也獨惜不得與之常處耳翁之慷慨樂易其可稱者一也吾峴俗貧鮮得富人間有之往往氣凌儕輩恣其貪吝以斂怨於鄉者有之惟翁不然好行其德親朋之緩急必濟鄰里之假貸必予即有負之者不屑屑較也人以此誦翁之厚其可稱者又一也然而翁之大節則更有進翁之事

耆叟文稿卷六 壽序

十一

親以色養其尊人享有大年翁致愛如一日嘗作嬰兒戲以娛其親人以為老萊復生也翁於時年已五十餘矣又能友於其兄無彼我之間公其家財生平未嘗有分析之事其孝與弟皆有足稱者夫人於父母兄弟之間能畢致其情者難矣雖在學士大夫讀書談道之人於此或不能無憾若翁者其賢矣乎天之眷之錫以富且壽而又予之多男宜也翁有丈夫子九人雖氣象各別要皆能事其親余嘗過翁與翁談譙諸子必恂恂侍左右皆有咻噢乃翁之色余則羨之自翁年六十以上謝家事傳食於諸子率十日一更三月則一周也各盡甘旨之奉遇良日則邀翁所交厚者以共歡宴翁於此可以樂矣余嘗謂人之得乎

天無在非善而惟致孝於其親斯為至善天之錫乎人無在非福而惟食報於其子斯為厚福以徵於翁不其然乎昔歐陽子為許氏園記他不具書而惟以孝弟著於三世海陵之人過之未嘗不愛也為媿媿言之且勉其後人久而愈篤則不惟化及其人將祥徵于物而駢枝連理同巢共乳之瑞可操券而得翁之事殆有類於此不尤可稱矣乎翁之誕辰其諸子設廣筵大會賓客而親朋之有餽獻悉存之以周其鄰里鄉黨蓋翁平日惟以窮親故交為念周其急濟其乏殆無虛日者故諸子體翁之意亦以廣翁之惠也且云翁之尊人八十九十之壽固已行之矣此翁之家法也抑又可稱也已余之稱翁如此蓋不為世俗侈

素蒙文稱卷六

壽序

干

美之詞而惟徵翁之實以告於同里且為善者勸焉

張君元吉六十壽序

吾邑之東門有元吉張君今年年六十八月三十日其誕辰也其子太學生秉球率其兩弟請余文以為壽余固不文又不能為世俗頌禱之詞然第以為人子而欲壽其親其意固不可却而又不屑屑於飲酒宴會必欲得學士大夫之言以榮其親其志固已遠於流俗矣余是以不辭也聞之洪範之論五福矣一曰壽二曰富富與壽皆人之所甚願也人之所甚願而天果與之天豈有私於人哉蓋申之以攸好德而後知德為福之本以之致富以之得壽皆是物也迺今者有人於此頌之以壽則欣然喜期之以富而壽則快然足而如其告以二者之必本於德庶其好焉

素蒙文稱卷六

壽序

干

可以兼致乎則人又信者半疑者半而所以好之未必如富與壽之篤且至也抑有甚焉或擁厚貲而多行不義或享大年而適以敗俗則又以富且壽而害其德者有之矣甚矣其福之難也若余觀於張君今日之富未若封君之富也然而田廬足以長子孫蓄積足以周鄰里不可不謂之富今日之壽亦未為期頤之壽也然而花甲一周已登耆矣亦不可不謂之壽君皆有以致此者余嘗遇君於座其容溫溫然其氣肅肅然無苟訾無苟笑余固已窺君於微矣又嘗聞於其所親道君之重然諾喜施予周人之急濟人之困固一鄉之善士好行其德者也以此致富與壽夫何愧雖然又有本焉聞君之六歲而孤母孺人撫之苦

節三十餘年君能恪承慈訓刻志樹立以有其家又能教諸子以儒術名在庠序間駿駿乎有顯榮之望矣母孺人之節採風者已聞於當宁表厥宅里為榮已極君之志可以無憾矣夫孝德之本也人未有致孝於親而不邀福於天者余故知君之富與壽正未有艾也余亦孤子也受母氏之教今五十餘年而稍得自立亦往往受天之福而不富也夫貧而能安斯亦福之大者矣然余每遇已之生日則意有不樂兒子輩有時奉觴以進則却而不御蓋孤子之情於此有不能自己者以此測君之隱將毋有同於余者乎雖然君之子所以壽其親者意亦至矣未可却也君其誦余文而慨然受子之觴矣乎

素蒙文稿卷六

壽序

三

稼先兄六十壽序

余曾王父以下兄弟行凡十八人而今存者十人而已稼先兄年長余六歲幼時同受業於心水朱先生今追數之已四十餘年矣後兄徙居郡之北鄉跡甚疎常數年不見近稍稍來崑每舍余齋因得晨夕晤語始熟悉兄之為人兄性沈密寡言笑不苟於利與人處外若無可否而中實有分辨非其意不可奪之而喜怒不形於色蓋樸於貌而介於中者處事則精以詳尤有知人之鑒固體與用兼備者也余蓋嘗謂天下之至難得者人材是也今之自命為讀書明理取科第用於當世者乃至守一郡令一邑輒無所展布或債乃公事以敗其身名者比比也或得如兄之賢且能者見用於世其必能勝任而愉快而獨使之老於田間誠可惜也然余又以為在國與在家廣狹勢殊而需才則一凡夫一家之中上之有文獻之遺考祖宗之功德下之有田廬之守為子孫之世業大則有宮室器用備養生之具細則有牲牢酒醴達朋黨之情是皆賴有賢父兄主之於上羣子弟承之於下然後家無廢事而雍雍穆穆有餘慶焉今使一國之中其家盡然則朝廷之風化可知而況乎能治其家者未有不能治其國舉而措之裕如也又安得有乏材之歎乎哉吾瑯琊為吳中望族今居於崑者子姓無慮數百人而其材足以紹先業啓後人者殆無幾也譜牒散佚墟墓凌奪為之後有顧而有餘恫焉兄

素蒙文稿卷六

壽序

三

念振興之久矣惜其居已遠而又鮮有助之者故所為不就使其能久處於崑而子弟中得如兄者三四人同心任事則於家門之業其必有可觀者焉余終於兄不能無望也已今年卒已為兄甲子一周十一月某日是其初度之辰先期在余舍至則其子與壻請歸受觴余方約同行兄弟十人者登其堂致祝焉而兄固辭若有深痛於中不敢言壽者余諒其隱遂不往乃為文以序其賢且能足以承前而啓後者以告我宗之人使知誠如兄者固不可以不壽也

建伯兄七十壽序

吾兄建伯中書君以康熙丙申八月二十三日為七十之誕辰姪廷燮廷然先期來請余文為壽余弗辭夫壽命於天而致之自人者也古之言壽者莫詳於詩書而詩之言壽考不忘萬壽無疆者其詞皆歸於頌君子之德非專以為壽之文而至尚書所言商之六臣周之三后皆述其已然之壽然亦以為天壽平格惟其德可以格天故與之壽而非倖致也要其理又莫切著於洪範之一篇其言九疇首之以五行繼之以五事八政而皇極一疇專言錫福福以壽為先富與康寧次之而要以攸好德為之本蓋富壽康寧錫之自天人不得而強也而攸好德則人人可能天

惟因人之有德而錫之福則仍自人致之非天之私之也故先輩有云讀洪範一書當知天人渾合一理吾之所為即天之道天之變化昭彰即吾之所為其理微矣吾兄少治尚書業成進士於天人之理聞之熟矣故其一生既享富與康寧之福今且得年七十而未有艾余故以詩書之義頌之而不敢以浮詞效嘏祝也間嘗稽考家乘深有慨於前人年數脩短之不齊然壽者故不乏徵諸天人之理罔不合焉我王氏世譜相傳為周太子晉之後子晉見於列仙傳吹笙跨鶴其壽不可以年紀然此不具論論其近而可紀者遷吳始祖古川公崇祀崑之名宦事詳邑志而家垂遺訓懇懇數千言懿哉仁德君子也故壽至八十六

歲而東西兩族皆其苗裔縣者幾千人矣系於東者亦不具論其遷於崑者承事公而下亦分兩索少谷公後子姓計一百八十餘丁壽者十三人而止樂葵公後子姓計三百二十餘丁壽者亦不及二十人蓋皆十不得一也天之靳予人以壽如此吾祖宗以忠厚傳家事業文章垂于紀載亦既炳炳烺烺矣又治家以儉而不為齷齪之行睦婣任恤多好行其德處鄉里以讓而黽勉公事未嘗不以勤勞先人以故受天之祐俱享遐齡即自樂葵公以下數之警齋少葵兩公兄弟皆以進士起家警齋公年七十少葵公年八十二不獨壽考富與康寧兼有之近世谷巷公年七十五吾王父輞水公年七十八銀濤佩虔兩公年

素蒙文稱卷六

壽序

五

與吾王父等諸祖皆以淳樸寬厚克躋上壽獨有憾者吾曾王父止菴公挺不世出之資方以強仕宣力而年不稱德壽止四十有八未竟厥施論者惜之然即其所施已卓卓可紀就令今人多生於世至八九十年恐未必有其事是則天之錫之固已厚矣其壽之者又不以年也又其範家以弱以儉為子孫者克守乃訓未有不昌其後者吾兄固嘗以之銘於堂廡教其後人矣是即書之所謂攸好德為錫福之本者也其貽我後人豈小補哉今自警齋公以下為余從父行存者止衡齋叔一人今壽七十有六而自止菴公以下為從兄弟行存者惟兄與余二人而已兄今年七十余年六十九七十古稀余不知更得此一年否但

念我諸弟皆年少不復存吾三人乃獨享此難得之壽不可謂非邀天之福也詩書之告誡與先祖之誨迪義無不同余願與兄交勉之謹序

素蒙文稱卷六

壽序

五

西亭兄八十壽序

古稱立德立功立言為三不朽人惟有此故得常存於天地之間而非然者雖有年而不可以為壽也然余以為是三者立德尚矣惟有德以施之於事斯謂之立功有德與功以著之於辭斯謂之立言言也者又所以明夫德與功之不朽者也故能言者亦尚焉而若後世之為言者襍績以為工雕繪以為文是又昔人比之草木之榮華鳥獸之好音飄風過耳而其言不足重則亦未可與德與功並垂於世也吾兄西亭先生少稟殆庶之質孤生力學及壯而大用於世讀書勵廢義之志行義持叱馭之風敦忠孝之行崇廉讓之節兩緇花封不名一錢至其登朝右司諫職

素蒙文苑美大 壽序

夫

毅然以激濁揚清為已任不阿於流俗不憚於強禦以此退居田里終焉而不悔吾觀先生於今日而德與功並懋者也而又志存乎明道文足以經國非孔孟之言不以矢於口非周程之學不以訓於世著述之宏炳炳烺烺洵足以衣被海內垂示來茲者矣所稱三不朽惟先生迺兼有之今年乙巳為先生八袞大壽七月初八日其誕辰也邑之人士請具儀為岡陵之祝先生不許以前此六十七十之年業有文以告於鄉矣今且詩章自明其志而請者不能止因念夫先生著作等名山之業未可以久藏請盡出之以行於世而邑之人士亦得藉以展其情是舉也君子以為善頌禱矣余聞而嘉歎之先生之不堅執

其意而終許之宜也夫先生之德根於性性可知而不易知也故吾見先生之冲乎其若虛抑乎其自下藏修於閭植節於晦無意乎人之知而知者亦鮮故考德者恒歎其難名而先生之功又因乎時時則有幸不幸焉方其幸澤流於薊屋道行於民社而值其不幸則初試之而不售一違焉而終隱是豈其志不立才不足哉故論功者又惜其未盡乃若先生之言本於學而又深之以養足於理而又達之以氣自得之不能已於文也時出之不能竟其施也因其人而曲喻之隨所遇而徧給之非方隅之所能限而時命之所得奪也精之可造於盡性至命之微廣之亦通於風俗人心之變因言以考德則皆有德之言也即言以

素蒙文苑美大 壽序

夫

論功又其已試之功也而推以及人且能使天下之進於德奮於功者皆服習其言以底於成是以明之不朽也夫得乎不朽之義斯可以言壽矣凡今之頌禱乎人者皆其易朽者也必若先生則所以自壽者大矣而邑人士之壽先生亦不為無見云余交先生久自弱冠以至於今為兄弟者六十年矣歸田之後百里相望恨不能以晨夕而一歲之中嘗一再見必以道義相質問先生不鄙余而深加誨焉則余之壽先生豈能以無言乃先生壽躋大耋而余年少先生二歲觀余之頌先生如此而先生之望於余者亦略可識矣是為序

素巖文稿卷七目次

壽序三

邑令程侯母夫人八十壽序

松江魏別駕母夫人壽序

靖江劉教諭母夫人壽序

宛陵徐節母高太君壽序

徐師母金太夫人七十壽序

徐師母湯太夫人七十壽序

徐侍御夫人葉氏五十壽序

張靜宜母夫人顧氏八十壽序

李節母徐孺人旌表賀序

素巖文稿卷七目

像贊

甘省齋像贊 有序

許魯玉像贊 有序

孫淵如遺像贊 有序

字說

徐升大字說

邑令程侯母夫人八十壽序

竟陵程侯令崐之三年其尊慈蘇太夫人年八十某月某日為設帨之辰侯置酒官舍遙為之祝而舉觴南望愴乎有白雲之慕即明日投牒上司乞歸終養陳情懇且至矣牒往數日崐之人始知之咸惶歎失措奔相告語紛紛具控於兩臺兩臺固知侯之賢也亟慰留之崐之人歡然以安而侯則悵悵累日其愴乎有慕者無能釋也方侯之欲去余從諸縉紳留侯於琴署有辭以告侯矣曰士君子出處進退有義焉亦有命焉義無可逃也命亦未可強也古之人於忠孝二者豈有擇乎當乎其時盡乎其分而已賢人之節難進而易退固也然求進者未必進求退者未必

素巖文稿卷七 壽序 一

退抑有天焉非人力所得為也今崐之賴侯亟矣侯一日在崐則崐之民受其福去不云之間所係者大矣徇私而忘公非崐人之所望於侯也且侯初至之日而有去志余之箴侯至矣侯其忘之乎此余之辭也余之告侯以不可去者然也侯聞余言未嘗不是之然侯亦有辭以告余矣曰人有出於空桑者哉母年八十而戀一官非子也國家之制親老而無兄弟者許之終養某亦遵朝令已耳夫今日之令不易為崐令尤不易為也三年而無過幸爾設幸不屢徵而獲罪以貽親愛則忠與孝兩失也且先生亦為京朝官家居二十年不出非以為親乎願先生之處以恕也此侯之辭也侯之告余以必欲去者然也余聞侯言亦

未嘗不是之然余則有深感矣夫國家所最難得者人材耳幸一得之而使之不樂於有位可勝歎哉古者卿大夫皆仕於其國使於四方則有越境之行然亦不踰時而反而不遑將母先王所以恤之者至矣蓋欲以其身為國而必先恤其私則有以安其心而後可用其材智以施於天下皇華四牡之詩至今讀其文可想見先王體羣臣之意而歎士之仕於其國者何其樂也後世徇拘方之見不以人材為重使為仕者皆必去其父母妻子而苟不能忘其私者往往終其身於無用以不得自效於國家而在位者或有忘親苟祿之人遂使忠與孝不能兩盡而朝廷亦不得收人才之用此可為持世者之憂而非獨為一人一地

素庵文集卷七 壽序

二

惜也余今者既無以釋侯之情無已則更有辭焉凡人之親未有不願其子之有用於天下者往者侯之太翁先生掇巍科躋顯宦而令兄亦以名進士為郎官皆太夫人有以助之然皆不能大展其用有識者惜焉今太夫人之所望於子以紹乃父兄之烈者惟侯而已一日聞侯之治崑得民心而邀令譽如此太夫人喜可知也準侯之治崑以治天下異日為名卿為賢相以展前人未竟之緒太夫人喜又可知也使一旦遂侯之歸而太夫人無涯之願望何時而慰哉由此言之侯所欲致於太夫人者溫清之小節而太夫人所深望於侯者顯揚之大志侯今日惟是堅守其操而於民物之志益加廣焉則所以報太夫人者遠且

大矣雖離乎其側而神日親何有不能自釋也乎余之告侯又如此而即以為太夫人壽吾知太夫人聞之其必色喜而是余言也侯可以不去矣是為序

素庵文集卷七 壽序

三

松江魏別駕母夫人壽序

吾崑山於吳郡屬縣中號稱難治令斯土者輒不滿朞月以去往往借鄰郡官府以攝縣事顧多與民相合民有懷其德者康熙三十四年藩陽董公以松江郡丞來署縣踰年而去值歲荒撫吾民甚摯民至今不忘其德今年春東陽魏公亦以松江別駕來署縣其撫吾民無異董公故民一如所以懷之者於公之將去值公太夫人設悅之辰邑之士民將以頌公者頌公之太夫人而效躋堂之義以寄去後之思余從父老後誼不可以無言爰拜手而進祝嘏之辭曰士君子之不能無志於仕也非但以之忠吾君而即以之孝其親此豈獨為祿養之微世俗烜赫之為哉蓋

素庵文稿卷七

壽序

四

能使吾之才以及乎其民而俾之無不得其所則亦能使其民愛之敬之皆思有致乎我而欣感之私頌禱之誠將不僅及於吾身而止者蓋上與下相與以情不可強也有如斯矣乃世之仕者於民也動以法制相禁格謂上之命我有法而已我執法以繩民民其何辭而不知吾民之困於法甚矣為之牧者不能通其情於法之外恤其勞苦念其艱難民雖有情其誰訴焉將古之頌其上者稱之以父母祝之以萬年其義又何居與自公之蒞我崑出其通敏之才遇事必欲以有為無因循膠固之習其督賦也適當課最之時格於令無能以寬然其勤卹之意亦時時見於條教之外民固感之不忍其遽去且以是為太夫人

之教而思有以致其情也且夫士君子苟挾其有為之才思有濟於天下隨其身之所至民皆受其益焉如公之受命為松江別駕五年於茲松之士稱公無異辭而攝吾崑纔五月頌聲亦起蓋地無大小時無久暫其治一也善乎吾鄉震川歸先生之論牧民者譬如父母之生子為之擇乳母焉其乳母或以他故去而鄰母代為之乳猶乳母也又復為之別求乳母則過矣古之守令有假有守有攝然久之即真也郡丞常行縣事何不可哉若夫太夫人之教公余竊有聞矣當太夫人之為女也有曰一先生為之父及來嬪也有大方先生為之舅內外尊親皆一時號為儒宗故能稟承家訓以成淑行曩時公之太翁先生官於粵

素庵文稿卷七

壽序

五

東太夫人從焉而今即以相夫者教子吾知其必能如雋京兆之母輒問平反以教其子嚴而不殘者又能如孟仁為鹽池司馬以鮪寄母其母責之而卒以成其令名者公固嘗道母之賢自謂謹守官方母敢隕越皆母之教蓋信於公之言尤信於吾民今日之言觀公之能撫吾民而可以知太夫人之教觀吾民今日頌公之言而可以知公之克承乎太夫人之教且以為公之壽太夫人者亦莫壽於此也抑余又有感焉今年春三月己亥為余節母朱太孺人七十初度同里親朋多有來慶者荷公之德被之以瑤章遺之以玉笋俾余得藉手以獻高堂有榮幸焉然以視公之大有施於民而能致民之愛於其親者廣狹不霄壤

哉余滋愧矣士君子不藉爵祿以為榮而有時動心於仕宦者為親故也公之功名未可量而太夫人之壽為期為頤亦未有艾也自今以往公所至皆有施於民而能致民之愛以榮其親豈獨吾峴哉公其以吾言陳於太夫人之前而且以告之董公可乎

靖江劉教諭母夫人壽序

靖江劉先生以孝廉官博士於康熙庚子來崑掌教慎取予謹節制聲聞翕然明年冬迎母夫人徐太君於學署色養無違峴之人稱之曰此真孝廉也而即以表率其弟子為無忝博士之職今歲五月值太君設悅之辰縣大夫暨其僚佐及邑之紳士咸相與先期製錦稱賀而屬余為侑觴之詞余惟太君系出吾吳望族嬪於劉兩家皆有名德勿齋先生以文章節義顯於明季太君之高叔祖也劉之始祖於明初著有軍功世襲指揮之職宦於江陰家焉後成化間分支徙靖江太君之君舅江舟公順治丁亥進士令建安有政聲年十六歸西山公公篤學早世太君年甫

三十守貞撫孤以育以教至於今三十五年矣又孝事孀姑存歿盡禮操家勤儉始終罔懈子四皆高才生長君與博士並登賢書仲叔亦蜚聲庠序太君之教於此可概見矣今博士年未及強仕而風采熊熊不可逼視說者謂司教於峴其鬢耳 國家重師儒之選數科以來凡學官之試於禮部冠南宮陟翰苑者多有其人是則博士之榮其親正未有量余以為此固然也然君子不倖未至之寵榮而祇盡當前之分位博士其果能真孝真廉以厲其節而率乃多士以盡其職以報其親則為榮於太君固已至矣夫古未有以孝與廉並稱者稱之自兩漢始漢之取士最近古自惠帝初詔舉民孝弟力田者復其身後又置孝弟

二千石者一人尚未及廉也至武帝用董仲舒策議始令郡國舉孝廉各一人孝廉之名昉此其制酌戶口之繁簡定舉人之多寡貢士者謂之有功迺加九錫不貢者黜爵削地至謂不舉孝以不敬論不舉廉為不勝任也其重孝廉之選如此漢是以得人嬈於前古後世鄉舉里選之法不行徒以文章取士而實行不察久矣至于明代制科專用八股選于鄉者謂之舉人由禮部而升者謂之進士舉與進猶通稱耳乃獨於鄉舉之人稱之為孝廉不知義何所取徒務其名而不核其實余竊疑焉而又深思其故則或以為人道至大惟孝與廉二者人宜自盡又人人可盡且以為非此二者人不可舉也故羣然奉以孝廉之名而

素嚴文稿卷七 壽序

八

不敢辭吾夫子論士首以行已有恥有恥者廉之義也其次以宗族稱孝鄉黨稱弟然則聖人之論人亦豈有外於此二者哉今國家取士之制雖不專尚此義而特於學校之中設博士一官以教天下之學者又往往以舉人任之其又或以孝廉之人行孝廉之教固有深意存乎余嘗考博士之官亦始於漢武爾時儒術盛行太常請博士置弟子五十人擇民年十八以上有好文學敬長上順鄉里出入不悖所聞者二千石謹察可者常與計偕其黜陟刑賞至為嚴重要其鼓勵而成就之亦不外乎孝與廉也今橋門之內濟濟有人其誰不羨鄉舉之名者亟當自省其孝廉之實博士以自處者處人誠為之表率焉真孝真廉

是則是倣則遊於庠者皆可舉之人矣博士作人之化豈不誠偉矣哉余今之為文所以壽太君也然非揚博士之名不足以壽太君而欲揚博士之名非指其孝廉之實亦不足以壽太君故為之論倣如此經云立身行道揚名於後世以顯父母孝之至也然則余之壽太君亦其至矣乎

素嚴文稿卷七 壽序

九

宛陵徐節母高太君壽序

宛陵徐君敬菴司訓於崑山十年矣每見余必道其節母高太君之賢太君年十三而嫁十五而孀稱未亡者五十五年矣今世固多節母而節之最早與最久者莫孺人若也又孝以事舅姑慈以育其嗣其有聞於宗黨者無非懿德至行宛陵人士既具詳事實以告於有司采風者數子之褒矣而特未有以栢舟之操上達楓宸者故旌門之典尚未有及司訓君常以此悒悒謂母夫人之潛德未耀為子者之責也然余嘗微察之而知司訓君之自致於親者蓋已至焉方其奉親於學署也老屋數椽幾不能蔽風雨而晨昏定省日靡有閒首宿之盤餐至常憂不給而未嘗

青嶽文稿卷七 壽序

十

缺甘旨之奉人以為茅容復生也以故蕭然寒舍中太君怡然安之可以知司訓君之能樂其志矣今年太君年七十吾邑紳士與司訓君有交者咸具儀致祝門人輩羅拜堂下以余與司訓君密也又命為侑觴之詞司訓君方藉以為娛而太君亦顧而樂之蓋不特太君賢也而司訓君亦可為孝矣夫國家於郡縣設博士之官固將以教天下之為人子為人臣者故署其堂曰明倫而士未出而事君先入而事親故欲教忠必先教孝而庠序之中特詳養老之制凡所謂執爵執醬奉杖進履之儀雖君公之貴猶致敬焉況於士乎吾不知司訓君平日其教弟子以孝者道果何如而即是以身教不啻以言教吾知橋門之內是

則是倣必有興起而不自已者矣由此言之司訓君不但有以自致其親抑且可以無忝所職吾安得不樂道之哉雖然太君於旌門之典終不可已也我國家尚節義崇教化獨專其責於學臣故三年報政必采境內之貞者以聞於朝今其事未嘗廢也而獨靳於宛陵之節何與豈其事關風教而顧或別有尚與余亦孤子也曩者吾母之被旌一時尊宿皆有贈言而吾友許時菴先生之詩有云他時有母孤方立今日無兒事不傳蓋甚幸吾母之得旌而其寄慨亦深矣今之主文教者固大賢也司訓君試以吾言告之宜其於太君之節有不能泯沒者旌門之典何可以已哉何可以已哉

青嶽文稿卷七 壽序

十一

徐師母金太夫人七十壽序

吾師司寇公以文章經術鼓吹休明導揚盛治迴翔禁苑者二十餘年凡國有大事高文典冊皆出公手

上為之嘉歎蔚然一代儒宗也然公不獨以文章自命當其職居樞要風節凜然以激濁揚清為己任眾皆側目於是不得安其位退居巖壑中更憂患而卒無所悔海內推為鉅公矣作之配者良亦非易而有吾師母金太夫人生自名門早年來嬪亦嘗相公於貧乏有無黽勉迨公漸致通顯門第日高至於貴極富溢朝廷之寵錫駢蕃里門之嘉慶稠疊太夫人為之屏當庀具無有關禮公去世之後諸子卓有聲譽燕山五寶再見於今日侍御里居色養盡

素懷文集卷七 壽序

十三

萊子之歡人稱其孝參議視學山左太夫人板輿畫鷁之官就養當世榮之今歲甲申太夫人年七十兩君率諸弟暨子姪捧觴上壽羅拜堂下太夫人怡然受之鄉里之姻戚遠方之朋舊具儀物獻歌頌者無虛日人見之者咸相歎羨以為太夫人居天下之全福也夫有大福者必有大德太夫人之懿行未易更僕數曩者相公於貧乏事多有可稱詰生嘗侍公猶記公之自言少年時艱苦遭歲荒家無儲粟日為之啜粥又嘗過盜入室太夫人以智却之自挈其囊篋踰垣而避此余所聞於公者太夫人之幹略落落成能行乎富貴而其處窮守約變而能通者人未之知也

公性恢廓慷慨好施子脫驂贈縞之事無日無之太夫人一聽之至於窮親故交之往來周其急濟其乏施德不倦太夫人至於今行之與公存日無異也里中有同善會太夫人歲捐金以助之貧民之賴以炊者不可勝數是誠能損己之有餘以濟人之不足者夫誠能損己之有餘以濟人之不足則德之聚而福所歸也人但知太夫人之錦衣玉饌享有富貴之奉而其隱然積德以召福於無窮者人又未之知也詰生年十五六時方習舉子業而公為名孝廉余外舅天侯先生與公交契命詰生從之遊蓋公之後桃李幾徧天下而同里之執經於門者惟余為之先故公遇之特異于眾人比公歸田之日詰生偃息已久公亦不

素懷文集卷下 壽序

十三

鄙其朽拙彌加厚焉余銜感益深至于今不忘嘗恨不得久侍公而猶幸太夫人之康寧壽考則猶公之存也雖不文其何能以無辭謹為序

徐師母湯太夫人七十壽序

間嘗讀易以為通於乾坤之義者可以悟全易蓋乾坤者該天地統君臣攝夫婦者也乃余讀乾卦而獨有取於九三之爻辭曰君子終日乾乾夕惕若此周公居東之心也位高而知懼德盛而不矜求之今日惟吾師相國公有之讀坤卦而獨有取於六三之爻辭曰含章可貞或從王事无成有終此鵲巢夫人之德也有美而弗曜以順而不專求之今日惟吾師母湯太夫人有之蓋公以命世大賢受兩朝恩遇侍講幄陪法從迴翔禁近者三十餘年當其總理樞要參預密勿一以維綱植紀激濁揚清為已任鯁直如魏鄭公廉潔如趙清獻忠誠如司馬君實博辯如歐陽

素蒙稿卷七 壽序

十四

永叔而所處孤危往往戰兢自持即終其身憂患之中而無所悔乃夫人之相公也處炎熱之地而稟幽閒之性履絲華之境而存淡素之心際盛滿之時而持恭遜之度儉以制其靡謙以戒其盈靜以安其貞守公之志成公之節故在官聞然不知有綸翟之榮而在鄉亦泊然忘其閥閱之貴夫世之盛也其大臣類能砥節奉公絕朋黨抑僥倖其事常不利於庸衆人之所為甚至羣小側目謠詠並興而以身當之無所畏避惟憂憂齊慄以為自全之地至於持已至慎刑家尤先故其閨閫之中亦皆清約自守無染於俗有窺其室而布衣蔬食常無異於寒素之家者用能交相勸勉成其令德采繁采蘋之節所由與五絨五紵並

流聲於南國爾泊乎世衰臣節與婦行交隳此風邈矣如公與夫人者相得益章秉乾坤之正氣殆有合於九三六三所云者于以垂聲史策著範鄉閭猗歟休哉洵足以為邦家之光也已詰生少受業於公之門沐公之知最深既忘其卑陋且締姻焉詰生感公之義因以聞夫人之懿德甚詳嘗與所知論閭閻之賢必推夫人為模範且云賢不足以盡之聞者以為允然而夫人初不自知也一時之人亦或有未盡知者余則度之正惟夫人不自知一時之人或不盡知而愈以見夫人之賢則夫含章可貞為坤德之至豈不信然乎哉今年丁亥春二月初七日為夫人七袞設帨之辰里中親串咸登堂獻壽余為侑觴之辭余不敢辭而特有未宜於是役者然生平感慕之深亦不能自己於言故為引乾坤卦爻之義私以質之吾友忍齋忍齋得於庭訓者深其事太夫人至孝平日視無形聽無聲所得於太夫人者必更有進試証以吾言其或有當乎否也

素蒙稿卷七 壽序

主

徐侍御夫人葉氏五十壽序

吾友徐以約侍御之德配葉夫人於今康熙三十八年七月二十七日為五十之誕辰其門人之在山右者太史陳渙汗先生率其同榜諸君製錦為壽而乞言於余以余與侍御同里同學且有世講年誼交久契深於夫人之閨德淑行必聞之詳而言之信也余不能以辭蓋嘗謂天之與人處以絕盛之遇則必責以至難之行而畀以有用之材其在內與在外一而已惟吾邑故多望族自本朝以來推南州為鼎盛吾師三先生兄弟並登上第致高位文章聲氣甲於海內其門庭之赫奔交際之紛煩承其後者或慮材之難副而侍御於諸昆齒最長任家事獨早相之者惟

壽序

其

夫人也夫人系出南陽少受教於母氏李太君太君邑之女宗也及來嬪也則稟司寇公與金太夫人之規範故能與侍御同心續承內外相濟凡所歷恩榮嘉慶皆非貧家所及見即其宴享餽遺事不越衣裳酒漿之細而稠疊繁縟異乎尋常凡夫寒女窘婦望而却顧憂其不能勝者夫人處之裕如若所素習姑嫜悅之宗黨賢之人羨其遇之獨盛而不覺其行之有難皆以為夫人之才天蓋畀之以相我侍御者也余嘗讀易而知天地之運陰與陽各得其半人道亦然故家人之傳曰男正位乎外女正位乎內內外之事不能相兼而適以相成故皆不可無才乃閨閣之中類多碌碌無能而為之說者又舉口於地道無成之指

不知坤之六三有美以含之乃可貞耳使其美無有而又何以從王事何以代有終也哉蓋才鍾於男子而天下有善治才鍾於婦人而一家無廢事余觀於夫人而所感者深也故為文以壽之而以告侍御之門人夫侍御之才足以有為其門人所知也而夫人之才相侍御以有為其門人或未之知也今侍御年未及艾天將使之大用其才而夫人所生之子亦皆有經世之具其所以相之豈有量哉余特於其五十之壽而發其端如此

壽序

其

壽序

其

張靜宜母夫人顧氏八十壽序

余女兄顧夫人為文學席登張君之配今康熙四十三年夫人年八十其子縣學生瑟徵親友之文以為母壽而乞言於余余姑母有四其仲為夫人之所生有一子少多病未及婚而卒女三夫人其長也余王父存日夫人嘗隨母至吾家余垂髫時往往見之張氏世居楊槍涇家頗饒田廬甲於一方人稱之為楊槍涇張氏余少時亦稱夫人為楊槍涇大姊云王父歿後余家中落親戚遂不得過從夫人雖遷居城中竟無由一見於今已數十年矣僅得從其子問起居頗悉其狀夫人少好勤精於穡事至老不肯休文學君去世夫人年已七十矣猶往來鄉城佐其子以作

素

卷七

壽序

十八

家其子以是能讀書脩行蜚聲庠序間余姑母之仲子為余吳氏舅母季女則嫁於朱余表兄八山之室也姊妹三人皆能以孝事其母生養死葬春秋會祭於墓余姑母迺不知有無子之戚也余雖久不見夫人心竊儀之又嘗私念吾王父母艱於得子中年始得吾父吾父終鮮兄弟然先有女兄四猶之有兄弟也乃余姑母又鮮克有後惟季母得賢子二八山翼昭是也孟有子則無孫仲叔皆無子故余之外兄弟不多得焉然而女兄則不乏猶之有外兄弟也夫兄弟不必其多惟有之而常相聚焉斯倍覺其有情則善耳今夫人之於余不為不親也又幸而居同邑無道里之間夫人且登上壽歲月優且長矣而曾不得一見

以話生平之歡余其能無慨於中乎夫古稱睦於父母之黨以為孝而教民三物則睦婣任恤與孝友同其行故吾鄉震川先生嘗論親親之義以厚道教天下也以為族兄弟之別非一本之父道則其始一人而已外兄弟之別非一本之母道則其始亦一人而已然則余之為此言以壽夫人其亦不忘所生之意乎瑟也試誦我言以為俯觴之辭吾知夫人其必踴然喜而油然動其無窮之思也已

素

卷七

壽序

十九

李節母徐孺人旌表賀序

皇上御極之四十有五年江南督學使者采境內貞婦之符例者請於 朝行旌門之典吾邑節婦徐氏為文學李邦靖之妻與焉其子震宗受賜金建坊於門左一月而工事畢里中親串相與製錦稱賀屬余序之余以不文辭而吾友侍御徐君馳書來告曰子非節母之子乎節母之情惟子知之亦惟子能言之願子無辭也余不獲已乃為序而論之夫人莫不受命於天天之子之有處以至厚者有厚之中而處以薄者有薄之而終以成其厚者要在其人之能善承乎天而已李節母徐夫人者吾師司寇公之女僉事元仗先生之冢孫婦也兩姓皆邑中名閥徐尤鼎盛

卷七

游集序

二十

一時冠蓋如雲夫人之兄若弟無非顯者焉當結禡之日僉事公方致政於家門庭赫如也天之處夫人可謂極厚而獨厄於其所天余少時交於東嶼昆季常過從得見其子文學君十五六歲時姿容皎如讀書不釋手余驚其英偉卜有厚福而不意其遽死也夫人當此磨笄不欲生幾忘其生長之獨厚者而人亦以天之厚于彼獨厄於此不解造物何意乃夫人煢煢然翼翼然始勵其栢舟之操繼盡其鵲鳩之仁日接夫芬華盛麗之觀而獨全其縞素純白之質孝以事其親慈以撫其嗣勤苦三十年之久而至有今日淑問決於庠序徽音達於臺司迺至

天子嘉其貞鄉黨榮其遇烏頭綽楔巍然光閭里焉學士

大夫競為詩文以紀述之下至田夫販婦亦莫不瞻仰道旁嘖嘖稱羨以為惟此可以酬其節矣然後知天之厄其遇正以成其德而揚其名其薄之也亦以厚之也不然而富貴之家所生女子何可以指數彼夫所遭順適跡其生平徒享庸庸之福以泯沒終其身者豈少哉蓋天之處人厚薄誠不可以一時論也豈惟女子哉凡古之忠臣孝子志士仁人困於其始而伸於其後者皆是也特其志節不立者往往不能善承天意以至於自喪其守則以為天之薄之也云爾余所能言於夫人者如此若其三十年之中情之荼苦夫人惟自知之耳余固不能言也余為孤子曩者吾母朱太孺人天之處之非有若夫人之厚也而荼苦

卷七

游集序

二十一

與夫人一致然且詰生不能為吾母言其情其能為夫人言哉即震宗今日又豈不知其母之情之荼苦也者而使言之則亦有不能況於余哉此余之無以荅於吾友徐君者也然余猶憶吾母於受旌之年賓朋之賀者盈門矣吾母獨呼詰生而涕泣告曰婦人而勵其節非幸也又以節顯尤非樂也子其敦爾行脩爾名以無負我節斯已耳詰生於時頓首受命而獨恨余之荒落無似終以負吾母也至於今追悼無已以此測夫人之隱其亦有受之而不怡者乎抑重有期于震宗者乎震宗勉乎哉慎無若余之荒落無似也則所以報其母者大矣此則余之所以為夫人賀也

甘省齋像贊 有序

三韓甘公官於吳有年矣余初識之裾履翩然氣度軒朗知其為王謝家風也迨與之語言論衮衮及吏事辨晰豪范有發擿則人歎以為神而後知其才精敏殆漢黃霸名信臣之倫然僅以為古之循吏而已又久之迺得其微公嘗以省名齋自著其說以示余真切懇至雖蘧伯玉之克治無以加也則又知公之有志於聖賢之學嘻異矣昔魏舒為將軍鍾毓長史毓每與參佐射舒常為畫籌一日令舒備偶舒容止閑雅發無不中毓初不知其善射也歎曰吾之不足以盡君才如此射矣蓋古之君子善藏其蘊而不輕以示人類如此余故於公而重有爽然也會公陞平

素 龍卷七 像贊

三

陽守將去吳出其小照索題余固難與公別因以據吾情而系之辭曰

公之先人河嶽日星公之諸昆瑤珉璵璠公年方少而才甚老公氣則雄而志於道交公三年不盡其藏後相見期如何可量才大斯斂學道惟誠久要之言以慰平生

許魯玉像贊 有序

歲丁亥五月鶴江許生錫祚奉其先人魯玉君遺像求贊余與君未有交也按錫祚行述君諱佳璠世為休寧人祖以避亂移居松之鶴江今四世矣君為太學生試授州司馬少好讀書喜馬遷史記善吟詩格仿石湖劔南負經世才以養親不仕孝友著於鄉閭志在四方嘗從鉅卿游自勵風節人以此器重之家居儉素不尚華飾而好施予通有無能行其德於嫺黨宗族間嘗讀古人語勿以善小而不為勿以惡小而為之生平操履於此兢兢其訓誠子弟亦以是也母喪哀毀卒以自殞年不及中壽嗚呼亦可謂篤行之君子矣

素 稿卷七 像贊

三

贊曰惟君多智而貌若愚唯君任俠而行則儒寧晦跡以奉親不羨丹朱必全交而達利不食園腴寄遙情于書史騁逸志於江湖利濟不假有位樂善以為後模噫此其為徐孺子管幼安之徒

孫淵如像贊有序

余交淵如垂二十年其挾醫術甚精余家上下胥賴之一月之中必數過余論詩譚藝往往意愜間一舉觴賭墅相歡也蓋其天性耿直無俗下纖靡之習而標格秀令吐辭屬文常有晉人風致余深契之相善不獨以醫也迺其年甫艾而遽化去生平活人無算曾不得自永其年天可問乎意常切於救人不自暇逸以至於困余方箴其自愛病中切切以衛生之術進惜精氣已散不能復起哀哉歿之一月其孤以遺照求題為之贊代楚些之詞云

嗟嗟孫君德成而藝身非有位以術濟世醫國醫人博施無二拯人九死出奇百計何自有疾束手待斃達生順命

素明 仙卷十 贊

帝

見君深詣仁者不壽報施理異翁公在天斯人何庇嗟嗟孫君質極而貴靈靈玉屑便便腹笥寸金尺璧時或相遺月夕花晨磕膝交臂棋不受降酒無辭醉竹林勝情於今未墜風流雲散俯仰興喟我瞻遺像恍如夢寐未竟厥辭潛焉出涕

徐升大字說

吾師少宰公命其篆孫名曰德慎後十六年世兄誠脩屬詰生字之詰生於分不敢當特深味乎吾師命名之旨竊有說也夫人德命於天而非慎曷以成之古之聖人言慎者屢矣有慎在心有慎在事有慎於言有慎於行苟不本此心以出之則無所為而善而苟本此心以出之則亦無所為而不善也駸驥一日千里然非羈馭鞭策則為泛駕而不能以致遠百鍊之金必就於范否則不免躍冶而未可為用物猶如此況於人之成其德乎是以古之君子知足以周萬物而不輕用其知勇足以懾羣動而不輕用其勇洞洞然屬屬然如臨淵如履冰終其身不敢有先人之

素明 稿卷七 字說

圭

意易事之心蓋慎之至也而德於是乎成矣間嘗讀易至下巽上坤之卦聖人命之曰升而係之詞曰君子以順德積小以高大順之為言慎也慎則順不慎則逆可知敬肆之間即惠迪從違之所由分矣夫德期於高大而不可以驟致故理取夫積積則有日新之機不期高而自高不期大而自大升之象也然非操以至慎之心則將何以為積而又何高大之足云哉甚則或以放誕為高以跼弛為大一念偶忽而全體有虧一事不謹而終身抱疚者有之矣上達下達勢不兩立君子求其升也惟慎而已矣余故字之以升大蓋由繹吾師命名之意而申論之如此抑余重有感焉伏惟吾師少宰公生平守循牆之命飭躬勵行一

以忠誠自矢以之受知君上有恭謹之褒而垂訓後人猶
此志也吾世兄誠脩恪守家規聲聞日茂今且燕翼其子
繩繩勿替遺澤自此遠矣詩云無念爾祖聿脩厥德升大
勉乎哉

素懷稿卷七

字說

王

素懷文稿卷八目次

行狀

座主承德郎翰林院侍講彭先生行狀

誌銘

翰林院侍讀瞻庭彭公合葬墓誌銘

朱望淵先生墓誌銘

朱義宗先生墓誌銘

夢村胡君墓誌銘

葉君信侯墓誌銘

傳

黃梁子傳

鄭春陵傳

顧孺人傳

鄧老人傳

素懷稿卷八目

承德郎翰林院侍講彭先生行狀

先生姓彭氏諱定求字勤止號訪濂先世江西臨江人明洪武初始祖諱學一從軍至蘇隸衛籍五傳至南牕公諱時隱德遐齡名輩推重高祖梧山公諱天秩嘉靖辛酉舉人倡明經學門徒極盛曾祖蓼蔚公諱汝諧萬曆丙辰進士登第後一月驟卒未展抱負時論惜之祖敬與公諱德先吳庠生長於經濟著蘇州賦役江海防禦等書贈文林郎妣蔡氏贈太孺人父一菴公諱瓏順治丁酉順天亞元己亥二甲進士授廣東長寧知縣以先生貴累封承德郎翰林脩撰國子司業惇德篤行以理學倡率後進湯潛菴先生撫吳時深相器重還朝之日曾以入告

素庵 八 行狀

上亦知為名儒也妣施氏繼妣表氏皆封安人先生生於順治乙酉五月九日時王師方傳檄江南城居震恐施安人產先生甫三日倉黃提避嶠里丙舍備嘗危苦遂嬰羸疾以是不得永年先生抱終身之痛焉一菴公以拔貢赴進試留京師久先生依王父母以育以教沈潛苦志刻厲問學先後受業於陸圭菴宋疇三吳敬生三先生皆一時名德格益最深而考功雅園顧公負人倫之望里居造就人才特獎許先生先生故師事之辛丑年十七受知於念蒿胡公補博士弟子員一菴公成進士後十年始授官令長寧清廉慈惠甚得民心顧以受誣落職先生時在家聞難急赴即除夕冒雪登程挾兩蒼頭走數千里孤蹤偃

蹇攀嶺涉瀧極瘁一月而抵長寧父子相向痛哭見者為感動留廣一載縣務始竣先生外為之彌縫而入則娛侍左右百方慰解憂患漸釋歸塗乃不廢游覽閒事吟詠都為一集題曰南鳩鳴和到家晨夕奉事色養怡愉一菴公乃不知其身之無官也人但知先生登巍科膺臚仕之日顯揚以為孝而不知其未第之先能奉親於顛頓之餘承類樂志竭其心力孝思所格神靈佑之每有感應固其所也壬子中江南鄉試丙辰會試第一高陽李文勤公為大總裁鑒賞特至殿試日午漏未下先生對策方寫二幅上特命中使先索會元卷進覽次日進呈擬一甲第三上問會元何以稍後奏以書法不及前二卷

素庵文編卷八 行狀

上曰仍當以策為主後結一段有勸勉朕躬之意自古周程張朱豈必皆善書者遂拔真第一授翰林院脩撰明年丁巳特行鄉試為順天主考得士三十六人北闈典試向屬畏途是科額數又窄榜發失望者眾有以冒籍未經檢舉為言得旨寬宥以考官原有檢舉冒籍之例鐫級留任先生操守素嚴是役非其本懷時勢所迫有怒然於中者從此益加懲愆服習於儒先之訓學以大進而仕宦之情亦稍稍淡矣庚申請急歸里時一菴公方興洛閩之學從游日盛先生遵循家教杜門力學絕干謁息燕游粹然儒者之望矣壬戌嚴命趣入都補原官甲子充纂脩兩朝聖訓官乙丑正月

上親試詞臣保和殿作經史賦懋勤殿應制詩翼日再試
乾清宮作乾清宮讀書記班馬異同辨析穀壇應制詩俱
蒙 睿賞四月充日講起居注官分撰春秋講章十月充
武殿試掌卷官十二月升國子監司業時直省選貢駢集
人文較盛而監規久弛先生特振勵之西廂專司月課嚴
立教條每散卷後必竟日危坐面令交卷越宿出序乃歸
寓文有佳者選刻以示獎勵又編輯孝經旁訓翻譯國書
頒示八旗官學生自製序文誠勉多士敦天性明人倫移
孝作忠以無忝所生拳拳於育才成德三致意焉又監中
考取教習往往奔競成風時鐵菴翁公為祭酒雅志澄清
先生與之同心禁絕弊端請託不行由是名雋脫穎孤寒

素懷文稿卷八 行狀

三

沈滯者皆得入選輿論大服至監中陋規革除殆盡考到
出咨不名一錢嚴飭吏胥毋得纖毫需索士皆驩頌歲三
周升翰林院侍講改官三日即投牒援省親例乞假出都
之日僚友同年王吉武暨六館知名之士如青浦王原金
華李鳳雛溧陽費坤輩皆有長歌贈送斐然成帙誦其詩
可以得先生教思之厚已未至里門聞一菴公訃先生號
慟跣奔殊不欲生歸經紀喪事而表安人又歿先生晨夕
哭於內外殯宮僅存一息既葬廬墓數月終三年不內寢
服閱後告病展假里居又二年癸酉冬始起補原官奉職
一載而仕路嶮巇見聞益習先生意不自得遂復請歸潛
然之志不可復回到家作誓墓詞以見志維時先生年方

及艾已作終隱計矣歲乙酉

聖駕南巡命詞臣之在籍者按刻全唐詩先生首蒙簡任
又分賜御書先命中使傳諭江南督撫問鄉紳中誰是不
管閒事人品學問好者督撫舉先生以對

上特賜御書大幅以示優異又諭校訂諸員有銷假者照
現任一體升轉書局設於揚州先生專意編摩往來邗江
二載始進呈竣事後仍假歸里不改遂初癸巳恭逢

聖壽六十大慶先生率領蘇州士民赴闕朝賀傳 旨賜
宴暢春苑祇領 御賜夔龍格水池松花石硯一方謝恩

回籍先生時年六十有九筋力漸衰念身沐恩遇不敢偃
息禮成後旋出國門有勸之遽巡少俟者先生曰我小臣

素懷文稿卷八 行狀

四

也此來乃少盡臣分更何俟乎遂不及結伴而行先生固
堅志泉石仕宦榮膺始終不以動其心也先生里居二十
餘年泊若寒素見者幾不知其為簪組中人而特不欲藉
口林壑以偷安取便厚自矜束動以古賢為法尤注念桑
梓凡有係於興革利害之故必斷斷論列力為維挽嘗語
於門人子弟自明其志謂我生拙樸誠不自意荷君上之
寵遭遇非常德薄能鮮未得馳驅皇路潤色隆平以圖報
稱惟此碌碌之素知足知止以稍存廉讓之節苟鄉黨有
為力所能任不敢不盡余即以此之報塞殊恩而省愆補過
之意寓焉此先生自靖之語於此可觀其概矣先生學本
於濂洛二程之書固嘗雋誦而尤篤信者姚江也若象山

若白沙以至鄒東廓羅念菴高存之劉念臺黃石齋諸君子皆莫逆於心而有深契者先生故有高望吟為諸賢作也於傳習錄體驗真切諸賢之書亦時時披誦間有為之校訂者生平所編纂有儒門法語明賢蒙正錄而同里先輩遺文表章尤急若王仁孝先生俟後編周忠介公燼餘集其尤著者矣晚歲有學易纂錄深歎易道無窮謂人之一身隨處皆易孔子刪定六經獨於周易曰贊十翼精深廣大後儒發明恐未盡其旨也於鄉里多所締造而績莫著於長洲學宮宮坐城東隅甚僻自康熙初年鎮帥駐防就其地為公署理事之所兵馬蹂躪傾頽殆盡僅存殿堂岌岌乎殆矣先生觸目恫心矢願脩舉始壬戌迄己丑三

素庵文集卷八 行狀

五

十年間經營盡瘁漸次改觀殿堂巍煥啓聖祠尊經閣諸廢並興費至盈萬助者響應先生一誠所感若有默相之者當夫始願亦不意其得此也由是先賢祠宇次第鼎新徐文靖公祠向建虎丘有毀之者先生告於當事釀貲復之移建長洲學宮之左而以同時殉節許重玉顧東湖兩先生配享又崇祀文文肅姚文毅陳文莊三先生於鄉賢祠又於府學合祀于湯二公宮牆之內炳炳麟麟俎豆生色他若重建文信國祠以表正氣之存脩吳文定公祠以復東莊之舊先生以衷忠慕義之心發而為脩廢舉墜之事念之所存功無不集他人即有其志未必有其能也家祠已建復脩葺園為合宗之廟歲壬辰安奉始祖以下

神位二十座於蔚基草堂糾集宗人肅將祀事為文以祭永懷水源木本之思園遺自蓼蔚公顏曰蔚基所以識也又嘗專祀一菴公於文星閣下繼又奉宋吳二先生合享之侑以及門之賢者文星閣坐婁對二門之中建自前明萬曆初年踴然高峙為長庠輔翼先生屢加脩葺踵美增華蔚為勝觀輯有小志敘其始末先是已奉圭菴陸先生祀於長庠後又專祀雅園顧公於虎阜先生於鄉里間表章先哲敦崇一本之事歲凡數舉是即先生為政於家施於一鄉所以報稱尊親知己者胥於是寄焉矣先生素不尚聲氣之交而一時名賢無不契合在都日奉教於魏敏果公以道義相磨切於潛菴先生則以師禮事之而讀其

素庵文集卷八 行狀

六

遺書仿南軒先生文例為節要序以行世澤州陳文貞公為館師晚歲誼尤厚乙酉丁亥之間兩扈蹕至江南寓先生家傾心談道賦詩贈答比聞訃先生為位哭之他如海鹽以齋楊公羨門彭公錫山絨齋周公華亭楷菴楊公皆以淵源族戚忘年結契最密其建節鉞於吾吳者名賢接踵無不相遇以禮先生固無一言及私或以公事建白胥采納見之施行儀封張公撫吳於先生脩式廬之敬其受厄也先生奮臂以助之雖大敵在前不為懾阻比其既伸也先生杜門以謝之即終其身不自明其德人以此歎先生之勇於行義而善於居功也今中丞吳公亦古道相處病則時時問遺歿則親行弔奠語人曰吳中之賢固以彭

公為最也人以為允且服中丞之鑒云先生內行淳備一
菴公從事儒學讀書蔚基以志矩矱其齋先生繪圖識之
諸名公皆有文紀其事一菴公又善脩養旁通老氏之書
先生於道家言亦不廢告省親歸不及視含襲銜恤終身
忌日在正月每歲歲必鍵閣謝客一切宴賀皆不行致其
哀慕早失恃念母氏劬勞嘗深悲切同產有女兄弟友愛
胞至歿則傷悼各為之行述事哀安人至謹安人有女適
今通政陸君經遠陸君里居日受侮於旗人先生纓冠往
救率諸紳訴於中丞宋公得具題奉 嚴旨正法強暴乃
不敢逞志地方以靖凡親友事受枉他人不能言惟先生
言之於當事前直陳無隱必伸而後已妻有貧士王來清

去歲文苑卷八 行狀

七

者涉冤訟妻之縉紳告救於先生先生言於當事立釋之
然其人已破家矣事後謁謝以百金為先生壽先生駭語
之曰子以余為乘人危而取利者乎亟持去余知子必棄
產而來歸復之為饘粥計可也其人感泣擊額不已此先
生常行耳事類此者甚多吁可以風世矣先生性易和而
特嚴於義不為苟同故事關倫紀之大淑慝之分辭受取
予之節持之不少貸有論則義形於色但欲伸己之是亦
不顧人之忤也以故人嚴憚之恒不樂與近然終賴先生
以式靡障瀾風俗人心不至於大敵而鄉黨陰受其福即
忤者亦終諒其無他私相歎服也已丑歲荒米價騰貴飢
饉載塗奉 旨截漕煮粥當事再謀廣賑勸紳士協助先

生竭倉困為倡分廠董事全活者眾胥門造橋之舉先生
率諸紳一再陳於方伯乃據前吳令袁中郎錦帆集中所
議定詳以天時地利人和三者俱不可行中丞於是嚴行
禁止先生有西江行紀其事大抵吳中風氣事多而人雜
每一事興則人心踴亂眾議喧嘩即官府亦不能遽為之
斷必賴有賢士大夫虛公持論是非始定粵籍往代文姚
諸君子居里之日往往秉持清議排竿異類士氣民風賴
以不墜先生景仰前型宿昔以之自命故行誼卓卓有古
人之風焉今先生往矣問巷之間竊相愁歎莫不履老成
彫謝之憂其一二有識者或亦慮繼起之難其人益不禁
痛惜歎悼於先生之早逝也先生於作述之際惓惓無已

去歲文苑卷八 行狀

八

既立家廟又輯宗譜於岫里玉遮兩處先塋各著阡表待
族姓有恩侍讀瞻庭先生從兄弟也愛之如同懷宦於京
相倚如一身及其歿也哭之慟撫其嗣如己子家法至嚴
門庭閒靜嘗若無人遵一菴公遺令雖大饗不設音樂凡
吳中綺靡之習至先生一空之諸子侍側肅然無聲皆馴
謹遵法度長子始乾早喪家孫遵儒風慧能文章先生篤
愛之年未弱冠入長庠每見稱於宿老先生固以遠大期
之矣未幾嬰危疾百方治之不效卒于去年十一月先生
痛悼甚至不能自遣三月以來神衰意盡遽以長往見者
或譏其過傷豈知先生方係念宗祧之重天命不祐抱此
深哀悼孫之作至悽惋不可讀蓋情之所鍾非他所能解

也平時多吟詠喜讀放翁詩所作清微澹宕頗似之晚歲詩律加細有南吟藁行世文亦紆餘委折不肯泛作於忠孝節義之事多所撰述手自編次成集生平多山水勝情銅坑石壁歲必一再往或旬日不返牛眠地在梅花深處泉石作供雖遠道可致塵囂喧雜之地則掉頭去之其於人亦然平生素心惟恐其不至至則盤桓甚久亦不厭若在泛交有踰垣而避耳先生坦夷簡率中耿介不苟從其性然也先生沒于康熙己亥四月九日距其生時年七十有五配李安人丙辰進士諱嘉猷女側室馮氏張氏子六始乾國子生先卒正乾國子生俱李安人出日乾殤馮出永乾吳庠生張出景澤康熙癸巳舉人尚祁國子生俱馮

素蒙文稿卷八 行狀

九

出女六一適內閣學士宋大業一適吳庠歲貢生甥陸英一適嘉興庠生甥丁鏜餘俱未嫁卒孫男七遵儒長庠歲貢生早卒惇儒長庠生效儒元勗皆始乾出啓豐府庠生啓鎬皆正乾出聚奎景澤出遵儒既卒未有應嗣者宗黨主議以始乾季子元勗權嗣遵儒以攝承重曾孫前此鄉先生有行之者堯峰汪氏也孫女六人先生於捐館前五月出所自撰墓誌銘以示諸子誠日後毋得乞言於作者懼失其真也乃沒後三日正乾等涕泣以告於誥生曰先子懿美志有未盡子為門人知之尤悉幸為之狀誥生辱收於先生之門恩施罔極又生同鄉里在百里之內一歲凡數見熟聞先生之言與行先生教之亦久而不倦方病

中省侍猶能稱說生平壘壘不已臨別尚作好語以老友見呼聲款如聞誥生其敢辭惟是以素所服習於先生者排纘如右而終不敢有一言之溢以重違先生之始願但使先生之至德善行不泯沒於當世而後之效法先生者亦或因茲知所興起則亦足以為賢士大夫勸矣謹狀

素蒙文稿卷八 行狀

十

翰林院侍讀彭公合葬墓誌銘

公諱寧求字文洽別號瞻庭吳郡長洲人也康熙丁巳舉於鄉壬戌賜進士第三人授翰林院編脩後升春坊中允又升侍讀年五十二卒於官嗟乎國家重科目之選每三歲得士以百數然及其後居大官晉顯秩者十不得一而其中負卓越之望能為國樹宏勲植偉節者又百不得一才若斯之難也而有時得之天復不祐靳予之年豈不重可惜哉吾壬戌同榜二百人中多英特之彥二十年來槐棘相望可云盛矣然曩在館中所推純明端靜足儲公輔之器者惟瞻庭是屬何意一朝奄忽舉朝惋歎以為斯人徂喪所惜者不但一官一人之事而已也公少孤母夫人

素齋稿卷八

墓誌銘

十一

鞠育備嘗艱苦王父貽令公篤愛之親自督課公內承母訓外稟王父指授刻自砥礪問學皆有法度迄於大成壬戌登第後母夫人以苦節被旌旋受貤封公歸建綽楔里門貽令公清修碩望年躋大耄公進九袞之觴時睢州湯先生開府吳中興行教化延之講堂公從父一菴公齒德並茂方以洛閩之學倡興後進亦為湯先生禮重一門二老矜式鄉邦公追隨杖履進退橋門里鄰榮之凡孤生者皆援公自慰益加奮矣公器識縝靜性淡然寡所好欲見人恂恂似不能言而中有分辨生平勤於職業自膠庠以至朝列皆悉力盡分不苟所事幼穎異一菴公特器之語於宗黨曰此子後必亢吾宗精制舉藝弱冠補博士弟子

受知於吾師梁宗洙先生殿試漢陽吳文僖公讀其卷識賞之授職後習國書至精散館試居高等後入明史館分纂一統志脩唐類函館中撰擬制詞悉中程法御試詩賦咸當

上意充日講起居注官尤以勤慎自持院長以下皆賢之丁母夫人憂歸二載服除宗伯桐城張公長洲韓公薦公學醇品端可備東朝顧問

上允其奏公間命星馳至京受眷最渥侍從不及八月遽以病卒嗚呼以公之才品洵被恩遇嘉其端亮授之重任固千載一時也而公亦自矢畢力奉職勉圖報稱方其被召瀕行語吾師南昀先生曰儒臣碌碌班行無所裨益幸

素齋稿卷八

墓誌銘

十二

際休明容竭蓋忱之萬一庶不至貽譏素餐爾其情詞慷慨意氣可謂壯哉設使天假之年其輔弼匡救當有殊績所裨曷可量哉而遂止於此豈非其命也夫海內聞者莫不歎惜以為公之死也非但公之不幸也悲夫公志行純粹尤篤於天性之愛奉母至孝撫其弟宏求恩意周摯與吾師南昀先生從兄弟也而友于至厚一若同懷以父事一菴公褻視喪殯尤竭誠信教諸子謹於禮法今皆有文行與人交不翁翁熱久而自親厚相對無疾言遽色然微詞諷諭聞者亦為感動喜推獎寒暖乙丑分校之役余與同事坐相近深知其愛材念切所得士皆有實詣人服其鑒平時生徒問業戶屢常滿獎勸必盡意雖當旅處蕭條

猶授餐賁酒聯屬親舊以故捐館之日受業生視含襲惟謹而同鄉姻戚賻卹甚至皆公有以致之余少奉節母孤苦實賴公後鄉會皆與公同年又同館節母受旌又同時故公遇余每獨厚當公之赴闕也余送之吳閭公問余出處余告以母在不能出公黯然而羨余之得親者然余正以才望不若公無以為親顯見公滋媿也公之先世為江西臨江人明初隸籍蘇州五世祖諱時耆儒高隱高祖諱天秋嘉靖辛酉舉人曾祖諱汝諧萬曆丙辰進士祖諱行先即貽令公也明季薦授知縣未仕晚歲隱居教徒多識前朝文獻精書法公筆亦在山陰永興間得其授也父諱璜資志早卒贈編脩母黃氏二十歲而寡苦節四十餘

素蒙 稿卷八

墓誌銘

主

戴康熙二十一年受旌封太孺人配吳氏封孺人吳亦望族萬曆乙酉舉人太原公為孺人高祖父子采公庠生孺人端莊淑慎少失母佐兄嫂持家子采公器公字以女公酷貧就婚外家孺人黽勉有無盡出奩具以濟公公入都迎其姑同居奉養得太孺人歡至乙丑公假歸始下一屢為太孺人建坊庚午公再入都命孺人奉姑北上至揚州太孺人病不克行孺人亦欲遄返太孺人堅命之行然孺人不樂以不得終奉太孺人為憾也後聞公變孺人亦在家哀毀幾不欲生莫處者十五年諸子中尤愛憐少者亦不祿夫婦俱早亡孺人益鬱鬱得疾以終享年六十有三子男三人長承憲長庠生娶吳氏繼娶朱氏次戴舒太學

生娶陸氏次秉素太學生娶汪氏女一人適府通判宋建業孫男六廷揆吳庠生聘王氏承憲出廷掄長庠生廷策廷錫廷猷廷益俱未聘載舒出廷猷嗣秉素後孫女六俱未字公生於順治己丑七月十六日卒于康熙庚辰三月初五日孺人生於順治壬辰九月二十三日卒於康熙甲午十一月十七日公初歿其孤已奉公之柩葬于吳縣至德鄉小鳳字圩壤未吉更卜兆域擇於康熙丙申正月十一日遷葬於吳縣博士塢福樂字圩奉孺人柩合焉先期以吾師南畝先生所著行狀來請銘余固不文以與公契且承吾師命不敢辭銘曰

素蒙 稿卷八

墓誌銘

十四

挺生婉婉長離姿乘雲迺與天孫期手中鍊石如凝脂惜哉女媧巧未施有才無命天實為我銘幽宮徒嗟咨

朱望淵先生墓誌銘

先生諱莊唯字道一別號望淵姓朱氏朱氏系出漢大司馬新息侯諱浮傳二十五世為唐正諫大夫同平章事諱敬則與兄孝友先生同居毫之永城又十世為宋贈承事郎諱森以子松貴自新安遷建州其後南坡公仕元崑山州儒學提舉遂家於崑四傳至宗海公子姓昌繁多有賢碩素菴公恬菴公父子以清修高節著於明初又六傳至巽菴公諱栻成化辛丑進士仕雲南道監察御史崇祀名宦鄉賢孫二峰公諱隆禧嘉靖丙戌進士官至禮部侍郎蓋朱氏自漢歷唐宋元明代有顯者於崑山稱望族焉先生曾祖諱世忠太學生祖諱鳴鸞庠生父諱國珍字席之

素菴文集卷八

墓誌銘

主

篤行長者邑之人咸重之詰生少孤依母朱太孺人孀居常多內外侮往往托庇外家以故詰生幼時即已偏識渭陽尊屬而席之公尤時時至余家最器余每見必有誨語後受業於先生二年當詰生八歲九歲時也先生性溫厚見人多煦燠之色而中則介然非所與則落落故亦無翕熱之態生平絕不知有儼巧機變之習已固無所用亦不信人之有之也尤篤於孝弟席之公提命嚴先生肅志以承其教終其身無怠遇弟友愛如一人不以形骸間隔嘗以此語於室室之人化之一門之內雍雍如也薄田二十畝所入以奉親菽水不足則脩脯繼之養不以口體親有疾則禱於神願減算以益之家貧不能謀利濟然有時拯

人之困惟力是視苟仁心所迫亦不自顧有無也里居以退讓即犯而不校鄰有興作術家謂與先生有不利鄰不顧迫工舉而先生果有危疾遽短一足聞者皆忿發先生顧曰吾命也何與彼為未幾忽若有神自夢中伸其足而足以不短聞者又歎異蓋先生之誠以感物有如此先生勤於制舉業為文有法度於順治二年受知學使陳公以第一補縣學弟子員即與省試席之公期望特切先生刻志顯揚每當客授晝則課生徒夜以自勵必中夜起坐簾燈達旦呬唔不少息雖嚴寒酷暑弗輟也席之公每臨館齋督視一月常數至至則踞上坐評論課藝或不當意則加誚讓無少貸先生拱立左右承指授惕息不敢發一語

素菴文集卷八

墓誌銘

主

去則深自悔責常至隕涕此詰生幼時所親見今猶能追憶勤學如此而至老不遇終其身以不得遂親之願為恨然止以自咎未嘗怨尤於人也晚歲行益高康熙庚午縣舉鄉飲大賓先生年七十矣時邑令仇君有賢稱所舉固當咸稱先生膺斯典為不愧先生生於天啓元年辛酉十月初一日卒於康熙三十二年癸酉九月十七日享年七十有三配顧孺人文康公曾孫諱申錫女繼配倪孺人有淑行能助先生以孝友樂善今年已八十而神觀不衰庠生諱象九女也子四長祈旦早卒娶陸氏以節孝稱於宗鄰次早殤次夢邑庠生娶何氏次紫聯亦早卒孫男一大傳夢出遺命嗣祈旦後夢字棠懷余舅氏行也勤學砥行

一似先生於今康熙五十二年十一月初十日奉樞葬於東南門外車塘里之新阡來請銘余不敢辭銘曰
沛國之先始興炎漢歷千餘年人文炳煥近代毓德閭修維續天爵人爵簡昇一算先生孝友克饒前休隱而弗耀趾美箕裘武元之鄉車塘之丘仁賢所止篆石千秋

朱義宗先生墓誌銘

余母族沛國朱氏有席之公以篤行稱於宗鄙其教子弟嚴而有法生二子長諱莊唯字道一余先為之誌銘所稱望淵先生者也次即義宗先生諱弘詒義宗其字由青浦縣學為康熙四十一年歲貢生兩先生謹奉席之公庭訓皆勤於學而有文譽又皆砥行束脩為鄉里推重惟望淵公專意藏晦言訥如不出口而先生慷慨善論能發抒其所欲言望淵公介然自守不與時俗一切而先生通達事理見義勇於必為以故人與之交皆服其行誼以為兩先生所造各有不同而要其孝友忠信奉席之公之教以施於家而信於國者兩先生固無有不同也當席之公晚

歲家業廢落望後起特殷而先生方困童子試刻苦自勵宵燈晨露伊唔不少輟比游庠試輒高等食餼聲譽日起席之公乃稍稍慰余時亦隸籍青浦為博士弟子每試必與先生偕亦先後受知學使者初試先生第一而余第三既余忝第一先生亦第三甲乙互置同庠者異之嗣余以入成均去而先生浮沈鄉校中又二十年雖復屢試第一然終以不遇此命之蹇也先生即以所自得訓授生徒孜孜不勌必底於成然後已同里後進服其教者固彬彬也又之於松郡來學者日益眾中年遊於北所過元城大名之間亦有延而問業者先生之教津遠矣望淵公事親至孝先生從其兄服勤無二又望淵公長先生年二十歲先

生事之如父望淵公之愛先生亦不啻如子故一門之內
雍雍穆穆不以形骸間其情性夫以是勸其婦父以是訓
其子望淵公有子二先生愛而教之如已出先生亦有子
二望淵公愛而教之亦如先生之視其子也望淵公長子
祈旦早死先生助之殯次子萼讀書砥行似其先人亦先
生有以導之先生之子純嘏錫嘏皆力學能文章與兄萼
同為博士弟子今連屋而居歡無間言家有大事則合謀
以濟此一門之瑞也里之賢者指而稱道之且羨慕之曰
非近世之所易得也自非先生貽謀之善何以得此先生
又慮族之子姓繁而多貧乏無以辦先塋祭掃之費爰集
衆議各捐資置買墓田以經久遠數年積田若干畝由是

素庵文集卷八

墓誌銘

七

祀典克舉而用亦瞻足先生之善幹辦明於體要類如此
推此念以施於人行其賙卹廣其利濟事不可勝舉余嘗
謂敦於孝者必能行其慈盡乎已者始能及於人先生之
行事所以為近於道也先生於中年患病幾殆時兩親尚
未葬念之惋憤欲絕為慟哭累日病旋以愈遂力自脩省
經營窳窳畢事之後又二十七年而卒蓋先生一念純孝
感通有自誠不可掩理固然者乃若家傳所紀夢寐恍忽
可存而不論也先生生於崇禎十四年辛巳五月卒于康
熙四十七年戊子十一月年六十有八配潘氏處士
女子純嘏青浦縣庠生娶沈氏錫嘏本縣庠生娶祝氏女
三適庠生胡張特李依京貢生趙于夔孫男四摺拔純嘏

出揆掄錫嘏出先是望淵公之嗣來請銘余不辭已銘矣
先生之長君亦來請銘云將奉先人之柩與望淵公合葬
於車塘里之原夫兄弟合葬世不多有然先生兄弟友愛
如一人人生同處死同穴固宜是亦兩先生之所悅也遂銘
之銘曰

於其存也怡怡以處則兄先而弟後於其窆也秩秩以序
則兄左而弟右人見其壙簾之樂於一室也不知其枕被
之同於千秋嘻俗之敝也謂他人昆盍往觀乎朱氏之丘

素庵文集卷八

墓誌銘

二

夢邨胡先生墓誌銘

夢邨先生姓胡氏諱溶時字振安夢邨其自號也歿於康熙乙亥歲後二十年令子欽官清豐縣令方一載亟命其弟鏞銖子德興歸里營葬事而寓書於余請銘余忝與夢邨兩世交好深悉其行事何敢辭按胡氏宋安定後裔世為新安人明初處士諱祥者來居崑山遂為崑山人五傳至浮尊公諱嘉魚博學好義夢邨之祖也父石遠先生諱甲桂以廣信同知殉節先生自為諸生時已負重名以氣節相厲尚讀書譚道士林多向往之晚歲始遇以副車授南昌通判兼攝守令所至皆有殊績升永州同知改廣信不半載大兵臨城先生誓以必死諸子在崑者先已被難

素蒙稿卷八 墓誌銘

王

惟宜人朱與幼子隨任先生指以屬外舅朱公曰先人不可無祀以累公是即夢邨也朱公適匿其母子萬山中瀕危者數矣先生既死義朱宜人挈其孤自廣信歷二千餘里歸鄉里中經寇盜風波諸險難朱公保護之甚力當是時夢邨年纔四歲母子煢煢相依為命內侮外患禍至無虛日稍長受經朱公朱公歿家貧不能延師就他塾讀書歲荒至食麥糜母子時相對泣然課誦不少休勤苦二十年文譽日起出就試輒受知當代鉅公於中丞慕鶴鳴方伯丁泰巖兩先生尤被顧遇然數奇中遭母喪游學宮最晚又六試秋闈不過人皆惋惜之謂夢邨忠臣之子孤生異粟母夫人又持苦節一門至行天宜厚報之乃不得一

振衰緒窮困至老天不可知乎然夢邨東德最優終其身

樂善無倦童時已知刻苦鏖殲長則浸淫於仁義道德之言以聖賢自期待性至孝痛先人就義西江時時西向哭事寡母尤孝謹居喪盡禮盡哀三年如一日鄉之賢者以純孝稱之又以兩世七喪未葬日夜悲念客授所得館穀錄積寸累以營窆寔墓在吳縣真珠塢距家二百餘里獨身奔走不憚勞瘁嗣復以地脈為人侵踞急馳救正有績得來龍山記侍御盛誠齋讀之深加歎美謂夢邨貧士獨瘁心力於祖塋有力者恒不肯為無力者又不能為故以為難慨家乘散失周諮詳考手自編錄歷歲成集團考傳記釐然一家言也凡此皆繼述之大者通勉勞勩為子克

素蒙稿卷八 墓誌銘

王

家與人一於誠信胸不設城府表裏洞徹遇知已輒傾所欲言吐若意不相合無一語也課生徒必盡心力門下多成材者任友朋事如已事人有急為謀奮不顧身邑有善事必推與共幹辦誠實人服其能中年輯功過格與栢廬朱先生參酌成書既復自訟謂宜實見諸行事不徒以論說夢邨有自傳頗悉人皆信之稱為善人惜不得上壽使假之以年當優入聖域以是知天之報忠節正不必於富貴也洵如夢邨孝以事親誠於接物其至行敦篤已足以砥世型俗石遠先生為有子矣清豐君之寓書曰吾父至性過人動以聖賢自命躬行實踐五十年不惟近今所少即求之古人中未易多觀此豈以有位無位為軒輊哉誠哉

是言也卒於康熙三十四年六月二十四日年五十有三
配朱孺人恭靖公裔孫女衢州司理西琯公女年十五歸
舅事孀姑至孝辛勤貧苦以終其身教諸子慈而義清
豐君既成名孺人勉之及時建樹銳志民物今在任以清
慎自持趾美前人聲聞及遠所至正未可量天之報忠節
又何必不於有位也孺人卒於康熙四十八年十一月十
一日年六十有七子男四長欽康熙癸酉副榜饒白旗教
習今官直隸大名府清豐縣知縣出嗣大宗後娶葉氏次
銘早卒娶劉氏次鏞娶龔氏次銖娶徐氏女一適王任賢
孫男 女 今康熙五十五年十二月二十 日葬於吳
縣真珠塢之祖塋朱孺人祠銘曰

素蒙文稿卷八 墓誌銘 主事

謂天必可問邪以石遠先生之賢徇負才積善而困厄以
終身謂天必不可問邪彼綺紵之習徒傲以僻而抱道經
者獨蘊樸而含真且有克繩其武以食報於後之人吁嗟
夫三世之顯晦循環天心如鑒而君亦可無憾於幽窀

龔君信侯墓誌銘

歲戊子為康熙四十七年龔君信侯之孫相玉舉於鄉又
二年信侯卒將葬相玉奉其尊人所為狀來請銘余以為
子孫者揚祖父之德以藏諸幽而垂於家乘美事也且按
狀又多可紀故不辭君諱時升信侯其字別號西園崑山
人也崑山之龔明初有諱警者官給事中易儲直諫謫
戍五開子謂為金川門守靖難時勦戮遁去讀書養親終
身不出世所稱安節先生者也正統間有名臣龔理忠勤
清敏廉幹有聲鄉人謚曰清惠按狀皆為君先世從祖其
始祖侍御諱倚從宋室南渡卜居崑之信義鄉歷明代有
聞人張元長先生云吾鄉有儒家六龔其第三姓也曾祖

素蒙文稿卷八 墓誌銘 主事

諱振宗祖諱森父諱飛皆有文行名在庠序間君少穎異
亦習儒業遭世變依外家吳氏為市隱卒以成其家然行
敦樸與人厚不失故家風味少喪父奉母沈孺人避亂行
道中棄資財不有得以遠害避於鄉能善藏其物寇至無
所取人多其智外家為居積倚君幹辦君與其配吳孺人
盡心經理業日起後亦以自營家用饒浹溪邑西南水鄉
也土瘠而民貧邨不滿數十家自君居此專力於田畝歲
率農人堅築圩岸疏濬支河以備旱潦有患則防禦百方
身先巡視勞費皆不恤以故連遭水警而溪上之田皆熟
四野賴之產日益肥齒日益眾通有無勤補助此方遂成
樂土蓋君之利澤遠矣吾崑民故以田為業近時農愈貧

而氣愈憤田功不脩卒遇水旱束手受患無策上官欲振飭之不克舉設有心計勤於業如君輩數十人參錯阡陌間尸田畷之任吾見人事脩而天不能災崑民其有賴乎邑有清田之令君所任尺寸必謹尤嚴於定則無有私徇官設粥廠君董其事靜以制絲寬以施惠同事者服其能凡君之識精敏而行誠實故在家利在鄉鄉利利溥於人而君亦富且壽天固有以報之矣君事母孝於兄弟女兄弟皆盡愛尤加意於貧獨生則養歿則殯嘗施恩於不報少依外家故恩尤不忘視外父母如父母視內兄弟如其兄弟一切婚喪之費必周助之不少靳相玉之生也甫垂髫君即責以儒業念先世固多顯者自以遭喪亂廢學

素蒙文稿卷八

墓誌銘

主

不克振先緒望諸孫興起特切平居每誨語之不去口今相玉果已有立君且及見其賢書之薦意少愜矣昔震川歸先生誌羅巷李中丞先人之墓稱其勤於教子獲享其報謂如得良田而耕之種之以食其實者今世人徒知封殖以遺子孫而詩書之澤漫焉不省浸以成俗矣如君者庶幾震川所云而相玉亦可以知所自勵哉方君壯時吳孺人為置一妾非君欲也姑納焉而不之近比孺人歿遂遣之終其身無復有侍者君有所善僧以囊金寄君所久之不見取君知僧老矣趣其來歸以原物封識如故未嘗啓而視也余謂此二事君可以傳夫事有可傳即一二事而可以見其生平余故於君之銘有不得辭也君生於崇

積癸酉七月卒於康熙庚寅四月年七十有八配吳氏先君十八年卒吳亦舊族孟賢諱胤昌之女有賢德少時從長者出遊道相失歸而告其父母曰遊非婦人所宜今不再出矣于歸後事寡姑至謹相玉少失母撫之甚勤亦勗以成名不為姑息之愛蓋君之克有其家孺人能相之而其為善於鄉亦孺人能成之也子潤庠生娶陳氏繼娶李氏女三一適太學生孫秉鈞一適庠生朱鳳孫男五相玉鄉進士娶葛氏相采聘王氏相球相圭相度孫女七墓在大瀟浦之德字圩君自營也葬以某年某月某日吳孺人附銘曰

數崑儒家龔為先明時矯厲稱多賢易賈與農世使然鄉

素蒙文稿卷八

墓誌銘

主

推淳行亦足傳今有文孫譽翩翩大瀟之阡君安馬余銘幽宮藏千年

煮梁子傳

吾崑山李氏有煮梁子名旂陽字求章煮梁其自號也善讀書聞脩篤行不求人知始祖光祿公諱謹以賢良擢居侍從有子七人而宗乃大八傳至文學君諱瑞毓煮梁父也文學君喜著述晚歲有輯未就煮梁子承而衍之自六經以逮子史採集成書編為五類一敦倫二窮理三力行四達觀五備考略仿朱子小學體例而加詳焉自序為一生精力所萃聊以竟前人之緒循而行之可以幾於聖賢又自以為能言而行不逮故欬然也於制舉業才情橫溢有奇氣而不中時目往往柄繫終以不屑棄去之幼失恃遭時變含殮不成禮哀慕以終其身事繼母孝無異所生

煮梁子傳

喪葬皆竭誠信文學君捐館之日出一紙授之曰立身本孝弟處世先情理吾子讀書自好能學吃虧庶幾不遠矣少執經於近夫丘先生為高第弟子先生嘗以誠許之其見可於尊親如此可以觀其素矣與人和易坦直絕不知有機事即挾詐相欺者一笑置之弗校也遵先人嚴訓動必以禮立不跛行不翔不苟言笑不欺幽獨家居燕坐默然終日而已性甘窮約不喜近貴人有折柬招者托故弗往善飲五斗不亂喜弄每誦蘇子勝固欣然敗亦可喜之句其曠逸可想見也家酷貧無幾微愁苦之態嘗遇除夕室無一物沽邨醪雜蔬菜下之歡然自得也卒時年六十二自知數盡無有係戀但囑二子讀書砥行以希上達子

雍襄成郁和皆能文章為博士弟子雍早卒桓余門人也奉狀以乞傳余敘之如此猶記桓之初謁余奉其尊人遺像求為贊圖不設景惟陳書史數十本恣其觀玩後有自記以明志也余贊曰此數卷書人閒寶藏六合而遙千載之上道載以傳物殊厥狀哲人耽之以俯以仰聰明濬發云為曲當爰留小照微言用暢克紹前聞深情恨敢告賢嗣永思勿忘抱此遺經勤持所向蓋體其垂示後人之意為之辭今茲傳亦猶是也天下之寶誠無過於書者矣傳世以是傳家亦以是煮梁子不但讀書且能著書五編具在所以承先志亦以啓後學也二子勉乎哉於是可以興矣

煮梁子傳

鄭春陵傳

君姓鄭氏諱起濂字春陵蘇州崑山人也先世顯於滎陽宋建隆間遷開封自開封始祖至春陵二十七世其文系歷歷可考雪鴻朱先生為續宋公墓表敘其世系特詳覽之可當鄭氏一小譜也其顯於宋明之世偉人正士隨時輩出宣和間諱居中者領樞密院事以顯肅皇后出於鄭自陳外戚當避嫌力辭去位後隨駕南遷追封華原郡王諡文正子億年特進上柱國始居崑山建第通德坊與檜黨忤左遷宋亡之日忠義接踵有勤王戰死者有扈蹕殉難者有收拾帝骸冬青表識者有潛德養晦樂志肥遯者終元之世仕者無一人明永樂時有雙松先生名士以儒

書藏文稿卷八

傳

醫薦舉母老歸養孝行稱於時子文康正統進士悼父母之亡終身不仕自號介菴有平橋稿行世孫若曾號開陽抱經世之略浙閩總制胡宗憲辟為贊畫治倭有功不受敘歸著書數十卷皆切實有濟於用今所傳江南經略籌海圖編其尤著者也鄭氏以忠孝世其家諸賢無分顯晦並磊磊有大節居鄉則廉讓相先務於家者一皆光前裕後之事前之人固多偉傑而繼於後者亦能紹承先志卓有樹立若春陵君固其選也君之考續宋公有隱德子七君居第五七歲時遘國變大兵臨城母夫人挈之避於鄉時續宋公尚城居君歸涕泣牽衣請與俱出故得免於難續宋公奇之後十年補博士弟子旋以奏銷墨誤叩棄舉

子業學其實用者思有裨於家國鄭氏世以醫顯自從政公傳自外家用以濟世雙松繼之介菴亦精於其術至心宋乃大顯天啓間徵入內廷供事魏璫以鉞幣招稱疾不赴續宋心宋子也亦以醫行世遠近延之如赴市尤注意於無告以此力行其德窮民戴之如父母刀圭所及往往奇中然慎之至每謂其後人曰醫者死生所係古云學醫人費可不慎乎以故春陵傳其業亦謹守其教終身無敢忽於人亦不責報有饋即以濟義舉不為私殖又能虛心善氣不執己見常羣醫聚處共視一疾必通懷參酌期於至當或他人有見已所未及則加贊歎以成其是見世有專懷自用忌嫉居心者意竊鄙之不與共事也處昆弟至

書藏文稿卷八

傳

厚兄起澄老而貧供億周備身後事獨任之又按月以錢米給寡嫂季弟起源早喪婦又卒孤膽成撫而教之遺田五十畝歲籍其所入之贏為增置田若干及授室舉以歸之并舊所封識簪珥器皿一一檢付無纖毫掛漏是可以規君心地而綜理之密亦具見於斯矣鄭之先人皆以尊祖敬宗為事故於祖塋族譜及家祠祭典歷代不廢經營君仰承先烈亦歲有建興九世族祖忠肅公崇祀維揚名宦歲久湮廢君與其族屬請於學使者重立木主安奉如初又以本邑未有專祠復請於上憲建祠齊禮坊之南歲時有司致祭載在祀典春和里舊有家廟君整治一新山陽五貞祠鄭居其二祀於大水君捐金脩葺完好焉其餘

增設墓田考按祭法皆本先賢規制病中猶強起裁定不
少息君推此心以行於鄉里凡邑中利濟事如設粥賑饑
開濬河道釐剔社倉事宜清丈田畝募脩學宮試院製水
龍禦火君皆能辦或身任或建議鄉之人倚君碩畫歷有
成績余里居日久嘗有事於桑梓得君之助為多因以見
君之才識精練知君亦最深每當眾議盈庭之會可否未
定君徐出一言以抉撻利害無不洞中洎君徂往無與諮
謀嘗歎掌孤事同築舍君之存歿係於鄉國如此昔人有
言人之云亡哀此風俗余嘗以之悼君有不勝悲歎焉耳
君氣體素強且明醫理人以期頤望之乃年止七十一而
終然君不自覲大年若無戀於塵世者非甚疾屏藥餌弗

蘇東坡稿卷八 傳

御飾巾待盡預示化期設祭享訣祖先怡然而逝君之
生母夫人有異徵迺其死生之際洒洒如此非有聞於道
能若是乎君產於名胄踵盛德之後雖名位下耳考其
生平非草草者是亦可無愧於前人矣

論曰余覽雪鴻誌銘目春陵為善人固當然非徒善也蓋
有智以成其仁者視世之汶汶焉煦煦焉者皆非善也余
嘗謂畫家圖像無取偉麗止求其肖耳惟文亦然無溢詞
無泛語斯稱肖矣方春陵初歿其子來晉學桓遽請作傳
余遲之十年非敢後也蓋日有一春陵在吾意中聲情宛
然了始成構人見之或以為肖云

顧孺人傳

孫人如歸氏崑山人父定世字永屏崑山之歸為望族明
代文學以震川先生為第一永屏震川從孫也永屏無子
女三孺人其次性溫惠幼承姆氏教讀內則列女傳能誦
大義四子書毛詩亦皆成誦父鍾愛之許配顧聖脩館五
甥聖脩名仁謚桂軒公九世孫桂軒明嘉靖中大學士謚
文康之封翁也聖脩固宦裔至其世已貧落性又高簡不
事家人生產年未三十遂棄舉子業仗劍走京師游公卿
間公卿多推獎之客於幕徧歷燕齊楚粵之地垂三十年
終其身客游無倦間三五歲一歸歸未一兩月又去計其
半生處於家者不數年也孺人乃獨身支門戶挈其三

蘇東坡稿卷八 傳

依孺母以居然終自謀朝夕不以里內生三子長名易
世序又次世昌方聖脩出門日易纔六歲其幼者未離襁
褓孺人不特任其撫育且教之能兼父職易勿授書力不
能延師孺人親為句讀比為文乃從學他塾勉力辦脩脯
冀適以屢易師易年十二便能文先生許可之孺人色喜
謂此子能讀祖父書也然教極嚴不為姑息之愛晝遣就
塾夜則置膝前誦讀而自以緝麻佐之少情未嘗不夏楚
讀有間則道古書傳所載昔賢遺事以資訓誡或舉當代
里中女範素所景慕者稱述之自明其志尚亦冀其子聞
之有感發而興起也家貧食淡或菜蔬不給易嘗下箸有
難色孺人怒曰人家子弟須咬得菜根後可做事

至痛不少恤平時禁不得私蓄一錢曰此賭之媒

不得多飲酒曰能誤事惟此耳以故諸子遵其教皆馴謹易尤自刻厲精於文藝孺人茶苦踰二十年勤以致疾比歿年止三十七後七年易乃游費序為太倉州學生食廩

餼受知於大賢駁駁乎顯榮在望矣而孺人不及

為之悲痛嘗為余道其母之劬瘁輒慘黯不能盡其言世序如不能習舉業孺人曰為吾家子讀書固常分治生尤不可緩因命訂姻於世醫朱氏授其術至今賴之世昌以序應為族祖後宗老議之孺人遵弗違後易亦以父命嗣世父事之嚴恪無異本生族鄰賢之以為非孺人之教有素不及此也孺人至孝母病謹奉湯藥及卒台後事以

素養文稿卷八

傳

代子易為余門人匪獨其文藝精且有志於正學嘗

讀濂洛之書亦謂母氏教也請立傳余不辭又為之論

古者婦人教其子以有成不乏也然皆懼不卒之理乃以

著其節今孺人非廢也而勤苦甚焉或以為其跡隱而不彰人未盡知者而非然也鳳毛麟角世不常有天殆將其報焉則固有顯之者矣

鄧老人傳

人名東字緒卿世為金陵人僑居崑山遂為崑山人工剞劂以為業因得交於文士性樸直不苟言一於誠信故與之交者咸禮重之不以藝目也康熙四十二年春皇帝巡幸江南脩養老之文詔郡縣舉七十以上老人米帛有差光東與馬里中人因稱之為老人云其先世固多官有太學生名文謂光東祖也於嘉靖間表于朝命為壽官後一百二歲而終老人至孝幼失母從父為客離左右乙酉之難大兵臨城父幾陷光東出刃斗得脫避居山舍逢巨豹父驚仆地光東劒擊之豹斃父人稱其武其來岷依武師杜穀武引其崑

素養文稿卷八

傳

遂定居焉朱栢廬歸元功崑

驪子三皆習其業長子瑜尤工八法邇者禁近諸臣

刊刻秘書東南多書局瑜能精辦往來吳

人一日向瑜言曰吾老矣汝無久於外過夏五可歸也瑜

承期至家老人固無恙至六月忽不欲食醫來云脈

善可上壽迺其子長跪請食必不受親友亦多勸勉者作

而言曰我在塵世已八十六年可止矣命紙筆作訣皆

生語一切俗下送死事悉禁絕命勿作浮屠佛事喪中崇

儉止殺生子孫毋慟哭但云我死汝輩各做好人無欺上

天可矣言已神色怡然行止如平日無倦容厥明命其子

祭於堂延先靈至止時天日晴朗啓戶延

也遂瑞然而逝老人既不讀書亦不佞佛但
 志已未報曾皈依靈巖繼起和尚多捨錢以資冥福於財
 無有貪吝焚借券還遺金事往往而有勤於本業意無他
 營付梓事必盡心力精事無苟作於心無有愧歎故
 生平每多格幽之事不具述也即其於死生之際脫然無
 累可以觀其素余樂里之有是人也故為之傳
 論予人大年必稱以德子曰仁者壽國家尚齒亦以
 貴德不則郡國奏報老人以千萬曷足重乎若光東可謂
 善人矣以膺斯典不虛也又其家狀稱鄧為漢元
 覽者以為無徵然史稱鄧禹有子十三人各使
 可病乎况有德以處之即以為高密後人

家傳行略

家傳行略

先祖妣張孺人行略

勅贈徵仕郎翰林院庶吉士先考甘谷府君行略

旌表貞節勅封太孺人先妣朱太孺人行述

封孺人先室陳氏行述

從父州庠生績水府君行述

伯母陳孺人行述

從兄稼先府君行述

姪婦宋孺人行述

先祖妣張孺人行略

嗚呼吾王母張孺人歿於順治乙酉九月十日距其生萬曆乙酉八月十五日得壽六十有一而至於今康熙己亥追數之歿已七十五年矣蓋其時值吾邑兵燹王母以避難鄉邨勞頓驚悸之餘受疾不起吾母朱太孺人下遭亂離歸吾父才七日而罹姑之喪後四年戊子誥生始生誥生固不識吾王母之面也稍長聞人有稱說王母之行者不能得其詳吾母太孺人嘗語誥生云余到汝家七日吾姑即見背此七日中晨夕侍吾姑左右吾姑身甚悅即數數向人稱道不幸不得久侍語已為之出是吾母亦不得道王母之行吾王父輞水府君勤於

貴州志卷九 行略

當年必有述吾王母之行者王父棄世時誥生年十五不能盡得其遺書王父有文集一卷誥生已得矣王父復索去後落他手不復見誥生幼時已稍稍知先澤重而王父不諒也已得復失以為生平之憾吾王母之行實或有於其中而亦不存焉矣嗚呼痛哉誥生年愈長愈欲聞吾王母懿行而老成彫謝訪無從吾姑母有四其季歸於朱凡山之母也年高余嘗侍語得聞吾王母行事一二然皆口授言耳已老僕唐某幼事吾王父後歸余年亦高每與從容問王父母遺事彼能道余且命之書亦縷縷然但能詳其瑣屑於大者微者不能言然余亦謹於笥近年余任譜乘之役次第及傳誌考凡先世之紀

載片言隻字必存之弗敢逸獨至吾王母無一言之垂於後余心痛焉誥生且老矣失今不述則無時將使吾王母懿行終不傳為之後者罪奚追於是不得已乃追憶曩時姑母之言附以老僕所書而又神游於七十年之前想像吾王母之深思篤行所以承前而啓後者稍排綴之列為事狀以示我後之人使知懿徽之萬一云謹按張氏世有令德其著於譜可考者自伯弘公崧裕者為始祖五傳至少峰公兄弟以科名顯於世少峰公諱情嘉靖戊戌進士歷官福建兵備副使兄餘峰公諱意嘉靖己丑官山東驛傳副使兄弟皆有政績少峰三子時稱三傑長春塘公諱應文有四子仲為默菴公諱重德吾王母之父也母

貴州志卷九 行略

沈氏京衛經歷諱瑛女吾曾王母太恭人亦出於張為少峰公季子諱應忠女應忠號謝敦即興文縣知縣殉節誥贈光祿寺卿諡烈愍諱振德之父吾王母與太人再從姑姪皆歸於王為婦姑相得尤甚凡張之支屬無論疏戚皆契愛倍於他姓累世盡然至於今張氏子姓稍替矣尚以重親故相遇情至厚烈愍之後尤不振詩書一脈如綫而遺祠且受侵行就圯誥生百方護持之惟力是視所冀以無忘兩世之親者在此而亦有時歎天道之無常不可問也吾王父母艱於得嗣吾父甘谷府君生於天啓辛酉吾王父母年皆三十七矣吾父未生王母求之切既生王母保之至求之保之皆以積德行善致之余家世尚德王

父尤樂善不倦王母仰承斯意每發一慮行一事皆以種福於吾父凡親族之貧者必周之周之為吾父也里閭之困者必拯之拯之為吾父也農有逋宜償而乞恩於吾父則券可焚僕有犯宜懲而邀庇於吾父則罪可釋以是天人交祐吾父生而羸弱究且壯健後雖不永年猶得奉王母以終多生子女以衍宗嗣余兄弟雖不克家亦聊以塞吾王母半生祈禱之至願即以詰生之孤植猶幸邀福於先靈得稍自樹立以克承祖父未墜之緒苟非吾王母啓佑之力何以得此吾曾王父止菴府君所居槐蔭堂在柴巷南授吾王父宅在巷北亦先世舊居周廣十餘畝前後止老屋數間中皆隙地王母居之甚適即其地為菜園命

素蒙文稿卷九

行略

三

蒼頭理園事而身與諸姑勤操作治生王父授經他方不家食王母出其地所產以供朝夕即雞豚無畜也居數年家頗饒乃舍園事為營造治屋二區前廳後樓翼然並峙費至二千金落成在庚午為王父鄉薦之年所居塏爽渾堅一切土木之事王母親自督理目籌心計不假他手姑母語余王母營造時不梳櫛者三月勤瘁如此王父歿後余兄弟前後分居不數年盡委他姓詰生時時念姑母之言痛心刺骨矢願必盡復之迺自丁巳以後次第收還今所居巷北之地金甌無缺較王父時更恢廣之矣費亦倍於曩時嘗數城中舊閭世守者固有而一經他售即復之甚難若如先人之敝廬棄自癸丑復於庚申八年之中去

而復來誠為幸事諒亦吾王父母昔年締造之勤上天鑒之故得使其後人易於光復子孫世守夫豈偶然之數乎哉吾王父生平以著述自娛讀書之外無他嗜好家事一委之王母王母綜理精密事無鉅細處之皆有法度守清白之訓財無妄取而於土田租賦之入纖悉必謹間謀居積不失時後先用有常經亦無妄費然於親鄰通有無濟緩急未嘗吝也家敦儉素無侈靡之習而獨謹於中饋食不厭精膳必致美尤工於造酒身親其事而能辨其法式故釀特著於一邑武水葉耀仙為崑令每樂與王父飲嘗稱季秋之月較仲秋為勝而以吾家釀比之季秋月為一時佳話御奴婢有恩賞罰必當其功罪尤不靳賞雖微勞

素蒙文稿卷九

行略

四

必酬之故人樂效其力僕雖眾不許之羣聚日直一人而更番用之餘各自有執業不使之閒亦不令其侵所事也具知人之鑒不徇毀譽以為是非有進讒者必面斥之故門以內肅然無聲嚴之如神明為閨範所未有崇佛氏之教日不輟唄誦每晨必敬禮天神所祝者後嗣之昌熾而已生平無冶遊之事惟默菴公墓在西山歲必親行祭掃至老不廢也凡前之所云求嗣營屋二者大略得聞於姑母後之所云則老僕所書之意余特文其說耳詰生實未嘗親見王母之事而老僕所書亦以為事不勝紀而言有不能盡夫吾嘗見古之立言者矣事不必盡書而即一二事亦可想見其生平何待於言之盡哉吾惟以此示我後

之人而已後之人其有即此以得吾王母之生平者乎吾
俟之已爾康熙己亥七月望日孫男詰生謹述

敕贈徵仕郎翰林院庶吉士先考甘谷府君行略
嗚呼詰生五歲而吾父甘谷府君見背今詰生年七十
二矣為無父之人已六十七年天下之孤孰無告莫詰生
若也而以吾父之聰明仁孝為其子者至七十二年之久
曾無一言之述以垂於後詰生其出於空桑者邪殆無復
人理矣吾父生於天啓辛酉九月二十一日歿於順治壬
辰九月二十六日享年三十有二康熙二十三年恭遇
覃恩 敕贈徵仕郎翰林院庶吉士祖考中憲大夫杭州
知府止菴公祖妣張太恭人考孝廉輞水公妣張孺人元
配吳氏贈孺人繼配朱氏封太孺人吾王父母艱於得嗣
吾父生時王父母年已踰壯矣珍惜之保護之非掌珠可

比也吾父生而仁孝至長孺慕如孩提王母歿吾父執喪
毀瘠如不欲生苦塊中自有題句紅輪畢竟西沈去未審
魂靈往那方遺筆尚存可想其哀思之切也每當病中痛
念靡依輒號慟終日悲感左右詰生雖幼時已見之至今
能追憶其狀王父性方嚴家規至肅吾父恪守之生平無
子弟之過吾母朱太孺人來歸事君舅至謹吾父見而心
善之吾父少症羸多病王父故不責以制舉業然資性絕
慧喜讀書凡所能事皆從心悟不假指授一覽即得必臻
於神妙尤工書畫楷法在虞褚之間隸學史惟則有手摹
漢隸分韻一帙今寶藏之扁額對句大小字無不善吾父
之精於繪事也人但知其適煙霞之性遂丘壑之情已耳

不知其皆以娛親吾王父窮年著述他無嗜好鉛槧之餘
常多吟詠吾父會得詩中有畫理因耽豪素即家藏名筆
偶一臨摹便成殊絕慧由天授初無師傳也從父續水公
稱吾父墨法得力於元明大家遠宗黃子久近倣唐六如
李長蘅而覽者又謂與會在楮墨之外尺幅間自有書卷
氣文人之筆非他手可擬也故吾父畫中皆有詩意每圖
一景必以求王父題句王父即欣然捉筆詰生於遺墨中
見有古松三大樹不施枝葉獨存老幹一叟曳杖其下蕭
然獨步王父題詩云綠隕紅銷世界貧潛龍不見始為神
蒼茫孤往情何限靳把青葱示世人直道出當年心事鳳
翔千仞之概隱隱從吾父十指中寫出父子間篤契如此

素懷文稿卷九 行略

七

近年復得一障墨氣淋漓王父亦有題詞極欣賞之致以
華山遊詠寫意兩世手澤具存實可寶翫詰生以之懸示
書齋摩娑瞻仰一堂述作之意宛然在目此人生最樂事
也聞更有以靖節田園諸詠點染成冊王父錄陶詩於右
名曰彭澤詩意詰生惜未之見王父歿吾父詩中有些桑
一卷寄幽思短冊裝成歸去辭之句今落他手求之不得
也吾父又手摹曾王父止菴公遺照中履清嚴聲情欲出
自製小卷後系曾王父臨行絕筆妻東張受先先生為之
記吾父不浪用筆墨所作皆關至性即奉事王父承歡養
志亦藉以展其孝思此與老萊戲綵娛親之意何以異哉
東坡自言在海外子過時出奇文見娛常作數日喜猶此

志也今人徒以俗情奉其親其憤憤耳故謂如吾父者乃
可稱聰明仁孝抑非聰明亦不能盡其仁孝也吾父棲心
禪悅年未二十時即與宗門諸宿老相摩切一輪圓相是
其本參又嘗畫瓶鵝於扇時時把翫雲門之弘禮廬山之
戒顯皆有鉗錘之句吾父彙集之為南詢乞語晚尤結契
於明脩開士書翰一日數至皆以文字闡發宗旨明脩故
是儒門弟子自國變後披剃入緇流法號二勝俗所稱李
牧公者是也吾父以此解悟超脫胸中浩然無一物韜精
斂華見者謂非塵土中人於世味一不屑意特有秦碑漢
鼎之鑒清心好古人推博識遇所得意雖脫千金裘亦不
惜饒臂力嘗喜擊劍亦有禽魚之好然皆寓意過而不留

素懷文稿卷九 行略

八

在塵世三十二年光景殊促然天機濬發自覺歲月悠長
與百年無異也吾父初舉詰生愛之至捉抱無間晨夕詰
生特蒙昧無知喪吾父時已五齡尚未知哭泣見吾母哀
至輒問云人死後何日再來吾父當有歸時癡愚若此稍
長乃知孤子之苦見人家父子團聚私念吾何以獨不得
時為感泣然詰生依吾母久當吾母即世詰生年五十八
矣母病在四月不十日遽歿詰生以不得久侍湯藥為至
恨自後一交四月哀情已動吾母病中諸況歷歷在眼輒
數日作惡不待忌辰始慘戚也至九月懷緒似不若父母
豈有異乎良由幼年遭變不及見吾父彌留之狀故情性
較頑耳孤子之不幸即此已可見也近年則加痛至諱日

杜門謝客百端交集古人誦詩廢蓼莪之什詰生每思吾父必出遺墨縱觀之風簾月榭披拂常新曠致幽情盤礴如在詰生固無時不與吾父神相接也吾父歿後遺墨都已散佚至詰生無一存者惟是眷念先澤多方購取不惜重值以得之稍稍哀聚已充笥矣近歲乃有以贗本見給者余鑒之真不能混也今方藉是以過餘年私竊自幸故於行略中書此特詳亦欲貽我後人冀其世世謹守勿失耳若吾父之嘉言懿行詰生不及見聞者未得備陳此又孤子之抱憾終天無可如何者也嗚呼痛哉康熙己亥八月朔日男詰生泣血謹述

旌表貞節敕封太孺人先妣朱太孺人行述

嗚呼痛哉先贈公之見背不孝等在順治九年時詰生方五歲賴吾母太孺人撫之教之始得成立形影相弔晨夕不離者五十三年於茲矣一旦棄諸孤去天降慘酷忽焉失恃不孝詰生五內崩裂恨不得從死地下深念吾母一生勞苦之日多安樂之日少半世艱難含辛茹荼未易殫述冀晚年蔗境稍可自娛而天復不祐遽奪之年嗚呼痛哉惟是吾母生平卓卓至行孝親則竭誠守志則苦節慈以裕後順以安貞皆人所難能而又植德至隱不求緣飾為女史中之獨行雖已被旌

皇朝表厥宅里而懿德嫩行親黨或未盡悉用是排綴一

二呈於當代大人先生發幽闡微深望採錄吾母系出朱氏始祖南坡公仕元崑山州儒學提舉遂家焉四傳至宗海公子姓昌繁代有賢碩素菴公恬菴父子皆以清脩高節重于當時七世以下多以科第顯巽菴公成化辛丑進士官監察御史二峰公嘉靖丙戌進士官至禮部侍郎曾祖祥字公萬曆戊子舉人仕廣昌知縣生二子長元价公庠生為吾母祖次匡叔公萬曆乙卯舉人仕至開封府推官為吾母恩撫叔祖父漢勳公庠生母趙孺人漢勳公少孤育於叔父匡叔公旋早卒趙孺人亦棄世吾母即受撫於匡叔公公之夫人徐視吾母如已出匡叔公逮官必攜與俱吾母幼聰慧端莊淑慎匡叔公絕憐愛之崇禎末

許字先贈公未結褵遭甲申之變城陷匡叔公死於難徐夫人率子女妾媵數十口沈於井將殉吾母與焉會其壻水一公至得不死吾母亦脫於難乙酉九月歸先贈公先王母張孺人罹兵火之後得危疾見吾母婉順心悅之不數日棄世吾母執喪盡哀以不及侍養為終身恨當是時吾母年十七凡十七年中一喪父再喪母旋遭兵燹瀕於危初入門又丁姑之喪備歷蹇難人所未有可悲已先王父輒水公以中饋事責吾母吾母上事吾祖中事吾父下撫前母所出子女暨所自出凡數十指疊遭水旱屏當支拄事出萬難至壬辰九月又遭先贈公之變天崩地坼裂腑摧肝吾母於是時殆不欲生而上顧衰親下視諸孤藐

素懷文稿卷九 行述

十一

然仰事俯育萃於一身吾母於此又求死不得死也為強起視息當是時吾母年二十四事王父益謹不孝詰生方就塾為延師課讀必親具饌家益落脩脯皆從質庫出至壬寅王父又棄世喪葬盡禮一稟命於從父續水公公吾宗賢者視吾祖如父吾母敬事之事無大小必以咨商不孝兄弟藉以有庇也然自王父捐館後侮患日至追呼迫於外逋負積於內累日益深產日益感吾母重守先業不得已有時棄之顧語不孝曰有子在異時可復無憂也蓋自壬辰至丙午又十五年吾母年已四十無日不以眼淚洗面求一伸眉不可得嗚呼痛哉丁未不孝補博士弟子冬婚於外家弟妹以次完嫁娶吾母稍稍逸然僦居東城

受鄰人之恐不得寧處不孝遷自外家賃一廬於山塘之右奉母同居至丁巳倖列賢書迺得還故廬母心始安壬戌不孝成進士讀書中秘念母甚問歸計於立齋徐夫子夫子叩所以不孝對曰結生少孤與母相依共命今遠在千里心不能舍然夫子曰子未可以去太夫人可以來也子艱於迎養我為謀之時師母方北上命挈之同行吾母到京祝曰使我母子得完聚於此徐公之德也居二年不自適不孝乃請假送歸至於今二十年不復出吾母於康熙二十三年四月奉

素懷文稿卷九 行述

十二

雪人之志閨中豈無女丈夫以身許人矢不二二十四歲稱未亡孤兒遶膝母心瘁一撫一摩一淚流以師以友以夜織此是王家世系存深懼孝廉家聲墜一朝上苑報泥金仰面再祝天不棄此兒彈力報朝廷吾生茹蘗心無愧老人真信孝格天九重早錫貞節字一時傳誦謂吾母節操惟先生之言始克稱也比歸經營綽楔於二十七年三月坊成吾母時年六十子姓奉觴稱慶吾母輟然喜曰不圖有今日也旣而感然語不孝云汝父卒年三十二我今年已倍之奚忍言壽且婦人以節稱何當賀言已泫然後時時瞻望烏頭深感聖恩又未嘗不悽然以悲也受旌後數月旋奉

覃思敕封太孺人禮官定例已受封者不更加旌故二者不得兼惟吾母先旌後封一年之內兩奉 恩綸同里盛誠齋先生官儀曹撰分水雙綸頌以贈序云幸采貞之輿論早上春官會恩詔之堆封次來詞苑於是楔棹之命甫降于雲霄綸翟之榮旋加于冰雪人以為吾母貞德所感遲速皆有天意匪偶然也歸里後二年始自京頒發 寵命吾母率不孝跪迎于門禮畢語不孝云 國恩不可負汝以我故不得供職惟為善于鄉亦足報也詰生承命深懼隕越無尺寸補于民物有負親心自今以往末由再聞慈訓矣嗚呼痛哉不孝詰生婦陳事吾母二十六年甲戌以病死又二年幼子殤詰生痛焉吾母且悼且慰每歲時

素蒙文編卷九 行述

十三

嘉慶詰生單影于當吾母七十之年詰生奉卮酒為壽吾母頗有不憚神色不若五十六十時蓋吾母之心有盡焉傷者矣忽忽又六七年時念吾母半生荼苦五十之前則度日如年六十以往稍可服逸乃日月如駛寸暉正不可留不孝詰生常為此懼每待語吾母多逢生之言不孝從容以請謂古來節母無不享大年者吾母弟自葆攝期頤可致私心謂百歲之坊將與貞節並峙何圖忽焉奄逝八十之年且不及待也嗚呼痛哉吾母篤於念舊於所生尤不忘悼兩親之早世不能盡孝養春秋時享必虔致祭命不孝永世遵行之母事徐夫人頌其恩沒齒不衰少時隨宦匡叔公遺事暨所經歷之處至老能記憶族叔祖水

一公再生之德佩之終身以力薄不能濟其後人常負歉吾母之事吾王父也以純孝吾王父清修碩德家規肅於朝常吾母事事稟承纖悉皆當王父意晨昏候問一以省察氣體為事時其寒燠伺其喜怒王父喜吾母亦喜王父意有拂則吾母感然不寧竟日有疾不食不寢醫藥百出以求其安如是者事之二十年無倦嘗語不孝云我以婦而兼子苟不盡職何以自安素與諸姑友愛晚年侍王父疾更番來直吾母感其意事之加謹不敢有違禮爾時不孝詰生年十餘歲已知吾母之意大抵吾母之孝於親一無緣飾而祇自盡其心人故未有知之者惟吾王父未嘗不深知之而吾母又不欲使王父之知之也嗚呼不孝

素蒙文編卷九 行述

十四

詰生既知吾母之孝如是而所自致於吾母者萬不得一焉今日思之追悔無及是以椎心泣血而不能自存也吾母之喪吾父也三年之內毀容減性飢不食寒不衣也耳無聞目無見也哭泣不絕於口足跡不踰于戶臨財不爭聞毀不辯曰吾未亡人名與利皆不有也吾父少多羸疾以筆墨自娛法書名畫充案堆几又喜古翫彝鼎雜陳自捐館後吾母悉為置之不復省視後都散失不問也門庭閒寂雖親族子弟罕見其面五尺童子不入於室時苦征輸縣卒到門如虎鄰有胥請為管辦不孝亦以為可吾母不許曰吾不願汝與若輩交涉也其嚴謹如此吾母之撫不孝兄弟也慈愛備至視前母所出兄弟一於寬厚嘗曰

古稱後母多不賢我以為鑒寧曲意撫卹之雖過自屈抑不恤也愛不孝詰生甚自幼卧起攜持至授室始遣去十歲時從學于心水外叔祖舍其家詰生戀母歸涕泣不肯行吾母揮之去至受笞然母亦戀不孝未滿歲即命歸自是不令他適矣冀速成屢易師躬紡織以資供饈不孝與柴雲章顧達夫相契母知其益友也善禮之不孝偶為擣蒲戲母嚴禁至涕泣戒弗為不孝中人之質可成可敗向非吾母督之嚴安知不遂荒落何能稍自立邪少訂姻于穎川不孝終得外父提攜之力童試時健菴夫子加昧母感之朝夕頂頌試於京一月必再寄書手作楷系以詩惟文行是勗不孝林居久吾母亦嘗敦促再四云汝年方壯

素齋文稿卷九 行述

五

正宜宣力效忠何乃以我故坐失時會後知不孝意之堅也遂不復言恬然處之絕不絲情於榮祿不孝耽晨昏之奉顏然自廢凡人世榮華一切不得致之於親方以為菽水之歡三公不易而豈圖有今日祿養色養兩無所盡也嗚呼痛哉弟慧生生八月喪父吾母撫之襁褓中迄於成立尤憐其孤苦不亟亟繩督之在京時深切注念嗣開游於庠心亦喜頗卹其貧困量時而周之且為其子女計安全意良苦也姊妹所適皆罹災獨哀恤之至時命不孝詰生迎歸歡讌慰其寥寂遇孫男皆有恩景獻等躋於場屋吾母必寬言慰譬之曰汝輩遇合有時恐我老人不及見耳不孝聞之意甚悲也之幹景烈每來省候必厚加撫卹

慰諭諄諄不忍舍去與諸孫婦情愛甚摯幾於忘分故諸孫婦哭之甚哀曾孫男日前患痧吾母親臨視之語希正夫婦汝父止有一孫其可不重愛惜何意五日之後曾孫遂哭吾母嗚呼痛哉吾母性婉嫵每崇退讓尤明於順從之義事無專制嘗語不孝云汝祖父存日我事事稟命而行今夫死從子門戶之事汝善為之老人一生勤瘁厭世務久矣今惟念佛誦經以了餘生他無所與以故二十年來事無內外吾母置不問不孝亦不敢有以涸吾母也吾母性坦易不施機智生平感恩之處念念不忘至宿昔嫌怨雖甚不堪亦不留於念嘗云我前苦後甘天已報我矣我何念為縣有隸以催科到門辱罵百端不孝時為童子

素齋文稿卷九 行述

十六

意不能受母曰忍之汝未可與衡也迨不孝成名後是人尚為縣役欲少懲之母曰忘之汝地望已高奈何與此輩校不孝以此釋然吾母寬仁類如此吾母性儉約至老不改其素不孝奉養命每日止設二豆稍豐腆則弗食歲時製衣以獻雖存之弗御也器取麤具而已於物不求美不取盈嘗語不孝曰我福有限即此已足也所居老屋數間不孝重修葺之吾母以為安日焚香課誦其中恒扃戶經月不出去歲闌小園郊外吾母心樂之花時奉板輿游賞必流連竟日宅之東建亭以奉

宸翰吾母有時來憩瞻仰奎章神情肅穆庭花水竹偕諸孫婦間日一至論茗清話往往移晷不孝深幸吾母精力

健爽因得怡情泉石以為人生樂事豈知轉眼遂成陳迹
風日如舊音容杳然嗚呼痛哉吾母氣體素弱五十以前
常多病晚歲神加旺貌亦豐腴近年始見衰徵醫者云宜
於用參吾母堅不肯服今春不孝往來郡邑定省有間然
歸時問候不言有病十日之內屢至書齋神色無異詎意
卧病六日奄忽不起病中毫無痛楚之狀神氣了了臨沒
之頃以水盥洗口誦佛號觀者皆謂吉祥而逝非吾母盛
德未易臻此不孝獨有深痛既恨不得久侍湯藥又悔平
日不能省察氣體預為補益一旦精氣銷亡束手無計不
孝之罪上通于天矣尚何言哉尚何言哉不孝詰生回思
無父之年方在髫髻病不知憂喪不知哀多負所生抱終

素庵文集卷九 行述

七

天之恨今又為無母之人矣嗣今以往不孝出則誰思之
入則誰教之病則誰撫摩而體恤之焚焚鮮民不如死之
久矣吾母彌留之際與不孝無他訣語但云吾死事多在
汝汝年近六十豈能任哀任勞惟善自愛惜以保身為孝
嗚呼痛哉不孝聞命之下肝腸寸裂吾母五十三年撫育
之愛盡見于斯矣昊天罔極其何以報嗚呼痛哉吾母生
於明崇禎二年己巳三月二十四日卒於康熙四十四年
乙酉閏四月十四日享年七十有七子四長玩遷聘鄭氏
娶顧氏次玩過娶周氏俱前母吳孺人出次詰生壬戌進
上翰林院編修娶陳氏封孺人次慧生庠生娶龔氏皆吾
母出女四一適張音昭一適州庠生吳潛俱前母出一適

陸汝礪一適顧齊恒皆吾母出孫男七玩遷出者景烈娶
諸氏玩過出者之幹娶金氏詰生出者景猷邑廩生娶葉
氏希正邑廩生聘尤氏娶錢氏歧武邑庠生娶徐氏宗修
殤慧生出者景儉早卒孫女六曾孫男六曾孫女五不孝
詰生荒述中詮述梗槩未盡吾母生平萬一伏冀仁人君
子哀矜而賜之傳銘以垂彤史不孝詰生死且不朽

素庵文集卷九 行述

太

敕封孺人先室陳氏行述

先室孺人姓陳氏其先世累有隱德十一世祖慎菴公以易學開科中明正統甲子科舉人曾王父魯瞻公萬曆乙卯科舉人任冀州守有政績王父敷功公邑廩生早世王母曹孺人太倉孝廉忍生公之女孺居苦節父天侯公邑廩生負雋才敦氣誼數奇不遇人皆惜之母曹孺人文學藉伯公之女與王母曹孺人姑姪也先外舅愛女甚六歲時便為擇壻有富家子求婚不許時余方七歲先君贈庶常公見背已二年王父孝廉公年七十吾母朱太孺人拊育遺孤零丁孰苦外舅見余於伯父績水公齋中特器余云此子後必有成立遂以女許字後十年先王父棄世家

素庵文稿卷九

行述

十九

益落外舅家亦漸乏歲丁未余遊庠吾母命就昏外家孺人既昏即問吾姑精力若何家道消息果若何余告之曰吾母十七歲歸吾父二十四歲而寡撫孤子十有五年備歷艱苦今有婦矣可無以報吾母孺人唯唯未一月出篋中簪珥及奩具無大小悉售之其立意蓋欲生息置產以奉姑姑地耳時太倉吳氏姊約余明歲授經外甥許之矣比當赴館昏不滿兩月孺人趣之往終館職者四年歲時往還曾不作離別狀書問時通問題詩句然清婉閒靜得風人之致初孺人就食外舅家越二年謀自爨益刻苦自奉極薄外家有隙地種菜蔬以供朝夕雞生卵不自食嘗以易腐其儉約如此工刺繡為人紉衣又早夜率侍婢緝

麻泉勤紡織數日一易錢以其半市隻雞乾肉奉吾母餘

悉授余不少蓄余少孤貧然不事生產自得孺人為偶日間艱難危苦之言遂并力支撐十年之內三遭水旱不致顛困且銖積寸累先業之棄他姓者次第得復吾母初授田八十畝至丁巳擴田三百畝又用二百金之直卜宅山塘始得奉吾母同居以承甘旨不可謂非孺人之力而余得專意殖學不以薪水細故櫻心亦良有由也自余北闈登賢書成進士孺人獨身經理於家事無缺略及入詞館孺人奉吾母北上居京邸二載苦寒之况無異諸生旋於散館後奉母歸里其間經營勞苦晨夕侍奉非孺人孰能任此詎意其精力鼓倦釀成大病也孺人生質厄巖而又

素庵文稿卷九

行述

二十

不自珍愛余嘗勉孺人須常保護此身令強健則百事可做孺人不從往往日晡始午餐意有不適或竟日不食又不信醫醫者嘗以危言進不為意余苦諍則云我未至死即死又豈藥所能挽壬申夏余有婦病詩云無端常厭世何事亦憎醫好景愁將盡它時空見思爾時猶未見其言之可悲也二陶舅氏為余言屠西爽卜最神就問得否卦云大數已盡甲戌乙亥其不免已歸以告亦不為動是冬為長兒完昏明歲癸酉體益憊余又為放言二首示之其一曰東家有病婦奄奄氣垂盡棺衾都已具西日看相窘人生無百年愚智皆泯泯轉歎造物勞朝生徒夕隕何為念慮間擾擾分歲吟其二曰懂花雖暮落朝榮亦且妍

甥一夕死當畫猶公公乃知蠢蠢者生意元自全紅顏珍
獨好髣髴保其玄母當妙歌舞自斷朱絲絃蓋余深憂孺
人之不壽不厭反復勸諭時或痛切言之反見涕泣故不
得已寓意於詩冀其悔悟孺人但云好詩似為我發其意
終不為動也八月長兒景獻省試報罷孺人惋惜不已余
慰止之竟不能遣孺人素淡於世味往余為諸生落第初
不為意余通籍後每以恬退相慰顧獨介意於子之成名
者固知孺人神氣衰短逆知已命之不長故愴然於懷不
能禁也嗣後寒熱間發腹脹余銳欲治之孺人意在欲速
數易醫余平日論用醫之道擇之明任之專無不效者嘗
以勸示親朋獨於孺人之病顧不能為主至於反覆淆亂

素懷文稿卷九

行述

五

而不救命矣夫孺人事吾母肅將婦順二十六年未嘗有
一違言疾革時猶語余曰吾姑遇我慈甚無以報當俟諸
來生蓋其一生孝思終不忘余初昏時數語嗟乎念及此
安得不痛傷斯人之不在也孺人性嚴冷然遇親黨又情
無不周而不以儉廢禮其視陳氏則稍殺每曰凡婦人厚
遇母家者謂之不知體然嘗以幼時依王母曹孺人之恩
為言待寡嫂至厚與余訣念母老弟弱以為託孺人初懷
妊皆不育甲寅始舉景獻繼舉希正歧武景獻少多病每
在夏月帷帳數重孺人同起臥忘寢食不知疲也為景獻
擇婦必求當意壬申冬南陽新婦入門見其婉順心竊喜
語余曰婦吾自擇不爽也希正歧武之訂姻皆同孺人商

決而今竟不待兩婦之入門已丁卯舉宗脩愛尤甚嘗病
劇孺人抱數日夜不脫手兒哀號孺人呼籲聲輒相應稍
脫手則令掌拜天求必活豈今兒在而孺人往矣孺人亡
後兒哭甚哀今復患疾嗽聲不絕同於往歲哀號而孺人
曾不聞矣孺人御下寬而少制生平不知有使令之適然
未嘗見聲色詬訾加於僕妾余每怪其濡忍導之振厲而
孺人不顧也余家法每疾病不祈禱一切師巫屏不入門
孺人守之謹病既久有以妄言進者卒不惑又不喜佞佛
嘗云佛豈持誦拜跪可到見有女尼論佛法者則掩耳不
欲聞云此輩何知輒妄語然遇尼媼輩必有禮或竟日不
去亦不倦與人言覺有偽不面斥即非禮相干亦弗校但

素懷文稿卷九

行述

五

存而不化耳余每為孺人言我於人過則易發露但一發
即化不復存孺人與余兩相反然亦兩相濟也孺人好觀
書史通大義先王父手批資治通鑑百本孺人於已酉歲
讀竟帙甲寅妊景獻又閱一周雖盛暑不釋卷曰我以此
胎教也唐人詩選日置一編於案家事了必繙閱旁及本
草綱目羣芳譜諸書孺人詩雖不中律間多警句余嘗欲
輯而存之孺人亟止余謂婦人不以文字傳且恐外人見
也至疾甚乃自命景獻收錄且語余今可以存矣雅不樂
治遊每日坐有常處尺寸不踰春秋佳日余書齋庭花滿
砌可說必數邀始一至或託故竟不出性獨愛山水前壬
申歲余攜孺人送葬外舅於西山得共遊覽歎曰人生樂

境惟領略真山水富貴不足羨也病中猶言我每想游山時景况胃襟自別安得病愈更續清遊也嗚呼今不可得矣余亦有山水癖其時當謀牛眠地於吳山上下與孺人同穴以娛爾魄可乎孺人臨沒出其簪珥以平時最珍愛者奉吾母為訣餘悉授余然計所值不及數十金孺人嫁時止寶釵一隻已斥賣椎髻者數年丙寅歲余授以五十金為置釵費孺人不肯置卒歸余至今未辦也沒後檢其衣笥新舊止十餘襲無錦繡綺縠之裝兩年前宗族嘗有讌會當暑月無紗衣竟不克往余深念之謂曰家雖貧何至是蓋其天性儉嗇尤不肯為一身費寧安固陋類如此孺人談論達大體無巾幗弁阿之習余每咨以世事得失

素懷文稿卷九 行述

三

或論人賢否雖懸揣遙斷必動中竅要余褊衷與人有競孺人導以寬和或片言解釋後蒙其益年來心氣不樂孺人若有深結於中相見時多默少言遂不易得曩日歡情余固知其神袞意倦冀得珍攝葆復何圖溘焉長逝永閔舊歡也嗚呼孺人往矣所可悼者惟是孺人一生以勤儉起家始終弗自休逸竟至積勞成病不獲永年自沒以來追思痛惜又何窮已嗚呼百年幻質總歸奄化孺人大夢斯覺庸知不樂甚生時第念余年不滿五十喪此良偶諸事未了一身獨任心容俱悴無可告語余與孺人永訣之頃揮涕告曰君不能自愛以有今日自累還以累余余風昔之言今一一見之矣君孝於姑不能終其養慈於嗣不

能視其成俯仰事兩人任之今獨萃於吾惟悴之一身孺人其不暝矣乎孺人亦含淚盈眸無可語但云來生奉報吾不知果有來生否即有之於今生何補嗚呼悲矣孺人生於順治己丑七月初九日卒於康熙甲戌五月二十二日年四十有六於康熙二十三年恭遇

覃恩敕封孺人子四長景獻邑廩生娶葉氏刑部侍郎訥菴公孫女翰林院檢討淵發公女次希正邑庠生聘尤氏翰林院檢討梅菴公孫女右春坊右贊善謹庸公女次跂武聘徐氏內閣大學士立齋公孫女內閣中書實均公女次宗脩幼未聘余念孺人儀容言動歷歷在目故為紀其生平用摭哀悃皆以徵實匪有溢美未敢質之當代大人

素懷文稿卷九 行述

三

先生聊存家乘以示諸子其有年幼不及詳母行事者異日亦可考而知焉

從父州庠生績水府君行述

誥生五歲而孤又十年王父見背與吾母朱太孺人孰孰以處內外之侮交至爾時所托以為庇者惟吾從父績水公一人公於吾王父為從子事之最久契愛不異所生自吾父壬辰棄世以至吾王父捐館十餘年間無事不相咨度無日不勤慰問故能使吾王父忘其喪子之戚以終天年含微窶窶之事又皆公視之必誠必信無少憾而後已既又為吾王父撰行實命誥生乞誌銘於士敬鄭先生公之盡心於吾王父者至矣吾王父年踰七十遂嬰篤疾不能理事身後所遺田房器皿書籍皆公為之品分區畫以授余兄弟一意均平無少厚薄縱有生心多取者公持

素蒙文鶴卷九

行述

五

之甚力雖受譙呵不為動嘗語人曰我於中苟有偏徇即無以對吾伯父也誥生自垂髫見公即蒙器賞少從師塾受書每日必至王父所覆背往往遇公公每聽余琅琅聲則大喜以語吾王父曰此為吾家兒異時當有造也余時訂姻於潁川公為之執柯後十年余讀書枋圃與兄緝基同學公方創舉家社課羣子弟家運由此振興自己酉以後每科必有登賢書者誥生屢見擯公憐之壬子兄緝基亦雋公但為誥生扼腕耳且云子姑待會有時也乙卯公病將革誥生受訣公又云子重自愛烏有讀書積行如爾祖而其後不昌者今獨鍾秀於子又誰屬也余時聞之深愧悚乃未幾而果倖獲矣惜公之不及見也誥生不獨受

庇於公且於公有知己之遇自公歿後至於今五十餘年銜感如一日而曾未有一言之述以紀公之生平者向以有兄基在不收先也迨兄既歿誥生僅於己卯冬兩弟舉襄之日為誄言以告公於祖墓之下今又二十餘年矣兩弟且復不存乃時時欲援筆而未遑者以誥生之王母張孺人暨吾父甘谷府君皆未有述而述公者猶不敢先也今於去年八月次第述吾王母暨吾父皆有詞已稍稍釋其罪矣而今惟以述公者為此生未了事所恨誥生生晚不及見公之少壯所樹立即所見亦未得窺公之微聊先述公之盡心於吾王父與庇余母子於孤孰之日者是亦足以徵公之大德而公之生平亦可想見云公諱某字宛

素蒙文鶴卷九

行述

五

仲績水其自號也中憲大夫止菴公之孫孝廉與游公之仲子太倉州庠生鼎革後遂棄之公好讀書於五經諸史無不熟覽而旁及於詩古文詞亦不沾沾為擊輓之學能以文章通於世故故識精而才敏遇事無大小皆洞晰機宜而又辨於口所言能達其意人服其善議以公之才識設令居一官任一職其必能為良吏以繩祖武無難而惜乎遇不酬學所設施僅在家庭閭里間然是實有表見鄉推祭酒族號宗賢固其宜也至夫治生之術勤而不煩儉而中禮內有陳孺人為之助公惟舉其大綱出入有常經輪將無後時力遵先世敦樸之訓毋浮靡毋腹刻門絕胥吏之交室無樛補之戲所居中憲公舊圖長松出簷簳桂

蔭門牀上之書連屋階前之草如帶過之者皆高人逸士若栢廬愚谷元恭二泉諸君子衣冠甚古談吐無俗文酒之譙歲凡數舉有香山洛下之遺其或邑有公事若備荒煮賑以恤災黎編輯志乘以表先烈諸君子且分曹任事各張一軍公固屹然勅敵也詰生景仰高躅特以年齒未逮不敢從後遙睇芳徽有如羣仙聚鳥可望不可即至於今老成彫謝風會遷流回想諸賢模範不啻若異代人慨焉慕之即公之故廬子若孫尚能守然而堂構依然松菊就荒風流歇絕無復曩日遺規詰生每一過之俯仰憑弔真同隔世何異過黃公之酒壚聽山陽之笛弄有不勝悲愴焉耳公生三子皆俊爽縉基自少能文公愛之甚比為

孝廉教督尤勤以遠大相責望嘗語云孝廉之名不易居

行述

三

前人居之者讀書積行卓卓皆有可法承其後者宜何以爲繼蓋公之意在吾王父平時趨亦趨步亦步故教子弟亦云然訓誨之語嘗不厭反覆言之不足繼以楮墨又勸勉同學以直諒相先不啻若顏之訓柳之誥也詰生時亦在公陶鑄之內頗識公誘迪苦心而鈍根薄植無能自奮迨公歿後稍稍知鏤礪洎四十年來困衡之至意乃有以自信或不負公所期獨悲公之不見也向使公登上壽詰生得久承公之教以余今日之自信質問於公公又必大喜而余之所造或更有進於是者又且廣公之教以啓我後人孝廉之訓復宣示於今茲使吾子亦得步前人之武

豈非公之大願而詰生不尤幸乎哉迺公之生以萬曆丁巳歿以康熙乙卯年不滿六十公之不登上壽後人之不幸也悲夫公生平不以著述自命然觸筆成采斐然可觀詩文之集余所及見今檢索皆云無有近得一編於公之長孫勳為省齋筆記始自甲申迄於庚子皆公閱歷自得之語可以垂後勳能編錄以識先澤之存亦可嘉使盡若此則公之殘膏剩馥或可不至泯滅矣猶記余甲寅之歲得子景獻有詩志喜公特和之有蘭茝遞分花五葉瓊琚源出玉三枝欲圖裕後懷先澤止辟深仁百粵知之句玉三枝者本張受先先生贈詩中語而百粵云云則指曾王父嶺南恤刑遺事公之不忘先德以誠勉後人者亦概見

孝廉教督尤勤以遠大相責望嘗語云孝廉之名不易居

行述

三

於斯矣公之夫人原配顧繼配陳陳夫人之閭範詰生及見之且於余母子有恩故別有述述公者雖未得其詳即余之所見而知者已無不盡其有未備則仍以俟公後人之採錄云康熙庚子正月下浣從子詰生謹述

伯母陳孺人行述

孺人姓陳氏陳為吾邑望族先世有諱翊者達於易學領正統甲子鄉薦歷任教職多所造就擢應山王傳王推重手書忠貞字以褒美之充兩闈考試官以得人稱預修英宗實錄固明時著碩也數傳而有魯詹先生諱岳如為孺人父萬曆乙卯舉人守冀州時遇災施政全活數萬人又累請革除宿弊民患永息冀人思之不能忘居鄉廉靜不與戶外一事至今康熙庚子乃奉憲令崇祀學宮所稱鄉先生歿而祭於社者里人以為允孺人生而端莊亮直無巾幗婢阿之態遇事曉達言下了了雖賢裔有弗逮也年十七歸吾從父績水公公固國器宗黨倚以為重當壬辰

素馨文稿卷九

行述

三九

癸巳之間吾王父輅水公年已七十為宗老事無大小皆以咨決惟公諳練往往為之贊畫無不當吾王父意時魯詹先生已致政里居家有煩劇亦惟公任之排難解紛優如也蓋自有公而兩家事無不理者然非獨公也孺人亦能之公既理事退而與孺人言孺人為之參伍言亦無不中迨公病且歿兩家有事即以質之孺人孺人析之甚明是非可否應時取決于姪輩惟拱立受命唯諾而退無後言人皆謂孺人在公猶若未沒孺人既往而公真沒矣詰生固嘗云老成彫謝後生無所矜式在閨門之內亦有然者近時女教不行婦德未備往往無能者廢事恃才者多過貽羞內外足為世道之憂余故於孺人之沒有深恫焉

矣孺人佐公理家政纖悉必謹龜勉三十年遵守先業罔敢輕棄尺寸且能少擴之以遺後人不幸自公歿後五年有酷吏令於崑受其漁獵諸子產俱廢即孺人膳田五十畝亦削其大半尚負于錢金累百孺人少以勤苦起家一旦罹此荼酷茹痛含冤遂不自矜惜以五十之年鼓其暮氣用圖恢復殫力經營銖積寸累十餘年間諸負債償凡所棄產盡復之孺人於是破涕為笑自幸也已而自悼謂吾未亡人年踰半百分宜齋心誦佛以期出世乃一念感憤激而就此雖微天之幸得還舊物然已不勝其憊病且深矣癸酉之春年屆七十稱觴甫畢即集兩姓子姪以所復田產分析于女授意結生命秉筆書其梗概身後事一

素馨文稿卷九

行述

三

切皆奉遺命周詳具至臨終之頃神識灑然吉祥而逝蓋其本性不昧得力於梵唄者久也孺人素凜三從之訓事稟命於公無有專制向人只稱道公之美晚歲誨其子若孫亦惟公之遺行誦說不去口蓋先君之思至老不替也余所見婦人才識通敏者有矣或自多其能而掩君之善者不乏也聞孺人之風其有愧與至若中年遭難情不能堪吾兄乃逞志於一擊為邑除殘輿情大快然自此家風亦稍稍異矣時會所值非孺人意也孺人有兄五人友愛至篤長者諱言先字數功高才績學賢於太倉曹氏不幸早夭曹夫人最賢能事舅姑以孝遇嫺戚以恩貞以守節慈以撫孤孺人憫其有德而歿也告於公公為文以誌

之納諸幽曹夫人為不沒矣夫人之子諱留字天侯亦負
雋才而數奇詰生外父也詰生之訂姻於陳亦以孺人孺
人又憫吾母朱太孺人之接詰生之孤而無以庇也故使
之贅於陳詰生受庇於吾外父恩甚至而皆孺人之為德
故吾母太孺人之銜恩於孺人者亦至然則詰生今日濡
翰林瀉述孺人之行惟恐不盡其生平者雖孺人之懿行
有不可泯沒而詰生亦且以自道其私也要之即孺人之
庇吾母子者其盛德已無不至而其他亦可想見云康熙
庚子二月望日姪詰生謹述

從兄稼先府君行述

君姓王氏諱存祀字稼先中憲正菴公君之曾祖奉議聞
修公君之祖也奉議公四子長蘧齋公君本生父幼子漸
公早卒無子以君嗣蘧齋公朱安人出子漸公周碩人出
君亦庶出本生嫡母蔣氏嗣母陳氏子漸公初分產頗饒
有一女嫁太倉凌氏資妝絕盛自公歿後家遂落君嗣時
年方四歲知不能保其業也弱冠授室外父占三張公東
樂公諱魯傳之子東樂中憲公之長壻也蘧齋與占三中
表兄弟情好甚篤故訂姻為重親君既困於貧所授產皆
散去又無定居初住崑凡三徙繼遷陳墓又就郵館於長
崑之交數年後歸上潭復先世之莊屋以居稍稍得安堵

至晚歲嘗有事於崑邑詰生往往為謀復歸故土已有緒
矣而君意若有戀於彼終不果至今若閭尚羈樓上潭也
君性穎達而聰明不外露言笑不苟有老成之風外和而
內介於辭受取予之辨灼如也少能文與余同受業於心
水朱先生先生賞其文以鳳毛目之後厄於轉徙竟不克
成名終其身以授徒糊口然其學自精詣非免園老也於
典籍固皆通曉又旁及於卜筮種藝之書亦時有吟以適
興生平最喜讀陶詩所作亦似之先奉議著述等身瀾編
瀆編法海諸刻皆已行世而河渚文集暨筆記說刪各種
卷帙甚繁都未付梓君力不能表章常抱悵惻獨自鈔錄
編次枕藉諷誦不輟以志先澤之存又自著廣姓通考命

若閑係以圖其他筆墨散見於雜著者又不足也宗譜自從父續水公釐正後已越五十年生齒日繁稽考不易惟君為之續述廣為咨訪慎加審核歷歲月而脫稿得世系圖一卷考八卷微分制刷釐然成帙又以圖考而外先猷祖訓凡有關世澤者不可無述而哀集未備乃屬詰生詳加考訂曰此非子莫任也詰生於是續有纂緝亦載歷寒暑粗已成集稍盡余分亦以成君志也君意沈密而才通敏凡土田將作征收營繕之事靡不諳練嘗為食圩祖塋開濬水道四至通利又助余斂散社倉數年勞績茂著其於送死大事尤必竭誠信以求罔憾即親朋委托亦視同已事癸丑葬祖母周碩人乙酉葬本生父蘧齋公勞費獨

素蒙文稿卷九

行述

三

任不以出嗣故有推諉又助姪婦宋葬其先兩世助姪女陸葬其母兄經營盡力至病不少休先慈朱太孺人之喪詰生方銜痛苦由含殮事惟君任之至葬亦然時以歲暮嚴寒君方抱恙而力疾以襄窀穸此德何可忘也土木之事余家歲歲有之君為之董理自籌心計勞瘁不辭自庚辰以迄戊子數年間往來余舍情投意合間亦互相規切彼此受益深悔從前未得合併而又惜歸計未成君年不登上壽未盡花萼之歡每一念及為傷感累日君之夫人張亦有淑德自君沒後余始相見間過崑常作旬日留因悉其情性與君相似不愧老萊妻也子若閑亦能文君切望其成名而亦數奇若閑娶于唐不甚宜而又艱于嗣君

為之置妾乃得子深用喜慰然君已憊矣女三壻周熙陳樹聲姚雲翔皆長洲人君撫之有恩皆依君以居其不得遂歸計或云戀女也君生于崇禎壬午歿于康熙己丑年六十有八君歿之次年若閑以行略見示存余笥十年餘矣今始檢閱之所述甚詳而稍冗余節之以為狀緬懷遺行君固有體有用之人也所惜者名位不顯耳然人之輕重豈必於名位哉余從兄弟凡十八人而余與君為最習亦以為知君深者莫若余也故有述以紀君之生平而且為吾宗之賢者勸焉弟詰生述

素蒙文稿卷九

行述

三

婦孺宋孺人行述

孺人姓宋氏蘇之長洲人宋為吳中鉅族明時固多宦者至本朝益顯大學士文恪公孺人從兄也父邑庠生諱學程以諸孫貴豐廕贈典母朱夫人孺人在家時事母至孝年二十歸吾王氏為箕疇君配箕疇君名周秩少卓犖有文譽年未弱冠受知於學使石公為崑山縣庠生善讀書工翰墨日與四方名流相結敦崇氣誼砥礪名節固偉然國器也宗黨咸期以遠大謂能振學憲公墜緒者不幸以病歿卒時年二十七孺人年二十八也孺人初結褵食貧攻苦孝事舅姑勤女紅以奉甘旨箕疇君好客客至具酒肴必精腆君歿棄其奩篋以營舍襲事姑又二十年孝

素履文稿卷九

行述

三五

養益謹姑歿獨任喪事又十年勉力舉襄時太翁子雅公尚未葬暨舅姑兩世四棺與其夫君皆安窆窆焉翁有少子二力不能任喪葬孺人慨然曰若此大事必待二叔協力則先人入土無期矣蓋諒二叔之貧而孺人亦非饒也變產以卜吉壤拮据至艱無吝色又身親督視一土一石必謀堅緻無憾而後已雖以胃寒成疾終不言瘁其識大體敦孝行如此又不惟是十年之中二叔夫婦相繼云亡孺人曰於我殯又為其後人治生計此豈易得哉孺人之撫孤也常箕疇君捐館日子繼孟年纔四歲孺人撫之十八年始成立而繼孟又以病歿年二十二孺人時年四十六也繼孟得子在辛酉正月其歿在壬戌八月計嗣高之

生未周二耳孺人當此又即以其撫子者撫孫更二十二年而嗣高又始成立於時孺人告終年已六十七矣夫世之為婦孺以撫孤者不乏也獨至孺人乃使之撫兩世孤而歷四十餘年之久天之厄之為已甚矣然孺人終能視嗣高之成立為子雅公以下五世相傳延此如綫之一脈其勤苦之操堅貞之節洵足以挽回氣運而天又何能以厄之也哉故其臨歿之頃呼嗣高而言曰吾向之所以苟延性命者特為宗祧計耳今孫復有子吾願已足可含笑見汝先人於地下矣言訖即瞑聞斯言者但以為孺人歿寧之語焉耳豈知其積四十餘年之精思毅力盡發於畢命之一言嗣高於此得不椎心泣血以敬承斯語哉嗣

素履文稿卷九

行述

美

高之母艾氏歸於繼孟二十而嫁二十三而寡其孝貞之概與孺人一轍氏父家稍裕幼出於豐遂自為孺人婦即能甘淡素習勞苦又事事仰體姑意凡姑之孝於親睦於族者氏皆贊成之而至其撫嗣高也則幾幾乎合三人為一命劬勞荼苦以終其身卒時年四十八守節亦二十五年矣余嘗讀震川歸先生傳志於婦人之節烈固以為不幸然又以卒成其節為其家門戶之光祥莫大焉亦於此可以觀天道以今觀於孺人姑婦同心一門貞孝洵為琅邪之瑞可以光我宗矣惜有司不以上聞旌典未及嗣高每向余惻惻不能釋於懷然吾家婦節之被旌始自項太安人丈孺人繼之吾母朱太孺人又繼之煌煌乎今典也

余編輯家乘特為旌節備一考既臚列三夫人之事實矣而又為孺人虛一席以俟蓋以信天道之有徵而表揚之必及也箕疇君長余數歲而余忝在叔行記余幼時於儻孺堂中見箕疇以青衫拜吾王父意致翩然後余讀書枋圖箕疇嘗自郡過從余出素紙索字則書古詩十九首以示筆法秀勁可玩比聞其短折余時已知傷悼嗟歎累日後知孺人苦節至行心竊慕之曾一再見於郡城端莊樸穆肅然一女宗也益嚴敬之為歎息近歲嘗與嗣高晤語間述其遺行余故約略書之存於譜嗣高宜質之當代能文者乞為志傳以垂不朽其亦足以展孝思之萬一云康熙庚子四月朔日叔誥生謹撰

素懷文稿卷十目次

祭文一

祭司寇徐先生文

祭少宰徐先生文

祭柏廬朱先生文

祭房師顧觀廬先生文

祭館師張素存先生文

祭黃忍菴先生文

祭廣東臬司王靖公文

祭薛澱兄文

祭徐實均文

素懷文稿卷十目

祭徐道積文

祭彭力仁文

祭盛玉臣文

祭鄭壽陵文

祭杜子牧文

祭顧元成文

祭從父績水府君文

祭朱凡山表兄文

祭司寇徐先生文

嗚呼吾師司寇公之歿也自朝寧以至鄉黨與夫海內人士罔不思之痛之悲之者喆生少受吾師知契受我師教育最深一旦失吾師如失吾所生三月以來神色慘慘幾不能起因為追念昔者慇懃愛護格外期許有非常情所能及者用是滴淚抒辭告於几筵之下祈我師於雲車風馬之間鑒此哀悃而垂聽之喆生五歲而孤奉吾王父輶水公之訓又十年王父見背乃受業於吾師吾師初相見即盛稱吾王父績學敦行其後必有興者由是家塾有課必與諸賢嗣授簡同研席呈一藝必加稱賞嘗為文以示訓云美才不可恃少年不可恃詞意懇至深期遠大丙午

素蒙文稿卷十 祭文

歲喆生就童子試文不當意請讓之至無所容立命就試他邑喆生貧吾師曲為之計試之夕執手苦語戒精思靜氣以求必獲比得補博士弟子員語喆生曰余聞子之游於學宮也喜甚與我庚子獲雋時無異也喆生聞是語感泣至今不敢忘歲丁巳功令特科取士喆生初無應舉意吾師強之至再四謂家貧親老不可以久滯趣之行以是得俸列賢書至壬戌成進士入詞館諄諄以植品力學為訓喆生杜門株守或經月不造謁吾師不以為嫌敝服羸馬蹶躓長安道中吾師顧稱許之謂處冷官當如是乙丑分校南宮硯硯自矢出闈遽索本房姓氏閱之曰子可謂有志者矣嗣以貧不能留京邸奉母南歸臨別語喆生曰

後生正宜恬退吾鄉前輩如魏莊渠先生可為師法子歸力學砥行益宜自勉喆生悠悠十年卒無所成有負吾師之教深自媿省厥後吾師膺聖眷致高位喆生伏處鄉里嘗數月不通書問吾師不以為怪手書見示惟以養親樂志為勗奉奉致訊間及鄉邦利病至於求榮干進一切仕宦之所為吾師固嘗以之為戒喆生固不欲以之溷吾師也比吾師歸田三載幸嘗侍几席當風波震撼之時意致牢落時呼喆生涕泣相語喆生素慙且多過慮聞發狂言吾師亦不以為觸也近者卜築山間賓朋觴詠往往命喆生侍坐酒酣耳熱情懷朗暢今年春喆生婦病沈縣吾師累書存訊夏中悼亡親來慰問深致惋惜問喆生尚有弱

素蒙文稿卷十 祭文

息否年幾何矣勤懇惻惻情同毛裏且云明當入山避氛子能從我遊乎不意其遂為永訣之頃也吾師夙負人倫之鑒海內之士爭趨於其門兩關所得士類皆英奇一時名公鉅卿半歸陶冶如喆生者何足比數特以生同里閭受業最先知愛始終不替方喆生之孤苦無依吾師翼而進之惟恐後時迨通籍以後則又深示以恬退之學俾得安其愚遂其拙以至於今日是吾師既教以進又教以退教以進則俸進矣教以退則知退矣是喆生一人之身受吾師栽培三十餘年始終成就之為何如也孰意今日而竟抱無窮之痛也邪且喆生曩時以受業於吾師并得受業於中允公相國公中允公相國公之教喆生與吾師無

異也乃於前歲哭相國公今又哭吾師而中允公又以應名入都不得追隨以往徒使結生披靈帷於白日瞻絳帳於青雲當爾時也其何以堪吾師精爽在天應亦聞楚夢而遙臨鑒荒忱而如在也

朱栢廬先生評只敘師弟情分而士大夫之風義司冠公之局幹可感可風具見筆底可謂善于立言者若其真懇秀婉文章能事又不待言

祭少宰徐先生文

嗚呼余嘗觀前史論人材於郅隆之世每歎天之生耆碩也必關乎運會而非偶然蓋國家當重熙累洽之日厚氣之敦龐與仁風之淪浹往往有重德偉度出於其間而聖明之簡在尤必崇尚惇樸而特注意於老成盛德之賢以為世風日降巧佞者漸開輕捷者多進非此不足以懲其薄而救其僣是以張仲之孝友顯於周萬石之謙謹庸於漢自古皆以此收作人之效而求其人於今世惟吾公其庶焉方公之射策大廷回翔禁苑天子已深器之駸駸嚮用矣而公易退乃請急焉而樂志於林泉欲持盈而儉德非偷安以自便棲遲耘圃蓋歷有年惟人世之冠裳圭組

既不足繫公之懷故一時之水火元黃亦不得遺公以患迨九重之側席迺丹詔之來宣公於時方抱鵠原之痛故與尚書公並邀寵綍而眾眾以行雖入覲闈闔而不禁哀感之絲填荷主知之特達遂一歲而九遷既冠宮寮旋掌衡銓又盤錯之多試乃使命之屢銜公則感深報重惟自將其精白之一心而日夕以乾乾故功不敢以自居過不敢以他諉而確守其志節之堅以是同官服其義當寧嘉其忠先已被清流之目又復承恭謹之褒而始終不失恩遇之拳拳既進退之有度亦出處之兩全惟吾崑素稱禮讓之鄉前之賢者固歷歷其有傳乃時移而世異或流俗之相沿自公之居里也恒卑謙以自牧惟儉約之相先門

無綺紉之令庭無絲竹之縣是素節之流風未墜而可與
先進諸賢接跡而比肩又敬恭乎桑梓且盡力於土田雖
以詰生之鄙陋亦辱與之共事而必精求夫疆理之平洵
乎在朝朝重在鄉鄉重足垂芳於志乘宜紀績於史編乃
益歎盛朝培養之厚故使吾公得受篤於天鳴呼曷不享
遐齡於百歲迺一朝奄忽以登仙鄰巷哭而罷春士林悲
而掩袂況詰生等義屬門牆分均嫺戚能不薦生芻而哀
慟奠絮酒而涕漣哀哉尚享

祭栢廬朱先生文

嗚呼惟師友之情重乃性命之所關雖聚散其猶戚况乎
在生死之間方詰生之在髦黈也已側聞先生之仁且賢
而未得遽及其門則以吾生少孤露無父兄以為之先自
年二十六始從先生遊而即授以性理精義之一編蓋具
有節孝先生之手澤而謂學者非究心於此雖有蓋世之
文章過人之才智而不可語於斯道之全既又贈以文序
教詰生以惟虛而後能大也俯而察於地仰而觀於天聖
賢之所垂訓古今載籍之所流傳五事五倫巨細精粗之
極致國家禮樂兵農民風治術得失之所以然莫非庸也
莫非神也實體之而大無不包則功可以極乎今古道可

以配乎坤乾而要止循乎分之所當盡適還其太虛古之
聖人所以有天下而不與而矜伐於焉悉捐詰生於是時
感微言之詔告愧領受之茫然先生殆忘乎其謏陋而不
禁責望之拳拳至率學者以服習講論垂五十年讀中庸
而誠感於肩膊註大易則神契於畫前寒暑不輟始終無
倦而莫非此理之昭宣詰生不特身與其澤也壬申之歲
景獻執經而侍乙亥以還希正歧武後先受業先生又不
鄙夫愚蒙而惟昕夕誨誘之縣延是直等於造物之廣大
兼羅并收無鴻纖良楮而均受其陶甄嗚呼先生事業在
忠孝學問在性天此其生平之隱抱臨沒不敢以自信自
門人視之洵惟先生無負乎斯語而可與首陽之義士伊

洛之真儒接跡而比肩蓋間世以挺出非但百里之一賢
詰生得生與之同時居與之同厯自附於從遊之末而且
以及吾子可不謂有生之幸焉然而弟子之承師非徒幸
及於其門而貴有以盡得其傳以詰生之薄植鈍根鮮能
有立沈溺鋼蔽無以自鑄故入聞至教而悅出見所見而
情好絲如其難竭雖以先生之發憤振噴不遺餘力而何
有見於斯理之深淵不且歎木鐸之空警而大鏞之徒懸
蓋有傳而不習諒信道之未堅悼五十而無聞顧獨影以
自憐嗣今即有憤排之中情又誰向以索其言詮嗚呼先
生形雖往而永隔神固儼而不遷牀琴在側遺卷陳筵吾
將遇先生不死之神於困衡之錄無欺之篇哀哉尚饗

素庵文稿卷十 祭文

七

祭房師顧觀廬先生文

嗚呼天之靳惜而不輕與人者惟顯秩與榮名公則早年
上第禁林有聲不十五載而位躋列卿譬如鳳翔千仞而
人仰其儀型天之眷善而必厚其施者惟純嘏與眉壽公
則望重於三台數窮於陽九一朝奄忽萬事無有譬如芝
折蘭摧見者莫不心傷而神愀嗚呼我公遇誠優矣而業
未終念君恩之無已嗟報稱之何窮以是望闕庭而長慕
蹈黃泉而有忤嗚呼我公年不永矣而有餘恫悼祿養之
不逮怨陵木之悲風望家山之空青乃旅夢之常通亟陳
情以負土曾不得少待以閔其幽宮以是臨歆獻有不
能釋於其衷嗚呼公之精白以對君寬仁以養士寅恭以
和衷沈密以處事洵可比於古之君子不流而不倚至於
匪躬盡瘁死而後已設誠於內以荅主知宣力於外以籌
國是公之於臣節可以止矣公之哀慕於二人篤愛於同
氣惻恤溥其恩謙約忘其貴要以無忝於所生而致其孝
思之不置至於馬鬣無封寤言不寐三月歸山手披荒翳
今縱不得親視窀穸而賢弟令子之經營孰非公之所目
籌而心計嗚呼霜天崢嶸寒冱千里長路迷茫惟賴相繼
惟一棺之廬墓指生平以為誓自今其晨昏以相依與千
秋而萬歲公之心於此可以少慰也詰生余鄙幸辱公知
矍伏年久無相見期故以公之大業炳然教思廣被而曾
不得身與其澤以為嗟咨今年之夏喜公得歸乃一覲公

素庵文稿卷十 祭文

八

顏而有深悲慮膏肓之不起非百藥之可醫願片曝以將
獻難遽率以陳詞冀再見其可言而豈知其言之無時嗚
呼惟大鈞之廣育知萬物之有私旣銜恩而莫報有此身
以何為徒仰天而出涕幸臨觴而鑒茲哀哉尚享

祭館師張素存先生文

嗚呼夫子日星之華河嶽之精降於人世如郊麟遊如岡
鳳鳴為時霖雨為川舟楫以佐休明帝曰股肱民曰父母
今之阿衡緬惟古人接跡子房比肩九齡是宜受福其死
也哀其生也榮夫子勲德銘於彝鼎垂於汗青余小子者
以蠡測海其何能名顧嘗受教拜牀握麈爰有私情是不
能已摭此哀些以達幽冥憶昔憺園初以文謁草徑花茵
遇我以笑賞其秀拔謂非長貧後十五年侍于几席獲被
陶甄瀛洲亭上春風四至化雨時新旣撤臬比猶勤筆札
海語諄諄讀書交友脩名砥節銘座書紳一時學者迴翔
高舉獨愧跋踈翠華南幸扈從吳門握手城闌余因抱疾

有契玄關美比食芹夫子下問云乃真詮造勝深論余啓
夫子調燮萬類獨善非仁以此金石固我邦寓壽我黎民
夫子領馬於心莫逆一笑而听曾未十年遽騎箕尾厭世
埃塵嗚呼夫子人道至大無外君親純忠至孝勿貳勿欺
可對蒼旻清而不矯慎由天性勤畢其身唯此三者無虧
無玷底于至醇精金粹璧月朗日溫允矣大人嗚呼夫子
有盡者形不敝者神雲車風馬翱翔天上下視無垠丹丘
玄圃小住千年還我素真哀哉尚享

祭黃忍菴先生文

嗚呼先生學通理要文闡儒宗望重三君之列名高四皓之中其於生平洵可無憾而吾黨之士所以咨嗟而不已者惜典刑之既遠悲仰止之無從況於詰生葭莩之屬情親義篤哀何有窮於亥之歲同官禁林余方載筆藏洲而先生乃侍講於青宮悅鄉戚之情話略勢分之卑崇洎歸田里以締姻盟余亦忘乎齊大之非偶而命吾子以乘龍古藤曳紫壯丹銜紅先生方陶情於花月屢速余東恨塵事之拘牽曾不得共尊酒以從容去年之夏吟社縱橫寄余詩筒慚未及和耿耿於衷余有家乘乞言於公公病未能私心有忤不圖奄忽遽已告凶書堂掩日墓墅悲風嗚

素懷文稿卷十 祭文

十一

呼先生形容杳矣令名有終惟生人之不朽在著述為顯融誦願學之一編乃性命之微通慨文章之道衰由意見之蒙蔽或擊悅之相錯抑釋老之交藂惟先生之廓清止一理之精鎔洵儒門之有則宜文玷之稱雄彼海內之作

者終如以先生視之殆如五嶽之有中嵩嗚呼八十之年錫於蒼穹如松之翰賚自重曠其榮斯極其報已豐此先生之所以生順沒寧而吾徒亦可少解其悃也哀哉尚享

祭廣東臬司王靖公文

嗚呼吾兄命世之才名不副實人倫之望年不稱德勤以奉公忠以報國植節端亮秉心淵塞持憲允平邦之司直是宜超躋以旌宣力胡無罪戾俾棄厥職行既方嚴言無矜飾張仲孝友里門楷式不私喜怒無營得失宜享壽考以為人則胡年踰耆遽易其簣嗚呼公道難明天心有惑聞其訃者宜皆悲戚矧余同氣能無痛盡自余覲兄羊城之域余慕神君兄憐孤客酌以荔漿贈以端石契猶平素言出胸臆一月數見別情永惻長君今嘒琴堂咫尺書來繾綣命余往適三年後行嵯嶺成癖劃然見面青萍白璧宛有父風慰余相憶高才薄宦私用惋惜絕不為懷但言

素懷文稿卷十 祭文

十二

親厄蒼蠅貝錦讒言罔極未一前雪有標寤辟余嘉其孝俯首歎息聖人旁求惻飢如怒公卿推轂賜環在即何圖奄忽天崩地坼嗚呼吾兄人誰不死令名無數平生仕宦歷有顯績遺愛在人光於史策有子賢能克大其闕報於後人天道終赫絮酒奠南素帷張北靈其適享鑒余哀悞

祭薛澹年兄文

嗚呼余始觀兄實從賓薦於後三年同文喜宴接跡承明
聯鑣禁苑兄器瑚璉余才襪線遭際偶同懷慚自譴兄不
鄙余深加愛眷三日脩禊九日題餹文酒之會莫莫朝朝
石門睢州元龍氣豪兄於其間公瑾醇醪有言必中氣靜
無踰局量之優宜佩虔刀樂游名園招要聯騎談讌風月
流連薄醉歸塗不戒墜馬傷臂余失扶持惕心以媿兄笑
解嘲三公自位強起裁詩嘯歌見志乙丑之秋余去脩門
兄來話別黯黯銷魂日月逝矣母滯鄉園殷勤握手能忘
斯言顧余有懷迺戀晨昏終三十年甘守丘樊兄猶未起
辭煩不憚五月一詩三月一翰助以精勤起其嬾散奉書

素蒙文稿卷十 祭文

十三

欲泣終日感歎亦酬以詩亦答以翰自白余衷執詞斷斷
豈惟自白亦為兄籌秋風乍起達士含愁鱸魚正美盍歸
故丘斲解朝簪以泛湖舟道里之遙音書達不遽聞抱疾
我心則憂嗚呼人所難言出處之際各私其謀友朋道敝
惟兄愛我策我以濟我雖終焉敢忘兄惠期兄勇退余有
未契兄即不然諒無余戾平生知已在天一方窮居寡歡
雲樹茫茫近多零落凶訃倉皇睢州憂死石門早亡兄又
辭世風馬翱翔訪舊為鬼驚呼熱腸自兄存日頻入我夢
昨歲致書敬為兄誦歿後兩月雲車再控登牀理琴高張
三弄義密情親幽明一共生死之交莫此為痛嗚呼哀哉

祭徐容齋文

嗚呼容齋命止於斯自君亡後余日銜悲憶余弱冠執經
先師交君兄弟情比壘篋君篤朋好遇余尤善愛余意真
忘余心福乙卯之秋就試秦淮余同牋子棠筆與偕讀書
飲酒歡餘邸閣誼如膠漆陳雷可作昏姻之理偶必相當
末世人情貧富較量君獨不然封非見采弱羽飛飛敢傍
高壘先師之命言猶在耳德高何貴愛深不鄙竟忘齊大
銜恩沒齒君才卓犖盛世鐘鏞一蹶不振為問蒼穹彼蚩
者流罔不朱紫哀我斯人憔悴至死君性寬厚宜蕃後昆
斬焉無嗣天道何存煌煌相門巍巍令德誰主大宗使我
心惻君有賢弟實秉家訪先師之緒賴以克昌余遭母憂
君來襄禮曾未五月遽哭君八無窮之感筆不能紀聊薦
椒漿一慟而已

素蒙文稿卷十 祭文

十四

祭徐忍齋文

嗚呼忍齋君之長逝天道難知自余聞訃哭君不已并爰
吾師吾師嶽嶽當代人傑比古皋夔遭時艱險雖陟高位
未竟厥施惟君甚似光纘前烈克昌在茲君今往矣煌煌
世業伊誰是貽吾師威德刑于門內著有壹儀宜爾子孫
繩繩摯摯以比螽斯自容齋沒大宗無主行路嗟咨今君
又亡善人無後報德奚宜余忝嫻戚兼有世講情比墳簾
君按官資以余糠粃執禮謙卑衡宇相望日每過從以寫
心期余感情好投桃報李亦竭其私謂君偉器及鋒而試
未宜後時先君之思乃占吉夢惟熊惟羆吾言諄復君置
不答其情可疑由今觀之天邪命邪又將尤誰君今置嗣

素蒙文稿卷十 祭文

十五

亦既有子且蕃孫枝君兄侍御舍已以從古禮是持君之
夫人守義斷斷不讓鬢眉大宗之後循此而行其誰有辭
吾師弟第本同一體無有間離兄子我子兄孫我孫又曷
有差余勗君嗣處君之宮奉君之祠吾師勲德銘在天府
君嗣承之吾師文章垂於千秋君嗣寶之寶之承之其責
孔鉅其功不訾惟君有子惟君不亡余憾異為嗚呼哀哉

祭彭力仁世兄文

嗚呼天道茫昧洵難知邪福極顛倒一至斯邪仲尼大聖
鯉也蚤死季札名賢藏博葬子人生脩短誠如手指朝菌
大椿難與齊齒獨可傷者感德之門階庭玉樹宜其榮蕃
今也不信福善奚存蘭摧芝折悲何可論嗟嗟力仁造道
之器其容敦樸其神淵粹弗炫聲華不矜門地溫恭淑慎
衆德斯備趨庭肅穆聞禮聞詩翕爾兄弟我壻子旆閨中
靜好百年是宜朋友之交亦慎威儀以此令質惇彼至行
日就月將希賢入聖夫子之道紹矣得正豈唯門子為家
之慶何圖賈喪遽返玉樓溯厥病源慈孝之由先塋有警
伐我松楸怒焉如擣以代親憂旋罹弱息見侵二豎疾痛

素蒙文稿卷十 祭文

十六

倉皇驚裂心腑早魃示災風鶴旁午杞人之憂愧彼僇父
嗟嗟力仁目其瞑乎仰焉俯焉魂以寧乎夫子卓然道勝
卜商不待曾參節情自強諸弟英瑤珉琳琅以侍晨昏
慰子北邙君有賢嗣標格顒印祖武可繩父書在箱俄焉
植立道圓翱翔孔傳在俛君也不亡惟我同人永失良友
侍立程門銜情搔首將此荒忱以奠尊酒摠詞寓哀靈其
鑒不

祭盛玉臣文

嗚呼天無長春地無長平物無長榮人無長生循環之理達者自明顧不能忘未免有情人生別離黯黯魂驚況當生死悲何可勝自初見君丁未之歲同賦采芹以投縞帶平生結契形骸之外風月林泉君有深會余甘終隱一丘自遂相與歲寒松石瀟灑鶴棲半枝於渙之濱十年來往必共巾裙疎林月上小閣花熏夜深弭棹春盡留尊狂應數我閒莫如君先雲而到與鶴為群我有王官丙園之舊桂子香濃梅妻影瘦六月荷花方塘如繡君才可比清詞立就亭亭紅豔誰賞今又徧插茱萸零衫袖客歲清秋風日最佳穎川置酒舊雨興懷胡園歌舞北山亭臺相繼

素齋文稿卷十 祭文

七

盛遊其樂無涯曾幾日月玉樹云埋俯仰陳迹悽然以哀我思古人有同悲愴黃壚咫尺鄰家亮風景不殊溪山無恙煙中孤艇花邊獨杖基劫誰爭詩吟莫唱幽意欲愜懷君無量君之先人窀穸未安中餘隱痛對食長歎余敦古處苦語勤拳麥舟鮮助有愧前賢今君既歿賞恨重泉賴有賢弟繼此勉旃晚厭塵濁希心玄秘一鸞之薦自欣有味仙草無根凡夫可企祇仗虛懷勤求實詣何圖奄忽形骸神敝一時學者愧發心地君耽佳句山攜錦囊生平詩草充笥盈箱君又多娶屢經悼亡諸棺纍纍各在一方有子四人並標令望遺文是輯早卜其藏嗚呼哀哉

祭鄭春陵文

嗚呼人之云亡哀此風俗蘇子有言余今三復自聞君計痛由心曲義兼朋戚能無悲哭憶余壯歲得追芳躅一時壇坫多有名宿我師栢廬君之尊屬至行醇修士林嶽瀆南陽良齋君亦折服妙手解絲鉅鋒切玉君於其間雍雍穆穆和不詭隨介不局縮匪夷匪惠指謀又肅里有大役諸賢競逐分曹樹幟提綱列目市義施仁各得所欲二公歿後世事顛覆君雖尚存如鼎一足惟余有懷見君必告每歎掌孤有時頗願今君復往義風誰屬公事不舉鄉鄰之辱苟非其人其何能穀際此凶荒疫癘并酷正藉賢能以廣茂育天復降虐斯人不祿嗚呼人生於世如風中燭

素齋文稿卷十 祭文

末

百年易盡何久何促嗟彼愚人有生碌碌死則係戀苟延一宿惟君達者人間蕉鹿有疾不藥以期化速飄然長逝如葉脫木時至則行栖神天竺君多賢子質秀而淑仲氏來學平橋可續道君遺命訣余意篤余愧不文知君我獨質言醑觴以告尸祝

祭杜子牧文

嗚呼余與君交垂五十年分則中表誼則友朋君生以乙亥余生戊子君長余十三年余垂髫時即識君名君早歲入黌宮掾選政聲華蓋雲煙當時矣嗣以秦銷誅誤君不自棄益鏖礪復受知當事余時亦已為諸生與同學雲章恪如輩結文社君為領袖月必兩課君每踞上坐沈思匠意揮灑盡日藝成必傾其曹諸子文皆憑君論定雖以余之婣鄙亦辱獎許為有當課罷則治具樂飲分曹射覆往往達旦集君齋必膳精酒旨以盡歡讌此壬子乙卯間事也越十年余自京師歸里諸子半已彫喪君年方艾而氣愈盛時稍謝帖括專精有用之學歲丁卯邑有清丈之役

素齋文集卷十

祭文

九

余佐東海先生任其事徵名諸賢分班履畝各張一軍君固傑然前茅也後十年再舉君亦再任不倦癸酉余承邑宰仇公命脩葺學宮襄事者亦多有人而君為首庸試院燬於丁丑學使者檄行按試士子慮匍匐他境而費用無出事難卒舉君捐金以倡工為立辦八邑之人歡頌焉昨歲旭升樓又將圯更議脩造僉云宜撤屋另建估費至數百金皆縮手歎不能舉君獨後至一登樓巡視云何須此但整頓間便可完固所需僅十之三耳眾皆笑其不憚余獨信之一遵其議果不煩費而已屹然矣眾始服其見之精也他若米斛之釐正粥廠之監視君皆與有勞勤夫士操三寸不律塗澤章句優為之耳一旦處盤錯之會問土

田不知責營繕不能蒿目束手者多矣孰如君之識精而才鍊慮事無不周處事無不善行於家施於邦國秩如也且吾邑豈乏富厚之家或祇以自殖過公事握手不應又孰如君之緩急能濟纖悉必謹儉不病其畜用則籌其當也余里居日久嘗不自量妄有營於桑梓賴諸賢戮力可幸無罪近逝者相繼不能無老成彫謝之感惟君享大年望若靈光而今復不存後有興建更何從諮詢以此不勝悲歎耳君又精青烏家言仁人孝子欲為其先營窀穸必與君謀君則竭誠盡信不憚寒暑不避風雨山巔水涯間行走若飛雖至暮年不以杖也余家兩世葬事皆君為之理近年有二子之戚勞君悵念兩月前尚蒙枉過歷陳墓

素齋文集卷十

祭文

十

傍補救之策若者當開濬若者當堵塞余深感其意吾友徐勉齋為其先人大葬邀君相視君星馳赴之嗣以病不克往深抱憾臨終尚以為言勉齋亦深相感悼蓋余輩固識地理君所言皆不省惟承君勤懇至意視人休咎無異身受實足感人心腑而以之測君生平其吉凶同患之情夫亦可想見矣古稱五福壽與富先之君家不為貧而年至八十有六仲子建侯克承先業又能廣君之仁惠及親黨鄉之人賢之天之福君厚矣特君氣體不衰余嘗以百歲期之且箴其順時知止乃終以五日不汗變出意外是可哀也余聞君訃冒雨奔臨老淚不能禁亦久廢筆墨於君不辭為此所以盡五十年兄弟之情也君其鑒之乎

祭顧元臣文

文學顧君元臣歿於康熙丁亥十一月十日君之子陽治敘事既畢奉君遺命請余言為紀述余弗辭也適同人會奠例有文以祭余迺據辭以遂君之志其辭曰

人生於時像猶一器小大異形各職其事所以利用物我交庇於國於鄉隨其所置當夫用也事需以理及其既往人失所倚如行去杖如坐亡几於今思之知其人矣煌煌典禮先王作之吉凶賓嘉古今由之範民於中慮或不知乃立之相爰有司儀凶喪之制達乎萬民於生盡禮於死盡仁職喪泣禁周官有名司貨司書溫公是程唯君習禮穿穴游行通不違時經不廢典凡民有喪匍匐勉先往

素懷文稿卷十 祭文

三

後罷永是為踐余昔在憂荷君來助俾余盡哀以無愆惡君今既沒喪者誰計禮失用懼悲君無度漆以用割膏以明煎蘭摧桂折安有長年人生奄忽誠如一夢生既有禪死亦何憫唯君善書又能於文一揮數紙一吟千言有志古人略涉其藩自期晚力沿流汴源唯君善飲又工於謔飲真吾師謔亦不虐近多莊語歸心守約泊乎病至酒懷寥落君愛余文每常歎嗟故於身後教命有加聊遂君意以寫哀辭質言無文靈其鑒之

祭從父績水府君文

伯父績水公歿之二十五年為康熙己卯余弟緝徵緝傳卜十一月初八日奉公之柩葬於吳縣某山之新阡先期發引祭於家姪詰生為文以告公之靈曰嗚呼人有一言之誨銘於終身一事之庇銜於沒齒而況公於詰生誨不

素懷文稿卷十 祭文

主

以一言盡庇不了一事止宜詰生之感慕乎公者以二十五年之久常如一日而不能自己昔吾先公之棄世歲在壬辰吾祖以七十老人抱西河之痛詰生以五齡稚子含蓼莪之悲賴公為之扶其顛植其圯用能使孤者無父而有父獨者無子而有子洎壬寅之歲吾祖捐館詰生兄弟愚昧無知而含殮窆窆之事一公為之經紀自茲以往風雨飄搖內侮與外患交乘而公翼而覆之惟力是視閒止亭中花木交牕和陶齋下圖書盈几詰生方負笈於公之所從師問業而公心喜謂讀書砥行如爾祖後必有興者而舍子其誰矣公迺創立家社勗子弟以文史家運從此而昌而二十年中登賢書捷南宮者凡十有餘人孰非公之鼓舞以致此詰生之獲也獨晚幾幾乎不能以自信而公於壬子之秋吾兄既雋獨慰語之而顧自擬於糠粃迨公易簀之前詰生涕泣受訣公猶拳拳於此意以信我祖德之必酬而天心之可指夫得失命也遲速時也誠杳渺而難揣公惟愛至望深故於不可知者信其可知而懸為之擬迺詰生於未遇之日聞公言既感且媿迨夫遇也公

不及見又思公言而悲無似蓋自公歿之後二十餘年詰生所見顯晦升沈悲愉生死皆於公有無窮之感涕而至於記載係乎宗祧建樹關於桑梓老成代謝咨度無從又安得不瞻公之堂而泫然以泣歷公之墓而喟然興誄也嗚呼哀哉尚享

子履文集卷一

祭文

二

祭朱凡山文

嗚呼兄可以無死而遽至於死者以一官累之也方兄於乙亥之歲捧檄而歸歸未一年即赴補余告兄且暫息而兄不聞嗣以艱歸讀禮服闋後里居甚樂余又諷兄終焉而兄亦不聞去年秋時時欲行而不行至除夕來告曰明日行矣余訝其遽具一尊期話別而兄不來歲朝陰晦風寒欲雨意其不果行乃聞已戒塗則往送見兄之面黃眼黑喉不出聲叩之曰夜有疾則請曰行不可少緩乎意弗然乃入與嫂言而亦不能挽也送余門外猶言我當別舅母且拜外祖父母像余至家候終日而竟不來偵視之則已登舟徑行矣余覺其不祥心懸懸不能舍一月後聞到

子履文集卷十

祭文

三

都又聞補官心乃釋七月中余嬰目患時稍稍聞兄病繼聞且劇心又不能舍乃聞已投牒且出都矣久之無歸信心愈不能舍曾親詣兄所問耗而越一日凶問至矣蓋余之懸懸於兄者自兄行後無日不然且惡徵於夢亦自以為兄弟之情相關故至此而不虞凶幾之先見於吾心今迺驗也嗚呼哀哉聞兄之扶病而南御一敗舟挾二三蒼頭以行行未數日病以漸篤遂死於滄州至德州乃殮於斯時也霜寒飈疾月黑燈青一病夫呻吟偃伏於短篷弊席中南望迢迢三千里不能以至醫不可得來亟不可得降精隕神銷至於氣盡還戀生者寸腸欲結一言遺訣萬痛隨之命絕不知於何時魂歸不知於何地妻子無由哭

親朋無由弔傷哉人盡死也而兄之死獨可哀已向使所
嗜不於一官則田廬足以樂志書卷足以怡神兄其可無
病即病矣而曲房邃宇足以息煩勞壯子愛女足以奉湯
藥亦可以不死即死矣而號於屋莫於室神散而有栖靈
歸而得所亦斯人順受之正又何至於斯極也嗚呼官之
累人甚矣哉余惟古人之重有官也以其可以行道濟時
樹功立業藉聲施於後世故雖以身殉而不惜今之重有
官富貴而已富則以逸我身貴則以適我志也若兄者毀
身滅志又何取於富貴而為之乎余與兄戚則中表而又
同籍壬戌之籍與者二百人於二十年中化者十之四矣
半皆死於官而與兄同時死者彭侍講瞻庭姚觀察映垣

素蒙文稿卷十 祭文

三

一則卒於京邸一則死於路二君皆以顯要在望遽奪其
年天之養人以官而毒人以死往往然也又不獨兄矣嗚
呼亦可哀哉余姑母有四而中表兄弟無多人與余情最
契者達夫中翰往年死於官余哭之京邸兄與余情不甚
契而年長余事之謹近年於風月山水間頗同好時有宴
集余樂其偕隱故常有諷而弗善也比聞以病乞休庶幾
其早歸自今以往可耦耕終老於玉山之陽矣而竟不遂
也余固不以一官動念者懲於兄之死志益確而獨惜兄
之不能同吾言以至於今日乃有文以哭兄之靈嗚呼兄
其聞乎抑終不聞也哀哉尚享

素蒙文稿卷十一目次

祭文二

公祭徐師母金太夫人文

祭徐師母湯太夫人文

祭程母蘇太安人文

祭姑母朱太孺人文

祭伯母陳孺人文

哀詞

魏母劉太孺哀詞

胡母朱孺人哀詞

周正平室張孺人哀詞

素蒙文稿卷十一

張元之哀詞

西山姪哀詞

選佛場正旭和尚哀詞

告神文

清田告神文

代甘郡丞清田告神文

亢旱告邑神文

告祭祝文

重修名宦祠告祭諸先生文

名宦祠告祭古川府君文

國朝三名宦崇祀告祭文代

同里門人公祭徐師母金太夫人文

嗚呼誥生等之受教於吾師司寇公者至矣至今日而不得不悲我太夫人也念公之於誥生等育之以恩也知太夫人之能相公以仁也念公之於誥生等教之以義也知太夫人之能相公以有禮也猶憶公之在丙午丁未間為孝廉家居以文行倡率里中子弟里中子弟爭趨於其門公視之如家之子弟然日有程月有課朝考而夕訓其中材者心乎愛之不啻若自其口出而有不當意則譴呵諄諄不少貸必至於成然後已用是里中子弟藉公成名者亦多有人此雖公之愛才樂育抑亦太夫人有以相之以余所聞於古者賢公卿大夫有好善之誠樂育人材之責

素懷文稿卷十一 祭文

者其內往往有賢者為之助故卷耳之詩稱后妃之德必頌其有進賢之志能輔佐君子以求賢審官而難鳴昧且賢夫婦相警戒之詞亦必推其意於親賢友善而終之曰知子之來之雜佩以贈之知子之順之雜佩以問之若非此不足以徵婦德之美者然則今之君子苟其能有愛才樂善之誠其閨閫之中亦必有贊襄而勸勉之者矣特內言不出故外人莫得而知也公即以行於鄉里者行於廊廟故兩闡所得士無非英傑奇雋而奉命教習館閣之中亦皆彬彬質有其文焉作人之澤幾遍海內矣誥生嘗侍公公語誥生云我門多士未易指數行將脩門譜以誌來學者之意然必自同里始其以子為先乎繹公之言知公

之不忘乎鄉黨也其能無感矣乎比公歸田之日門人輩私相慶幸謂得侍公於平泉綠野間可以追曩昔函丈之樂而不意公之遽捐館舍銜哀如戚者又十年於茲矣尚幸太夫人之無恙如公之存也得時時候問起居今年壽七十門人輩捧觴堂下幸與賓筵拜嘉慶以為期頤可望太夫人之福未有艾也何圖麻姑旋返豎鬼頻侵慶者未已而弔者在門矣嗚呼絳紗永隔翟裼長辭匪獨太夫人之淑德懿行無由再見且使吾公樂育之恩至今日而邈不可追矣誥生等安得不窺東閣而增悲過西州而益慟哉若夫太夫人之德施於人亦已溥矣其恩及於子若孫則子若孫能盡其哀其恩及於宗族親黨則宗族親黨能致其思其恩及於同里之筑獨無告則同里之人亦皆欽獻感歎以頌其仁蓋夫人之身被其德言之未有不親切而可思者也若誥生等之於吾公亦皆身被其德者故於今日之悲太夫人而尤悲吾公不置云

素懷文稿卷十一 祭文

二

祭徐師母湯太夫人文

嗚呼山頽木壞用悼哲人女師道喪其義則鈞惟我相公偉哉人傑夫人配之壺行卓絕相公介介澹素清恬夫人之儉以成公廉相公巖巖峻同山嶽夫人之慎以承公恪女儀之尊綸翟次被夫人之謙以忘其貴鄉里所指高門顯第夫人之靜以終其世余壽夫人頌言謂聖非阿所好人皆曰信夫人既逝余則垂涕為母儀慟亦哭其私詰生少孤及門最早知已之言於今在抱嘗侍公席稱說古賢公曰醇叔庶幾勉旃有基余者毀余公前公曰醇叔殆無是焉嗟余母子相依並命繫官於京缺焉溫清公命夫人挈於長途一朝合併旅邸歡娛母曰念哉夫人之德洎乎

素懷文稿卷十一 祭文

三

歸來時時手額適吾季子夫人之孫忘其非偶繫公之恩夫人既沒誰撫誰存余敦世好獲交孟仲孟也早世人琴有痛猗與仲氏克守先型公有令嗣夫人可瞑盛德必報其後自昌此理可信我問穹蒼

祭程母蘇太夫人文

嗚呼哭死於父母為至哀去年夏四月余丁先太孺人喪痛不欲生時邑宰程侯數數存問慰視之甚勤而余哀不能止至冬侯亦丁太母蘇安人之喪歲除訖至自楚余方營先太孺人葬既虞之後風木增悲一聞太母之訃益泣然哀不能止會有疾未得亟往弔問越數日乃見侯於苦次辨踊呼號無異余之哭母者余益悲痛余即欲出一言以慰侯而侯之哀亦不能止也蓋人子於父母愛為至深故於其歿也哀亦至極創鉅者其日久痛甚者其愈遲故歷之三年之遠而情不能忘也迺先王制禮獨申其尊於父而稍屈於母故父在為母齊衰期而祖括之禮亦微有

素懷文稿卷十一 祭文

四

別焉者歷代或因之或更之至於明始定其制而父母無異視焉萬世人子之情於是乎無憾而稽之往古堯典曰如喪考妣三年周公曰父母之喪無貴賤一也孔子亦曰子有三年之愛於其父母乎則是父母並重上古已然人子之情固未當有軒輊於其間也迺若余與侯之哀其母則更有甚焉余為孤子五歲而先贈公見背非吾母太孺人撫之教之則不克成立凡夫含辛茹荼積之五十三年之久者受恩獨深則銜哀倍切固情之所必至而若侯於太母恩義之深篤有非余之所能言然余見侯之令於崑五年之中投牒者屢矣志在養親而以不遂為快快則其戀親者至矣一旦聞親之往而終無見期其情當奚若食

梅者知酸集蓼者知苦余固能知侯之意而特不能為侯言也至於吾邑之人哭侯之母不當侯之自哭其母則更有說詩云樂只君子民之父母古之人於為人以上者固有父母之稱矣然而父道主嚴母道主慈嚴也者所以行其慈也故子產使民也義而以衆人之母稱之蓋嚴與慈不可偏廢而必以慈為主者此為父母之道也侯之令崑非賄賂為仁者而未嘗以擊斷為事宜以母道歸之一旦因侯之失母而使吾邑之人皆失其母焉能無戚乎侯失母則哀之甚吾邑之人皆失其母則哀之愈甚惜侯之去而不能留則哭侯之母而不能已其情豈勉焉而致者哉余於侯分則子民也而有朋友之道焉朋友之母猶吾母也

素庵文集卷十一 祭文

五

哭之固宜哀而侯於余之喪母且相禮焉余其能無報故為敘我兩人哭母之情與我邑之人所以悼侯而并哭其母者以為楚些之辭而余與侯之哀其終不能止也

祭姑母朱太孺人文

嗚呼姑母歿於康熙丙子年十一月時誥生粵遊在塗後一月始歸而哭之不及為文以祭今忽忽已二年餘將葬矣誥生追念姑母之音容有不禁戚然於中者故摭辭以道哀感之私念昔先王父母艱於得子中年始生吾父先有女子子四人姑母居其末吾王母勤於操作拮据卒瘞諸姑母共之鼎革後王母遽厭世又數年吾父亦歿王父意致蕭瑟賴諸姑得自遣晚歲多病諸姑侍直不少怠以終其年王父歿後諸姑相繼去世惟姑母多壽與姑夫恬野先生相莊白首八山翼昭兩兄皆能色養八山成進士宦情順適姑母亦樂之誥生自己丑歲請急歸里時過留

素庵文集卷十一 祭文

六

衡閭省視每見姑母丹顏綠髮談笑甚樂知其意之適也佳辰吉日間或肯顧與吾母太孺人情話極歡余所居敝廬先王父母手搆誥生兄弟析居後各棄之他姓姑母每語余王父母締造之艱營築時王母不梳櫛者兩月勤瘁如此豈可久為他人所踞語已為之歎歎誥生謹識不敢忘邀先人之祐丁巳以後得次第復還姑母每過瞻仰堂構必怡然色喜嘗譽誥生曰好兒庶不負吾父母往時求得汝父之誠者誥生方幸姑母康強謂可得上壽與吾母老年相聚無間何期遽舍之而逝也誥生既念姑母之淑德懿行無由再見心已悲甚而尤有感於中者以誥生之生晚不及見吾王母之音容見姑母如見王母焉今且不

得見姑母則吾王母之音容尤邈乎其不可追是以尤悲也且不惟不得追吾王母之音容將吾王母生平之淑德懿行詰生所不能親得之見聞者庶藉姑母以稱揚其一二俾得少緝緝之以垂示吾後人而今皆不可得是以悲尤甚也夫老成彫喪使後生無所矜式在閨門之內亦有然者近時婦道不講正賴長者以賢德先之而往往徂謝卑幼奚法焉此吾於姑母之歿而又不獨為一已悲也嗚呼哀哉尚饗

祭伯母陳夫人文

伯父績水公之葬母顧氏陳氏兩夫人附焉詰生既有文以告公矣而於陳夫人不能已也又為之詞曰翳坤德之安貞兮雖至柔而動剛嗟師氏之失教兮恒嬖阿以自藏惟夫人之端亮兮含秋水之明光儼丈夫之暉烈兮儼不忒而言有章雖負能而篤順兮舉動一粟夫經常言必稱乎夫君兮君有美而必揚教賢子以成令名兮庶孟陶其可方洵婦德母儀之兼善兮凡後起於閨門者視夫人以為望年五十而喪所天兮遭酷吏之為殃痛遺業之蕩棄兮鼓暮氣以自強不十年而盡復兮豈巾幗之可量早栖心於淨域兮又問津於慈航了生死而無礙兮避怛化而吉祥憫余生之孤露兮惻吾母之哀孀荷公之德不淺兮亦夫人之所匡余妻系出於陳兮雖同歸而異行哭夫人於素帷兮後一載而旋亡料窮泉之相見兮應握手而傍徨為語潘髡之蕭騷兮紛辛苦而莫當既男婚之難畢兮又愛子之早殤嗟生者之獨憂兮諒死者之未康知夫人之愛我兮聞余言而意傷聊陳詞以訴苦兮有不禁涕淚之汪汪嗚呼哀哉尚饗

魏母劉太君哀辭 有序

吾友魏一齋母夫人劉太君歿於澄江官署詰生既同業檢討為文以祭矣遇余情惻惻猶未已回憶二十年前余與一齋同舉進士因得謁敏果公於京邸公清修直節為當代君宗後輩仰之如太山北斗顧特器詰生為可教勤懇榮勵所言今皆在胸臆甲子秋公致政歸里詰生拜別都門外後無復相見與一齋間隔亦二十年至丁亥一齋承命督學江左奉太夫人以南南詰生又得以年家子候問起居一齋時時為余稱說母夫人賢德其能相敏果公以勤且儉教一齋以慈而義也余為之感頌且以知一齋之孝有人所不能及者一齋勤於官夜五鼓起必先至寢舍

素懷文稿卷十一 哀辭

九

問安然後出涖事日必數見視太夫人詞色為欣喜按部考校則時時望白雲而思慕既還署則效萊綽以承歡者無不至余數過之每見其張華幄設綺筵樽罍盈八絲竹間發皆娛親之具也及與余輩集宴則率其寒素不尚繁縟余微窺而竊歎以為是則古賢殺雞奉母捧檄色喜之遺意也余亦人子耳敝屣一官家居二十年以養親傷哉貧也無所得以為娛見吾友惟默默自悼而已能無愧乎去年九月余語一齋吳中梅花之勝銅坑石壁一望香雪明歲公餘奉板輿於花下以盡萱庭未竟之樂時不可失也一齋聞而神往已許來遊既乃不果則太夫人已病矣自冬徂春一齋方侍湯藥無頃刻離左右天其罔眷孝子

而特靳斯舉矣乎雖然太夫人之福亦既懋矣一齋之於親可謂無憾矣余以慈孝萃於一門洵無負敏果公之教者故復摭詞寓哀而亦以慰吾友詞曰

春深苦雨日色死萱艸靡靡寒不起悲風蕭寥帷帳空月落慈烏啼夜裏歎息年光不肯住白頭人逐義輪去靈兮在地亦在天蒼蒼渺渺知何處九宮之山桑乾水歸去瑤臺安玉几百年中幃佐賢眉婦德毋儀輝彤史吹噓一氣本同根努力景光今有子靈兮宛在何曾死

素懷文稿卷十一 哀辭

十

胡母朱孺人哀辭 有序

胡氏於崑山為忠孝之家自石遠公以廣信郡丞死於節其子蓼邨先生又以至行聞鄉里學士大夫爭稱慕之朱夫人者石遠公之子婦蓼邨先生之配也出自名族明冢宰朱恭靖公裔孫女父西瑄先生以明經官於浙亦忠節自勵方石遠公殉難時蓼邨年四歲洎夫人之歸胡已不及事其舅乃事姑朱宜人至謹與蓼邨並砥孝行故里人稱夫人之賢為不愧其家風云蓼邨積學數奇以諸生老詩書之澤延及後人諸子皆承家學表被稱最良能文章受知當世鉅公亦折節敦勵學行思繩其前武固蓼邨教之而夫人之訓亦嚴而有方表被每嘗為余言母夫人勤

素懷文稿卷十一 哀辭

十二

苦且熟知大義細者不及詳言其大者胡氏故廬在通德坊居此數世矣家貧割半質於他姓夫人日夜涕泣語其子必復之表被方以養親奔走四方乃承母命斂館穀所入銖積寸累以圖復卒得復有撓之者不能奪也至今堂構依然歌於斯哭于斯人以此頌夫人之義而多表被之能承先志也表被精制舉業其取進士宜若拾芥而累困場屋然其志不衰乃夫人命之就選表被則就選行得官矣比聞訃急歸泣向人言以母夫人不及待為憾余以為夫人明亮豈沾沾以祿養為事者固知其子之賢且能思及鋒而用之耳今表被年方壯苟得官而理其必能有濟民物承忠孝之緒以竟乃祖父未竟之業此則善承夫人

之志也夫人雖沒猶存其奚憾歲庚寅二月望日邑之戚友會祭於其室余為詞以哀之且以表夫人之德詞曰仰皇天之篤祐今在忠孝之至德惟安定之一門有兩世之遺澤父洒莖弘之血今化三年而為碧子敦曾參之行今母嚙指而心惻故天生賢婦以承家兮啓後嗣之光奕憶奉執姑于堂上今話明燈于疇昔俄鬼嘯而神號今助隱中之兩泣嗟蓼邨之好善今時未偶而終厄有令子其善繼今光前人之故宅幸朱紱之方來兮能達材而稱職諒夫人之端亮兮非祿養之是亟冀承休于祖父兮以樹功于邦國慰萱親于泉下兮為孝思之維則

素懷文稿卷十一 哀辭

十二

周正平室張孺人哀辭有引

吾崑山周氏有賢婦張孺人系出太倉名族高祖諱輔之官大司空為名臣太史天如黃門教菴皆族之望也孺人少失怙來歸孝廉正平君食貧荼苦三十年不幸於去秋嬰疾今春三月遂不起孝廉君悲之甚詣余乞為辭以哀之其自言曰余孺人之能順以事舅姑也又孝於其母而卹其寡姊妹振振有賢德焉又勤於家而儉以自奉余始以授徒他適繼則遊學京師孺人獨任家事內外大小罔有缺略其延師課子則餼饋盡禮而男婚女嫁次第經紀乃事未畢而力已瘁也余在京師十有二年之久不得與孺人相見伉儷之情無由以展抑且重貽之累近歲始得

素懷文稿卷十一 哀辭

三

居故里方共綢繆拮据纔得一椽以息冀自茲可圖畢世歡也而今已矣蓋言出涕隨鳴咽不能竟其語余聞之有深悲焉夫婦人之遇其夫以天合榮枯壽夭各有其命而惟是生於富貴之家席豐履盛以至結褵而往享有燕婉之樂者既已久矣或至晚年而不終其慶亦有罹於短折者此始亨而終困天道固有然也乃若出於寒素為貧家婦跡其所處裙布之勞牛衣之泣有人所難堪者亦既歷試諸艱而至於中歲乃有賢夫有令子駿驥乎向於榮顯矣人皆謂於此可以酬其夙昔而頗有遽奪之年靳予其報者但與同勞苦而不與共安樂此生者所以抱無涯之戚不能無憾於天道之難問也今孝廉君為康僖公裔係

能恪守祖訓以鏃礪自好鄉之人稱之謂顯揚其在望而孺人曾不得少待以享其成孝廉君所以悲乎而又其尚平之事未竟將重累其夫君皇皇內顧當不得若前此之久處於外也而即其今日奉侍庭闈單形孑孑於二親之側孝廉君不愈悲乎余曩者失偶亦於中年凡孝廉君銜哀於今日所自知之而不能言者余則既已知之而又能代為之言也昔雍門子以哭見孟嘗而孟嘗增歡事固有相感者余之悲亦有自焉爾辭曰

素懷文稿卷十一 哀辭

十四

誦詩莫誦悼亡詩歌詞莫歌傷春詞人間此病無術治楞伽一卷酒百卮清河淑儷還西池汝南才子悲空帷此生風月歡無時十年京洛徒相思今春花柳爭容姿六街鼓吹喧喧隨良辰萬類皆嬉嬉羣游偶處無分攜人生妃匹百年期奚為中道傷此離我因同病感於斯愛思無益空嗟咨死者不知生者悲抑哀自強達者規

元之張翁哀辭 有序

張翁元之歿於康熙己丑五月邑之縉紳先生會奠於其家余忝姻戚交翁久知翁最深於翁歿戚戚不能已為辭以哀之翁既多壽富而且康又多男也其奚哀然余哀之者以翁受天之眷誠有以自致固鄉之善人也善人歿則鄉之人無所賴故宜哀也余嘗默觀夫天矣惟天渾渾爾穆穆爾厚而不鑿樸而不雕有人焉得天之意則天必眷之吾觀于翁無機心也無詭行也喜怒必形於色言笑皆由其衷聞其語則天籟也即其容則古貌也習其性情則如嬰兒孺子之任真無緣飾也坦然處由然行余嘗終日與居而不厭也嗟夫古道日散而天下無完人久矣輕薄

素懷文稿卷十一

哀辭

主

以為儼狼戾以為能者比比也使盡如翁者則天下可以無事而與之生者不偕樂乎故余以為翁之受天之眷者此也惟天又好施施而不倦又廣惠惠而不德嘗日以之示人而人不察也吾觀于翁周人之急濟人之困公其產於同氣有田真之風焉分其財於朋友有鮑叔之仁焉工計然之策而不病其畜焚馮驩之券而交稱其義俗之敝也人各私其有至親不相假貸患難不相周恤人情之偷薄皆自富者啓之而不知財貨天下之公器也天多予之俾得溥其惠行其德此人生之至幸而亦大福之所歸也翁其知之矣此又翁之所以受天之眷者也惟其然故翁於人世傾軋變詐之習一無所知而於其身俯仰之間親

戚朋類之情畢致其歡仁厚之所積積祥應焉天固嘿佑之以一人而兼多福善人之報豈或爽哉吾不知翁既歿之後鄉之人尚有繼翁而起者否也余交翁因亦交翁諸子翁之第四子雨時娶余甥余所撫也故以外舅事余余知翁深亦以此余每遇翁欽其德器樂與之談論嘗思於同里中求如翁者三四人為耆年之會忘機率真終日陶泳以為養性之助而卒未果也今翁既歿則已矣是亦可哀也辭曰

翁之愿今天所知仁必壽今信如著翁好施今天眷之富且康今無不宜五福備今翁自貽善能致之天無私生既樂今死何悲我所哀者善人萎彼伎求今且謾欺局不反

素懷文稿卷十一

哀辭

十六

今視翁為疇不羨翁福履綏

大邑縣令西山姪哀詞 有序

吾始祖古川公十六世孫孝廉源逢府君之蒙孫名廷光
字賓夫年十八去其家走京師遇山左杜公杜公善鑒器
之撫為子改名國璋字西山國璋刻苦自勵讀書能文補
歷城縣學生以選拔入成均教習八旗子弟授縣令得四
川之大邑時康熙四十五年丙戌也杜公名溥曾令吳之
長洲已先歿國璋感其撫事之如本生父然其念本生無
一日忘依於杜乃不敢言所出至是乃托其密友孫君申
之至崑尋訪父母父諱昆字明常孝廉之長子母顧氏出
太倉官族時皆已去世有庶弟廷曙邨居業賈孫君遇之
乃告於尊屬始知國璋三十年客游茶苦之狀今能自立

素蒙文稿卷十一 哀辭

十七

已為官矣宗之人皆為嗟歎國璋痛其父母早歿不得遂
祿養乃決意歸宗思有以顯親而其才敏達居官多有聲
績臺司皆器重之巡撫年公特疏為請復姓部議稍沮格
之多費終以得復旋遇萬壽覃恩得贈父母如其官國璋
於是大喜慰又懷思故土冀得一屢俟宦成復歸或遣一
子分守而西城外有頤園是中丞舊業適欲他售其從父
勺先憊國璋得之中丞孝廉兄也頤園廣可七十畝中有
池亭竹木之勝國璋得之為他時菟裘誠善舉宗之人又
為之嘉歎詰生嘗作歌遙示之望其早歸嗚呼孰意天之
不祐也於癸巳五月國璋以驟疾歿於官明年三月其孺
人李氏率二子伯開仲起扶柩歸孫君護于塗其始終左

右之義士也孺人過邗江同伯開問道來崑謁祖塋訪故
舊以竟先夫未竟之志宗人勸其留葬則有不能又將別
售頤園詰生傷之許其代為檢校以遲二子他日之來猶
作歌之意也原其徒步出門情非得已流離瑣尾以克自
振興非豪傑之士與又水源木本切切于懷必欲遂而後
已志可嘉也顧乃使之中道萎折曾不得一日返於故居
嗚呼豈非天哉余哀其不偶望其魂之來歸為楚些以招
之詞曰

魂兮歸來西川不可以止些蜀道之難難於上青天昔人
之言有以此些巉巖劍閣難可倚些瀟瀟灩澦誰得躡些歸
來歸來不可以止些魂兮歸來東方不可以久些虎牙傑

素蒙文稿卷十一 哀辭

十八

立孤峰刺天山壓人首些海浪如屋蛟龍起陡些歸來歸
來不可以久些魂兮歸來反故居些層樓累榭通精廬些
崇臺曲徑臨清渠些古松高涼陰圖書些池水澹蕩發芙
蕖些春花粲粲風徐徐些秋月如鏡庭空虛些四時佳景
迭乘除些神仙之侶來中裾些歸來歸來反故居些吁嗟
乎事不諧兮仰問天些命之窮兮志徒然些生無歸兮歿
可還些形之隔兮神不遷些雲冉冉兮鶴翩翩些一息萬
里兮小住千年些魂兮歸來反故居母舍君之樂處而離
彼荒誕些

選佛場正旭和尚哀辭有序

嗚呼天之生人非有定位其在世中與出世外皆非無事而苟有能事其事者為功於天地則一也選佛場正旭和尚系出陳氏刑部主事為齋公其五世祖孝廉裕所公其高祖廣東道監察御史古凡公其曾叔祖簪纓累世正旭居然貴公子也又其王父為余族叔祖贈公丹崖之壻中丞澄川公之妹夫也故正旭與吾瑯琊敘親屬為余兄弟中表姪內外族無非名望而正旭生而超異不染塵俗年十五六飄然有出世之想棄家為浮屠子始披剃於安禪後參學四方凡二十年解行俱妙仍還故里吾崑山城外有蘭若二西則安禪東則選佛規模弘整為邑名藍叢皆

素庵文稿卷十一 哀辭

十九

有尊宿主之嗣漸衰落幾廢矣正旭乃先後接席於二十年中次第整頓大有功於法會其為教也勤於行而謹於律學者多嚴憚之故所至皆能振起往歲已丑余任公家煮賑留頓場中與正旭晤語甚久故習知其儀範後一年贈之以詩有出眾惟高行生天只獨惺相看俱不染何必校門庭之句誠契之也嗚呼以正旭之才與行如此設使其不為浮屠子服習儒者之教效用於家國吾知其必能光大前人為陳氏後來之俊而顧獨使之從於釋氏以振興其教也果天為之乎抑正旭自為之乎然余又聞正旭之事其父也孝當其駐錫安禪父老矣無所歸正旭迎而養之比其終喪之盡禮又能養其弟為父外婦之子初命

之披剃既念父之無後也又命之歸宗且資之財力欲使之授室以行乃緒而弟弗從也凡此皆非逐逐於浮屠氏者之所能為倘所謂身出世外而事在世中者乎又其先世有傳述多燬於兵火正旭重剞劂之以行世且自有識今年八月俄有疾未甚也已自知不起命其弟子邀余訣所言皆有係於法席余覘其神色無異為慰語乃五日而訃至又私語其弟子必得余文彼豈未忘乎名聊寓其意也余哀之而為之詞曰

素庵文稿卷十一 哀辭

二十

溯始生於名閭今占鳳凰之嶺鐫蔚詩禮其有傳乎絳幢戟之相望迺委裙屐而不御今攝袂裝以自將旋卓錫於城之東西兮樹兩地之金湯雖超塵而遊於方外兮終無憾於倫常可知孔與釋之水乳今安見道與俗之參商直上兮寶座利涉兮慈航信摩尼之在手兮復何藉余言之

牋糠

清田告神文

維康熙三十七年歲在戊寅三韓甘公以蘇州郡丞奉天子命任崑山清田事於十月二十四日乙丑設局開丈率邑之士民誓告於城隍之神既有文矣邑人王誥生亦有文以告於神其辭曰惟神所以保護吾邑邑之事小有累於民民必赴愬於神以求神之庇而況其大者今神亦知吾邑之事莫有大於清田者乎十金之家必有尺土利與害同受之邑田百萬業之者數十萬戶非一家之事也又皆世守之父傳之子子傳之孫以遞及於其後非一世之業也前乎此者數百年因襲之弊於此焉革後乎此者數十世則壤之規於此焉定事孰有大於此而今則官無

素蒙文稿卷十一

告神文

三

籍之可據民無冊之可稽田之廣狹無定形賦之輕重無成額奸猾之徒又乘而為崇造弊百出種既無窮豪強隱占而莫敢誰何焚獨累賠而無可告訴此雖三尺童子宜皆知清田之不可已而桀黠者方冀弊冊之終行庸碌者又懼盤根之難任或指為生事或議其擾民曰此可已而不可已者也為此言者非愚則私若神者聰明正直而壹者也亦將以為可已乎不可已乎自丁卯之歲余承當事命從東海先生任斯舉亦嘗告於神矣盡吾心力未嘗有罪而神不見祐聽奸豪之沮抑卒以無成於今已十年不敢復言此事而茲者天心旋轉啓我中丞宋公洞知此事之不可已特疏上聞為民請命部臣曰不可已

天子曰不可已乃簡府僚之賢且能者任其事以屬我甘公而公則公而慎明而斷虛而能受博而有謀又簡吾邑人士之賢且能者襄其事鼓舞淬勵以圖盡善民皆信之矣神之靈爽在上當知天心之旋轉將必為吾邑善斯舉也則當祐我甘公使之體強而能任勞神裕而能勝劇知足以掩隱伏而胥吏不得施其巧勇足以懾強禦而豪猾不得遂其私誠能動愚頑之格而有令必行可以不試其威才能答上憲之知而有請必應得以畢行其志此惟神之賜又當祐我甘公之所使而使吾邑人士皆公而不欺於念勤而不顧其私協以和衷而化異同之見籌以精計而絕苟且之謀奉法則如山岳而怨不敢辭剔弊則盡纖

素蒙文稿卷十一

告神文

三

豪而情不可徇則可以效指辭之使受腹心之託而事無有不咸成無有不善亦惟神之賜詰生雖置身局外而觀感之下亦或鼓其敗氣以效一得而樂觀厥成則神雖不祐於昔猶得祐於今而所以保護我邑者神之功亦於是乎偉矣謹告

代廿郡丞清田告神文

惟崑山為財賦之區歲輸國課三十餘萬田多賦重加以
兵火之後版圖散佚科額無稽以致姦猾攘利良善累賠
既貽數世莫可究詰神之所知也自康熙十一年肇行清
丈以圖更始惜事未上聞又任之匪人徒耗金錢無算終
成筭舍十九年冊具在有舛誤者有朦弊者輿論譁然卒
以廢閣至今征糧無定額亦神之所知也今督撫大吏閱
土田之混淆有累民生特疏請行釐正

天子可其奏詔更疆理之命某董其事而觀察為之監任
綦重矣某才短德薄備員斯土懼不克稱職又膺斯命倍
加凜惕顧伏自念家世游被國恩某承先人之蔭統統守

素蒙文稿卷十一

告神文

三

官無敢隕越以負君親者亦素矢之神明矣茲役也為崑
邑祛從前積痼之弊定永久則壤之規誓以至公發其私
以至慎適其伏盡瘁不敢辭勞執法不敢避怨將令猾胥
豪蠹不能售其姦亦使鰥寡孤獨咸得通其隱盟心皦日
神其鑒焉若或行不顧言終不如始令甲施而不信文告
具而無實畏懾強禦而法不伸顧瞻情面而刑曲宥則皆
某之罪神其譴之其凡邑之官紳士庶與於斯事者有秉
公矢慎竭誠盡智與某同心以贊厥功者是皆善類神必
祐之降以福其有生心阻撓姦弊怙終敗乃公事者是為
儉人某必坐以法有不及者神助予明以共殛之幽明文
贊事克有濟俾某得藉手以報朝廷以覆憲司皆維神之

賜而崑山之民數十萬戶自茲以往子子孫孫服先疇於
百世者皆將報謝於神則神之休亦永無窮矣謹告

素蒙文稿卷十一

告神文

三

亢旱告邑神文

維康熙四十有六年歲次丁亥七月朔日辛亥邑人王詰生為文以告于本縣城隍之神曰竊惟有土地人民之責者必有禦災捍患之事故明則有官司爵祿于是乎詔幽則有鬼神祭祀于是乎舉蓋事有隱顯無二理也吾崑山於蘇屬中為大縣城之內外居民戶以十萬數皆仰給于田輸於國者額以三十萬數亦皆取辦于田田荒則國課虧而民命絕官之憂也亦神之恥也今自春夏以來雨澤不降值農事之興驕陽扇虐田不及蒔者十之四即已蒔者亦稿矣農無一人之息寸晷之寧勞者病病者將死矣以是賢有司焦勞于署奔走于路者十數晨夕矣邑之紳

素雅文稿卷十一 告神文

三

士耆老匍匐而乞哀于神亦有瘁者矣我不知神其聽之而曾為之請命于帝乎抑置若罔聞而疾視吾民之死而不之救乎夫既以為神未有不盡仁之道而愛吾民者也其必不疾視吾民之死而曾不為之請命者也吾民雖至極其敢怨吾神哉雖然神于脩省之道亦不可不知也今賢有司之在位者亦既禁屠割勤齋戒省刑獄慎喜怒矣猶未已也必退而省其平日之所為有一事未當于法有一念未合于理或徇私而害公或偏聽以生姦則負以為疚必思所以改之矣自今以往勿復蹈斯亦可謂脩省之至矣士大夫之處于家者亦不敢循步趨之常節務齋戒之虛名已也必退而省其平日之所為其果能孝于親友

于兄弟嚴夫婦之別慎朋友之交不以貪得而斂怨于鄉里不以吝嗇而招尤于親族不競于絲華以傷物力而開末俗之靡不尚乎踴躍以損謙德而招神人之怒有則改無則勉亦庶幾乎有事于脩省矣若夫生為賢聖沒為神靈是聰明正直而壹者也無脩省之可言也然吾以為脩省之道于神亦不可不知者蓋嘗于神平日之所為驗之夫神無為者也而奉神者之為即神之為也奉神者為之有過而神不之察是即神之過也故吾驗之于神平日之所為其不得不脩省者有二焉一則享祀之無節也一則後宮之近怪也古者祭必以時而今則無時不祭古者祭必有主而今則無人不祭巫覡走于四時笙歌徹于朝

素雅文稿卷十一 告神文

三

暮酒肉淋漓杯盤狼藉官司之賢者且不以之責子民而況神乎尤可異者乘民之有疾而欲享之夫民有疾至痛也為善者有疾宜恤其無辜為惡者有疾宜導之遷善貧而疾宜憐其醫藥之無資富而疾宜教以散財之有道是皆神之用心也而何以享之將享之而起其疾乎則可以酒食易民命也將仍不起乎則無功而徒享之也今有人于此乘人之難而利其有或曲法以宥之或忍心而賣之則一以為貪一以為暴訴之于神神必怒而極之矣神且自為之何以令斯人也而況戕傷物命以供刀俎非教民以慈專信祈禳以黜醫理非教民以義破產糜費以絕生計非教民以儉盛感工媚以圖苟活非教民以正有一于

此其不能逃乎天律也何以儼然于上乎且夫虛幻者人心之所以迷邪媚者風俗之所以敝先王之制有廟有寢所以盡人子事死如生之意未聞于神祠設之也即有之亦存其意云爾今則設帷帳備枕席晨則盥櫛夜則澣溺物無不具器無不陳使令者有人唯諾者有人若親聞聲欸之聲目覩指揮之狀者前此蓋未有也有之不踰數年耳噫寧非怪歟夫捕風捉影之事恒出于一二愚夫愚婦之所見而其後儉人藉以行其姦如河伯之娶婦可鑒也上方山之淫祀其始亦不過酒肉場耳極其弊至于玉帛子女無所不取非湯睢州之力誰能去之若吾邑之神正神也非可語于此也然而奉神者欲行之以邪神而不察

素齋文集卷二

告神文

三

何為者也且吾崑風俗之敝甚矣女子小人不知有道德之可尊而惟知有權勢之可藉故大人先生之有力者苟可托而庇焉則羣趨而奉之且奉之必先于其內焉誠見夫外之必制于內而苟得夫內之歡則可以無所不得矣蓋情溺于房帷而害中于邦國神寧不聞乎迺奉神者亦欲中之以術而神不察何為者也凡此二者余固知非神之為也神未嘗有令以強民之獻于其前然而奉神者亦或窺神之意而曲中之神而果非所欲也宜微示之以可已不止則顯示之以不宜又不止則痛絕之而降以罰今皆不能唯默以受之而已既受矣猶曰神非所欲其誰信之夫神者帝所簡而畀之一方以聽其彰瘴者也凡一方

之遠近在神管轄中者皆其所宜察而顧憤憤焉即此日奔走于其前者猶且置之若無見又何有于其遠者哉又有為之說者曰人道通天道遠幽明之故非一致矣今所言皆人事之常不可以律乎神也其言亦或然也而吾終不能外人事以言神也且神果以為有乎以為無乎以為有而聽夫人之愚且妄者以行事神固不若是以為有而眇識之士又將指其冥默者以為無神又未嘗無也蓋信其有者固失乎理之正斥其無者亦不達乎道之原神則何以自解于有無之間乎故我以為此二者之大有害于神神而脩省固其職也雖不過災猶宜恐焉而由此加惕亦或可以感召休和上帝鑒焉因神之脩德而施及於民

素齋文集卷二

告神文

三

疾雷暴雨應時而至以起吾垂死之農於隴畝之間神之終惠豈有極邪詰生之庇于神也久雖幽明道殊而心無間隔茲者從有司之後禱者屢矣竊自凜脩省之義于神亦當有助故不辭冒瀆而為文以告惟神之采納焉

重修名宦祠告祭諸先生文

惟崑山崇祀名宦建祠於學宮明倫堂之左歷年既久棟宇傾頽木主亦零落漫漶越前賢瞻者惶歎邑後學王詰生等月走捐貲脩造工始於康熙五十一年壬辰七月二十二日完於九月二十一日重整木主擇吉十一月初四日癸未安奉神位陳牲設醴以脩祀事詰生等從諸當事後稽首三獻為文以告於諸先生之靈曰於戲至德必報積久彌章諸先生之祭於瞽宗有以也稽其世自唐而宋而元而明考其官為守令與學博與丞尉舊祀三十三人今按郡邑志乘列在名宦事蹟班班可考者補祀又二十人大抵皆有功於社稷有裨於學校或興農田水利貽

書

卷十一

告祭文

三

百世之澤或請平從減租救一時之難鋤強扶善以維風化教讓興廉以育人材凡使吾民之父老子弟服先疇食舊德於千載之中而至於今仰承遺澤猶得親賢樂利受福賴於無窮者是皆諸先生之賜也以此享俎豆於千秋夫何愧焉雖然今之邑猶古之邑也今之士民猶古之士民也諸先生往矣諸先生之盛德大業流風餘韻可考而心也民氣之哀樂惟賢有司能調變之士風之淑慝惟賢師儒能變化之也此理在昔與在今亦無異也諸先生尚其啓佑後人以能保我子孫黎民以承休於世世無終極也是亦惟諸先生之賜謹告

名宦祠告祭古川府君文

惟吾遷吳始祖元崑山州學正古川府君崇祀崑庠名宦歷五百年載在令典今以祠宇傾頽裔孫輩捐貲脩建落成之日重整木主迎神安奉牲醴致享業有文告於諸先生矣惟是吾祖八筵在上神靈肅穆裔孫輩匍伏瞻仰不勝惶慕用復抒誠以告於祖詞曰於戲吾祖為晉始興文獻公後裔宋司諫子雲公六世孫家世浙之分水以宦珥來吳樂其風土而居焉後司教崑山列於名宦盛德至行邑乘昭垂吾祖自遷吳後子姓繁昌東西分派丁以千計由明迄昭代登科第者四十人榮名顯秩不絕於時亦代有俊偉卓犖之吾祖之流澤遠矣家無專祠為闕典

書

卷十一

告祭文

三十

然祀於瞽宗春秋三手歷世久遠為報已崇今裔孫輩更新祠宇俎豆重光雖展好賢之公願實切尊祖之私忱稽考舊聞吾祖振鐸崑山適當兵燹之餘學校廢窳殿堂灰燼吾祖獨捐貲產盡力經營官牆鼎新奔世賴之裔孫輩今茲脩葺竭其綿力不煩他姓亦仰承先志之萬一也今者文教寢衰學宮之內諸務廢弛亟需整理吾祖在天之靈尚其啓佑來者振興絕學百度脩舉以昌聖教而興士行作人之澤及於世世無既矣謹告

國朝三名堂崇祀學宮代邑令告祭文

維雍正元年癸卯四月朔庚戌越祭日丁卯文林郎知崑
山縣事熊某等謹以縮酌特牲用昭告於文水郭公保定
仇公三韓高公之靈曰於戲國家考課之典以別殊勲膠
序報享之文用昭明德故生前之顯績不若身後之榮名
一日之褒揚未勝千秋之侑享也伏念 本朝作興吏治
將及百年而崑邑崇祀賢宗曠不一舉良由直道之未明
以致賢聲之久抑猗歟茂宰實惟三公皆清時之英傑為
劇邑之循良寬猛各異其施同此砥節奉公之志政教一
歸於善無非移風易俗之謀採厥歌謠知遺愛之未泯稽
諸志乘信懿德之 是以宜列俎豆而有光抑且歷蒸嘗
而無愧茲据宮牆 舉得邀臺憲之品題允置主以入
祠奉辦香而告祭神靈儼在昭格匪遙某等幸追後躅獲
溯前型被冬日以如生恍同夢見仰高山之在望得不心
儀謹告

素齋

尚卷上 告祭文

幸

素齋文稿卷十二次

書一

賀徐立齋先生晉左都兼論清田社倉事宜

與趙玉峰中丞論清田

再與趙中丞辭任清田 附中丞答書

與田子綸中丞論清田

賀徐立齋先生再授左都兼論翰林衙門升轉

與許時菴同年論學政

與魏無偽同年論學政

素齋文稿卷十二

賀徐立齋先生晉左都兼論清田社倉事宜

自吾師拜御史大夫之命吳中人士踴躍稱快無黃髮垂髫皆引領北望若景星鳳皇之見爭先矚其曜采觀其羽儀嗣讀吾師獻替許謨固國根本之計救民水火之心非小儒具臣得矢口而談者他時垂之史策尚將駕敬輿廬陵而上之近世封章未始有也因念今日之事可言者正多以吾師柱石舊臣身居樞要手握風雷激濁揚清正繩執法將來上為朝廷正紀綱下為草野厚風俗者次第脩飭海內方翹首跂足冀望太平非止詰生一人之私願已也詰生年未及壯又寡智識不達於務四方之事實無所窺見不能仰助萬一惟是桑梓之念迫切於心年來雖社

素齋文集卷十二

門株守然邑中事少稍聞之吾崑習俗之壞日甚一日要其病在農之貧吏之黠而已吏愈黠則農愈貧比年水旱迭興民不聊賴上官念切民瘼時有軫恤度外之舉憲檄至縣視為具文一二吏胥操其柄上下為姦旋以厲民薦紳先生隱情惜已自同寒蟬因之事無巨細一歸廢窳其最大而尤宜急講者惟丈量與社倉二事丈量之法本以清釐隱漏豁免包賠今行之有年宿弊未清新弊紛起詰生於土田未諳不敢妄有陳說然竊聞之里老云此中弊數不可究詰大指在於加田換則加田之弊在漏號有漏號則原額虧勢必至計畝公加加者受增賦之害則漏者享無糧之產名為公加其實私也換則之弊在不遵舊額

素齋文集卷十二

則倒更置指名量下高下定賦重輕其實司其事者何曾履畝親勘聽承釁混郭或縱情徇託移重為輕移輕為重外有照號坐推之弊有科索公費之弊甚至絕戶隱漏則千年廢塚盡行發掘尸骸暴露行路傷心尤仁者所不忍聞也大抵事在一時縱或失宜猶可隱忍惟丈量目前苟且子孫猶受其殃蓋其弊源在丈田不問業戶主張不責賢士大夫任一二姦巧之人不知大體苟求利己害遍通邑豪強隱占私肥鄉愚隕命不暇規條一定成案難翻既入骨髓莫可訴告脫數世之後有明識者推求禍本則今日司其事者罪不容誅而一時共見共聞不加匡拂亦不得辭其責至於社倉之舉本發於吾師弘願事之長便無容贅陳特今歲需此較往年倍急民當十室九空析骸易子之時冀得升斗以濟種食者情等救焚而大家富戶方幸社倉未舉得復行乘危故智以收倍稱之息至有擔粟許償銀二兩五六錢不等者農固無知惟有飲鴆止渴以苟免須臾之死其有力不能償者則雖號泣請命不為之動田既不治農亦有死而已其不死者則皆散亡不數年後崑之鄉無農矣吾師謂社倉之舉可待乎不可待乎前撫軍以勘荒按臨曾有以是上請者撫軍亦踴躍稱善然今東作伊始不聞舉行後雖有粟亦無補於田功伏念吾師饑溺為懷視司其事自當手諭遣歸速發賑濟以倡義舉抑且致書當道其丈量事一體諄囑樹功不朽施德無

驪皇之民世世颺頌曷有紀極竊聞仁者以天地萬物為一體吾師朝廷大臣職在理陰陽順四時溥海內外有一夫不被其澤者皆已推而內之溝中況在父母之邦詩云維桑與梓必恭敬止父母之所植猶不敢不敬況不止桑梓乎吾師自今以後將比肩稷契同軌伊周宏功偉績不可勝紀然結生以為在鄉言鄉此二事者不為纖小倘藉吾師之力舉行盡善造福非穰則鄉黨尸而祝之未始不可與族常鐘鼎並垂永久敢上陳之左右惟吾師鑒裁焉

與趙玉峰中丞論清田

謹啟敬邑清田事兩番面陳荷蒙茹納茲有莞言略具願末特奉典籤比事關敝邑非細幸遇大賢撫治仰望釐正真同拯溺治弟繫念桑梓苟得進言左右不敢不盡且念老祖臺先生當代醇儒夙以道德經濟自命遵此盤錯益微利器每讀先儒傳志不論歷官大小凡遇地方興革必盡心力不避怨嫌此非先儒好名喜事蓋以天下為己任道固如此今日惟老祖臺先生可以語此治弟敢効拳拳伏祈採擇

蘇府屬八州縣隄崑山田地最窪糧額最繁通縣田地共一百一十七萬餘畝糧額原科共六十七則向無魚

鱗信冊每歲推收不帶圩號茲胥豪蠹飛灑詭寄以致隱占者享不糧之產賠累者輸無產之糧積弊百年莫可紀極自康熙十一年冬慕公祖在江藩時檄行清丈舊任董令素稱仁柔號令不一竟未實行所造丈冊多仍原田捏算十五年開局領田州州塞責名為約徵比簿迄今承用之時隱占賠累之處雖稍稍清出而步口未經丈勘糧則未經核定舛錯混亂所在多有於是更議覆丈舊任曾令於解任之後仍留清田而原呈吳鑑實為曾令所委信吳鑑者向為里書陰狡有膽力初即創公加箍額出圩換則之議至此其議遂行諸承銷排戶翕然宗之不於田頭料理覆丈惟按冊籍日事改竄

承銷自有田在圩內者步口之減縮不待言次及其所親與所畏者總之田有闕額悉歸之公加而漏步不已至於漏額災輕則之自占不待言次以之販鬻且以之餽遺總之任意移換不必有所依據而出圩不已甚至於出畝出區矣其履畝也業戶不得與聞其造報也官府不行抽丈弊端叢起未可枚舉至十九年冊成報憲將行撒圩勒令各業戶收田而衆論譁然莫不憤恨慕公祖亦廉得其狀遂不果行余公祖下車時即留心此案再四體察故前署篆朱丞受指羣姦曾借編審之令開局推收嗣又爲舊號新編之冊欲見施行皆奉嚴駁終不克行余公祖曾委糧廳石同知面訊吳鑑具文詳

覆有云撫額本非良法公加豈曰均平曾令十九年之冊洵不可以撒圩垂後明矣一時傳誦稱爲神明具在憲案湯公祖蒞任後姦排具呈求照冊撒圩者有人如老儒呼子谷等具呈請求覆核者亦有人湯公祖洞悉從前弊冊萬難遵行又灼見此事所關甚大呼生雖能指陳弊端然輕率執拘難以勝任故臨行告諭有崐山田糧未清之語今者幸遇大賢撫治江表東南千里利無不興害無不革崐邑銷圩一事行將立見澄清三月以來疊奉憲檄周訪輿情確求至當具見慮慮周詳爲吾民計深遠治弟誼關桑梓敢不瀝陳顛末詳書情事以備採覽大要崐山田多賦重既無魚鱗底冊推收任

意姦弊成數清丈不可不行自開局領田而後通縣錢糧本色折色至三十餘萬之多皆用約徵垂十餘年無則壞定規清丈益不可不行乃十五年比簿倉卒團造舛繆百出既不可行而十九年丈冊攢造姦弊愈工愈巧又萬不可行目前救弊之策不得不議又不敢輕議其不得不議者事關通邑之大弊積十年之久因循在一時怨毒在數世享其利者里胥衙蠹豪強姦猾受其病者鰥寡孤獨窮民無告而又不敢輕議者語云雖有智慧不如乘勢雖有鎡基不如待時此事非得賢明憲臺銳意更始主持振作立法勸懲則不能行非得賢邑宰倡率董理令行禁止而且有鄉之人士至明至公才

守兼優者賢裏分任亦不能行即得其人矣上之人不能重其事權寬其文法或掣其肘或撓其成亦不能行若既擇其人應籌其費十年來耗散金錢多以萬計倘舉事之初即行科歛民將却顧苟非多方設法權宜那撮俟成事後從容議補則又不能行數者舉而後詳立教條嚴行懲創清步口定糧額正已亂之經界垂永久之則壤清丈之法又未嘗不可行也

再與趙中丞辭任清田

日者親承大教深佩老祖臺軫念澈邑土田主持釐剔治弟輩惟代合邑窮黎額手稱頌仰體憲仁敢不悉心區畫以圖成效半月以來卒瘁拮据寢食俱廢任事之艱諒蒙老祖臺垂鑒縣詳條例原合通邑紳衿耆里詳考舊制斟酌時宜以憲限甚迫農忙在即一面申詳上臺一面定期開丈輿情鼓動頗見踴躍昨捧憲檄具見老祖臺軫恤民瘼講求詳慎屬縣官吏敢不遵行但其中亦有與目前事勢多所商確者伏念老祖臺虛公明達爲地方建樹不朽將使澈邑叢叢積弊一旦蠲除以垂數百年則壤定規真氓民之幸千載一時倘舉事之初或機宜未協條教未安

素蒙文稿卷之二

七

以致事終不成或不善虛負上憲釐剔之盛心治弟輩與有深責故敢再陳顛末瀝叙下情以希鑒察綢繆憲指大要以立法簡便不許擾民爲主仰見老祖臺視民如傷之隱居敬行簡之道非大聖賢存心制事豈能如此但丈量之舉合一邑土田而尺寸釐正之勢不能纖毫無擾於民且一勞永逸民所甘心其駕言煩苦者皆姦豪享隱占之利冀事不成以遂其私耳夫崑邑之丈量與他邑異他邑向有魚鱗底冊田額科糧舊籍可按不過少有伸縮略加增除便得釐正而崑邑則明時故冊沒於兵火本朝康熙初年曾造丈冊旋爲姦胥隱匿官署無存近正欲搜檢原額書吏互相推諉云盡入姦書吳鑑之手謀去其籍以

蕙遂行私弊縣中正在查詢至於十五年丈冊謬誤殘闕十九年丈冊巧弊叢集其區畝圩總額都不符任意扭合舛錯萬狀真令覽者氣塞此番徹底澄清若非立法周詳委曲必仍致朦朧捏造依樣塘塞與前兩番終無異也憲臺意在省事恤民則寧且寢止其局俟民力稍裕再圖舉行若念崑邑財賦之地不可無魚鱗清冊欲刷除積弊編造成書則必不可純趨捷徑以啓革率貿亂之弊貽害他年憲諭業戶而丈誠爲良法但業戶之田散於各區必無分身之術若挨區召集雖累年不能竣事而佃戶悉係鄉農書算皆所不諳責其註明圖形等項萬不可任佃里排苗正丈報不公佃戶豈能舉發從前兩番施丈佃戶

素蒙文稿卷之三

八

曷嘗不從弊端昭著已有成驗業戶親供嘉善已行之法事皆師古非由臆造若云繳單追取之煩此或慮豪強姦猾借行阻撓苟得憲示嚴切孰敢不遵且立限填繳過期竟行入冊不准申訴仍屬便易至於懸示圩圖填註極荒次荒等印皆爲定則張本並非有求蠲告減之意崑邑之宜行清丈固因步口舛錯漏文漏號等弊尤爲糧則混亂輕重失均既無魚鱗舊冊原科多不可紀自康熙十五年後姦胥蠹排任意洒派或以肥產而冒輕糧因致瘠田而歸重則如成區曠曠等圩起租俱一石五斗而完糧止三升五升通邑之人皆知不平如斯之類未可枚舉倘云不便改則則富者坐擁膏腴貧者日苦賠累清田之義何居

若崑邑版荒田地題請蠲免六萬餘畝當日報荒之數必盈百連坵方容造冊少者概不準報因而真荒漏報者固多熟田冒荒者亦不少今試案版荒底冊挨號清查則肥美之產纍纍其中聞近日奉憲清丈情虛慮罪申報開墾者多有此輩皆不願是局之果行首先阻撓煽惑羣情不可不察也至於治弟輩不厭煩瑣屢次陳讀者一則繫念桑梓目擊其經界不正貽患無窮不敢爲秦越之視一則以老祖臺經國鉅才撫治江表不乘此時亟請救正則釐剔無時將貽後悔故敢忘嫌陳請兩月以來疊承溫諭規勸交至是以感激忘勞不辭艱瘁固知才力淺薄無足仰助高深萬一然素曾讀書自勵幸得奉教大賢之前苟竭

愚誠少效尺寸庶可不負委托區區之衷諒不必矢盟噉日始見信於君子也特以敝邑人情險惡動多誹謗此舉尤犯姦豪深忌保無萋菲治弟輩引爪李之嫌已致謝縣令不敢効力老祖臺果欲遂成此舉只須責成縣令若以履畝清丈當在農隙今三春過半東作方興或且暫停從容酌妥慮善而動亦無不可惟高明裁處之憑楮不勝惶悚

附中丞答書

讀來教字字淋漓周詳盡善正人君子舉事豈與恒流者比任勞任怨又何恤乎浮言昨膚見偶爾過慮後閱再詳稱係會集紳士里民酌議輿情允洽云云即爲批

行矣總之兩老先生思爲桑梓垂不朽之規弟擬爲地方避無窮之困彼此皆從公起見天地鬼神鑒之崑邑百萬生靈有公道存良心者知之遠近之人凡有見聞者諒之百世之後瞻仰此舉者感之服之何有於目前懷私挾姦之輩乎訪實自爲重懲幸勿引嫌搗謙遜謝尚冀兩先生力爲主持襄此美舉過此以往又未之或知也時乎時乎難得易失當此春明日麗之候民物熙熙之景勇往一奮立見有成效者也弟將延佇而觀其盛焉惟鑒而任之臨頽虔切

與田子綸中丞論清田

前承垂詢敝邑清田事深佩老祖臺仁心愷摯留意地方治弟等偕閩邑蒼黎額手稱頌但此事於敝邑有萬萬不能中止之勢治弟於此事有萬萬不能再任之局敢因明問略陳梗概敝邑初舉是事在康熙十一年至十五年土官吳鑑主撤圩領田另造約徵比簿州率朦混十餘年來皆用之曾令留任清田漫無條紀聽各承銷漏號漏丈移重移輕弊冊成於十九年而衆論譁然廢閣不行說者謂崑山財賦之區錢糧三十餘萬豈可使田額糧科一無憑準向時魚鱗信冊沒於兵火區區總撤絕不相符豪強隱占良善累賠弊皆由此十五年約徵計出權宜行之十餘

素履文稿卷三

十一

年而不改豈可爲訓十九年之冊積弊如山富室行賄營求豪家徇情囑託致田額多寡任意糧科輕重失均雖格公論未遽施行而姦猾深思密算乘間伺隙以冀遂行者匪朝伊夕令非另造清冊至公至當垂諸永久則十五年之約徵不得廢而十九年之弊冊恐難保其不行此今日清丈之舉勢不容緩苟身在桑梓目擊情事何敢假與民休息之論倡何必改作之說以圖苟安而釀隱禍此所以有萬萬不能中止之勢也康熙二十年後歷任憲臺皆知此事之不能已以在任日淺未果舉行去冬趙公祖始發檄講求縣令轉達憲指欲治弟等贊襄區畫治弟等自量才菲德薄豈能勝任堅於奉辭而趙公祖遺書相強責之

以大義感之以仁心指天地鬼神以相証誓而勉之以乘時勵志勤勤懇懇用是忘其愚陋不敢辭難避怨勉從事三春以後彈智竭神輟食忘寢賴邑令虛懷延訪諸紳士協力襄助奉行未久竊有成緒衆論翕然獨不利於里中姦猾之輩遂造浮言以圖債事匿名粘謗甚而詬詈至於再三治弟等固知人情惡薄萋菲百出預擬事之難成而停丈之檄果下三月之功廢於一旦與情惶沮莫可如何夫刻印銷印皆秉憲裁與治弟等何與而一二人揚揚得計轉笑書生何所能爲治弟等雖問心無愧而亦深悔輕率鹵莽後必不能更爲馮婦貽笑善士此所以有萬萬不能再任之局也今過老祖臺經綸巨手撫治江表其

素履文稿卷三

十二

必能興除利害爲地方建樹不朽仰望喁喁真同拯溺伏願銳意更始誠心擘畫疏其事上之於朝爲民請命簡屬吏之廉而有才者委任之察地方之阻撓公事者真之重法則事無不成成無不善治弟等雖不能效一得之愚亦當懼折謳頌於樂成之日矣過承下問不厭絮瀆惟鑒如是幸

賀徐立齋先生再授左都兼論翰林衙門升轉

世兄歸備稔吾師興居清勝比聞特簡還臺始知弄印經時良謂非堯不可伏想吾師嚴正之操謬謬之度公忠如昔風采愈新整敕紀綱百僚頌首識者咸謂朝寧清明皋夔接跡萬世太平之業基於此乎詰生伏守菰蘆亦復瞻仰欣動家鄉景况近亦熙皞五風十雨歲大有秋減稅輕租民多暇日兼之上臺剛正能鋤狼莠以植嘉禾輿情胥快特是清田板荒為吾邑鉅事機會相左擔荷無計終歸盡餅知不免吾師軫念耳更有啓者翰林衙門為養育人材之地年來變更成法多使營競者心生恬退者氣沮自行較俸人皆貪位戀職是驅之馳騖也自行年例人皆畏

青囊文稿卷三

十一

罪苟免是導之彌縫也淹滯一官十年不調人皆焦然不勝其干進之心而多方以求從入之徑安肯從事聖賢之途養其才以為國家用哉往聞先正之論此官詳矣大抵謂當重廉恥崇退讓養無欲之源以儲他年休休之度今則反是詰生以為天下之治安人才為之也而人才之多莫甚於翰林衙門故今日之由翰林而進端揆列九卿者十人而九也祖宗朝猶能存養育人才之意故今尚有三大臣可以挽頽風維汙俗今則不然不知數年之後其為大臣與天子共謀治安者又何等人也昔年在白下侍孝感先生坐偶言及先生為感歎今先生再用矣念前輩中識國家大體能以養育人才為念如吾師與孝感先生

不多得幸而皆在高位不於此時重加釐正隱寓鼓勵人才之術以為國家他年用不重可惜哉今天下太平二三大臣為

天子謀益治安者事甚多特未有大於養育人才者蓋以人事君人臣之義然而薦一賢朝廷不過得一賢之用薦數賢朝廷不過得數賢之用孰若為朝廷創一鼓勵人才之道除一敗壞人才之法其所獲人才不可指數朝廷得人才之用亦不可指數也詰生非敢為干進計念所關者大故敢奉陳吾師以為當則徐商之以為不當則竟置之此札勿以示人恐不諒者謂詰生為干進計耳夫詰生之非為干進計惟吾師知之也因賀而致瑣瑣希宥不恭

青囊文稿卷三

十四

與許時卷同年論學政

恭惟老年兄人倫淵鑒吾道干城誠曠代之英奇斯文之總持也往在館中追步後塵竊聞緒論已知高識弘遠他時定能黼黻皇猷贊襄盛理今果奉命典衡江左開文運之將隆育人材於方盛以佐聖世棧樁菁莪之化海隅下士無不翹首跂足頌文治之光者弟竊嘗謂士君子讀書譚道幸得受知當守備位詞林分卑資淺未得遽與天子理陰陽贊化育庶幾居清要之地司文章之柄猶得留意於人才消長之故風化盛衰之端則亦可以報聖明而不負生平之期許如老年兄今日之任其是矣夫師儒之任甚重而事不可苟近日司學政者以此為仕路之美缺意

書學文稿卷十二

十

止於求富貴耳不則亦以為文章之職而已有能進一說曰當為國家養育人材敦勵風化則退焉謝不敏謂非我之所任也則果非所任邪又將誰之任邪敝邑魏莊渠先生之視學嶺南也不苟焉以文字虛聲提唱惟兢兢以德行經義治事三者考按諸生以行黜陟而又毀淫祠以興社學其誥諭條目則有曰教子弟以興禮義禁火化以厚人倫闢異端以崇正道敦樸儉以保家業息爭訟以免刑罪化愚頑以息盜賊凡此迂闊之事後世主文衡者謂與吾所司毫不相關而古之君子宣布文告勸懲再四以為苟不如是吾職忝焉夫果何取於此義而然也竊嘗深維之古來聖君賢相致治之道多端其最大不出養育人材

敦勵風化二者乃君相主其事而佐之者學臣也學臣於士子最親激揚鼓勵轉移化導之術亦最速嘗謂天下無好秀才朝廷必無賢公卿學校者人才之所從出也士為四民之首士習淳則民風亦古人才者又風化之所由興所關如此而昔賢之以勸導肫切豈為迂闊哉吾吳為人才之藪近日亦多敗壞人才之道有識者不乘權而亟挽之其流易底老年兄邃於學諳於世務目擊而心傷之久矣思所以維挽之者必有道第不敢贅或者以弟為吳人辨之尤悉不憚下問焉異日當更有啓若乃以所言為迂且直則弟方信老年兄之必能以古人自命弟何敢以流俗之見相期故不學世之美言為賀而瑣瑣奉瀆者如此

書學文稿卷十二

十

與魏無偽同年論學政

誥生再拜督學魏君閣下自違道範二十三年於茲矣往歲壬戌誥生幸與閣下同籍得奉教年伯敏果公公之教誥生至矣言在胸臆不敢忘甲子秋公致政歸里誥生送之都門外自嗟薄祐不得久奉教明歲亦遂奉親以歸去公之居數千里間問無由通且不知公之騎箕尾在何年負罪至於今既又念閣下春秋方富異時得奉教猶之奉教公也乃閣下淡於宦林居二十年不出思一見閣下無由得益思公矣嗣以

素懷文編卷七

七

天子西巡起閣下田間改官翰林二歲中超擢者再典試黔中南宮分校皆衡文之職也又念江南人才之地司學政者任綦重必簡清望之臣主之而以任閣下固知閣下必能無忝是職以奉庭訓而報國恩在此舉也誥生聞之驚喜至數夕不寐蓋學政之壞自康熙初年已極敏果公掌憲一發其弊稍稍救正之然未廓清也辛巳以後天子加意釐剔一二廉潔有志節者介然不取以矯貪汙之習聲問翕然遂膺顯擢其不類者間亦示警朝廷之勸懲不為不至矣然愚竊有進焉國家設立制科固以為此中有人立德立功立言三不朽之事皆萃於此故養之平日而取之一時取之者每三歲鄉會一舉司其事者雖由天子慎簡而皆不出一月之中糊名易書以得之其取之不得不專以文也若養之之責則在於直省十五學臣學

素懷文編卷七

七

臣與士子最親其任三年之久轉移化導之術又最速士之德行惟學臣是考有未純者造之使良士之才略惟學臣是問有未能者充之使達士之文藝惟學臣是試有未嫻者勗之使優此之謂養育人材其事固非徒以文也今則徒以文又徒以八股之文三歲之中雖兩試焉而識其面者寡矣尚安問士之德與才乎即有非常之士上無由知而既無所勸其良即無所懲其莠士風之日敝人才之不興固其宜也夫人臣以盡職為忠學臣之職在於養育人材能養育人材則為稱職而不能則失其職矣若夫不通賄不徇情固不得為學臣之廉也即以為廉亦士之常行人臣之分固當然也不可以文其失職也往見前朝制敕命於學臣者振振有辭大率皆興賢育材維風善俗之語故前輩任其職者類多卓然名世之儒若吾鄉魏莊渠先生其尤也誥生鄙陋未及窺昭代制詞然仰維聖明興敎立賢之意當有什倍於前朝者豈其親承天訓而忽之十年前時菴先生視學江南誥生循古義曾以奉啓時菴口是之不能用也愚竊有感焉時菴之學與識既卓卓矣而未明斯義海內其遂無人乎後十年遂不復以此告當事乃今聞閣下之任斯職也其庶幾可語於此乎故不自覺其驚喜之至也然又以為閣下素承敏果公之訓明斯義也久矣而又林居二十年養之深積之厚固無意於出也而一出而不失天下之望其在於此又何

俟余之言之故三月以來靜伺閣下之所為意必有條教禁令關乎人心風俗之原者三吳之士風其蒸蒸丕變乎已而寂然遲之又久而竟寂然愚竊有感焉豈國家致治之要果不必以人才為急乎抑人才消長之數或不係於上之人能養育與否也豈今日朝廷之上英賢濟濟圖治安者固不乏人無待於後來之賢乎抑國家育材之責別有專寄而不藉乎直省學臣三年之所得也豈此歲科兩試一日之文洵足以定士子終身之優劣不必更問其他乎抑學臣之聰明才智亦止能辨士子一日之文而其他固有不暇及也苟其不然則以他人處之蹈常襲故飾偽行以沽虛名俸殊寵而趨捷徑計誠得矣而閣下當此必有未慊於心者固知庸人之見不可以例豪傑也更有進者願閣下堅守初志無渝平素每事信之於心勿以告人以世風衰敝人鮮高明之見仕宦之家只權利害不衷道義以之自誤且欲誤人不知閣下地望甚高稍一貶損即所累者大履冰臨淵宜自知謹耳得失固有命求利者未嘗無害惟以義自處必無大咎即使守道忤時極其害失一官而止耳閣下豈動心於一官者哉詰生惟不忘敏果公之訓故愛閣下以德而不能無言惟閣下裁擇之干冒尊嚴伏增惶恐前致時卷書稿附呈詰生再拜

又

前閣下考畢常鎮之日弟繕一書擬奉呈記室而未得聞

以達留懷中者兩月不敢以示一人也惟自展閱慮其言之迂直又私念與閣下睽違甚久性情識見久未相知一旦以狂瞽之言上陳近於未同而言故遑巡又不敢發昨承賜晤閣下欸欸之意不以不肖而棄絕之故人之厚我至矣又且披露胸臆指天誓日懇懇以家聲自凜與弟書中之指頰相印合若復匿而不發則終負我良友弟何能自安故別後輾轉思維至夜不成寐凌晨特檢前書走价呈覽其中迂直之言閣下如以為是則亟勉行之第一流人為第一流事盡分盡職無足驚駭責難於君弟所面陳要不出此意耳末段語閣下自己見到弟相愛之至過為瑣瑣亦且未見閣下之時惑於三至之言不免投杼而走今已釋然不必慮及先儒所云無則加勉東坡曰無若以朱傲舜豈有是哉諒能鑒之也

素懷文稿卷十三目次

書二

壬辰五月與張孝先中丞

壬辰七月與韓城張尚書

壬辰十一月賀張孝先中丞還任附察吏議

與張孝先中丞論漕政

癸巳六月與張孝先中丞

答南昀座主 庚寅正月

又 辛卯十月

又 壬辰六月

又 壬辰七月

素懷文稿卷十三目

又 壬辰十一月

壬辰五月與張孝先中丞

時在并江僑寄

捧讀前後兩大疏精金動鐵其骨力也繭絲牛毛其心思也凜乎若雷霆之振響無邪不關也炯乎若彛鼎之象形有奸必燭也一生學力具見於此弟逢人贊歎此我張先生以文理密察之精思運發強剛毅之神勇博淵泉而時出之孟子子所云威武不能屈此之謂大丈夫是漢人也惟此遂足千古成敗利鈍聽之時世固知方寸中浩浩落落久不以一官係念而無如東南半壁萬姓謳思想望榮戟之臨不啻若大旱之望雨朝飢之思食日來以傳聞互異輿情交戰真有或鼓或罷或泣或歌之狀不知聖明裁鑒如何爾時當得真耗宜有以慰之弟特欲到揚奉叩舟至京口擠塞不前惟有望洋而歎專遣一介賁札馳候願望德音以慰懸切弟平時善觀天意料即日袞衣之至樞謁吳門當不遠也

素懷文稿卷十三 書

十

壬辰七月與韓城張尚書時以審事治邦江

憶自澄江晤別七載於茲舊德勤拳時時縈想戊子冬兒子景獻赴京曾附一函奉候未蒙裁報嗣即聞有六月之息深切關念爾時便知以鯁直去位朝野欽服雖暫時挫折而聲望愈隆早卜賜環不遠今果新綸寵錫起自東山聖明之春如昔蒼生之望不孤從此直聲益著勛節彌彰為盛世夔龍為清時麟鳳使菰蘆故人得侈談盛事以光年譜何幸如之秦吳迢遞魚鴈久疎頃聞奉命南來渴思把晤而符節森嚴未容唐突故特先遣一介賁札前塗略抒情懷未敢率爾晉謁也互叅一案洵是盤錯儀封清正海內有心者固不誠服而吳人愛之如父兄近以遂寧誤

素蒙文稿卷十三

二

斷人人切齒昨聞覆按之命屬於大賢無不額手稱慶切望轉圜如同飢渴真有昔人所云萬代瞻仰在此一舉者弟伏思閣下初膺環召海內望之如景星卿雲麗于霄漢乃遽有是命實東南士庶瞻矚所係不可不慎書云天視自我民視天聽自我民聽輿情若此昭鑒可知閣下前此所爭不惜以一官徇之既已垂之青史流芳百世矣今則有大於此者名義至重鬼神難欺彼不顧萬世之名一朝蹉跌喪其生平有識者笑之可為鑒也弟久伏處已無意人世矣弟目擊情事不得不告亦與閣下情誼厚恐稍瞻徇有累大名亦不敢不告也竣事後駐節邦江可圖一晤否

壬辰十一月賀張孝先中丞還任附察吏議

詰生頓首奉書撫臺張先生閣下詰生前者捧讀綸音深慶閣下得君古今未有星馳奉謁蒙閣下虛已咨諏勤懇懇詰生雖自顧闇陋亦願竭其一得以仰佐高深於萬一退而深思設以身處閣下之地籌所以報主恩塞民望者要不越乎察吏安民興教三大端如前日面陳者但其中尚有緩急先後之序未可凌躐而施故以目前先務之急無如察吏特率管見詳書一則以陳左右如有可采幸賜觀覽安民興教二者亦當有述另容呈閱伏惟閣下以孔顏之道學行伊周之事業幸蒙

素蒙文稿卷十三

三

度之優衆德具備曰清曰正九重之褒美海內所共信更何有加惟是拳拳忠悃思效無已之規誦則惟願閣下充至明之量而已夫明之量本無極也孔子於子張之問既告以明復申以遠誠以遠者明之至明可以言盡遠不可以言盡也大學之道首先明德中庸言至聖聰明睿知在仁義禮智之先可知不有至明者立其本即四德亦恐有未善孔子所以有六言六蔽之說也大易文言亦備舉四德而行之之實歸本於乾乾也者剛明之象也剛者明之體明者剛之用故朱子釋克己之義亦曰非至明無以察其幾非至健無以致其決健由於明明之時義大矣哉夫明本於性體而驗於知人處事之際故知人之學聖人既

視其所以又必觀其所由察其所安而後謂人莫可欺聖人豈好為刻核以傷厚哉處事亦必嚴可否慎始終無一毫含糊無一毫瞻徇然後為格致之至朱子所云十件不妨只格一件一件不可只格九分也不逆不億只為有先覺在若覺之不先而但云不逆不億則必至可欺以方究之不甘受欺仍不能廢逆億則兩失之矣此中穿得透方見窮理功深一生讀書全於此處用力伏讀

聖諭云朕若不保全清官則讀書數十年何益大哉王言皇上以身教天下萬世閣下固善讀書者體此意而加勉焉則所以報主恩塞民望者胥於是焉取之而凡察吏安民興教諸所施行一皆舉而措之已耳體小億不能奉候

素懷文稿卷十三

四

略布區區伏惟垂鑒

察吏管見如左

察吏於撫治最要察吏於今日撫治尤急蓋江南之吏治久敝而一歲之中敝尤甚也今當憲臺還任之日正屬吏悚息之會乘時振刷為第一要務然以目前論之貪黷者十之五六昏庸者十之三四糾之不勝糾也惟宜先之以申飭繼之以勸導要之以盟誓示之以科條一月不改期二月二月不改期三月三月不改則貪黷者白簡從事昏庸者勒令告休庶使不肖知警而賢者亦奮矣姑息養奸最為害治況一歲之中是非倒置枉直混淆人情之誠險事理之乖忤非嚴加剴斷何由昭

晰譬如陰霾日久天昏地黑不得疾風震雷則澄澈無時矣藩臬二司暨三五觀察吏之大者也憲臺以清正表率慮無不承流宣化最急者親民之吏七八郡牧與五十餘州縣之守令耳要使之顧名思義知府知一府之事知州知縣知一州一縣之事知府知一府之事而一府之百姓安知州知縣知一州一縣之事而一州一縣之百姓皆安矣今日親民之吏大都不知身不越堂皇耳目所見聞尚不加省察何有於地方之利害百姓之苦樂乎謂之不知府不知州不知縣可也三者之中知府尤要誠得廉幹七八人任府事以其所轄之州縣嚴責之慎簡州縣之吏而命之舉劾能舉劾者與州縣

素懷文稿卷十三

五

同其賞不能舉劾者與州縣同其罰則憲臺精於用知府而州縣皆得人矣目前任府事者皆碌碌勢當更置或於廢員中擇其聲望素著者如舊報道江蘇蘇州同知賈樸第請復之廳員中才守兼優者如常州同知江蘇蘇州同知擢用之廣搜博採以膺斯職七八廉幹人似尚易得也至於察吏之道當以民事為重如課農桑興教化平獄訟靖盜賊皆民事也今一切不問唯以催科為事能者恣其貪暴不能者受吏胥之顛倒而已雖功令嚴於考成而朝廷之德意未嘗不欲以寬民力厚民生即如農田水利社倉保甲諸善政載在令典時有申飭特奉行看視為具文耳憲臺誠以實心行實政考課之法不專重催科而以民事之廢興定官評

之賢否乘明歲蠲免錢糧之日從容講究興利除害則民生厚而吏治光矣若夫鑒別之精則固當以廉為上能次之然非有通達國體之識軫恤民瘼之念雖才幹弗取也使貪使詐之術固非大君子所欲行而偏執自用違道干譽之流亦非盛世所宜尚憲臺以王道治天下其慎所別擇哉

與張孝先中丞論漕政

昨奉賀新禧以聞事近未敢請見有不得不言者崑山漕務今歲始行官收官兌久蒙憲慮周詳嚴檄整頓目下已征米貯廩完足而衛弁仍踵故智抗不受兌昨監兌李倅來臨水次絕不催趙交受惟言米色不堪嚴諭官吏加增水腳以為肥軍之計切崑邑向不奉旨官兌以致臬軍肆橫民患日深今幸得遵依功令小民無不仰頌憲仁輸米之日聽官盡法篩搗粒粒如珠較他邑米色實高數倍又預交水腳錢二十三文給串歸農民得安枕矣乃今忽聞異論更籌加派萬民惶駭不得不呼籲求援目前糧道一官暫時懸宕彈壓無人而監兌又助軍為虐辱縣令勢不相敵此方赤子有聽其魚肉而已非仗大公祖仁心義質誰能庇之必祈於憲駕赴省之前綢繆萬當若得在三營叅佐中簡一幹員命之捧檄監兌則可以懾服羣弁而漕事立辦矣固不應以一縣之事煩瀆憲心然在各屬中惟崑山漕務獨當更始之會一歲之興除利害關乎永永不可以他屬例也弟誼關桑梓故忘嫌冒請且向承信愛委以周諮見聞所及不敢不告肅漕政為吏治之大澄清一邑以表示各屬尤今日之急務也憑啓不勝激切待命之至

癸巳六月與張孝先中丞

逕啓崑令註誤前以其料理未完且慮有頑民侵犯故請寬摘印亦以委署只在半月間耳今李令已作離任計潛住郡城而署者不至縣中無官五十日矣幸今民氣少靜而於體未宜前聞憲意欲命吳令兼攝民情甚樂既聞他委則以為憂尚望留心體察為此方造福也憲臺仁義之政宜有日新民望喁喁何以慰之夏盡秋來時光易過吉人為善惟日不足古聖賢乾惕心事皆從擔荷民物中流露仕與學元非兩途卜子之論另自一解其實聖賢一生容有不仕之日必無不學之日若在仕者即仕為學苟於出身加民發邁見遠之際有一言之未當一行之未安即

東坡志林卷十三

人

於性分有虧與天地不相似所學固不專主讀書即讀書亦以明理正所以為力行之助也弟辱雅愛誼在相長每念及憲臺所處望深責重有不能釋然於懷者又未敢數數請見因便以墨卿略布悃悃惟加意裁擇是幸

答南昀座主 庚寅正月

兒子景獻歸備述吾師容體豐腴精神發越正吾道大昌之會聞之欣忭何已門生蒲柳之姿又嬰宿疾冬春間屢見衰微故痛自收斂正恐一涉浮動便氣質用事馳情外遇終與性分少益從來動靜交養為學人鐵板功訣故朱子有半日讀書半日靜坐之說延平先生教人體認未發時氣象程子亦以能靜坐為善學門生謹守儒訓未敢專事尊生也竊念為吾師深計亦宜以道自重宇宙間既無人矣所賴二三君子擔荷道脈以謀禪續此身其可不自愛吾師負吳中宿望在家家重在鄉鄉重以門生私祝願吾師壽同金石歷千百年不敝以長鎮此頽風敗俗而自

東坡志林卷十三

九

年來微窺動止覺發露稍過吾師方持達人之觀置此身於度外以為莫非命也順受其正門人受教未嘗不心識之然而天運有顯藏物理有消息隨時保合以固貞元是亦道也拳拳之愛不覺肆其狂瞽忘分陳請惟吾師采擇之于公圖詠草數言呈覽來寄威稱新撫之賢令人色舞江左吏治至於今敝極矣民之貧日甚俗日偷矣願賢者於此加意懲貪獎廉興利除害為教養斯民之具以真事功為真理學此今日之急務也講學固未易言惟吾師碩德誠無忝是席在門生方以下學自勵慮無師友之助幸高賢在望得所稟承切實引証以為自淑之計固深願也若欲追隨壇坫以勸勉後進力所未能謹先稟明函文幸

諒其迂愚而寬假之初旬間力疾奉候朔旦已不及至肅復不悉

又 辛卯十月

前者以劄奉候知吾師尊體粗安深慰懸切門生衰倦已極未得赴武陵喪次既而念門人無不効執紼之理故於二十一日力疾入郡而輶車已發遂即到山一拜既於此心少盡亦因冬底頗多家冗又賤恙頻作不任於風雪中奔走今茲一到葬時遂不能再送故勉強匍匐本擬迴棹時一造雲亭奉候近履不意山風大作目患頓起舟中眩惡之甚故扁舟夜過不及候曉入城深為罪歎到家愁緒焚如租糧細務一身自料理又小兒即日出門資斧無

素懷文集卷十三

十

辦正在經營適接吾師手翰知撫軍以書院奉煩清慮門生分當追隨其如精力困憊神思昏荒眼下分中之事難於擺脫尚恐無力營辦無暇及此吾師素以清靜見勗當蒙垂諒故不憚方命斗膽奉辭撫軍新奉嚴綸只宜於吏治民生勵精釐剔此非所急若謂道學本乎人心教化關乎風俗古大儒類以此為出治首務則風厲必有實心董率必有實事尚當觀其後效若徒以堂廡留名則二三屬吏儘可奉行何庸賢士夫趨承贊畫吾師在同城且有式廬之請不得不一往相度若門生義無所處且實以郡邑之隔衰邁奔馳非所宜堪也見撫軍倘問及幸為致意化民成俗之事固不可以其難為而置之不講然亦當圖其

有濟風行草偃正於此觀其大用若明知其無益而姑應之以名則寧弗為也

又 壬辰六月

兩接手教深服吾師剛正之氣可使薄者敦懦者立有清河公之勁節不可無吾師之直道天壤間此理未盡泯滅賴有此耳然正未可與庸庸者論雖舌敝無益也只為中於利害之見便抹殺公是公非即平時自命為讀書明理者反不若里巷小夫信心衝口尚存公道此正人心風俗衰敝源頭要亦古今同病吾輩當此只有自盡其心不必與異己者深相校辨處今時勢危行言孫未始非要術也

又 壬辰七月

素懷文集卷十三

十一

門生以前次出門歸後偶有脾疾至今未寧貼胎性畏熱又飲食不調遂多病不能再出門儀封竟闕晤對殊未安兩承教旨深服好義之勇韓城劄繕就呈覽到邦決不能達淮以上或可達又恐無及在吾輩只有盡分盡情於事幾恐未必有益大抵審事者探上意為左右安肯以吾輩之言為重韓城在當日不過情面往來戊子冬小兒赴京曾與一劄竟無報書落落可知其罷官後無從通問今再登要路豈有散人在念邪來諭云最稱知己恐未然也互參勝負只看聖意若何聖意即天心也天理不可泯沒此中當自有轉移非人力所能為若論人力則彼中千奇百巧誰能敵之儀封道力頗堅此際固能以靜勝在吾輩雖

一腔熱血恐亦無著力處姑以冷眼觀之頗聞郡中義憤都出自書生寒畯而縉紳助者絕少不惟不助又若欲下之石真是可悲可涕然自人心淪喪世風敗壞之日氣象大都如此聖賢當此亦不得不飲恨吞聲所謂天地閉賢人隱儉德避難正以此也詰生非敢以選悞自居者正是憤激之至聊復為此語耳韓城劉吾師覽後以為宜達可即封口付小价即令前去路費已付足無煩清慮但投遞機宜尚望裁量吩咐為妙

又
壬辰十一月

連接手教深悉吾師意指懿言拙錄本自平日體勘身心間偶書所得其中舛謬儘多是以就正有道未蒙批駁間

書
卷十三

十二

示許可惶恐之至心無一事心有一事忠憲敏果各持一見其實原無異同能心無一事者必然有主能心有一事者必然無欲無欲故靜有主則虛豈是二理忠憲自言得力敏果意主防弊後學於此融會貫通正見前輩各有是處不必絲絲立意見多議論也詰生嘗謂讀儒先語錄譬如吃飯只求自飽無暇向人講論即或趨向不同各自尋討路頭亦不必強人從我猶之食性各有嗜好隨之下箸非他人所能禁也前與儀封講論渠甚以吾師左袒姚江為非詰生即以此言解之今向吾師質問亦不易是說大抵聖人之學默識為貴不言而存諸心有無窮意味若觀人語力淺深正在氣象間得之苟其無慢容無矜氣於發

言處事無可訛議便是聖賢路上人循循誘之無非吾徒道廣則自樂從其教行實則皆心服其言此詰生早夜警惕志焉未逮者敢質之吾師以為何如郡中人情變幻固不足與校然亦深可畏懼從來君子小人勢不兩立而小人情險而徒眾君子意疎而勢孤此風日熾大非鄉黨之福見幾者當隨時挽救不至遂成水火之形劉中所示既嚴自反之功又凜出位之戒省躬弭患更何間然儀封自有學力聽其自為其所不至亦且寬之不必過為責望有問則對不可則止吾輩盡分不過如此亦所以自全也其設施雖在濡緩將來必有彈擊小人因而生怨恐復滋義世變倏忽今茲所遇猶是電光石火未可久仗儉德辟難

書
卷十三

十三

聖人所戒此三當謹守四字迂儒之論吾師得無哂之
面陳

素齋文稿卷十四目次

書三

與李邑侯論法斛

與賈素菴郡侯附論張烈愍公祠基

與賈觀察論漕政

與署縣郡丞高重南

與邑令論征糧

與邑侯趙定菴論漕事

與太倉張牧

素齋文稿卷十四目

與李邑侯論法斛

昨承傳示府檄暨詳司看語細繇繹間甚未達崑邑情事
崑邑以千字文編造區畝始於天地元黃終於鱗潛羽翔
共七十二區凡言天翔等區者皆通縣之稱乃云不過一
隅之地是誤認爲天翔兩區之事而忘却等字爲通縣之
事矣因此有隨地制宜各從其便之說夫郡縣之事亦有
應隨地制宜各從其便者惟此斗斛法馬必當畫一始可
通行永久而無弊端書不云乎同律度量衡同之云者畫
一之謂也論語不又云乎謹權量謹之云者即同之謂也
若云隨地制宜各從其便則是可廣可狹可大可小萬無
畫一公平之理是爲奸胥猾蠹開一作弊法門所謂各從

素齋文稿卷十四目

其便者便於奸猾而非便於民也習俗偷薄人情刁惡大
都强者凌弱者弱者罔富者欺貧全賴爲人上者立法之
初整齊畫一以爲之式猶恐日久弊生法漸廢弛乃先爲
游移不定之說倡於其上將使强者點者富者終日得志
而弱者愚者貧者受困不伸又何樂乎有上之人而父母
稱之神明頌之也乎至云民間貿易必因輕重大小而殊
其價夫物價固有因輕重大小而殊即孟夫子以此闢許
行之說者但今米價之貴賤絕不因輕重大小而殊鄉城
之米價畫一也而斗斛法馬未嘗畫一且無論於鄉即一
城之中東西南北數里而止米價無有不同而斗斛法馬
之在牙行者東不同於西南不同於北也此其不同之故

殊於價耶往年魏父母釐正之日意主畫一以杜奸弊又恐拘於部頒則無以招徠四方之賈米壅不行仍爲民病故以通商者便民酌少廓之爾時商民允服主客稱便詳憲定制印烙遵行夫通達下情以劑量時宜真賢有司之事也故崑之人至今頌之特三十年來蒞斯土者不能盡心釐剔即間有申飭皆以具文視之以致乎行之奸者日就剝削則斗斛漸大日就磨鑠則法馬漸輕其意不過欲刻剝本縣之所有以媚奉四方之客富家大戶受其侵欺者尚少至於編戶小民所得不過三二十石徒以完官求市而奸牙乘其急乏百方抑撈之斛有大至六斗者粒米狼戾如泥沙然小民之飲恨吞聲非一日矣故郁桓等

素寧文編卷十四

二

具呈於先盛昌等申控於後皆爲公事起見亦不過懇照前制覆較畫一並非創議更張也至云守候較烙廢時失業目前情事誠或有之然愚以爲此官累事非事累民也今舊斛既盡數弔齊新斛又遵造繳縣所需者特官府之較烙耳若老父母誠肯辦此善舉撥半日之功便可了事較烙之後令諸牙行各自領歸人情無不懽服安得有旬旬守候廢時失業之苦乎今聞發票仰役喚諸牙行給領木斛謂不需較烙夫既不奉較烙即爲私斛難以奉行誰肯領去目今新穀登場完官者專需買賣若舊斛業已廢燬新斛又未頒行將使交易之道絕而明府一月三限之征輸不知從何而辦此困民之道也且府檄中現有出示

曉諭畫一較準出入公平永行勿替十六字按其前文似相矛盾然從來憲檄之體其本旨多在結束數語下屬所當遵奉今若置此十六字而徒照管開文恐亦非體夫既須出入公平則萬不得不較意在永行勿替則萬不得不烙一較一烙而事已畢矣至易至簡何憚而不爲之通按府詳畫一較準其本旨也各從其便其開文也彼不過誤認爲天翔二區之事若以爲窮鄉僻壤也者故云仿照城市畫一較準若知今日所講正在城市則宜較準又不待言矣愚故云畫一較準其本旨也在老父母善會之耳弟至愚且直嘗以爲地方公事宜興宜革者甚多其主持釐正固官長之事而開陳獻納則縉紳之責也故於向日之

素寧文編卷十四

三

賢父母皆不能無言而聽者亦各諒其無他容而受之今自老父母蒞任以後虛懷下問更甚於前弟是以願効一得之見而茲者傳示府檄捧誦之下浩乎有感遂不覺其暢言之忘其慙也臨書惶恐

與賈素庵郡侯附論張烈愍公祠基

昨入郡投謁值賢公祖休沐之日聞吏云縣不接賓故未敢請見然不得而盡衷曲深以為悵弟之奉謁以日前買米事頗聞賢公祖處分極當公論稱允而嗣以亂民講張當事者意見各出未免游移輿情不快度賢公祖當此亦有未嫌於心是用叩悉梗槩聊一慰問聞之先儒云論治便須識體今日之事謹守國法安定民志為地方計久遠無圖苟安以釀隱禍此其要也吳俗舊號淳良一變而為凌人人思亂本無他志不過嗜利貪得冀乘間竊發以圖劫奪耳其萌已兆而懲創未明不足以懾服人心洵洵者如故天降旱魃舊荒迭見將來變患正不可測全賴賢有

素庵文稿卷十四

四

司仁慈以拯窮黎嚴靜以戢奸宄賑濟與禁止並行庶不失周官十二荒政之遺意乃今顧瞻當道其能讀書明理深識治體者不得不獨推賢公祖一人而或者又以孤掌難鳴動多掣肘既難獨行其意勢將畏縮不前其氣少衰善端日沮賢者不免乎而愚獨以為不然蓋為善如登古人所云幸而處安順之時羣正盍簪同心協力以謀國是舉而措之誠易易耳苟其不然而時會艱難人情倥傯亦或有媚嫉之夫從中扇搆則忠而不信直而被謗者有之賢人君子所以扼腕於遇而不過者自古有然不但今日也唯志士仁人信道既篤百折不回遇盤錯則器益利歷艱危而志愈堅我之忠悃以報主知而已不顧同官之誚

也我之綱紀以安良善而已不顧奸民之謗也是非信之心功罪信之天褒貶信之天下萬世此我之所望於賢公祖也吳之民貧且困者多矣奸者亦不乏唯有好而貧且困乃益甚天時人事交迫非常所仰而托命者惟賢公祖一人故弟敢效區區以相慰勉惟善自愛以愛吾民焉為至幸外別啓為烈愍祠基并鑒

張烈愍公以一明經令西蜀邊縣遭寇難全家殉節死之日令妻女投於烈燄乃自手握兩印端坐堂皇從容自盡其絕命詞手跡宛在今展讀之忠魂凜凜卓然烈丈夫哉錫名崇祀雖自前朝而春秋祭典不廢於今豈不以忠孝大節炳如日星雖歷世久遠不可得而磨滅哉人雖至頑

素庵文稿卷十四

五

聞其風者得不興起焉有生同里隔分居後輩又先世累有姻好乃悍然侵其土疆毀其壇壝鄉黨公言褒如充耳臺司讞斷視若弁髦以狡辨為能事以終訟為快心若而人者滅天理也藐國法也不知秦鏡之下能容照否其在日前姑無論即自六月朔後憲駕臨縣親勘于今已兩閱月矣曾大之謀益肆負隅之勢臨審不果由於變生倉卒而彼以爲機自天實佑之遂即日賄囑縣差捏病朦朧冀得遷延時日或可終避龍圖則張氏永無見天之日矣郡侯新命被旨速赴所需旬日耳過此則石沈海底矣張生以研田餬口廢館兩月擗絕生路以望沉寃之得雪其情良苦幸仁人鑒之乘一時之隙解數載之絛撤

屋還地上也若藉口償費則終不成撤矣造屋本與張無涉奈何責之償費必不得已則有八年未還之租可以相抵其次仍議出租按年輸補亦須勒令繳官給發原主庶有竣局要無出此二者唯神君明斷之昨郡城崇祀徐文靖公此已廢之俎豆猶將舉之賢公祖縉紳交贊之功不可沒也以視敝邑人情賢不肖相去何如弟既迂且戇遇此不能無言前曾以吉人為善惟日不足相為勸勉猥蒙采納推此意於此事善莫大焉及時而理以慰烈愍在天之靈幸甚幸甚

與賈觀察論漕政

合邑公啓

日者伏聞老公祖按行郡縣巡視河渠仰體睿懷宣力民事行知大有建樹興利東南治弟輩不勝頌禱乃若漕務尤軫憲慮屢頒明示告諭周詳具知釐剔盛心合屬欽奉詎有悍弁不遵條約肆行侵剋以亂漕規見聞駭異不得不合詞以請仰祈禁飭崑邑漕事於蘇屬中昔稱最善以官吏絕經手故無染指之弊而自糧戶保舉收役以司出入人微力懦因之不能彈壓旗丁任其需索加派漸增遂有日弊之勢向遵功令於五米十銀之外無有耗贈止臨兌給水腳錢每石二十三文斛面平糶亦無淋尖高浮嗣乃遞加今每石索錢五六十文尚未滿怨又議十斛三

尖高浮及寸通計縣縣漕糧除發賑外受兌者十餘萬石水腳之費不下數千金而浮斛羨米又復相等當此荒歲剝肉以辦正供猶慮不給奚堪額外苛征勢難依奉迺臬丁鴟伍布滿倉場肆其咆哮橫行無忌孱孱者何以當之其藉口祇在米色而糧戶所輸雖當荒歲非經篩颺不敢入廩並可議況紅白兼收現奉俞旨固宜稍示通融者也衛幫受兌者江淮最多亦江淮最劣此等盤踞日久猖狂莫禦近年屢有調幫之控未奉憲裁與民實不相安今茲又率先播虐聲言不許受兌各幫斂手以俟際此春陽米氣漸蒸益得藉口恣其苛擄以此民情惶懼勢同焚溺伏乞老公祖嚴檄禁止於二十三文之外不許更加釐毫

仍前平糶永革跣淋尖之弊省此加耗惠我災黎則肅
漕規即以行荒政也老公祖當督理漕政之初即能徹底
澄清永為定則歲歲行之無敢變易則敝邑之尸而祝者
豈獨今日哉治弟輩義重桑梓且念漕事所關者大故敢
瀆陳伏惟鑒如憑楮悚切之至

與署縣郡丞高重南

老公祖半載賢勞遂能使敝邑士氣民風蒸然一變洵有
功於社稷治弟不勝感頌今當交代之際猶復懇懇民事
冀通下情達之上憲以貽庥於日後仁人君子之用心有
加無已在昔子文以舊政告新令宣聖表之曰忠大賢心
事千古揆尤不勝佩仰也承不鄙愚陋頌示詳稿披讀
終篇別亢熱以征錢糧選書吏以慎收掌募壯役以嚴緝
捕埽積窩以靖盜源言言碩畫設使上憲嚴檄批行屬員
實心遵奉地方受福不止一邑而已惟是崑山田地推收
不行坐苗完糧間有荒田推入熟區亦有熟田收入荒區
此中分別微有稽核不可驟論即地方之役從田輪派亦
由不行坐苗完糧故任役者半是苗外之人以致弊端種
種誠如詳稿所云公舉土著承當最是良法但行之匪易
抑恐所舉不公仍或滋弊大抵治化必在端本苟人心不
正徒法無益盱衡及此可為三歎諒高明亦鑒悉也

與邑令論征糧

本年地丁錢糧將現在未完分作十限均徵奉有明示最爲良便但每月三限愚民有失體會誤認明府意旨勒令十月全完未免却顧昨奉教聞知是每月一限十日一比此爲中正之道可使奉行無害續奉曉諭通邑人無不額手稱慶有蓋因崑山田繁賦重歲歉民貧舊逋既多新征又急更無避麥秋無花豆全產稻穀必待十月登場七八月之間正是青黃不接一應征輸皆須典貸以應若欲并分重斂人皆惶懼失措茲聞明府下車之始即能體恤民情寬養物力預卜將來定能獲上安下仁惠正自無涯安得不比戶頌禱歡聲洋溢也物宜上俗彼此各別蘇松錢

素蒙文稿卷四

十

糧普天之下號稱繁重以崑山一縣額征之數抵河南全省尚是有餘故他省錢糧有歲內全完者蘇松則希有之事功令亦於來年五月奏銷奏銷以前能十分完足者縣令不論俸滿即升崑山自本朝以來凡數十易未有升者大率爲錢糧累因而仕宦之子望崑山爲畏途有既選而不來者據愚見以爲不過盤根錯節無以別利器地方雖繁重貽累官長然設有精計之子通達之吏於初任時即勵精振刷虛懷延訪立法使可永久至誠爲能動衆寬以子良民而嚴以束頑戶則可以保崑山之錢糧必能於奏銷前十分完足安見其必無即升之縣令乎即如三十七年錢糧於今通縣徵收有十分之二今每月一分自

素蒙文稿卷四

十一

七月至十一月可完七分來歲二月至五月便可十分矣向來官長病在貪多每於立法之始必并分立限不知民力有窮民情又善變度不能如限完足終難免於扑責將并其應完之數亦且不完倩人受杖以苟塞責限復一限欠愈多而愈不能完舍受杖更無他著矣杖費通一歲而計論方止數之半然實徒損於民無益於官原其始皆良戶也而迫之使頑者惟官長之貪多并分以致此不可不鑒也今惟定每月一限之法於一限中又分三小限十日一比如每戶管征五十兩以上除前完若干現欠四十兩以上每限應完四兩外又分三小限每十日應完一兩幾錢爲數不甚多自無不竭蹶應命者倘有頑戶不肯遵法加之杖不得議官長之非矣此處應以行法此糧之法如課小兒然一日有一日之課一時有一時之課每日而核之每時而督之則課易完而子不倦日計不足月計有餘是積少成多之道與貪多者效迥殊也又向來官長每侮良而縱頑良戶既遵法矣必重困之偶不如限必以法懲之頑戶十不完一無如之何也不深究其戶田之多寡荒熟此中三昧久任後自得之今未敢直陳也一縱之而已於是民間有打完不打欠之謠所以驅民之良而盡爲頑也又錢糧之完利於官不利於吏每見精明官府立法至當則縣總無權比簿收入內衙簪數皆委櫃書排戶雖有錢縣總不能得也又不濫行差票則皂快不得索錢省酒飯舟楫之

費皆爲正供憲頒紙皂從前陽奉陰違只爲紙皂所摘應完之數多浮排戶不能如數完足必致人皂到門今惟遵一月一限十日一比之法每排戶應用連三紙皂一單分寫三小限應完銀數於上每月前發出各排戶領歸先比期二日照數完銀將紙皂連三單逐同比照交付櫃書櫃書領比簿簿明完數昨見新立比簿止分十限於一限中又分三小限行幅宜寬排戶名下尚有細戶即小限中完數亦非一即將官串紙皂夾入比簿繳歸內衙以憑次日查對免比未繳者掛牌摘比午堂比起日暮而止恐在夜中官煩民可以省守候之苦而一切差擾皆可蠲除民無有不稱便者矣

與邑侯趙定菴論清事

日來衆論洶洶爲漕事欲行糧戶自攜此王章也亦憲令也明府自能遵之奉之何假於人言而彼蚩蚩者無能測量高深徒見前之任斯土者嗜利貪得以爲天下之爲官者類然於是先期越訴于上憲之前彼誠過也明府加以躁妄之罪其又何辭乃今期已屆矣收書將歷倉場辦事而尚未有明文以示申飭在一二有識者固深信明府之成竹在胸必不蹈襲前規會當有度外之舉而彼蚩蚩者又惡知之前既冒躁妄之罪今有甚焉抑且恣其狂惑搖動人心若將以犯上爲可行者洶洶之勢殆不可止彼蓋以爲吾所持者王章也憲令也挾持甚正莫敢誰何而不

知此王章憲令皆明府所能行一軼遵奉勢同反掌彼蚩蚩者何力之有焉將見明示一頒歡聲萬口皆頌明府之清廉而羣吠頓息雖有桀黠將安所施此消弭之善術轉旋之妙用也蓋牧民貴乎能仁而慮事尚其有智彼善奔者爭先著善戰者據上游今日之勢權不可下移令不可後時所含忍不決者不過謂已然之利難於輕棄前人所作過不由我不知利之所在即害之所伏頻年狼戾轉關正在此時而前人適遭其幸未經摘發承其後者苟能除舊布新以垂令名則所得更多要亦未爲不幸也明府以盛年高才膺百里之寄當守信其能上憲嘉其品前程萬里此鼎甚可愛矣好官不過多得錢此市傭之見耳大丈

夫磊落自命亦為此言邪以財發身仁者之事棄之則名位偕崇戀之則德福俱損亦且誦於此者未必不贏於彼壽於前者未必不豐於後天人施報理有固然未可以執一論也治弟老病杜門久無益於人世常願愛人以德不敢姑息從事自明府下車之後虛懷延訪至意可感際此坐息之時正恐不能徙薪曲突以貽後患前者貴役銜命而至弟以此輩心事難與言最上一籌略商調劑然月攘一雞終為鄰人所笑究屬畫餅今時勢孔迫別無勝算惟有速頌明示實踐廓清釐剔之言則上可以仰荅憲批下可以感結人心羣小之風彼自息明府之聲聞益茂所裨益非淺矣區區之意但欲安上全下無事之福非為彼

人作游說素蒙信愛故敢忘其迂誦亦或以旁觀者清所言有當於情勢惟早自裁擇為幸

與太倉張牧

恭惟老父母抱製錦之宏才奏鳴琴之雅化新硯乍試政聲已洋溢婁江凡在鄰封皆喁喁向德治弟舊與尊大人昆詒先生同出新城李夫子之門交契最深今幸復叨樾蔭祇以衰年杜門未及親蒞花城一瞻光霽然私心跂仰非一日矣茲有啓者弟有菟裘在崑山西關外守者不謹失去門屏一十六扇縣緝獲賊供出窩犯陳君玉陳君玉又供轉窩陳天君玉與天皆太倉奸民也君玉現在縣禁專待陳天質審而縣開累次不蒙拘遞且奉牒文關取賊與君玉到州以為滅跡之計頗聞陳天平日專以窩盜匿贓為生理其家已富善能使錢現在賄囑刑房鄉姓者通

月朦稟故有此舉若然則崑邑民間所有不足供鄰境奸豪之用又以負隅為脫免長盜源而養奸惡恐非國法所宜貸也神君電察定應駁指伏乞老父母立提陳天遞發縣役若使陳天無罪質審之下熊父母必無枉曲今失事在崑賊又崑民聽崑之父母審斷非為越俎萬望持正俾吐原誠使茅齋得蔽風雨皆出恩賜感荷不淺矣專函奉瀆不勝惶悚

素嶺文稿卷十五目次

書四

荅黔撫王子喜

與滇撫甘省齋

與李配京觀察

又

與魏無偽學使

與胡京蒙學使

又

謝余學使崇祀兩世鄉賢

謝李方伯申詳崇祀鄉賢

素嶺文稿卷十五目

與鄭魚門學使

再與鄭魚門學使

荅黔撫王子喜

憶昔鄂城懷刺亦風塵中酬接耳不意幸得觀世臺先生
英姿朗抱超越等倫侍席之頃發憂時之正論抒砥俗之
微詞侍生聞之始而疑繼而快終且畏服而歎今日冠蓋
中未始無人因稍稍肆其胸臆而先生亦從而嘉賞之張
華燈於日暮酌旨酒於夜分綢繆篤愛有如素交矣一別
之後無由再晤然景仰彌切固無時不有于喜先生在吾
意中也節鉞蒞黔聲聞益遠家兄赴銅仁侍生適抱疴未
及繕書奉候乃頃於家兄郵中枉賜手書存問殊函感激
不能自己每接邸抄伏覽大疏類皆深持國體洞悉民瘼
之言方今聖明宵旰切切於直省吏治二三良牧時有獎

素嶺文稿卷十五

厲之語此正君明臣良千載一時世臺先生念恩遇之隆
自刻刻以民生為念有利必興有害必革報朝廷垂青史
皆取諸此彼保位固寵之流事無大小一唯瞻徇其於民
也如秦越人之視肥瘠而已苟容一時貽譏千古所得者
小所失者大知高明不許也曾承讜論不敢以世俗諛美
之言聞於左右當不訝其狂耳以人事君大臣之義伏見
明揚側陋當守之意勤矣屬員中才長守清定不乏人所
望急登薦剡鼓舞激勸以樹人為百年之計如銅仁者清
恬緝密體用兼優揚之當不負知人之鑒者惟先生諒其
無私故敢効內舉之義人材難得又當使之及鋒而用亦
惟愛材如先生能鑒及之耳憑楮瞻切

與漢撫甘省齋

憶自老祖臺初任吳中治弟得親承光霽爾時新硯乍發已佩仰才幹非常一息千里早曾預卜乃敷歷未久遂登開府弟叨序知愛幸向言之若燕賀履成可勝雀躍漢為西南要區盤龍金馬山川明秀歷代官斯土者多有名賢照耀史冊今得老祖臺鉅才偉抱鎮撫其間料必有奇勳異績可以媲美前人者乃自年來接觀邸抄伏讀大疏類皆深持國體洞悉民瘼之言益信名賢舉動超出等倫平時省齋刻勵之語今且一一見諸施行以紹家聲而答主眷故人欣頌豈有量耶伏念前此駐節金陵深幸樓臺近水終以道里之隔未得常奉教言乃荷老祖臺良書珍

文稿卷十五

二

重頒示絡繹即近者遠在天南亦復頻承手翰惓惓念舊得不令人翹首高雲心旌飛曳所望再邀龍命節制兩江俾得密依蔭覆為厚幸耳啓者曲靖郡丞李炳石弟之舍妹夫也少年練達不愧名父之子幸托帡幪之下顧盼異於眾人家書寄示感並二天弟誼關嫺戚聞之深切銘頌因便申候兼致謝私尤望始終垂拂令得早展驥足舍妹夫之銜恩圖報未有涯涘也恃愛冒瀆統惟崇照願望德音曷勝跂仰

與李配京觀察

老父臺秉清通之朗識展練達之宏材洵是熙朝鸞鶴盛世璆琳也敝邑有幸得邀鳬鳥之臨三載政成攀轅無計即今遺愛在人不能若望峴山之碑奉桐鄉之祠矣弟受庇多年非獨二天有戴惟賢侯勤下問之誠故使下走不避多言之罪尚憶有一二事竭其愚願老父臺幡然聽受立時遷改刻印銷印幾於聖人之無我此求之古人治術中未易多得宜其令聞廣播一時有無雙之目即他年建樹又何可量往歲里言奉祝有繩其祖武一日千里之語今稍稍驗矣別後裘葛屢更中間曾蒙枉教良因道遠音問難酬諒超擢不遠仍望福星照臨矣會弟雖老邁尚當

文稿卷十五

三

一叩戰戰寫吾素心何快如之弟年踰古稀晚景正復不佳知已聞之定為心惻伯厚敝年姪叨萬間之蔭伏想古誼肫切定能周其窮宦弟亦矢感永昌郡丞朱永興小兒同榜向有子民之分今為屬吏亦望賜之青睞值其赴任附一函奉候鈞履百未盡一

又

弟叨老父臺嗜痂之愛涖崑時格外推獎感銘於心超擢之後尤荷隆情加之以存問被之以軫恤尺書絡繹厚意勤拳自惟朽拙不知何以得此於高明也昨歲徐經歷南還附有十行奉謝想久入掌記中矣老父臺秉憲南天賢勞懋著中朝推轂又當遷秩之時所望福星移曜仍在吳

驪使故人得再邀履露為大幸耳前劄中所啓露益守徐樹閣為名父之子少有志節善讀書能文章可備清華之選而不屑為翰林故以親民之吏效用於時昨歲令屏山最荒遠之地能以勤慎自持一載之中治行大有可觀今得趨承下風益思鏤礪以報知己將來建樹正未可量老父臺素有愛才之心又具知人之鑒其當不以衆人目之矣弟少執經於少宰之門與有兄弟之誼然非敢阿所好也實器其人而薦之大賢之前往時老父臺在崐亦曾相識未深與之交或不得其真今試驗之當諒鄙言之不謬耳

與魏無偽學使

閣奉教言忽周星燧公明之譽徽於大江南北私心企仰瞻戀之切特乘歲首恭候新履乃榮戟森嚴未遂觀止之願良用快悵鄙性硜硜本無干請特有一言為常州同年黃教公一生勁節兩任清操歿身之後其嗣無以為生長者餬口四方少者家徒壁立客春相遇毘陵一寒可憫叩其所學能不廢遺經而潦倒童子場中歷任文衡皆我同籍莫有能振之者弟久欲先容左右無由奉啓乃冬間復遭回祿之難至於無地可棲徒步來告弟少周之不足以拯其困也教公昔年受知年伯其清修粹品諒所深悉而善人之報如此天道難問其信然邪名籍如左試時幸物

色之更詢之廣文核其無有假冒遂予一衿進身之後得以研田為計由此亦得紹承家學教公有後可以勸善此閣下盛德事也宜力行之敝座師訪濂先生不敢以尺一上瀆去秋抱西河之痛令孫不得與試今試者高都師所囑師臨別命弟申請敝座師傷懷之後正藉以解頰而裁兩為一措置較易唯盡心作養之崐山縣令程大復以廉能見知撫臺於試事可稱公慎所取重生杜琰實係孤貧之士向有文名此卷望留心校看倘得採錄甚愜輿情前番歲科兩試冠軍者皆得與選韓城信其甄拔不爽固以異等目之也張烈愍公祠基賈府於九月間審詳乞嚴批迅追庶有竣局不然終使先賢含悃於地下未得面談

聊以盡意幸鑒其無私科試肇行丰裁無二慎終如始背人所云無他囑也弟徑行矣

與胡京蒙學使

老祖臺先生鑒同秋水操比嚴霜大江南北謳頌如出一口治弟不勝景仰天祐斯文挺生賢哲持衡振鐸為世教之大幸也客夏小兒自澄江歸備述老先生垂注之雅治弟亦翹跂龍門私心馳慕特未敢輕造戟轅敬以十行奉候興居兼致衷語太倉曾儼向罹罪戾已荷寬仁復蒙再造之恩語出肝鬲治弟每見必囑其湔洗前非力圖報稱今仍隸本籍易名曾佶惟留神鑒別之更有啓者崑邑先賢張諱振德以明經授四川興文縣令於前朝天啓年間遘寇難闔門殉節城破之日先命妻女投於烈燄乃端坐堂皇從容自盡其絕命詞手跡宛在今展讀之忠魂凜凜

卓然烈丈夫哉錫名崇祀至今不廢特其後人凌替有孫張鳳池少年苦志薄有文名於童子場中可稱有造伏冀詳閱試卷破格作養子之一衿使先賢遺緒藉以不墜固知表忠旌節為老先生意中事治弟仰體盛心敢効推轂此中無纖豪私意天日可鑒也小兒希正蒙特達之遇倖邀寸進獎拔殊恩銘肌勒腑雖南宮鍛羽有負知己而其志未衰圖報有日尚望始終培植之憑楮依戀

又

老祖臺先生玉尺高懸冰壺朗映三載已來被仁風而沐化雨者不可勝計作人之澤垂之世世矣而弟尤服膺不置者以老祖臺憐才苦意皆出自寸心十指間一片精誠

上格蒼昊將來受天之祐正未有涯量也弟蟻伏海濱深
慚糠粃顧蒙老祖臺無因契合一見傾心披對之下勤勤
懇懇有若素知間以公言奉啓都承採納古人重知己之
感良有以也極思乘間叩謁再領槃誨而以榮戟清嚴未
敢輕造倘公事既畢鈴齋尚有盤桓或當鼓棹蓉江面盤
別緒否則寄遙情於千里托夢想於五雲拜牀握麈以俟
他年神交心契或不在形骸之際也

謝余湯齋學使崇祀兩世鄉賢

泰運方隆鴻儒接席老祖臺先生際此休明特膺簡在負
荷隆緒操鼓勵之權以風示天下吾道為不孤矣前校士
玉峰明月澄懷清風吹萬東歐陽之鑒遵安定之規和平
渾厚超邁前人嘗以試竣之日從容奉教仰契微旨輒心
朗神暢方之飲醇斯為過之嗣後文旌所指蜚聲騰實夢
寐為勞竊幸二三大賢共事海隅助流雅化實東南士庶
之幸不意時事牴牾章縫短氣賴聖明旁燭萬里駁回原
讞另行訊問將來得邀原有惟出審裁獨斷耳於此可知
天下事尚可為濟川乘木非異人任臨風跂踵更為拳拳
茲啓前所陳於左右者為崇祀之典學政首重曾大父及
大父昆季並束脩砥行作述同軌士林有一鳳三雛之目
當官致身青雲自矢窮經研微皓首不倦當日所為上佐
王猷下垂家範者鄉先生之記載諸父老之傳聞文獻並
存至今可考祇以勝朝末季祀典濫觴因誠後人毋妄意
組豆一故崇祀久虛然此特一時有激之言非千秋之公
論也近以後生向往追慕曩規以次陳請具詳實行求大
君子為之表章彼如謝康樂之自陳祖德於義不可而若
胡荊州之獨畏清名亦於情未安先公之澤猶在五世未
泯之期仁人之恩冀推三物興賢之例倘謂人才間出何
獨萃於一門則元愷之後五常八達代有其人苟弓冶之
相承又壘簾之迭和適彰世美豈曰私阿惟老祖臺先生

垂一筆之恩揚芬兩世即衣冠之後當無不聞風鼓動慕
義無窮況以詰生之二天邀庇榮及九原者乎謹錄郡志
四傳附呈台覽爰爰伴械聊展鄙私伏惟莞納憑楮不勝
禱切

謝李方伯中詳崇祀鄉賢

春初叩謁鈴臺幸承色笑輕裘緩帶羊叔子之高標霽月
光風周元公之雅量雖片時晤對已心醉瓊枝矣更荷老
祖臺深情愷摯注念民瘼語及吳中浮糧梗概殷殷下問
治弟不揣愚陋妄有披陳感頌高深不禁以手加額數月
以來旬宣績懋誦誦載塗近以天行乖迕淫雨為災深軫
憲懷委員察勘行見百萬窮黎得沾浩蕩更生之德皆沐
恩慈比戶頌禱又曷有極茲啓者公舉崇祀一件先曾大
父暨先大父昆季一門清節兩世芳型德隱愈章論久自
定推舉由於學校採核定於有司文書到案荷老祖臺錫
類之恩允詳學憲邑令傳述台指表章風厲德意並行治

弟忝屬先賢後裔不敢效昔人自陳祖德但考之志乘叅
於謠誦一鳳三雛之目籍籍人口記載猶新傳聞無異以
之並祀馨宗實可無慚俎豆蓋崇德報功為聖朝之盛典
而興賢勵俗乃上憲之深恩感激微忱不能自己謹先薰
沐拜手奉書鳴謝另容叩轅九頓府志列傳四篇附呈台
覽學憲現駐海陵伏乞迅發文移就近申送尤荷明德敞
門人館卿子未與老祖臺有花萼之愛割至每道高雅并
囑申候統祈垂鑒

與鄭魚門學使

客冬幸承啓教如坐春風辱蒙誨獎交勤感踰望外邇者
景運方開益弘作人之化老祖臺高懸水鏡陶鑄羣材連
茹彙征以仰副闢門之盛真千載一時也敝邑名宦遵諭
徑由縣詳憲文到懇即批行勿復發府使縣令受越詳之
譴節呈亦許批發長庠未蒙踐諾豈該房有沈捺耶抑或
尚有未便之處伏候切示以便行止凡此闡幽發潛皆盛
德之事老祖臺秉權布化以答天休下情顙望不勝禱祝
外有啓者崇祀鄉賢亦學政之大典一可否間寔關憲臺
聲望之重近聞有以此典上請者本無德可稱或父以子
貴而見在政聲荒穢不堪見聞廷議鄉評皆所不予未宜

素懷文稿卷五

書

三

邀錫類之仁以玷官牆俎豆者也且聞有假冒小札以上
讀台聽弟雖愚昧何至顛倒若此前晤間未蒙詢及今得
之風聞深自惶恐弟硯硯之捺牽承鑒愛若使以不信之
言仰累高明則與有深罪是又不敢不辨者也鈞批仰縣
學核寔取結未是定案結到終宜沈攔不行刻印銷印適
以見君子之無我又何傷焉因便附白之

再與鄭魚門學使

老祖臺先生為國樹人三載持衡一塵不染公明之譽超
軼前後矣際此宵鑒精嚴正公道大伸之會有不加之優
擢顯示羣僚者乎治弟信天獨真每於彰瘴未施之日預
卜微應百無爽一故前者握晤曾有推重之語敦請磨勵
以須大用今機兆已萌可操券而俟老祖臺益宜自信知
奮勵矣敝邑名宦奉批後即已置主入祠表揚前哲以興
起後賢老祖臺獎厲之功匪細也節呈遵諭另補一詞望
即批行原諭發長洲縣學今恐書吏作祟貧家不任需索
治弟更為望蜀之請懇此仰蘇州府轉飭照例通詳是呈
即發小价賁回以免阻滯未識得邀破格俞允否此舉本

素懷文稿卷十五

書

十三

以旌表幽貞扶植風化近時不加慎重大典為之不光今
幸值老祖臺大賢釐剔又適奉

聖明諭旨恰與憲意相符當使潛德畢顯仁風大暢大抵
甄拔孤寒士林謳誦者功在一時而表章節懿升聞冥漠
者德流奕世老祖臺能兼而行之幽明交感福慶豈有涯
涘頌祝者不止一家一人而已也前呈蕪語深望賜之教
言茲有續刻一并請正試事告竣許貴衡茅細承提命得
踐斯盟實為厚幸望之望之

素齋文稿卷十六目次

書五

答座主南昀先生論學

答西亭兄論學第一書

答西亭兄論學第二書

素齋文稿卷十六目

答座主南昀先生論學

接讀夫子手諭具荷垂注殷切兼悉起居安善伏聞靜攝之餘溫誦先儒語錄篤志勤學久而不勌洵足追步前賢詰生雖至愚懦聞之亦為感奮所諭不須旁參二氏詰生亦嘗謂吾儒之學體用兼備存發互舉即本體一著中庸首章所云不親不聞喜怒哀樂未發立天下之大本數語早已洗發無餘後之學者不加深思實體若將謂吾儒無此一段本體工夫少有志趣者便走入禪家一路尋討無始源頭而儒門宗師又防弊意深慮學者馳情高遠極力鞭緊著實引歸事物却將聖賢靜存功用隱而不宣益令學者畏其煩苦且妄議為支離而於空虛一著愈復耽耽不舍將盡天下之學儒者而歸於禪矣詰生於十年前侍先師栢廬講席曾以相質請姑置事物弗深論先以不親不聞喜怒哀樂未發云云提唱明白使學者洞然於吾儒未嘗無本體工夫但靜中有動發處皆存不似虛無寂滅之學體用兩截耳高明之士或由此洞徹本原即以推之事物自然知明處當仍歸平實一路矣孔門如曾子子貢皆由多會一聖教所以無弊然在當時異學未興又得聖人為之師學者宗之自不敢越至今日禪教大行直指人心便可刪除一切人倫日用蕩然無有學者樂其便易趨之不厭而持世教者又非儒門大賢欲以倡率後學歸於正道烏可得邪詰生以為功分頓漸理歸一是古之學者從

素齋文稿卷十六 書

流沂源今之學者由本及末在昔高顧諸賢復七靜坐專求原本其後綱常名義炳耀千古並無瑕類今日救時之計當以此為則蓋以人同此心心同此理欲舍心求道孔孟原無此家法但孔孟言心于虛靈不昧中實具衆理而應萬事故曰仁義禮知根於心又曰萬物皆備於我矣吾儒言心復言性心與性是一又是二故曰盡其心者知其性也彼直指人心者則竟以為是即性矣此其所以異歟敢因明諭而直書所見以相質証惟吾夫子衡其當否而示之

答西亭兄論學第一書

契合如吾兩人束髮訂交今得白頭相與講論道義此有生之幸也所恨衣帶水隔未得時時常聚或至經年才一晤剪燈把醖之歡等於阿閃一現去後常作十日思徒惘惘耳來詩不獨風雅大有功於名教此吾兄明道之言也與弟礪礪之守未嘗不合所以偶契玄關者實因早歲墮落不免精氣耗損五十之年遽嬰篤疾賴尊生幸得苟存二十年來勿藥有喜自知實獲不敢忘所自故對兄亦復言之此野人食芹之見耳乃若夙夜持省於倫常日用間必謹守孔孟家法即告誡子弟亦惟恐耽守空寂或致遺棄事物每恪遵先師相廬之訓尺寸不敢有違近讀中庸

深有見於天人合一之指與來詩二體一脈頗相印合承兄箴砭深感相愛然云寶燕石而忘家珍則未敢也正愛此道無人見及服習孔孟亦不是搬弄幾句現成語說說便了其中煞甚精微正須實踐中庸云君子之所不可及者其唯人之所不見乎蓋慎獨工夫是聖學入門功訣却是人所不見後又云不動不言直說到不顯之德無聲無臭也只歸到人所不見故曰君子之道闇然而已要之本根處在人所不見發用處又在人所共見脫却五常五倫將主敬集義安放何處此體用合一吾道所以無弊也噫噫景迫大道難聞讀之汗下昨南昀師以賤降贈詩弟和云長年不獨形骸貴澹泊從教淪性真兄試評之弟豈徒

以養小體為事者哉百里非遙古人一日相思千里命駕
今所關者道義又不特相思而已每望兄過小園為十日
之留相與參究性命仿昔高忠憲與歸季思輩靜坐水居
此種風流不使前賢獨擅千古也亦以展吾老年兄弟未
盡之歡如不遐棄則秋以為期耳

附西亭元詠暨書後

丁酉仲春二日過素嶢懿廬夜話偶述請教

白法參禪誦佛名玄門導引凝其神皆以除妄作傳學
何異吾儒求放心吾儒主敬必窮理不離五常與五倫
養氣丹頭是集義正志助長絕病因靜中觀此驗火候
久久第自凝操存不分動與靜養性本由知性臻

素嶢文稿卷十六

四

俟命即為立命學殊壽不貳正命存吾儒養生養大體
徒養小體非所論老氏言命乃遺理釋氏言性惟空尋
能尊所聞守家法可探月窟窮天根天人譬之父與子
二體一脈何曾分惟天無形人有象即象求理為踐形
聖言明明是津逮道雖高妙非遠人與君少受孔氏教
愧我既耄猶無聞賀君戰勝不覺老理義悅心能潤身
訝君歸功黃老術戲寶燕石忘家珍懿廬留我款今夕
絮語汎濫杯行頻芻言不足長我子還望發我來良箴
是夕飲罷歸卧舟中不能寐因有斯作明日凌晨發
棹不及錄稿就正季夏幾望適有伴赴鹿城始奉清
覽念我二人總中締交余既棄老吾素嶢今年亦已

七十矣崦嵫景迫大道難開倘蒙往復講切斯理所
極望也西亭原又葉

素嶢文稿卷十六

書

五

答西亭兄論學第二書

再接手教深佩兄之拳拳於斯道而以吾兩人會合不常冀寓書往復且以苟同為姑息之愛期盡忠告此真古賢以友輔仁之遺意也弟敢不敬承但自愧學識淺陋非其人無能與兄相証切耳來教云學無常師聖人所以成其大學戒泛雜賢人所以致其嚴名論自足千古伏見兄衛道苦心同符往哲良為後學防弊甚周不得不然弟雖愚昧亦已見及但在今日與兄講論更有進焉者以吾兩人年皆垂莫望道心切向所歷人情事故已多即日用倫常之理亦稍稍有見竊意此時正是因流沂源即未返本之會在昔聖門子貢多學而識曾子隨事精察而力行皆從

素蒙文稿卷十六

六

博入手及其至也聖人皆語之以一貫夫非謂曾子子貢當用力之始全不知所謂一亦非謂於既悟之後竟可無事於多識力行也蓋一本萬殊萬殊一本道理元是無間盡乎外所以全其內通其微即以達於顯固非偏至之詣亦非躐等之為也當聖人之世一道同風故其言平正而渾全至後世異學紛起立教者不能無防弊之論意見遂有偏向即若朱子不幸生同象山之時所言不得不加切實然亦何嘗無本體之言乃彼方議其切實為支離而又指其所言本體為晚年之論以為異學藉口甚矣朱子之不幸也乃至今日則又有泥朱子防弊之言以肆其臆者謂夫道只求之動耳無所為靜也周子無極之說程子固

不以之施教矣然程子未嘗不以能靜為善學則又云程門弟子所以流於禪者多也甚且直斥延平之教為禪學凡後儒之有事於靜者一槩以禪目之然則吾儒之學果無所謂主靜之功乎喜怒哀樂之未發本於子思而尊德性道問學又兩兩對舉存心致知朱子已有明釋無偏重也彼夫專言德性而遺棄問學固非矣若徒事問學而不知德性可尊又豈得為是乎為是論者其有見於姚江之學泛濫已極不力持之其流不止而不知吾道自有真面目吾學自有真法程異端雖能竊其似終不能亂其真若使行吾教者欲自施其矯枉過正之術先已蹈夫防噎廢食之病其於明道也何有哉且知其弊而防之不如其救

素蒙文稿卷十六

七

也聰明之士慕高遠而厭卑近皆逃於其教矣彼將以其教可樂而於吾道則畏甚也今使之知吾道亦自有可樂匿而秘之不若啓而導之是亦善教之術矣中庸言無聲無臭與天合一工夫到絕頂來教云資稟最上方能造此境誠然矣若聞然者下學立心之始其所不見君子謹獨之事雖中人以下亦能之以格致博約為實踐最是切要然細按之何處不有其所不見者存非此無由格致非此無由博約則不得以其所不見為非實踐之地可知矣膚見出自私臆不敢苟同於今之言道者然終不能自信故以相質惟兄明教之便間仍候詳示

附西亭元書

小力回得書時正病暑亟推枕讀之遂若清風之洒我體也吾兩人自幼學合志迄今老耄猶在人間得共商此事屬有厚幸見吾素蠟讀書窮理孳孳不倦卓然有特立獨行之槩恣然懷人心風俗之憂非讀書有得窮理日充未易臻此所以睥面益背老而不衰乃其徵驗偶因酒次聞有得於養生家言竊意素蠟之得力在此不在彼來書以平昔持省倫常用謹守孔孟家法為言素蠟生平所學豈不然乎識大識小學無常師老氏五千言莊生內篇其精妙之語未始不可與中庸易理參証而程朱不道者立其防也周子太極圖程子尚不以施教康節先天易數程子尚不肯學其慮至深矣夫

素蠟文稿卷十六

人

學無常師者聖人之所以成其大學戒泛雜者賢人之所以致其嚴老氏之學以之尊生亦復何害若喧客奪主竊恐不善學者之揚其波也蓋二氏之精言皆為吾儒所本有而吾儒之所有或為二氏之所遺燕石之喻非敢輕訾古人要以聖言相方不容無別耳若中庸精蘊吾素蠟能體會到不顯闇然無聲無臭決非漫浪道出此惟資稟最上者方能直造此境然而象山陽明猶有流弊如為中人以下之質又不如守大學格物致知論語博文約禮下學上達為有已鼻也到得知至上達中庸之理在在血脈貫通初無隔闕此在安以需之非可迫以圖之也素蠟以為然乎來教云服習孔孟不是

搬弄現成語說說便了其中然甚精微全須實踐愚以為舍格致博約亦無實踐不下帶而道存焉非求之於遠也六經四子書仁者見之謂之仁知者見之謂之知原處處會通彼搬弄現成語說說便了者不特未嘗實踐連搬弄亦不能了然於心口其說亦多岐誤非真實下手做工夫人多蹈此失素蠟說到此處真是學者頂門一鍼也敢不書紳聖人以學之不講為憂吾兩人會合既不能常有未安不妨往復毋徇俗見以苟同為愛是姑息也非忠告也此義之行非望之吾素蠟而誰望邪冗次草率未盡百一

素蠟文稿卷十六

書

九

素齋文稿卷十七目次

書六

上新城李房師

出都後上徐健菴先生

又

又

乞南酌座主撰先母誌銘

謝南酌座主 乙未春仲

又 丁酉夏五

又

素齋文稿卷十七

上新城李房師

誥生三歲而孤承母氏畫荻之教伶仃艱苦二十五年於茲自度奔陋不能大有樹立私冀博微名為老親娛十年以來三赴棘闈盡遭點額茫茫四海知己不逢行將焚棄筆硯躬耕沒世矣祇以聖朝特科取士橐筆北遊為背城之戰觸暑長征筋骨勞頓甫達國門知額數最狹進取之途實出萬難自分餒生命蹇又將虛此跋涉臨闈操翰惟有沾歎不意春回黍谷乃遇鄒墟幸逢吾夫子碩德清望甄拔孤寒誥生以廢材猥蒙特達名冠多士自揣非分承吾夫子獎借厚恩一朝拂拭譽滿京都此身踵頂孰非吾夫子生成所被捫心清夜感極涕零榜發晉謁數蒙賜坐

素齋文稿卷十七

假以言笑賚以酒食至情慷慨不異父之於子叩別膺門又承吾夫子提命勤拳屬望遠大長佩金玉以結寸心南旋謹守明訓自期振拔流俗杜門却掃無異為諸生時時得承歡老母備述都門師弟相與之誼老母亦含笑聽之意致甚樂差慰二十五年辛勤之力此時念非吾夫子獎拔安得有此因之感佩高厚不自知欲歌欲泣也逼除百冗蟬集不能脩候萬安獻歲發春伏惟吾夫子福履戢戢誥生今歲館幕中丞署中去冬出都與其令郎聯轡而南頃蓋之交遂成莫逆延同硯席知蒙垂念附稟聞之諸不

悉

出都後上徐健菴先生

叩辭函才再更弦朔回首五雲不勝依戀誥生沐吾師獎
涕殊恩垂髫至今銜感已非一日通籍三載幸得密依絳
帳吾師覆露之恩久而彌篤誥生自問迂疎寡合何以得
此於吾師也屢承提誨獎激過情固知吾師意在鼓勵然
誥生每聞跼蹐且感且愧感吾師之期許遠大不以凡流
見目愧誥生之謏陋不堪難以報稱知己也誥生智短才
疎六不足仰贊高深今且南歸龍門既遠末由展布情懷
然區區之忱懷抱千里耿耿未忘瀕行叩稟願吾師節勞
省事以養氣怡神竊見古聖賢經綸蓋世靡不從澄思靜
慮而出先儒云最要惜取那無事的時節時收斂定做

素蒙文稿卷十七

二

事便有精神誥生嘗謂古聖賢十分會受用地步全占在
此往見吾師機務紛沓酬應縱橫一手並營一目兩視此
在吾師異人之稟兼人之勇不覺其疲門人輩從旁諦視
常以有難繼之憂蓋造化有闕則有翕人事有作則有
息斂藏得密故發生得透不易之理也至於世路之危人
情之薄吾師豈不深諳乃往往欲以大度勝之在吾師直
道而行不失為君子然防身之智慮慮之周在今時正宜
加意惟望吾師慎密以審機簡默以杜累寡交遊以弭謗
一心悟主專務職業則履高而不危獨立而不懼矣誥生
受遇深言不敢不切惟恕其狂直而存之

又

伏聞吾師鈞候休和欣慰欣慰啓者青浦王令貽名原才
華雅瞻人品端潔非特雲間之秀即吳中名彥罕有其匹
其生少同采藻屬在鴈行深悉其人文之妙今以選拔入
成均來遊都下嘗為誥生言吾師垂注之雅感在胸臆以
未得登龍為憾今擬執經絳帳少酬平昔景行之願惟吾
師國士遇之其蓄積深厚原本經史屬文振藻靡不精妙
而器宇寧澹抱負宏遠不染纖毫流俗誥生半生結契竊
謂不交遊者惟此一人吾師人倫淵鑒一見定蒙深器
推獎游譽玉于有成是所望也貧士客居不能無藉館席
并希真之善地使風附候

又

素蒙文稿卷十七

一

表兄朱信昭南還承賜手書備荷垂注仰惟吾師冰霜之
節黼黻之章向以簡在宸衷交泰之歡有光史策忽聞暫
退崇班私心惋愕嗣讀吾師乞休大疏雍容退讓不激不
隨有古大臣之風誥生竊謂俗輩惟知干進罔識大體庸
庸苟祿貽笑千古孰如吾師進退之際光明磊落雖暫假
清閑而高節榮名已垂天壤他年傳諸信史知本朝尚有
二三大臣難進易退丰裁凜然所裨世道良非淺鮮春間
接閱會榜網羅名雋殆無遺賢向來譽得士者輒引韓子
迎羣空之語若吾師簡拔正無愧此計壬子北闈一番
洗滌文望宏開起衰之功數年來賴之更得此科振興人
文之盛超軼前後矣肅啓專候不盡瞻依

乞彭淵先生撰先母誌銘

春初承訥勿遽告別未得細承標誨私心快悵嗣聞師駕
即泣邦江計入夏便得還吳不圖留滯如此之久也詰生
焚焚靡止已絕閑居之歡方冀咫尺程門可得時親杖履
而江開間隔無由奮飛竊恐書局既竣吾師未可遂林泉
之樂遙瞻絳帳又當在五雲深處矣立雪之期正復渺然
詰生回念曩時入戲萊子之衣出載侯生之酒此意致於
今已不復可得能無惋歎乎茲有懇者先慈一生苦節孤
子無狀不能顯揚萬一庶幾邀寵於大人先生發幽聞微
藉鴻文以不朽若吾師有道之言洵足取信於後世詰
生幸廁門牆之末素承知愛等于毛裏之親或者憫其孤

素懷文稿卷十七

四

苦而不辭焉將使先慈五十三年之苦節不泯沒於人間
豈唯詰生銜感世子孫當戴德於無窮也應候駕歸踵
叩以請適聞寓中無事或乘暇可作敢即布瀆忘其冒昧
乞一片時將自知簡褻亦恃至愛或不加訶斥肅栗不一

謝南鳴座主

乙未春仲

承吾自不鄙衡茅惠然至止春風被於談笑霽月映於篇
章不惟林壑增光且使山城動色非沐厚愛何以得此所
抱歉者盤餐簡薄既不足久淹從者又風日未佳遽動歸
思勿勿撥棹正在斜風細雨之時佇望雲帆可勝悵惘日
來懸念途中不能自釋正欲遣使問訊適接十四日晡刻
手示已悉起居安善少慰下懷重吟高唱開合流動絕大
手筆正似斟字酌更極深穩何將軍園林諸詠洵不得專
美於前矣門生意在學步而詩思枯澀自吾師歸後即而
入城剝啄盈門若園中閒靜風情頓減握筆茫然過此
仍擬避跡邱園以養幽拙爾時當奉和諸什期在月初就

素懷文稿卷十七

正吾師當深訝其鈍也諸不盡

又丁酉

門生以鈍劣之姿處孤陋之地一生惘惘毫無建立犬馬
之齒不見漸增至於今日深自愧悔兒子欲循俗作壽事
門生已嚴諭禁止一切製屏設宴皆誠弗為至欲煩費錦
心仰藉如椽之筆以為榮寵始亦切阻繼承面命深佩吾
師虛拂之恩故遂不禁其來請迺辱吾師獎借踰分洋洋
大篇自顧何以當此但此中教旨深厚門生雖以遲莫之
年輩當循省勿負誨迪生成之德未知所報也同里親朋
見祝一訛謝却門生已襍被荒園掩扉息影過長夏始入
城萬不敢勞世兄遠來恐失倒屣為罪耳謹謝不一

又

顏齡：質過蒙吾師椽筆揄揚，榮踰華表。日者，諷繹循環，感真魂并茲復申之，以高吟陳之，以典冊煌煌鉅製什襲藏之。當傳為世珍，非但一時伸玩陋室增輝已也。前奉啓不敢煩世兄，顧承風帆指路，兩屐臨門，遇余良厚。門生雖匿影遙邇，又何敢空勞題鳳，端歸握晤，深愜素心。但叨賜稠疊鏤卮珍重，世兄輩隆貺多儀，拜嘉有愧耳。仕路嶮巇，五七官石尤極衰敗，門生感此深幸，安棲得所，益不敢少涉炫露，惟兢兢仰佩明訓，以畢此生也。即日遣僮奉候，先此布謝，不悉。

素嚴文稿卷十七 書

素嚴文稿卷十八 目次

書七

賀顧達夫表兄成進士

又

答潘稼堂先生

與吳匪菴同年

與矩齋給諫

賀徐道積成進士

又賀庶常

答徐觀卿一書

答徐觀卿第二書

素嚴文稿卷十八

與彭毅迪世兄

與李左麓修

又

與冰子未檢討

又

又

與彭無山給諫

又

與永康令沈琳峰

與龍游令繆虞良

賀顧達夫表兄成進士

去春劉袂星燧復一周矣時望尺書以當晤語而鴈鴻稀絕始信長安遠也會榜未發私與雲章揣擬新貴為兄首下一指既而聞報稍遲正為疑訝而捷音即至不覺相顧喜躍幸向言之若券也科第吾儕分內事且兄雋才雅量吾黨素期以遠大是奚足賀特兄年未壯遂得謝棄帖括乘此精銳專攻大業以副偉望故足羨耳吾兄淵雲墨妙為諸生斐然有風雅之望用以揆藻木天綽有餘裕而弟願進於兄者目今廟堂需才甚殷士大夫亟宜留心經濟以圖大用不應以吟詠風流為粉飾太平之具昔東晉之衰清談釀禍讀史者譏之今日宜力矯其弊毋徒與波上

素庵文稿卷十八

書

下為也弟受茂末學茫無知識初繕賀啓遽直言箴砭固自知狂瞽然吾觀古人於進身之始微時交好往往有規語以當遺贈弟與兄交久且深不可以無言而一切世俗齷齪馳騁之為弟知兄決不蹈此故不敢贅陳而所云留心經濟以圖大用則弟之拳拳不能無望于兄者惟兄留意焉弟近況不為佳所喜高堂無恙近得卜築數椽以遂迎養連舉二子能解啼笑家雖貧有自然之樂至於名位惟靜以俟之自喜不萌躁急求進之心知兄念我聊書相慰得暇惠寄數行無使長吟少陵厚祿故人之句幸甚

又

聞兄成進士草數行奉賀不意受書者沈閣月餘仍將原

劄付還無異洪喬浮沈耳月初見館選單甚惜兄名不與既而及吾兄恬淡有守不肯徇時終不失吾黨心期也君子素位而行任彼蒼位置要各自有樹立往見前輩有辭居清要願作親民吏者此甚可法況今四方多事倚閣而望者情甚懸懸為兄計正宜暫歸故里奉侍高堂杜門讀書以期大用今日士風大病正坐甫登兩榜便謂功名已就兄有志人也豈可薄自期待乎前劄并呈記室何日南轅面盡

素庵文稿卷大

書

二

答潘稼堂先生

憶自三春握別乘舸南下至山左得先生榮問先生器識弘遠固知人世利達之見不足動心特喜先生以恬澹之性遭此殊遇方幸世道之可為而朝廷特行曠舉期以不朽之人成不朽之業必若先生宏才博學方無負此盛典安得不舉手加額急為先生稱慶也詰生北歸杜門積蠟成習未具寸牋申賀顧承賜問厚意盈楮且拳拳於出處之際夫行藏用舍聖賢豈有成見各因乎時先生抱膝隆中素以管樂自命固非甘老牖下者幸當

聖天子側席求賢之會誠能一吐胸中奇蘊蔽明盛天下後世方忻仰之不暇何復有局守拘墟吹索毛癢以為訛

素懷文稿卷十八

三

議哉特勿若舉世浮沈之輩出處兩無所就使天下謂斯人一出徒為富貴則自不貽有識者笑耳詰生賦質愚魯幾於一無所就然向與先生期許之意久而彌篤近得柏廬朱夫子提唱性業向往殊正但才短氣浮跬步之間慙尤藁集先生愛我有素幸不終鄙棄時惠切磋玉我於成荒穢布候深以為愧

與吳匪菴同年

聚首三平熟聞大教老年兄英姿豁達高論快張士林中驚皇也幸同蘭譜輒逢高會往往吐百尺樓上語人所不得聞亦不欲聞者吾兩人常掀髯捫虱而談真快事也別後久不聆斯語亦無可與言者長安十丈紅塵夢久不到惟念素心人在有時翹首燕雲耳年來所讀何書所學何事自問多進益否吾輩相期在升沈顯晦之外故仕途冷暖之況不敢動問惟此心打疊得定毀譽不能搖此身安放得穩榮辱不能動又能實落下手做有用工夫事無巨細穿透一番可坐而言起而行則才大而心細可以為今日酬酢之地即可任他時艱大之業詞臣自編檢而上職

素懷文稿卷十六

四

掌煩劇不得謂閒曹無論文章之事求精不易即保傳青宮啓沃黼座豈器小人得辦於今龍樓乍啓賓榻初開地望如年兄不得不干霄直上但國本攸關為萬世開太平諸公操何道以處此古來格君之業未有不自正已始者天子鄭重斯典擢潛菴先生主之吳中士民一時惋歎以為頓失其天既而念太子為天下本非大儒何以翼贊天子即甚念江南而審度輕重有不得不出于此者苟體是念以建置宮寮其簡擇必慎而凡居是任者惴惴焉抱不能稱職之憂固其宜也弟到家未久諸累藁集勢不能如期上私心亦以學術奔淺將杜門三年五年俟滋培深厚後敢再出否則終守繩樞亦不惜也臨函依戀

與矩齋給諫

客歲二月遂使歸附數行奉復爾時知文駕南遊未審何時得徹台覽弟從九月發擢歲暮始到家幸布帆無恙新春閱邸抄知長兄榮補工垣長兄抱負非常才猷出衆居喉舌要地封章特達行將傳誦海內但今時諫官未盡無言言而各有所為則雖公亦私士大夫忠君愛國之念流溢真懇自不暇屑屑為一官計

今天子望治甚殷求才甚切儲之館閣之中置之耳目之地待不為薄居其位食其祿父母妻子享其榮華而發謀建議悠悠泛泛曾不若計及身家之真且篤於心何以安夫布衣之交腹心待之有所事不能盡言匡救君子且識

素庵文稿卷十八

書

之況君國之重乎少時讀史至朱雲折檻辛毗引裾心竊慕之謂他時得為諫官當效此耳今既得官矣依回瞻顧言不敢盡非特負朝廷如夙夜何且夫顯擢超升仕途之榮寵丰裁謬誇史策之美譚願長兄務其大者遠者況升沈未可意計容悅者未必不失切直者未必不得長兄天姿英達器識高遠不俟鄙言之喋喋特交深如我兩人不敢不盡言也弟歸里三月假期已滿行復展限學殖奔淺尚期滋培深厚稍得見故人乃敢再入金門耳湯公內擢吳民盡失怙恃思之鬱結伯母太夫人近候萬福能就養京師召令郎問業比益精到才地最上指授勿落第二乘荒穢布候不悉

賀徐道積成進士

前歲五月老世兄為山左之游弟以拙刻奉呈懇為批削爾時以尊駕不久言旋不圖至秋尚未歸也弟於九月出門由浙入楚南至粵東馳驅萬餘里羈栖十五月至去歲逼除才歸歸而知老世兄又以計偕北上回憶分手之期忽忽兩易寒暑矣春季得南宮捷報爾時正值老師母誕辰同人方捧觴上壽喜慶重疊歡聲餘溢邇月以來知殿試之期尚在清秋遙想老世兄於京邸中杜門絕軌惟以讀書染翰為事披覽董之遺文萃鍾王之楷法抱其所長以俟臨軒之策夫鰲頭直上君家之故物取若左券以後先暉映亦一佳話也毋為多讓至於恭以持已謙以接物

素庵文稿卷十八

書

勤以奉職廉以節用在朝則有裨於邦國居鄉則貽福於桑梓此弟所厚望於老世兄亦即老世兄所自矢於平日者當此進身之始尤加惕焉世風日下陷溺已深有志者不克自振拔其何能濟即近日鄉里間澆風亦已甚矣不自居於清何能挽天下之濁不自居於厚何能救天下之薄此惟與老世兄共勉之而已弟倦游之後諸病交攻日侵尋於藥裏志氣頹唐甚矣老世兄何以振之三小兒叨高門之蔭于六月初始行嘉禮荒略之甚賴老師母厚道不加訶責然捫心竊有餘愧還念昔年老夫子殷殷下交至愛拳切時時為之感泣也便風先以一行奉賀有愧空函尚容續報

又賀庶常

承賜九月中書至冬仲始得展讀時以歲冗蠅集未遑削牘奉報嵇生之疎嬾久見諒於知己或不我訶也恭喜老先生世兄以著作鴻儒讀書中秘側聞聖明念舊天語悱惻海內臣子聞者莫不感動況在老先生世兄躬被隆恩者鉅才報稱豈獨以文章制誥紹鳳池家聲將使先夫子綸扉未竟之業次第續述他年照耀青史後先濟美弟自慚糠粃無能仰助高深區區之私惟願老先生以承先者報國在加之意而已鄉邦大事莫若清田今奉旨釐正雖委員專理而當事頗有望於鄉之人輒相採訪弟極謏劣以舊曾開預未敢自外然此事正賴羣策効謀同心贊助

素嶽文稿卷十八

七

而顧瞻前後沮抑者多擔荷者少每念老先生負剛毅之姿信能任事今奉職京華遠莫能致有興嗟寡助而已顛末詳具老師啓中幸垂鑒致書當道囑為桑梓圖謀萬全則壤一定利害關於數十世何可忽也令郎患疴甚關注聞近得向愈正須謝絕師巫專精醫藥家報中宜諄及之不一

答徐觀卿第一書

詰生頓首奉書觀卿世兄足下兩接手教知足下之拳拳於小子景獻也景獻庸材未知學無可取足下拳拳之意何所用之愚不解也意者足下銳於學問視朋友為不可無而姑寓其意於景獻若燕昭之求士請自隗始之意乎若然則足下拳拳之意亦有謂也雖然愚竊有請先王之教天下萬世有達道焉而列朋友之交於君臣父子兄弟夫婦為五倫是豈徒以通聲氣私結納而已蓋以人同此性即同此道賴共勉於學問之中不可以無輔故交相濟者交相成而且君臣父子兄弟夫婦皆由天定惟朋友可以自擇及其至也天定之倫亦藉朋友以講明之匡直之

素嶽文稿卷十八

八

以相維於不敝故先王重之自後世人不務學而泛泛求友往往各因其所志以為合即有深契要無關於道義而可合亦可離蓋學之不講交道亦已亡矣愚少未知學老而無聞故生平無一同道之友獨居寡和私竊自悼每家庭告語指以為戒景獻尤簡僻少與年過三十未聞有同學者時時病之去年冬來告足下欲與訂交時余方聞足下厲志砥行深悔幼年之習且以流俗頹敝為可恥思一洗之以自振拔禮賢儒重名教駿騁乎上達之機矣嗣又親承高旨兢兢于取予辭受之節以古賢自勵宏識偉論聞所未聞竊以如此志行在今日未易多見吾子得以為友何其幸也後景獻數數有譽詞大抵皆言足下有志聖

賢之學讀書窮理以明體達用為務余尤慕之至今七月
迺訂下帷景獻告去七日不返恐欲得足下踐履之真亟
望其歸歸而述所見於足下者與前所聞大異愚以此失
望悵快累日既責景獻不能以直諒自處又慮其平日學
無定力一旦見異思遷亦且引而去之故仍命之杜門却
掃重示條教期恪守孔孟家法無敢踰越亦將謂足下與
彼道既不同志亦不合應無藉于晨夕矣乃茲屢奉明示
及于衰拙細繹來旨似猶未解其拳拳者夫足下遇以拳
拳而景獻應以落落殆非人情愚敢命景獻出此然愚終
不審足下之拳拳于景獻者是誠何心將以其才質之美
可與共學乎則其才質固非美抑不知其所學果與足下

素懷文稿卷十八

九

謀也將強之以從足下之學乎則人各有志或所不願足
下固不能以其所不願者強之也將謂學不必相謀爾為
爾我為我各適其適不妨以共此晨夕乎若然則足下之
所誦彼固不之省彼之所習又足下所不屑意晨夕相對
惟嘿嘿焉可矣質疑送難一無用之即有矢口亦無益之
談笑或且近于諧媚足下豈少是人而晨夕之必景獻也
且適館授餐足下之高義被其過者以相益也既兩無益
矣而徒拳之是伐檀所譏耳又非所以處景獻也是則去
就之義景獻揆之可以決矣雖然為景獻決去就計之末
者也固不足深言愚所不得不計者足下之學耳足下秉
清明之氣挺秀上之資天之予之既云厚矣又生長名閭

席豐履盛早歲受知得時暇豫人生遭遇又其幸也以此
學為聖賢既有其具又有其資夫為聖賢固不必于資也
然而有其資者事半功倍為足下計毅然以儒者自命經
天緯地之業盡性至命之功皆吾人分內事也敦倫紀為
孝子悌弟籌民物以濟世救時立朝為正人居鄉為善士
上之以擔荷道脈次之以維挽世風此今日有志者之事
也以足下才地毅然為之可以直上何乃棄聖人之教崇
異端之術下喬木而入于幽谷哉聞足下之言曰我非惡
乎儒之苦其難也凡今日逃儒而歸於佛者皆此意也然
獨不知儒之為教切于人倫事君忠事父孝兄友弟恭夫
義婦順此人道之自然不可以為難也即以為難彼而人

素懷文稿卷十八

十

者足下其得逃而去之乎向使足下溺于聲色耽于宴安
酣養富貴往而不止則與道日遠視彼秩秩倫理者宜以
為難也今足下自言亦既謹嗜慾遠聲利任真養素將與
道親則舉而措之日用事為之際辨別義利衡量經權甚
無難處之事矣夫易膏粱為菜羹變紈袴為草屨此人情
之難也足下既易其所難而顧難其所易愚無以解焉且
足下不欲自立則已誠欲自立則宜學古之人足下徒見
今人所為貪鄙不足道苟自淬厲以為大勝于人不知臨
深為高昔賢所戒不幸生于汙濁之鄉見聞可棄稍一表
異便詡然自足試一開卷與古人行事相比動多不合能
無警惕乎而況離棄正學崇奉異端為今日之大病世教

不明人材日敝實由于此有志者不克維挽從風而靡以爲彼善于此愚不信也聖門狂者志意高遠寥寥然必古之人自命春風舞雩之下童冠與偕悠然有堯舜氣象故聖人嘉而歎之若離絕羣類以自放恣傷風害俗原壤之流聖人所深惡也荷蓀沮溺皆賢而隱處阨于時耳非若輩所可比倫然聖人猶且箴之歸于中道足下自命不學顏閔諸賢而以石隱自高非所望也凡此皆景獻所宜言于足下者余且代景獻言之足下是其言而幡然改悔則學問之道以明朋友之交以正豈惟景獻可常侍几席即愚衰老猶不廢學尚能與足下商榷道義過從不倦而如其悍然自是則彼髮而緇者山澤之間比肩接跡焉足下

素庵文集卷六

七

豈患無共事者而必景獻之拳拳哉托通門之好相愛以德敢効忠告惟鑒是幸詰生再頓首

答徐觀卿第二書

新命京官請急者概行休致朝廷所以懲嬖情勵事功意非不善也但若翰林舊制又以恬退養望爲重故前輩於此勵難進之節自行較俸奔競之習開退讓之風遠士氣日衰人材日敝故今日之晉端揆列九卿者雖翰林十居八九而亦鮮有虛靜純明卓犖俊偉之彥良有由也今且束縛之屏棄之其弊已甚有識者深憂之矣然此特爲國家論治體耳若在臣子出處各自有本末未可以之計通塞生怨尤也前見邸抄怵怵累日正思與老先生一爲談論適接手書因即剞劂奉答雅愛兼用相廣弟本庸陋叨列詞館趨朝班者才四年中間御試者再引見者三四承

素庵文集卷六

七

命分校會試者一以孤露之質迂拙之性外無引援之親內有飢寒之恐已萬萬不能躡躡都門而又有烏鳥私情不能自己者五齡失怙依孀母以居寢食不離一旦以仕宦分析難於絕裾館選後曾勉力迎養親意未愜多有疾患萬不可留遂奉親南還引疾侍養二十餘載幸得以不肖之軀奉母終年而已不知老之將至無用於世矣濫膺一命未申尺寸之報負罪實深即使加之嚴譴亦當甘受況從諸君子共邀休沐之恩不已幸與抑且年望古稀桑榆景迫在仕亦當懸車更何有覲以生悲歎邪迺若老先生青年妙才承先人之餘寵邀當宁之特擢旣無珠桂之憂又擅淵雲之譽優游玉堂干青雲而直上此其分也何

乃翩然遠引棄簪組而就煙霞虛負主知兼失時望此難與衰朽同日而語深為老先生惜之出處為士人大節未可草草無位而躁進與有位而廢職其失則均古固有敝屣千乘薄三公而不為者矣然其人必有所為若無所為而輕棄之則率然行止而已諒非心之所安也繹來劄詞旨寬平怡然無怏高情曠致流俗所希然弟更有進焉嗟時命之不偶鬱抑無聊以傷其懷抱者固非所以自愛而或因之頽喪放情於丘壑肆意於歌呼以損其志節之大又非所以自立蓋賢人君子所以重爵祿非以爵祿重也而況榮辱得喪無有定形吾之辱未必不勝於人之榮也今日之失又未必不為他日之得也特視其所自立何如耳

素蒙文稿卷八

書

主

耳今家之中有事鄉之中亦有事於此植倫紀即於此濟民物不必去城市而處山林也誦詩讀書以知人論世所以成其德達其材非褻績之為學雕績之為文也憶曩者曾以書奉典記甚覲縷不避狂瞽今故態猶存然揆之古人之義或有合焉老先生肆力文字於前賢贈答書啓縱觀之亦多類此當不以為怪故揭其區區以報瞻望歸來面罄衷懷不勝跂切

與彭毅迪世兄

日者吾師命世兄受業於喆生喆生自度婣陋無知平時謹持孟夫子好為人師之戒其敢妄自尊大以越通門兄弟之分一時愧悚不知所云既遇伏念吾師既明且哲豈不量喆生之婣陋無知而顧令世兄之昧昧於擇交如此其必有發於情之所不能已者蓋望世兄至深責世兄至厚而聊借不才以為他山之石庶幾攻玉之義求益於萬一喆生雖自度婣陋而受德於吾師最深仰體至情敢違成命用是數日以來不遑寧處求所以資益世兄者未有其術而先為一言以略布區區之私蓋惟人生之大可樂者學焉而得父兄師友之助然苟不自奮勵則助者雖有

素蒙文稿卷八

書

十四

而鮮受其益是以君子自立之為貴也今揆以世兄之所處生於名貴之門承於賢指之後挺清淑之姿秉聰明之用天之予之厚矣乃又入稟庭訓出奉師傳所讀者聖賢之書所交者直諒之友人生之樂莫踰於此矣處此而誠自奮勵則志宜高宜堅學宜正宜大春秋方富常存玩愒之懼分陰宜惜也精力正優常存保守之念嗜慾宜謹也以聖賢為必不可師以德業為必不可成士希賢賢希聖聖希天學顏子之學志伊尹之志以此自勵則父兄之教自然裒若典謨師友之言亦且投如鍼芥矣自求多益豈不然乎若夫半日靜坐半日讀書朱子之訓自不可易靜坐則存發交養讀書則反躬體認易曰多識前言往行以畜其

德書固宜博覽也而尤宜知要前吾師為林子言四書不可不讀誥生亦云宜先讀孟子此匪獨為林子言也凡為學者皆然今日朝廷取士以四書士童而習之誰不云讀者然其實未嘗讀也所釋者訓詁所尚者口耳童而習之亦童而晦之矣豈知聖賢之告誡儒先之發明皆非為舉業也為天下萬世之學為人者而設讀者誠能以心驗之以身體之使其道常淪浹於骨髓之間則性命由以全事業由以立大本達道一以貫之豈患無好議論好文章即舉業之道亦出於其中矣所謂由本可以該末也孟夫子聖賢而豪傑者也其學精粹其才宏達學者於此書精思而熟玩之則既不入於詭奇之學又不流為迂腐之儒在

今日誠可以正人心而維世教固希聖之的傳亦救時之正則也誥生誠媿陋無知而此志不衰竊有慕於耄而好學者嘗以之自勵而亦以為資益世兄以報塞吾師之意或在於此故效拳拳唯留意裁擇是幸

右書作於戊子年八月時吾師命毅迪世兄問字於余余為之惶恐故以此書盡區區之忱冀少有助以仰答吾師下問之意閱今已八年矣今乙未正月吾師又命茂書來問字余方負疚於前今其可再力辭之又不獲而今更思所以益茂書者亦不可得迺繕錄前書以示之吾師盛德食報後人正未有艾而茂書所處或與其叔有未盡同者要其自奮以期有立取法聖賢以承

前而啓後當無不同也茂書誠能採擇書中之意力行而不倦於其所學或未必無小補而余亦可藉以仰報吾師於萬一不尤為幸與乙未三月晦日誥生又識

與李左麓編修

戴占弼兄至都附一劄致予未托道相訊已蒙存鑒否年兄鴻才雅望分宜中秘讀書見邸抄深懷素懷記往年散館時京江張素存夫子貽書相勉云官無論閒劇任無分內外總當勤脩職業砥礪廉隅讀有用之書交有益之友書紳至今轉以奉勸前輩之言真同著蔡但在遵守力行勿作一場話說乃得益耳敝同年戴繡臣浙中名彥不佞心折其才學丑之役卷在書四房已呈堂矣以微嫌見斥榜下交口惋惜近歲入武林深山靜養造詣加邃來都奉謁惟年兄推愛盼睐之繡兄食病苦學植品高亮非吾輩為之汲引誰先容者不佞不敢以他情仰溷知獎拔寒士非易事此可鑒也

又

已春倅自京還曾辱手書存問夏間便作楚游羈留半載忽遭奇疾幸遇神醫潘太丘先生拯之垂死之中得歸故里然神氣衰耗餘症間作侵尋藥裏人事都絕今春氣體漸旺比日始得款扉見客得霄燕書知道丈請假南歸嗣亦以抱疴甚懸懸頃接書知所患亦至瀕危深相憐也僕性迂嬾素有嵇生之癖一出春明忽焉六載比喜高堂無恙然晨昏可戀復多向平之累難於徑出自問才情樸陋

元無少補聖朝正合局守繩樞庶免素餐之刺但士人出處各有期許苟得樹立堅定雖十年不出亦復何憾若浮沈退之間筋骸肉緩以自頽放則賢者所懼僕深自儆惕如此敢質之知己以為何如使者述太翁起居康勝吾道丈食貧色養融融洩洩家門之事承前啓後乘此豐豫勉力整頓是亦為政也太丘今居武昌其人高識弘度所長不止於醫可與之交僕非阿好者附寄拙詩二冊以博一粲且欲道丈知僕楚游況也

與孫子未檢討

前歲出都至德州接讀手書纏綿悱惻可感盛情隨作一
劄報嗣後每想瓊枝多勞魂夢碌碌塵鞅未及繕書相
訊亦并不得再接瑤華山川脩阻定有洪喬作祟未敢謂
故人遐棄也年兄高才雅望固應位置石渠天祿間頃見
邸抄鄙懷允愜但近來此席甚不易居樸陋者坐致沈淪
儂巧者又易顛躓前車之覆實為可鑒愚意只當以實學
勝之培養深厚器業不凡則進可以使人信服退亦可以
自守高明或當首肯余言并証之左釐何如

又

黔南之役足下聲教大行不數文翁之治蜀也到都便膺

素蒙文稿卷十八

書

十九

轉擢從此迴翔高舉可從容而陟卿貳之列矣慰慰足下
黔中劄不疏年月至辛卯仲夏始接得想去發書已一載
有餘道遠固未易達又東海使者遷延留頓分廉之惠僅
僅不至中飽耳僕固知足下清宴望外之獲以供半載饘
飧深愧閔仲叔矣三子俱赴公車在僕實為踰分硯硯之
操一味任天造物者以此相報正可使妄念俱息惟人事
不可不盡兒曹於文字所詣有淺深要之俱未極致足下
當代文匠何以振策之偶刊課藝百十首二十年指授具
見此幸為之鑒定僕衰老已無意人世而向學之意甚
勤頗以睿聖自勉苦無同志相與鞭策足下固自中人以
上倘能常示尺書以此道相規切使天下後世知吾輩之

相成就不獨在科名豈不美與紀年詩寄博一粲亦使足
下知僕近時意緒不啻西窗一夕深話也

又

兒曹在都托足下萬間之庇飲食教誨厚意勤孝又辱以
獎借加以慰勉非骨肉至愛何能及此兒曹次第歸家每
趨侍間無不口頌明德娓娓不置不佞聞之亦為之銘刻
矣嗣出足下手書纏綿數百言皆從肺腑流出深情摯誼
溢於楮幅不佞把誦回環為之神傾意豁少陵所云紙長
要自三過讀良不虛也足下學誦清超動以古人自命介
然之操徹於帝鑒恩綸屢責大用不患無時竊計足下文
章氣誼已穎然拔於流俗而設身槐棘之間侃侃自將應

素蒙文稿卷十八

書

二十

更有深識遠慮不阿於衆論亦不泥於獨見於朝常國是
是非可否之際知之明而處之當者其得力當在平日非
臨事而可以倉猝取辦也清寒禁慣自信不回此學士根
本之計然有守者必能有為何以却絲枲何以勝盤錯擔
當得去方見學力大位不易居正須在未到手時極力鍛
鍊耳不佞日薄崦嵫頭顱已負所望後來者聲華自振每
向子弟輩日夕提唱未知能立者何人終當待子未干雲
直上一洗人間衰懦為快我臆耳適徐誠脩世兄北來附
書訊誠脩為少宰果亭先生令嗣德器沈靜無纖毫紕
綺之習文章淵雅久蜚聲於壇坫今橐筆輦下望足下如
斗山思一御李以鄙言為介少宰先生曩在朝列人人景

仰恭謹老成之褒御書珍重流風未遠是宜有賢胤紹述
家聲者也不佞髫年受業沐愛最深與誠兄情同花萼足
下比推分盼昧玉於有成則感踰身受同來者鄭生彙初
不佞之密戚又執經二十年文筆道鍊如精金向以特達
期之久滯南閩今應京兆試亦以登龍為幸望進而教之
多方獎植以增其聲價足下之拂拭鄭生猶不佞拂拭之
矣餘情縷縷百未申一

與彭無山給諫

閣下當代偉人也間氣篤生值此風靡波委之日鐵心石
骨以行肩世道不佞尚當師事之曩在京承閣下虛已下
交殊弗敢常別後十餘年彼此音問闊絕非不深念然側
聞閣下宰洵政績蒙聖明特鑒寵錫非常嗣在諫垣風裁
嶽立何日不有無山在吾飲食寢處間者遂不復拘形迹
之疎以歎離索也去年五月杪家令貽攜示手書勤懇至
情溢於毫楮爾時正聞閣下罷官出都以閣下清風勁節
在我朝洵是麟鳳不佞竊以比於漢之汲黯唐之魏徵乃
我皇初獎厲之繼少挫抑之雨露風雷無非恩澤閣下宜
深自愛益勉勵為他年報稱地廉頑立懦聞閣下之風亦

既然矣不佞以為滔滔者天下皆是此中於人心移於習
俗非一朝一夕之故有心者欲挽而導之以歸於正必能
於本原之地潛消而默奪之則為力易而運亦無迹大人
所以正己物正者其學如是願閣下自今以往視天下之
載胥及溺者不但發嫉惡心且發憐憫心優柔曲折以變
化之孟夫子所云中也養不中才也養不才養之一字願
閣下深加之意則於曩日之所學更進一格矣不佞自己
丑請急杜門家居者十載自量才拙性疎不可以任天下
之事故寧且勿出養親課子若將終身焉矣知閣下羈於
淮念欲把手無由得適松江守龔公來以十行附候起居
聞于先生當以憂去閣下勢益孤或宜從容圖暫息倘過

吳門至敝邑七十里得賜枉存一寫數年契濶甚願也前尊劄中敘賤里誤寫太倉其實崑山耳草勒未盡意

又

乙亥秋八月具十行嘯雲間守龔公奉寄以敘數年契濶
跂仰之私且亦知賜環不遠聊且盡慰勉微忱冀知已益
自愛重不知何時得徹省覽不佞即於是午冬出遊訪故
人於楚粵間累月始返後再晤龔公云此書已達然關河
阻隔往往有浮沈之歎且未得閣下報書恐當落洪喬之
手故并錄原稿附寄閣下再入黃門風裁如昔但獻替
求有益若徒徇謬誇之名不惟有背臣子勿欺之義且恐
終虛君上納諫之心至於同僚之搏擊尤宜審慎吾輩存

素懷文集卷十八

書

三

心處事只有與人為善四字上之為能潛消默奪次之亦
當忠厚優容若在我不能勝鷹鷂之擊而在人已成水火之
勢徒傷國體且益人過諒仁人不為也當此言路阻塞士
氣卑靡之日苟得一二剛直君子危言正論誠足以挽頽
綱而振末俗乃不佞鯁鯁焉若導閣下以容悅洪忍之為
者是豈君子之道然不佞實有進乎此者又知閣下決不
為容悅洪忍之為者也閣下器識高邁不佞幸生同時又
承虛懷下交不佞所樂得晨夕相與講磨學問者乃山川
間之前在淮去吳不遠竟未得一見深以為恨古人寓書
存問所以道契闊亦以見箴規勸勉之志閣下能常惠尺
書以當晤言不佞雖嬾作劄亦當頻奉赫蹠也諸不一

與永康令沈琳峰

自台旌榮發之後日盼佳音連捧手函知近履清勝頗聞
山城簡僻猶不至十分荒寂年兄諳練有素當批導快意
竊念為吏之道恩威不可偏廢視民如傷先儒以此教臨
民者日銘座右豈不云善但聖賢大道止仁與義二者有
仁而不濟之以義則姑息濡忍人與己兩受其病雷霆兩
露兼施並行則庶物益得欣暘火烈難犯水狎易斃古人
所言夫豈欺我至於飲冰茹檠吾人常分今日當寧達聰
諸大吏潔清自矢承流其下直不宜纖毫苟得由廉而上
有無限好處反此而下有無限不好處年兄天性謹飭固
無庸此鍼砭但膺民社者不獨一身余影當加意凜持凡

素懷文集卷十八

書

三

室家子弟減獲吏胥皆當嚴行約束倘糾繩不密利歸眾
人謗集一已士人攻苦畢生得邀一命可幸之遭亦可危
之地所望刻刻愛惜其鼎事事防守如城心小則才自大
氣嚴則威可畏四子書中至言精論童時爛熟喉間者至
此都用得著也不佞念丑聞一番索摸寥寥數人休戚與
共不覺言之切矣

與龍游令繆虞良

愚與足下本素交重以通門之好每承折節禮遇當之愧
悚頃過花縣過蒙厚意周渥又沐分廉之惠感謝感謝至
衢晤觀察董公首以足下為言渠大有微詞且云制府新
政精嚴神威莫測足下既有雲霄之援奈何不一通呼吸
此言當是相愛與愚前日奉規之語大指不殊若夫辭令
威儀上臺嫌於過簡過樸愚謂此本天性絕非由傲慢使
然然亦願稍加之意巧令足恭聖賢所恥豈願出此而對
酌於閭閻侃侃之間調劑於不諂不瀆之際固是吾儒本
分事不可以為末節而不加之意也若夫臨民之不即於
貪不入於酷大端已盡似無可議然已則廉矣而或不能

素堂稿卷十八

三

禁人之欲已則慈矣而或正以養人之惡此際尤當以嚴
明勝之嚴不是純用敲撲只是要有節度使人不得不受
制於我令不行禁不止雖堯舜不能以治一民明亦不是
苛察只是要于大處見得遠若几席之內見得分明而此
外便都不管則吾明所不及照者多矣且明者未有不虛
執一己之見而謂千人可廢未有能明者必願足下深體
吾言而氣質一變則于獲上治民一以貫之矣愚與足下
本素交誼應切懇念足下半生辛苦幸而晚遇得司民社
從此展布所學以報朝廷上也其次亦當置身名於兩泰
無貽後憂大抵為令者亦無中立之道其躋而上可以意
計也顯而下不可以意計也願足下加謹於斯也愚自入

浙來凡二三知己今

老靡不留心訪問頗聞足下

慈祥之譽亦微不者握手以後親見足下踽踽涼涼
不異為諸生時故於臨別少效愚忠然恐涉于妄自尊大
不敢盡言耿耿於中者兩日比見觀察其所言乃與鄙見
合且囑相致因不敢終隱為削牘告於左右願足下察其
意而善會之縷縷不一

素堂稿卷十八

三

素嚴文稿卷十九目次

書八

與韓慕廬先生

又

壬申六月與矩齋給諫

與薛澱總憲

又

與許時菴宗伯

與張景峰司寇

與屠艾山京兆

與呂元素侍御

素嚴文稿卷十九

與儼齋司農

又

與韓慕廬先生

先生應召北行旦晚趣裝吾黨人士素奉教育而忽焉愴別者惟恐先生之急行然為斯世斯民計又惟恐先生之不急於行也記去冬侍譙山塘酒酣之頃竊陳愚懇謂先生必非久居林下者願先生節宣頤養自愛其身以副九重之知四海之望時先生方堅志泉石不以為知言也今果如所願矣茲者

聖天子向文學以侍從諸臣不當意特簡二三耆碩校理典文尤眷注於先生知先生必有以感動主上者達之天下而非徒以三寸不律仰副宸衷已也若荒落如侍生才不足以濟時行不足以動衆甘處窮簷之下養親勗子以送義輪他無所望矣惟望先生輩興起太平謳頌於菰蘆中已爾荷蒙先生不棄數月前有所示於果亭夫子之前夫子歸而述之侍生感先生之不目以流俗也故附及之本擬親叩津亭適惠采薪謹以數行布悃爰爰之敬惟亮其簡薄為幸秋寒戒塗伏望珍愛

又

自違老先生道範五年於茲矣從未敢以尺牘冒溷然此中向往無時可釋昨遇於行在蒙老先生執手存問有過獎之語侍生何敢當特以迂疎廢棄如侍生人莫不怪之迺獨見取於大賢於此可益自信堅其確然之操也十九日聞有休沐之旨私幸可乘間一請塵誨造婁關叩謁闕

者云仍復扈從悵然而返昨又聞暫留而侍生適有家事不得來見故特奉書聊盡區區附將酒四壘兩年前自釀清冽可入口米二包精鑿宜於粥但皆不得多老先生可存以自用也外有啓者

聖駕南巡在籍諸公皆有文字之獻侍生不敢有作乃言者則以曾與詞臣之末不可以獨無故聊備一則質之諸公則又笑其迂直且云田此可以得罪侍生聞之深慨於中因即置之不敢獻以遂我初念今試呈於老先生之前幸賜觀覽其文之荒陋不待言然有微意存焉則以吾吳十五年之中三迎鑾仗誠千載一時而若浮糧若水利皆萬世永賴之業乘此舉行則一游一豫遂為千古美譚光

素庵文集卷十九

上

昭聖德莫大於此又不徒為一方桑梓計也諸先生扈從之下當深謀及此何藉於鄙言之淺哉特草野私情自不能已或有助於老先生納牖之誠敢以相發諒不同於在籍諸公之譁而笑之者也覽過仍望擲還侍生之無志於用世老先生知之久矣幸勿以此情告之他人恐不知者以侍生為巧於干進是有罪矣諸不悉

壬申六月與矩齋給諫

不聞問者動以年計雲霄故人既無暇寓書逢華弟又疎嬾性成視弄柔翰如挽百石動弩追歡念故徒惘惘耳近者衙門遷轉無滯同榜兄弟袞袞直上在蟻處者固追攀無路若吾兄簪筆黃門歷有年所英聲偉望騰躍日久而尚少紆內擢私竊怪焉弟窮居寂寞聊緝舊史尚論古人遺事大抵其人卓然有立能取重一時傳于後世者類不屑屑於名位得失之際隨其身所遇扶衰振墜或以言或以功皆思與物有濟而於人才隆替之關氣類消長之數尤所當加意維持苦心調劑而勿使之偏而失中激而兩傷者也蓋天之生人才不偶一代之興必有一代之人才

素庵文集卷十九

三

以治之而使所為人才者虛公亮直各撤其私己之見以共圖國事國事何有不舉而使有才不能善用用之以各營其私各謀其已依附之術工而朋黨之形立水火之勢成而搏擊之禍烈雖有奇才偉略徒以謀傾軋恣報復工彌縫尚安有餘力能為國家興除利害建樹功勛者哉而況斥一才士朝廷不得一才士之用鋤一正人四海不蒙一正人之福天之生人才固不偶也斥之遠鋤之盡國家又孰與商治理開太平哉前代已事覆轍可鑒今日之勢亦復相類往者諸君子並立於朝或以清節或以經濟或以文學極一時之盛當寧寵眷之謂皆明良之佐也未幾相繼罷斥不聞獲罪于公家徒以相傾而去未已也又使

之不安於鄉里必欲殲其子弟毀其田廬而後快開告訐之門行羅織之巧上為之發縱下為之沸騰一介小夫可唾達尊之面遠年細故將同不共之仇裂冠毀冕敗檢踰防百年禮讓之習一朝頓改夫小加大賤妨貴古人謂之逆行而投鼠而不可器賈長沙所以太息此關於風俗人心朝綱國體者甚大非特為一家一人訟也

聖明洞鑒誥諭煌煌海內臣民無不捧誦感泣撫斯土者固亦賢者而闇於治體不能善為調和益揚其波而長其熾民用弗寧比望繼斯席者萬姓懸懸晝不能食夜不能寢將半月早聞宋公來歡聲騰路食者下咽寢者安席矣弟交宋公未深曩嘗侍兄左右聞兄譽之老成謹密能識

書
宋文公集卷十九

四

治體往任江藩雖日淺已見一班矣將弟所云扶衰振墜能於人才隆替之關氣類消長之數加意維持苦心調劑者其在斯人乎古稱俊傑在審時識勢今日為撫公言為地方興利除害廉以率屬勤以率事此常談不足獻今日吳中時勢大敵極壞在人心之險惡風俗之頹薄名分之踰越人材之沮抑大賢為之潛消而默奪一也令行而禁止次也凜遵

聖諭重繹其文申明其義為吾君隆恩禮以逮下也為諸臣消嫌怨以和衷也為朝廷崇德化為生民正人心以適治道于寬大和平之域也所奉者王言所尊者國體持之至正守之至公無黨無偏不隨不激此今日之急務而賢

公卿救時之善政也往者湯先生撫吳吳民至今謳慕不忘然昔處其易今處其難後來之謳慕當更甚也弟至愚且直兄素知之桑梓之情門牆之誼皆不敢諱然非特為此也目擊時敝感憤於中欲言而不敢遇可以言不得不盡弟知兄深當不以弟言為迂兄知宋公深亦當不以兄言為迂弟情關桑梓宋公責在地方皆非出位之思而兄為朝廷耳目之官凡四方利病皆所當知故扶衰振墜望宋公以事望兄以言不得不懇懇他事不悉

書
宋文公集卷十九

五

與薛澱總憲

弟里居二十年非敢偷安偃息實以少丁孤苦承母氏之教粗得樹立冀盡菽水之養以畢桑榆之歡故半生出入必依形影相弔何圖天降慘酷一朝失恃痛深創鉅殆無生理惟是久安嬖伏不能謀尺寸之進以為親榮出處兩負抱恨終天視吾兄以顯揚為大節忠孝並植真應媿死矣道遠不及計顧承手書存慰至意拳切兼賜厚奠存殁銜感末由踵謝謹北向稽顙以謝仁德二載以來闊焉聞問疎嬾之罪擢髮奚數頗聞兄亦以為訝可知愛我者轉而望我然心香一瓣晨夕向往跡雖疎神則親也伏惟吾兄以命世奇英濟歷華省弟兄許國並列上台此鄉邦佳

書懷文稿卷十九

六

話也然而骨節珊珊鄴侯再世塵中絃冕知不足芥蒂胸中久矣弟當伏處菰蘆食鱸甚美輒念仲兄於五更朝候時亦當聽秋風而有思也嘗欲撰短章奉寄效古人招隱之意而鹿鹿未果今且居憂不宜以吟詠為事故略寓鄙情於楮末富貴無極知幾足尚惟兄高懷遠照定能默喻斯旨或不以弟言為迂且誕也生平知愛敢獻肝膈睢州兄惟此奇累良可為悼然仕路升沈殊不足怪勿勿了此便當角巾東路有田可畊有書可讀何必軟塵十丈之為樂勿作計復燃斯得耳弟關念甚切此時不便作書幸轉語之諸不悉

又

自丙戌之春奉書報謝迄今又歲筭兩更矣前此未離聖室不敢以不祥姓名上塵典記乃即吉以後又鹿鹿未裁尺一以候起居疎節之罪其何可辭然寸心依戀未敢或忘曩時握手之歡往往寤寐求之昔人以相思不見往尋夢中迷路而回以為惆悵弟今幸矣相逢款語宛若平生少陵詩云故人入我夢明我常相憶又云三夜頻夢君情親見君意殆皆為我傳神也吾長兄亦吝示瑤華音塵久隔然垂注高情時寓之他友書中殷勤慰問獎語頻加令人翹首雲天心旌飛曳范范宇宙寧復有斯人哉邇者正位中台儼然獨坐君恩優渥見于此矣每與南吟夫子衡論長兄仁心粹品是宜膺此殊寵然弟又以為酬天報主

書懷文稿卷十九

七

正在今日夙昔讀書談道久係民物於懷致此高位紀綱在握正發皇道德之時唯刻刻以國計民瘼為念雖時會艱難而苟力所能辦心所得盡必竭誠以致之即涓埃得濟尺寸有益其功與旋乾轉坤者等也德門之盛於今無兩是皆先澤所貽而滋養深厚以縣福履於無疆者惟諸昆是望苟於國有賴於民有裨則在位之日即種德之日於以報國恩即以培家運古大臣所以高而不危尊而益光者此道得也所言甚迂而自以為效忠於知己者在此苟非至愛若長兄亦不敢相向出此語耳令弟先生均此致候扈從時相見款款無限高情流露不言之表使人心感韓城視學三載惓惓有故人之意見時幸道鄙懷

與許時菴宗伯

自違台範十五年於茲矣不獨良晤難期亦且音書久曠
人生幾何堪此睽隔邪回憶瀛洲勝侶聚頭磕膝歷歷如
昨日事而今顯晦升沈參差不可以道里計良足悲已迺
若年兄高枝勁節挺挺如寒松古栢植立於煙雲風露中
雖小有摧折亦能不改其素是真入傑亦足為吾鄙生色
矣頗聞有請休之志軒裳珪組誠未易却歐陽公所以寄
情於五物而有六一之稱乃其思穎詩拳拳於及時強健
為樂而以蹉跎為憾然究得踐言於衰老則其志亦未為
不勇也出處之際人所難言局外之人又未可妄言年兄
自決之而已小兒倖列賢書是年兄十五年前栽培之所
致故入都先令叩謁以謝疇昔之恩其文之工拙不必論
論其立身制行不可以苟焉從事惟年兄以父執而兼師
資不可不有以教之知年兄古道自處諒能慰弟舐犢之
心也不一

素庵文集卷十九 書

八

與張景峰司寇

一十五年之闊緒連宵傾吐此人生樂事也年長兄嚶鳴
誼重古道照人慨舊雨之多零相對倍加愛惜既出高吟
復申厚貺又念天寒衣薄命弟早歸執手臨分更期後會
深情如許不啻桃花潭水令人益復黯然不能返視矣戴
德而回深悔不及金閭折柳候送津亭特遣一介泥首鵲
前附將徐侯齋白雲紅樹圖一軸玉環一品少伸微戀俟
齋為吳中高士湯潛菴先生欲一見而不得者畫亦以人
重想藏笥中已有之若弟所奉固是真蹟可存也玉色溫
潤亦為名製弟所常佩今以奉貽年長兄試置之寬衣博
帶間不殊弟之常隨裾屐矣物則甚微幸領其意拙刻二
帙附覽非敢言詩聯以識歲月客途無事可以供噴飯昨
詩亦不可示人期不忘所言故另書之寒風北首惟萬分
珍重為祝

素庵文集卷十九 書

九

與屠艾山京兆

小兒歸里接讀老先生手翰詞旨勤拳溢於楮墨不啻親承霏屑如秣陵展觀時也別來星燧一周蒼葭白露時履伊人之慕伏審動定罄宜繁祉日介欣慰欣慰小兒被成之德食息難忘在都更沐知愛獎勉交至恩勤等於毛裏每向弟陳說感極涕零祇以數奇有虛屬望然弟以為大恩難報正不在一時遇合惟讀書砥行冀他年樹立非常庶幾仰酬萬一仍令鍵關習靜離勤經史以古賢自勵伏祈不倦之誨始終榮勵以玉於成則銜佩高厚不獨在小兒也尊稿以韓潮蘇海之筆發周情孔思之秘真是宇宙大文弟披誦之餘不覺頻首至地竊怪如斯宏構久宜

素懷文稿卷十九

十

衣被海內何以韜藏至今茲者寶光一發足使藝苑生新轉移風氣嘉惠後學不淺矣弟有家鄉脈飢之舉當事見委監督自冬涉春日無暇晷急欲欣賞奇文乃焚膏繼之每夕詠歎淫泆至於忘倦雖以蠱測海難窮涯涘然而老先生寒窗細火時含豪傑澹神情弟已得其八九矣僭加評論復申蕪詞於簡首少盡揄揚之意總無當於高明也剗剗久竣乏郵未得即寄今命小兒送惠年兄處轉呈附便草勒順候興居不盡頌仰

與呂元素侍郎

恭惟老先生學孔顏之學志伊周之志繩忠節之遺武紹謬謬之家風誥生心儀而景仰之久矣茲者

聖天子弘壽考作人之化特履應於江南振刷積弊簡在廷之清望素著者主其事而先生當之于以本不欺之素行至明之鑒四知自凜一顧羣空放榜之日歡聲載塗士無遇不遇皆知斯文之足貴而制科之有光用以仰贊威朝棧樸菁莪之雅化猗與休哉誥生所由身被其澤不覺鼓舞詠歎不能自己也小子何幸得與網羅之目又連茹而進兄弟並歸藥籠知遇之感有什倍恒情者聞報後即擬率之叩謝省門且以展生平願見之誠因爾時恭逢萬

素懷文稿卷十九

十一

壽邑中有祝聖之舉分在趨踰過此即聞大駕亟於復命啓行在二十六日見儀封先生亦云然以是逡巡不赴後知返旆在四月初深悔趨承之不早有失良晤為之慨然憶在戊子秋闈長兒景獻受知於孝感屠先生誥生謁晤金陵一見傾心遂成莫逆吾輩契合固有天定此番際會與前無異而獨與先生慳握手之歡未見調飢風詩所歎或者又謂神交心契有在形跡之外雖不見猶見也誥生自顧卑鄙早歲微以文字偶塵科目濫竽詞館念少孤承母氏撫育感白雲之慕遽請急歸里二十年侍養奉以終世不覺老至遂難復出家居岑寂專意課子所稟雖中才然不欲自棄誘迪頗勤而於進取一途絕不敢蹈黃緣奔

競之習貽羞士林此礪礪素志也自壬午始編官卷捷足者爭得之而寒門子弟勢同禁錮以為無復有進身之階矣不意屠公主試長兒得麗賢書今復有先生秉鑑二子俱入解額雖忝竊過分夙夜悚惶而因此益堅自信盡人合天同於操券世俗夤緣奔競之習無所用之由是礪礪之素見白於鄉里而先生冰檠之操亦因寒門而愈顯相得益章有厚幸焉以公車之便專啓虔候二子仰跂龍門不禁踰趨到都候立惟望即賜燕閒俾得早被春風尤深感仰不腆將意殊愧寒陋仰體清高知不以見罪伏惟鑒茲臨楮曷勝瞻依之至

與儼齋司農

春仲安車北上時承老先生長兄枉過敝廬執手言別殷勤款曲肫然花萼之愛宗晚中心感激不覺忘其固陋肆其迂愚而老先生不加詆呵過蒙采聽且辱歎嘉以為有合別後韋思不知何以得此於高明也五月中接讀台翰深感盛情其不即報謝者以宗晚自夏徂秋抱懷作惡疾疾見侵藥裏纏綿百為俱廢以致雲霄之間不相酬答闕情傷義方之嵇生殆有甚焉老先生當目之為非人矣然此跡也非心也區區之心固無日不在左右常願老先生德與位齊福與年永為盛朝柱石為蒼生霖雨為家門積餘慶為吾道繼絕統晨夕禱祝惟此而已老先生試略跡

而言心於斯人或有取焉折衷凡例醇正簡核固宜深當上心晚里居暇日伏讀御纂朱子全書深慶聖人在上正學昌明紫陽一脈際此正如日月中天故今諸大儒修明經典無不仰遵審裁垂教萬世為斯文之大幸也家集本發明漢注然未敢違背朱子與郝仲興一輩議論差別惟宗工精鑒擇其當者錄之在家集亦自成一書說可並行他日或竭絲力自謀付梓尚當虔請大序乞為表章也單開應用之書家藏無有曾訪之肆中亦未即得晤觀卿兄云已有數種送上後聞鄴架已備遂不復辦分纂之役迺及小子誠銜佩高厚但其學力踈淺恐有負作養亦且器識未優侍於君子非但三愆已也晚之失於庭訓獲戾多

矣以此深自惶懼惟老先生鑒而宥之或事竣後速遣之歸不令久蹶躋都城尤拜德耳長兄亦久客在外歲莫始歸病體茫然深知初意振拔之惜早出都而老先生長兄推分提獎之德甚至苟有心胸其誰不念銜戢非筆可罄也憑穎依切

又

客冬繕啓奉候知於新正得微清覽宗晚疎節之罪誠自知莫追而老長兄先生能曲宥於形骸之外盛德益可感也春仲至茸城微聞尊候偶有愆和極切懸係嗣得京中信知興居即已萬安下情深慰老長兄先生龍馬精神加以鼎裊善攝晨夕窮探理奧道味益深名山之業行垂金

素懷文稿卷十九

十四

石以示來許功在斯文真不朽矣但羽翼經傳與宏濟蒼生負荷略同而緩急有辨自東山特起以來海內延頸拭目以覩遠猷沙堤待築豈但為藝閣增光願益自頤養以迓天庥翹首燕雲顙仰何極兒子希正重荷提携濫竽鉛槧非必妄意進身特以見賞大賢實為榮幸乃數奇不祿有負栽培生前身後並沐開情解推之誼未酬賻卹之恩莫報即在九泉寧忘銜結宗晚衰憊餘年際斯慘毒太上忘情誠難矯矯語然自反薄劣宜知省克抑情任運不敢効西河之慟特以此子學殖淺陋氣體尪羸本非用世之具又子女叢累家政廢弛只合里居整頓未宜久滯都門即前承推愛提拂原知屬意長兒斯時景獻薄游上谷赴京

甚便實以我山稍有委曲宗晚知之多所未安故前奉書略寓鄙意乃亦不料其偶叨非分福過災生至於斯極其一身猶不足惜而虛負長者一片玉成至意存沒皆有難安宗晚硯硯之性從不輕受人恩而若老長兄先生眷顧之私俯仰生平夫寧有幾撫躬自問未知所報惟日忤忤方寸耳會遣倅迎觀附書鳴謝并令泥首面陳區區之意有非筆墨可罄也刪翼原本今在何所望始終留意採錄書成當在何時

素懷文稿卷十九

十五

素齋文稿卷二十目次

書九

與徐勉齋

與李敬六

與鄭景初

與西亭

荅南昀座主 戊戌冬月

又

又

又 己亥正月

又 己亥四月

素齋文稿卷二十一

與徐勉齋

朱明改候爽籟迎秋伏審太老親臺先生秉簡乘驄昌言
靖獻丰裁嶽峙指顧驚遷遙企光儀可勝欣仰弟以世契
辱在末交幸竊附於絲蘿得因依於松栢榮施靡竟托庇
翼窮特以禮幣未將并使寒暄失候疎節之罪抱歉何辭
小兒浪跡都門幸叨厦蔭方冀提命有加庶或愆尤可釋
乃攻玉徒慙投瓊莫報強年遽染沈疴一旦化為異物不
意希榮倖進之私遂致滅頂捐軀之慘孽由已作夫復何
言惟是太老先生暨令嗣親家誼重金蘭情踰骨肉既舍
襲之相視又購奠之頻施義薄雲天當不令范式應詹獨
高千古弟雖老憊猶能檢克以理自持不敢效西河之慟
然念賢橋梓深情如許得不感動心脾激而成痛蓋不自
知涕泗之沾襟矣藐孤在疚未任奔馳專遣蒼頭從役一
切仰祈始終經紀倘得早返靈輶首丘遂望則舉家感戴
不獨旅魂之銜戢九原已也爰爰侑楮深愧褻輜伏惟原
宥憑楮悚仄

素齋文稿卷二十一

高

與李敬六

老年世丈以英妙之年奏循良之績發軔南亭遷喬北闕卓行為三輔最家傳治譜先後齊輝健羨之私匪朝伊夕矣若兒輩非材淺植豈堪追步雲衢乃浪游都下濡首忘歸蒙年世丈處以賓席授之館粲前家音具陳厚誼方幸得所乃二豎見侵一朝怛化醫藥含殮之資皆煩重費尤荷尊聞夫人篤推親誼軫恤有加特命令嗣虔執心喪匍匐幕次使死者有知何以仰酬高厚也愚酷遭斯戚自知涼薄應受譴責因痛自裁省以理制哀乃嗣聞賢伉儷盛德深情施恩格外愈懷局脊倍致感傷友朋相與惟是死生之際情為至真子曰無所歸於我殯此義今人誰識邪是用感刻於遣使北行之日手書數行以謝明德兼附片芹貽令嗣以誌老人微意鄉賢祠捐資已從道家叔領得祠工告竣卜七月初安奉神位年世丈樂輸之義邑人士又交頌之矣

李敬六稿卷三 書

十

與鄭彙初

再承手翰深荷拳拳吾弟三千里外尚念僕不置感謝感謝培林世兄進書尚未得好音甚為懸係小兒輩春闈下第自當速返故園懲從前耽擱之習更圖借一且家局破壞已甚亟需修理乃皆棄置不顧長者舍己芸人次則妄求分外皆非僕所願聞也平時朝夕提撕只為此理不明到今行止乖違愆尤畢露舍人倫日用本分切己之事而徒營心於富貴利達此中多所未安縱使得之人見以為幸吾見以為不幸也僕為此懷抱甚不樂雖強自排遣體不至病然已置二子於度外不與通問稍間當予裁山一劄日來多冗未暇及也吾弟為良友馳驅亦慎勿忘自己

李敬六稿卷三 書

三

本分畢竟做人以脩身齊家為主行遠自邇至言不易若身外遭逢皆從實行得來天實主之因材而篤此理斷斷如也僕近見得禍福休咎皆人自取真同影響若真能盡倫盡物其人決有遇合水到渠成不須著力否則徒勞無益縱或詭遇要亦聽造物小兒愚弄顛倒倚伏到底不是真實受用耳培林世兄不及作割晤時從容以愚見致之家有田園書卷之樂春秋方富培養大器正在此時若吾師盛德其後必昌正須俟其自至不煩費力倘機會未來可徐圖也僕雖老憊日事簡編唯覺書中多味眼前家國事亦不輕放過與理日親與天日近差可對知己耳吾弟得便幸常惠問小兒來見當以此劄傳示之

與西亭

老年兄弟周歲每一相見欲挽留信宿又不得常懷悵悵然一宵清話披豁無限心事欣幸無比尊劄二月二十發至今三月十一日始接得展讀好詩如獲異珍西亭卷子中又增一段佳話矣弟晚景最惡雖強自抑情正有不可告人之隱嘗念西河喪明亦是盡天性之愛子與則痛加砭責只為卜氏之子未有令聞遂使其父受溺情之過若宣聖慟哭乃在子淵正是哀而中節豈師弟情分果當踰於父子邪弟連遭酷禍而使之不得遂其哀此中正有失職負罪處言之痛心非向吾兄不敢言然亦不能明言之冀知我者諒我耳近益加刻勵服儒先之教嘗謂樂天況

素業文集卷二十

四

味須從逆境中探討余先師相廬有云但知有理之順不知有事之逆素所服膺今愈知其妙境處其逆其中亦有理在理即天也有一毫不樂便是怨尤種子未化只索順他低著頭做去順理即是樂天以此洗發先師之訓即以自勵晚脩未知當否請質之有道吾兄崇奉正學老而愈堅弟所敬仰先儒理要正須從實踐印合不但作語言文字觀也何日合并更論悉之為快草復不一

荅南昀座主

戊戌冬月

接手示得誦見懷之什深悉吾師近況岑寂而眷念門生之意至肫且厚捧讀之下感銘心腑門生故非嬾慢自居者何敢久曠省候得罪師門實以肩臂之疾積久未瘳而最不適者夜中必欲起坐一入夢境百痛俱作當此冬夜一交子分便當擁爐秉燭以祛睡魔往往達旦雖神思略清而氣體殊倦因此亦遂難以出門欲却病而病俱集似去病而仍若病來此際正無從質証今惟有委心任運靜以俟之或者春回氣轉不無別境爾時相見尚有一番商確耳茂書之疾甚屬可愛門生關念之至故於前奉劄中每多過慮欲望吾師切諭令其自知珍愛以圖補救少年

素業文集卷二十

五

人致病別無他故只在食色二事中直須跳出火坑斬絕病根保守一年二年以待復元之後方可再理人事若依回仍襲假托靜養之名縱略加樽節皆由強制病根必不能去病根未去偶觸便發即不至有大害亦遂成廢物難任勤勞殊無生人之樂也然此正須病者自知底裏求生念切方有話說若其不悟旁觀雖百口曉諭究何益哉兒子歧武自抱病南歸之後肫切以此言戒諭總不知警省目下舊病復發難以時症正在危急之際愛莫能助門生涼德薄福之人家運衰落固知晚景未安時時惋歎因之氣體亦漸疲憊若吾師德福俱厚保佑自天決無意外之虞但事前之慮不可不周為父兄者惟有盡言於前庶可

無悔於後要之亦是我盡吾心到得吾力無用處只索聽之於天又安可使老人徒傷懷抱是不得不別生排遣矣同病相憐出此苦語惟吾師垂鑒之尊詠未及奉和先復不一

又

十三日晚刻接吾師手示知茂書竟已不祿為之痛絕英才妙質真佳子弟也向以吾師盛德故能毓此令器不圖乃有今日天意安可問邪昔人所云埋玉樹於地中情何能已以門生之悅悼知吾師之痛傷真莫可釋也然今有不得不釋者脩短有數彭殤一致吾師向讀蒙莊之書於此當知得力矣相依為命自是鍾情之語今正未可存此

素蒙文稿卷三

六

見吾師尊重倚賴正復多人以道自愛節制情應不待鄙言之畢而可以破涕矣門生病體支離固不任匍匐而景獻又因其弟病篤日與醫者奔命不遑亦未能即遣之來弔先命小价虔奉香楮兼候吾師近履跂武初患半身脇痛嗣諸症雜發今成脹滿之疾一月以來醫者數易而門生總不能為主病勢反覆將成莫救平時既不知自愛臨病又純以諱忌為事孽由己作更何歸咎前者食色之言原非為茂書而發賢愚固未可並論也情緒作惡非可筆盡憑楮法然

又

跂武於十八日化為異物頃遣使送廣平弔帖不欲以煩

累清心故未敢作割奉告乃又蒙使命諄切益滋悲感矣門生三年之內連喪二子降割如此獲罪可知何敢徒以達觀自遣循省悚惶未知所以幸吾師切詔之真詮之示實獲吾心門生素有脫塵之想即當華盛之來兢兢自持無如盈滿之懼兒輩總未見到以致受天之譴夫復何辭日來未免為時數所役體甚衰憊意欲自強正恐志不勝氣此刻在牀褥中力疾作答百未盡一

又
己亥正月

五兄至詢知吾師近履萬安慰甚如此冰雪遠勞世兄叩問又蒙吾師束帛之賜兼被輓章情詞悱惻皆非小子所克承受雖在重泉亦當局脊難安感謝曷可言喻前景獻

素蒙文稿卷三

七

捧示吾師撰述深佩曠達追步前賢又字字發揮實詣不失儒先規範展讀之下不勝歎仰伏念吾師春秋豐豫德輝正未可量似不宜遽及此門生職在表章承命書後何敢辭然終未敢率爾下筆徐圖報塞可也已手錄一通存笥原稿先繳上悼孫之作亦復纒纒情至者文亦至門生則神枯才盡雖哀怨填胸竟不能成一字可知同此慘際而情懷各別也於茂書豈可無句然且少俟亦不能遽有作因賤體衰憊之甚於歲交惴惴慮不能存復七之約實欲填補損漏如來諭服藥調養云云過今日便當匿影荒郊不理一事不發一語或三七或五七以待神氣復元再作別計若吾師動靜合一之旨固是最上一乘門生非不

知之特為氣體作養卑之無甚高論限以時地皆不得已也謹先書復不悉

又已亥四月

門生自去歲患病又遭季子之變形神俱憊疎候門牆者十四月矣適當吾師失意之時不能慰問少盡弟子之誼寢興自訟真不可以為人也歲交之際氣體正倦思屏跡郊園以圖挽救而家累叢集究亦未果右臂至今負痛夜亦不能安寢日夕帶病以七十老人尚營人間未了之事辭之不得理之不甘豈非天壤間一大罪人乎得吾師三月望日書始知春仲久安有失訊候清和放擢誠為易事無如氣體衰憊舉步實難目前又為小孫行聘勞費兼集

素庵文稿卷三

書

八

更難出戶先令小价面訊起居過望當力疾專候也五茹膏糕如命送到柿霜糟蔬并附致吾師齋素不敢以他物為敬然老年十分澹薄亦非所宜吾師萬念俱空希心最上只願於性情間著力保合太和與天相契在生一年盡一年之事門內門外倚賴正切只如吳冢宰裴事苟非吾師主持誰實為之可見宇宙間缺陷全賴吾輩完補此身安可不自愛以門生所遇較之吾師更甚不堪然且自排遣聊以奉告從前眷戀一筆勾除少年薄福人棄吾而去只當前生冤孽思之無益惟有自己性命全生全歸不可不力行實踐要之必須克治氣質消融躁妄體認得吾心與世緣毫無關涉處纔是真歸宿則一切牽染係戀之私

皆可不存矣困衡中所見如此吾師遇門生至情原在塵俗之外相成道義亦非他人所知區區效殷勤於形骸跡間豈所期也筆墨久廢字都潦草希并宥之

素庵文稿卷三

書

九

素蒙文稿卷二十一目次

書十

與徐章仲

又

與陸舒成

與胡表被

與徐誠修

與周元友

與顧中立

與顧幼鐵

與朱慎幾

素蒙文稿卷二十一

與余丹舒

與孫子魯

與邵峙東

與大邑令西山姪

與凌雲姪孫

又書

與陳亦韓

與顧被表

與西亭

與徐章仲

門兄榮擢後弟尚未脩賀啓固以疎嬾開罪亦由目擊鄉里情事日異月新高門為一邑之望防維既決橫流難制使人憤懣不可耐即欲援筆作京華音問亦復百感橫生臨書中止入夏謫張衆情又匆匆近得少息賴新撫持正諸案次第銷結自今以往綢繆審固可幸無虞弟無能仰報惟此心不敢少昧里中事苟可効綿力無不盡心得當或過於迂直者有之然弟則謂愛人以德慮事以豫彼以唯諾為恭焦頭爛額為能事者皆鄙見所不取也門兄今日所處最難為之前者不免於鹵莽留瑕啓累以有今日乃欲以隻手障天雖至愚亦知不易聞意在請急固知計

素蒙文稿卷二十一

無復之然在門兄以一身當全家之捍義不得求安勢不得趨便姑且竭誠畢智以往久久人事盡天心見孤危憂患之中磨鍊性情學問倍自得力受益正不小也弟南北間隔不能為良友分憂任勞所自盡區區者如此

又

春仲慎翁北來具一牋奉候略憶東懷夏秋以後懷緒作惡筆劉多廢親厚若門兄亦久疎問訊顧承眷注之殷屢賜手書慰問感佩五中兒子希正以棄家浪跡遂致殞身誠無足惜但弟以義方失教實切愧憤每痛自刻責不敢效過情之慟多承長者厚賻藉得喪歸深感賢橋梓世誼之篤末由踵叩惟有銘心門兄地望日高賢勞懋著正恐

心力過用所望加意節宣於冗忙中自求閒定一意靜虛正是養精磨銳作用非大有本領人未易喻斯旨也老年兄弟相隔三千里外區區忠悃無由上達惟此根本之計只在方寸間至易至簡可一語道破耳弟一生蕩落不覺衰老臨頭明年便是七十歲人大可悲吃惟齋中有一對聯先人所書以閒為自在將壽補蹉跎弟以此十字晝夜勤持日中遇事孳孳汲汲體認天理藉以補救蹉跎夜分獨坐消除塵妄涵養靈明為自在之計竊自以為動靜交得門兄所處與弟固不同然愚則謂此心無二此理亦無二誠得此意於動靜之間奏效則一野人食芹而美輒以奉君弟猶此情也

與陸舒成

南北迢遙京華如在天上親厚若門兄往往終年不通一問固由嵇生性嬾亦以年來緒懷作惡筆墨都廢去歲次兒不幸承門兄賻贈特厚不遑奉謝嗣聞年嫂仙遊亦未及削牘慰問種種疎節無復人理亦時捫心抱疚而老憊昏忘之態可想見矣門兄古道照人不加督過顧復賜以瑤華且念馬齒加增遠須嘉貺令人益切愧報弟自顧朽拙纖毫無補人世親朋賜祝一舉謝却入夏屏跡郊園不任酬接何敢叨賜乃手書珍重厚意難却已從令嗣北向九頓謹專函奉謝門兄精勤練達聲望日隆不獨國事賢勞在公匪懈且於親朋酬應間調劑周詳無不盡心盡力

故鄉人來自都下皆極口推重弟深為折服但弟素仰門兄為人念切不惜勤劬又事必躬親慮周纖悉正恐年力漸加未勝勞瘁或宜少節之任重者不理煩劇肩鉅者不事細謹先能自愛然後可以愛人此理亦不誣也間與令嗣問訊起居曾效區區之意便械及之以希垂鑒勿笑其迂撫軍念舊施恩於南州後人盛德可感弟謁時致謝語及先師文集曾一憑思今聞其欲任表章來索遺稿始知全本向在鄴架誠脩世兄已奉啓未知今當若何如留以待門兄付梓固為盛舉但此公雅意似不可負專候裁示年前曾經彙吉兄編次一目今更與一酌候編校詳善寄定本南來此間只任剞劂為便耳

與胡表被

吾兄茂績宏猷炳耀海內往者百里之舉籍籍人口三年報最遠得喬遷未及削牘奉賀顧承手翰先施備荷眷念惟弟罪孽如山晚遭坎坷意緒不堪之甚半生以教子為事心力幾殫不意天生敗質種此惡緣前歲啓事中略道衷曲早知後患何待今日在弟祇有自反無敢怨尤益加省惕為善最樂此念已旦夙夜不因災禍之來便生退悔惟是力所能辦分所當為孽孽強勉以盡餘年如兄所遇亦美中不足驟聞之深加惋悼嗣知孫枝秀發尚存天理一綫正當信心承受凡諸福應皆由方寸栽培天人交感之幾絲毫不爽願與知己同此黽勉而已聞榮補尚有待

素蒙文稿卷二十一

四

目前行止如何傳言欲入籍清豐又云將卜居郡城弟深病吾邑顯者宦成後便欲輕去其鄉古人恭敬桑梓其義云何吾兄舊宅自為諸生時拮据復還同里無不嘉歎今雖廳厚此屋儘可棲遲若嫌稍窄不妨再圖恢廣或另置菴裘以展丘壑之願亦無不可何有棄祖宗墳墓而適彼樂郊者乎邑中風氣少異所望後賢振興甚切如兄學識洵足趨步前人表率鄉里此時世態宦情似不宜濃家門事儘有可做為善於鄉當加之意也鄉賢四十餘尊一時崇祀令祖先生已俎豆千年矣此方伯楊公一人之力也皇天無眼斯人乃不永年可歎耳來書云南歸不遠展晤有時翹企翹企

與徐誠脩

憶自庚子七月奉送行旌北上依依折柳情致黯然嗣聞即從京邸單車就道直指青孤雖長途係懷特切然未嘗不壯其行也兩接手翰備聞新政發矍如干將之出匣不以荒遠之區挫其英銳班班嘉績可垂紀乘比復喬遷地望逾尊設施益茂建樹正未可量往嘗以世兄英特之姿本是瀛洲妙選俯而就百里之寄似非所宜乃今始知抱負弘遠雅不欲以詞章名世民物之念迫於中盤錯之用周於外以是不避遠義不辭難深自錘鍊以儲他年槐棘之望先夫子未竟之緒於此紹述優如矣健羨之餘不覺襄情之俱釋也世嫂遠行微嫌勿遽鄙意宜少需只為

素蒙文稿卷二十一

五

長途致慮耳今已成行諒天相吉人雖萬里之遙安同衽席從此團圓骨肉專意宦途未為無算耳曩示先夫子遺集雖曾披讀一過編校未遑實以年來意緒不佳久荒筆墨有負台委今茲見索謹將原藁奉還經解自足不朽宜冠全集各體著述皆有關於理教亟宜行遠傳後世兄公餘讎勘可無藉他手也含經集客秋竣事以一帙奉覽撫軍不欲遽行板輿存弟處弗敢印施李配京東憲滇中吾鄉宦者多為其屬吏前孝緒行時附十行為世兄說項今復申一劄此君才長有氣誼與弟分深故效齒頰非泛然推轂也啓佑令姪相與甚契近亦從捐例多費深望援濟其才品優異洵是白眉一日千里可追步高躅耳

與周元友

客春奉別忽忽兩易寒暑便鴻南下詢知道履休暢官況
亨嘉夏中令嗣歸里得捧瑤函展讀之下如接面譚前件
業蒙清賜又承佳貺累令嗣傳命諄切拜嘉有愧吾丈
器識深沈才猷練達騰驥足固非百里可羈特以四郊
多壘此方僻靜一枝聊可為安即長安珠桂亦未易居暫
為仙吏勾漏丹砂河陽花樹儘足娛也若儒者民物之志
隨地可以設施居官一日積一日之善造福蒼黎即是貽
庥後禩別時諄囑之語諒吾丈弗忘於心也至於寶養精
神以儲大用高明自能珍愛無俟羽言之申復耳

與顧中立

足下之自北而南歸也為有二事一為先人營葬一為令
女完姻二者事有大小不同揆之理勢急則一也今聞姻
事已得行而葬事竟未言及云且暫已以俟他年足下將
復北行應主人之召矣愚竊為足下計深有未安古者葬
有定期天子七月諸侯五月大夫三月士踰月未葬不變
服食粥居倚廬寢苦枕由蓋憫親之未有所歸而不得安
也後世則異是停親之柩至二十年三十年之久暴露於
風雨不蔽之處曾不一過而心惻焉已則食稻衣錦或仕
宦或客游於數千里之外年復一年不知警省有終其身
不葬者多矣愚竊念人子於父母之情不應有古今之異

古如此其急而公曰此其緩不可解也父母之於子少則
養之教之長則成立之其思在今與古亦未有異也而子
於父母生則養死則殯既殯而葬亦當與古不異而今獨
異誠不可解也愚初不知足下遭先人之變在何年停柩
於家幾何年但憶足下於三年前未出門之日曾向愚言
葬親當祔於祖塋甄灰等色已皆辦若即欲舉行者但云
年方不利故有待也夫年方不利之說非士君子所宜信
古者葬不擇地亦不擇年月春秋書雨不克葬日中而克
葬何有於年月之不利向使足下不信其說葬後出門則
先魄久已安妥何至今日乃今年方既利矣足下別主人
南歸主人堅留不獲亦以葬親為辭故不留也今歸而復

已又何以歸再見主人更何說之辭其必曰財之不足故夫財誠未易足況際此荒歲尤難那應然愚聞古之人有千里負喪者矣有自賣營葬者矣皆非待富而後舉者也足下之頻年遠出依劉不舍所積館穀當為父母骸骨計不此之計而於何計乎即為女完姻豈得無費乃竭力於彼而蒿目於此人將謂足下薄其所厚矣且天下事惟力為之則天人交助亦未必拮据之萬難也前相招席上愚已侃侃言之豈不能為隱諷語特以大義所在不得不直爾時亦與沛國並言之今沛國已葬矣足下與慎翁同歸而今又同去竊以為兩人心事不安未可同也足下年已踰艾鬢鬢半白早見衰矣又聞有他患今再出主人官

事方始倚足下如左右手豈得即歸即歸而復有間隔如目前則終無葬期矣足下單丁又尚未有嗣無可他諉萬萬不可失此時余妹夫良成足下從父也柩停多年其嗣亦不克舉愚每見舍妹必力請早為之計亦云望足下歸商之今足下已事尚爾何能及他愚之失望多矣誼在相長敢效區區惟鑒之

余里居四十年自愧疎慵碌碌無補於桑梓惟見友朋間有停親喪不舉者必竭口舌以規切之或因吾言而從事然聽之藐藐終其身不克舉者亦有之矣顧子中立少從余遊氣誼最篤以家貧不能舉父喪余深以為念值其館歸嚴促之因作是書辭嫌於過直乃顧子深

自感悔未踰年遂竭力以謀窀穸焉其事已竣此書可以不存然余欲明此義於友朋間正不妨自暴其直以顯顧子從善之勇而且愧夫不能從吾言者其或覽是書而幡然從事則未必無補故存之并識數語於後

答顧幼鐵

表兄出門之故弟所未悉止唯存日略言及而未詳所以唯是大駕一出不返遽絕情于桑梓深為疑訝弟自居喪後酬應謝絕筆墨焚棄故不得脩尺一候起居于邗上但從道積兄得詢動止以慰離思耳記壬申歲表兄遠游弟為之經其資斧贈以詩章且苦口丁寧期于節縮收斂為買山終老之計言猶在耳忽忽十五六年而元龍之豪氣未除亟出亟歸至於今日弟迴思曩言未為無補不知表兄中夜自忖尚能記憶否也家鄉風氣澆薄人情險惡固是可怪然此輩元不足責吾儕豈可與之審量是非計較恩怨上之當學王彥方陳仲弓輩廉頑立懦為鄉里矜式

素庵文集卷二十一 書

十

其次亦宜養高獨善不失素履我誠有以自立彼蠅營苟苟何足累我閉門即是深山舉目無非太古一室之中自有位天地育萬物氣象袒裼裸裎焉能浼我哉至於時政之得失民風之美惡此持世者之責耳吾儕隱于岩穴只當脩庶人之節毋為出位之思一日苟安則一日蒙福生太平之世老死不見兵革此斯人之大幸也况年望古稀精力漸邁縱有偉抱殆將過時韜精鑢華歸於正命今日之事也彼逝者如斯亦復擾擾生前各有覲幸一朝萎折都不自主達人觀之可以悟矣弟中年負氣病于鑒別太過閱歷知交未免勢利之見為稍動心今皆付之煙雲唯切自反檢點從前過舉補救桑榆正恐得不償失何暇

責望他人增長罪戾乎礪礪之節聊欲苟全性命亦即以之訓誡子弟期為鄉里善人亦恐不得如我意以抱戚耳犬馬之齒固不足數又未離室敢受親朋之祝承表兄遠道寄械誼不可却然未便異同謹已璧歸令旦邑中壽事頗陋弟未敢從俗愛我者當諒之形跡之外也小圃荒僻本不堪憩足年前略栽松菊為扶輦之地自遭大故每過泫然不能久留今就蕪矣表兄歸計固當早定不入城市此何見也据愚意謂宜亟謀安宅以課孫為至計浮家野處皆非善圖辱在相知敢効忠告恃古道或不罪其直乎附復不一

素庵文集卷二十一 書

十一

與朱慎幾先生

奉別年餘屢辱手書存問情詞繾綣無異面談春間即擬削牘布候聞有南還之信臨書中止嗣知應試北闈日夕引領佳音不圖願望仍虛可勝扼腕甥嘗謂人世科名略關家運實有循環之數乃屈指邑中舊族如吾渭陽名聞世德繩繩即近日詩書之氣鬱然秀發而吾慎翁文章道義尤傑出儕輩其取科名宜如拾芥而造物者若故抑之此何意也其或以天之厚施於人正不在是彼庸庸者輩帶相望倏忽何有而此文章道義亘古如新豪傑之士往往以之植民望振家聲固不以彼易此也前讀惠示諸劄深識偉抱約略類是故事其愚陋以相証質非但為一時

素庵文集卷二十一

書

十一

解嘲云爾小兒輩學殖荒落依然吳下阿蒙縱復聯翩而至終屬浪游景獻於一歲中稍勤搜討正武幾欲焚棄書本且於身心間漫無檢束過端叢集向者蒙有許可頗嫌失鑒益信孔孟程朱之言無一日不應口頭轉心頭運舍此而有異趨便是聖狂分界處可為惶懼甥以莫年始知勤學桑榆無及惟日錄相廬夫子論語講義一二章反覆玩味甚有悅心之致深悔當年親炙未省傳習然猶幸及今誠服尚可無負此生正學榛蕪眼前直無可與語惟吾慎翁夙稟穎閎之資向道殊正願望早歸故里於省親之暇銳志講習聖人可學而至良非妄語長安喧雜非問學之地又舍田芸田昔賢所戒日月不居精神可愛置之無

用深足為惜也兒曹進取老人已付之度外設有得者正復可慮脚跟不著實觸處多尤無分顯晦總是一理今似英年妙質正專精大業之時往歲曾有規語讀書不可溺於詞章養心不可溺於二氏竊謂宗旨不謬今相見無踰是言儀封以清廉坐鎮僚屬皆知自愛近聞學使余公風采非凡亦見張公薦賢之效吳中士民陰受其福功烏可泯即若吾崑幸有賢宰才既明敏守亦介然自去歲高丞署篆聲跡稍著令又繼之民皆得所亦源清流潔之驗也邑之人於高有頌言僭為之序壽令亦有文皆有試之譽不敢阿知桑梓念切附呈覽希賜教削楮短未盡所云

素庵文集卷二十一

書

十二

與余丹舒

小設專候文駕入城方期折柬不意未蒙光過遂使壺觴減色賤降多煩椽筆佳詠稠疊固已大珠小珠落玉盤矣高文典冊又復焜耀几席細讀大序清真古雅直入震川堂與雖涼德萬萬不克當此而作者命意深厚真堪不朽矣崇祀看語載費錦心一一妥愜且使先澤重賴表揚得垂奕禩存沒銜感何以爲報謹先勒筆奉謝何日把手面頌不既

素庵文稿卷五

書

與孫于魯

昨晤間始知尊體有不適者兩月今雖霍然然尚宜珍攝弟不能爲兄謀藥餌聊具一緘爲敬幸存之拙詩二冊附覽暇時幸一爲評閱不必汲汲三月五月內擲還可也弟中年始作詩不能求工聊以識歲月見兄詩律甚細知於此道研究已精故以就正其中無意味者竟刪之或有一二語可取存之字句有未常改之古人有一字之師也勿忝世法勿多囑勿過譽勿多囑則囑者足重勿過譽則譽者可受也惟高明可以語此

與邵峙東

寒家自始祖古川公從越遷吳迄今一十七世矣子孫登科目列仕版者多有其人而皆由部曹縣令起家未有入翰林者有之自不佞始又七世祖承事公從太倉遷崑山至今又十餘世矣中間女夫之抱奇材歷顯宦者亦多有入而皆由孝廉起家未有登進士者有之自吾丈始吾丈又不惟進士且入翰林可見得其人無難於破例鄉之人藉藉以此爲佳話若不佞固無足道而寒家之借榮於玉潤實有幸焉憶數年前吾丈之就婚於崑也一瞻風采不佞便已心賞故每承揮塵必娓娓動聽不佞亦時質疑送難幾爲之傾倒矣自接佳音又蒙華問二年於茲而缺焉

素庵文稿卷五

書

奉報抱疚於懷實以老憊疎慵之狀日甚一日視弄三寸柔翰何啻百石勁弩長安音問久絕固不可以禮法繩之矣茲者小兒到都聊附十行奉訊要之筆墨枯淡無異殷浩空函蕭寂之槩披覽間當自識之耳吾丈高才偉抱際此昌時冲天之飛可翹足而俟所深望者以實學至行邀特達之知不但文章報國而已庶幾以不愧科名者仰酬景運老人之千里馳書拳拳策勵者此也

與大邑令西山姪

姪去家時年未弱冠愚忝諸父行竟未與姪交接三十年來每族鄙相聚必問明常兄長子安在莫有言其所之者心為之惘然不能無感於中也至丙戌夏与兄弟持示手信始知姪向時蹤跡已克自樹立且紹詩書之業陟仕宦之途歷困而亨出潛而見為能光先緒啓後昆卓哉古所稱豪傑之士歟稽古賢哲凡為天所厚期而寵錫者必先畀之以艱危試之以勞苦甚或摧抑之困辱之無非欲磨鍊其心思充廣其才智以玉於成也以此想吾姪於三十年中險阻艱難備嘗之矣用能發皇道德通達時勢以樹此令望養深積厚匪朝伊夕矣而向所施於家庭鄉里間

素庵文集卷三十一

十六

者今且推而致之於涖官行政上之仰酬君父下之澤被蒼生所以光先緒啓後昆者更有進焉區區影纓結綬以為宗族交游光寵又不足為吾姪道矣愚叔少孤露辛苦萬狀雖未若姪之飄梗而況味略同亦頗自淬勵底於有成甫登仕籍即以送親告歸抽朝簪而襲舞衣優游子舍者二十餘年幸得以不肖之軀奉母終年而巳不覺髣髴為白老而無用矣守知止之誠遂不復馳想承明然惟束修砥行毫不自棄效彼先覺型我後人庶幾為善於家以無負先人遺訓云爾姪於撫育深恩義當圖報而生我大德尤在難忘絲絲萬萬非少所詠歎乎側聞追念本支鍾情特厚立誠歸里時已傾悉大指嗣又兩接手翰勤懇懇

懇所加禮於諸父昆弟甚渥此古人恭敬桑梓之意也愚叔深佩之矣吾宗氣運少替會魁公後尤不振望吾姪興起特切子姓繁衍榮枯未能一致在祖宗亦無如之何賴賢者推一本之誼行仁廣義以稱物平施則惠宗黨即以安先靈也愚叔常持此見知姪高識可以語此頤園風景如新得姪嘯詠其間可無負松菊愚叔雖衰老尚能步竹林之遊定知阿咸不棄望之望之立誠丰度余所深器聞難弟亦復俊爽惜未見之皆千里駒也承脫以一芹為報愧非瓊耳長兒昨秋倖捷以硃卷奉正遺文拙刻嗣當續寄楮短情長不盡黯結

素庵文集卷三十一

十七

與凌雲姪孫

別吾姪孫三年矣念尊大人西山之變僕爲之痛悼累月念其銳意歸宗蒼蒼者宜默佑而今若此天意何可問也去夏尊慈暨立誠到崑苦欲轉售願園一時未得其人堅欲歸余余念尊慈進退兩難不得已勉力承任契內之銀皆出息那去又園中之屋日就傾圯夏間即加修理所費又及百金僕既不能遷出城外兒曹又不願往空鎖一年雇人看守費盡心力終非了局目下正覓主願另契轉典適李令親來崑口稱尊慈與吾姪孫皆有南來之意僕聞之十分欣喜既使西山得遂初心可慰泉臺之願又令此園不屬他姓亦不負僕一番轉手之勞以此瞻望甚殷

素蒙文稿卷三

六

但在凌雲書內未有確指李令親之語未可信今茲專札相訂果於春間可到僕且暫緩轉典之局如過三月不來即便典去一歸他姓必待五年後取贖矣願聞凌雲能仰體先人遺念亦銳意歸宗我族人無不懽頌復姓一著且俟南來再商不必急急僕爲尊人作哀詞擬刻入譜牒存其生平梗略先錄一通寄示昆玉可知吾意望西山後人來歸之切也承脫謝謝聊以廣葛黃扇爲報尊慈前希欽候立誠不另札

與陳亦韓

一水之隔未得面賀新禧歲終接晤深佩先生以然諾爲重不恤散棄舊徒敦踐前約然弟終不自安再四圖維畢竟以小孫負笈門下爲得情勢之宜故今再囑顧年兄奉啓兩孫俱幼稚失學先生肯施恩於無父之子被之教育玉於有成此大德也敢不佩仰特先生所處亦有宜於兩全者前手札中原有委曲裁處之尊諭弟實闇昧不察情勢徒徇己私罔顧人意終致二三其說重煩台慮獲罪多矣惟先生諒其老諄而曲宥之銜感尤無極也諸囑顧年兄虔致統祈鑒照

素蒙文稿卷三

九

與顧被表

老人年邁畏寒難於出戶不能親詣陳先生函文率兩孫拜見深爲罪歎又煩賢契代行虔致鄙忱區區之私約略數言乞賢契會其意而詳說之一求恕老人失教之愆一乞憐二子無父之厄一使先知謹身之義一使深知爲善之樂一使知富貴之外別有自立一使知書卷之中實有可味一何以動其憤悵之情一何以堅其向往之志陳先生之道範教思愚何能資一辭特兩孫之謏劣愚自知之且欲先生並知之乃可以施其教耳愚之不敢削牘以聞者恐屢煩先生之裁答也一俟春和便當放權琴川面頌大德兼聆塵誨亦惟賢契致之

與西亭

仲君省試過晤賁示手劄展讀之下快同面語辱教以天錫遐齡宜力圖不朽以荅殊眷此非吾兄學識深到何能發此弘願弟竊以為盡人合天之學惟是磨鍊性情敦崇踐履聖人之言具在道固如斯吾兄所云自己分上討究研極洵為篤論要亦無踰是指也弟自春夏抱病偃蹇幾於不保然形體甚憊而志氣未衰往嘗景行衛武念彼年踰九十而學不倦惟我與兄齒雖及邁若方之古人尚有歲月正好策勵向前毋自畫也以之仰酬蒼昊其或然乎懿言二錄貽示仲君前曾就正於兄後有續記想未之見幸索觀之試衡其近時所見如何未得晤對聊以相証耳

素巖文稿卷三

書

三

懷遠信至云即日投牒正未知何日得歸承詢及以復

素巖文稿卷二十二目次

書十一

賀徐健菴先生及第

候徐果亭先生

候翁鐵斧先生

候沈允斌先生

候潛臺慕鶴鳴先生

與孫樹峰

與史胄司

與阮子岳

又

素巖文稿卷二十二目

與薛澱

賀徐健菴先生及第

老師捷春官時即附數行於世兄家報中嗣此佇望大廷
首選爲清時柱石慶無日不引領神飛也恭喜老師臚唱
喧騰黃紙自天而下不覺舉觴酹地幸向言之爲券老師
以山斗之具瞻膺丹粟之重望慰蒼生而炳青史海內方
手額稱慶矧辱門牆欣仰可知古以兄弟同時侍從者二
蘇二宋最著然蘇氏皆不得上二等宋以同榜遜兄孰如
老師奎名雷動花萼增輝文章政事什倍前人豈特鳳池
家聲爲詞垣盛事而已耶詰生夙荷鈞陶題石以玉掩瑕
爲瑜雖驚駘結習未能自奮而虞謂知己之感刻不去懷
所幸萬閒麻塵幽谷虛春機線微材亦得矯首長鳴於伯
樂是又怍怍於寸衷者也茲因北羽少附郵私恃愛率勒
不莊惟鑒有

素蒙文稿卷三

一

候徐果亭先生

前接老師渠訓惓惓厚望不加謫棄長佩金玉以結寸心
春暮盱望雙捷以詫機雲盛遇乃聞以微誤落格門生一
聆大老師之捷踴躍惟笑之餘未嘗不再爲扼腕也然十
五城故在遇合有時僅爭遲速耳初謂老師即南轅拜床
握麈計日可俟不意久客都門北望燕雲祇有夢馳而濶
焉聞問此罪擢髮數矣文運方啓名家輩出側望老師點
定闇墨以範天下太陽當中燭火匿照將來羣歸月旦造
車合轍衣被之功寧有量哉門生日讀老師稿咏嘆淫泆

雖以蠡測海方沾沾私爲悵秘今老師樹幟雞壇手眼大
出門生辱在質疑亦終錫之指南以爲揣摩耶興言及此
恨無由縮地何時出春明再侍筭屐偶因便翻特此肅候
拜緘神往之至

候翁鐵斧先生

一別春明忽焉徂暑瞻言墀側懷哉曷旣門生自惡踈踈
泥中上負伯樂之貯然而一人知己可以不恨虞詡所云
當誌勿讓矣老師鼎相善攝福履潯臻近者齊魯諸君連
翩鳳沼繼耀龍門益知絳帳之子弟不孤黎閣之敷華彌
炯其爲忻動非復名言門生抵里以來杜門却軌思與蠹
簡相勘但資根柢下竟如撒手入瑤圃過月輒忘或藉此

素蒙文稿卷三

二

以屏絕世氛稍收放心耳惟老師進而督過之辛甚風便
謹以寸牋上掌記回首五雲未嘗不西向而笑靡由命駕
思隨夢逐伏楮覲縷之至

候沈允斌先生

詰生以樗櫟朽姿素荷老夫子鴻施獎借被以游揚銜切
中情靡間朝夕公車迫試又蒙蓋高之誼識參軍之小異
示深樣於畫眉詰生顧慚材非結乘敢謝前軒所以徘徊
退懼非云微尚也廼鎖闥暗索究出公門雖復屈蹟亦自
知踈忽應爾然而老夫子一番激賞再四惋惜每一思及
不自知其涕泗交集矣伏惟老夫子動定多慶與時偕宜
近日侯芭高弟聯袂禁林螻蛄處聞之忻動無已詰生旋里

以來日惟杜門却掃與一編相對食息之頃求所以不負
知己者或使他年廢壘之燕仍依大厦斷壑之桐終譜朱
絃則詰生之大幸也願老夫子垂鑒焉臨稟無任勤拳

候漕臺慕鶴鳴先生

連年邦瀾幸獲承教色笑荷老夫子勤拳摯誼視昔彌加
屢貴寵光數陪歡讌吹噓及於寒谷顧盼異於衆人樹感
寸丹寢興靡閒瀕行奉辭適胡道傳述台古未敢溷瀆歲
暮解維歸心忙迫然餘情瞻戀正自難已獻歲伏惟老夫
子闔潭戲穀比想執子波平桃花浪暖千檣風發萬翼雲
浮七省轉漕何非老夫子運籌至計漢蕭何唐劉晏不專
美於前矣詰生逼除抵里仰藉煦沫隆恩椒盤獻頌舉家

素數文稿卷三

三

銜德三春爲家母受旌建坊表里獲遂經營皆叨高厚竣
工後當重理遊裝作脂車北向計爾時再至淮陰躬承提
命未可知也便羽率候不勝依戀

與孫雲韶

濫竽東觀幸得追附後塵並金門之鳴珮同午夜之飛觴
瀛洲列仙之會時時入夢惜謫薄之姿無能久居玉署忽
焉判袂黯黯神傷任元蓬島金仙才地聲華居然第一天
衢咫尺行將直上雲霄然弟深相佩服正在年兄器宇深
沈襟期寧淡能養他時公輔之望目前小喜正不足養去
歲客途正值年嫂彩舟北上邇來舉室團圓客懷正美但
不憂桂玉否弟里居鍵戶分難遽入承明阮氏竹林之遊

鄭公書帶之鄉將移我情賦長揚而語宣室公等事矣羽
便敬奉尺牘書不盡意

與史胃司

客秋言別荏苒數月遙挹瓊枝可勝馳想年兄負白雪奇
才擅青箱家學素秋不富期許自高同譜中豔若神仙矣
弟幸得相從羣屐三載以來文場酒讌頻首愜心昨晤萊
洲前輩知閨中有夢蘭之兆喜事充閭更爲健羨弟歸來
鹿鹿忽踰假期一聽松風未解上林花語念與諸公聯翩
待漏聽禁苑曉鐘當期以異日便風寄候百未盡一

與阮子岳

三月望日承年兄枉過寓齋執手慘黯別後忡忡竟日詰

素數文稿卷三

四

朝冒雨奉送聞者峻拒之再越日而台旌已發曾不得折
柳送行悵惘至今時也晤時蒼鷺聞老年伯之變悲悼無
已年兄至性真篤凡在倫理靡不欵曲至極而況毛裏遙
想中途聞訃呼號蹕踊真有不忍視聽者弟情關猶子未
由躬叩几筵且與年兄把臂憫問一解風木之痛南望吁
嗟不能爲懷所望節哀自重儲它年建樹以展先人未竟
之業無爲滅性也弟日春往夏浮沉如故以觸暑長征與
板輿未宜遷延至七月始投假牒望後准掛帆矣鄙性迂
懶實與世情枘鑿此去荷衣竹杖草戶茆簷擁書南面之
城高卧北牕之下竊謂此樂什倍簪纓特故人之思迷離
雲樹回憶當年鳴珂金馬載筆玉堂右軍有修禊之篇嗣

宗出詠懷之什看花次第聯句縱橫雖羣仙之列瀛島何以加茲無何嘉會難逢驪歌四起一時英彥落落晨星行者居者離索之情將無同感矧若年兄高襟雅度溫其如玉披露肝膽無纖毫芥蒂塵俗之致方之古人范張羊左寧有愧焉一朝判袂紀歲符待酬接宛陵敬亭真同天上其爲馳慕更異尋常弟還鄉當在冬初杜門掃軌以讀書課子爲事魚雁及吳門無靳十行若乘興下山陰之棹則玉山之巔盃竿具焉候年兄釀酒臨風披襟道故也附具繭帛奠儀聯中哀悃惟呼名而告之靈床諸不一

又

局脊蓬廬數移年歲遙睇五雲深處竟同天上二三兄弟

素懷文稿卷五

草

翔步高衢不異十洲之會羣仙也矧若阮肇清姿玉映秀采霞標被其風者一座盡傾製其香者十日不散方彼仙蹤殆如麻姑之降蔡經羊權之觀萼綠乎乃奉違芳躅葛屨更春雨落花之候秋風叢桂之期瞻念所欽情懷脉脉自嗟孤陋本是蓬蒿中物猥以姓氏濫廁珠官幸接笑言得追筍屐方圖縞紵之歡益矢膠漆之願無何而蘭佩欲分萍蹤難合燕行不宴遊如夢邦江之握晤斯須今者諸君子聯袂禁林不殊嚙昔而下走獨耽高卧楊子之亭寂寂門外無車鄭公之草垂垂階前有帶豈無幽興特抱離愁生平知我幾人久看落月同學少年不賤俱上青雲舞爲聞雞雄心未死名誰附驥華髮將稀痛年光之迅去

悲事業之無成豈肯以煙霞爲痼疾視簪纓如敝屣哉疎濶音問動以歲計非敢學嵇生之癖實不敢以無情酬答仰累典籤往往臨書中止希亮形骸之外與諸同年晤對乞道鄙衷未暇一一致書然馳戀無異義山詩云空寄大羅天上事與仙同E詠霓裳情事類然諸公鑒之

荅薛殿

欣奉良書兼披佳詠情詞悱惻半爲珍重友生之句旣感念於沒存復縈懷於離別士衡嘆逝之篇顏遠懷人之作兼而有之矣常論友朋之道通於性命古人藉以輔養德義贊助助猷非苟而已也輒近止遂專私不求宏達嚶鳴之誼置而弗講縱有結納不過植祿位之階梯振聲名之

素懷文稿卷五

木

羽翼而已是以朝有彈冠之契野無戴笠之交日親日近則傾蓋可以腹心日遠日疎則久要同於陌路甚至升沈異勢不免按劍之虞生死殊途常有葛衣之泣自古皆然於今爲甚伏念吾兄至性天成古懷獨照生於豪貴之門偏愛蕭寒家有頃簞之樂不忘縞帶往往托雅契於長吟寄友聲於麗句尊香一集循諷周環其感舊歡歎不必聽山陽之笛斜東悵憶直欲碎手敬之琴也如弟者麋鹿之性樗櫟之材誤落影於鳳池三年接跡旋息機於蓬戶廿載相思然而雲泥已隔望合并以何時即或魚雁偶通笑寒暄之無味故人厚祿旣難責其先施貴客善忘亦有時而不報惟兄高誼眷我獨殷行藏久判深嗟末路之無成

甘旨難忘終諒閑居之有爲綢繆篤愛溢於篇章殆如孔
明之釋徐庶固已鑒其深衷卽若中散之絕巨源寧不感
其厚意哉其他言懷之什亦或馳想煙霞雖見恬情終非
素位謝安丘壑之情張翰蓴鱸之思容野人之獨得非名
世之宜居冬道共邇北相假也

素庵文稿卷二十三目次

書示

示景獻時年三十歲

示跋武回生四要

示孫峯

戊子八月鄉試示兒曹

乙未二月會試示兒曹

甲辰正月示景獻

甲辰三月示景獻

甲辰四月示景獻

甲辰九月示景獻

素庵文稿卷三目

甲辰十二月示景獻已上五劉寄京師

乙巳八月示景獻

丙午五月示景獻已上二劉寄博遠

示孫省孫集時讀書虞山

書示景獻時年三十歲

長子景獻生於康熙甲寅年於今癸未三十歲矣九月十八日其誕辰家人設酒饌會父子兄弟於堂而彼若有不足於中者窺之者曰是悲母之不存也而未盡也則有文而不過乎又未盡也則有室而無子乎余聞而廣之曰母之不存終身之戚也莫可解者也有文而不遇有室而無子則存乎天者也我可以無憂也夫不有存乎我而可憂者乎則其身之徒存而功不立其年之方壯而未知學也夫吾所謂功非必乘時得位施濟民物者之為功也一家之內一日之中一言一動之所及苟盡吾分竭吾力於人有賴於已無愧是即功也吾所謂學非但誦讀詩書拈弄

素業文稿卷三

一

文墨自附於騷雅之壇著作之林以為學也體認天理審察人情於克伐怨欲之不行於喜怒哀樂之中節性情交治以漸識吾無私之真體天命之本然是則學也若夫享一日之奉而未嘗處一事為一家之主而不能庇一人語言發於血氣動靜習於宴安無豪髮之益於天地之間而不自知其愧是之謂徒有其身可憂也又或昧乎天理不達於真妄罔於人情不知其向背怙其非而不知悔放其心而不知求齒日加長而道則無聞是之謂徒益其年可憂也不憂其可憂而憂其可不憂彼區區遇合不偶誠無足道而即已之一身猶或不免虛天地之生成負父母之鞠養也惶恤其後哉天地之運六十年一轉人生六十則

花甲一周而三十者其半也六十年之中十歲以前始生之年也五十以後向衰之年也其可用者惟二十以至五十纔四十年耳而四十年中又惟二十三十之時精力強固可以有為故孔子曰三十而立立之云者其生平所學畢植於此時而後之不惑知命皆由以純焉者也又言後生可畏而至於四五十無聞則以為不足畏可知四五十為聞道之年而二十三十則造道之年也今前此之年已往所造既不可知後此之年復來所聞究何所持也皓首無成窮廬悲歎而始悔從前之悠忽又何及矣景獻聞之安得不早自省而勉勉也哉希正少於兄一歲跋武又少二歲去三十皆不遠矣共聞之宜共勉之

素業文稿卷三

書示

二

示歧武回生四要

生死亦大矣死者生之反病者死之漸病漸深則死漸近可不懼哉汝由我而生者也今不能安其生汝則負我然今雖有病猶或可回於生我安得不救汝因畫四要以示汝所以盡吾為父之心亦所以盡吾為父之職汝其思之生死之機決於此矣汝其思之

一遷臥室 病在精枯氣衰者宜遠房帷以壯水源而禁火發須靜臥別室不見可欲以保守陽精俟一年之後氣壯神全再謀生息未晚也少年人熱處難忘此情不嚴行阻絕斷無生理若云我本無染不妨並處則是自欺欺人吾必不信

素靈文稿卷三

古示

三

一盪胸次 萬事皆由心造貪淫躁怒皆方寸間不淨使然須盡情掃却不但不可係戀亦不可拘束要使此心空洞一物不有直追無始以前須知三十年來營營擾擾皆從軀殼上牽引出來惟此靈明不著軀殼更何有係戀拘束邪禪宗話頭從無討有欲窮思索却費思索正足累心宜一空諸

一信醫理 醫不可恃然不可不信不惜元氣服藥無益故不可恃然病未去時非藥曷救醫豈得扁倉而御之得法雖庸亦效須以平時造病之事盡情吐露不容掩諱使醫者曉暢病情方可下手若用藥未當不可驟更再詳語之以望改圖善醫者必不專倚藥石尚有格言

至論詳於起居服食間須奉若嚴訓不可少違如當多用參朮不可惜費并日而食奏効乃速雖破產不顧也回想平時靡費儘多何獨於此身生死關頭計較吝惜若憊此重費當於病好時不作忘身殉慾之事乃善耳一認善根 行善是學人本分元不為貪生怕死然欲於死中求生挽回甚大天必不輕予之天心無不喜善人

者以救一善人於世多活十年二十年必有大賴故積善誠為延生之要術但欲積善先須認善善有大小有真偽親親而仁民仁民而愛物此大小之別也有為之善不為善無為之善乃至善此真偽之別也若徒事於一蟲一鳥以為功德民則外之親則遠之倒行逆施豈

素靈文稿卷三

古示

四

可為善孝為百行之原此善根也願已為孝子即願妻子為孝子已不能盡孝不可為善妻子不能盡孝已亦不可為善從此推廣出來善量正未可窮所謂孝弟也者其為仁之本與堯舜之道孝弟而已矣使舍此而言積善其何足以挽天心而謀生理乎

書示孫省

示孫省每見汝學為割記最是好事心之所思筆之於簡從來有學問人多有作此者但要就自己分位體貼出意思議論來不可懸空設想馳騁高遠或抄襲舊話妝點搪塞古人十五而入大學大學之道由格物致知誠意正心以脩身至於齊家治國平天下道理極大一生也做不盡汝今年十四尚是小學中人凡灑掃應對進退之事與夫禮樂射御書數之文皆古人以之教小學者汝今日正當用心於此論語中弟子入則孝出則弟謹而信汎愛衆而親仁行有餘力則以學文此章書正是今日急當講明理會者須日日向先生承講一遍一日講孝一日講弟一日

書示

書示

五

講謹一日講信一日講愛衆一日講親仁周而復始於孝之中分別出道理於弟之中分別出道理於謹信中分別出道理於愛衆親仁中分別出道理即此數條書義雖窮年累月講究不盡若果能講究得明白一部論語道理都已包括即大學中格致誠正脩齊治平諸大節目亦都已包括汝一生品行早已從此立定何必遽要廣搜博覽以為學問也前呈閱割記多及心性太極等語此豈汝能見到故告以切實道理先從事於孝弟忠信昨論忠一段又說到殺身成仁去總不肯向平常處說道理即是病痛且看來議論不從心而發一味蹈襲現成說話隔靴搔癢其自己身心毫無著落此即是自欺張本有損無益不如不

寫今年十四來年便當入大學試問小學中事曾一一理會過來目下急宜自省於威儀言辭上須要像箇佳子弟氣要靜神要清道理要明白見尊長待以尊長之禮見同輩待以同輩之理應對有體進退有度如此纔不失詩禮家風由此讀書像箇讀書寫字像箇寫字昨聽得讀書聲余甚不樂有時如蠅鳴有時如蛙噪絕不似琅琅作金石聲隔壁聽去並不知所讀何書也古人於提抱時聽啼笑便識得是英物此理可想從前寫字甚見筆力今看破承簿上字畫潦草差落甚多甚至題目寫錯亦不知改心之不在可知皆宜痛懲汝平日不盡心教子吾亦以汝有父在不復關念今看來不成模樣因子之不學并咎其父

書示

書示

六

之不教汝負罪多矣書以示警有未解處須向先生質問
癸巳六月二十五日雙清老人書

戊子八月與兒子家書

汝曹出門後始知初八日京口大發水一路舟楫難行又
十二十三兩日有風信未知路上可得安穩何日抵省門
心甚懸切誠知歸信稀有然亦宜多方覓郵寄報平安昨
晤道積述主考屠公風裁峻厲是孤寒脫穎之日汝曹落
在官卷中只望主司為大賢壁立千仞庶有微幸之望然
愈宜求工於文字萬一從此中搜索真才而仍復不過愧
悔當何極故余聞此信為汝曹幸又為汝曹慮也場中文
以機法順利聲光發露為高下共賞之技此非操練純熟
不能有此誠遵我言每日拈弄不去手自然到此地位天
人湊合應有必得之理不知場前火候果能養得不走漏
否此字到當在臨場得失已定但我平時千言萬語總只
為此服吾教者決然受用甘苦應自知之耳根道本府案
發皆取景獻第一機兆可以自信彭師字來云二世兄全
行今同寓否為我致意凡事須互相照管此與自家一般
也吾體甚安有復原之望靜功之效也汝曹在外極意葆
攝秋氣逼人珍重為囑

乙未二月與景獻家書

汝正月初五日書至二月十三日始到元知到京在
後無從寄書然侍御家已連得開印後信而汝等音問杳
然未免以此懸懸也余歲首自饗甚為便適二月初彭師
過崑佳頤園數日皆吾自主行廚亦甚不以為苦屠公有
書答汝囑寄到京麟孫種花於枕席上過師宜知額手若
場中得失初不係老人憂喜所憂者別有在耳外觀世局
內顧家政甚歎服毅迪之不行即邵峙東亦竟累足可見
天下儘有聰明漢也場中添性理題只為先儒之說平易
精實有裨學者故令誦習遵守以崇實學至哉王言可為
萬世法程若汝輩不體認此義徒為具文寒責猶是當年
以性理出論題何裨於人心學術真負却聖君一段盛心
也見義山為道念正月之試當得免即此已見京卿之貴
累累者被斥翰林可為而不可為也余甚嬾作書提筆則
愁會因彙初便寫此數字

甲辰正月寄示景獻第一劄

汝出門後自八月至十一月有六號家書俱到家中不無一字到京汝必以為怪但吾老人於半年內遭嫁兩房孫女勞費兼集刻無寧晷深念此事非我分內頭顱如許為此心力交瘁是誰貽累不勝怨憤至十月下旬得汝捷音又增一番煩費此用歡喜錢也自後望殿試望館選不意盡屬子虛殿試列名太後報房先期妄報二甲除夕又報館選自幸老氣拒之不納新歲啓佑持示彙初札始知的耗大抵此番僥倖於得中見失榮中竄辱此天意也以懲汝平時悠悠庸懦之習制舉業以第一人自命此汝力所能為對策須平時操練書法宜摹古致精皆老人朝夕訓

素庵文稿卷二十三

書示

九

誨語也摠不加意可惜一十六年頓挫天固將玉汝於成而困而不學吾末如之何矣尤可惜者聖明在上嘉運惟新向來館選但以貌取今則親加考試又諭九卿薦舉擇其居家孝友人品端方者取翰林不以文而以行又如此慎重再三誥諭此聖皇崇鑒也千載一時當之者何其幸使平日誠能於孝友端方四字中立身制行當此天人交贊安得不遇無如究心者只於紙縫中覓生活又不能通達古今貫串經史聊以尋常筆墨應副大題安得出人頭地以此負明時失人望良可惋嘆長安居大不易此時舉目無親告援路絕即使得選亦當萬分節省刻自勵或搬入衙門居住或依人自食其力前輩多有行之聞

放榜後即遷入徐殿元舊房竟欲自立門戶此亦不量力

之舉也今既不得官宜亟作歸計去年西亭兄告汝今者進士不得不中但不可留京做官為父者年已望八汝為獨子即身在仕籍猶當作退計言猶在耳寧遠忘之大學之道齊家先於治國無論汝未有治國之才即今一家之中承前啓後事皆老人獨任而男婚女嫁又將委之孱孱窘婦汝徒務虛名而不修實行於心何以安天使之不得館選一則顯汝從前暴棄之愆一則開汝日後修省之路年過五十尚有親在可及時盡子弟之職兼奉庭訓加意民物留心經濟仕宦當有日或可展布以集後福也見此字立即辨裝或有勸汝遠巡者不可聽座主房師皆大賢以吾意白之弗汝留也與席氏通財大非吾意若欽文則不妨告援余頌其義即於歲底如數償還以全汝信亦不欲累之也歸資宜從省有貸我可償耳

素庵文稿卷二十三

書示

十

甲辰三月寄示景獻第二劄

庶常之有名列於邸報人所共見館選外另有恩典是今科所獨見於邸抄者但有諭旨未列姓名或失圈或點記得預與否非汝詳報家中無由知也彙初寄啓佑札中曾有失圈字樣後見報上分撥各館行走並無汝名太倉吳孝廉歸晤佑昆言汝在即選三十名中署第八及見挑選湖廣十五員亦無汝名汝既無字到家傳聞難信將謂汝無因逗留是宜早歸故有前札云云今據第八號信汝在

三十名內挑去一半今當在後十五名中或發外省或選雙月皆銓授不違無即歸之理特是 聖明在上衡累非常升庸皆有至意受者未宜苟得今日為官不易為縣令尤不易余向者有言仕宦宜從縣令起家縣令與民最親能於其事通達諳練則升日為卿為相皆取諸此要此亦在未到手時揣摩熟習若平時未曾留意一旦民社臨頭如何擔當得去設施何具效法何人此時宜深切衡量前信中云詢問親友中曾歷吏事者所謂問途於已經也然余以過來人中品類大不同從前風氣只是內懷肥身肥家之計外工打點彌縫之術一味勢利聲援用事全無實際到今日如何用得着須另自築立根基消除習氣大指

素齋文集卷三十三 書示

十二

不越清慎勤三字外又添一明字大抵因仍苟且跳不出從前窠臼只為心體昏昏不能辨得人情事理試想朝廷今日用我頒爵授祿予以土地人民却是為何不從國計民瘼著想即是辜負 聖恩俯仰有愧今現成有個好樣子是本房沈老師當初亦曾作縣今日邀主眷受寵遇如此汝幸出其門是天賜一大賢教訓汝成就汝如何別向他人詢問然余此言非是見汝老師一時顯要導汝依附門牆為扶植名位之計上是要汝於立身行已明體達用間求老師指示鞭策以成就汝半生節行汝則趨亦趨步亦步虛心實踐以求合於老師萬分之一耳汝平日過庭之訓奉之不虔今望汝以誠服老師者為補過之舉使汝

不至終身墮落吾老人亦可釋然於垂暮之年矣汝家甚貧然不可存為貧而仕之想凡今仕宦之家誰不欲以自肥究竟肥者何人徒自壞名節或鷄肋不保甚至辱及先人禍延後嗣實足寒心也余老矣守無求之節不欲以一錢累汝汝固宜清白自矢錢糧隨征隨解不可那用分文需辦一憑理法不可徇情枉曲上不負於朝廷下無慚於百姓縱無赫赫之譽亦可免於罪戾矣汝天性樸實本無大過特才氣懦弱關於事機又不肯虛懷求益自以為是此病切宜悔改古人學而後入仕今則以仕為學所學不但錢穀刑名之事當於天理人情細心體驗到得氣質變化自然治理明達天爵修而人爵從矣余聞汝得官之信

素齋文集卷三十三 書示

十三

深切係懷見家音中初無知懼之言措詞浮泛殊不若又要聞寓中已收長隨而並無慎簡幕賓之意輕重失倫益復憂慮余為此書百念紛集停筆者再比成牘又不盡意老年人精力衰倦不能頻事筆墨書中之指願吾子珍味之

甲辰四月寄示景獻第三劄

接汝第八號信知已見吾正月第一劄云有即選之旨不便徑歸因於三月又作第二劄仍寄峙東家據云四月望間可到吾意已盡前札中不欲多作書適啓佑即日候選先遣使到京欲與汝暫時同寓若寓可同啓佑元是一家又氣誼重才識高同之殊有益也汝做官之事必當與

沈老師商確無大小揔要老師替汝擘畫先定下一個主意要做何等樣知縣條件稱副他不可半上落下做四不像人量自己才力看目前時勢須要立得脚跟安穩方可展布目前王知縣到任兩月翻盡崐山舊時窠臼怨恨他的儘有然是今日氣運中人縱不得為第一等人物要亦是救時偉器余深服之汝才力萬不能學他然各自有做法第一先要通達事理不可糊塗亦不可拘執又要帮手好縱使自己有才天下事豈能獨辦前云幕中客實是要著自己有力識得好人用之如左右手始終倚仗他畢竟今在何處簡擇若在京師以情面用人恐難得當至於長隨斷不可收用朝秦暮楚大抵皆烏合之衆安有放心

書報文稿卷十三 書示

十三

爪牙在內徒費養之資即如熊令初到崑時何嘗無此輩簇擁到今無一人在旁實可嘆息汝問沈老師當年可曾用此輩人也汝元非百里之才故吾平時教訓未嘗及此一旦欲為是官實放心不下今既鞭長不及不得不教汝向沈老師商量更無別法此是汝一生榮辱關頭不可泄泄子未補官以來毫無際遇可笑從前以薦人誑誤今尚不知止汝引見時承其保舉此彼意耶汝不力辭是無識也例認師生此何例乎據吾所見彼尚宜請休何暇及人即其於吾不通一問汝但促吾致書於彼何與余嬾作書然一握管又縷縷不已凡此皆可不言又不得不不言

甲辰九月寄示景獻第四劄

汝京中寄信十六號俱到聞夏間有恙今已平復客中須善自調攝緩孫女於九月初三日出閣汝婦竭辦粧費至五百餘金此事本極煩瑣又汝家歷來窘乏所受聘金已歸烏有而首飾紗緞皆在質庫中贖時權算子母已多又周歲用度不貲別無生發汝婦只向老人告懇余難坐視陸續接濟共付三百餘金又開忙後追呼甚急汝名下新舊條折亦老人支應綿力竭矣平時不諳作家到此窘態非露何能勝大事乎八月選又不果汝婦忽發正論見我近體漸衰汝非出仕之日又外邊州縣難做所見所聞十分害怕特寫書勸汝作退計余非不嘉其志識之高然以為此念不由汝衷誰能勉強又事到臨頭勢難變口徒

書報文稿卷十三 書示

十四

亂心曲未必有濟因力止之軼青公云建議云汝非心親戀位之人且俟得官後一年二年陳情歸養是為兩全此書遂以不發然汝豈可不知此意即得官亦是暫局出京上任萬萬不可多費據虞謨話來得官後老師家人輩道喜同年薦長隨皆當用錢余以為有志節人於此等處正當硬著脊梁一概拒絕此等妄費即是將來虧空根基而虧空即是抄家實際昨汝諾從郡歸述吳門仕宦之子日勸產情形至慘不獨吾崐宛平一家也見者吐舌聞者寒心徒豔稱作宦顯榮何知流毒至此明眼人自當徹展一官今既不能勇決只有不妄使錢一著惟儉能廉出聲名在此保身家亦在此要須自立主意旁人煽惑之言快

不可聽余前教汝凡事向沈老師商量即此出京時布置
亟當請教老師何者可省何者必不可省彼自有權衡汝
可奉而行之老師在外審事至冬必然回京不妨以吾札
呈眎吾前二札亦當送沈老師看吾輩心事大都關合雖
不通問神相契也理財用人二者切要余所諄諄於節用
是理財中事然亦有不得不用不可全講一吝字至於用
人則更難矣人又不得不用要之我有知人之明又有用
人之權然後人為我用不然則我為人用矣汝平日本無
腹心之友今驅市人而戰疑不可信亦不可此際甚費商
量苟不明乎大學之道理財用人無一而可故曰幼而學
壯而行仕宦豈不學者所悲哉子、夫人之子正以其

書文稿卷十三

十六

質美而未學也仲氏何必讀書之、人所以深斥、與

甲辰十二月寄示景獻第五劄

選後兩得信見汝神情飛動絕不以懷遠為遠其古人叱
咤六惟故鄉親人見除目皆為汝愁嘆以七千里之
漂泊無異投荒汝乃自詡以為善地豈故作囁語以愚乃
父耶出處大事聽汝自為余但盡為父之心又勉措二百
金交付軼青完汝都門未了暨南歸盤費且度汝到家自
商行止汝婦喃喃向軼青口語只說不可行恐亦難止余
為之計惟將現存薄田二頃盡賣以充南征之費全家隨
任妻、團聚一處三年五年待有蔗境汝婦又云決難從
行則兩下不能兼顧行者以資斧為艱居者以支撐為苦

進退兩難直無善策吾老人氣衰力竭亦不能代為之謀
也軼青衝寒北指余未敢勸駕而彼慨然就道汝何以得
此肝膽之友今歲家中遭嫁則賴蘊展收租則用賓王二
子於汝家亦有勞汝宜知之人當思有益於親朋已則不
能徒受人之益若或不知更何以安幕中人今似可不用
唐生已去未陽即從楚地覓館孫慶初欲用之縣黠漕總
不果所負余甚多其父又來請身後之資情詞惻然因觸
念、憤、隱立命止之不欲離其父子也地既褊小汝才
儘可自用耳書不盡言亦多在軼青口中叩之自悉

書文稿卷十三

十六

乙巳八月寄懷遠示景獻第一劄

汝輩第一號信七月七日接得知一路平安行程不為
淹滯上任果於何日地方風景如何設施如何懷雖僻遠
猶是社稷民人誠能每日做得一兩件稱心達理之事亦
不枉此拋家遠宦若沾沾與世浮沉所得少而所失多計
益左矣余老人尚無恙然衰憊日增觸目興愁殊無樂生
之意朱丞歸聊書示數行惜墨如金情態可知矣麟孫侍
理課業若歸時望有成也

丙子正月寄懷遠示景獻五截句以當家書

邊徽分符也當官程望渺渺足風翰光華亦似方斗日不
念余餘暮景殘一仁民不取重親門已幼先從吾人欲

去歲之為卷二

七

展澄天下志忍教骨肉相違日 年四十年 子為

有高堂戀索居尚悔承歡無善術晨羞夕膳負依屋一老

至從知筋骨衰病來益覺別離悲世間不少刀圭術惟有

一鱗角 故是好孩祖庭不見一行來舍飴

丙午五月寄懷遠示景獻第二劄

去年梁鳳歸正值孫之變余見長媳懷苦之狀老懷亦
慘惡故劉福行竟不能作書聊借詩句以報平安諸凡授
意賓王命之削牘至二月余救患大作神氣交頓幾至不
起念中時勢老身未宜長往因加意珍攝刀圭並用春
夏以來參價費至百五十金幸得苟存而老態畢露諸多

不適亦不自意驟衰至此向恃玄功亦不能為力乃知老

當此之說只在心志上體驗非可語於清氣也念此生

受天地父母大恩未宜終負信得儒玄同遺失願於聖賢

神仙兩途合併討一出頭處無奈五十以前隨俗牽染墮

落不小一病之後方得回頭三十年來稍稍警惕粗有見

地懿言二錄其明證也妄想於歸命之日小有覺悟庶不

同於凡庸流浪乃今精力既邁歲月無多恐難如願生平

自往 武公彼年 十五而學不倦乃知此道元無止

境余今雖老方之古人或尚有年一息尚存此志不容少

懈固敢自畫矣寄到懿言數紙補刻近時所記景獻讀之

亦 氣居官者為 為民是 為書人本領 亦在

去歲之為卷二

七

富貴 情不 但宜量 境 亦有一定 義

希正詩有桑蓬本是男兒志但問何時可許身之句正此

意也聞已決計陳情所契賞者在真心流露不由勉強飾

記 二札中東 輝力先意承歡講論淵微洒然自

得云云豈惟子神情飛動余老人亦不覺怡然意解矣天

倫至樂要須真實見到自然名利不足介意看得破時便

是登仙入聖根基此道豈容我老人獨得耶但恐時勢牽

迫或有不能自主之處融邑署事豈無粘滯撫軍尚未識

面所恃者蒼梧公耳餘詳別幅

示孫省孫集

沈傳之兩孫俱安先生不特教之且言之可感也兩孫質陋而學淺非先生可教之徒余不揣分畀只思求益深自愧之然在汝二人寧不知厚幸既失學於前矣今得大貧而師事之亦趨亦步即一歲之中堅下人一已百之功則愚可明柔可強縱不能遠望有成亦可漸圖精進終身之業基於此矣文字全無佳處只為不知開合變換之法死於一一直說去以意無次第而後面窘竭誠中病之言即孫省何嘗不犯此也更有言者開合變換尚是下筆虛機而體勘公揮須仗胸中實理時文代聖賢立論廣大清此義無不乃徒食其唾轍何得當其真事

素巖文稿卷

十九

經史方 聖賢 理是不然不向一月中探索子子須請問先生如何我以文當必有循循善誘之方也讀書窮理要待十年五年本領工夫未容襲取二子庸劣誠難計此點大匠不為拙收廢繩墨此亦為學者之繩墨也如何如何余患嗽甚劇不見客者半月矣恐煩先生裁答不敢通札為我致謝

素巖文稿卷二十四目次

雜文一

古詩十九首註說

與諸同年約

容伯斯座書

與次曾論祖塋風水河開壩

與陸銀臺論廣平安定墓地

與胡表被言墓地

順園場池退契稿 附刻典房原議

古詩十九首註說

古詩不知作於何人且無標題昭明以失其姓氏編在李陵之上總名曰古詩註家有云枚乘所作又以詩中有驅馬上東門與遊戲苑與洛之句謂辭兼東都非盡是枚蓋未有的見闕之爲是夫以意逆志孟夫子說詩之法千古標準漢宋諸儒解三百篇箋傳紛紜正坐先立臆見驅古人就我未免支離穿鑿大凡讀詩之法虛心體會就篇中發明之其所無則寧闕如往見有註古詩者謂十九首出自一手作於一時起伏照應聯爲一章若確見其首尾次第毫子系者余始未嘗熟讀古詩閱其註古以爲有合及今細按諸章之旨乃知不必然也音律淳古出漢

素數文稿卷二 雜文

人無疑然安定其必出一手即如蘇李諸詩氣格相類使當年逸其外並列之孰能辨其爲蘇爲李乎諸言命意標格各自成章殊不似前後連屬首尾貫串選詩者任意未嘗有次第於其間也詳玩詩指其託思婦以言情者有行行重行行西北有高樓冉冉孤生竹凜凜歲暮明月何皎皎五章意同而文小變有青青河畔草迢迢牽牛星燕趙多佳人三章其託懷友以言情者有孟冬寒氣至客從遠方來涉江采芙蓉庭中有奇樹明月皎夜五章其感人命之不常謂宜及時娛樂者有青青陵上栢今日良宴會迴車駕言邁東城高且長驅車出門去者日以疎生年不滿百七章其中指有旁出詞或互見大約不

出三者據愚見別爲編次附小註於各章之下非敢亂其原次取其從類便於吟諷豈云有合古人之意庶免穿鑿云爾

素數文稿卷二 雜文

與諸同年約文

人道有五倫有合以天有合以人合以天父子兄弟是也若君臣朋友則合以人故其未合也可以慎所擇其既合而有悖於義亦可以奉身而去非若一本之誼一合而不可離者然而朋友之道雖以人合惟年譜兄弟則又衆之以天蓋其始非必有傾蓋之權班荆之誼年不必相若地不必相近一旦出於同榜遂視之如同氣及其後出處進退相倚爲重甚至患難死生不可背負子孫亦引爲世講累傳而情好不衰豈非天爲之耶邇年以來學士大夫略友朋之道年亦寢衰間有推轂延譽深相結納者要其厚弊自有在於古人規勸之意未之合也余小子生長三

東坡全集卷三 雜文

吳目觀廣交濫與之習思得一二有志之士振拔流俗往往未能歲千八猥廁南宮候試京邸甚久每以公事從諸君子後竊觀諸君子皆端慤嚴靜無復向時浮夸蕩軼之病一時名公卿謂此科所得士異日多有克自樹立者前輩以此鼓舞後生蓋思何以副之嘗念先王列朋友於五倫將以輔養性業維持名教故孟子曰友也者友其德也此義不明交道日濫今天下所謂朋友多矣悉數其類大約有六披肝膽重意氣一也矜文章獵聲譽二也分門戶結朋黨三也趨權要附勢力四也結酒食驚徵逐五也通財利冀膏潤六也諸君子器識高遠良於六者無取焉而余小子學力淺薄兢兢隕越懼特著管見四言一曰治

心二曰砥行三曰讀有用之書四曰任家國之事質之高明其有未醇未備願諸君子明教焉

東坡全集卷三 雜文

容伯析產書 代族尊

碩園為中丞公澄川之大宗於康熙癸酉八月捐館無子陸夫人按序以次房長子繩德為嗣過門執喪授田五十畝令自費至辛巳陸夫人亦病病中分析田產口授繩德命書於簡於六月二十四日集同宗二十餘人暨至親陸枚臣等出所析田數一簡以示內總計管業田五百四十畝畝嗣子與二女各得十之二五六兩女暨生母共得十之二另授嗣子田四十畝為應酬祭掃之費長孫授田十畝勾先亦授田十畝外存瘠田九十畝每歲子粒完官不足以均授嗣子與三女辦糧是日源增翔逸輩各向容伯有言紛紛不決族子醇叔啓陸夫人云析產宜秉公持正

素業文稿卷二

五

今繩德奉母命授田自宜凜遵無異言但簡中開載止現管田畝聞大兄捐館後七年之中多有棄產皆繩德不與聞此宜照原契詳開得產姓氏年月價值并大兄存日所棄各產一并附列交付繩德聽其日後貼贖若囊篋細軟有無多寡某等不敢問其凡房產器皿書籍奴婢有可指數者宜一一備書於冊使繩德覽之以深念兩尊人保有之勤即以自慰其守且此皆是中丞舊業雖一成一旅猶可想見當年締造飲水知源何以仰繩祖武凡此諸父昆弟盡由一本於分析稍稍成局俾其力少裕則可勸其敦睦任恤目前紛紜之論自當少息貽之以安乃至計也聞者皆是其言枚臣兄將命往復亦稱唯唯乃兩月之中未

聞後命而陸夫人於八月中旬仙逝矣容伯苦由之中未言有言至臘月十九日復集親族黨議議者有以所析田數有不均前未書押謂可更張某等則以事由陸夫人親定今日不可以更但分析數外尚有餘畝各宜照原數管業餘者歸并容伯幼姪女殤於九月遽減其原授似傷小姨之心容伯多子以一歸之令其拊育使後有倚為兩得也勾先承兄嫂恩撫其任兄嫂家事有年亦有勞動十畝之子雖其意未有缺望而於情關如容伯願於餘田中益之二十畝又於田外奉六十金為僦屋之費其誼可嘉二姪女欲向容伯分取市房云陸夫人亦曾有言按前簡止載城內市房三間以補田數之不足他未有及夫簡之已定

素業文稿卷二 附文

者不可更張則簡之未及者難生枝節矣且容伯嗣中丞大宗之後其應酬祭掃之費必非四十畝田中子粒可辦以此獨歸本宗當亦陸夫人不言之隱也外源增以舊案中尚有欲言於容伯初嗣時即同源一多所論說未經調處翔逸所言為分源書院中有虧價某等思得從前析產歷有成券無容更說在今容伯承嗣受產於親房尊長各展禮意為分誼所當然以此敦勉容伯容伯願奉源增四十金四房諸姪聽其量予又願奉翔逸二十金或宜分得亦聽翔逸量予勾先既有專奉自言不復觀此矣源迴於近房齒最長向與碩園契厚容伯亦願奉數金為娛老之資又容伯於未嗣前分得本生產內加貼銀米約共十

金今英叔漸乏宜加周恤容伯願撥田畝以償前項亦
可無言凡此酌劑經合族妥議於情既無不盡於分亦可
相安自今以往願容伯內外雍和始終敦厚而在內者當
奉容伯為家長不可視如弁髦在外者應望容伯以象賢
自宜聯為肺腑則可以不忝中丞睦族之遺而我琅邪仁
孝之風亦賴以不墮云時康熙辛巳十二月吉旦書

與次曾論祖塋風水河開壩

昨者掃墓之頃與吾弟言風水河開壩前此壩已屢向諸
兄弟言之蓋以此屬公事言之不宜獨出余口且吾弟聰
明樂善豈不知此壩之宜開又何待余之面折而諸兄弟
頗有言吾弟執意不允且多違言者愚未敢信也故於基
祭之日聊一言之以觀吾弟之意而吾弟果若不能裁之
於義者愚終不敢以吾弟堅執之性竟置不言遂成吾弟
之非故今又不憚援筆代舌以詳為之說惟吾弟審聽之
夫祖宗於身後有墓猶生前有宅也宅之中室廬堂與不
待言矣宅之外有道塗焉有溝洫焉其或見侵於他人有
弟而不治塞而不通之處為子孫者必助其親以有言不

能默默也孝子之道事亡如存設使其祖宗之墓亦為人
所侵而有弟而不治塞而不通之患則亦必不能默默置
之此在他人之見侵子孫且不可無言而可身自侵之也
哉今祖塋之有風水河愚不知開於何年其先有河而築
墓或既有墓而開河總不必問獨是凡河皆有名而此河
名以風水則此河之因墓而設河之通塞關於墓之休咎
瞭然矣夫其通其塞河不能主而主之者人人欲通之則
河通矣人欲塞之則河塞矣今吾弟云其塞已久不由於
我獨不云其開甚易即由於我乎且吾弟在今日欲避塞
河之名不知吾弟在往年曾任開河之事則大洋用白米
一十三石七斗開兩處風水河用白米一十六石九斗此

吾弟經營銷算賬也建開兩座共用銀一十二兩九錢亦
吾弟經營銷算賬也聖昭叔筆記墓祭冊可據子姓貧乏
者多物力甚艱使當年以開河爲可已則不煩斂費即有
樂輸亦宜增置祭田或建造兩舍與祖塋皆有裨益何苦
以有用之金錢爲無名之銷算乎旋開之而旋塞之不知
開者何心塞者何意也有解之者曰大洋開風水河未開
也則銷算賬內所稱兩處風水河何指也且大洋在當年
未曾升科歸戶尚不惜重費以濬之而風水河向隸墓上
完糧不開何也又有解之者曰風水河誠開矣舊壩未除
也余則曰壩未除河不得云開也且建開正爲除壩地也
既開河又建開是重費也既開河又建開而仍不除壩是

東坡志林卷之

浪費也於開河之日而不除壩則不稱開河之職於開河
之後而仍立壩則大悖開河之旨吾弟皆不得辭其責矣
今之所以堅不除壩者不過爲河旁左右之田皆爲弟產
年來親自耕種深知壩開則田鹵故除之甚難不知事有
不能兩全者但當揆其輕重以一家言則田重以通族言
則墓重即以一家言論利則田重論義則墓尤重重田所
以長子孫而不知皆祖宗之貽重墓所以敬祖宗而不知
即以垂子孫之訓夫知有一家而不知有通族知長子孫
而不知敬祖宗此近日風俗人心之大病吾弟宜深以爲
戒也若夫風水之說愚未之深信而於祖塋則不得不信
蓋以祖宗骸骨所存義當加謹而又爲各房子姓榮枯生

死所關自不得徇一人之便以營私害公今日吾祖光州
公以下子姓十餘年來夫折屣見生齒下繁宜壽者不壽
宜育者不育存者亦或遷徙失常放僻無度見之慘目思
之痛心凡爲子孫者宜亟思修省之圖挽回之策當不僅
在丘墓一節然而陰陽之說亦不可廢先靈有未安則子
孫宜受其灾理不誣也愚惕心已久曾延地師徐素書金
筠士兩番巡閱皆云此墓之善全在水法東南之水來自
葉婆浜西北之水來自風水河會於大洋並趨蒲溝一出
孫家浜至於塔河一出許家浜蜿蜒曲折達於至和塘曩
時通利故文福皆齊子孫蕃盛今皆湮塞宜其不振矣尤
可慮者風水河中三壩連亘大不利於昭穴子姓亟宜開

東坡志林卷之

濬此愚與吾弟共聞之者故年來屢屢相告冀我宗人同
心補救而至於開壩一局主之實由吾弟不得他向有言
今吾弟云此壩我不能開但有開者我不禁耳夫率二三
蒼頭持畚鍤從事不半日而三壩可夷矣此愚優爲之耳
然必以讓吾弟者欲吾弟爲之則可以補從前之過可以
釋今日之嫌且使吾弟洞然於此壩之必當開也一開之
後永不復塞必無陽開而陰塞暫開而終塞之弊豈非吾
弟之德而通族之幸哉苟或堅愼自守終不任開愚亦未
敢多讓謹當薰沐爲文告於吾祖稍正十餘年來障塞之
罪請官勒石嚴禁垂示永久其往時開河建開諸費既出
無名難於銷算自宜還項以給公用當否惟吾弟裁之

與陸銀臺論廣平安定墓地

六月初啟佑北行附一函申候適聞其受困酷暑中途而返小札應未達二十一日接手諭知門兄以廣平安定墓地有煩清慮弟初未知其事頗聞前此玉山世兄曾經關說故詰朝親詣冠山堂召集兩家戚屬商論訂即到山確勘弟承諭及力遵照原界歸還安定之指曾出臆見委曲調劑而兩家各執已見未肯允從玉山又建一說意主稊稊深合時宜然終於格格弟以為此事只論地頭寔踐不爭紙上空言只取向後著落不究從前來歷既已歸地則羣譁自息表老云還我汶陽則自掩旗鼓此為左券紛紛之論庸非贅乎靜溪於是幡然毅然即日遣价入山撤

朱熹集卷之五

籬還界頃刻之間已復舊觀幾同無事亦深服其善變也第其念隱有未慊多所陳辯囑為剖論以求白於大人先生之前弟豈能瑣瑣但為說以廣之凡地屬祖先兆域無異生前居址設有鄰佑皆當以敦睦為安生者無言則歿者自寧仁人孝子正當於有事中求其無事萬不可逞忿起釁以貽日後無窮之悔區區之忠造福於兩家者如此弟以之慰勉靜溪而門兄晤對表老時幸亦致此意彼固賢者亦當聞吾言而冰釋矣歸地之後又言立議安定曰宜有廣平曰可無此憑諸先生裁度可無則無之宜有即煩主議調局本在都門一經諸先生論斷自不費詞人還布復不盡

答胡表被言墓地

哀邁杜門筆墨都廢契厚如兄久不通問亦時切渭樹江雲之慕矣大才偉抱乘此昌時景運飛騰萬里在指顧間深望建樹非常為卿邦生色履成之慶實歷於懷來諭與廣平有論事關先隴為子孫者身在三千里外忽有異聞豈得無言賴今都門諸老力為調解且命及朽拙弟承銀臺先生手諭力遵照原界還地尺寸不踰之指始終持議惟此一言中間各執已見議論紛然相持日久終歸於正日來調處之局與鄙見硜硜悉詳銀臺復札中茲不復贅兄云歸我汶陽則旗鼓自息慷慨磊落之概形於楮幅又貽令弟札中詞氣和平摧剛為柔之語聞者靡不心折吾輩

朱熹集卷之五

處事惟有弛張迭用舒老隨時於今風浪既平正是雲開日霽一無芥蒂時也弟本迂直無解紛之智猥承謬愛以季路相責望而不知其老贖無能不適於用此番仰藉雲霄之唱幸不辱命然深愧碌碌因人成事而惟此款款之忠耿耿不昧無論與吾兄兩世交好不敢相負即與廣平夙有年誼亦不能狗姑息之愛即或疎于立論未合時宜然正是委曲調劑期于善後若因此疑有偏見則可矢諸天日矣此惟知吾者能鑒之耳草復不盡

頤園場地退契稿

立退契雙清老人向年在康熙甲午用價五百金契典山東姪婦李夫人園房一所坐落大西門外字區十一畝外拱字圩爾時李夫人率其子立誠凌雲自大邑扶先人靈柩歸山左道出邗江間行至崑山欲賣園房為路費一時無售主進退惟谷余乃軫念西山姪半生蹇苦得官之後肯銳意歸宗捐重價買頤園為還鄉之計天復不祐遽奪其年賡志以歿余忝宗老始嘉其志之可尚繼惜其運之不偶多有紀述以撼感悼於斯時也又目擊其後人徬徨中道行止兩難能無動心加以援手故勉力成交以周其急實非貪此菟裘也自其母子去後即多方召與以為從

頤園稿卷二四

雜文

十三

容覓主未必無人詎意關鎖十年竟無問者屋漸傾頽歲需修理所費半於典價而園丁膳資竊盜訟費又復不貲非但破財兼亦勞力自貽伊感老人追悔何及因此減價轉典汪氏年來幸稍稍脫累而立誠兄弟自東省一歲再至又以找絕見告矣余豈不知其原價尚虧然自西山立意歸崑未免議價太昂當時已有言者不應取足於我況今他人住房而責余找貼恐無是理即向汪氏加與余現虧價二百何能及原主再四圖維竟難設法是用致語立誠促之東歸矣乃余復轉一念當年典房之舉原為軫恤西山今其後人坐窘絡繹奔告諒其情或有所不得已者既屬本支豈宜忍視因於萬無說法之中更籌一策原契中

園房而外有行場基地多畝每歲出租雖甚瑣屑尚有餘息余願吐出聽行別售以補原價未敷之誠兄弟亦願改立絕契以五百金歸并園房永遠管業聽作原主質之親族交口稱善立有公議因即遵議立界分疆公同丈勘自園以南尺寸皆歸絕契管業向北籬外量放數弓為居者他時拱衛之計自此以北盡歸原主丈後各照畝分立戶辦糧均無異言合書退契并詳始末略見余之克已行惠立誠凌雲東歸之日以此稟覆尊慈當鑒余始終軫念西山之至意也

附載甲午年典房日親族議稿

立議單吳賓王孫申之等為有大邑令西山君向歲

頤園稿卷二四

雜文

十四

教念水木銳志歸宗故於康熙四十八年間絕買族弟容伯祖產坐落大西關外字區十一畝外拱字圩園房一所契價一千兩九允已經交受管業不幸於五十二年五月西山遭變李夫人率兩令嗣立誠凌雲扶柩還鄉道出邗江李夫人痛悼先君遺念未遂特與長子間道來吳省覲祖墓閱視園房合族為之感傷而太史素懷公尤追念西山教本之誼請留崑無奈馳驛歸東勢難中止又資斧告乏請於太史以園房暫典太史勉力受契付價五百兩整既以盡目前周急之義亦望他年回贖仍定居崑邑以慰西山泉下之思誠盛心也賓王等既列名表左復叙梗

略已將原交裝修細數及市房基地承租號冊兩本
照抄交付於典價內酌除修理銀伍拾兩外園宅左
近應添設從房作護聽新業自行增造所費工料俟
回贖時公估價值償還又地基太濶糧額繁重輸應
甚艱倘園外空地有願認租造屋者亦聽太史主張
回贖後照常起租成交之日兩相允協立此議單為
照 康熙五十三年五月立議吳賓王孫申之等

素巖文稿卷二十五目次

雜文二

清田開局日記

擬清田條議詳稿

清田請弓式呈子

比業戶親供說

清田告邑人文

與朱義和論社倉

南鄉社倉告示第一道

南鄉社倉告示第二道

社倉知會農戶單

清田開局日記

邑令杭公誨吉正月二十四日開清田公局於試院先期布告通邑是辰余隨東海夫子先至薦嚴寺小憩令公延至局交拜於堂上再延任事諸先生亦交拜如前禮齊赴已神廟令公率合邑紳衿耆里讀文祭告東海夫子再率任事諸先生宣讀誓詞禮畢余前謂令公曰詰生隨諸先生後奉明府命襄乃公事為桑梓剔釐宿弊正百年經界事非得已今日明神在上敬與明府約任事之後詰生或心不如口終不違初私擇便利貪功好名具文從事而鮮實意偏執已見而損虛懷以致事或不成或不成或不成之罪也爰出明之謫罰無辭乃或豪強之阻撓不能制姦

素蒙公稿卷十五 雜文

一

猾之舞文不能懲令甲之施行不信胥役之奉命不謹則皆明府之責余輩不任咎令公曰謹諾乃揖任事諸先生而告之曰公等皆鄉黨自好士迫於公事不得不出人有言若輩書生豈能集事者以愚度之天下事惟書生得辦范文正為秀才時以天下為已任諸公皆秀才異日為卿為相取諸此在朝在野何事不可為但願各發真實利濟胷腸前者任此事皆非吾輩人故訕謗可受刑威可受今諸公平日讀書明理來任此事一生之志節關焉苟失足一朝將不齒鄉黨亦可受乎自今以往任而善善未可枚舉大要不出至公至明兩端任而不善不善亦夫可枚舉大要不出受苞苴通情面兩端受苞苴者不肖之所為諸

公必無其事然他人不宜以此輕量諸公諸公正宜以此檢防自己至於通情面則受病易為害大謹厚之士謂吾自無私而已稍通情面奚妨不知情面之弊與苞苴等諸公誰無至親誰無密友豪門豈無請託姦蠹豈無引誘一人通人人可通田之清也何日諸公任而善人莫不知其善任而不善人亦莫不知其不善諸公其深念憲臺之美意賢令之虛懷凡我同事亦與有光如其不然衾影難安人言可畏誰無鐵面豈能阿徇願與諸公勉自愛諸先生亦皆有規語余拱聽之再語令公清丈實事全在田頭今所任里排立可盡信今日畢聚願明府申諭之諸里排未受令公約亦皆有言余曉之曰汝等所陳說皆清丈節目

素蒙公稿卷十五 雜文

二

當候邑侯條例詳憲頒行無庸議今日汝等所急宜振刷者一副心胷耳已往之弊令不嚴法不善所致罪雖在汝等姑不究自今後汝等當思仁憲之威靈不終汝貸賢疾之法令不終汝徇母怙前惡以身家嘗試諸里排唯唯而退令公行余與諸先生偕散

擬清田條議詳蒙

查得崑山田地繁多科糧瑣雜自前朝萬曆年間舉行清丈於今年世久遠魚鱗信冊散佚無存以致姦弊叢生豪強隱占享無糧之產懦弱累賠輸無產之糧故於康熙十一年奉憲執行清丈詎意委託匪人奉行無法舊弊未清新弊復加十五年約徵比簿混率難憑十九年另造新冊弊端百出與情不服難以勒行遂弔原書久擱藩庫康熙二十六年紳衿任事立法頗善惜乎中止又更十載隱弊日深累賠益甚萬民情極號憲清釐茲蒙憲臺為民請命繕疏具題奉 旨清丈委員專理兼遵道府監督任其重大卑職智短才疎懼深蚊負又仰體憲仁敢不竭誠勉力

蘇松太道卷五

三

伏念事關通邑利及萬民釐正雖在一時章程實垂數世苟非任人得當安能徹底澄清卑職臨縣採訪業同紳士公舉得人為九班主局分任覆勘再遴選各鄉誠實耆老分畝司正監督里排清丈至公至當務使湔除積弊繕造成書以垂 本朝信冊昭示永久庶不負各憲臺興除釐剔一誠心所有條議十八則呈憲核奪恭候頒示遵行須至冊者

一舊冊宜收貯公局也土田則壞全憑版籍崑邑魚鱗信冊久已散亡然民間或有存者合應懸賞購求無論一區一畝確係印冊各令呈獻以備參考至十五年丈冊現據征糧雖多草率混亂然區畝圩總尚仍舊額合應

弔貯公局如有闕漏必係姦豪私匿罪坐經承重法追取十九年丈冊弊端叢集正恐姦排仍襲窺白照鈔搪塞亦應并貯公局俟信冊造成後兩兩核對情弊自見至於版荒蘆洲屯田學租俱另有冊一并弔集以備查核

一弓式宜較驗畫一也弓自部頒無容伸縮聞崑邑十九年丈弓來自太倉衛尺度較寬以致闕額甚多公加滋弊今奉憲頒發信弓合較縣遵匠遵式驗造以備鄉局覆丈之用其各區里長亦自遵式備造公局設立號簿匠造一弓必赴局較準登號火烙印信然後驗發如無號者即係私弓察出究治

蘇松太道卷五

中

一鄰境界限宜清也崑邑交界州縣西則長洲北則常熟南則青浦東則太倉嘉定各須用牌分釘界限截然無混此長洲縣已行之法推之區有區畝畝有畝畝有圩畝界清則區畝無不清矣崑邑十九年之弊半在圩額混亂其法主箍額公加而凡圩界疑似之坵承銷強者從他圩收來弱者被他圩占去盈額者得利虧額者累賠二十六年清丈時里排首報票可証今應將每圩交畝之處各用牌分釘然後號次分明可以施丈而覆勘者亦自瞭然矣

一丈冊條項宜詳也其詳於坵畝者區畝圩號坵形方圓田形與總圖相合○坵內有屋基墳墓俱要標註另丈步口至堤戶界墳尤要丈明步口數目俱寫大字不得省筆以杜更改四至開

疏數如遇田頭橫處須開基號至其號○遇官
河須填基號等名不得但開運津等字樣
原田若干○放租田數確詢積步實田
佃戶有與原田不符者註出積步實田
酌計加減○合業者應原田驗法
分其詳於科則者填報租額
確詢佃戶註明每畝租額若干銷報
註荒瘠
荒分三等○根蟻科者為最荒其新報復熟荒老荒而水報及報復
熟荒者為最荒荒與荒界接處荒界出者為半荒瘠亦分三等一沿邊一
抱角一坵坵數不等或三或四或五已上各刻木印承銷
大田時據實印註坵內以憑覈勘有一田而重犯者並註
其詳於八戶者
業主
不論大小戶俱開表字并註住址不許開戶
田甲
內無田甲者前正報
佃戶
從前冊內佃戶俱空不書此番於號內
其詳於冊首者圩總
原
冊內有前不得承十九年
承銷大田時照填舊料正四四務須開圖
泥改數目而總區總此
圩圖
形區形此鄉局覆勘定則後另取大紙寫通
填註入各等稅則粘示圩內如有不合許人指報以憑覈勘
已上冊式既
定里排造造繳局冊面填寫某品某甲某人承銷畝正
某人監丈
各為號者押
不許只開戶名
鄉局覆勘後添註總局某人覆勘

素源文稿卷二十五

五

訖各刻鈴
記為信則冊式詳而丈法可精矣

一施丈立法宜精也首分段
圩額大者類以一手承銷及千者中分之
二三手者實分幾段以木表為記每段
中間明基號起某號
止以柱漏丈之弊
次編號
址號照前冊編然有圩并然宜分數段
而承銷混率并作一號者此應另改又疏取
址址相連方合魚鱗之意若顛倒
越亂人耳目者中必有弊亦宜另編
次插牌
每址四隅先插小木牌為表
然後施丈丈畢另用木牌開
寫址形步口號插田中以憑覈勘
次弓覽
田頭橫處用步弓不可鐵
佃戶看管不得與人拔去違者究治
次弓覽
田頭橫處用步弓不可鐵
用毛竹篾代亦可
次步口
田址方正者中間尚有關係須用橫桿至圭角圓
其田頭河面官塘馬路
已上丈法既精可除隱漏諸弊步口得
清矣

一核田定則宜也
崑邑丈量之弊在步口固多而在斗
則尤大或肥產不享輕糧必瘠田而輸重賦因使豪強
得利良善累賠公議以為向來積弊皆由不坐田頭核

報荒熟只從紙上更移輕重行賄通情以致走圩走畝
弊莫可救今只宜照圩額公派里排連約印註荒瘠報
填租額各主局覆勘酌擬職率合邑紳耆公同驗派其
有滄桑變遷應出圩劑量者另行酌奪務使眾情允服
可垂永久始不負上憲釐剔至意

一業戶親供宜速也
崑邑丈量向只專任承銷不復知會
業戶盈縮輕重有田者毫不與聞直至冊成之日抑勒
放田民心不服誰肯奉行此番丈量雖仍責承銷辦事
必須問業戶親供繳冊後一面發鄉局覆核一面遵奉
憲頒連三號票知會業戶覆丈親供限一月內畢繳庶
使田畝盈縮隱則輕重業戶瞭然心目自不難於收領

素源文稿卷二十五

六

而紛爭告訐且當永息若業戶狡狡與承銷通同作弊
營私占利者自有鄉局舉發一併嚴治
一鄉局覆勘宜嚴也
各班主局係紳士公舉為守兼優詳
憲委用自當矢公矢慎無庸告誡但此事實為弊數釐
剔殊難務必逐坵挨覆通圩親勘有弊必清無姦不發
其有片時怠忽一念因循過出無心害貽不淺抑或慮
怨謫稍示包荒嫌在親朋偶為姑息代人受過賢者
不免豈知鄉有公評官無曲法一經指摘名實兩虧至
於職忝憲委已分竭力秉公輕舟簡從徧歷田間抽勘
兼行怨勞無避倘敢私擇便安徇情隱庇當請憲臺法
處以為眾戒

一圩額盈虧宜酌也崑山田地緊縣一百一十七萬有奇十九年丈冊虧田七萬九千八百餘畝竊怪闕額何以太多意者弓製稍寬兼之姦排漏丈者多既云箍額加減乃加者七萬九千之多盡攤圩內減者四千五百有餘另報新陞有加無減不識奉何明文今議得各圩田地止照積步算還實田俟槩縣丈畢總計多寡定議加減以足原額或應概縣或應逐圩另文報憲以候酌奪一斗則煩瑣宜併也田分高下則有重輕禹貢九等定賦理固不易即曰高下懸殊非九等可盡或更三分析之為二十七則良云均矣乃崑山田地蕩三項共分六十七則過於煩瑣其中所差不過三合五合遂分等第不

葉肇文稿卷五

七

知當年則壤何意此番清田以後另造信冊合應就其中最煩瑣者酌併之算合縣總平米實數不虧原額詳憲題請以定永遠章程允為盛事

一公占宜核裁存也儒學試院官倉教場等處固應公占即前朝敕建寺觀載在舊冊者亦當仍舊今十九年丈冊所開公占盡屬鄉邨新建菴廟母乃太濫甚至五聖太媽現奉禁革居然在籍以致闕額甚多加入民田最為隱弊今應嚴諭承銷另行查核開報裁存以憑覆勘如仍前混造者定行嚴治

一版荒宜清真偽也崑邑版荒地久奉恩蠲但昔年勘報未實蠲者或有冒荒荒者不能盡報乃週年以來冒

荒者已報復熟未蠲者難於續報而開墾之已報復熟者仍復全荒今番清丈應細加查勘凡遇有荒田處所填註未印者於中更為分別或已蠲或未蠲或老荒或新荒或已報復熟或新墾未報或復熟仍荒俟丈畢後總計多寡通盤盤抵算斟酌劑量以甦民困自有意裁另應詳奪

一淩蕩官私宜清勘也田間淩蕩多屬姦豪霸占漁利妨農即告佃給帖何嘗入額徒歸中飽亦有自昔入號科糧近年丈冊反行除去以致圩內闕額今須踏看田頭水漢不通舟楫無關蓄泄所主有人者仍編入號內丈明否則除去歸官與民公其利永遠不許告佃

葉肇文稿卷五

八

一軍屯學田宜備查也軍屯學田向不施丈恐闕額無補然慮有隱匿民田之弊仍應查勘照舊編入號內

一首報之途宜廣也十五年丈冊外謬民間賠累實多告許時有今與民更始罪在已往不究若目前承銷舞弊法在必行除經鄉局舉發業主稟報者嚴懲不貸外其有隱弊難搜更許旁人出首凡在本畝隔圩見聞真確者據實稟明以憑質訊或慮礙情面難於直指特於公局設立一匿許人開列弊跡密行投報當即親勘得實按法懲處鄉局或有徇庇亦許首明以憑檢察倘有惡棍挾讐妄指者仍行重處

一阻撓之禁宜嚴也崑邑丈量行已多年弊無周繼姦豪

意在必行故從前紳衿任事百計阻撓以墮善舉今奉憲臺具疏題請法意兼行當使姦豪心懾但職仰體憲仁欲為崑邑刷除積弊非秉公執法安能徹底澄清故前詳定賞罰之條引律治罪不得不嚴正恐匪人難於革面或久占便宜耽延難捨或私結黨與密授弊端或觀望遲延致稽部限或奉行錯誤撓亂成規甚至匿名謗帖飛語誣譏職雖問心無愧罔恤人言而各班主局保無瞻顧任事灰心仰祈憲臺洞燭曉示嚴禁如敢阻遏善政許職指名詳報候嚴提法究以示懲警

一執業清單宜分給也清田告竣攢造信冊之後每號各設一單給與業戶若一號而有合業者逐戶分單單內

素蒙文鶴卷五

九

照冊填註糧則步口一一明晰管業者子孫世守棄產者隨單交易永杜虛糧隱產之弊亦絕盜賣侵占之端最為良便單式宜倣嘉善其領發事宜另行詳憲酌奪一推收帶號宜永遵也崑邑田地大弊全在推收止載科糧不列圩號盈千累萬總不識坐落何處以致百弊叢生今即清丈得行信冊有據若使推收仍襲陋弊則數年之後紊亂依然議得撤圩之日照號領田嗣後每歲推收必據執業清單里書對同行數不許戶房擅動則姦胥蠹役飛洒詭寄之弊一無所施而無告窮民永豁賠累此當奉憲檄縣勒石定制以垂久遠則崑民世世永戴憲仁於無盡矣

清田請弓式呈子

弓式上關田賦察核務求信準叩憲電鑒酌議以除痼弊以慰輿情事切仁政必始經界清丈全憑信弓崑山丈量起於康熙十一年前任董令奉憲頒發丈弓現有成式至十六年曾令續任清田專信吳鑑另換大弓致通縣關田七萬九千有奇創立箍圩公加捏造弊冊勒令收田萬民騰怨蒙前撫憲洞察禁止弔冊廢擱藩庫至二十六年再奉舉行憲頒弓式與十五年相彷彿時丈過田畝實少關額今蒙督撫兩憲為民計命繕疏具題奉 旨飭行恭遇賢明公祖實心釐正詳憲條議首論弓式具服明見但從前造弊姦豪黨與實繁深思密算必欲踵行十九年弊冊

素蒙文鶴卷五

一

機乘上年憲檄弔驗原弓串合書吏朦蔽前縣獨將十九年丈弓呈驗其意專為丈弓得遂姦謀則與弊冊步口尺寸皆符以便將來照舊鈔謄痼弊難破伏念崑山田多賦重向無魚鱗信冊致田糧混淆逋累日深前憲舉行清丈原期興除利弊昭示章程詎料吳鑑一手把持恣意行私數年之中糜費民脂無算構成陷穽播虐窮民今幸仁天各憲澄清徹底千載一時若使仍隨姦謀終行弊冊不獨有辜上憲弘恩抑且虛負 聖朝德意勢必崑邑萬姓子孫世世受無窮隱累殃害何可勝言伏乞憲天俯鑒輿情準照十五年信弓施丈則通邑士民咸知十九年丈弓既廢自信十九年弊冊永停姦謀得息萬姓更生上呈

比業戶親供說

清田之必須業戶親供者以田為業戶之田奉旨清丈丈業戶之田也業戶不知田之寬窄無以定畝分業戶不知田之高下無以定糧則故用承銷知會令自查核使之心服然後撒圩領田必無異說是為十八條議中喫緊關鍵前此事在承銷後此事在鄉局中間業戶親供為承上接下一脈所以清承銷之蒙混即以候鄉局之覆勘也原議於承銷清丈後一面繳冊一面知會限業戶一月內畢繳是謂親供宜速無奈冊齊之時正值甘公交代未經官府申飭承銷怠玩繳冊不發單者有之發到田甲佃戶沈閣遺失者有之其得知會業戶十總一二又皆束之高閣經

素蒙文稿卷之三

雜文

七

今二載有餘始議追取固難於接縫矣今日諸此情勢宜更有一番補救區畫乃竟發牌追比又責令承銷催繳半月之中鄉城擾擾原差追承銷承銷追田甲田甲追佃戶佃戶追業主凡此五等盡乎邑之人矣而轉輾逼促奔馳不息則盡邑之人而擾之矣盡邑之人而擾之而使親供畢繳繳者得實則又多一恤乃揆以今之情勢親供必不能盡繳繳者必不能得寔徒以擾民無益於事不惟無益而有害之于是通邑謹然有以親供為可已而轉咎立法之不善者夫立法未嘗不善也以親供為可已者是防噎廢食之見也今日之病坐責令承銷催繳承銷職在知會業戶職在親供知會者發單親供者繳單不發則承銷之

罪既發矣承銷之事已畢奈何復責之繳也且承銷之責重則業戶之責輕承銷受原差之逼促因田甲佃戶而後及於業戶周折甚矣而業戶不之顧也其精勤者方在履畝覆勘以徐待丈算之畢而怠玩者直置之度外聽承銷之追索藐然不一應也原差受責則承銷破費業戶亦不之顧也于是承銷不得不捏填以應比凡今之繳歸公局者是承銷親供非業戶親供也縱不盡然而捏填者多不知當事何法以辨之無論其不能盡繳也即盡繳矣而其中捏填者於親供之義適相背又何取乎假令撒圩之日業戶不肯自認訴承銷捏填當事仍理之乎則將以息爭而反以啓爭矣抑概不問乎又恐業戶之心不服而未

素蒙文稿卷之三

雜文

三

能帖然於領田也是則今日之責承銷以催繳親供大誤也將舍承銷必無催繳親供之法乎愚以為不然比業戶則親供畢繳矣不惟畢繳且盡得實矣夫田為業戶之田皆其受之祖父傳之子孫者也今日官府焦勞不辭怨謫以求樹此不朽者無非為業戶百年之計誠千載一時也業戶不乘此奉行良法釐剔至清而顧因循玩愒以隳此善舉苟非天下之至愚必不出此今惟下一令曰業戶有田承銷不予知會者許業戶具稟以訴令承銷補發承銷又不發責無恕其已發者專令業戶履畝查覆定限一月清造戶領圩冊與單并繳過限者懲以法則承銷催繳之累一旦得釋必歡聲載道而業戶自知責無可諉不得不

親行查核而所供既實鄉局可據以為覆勘矣即有怠玩者當此蒙混塞責其自貽患後之告許可不理也而有難之者曰承銷可比業戶不可比也承銷格以排年業戶散而無統聚一縣有田之人大戶小戶不知其幾千萬也何法以比之曰有法即以比承銷者比之同是排年耳論其役為承銷舉其寔為業戶責承銷丈區中之田前日之事也責排年供本戶之田今日之事也法仍當按班挨比令每甲各造戶領圩冊有花戶每戶分造一冊與比承銷即是一法而轉移之間功效迥殊矣他年即可按以為領田張本亦一舉兩得者也大抵任事貴乎有法而行法存乎其人法不善難以成事人不得同於無法業戶親供

素餐文

五

清田之一法耳行之不善則有累全局故不辭瑣瑣而為之說

清田告邑人文

吾邑田糧混淆幸逢大憲軫恤特疏題請奉 旨釐正委員經理去從前積痼之弊垂向後經久之規以安良善而長子孫誠千載一時也為崑民者苟有人心皆宜感頌憲仁同心協力以襄盛舉乃有不可解者是非倒置趣舍背馳以興利除害為擾民以拯溺救焚為多事公為訓謗之言陰行阻撓之術而且遷怨於僕百端誣讎肆其詬詈則尤不可解者藉吾邑清田之舉始於康熙十一年靜寧慕公為江藩銳意興革洞知吾崑有有糧無田有田無糧之弊意在恤鰥寡抑豪右故發檄從事一時歡頌更生而無如奉行不善不為長久之計徒騁苟且之謀於康熙十五

素餐文

五

五

年募下撒圩之令勒民領田草率混亂聚縣錢糧本折三十餘萬皆為約徵又圩內多有收領未盡之田名為圩底以累排年此在當日任事者之罪顯造不結之局貽惠今日與他人無與也嗣以曾令去任奉憲清田曾故賢令而輔之者吳鑑出身里書陰狡有膽力一手管攝率其黨與潛謀密計造成弊冊而邑之富室大戶有心計占便宜者或以賄囑或以勢取或以情求各得所欲以為快而其時之縉紳有才望者宦於京師在籍者或以庇鑑率籍口不一言而鑑乃得一無忌憚以致精於弊此為十九年之冊當其攢造五年之中吾邑人若不知有此事者及至冊成懸示勒業戶領田則眾皆不服始各譁然以聞于上憲時

慕公為撫軍委員勘問得實乃弔冊擱于藩庫示不復用而姦謀以沮時僕尚未通籍不問戶外事而冊之廢擱實格于公論與僕無與也然自此以後姦豪之耽耽于弊冊而不能一日去諸懷者乘間抵隙冀其復行遂不遺餘力而適當二十六年趙公發檄再議舉行今少宰徐先生承撫軍之委僕亦得與于此役任事三月竊有成緒而姦豪刺心側目百計阻抑旋即中止蓋誠知十九年之冊一日不毀則姦豪之心一日不死縱有善舉必難遂成以故十年來僕雖伏處鄉里不敢一言及此事乃至三十五年有方成者具呈上憲黃茂繼之意皆欲行十九年之冊而故為詭詞以聳憲聽憲不之惑也乃具題請旨此天之祐

朱文

五

崑以啓我中丞者與僕又無與也而或者疑僕有力焉僕其敢貪天之功自是任其事者皆一時賢者相繼按崑每承下問率愚誠以告之而姦豪之徒又復刺心側目每當官府勵精之日慮信冊之將成則必嚙然為阻撓之局遷怒于僕匿名粘謗肆其詬詈夫雖匿名而其人實可指數大抵皆吳鑑之餘黨前所稱有心計占便宜者其視目前之勢十九年之冊駸駸乎難以復行而發掘暴露實由於二十六年之舉故使向之以賄囑以勢取以情求者至于今皆成畫餅而怨于是乎不得不毒恨于是乎不得不深又無所歸咎則舉而集于僕之一身噫亦太甚矣夫專利不可也專利而謀及土田尤不可蓋田為公器一邑之中

自公卿至于編氓皆有之父傳之子子傳之孫非一世之業其中得失聚散有天以主之故廣狹輕重人不得而必之設有專利者于此損人以此益己瘠人以肥己則雖漏王章必遭天譴人間水火盜賊疾病死亡之事皆天設之以徹夫專利之徒悖而入者亦悖而出願吾邑人省之也諺云前人田土後人收此畝畝者千古常存而業之者其變耳或十年二十年及其身不能以保有即傳之後人亦一世二世已耳何苦為他年之計蒙面喪心以營己私不得則為怨望為謗毀以及于無辜大損陰德當受冥誅願吾邑人勿為之也如僕者固一介寒儒幸列縉紳誠為非分然性本恬素幼承祖訓頗知自愛通籍之後遽返田廬杜

朱文

六

門養親一十六載碌碌自矢不敢放逸縱恣以得罪于鄰里鄉黨間或留心桑梓與官府陳說不避怨嫌常思以口舌造福區區之忱天日可鑒即清田一案誠為饒舌亦出公心念此事關吾邑利害不小幸遇仁憲主持建造千百世不朽之業私心感戴而又目擊任事官長焦心勞慮竭智殫神以圖成效而事若搏沙勢同築舍因不忍坐視少効一得以參末議此亦縉紳之職也方以智短才疎力薄勢孤不能仰助萬一以蒙羞恥而或以多事目之又以阻撓中之皆僕所不受也諺中有云王某之田多在成區成區之田多以腴產而占輕糧以是為僕罪夫僕本寒人父子四人合計業田不及十頃皆在李區五畝甲下完糧按

冊止祖遺宅基麥地陸畝有零餘皆一則高糧里書可証也成區丈冊現在公局常請清田公祖對冊查勘果有賤戶業田分毫並請入官凡此不根之語傳聞已久僕以為無足致辨乃造謗之徒逞其私怨謾為風影之譚而聞其說者苟非至親密友豈得深知或不加詳察以耳為目同聲附和者有之在僕既問心無愧不妨唾面自乾而特以是非失實黑白無辨吾邑人心之不善清議之不存至此已極正恐長其效惡異時且將汙蟻官府犯上行私何所不至亦終有累清田善舉虛負上憲仁心此不可以不慮用布實情告諸同志願各虛公體察毋為小人所惑又願同心持正堅志秉公正議伸則邪謀自息公道彰則善政

去以爲一

主

得行予以頌 皇仁而沐憲恩在此舉也若彼姦豪之輩利令智昏固難望其洗心自愛然使果有深怨于僕不妨呈身出面仗義執言或訟于官府或論于學宮僕雖不敏亦嘗竊聞君子之教苟有獲罪必降心以從不敢自是而如其仍踵故智徒爲鬼域之計則匿名粘謗律有明條方今憲檄精嚴首禁豪強阻撓一朝敗露罹于重法悔無及也僕雖欲庇之亦不能矣康熙四十一年三月晦日王詰生具白

與朱義和論社倉

南鄉社倉公事賢勞不獨一方頂頌合邑皆爲欽仰佩服佩服此事承協滄先生委付雖不得親身下鄉辦理然此心刻刻關注欲仗先生暨各位兄翁大力主持振頓從前廢墮更新日後規模使此局得永永遵奉惠彼貧農實爲至幸披閱去歲收米號簿總催名下全收無欠者甚多足見任事得力決當旌獎內中亦有全欠不還總催一人名下完不及半者理宜追處乞造報細數當即具稟呈縣請檄勸懲乘此麥收再求嚴催務令徹底清足至若舊欠按收簿不及三分之一不知各頑戶何等心腸亦須照欠另造一冊以憑稟縣嚴追目前察戶務在真核勿有一毫假

去以爲一

六

借察時得力收時省力幸加之意至於設厰在城冬間萬不可已夫豈不願仍舊貫便此一方貧農但當年設立鄉原欲仗顧氏照管今聞彼家凌替房屋漸就傾圮勢難依傍若無變通將來必致疎虞若有疎虞此局必致寢廢煩先生於發米之前傳集各鄉保催曉諭明白冬間必須酌量方便送入城厰堆貯安穩此局可以永行正是爲爾農長久之計若慮來年另發別鄉斷無此事吾輩舉事光明磊落決無欺誑如有不信即以此字爲証正要與各鄉保催說明使彼安心奉行若有不願送入城者亦竟不准發米可也并乞聞之天忱先生希鑒不一

南鄉社倉告示第一道

照得本邑社倉原奉憲縣檄行合邑紳士捐貲公舉利濟貧農良為善事其行於南鄉者專屬協滄顧老相公主管十餘年來實心肩任獨力勤勞惠遍南鄉厥功匪細近年高難於久任業將歷年簿籍現存米石交付本宅另請義和朱相公主管素行端方尤加精核從此更新釐剔將見善事永賴但按憲頒條例內稱各鄉務擇敦信耆里為分管催辦察核勘驗真係貧農方許每戶給米五斗不得濫發以杜冒領不得多發以便易完務令本歲清還顆粒無欠以俟來年再領今查簿內各鄉拖欠甚多甚有保催一人名下懸欠至二十石以上者歷年挂宕本利全無殊

九

可駭異此不特弁髦憲令即是阻撓善緣本米日就消乏勢自難於轉運既使任事灰心必致爾農失恃為此布告各鄉除現年發米照各保催開報貧戶候主管察實始行驗散外其歷年拖欠各戶照冊清開煩主管嚴押保催逐戶著落果係本農承認者乘此麥熟力追清理銷欠後仍行借貸如有影射冒領恃強不完者亦煩主管核實開報以憑稟縣究追此事踵先賢規制為桑梓綢繆必使法意相維乃得求行無弊願諸保催各發實心共成善事爾欠戶亦湔洗前非毋怙頑惡以寢盛舉以累良善慎之戒之此白

南鄉社倉告示第二道

照得南鄉社倉創自協滄顧老相公力行十載功德非小奈爾農不能仰體盛心拖欠積多故於康熙三十六年交付本宅元期釐剔更新其如善心不實無能感動爾農以致頑者仍舊懸欠更多本宅疚心此舉業於夏中六月同諸位相公冒暑下鄉親行察核面諭諄切不啻再三諒爾農亦當鑒其愚誠幡然改悔今當收穫之時合行分單催取煩爾各鄉保催傳諭諸農戶趁早遵限將本名應還之米一頓交足向例分為三限每限半月為期太寬以致觀望不前及至限滿主管下鄉催索爾農瓶盎已空不得不欠今當變通其法自開倉之後十日為首限每五斗免米

三

五升又十日為次限每五斗免米三升以後不准立限有未還者主管相公各備船力下鄉分路坐催爾農每戶領米不過五斗設處甚易即此二十日中儘可完繳何待相公下鄉一番彼此多費限內完米各戶有不及親自到倉交納者保催彙收仍於限內繳倉方准免米繳米之日本倉賚以酒食仍發回船飯米去年已有成規今歲收米本宅親臨廠口顆粒經眼釐剔方始爾農倘能一洗舊習共襄善舉自利利人有何不美若仍前抗欠勢必稟縣追理一經官法便多擾累殊失為善本指此豈本宅所願也其三十三六三十七兩年欠米夏間已逐戶覆核另有轉稟各照欠數與本年領米一體完納限內收者亦准免米其三

十五年以前舊欠本宅正在按簿稽查除假捏農戶冒領抗賴者不准豁免外其有真實鄉農一人止領一戶無力還倉者念其灾荒貧苦盡行蠲免此出自顧老相公德意本宅惟有仰遵布告不敢掠美市恩爾農正當感其仁念默為禱向後各發善心綿此勝舉以無負其始事勤勞至於本宅經管之後執法如山不肯纖毫假借毋得藉口拖延妄生冀倖在鄉保催人等亦不得私行征索以恣中飽察出究處未便特諭

圭

社倉知會農戶單

照得本宅社倉之設承自協滄顧老相公於康

年交下冊開放出米二百七十餘石本宅於是冬親鄉協同諸位相公督催貯倉照例貳分取息每歲除送經管相公束修倉上人役飯米暨租倉鋪墊家伙及下鄉察戶催米諸費并倉中熱耗閒有逃亡絕戶拖欠蠲免外存息無多惟是斂散得宜升合不漏歷歲經運至今康熙六十年得米七百二十三石分給爾農有冊現據本宅向因經管多年精力漸衰不能久任常思得一二誠實親友便行交卸忽於今夏遽有無良之輩匿名粘貼冀行劫奪撓此義舉人心惡薄如此可知善事難為本宅一面訪求同

圭

邑紳士作交代之策一面清造放米實數分單知會爾農各將應輸本利之米暫貯各戶當即儲為明歲種田工本候城中主局得人另法征收本宅不能復與其事但二十年之內任勞任怨無非為爾農殫力盡心顆粒無苟何矢天日苟有良心者應自悉之無待本宅瑣瑣也此單發後保催田主不得擅行催收以滋中飽之弊如有此等許本農赴稟本宅以憑理究康熙六十年九月初一日給

右文稿二十餘卷通計

大史素凝王先生

著也夫八而讀之同理

亦謂然曰先生

此文也人之文不

而已先生

何以言之柳子曰少為文以辭

文以明道周茂叔曰文所以載道歐陽

不難自至由是言之先生自少

命之微旨與義闡扶不遺餘

懿言日錄之刻皆其躬行

先生固有道

素嚴文稿二十六卷

江蘇巡撫
採進本

國朝王詰生撰詰生有懿言日錄已著錄是編所載

皆禰文末卷並錄及訟牒則太異矣

飲醇堂文集二十卷抱膝廬
詩草十一卷娛暉草十一
卷和靖節集三卷西山紀
遊一卷南浦詞三卷和昌
谷集一卷

〔清〕周金然撰

上海圖書館藏清康熙刻本

附《四庫全書總目·周廣菴全
集三十八卷》提要

汝南行世書目	
文部	飲醇堂文集
豫巢制義	詞出
豫巢小品	詞出
詩義新編	詞出
詩部	抱膝廬詩草
	娛暉草
	全和陶靖節集
	全和李昌谷集

飲醇堂文集序



自秦漢以迄唐宋千餘年文章僅再盛然以秦漢言戰國之陰謀權譎猶多駁而不馴至東漢漸趨整密以開晉魏之風以唐宋言開天以前風氣雖號隆盛然踵江左之末流文體全乎滯響及元祐以後晚宋風裁終歸

周序一

弱喪已耳中間惟秦并天下以及西漢之初爲秦漢極盛昌黎起衰之際與廬陵倡道之年爲唐宋絕軌其運會非復偶然而由商周以論秦漢爲自質而文由簡潔以進宏昌由六季以論唐宋爲自文而質由繁縟以復歸醇樸千數百年天下要不出此兩

端變動而中處絕盛猶天地往復之

運寒而之暑暑而之寒從微至著之間必有寒暑適均之會此雖兩行而不復見有乖反故論文以秦漢唐宋爲合轍此不易之論也而近世之論則不免以時代爲高下優秦漢而劣唐宋謂文弱於昌黎謂非先秦兩漢

周序二

之書不宜讀而究其所推導爲秦漢者又非昔人之所謂秦漢而北地歷下之所謂秦漢也此豈復有秦漢哉惟艾東鄉之言曰唐宋者所由以適於秦漢之路也此其說近是然猶病其視秦漢與唐宋而二之今觀賈誼劉向司馬遷之文已爲宋人立之

軌而韓愈柳宗元歐陽脩之傑出者
正使秦漢復生猶然欣其所未至也
豈秦漢自秦漢唐宋自唐宋哉則夫
論文於今日安得知秦漢唐宋爲一
者而與之言哉雲間周廣菴先生攻
苦於古文詞余遙聞聲者已二十年
其鄉多有從余游者又輒誦廣菴不

周序三

置及庚戌廣菴游金陵余方杜門謝
客客亦無過而問之者惟廣菴手一
編訪余恕老堂若以余爲可商質者
余始得見其人與其所爲文淵乎其
不可窺也浩浩乎不得其所止也出
入經史中含英咀華若萬斛泉常隨
地以湧出以是才力規摹秦漢而善

規摹唐宋亦必善乃廣菴固未嘗諦
擬也以秦漢程之而見以唐宋程之
而亦無不見以能窺秦漢唐宋之合
而已蓋天下人能見其所合雖絕遠
如朔南猶然共域而處而不能見其
所合雖一源之出同體之生岐視之
若涇渭之不可亂而蒼素之不可淆

周序四

也廣菴之文賈誼劉向司馬遷之博
辯雄偉韓愈柳宗元歐陽脩之醇以
肆咸噴薄出之而不見其有牴牾不
合之累以是知秦漢唐宋未嘗不一
而廣菴融鑄爲甚工也世知讀廣菴
之文庶不介介區分於秦漢唐宋間
而惟深之以詣力已余方刪定賴古

堂文選晚乃得廣菴急登之可以爲
教於天下矣廣菴爲先慈作端木圖
解余已刻之家乘又屬意法書余所
藏畫冊得其題誌頓爲烟雲增重余
一人所得於廣菴者不旣侈乎若廣
菴之詩於漢魏三唐間自爲一家其
不可以歷下竟陵兩相比擬亦猶之

周序五

乎古文辭也顧其詩別有刻君家伯
氏宿來先生序之詳矣不具論

康熙庚戌重五後一日櫟下同學弟

周亮工頓首撰於恕老堂



序

雲間孝廉周子廣菴余故耳其名未之
或識也一日者儼然造焉以其詩文三
四質於余若以余爲可言者余怪而問
之謂余曰余烏能知子余與宋荔裳先
生游二年其論海內詩文也必屬子余
之委心於子其猶荔裳之志也余聞之
喟然有嘆已受以卒讀復嘆曰子之言
信矣夫荔裳與余交最晚亦最深其言
詩文也亦最數大率以爲人之詩文必
世所不嘗見而後以爲異顧所以爲異
者有內力焉蘄勝乎其內不以外爭勝
而後其說爲可久是以詩與文必將以
內力爲殫圖若徒梘其貌躡其文以爲

黃序

可觀焉弗與也君子之爲學也舉天下
學之可貴者雜然入其中鎔液之鍛礪
之及其成而所爲可貴者不知也彼有
所以貴凝結乎其內不流濫乎其外乃
久而逾新焉則人之於詩文也歿身而
已矣廣菴精心強力刻厲於學不知其
止所爲詩文也採之有其英茹之有其

黃序

實濟而唯之有其精且旨其於荔裳之
所言宜有以自信何疑而以質余哉余
故感其意不辭所請而爲之序嗟乎余
之於世也無所冀焉耳竊不自量殫心
於學三十年夫豈無知余者然或余才
不足稱其不棄遺而抑塞之則幸矣有
如荔裳之屬余畢其生至於同游之子

而尚未能舍然乎今廣菴之於余也至
矣思當日荔裳之以余爲信也何如廣
菴之取信於荔裳而以其緒言取驗於
余也何如余之觀其所作以爲與荔裳
似有感於友朋之故而益爲徬徨慨嘆
也又何如孔北海之念其亡友也以虎
賁之似坐而飲之曰雖無老成人尚有
黃序

有虎賁之感可慨矣夫

康熙己未嘉平年家眷弟黃與堅拜題



飲醇堂文集總目

石 祿天臣

門人吳子禎瑞徵較

潘 勃思皇

卷之一

賦

卷之二

騷

卷之三

飲醇堂文集

總目

十一

序

卷之四

序二

卷之五

題詞

卷之六

題跋

卷之七

壽序

卷之八

記

卷之九

碑記

卷之十

墓誌銘

卷十一

傳

卷十二

飲醇堂文集

總目

二

論

卷十三

頌

卷十四

贊

卷十五

尺牘

卷十六

啓

卷十七

解 釋

卷十八

連珠 疏

卷十九

文

卷二十

祭文

飲醉堂文集

總目

三

飲醉堂文集卷之一

正統

雲間周金然廣菴著

賦

命物

脩竹樓賦

覽乾坤之浩蕩兮撫景物而徜徉試登樓以騁望
 兮思排闥以翔翔陋棲霞之徒峻兮耻摘星之譽
 殃嗟花萼之靡麗兮悼燕子之不祥迺者斷破煙
 叢剗斷湘江種稜荆之儲籥筮得震之蒼筤沿曲
 檻值脩篁濛濛滴奏笙簧振葳蕤扇芬芳舞搖龍
 飲醉堂文集 卷之一 賦

影陰動魚腸枝接丹梯葉蔭離梁欄蓊蔥其黛色
 隔窈蔚而縹光豈竹宮之陸離兮儼臨甘泉之右
 非竹殿之弘敞兮疑近神嘉之傍方其淇園擢本
 嶰谷盤根渭濱干畝山陽敷林芳條挺峴岳綠采
 敷雲岑屏山阿以絕跡旁水國而流音謝花都之
 繁郁入松畔之清陰雖擅美於東南未見知於伶
 倫人莫賞其高節紛獨抱茲貞心惟此君之正直
 能豁我之幽襟是以感由物召興逐神馳悲欣萬
 緒賞會隨時南條北葉新萌故枝曉臨雲母幕對

湘妃啓八窓而偃卧敞四戶以高棲金明兮聳秀
玉潤兮爭奇日成兮莫逆耳觀兮潛移至若山空
人閒風和景明則亭亭翠蓋皎皎蒼晶萬籟兮俱
寂一鳥兮不嚶拂雲兮容與承露兮迴縈虛簷兮
寫月而送態飛棟兮含烟而颺晴色侵書幌影浸
甃楹翫之可掬聽之無聲若乃粉梢瀟灑老幹飄
飄散層軒而捲薄霧蕩疎檻而遞涼颺則便娟解
意檀樂閉闥和名姝之衛吹接瑤島之仙謠悠揚
宛轉斌媚勾調當夫驟雨時至陰風怒號棖題欲

飲醇堂文集

卷之一 賦

二

折瀾楯將飄臺觀岌嶮天地動搖電奔雷吼巖滌
經漂則若哀猿之嘯山麓兮若玄鶴之鳴九臯若
萬馬馳驟而下坂兮若河決飄注而歎濤既而密
葉差差疎枝浙浙輕搖慢舞斜披欹側秋草迷烟
春花無色若吹弄玉之簫若奏梅花之遠若撫綠
綺之琴若奏雲和之瑟音自成平宮商如羽化乎
仙石又其密霰飄瞥寒威幽墨霜葉堆瓊烟柯鋪
白逸韻沉冥清吟蕭槭若虞姬之夜泣於帳中若
婕妤之裂帛於宮掖長恨悠悠孤懷脉脉噫歎歎

此物情之所感非吾情之自適時或襟懷蕭散塵
氛不擾良朋幸止美具難并騁懷遊目鼓吹酬展
棋聲腦膊琴韻鏗鉤則見夫新叢解簞拂榭敲櫺
細細扶疎嫋嫋娉婷流越調倚秦聲鸞鳳嘯蛟龍
鳴是宜謝眺裁詩子晉吹笙庾公朗月杜牧翠屏
追六逸之勝事踵七賢之高情時或韶光孕秀芝
蘭吐榮柳驛花殷氣和天澄交疏絮滿當戶絲橫
窺簾乳燕出谷新鶯和聲上下遠近相磨則見夫
琅玕碧鮮拂石垂英日飾影亂風動香生鏘金戛

飲醇堂文集

卷之一 賦

三

玉瑣碎瓏玲是宜綠珠捧卮羅敷調箏陽阿舞妙
碧玉誦輕響環釧兮瑤瑤鳴珮玉兮鏘鏘時或傷
春鬱思悲秋感時夕陽將暝晨光未曠陰靈慘慘
景色淒其啼西家之蕩婦泣東鄰之孤嫠則見夫
含風颯沓負雪離披悲商叩林淒調觸帷落葉打
窗鳴條拂楣於斯時也洛北之曲未終淮南之調
將啓聲颺颺兮不歇心搖搖兮無倚盼征人之迢
遞感興衰之離黍雜清筇之嘒嘒兮悵彷徨叫冥
鴻之嘹唳兮傷羈旅激孤城之變聲兮懸殘角動

深閨之流徵兮搗霜杵嗟鳳臺之寂寞兮但愁雲
嘆鸞肥之荒涼兮多怨雨時或睡回枕單酒醒夜
闌簷溜稀滴晨鐘乍殘室虛生白人靜思玄則覺
夫庭砌砌曲脩脩珊珊韻流空谷簾響驚湍怡神
兮爽朗娛耳兮潺湲使人栩栩胡蝶之夢恍惚青
鸞之山魂入桓伊之弄神遊梁孝之園嗟夫憂已
樂至歡劇悲旋感不絕心因物有遷吾欲開蔣詡
之逕兮託張華而望氣駕王猷之棹兮隨壺公以
游仙渡沅江而遨遊兮思劉琨之坐嘯睇筇山而

飲醇堂文集

卷之一賦

四

海湧峰賦
歷歷乎茲山之奇詭也突兀兮崩雲湧海排空起
拔地倚天兮錯山趾龍臥虎蹲兮不見人太白鐔
芒兮燭空紫噫此非閩間所爲幽壑巨藏舟而白
傳所爲開山而潄水者乎於是我來新秋飛步重
雲振衣納履爰整金巾躡石壇之走砌兮穿細嶺
之嶙峋臨劍池之齋滴兮漾鶴欄之清芬撫生公
之臺石兮悟點首之軼羣蔭老樹之扶疎兮坐盤
根之輪囷洗雷雨之轟瀕兮聆靈籟于虛牝味太
飲醇堂文集

卷之一賦

五

素于閒寥兮邈瑤壇之網緼于時玉洞僊遙桃花
未落石崑人寂貝葉繽紛風蟲日鳥交習譚兮水
鶴雲鶴語不驚兮轆轤天上見猿飲兮神潢山門
果饌殮兮蠹氣砢研薜荔之紛披兮石稜鬱確蟲
鼠之蹊胝兮東海歟兮揚黃塵丹丘齠兮苔蘚皴
蒼虬白蛻嬰弗目怒兮老樹倔彊鬼挪人立而狺
齟爾乃捫繡鐵兮翻斜日棄玲瓏兮過石室水月
大士兮雲爲衣丈六金身兮玉作骨清壁鏤經兮
留金砂大千變化兮想超越陟降兮雲岑流盼兮

鈴音菊滑兮鼉脊高脫兮秋陰呼吸兮重聞屐齒
今危巖出平遠兮鬱乎芊綿虞山君山遙插青天
太湖洞庭島嶼迷連蒼狗衣兮嶠嶸海蜃吐兮樓
閣客兒醉兮登登清遠呼兮鶴鶴酒闌寺冷人烟
微兮扶乘倒挂山樹月兮月光喪喪天形張開烏
啼銷歇明滅無埃吳王骨冷兮於菟睡窈窕紅瘦
兮芙蓉膩魚腸揮兮驚禦兒夫椒膏兮報雍篴蠻
觸爭兮霸圖休玉兔流兮幽隧閉吾獨怪夫漫山
之歌舞兮何舉國之如狂縱橫上下兮噉香而翽
飲醇堂文集 卷之一 賦 六

蟬之秋柳

後海湧峰賦

若夫解弢山中傲睨天上駭碧環迎紛黃相向樹
連石而一色烟與嵐兮萬狀於是客子不見者三
年秋容媚人者千里虎有餘丘鶴無舊市劍去池
荒僧歸石死古今換兮鳥聲酸英雄逝今天水寒
擬登高而放哭兮恐驚戲馬之僮較射之子與擁
蓋唱騶之炎官抱紅袖而盤遊兮逐空山之醉魂
徒使我形單兮影隻涼涼踽踽而誰爲歡但逐樵
青趣野童躡蠟屐支短筇穿木末尋舊蹤玲瓏之
飲醇堂文集 卷之一 賦 七

棧與鳥而爭道浮圖之級隨雲而御風詩乾猴濯
酒淡茶濃茶濃兮七椀酒淡兮千鍾吾欲拔劍池
之湛盧兮耿白虹于天邊吾欲呼守隧之金虎兮
啞狐兔于當年吾欲駕靈霓兮鞭焚輪決弱水兮
扶崑崙吾欲揚洪濤兮噴飛雪挽天河兮蕩激激
悲夫有志而弗遂乎髮種種又復苗苗尾夸父之
杖于蜚螭兮將化鄧林而弗得達途旣虺虺而窮
蹙兮如坡陀嶽嶽而輾軻何目補天罅之五色兮
若驅重湖之磊珂湖驅此石兮海湧茲峯與吾意

相擊撞兮又隱起五嶽于何窮若有人兮天爲口
日爲瞳霹靂爲手冰雪爲胃晞余髮于扶桑策余
轡兮唼峒振余袂兮霄漢返余駕兮鴻濛前不見
斯人後不見斯人吾將焉從亂曰有冢纍纍松栢
婆娑翩翾兮鶴鶴下上兮颺颺弔衆軍與短簿遺
祠宇兮山阿山靈兮安在曾莫聽我歌我歌且誦
我心孔焦將營菟裘兮長此山椒

伏厚堂文集

卷之一 賦

續感不遇賦 有序

昔董江都有士不遇賦後陶靖節復感而
賦之豈不以相知之難千載一遇哉夫著
文章爲錦繡蘊五經爲繪帛好茲奇服寧
用干時顧或明月俟映蘭葩虛鮮是所重
乎人之水鏡也矧乃青陽易逝皓首徒勤
安禁失路之悲猶冀同時之嘆而歲寒之
茂松不改幽夜之逸光莫發以此思感感
可知已覽古增慨賦以續之辭曰

飲醇堂文集

卷之一 賦

九

憫余生之不偶猗胡遽時其遄迫惘靈根之早萎
猗連枝弱而輪囷友蕭索而寡群猗戚寥廓目亡
親獨瑣尾以流離猗涉岐路之蕪榛托落而歷溫
涼猗煒煒孑立之單門幼抗志於太清猗又迴源
於遼蹕睇秋幹於鄧林猗揆夜莢於縣圃漱二靈
之清潤猗靈滂沛於九區汗青剔於蠶泐猗蚪斗
探於玄窟攷循蜚之皇駁猗讎孔壁之魯魚吹藪
火目問太乙猗摘心鉛而抽意槩謹說郭於八會
猗綜甲錄至於十覽羅爲緯而邊胸猗騰龍文之

匣劍荃旣不爭於昔之好猗奮藝海而肆漁畋懷
忠信爲甲楯猗服仁義昌作橐籥志攬轡之澄清
猗疎介軀而欲弄何天衢猗出濛汜揆皇路猗夾
虞淵隱玄豹之在霧猗遲蒼龍其起蟄誰與開驂
騶之廣術猗我將策駿襄之超忽慨今之相者舉
肥猗老驥長嘶而伏櫪翰音一舉曰登天猗白磨
蹄繫而躑躅噪喧蟻吟曰慕類猗長離延頸而鍛
翻紛獨蘭心而蕙質猗匪海畔之所求鍵戶牖而
聲金石猗歷冬春而徂夏秋與蠅營而苟得猗寧
飲醇文
卷之一 賦 十

蝸粘於枯丘塊澤鮒之守涸輟猗誠不忍逕行滌
之波流波流濁而獨清猗難變白以爲黑總八表
其莽蕩猗自顧行行之跼蹐日夕以零露猗慘
龍霞之景匿曉春葩已狼藉猗又安其採夫秋實
槁薛荔於山阿猗推蘭蒨於澧澤慙顚越而輒軻
猗抱影而罹乎捐瘠欲破觚而爲圓猗性尤憎夫
反側噫娉倚之無媒猗執剪拂而豫席屬雲漢而
遡翔猗終無風又難於矯翼賦命之不齊猗感
脩塗之倡仄竄嫫母之見棄猗抑擯淑姿于幽墟

徒惴惴以集木猗卒擣焉其如怒閉席門之窮巷
猗何有乎負郭之阡陌長顧頷以行吟猗妻禦冬
之締綰悵虎鼠之異適猗散井渫之不食黃鐘與
瓦缶爭鳴猗寧大音之靜默隴畝與孟姬同官猗
又惜蛾眉之失色屬神應之休臻猗際皇輿之薤
庚時臯夔之握紀猗方領袖夫俊英集襄贊之忠
益猗躬吐握以持衡咸驥首乎天路猗思景附而
響磨鶴立企佇猗延慕光榮顧余拙其駢淺猗何
路掃門而通謁忘鉛刀之繞指猗其得効夫一割
飲醇堂文
卷之一 賦 十一

結淙素之丹欸猗奮垂翅於天末迫羲馭於崦嵫
猗歲月儵焉其如轍計無聊以趨起猗或處囊而
穎脫若枯條之再肆猗等寒灰之復焚承咳唾曰
爲恩猗盼睐成飾顧非蛙之昧昧猗積蟄慙慙亮
蚤負之不勝猗竟戴盆其何益中隕穫而灼爍猗
徒曠蟬而矜惕非千里之騶駟猗難爲孫陽之譽
策豈朱紱之疏越猗敢望鍾期之賞識倘吾舌之
尚在猗或蠟木之先容嘉箕踞之何照猗優聲折
之盧鴻沐髮睇陽猗彈冠而奮庸委欣令德猗仰

鏡而傾風假鶴鷄之一枝猗俾颺鼠其腹充輝螢
燭之求光猗起枯魚以從龍噫吁嘻得知已其不
恨猗又何慟爰於日暮之途窮

飲醇堂文集

卷之一

賦

主

志古賦 有序

貞風云翹古道斯離舉世尚同希聲寡和
懷瑾握瑜者見放涸泥揚波者乘流恬蕤
之志渺然廉退之操融矣至采榮當路鈞
譽通津競成慕勢之風莫惜自衒之耻豈
繫時有升降抑亦道有污隆撫運感心鑒
今思昔作志古賦其辭曰

飲醇堂文集

卷之一

賦

主

張藉前哲之遺範兮仰峻烈而揚芳維斯道之共
持兮庶俾嘉而俾臧秉昭質之耿介兮保堅貞以
爲常何運會之升降兮變純白之蒼黃競利方以
爲員兮斥矩步以爲狂緬維嚙昔鮮不爲則振耀
兩儀助勳八極岳伯疇咨登崇俊宅或關門而建
官或懸轡而求益或鼎負而爲相或殺贖而決策
或築巖而感商夢或釣渭而與周室顧感應之有
機實明良之相直其或時與道違命不逮德三仁
安歸二子奚適巢父藏光接輿屏息何晏自如黔

婁不戚仲蔚杜門薛包辭辟仲連不帝向平知易
正則行吟賈生悽惻二仲逃名老萊自匿逢萌掛
冠張摯寢跡飛遯大荒耽虛好寂含華隱曜飲泉
漱石信大道之莫容守貞心之不忒慨美人之悠
邈傷周行之反側慕軒黃而快望企陶唐而太息
於焉假容江臯託意冥鴻矢志逸桀希心素風時
依巖而慷慨間背壑以從容縱函谷之柱史遊濠
上之莊蒙效洗耳以激清托荷鍾以相從振蘓門
之清嘯蹈西湖之高峰賣藥者適市鳴蛙者潛踪

飲醇堂文集

卷之一 賦

古

徜徉五柳筵傲七松謝逆旅之過客撫隙駒于牆
東寧抱朴以守靜甘貧賤以長終佇達人之遠引
不遷物而守宗譬彼鳳儀翱翔千仞猶斯豹變霧
隱山中是用賁丘園之芟帛召閭里之旌弓禮羅
之而益抗弊聘之而愈崇雖遭逢之不偶亦廉靜
之高蹤其或慨青陽之易逝悲明月之暗投悼失
時而從事思結語於綢繆期一言而分爵冀立談
而封侯彈鋏者得附後車清譙者益載方舟遇晏
者負芻於塗側輔桓者商歌之飯牛戢翼喬林梟

顯乘流虛正殷之高筵致吐握以相求梁孝振平
臺之逸響魏文採南皮之幽興趙孝賜白璧以旌
能燕昭築黃金以招聘安車之使旌絡繹於商山
蒲輪之束帛相望於秦境唐宗敦趣夫馬周宋室
延召乎華應猶能令庶士傾風萬流仰鏡信白雪
之迴風啓朱絃之悅聽曳裾者不諂伸眉者非佞
由行舉而言揚豈反真而滅性歎希聲之莫賞際
叔世之不古嗟徑路之無媒傷嬋娟之解悞紆軫
者越禮以趨踰炙熱者踰義而依附俛首搶地搗

飲醇堂文集

卷之一 賦

五

尾乞憐美舐痔而得車甘吮癰以厚顏強項終身
以却步折腰捷足以先鞭荃亦化茅兮蘼或憐絃
屈軼指僞兮何不生于帝廷草堂移文兮何莫勒
於北山豈捧檄而爲母題掃門而市心乖史節之
秉直昧孟訓之枉尋罔畏傷足之迷陽實愧登天
之翰音吁嗟夫顯晦有命窮達非人物無求而必
獲數有屈而終伸靈蓍告予以無悶兮守天山之
爻文執輶革之固志兮遠浮競以還淳吾寧素履
而無咎兮保潛玉於丘園之身

飲醇堂文集卷之二

雲間周金然廣菴著

騷

攀義馭

碧翁覆而馮翼兮赤標怒而阜昌叶赫曦之剡剡
兮洛咸池而漱朝陽引帝杓而指極兮春與穠其
互逾歟苟及之莫追兮何草木之榮蕝重余偃蹇
而廻思兮餐石菌自怡攬貞蕤於松柏兮指歲
寒而爲期攀義馭之莫逮兮將申旦而占之詎鬱

飲醇堂文集

卷之二

騷

儀之隱翳兮塗幽突而安歸風颭颭兮木落塵颭
颭兮天濶露隱隱兮兒啼霜離離兮日薄漢回兮
碧波浪驚兮白柯蘭蒞枯兮空谷魚龍杳兮濁河
鳳竹刷兮離稚蛇虺怒兮屈屢鵬鷃息兮山陰猿
狖戲兮鄧林鳴獨哀兮天末思倒日兮夜唼食桑
葚之美實兮懷鳩鷹之好音伐疏麻兮山間斧丹
棘目爲椽飽瑤華兮吸曾泉哀蕪穢之腥沫兮衆
咸以爲固然蹇獨余之偪側兮杞憂結而不見莧
嗟乘榆之末景兮長矯首乎虞淵

文飢遊

文飢遊兮江湖昕夕餐兮鯢鮓爲前導兮魴鯉當
後貫兮鰕鱗筌單單兮吾聚聚鰲江妃兮震海童
揚鯨波兮群鯢鼓駭浪兮何龍臨河釣兮詹叟夜
綸觸兮任公苟相教兮慎出入莫我逝兮炙深宮
文雉下上兮山間雄挾雌兮斑斑屈石高松兮迷
塞路秦氏蕩子兮舫弓彎繫六駁兮弋飛生追獠
挺兮逐鶴鳴白澤隨兮旱嶽雄虺格兮猙猙遨天
際兮輕禽霧隱豹兮遙盍何廻翔兮忘擇木何猥

飲醇堂文集

卷之二

騷

敗兮不擇音群聚兮高岡和鳴兮山梁眎前車兮
莫于悔聽掩鈴兮莫我亡林薄兮卑栖淺谷兮深
谿風颭颭兮虎宵嘯日掩暝兮猙猙啼荷冥冥而
輟絕孰指柄之東西噫何水無壑兮何山無巔嘯
噴沫兮四海嘯背負兮青天美茂對之咸若兮吾
將任魚鳥之自然

絕磻行

倦館兮神廬夏屋兮渠渠思帝子兮縹緲居望星
氣兮連珠煎桂髓兮臚鳧鷀脯青茄分鱸淇漳爨

蘭蘇兮珍穠漉纖縞兮阿裳鼎食兮鳴鐘擊盤兮
尸襄金玉涼兮春夏翳翠溫兮秋冬彤雲布兮夜
未央東井聚兮獻嘉觴星有角兮風旦旦日有芒
兮露瀼瀼大火流兮烏畢尾黃龍見兮頰魚燉鸞
鳥易鳴兮麒麟錯趾東鄰女兮蛾睂西家粲兮素
姿分燭織兮芡相照不輕棄兮手上絲上火珠兮
紫官帶流蘇兮玲瓏繫輕綃兮春日吟紈扇兮秋
風其承寵兮過平陽思夫君兮白雲鄉撫羊車兮
時已逝念鸞鏡兮美無雙羌脩姱兮山椒悵靈脩

飲醇堂文集

卷之二

三

兮遙遙蠅蠅翳目聒兮心煩寃而鬱陶山鬼兮傖
傴乘雲螭兮和誦望天帝兮咸池駕青虬兮玉珂
導白鹿兮遊河渚之宮中兮蒼鹿雨挂鏡斫兮作
君脯彼蕨薇兮何氏女絕磻孤行兮良獨苦

端英定

靈巖蔚兮出著甘露濡兮麗龜沐之以丹泉守之
以藻居貴封父兮寶僕句長子孫兮獻英藥釣濮
鉞兮顧竿將曳尾兮深淵聊容與兮塗中留枯骨
兮千年鑄乾象兮比龍媒支牀磐兮吉夢來託形

語兮水漚吐沉璧兮夜臺宛鸚鵡兮甲長問波臣
兮中央憲翼響兮剖木元緒呼兮大業披爰甲兮
銜玉符呈洛汭兮出圖書何偃豕之旣膳兮繼明
月之夜舒不咽頸兮玉粒伴鶴尾兮金爐屈獻市
兮一朝罷應鼓兮寒潮爾鏡軒黃於斜睨何不竝
屈軼於唐朝順陽陰兮吸晷露步規萬兮同鶴顧
豈折鱗兮平臯不深藏兮尺蠖止大江兮南潯漑
釜鷄兮懷好音三宿兮致虔尊酒兮來歆靈老兮
善鳴登木兮諱諱墳繹兮先漬焦灼兮屏營忍饑

飲醇堂文集

卷之二

四

腸兮藏六審休咎兮背九將端策兮定鑿鑑不我
告猶兮知羣疑之焉剖

文鳥巢

有文鳥兮山之阿巢高松兮結女蘿傍巖石兮上
桑漢臨江水兮風怒波笑燕雀兮戲樊柴依卉
兮相與偕藉藉兮嗷啄乎溜泉衍衍兮饜索而無
遠懷青莎兮逶迤墳衍兮陸離竹篁成實兮鳳翮
翩而來儀呼黃鵠兮高騫盼碧落兮棲樹顛餐不
饑兮不周粟飲不渴兮箕頰泉顧孔鸞兮雝紫莖

翼孤展兮哀鳴拂細沙兮雲霧孰戲豫兮風生
過兮驚鷺展展兮雲坡書人兮奇字獨種類兮骨
多石穴兮卵敷茸毳兮度關河紛千百兮爲群隨
風嬉兮儀於聖人遇希有兮大鳥扶搖九萬兮垂
雲彼小翮兮何愚吐玉綬兮嗽金置辟寒兮銷夏
終難得兮美人心飛比翼乎燃丘立木老兮枝不
稠水滸之丹泥已竭兮雌雄之葦尾無謀經雨雪
之冬春兮又虞風霜之夏秋塊若澤雉兮樸遯五
步十步兮飲啄惟懼尉羅之及兮不斲乎樊籠之
飲醇堂文集 卷之二 五

飲醇堂文集

卷之二

五

飲醇堂文集卷之三

雲間周金然廣菴著

序

送前侍御李公星巖調補信宜令序

康熙十二年春前監察御史李公星巖奉命以

原品調補粵東之信宜令捧檄出都都人士咸咨

嗟太息以爲御史司拾遺補闕關天下大計邑令

專城之寄耳雖奏最第一不與易也矧公威名風

采如雷如霆朝野倚以爲重信宜僻縣稍廉平

飲醇堂文集

卷之三

一

稱職就理有餘矣驅鳳棲枳重枉其材坐是歎惜
載道不能已周子曰不然古之所謂行已遂志濟
時利物者無擇乎勢位惟其道爾已必居要津然
後可則緘默取容與彈射異已者夫豈無人必辭
簿書爲高則循績茂著至今照耀史冊又遵何道
哉李公之道行乎臺諫其自薄海內外皆被公澤
行乎邑長胡遽不有以報乎上胡遽不有以及乎
下持冰雪之操煦冬日之溫流金石之聲吾見其
鳳且集而鳴焉而無虞其枉也且都人士亦知

聖天子俾公敷歷中外至意乎公以弱冠舉進士
擢入史館逾年置之蘭臺備 顧問昌言嶽嶽動
神 國是 特簡巡視長蘆漕政泊還 朝益抗
疏糾劾無幾微避怨意夫惟處身利害之中而後
可言事惟置身利害之外而後可任事然不能置
身利害之外則必不能處身利害之中任事與言
事詎二道哉任事之細而鉅易而難莫縣令若譬
雖處囊中利鈍立見者也虞廷考績既敷納以言
復明試以功苟立功立言惟道之宜又奚所施而
不效厚一邑而薄天下豈知人則哲之 睿慮乎
余故於是行也不之惜而加喜爲之序以廣惜者
之意且繫之歌曰粵州濱海兮逼蒼梧麗水洋洋
兮龍山之隅狺俗簡淳兮尚鬼巫望德教兮拜而
趨來何暮兮歌載途埋輪去兮豺狐跳呼爲我謂
豺狐兮盍姑須 徵詔疾下兮前席虛

欽定四庫全集

卷之三

序

送宋荔裳觀察赴補北上序

觀察使宋公自吳入都周子挈舟送之金閨門外
且告之曰先生幸復起而仕乎仕之馳騁皇塗者
踵相接也官於四方者車不停軌焉自我觀之若
無人焉仕者何哉非以其人之出處概乎無繫於
世也哉先生海內之望也經國大業久著於時矣
居郎署歷司勛中外稱水鏡焉持節北平備兵西
秦北平西秦倚屏翰焉及爲大叅擢廉臬聲施赫
赫猶照耀兩湖間也旣而家難繼作南溟之息彌
年然且遊展所經山川爲之生色羔雁成羣爭相
北面獨無如蒼生何耳今茲行矣天下之大有真
儒焉起而仕矣培風之翼而後乃今圖南矣宣室
之虛席不啻飢渴而飲食之矣國是之所惡民命
之攸賴亦旣究圖於休暇矣我聞真儒之用世也
往往以息爲用其息也蓋將乘時以用之是故一
出而朝野倚以爲重我於先生茲行有厚幸焉有
深望焉聊於河梁間發之也若夫人之稱仕者我
知之矣處則文章不足以華國出則無勳業以自

欽定四庫全集

卷之三

序

表見縱安駟而通顯官一歲而九遷以躋槐棘手
直草木之向榮耳夫以天下之大而仕者僅一人
焉是其言也非詭則諛然仕固如此其難也某辱
先生之末契迂且憊不克奉鞭弭以從備掃室布
席之役秋冬之際行且走燕市裂胡琴先生汲引
之懷庶勿替乎亦何愛於餘明之照是又鄙人之
私願也先生倘許我

賀沈太史繹堂復補翰林院侍講序

周子來京師三月授經於清河氏不事竿牘請
謁息交絕遊嗒焉塊焉忘其身之在燕邸也一口
傳聞舊太史沈先生復

召入內院爲侍從備講官則躍然而起仰天而歎
及門者離席前請曰夫子何歎周子曰居我語女
大道之興也必有人焉振起於上又有人焉承流
於下之二者恒相因也昔周公爲相以興道致治
爲已任忘其材藝之多皇皇焉惟以天下人士苟

負一材擅一藝曾不得當我前是懼况當我前而
失之也食必三吐其哺沐必三握其髮故作人之
盛歷成康而不衰使元公不爲輔相誰與鼓舞一
世之人材以爲王國楨卽門左門右日吐與握奚
裨乎我鄉太史沈公身任斯道也久矣其爲人也
虛而善下廣而能周其好士也若癖延攬也若渴
聞一善必羅而致之惟恐其不介于側也見一長
必導而揚之惟恐其不公諸世也護惜之不餘力
獎掖之以有成何止青萍結綠價長十倍蓋才無

巨細莫不假其羽翼以立名於世世以爲有姬旦
風獨不得宰輔之位一朝而位我先生耳顧方其
以鼎第入史館潤色鴻業蔚爲國華不啻麟遊於
郊鳳儀於廷也

世祖皇帝復授之節鉞俾敷歷中外若雲霞被物
所至仰其光榮焉無端湔湔而南溟之息彌載天
下人士方以興道者不在上位爲憂賴

聖明思舊召入秘殿訪道論思時虛宣室之席茲
幸矣復位以講幄則師保之先聲矣興起斯文者

欽醇堂文集

卷之三 序

六

方挈裘領而振於上則承流者胥有恃而加勉矣
在廷師師濟濟而天下文治聿隆如成周宇宙不
難再覩矣夫吾道之明晦莫不有天焉余故躍然
以喜以爲海內人士賀復不能已於太息者又以
歎吾道之大任其流行坎止歷變不常究有晦而
復明之日而吾黨爲學又何可信道不篤哉試質
諸先生當不以爲河漢也

光祿大夫兵部右侍郎加四級階正一品孫

公忤庭三世榮封序代

今天子御極十有五載建儲大典成加上

兩宮徽號因推廣孝治詔中外臣工自一命以
上咸得推恩所生多士感奮靡弗矢忠報稱於是
光祿大夫少司馬孫公忤庭以正一品例受封追
贈三世如其官越明年春司馬旣荷國恩爰告
於文人而揚休命焉遠近相傳夸爲盛事余曰此
有生之共情也我弗之有殊也然我聞之君子之

欽醇堂文集

卷之三 序

七

榮其親也徒以遭時盛隆歷顯被寵錫賁及九
京爲平抑將以善成先志立大功成大名以顯揚
於無窮也司馬故望族世有令德逮尊大父侍御
公立朝譽譽謬謬按部所至勲業爛焉若寧夏之
殲寇都亭之埋輪河東之駟戢礦使凡皆爲上爲
民煥煥載史冊而司馬初由史館入諫垣抗疏建
白悉經國訏謨一如乃祖焉旣掌四譯館遷太常
擢銀臺出納王命式是百辟又山甫之所以續祖
考也夫詒謀垂祿世不乏人一再傳而繩武者鮮

矣今觀孫氏抑何後先輝映也且尊人初贈給諫公者以名孝廉負經濟才篤行仁孝每歲饑奉母鄭恭人命賑粟施糜全活不勝計臺使者以孝義旌其間又侍御公會建興文館於里門造士特盛公紹先德捐負郭田贍貧士人文蔚起焉無何際草昧初爲無良苞蘖中以危禍不得白司馬憤不共戴額鳴於都凡四載而獄具黨惡者駢首伏誅公道昭與情快識者以是稱其賢謂善人洵有後則無論繼此之數歷鄉貳勲名輝赫無忝所生

欽尊堂文集

卷之三 序

八

方其未膺臚仕以藐孤赴愬而至性動天地純孝格神人揆諸春秋大復讎之義復何慝耶先王求忠於孝其理不信可憑耶我不知世俗所期榮親者視茲難易何如也今者一二小醜未殄歲苦兵革未休

上方求寧觀成拊髀孔棘竊意司馬當茲也晝繡不以爲榮累階晉秩不以加喜華表豐碑椎牛而饗不以爲光大前人之緒惟夙夜靖共殫碩畫而奏治平俾亭無桴鼓之警野有室家之樂民氣休

和頌聲四作垂諸竹帛播之樂章以答

天子寵命斯固雅量素蓄而亦天下所致望於司馬者也寧第紫泥十道用章食報之厚哉江漢之詩不云乎召公是似鑿敏戎功用錫爾祉而終之曰矢其文德洽此四國蓋以忠愛無已之願爲顯揚無盡之期其匪懈也卽其不匱也歟歐公謂將相而富貴皆魏公所宜有其豐功盛烈所以銘彝鼎而被絃歌者乃邦家之光非閭里之榮也司馬所自命其在斯乎余從諸名卿列揚輝而前不敢

欽尊堂文集

卷之三 序

九

爲導諛之詞而節舉君家世德以爲象賢賀旣以廣時俗夸美之意又仰承
當宁皇皇求治其益勵晚節相與有成弘聲施於
不朽俾天下後世曉然於榮親之道莫大乎是也

飲醇堂文集卷之四

雲間周金然廣菴著

序二

理數闡幽序

理與數有二乎曰理統夫數數顯夫理也理與數無二乎曰理之爲言盡其常數之爲言神其變也理與數二而一乎曰非理惡乎體非數惡乎用二之無可二一之無可一也儒家每言理術家每言數自儒家言之惟見理也自術家言之惟見數也

飲醇堂文集

卷之四 序

一

而理與數爲駢指襲膚理以譚數而數外理愈外也託說數以附理而理晦數愈晦也而理與數爲疑城疇爲兩家驛騎一通彼此之懷哉我友姜子嘗曰先天之易理也後天之易數出焉矣太極動生陽靜生陰理統夫數也陽變陰合而兩儀立五氣布四時行數顯夫理也天地定位山澤通氣水火相薄雷風相射數神其變也聖人洗心退藏吉凶同患範圍天地曲成萬物理盡其常也形上謂道形下謂器擬諸形容觀其會通非理惡乎體非

數惡乎用論理不論數不備論數不論理不純此理數闡幽所爲作也余惟是書之傳自華山康節以來尚矣然前此別陰陽分奇耦耳今則生成變化瞭若指掌矣前此乾坤耳六子耳今則乾坤闢闢六子交錯疊如貫珠矣前此坎離消長存而不論也今則水火相用消息畢露矣前此納甲源流猶破荻拆莢也今則日月盈虧干支配合分枝劈幹矣前此卦象吉凶爻位強弱猶按圖索駿也今則節候異宜剛柔迭用變動不居矣彌綸密鈞索

飲醇堂文集

卷之四 序

二

深允枕中之鴻秘發蒙之金匱也學者神而明之庶無惑于理數之說乎先儒謂天地日月之交卽吾人性命姤復之理果能崇效卑法觸類引伸無忽惠迪從逆之幾將天地合德日月合明四時合序化裁生剋之妙不聽于數而聽于理抑不任後天一定之分而任吾心畫前之易則是書之爲功于世也豈猶影響之理識緯之數哉

讀史雜筆序

客有自炎州來者云其鄉夏日之日逾長冬日之日逾短心疑之一日童子手鷄卵來前乃悟曰冬日之短非短也乃照於地下者長耳夏日之長非長也乃照于地下者短耳是以格物者多所見少所怪目趾未逮遂稱咄咄怪事可乎洛陽測景臺日中無景霜晨雪夕卦痕隱然嶺南榕樹軟條垂地生根羅立如栢根盤四五可蔭數畝桂林龍湫洞山椒沒水中泛舟至石壁下大洞門高百尺仰

飲醇堂文集

卷之四 序

三

觀洞頂有龍跡天矯若印泥狀諸凡此異所在多有何必泛螺舟而渡海乘七車以翔風然後詭語殊霧標舉奇勝哉觀史亦然廿一史載數千年事大備矣而文或不足起予惟龍史獨擅史才涉筆淋漓痛快變幻百出機韻鮮妍去左氏不遠班史或亞之然加整矣至陳壽魏收姚思廉裴松之劉昫宋祁輩紛紛自負作史不知何者以爲史也范蔚宗後漢頗有雋采虞預晉書奇正相半尚不及孟堅况望子長乎子長亦正亦奇亦秀亦老亦雕

亦率而其奇正老秀雕率之妙只在有意無意尋

常阿堵中有屢探不出或忽焉遇之於是滌除夙見爲作言外之解躊躇四顧信筆疾書或點染一段或偶綴數語起腐老於當前庶幾相視而笑謂頗得其意之所在顧余筆鈍非能咳落九天隨風珠玉也譬如西國人釀酒用石榴花瓊南人釀酒用荔枝液又如紅螺鈞灘隨其所獲都成游戲亦偶白用愉快耳吾未見鷓鴣拾飛便擬孔雀翠也吾未見九皋夜唳便希鳳鳴也吾未見薛靈芸之淚

飲醇堂文集

卷之四 序

四

珠便作桃花雨也此余讀史稊筆之梗概詹詹乎猶有所未盡也

印莊序

天有東壁奎章地有天台哦噲水有瀟湘洞庭海外有瑤池閨苑若文章之有莊騷左馬也是稱古四大家較量工力莊其首矣夫莊文之聖殆所謂天授非人力也余嘗爲讀莊法取內篇爲經外雜爲傳劉爲七種而貫之莊其爲我鑪錘入我範圍復閱之又自失也夫莊豈爲我鑪錘而入我範圍者乎莊如龍乘風雲而上騎日月若爲人所攀攫鱗鱗甲其神不靈莊亦如鵬水擊三千扶搖半飲醇堂文集

卷之四序

五

角若爲人所樊籠神雖王弗善因別爲讀莊之法終無法也不如以散法取之因莊還莊印諸品評者之手眼庶幾旦暮遇之乎內篇七還內篇也外篇十五雜篇十一還外篇雜篇也自逍遙游至天下一一還之如水印月如印印泥務還其真者而已但不知我印莊乎莊印我乎其有相印於無相印者乎昔之解莊於自經自傳鈎連串合之中今茲印莊於各篇各段蕭蕭散散之外如縱鵬翼怒飛背負青天莫之天關復放龍於雲氣縹緲出沒

變化而不知其所之今而後達士胸中時時有南華真境若別貯一天地山水不落茫沕塵海間如莊所云條達上遂逍遙九萬之上豈有過哉觀止矣其猶未杪也將合莊騷左馬爲四大奇書又採逸莊諸篇或似山海經或似占夢書者巧幻錯出益附不朽夫乃吾尼父所謂書不盡言言不盡意者爾

飲醇堂文集

卷之四序

六

陶詩奇義序

世皆謂陶詩平淡是未夢見陶詩梗概也坡老曰
陶詩非枯淡也絢爛之極也進一解矣而未盡其
手眼與其肝膽及其本領之所在也余蓋有讀陶
法目我讀陶乎不如目陶讀陶陶之言曰奇文共
欣賞疑義相與析據此二語與陶晤對孰爲奇孰
爲義莫奇於文章問得失於寸心莫疑於大義無
所逃於天地也於何知之以陶之詩遊陶之人之
世而知之陶之世何世乎自太乙迄元嘉典午日
飲醇堂文集 卷之四 序 七

微世且改物矣陶固依然一人耳其人抱素心夙
無宦情可以仕而不可以苟仕跡其初歲爲郡祭
酒功曹罷歸應徵起爲鎮軍參軍再爲建威參軍
又自請絃歌爲三徑之資視八十日彭澤如藩祇
園焉當其時玉步已非金甌已碎公憤氣貞衷
遂借督郵賦歸去來曰覺今是而昨非也夫以彭
澤爲非以歸來爲是則是采菊躬耕窮餓乞食自
祭皆是也其詩無聊不平隨處見之特蘊義深遠
不覺耳使晉之先君早知而大用之必不殛守東

籬日夕南山之下致八表同昏平陸成江之歎然
則讀陶詩者勿於其平淡窺之并勿於其絢爛窺
之當於其奇文疑義窺之且賞之析之一曰鍊句
成章字字鬱確分合隱現朴峭厯屢而陶之手眼
出矣二曰憂天閔亂哀骨抗烈勁骨雄心劍飛海
立而陶之肝膽露矣三曰志仁希聖重華孔顏屢
空固窮守死善道而陶之本領顯矣余自束髮慕
陶之爲人每欲建議俎豆孔廡內近村居鍵戶顧
影寡儔日取陶詩一冊抱之對之饑目之爲檀渴
飲醇堂文集 卷之四 序 八

目之爲茗若醍醐沉澁之解我頤而五嶽隱隱于
方寸也因爲之編次考訂箋釋其奇義以自娛又
盡和其韻不知陶之於我爲蝴蝶爲莊周也編既
成覺摩詰韋柳雖附陶派而終未得陶之所以爲
陶則陶之奇義幾幾乎未易言也後之讀陶詩者
當知陶義欲知陶義先知陶心夫陶心如蕉焉亦
層層披剝而得之矣

張徐二公詩義序

宋人一代之詩宗少陵矣少陵而前不有漢魏漢魏而前不有風雅三百乎書又宗平原矣平原而前不有鍾王而前不有斯簡策隸乎以是用雖非其詩若書之足喻也雲間詩義咸知有大尊者吾焉乎詆譏大尊哉乃前此又前此則或未之知矣夫我郡詩派自顧東江而下若瀛海張公文定徐公尤處不祧之位者也二稿俱有近刻然缺佚者不少因合故篋所存共得如干首常自携焉

飲醇堂文集 卷之四 序 九

奚囊驢背兀首挑燈爲之躍然心開復浩然而太息者非此物也耶顧吾欲以示世之談經者進于有章有句仍有局有氣有文有章不徒自欣賞而已大雅不羣之彥倘有取乎篇必立局一善也必機法相御而行一善也典則古雅醇健精碩次之騷選上乃直偏左國一善也儉腹者可以充然迷塗者準之南指觀止矣夫先輩嘗枯寂矣板腐平鈍矣此不任受也意者雲間派原如是用正告天下舍曰少大尊也吾于少陵平原且不足乎哉

且止軒放言序 代

文家患不能爲放放之爲言非積唐縱筆之謂也蓋必其氣充乎其中而溢乎其外醇而後肆乃足當之漆園龍門放之臭祖也然試取二家文讀之固無一字束于繩尺之中且有一字溢于繩尺之外者乎其放也乃其所以爲謹嚴也近代文格卑茶心纏手縛不啻彭祖之窺井矯其弊而過之則謫其旨誕其辭河漢而無極均之不能爲放也謙居簡公鍾峨嵋之秀孕滄溟之奇魁梧特起噦長

飲醇堂文集

卷之四 序

十

卿笑子雲僕命君山父子矣方持玉尺乘銓旋奉命衡文南國飲米餐瀝思日孜孜求士于牝牡騷黃外一顧而羣輒爲空年來聲教丕變人文蔚興彬彬多 天府之選焉試事已竣則僑居石城頗其軒曰且止日焚香晏坐其中遊思象先寄意物表悠然有得時復拈一義以自怡積久成帙自題曰放言不遠千里見寄一語觀之蒼蒼莽莽浩乎無垠若湧地源泉行乎不得不行止乎不得不止也若扶搖雲翼瞬息搏空而莫知所屆也蓋其所

爲放者一空餽飮之習不事鈎棘之苦醇乎其醇
一氣舒卷深入理趣而不墮理障動中矩格而不
爲格拘昔人所云不立一法不舍一法又云鴻文
無範恣于川殆謂是歟夫世之崑瓊齷齪者承陋
襲敝每不能自闢一徑自吐一奇有志者起而振
之則又爲謬悠之說荒唐之詞漫浪而無當大雅
不作斯道榛蕪日取是編一蕩滌之以當絕灰十
斛其有瘳乎

野史詩畧序

曩少陵以詩鳴唐凡出處去就動息勞佚悲憤憂
樂忠憤感激一一見諸詩學士大夫因謂之詩史
我邑有隱先生居淞水之濱所作詩亡慮伯什餘
篇章節紀異述變悲天而憫時撫今而追昔如盲
史叙晉鄭鄆陵之後楚子升巢車而望晉軍進止
聚散歷歷然是詩也或字之曰史匪誣矣至其叙
次騷越胸情鬱紆倔強疎鹵其魯連之遺節與憤
懣而極悲哀其左徒之離憂與吾聞諸班固周道
飲醇堂文集 卷之四 序 主

寢衰學詩之士逸在布衣而賢人失志之賦作孝
武立樂府采歌謠所登代越之謳秦楚之風皆感
於哀樂緣事而發今沉冥者流風論之義未亡也
傳曰春秋之稱微而顯志而晦婉而成章盡而不
汙勸善而懲惡此五者自丘明言之史例也自韓
固生浮丘伯韓嬰卜子夏言之詩志也陸魯望謂
六籍之內有經有史何必下及子長孟堅然後謂
之史則三百篇本史矣安得禁制今之作者令獨
稱詩乎再傳論定卽以續杜陵度且無愧也

程子樂府序

詩與樂同原雅頌之篇率皆樂章也自五七言之制興而詩與樂始分途焉以其徒歌者爲詩可被諸管絃者爲樂府周秦以降若漢之郊祀房中實本於楚些鼓吹相和體猶近乎風詩正以其不襲雅頌形似自爲興衍之旨鏗鏘要渺之音覺去古未遠正索解人不得如唐人五言古亦妙於漢魏詩外自關門徑渾化其體裁而出之謂唐無五言古謂漢無樂章可乎我友程弘執一代詩人也其飲醇堂文集

卷之四 序

主

古者

詩豪宕不羈目無千載未嘗不歎其近古茲讀其樂府若干首竊冥愴悅縱橫變幻不可方物或峭拔如千尋麓或汪洋如萬頃波或刻鏤如鬼工或冶艷若神游一以已意已才發之未嘗掇拾前人牙後是象罔之玄珠也九方臯之牝牡驪黃也當得之合與不合解與不解之間也視近代方家刻畫膚貌以爲擬古者奚啻千里昔季札觀周樂而歎觀止余於程子樂府亦云請以質海內之善學

閻遊草序

余於斯世少可而多忤遇違世特立之士輒周旋無間屈指生平不數覲也姚子生同里而素不習共事風雅而倡和亦疎顧獨奇其人壯其志方齡時卽眼大心雄有不可一世意弱冠遊白門櫟園周司農特器重之曰是宜廣菴說項之娓娓也疇謂我汝南畸人廓落無徒者客歲余方屏跡燕山何來足音驚破颺颺之徑則姚子也叩其行踪則自吳入晉由晉返吳又去吳之燕燕聞其好友歿飲醇堂文集

卷之四 序

古

于太原輒素車白馬扶其喪以歸遂辭故里疾走通都索胡琴而裂之也余益歎異之因畱連古松下抵掌論心或移日每通一義送一難午夜不少休適信向者跡疎道親非偶然也居無何我友陳山農欲覽八閩之勝問同遊誰可余曰逢迎趨走我不敢知若其烟霞映心宜置丘壑厭惟姚子哉而姚子亦厭逐紅塵十丈欣然負笈以從時雖美兩人遊甚懽又惜我素心晨夕何時復再也今年夏余甫南歸姚子攜遊草盈篋分部錄成請序于

里門矣夫詩實難言言詩于今日吾尤耻之耻天
子爲寄託之具而必規規勦說曰若者漢魏若者
三唐若者七子且懷贈必高官顯人評閱必累圈
密贊若行卷然間一諦眎正不解夸毗何語余故
于此道亦少可而多忤咄咄書空自分作無口瓠
耳三復諸草逸情俊致泠泠逼人而其神骨聲光
自在筆墨畦逕之外詩乎詩乎足爲俗砭矣因驟
然命筆識其卷首又以慨夫同調之難不惟其詩
已也既以復姚子并餉我山農庶幾漆園所云三
飲醇堂文集 卷之四 序 五
人相視而笑莫逆于心者乎

杖頭集序

濬公巢產也公於巢爲著姓大父及諸父行冠蓋
輩望公獨去而從浮屠氏游稱法中龍象受拂於
岩公爲臨濬三十四世此曹人傑所謂儒林濬泊
收拾不住者耶頻年卓錫龍華與吾師數君子往
還最密許詢支遁世外石交四海彌天相向才語
卽薄論文字濬公亦我法之錚錚者矣間披其謨
著得杖頭集讀之宰天心出月脇宋玉大句李白
狂才未足步髯其萬一益爲之喟歎釋門大有人
飲醇堂文集 卷之四 序 七
哉自愧鹿鹿爭石火之光馳驟名場生平捫髭苦
吟如襄陽落帽如右丞走入酣寔如浣花翁太瘦
生何曾獲吐一語若吾濬公握牟尼而辨無碍蓮
碧雲之吟駕霞上之作能得此中三昧者辰下復
擬北征又不免與濬公賦別聊命不律識數行於
篇端尤用燕然矣尙冀教乘滋茂之力肅我蒙謬
岐亭驢背酒人擊筑之間或豁然有省則歸來嘗
捧濬公杖禮名藍衆堂頭古德於此集中語頗有
契入衆報濬公矣

清寧集序

昔孟萬年論樂謂絲竹竹肉絲竹特八音之一耳。參之歌喉遂足盡樂耶。蓋天地之元音寄於器。習其器鮮得其數。得其數鮮得其理。得其理鮮得其神。神得而元音備。雖一器之微足以盡樂。吾吳風尚靡曼而三絃之傳最盛。家調戶唱源異派殊。大率昉於崑山。崑在甄胄東厥俗和柔。厥聲嗶緩。厥思窈渺。厥音肉好。是協東方鞀鞞鞞儛也。然自一絃而二而四而五而七至二十五皆有名稱。

飲醇室文集

卷之四

一

三絃無名問諸賞音家弗知也。叩諸博雅家弗知也。或曰其名爲鞀。周人鞀從革。雙耳短絲如懸珠。秦改其製加一絃引而長之。有項有節有軫有馬有鼓有繅。易革用蜎。右指擘撥左指流行實宮音之君也。夫八音惟絲最幽。吳絲又最細。非心靈手敏尋變合節未易張。吾絃矣。余友陸君暘故名其齋好讀書學擊劍不得志於時。隱居練川之別墅。有託而逃於音。寢食於是。寤寐於是。得其數矣。進而窮其理。通其理矣。進而會其神。余素好審音樂。

與數晨夕花香月澹酒酣耳熱時聆一曲洞肝沁脾。若桑林之奏委調流波若鈞天之響宛轉垂露其繁而不焚。留而不滯。斷而復續。低而忽昂。驟而若止。伏而若揚。有不覺其然而然而吾爲之仰青。天而睨白日。激沉鯉而送飛鴻。不禁移情動魄。輒喚奈何也。今夏來雲間出所編清寧集問序於余。則皆近代名彥詩歌譜成曲律分宮自華門以下凡十有二分格。自象緯以下凡三十有六分調。自鸞鳴以下凡二十有五按節點拍無不脗合一切。

飲醇室文集

卷之四

十

可喜可愕如泣如訴之致悉現之於指端。傳之於絃外。嘖技至此乎。故曰不日習則不審不心感則不憐不學操縵不能安絃。瑛何以拍傳。稽何以散絕。余不勝高山流水之思焉。故與陸子別且七載。或傳其善病則爲之煩冤。或傳其霍然則爲之神王。實惟元音之絕是憂。今幸相逢健在若杜劉之遇龜年何哉。也。外有韻學正訛彈譜若干卷。將盡付梨棗以廣其傳。雖謂絲竹肉足盡樂也可。

西江雜述序

士或官於其地其地之山川草木不加榮焉其無所被於民可知已僅而免遺之辱焉則猶無所厲於民也果其廉且平者微獨民享其休而已其山川草木亦不勝被澤而光榮也脫有貪且殘者匪直民受其殃而已其山川草木亦不勝腥聞而困辱也蓋吏之賢否繫乎其地若此若我朱周望之李信州也精白自矢以道爲治未嘗不企其風於藐姑懷玉棠陰茆舍間未幾賦遂初舉國士民丐

飲醇堂文集

卷之四

序

韻無路爲禱於仰山之神期其昌後越五稔而游履所經井州諸父老猶擔壺漿迎道左供具不得辭徒御不能却則益灑然異之及讀西江雜述諸什始知其幽討情深一官如寄不徒以潔操異政矜赫赫之名者旣已俛仰陳迹去如脫屣矣然而南屏靈阜皆其柱頰而致爽者也鷺湖葛溪皆其冰心所映發者也彭蠡小孤東林滕閣諸勝凡足歷而目涉者皆其勝情之所立對賓僚之所羣止而贈答者也雖息機摧幢等於劍首之映又安能

冥於懷抱而已於寤歌也哉夫詩之教溫柔而敦厚志潔而稱物芳雷連於物而無黷厭之心世多鬼璞恣睢者民之恬熙疾苦漠然無關於吏倖而民不之恤則相與忘之已爾吾不知朱子何以得之於信州父老而覩其地之山川草木自不能已於去後之思朱子又何以不釋於桐鄉之民而假其地之山川草木以誌離合之不常去畱之可念若是乎良吏之所拊循寧惟是民之不能忘於吏即吏亦不能自忘於其民也君子讀其詩知其所

飲醇堂文集

卷之四

序

寄而忠厚悱惻之意油然而生又安得不爲其地榮且幸乎如之何而重遺之辱以爲詬厲也

翰墨緣序

凡物皆與我爲緣緣不可溺溺將爲累苟以移我情逐而耽焉必膠於心苟有以快我意樂之不屈或喪其志夫其可以移情而快意者皆物之與我爲緣者也至於膠於心而喪其志則是溺物而且爲累矣聲色美好天下所同嗜也苟不列於前猶將敵敵焉勞其心窮其思求一日之假我緣而不得彼身安宴樂坐享侈靡之奉者又無如伐性之斧日尋於側何也而高尚志之士則又進前不御

飲醇室文集

卷之四 序

七

其所以娛心志悅耳目者惟是望高巖瞰大澤窮幽極遐冥心玄寄至有泉石膏肅烟霞痼疾之喻則幾乎溺矣顧或鑿坏有心買山無力願遊五嶽婚嫁何年又或有勝情者不必有濟勝之具名山大川杖屨莫逮至於精神寂寞廢然而返視彼沉迷五濁汨其天真則有間矣要皆未可謂善作緣者也有物焉移我情而心不膠快我意而志不喪者孰有如翰墨之緣哉臥則我遊也坐則我玄對也行則我山陰道上也明曉淨几與爲映發風雨

晦明與爲磅礴命儔肅侶與爲欣賞撫琴動操與爲響答無登歷之煩有橫陳之適以此思緣緣又烏足爲我累耶孤竹王貞一今之善作緣者也生於華胄而抗志塵表一丘一壑自具胸中不必仲長之樂志香山之池上也曰是隨吾緣已耳生平蠟屐所經縈紆懷抱筆不能圖也而心識其所以然曰我獨不得翰墨爲助續耳茲遊吳會遍徵名家繪事彙爲卷軸一再展觀覺天下山川洞壑之奇麗草木花實之化工人物烟雲之變幻畢具於

飲醇室文集

卷之四 序

七

尋幅之中丈室之內以是爲移情而快意焉題曰翰墨緣屬余爲之序序成王子咻爾而歎作而起曰善乎子言之非導諛也今而知君子固寓意於物不留意于物者哉匪呼不律請書之卷首

執經圖序

載道之器惟經持經之統惟道道不可携取而持贈也經所爲傳火於薪也道不可獨行而經請也經所爲指迷得津也自仲尼沒而微言絕七十子喪而大義乖學者遞相授受源遠而流益分若子夏之後有田子方田子方之後流而爲莊周蓋道之傳日出而多岐而經之統亦散而無紀矣夫日月經於天而道明江河經於地而道行聖言亦猶是也二氏之孤行百家之同異譬則落落晨星也

飲醇堂文集

卷之四 序

王

涓涓細流也天地之所以著鬼神之所以幽人物之所以化醇山川之所以流峙君臣父子之倫變化云爲之迹求之於經罔不畢備久於其道將自得之韓子有言沿河而下苟不止雖有遲疾必至於海如不得其道也雖疾不止終莫幸而至焉故學者必慎其所道楊子人萬以執經圖請序於余余不敏何足以知道竊聞之師說者如此楊子既通經學古而又能折節問難虛懷若谷如沿河而得舟筏不至於海不已以楊子之不已而去道終

遠焉余未之信也用其不已以從事於他途瑋深衣幅巾堯言舜趨而曰道在是嗚呼余又何敢信之也哉

飲醇堂文集

卷之四 序

王

飲醇堂文集卷之五

雲間周金然廣菴著

題詞

緯書片羽題詞

夫女紅治絲一經一緯合而成綺聖賢著書經爲主緯輔之故有六經七緯九經十緯焉而吾官尼之刪述後世推之曰經不言緯緯之書其秦漢諸儒所爲乎彼見夫百家爭鳴而爲圖識術數之學以惑世若亡秦者卽金刀赤伏符之石推背其濫飲醇堂文集 卷之五 題詞 一

觴者也然亦多不驗太史公史記十二家所不收宋儒涑水紫陽所弗道其書亦殘缺於人間矣殘可廢乎曰不可其易緯乾鑿度書緯中候詩緯含神霧春秋緯運斗樞禮緯斗威儀樂緯叶圖徵孝經緯援神契論語緯摘輔象河圖緯括地象之類精言雋句往往錯見於他書如九苞之片羽吾故採而輯之彙成一書爲博古揆文之一助若夫廣緯以翊經吾將取三墳焦易太玄荀九以緯易汲冢竹書路史以緯書岐陽石鼓桐采尤射楚騷漢

賦以緯詩鄒夾董劉啖趙以緯春秋陳祥道韓苑洛沈韻琴譜以緯禮樂孝子忠臣傳以緯孝經家語集語濂洛微言以緯論語廣雅埤雅雅翼釋名急就以緯爾雅而經緯始大備

鐵網珊瑚鈔題詞

鐵網珊瑚者吳中朱性甫存理之所纂集也性甫正德間人讀書好古自少至老未嘗一日忘學居恒抄過從惟聞人有異書必徒步訪求以必得爲志手繕前輩詩文積百餘家他若野航漫錄經子鈎玄吳郡獻徵錄名物寓言鶴峯隨筆又數百卷此書其一種也虞山錢氏極稱其積學聚書爲吳中先民冠而性甫遺書多散落此書亦以鈔本不甚傳聞毛子子晉得其半帙云其半在雲間屬書飲醇堂文集 卷之五 題詞 主

賈童氏購而合之余適從友人借書得鐵網珊瑚者八卷所謂雲間之半帙耶其卽毛氏所得之半帙耶皆不可知襲之笥中將從毛氏質而閱之庶幾此書得爲延津之合且將謀付剞劂副在國門已亥冬聞子晉已歸道山則其半之存亡抑又渺茫慨歎之餘因出所借本編錄次第存其篇目倘異時游踪所及因緣會合獲覩全書真厚幸哉顧未敢必也尚冀性甫子晉兩君子文人有靈默呵護之

二氏試驗方題詞

古神僊文人遙遙蒐討方書綴成弓軸華陽隱居輩是已士君子心存利濟上之不能久安海內懷保元元退而斟酌甘平驅使蟲豸拓其神用爲世利賴昔人言不爲良相卽爲良醫彼豈徒有託而逃焉者與吾友四明張子寧靜寡欲博洽多通來游吳淞館於梅源王氏者八載搜採藥物類聚群分童叟婦孺不厭求乞所全活蓋不勝數遠近詫以爲神猶假丹鉛餘晷箋錄靈秘雖隆冬灼暑不輟出以眎余盈尺矣題曰二氏試驗方蓋張自太宰司馬公王自侍御憲幕公而下多有纂萃岐黃家不傳之書張子彙而得其大成也曩者隱居廣製方藥有傷微命致藉仙曹籍張子經營丹鼎罔憚屑屑乎吾憂異時功行圓滿不遂白日冲舉抑我尤幸其以此細故註誤塵中向予輩烟霞泉石間一挾膏肓痼疾也張子其慨然許我否耶

谷雲草題詞

文莫奇於天天積氣耳蒸之爲雲則衆舒自如才
人之筆墨行乎不得不行止乎不得不止亦猶是
也而世之論者略性靈而專之聲調體格拘牽成
習濫觴日甚性靈亡而真詩文蕩然矣猶揭揭焉
矜聲調崇體格直土梗耳郡司農范先生孕三湘
七澤之奇縱橫莠莠如飛將軍用兵不事刁斗語
必驚人篇皆俊物求之合與不合有意無意間則
支公之神駿象罔之玄珠別有賞會正索解人不
飲醉堂文集 卷之五 題詞 五
得今歲以解組餘閒彙錄其詩文若干首取無心
出袖之義題曰谷雲草蓋先生之自命與其所著
要本於性靈爾已我獨慨先生興雲致雨之才油
油然覆我郡邑庶幾不崇朝而澤徧天下忽又還
山自怡蒼生失望至託之淵明歸去來以自名其
集豈天地大文乍舒還卷付之太空寥廓已哉

素園偶刻題詞

詩文天地之元氣也充塞乎兩間流行乎今古有
不疾而速不行而至者氣之鬱積而磅礴莫知其
所以然也我友王西政久於其道積厚流光熊熊
然若芙蓉之出匣有目共睹今梓其近製挾策北
遊吾知必有凌雲之氣擲地之聲飛動於九天間
闔行且傳誦於旗亭懸購於雞林象譯一時聲價
不啻士衡之入洛又何俟僕僕通都索胡琴而碎
之哉余每與西政同硯席輒佈其詞源猶河漢而
無極特秘之篋符人莫之窺茲編一出雖片羽吉
光乎嘗一嚮知鼎味矣

舍然集題詞

予適有幽憂之疾每觀此茫茫輒百端交集久之
覺形神俱憊已思百年之頃電如泡如腐肉朽骨
定非含愁之具謂予之鄙至此乎於是欲以隨緣
放曠陶寫性靈適有岩樹數叢飛拂塔焉獨憩屈
指交遊幾人炙手亦幾人執掌予幸以漫浪無拘
對秋色之佳哉闢尊前之徒在殆可以優游篇章
樂而忘老昔杞國有憂天地崩墜身亡所寄至廢
寢食或者曉之其人舍然大喜曉之者亦舍然大
飲醇堂文集 卷之五 題詞

喜予乃知茲集之成兩童子亦駭駭鼠奔而去矣

飲醇堂文集卷之六

雲間周金然廣菴著

題跋

自題諸草

俗子不解握管稱詩輒曰易事卽歌市譚喧囂
壇昔人論詩謂如四十位賢人顧微雜若斯乎長
病杜門上自皇娥帝子下逮隋唐頗事汎覽始覺
七言五字去詩不遠曹劉諸謝去人邇遠耳然則
予不敢自謂能詩其知聲詩之不易自今伊始矣
飲醇堂文集 卷之六 題跋

作蕭齋草

某也不文夙嗜篇咏牽於時俗長此鈍根孺子有
取履之誠先生無刺舡之作移情一歎實始景陵
然字句靡靡呢喃燕語耳桂樹空山鳥啼人寂獨
立今始悟殆欲盡快腸腑矣存什一千伯於總無
足觀作敝篋草

丈室之偏有古梅寒出時當春鳥驚鳴亂雲飛墮
夢落月於翠羽指黃昏而通期廣平之句疑神高
士之妻伊老肩以靈柯遡若殊勝微吟高詠於此

焉作春浮草

石竟不數氏可樓指而計矣悶則我書也病則我藥也閒寂暇豫則我酒醴金石也避寇以來子焉偶影嗟握蘭之徒勤歎折麻而莫展離析贈問賴此篇章瑤華志在離居乎蒙寡文任放抱彥真之不羈睹劉梁之緒論遠不忘箴抑又進焉則此區區者又木瓜桃李芍藥握椒也右丞曰歲晏同攜手只應君與予吾友得無意乎又曰今子方豪蕩思爲鼎食人姑置此一卷冰雪矣作瑤華草

飲醇堂文集

卷之六

題跋

二

學劍不成去學詩十五年來壯心盛氣半在篇咏有鷗鷺之野無孔翠之鮮有竹柏之貞無琴磬之韻大氏拂鬱不平疎率少蘊昔人所云多直致無潤色是予短也遠者亦有哀錄度諸篋笥兵燹之後慮不一存固已悔其少作矣逃虛村中竹深梅瘦間搜破錦囊得存如干首曰秋琴參差竹風亂彈琴秋雨中志所觸也作秋琴草

余以丁酉九月罹慈氏之痛啣冤控地飲恨終天每當隻影哦殘幽衾夢破劬勞入念忽若抽裂昔

季路有衡索之悲異人聞擁鎌之哭哭哭孤雛匪依曷恃乎作枯魚草

飛雲閣者西園寓公所憩也一啓北扉梅烟竹霧鬱森無際余坐臥其上者三載不往舍南輒休硯北歲華如駛鈇級略存瓊著詩文幾廿餘種鐫燈夕照聽林鳥報更必三四轉云作飛雲草

荒江之隈簡事最盛日日來玉版師幾隔斷人間世作木居士矣隨意拈架上書所見偶異輒錄之或附一義綴一吟辭無詮次紙墨遂多夏之叢脞

飲醇堂文集

卷之六

題跋

三

散誕無裨義例亦以供我禪悅不足壓老養也作玉版草

逃蓬藿來十載不聞市聲庚子春莫沛國主人赴信州司李虛其堂因僑居焉灑掃塵埃賓朋萃止應接之餘間取架上諸部閱之筆之實亦懶習帖括家言也破愁消夜聊代博奕啼鴛綠樹奚當賞心哉作寓堂草

跋黃石齋太史與張三陟先生書

曩先君與三陟張公友善居恒每相遇從坐必促膝周旋必移晷所究論必古今忠孝大節未嘗及名利事予雖不及見公間聞先君稱述如觀典型焉泊聞石齋黃公風規嶽嶽築講壇於大滌山中爲學者辨析義利不啻鹿洞爲湖私心竊嚮往之既而物換星移蒼血化碧則又歎夫仰止之靡從而九京不可復作也甲寅夏張泰安弘軒出脉茲卷曰是先大父三陟公守建寧時黃公石齋所貽

飲醇堂文集

卷之六

題跋

四

札也灰叔之餘幸獲片牘卽有家珍當以是爲甲子其爲我識之余惟詞翰小道必以人傳世不少麗藻瑰奇識者視之已奄奄泉下若清臣信國一縑半紙至今生氣凜然令覽者肅然起敬豈不以人與黃公志節與日月爭光文章有神交有道便可從行間字裏彷彿遇之而予小子幼所習聞於先君者能無惕然而興懷乎抑三陟公尤善書余家傳僅存什一而氣韻生動勝人多許記曰手澤存焉詩曰念昔先人願與弘軒勉之

跋方侍御邵村家藏聖教序

白蘭亭玉匣殉入昭陵人間遺蹟率皆殘碑斷簡求其圓勻精妙若貫珠合璧者惟懷仁所集聖教帖耳流傳漸久漫漶滋甚神韻幾索然矣此本字完好流光奕奕一波一磔生氣盈把洵宋搨之最初者也邵村臨池直窺山陰堂奧與尊人學士公有義獻之目固知書法淵源於是乎在

跋許子韶壽冊

繪事各有門庭王昌妙於似徐熙妙於不甚似妙於似者孟堅之文也妙於不甚似者子長之文也然試讀留侯世家如見其狙擊之雄鷲納履之溫文赤松遊之飄然霞舉至想像其狀貌如婦人女子筆筆傳神阿堵何嘗不妙於似耶坡老云論畫

飲醇堂文集

卷之六

題跋

五

不知爲圖山水育之也是冊花鳥草蟲若干幅雕績滿眼無不曲盡意態寫生至此洵外師造化內關心源者陳少泰好事精鑒爲書畫董狐宜其賞玩等於拱璧也

題讀畫樓藏冊

樹爲屈鐵勢山作古心人此稱恭肅體也以草隸之法運之便如宗廟中欽器望而知爲三代法物非復耳目近玩

又

清閭閣之法關全海岱樓之宗北苑猶田子方之師子夏也稍去其結遂爾出藍譬之曹溪一滴化成臨濟雲門

又

飲醇堂文集

卷之六 題跋

六

亂山巖崿林木蒼鬱而溪流樵徑窅然井然使對之者如見所夢如悟前世自覺欣然欲往

又 程端伯

青溪老人繪事屢服亂頭俱好可以破除甜邪之障所謂達磨盡翻窠臼乃爲高妙也

又

畫家士氣一派獨盛元季恭高賢勝流隱於六法故多深自寄託耳擬諸家者不能領會全神一紙去而萬里

又

李竹嬾常作秋林圖寄友題云相思託秋樹一葉墮君前後友答云望窮秋岸離離樹何事庭無一葉飛前輩風致差可想見茲圖羅羅清疎而蕭森之氣逼人眉宇所謂秋冬之際良難爲懷不須更賦消魂已覺離愁滿紙

又

青溪此幅用郭河陽法而一種蕭遠高人意自在筆墨畦逕之外古今人各有至處也

飲醇堂文集

卷之六 題跋

七

又

畫家老穉工拙俱屬第二義要須胸有萬卷筆無點塵學問文章之氣蔚蔚芊芊浮於紙墨乃爲可珍若不從此悟入刻畫無鹽徒成下品

又

溪迴日氣暖逕轉山田熟有杜陵翁無形之畫不可無青溪叟不語之詩

又

畫有放筆頽唐而不嫌其漫有矜慎自娛而不苦

其拘關掇在神理不當於筆墨求之

又

清風脩竹裏丹竈翠微間此豈焦處士避詔巖耶

又

紛披老筆有霜降水落之致取青妃白都屬下乘

又周靜香

此亦江干雪意也何執筆效之而不能當出花谿

腕底別具鑪錘

又雪山

飲醇堂文集

卷之六 題跋

八

郊邑飄瞥林岫皓然正難其慘淡耳

又雪景

漢劉哀蒿北風圖開卷者爲之凜然筆墨何物乃

令人不寒而慄若此

又

快雨一過白雲亂流而濟景意黯慘當作是觀

又李僧筏

長蘅先生氣韻超軼人得其一緣半紙便如拱壁

僧筏復起而振之其意寄蕭遠居然名士風流起

宗故有鳳毛也

又吳梅村

一峰之浮巒暖翠承旨之鵲華秋色舊學菴乃兼

集其成

又莆田女子周明珠

設想造景靜細荒深迥非恒境有精神寂寞先生

移我情之意在閨秀尤爲僅事

又鄒臣虎

梁溪先生墨妙宗法大癡而蒼秀峻潔在尋常阡

飲醇堂文集

卷之六 題跋

九

陌之外迴闕異觀殆內典所謂無師智也標下先

生精鑒絕倫深所寶惜亦翰墨中之春秋矣

又

觀此圖如讀周秦行紀令人恍恍神迷

又

捲雲皺法惠崇得之畢宏惟趙大年能用其意不

謂虎兒亦脫胎於此

附標 夢中芳草投贈有年意外得值狂喜不勝

四冊敬煩大筆得多題數幅尤切珍感更欲求

一藏書記傳之永永以爲世寶但恐過勞清神
爲不安耳倘蒙俞允卽求書之冊前愛先生名
筆故不禁屢讀知能鑒弟請教之誠也

昨夕之飲弟入春來所未有體中爲之一適晨
起再展箋子書冊一語一字無不引入勝地先
生真千古韻人哉如此人尚困菰蘆中那得不
令人氣結

弟于先生何相見之晚耶然從此侍教亦未爲
遲連得先生筆墨于願已足又恒以爲未足箋

飲醇堂文集

卷之六 題跋

十

予二書冊二更勞妙腕總之心醉于先生故不
自禁其碎碎先生于弟或不厭其碎碎也

昔人云文章書畫不可驟令人愛得先生筆墨
翻一幅如遇一西家施那得不愛先生移我情
哉但逆旅中屢以不急相煩罪過不淺矣

附復
標圖冊頁便面書訖上納納細流于淵海河伯

詎不知自量以見笑於大方恃明公愛而忘其
醜輒不敢自匿耳使如村留之遇公輪必百呼
不出也一噓

飲醇堂文集卷之七

雲間周金然廣菴著

壽序

禹航侍御赤城鮑公八十壽序

嘗覽別紀將相大臣兼資文武如王威寧越劉文
靖健羅文恭洪先舉得仙術閱數百年飛行人間
茅歸安與威寧壽山飲酒計百十餘齡酡顏若桃
花康武功謂勝菴雙瞳炯炯丹穎綠髮作地仙逕
去而文恭近自西江策杖訪錢虞山衣冠甚偉余

飲序

入集

卷之七 壽序

一

悉艷稱之未敢以信今親侍御鮑公乃異焉公少
年以射策高第宰青溪英敏沉凝憲政滂流隨移
劇海上謂海故巖邑非公莫理也公恂然長者風
而錢穀簿書擿伏鈎姦等等精練垂四十載頌神
君慈父如一日擢蘭臺奉勅中州聽馬所臨行行
欲避一時稱鐵面憲文蓋公居柏臺又以直聲動
天下而循良惠和之績霖沛天中與雲間無以異
也運當更始隱鱗戢翼躍躍飛動公特處冲林泉
仲長之樂志有論康節之歲春有窩攬大滌之高

標餐南冷之秀色早挂神武之冠獨樹松風之夢
抑何嶢然不滓終始一節耶聞公冥心老釋旁精
岐黃鹿皮冠方竹杖時偕三嗣君及諸孫曾徜徉
湖山佳處天倫樂事方諸荀陳之門而諸君咸孝
友愷悌以文章行誼嗣其家聲始歎其率報施不
爽梓荅今歲建子月值公八表攬揆故交門下及
諸父老忙舞而前屬某蘇詞馳祝是可見公之德
澤在人久而愈思且五福咸備願其葆素于山水
之區歸然耆碩洵足表東南矣昔聞人瑞翁當百
飲醇室文集 卷之七 壽序 二

歲建坊貽詩南臺有擎天華表三山壯醉日桑榆
百歲紅句而玉峯周翁壽誼生朱景定間鄉飲于
洪武六年壽百十三今公名乘足與威卑諸君子
作洪厓拍肩其淵雅足與人瑞翁廣唱以金鐘大
鏞之品結紫霄碧落之踪其中恬仍足與壽誼翁
領袖高士傳逸民史是公于造物氣數之外尤取
全焉慶且頌余言勅餘杭仙姥爲加一觴

胡靜筠七十壽序

世稱魁士通人出則振揚皇途羽儀廊廟處卽沉
冥林泉涵泳性真顧薛仁友嘗言士當聖明之運
無灼然文武之用雖復皇皇徒勞耳必如韋敬遠
處士退不丘壑進不市朝冲怡守道榮辱不及何
其豫也旨哉斯言惟靜筠胡翁足當之翁豫產也
英英門戶照耀天中先世隨宋南渡避地雲間因
占籍焉開府浦南公其曾大父也翁承中丞之緒
以恭謹愿確世其家有萬石君遺則束髮補邑弟

飲醇室文集

卷之七 壽序

三

子員縱橫藝苑蜚聲籍甚學使者奇其文屢薦應
京兆試得而僂失者再在藉名場垂廿餘載中年
益攻苦遂成庖廩慨然曰璧無三獻路無兩岐安
能鬱鬱事此螢乾蠹老爲乃棄去舉子業縱情觴
咏間尤癖嗜種菊或月明西墅花綻東籬輒揮杯
引滿清吟間發所著療愁草猶存草率皆抒寫懷
抱寄托深遠時與二三石友呼杯引滿盃簪促鄰
雖留賓不投轄而名士常滿座山冠田衣義興如
也斗酒圍蔬欣欣如也目視不流足舉不翔又遠

遠粥粥如也生平與人游欵曲無城府故交落落
久而益敬亦喜爲人排難解紛勸誨後進大抵削
墨引繩又善批卻迎刃而導之故交遊仗其忠且
信焉舉丈夫子二風雅意氣愈重于時不減陳之
元季陸之機雲咸能承歡色養嗣清白家風方之
皆賢則鄉號鄭公門推通德詎有忝矣余不敏竊
好表隱德紀獨行韜光潛實若我胡翁方當肅爲
典型模楷頽俗是宜燕鴈成群禮之賓筵鄉國月
旦翕然推祭酒也哉今辛亥清和春秋方七十雅

飲醇堂文集

卷之七 壽序

四

趨敦步徵逐詩酒如躡壯少年嗣君輩屬余燕詞
稱長春難老之觴余嘗覽劉臨川世說疑爲談家
者流逮觀其首列四科特引德行方正爲重懷然
作書之旨匪好弄弛而忘檢括何元朗亦曰狂狷
殊塗均能厲聖剛柔異稟善克則中要歸於德爾
矣夫苟方正執禮內行淳至則進不必坐中書堂
黃紙押尾及擁旄仗節折衝萬里方爲偉人退亦
不必挫廉逃名灌園採藥如山麋野鶴在長林豐
草方爲畸士述遵名教酌稟中和如靜筠其人者

醉鄉之日正長蔗境之甘伊始少無適俗之韵老
有藏春之窩復何大行肥遯之足云哉蓋士君子
取名用物下不必爲庸俗所忌而上不必爲鬼神
所裁語云有精神謂之富有廉耻謂之貴有心田
謂之祿有書種謂之福有庭訓家蕃謂之無涯令
聞古稀直小年耳如翁之算尚可以勾股數計也
乎

飲醇堂文集

卷之七 壽序

五

涂使君壽序

夫有神明之才然後天下鮮難事焉有豈弟之德然後天下無勞民焉觀于東海上之頌涂使君而東海之沐浴于君侯可知而君侯之所以沐浴東海者可知也大抵政治之道不過二端其一仕宦者之爲政也善上官善其時之能爲誹譽者善順適其前後使令以此致賢聲不難然其精神志趣得無殫于此乎視民生國計稍後矣其一聖賢人之爲治也行吾心之所安心之所不安者不行也

歐陽文忠公集

卷之七 壽序

六

行吾道之所在道之所在者不行也辨理欲別公私同疾苦布德意民愛之吏人畏之大夫士敬之蓋聖賢人之治如此知此者可以論君侯之治矣君侯未至時舉子家讀侯行卷由乎心得吐爲芬華侯之文章則固聖賢人之文章也旣舉帷叱馭望侯丰采本之大道形爲德隅侯之丰采話言則固聖賢人之丰采話言也及陳綱設紀見侯臨事小大以誠整施有序匪怒而人自不敢犯匪紆而民自蒸然有起色侯之政事則固聖賢人之政

歐陽文忠公集

卷之七 壽序

七

事也其民一則曰比來官好省小民無數晨夕奉約法者去而耕耨矣一則曰比來官好省小民無數無藝之征凡輸納者無復煩費矣抱牘者攜手相戒曰文其未易舞也肝膽俱照不敢欺也呼搶者披臆以前曰情其未可隱也至誠惻怛不忍欺也江流一勺露葵數枝而侯之神明益皎乘燭而照日肝不遑而侯之精采益懋卽有欲干君侯喜者而何可得而喜卽有欲竦君侯怒者而亦何可得而怒如治兵壁壘精嚴如御馬六轡在手蓋五閱月而政聲浹于車下者如是或謂海上以區區之地歲出課額三十餘萬生其中者無人不皇然如有求民生貧則機智出稱難治爲江以南最夫繁重難舉之任衆人環視莫可如何而必有人焉獨起而舉之故有其地同其事同而其實效較然各別者雖別諸其政而亦別諸其出政之人也人皆以侯爲一方歲曜天官書云歲曜所居其下有福正謂是哉佩重之月爲侯揆攬嘉辰某謬以文受侯國士知每相勉以聖賢之學以學爲治固侯

政本也某亦敢自附爲知侯者故敬以一言爲侯
侑觴

欽定四庫全書

卷之七 壽序

人

朱明府奏績壽序

今上御極之十載百僚師師庶政惟和爰及三載
考績行周官六計弊吏之典以綜核名實職在司
牧殿最尤加齒焉時則海邑賢侯朱明府以廉平
膺上考行且以不次擢迺再借冠君俾久於其任
從民願也於是四月維夏上澣九日爲侯皇攬嘉
辰五按鄉三老既尸祝之於仁壽門內復縷陳其
政績致詞於野史氏曰維我下邑介在濱海田賦
浩穰實甲三吳水旱頻仍歲比不登氓俗疲而好
鬪訟獄不得衰息百室之聚鮮盈且寧焉前此更
有患不嘗患東溼乎不嘗患鹵絲乎不嘗患無藝
之誅乎不嘗患期會興作紛然其擾乎不嘗患官
司之守皂隸之事多勢劫威取以相苦乎不嘗患
屈情黷法網漏吞舟而冤民困於秋荼乎比來則
幸甚輸租有畫一之程矣追呼絕響勾攝絕跡矣
英餘則絲粟入正供矣徭役煩苛費出無名者悉
蕩滌矣椽胥舞文以浚民膏者屏息蒲伏相戒歛
手矣慄悍樂禍豪猾孺之徒知自愛而重犯法

矣是遂何道哉惟侯斟酌張弛調劑緩急陰行其休養之意於盤錯之中不言而飲人以和行所無事而蒸然化以故易南磽确弗腴於昔魚鹽蜃蛤弗加於昔而民生暢遂之象若庚桑之居畏壘日計不足歲計有餘非我侯冰檠之操膏雨之潤其誰與歸子識之乎以傳循良固子志也敢介如椽以侑萬年觴余維古訓有云民罔常懷懷於有仁侯非與海民有相習之素也何以得此輿人之誦哉厥惟仁故也仁者靜靜故可以壽世昔曹參爲

飲醇堂文集

卷七 詩序

十

則下困生其中者又多因緣藪窟奸僞萌起逞其憤盈之氣驕蹇而不可控制稱難治且數十年於茲篋子所謂衰世若有餘非有餘也嗜慾多而民心躁也侯以駕輕就熟之才處理勢剴劇之任人以皇遽而我以整暇人以刻深而我以葆大人以峻急而我以紆徐無斲民和罔干時譽不忍傳舍視其官不忍秦越視其民非惟自處無事而能與人安於無事非惟清畏人知而撫字心勞并不求監司大吏知則惟仁而能靜靜故可以壽世也卽

飲醇堂文集

卷七 詩序

十一

李參戎壽序

域內山川之氣皖廬旁礴者以三韓爲最生其間者類多偉人以故豐沛從

龍冠劍相望若其爲

累朝入瑞亭岡陵之壽膺川至之福則惟參戎李公尤得氣之厚者也公以鄉侯之仙骨具臨淮之雄畧從

王師入關定鼎既削平區夏會三晉問冠盜充斥出爲龍門所系戎數出奇計勦撫兼庸不逾時而

飲醉堂文集

卷之七

壽序

主

殄滅之無餘孽夫師之所處荆棘生焉乃市不易肆秋毫無犯不留不處三事就緒至今三晉士民尸祝社稷之不衰而公顧偃息大樹絕口不言功無何拂衣起曰吾去民安臣職殫矣吾有舊廬以息機有款段以代步有壺觴以供晨夕之娛安能長此馳驅必旂常鐘鼎爲榮肯沈慶之自五較登三事讓還官舍日與子孫中表較獵田間我雅慕其風而求必歷其位也遂請旋歸偕親串故人爲香山白社之盟而公有丈夫子卓然傑偉出則經

綸邸第入則承歡膝前視溫清奉甘毳無間有孫繼起瓜瓞綿綿或執勺以舞或騎竹以嬉翁燕寢之暇頷而色喜蓋三十年天倫樂事莫有逾焉者矣今清和中齡爲公八袞懸弧之旦而聰明強健齒髮未衰几杖之間衍衍如也庭闈之內雍雍如也都人士之仕于朝職于朱邸洽比于閭里者相與慶曰齒屆耄期斯稱人瑞矧公之德于朝野無擇言乃其子亦誠賢且孝也子固習聞之盡介一言以侑觴余曰古之君子壽考而攸好德者

飲醉堂文集

卷之七

壽序

主

若衛武公九十餘猶作抑之篇曰溫溫恭人維德之基又曰惠于朋友子孫繩繩凜昊天嚴屋漏恂然被服儒素而稱之曰武且躬享大耋垂譽無窮今公之爲人也惠中而肅外樂善而好施少慕任俠然諾不移人有急難弗惜褰裳救之未嘗形爲德色卽其掃除寇氛萬民安堵而不矜不伐冲然自得于泉石間旣不戀叔子之綬帶輕裘亦不學伏波之據鞍矍矍以嚴翼爲前茅以撝謙爲中權以式穀爲後勁最得武公史箴詩警遺意又何

必熊經鳥伸呼吸吐納之術而卜其遐算乎必欲
爲祝嘏之詞則有少陵仙李蟠根大猗蘭奕葉光
之句在請以是引滿而進可矣

朱明府太夫人壽序

古者有色養有志養有祿養色養志養固庭闈樂
事矣然君子生而志四方期以顯揚慰吾親耳至
瞻戀庭闈親髮且華矣曾未獲太倉升斗祿以奉
吾親我則何取乎瞻戀庭闈也者然則祿養尙矣
乃有身既許國終鮮兄弟而王事靡盬不遑將母
反不若膝前離立甘脆承歡之得自遂焉豐於此
者嗇于彼斯君子于天倫之樂多闕有間焉哉聞
躬朱明府爲副都統燦然公長君公以忠勇從龍

歷燕齊秦晉吳越閩滇助業赫赫載在碑乘不具
論凡其開疆固圉國爾忘家之日無缺高堂奉養
皆諱封夫人陳太君克相之力也明府幼承母儀
偕兩難弟夙夜勉嗣家聲未弱冠卽令我邑板輿
迎養入則寢膳具問出則施于有政不遑庭訓以
固其官不爲浚膏以奉其親迄今萬戶謳思猶歸
德于太夫人以爲衆母之母也則三養備也其樂
靡有間焉者也今年夏次公又將赴粵州刺史偕
季公廕君復率太夫人以南明府逋流而上肅拜

前迎次舍于梁溪行署一堂聚順融融焉怡怡焉
相樂也已而相易以清白之傳不假易而太夫人
守官守身之訓先後一揆也彼傳曼倩陶士行豈
伊異人乎居無何爲陽月五日值太夫人誕辰則
衆祭三珠森然羅立奉千秋觴于堂下雖時門楣
宅相榮戟連雲內外孫行已十餘人矣仕于
朝者惟奉太夫人教資以事

君也仕於外者惟奉太夫人教以錫類於無窮也
色養而兼祿養之榮祿養而全志養之道其樂又
飲醇堂文集

卷之七 壽序 六

寧有間哉昔宋仁宗以蔡君謨知泉州有惠政歎
曰有子如此其母之賢可知特賜冠帔以寵之後
蔡母年九十餘而康強如少壯傳諸史冊以爲式
穀之報夫觀古可以証今徵於前必有信於後以
明府之福我海邑一本於母訓若蔡忠惠之治閩
固以知凡子若孫所以全此三養者必克廣仁孝
嗣續忠勤以顯揚於勿替則自今以往天倫樂事
方未有艾而太夫人所以膺寵褒者寧止冠帔之
榮已哉詩云樂只君子保艾爾後其是之謂夫

飲醇堂文集卷之八

雲間周金然廣菴著

記

賴古堂藏書記

自古達人曠識每假乎物以寄其情情之所寄一
往而深稽之銀也阮之屐也陶之菊也子猷之竹
南宮之石也意有所託如饑渴之於飲食終老不
廢彼浮慕者情不屬焉鮮不逐物而意移矣櫟園
先生以達人大觀幻視一切顧獨好古今名畫其

飲醇堂文集

卷之八 記

一

鑒別之精購索之力裝璜之勤藏度之富視天下
聲色玩好可矜可愕之事舉無足與易者雖當憂
虞險阻反琴削迹必載與俱既等身世於萍梗獨
翻覆諦閱不少輟以爲惟此纍纍者率然有當於
心也非僅索解人不可得即公亦時自笑其迂且
癖不能自解其所以然倘所謂一往而深者耶獨
是公之生平助業爛焉文章炳焉與日星之光河
岳之氣相旁薄而鬱積其所發皇縱極古今翻極
潤色之才不足當一快也區區繪事何足係公之

神明而寢食懷抱無非是物也哉抑知公之寓意
益用深遠矣今夫世人之於物也惑且溺焉或徒
而之他焉皆所謂玩物喪志者也達人游神於淡
合氣於漠其賞契在物之外故能盡物之趣以寄
其情方其沈冥於此數冊中也陶冶性靈牢籠萬
態得喪齊其觀愉戚一其致悠然與造物者遊雖
勲業文章庸詎知不於是焉寓之庸詎知不於是
焉化之以故所見無非畫者凡夫壤之內山川草
木烟雲魚鳥當吾前者皆有形之畫也會吾心者
飲醇堂文集 卷之人 記 二

鐵篆古典記

黃鶴醉翁人奇遇奇踪跡奇生平所至喜購奇書
誌奇事風尚雅與好奇之周子合一日問奇於豫
巢中述其所見鐵篆古典事尤奇其書尤奇之奇
者屬余記之其言曰昔曾游桃源古寺寺有老僧
留宿示余一朽鐵版高二尺許橫倍之上有古篆
字左行凡二十層相傳得之黃河漁網中者余摩
挲捫讀大異之因燒燈讀之至曉夢覺得其說其
文曰典八弓一弓曰帝在位百六十載出觀於涿

飲醇堂文集

卷之人 記

三

水滑漢鐸豕言於帝帝曰若何神滑漢鐸豕曰水
神也帝曰地皇有言山霧冒獸水霧冒神山靈如
行水靈如止若未見所冒神於何有滑漢鐸豕曰
呼庚辰庚辰子靈之母也冒則安能言則涿水遂
入水三日不復出帝使庚辰枕流而招之曰滑漢
鐸豕其忍棄子於是滑漢鐸豕復浮於涿水之上
帝曰將使鯨治之曰鯨多思而愎帝曰其使益曰
益為肩弗利厥洪漦石紐渠師惟禹善帝乃使禹
滑漢鐸豕為拊尊實佐庚辰至堂弗夜之山沒焉

庚辰裂衣而哭天降符乃命禹圖二弓曰朱封於
丹丹畔娥皇詬朱朱出齒娥曰鳴惟帝之齒涕而
歷於舜舜席之極拜於西隅娥曰鳴匪帝之齒舜
拜於北隅忽電行於庭齒作人言娥曰齒言鳴惟
帝之齒舜拜於南隅乃出求厥綏而量之以告朱
朱曰禹來予猶若丹其惟予一人丹汝則弗康禹
曰斯罔敢弗恪朱曰女則弗康其惟予一人康禹
曰斯其無庸康娥歸齒躍入舜目目重瞳三弓曰
禹治水登蕩榔之山有物如鐘聲飛過禹前禹手

飲醇堂文集

卷之八 記

四

探厥腹墜項有文曰渥繁壽闕贊於星辰禹仰天
歎曰俞四弓曰舜葬蒼梧崩娥哭於野曰曷就竹
吾悲燭明焉舜忽起於牀呼燭明娥英趨舜舜化
爲龍入於洞庭娥集厥哀刺竹七日龍飛於娥之
宮宮墮娥出跡竹竹龍文英斑碧光如朝絲周子
諦聽而異之曰嘻奇矣哉古之爲奇書者可勝道
哉然或沒而弗出矣或弗傳傳非其人終亦沒
此書不沒於黃河已奇出之漁網中尤奇又幸而
遇好奇之醉翁得託以傳也不尤奇之奇耶余按

帝憂澤水厥有庚辰鳥有所謂滑漢鐸豕其母云
者乃哭之天降符耶丹朱不肖娥詬之何至齒作
人言躍入舜目爲重瞳耶鯀化黃熊入羽淵舜又
化爲龍入洞庭耶豈上古誌怪之書多不傳耶惜
也佚其半設盡存其恠不有倍此者耶且道書曰
弓茲弓何耶又枕流頽晉人語碧光如朝絲頽六
朝三唐人語庸知非後人之先我而好奇者之所
託耶夫沈碑於水後世或在山巔又庸知其非果
太上物耶事固有不可信而可信者亦烏可無記

飲醇堂文集

卷之八 記

五

古留堂記

古留村名也在新安休邑東二十里村以古留名其猶舊德先疇之義乎昔在敦龐之代人各安其俗樂其業而重去其鄉問其邑居之始與水木之自則曰邈矣其不勝邈也類氏族而長子孫幾歷年所矣匪直衣冠俎豆穆乎太初卽鷄犬桑麻皆餘古意後世古意寢衰一再傳而已茫然罔念其先澤至有堂構在望未耜猶藏輒笑前人之太拙鄙田舍翁爲已過者可嘆也我不知休邑之村有

飲齋堂文集

卷之八 記

六

合於是名否而傳世漸遠今之視昔又烏乎知之雖然我於式菴金先生之移名其堂知之初金氏之先實居是村最著者司農公與光祿公父子竝有懿德以清白世其家家風稱醇謹者首金氏村卽不止一姓觀金氏知村名有取爾也厥後光祿公游於淮徙居焉而公之姪大中丞復遷於潛峰如邠岐更徙世業猶可歷數式菴先生光祿之孫也因遺堂在淮而顏之曰古留蓋追念發祥所自若以淮爲休以堂爲村者嗟乎是豈須臾忘其先

者乎夫漆園叟寓言十九所謂希韋氏之圃有虞

氏之宮建德之鄉大莫之國豈必果有其名與其處庶幾常留大樸於人心久而不失其故歟今先生之名是堂也見夫高甍峻宇竹苞而松茂者皆曩者勤垣墉之所基也木蘭爲榱文杏爲梁輪焉奐焉者皆曩者勤樸斲之所貽也竹木之繞宅者不啻昔人之手植泉之交乎戶石之壘其庭者不啻昔人之經營而位置也朋舊之合尊促席盍簪而高會者猶愴乎若聞太康之戒也子孫之饌於

飲齋堂文集

卷之八 記

七

是粥於是聚廬而洛誦者依然栢棖之澤經術之傳也夫孰非古留焉者安在堂之不卽村而淮之不卽休乎且吾聞先生爲良二千石所至有遺愛計生平棠蔭幾何地屢芘幾何徒若庚桑之居畏壘機智之民胥以化神人之居姑射疵癘之氣默以消則凡宦轍所經所見無非村者而一秉高曾之規矩固隨在生其敬恭不必維桑之日在日也昔趙簡子有符在常山以問二子伯魯不能對無卹誦其詞甚習出諸懷袖中遂爲象賢傳其國夫

先生之賢奚止加人一等哉登斯堂者念先之意
亦可油然而生矣而凡宦遊四方能光大前人之緒
繼不忘開創不殊守者又豈必戀戀於敝土以不
去其鄉爲可法也

飲醇堂文集卷之九

雲間周金然廣菴著

碑記

重修上海縣學尊經閣移奉文昌碑記

海邑學宮旣得邑侯涂君與廣文曹公殫力于文
廟輪焉奐焉復舊觀矣已詳某公記不具載惟尊
經一閣猶摧圯剝落巋然于茂草間風雨不蔽典
籍云亡求所謂尊經之名與其實幾茫然莫知所
自涂侯又顧而歎曰嗟乎是殆不如緇流黃冠之

崇飾其講堂經室護諸玉函貝典之隆且重也則
官師生徒之耻也亟從師儒請謀所以脩舉廢墜
者會歲早賦劇賢令方攢眉而應疾呼且日不暇
給顧數假公餘按冊計議悉發贖鍰首倡斯舉而
博士弟子員各損肴盤之奉分焚膏之資以繼之
撤頽垣畚敗礫構陶甃採良材計日鳩工辰集酉
散自閏七月經始至十月告成雖名修葺幾與創
建同工厥惟艱哉侯乃與薦紳士登閣而落之曰
美哉始基之矣猶未也稽古帝王懸金帛購海內

遺書內藏之秘府外藏之寶序以示陶淑人倫必
由此出今其意猶有存焉否乎請得捐俸若干徧
購十三經二十一史大全通鑑綱目衍義諸書皮
而藏之以公後學願自今以始通才秀生以時講
習于此毋忘尊經遺意至卷帙之核也曝涼之勤
也任窮經者之人無任經之出也將封事于奎壁
之神爲式靈焉而學之異隅故有文昌一祠形家
言法當移向正中吉乃旣架經史于兩楹而龜祝
帝君于中央司圖書之府昌文明之運于是焉賴
飲醇堂文集 卷之九 碑記 二

矣人驟見其棟宇之巍煥籤軸之富麗像位之莊
嚴疑有神輪鬼運而不知無米作炊半菽不請之
公家一銀不取之編戶而靡願不酬無功不辦乃
爾乎事竣徵記于某以永諸石某不敏竊欲與都
人士共竟尊經之義夫尊經之義何居日月經于
天而道明江河經于地而道行聖言亦猶是也譬
諸飲食五經其穀也我宜聖其尤精鑿者也百家
同異其海錯山珍也人不能一日不飲食則亦不
能一日不在五經之中此經之不可不尊也願經

不翼則亦不尊善尊經者以聖賢爲主而以群言
爲輔若山之岱不遺土壤水之海不擇細流則言
不必盡經而所見無非經者雖欲不尊而主之不
可矣是役也寧惟是飾觀美修故事將使多士憬
然知日月之在人心而江河之不舍晝夜功實惟
不小也若乃文昌首教忠孝視百家切而該視六
經之言顯而約以此輔翼經傳垂法多士家脩則
爲子孝庭獻則爲臣忠著作必緯地經天政教必
移風回運尊經其大乎是矣豈以其司祿判桂籍
飲醇堂文集 卷之九 碑記 三

徒取微福云爾哉願與都人士共勉斯旨因合而
爲之記

清河書院碑記

古今不易民而治也惟其人淳澆不擇地而理也
惟其政昔京兆之治以張子高益州之治以張復
之其地則難地也其民則勞民也得其人以爲之
政而頑秀易俗化成若神兩郡以是尸祝之不衰
我郡之困極矣兵燹之後荆棘彌望饑饉薦臻稻
蟹不遺種又禮壞樂弛衡門之內清風輟響自郡
侯張公之來福我松也賦役調劑其適均征輸軫
念其疾苦囹圄釐剔其輕重荒瘠稽核其耗登其
飲醇堂文集 卷之九 碑記 四

片語質成猷決然犀也吐握孝秀鼓舞不倦也隸
圉麗立重跡無聲既整以肅也舉帷四巡單騎隻
艇不擾村墟何嚴以仁也諸凡捍災卹患之道罔
不殫心區畫一切咸理而其大者地濱海隅風氣
錯雜不軌葉牙其間公先機逆折而立社之時當
撤兵庚癸不繼一軍俱甲洵洵有流言公談笑麾
之應時解散海水汜溢故堤善崩萬戶有其魚之
嗟公設法防築與郡之賢士大夫不乘不蓋周諮
博詢績用告成此尤公之功在社稷澤流奕穢者

于是民害既除煩苛既滌雨暘以時疵癘以消
秋而後卽從祀禹廟宣庶間度且無愧而我海邑
士民尤公所加意拊循被澤最渥者相與謀所以
立祠而束于功令未獲遂也會尚書潘公有豫園
故址清泉白石名勝巋然僉曰是天實畱以俎豆
神君非偶然已廼建書院其上顏之曰清和以公
有才壺之清惠風之和也旣不日成之諸生以時
習禮其間如日奉公之色笑伊教也黃童白叟辨
香羅拜卽日鑑秋水而坐春風也是則畏壘之尸

飲醇堂文集

卷之九 碑記

五

祝夫庚桑也寧有數畝公爲人豐願廓領精神舉
體操潔而度充機活而才捷以寬行其聰故無束
濕以虛用其裁故無逸照霜雪以礪之惕而必膏
芝龍泉之鋒而以試毛何有此最爾也異日者書
之史冊當與益州京兆並傳區區書院云乎儼

署上海邑篆郡少府范公書院碑記

昔曹叅爲齊相問安集百姓于蓋公蓋公爲言治道貴清靜而民自定用其言而齊國大治後以其治齊者治天下民以寧一咸稱其賢夫蓋公所言宜若無當于今時之俗然斯民猶三代也詩歌子民先之以豈弟史傳賢吏首之以循良詎不知嚴苛多赫赫之光祿大爲悶悶之政哉顧所重者在此不在彼古今無二理也郡少府范公之視海邑篆也時適丁凋敝之餘鈎校日以密逋稅日以積飲醇堂文集 卷之九 碑記 六

獄訟日以繁轉清倥傯餉檄旁午緩之則怠上供操之已促則民不堪命而公則曰是何可以峻法繩而多事擾也不震不悚開誠布公建之以惇大畜之以寬和鎮之以寧謐作之以勤敏斟酌于張弛損益之際一切煩苛悉蕩滌之稅辦而民以和矣進諸士子講德課藝虛而往實而歸矣片言平反明允若神感頌來拊掌去矣甫六閱月而鉅細畢舉政簡刑清使上安而下服之焉安之則曰是固寓撫字于催科者也其不露才者也寧緩而見

知無急而迎合者也服之則曰是固至誠惻怛不欺其志者也其清畏人知者也寧廉于實毋廉于名者也于是邑之父老謀所以俎豆我公而不敢立祠以重違夫功令則書院之設所由不能已于尸祝也余惟古之所謂循吏者其任既重以專其政又久而信用是多殊尤絕績而被其澤則祠之若蜀郡之以興學南陽之以溉田渤海之以弭盜膠東之以增戶必有一事殊絕自見故望其祠宇可指而稱道焉公郡佐也專責所不屬治邑之日飲醇堂文集 卷之九 碑記 七

淺矣修其教不易其俗齊其政不易其宜未嘗有殊尤絕績以自表見公且欲鑒自歎而此邦之人乃竊竊焉欲俎豆之耶且其量淵宏其及必遠且大衣被九州固將有待區區一郡一邑之治庸遂足俎豆我公由前言之殆非公所以欲然之意由後言之殆非都人士所以尊公之意也雖然賢人君子所至豈必歲月之久樹立之奇與展布之廣彼時雨旣物不見其益功且無涯如人有隱疾醫和察其腠理而療焉惟病者德之也若然則父老

之于公誠有不能已于尸祝者矣今天下脊脊多
故得如公者十數輩落落然參錯天下爲邦伯與
民休息海內又安卽何難致三代之治余故樂觀
書院之成而爲之記凡遊其宇下者卽謂之登蓋
公堂可也

飲醇堂文集

卷之九

碑記

八

飲醇堂文集卷之十

墓誌銘

雲間周金然廣菴著

誥贈朝請大夫刑部江西司郎中加從四品

同達張君暨元配樊恭人繼室王恭人合

葬墓誌銘

代

晉有君子曰張君同達者其先洪洞人也明初遷
於孟清河氏遂爲孟世族傳至君而彌昌君諱六
材字典制號察四同達其別號也弱不好弄志概

飲醇堂文集

卷之十

誌銘

一

直方以大始舞象卓犖觀書卽深湛篤嗜稍長補
博士弟子員積學力行以聖賢自矜尙手錄經史
古文詞幾等身旁及諸子百家言皆淹通條貫性
敦孝友承祖父遺澤初不計生產菀枯曰我以無
競爲田旣翁是寶也耕讀之餘遂遶粥粥與人子
言必依孝與人弟言必依讓見蟬翼之善雖微賤
必禮下樊之聞一肯之過雖疏逃必正辭悟之大
抵飲人以和而使人自化一時名彥咸樂與游以
爲有道君子至德良可師也君道彌於中而藝祿

於外雖文詞末技乎發皇經術蔚然足爲國華顧
數奇七應省試不得志於有司僅以歲進士入對
大廷名冠異等除陝西崇信令時宗藩驕橫氓俗
凋殘胥吏因以爲奸利公私上下間不勝畸困君
至與爲更始肅然釐飭犁然有當於人心彊者戡
辱者緩利無細不興弊靡隱不革每單車勸農周
咨疾苦曰庶毋好鬪訟與恐妨耕獲也抑或淫侈
日長與慮耗積儲也其或羣游惰而逐博徒與將
本業曠廢犯法滋多也不務爲赫赫而遠邇胥安

飲醇堂文集

卷之十 誌銘

二

條教焉復以公餘集諸士于講德課藝討論六經
人文蒸蒸歛起隨請於學使者廣茂才選額於是
命中科目者聯翩接踵矣以崇信素瘠疲稱難治
君下車未暮月而秀頰起化頌登第君子者洋洋
滿四境其大吏數奇之數加崇獎三年奏最注廉
平上考封文林郎佇膺不次異數會崇禎甲戌秋
賊黨一斗數小李廣輩寇虐平涼一帶所至城陷
蹂躪不堪時皆備焉懼慘戮之及也遽有以城降
者或獻其長吏以迎賊君撫劍顧與督於衆曰人

臣爲君守土其保之則君之靈也不保則以死繼
之君子致命遂志有殞無貳敢有携志者請視此
太阿且爾不聞尹鐸之固晉陽乎吾縱不能爲保
障其如三版何僉應曰諾廼躬擐甲胄登陴援枹
晝夜督禦戒嚴寇至連攻數匝迄不能拔經畧洪
公督師至見孤城歸然大異之輒具軍功報樞部
借君任軍前贊畫君辭曰我經生耳死守分也幸
固吾園偶也烏知兵法督師益欽歎謂沉鍊可屬
大事尋以鄰縣多缺官屬君署靈台莊浪諸邑篆

飲醇堂文集

卷之十 誌銘

三

君綜理其間拊循備至一如其治崇信焉君既兼
筦各邑馳驅况瘁又性恬退視榮顯如遺數請告
不許撫按憲司固留竟不獲無已代疏致政歸之
日攀轅載道帝號相送者若失怙恃不知幾千萬
人逮返初服輒曰耕讀吾素風也願與子孫安之
有先人之敝廬在少長咸集割一味之甘相勉爲
敦厚退遜可焉日箋左史通鑑諸書津梁後學所
著有史論補斷四書心印遊泰聞見紀適草各種
行世崇禎乙亥五月十一日以疾卒於正寢距君

所生年萬曆甲申十月二十六日僅五十有二耳
惜天限之中壽未究其蘊也初君爲令妻公師德
告於夢曰爾居官清正當爲本邑城隍神代吾職
及易簀神色不變大書妻公請我擲筆而逝崇信
士民追思之爲君舉名宦從祀學宮同里士大夫
亦交舉鄉賢崇祀之後以長子官覃恩授朝請大
夫刑部江西司郎中實加從四品君始祖秀孝廉
施州司理秀生仁美貢士魏縣廣文仁美生文學
從善從善生拳廉生入成均嘗賑粟千石詔封承
飲齋堂文集 卷之十 誌銘 四

事郎拳生玉慷慨好施歲飢出粟三千石全活貧
寡無算奉勅建坊旌厥善玉生廣歲貢洛川簿亦
出粟賑荒如其父廣生宗顏歲貢宗顏生鶴歲貢
封承德郎大理寺左寺正生子五長淑名鄉薦會
副歷官思州知府祀鄉賢次淑譽增廣生勅修邑
乘三淑膺歲貢威遠教授四淑容文學五淑問卽
君大父也文學累封奉議大夫大名府同知敦德
尚義推鄉國祭酒嘗建盤洲書院萃力學無資者
於中爲給衣食繼薪膏洛誦琅琅不絕歷年內廩

鄉薦者五第南宮者一成明經者十六餘悉砥行
勵志翹秀士林遠近傳爲盛事生子四長編歲貢
掖縣簿三續歲貢臨漳廣文四綿壬午孝廉司理
登州府遷章昌府同知周府長史君父蘊行二乙
酉孝廉由真定別駕歷陞易州昌平知州大名府
同知長蘆鹽運司運同加銜運使累封大中大夫
所至惠政覃敷兩舉天下清官第一崇祀名宦鄉
賢元配李氏封恭人生子四六順明經六成文學
六有太學生君行三元配樊氏文學鐸女賦性閑

靜持家儼若朝典事舅姑克盡婦道佐君以正以
順相敬如賓先二十年卒生於萬曆癸未八月二
十四日卒於萬曆丙辰七月十一日享年二十有
四封孺人贈恭人繼配王氏冠帶壽官奇女貞靜
夙成嫻於內則時封奉議公李恭人已逝以敬且
和相夫子儉於視躬寬於馭下處內外親串雍雍
穆穆咸頌德無間言閱十年而君捐館煢煢孀孤
謹持門戶惟義方是訓以母道兼父道焉辛勤成
疾後二年亦逝生於萬曆癸卯八月十一日卒於

崇禎丙子七月十一日享年三十有四封孺人贈
恭人君生子二長潘樊恭人出側僮諡達文行卓
然有聲以選貢知定興縣事歷陞刑部主事郎中
河南懷慶道左叅議陝西潼關兵備道副使兩遇
覃恩封中憲大夫值歲不登亦賑粟千餘石多所
全活繼其世德

世祖章皇帝嘉之賜棹楔旌其門曰澤被生民撫
弟蒞最友愛動必訓以禮至成立始令更娶娶王
氏文學家才女封恭人次蒞王恭人出負宏偉才
幼食餼於庠能振家學繩祖武以辛卯副車奉部
咨取考授鴻臚寺序班康熙六年七月遇今
上親政覃恩封登仕郎又遇加上

兩宮徽號覃恩加一級今陞鳴贊加一級先娶胡
氏五臺碩德應祚女早亡繼娶衛氏京都碩德守
志女又亡三娶樊氏庠生王家女即樊恭人姪也
孫男四星標官監生濟陽令封文林郎娶趙氏封
孺人漢標拔貢娶史氏俱藩出錦標准貢監生娶
李氏清標廩生娶趙氏俱藩出孫女五一適史藩

東華堂文集

卷之十 誌銘

太

出一適孫一字郭二未字俱蒞出曾孫十熾准貢

監生娶楊氏燿增生娶董氏俱星標出耿光增生
娶李氏煜增生娶申氏煜庠生娶李氏烜准貢監
生娶趙氏俱漢標出州庠生聘郭氏燧烜並幼俱
錦標出烜幼清標出曾孫女四一適楊一適趙俱
星標出一字郭一字史俱錦標出玄孫七承基業
儒娶李氏世基業儒娶李氏俱熾出不基業儒聘
李氏拓基幼俱耿光出德基煜出維基烜出開基
燿出俱幼玄孫女二一煜出一燿出來孫女一承

東華堂文集

卷之十 誌銘

七

基出幼未字康熙十二年春君次子蒞將請
假而歸合葬其親於某鄉長跽請於余曰夫子序
史也非郭有道碑不誌也誌先子者非夫子而誰
余從史官後紀善錄忠職也敢以不文辭乎銘曰
德畜彌崇行獨彌冲學富有而施彌窮衣被者其
化金湯者其庸君也不有去若冥鴻翅豆弗祧流
光熊熊後先代終左右幽宮銘諸貞珉千禩其封

飲醇堂文集卷十一

雲間周金然廣菴著

傳

蹲鴟傳

鴻麗之初東海之濱有怪物焉竊柜山之精託於羽族焉肩鳥喙鷹眼豺聲狐尾豕腹人立而能言厥性類鴟又善蹲伏偵物故名蹲鴟蹲鴟之先曰翻翻生焉占之其餘曰維樟有僕利用啄木金草斯屬爰塗丹獲丹漆梓材後其昌乎迺栖托於樟飲醇堂文集 卷十一 傳

而以啄木世其家焉生二雄一雌長即蹲鴟次曰鴟蚤死其一雌白雉蹲鴟生而險鷲習食殘賊同類而甚異已初蹲鴟之匹亂於他雛其雛之群爭狎而殺之鴟乃喪耦及鴟夭鴟即覆其卵耦其耦又通於雉爲二耦焉焉且老又善病鴟反噬之尋啼血而死逮黃帝時蹲鴟因鴟爲介鴟爲媒而入於帝庭迺得命爲鳥官而封諸天雄之野三年其土之毛爲之頓盡天雄之野患之歌曰蹲鴟蹲鴟食我肉毋盡我皮又曰蹲鴟來骨山堆兒女悲帝

蹲鴟也

飲醇堂文集

卷十一 傳

二

聞之怒流歸於葦葦不納亡走滬私結于鯨而謀奪鴟之阿閣迺挾腐鼠嚇之復和其羽毛齒革于饕餮而諧之曰鴟實不德矜茲奇服黨鸞群鵠巨黃鼓聖世若之何弗殛于是寘鴟於斂久之鴟作拘幽之鳴不能自白也天乙羽帝命后羿彎烏號之弓藥夏服之箭射殺蹲鴟而投饕餮於四裒出鴟於斂而返諸阿閣於時鳥獸鏘鏘鳳凰來儀上下草木咸若矣蹲鴟既誅縣其首於岷山之下入土化爲芋魁可食種之易生後世遂相傳芋魁爲蹲鴟也野史氏曰敗德可爲而不可爲潛德不可爲而可爲也以予觀蹲鴟之貪戾填腸滿膝屬屢無極跡鴟之脩潔隱約徒自苦耳淫破義邪害公天道其可問耶卒之惡有瘳善有彰報施不爽夫烏可誣也或謂其種類興滅似詭誕不可信然攷禹鼎所載神奸鬼怪王虺封豕蒙供而鸞鵠者何可勝紀日所未經輒謂烏有可乎又考山海經云柜山有鳥其狀如鴟而人手見則其縣多放士疑其族也

余嘗遊東海上聞啄木之聲詢諸故老以爲卽躋
鷗之苗裔云

馮孺人傳

孺人姓馮氏處士禹龍公女承德郎旭宇平公妻
也雲門望族曰馮曰平兩家故世好孺人生有異
徵馮公愛之稍長爲擇婿於平得旭宇頽豎荅發
卓爾不群因妻焉旭宇隨父繼橋公遊長安所交
當代賢豪間聲華藉甚數奇通經術不試旋以貴
爲郎出佐寧晉非其志也未幾循績茂著會膺上
考而以鞅掌卒于官民罔不盡傷之遺一子三女
子甫三齡卽今海內知名所謂平遠者也易簣之
飲醇堂文集 卷十一 傳 四

夕顧謂孺人曰委吏無成吾命有所制矣特老母
釋季相依燕邸未獲迎養承一日歡弱子笑筭一
經如綫爲抱恨泉壤耳孺人飲泣謹誌之時踴踊
欲絕輒北向指姑回顧藐孤曰所不卽從地下者
惟以此旣躬秉家政機杼操作茹荼況瘁三十年
如一日歲時修敬肅拜遣走慰問姑若親奉甘旨
無何姑亦繼逝兩喪孤露千里伊阻以一未亡人
拮据經紀歸姑若夫櫬於稽山之陽而營塋焉如
燕壘螳官撮土皆口血銜掇也篝燈課子洛誦琅

琅與織作聲相間卒賴以成立三女亦有家戚稟
壺範無替令名一日忽感微疴卽却醫不治曰我
婦道已盡曩者不可死而今其可矣且存歿有定
數無強爲男但勉德業以期顯揚女卽守貞靜不
貳可也已矣我順受其正矣言訖遂瞑平子旣砥
行好學有聞於時遂走四方以舉魚之泣遍灑名
公卿襟袖乞一言以傳死且不朽

野史氏曰余讀馮孺人行略而重有感也古今淑
媛所遭有幸不幸或以賢見或以能稱或以孝聞

飲醇堂文集

卷十一 傳

五

或以節顯要得其一已足傳矣若孺人之時與地
厥維艱哉抑何兼備而無憾也初旭宇佐寧邑馳
檄督輸日不暇給鰥鰥以急公家不遑恤民隱爲
憂孺人易之曰勤上愛民道宜兩全斯又賢士大
夫所莫逮矣余每遊東潮過雲門蘭渚之墟草木
皆有異香意必有潛德幽光鍾山川清淑之氣者
得孺人以映發其間良非偶耳

飲醇堂文集卷十二

雲間周金然廣菴著

論

王師宜使義聲先露

義利之辨儒者所深析至于功名之士建豎非嘗
若猛獸驚鳥之攫似不暇爲區區之論而其實不
然古之持大計定大業者必審乎輕重之勢明乎
天人之歸而亟亟以義爲先圖非棄利也擇義至
優居利至重所謂大將者用此道矣吾得諸唐李

飲醇堂文集

卷十二 論

一

靖之言曰王者之師宜使義聲先露方靖與趙郡
王孝恭伐梁督荊州東下秋潦漲惡諸將請俟水
落靖曰兵貴神速吾乘水傳壘是震霆不及塞耳
將必成擒及孝恭師叩襄陵大敗還走梁師委舟
散掠靖乘其亂縱兵急擊越再日而梁主統降若
此者爭利而處強軍首尾瞻徇若靖所鄙爲章句
儒者乎顧靖與其舅韓擒虎論兵輒歎曰可與語
孫吳者此人而尚書牛弘亦曰此王佐才也吾嘗
合二公之論觀靖之用兵而知靖真大將哉其深

析乎義利之辨也其深析乎義利之辨者何也大業末察高祖有異志自囚上急變傳送江都已高祖定京師疾之靖曰公欲除暴亂奈何以私怨殺義士一也遣十六使巡察風俗靖爲畿內道固請休帝曰自古富貴而知止者蓋少公引大體聽之將爲一代法又一也初江陵大獲舟艦使悉散之江中一以緩其四至一示委棄所獲又一也銑降師入其城號令靜嚴軍無私焉或請籍梁將帥拒關者家靖禁使秋毫無犯又一也其言曰彼爲其

飲醇堂文集

卷十二 論

二

主關死忠孝之族不可同之叛逆之科斯言也上契天心下極人理千載而下猶爲感泣于時江漢列城有不跋踵延慕望風欵附者哉吾于是歎高祖之滄刑也銑故梁子孫因隋之亂思刷厥耻非唐之叛臣也唐師圍江陵銑詣軍門降曰願不殺掠夫以百姓之故不忍固守則唐初割據之主銑最無罪乃英雄逐鹿之語迄以不屈被誅夫靖能卹死士于旣沒而高祖不能釋降王以無辜靖加于神堯一等矣使若高祖者將謂義聲乎哉異時

公祐反丹陽靖輕兵襲破帝歎曰靖乃銑公祐之膏肓也古韓白衛霍何以過抑知其深識遠見有能持大計定大業析乎義利若此者耶自古將帥之任難矣非趨利不足與圖功非扶義不足與成功若靖者能建大義以規大利者也乃總管定襄時蕭瑀猶劾以持軍無律縱士大掠散失奇寶悠悠之口靖猶不免焉向非太宗之英斷能察其諧僞中之書可禁詰乎吁傳稱敦說詩書史重兼資文武爲大將者功名不患不建立也亦尚兢兢于

飲醇堂文集

卷十二 論

三

義利之辨哉

國士無雙

漢初大臣功名令終者鄒侯其首也厥助爛焉史謂與閔天散宜生爭烈要其最明于天下大計者在追信而薦用之有國士無雙之目也方漢王設壇具禮人人自以爲得大將至拜信而一軍皆驚此時噲等宜羞與爲伍也逮觀信之定謀御衆規畫部署良國士哉夫兵家之要莫險且難于當堅善用兵者莫善于攻瑕而不當堅當時將勇兵勁與漢王爭天下者獨項王耳而信未嘗獨當其鋒

欽定四庫全集

卷十二 論

四

惟漢王敗彭城還信發兵破楚京索時漢王實在行間不專屬信力也趙魏燕齊皆新造之國政柄未一民心未信雖擁數萬之衆非素所練習以信之能舉兵而臨之安得不振槁摧枯乎楚漢日夜苦戰滎陽成皋間漢王披堅執銳以身塞其衝信時時分麾下助漢然親與項王爭一旦之命史未具載及項王東走所謂強弩之末力已疲矣漢舉天下之兵至垓下信出三齊之甲佐之項雖善鬪乎比權量力與在滎陽成皋時可同日語哉其敗

若反掌宜也故曰善於攻瑕也其善於攻瑕則固

樊盧鄴灌吹簫屠狗輩所不能及所謂英八之天智上將之老謀也微獨淮陰卽沛公見及此矣當秦之未亡精兵選士皆屬邯鄲項羽獨當之河北高祖乃從析鄴入武關行空虛之地秦之首將皆賈豎耳故能降子嬰定咸陽如風行草偃蓋聖君名佐時會所至應運而起雖其用兵亦合志同道合然使無信席捲河北數千里之地拱手歸漢而漢王獨以秦蜀之衆當勁楚諸侯又向背其間卽勝敗之數不可知信之功烈安往而不國士乎彼諸將能攻城野戰百舉百勝而所謂國士者則相天下之瑕而獨乘其弊寧徒恃木罌赤幟疾戰鬪力也哉使非相國識之亡伍漢王卽設壇具禮將復誰屬嗟乎升沉雲泥用竄虎鼠布衣徒步中安知世無無雙之士特不遇蕭相國其人者搜揚異彥成蓋世功則國士乎亦庸才耳

欽定四庫全集

卷十二 論

五

孔明自比管樂

管仲有治天下之才而無定天下之量樂毅有勝天下之智而無先天下之幾合二子之偏以爲全者其惟孔明乎才優爲王佐而量有餘智遇乎策士而幾不失識者謂其必能復漢室以取天下抑知其意慮更有度越乎人者矣奔踴之馬或致千里人稱其力不必稱其德也有駉驥者出焉步驟中度緩急中節能行千里而且能不蹶張于行不惟其力而惟其德則全者仲而偏者諫矣且夫功

欽定四庫全集

卷十二 論

六

足以取威定伯謀足以畧地攻城此英雄之事智者之所長也黜詐力而崇大義置權衡而奉天時此英雄之所不能爲智者之所不及見矣吾觀武侯隆中數語指掌瞭然遠定鼎三分若操券而取他如出師二表開誠四言直可配典謨泰訓命至君信其忠士信其公甚而仇信其法又甚而勸方信其威煌煌乎內聖之學外王之業也是卽伯仲伊呂何惡焉乃當其躬耕隴畝每自比管樂何敬仲九合一匡才誠不世而輔桓公柄齊國挾天

子以令諸侯其勢易舉武侯扶墜緒藉偏邦人心虞賅迫不俾也至規模局量則檻車之與三顧樓篋之與薄田其輕重大小又不待辨矣樂毅特戰國之雄耳燕昭之銳可乘齊湣之驕易喪趙楚韓魏之援可憑卽非毅也興一旅之師臨淄且不難遽復彼武侯所處何如哉闡弱如禪而黃皓蠱惑之強盛如魏而司馬又繼之吳更違盟荊州毀敗然且羽扇綸巾談笑屢捷如敗竹枯茅迎刃摧裂則以孔明較二子其難易之勢已奚啻倍蓰而况

欽定四庫全集

卷十二 論

七

周道衰微王綱解紐齊桓既賢而不能勉之致王尚論者未嘗不深惜之武侯治蜀則儼然王者之治也崇教化移風俗威之以法濟之以恩行且興禮正樂使綱紀文章炳焉與三代同風豈直一時之功名已耶議者謂其北伐中原勞師襲遠而無尺寸之效不悟蜀以一州之地豈能與勁敵持久坐而待亡孰與伐之孔明固計之審矣樂毅以百萬之師不能拔莒卽墨而師老于外使齊人得徐爲之間卒至于敗坐失機宜吾知武侯之不出此

也夫以懿之神奸蓋亦庶幾有天下之志者而智窮力屈骨受巾幘之辱令天假歲餘魏明天折國難紛起蜀以生聚教訓之餘悉甲以入光復漢室未可知也吳之兵力孰與中原孫之閫帥孰與仲達魏滅吳孤舉九州以壓一隅于取天下何難焉而武侯固逆知天意之不終祚漢要以答先主之知竭盡瘁之節所謂聖賢不能爲時能不失時而已此意管樂何足以知之蘇子謂孔聖自比于老聃自同于丘明蓋其處已也厚而取名也廉是以

飲醇堂文集

卷十二 論

八

實浮于名而世誦其美由此言之孔明僅以二子自許其過人益遠矣然吾嘗讀管氏書經緯備具而尤以四維爲急假令遇文武之君將不得爲王佐矣乎樂毅之奔趙也往來復通燕而兩國安之夫人臣去國已絕而復通此其于君臣間必有忠悃相孚者非戰國策士朝秦暮楚者比也先儒謂孔明有儒者氣象能識義利大分自今觀之良足多矣若管樂者又何可少哉

夜氣平旦

人心之相依不舍者理與氣而已溼宰氣而存氣載理而運此心得其養而浩然之氣配道義而塞天地也原夫無極二五化生萬物人得其秀且靈而其本真靜爲仁義之性感物而動爲好惡之情至統乎性情而理與氣相依焉者則心也性也者與生俱生純乎理者也所謂心之良也情則生於緣感乘乎氣以爲用而良知良能有或合或離者矣聖人定之以中正仁義而主靜立人極焉則理

飲醇堂文集

卷十二 論

九

爲主而氣爲輔無時不知水清日明也是故有弗好好則必於仁必於義有弗惡惡則必於不仁必於不義所謂情順萬事而無情也晝而作與萬物俱作理之向於動也氣不加擾也夕而休與萬物俱休理之向於靜也氣不加寧也理與氣相依而不舍無息不養也無瞬不存也更何日夜平旦之可言哉凡人之氣與聖人無以異也好惡逐於外而仁義汨於中良心斯匿矣良心匿氣斯無主矣無主則爲喜爲怒爲哀爲樂泛乎若不繫之舟茫

乎不知所屆而本然之性幾無一息之可自驗矣
水性之湛然也沙濁之火性之炯然也煙鬱之求
其湛然炯然者於斯須呈露之際則沙何時而澄
烟何時而退誠莫如夜之所息方平旦之頃萬感
未接而清明在躬理憑氣而顯不啻波之乍停燈
之祛蔽也是卽剝極而復天地自然之恒理也試
觀霜雪沍寒群芳萎折其氣冥冥惓惓無生意天地
之化幾乎息矣乃一陽初動萬物未生此時味淡
聲希而天地之心可見從此發榮滋長遂可生生

飲醇堂文集

卷十二

十

不窮程子謂約其情使合於中又曰擴而充之化
且盡之所格爲夜氣之所存以至於聖人豈有他
哉亦在人心之自爲春夏耳然則夜之息有一日
之平旦焉猶冬之藏有一歲之平旦焉推之而凡
喜怒哀樂之未發有息息之夜氣平旦焉養其載
理之氣而良知良能隨感而應是靜亦定動亦定
豈直好惡之相近者幾希哉卽立人之道而中正
仁義之聖可作矣我懼夫良心之已放而又失此
幾於俄頃間也故取而論之

飲醇堂文集卷十三

雲間周金然廣菴著

頌

提魚籃觀音頌

嘗聞大乘一切衆生大小物類體則不同所含生
性等無有二若復有人發心愛惜犬豕牛羊不忍
宰割而于濕生鱗介之屬畧搜網取謂是小鮮無
妨適口是爲安心強生分別分別旣生殺業日積
逾於屠解爰有大士起悲憫心現漁婦身而爲說
法悉皆令入無餘涅槃旣度所殺亦度殺者今觀
茲圖蒙頭赤腳提籃入市爾時衆觀當如堵堵爭
向佛手願買此魚試問大衆諦思是魚爲有性命
爲無性命爲是得度爲是輪劫若還勘破馬郎公
案八萬四千一齊活潑

飲醇堂文集

卷十三

十

心經頌

伊惟心經開天之祕開地之藏包人之性厥名曰
心於文象火舍內散外惟微惟危出有入無爲竅
爲妙儒道所宗佛之所寶闢其作用初竅於目厥
用曰觀運動於身厥用曰行觀者觀此外觀非觀
行者行此外行非行空觀無觀妙行無行是號爲
佛觀至自在行至於深則爲菩薩照見五內若光
琉璃順吾初性不爲物累逍遙極樂度於苦海以
此自度亦以度人應知此心本無若厄人自苦之

飲華堂文集

卷十三

頌

二

皆因失心故佛菩薩呼此衆生全其舍利爲舍利
子觀色於空觀空於色空空色色空二而非二爲受
爲想遠觀於物爲行爲識近觀於身色空猶是以
此返觀諸相非相總此一心心本無生非人所生
亦本無滅非人所滅亦本無垢非人所垢亦本無
淨非人所淨亦本無增非人所增亦本無減非人
所減諸色之相皆歸於空眼色耳聲鼻眼舌味身
觸意法本無一執虛靈不昧明明無明薪盡火傳
無老無死道之自然苦厄安集人自集之道匪有

滅在人自得外安所得菩象菩提薩象薩垂易種
易生開花結果依乎性根爲波羅蜜活潑心中無
聖無疑何恐何怖亦無顛倒亂於夢想我已得道
復命歸根斯爲究竟佛所滅度是名涅槃宣聖所
云朝聞夕死老子所云無身何患一切聖人三世
諸佛皆不外此依此本性得此本心廣大光明無
上無等斯爲正覺能除諸苦真空實義佛理不虛
經亦不虛故波羅蜜稱五字呪復爲說呪揭明諦
視抱此秘蜜斯名爲僧由僧而上斯爲菩薩虛佛

飲華堂文集

卷十三

頌

三

一着以俟後佛經之辨喻微妙難言以我所知行
亦難盡我參三教以明此心以見此性明心見性
豈有別傳極我頌官匪官能頌

金剛經頌

伊維金剛經妙發心經心歷劫鴻濛秘因緣震且
開恒星隕如雨寶月湧如輪湛湛飛甘露垂垂布
大雲夾翊幾文教冥符道德真青牛出函谷白馬
回漢津三塗開木鐸一夢合金人二百六十殊衍
爲五千珍留支譯元魏羅什譯姚秦真諦譯天竺
笈多譯河濱玄奘及義淨唐譯續絲綸水心照群
寐醒乳蘇衆生我今爲略說六譯法輪轉金剛波
羅蜜是佛之祕藏念念勿空過能除一切苦念茲

寶華堂文集

卷十三 頌

四

波羅蜜得發於如來以至燃燈佛火傳於世尊名
爲釋迦文手弄牟尼珠卽名牟尼佛一時衆菩薩
以及大比丘法會齊侍衛頂足繞三匝退坐於一
面長老須菩提善問善答解世尊發大乘無法而
說法依乎佛空觀能以無畏力施於衆生體威神
所呵護功德大巍巍佛得衆生願感應如桴鼓所
由感應者因彼有善心卽是菩提心故佛急來度
一切諸外患佛固憫衆生去患速所願衆生之內
患貪瞋癡滯慾佛更憫救之若有貪財想計術竊

寶華堂文集

卷十三 頌

五

同利念茲波羅蜜便得離貪泉若多與患意念悞
勃然起念茲波羅蜜便得離怨魄若多癡愚障無
明所迷惑念茲波羅蜜便得離鈍根若多滯慾想
骨竅鏤精流念茲波羅蜜便得離愛河四病所由
起在於堅住相住則如膠結不能捨布施念茲波
羅蜜便得無住觀金剛嚴法律金剛具全身金剛
妙智力金剛足神通能釀福消災廣行慈悲意東
方南西北四維及上下十方諸國土都念波羅蜜
種種諸惡趣地獄阿脩羅畜生及餓鬼六道輪迴
厄以漸得解脫真空真色身無上無等覺慈悲與
慧觀行深智不淺無垢清淨體不增不減中慧日
破諸暗能散風水火及瘟行疵癘和氣滿世間常
得波羅蜜度滅苦海听如來常可見如來不可見
欲見如來者不住於色相便見如來真佛言皆真
實如語不誑語聰明應降伏如是降伏住愚者執
所住住應生其心以茲兩法門合於鄒魯教一則
戒狂亂一則戒狐疑其要在忍辱忍辱爲仙人乃
知波羅蜜三教之所寶異名而同功於苦惱諸厄

能爲作佞怙佛乃大慈母衆生乃諸兒飲乳得飽
飽安意大自在善智探其原愚者欣果報果報之
福德三千大千界外布施七寶內布施身命我得
波羅蜜何不可布施如彼恒河沙一沙一恒河總
此波羅蜜包羅無盡藏如是無量衆福德亦無量
我佛度千劫我頌不能宣

飲醇堂文集卷十四

雲間周金然廣菴著

贊

賴古堂藏書贊

松古而秀竹森而瘦石潤而透結茅其中應與是
而爲四友

又 楊龍友

懸業文人蕭疎數筆開西夫子呼之或出

又

飲醇室文集

卷十四 贊

山光濕亂雲石泉澗飛雨我欲攜琴向此中冷然
和苔松風語

又

長松刺天飛瀑掛壁面開有山叩關無客危坐一
翁雲盪其胸有時長嘯聲傳半空

畫竹贊

贈趙郡侯

其直節而虛中有賢大夫素絲之風其金聲而玉
立有古君子圭璧之質尺幅生絹尋丈寒梢持贈
一琴一鶴之廉守庶幾歲寒之三友

盧鍊師像贊

貌皆然以倜傥骨冷然以御風神綿存以守中其
侶立鶴其徒赤松吾不知誰之子殆將乘雲氣而
取飛龍者與

高贊公像贊

森然以玉立則君子之德也藹如以春溫則詩書
之澤也是宜登鳳閣侍鸞坡曷爲聽松風娛泉石
也或曰斯固將披一品衣而抱九仙骨者方寄情
於茗椀香爐與練緇翰墨也

高體仁像贊

異哉曳杖翁其浩氣吐虹而葛巾芒屨冷然以御
風其難馴若龍而所與游從者啄丹砂之鶴采紫
芝之童其賦聲摩空蓋儒林之雄而孝友溫恭又
卓爲名教之宗旣射策南宮旋投筆從戎入衛禁
近而出守江以南山以東行圖爾於凌烟勞歸褒
公與鄂公矣胡然而思將母賦閒居以置身丘壑
中噫其貌魁梧奇偉而廼謝侯封尋赤松也我固
曰異哉此翁

家軒夫像贊

蒼然十八公肅爾典型在仙的何特立介操曾不
改爲肖高風實此中古心古貌將無同松爲鄰兮
石爲友堅貞盡識吾家叟

王翁三圖像贊

或言翁以儉勤起家有唐魏之風而攜伎林泉絲
竹陶寫追安石之高蹤翁之裴馬結客又氣矜之
雄而坐枯禪飯白業幾於解悟之龐公蓋三圖者
俱不足以定翁而略見翁之寄寓其才識固無所
不通也

王貞一像贊

惟圖中之子氣如虹而心如水跡混俗而塵不滓
生於世胄而絕遠乎紈綺任俠自喜而不矜其豪
侈蔚然文藻之豐美而冲然退居於固鄙昂然若
駒之千里而坦然若車之循軌錚錚洞露其肝肺
而汪汪千頃莫測其涯涘徒觀其幅巾杖履嗒焉
隱几意者神遊乎圖史抑寄情於翰墨之微旨若
柯之實理噫吾之不足盡卿如此圖矣

董榕菴小像贊

以爲賢士大夫耶胡然而兀兀髡頂而不幘以爲
枯禪野衲耶胡然而奕奕驚才絕藻之烜赫噫其
殆天選子之形以鳴堅白者與

李鍊師像贊

古松之下流泉之間有叟跌坐華髮蒼顏知魚之
樂習鶴之閒經傳五千丹成九還紫氣東來歎滿
函關

自題小照

飲醇室文集

卷十四 贊

四

其森然若孤松胡不爲棟梁之庸而將以不材終
其泠然若御風胡不呼鸞鶴之從而乃落塵網中
望其容肖然顓蒙而好爲青白之雙瞳以忤俗而
取咄叩其胸呀然洞空而時起五嶽之數峰歟隱
隱而隆隆蓋幼學雕蟲壯學屠龍其氣如虹不可
以籠而腰不繫墨綬之半通足不踰環堵之畝宮
斯道之窮與抑窮于爾躬意者脂韋之骨天鍾蓬
迎之態未工耶或曰前身爲馮敬通或曰是後身
之阮嗣宗爲阮爲馮莫可得而折衷也將無同

飲醇堂文集卷十五

雲間周金然廣菴著

尺牘

與徐伯調

來教謂文人相輕自古而然不知今人亦有武仲
孟堅否竊謂古人亦不盡然者士衡欲賦三都因
太冲而閤筆中郎欲賦靈光緣文考而輟翰袁淑
見謝莊赤鸚鵡賦遂隱已作魏朗見邯鄲淳曹娥
碑輒毀其草脩禊之會大令詩不成飲三觥樂天
傳厚堂文集 卷十五 尺牘 一

過巫山因王無競沈佺期皇甫冉李端有詩竟不
復作六一公論文因及東坡歎曰三十年後世人
更不道着我矣古人矜慎處正其高自位置處其
服善處正其甘苦自知處豈若今世文人相輕忌
名爭勝哉

與黃增岸

曉登崑盧閣開時萬松之嶺四山蒼翠浮來僧寺
炊烟縷縷出松腰與雲物相雜和閣中栖鶴不可
勝計天風穆如幽靄若眩宵然而覺慈憫之覆度

也惜詩翁不與俱若岑杜諸公之登慈恩塔耳

與趙山子

虞山列朝詩集載勝國一代之詩禁備矣有義存焉而惜未標而出之也曷爲乎其義也子與謂詩亡而春秋作以維王迹之熄斯之謂史以續詩至史亡而散見於詩斯之謂詩以續史孔子之刪詩也與其筆削春秋也其義一也誰謂三百篇之勸懲非二百四十二年之褒貶乎所謂詩亡者正謂其義亡耳漢之詩雖改四言爲五言而於義近試

飲醇室文集

卷十五

尺牘

二

比之三百篇其房中之樂風則鷄鳴桑中雅則白華采綠頌則應田縣鼓也其橫吹鐃歌風則車轡駟鐵雅則六月車攻頌則朱英綠滕也六代之季匪特音靡厥義實離其詩不過風雲月露之雷連何當於勸懲乎唐人獨青蓮少陵香山頗得其義太白清平行樂東巡行幸子美麗人北征石壕花門收京陳濤斜呂太一樂天七德長恨諷諭諸篇以當代人傳當代事麗而有則怨而不怒猶有三百篇之遺焉其有三百篇之義也卽二百四十二

年之義也宋元之後相乎藹矣獨楊鐵咽樂府上

遡古初下迄當代最爲近古有明制作如林惟李

西崖能用其體然詳於古略於今僅花將軍尊經

閣二章耳弘正嘉隆以來作者漸盛其最著者無

如空同介州近時則有孟津或爲樂府變或爲今

樂府未有合一代而爲之者弟竊有志焉而未逮

也將取虞山選蒐而廣之乃發凡舉例一曰天二

曰地三曰人四曰事天則曆數之絕續人物之先

後各從其朔祥瑞之所生災異之所出各應其時

飲醇室文集

卷十五

尺牘

三

合於編年紀月日食夜明隕星隕石震廟火樹大
雪大雨雪雨水冰無冰隕霜殺菽不殺草之義也
地則兩京十三藩五嶽四瀆四海外裔之梯航內
而漕渠鹽鐵賦稅農桑水旱蝗災之軫恤合於地
震山崩大水大旱蝻螟蝗生六鷁鸛鵲鼠多麋
有蠶之義也人則皇帝后妃儲貳藩服百官庶士
合於天王天子王后季姜世子公子公孫公侯伯
子男大夫元士王人之義也其孝子忠臣義士貞
婦幽人將帥勇俠合於射姑申生孔父仇牧荀息

朱伯姬吳孟子季札子臧叔孫豹舍之義也事則
所爲禮若朝會慶宴郊祭南籥合於錫命燕享賜
胙歸脤來朝來聘朝廟卜郊三望猶釋觀魚觀雁
之義也所爲興作若遷都封國殿工陵工築城防
河之類合於城中丘城郎浚洙考宮築臺築囿作
南門雉門兩觀之義也所爲財用若發帑蠲租鑄
山賁海礦金采珠加派關權之類合於告糴稅私
用田賦之義也所爲兵若平漢平吳平夏征伐之
類合於大閱治兵獻捷歸俘九合三駕三軍中軍
飲尊室文集 卷十五 尺牘 四
之義也所爲刑若大誥讀律末減停恤大懲棄市
之類合於肆眚鑄書執歸書執三十六書殺十有
二書放三之義也其奄寺則爲振爲璫爲魏合於
寺人披寺人貂合比伊戾之義也其盜賊則合於
盜殺盜殲之義也且孫蒙祖號弟襲兄年禮始失
而終反之其諸復辟南巡大禮三議近則挺擊紅
丸移宮三案燕山金陵閩粵滇南四大興廢悉關
重鉅而操觚者不之及則何取乎月露風雲也者
下有志討論共集其成乎其事則史其文則詩

其義則竊取乎孔子猶春秋志也請狎主其間矣
與侯相園

滬膠二水相距幾何而音問濶疎動經歲月日展
明月詩筒一過以當良覲右丞所謂別後同明月
龍標亦云明月何曾是兩鄉也拜石以殘冬雪阻
東充獻歲發春便理南轅計返轡只且晚間道駕
何時黃邑續深杯夜話之歡兼爲廬陵使君一破
蓬藿誕誕之徑何如

與陸翼王

飲尊室文集

卷十五 尺牘

五

學道要當除我相我字兩戈相向最不可有者此
我最難克者此我仲尼絕四終之以毋我大雄言
四相始之以無我謝上蔡云人誰識真我何者
我理卽是我也麗居士偈惟吾自偶誰能化矣我
還真我卽到聖佛地位高明以爲何如

與董蒼水

夜來急雨如拳聽打篷點聲聽聞上水聲如雷轟
砲鎗客枕秋眠喧中有寂頗饒幽况未幾篷破沾
漉妨臥覆以油綿襖被仍濕嗟乎樓船橫吹客與

中流何人哉

與季侍御滄葦

先生編輯何止等身連屋耶四庫之奇各以部分
十乘之藏悉經手繕自六籍百家諸史其義類靡
不詳也自天官地志兵農禮樂古今沿革異同其
根據靡不析也自漢魏六代三唐兩宋迄於元明
以來文人之所咏歌學士之所譏述其風旨靡不
陳也自金石彝鼎自蟲箋草疏魚經木狀自金荃
蘭畹花間草堂其蛛絲煤尾斷璧小璣靡不搜也
飲醇堂文集

卷十五

尺牘

六

某不敏何幸盤礴其間一快心目如行山陰道上
應接忘疲如捫索靖碑陰坐卧不去觀止矣特吾
輩養食人終日瓢勺先生雜陳方丈皆亂絲麟脯
豹胎猩唇縱朶頤如飲河之腹何旋面東視不見
水端有茫然望洋而驚歎耳

與魏惟度

詩品從無定論要當以性靈為主而以聲調格律
爲輔可盡廢異同之門觀虞山持論兼叙述淵源
似一辨香僅在長沙而雲間宗派特尊北地宜乎

鑒納也

與友人論古十二則

管子相齊大要在籠山澤之利操輕重之權使其
民皆仰足於上而上無所求於民卒以富强致霸
然其道可施之於國不可施於天下何也智數法
令以周攝一國有餘若夫總攬天下必有大道以
化裁之通其變使民不倦區區之權術未有踵其
智而不敝者也後世若漢之桑孔宋之王呂或用
之而耗或用之而亂惜乎其不講於此耳

飲醇堂文集

卷十五

七

昨細玩小匡篇區區四民瞭如指掌森若列眉方
見真經濟細心明眼後世秉鈞者晏然不顧一切
曰我務大體耳兵農錢穀各有攸司豈所謂本流
既大心計轉粗不暇唱渭城耶

有過毋赦有善不遺二言真爲治要樞也孔明治
蜀賞罰嚴而不妄赦實本於此識者謂其深得治
體後代肆赦屢行不登上理孰謂敬仲非王佐才
哉然其令行禁止信賞必罰大抵寓德於威是以
民畏懷其上而下無覬覦浸淫下逮棄德弗務

啓商君東涇之漸矣

按史記吳王夫差二十三年越敗吳欲遷夫差於
甬東夫差不能遂自剄死是爲魯哀公二十二年
是年史已云越滅吳誅太宰嚭矣乃哀之二十四
年公如越得太子適郢將妻公而多與之地季孫
懼使因太宰嚭而納賂焉乃止則固未嘗誅死也
不特不死且潛縮越賂權又安知不歸然臚仕耶
乃知史公所云亦聊快筆端耳越旣公行賂焉能
誅嚭况於時奸佞如季孫宰嚭聲氣求黨援甚
飲醇堂文集 卷十五 尺牘 八

盛亦氣運使然范獻子云季氏之復天救之也則
人又焉能誅嚭哉

陳平謂項王不信人其所任愛非諸項卽妻之舅
弟宗卹妻族睚眦最甚雖古英雄不免兒女仁耶
客曰畢竟先諸項猶不失爲英雄也一噓

西漢十二帝紀呂雉居其一自古以后稱帝者若
娥姁洵雄矣乃相國何薨子祿嗣薨無子高后封
其夫人亦爲鄼侯不徒女君兼有女相至呂嬖特
拜臨光侯尤是奇典要其才必可將不在噲下也

竟陵亦云自是封賞之妖然嬖雄略直得一侯
公孫鞅不許豪傑學詩書李斯祖其智而焚經籍
越王趙陀之葬靈輜四出塋無定處曹瞞祖其智
而設疑塚文家承襲安得獨笑之乎

豪傑之士所在有之必豁達如漢高祖英武如唐
太宗則能使之聞風景附不則楚材晉用或反爲
本國患燕不能留樂毅而爲趙用魏不能用范雎
衛鞅而爲秦用晉不能致王猛而爲苻堅用後唐
不能任韓延徽而爲契丹用蓋非常之人必待非

飲醇堂文集

卷十五 尺牘

九

常之主武后見駱丞檄曰宰相之過也安有如此
才而使之流落不偶秦檜當國有士人假其書謁
揚州守守覺其僞以白金五百繳原書押其回檜
接見之補以官資或問其故曰有膽敢假檜書不
以一官束縛之則北走胡南走越矣檜何人也其
識迺加人一等哉

漢韋玄成以明經相唐李吉甫李德裕以任子相
明楊士奇以儒士相相且不拘資格况下此者乎
但世情巧譎今不古若以賄以情復乘此賁緣則

破資格祇增資格之蠹耳

叔孫通事十主皆面諛以得親貴魯兩生曰吾不忍爲公所爲通笑謂鄙儒不知時變及諸生拜郎咸喜叔孫誠聖人知當世要務史公亦曰希世度務與時變化道固委蛇已開後人軟美入時一徑矣吾輩但習知魯兩生之不忍爲宜其往而輒窮耳然乎否

項籍善野戰不識地勢大要如棄關中不守敖倉楚所以失也文士好稱縱恣不循繩度亦終無成

飲醇堂文集 卷十五 尺牘 十

溺亭清淚其能免乎

采石舊名牛渚江南最險要處韓擒虎曹彬俱以此渡江下金陵由此渡下太平則水陸皆上游而金陵氣奪矣王處仲桓元子頗得其意故移鎮姑熟以遙控臺城而制其命也

與朱怙思

治心無垢名爲脫黏讀書有得謂之染神故曰心死則神活蜀山人不起念十年遂能前知陳烈山中靜坐八十日遂能博記蓋心虛而理實虛則神

守之能靈且通穢而不汨則窒矣奈之

與喬城堂

僕懶慢倍嵇中散今世俗不堪亦似倍曩時故不喜鄉里拳曲親芝蘭而友筠松乎吾素也當茲鷺鷥爭霄猿鶴騰舫而君顧匿影閒園賤貧自足竹深梅瘦類無何人之鄉日擁百城寶其潛玉真我素心矣昔康衡勤學闕大家多書往候焉僕縱鈍不好學頗耽吟事倘獲囊琴束書以來罄讀所藏與所著自比於秋蟲春鳥亦復引聲而語安知飲醇堂文集 卷十五 尺牘 十

與陳確菴

學自除嗜慾而外又當除意見過不出於嗜慾卽出於意見也陶隱居謬真語仙人男女參半獨文士絕少蓋意見爲累故

與沈貞居

腹虛氣通味淡脾固八字不獨養生要言亦

居受用持贈隱先生亦坡公所謂獨享爲愧也

與沈友聖

耕欄寸生膚幾中蓋花之方孕者名爲樓筍蜜漬
醋浸可致千里蜀人以此饌佛東坡以饋仲殊詩
所謂贈君木魚三百尾中有鴛黃子魚子是也昔
王方平麻姑降蔡經家各進行厨無限羹膳多是
諸華而香氣達於內外後凡庸愧無仙緣而喜攬
草木英華作食每得異味然只是天隨生家法窮
餓無聊之所爲坡老所云誑口而已莫將真率閒
飲醇堂文集 卷十五 尺牘 主

家味說與朱門肉食人彼肉食者固有所不屑也

與朱拜石

旬來閱陳徵士集竟大抵讀書爲善四字此翁本
懷其於忠孝廉節朝廷掌故鄉邦利弊臺臺言之
成首尾片段不同噉名兒吾輩正不得侈口譏評
充隱

與賀天士

昨中頂觀荷可稱彥會一泓瀟照品品田田便有
濠濮間想江南湖陂深處萬柄爭茶雪藕調水納

涼裸飲當復如何也秭句前揚佇觀後勁

與祝只園

惠示和秋懷十二詩迴環擊節淙淙乎其泉之溜
石乎脩脩乎其風之拂林乎離離乎蔚蔚乎其雲
之出岫霞之建標乎其動人警以思令人廉以
深也向推李臨川原唱幽秀閒遠致絕人區今讀
來什秋菊春蘭遂竝擅其勝益信豫章詩派全摠
性靈吳趨靡響總不足懷心脾感頑艷也

與賀天游

飲醇堂文集

卷十五

尺牘

主

今日淨香池館輕陰覆之不知有炮炙之苦因思
法融古德云儒道世典非究竟法般若真觀出世
舟航吾輩終日熾然內焚其和試問歇處安在道
悟云任性逍遙隨緣放曠但盡凡心別無勝解此
亦滾湯鑊中立地一服清涼散也午後有以祝嘏
之詞敦迫者正王山陰所謂六月連朝逼壽詩詩
本抒寫無聊其處又高十丈矣

與沈賁園

佛言忍辱道訓和光乞八分書作齋聯更願共守

此八字以保桑榆

與顧勿軒

村中最絕賓遊連璫乎亦同異域矣過從得子始
決懼慘積雨淹旬清暉間輟奈何昔鹿門子寄天
隨生云相逢如丹漆相望如肺腑相逢始兩日忡
忡想華褥僕雖才謝昔人吾子則雅兼曩趣矣春
泥漫漶龍孫迸出砌下傾耳展聲過同叅玉版師
何如

與張泰安弘軒

飲醇堂文集

卷十五

尺牘

古

兄以壯遊爲同人生色貧交不能爲贖可若何升
沉雖異金石猶同居者行者各自努力

與方侍御邵村

朱子京脩史使麗豎黷椽燭吳元中起草令遠山
磨喻塵某寓偈仄湫塵僅假篇章自娛每紙筆和
墨則博山燕小小香炷烟氣未觸鼻觀微叅真離
欲出塵一侯視宋吳所得孰多也

與杜蒼舒

史公傳循吏無漢以下傳酷吏無周以前慨世

矣何近代循吏傳之多也

與曾道扶

客冬得台旌駐邑每追隨諸同人奉教左右非樹
寒訪雪卽卜夜傳蕤時聆緒論曠若發蒙矣近從
坊刻捧讀名篇颯颯洋洋以大家之筆劃儒先之
理擲地有聲名山可壽間一展卷如對其人不啻
披雲霧觀青天者起顏風於未振翅狂瀾於旣倒
微斯人吾誰與歸曩把袂言別訂春明重過搔首
停雲悵然延佇者久矣何金玉音遐未得天風吹
飲醇堂文集

卷十五

尺牘

五

與程弘執

秦淮夢悉變徵變商之音呶哦一過恍若昨者與
兄眺雨花臺憑燕子磯尋烟聽月蒼蒼京京胸中
隱起五嶽然者嘻悲矣丈夫七尺軀終當勝擲萬
里顛顛吟魂何堪被桃葉板橋驛領詩與子返華
胥之駕發覆蕉之鹿塗抹胭脂作逢年伎倆爾時
走馬長安回望長干故里復有昔時邯鄲道上人

乎是我輩償夢之秋也兄其有意否

復黃波民

嬾母何物乃辱丹青之飾始知皇甫先生長於獎
借不必練都也敬謝敬謝天中佳節只數日間旅
懷蕭械廓落無徒相遲秦淮投詩弔屈耳

附波

民札旅况無聊莫以日爲歲得南浦詞讀之經

綿宵旦心折色飛本欲抒愁反鈎愁矣未簡謬
書數語亦如疥駱駝殊不可看君能覽過擲去

則愛我深矣西子太真靚粧祗服侍君王遊宴

飲醇堂文集

卷十五

尺牘

七

而脚下着麻鞋草屨有是理耶午日已近不知
泛蒲何處然歸心迫矣奈何

復平魯菴

邸齋湫隘近市熱客襪穢時來逼人肘腋間汗氣
沾之欲嘔臥室如斗又向西趙盾之日直射雨過
鬱蒸則泥腥撲鼻梁下編蘆爲覆鼠陣擾觸其上
塵屑晝夜如注窓明几淨時無有也好事者又頻
徵篇翰便面側理動盈襟索間追呼相屬於戶若
負重連日不暇給坐是憤憤煩冤連辱賜書未及

一答足下將哀我念我不遑責我也

與周司農樸園

仰止府門久切天際真人之想不謂先生亦虛懷
見訪草草若渴一登恕老之堂則兩兩目懽神解
握手氣便熱賤子賦綿蠻先生賦緇衣敬謝不敏
又重念也君子恥無勞之奉賦伐檀先生自牧更
愈下賦秋杜徵文索題嗜癖無厭彥會高談丙夜
不休嗟夫好士之風邈矣何以得此於先生哉昌
黎云莫爲之前雖美弗彰當吾世而有先生表揚
飲醇堂文集

卷十五

七

幽仄葑菲不遺孰非吾道之幸但諸刻所登俱極
精當恐蒐採魚目濫廁隋珠適爲通集累如何如
何昔文太青題孟子曝書臺云人人腹笥六經在
不被陽和總蠹魚先生麗天之曜靈也敝篋沉沉
一經職照則可耳

附樸

翁札弟舊有賴古堂文選之刻憾識先生晚無

從得大著遂令此刻黯然無色且內頗有不當
存者近將重爲刪補另鐫之先生大著幸盡出
教我又拙選尺牘前後二集金呈覽外欲爲二

集之選先生與諸同人往來之札幸盡數鈔賜
增重拙選無量也至懇至望

又

昔昔之飲俱極酣適至於玉樹歌詩高朋拂陣如
繩如淮亦知窮愁安在矣昨寓菴偶集遂困於上
頓不克登堂縱遊翰墨之林頃委側理三幅力疾
書上猶覺酒氣拂拂從十指間出也拙集已漸次
災水非大序品題便如科頭垢面不加章甫何以
對人希乘清宴取溝中之斷而文以青黃出費下
飲草堂文集 卷十五 尺牘 末

之桐而加以拂拭焉幸甚

與闕若韓

吳淞江爲蘇郡諸邑之下流爲松郡諸邑之上流
北曰婁江南曰東江吳淞居其中三江敞口以受
西來之水使之入海象如乾卦三爻自海忠介督
漕後吳淞久湮猶乾沒中爻而兩郡上下之流壅
咽奔潰下田屢受沉淪上者遂爲石田矣今議
復故道厥利良溥厥工亦甚鉅非工之難而費之
難亦非僅費之難而得人以任之爲難凡事之

循陳腐非時之爲而人之爲也誠得其人何毀
可成何廢不可與縱鉅且難亦烏獲之舉鼎耳區
區故道果難復乎

與宋觀察荔裳

信宿之留重爲行厨費然藉是獲伸瀾衷奉清誨
良厚幸也承委柱聯牽率書上高齋歲晏梅還賦
使節春前柳暗催無乃欠工乎只廣平之篇延清
之句皆君家故物差不泛泛耳幸爲點鐵示之

附荔裳復濁醪鮭菜深愧輜簡然而剪燭西窓不減

飲草堂文集

卷十五 尺牘

末

話巴山夜雨也佳聯切當愧莫以當揭之齋壁
生色多矣旅館無事盍再遇共賞之

又

昨祖席間快讀祭皋陶樂府淋漓悲壯洵上不負
皇天下不愧獎齊本色縱起孟博自爲之亦不過
爾爾然而智者見險與時抑揚慈明詒書元禮誠
俊頤諸君之藥石也令名壽考豈果難兼乎俚句
二律以當河梁攜手結語未忘庭堅祀懸知新教
寬非敢相勉當亦雅量素所蓄也

附製
察復 良宵公宴不數南皮之游惟念及將離不免黯然耳捧讀贈言字字典切而纏綿悱惻尤令人感而欲泣當同手教謹誌勿設也

復王考功西樵

自辱招攜旋館於清河氏從事帖括家言無間斯夕拙詩所謂夜深分得餘明照猶爲東鄰繡嫁衣也承詢先子春秋詞命一書削刷已及半明歲秋冬之際南歸卒業當請皇甫數言用附不朽漆園演連珠亦某偶爾游戲採綴而成無足當一映輕飲醇堂文集

卷十五

尺牘

手

裝就陸鄙製概未及攜也明公著述未獲覩全本能傾簡惠讀乎於山見泰華之高於水見江海之大且深矣又令季先生集間從友人假閱如乞句食終非家飯寄語卯君詒之拱璧亦貧兒之創獲也

附考
功札 弟開劣無讀書之資加以性懶且廬中僕

僕又無讀書之時然心知有奇書輒思汲汲得之五夜有聞不能俟旦癖性則然也早閱櫟園結鄰集云尊公先生著有春秋詞命輯註一書

已經授梓如行笈中攜得幸惠一部又讀與荔裳札云曾拈漆園駢語倣士衡連珠之式演爲數十首此尤奇觀不雁律陶律杜之比并望惠我一讀餉缺三緘而輒欲窺帳秘得毋相靳耶

寄上玉峰夫子

自辭函丈歸卧荒村四壁墮然朽棟將壓三徑蓬蒿盈丈蔓而難圖俱安之任之一切戶外直與荆鴻溝矣所結習未忘則殘編數卷猶可樂飢時復吟一篇闌一義以自喜不自覺其拙且癖也彌月飲醇堂文集

卷十五

尺牘

主

來闕焉不通候問卽有便羽多不及相謀固知疎節之愆擢髮難數迺猶私竊自解曰使吾夫子而以禮數相繩也則罪莫可追倘以安貧樂道閉戶著書望吾及門則不惟憐而弗罪抑亦稍慰厚期矣今試質諸夫子其果格外寬之耶抑邀宥不獲而更爲之辭重增其咎也

與趙牛疇

梵志翻著韞人人道是錯乍可刺你眼不可隱我脚雙井曰梵志大脩行人也昔茅容殺鷄飯其母

以草具創郭林宗林宗起拜之此翻著轍法也弟
所輯書取其適已隻語單詞輒薰神染骨時賢好
作才語相向或不屑此而弟顧樂之亦翻著轍法
也稿本先呈以當美芹炙背

與顧西園

慈仁古松枝枝幹幹悉是圖書中物殿前雙龍偃
蓋尤爲賦絕當屬諸天諸佛之都宮疑攝取荆關
董巨諸得意放誕奇筆揮灑所成畱示藁本於人
間者也巡廊步櫺欲摩蒼髯之頂得慈仁看松行

伏草堂文集

卷十五

尺牘

五

錄請和教

與曹魯元

敢言儻從皆師友好學兒童卽父兄管東溟先生
齋聯也煩椽筆作章草揭諸座右

飲醇堂文集卷十六

雲間周金然廣菴著

啓

賀總督河道提督軍務兵部尚書兼都察院
右副都御史正一品加十五級紫垣斯公
由安徽撫院陞任啓

恭惟老祖臺擎霄砥柱濟世津梁緯武經文合萬
邦而爲憲化民成俗轉一氣於洪鈞方膺 寵錫
之淳加班崇司馬旋仰神功之永賴社金勾龍屬
伏草堂文集

卷十六

啓

當河伯不仁坐令波臣自蕩堤漲桃花之水渠穿
瓠子之宮

帝念下民其咨食曰非公不可舉凡形勢險易之
要靡弗周知以故兵農緩急之宜歷有成績爰藉
江淮保障通觀天地平成攬轡巡行擬澄清於指
顧建牙蒞止播赫濯之聲靈預知川瀆効珍無煩
沉璧行見蛟龍馴暴盡返安瀾赤縣咽喉轉雲帆
而來梗稻蒼生額手被膏雨而及苞稂現寶鼎以
銘勲錫玄圭而紀德宜

九重用資以作楫而四海咸蒙其潤河者也

某部

內編氓天涯羈旅邀花宇而忘寒暑敢爲長缺之

歌欣彈冠以祝升恒惟誌甘棠之咏遙瞻雲翼知

鵬運乎南溟莫觀袞衣羨鴻飛於東渚作賦猶慚

王粲而身幸依劉

余館司馬家

買絲欲繡平原而情殷

柳李託芷蘭乎公子

因嗣君省觀寄賀

傾葵藿於太陽并

乏滄漚之細流何當滄海之容納三薰肅賀再拜

陳賡

飲醇堂文集

卷十六

啓

二

復頸侍御西轍倡和詩冊啓

臺下以岱斗宗工爲人文領袖風清府法旌飛
下雲間日麗龍門使節高懸天上肅三吳而靖兩
潮貞百度以憲萬邦固已繡斧光寒凜霜威于六
月花驄望重瞻露冕于三台矣加以氣吐湘靈胸
吞雲夢蘭臺煥采翩翩鳳藻騰文柏署凝香燦燦
龍緣動色抽思開孝忠之極簪筆持風紀之銜唾
落瓊珠韻流金石蓋爲霖以膏九土出雲者崑崙
作楫以濟巨川產材者鄧豫雖善承之克繼亦有

飲醇堂文集

卷十六

啓

主

開而必先春秋薦之蘋蘩俎豆登于頽壁維詩作
誦述祖與明德俱馨慕義無窮懿行共嘉言不朽
睢陵世傳亮節重光徐州古賢清風濟美將與旂
常茂績並勒鼎鐘寧止弓冶詒謀獨垂史冊乃者
埋輪亭下按部行間緯武經文企伍中丞之英烈
春溫秋肅景李侍御之威名屬有題題重爲廢和
久已歌殘子夜何期曲轉陽春拂翰迸霞吟詞飛
雪真所謂熊熊且上西臺增日月之光燄燄霄騰
南斗動蛟龍之氣者也某才謝雕蟲學幾刻鵠以

儒林朽櫟効藝園鉛刀幸托于帡幪罔揆其固陋
縱有懷以附驥終無解乎續貂珠玉在前襍瓦礫
而形穢鏘鐘在御擊土鼓以聲銷步敢學于邯鄲
和敬凍其下里有意望樓臺之月願借末光無能
躋泰嶽之巔與其後進敢云好我竊矜雕飾之甘
苟不辱知或緣文字之末

謝李氏婚啓

代

伏以日近迎長正律中應鍾之候星臨通德迺祥
徵文定之期幸叶吉夫和鳴鳳輝有耀敢告虔乎
嘉止鴻羽其儀異苔合而松竹成林樛木垂而蕙
蘿引蔓百年永訂五世其昌恭惟親臺隴西華胄
柱下仙根世篤忠貞接名伯畢公於間代才優文
武合鄴侯淮郡爲一身紫氣映關門夙仰真人福
曜彤弓懸冊府佇旌司馬戎功志闢蠶業蜀道誦
青蓮之賦胸吞雲夢鄧中傳白雪之歌

李率師方
楚蜀間

資出贊中樞似叔子輕裘緩帶行見入躋上相嗣
藥師圖像凌烟兼之孝友宗風青箱濟美佐以肅
雖內則彤管流徽宜紫誥之游膺協黃裳之元吉
洵足掩崔盧於河北哉哉開闔無雙更可媲美元凱
於高陽奕奕弓裘克繼者也

某

葭牆艾席甕脯繩

樞傳經則庭訓無聞敢稱良冶繩武則家聲或墜
恐負青毡密邇維桑竊附粉榆末契攀援仙李叨
分蘭葉餘光昔曾粉署追隨喜坐春風北面今望
霓旌縹緲神依夜月南樓雖經縞紵之定交却愧

軒裳之接武私幸荷陳星聚得從合浦以求珠罔
揆王謝閭高遂托蹇脩而解珮顧慚犬子未克負
薪翹聯龍門安希坦腹譬兼葭而倚璫樹思桂闕
之降嬋娟自非滄海不棄涓流安冀泰山能容塊
壤薄脩榛棗愧東帛之無文敬藉蘋蘩簋簠以
昭信伏願照廻北斗鑒茲葵藿之忱花及東牀賜
以葑菲之采茲日倖邀射雀定知家室咸宜他時
倘遂乘龍何止門闥有慶謙尊下濟晉福方來臨

啓云

飲醇堂文集

卷十六 啓

六

又啓

恭惟親臺光嶽元英扶輿間氣鴈門衍派侯封開
七葉之祥衛國宜猷相業媿三公之貴前身擬管
樂運籌則惟惺風生當代仰夔龍攬轡則山川雲
起班齊司馬旣榮命之淳加名重卧龍宜
帝心之簡在爰以中樞秘略兼統南服雄師遵陸
燕鴻飛九戢切袞衣之望憑旌驚虎旅三湘傳破
膽之謠詢

九重所藉爲股肱而四海咸蒙其保障者也 某 啓

同管蒯生類蓬麻挹猗蘭奕葉之光滋榮方茂托
仙李蟠根之大得御何從爲問徽音實鍾淑女乃
牽幃線謬許厥兒方媿無雍伯之田何幸叶有媯
之卜儀非九十已聯二姓之盟願切三多永訂百
年之好得優容於嶽海惟瞻載夫雲天誌感良深
頌言莫罄溯龍門而引領憑鴈字以寫心附達寅
恭伏希丙鑒

飲醇堂文集

卷十六 啓

七

賀新婚啓

審扶綺座彙紫氣以如龍日射銅塗簡黃中而得
豹屬橋風暖禮協仲春犀浦花新詩傳靈兩足下
才齊八斗藻越千群騰蚌月之俊年潘江浩瀚聯
鷄碑之妙質陸海遙深從仙死以流暉誕蟾宮而
濯秀迺求風于丹穴克軫瑤京爰射雀于翠屏早
飛金僕茲遇芳菲之節親迎閑閱之門某忝在葭
草得遊蘭畹自分才殊記室相看筆讓參軍雜佳
客于華林名慚翠蓋混兼葭于玉樹身匪彤庭然
飲醇堂文集 卷十六 啓 人
而日邊杏紫雖小草亦解忘憂天上桃滋惟幽花
亦肯含笑敢據綺語恭賀新嘉唐句漫成宋詞學
步

飲醇堂文集卷之十七

雲間周金然廣菴著

雜著

瑞木解

歲壬寅之首夏司農周櫟園先生幸以文明柔順
烈假不瑕歸而偕難弟太學靖公合葬其太翁如
山公太母朱太夫人於鍾山之陽慰罔極也始卜
兆皇皇如有求而弗得啓厝像乎如有聞愾乎如
有見將寔忽忽諸其執紼而慕思撫棺而眷戀也

飲醇堂文集

卷十七 解

一

摩抄狸首情悅周昉則見太夫之樞底有色黝然
紋理細膩拭以衰絰不去也諦審之則若奇木峭
石參錯紛披髣髴有光氣大類唐宋人繪事濃淡
疎密歷歷可指數者其文之窪隆處又可捫索而
得時仲光徐先生得於會葬目擊既爲之紀厥事
而元潤胡君又蹲而撫之作天繪奇瑞圖於是海
內名流鉅公爭爲傳說歌頌以誌其異卒莫得其
解雲間周子曰無異也作易之聖人已先爲之解
矣在坤之六五曰黃裳元吉而小象以爲文在中

也夫有中順之德積於中而大文著於外理之固然而不爽者故日星河嶽造化在中之文也嘉祥符瑞吉人在中之文也黃中色裳下飾元善之長也中不忠不得其色下不共不得其飾事不善不得其極坤體皆可言裳惟五爲黃裳者二雖中而不文故直方但言質之中三雖文而不中故含章猶俟時之發至於黃中通理正位居體而地道之光妻道臣道之無成有終美之至而暢發矣以太夫人幽貞之德懿徽咸備克相夫子教厥令嗣爲

飲醇堂文集

卷十七 解

二

真儒名臣以底於成而世其家也誌狀載之詳矣所謂德合無疆而含弘光大者矣返而歸於土則坤元之應昭焉安貞之吉兆焉而表其大文於附著於體而取象於下者燦爲木石顯爲奇觀雖事之適然無足異者殊藏澤媚玉韞山輝庸非理之信而可徵者乎抑亦以司農公之純孝旣已光大前人之德無忝所生而雞骨支牀哭泣備禮其精誠所格不難通天地而貫金石若馴鹿產芝之呈靈獻瑞也則謂之孝感也亦宜

附與 棟翁瑞木圖紀諸君子之揚扈備矣蒙又安能

以輕塵足嶽隆露添流惟是明公仁孝之思思所以表章先德者久而不匱至不遺謫陋下採葑菲此意不可以上負也因補諸體之未載者作解一篇識於卷末一以爲附驥一以爲續貂矣所援據易義似于堵公芥木同旨然堵公以含章可貞當太夫人恐未合乎光大之極不若直以黃裳元吉相證也雨窗清宴明公何以怡神大序若成希慰望歲

飲醇堂文集

卷十七 解

三

附棟 翁復瑞木紀蒙同人賜以鴻文以傳盛事亦旣感錫類之仁矣而必求先生一言者以非燕許鉅筆不能傳之永永耳讀大作是此帙第一篇文字亦或是先生白門第一篇文字家乘借光永垂不朽弟亦將藉以自赦其通天之罪矣但不知何以爲報耳尊集序連以胸懷作惡尚未揭管稍遲當有以請正雨中無事萬感都來希駕過我以破岑寂若以泥滓辭知已所未忍也尚有孟津字可觀

南華經傳釋

余嘗以中庸釋大學以金剛釋心經以南
華釋道德稱三教經傳有駭之疑之者遂
祕不敢示人今諦閱南華則自經自傳不
自祕也而千載無人覲破蓋其意盡於內
七篇至外篇雜篇無非引伸內七篇惟末
篇自序耳錯而觀之其意較然詎復須注
哉因定內七篇爲經餘篇析爲傳自注自
釋庶幾衆添圖之獨解焉

飲醇堂文集

卷十七 釋

四

逍遙遊第一

秋水

馬蹄

山木

豁開眼界廣宗明大也大則無可用無可用則無
困苦大鵬大雲大椿大瓠大樹大而御風乘雲氣
御飛龍無用之用皆天游也何其逍遙也秋水篇
正發揮大小之辨故謂衆小不勝爲大勝也濮水
濠梁徜徉乎無爲逍遙乎寢卧也馬蹄篇反言目
見趣謂飛天莫若鵬行地莫若馬馬受羈銜鑿其
渾沌便失逍遙之趣也山木篇就無所用安所困
苦下一轉語謂鴈何以不鳴殺乎乘道德而浮游

一龍一蛇與時俱化匪可以材不材論也故云直
木先伐甘井先竭無受天損易無受人益難此所
以貴逍遙也上三篇即逍遙遊傳注也

齊物論第二

徐無鬼

則陽

外物

銷落彼耦導入化樞也前云嗒然似喪其耦後云
彼是莫得其耦謂之道樞兩耦則不齊一樞則無
耦若橫直妍媸成毀多寡喜怒是非有無大小壽
夭居食利害死生哀樂寢覺形影目至胡蝶莊周
皆耦也吾即我無耦也喪之則齊齊者天不齊者

飲醇堂文集

卷十七 釋

五

人不齊之齊亦天也故云天均天府天倪也徐無
鬼篇上之質若亡其一亡一者我喪彼耦也儒墨
四惠子五皆自侈立言耦於物而不化故云狗不
以善吠爲良人不以善言爲賢若循照冥樞則物
齊矣則陽篇謂日與物化一不化又物化一轉語
也不化者蠱觸也物化而一不化窮則反終則始
無窮無始與物同理是其旨也外物篇謂木與木
相摩金與火相守是爲兩陷目必外物故也無對
則無必而物齊矣上三篇即齊物論傳注也

養生主第三 刻意 繕性 至樂 達生

離物觀我得全於天也庖丁忘牛而善刀右師忘介而善獨所善者神也火也不遁於天故不知其盡也刻意篇全解養神即老子之谷神不死故云純素之道與神相守守而勿失與神爲一繕性篇謂智恬交養而和出其性不目有涯逐無涯也若喪已於物謂之倒置之民至樂篇去形去智冥乎無爲出機入機本無生死所謂安時處順哀樂不能入也達生篇謂養形不足以存生遺生而生存

養神堂文集

卷十七 釋

六

用志不分乃凝於神合精神爲主故得全於天也

人間世第四 庚桑楚 漁父

讓正篇謂養志忘形致道忘心勿危身殉物所以尊生然有讓王而殉名者而生亦不尊也已上五篇卽養生主傳註也

陰陽人道之患故云慎守其真則無所累上二篇卽人間世傳注也

德充第五 駢拇 列禦寇

形骸脫盡真我現前也謂非愛其形愛其天也天則德全故舉衰駘支離無脈以明遊於形骸之內不如遊於形骸之外也駢拇篇謂出于性而侈於德不擢德塞性以取名聲惟遊於道德之間上不爲仁義之操下不爲淫僻之行則德充必符矣列禦寇篇謂能使人保而不能使人不保目不微

養神堂文集

卷十七 釋

七

微其微也不微惟進充符一步說充不必符符不必克正是充符義也上二篇卽德充符傳注也

大宗師第六 田子方 天道 天運 知北遊

復歸原本道法自然也有爲天無爲人知所知天知所不知烏知人之非天天之非人祇在生死關頭一勘破耳田子方篇東郭順子爲田子方之師而不以斂工爲師引起宗師之義中言孔子師老聃顏回師孔子歸於至人目擊而道存能自得師也天道天運二篇大略以虛靜恬淡寂莫無爲

爲萬物之本道德之至欲掃禮法刑名之術曰至
六經糟魄而歸於生天生地神鬼帝天可傳不可
見之妙知北遊篇直指至道不落言詮故謂至言
去言至爲去爲若螻螳梯稗等皆落言詮者也盜
跖篇非詆孔子祇因拘儒不善用孔子之道故借
自爲盜跖所笑皆寓言也以上五篇卽大宗師傳
注也

應帝王第七 莊 說劍 在宥 天地

內聖外王化還無始也不鑿渾沌自能遊於無有

秋醇堂文集

卷十七 釋

八

若藏仁要義則渾沌死而天下脊脊多故矣肱篋
篇極發鑿渾沌燭亂天下之狀治外則愈不治也
聖人不死大盜不止憤激乎大道不得不歸咎聖
人亦非實言也說劍篇借安坐定氣形就心和達
之乎無疵見聖人之治天下如舞劍也在宥篇謂
在恐天下之淫其性宥恐天下之遷其德渾渾沌
沌未始出吾宗宗字卽下玄宗也天地篇乃點出
一玄字借爲罔赤水得玄珠謂其合緡緡若愚若
昏是謂玄德同於大順蓋曰玄爲宗也玄出於老

子宗於莊子謂莊不宗老者亦非也其謂渾沌死
目補脩之假若治內不治外則渾沌不死矣以上
四篇或反解或正解皆應帝王傳注也

凡外雜共二十有六篇其二十四篇總是解內
七篇內七篇由曠觀而後忘賓忘賓而後得主
得主而後冥世冥世而後形真形真而後見宗
見宗而後化成節合珠聯七篇又只是一篇至
末寓言篇乃莊子自述其篇中之言有寓有重
有卮使人勿錯眼光也天下篇乃莊子自叙立

秋醇堂文集

卷十七 釋

九

言之宗援引古聖賢至於百家各有品第唯稱
老子爲博大真人稱孔子爲聖人顏回子貢爲
君子其言汪洋自恣欲獨立天地之間自爲一
家若不宗老子然自稱其道爲變化無常自稱
其書與天地精神往來雖奇瑋參差而一歸於
宗更未之有盡豈能外於老子哉而謂莊非宗
老安宗哉若至惠施顏闔公孫龍皆辯士而
施最相知如觀魚之樂與五車善辯爲名是
有老子友有惠施老莊莊惠千古同心不朽

昔人謂莊子乃天地間一大秀才正謂其汪洋
自恣也汪洋自恣定於太史公謂大抵皆寓言
是矣又謂其作漁父盜跖佞倖目詆訾孔子之
徒目明老子之術豈盜跖生孔子之前而謂孔
子將其鬚幾不免虎口哉是史公猶未會其寓
言也蘇子瞻子由王介甫呂吉父評論言人人
殊獨子瞻曰人知莊子之粗者其精者當自有
在余謂讀者莫若細味莊子所云孟浪之言妙
道之行自描自寫自經自傳也作南華經傳釋

飲醇堂文集

卷十七

釋

十

飲醇堂文集卷之十八

雲間周金然廣菴著

連珠 疏

擬連珠三十首

寒夜偶讀升菴外集因命筆爲此中有躡括其意者

蓋聞大寶無爲而首物太極不動而構天是以瑟
不鳴而二十五絃各以類應軸不動而三十二
幅各以力旋

蓋聞隋侯之掌明月流光造父之肆驂騶總轡是
以唐虞基命不待伊呂之臣魏晉聿興無假蕭
曹之佐

木亭生文集

卷十八

連珠

一

蓋聞卵胎不傷麟鳳斯至其郊魚鼈咸若龜龍迺
遊其澤是以戮民則士徒養民則賢致

蓋聞清寧開闢初無斧鑿之痕雲霞卷舒殊非粉
繪之力何則質任自然用非假物是以仁義起
而道德遷禮樂興而淳樸散

蓋聞已渙之泥莫可膠物既腐之薪難使撻兵是
以上古結繩不能移夏商之世中天鼓瑟不足
理姬嬴之朝

蓋聞物不精不爲神技不化不爲道進乎道者技已未感在神者物已微是以榮啓期一彈而孔子三日樂鄒忌子一徽而威王終日悲

蓋聞上之感下如風偃草下之承上如鼓答桴是以曹伯好田則公孫彊出陳侯好色斯儀行父來

蓋聞薰蕕不共器而薰每不勝蕕忠佞不同朝而忠常不敵佞是以吳專太宰則伍相賜皮楚蔽上官斯三閭魚腹

伏靜堂文集

卷十八 連珠

二

蓋聞福於前者必多咎于後樂于身者必有憂于心是以掛瓢箕顙爭泉石之怡情採芝商山誇賤貧之肆志

蓋聞夏蟲不足與語冰壺俗士不可與賞秋月是以大音難爲衆聽則伯牙擗琴至寶難爲衆觀斯下和泣玉

蓋聞太阿不遇或以裁小鮮照乘暗投迺以彈伏翼是以顏駟龐眉猶淹郎署賈生弱冠便放長沙

蓋聞通人混世時被辱於閭井傑士挺倅又見忌於當途是以芝生周道樵豎不辨而束薪蘭苗當門薶人乃訝而鋤草

蓋聞貞淫在性不在色忠邪以實不以文淑女不厭乎容華正士何嫌乎才美是以衛姜班姬亦姣冶而靡曼清臣信國總麗藻而瑰奇

蓋聞榆枋之智豈能測崑閬之高卑闌蹇之辨烏容譏江海之廣陋是以淮陰未拜依然昌亭餓夫長卿倦遊謂是臨邛食客

伏靜堂文集

卷十八 連珠

三

蓋聞明月夜光多逢按劍陽春白雪難遵賞音是以平原褐衣孰發明王之夢蘇門竹實不傳嘯鳳之聲

蓋聞學充之謂富而算金量玉不足多才價之謂貧而心織筆耕非所苦是以鄧通何德奄有銅山原憲誠賢蕭然蓬戶

蓋聞蕙折蘭摧每傷玉碎蕭榮艾苗常幸瓦全是烈士見節于窮時庸流全軀于沒齒
蓋聞文章小道本以人傳節行大閑或因藝掩足

以文舉漢季名流僅與建安七子同列
駱丞序
初義士惟將垂拱四傑齊名

蓋聞命意期于稱物屬詞貴乎愜心妍媸不繫疾
遲短長何關敏鈍是以枚臯應詔而成相如舍
毫而腐太冲十年三賦穆之一日百面

蓋聞卑禽警露本無意于軒車爰居避風非關情
於鐘鼓是以嗣宗之長嘯豈復禮法可羈中散
之攜琴惟取烟霞自適

蓋聞將製千金之裘不與狐謀其腋欲享少牢之
飲飲醇堂文集
卷十八 連珠 四

味不與羊謀其羞是以休官而咨於子十年終
不成納妾而卜於妻百歲猶有待

蓋聞尸位素餐等號枝官游手冗食羣稱荒飽是
以碩鼠如丘下不在田百騰特起凶于而國

蓋聞資格非以困賢才科目豈爲開倖進任法必
弊振古如茲是以孝廉曾舉曹操進士亦登

京

蓋聞瓦礫糠粃大道所遇糟粕煨燼至教是存是
以歌舞戲闌長史因之悟草戲笑怒罵端明皆

可成章

蓋聞語忘敬遺能解圻副之災鬱壘神荼可禦兇
邪之魅孰是人斯曾不彼若是以中懷猜嫉妬
婦徒爾填津面目爭奪度朔都將飼虎

蓋聞嫣然一笑迷哲婦之傾城珊其來遲悵佳人
之遺世是以榮發龍鰲周京鞠爲禾黍狼涎燕
尾炎室蕩其粉榆

蓋聞廉將軍之客館倏忽盈虛翟廷尉之高門斯
須炎冷是以彈冠結綬二人誰是金蘭覆雨翻

飲飲醇堂文集
卷十八 連珠 五
雲千古惟多管鮑

蓋聞憂來無方而能傷人壯心不已徒推老驥是
以河陽星鬚驚早歲之迎華楚丘雞皮嘆先秋
而收藻

蓋聞河山雖異風景不殊感疇昔之生平傷搖落
於羈旅是以太史周南之滯恨不自勝吳子西
河之行嗟其何及

蓋聞匠石斲斤于郢人牙生絕絃于鍾子不惜作
者之苦但悲知者之稀是以風流頓盡身悼廣

陵之琴神理長綿悽斷山陽之笛

飲醇堂文集

卷十八 連珠

六

南華演連珠四十首

余既作南華經傳釋自謂參漆園之獨解
矣已而寢食焉坐臥焉似不容更豎一義
更綴一辭益信嵇呂所云是書那復須註
爲確論也因信手拈其駢語做連珠之式
演爲若干首以莊還莊自呼自應如醉盤
跳兒隨手而得莫不厭心亦猶詩家律陶
律杜之遺意也

飲醇堂文集

卷十八 連珠 七

蓋聞大仁不仁至爲去爲券內者行乎無名券外
者志乎期費是以日月出而燭火之光息時雨
降而浸灌之澤勞

蓋聞順其俗者無求其故達于理者必明其權無
爲而不變無時而不移是以堯舜讓而帝湯武
爭而王

蓋聞至人用心若鏡真人之息以踵尸居而龍見
淵嘿而雷聲是以窈窈冥冥遊無極之野媒媒
晦晦入無窮之門

蓋聞六合爲巨未離其內秋毫爲小待之成體明

於本數合乎大同是以天地爲稭米毫末爲丘
山

蓋聞面車之獸介而離山則不免于網罟吞舟之
魚殤而失水則見苦于蟻螻是以藏身者不厭
深渺衛生者能知吉凶

蓋聞山木自寇膏火自煎支離以有疾養身意怠
以無能免患是以粗梨橘柚實熟則剝豐狐文
豹皮爲之災

蓋聞楮小者不可以懷大綆短者不可以汲深命
飲醇堂文集

卷十八 連珠 八

有所制性不可易是以奔蜂不能化藿蠋越鷄
不能伏鵠卵

蓋聞以富爲是者不能讓祿以顯爲是者不能讓
名錢財不積則憂權勢不尤則悲是以身在江
海之上心居魏闕之下

蓋聞大道不稱大辯不言道隱于小成言隱于榮
華是以四時有明法而不議萬事有成理而不
說

蓋聞有機械者必有機事有機事者必有機心是

以魚相忘於江湖人相忘於道術

蓋聞登高不可以爲長居下不可以爲短短者不
爲不足長者不爲有餘是以莫大于秋毫而太
山爲小莫壽于殤子而彭祖爲夭

蓋聞鷦鷯巢林不過一枝偃鼠飲河不過滿腹形
有所適命有所成是以濡需以豕鬣爲宮室觸
以蜩角爲國

蓋聞瞽者無與乎文章之觀聵者無與乎鐘鼓之
聲是以夏蟲不可語冰井甕不可語海

飲醇堂文集

卷十八 連珠 九

蓋聞福輕于羽莫之知載禍重于地莫之知避是
以螳蜋見得而忘其形異鵲見利而忘其真

蓋聞辯士不樂無談說之序察士不樂無凌詐之
事是以譏讒無任而笑天下之尚賢縱脫無行
而非天下之大聖

蓋聞同乎無知其德不離同乎無欲是謂素樸益
之不加益損之不加損是以鳧脰雖短續之則
憂鶴脰雖長斷之則悲

蓋聞百昌皆生于土而反于土萬物皆出于機而

入於機假於異物託於同體是以生爲附贅懸疣死爲決疣潰癰

蓋聞衆人重利廉士重名殉名者死名于首陽之下殉利者死利于東陵之上是以夷跖皆傷性臧穀均亡羊

蓋聞駢于明者亂五色多于聰者亂五聲是以膠離朱之目始人舍其明塞瞽瞍之耳始人舍其聰

蓋聞君子之交澹若水以親小人之交甘如醴以

飲醇室文集

卷十八 連珠

十

絕是以以利合者迫窮相棄以天屬者患害相救

蓋聞大惑終身不解太愚終身不靈茫然疲役而不知所歸行盡如馳而莫之能止是以畏影者走愈疾而影不離不知處陰以休影惡迹者足愈數而迹愈多不知處靜以息迹

蓋聞美者自美吾不知其美惡者自惡吾不知其惡是以臭腐復化爲神奇神奇復化爲臭腐蓋聞形勞而不休則弊精用而不已則勞是以四

時殊氣天不賜故歲成五官殊職君不私故治

蓋聞自大視細者不盡自細視大者不明是以騏驎日馳千里捕鼠不如狸狌鴟鵂夜察毫末晝由不見丘山

蓋聞真親未笑而和真悲無聲而哀是以飲酒以樂不選其具處喪以哀無問其禮

蓋聞深之又深而能物神之又神而能精是以工倕旋指以物化而不以心稽庖丁解牛以神遇

飲醇室文集

卷十八 連珠

十一

而不以目視

蓋聞草食之獸不疾易數水生之蟲不疾易水小惑易方大惑易性是以載鼯不以車馬樂鷄不以鼓鐘

蓋聞素事則形不勞遺生則精不虧遊心于淡合氣于漠是以夢則栩栩然覺則蘧蘧然周蓋聞復仇者不折鏃于快心者不怨飄瓦是以虛舟相觸而不見怒于世桔槔俯仰而不得罪于人

蓋聞不謀惡用知不斷惡用膠失道而後德失仁
而後義是以純樸不殘孰爲儼樽白玉不毀孰
爲珪璋

蓋聞大喜毗于陽大怒毗于陰陰陽並毗喜怒失
位是以兩喜必多溢美之言兩怒必多溢惡之
詞

蓋聞陶者治埴圓中規而方中矩匠人治木曲應
鉤而直應繩是以爲政焉勿鹵莽治民焉勿滅
裂

飲醇堂文集

卷十八 連珠

主

蓋聞無爲名尸無爲謀府不言而飲人以和並立
而使人自化是以宜僚弄丸而兩家難解叔敖
秉羽而郢人投兵

蓋聞至人無已神人無功能窮海內不自爲辯離
萬物不自悅是以江河合水而爲大丘山積卑
而爲高

蓋聞尋常之溝巨魚無所還其體而鯢鱓爲之制
步仞之丘巨獸無所隱其軀而夔狐爲之祥是
以大鵬怒飛而徙于南冥并鼃跳梁而休乎缺

覽

蓋聞知窮之有命知通之有時大行則反一無迹
大窮則寧極而待是以天下有道則與物皆昌
天下無道則修德就閑

蓋聞偃兵造兵之本愛民害民之始是以以巧
力者始乎陽常卒乎陰以禮飲酒者始乎治常
卒于亂

蓋聞直木先伐甘井先竭功成者隳名成者虧是
以標社無用而爲大用鵲鵲畏人以襲諸人

飲醇堂文集

卷十八 連珠

主

蓋聞不仁則害人仁則反愁我身不義則傷彼義
則反愁我已是以聖人不由而照于天達者不
用而寓諸庸

蓋聞道之所貴者書書不過語語之所貴者意意
有所隨六經先王之陳迹聖言古人之精魄是
以筌者所以在魚得魚而忘筌蹄者所以在兔
得兔而忘蹄

海邑臘醮神疏

古者報成則脩祀祈年則脩祀曰殺羔羊琴瑟擊鼓之篇皆是也庚子冬海邑士夫耆秀耆年子弟將封事綠章而屬一言以申之曰以下邑之壤瘠而賦繁也歲會未有寧宇焉前年患寇患兵矣前年又患饑矣又患政令之四出皂隸之屬官司之守皆勢致威取以相苦也今年何厚幸乎鯨波不揚休兵偃革四境悉安堵如故民生之有餘樂一也初占爲歲稔旣而彌月不雨雨亦不甚沾足乃

秋醇堂文集

卷十八 疏

古

百室之稼十猶得六七焉民生之有餘樂二也好禱樂關之風人人衰息旋旋悔悟至於正供之外供樹供箭供馬供夫因緣數窟一倍又數十倍正羨益行乙甲更易今一切掃除輪租盡一民省無藝之征蓋數十億萬緡不止故昔之吏人或一朝而肥餘亦揚揚得意得今吏人之色不加喜而民生休暢之象不宣而喻民生之有餘樂三也此三樂者非政平訟理之賢侯誰與歸而不得不謂是神賜焉報成則有祀凡吾邑之所謂報者以此則

又不能無祈祈從此以往波濤永不揚也百室之稼歲其有也訟獄永衰息也使循良之使君長蒞此邑使此邑之人歲得省其億萬緡無名之費也因報而祈凡吾邑之所謂祈者以此一報一祈其猶行古之道也夫

秋醇堂文集

卷十八 疏

古

江寧朝天宮醮疏代

上帝好生至卹及昆蟲之族下民卒瘁有轉於
壑之時雖捍患禦蓄固司牧乎是責而咎徵休應
惟造化者持權邀神聽之和平用袪除乎氛祲敢
抒丹悃恭上綠章竊惟江寧爲郡實開天府股肱
省會之區是處人烟輻輳戶饒生聚既繁且昌俗
競恬熙匪朝依夕乃席昇平之景運忽逢疵癘之
橫流天札何多疾凶相藉蒿里之歌聲日迫賢愚
不得踟躕陰房之鬼火長青魍魎公然嘯舞竭來

飲醇堂文集

卷十八 疏

上

鬼伯爲厲坐令人命如毛飲鳩者孰爲媒絕胫者
不旋踵乍見雉經林木俄聞魚葬江潭寧盡輕生
類由憑崇五行旣乖其恒度庶徵旋兆其備凶數
月以來在在見告十家之聚比比而然豈盛朝鋒
鏑已銷而師或興尸未寒白骨于京觀抑曩歲鈞
稽不軌而誅及比屋猶聚碧血之遊魂推測斯由
譬尤安在意訟獄未能衰息斯罔圓不得空虛南
冠繫維率多戾殺北郊狼籍半屬刑餘或朝甫納
餽而夕已裹革或暮方授藥而且已束薪買索星

苴散爲光怪棘林夜哭干動陰陽雖欲施解縱之
仁長吏法難故出而其逮須臾之緩罷氓情實堪
矜豈無刑賞之失平以致孽妖之間作某等用是
撫躬思過閉閣懷慚任切保釐自合痼瘵爲一體
心殷修省敢委時數之偶然仰顧高穹俯垂卑聽
閔焉生之庶類普大造之無私蓋天以旋轉氣化
爲功而吏以導宣德澤爲務使氣之診必徧被乎
念蒸黎何罪而天之譴盍獨移之吏以示失
職當殛職此下土之精禋庶其上符乎冥漠伏冀

飲醇堂文集

卷十八 疏

上

思昭廣運德體大生鼓祥洽之休風濬兵刑之戾
氣舉凡十萬家編戶生于斯長于斯共躋仁壽之
域從茲數百里提封安其俗樂其業咸循作息之
常則幽明之呼吸可通而運會之遷流可挽矣

飲醇堂文集卷十九

雲間周金然廣菴著

文

同宗祀開帝文

維神英風冠乎今古浩氣塞乎乾坤覆幬羣生惟
時怙冒奠安率土莫不尊親志與日月爭光照幽
明其一致義在春王正始凜法戒於千秋宣尼而
後有同心山金東西領聖忠武之前無並駕代分
漢宋稱神乃武乃文立功立德起赤蛇之祚應運

飲醇堂文集

卷十九 文

一

而興誅白馬之盟非劉不王既抗荆而取益將削
魏而不吳斬將奪旗提青龍千軍辟易追風掣電
馳赤兔萬里橫行雖恢復之願未酬三分已定實
匡勦之誠不泯百世猶生茲當英靈誕降之辰更
值廟貌重新之會朱明麗景依稀曠昔扶炎華炬
揚輝想像當年遽且日惟竹醉時則孤懸樞火映
丹顏與烈膽忠肝共赤蒲觴汎綠醴將征袍貝帶
齊青設席羞以獻一誠肅百拜而進三爵駿奔多
士儼陟降之於昭有赫明威瞻几筵其如在某

闔門逖庇奕世蒙庥箕裘罔墜乎家聲誦法猶於
乎古訓賴神功之默佑綿世澤以永年巍山嶽而
炳日星敢慕千秋事業值綱維而敦節義懼忝此
日衣冠尚阿護之有常庶引翼于勿替涓埃莫竭
仰蒼何由藉篚簋之蘋蘩用昭明信潔豆登之黍
稷以薦馨香願茲不腆之儀敢冀居歆之格若云
庶無罪悔或可鑒其精誠恍惚以交屏營無任

飲醇堂文集

卷十九 文

二

祝文昌文

社文有以醉後路惡山成者爲戲之于神以杜典戎

維神職司桂籍福佑詞曹垂忠孝之大經開文明之景運奉琅函秘冊千古若新仰寶籙鴻章萬方如一象緯昭回於奎壁之府精靈朗鑒乎翰墨之林有感必通靡誠不達某等同方砥志共席窮經指白水以旌心盼青雲而攜手鷹行齒均兄弟鷄壇約奉師承萬里勛名方願聯鑣驅駕千秋道術永言並立觀摩風雨晦而不輟其音霜雪零而不渝其素若琴瑟之專一等膠漆以不離羊左不足

飲醇堂文集

卷十九 文

三

俾惠莊何能比其有酒酣耳熱情洽形忘忌諱都捐或申申而善習戈矛不設寧憤憤以填膺由豪氣不除致狂言失出致爲論蜀之檄讖此詛楚之文盡付子虛還歸烏有微和平之神聽俾競跡以被除張陳不致凶終蕭朱毋爲隙末自今伊始無替松筠結契之心有初克終請追車笠盟言之好與人有禮而能敬法晏嬰之善交久要不忘其生平敦邱成之古誼今日入林把臂他時在位彈冠如其莫往莫來惟神是糾是殛

飲醇堂文集卷二十

雲間周金然廣巷著

祭文

祭特進梁太保封翁文

嗚呼昌期五百儲精嶽瀆篤生真人以奠國錄天寶與之大人之福爾公爾侯注將注相滿而不溢高而不亢天寶與之大人之量公產西秦三輔鍾靈詒謀式穀種德傳經誕太保公應運勃興文克匡時武堪靖亂運籌決勝跨踞鄧創制草昧作

飲醇堂文集

卷二十 祭文

一

之屏翰乃眷南顧拊髀頗收鯨波未偃亟用推轂特簡重臣閭外是屬歲在三豕兵動蚩尤驚濤橫氛海市蜃樓揚帆直達鐵甕石頭惟太保公爰整其旅拉朽摧枯傾椅燼櫓指顧談笑功成樽俎大江以南安于磐石蒼生億萬登之衽席遐邇率俾鋒銷燧息天地更開日月重光名高武侯功冠汾陽圖之麟閣勅之太常凡茲盛業太保不有家法淵源所從來久歸德于公克開厥後太保作霖以蕪九土誰爲出雲公寶大鹵借曰不然何澤之普

太保作楫以濟巨川誰爲產材公實名山借日不
然胡載之安露布遙傳

天顏有喜褒以綸紵錫之金紫八州兼攝一品賜
卹遡源及流循本自末累階晉秩寵茲耄耄六衣
三命旣安且吉惟太保公以孝作忠問寢視膳清
夏溫冬祿養色養其樂融融迨迨杖履曰游蔗境
蘭蓀瑤樹綵衣輝映厥維德全斯與福稱嗚呼位
極人臣不爲易遊八袞遐齡不爲不壽公豈復有
毫髮餘疾人世紅塵久而厭之儻焉乘風飄然騎
飲醇堂文集 卷二十 祭文 二
箕夫我人瑞典型莫追某等獲享晏寧長依桑梓
不見兵革庶幾沒齒緬維水木敢忘所始敬薦蘋
紫哀歌薤露縹緲仙遊崢嶸歲暮彷彿聞聲碧空
虛步

奠潘方伯崇祀鄉賢文

維公濺澤浹于東南鴻猷殫于軍國碩望著于中
朝德心孚于邦族蔚然稱經濟偉人所在流政聲
于藩服方河漕爲經國之大計識者鯁鯁乎會通
一統之中梗而昌言實有待而蓄縮公深識匡時
老成謀獨酌于窮變通久奮議主持迄著大效
夫豈尸位之俗儒竊營營于身家之慮然使繼此
踵事加厲不幾貽萬世之永賴而後之膺事任者
奚必動容却顧于咽喉帶水之接軫而銜舄此爨

飲醇堂文集

卷二十 祭文

三

者與人興頌今茲士論攸歸願俎豆公于宮墻矢
心競勸而傳之千禩猶沐浴咏歌其膏馥也歟卽
論百年之頃電閃塵飛彼譖人者家門何在而公
名德聿新聲華重且宜庶之蒸嘗曠代而還續將
無福善禍淫之天亦旣彰彰于觸目况繩公之武
者勲業振于垓垌大公之澤者文章紛其香燭其
孰能測公之貽燕奉公之式教也乎某締荀陳之
世好忝孔李之通家嘉風昔之令聞感當今之盛
事敬擷溪蘋菌酒茅束以附陳釐祠官大祝

祭閩總督范公文

衆萬雜糅孰不有生避害趨利鳥散蠅營恒幹一
去嚙不有死聲光銷歇登乾籀靡惟公之生兆人
繫命苦形勞神爲國利病惟公之死百折不回英
靈輝赫如霆如雷初登玉堂頻繁省闈報國承家
矢不可奪

帝眷東南傾心倚毗由漸而閭揆奮是資孰飽無
靡孰挾無續年很狼貪孰恣無狀飼之煦之又撫
輯之爬梳剔抉重蕩滌之藉枯弱強惠此巖疆何
飲醇堂文集 卷二十 祭文 四

期難作渾首披猖安忍阻兵安史繼踵公鎮以靜
不懸不疎方秉大義開誠布公耦居無猜以格慈
克天不憫禍孤忠莫贊同舟皆敵眷眷爲患瞻顧
惴伏悉繞指柔首下尻高忍垢包羞壯哉公乎挺
身前行刀鋸鼎鑊甘之如飴茲日何日天地黯慘
南冠而縶裂眦破膽且呼且誓櫻彼獐虎常山舌
敵睢陽齒齧求死不得繫用徽纆絕粒經旬呼置
轉力守隸防卒咄咄驚呀神豈相之不瘠而譁強
迤索饋委頓纏綿傷哉孤臣累囚三年流淚洗而

燃桴題壁鬼火常青寒號時啣周旋蒙難獨武焚
客一曲悲歌聲徹金石 天兵壓城壁衝肉袒一
朝返正孤臣其免云何進殘箕尾難攀其血化碧
藉節不還僅留正氣鬱積旁礴上爲日星下則河
嶽正氣所激赴死如鶩親申徇焉靡遺婦豎嗟彼
撫仕猶懷二心矧茲像從觀感何深嗚呼食人之
祿死人之事所尤難者從容盡義古亦有云時窮
節見誰遊陽九三年不變公命可殺公骨可燔耿
耿丹心歷劫不刊衆庶馮生附贅而已一旦決疴
飲醇堂文集 卷二十 祭文 五

死而死耳嗟公之遇何太難屯幸公之終無忝相
門敢招毅魄歆茲一尊

祭喬臧堂文

嗚呼臧堂而竟死耶臧堂人品學識卓然吾黨典型何可死經國大業不一見於世何可死風雅榛蕪家蛙戶蚓無人焉廓清何可死翻雲覆雨古道如土獨能敦氣誼至久不衰何可死胷無點塵芳蘭竟體使人對之鄙吝盡消何可死生平著述未遑揣刻慮散佚不傳何可死平章山水主盟風月南皮之會北海之樽共仰名士風流何可死冥心內典筆舌津梁不厭其疲何可死笑哭孤雛年甫飲醇堂文集 卷二十 祭文 六

七齡田園荒頓生產無幾保無風雨漂搖之患何可死嗚呼臧堂不可死而竟死耶豈天實爲之耶臧堂頽頽豐頽精神滿腹清談霏薶竟日無倦容無死理下筆浩浩落落有原有委萬餘言不竭無死理處事詳整曲當鉅細畢舉無毫髮遺憾無死理居恒動有檢則不汰不盈不食不妬無死理少負才名試必異等而老于巾衫數上京兆不遇甫得歲薦未嘗享一日之榮無死理嗚呼臧堂無一死法而竟死耶豈天實爲之耶臧堂長余二十歲

乃託末契爲忘年忘形交重之以婚媾針芥在性情之際固非僅文辭意氣之末卽論北郭玄譚西園彥會歲寒冰雪匡坐圍爐每一義脫稿輒互易丹鉛或浮白賞之或啜茗玩之或焚香錄之或歌或泣一往而深不自知其莫逆于心也此景如昨今可復得哉厥後居隔郊浦歡情自接一花之開一味之甘必飛書相報倒衣過從深杯夜話鏘鏘燭殘不倦也戊戌 廷對北上余以短歌送之南浦徘徊不忍別歸而出示紀遊一冊則見懷之作飲醇堂文集 卷二十 祭文 七

居半焉嗚呼豚豚此情久而彌切豈惟師友實則性命自是日漸厄羸有洗馬渡江百端交集意余竊患之每以憂能傷人世短意多爲戒窺其中終有不能釋然者去秋余浪遊自下臧堂旣以病免而贈余以詩慨離之意不少衰吾固知其老驥千里之志自傷不見用於時長此鬱鬱耳而竟以此促其算耶將造物實不仁旣不欲展其才而酬其學又不欲樂其生而終其年耶嗚呼臧堂達人曠識自具夙根去來洒然當復何恨獨悲吾自失臧

堂以來奄忽之間遂成隔世高談無與陳義蘊無
與展花晨月夕無與其其勝世路嶮巖人情涼薄
無與其其感使我子然寡儔有懷而莫吐也嗚呼
痛哉盲念及此五內抽裂伯牙之琴一慟絃絕敬
陳疏酒略誌生平兩情炯炯無間幽明

祭陸允大文

陸明府弟

伊賢俊之挺生每間代而一遇何名德之鍾祥迺
一門而並聚嗣才藻兮機雲迴風流兮暢緒方元
季則鯨鴈成群擬軼轍而文章齊譽行當金駕中
原連鑣皇路人瞻麟鳳之光儀國重瑚璉之茂器
胡天不弔在原與喟露零棣鄂之華風悲紫荊之
樹惟公孕泰岱之英靈誕平原之名第紹勲業之
箕裘承清白之家世長公望崇推天下士公也蔚
起實稱難弟或爲大丘道廣或爲林宗弘濟慷慨
飲醇堂文集 卷二十一 祭文 九
澄清登車攬轡甫駐烏乎海邦已循聲而茂著惟
幸友以爲政恢遊刃其有餘地矧左右之有公猶
烹鮮而小試方今 當宁求真儒黼座題良吏璽
書責止徵車狎至異同朝之雙璧方接武而連袂
何期蒼生失望修文早逝雲津龍躍不可有二誰
分孔奮之甘醢共姜肱之被成都虛石笋之行池
塘虛春草之句某等夙欽人倫于東國思觀風儀
于水署空懷懸劍之悲未展登龍之御捧絮酒而
陳辭賸歌終兮雄露

祭齊載將文

嗚呼詎意今日而遽失我載將耶載將生於世僅二十四年耳而不見夫世之愚者妄者頑者黠者夸者鄙者殘忍者亢戾者僞而辯者辟而堅者華而不實者鬼瑣齷齪所在多有有一於此宜在死法中矣天或且縱之怡然黃髮竟以壽終何耶穎慧如載將學問有原有委文詞有倫有春無死法也粹然中正不忤不驕芳蘭竟體金玉其度無死法也爲統禘世胄而澹泊寧靜遠大自期無死法也至性仁孝承歡膝下孺慕不少衰無死法也動有檢括周旋中禮每與大人先生遊鮮不改容欽歎無死法也既已篤學勵行有聞於時而謙退若將弗及無死法也交知親串日與之接藹如坐春風飲醇醴古道照人未嘗臧否人物無死法也處事詳整曲當終不見喜愠之色惡言不加於儻從無死法也豐輔渥顏雙瞳剪秋水而神明內湛鉅細靡弗錄達無死法也嗟乎無一死法而胡爲遽奪其笑耶豈造物吝之以爲茫茫塵壤無處著此

飲醇堂文集

卷二十 祭文

一

後物顧預爲當門之鋤耶而一聽彼庸妄之徒蕭

數艾榮耶豈玉樓召賦其事果有而天上竟乏仙才耶抑本隸丹臺之籍偶謫人間阿閼一現遂返其真耶又或叔季流極如斯人者不當永年爲世用耶將所謂無瑕之璧不堅照乘之珠易毀豐其枝者弱其幹耶否則胡爲遽夫載將也以載將夙根往來洒然當復何繫所恨者腰下未懸牛通之組而一薦亦等空花也所幸者懷中已產丹穴之雛而五車有人付託也所悲者高堂方叱宦遊之

飲醇堂文集

卷二十 祭文

二

馭而清白止以傳孫也所慰者婦閨既其苦節之貞而孝婦能兼子職也已矣逝者有知可無憾矣而况宇宙蓬廬草露荷珠何彭何殤何賢何愚土中埋玉隙中過駒適來適去神馬尻與真耶夢耶生者又奚必怛化而噉吁靈其歸來憑几一笑而盡此觴乎

公奠潘非翁文

嗚呼疾風摧獨秀之木震流衝高出之阿於斯人之厚夜能不佗條而悲歌維靈挺生尺五之甲族夙領袖乎詞曹灑芳風於蘭蓀吾鄙目爲人豪旋聯蜚而逞步高輿軼夫瓊瑰經國行看大業濟時需厥鴻才方銜悲於風木廢蓼莪而菴歎淵驚濤於宦海欣厚積而徐舒朝遊謝公之墅夕憩裴公之堂梁苑夾池脩竹雒川映沼長楊何纏綿之二豎迄賦鵬於英年王弼之風流長逝荀彧之零落飲醇堂文集 卷二十 祭文 三

堪憐豈造物之無意何豐嗇之不侔果豐遇而嗇

主

算寧不恫心乎電影與浮漚某等忝朱陳之戚誼與孔李之世交撫人琴而永悼恐楚招續而音聲損溪毛以嗽薦酌香雨之激清式翩然其來下紛虹駕而蜺旌

公祭 誥封太夫人徐太夫人文

古稱德協坤元而助宣陰教者爲母宗爲女師顧其及之也有大小而成之也有全虧惟我太夫人壺德家有乘鄉有頌述 朝有褒崇亦何庸小子贊詞所歎異者姆教不踰相能令餘澤覃被豐其幹者繁其枝如黃中正位而品物咸亨胥託根於茲昔海內之賢豪惟太夫子是推太夫人實相之也蘋蘩滌灑練裙皂綈言容成則動止中規雍雍肅肅允足昭儉勤而式孝慈蓋幼稟家箴長承姑訓既習禮而明詩逮率以周旋致愛致怒殫力於孝養而始終不移外之交遊贈問賓客過存罔不解珩璫而竭脯資雖世路艱虞當太夫子反琴絃歌之際而黽勉調護將獲濟坎而出險巇迺至謁郵嫺黨賑貧拯困不厭傾囊好施惟曰勗我夫子立身行己以聖賢相尚以遠大自期而告諸天之不假易勉令德爲邦家之基及連枝接武移華輝映咸以顯名大業冠冕清時人謂太夫人德福相仍不啻桴鼓之苔重封疊誥獲報攸宜而不知尤

飲醇堂文集

卷二十 祭文

三

熊辛勛歷彌年載凡諸夫子之整躬華國無非稟
式乎母儀又推太夫人之式教以錫士類則尺寸
靡遺自京省典閣成均廣厲以迄桓糾之俊造史
館之掌司爲國儲才之盛洵曩今未有之奇下
逮四方賢傳執經問道師師濟濟於門下者無時
無處不北面而振衣又况宗風振起人復得人若
孫曾濟美勿替而引之蓋天下人士悉受甄陶而
緬維水木孰非太夫人之懿渠所垂裕而罔貽是
猶洪鈞播物不見其廣運而淑氣所蒸被潛滋默
飲醇堂文集 卷二十 祭文 古

化乃不可以數計而周知方幸康強逢吉逾週甲
而未衰祿養既備色養亦遂顧蘭蓀之競秀與宅
相蔚起於門楣天倫樂事曷其有極何昊天之不
弔忽驚取共莫追嗚呼發矇掩苴哲人云萎痛念
淵源所自能不瞬踊呼搶而涕泗交頤茲卽有酒
盈尊有簋盈缶而徽音悠邈杳不知所憑依意者
洞天雲海南岳西池神固無乎不之尚念我純孝
夫子哀毀骨支上而皇猷待以黼黻下而多士
賴以攜持庶幾音容可接綏我思成於總帷乎

祭張梅岳夫人文

嗚呼孺人不綿其算遽止是耶韶齡綺歲微痛黃
泉世亦多有顧或本在死法中其鄙恹酷苦罔或
克壽也輕懷狂瞽罔或克壽也參汰暴豪或癡或
黠罔或克壽也孺人含仁履慈秉禮蹈義與我梅
岳有梁孟之風梅岳性純孝孺人相之則甘毳承
歡晨昏無間也梅岳負才望孺人相之則挑燈下
幃名噪公車也梅岳好賓客孺人相之則投報問
順解珮脫珥也至米鹽筐篋必躬必親綺紈梁肉
飲醇堂文集 卷二十 祭文 五

進前不御則又克儉克勤靡德不備方將引葦綠
華長生右英夫人永年若何得算之宜豐而偏嗇
宜脩而翻短耶豈今世運薄其或穿雙勝貼黃花
折腰齟齬嘻笑不循節動止不中科若而曹者九
子母鳩盤茶下生人間必且縱之皓然黃髮受祿
未有艾而德音功容懿嫺咸萃如孺人者固來造
物之忌而奪之速耶不爾何神理之酷有如斯也
杜輔立有言其陰而息尚有岐路之悲窮轍而遊
或與中途之歎若鍾情伉儷爲吾梅岳望素女而

圓空號玄妻而鑑失魂夢往來神光離合能無傷
乎然而死生旦暮延促何嘗惻愴纏綿無乃幾于
恒化昔宗少文妻羅有深情與少文協趣後羅亡
少文哀之甚既而輟哭尋理悲情頓釋謂沙門慧
堅曰三復至教遂能遺哀況在梅岳風雲之氣方
張建豎之年正茂氣機迴環自當得之濠上則安
仁之悼可輟也卽奉倩之惑易解也且蘭枝玉樹
已茁其芽頭角崢嶸預占英物則孺人雖未享人
間之福足慰仙路之心亦可灑然無繫于洞天雲
飲醇堂文集

卷二十

祭文

七

海間矣

祭松守太夫人文

歸昌表瑞丹穴爲胎靈河潤物宿海是來和璞韞
璧鄧林產材山川清淑間氣所開不有徽音嚆錚
碩彥不有母儀嚆作楨幹推木迺源功歸聖善曷
以知之知之中憲惟中憲公世篤忠貞河山帶礪
錚赫家聲真人蔚起式敷傳經執非太君玉於有
成華登天府爽鳩是職執法無頗好生爲德多所
平反色喜進食厥惟太君易之欽恤一麾出牧福
我雲間永日懸魚琴鶴蕭然五紵兩袖不選一錢
飲醇堂文集

卷二十

祭文

七

厥惟太君勵之貞堅春雨之濡冬日之煦終惠且
溫化與刑措士誦文翁民歌召杜厥惟太君教之
乳哺案牘恣僇匪藉匪紓五官竝用恢恢有餘百
廢具舉條畫秩如厥惟太君作之勤劬五聽不寃
民隱畢燭椽胥束手隸國重足蕩滌藪窟波澄鏡
矚厥惟太君訓之明肅嗚呼母惟鍾郝子也冀黃
祿養色養承歡未央寵之冠帔旣壽且康何期一
旦護萎北堂人之喪母悲止一室衆母之母啼傷
四國停飲罷杵度阡越陌爭相告哀亦孔之重嗟

我賢守皇皇慕思母也而父母也而師長與備禮
濟冲骨支尚爲萬姓節哀自持自古在昔求忠於
孝形管上聞鸞章鳳詒况中憲公勛名遠邵仕路
方剛如日初照有子令名亦足解頰紫泥十道行
賁九泉予小子輩瞻仰惟虔生芻絮酒敢告几筵

抱朴庵詩草原序



余束髮相天下士今蓋四十年矣其人可以擬議
得之者輒立盡爾若夫瑰璋奇傑之士倜儻非常
之材如龍之蟠於泥蟻於窟人不識其爲龍也一
朝乘風雲而上之愚者睨目直視不知其所際及
其變化屈伸或託形蜺蜺藏神地豎人復從而狎
之而龍之爲體自若也斯其人有類於是者殆難
言之矣余是以交半天下未嘗率意輕待一人惟
望之輒盡者置之已爾苟文章襟度之間有足供
人流連者每試之試之久而得其爲人有可喜亦
有可憎有可敬亦有可棄久亦置之已爾惟吾廣
菴周子少年英特道上樹幟文壇手摩蒼漢足亂
青雲鵬之倫也鵬之匹也人以是歸之周子亦不
多讓無何而滄桑變移周子輒退而窮居棄人事
絕交遊與野夫牧豎同飲食偕寢處晞髮南山之
巔濯足滄浪之下斯時也人以爲蜺蜺也地豎也
而周子不失其爲龍也迨著述日以富才名日以
顯周子由由然與天下文章之士講求性命揚扆

風雅無孤高之氣以自戾其性情無崖岸之貌以
頃易其氣度不汲汲於富貴而富貴之氣充足其
中今觀其詩緯金經玉協徵應商大者可被之金
石奏之郊廟小者閭巷童謠得而習之此豈繁音
細響所能望其項背哉後之作者讀其詩作天際
真人想如龍之翔於九天興雲致雨天下蒙其澤
而不知其所自來蓋周子以經綸輔轂之才韜而
練之於岑寂復以林泉岩穴之學蓄而出之爲咏
歌固宜其不可測也雖然人之於世也得天地之

抱朴齋詩草

序

二

氣半得友朋之功半周子山居不數出出則與周
望朱子作累月浹夕遊朱子爲人得中和之氣優
入於風雅一道故與之交者又宜其得三百篇之
遺而無佗係牢騷之感以傷其大雅詩曰憂而不
傷怨而不悱周子有焉余知周子也詳讀周子詩
也久周旋二十餘年而深得其出處之志是爲叙
時康熙甲辰年家弟張一鶴忍齋拜題

周子諸詩何多怒哀之音耶夫喜樂怒哀情也而
性統焉情不盡于怒哀而怒哀亦足以盡情故一

往而絕復一往而深皆性情之自相依附也于中
飛觴擊節觸事興嗟率筆應付若火性空明傳薪
燼運而灼燄騰烟自爲蒸變火之性固無不着也
廣菴本體瑩白手眼辨晰年未過壯復遁入于禪
玄百家以窮極性情之所至審霜降水堅之候作
洗骨見髓之功詩其寄也他又寄中之寄也卽所
寄窺所存走石飛沙皆其發而中節者周子詩未
盡于此而性情見于此性情見于此而陰陽乘除
人物盛衰汗隆之先幾安得不推本於此乙巳春

抱朴齋詩草

序

三

初豐山涂贊題于寓園

吾家羣從輩皆以能文章詩歌振譽一時而尤難
者伯仲競爽填篋協奏若賈生與廣菴誠吾家之
封胡遏末也賈生弱冠卽登賢書南宮垂翼益自
砥礪日夜手一編不釋所謂稽山竹箭加以括羽
宜其擅東南之美乎廣菴綺歲韶令濯濯如春月
柳稍長博洽好古無所不窺兼資性開敏旁通百
家解音律善手談每當良時雅集選勝命觴罪罪
灑灑擲金聲飄玉屑若吟疾揮雄騁于開元大曆

間又能自度新曲被之管絃酒酣鼻聲長歌竹枝
 白紵子夜前溪不是過也余與廣菴遊愛其風度
 欽其淹雅輒謂之曰汝抱懸黎之姿振英韶之響
 行將高搏扶搖非久棲榆枋者也乃余宦遊數年
 稅駕里門復與廣菴握手則見其氣淡然其神淵
 然余怪而問之云已幻視一切坐破蒲團有年矣
 夫一廣菴也跡其生平或以爲俠客或以爲狂生
 或以爲才人或以爲韻士今又居然枯禪老衲矣
 何其不可測也如是耶暇日盡傾其笥稿示余余
 抱都盧詩草

曰如崑壁鄧林深矣富矣如朱霞麗錦高矣華矣
 世必有識者余與汝兄弟也因其詩而并及其爲
 人如此丙午仲春兄茂源菴山識

抱都盧詩草總目

沈爾坦履安

門人朱都那濠上較

陳颺言際廣

卷之一

四言

卷之二

樂府

卷之三

抱都盧詩草

總目

五言古

卷之四

七言古

卷之五

五言律

卷之六

七言律

卷之七

五言排律

卷之八

七言排律

卷之九

五言絕句

卷之十

六言

卷之十一

七言絕句

抱朴廣詩草

總目

二

抱朴廣詩草卷之一

雲間周金然廣菴著

四言

崇蘭

崇蘭美君子也

猗彼崇蘭生於幽谷幽谷無人孤芳自足蕭艾孔多盈要服君子之佩實異其族

猗彼崇蘭生於道左嗟王者香與衆草伍萎絕何傷蓬彼蒿豎維此樵豈亦或取爾侮

抱朴廣詩草

卷之一

四言

一

猗彼崇蘭有鬱其英清風襲之滿堂斯馨豈無桃李當軒繁榮雖則繁榮匪同我情

猗彼崇蘭其葉靡靡結根孔固永茲茂美春蒲秋零朝華夕委含章時發用保終始

堅白

堅白省躬也

楊泣岐路墨悲染絲嚙非堅白而不礪緇外華內垢匪美伊咎化荃爲茅厥心孔疚

葵衡惟足葛庇惟根敬爾所生匪德曷敦土則有

型器則有範尚懷明發如源斯湛

有鳥

有鳥思我友也

有鳥有鳥晨集於林念彼儔侶載好其音

子之往矣日而月而我之懷矣溲而沈而

山何蒼蒼千里間之夢何荒荒一夕徧之

我有殺既旅有酒既清衍衍我歌儻儻我舞月出

當尸念子何所

景風

抱都廡詩草

卷之一 四言

二

景風送朱子周望李信州也

藹藹景風祈祈甘雨之子于官遠子出祖官則西

江祖則南浦千里云遐跬步斯舉

母曰隴邦山水是宅母曰薄宦民命是職孰院匪

槐何庭不棘尚往欽哉惟刑之恤

予利以行我利以居庶各努力久而勿渝不有居

者誰主邁軸不有行者誰洗園獄

登車攬轡人堵而快溫溫恭人爲憂孔大餐亦有

與飲亦有沈嗟爾恭人可以忘憂

水木

水木爲 誥封奉政大夫田翁作也郡司

馬田大夫清風憲政翁實詒之穀焉翁之

逝也郡之人罔不畫傷之

維水有原維木有祗匪鳳曷雛匪麟胡趾

趾則難踐雛則難啄此邦之瑞翕其武毅

式毅伊何樹德務滋純行罔疚以詔來茲

詔之世守世守維清率以出政政乃有成

政之成矣民之莫矣國之楨矣家之福矣

抱都廡詩草

卷之一 四言

三

豈曰榮親在衣之錦豈曰養志在鼎之飪

彼君子兮永矢勿替救水承蒙水鐵扁志

題辭堂下曰觀於 王將請歸養以荷穹蒼

使車遄返翁疾且牽鷄鳴祝天星隕如石

哲人萎矣民願爲衰衆父之父云何不哀

抱朴廣詩草卷之二

雲間周金然廣菴著

樂府

將進酒

春光萬漾散愁思明月入戶如有期美景不樂徒
禽鳥將進酒須及早常頭皓魄幾回圓春風一吹

一度老

解一

縹緲三山浮海外銀宮金闕通霄霧欲

往從之無羽蛻將進酒望蓬瀛丹砂未就綠髮變

蹉跎不醉終何成解二荆山獻璧不見收茂陵著書

抱朴廣詩草

卷之二

樂府

一

仍淹留安能兀兀長窮愁將進酒君莫却直須富

貴始盡歡幾州之鐵鑄一錯解三美人何許坐遊歡

江路鯉魚經歲斷何當忽來話夜半將進酒致區

區相離禽寄加餐字相逢不飲復誰須解四

有所思

有所思不知岱之高海之下東非我東南非我南

月非我秋月非我夏情如登山臨水滄次之夜但

聞愁歎喚奈何愁歎之人今則那一青青者草悠

悠者道道阻草深夢飛能到我欲截夢使不飛從

滋多復相思相思之人安知之解二

日出入行

日出羣動生日入百憂集紛騷苦未休有如處裊

最仰笑浮雲馳俯進流霞盡終古霸王事業安在

後龍魚虎鼠俱塵埃君不見橫槊雄風漸滅盡淚

灑西陵何處臺

野田黃雀行

暗帶黃口多在野田微微羽翮安卑固然但憂羅

網敢望摩天不見大鵬之飛九萬里雖有矰繳安

抱朴廣詩草

卷之二

樂府

二

所使

飽歌何嘗行

生寒素不知愁但喜跌宕饒風流揮翰起雲霞倚

醉摩吳鉤意氣相傾傲王侯神姿絕麗不屑盼顧

英光旋娟空綢繆海外有縹緲之三山其中岳嶽

洞壑琪花瑤草膏麋白鹿非人間安期拊掌而笑

羣真裸脊以嬉吹笙之女擁煙鬟身輕翼羽滋玉

顏既無晦明風雨陰陽暑寒宵然一去不知還我

將脫晨富貴而追羣

春江花月夜

花簾暮月款款春心長春夢短流入春江江未知
影影聲聲一夜滿光氣無分只照愁花月含情江
水緩

烏棲曲六首

芙蓉帶圍石榴裳繫來垂傍雙鴛鴦鴛鴦本是同
心侶交頸相將到何許
山河比容玉比德掌上含嬌重自惜合歡羅襦著
不勝從誇宜稱背金屏

抱朴子詩章

卷之二

樂府

三

瑤天初上纖鈎斜一道香風來碧車紅燭搖搖戩
珠箔孔雀屏開照迴薄

蓮子花開本竝蒂同心帶結原連綴細雨深更盟
歲寒歡作沉香儂博山

北斗橫天宵色闌月沉花暝蘭燼殘戛取簫聲隔
蓬閣祇應料理九華帳

金屋深深透蘭麝翠帷低垂金縷卸流蘇香暖夜
如何綺窗紅日照錦鞵

西烏夜飛

期歡不來西烏夜飛月冷入骨露光照衣思浩浩
何所歸掩戶坐螢欲暉獨兒吟知是非

獨漉篇

獨漉獨漉衝泥及呖泥深盈尺呖深一半水清且

溪明星爛爛母忘泥呖解一樹高以低于山于西高

者拂霄低者拂谿維山是締遠近始終其理則齊

解二九月風悲草聲蕭蕭鴻鴈鳴飛感我幽獨窈冥

往復敗葦相思悔老魚哭解三

薤露

抱朴子詩章

卷之二

樂府

四

誰家隴高刺天魚油隧道石馬新阡蓬上露稀歌

者喧闐解一一豈獨挽歌兼為汝儺玄衣朱裳揚盾執

戈黃金四目市中婆娑解二

蒿里

嗚噓啞鬼伯索人一何迫蒿里白骨相枕藉解一為

我謂造物胡大愚野死不葬餘肉飽烏何似無生

勿用索逋解二井荒沒沒水流咽咽井絕甕煙水譁

魚隨解三魚隨無人食燐火空往還妻子杳莫知冥

黑越間闌解四亂日臨風酹酒魂兮歸來春氣脈發

草木萌榮榮落更代謝無嗟塵與灰附贅或夾疣
亦安足道哉五

日出東南隅

初日舒玉顏光艷何豔發輕綃縠霧開當窗鑑
髮粧成更凝坐理髮猶未歇忽憶機中統提筐行
采葉

夜坐吟

月氣氤氳借露光欲語不語頻近牀呼寒鴻答哀
螢聲不斷意未央君何許妾傍徨

抱朴園詩草

卷之二 樂府

五

六億詩

憶晴時野園花亂飛步迴芳草細吟罷午香微蜂
蝶知春麗紛紛來撲衣

憶雨時幽夢向扁舟霧鬢鴉鬟重雲衣羅薦秋
江天水暗賸得楚王愁

憶談時小語度香簾情燠花鬢動燈寒雪艷愁芳

心真縷縷莫漫比江州

憶飲時酡顏太多安宜菴苞春吐芙蓉色醉移拈
杯微笑裏纖笋更垂垂

憶見時波轉忘言處楊義王子詩許史瓊漿語縱
自阿儂凡能無一延佇

憶別時鬱悵眉心聚初蘭草小烟春草低殘路恨
色滿天涯江郎那能賦

三婦豔四首

大婦縫羅裳中婦蕤沉香小婦雲鬢亂當窻理殘
粧菱花開未掩留待畫眉郎

大婦拂銀箏中婦調玉笙小婦含嬌態宛轉揚歌
聲上客止徐起繞梁音未停

抱朴園詩草

卷之二 樂府

六

大婦鋪貂褥中婦燃樺燭小婦獨橫陳擎杯瀉醕
醪共斟人未歸月上欄杆曲

大婦整氍毹中婦料椰壺小婦揜暗脫縷贈行中
厨回身粧閣下翻弄紫羅襦

前溪歌二首

宵月帳中入曉月窻中山出入愁無端教儂底消
得

聞歡入門來斟酌幾分真歡今得新儂來亦不情
親

華山畿三首

相望華山側楓林不應染是儂淚成赤

素絲何皎皎素絲猶可阜君心長可保

隔津款好藕暫分開絲牽那得斷

讀曲歌四首

採蓮當水深不及開房看那得見蓮心

刀環音信斷天涯子規啼卽心亦應轉

枕亦不須長被亦不須大連枝同一身環抱本無

界

抱鄰廬詩草

卷之二

樂府

七

問儂何所思問儂何所憶儂心自分明見君常的

的

望城行

望城夫明鎗荷戈悉往乘城平時場作何彼官兵

今且傲棘排門還戶要點名解一望城夫慎勿貪睡

與不磨不見催科敲朴猛日增顧汝有皮骨鞭苦

胡勿勝解二望城夫侵曉下城有罪責日中齊嗽嗽

莫恤兒妻食無黍解三望城夫海波已不揚須吏官

兵呼隊起立馬瞻日海蒼茫解四

雨淫淫篇 紀時變也

雨淫淫漂以沒海國益耶民其魚鼈魚鼈猶可益

中無那解一雨淫淫浸稻根上及葉或蟄其中爲孽

大者蝕心小蝕節農夫呼掄淚下渠渠解二爲我謂

農父災匪降自天百勝時起下不在田解三雨淫淫

野荒荒鷄犬不相聞烟火渺難望公差絡繹捕逋

亡爭牽老弱如牽羊解四雨淫淫泥滑滑蹙蹙不前

東顧西趺行行入市門哀此等烹割解五我濡飲

君酒公差飲酒尚言渴不知乃是吮人血解六典我

抱鄰廬詩草

卷之二

樂府

八

袴供君餐公差食肉意未懂不知乃是膾人肝解七

入官衙橫索錢囊無一錢奈何輕鞭解八輕鞭與重

笞廿之已如飴只愁斷卒要路口踉蹌攫去算子

毋解九嗟朝不及暮安能待豐年嗟生不踐樂土安

能屈注東海變桑田解十河海清賢良出雨暘時嘉

穀植消疵癘剪蠹賊解十一蠹賊祛兮民害屏人輪

規今戶晏寧解十二

抱朴庵詩草卷之三

雲間周金然廣菴著

五言古

雜詩十二首

涉江寒杜蘅上山採蘭葍紉以充佩褱贈以永好
約美人遺世立朱顏如花灼十載守空閨要眇感
寥廓冷泠寫朱絃沉沉覆羅幕鬱紆思無端徘徊
情何託遲暮亦何傷柰茲翠袖薄道遠勞相望芳
椒徒盈握

抱朴庵詩草

卷之三 五言

悠悠與君別湯湯歲月長寥天望不極秋風忽已
翔玄翼鳴復咽明月鑒空床綺羅從風薄拂袖聞
餘香撫琴三四弄俯仰心內傷傷彼猗猗蘭迺生
大道傍腰鎌或束薪安得保餘芳
行樂畫若短遙夕恐相負聊爲秉燭遊華園命歡
友繁綠繞通川惠風激其潤荇藻相紛敷竹柏森
然黝好音幾時來鳴禽在疎柳瓊漿發悴顏蘭芬
開笑口玉露浩霑衣金波皎當牖爲問夜何其參
橫旋轉斗佳會不我常娛心安可久

城東桃李花含姿何妖妍金羈藉芳草日暮恣
連誰令歲華晚迨此搖落憐翹思夙昔好音輝阻
雲烟申以金石詞投以瓊瑤篇覆以雙鸛翼裴以
五彩箋卮酒願爲壽嫵婉期百年歡娛重可追缺
月有時圓

寒木懷貞心歲月忽晚晚倚樓華凝望浮雲速故
苑涼颼天末起遙戍角聲偃所思渺何許瑤華音
未返延佇一搔首終宵勞夢

樹棘滋行遊佩蘭獲心賞昔遊賢豪間意氣足吾

抱朴庵詩草

卷之三 五言

二

黨出門欣有功德感激副弘獎陽城業何尊太丘道
彌廣風流旋雲散懷此但慨懷夜窓篝燈微瀟瀟
風雨響

晚起愛朝暇假曝臨前軒感茲霜露零哀榮異晨
梓亭亭青松枝鬱鬱秀中園豈不經時變柯葉故
能完靜求玄化理永存天地根

吾師管幼安語必吐經典吾慕阮嗣宗不設臧否
辯芳流久歇絕謠咏日以舛覲而千尺淵莫謂風
波淺豹變豺聲中遜遜吾其免

小雅周既衰王風蕩無遺微茫正始音絕續方若
絲藐余寡昧質敢弛負播爲彌縫返其真斯文倘
在茲狂瀾猶類猱猓備一木支稟遵前哲型堅忍
季女饒立功亮未能不朽又安

鸞翥千仞高深棲有恬翼豈緊厭梁藻貪餒戒妄
得高賢處困時素襟良未易儻石或不儲量口聊
藿食德人態色虧才士浮情克填腸爭滿膝餐餐
况無極多謝北山鳴與子常異域

端居坐愁積浹旬風雨晦種豆落爲其樊圃鬱蕪
抱郭廣詩章 卷之三 五言 三

穢叢篁相俯仰孤松獨處塊迷陽侵瑤草黝糾失
倫輩焉知幽蘭心得保重襟在鷄鳴懷良人佳期
展遙慨終風固無常日華詎難再寒暑苟不虧晴
曉理未昧

夙負弘濟懷許身稷契殊游息今古間馳騁篇翰
途大業在經國雕蟲豈壯夫居然成瓠落嗟嶮迫
歲徂慷慨越石鷄激昂終軍繻凌厲盼中原高勲
良足圖咄咄謝文墨俯仰多令模

擬古別離

黃河東入海游子西出關河澌有日轉征馬何時
還穩高白露下明月正團圓不知邊塞苦寧知行
路難思君欲去時死別作生離春此關山淚泫然
楊柳枝柳枝心已折悽惻委路岐願比北辰星終
天永不移

擬李都尉陵別蘇武

結髮事刁斗百戰聽鼓聲白日鼓聲死顏風折大
旗手提五千人後效將可期彼夫工媒孽明主深
見疑母妻惜臨刑友生殘其肌丈夫空有志痛哭
抱郭廣詩章 卷之三 五言 四

當何辭與子結金石我心諒子知子歸懷漢德我
畱黯自悲不忍度河梁執手淚盈卮

擬蘇屬國武別李陵

言別匪遲次積緒久悽悽顧盼雙黃鵠不得與俱
飛雖無兒女懷臨岐能勿悲歲月不待人髮白顏
亦驚高岡有松柏歲久已成團節旄看落盡寸心
誓不移對此一尊酒既醉忍獨歸悲筵四面起談
別在須臾子看河梁水東海以爲期

擬班婕妤詠絳扇

統扇如明月動搖輕復薄承恩隨玉輦纖手舞鸞
鶴本目揚薰風今爲東高閣春華一何鮮秋容一
何索用廢固共宜涼燠匪人作其煥不可知其涼
不可度視此絲纒綿想彼蠶在箔守妾水霜姿若
懷溫如貉

擬張侍中衡賦同聲

亭亭白玉質鼎鼎鬱金房晞髮自新沐巾櫛具蘭
湯輕車出部門令節正相當君子重素交意氣厲
原骨解我鵲鵲婆坐我玳瑁牀清絃引初月樽酒
抱鄰廬詩草

卷之三

五言

王

却微霜博山何鬱鬱寶篆吐奇香長劍破其室形
弓弛不張密言結同心千載安可忘

擬秦郡檄嘉贈婦

長轡仄仄傾駟蹄疲且蹇入門今已遲出早會何
晚公府有程度休沐及期返知汝未能餐愁我夜
中假形影自爲雙憐汝勤欸欸嫁時明月璫不復
耀首騰嫁時黃金釧不復麗臂脫無俟汲寒漿腸
已離離轉牛衣泣者誰無爲蘇季潛

擬郡徵士炎見志

古皇獄盡地法吏木爲刻後季逞淫刑殺機滿
棘天地漸陰霾日月交薄蝕玄黃翳其色人命滋
多辟州里潤書記公府恣符檄梟狐日跳梁麒麟
將血赤蘭芝噫憐梓嚴霜摧鳳翮扼腕非其時中
懷自崩迫寄愁泰山巔埋憂洪河側年命弗久長
青蠅亦何益仲尼不再生長歌留篇藎

擬孔太常融述志

耿耿雉在羅爰爰迺兔兔冥靈有大年蜉蝣無朝
暮嗟哉白日頽豺虎公然路忠信運洪濤節義迷
抱鄰廬詩草

卷之三

五言

縞素周公吐哺心孺子爲之負獨憐鸚鵡客單絃
岑牟誤亦有玩碑人黃絹幼婦妬蕩蕩四國均金
玉式其度日中錯招葵失身不密故揮手謝郝生
覆巢寧反顧

擬魏太子丕游譙

白公啓華譙微鵬生薄涼永夜西園游明月下池
塘兼葭吹未老幽蘭忽已香荷蓋猶未枯文鴛宿
其央嘉客旣彬彬壺矢亦銷鐫航爵行無算美麗
列成行軒縣雜絲竹迭奏稱樂康月色奉清娛露

氣方瀟瀟千載會一時賡歌鹿鳴章君子是則攸
穆穆更明明

擬王侍中祭從征

提槍指華蓋太微已遁藏七維雖在天羅列不成
章况復風雪至側側念涼秀黃屋赫然與提戈出
洛陽騶虞爲弄驅魚鼈爲後行虎賁奮其銳俄弁
盡趨踰先機定五都神算收遐荒燭火分餘照寸
柯滋露濃酒涓南國紀納納大人堂清冷所自濯
况復兵氣揚予愧不材鴈能鳴雁稻梁歌此日重
題都虞詩草 卷之三 五言 七

擬陳祭酒琳游覽

薄遊駕言邁及此穉氣清緬懷長林外迢然遠心
生伊昔操鉛槧夙夜從軍征每每臨名山迢迢上
古城自從締七子登高空復情有時瞻銅雀流盼
俯闕庭時彥何濟踰堽我負虛榮尸餐將見請何
策能定傾孤羈懷感激殊遇自鑲銘敢云章表佳
微繁謝六經焉知千載下朽蠹與誰名

擬劉文學楨侍燕

夜遊急秉燭不再者良時况此襟暄夕酒清人未
疲公子誼干霄亭亭不可梯珠履蕙蘭還月映芙
蓉池開尊注黃流佳麗引雲吹商絲和比竹新聲
雪欲飛庭萬立鵲舞算駛羽鵬遲傚傚稱具醉斜
月照西枝下座有狂客自比失晨鷄拊翅再三鳴
眷茲羽翼施乘黃俱絕塵款段安能追

擬徐文學幹離情

涼颺蕩炎歊微雨濯清冷良人不在茲皎月下空
庭伏翼夜雙出哀哀集我楹幽蘭香未沫蕙草爲
抱都虞詩草 卷之三 五言 八

擬應侍中璩百一詩

驚馬可代步詎必驟盜驪山行不得水螻蟻固吾
師高明鬼所瞰屋漏神亦窺智者矢千慮大道如
列斜支乃不可壞壞乃不可支勿以去惡盡謝此
樹德滋勿以白圭玷負此駟馬迫太息復太息三
復古人辭萬鍾非吾願好爵目自怡

擬左記室思詠史

白龍困魚服生苑不自曲丈夫驪失勢磨劍上陵
丘身世石中火富貴一蜉蝣東海射巨魚寧爲鮑
魚謀鹿馬走官中豈爲黃犬羞商山四老人安識
項與劉好老復好少馮唐已白頭片語能悟主快
哉田千秋窮達匪人意讀書空淚流十年憲涸賦
寂寞俟悠悠東方機欲死不及鳴雌侯

擬阮步兵籍詠懷

我本土木人榜櫟固不才東鄰有季女窮冤匪所

抱朴廣詩章

卷之三

五言

九

懷我懷將何之忽忽上吹臺披襟一日嘯日夕悲
風來雌雄俱寂寞楚王安在哉曳裾念佳客十載
未言回莽莽兔園竹浮雲翳不開月出能復皎四
望失塵埃我思千載事欲去重徘徊安能耗精氣
對此有盡杯

擬張司空華離情

秋光生暗壁梧葉響空墀休沐齋居夜慊慊來遠
思遠思復爲誰嫵婉成別離一往有深情不得親
今儀夢寐來勞勞魂魄故相依昔昔將離際淒淒

前致辭解我雙條脫贈我雙文綦微言猶在耳夢
覺忽路隔老大長相別那不相相思

擬陸平原機述宦

弱冠欣入洛江海擬朝宗羈旅遠浮雲黃耳信安
窮麟省多滯人衙門不得終幽蘭初被清宛宛承
朔風對壘邇先德何旨酬上邦賴有張潛儔討論
開愚蒙承華滋簪笏恩感高衡嵩梟獍生骨肉蛇
角欲成龍誰能違天紀風雲匪所從平生固善懷
仁義未爲工憂來渺無方偏仄美其鴻

抱朴廣詩章

卷之三

五言

一

擬陸內史雲代內

荇菜自參差表此關雎德芙蓉亦紛葩莫問中心
荷蕩蕩君子懷所貴不在色粲粲初入門今夕知
何夕雅奏豫房中晤言承寵臆新昏方燕爾榮征
張六翻未既同心懼將離寔促席文簟委流蘇鵲
鵲棲一隻風雲君氣多兒女情安極明月照中幃
何似關山隔君宦未封侯妾悔楊柳陌萬難有本
性好在庭前柏

擬傅司隸咸贈二陸

朱曦龍天漢紫宿動太微素靈分鳳羽龍章日虎
闕羣英皆振藻二妙更雄飛既開季子樂亦下蓋
生帷幄冠流清影豐貂裘逸姿竝扶日月輪共整
星辰燭伊余狂簡貢幸甚附填筴葑菲獻一言高
步貴知幾

擬張東曹翰思歸

秋氣驚河洛緬然懷故林棲生蚤脫昆疏叟歸散
金浮榮何足戀孤釋安所任故園在江海湖水清
且深既使四腮魚况有千里尊家驥秋常熟歸來
抱郭康肅車
卷之三 五言 上
足酌斟菰蘆恣幽賞朝市憂陸沉英儔誰寤此我
拙抱鄉心鄉心一何劇惻惻越人吟勿待撫銅駝
淚下空潏潏

擬何司徒劭山居

荒園傍溪山結構有蝸廬矯首滾上觀我樂亦如
魚短杖信所適暇日治琴書文本何鬱鬱實來樽
不虛廣武時興歎班司勉鴻圖既無塵事鞅興寄
日蕭疎明月照高樹得句良獨娛華亭悲鶴唳金
谷恨丘墟無爲憂世促俛仰愛桑榆

擬張黃門景陽苦雨

騰蛇已遊霧雷雨不崇朝南岡添響瀑西郭漲虹
橋洗車還隔轍沉電復傾巢焦明翻摧崩彩鳳羽
飄飄誰斬黃廉足煩令積潦消宵行無熠燿戸閉
濕蟪蛄或恐天河決昏墊歷神堯欲作息壤歌刺
促商羊謠女媧漏未補墨突不須嘲

靳州盧府君闔門殉難詩

有序

府君諱如鼎字呂侯楚之靳州人世以篤
學厲行聞舉茂才試輒冠曹偶手箋四子

抱郭康肅車

卷之三 五言

上

書尚書諸解學者多宗之性至孝友家庭
之內雍雍肅肅問巷成爲矜式有諍訟者
不之官而之盧氏里民詹某暴卒而蘇忽
踵謝於庭曰某爲鬼伯攝至冥府聞君與
某約汝算未盡應得釋第須押赴同里正
直入盧某詢無惡蹟乃可已得公簡還報
始復生其獨行純至感格幽明如此祭未
春有寇襲靳府君以恂恂儒者躬集里人
分布開隘賈勇死守賊分道突攻公血

得稍却而他堡旋爲賊陷從後剗刃竟及
於難公次子紱妻楊氏亦斬望族偕母朱
爲賊所執時有娠不能行賊欲負之走紱
之曰姑待吾自行至大焰處攜母手投入
火中移日焰滅頭足僅存而其娠已墮諦
視之男也公猶子紳配夏氏子震初俱死
於賊震初妻袁氏度不免拜辭其祖舅姑
抱週歲子投井沒時公長君孝廉紱以計
偕獲免歸而收葬之士門株樹林爲具闔

門殉難始末泣訴所司具疏請旌表值改

革中止至

本朝已丑中進士第由邑令累遷藩臬凡
三報最贈府君至大中大夫因詳脩家傳
徵詩篇以紀之余惟自古節烈之事載於
史冊者多有然皆有位者也而士流未之
見也皆異地者也而一門未之聞也皆曠
代者也而三世未之紀也噫其難乎敬述
五百字以附盧氏家傳之末他日信史下

採大書特筆尚有考於野乘之言

斯山何巖巖斯水何湯湯蜿蜒孕英靈薦生此貞
良乘風馭灝氣挺然來帝旁下爲溷濁世挽扶已
頽綱絕學向千載一朝開混茫微旨宜大義鴻文
抽秘藏衣被執經傳爛焉分天章雍雍孝友聲琅
琅通德鄉質成倚平反食曰上公堂風聲一思服
名教多激揚幽冥尚可格况迺乎黨庠相與尸祝
之曾不異庚桑惟時勝國季有寇薄城隍公素靜
退聞義勇發倉皇振臂卽雲集亞旅儼戎行險隘

旣分布公也一面當登陴數力戰敵勢頗沮喪他
關俄失守蹂躪遂沸湯身無一命寄壯哉殉疆場
碧血裊丹心虛無照八荒爲五嶽拔地爲列星耀
芒熊熊不可磨千秋仰靈爽所難公有媳裔出某
族楊與母偕陷賊志操堅冰霜恥爲賊所挾相攜
投火光燄滅遺殖存男娠墮已僻又有猶子紳伉
儷金罹殃紳子震初者從親爲國殤其婦尤奇烈
抱子週歲強拜辭祖舅姑躍赴井中央是爲袁氏
女與楊金流芳藉古節義事曠代遙相望盧氏胡

獨然巾幘昔冠裳一門萃三世俠骨爭馨香蘭菊
猶不生威風無凡風正氣所凝結鬱確排天閭斯
曰國之禎斯曰家之祥我聞忠孝間其後必寔昌
長公金閨彥勃興振青箱維屏開節鉞策勲在旂
常前脩旣彪炳後業方焜煌惻然述祖德家乘垂
珪璋誰歟職倬史載筆行取將鄉評請崇祀國典
用表坊忍使大節泯語焉或不詳蕭蕭株樹林壑
繁土門岡嗚呼一門者行道猶薰傷嗚呼一門者
靡俗猶激昂嗚呼一門者歷劫猶孔彰斯山若加

魏都廬詩草

卷之三

五言

高漸水若增長

春晴過遺民西園

惠風扇微和霽日煦村塢迢迢一策杖言訪西園
主把臂欣入林爛熳花當午潭疑游物外瓊樓玉
爲宇弄音嬌語誰學笑幽蘭嬌亭亭共素對靜覺
韻升古得句起行吟蒙頭暈香雨

深閤

深閤疲我神推背起遶巡晴光蕩野色遶此無邊
春幽趣成日涉三徑隨步屨繞畦不覺遠翻飛逐

黃蝶

止酒敦香山

生平累勳業中宵持一觴極飲不盡壺聊取寄倘
徉憂來內焚和齒痛頭復痒醫言厲酒戒勉守約
三章涓滴不入口丙夜投匡牀昨聽風雨惡擺樹
成鏗鏘僕本陸沉者輾轉色淒涼假令三四酌徑
造無何鄉此中天地濶日月饒輝光賜和兼抱德
搖作俱堂堂誰貴復誰賤誰贏復誰羸誰枯復誰
苑誰否復誰臧勞攘得晏逸寒驚亦騰驤胡然愁
抱都廬詩草

卷之三

五言

思積使我心茫茫紅螺起相慰短歌招索郎

集花下分韻得菊字

閒居適寡懽逍遙勇遐矚長林不榮條原草無遺
綠感茲激中懷興焉叩鄰曲呼我素心人及此香
醪熟念彼凌霜枝冉冉媚幽獨有酒不能醉寒華
徒自馥披襟向衆芳浩歌瀉一斛行樂亦復佳何
迺徒留緇不見柴桑翁空鴈亦對菊

積雨初霽將訪梅源先寄西園主人

晨對淒風晨暮聽沉雨暮歷亂作悲涼黯黯春愁

度惆悵羅浮約冥濛鎖香霧烟霏次第開玉鱗淺
深破一棹窮僂源猶誌綠溪路

送越九北上

嚴冬十二月送子遠行遊遠行復何之驅車向皇
州夙懷澄清志敢戀泉石幽朔風厲長林凝霜被
岑丘僕夫迫晨征去去不可留執手臨路岐俯仰
悵悠悠壯遊寧不歎何以慰離憂君爲雲中鶴余
爲汀際鷗卷舒各有真動靜適相倚願言共努力
立德垂千秋

抱鄰廬詩草

卷之三

五言

七

初冬錢子醉余歸越詩以送之

寒煙澹村墟霜氣疎林薄竟然來足音一笑披帷
幕晤對狎已忘誰知卽離索揮袂欲辭去恐作數
日惡家釀爲君傾驪歌爲君作遠予南浦望黯然
情何託越山與吳水晨征兼晚泊亦有腸中輪迫
隨共寥廓

與康小范握手道故欣慨交心紀此爲贈

在昔別君時壬辰歲云秋相送城東門把酒餞行
舟驪歌發高唱盈觴勸復酬夜久惜餘燭涼月生

離憂揮手贈我言京華會同遊霄塗逼咫尺無勞
悵阻脩蹉跎詎至今俄復七載週衰衰爭先登而
我獨沉浮念與故人期愧汗恐莫收今來忽相見
悲喜不自由我爲君踟躕君憐我淹留五嶽隱未
平意氣拂吳鉤嗒然振長嘯雞風爲颺颺坐對尋
鬚眉開端始綢繆契濶曾幾何年華駛若流寥我
何時廢將舞奏得不具言客歲冬雙珠掌上投歸
將具昨盤一堂喧笑稱爲余揆初度坎壈行漸休
別極於復來悲鳴何耿耿遂誇豪隘富自向破錦
搜烈環一擊節相與豁牢愁咄哉乾坤內交態空
悠悠如君見至性豁合古人求逝將奉檠隼追隨
橫九州試看豐城氣還能冲斗牛

鄒明府百鹿屏詩六首以鹿字爲韻

奕奕元化宰英聲起天祿出政熙春臺鹿人豐夏
屋山川開瑞圖蟠動欣萬族琴堂草色深時復純
馴鹿

圓源與方流隨地湧萬斛豈哉正始音風流顯前
躅鷺水清以深螺峯丹且綠神秀何所鍾香爐隱

白鹿

洋洋黃歇潮遠近一滲漉西江沛澤流何生不浩
育大地陽始回吹律應黍谷羣歌帝力忘醇風返
枝鹿

夙昔志澄清體轡從所欲臣心湛若水迥漪映輪
輻朱絃動薰風手扳對朝旭異時廉吏傳常山紀
還鹿

種本自仙山遊亦在西竺琪樹爲璇宮甘芝卽嘉
穀五色如駒駝雲霞淨新沐莫作畫圖看此是隨
包都廬詩草 卷之三 五言 尤

車鹿

一門幸四世君子宜五福巖巖堂上人皎皎髮如
玉雲翹天際來紫梨秋正熟獻壽千年期笑指漢
時鹿

歲莫和坡公岐下三詩

饋歲

富貴競浮侈山海迭陳佐盤飧前翰繁異遠夸珍
貨好美良足恣氣勢居然大手指百億勞羊奴千
雙卧將軍好腰圍瓊羅滿座沈沈楊雄宅握粟

蜀春磨饑鶴啄苔水亦許佳節過雪吟寒蕭蕭祇
博高人和

別歲

羣年百端集頗恨歲月遲果若驚鷗逝怒呼安所
追願攜一囊書遠去天之涯避喧非避歲總總乃
有時黃暗柳絲短紅明玉藥肥白晝且大坐無事
兒女悲如何刺促久歲復向我辭憂眠意慘惡長
此將無衰

守歲

包都廬詩草

卷之三 五言

尤

嚙膝愁二鼠窺井畏四蛇請搏兩九子好倚懷袖
遮瞬視春秋謝造物將如何鞭笞鸞鳳行千歲靜
無譁何爲一宵中漏歇鼓復揭如手障百川能禁
斗指斜神倦不可學歲月空蹉跎簪燈聊晏坐
醒亦足誇

抱朴廬詩草卷之四

雲間周金然廣菴著

七言古

古意

煙重柳腰吹不起風輕小院蘭心紫粧臺爛熳初
睡醒倦眸流盼清於水越羅如雪掩嬌膚欲語不
語愁如何阿誰前近屏山側佯搔障髻調鸚哥

三月三日

春莫日重三江城滿飛絮撩亂晴暉不自持傷心

抱朴廬詩草

卷之四

七古

一

欲攬韶光去東家小婦最凝粧春睡嬌酣白玉牀
夢魂顛倒啼聲昵鳳釵落枕愁茫茫中庭蕙草素
書絕曉衾白撫香肌雪勸郎莫逐柳花飛漂萍無
蒂何時歸

老傭歎

老傭龍鍾亦可憐脫粟一升日晏眠有時得酒如
菜瓊不羨王侯與神仙終朝但掃柴門前駝腰鰥
耳百不便農家豈得弛負擔辭勞歎苦每喃喃我
戴仍俾餘瀝沾笑而頷之等蜜甜吁嘻緩急用人

貴足使莫學侏儒第飽死傭聞此語笑不止尸祿
枝官亦百爾虛糜脫粟常如此

負薪翁

菰蒲荏葦民利賴長舸大舶來海外一從傳箭驚
鶴唳炊者是玉薪者桂千門有突煙不青老翁負
薪行伶仃只望買薪旋握粟今朝不復羞疊餅豈
意橫行街市裏三三兩兩兵家子公然有力負之
趨老翁唇焦呼莫理歸來喘急色慘悽俄到場頭
酷日低未知襄發作何計還顧兒女悲復啼我慙

抱朴廬詩草

卷之四

七古

二

負薪翁翁且勿淚漣不見鈞鑠捆載無數船扶風
頻盡黃浦邊

大雪謠

乖龍蹴翻天河水造化弄之作冰蘆一灑萬山悉
縞裝散漫碎剪乾坤帝堞粉鸞翎上下狂梨魂玉
魄絲絲死先生乘醉呼白鹿却走瑤池王母使騎
鶴追來三萬程青都路認珊瑚紫

夢天謠

我昔夢天月皎皎九朵芙蓉望中小而今跌宕在

人間春鳥向花啼不了興來欲寫夢天圖筆蘸瑤池作硯沼心中偶憶杜陵句春花冥冥日杲杲相逢得意且爲歡莫遣落花愁難掃

送程弘執還白嶽

程郎六載爲客浩蕩江湖間敝裘短策相逢時與破愁顏狂來浮白向天輒大叫興到揮毫落帙不復刪恰如逸驥奔騰莫控制又似身蹈百尺難躋攀斗大泥城聚蟻蟲何意君來遂成二老相往還公瑾之醇惟許程普醉不識行軍一變細柳旌旗

抱朴庵詩章

卷之四

七古

三

殷政誇工力悉敵同沈宋庶幾高談莫逆等尹班一朝辭我去駕言歸故山故山渺何許乃在齊雲之巖天門之宇糾盤遙接黃山麓襟帶迴環點水渚上有香爐之峰吐瑞烟下有珠簾之泉捲飛雨五老駢肩而却立三姑驛養以延佇中有福地洞天瑤玉旭非復人間晦明寒暑我欲往從之恍惚聞天語塵網牽人志不遂夢遊惟共予與汝畏君別羨君歸君歸故山陞還君山中白雲堪自怡余戀故巢棲空負柳條梅萼爭芳菲不得隨君訪

靈境瑤草無人自滿空山徑期君拾得貯奚囊重來併取新詩恐持贈

送劉山人歸新安

劉善星

黃山高渺何許送君歸悵浦淑山遙水濶良晤難盡少須臾掉頭去聞君此去學向平婚嫁未畢櫻其情一朝讀易悟損益徧遊五嶽萬緣輕我嘗愛君談星指掌探玄奧君亦愛我揮毫落紙臻神妙草玄草聖空白頭不及高懷恣嘯傲升沉已定復奚疑知我如君勝自知他日逢君更何處一樽重

抱朴庵詩章

卷之四

七古

四

與細論之

玄冥行贈遺民 廷對北上兼寄訊張泰安

越九

君不見玄冥一至寒威令木落蕭蕭草枯折又不見陽回大地遍生春一時草木皆精神始信榮衰無定在達人大觀胡足惟滿眼兒曹羽翮成競拔蜚孤逞先登大都帶骨無霸氣時來不得誇誰能先生名噪海內三十載讀破萬卷才如海日食太倉數升餽老爾風流與文彩祇今對策方入都

言憂憂去其膚漢家求賢新詔切異激遇者非君
乎吁嗟我生獨潦倒文章如羽名如草近來結交
逐勢利君與途窮阮藉好魯州刺史頗知余年來
不報一行書經過倘問貧賤士寄言爲政心何如
送半嶺北上兼寄朱天襄張青瑀諸子

屈指四年間送子凡三度今來上河梁黯然倍難
吐彌年此地送人去爭着先鞭不我顧蒼茫獨立
悵雲霄地老天荒莽回互徒爲拊髀慨蹉跎壯子
斯遊發浩歌灝氣已吞雲夢澤雄心欲奮魯陽戈
抱都虞詩草 卷之四 七古 五
男兒成名須及早如子鵲騰猶自好破浪乘風莫
更疑回頭毋念我潦倒京華冠蓋多舊遊遲君染
翰鳳池頭爲道故人相問切尺書倘寄慰沉浮

喜顧五燕歸

時聞
道警

經時不見顧虎頭兵戈阻絕增離憂生平與世無
一可更於何處漫依劉家無僦石曾不顧掉頭自
出門前去丈夫遭遇會有時遮莫兒曹笑奇數昨
忽傳君間道回布帆安穩脫喧喧莫厭囊中尚荒
澁得歸相對且斝杯

正始篇訓程鶴湖

百年以來無正始崆峒已遠信陽逝雄哉近代陳
黃門重開生面開乾坤雲間旗鼓遂無敵恨不同
時一相識何意新都程子復出奇高築騷壇滄水
湄幽情真寄何寥廓傾江倒海文思落須臾彩筆
飛翩翩萬言對客迅掃如流泉樂府突過黃初上
詩歌方駕前代諸淵匠兩人神交十載餘一朝握
手訂相於詩來謬推千載風雅事品曰蒼奇吾滋
愧今秋贈我桂樹篇更以前朝才子何李相比肩
抱都虞詩草 卷之四 七古 六

許我北地稱同調憐我雲間和歌少勉我立名早
致身慰我文似相如豈長貧三復贈言三歎息感
君意氣何所極眼前交態空悠悠每思陶謝與同
遊力追正始公無忝相遇中原吾未敢還期努力
千秋萬歲名他時不朽益周程

陸曾菴舉雄志喜

有序

會菴陸甥平原詒穀文裕傳芳家聲直嗣
機雲品望兼兼追玩納荀君之清識難尚里
署高陽鍾皓之至德堪師風承長社人倫

東國領袖後來文譽南宮振衣先輩坐擁
臯比之席興懷饒餉以歸墅近林泉堂開
荆桂名堂方新輪奐芝秀乎齋房迺晏寢興
熊占夫吉夢歲值上章之晚律中無射之
餘莊似藍田紫萸爛熳而盈把籬猶彭澤
黃菊紛披以汎觴充間之氣佳哉照乘之
光的若爰禱先祿而叶瑞用紹祖德以誕
馨弧懸已志四方震動華徽一索乃公通
視神觀都清隣姥喧傳眉目如畫龍文炫

采慈明先見無雙虎氣上騰偉節早聞最
怒咏前人之澤念彼槐陰蜚異日之香方
慈蘭晚慶萬事之已足是百斯之未央敢
綴新篇慚稱妍唱耳

昨歲賀君新卜宅華堂詫有熊羆色俄聞閣裏夢
長庚果爾珠投掌上明試啼便識真英物麟角摩
挲殊突兀國琛本自川嶽神豈徒蘭玉謝家珍始
悟真宰有深意扶輿積氣鍾靈異星精誕降故遲
遲降息霜蹄千里馳試問爲遲還是速似此寧馨

遲亦足只今懸弧乍慰情人傳已伴乃翁名乃翁
藉甚文章伯金馬門前早射策已厭承明歸去來
東山捉鼻且徘徊蒼生佇望爲霖雨待指雲霄相
接武祖德孫謀豈偶然傳經世世學韋賢老我公
然丈人行每向人前誇宅相有兒空佩紫羅囊他
時只好共吾長邪及君家丹穴種纔唱將雛神已
聳漫尋湯餅會中歡拭目鷄鸞隊裏看

歲暮行訓李竹西

荒城歲暮愁蕭瑟詩句酒杯信寥寂我友喬生忽
寄言間有當今謫仙客逸氣翩翩海上來能向風
塵具眼隻見我新詩擊節歎還枉投貽一雙璧江
干春緒及秋詞俊逸清新兼有之王孟云亡秦柳
歇今日逢君君更誰爲君開筵集上客登瀛人其
相追隨是夕共十八人杯轟耳熱文星動燭瘦歌殘夜漏
遲漫辱雄篇爲紀勝落紙揮毫意滿勁謬許周郎
天下才詩筆一空甜俗徑今之作者我猶歎擬以
鄒枚毋乃佞知君至性同古人一時駭耳久論定
呼嗟人生知已不須多流俗紛紛當奈何得一

音可不恨千載鍾牙調未孤感茲邂逅無所惜欲
傾家釀話時昔燕詞未足報瓊瑤庶仿任華寄李
白

姜生歌

姜生奇崛人人爭呼爲癡然應之無恙色時俗
不解乃共嗤吾笑謂姜生茲名詎易得此曹但皮
相安知癡中有消息君不見阮嗣宗越禮不可訓
昔人乃稱爲至慎又不見劉伯倫耽飲日沉寔誰
知閉關善翦精古人有託而逃意不淺放浪形骸
抱朴子書

卷之四

七古

九

去之斯更遠姜生至性實過人談諧往往見天真
自言有母不能弛負米某也此身烏敢以許人忽
焉縱談當世務鬚眉戟張肝膽露一遇人間不平
事袖裏龍泉鉞鉞聲奮怒少年豪氣橫九州汗漫
真作騎鯨遊酒酣慷慨爲長句下筆千言不少休
只今收拾塵踪谷水上黃金散盡色猶壯咄咄狂
奴故態未肯降讀易忽悟乾之亢有時密關先後
天畫前之理玄中玄姬象箕時悉糟粕吉凶悔吝
靡弗指掌而瞭然姜生姜生誠達士余亟稱之良

有以舉世情騰膠擾乃盡癡癡如姜生亦足矣

曹魯元父子草書歌

君不見曹氏父子天下奇兩枝斑管纏蛟螭郭中
自昔才最盛琴川繼起遠過之阿翁夙號文章伯
虎視騷壇踞一席復以餘技通草聖有時臨池池
盡黑好事爭購如堵墻吳綾蜀牋堆滿牀興酣落
筆雲霞起歛見光芒萬丈長須臾掃盡數百幅變
態縱橫看不足或如舞劍渾脫以瀏灠又似鬪蛇
糾紛而屈曲滿堂動色擊節歎阿誰旁睨思躋攀
抱朴子書

卷之四

七古

一

八齡之兄更英上眼大心雄妙已殫欣然捫管承
甥似仲希疾書無顧忌別出機杼敵乃翁雙鵬並
搏各爭勢無論碑額與柱聯大或如斗小如拳龍
跳虎臥不經意驟雨旋風驚四筵乃知此事非閒
工力老天與君家雙腕巧大令故當嗣右軍丹山
有鳳雛亦好吁嗟我生數歲餘誤學塗鴉就草書
年來竊慕古人跡瞠目間與還趙趙苦遭世俗不
相放手不停毫徒漫浪窮年煮字難療饑空使胸
襟氣凋喪如爾喬梓藝絕倫囊中亦復如余貧鳴

呼古來盛名常換壞胡勿焚却筆硯飲吾醇

秋夜邀梁溪馬兆豐山陰吳沛雲同學陸增

路集小齋醉歌紀事

馬君忠義之子鳳之雛岐如秋月懸冰壺吳邵越
客喜遊吳能賦真如古大夫平原翩翩逸遊數大
小兒作機雲呼高秋良夜不可辜聚之一堂相歡
娛邂逅誰能形迹拘且燒華燭傾百觚杯闌氣熱
話模糊起前致詞還向吾皆言顧曲風流絕代殊
爲我彈絲歌烏烏一彈再鼓音未徂調高絃絕難

抱朴庵書

卷之四

七

追摹我欲更張重斯須諸君莫便拂衣趨天涯同
調落落晨星孤難逢輕別胡爲乎梁溪之水隔五
湖會稽之山天一隅交遊四海盡吾徒白雪陽春
更有無噫戲呼白雪陽春更有無

贈新娶 迎春日作

軟風吹徹霜華薄春氣氤氳透羅幕幽蘭學笑逗
芳心梅蕊關情吐紅萼九衢彩仗連十里點綴藍
橋會儂子合懽危傳琥珀濃同心帶繫珊瑚紫流
蘇帳底宵如年漏盡銅壺未曙天歡作博山懷裏

熱儂爲沉水香舍烟殷勤夜烏啼宛轉起看日炙
綺疏暖夢回鸚鵡催新粧喚索今朝畫眉管

訪梅遺民西園同次坡公松風亭韻二首

第五橋北高人村昔曾憩此清心魂彌年誤被塵
網縛一去汗漫風霾昏至今夢想猶眷戀每如羈
翩思林園主人報我瓊葦圻已呼餉客新酷溫連
旬帶雨苔封滑曉來花徑篩初暾倒衣命駕扉已
啓惟有閒雲時護門登樓一放醉眼白花枝起舞
烏能言風迴香陣撲几席玉鱗紛飛倒入尊

抱朴庵詩草

卷之四

七

春風滌蕩溪邊村暗香脉脉返清菟翩何玉奴凌
波立嗟然一笑靡東昏暫疑乘鸞來月下亂吹瓊
英散野園西園先生今靜者閒吟幽賞資清溫熱
客從真但堅臥日共寒榮偃朝嗽呼童爭掃花下
石遲我攜琴客到門踞牀爲作三弄畢起視四座
悄無言巡簪酌酒更索笑疎枝冷蕊交窺尊

贈楊玉衡

玉顏如花照楸枰昔有國手姚書升引商刻羽入
神妙絲肉塲中推陸羅書升善天曜亦亡代興誰

復兼其長嗣何婉戀楊家子明眼一雙剪秋水清
簾疎簾望若仙敲碁破敵紛如烟何殊綸巾白羽
扇指揮談笑風雲變有時艷唱嬌上春當筵撥阮
態橫陳花間徐弄流鶯語綺窓幽怨尋爾汝颯然
變徵按涼州金戈鐵馬風颭颭霓裳忽轉鈞天奏
游絲一縷颺清畫曲曲令人喚奈何腸斷繁音復
曼歌從今欲畏鵲絃去逃入空山欄柯處攜君落
子度新聲長謝人間蠻觸爭

賦得蛟龍得雲雨

包郵廬詩草

宋之問

七古

七

神物困於壑蛟龍失其勢塊若洞轍鮒揚鬐徒有
意江邊蛟蛇顧笑之鱗角呼噪不自持領下明珠
空爾爲山潛離隱知何時嗚呼英雄失路盡如此
長嗚呼鳳豈獨北山鷗天用惟龍古已然勅龍莫
向滄海眠硯池一滴猶可化况復鞭霆下九天十
年安穩江左卧變化飛騰只指顧霖雨四海不崇
朝嗟爾蛟蛇休震怖始知有屈必有伸天下蛟龍
豈無數

豫園奇石歌同程村柅園半齋作

生不及遊茲園全盛時猶見冠山朱堂敞陸離崇
巖名勝表南紀奇石傳是隋唐遺當前疊嶂峙參
斗石名奮挿蒼天以背負周遭紛倚玉玲瓏石名彷彿
太華青芙蓉按圖索之飛駿出石名瘦骨稜稜對風
屹支遁相逢定賞神米顛若遇整袍笏諸峰羅立
盡凌虛嶽岑嬋娟面面殊還疑漢使銀河竊豈有
秦鞭東海驢一從浩劫灰飛時代改尚書第宅竟
何在奇石巋然尚獨存無乃此物關真宰我今摩
挲其下意蒼茫相對高歌白日荒仙人露掌割空
抱郵廬詩草

卷之四

七古

古

立叱爾何不遂成羊河山既殊風景異肅若典型
爾未墜雕鏤恐是神鬼功耆舊猶思休沐賜呼嗟
爾生骨相磊砢不宜薦上林惟子堪訂石交深寒
山一片自可語石乎胡爲棄汝荒園陰

峭石園歌贈蕭九牧

君不見匡山之峰拔地雄五老陰嘯天門東飛來
化作青芙蓉伯禹南巡竟未封躋攀蠟屐不可上
徒令氣逼斗牛空又不見岱宗之旁二石出銘曰
五車漢時立成都石笋不足奇織女機絲遡難匹

至今沉頓空山下賞會無人自嘗舉何似君家峭
石圖嶽寄屋落窈可娛居然秀壓衡與嶽不數崑
崙五色殊主人風負還石癖結社其中恣遊適撫
琴響蒼泉山間落子聲傳幽澗側著述已看二酉
殫藏之何用求名山只愁猿鶴旋相怨泉石終難
老謝安

題松竹石圖贈王使君

竹君子松大夫鬱林之石乃其徒下有千年之朱
草上垂百尺之青蘿使君高操具此圖冷然水署

試懸諸調琴舞鶴閑相對一種清標合共俱

偶題硯篋

斷瓦鄴宮瓦飄屑澄泥叢臺泥滑滑是中不逞亦
就沒一方含白何泚泚松煙霏青石凝紫嘗供郭
老寫蘭蓀兼伴陶翁書甲子

題古松圖 爲周司農

吾愛慈仁古松真奇絕一往從之興奔悅安得畢
宏韋偃今復生貌取虬枝鬱鬱如屈鐵經營意匠
駘風雷卓地撐天恣超軼機圖先生真好事畫圖

倩得胡高士直覺偃蓋蟠翠生筆底持示雲間大
瓠子余笑且歎謂先生吾曹老大屈折常如此

僧集硯蠅歌

喻廩新磨硯光發濡毫聊取自怡悅須臾竊附繁
有徒攢集何堪恣饕餮餐塵尾千迴拂不停去來無
端頗超忽翻嫌墨瀦太無多入耳營營如有說畫
屏真欲遭點染白璧何辜被淋漓怒來便欲拔劍
駢怕汚龍泉還且歇汝曹幻化最神奇能變白黑
炫明哲樊間逐臭儘自豪醯鷄爭鳴足鼓舌虞詡
猶生弟未須郭公遲爾躬三折

秋水圖觀打魚

西園落花游絲颺春晴風景足芳暢交柯斜出照
芳塘花影游魚晴欲上攜尊命侶漾梁間鴛鴦驚
飛蹴花浪挺又沉網破綠苔毯毯柳線春波開水
深烟暖失浩湯紫鱗撥刺非常才縱橫競看銀刀
出玉花碎起每停杯

同心蘭歌

雙帶瓊枝若木倚吳霜驚飛荃葉紫桂樹輪孤蕙

帳明文章楚頌今爲枳碩果親封白帝烟小桃繁
李爭妖妍荒深颺運離憂路金徽蕭械飛紅泉無
言氣熱雙峰聚欲共招魂招杜宇隴頭流咽聽潺
湲傷心使客悲鸚鵡蘭襟玉筍何瀾瀾對彈長鈇
呼蛟螭芙蓉秋水沉霜鏐千年匣底盤雄雌荆卿
之客游俠流誰當知我鮑子儔分投蘭茝貫金石
不與猿鶴騰高秋吾客不來叔牙死江離寂歷委
芳芷殷勤紵綺雙龍梭連蜺何處詒霏子咄嗟蓮
小蕉空泚蕉巵千重亦徒爾與君太息何時已當

戶涼蟾泣月姊

金蒂蘭歌

殊風吹動蘭沙色青藍霏塵華池側金觴綠酒偶
晝長玉泉鱗映文鴛翼小姑弱步臨青溪蘼蕪苗
苜空低迷朱愁粉瘦最掩抑錦衾連理仍單棲露
樅蕩漾乘風客欲探支機雲外石天孫自理合歡
絲莫問蘭香降張碩夜深悵斷玉簪空遙聞鷺吹
紫清宮綠輅翠輦神霄度颼颼秋啼荷葉風別有
幽歡空谷裏繁霜白雪娛君子郎歌盤石何泠泠

簪簇魂繞琉璃七候濯霧波招若人撫琴弄酌在
斯辰方知紫玉香心重始歎文韶艷曲新看去羊
生真婉孌繇來鬱嬾定奇芬桃笙自卷梅花帳染
筆閒情却爲君

抱朴齋詩草卷之五

雲間周金然廣菴著

五言律

大浦觀潮 四首

不盡怒濤流，龍江八月秋。
氣吞津樹沒，風逐浪花浮。
今古同杯水，乾坤一芥舟。
此生何處著，浩蕩信滄洲。

滄洲

奔雷翻隱隱，高浪盪層層。
八九吞雲夢，尋常貼廣陵。
魚龍渾失勢，舟楫渺何憑。
澤畔垂綸者，宜憂畔範都。

暮崩

拾級上危梁，憑窗俯大荒。
其魚愁海國，如馬下瞿塘。
灝氣迴天地，奇文闢混茫。
乘槎問消息，銀漢近相望。

汗漫知何極，誰言戒洞庭。
不開萬頃白，低壓一天青。
出沒波心樹，依微驛外亭。
扶搖倘可借，吾欲徙南溟。

登埭和韻

登高一杖策，縱目送歸禽。
波遠浮山淨，雲繁匝地陰。

陰孤城迴落照，萬井散寒砧。
攜得驚人句，天風下吹音。

夜集西園分韻得林字

一座文章伯，千秋道義心。
深杯常肅穆，老樹迥蕭森。
家擅黃初體，人操白雪音。
三冬龍卧穩，抱膝且長林。

夏日曹綠巖招同顧宜隱徐松之西崖集南園卽事 二首

愛此名園勝，招尋況主賢。
那能拘坐卧，隨意選林泉。

泉妙理存紅友，幽情閱綠天。
話闌群籟寂，忽送一聲蟬。

聲蟬

延賞心都慨論，詩調更同杯。
傾須盡日襟，豁好當風魚鳥親。
人處亭臺暑，書中分構猶。
帳望宛在碧雲萊。

顧子見過

身隱文焉用，知希道自尊。
頻來懸問字，相得澹忘言。
夜雨肥蔬甲，春泥長竹孫。
不嫌供小摘，細酌向南軒。

南軒

上巳雨中感懷 二首

濺雨連朝急，羣雷繞夜行。
沙黃村岬失，墨漲硯池平。
溪樹凝烟重，鉗花帶酒明。
銀河欲誰挽，天地未銷兵。

踏草春泥沒長吟，擁膝高蛟龍窺破壁。
風雨綫綫

袍杏粥青烟斷是日清明榆錢綠勢豪浮觴懷往事王

謝亦吾曹

寄訓陳山農次來韻

判袂升溝上，蹉跎又一秋。
更爲南北望，祇益別離

春事

卷之五

三

憑交態浮雲變，年華逝水流。
知君遊自壯，不用賦

登樓

夏日問篇

滔滔朱夏長，永日不離鶯。
密葉飛深見，高眠聽越

清巢端宜嘯，子林外且銷聲。
斟酌三春候，雙柑與

細傾

菊蕊

菊蕊離披弄，奚奴贈我私。
小紅違俗染，太素出天姿。
楓外吳霜豔，蜂前楚客機。
簪餅幽韻發，戲蝶莫

教知

空囊

未覺朱顏改，惟愁綠醖空。
破書千束外，長款一聲中。
鴻歸夢無甚，巴童怨豈終。
多慚杜陵老，略有苦吟同。

九日 二首

水瀾黃龍浦，風高丹鳳臺。
百年催物變，千里迫心開。
花搖落荒村，暮疎狂濁酒。
杯佳辰樂事，妙愁對菊

春事

卷之五

四

憑高風景切，一望總蕭森。
逸矣龍山令，悠哉梁甫吟。
朔雲迴鴈肅，墜葉倚門深。
莫話茱萸節，徒驚鶻

莫心

秋日飲舉凡姪齋

愛爾耽閑曠，頻來費摘蔬。
玄玄傾尺腹，白白傾雙魚。
玉露團香晚，銀牀報紫初。
江村烟火起，相送暮鐘虛。

和周望人穀日喜晴 二首

穀日連人日，驚心物候初。
穀祈儉歲後，人惜壯年

餘鏤絲千門勝堆盤幾葉疏花前傳好句名下果
無虛來詩有花源消息句故用薛事

穀日連人日條風脉脉微晴初占有麥暖漸慰無
衣問柳黃猶淺探梅白乍肥佳辰正休暇好共叩
禪扉訪屏公也

同祝只園訪顧子於小滄洲用壁間韻題贈
四首

遠徑依流水開軒帶古城芝蘭君子氣濠濮達人
情門靜稀題鳳林深未轉鶯兩懷偏綺麗搖筆燦

花生
卷之五 五律 五

端居竟何事盡日擁書城蔽竹人間世栽花物外
情碾渴閒浴鷺柳幕巧藏鶯坐久無塵雜惟餘虛

白生

自得滄洲趣何須隔市城茗柯參實理翠管寄深
情相動相隨蝶嬌啼自在鶯坐來珠玉側無復鄙

心生

已開三徑竹更築五言城蕭寂名賢致招攜我輩
情捲簾迺舊燕出谷待新鶯好復圖三笑長康爲

寫生 顧子工書

憶梅源

萼綠年時豔魚鱗贈小詞疎香空酒牋密雨暗芳
池月挂三更夢花飛十丈絲那堪將往日一度賦
湘纍

夜集周望齋次馮水甄韻 二首

明月南樓夜清尊北海居醉憐歌慷慨老愛興蕭

疎鄭驛能畱客文園好著書得閒長彥會底事賦

歸興 水甄將
還郡

抱鄰康詩章 卷之五 五律 六

呼黍來今雨登堂接古惟少經談不倦白雲和皆
難風落秋聲迥參橫夜色寒深杯存如理能使百
憂寬

穀日立春同錢子向子集祝山客少府邸齋

次韻 四首

條風初隱約淑氣卽清佳密坐羣賢集華嚴四韻
排論才真似海有酒況如淮此會方前哲何如曲
水涯

瑞雪先春好春同霽亦佳 先一日 郵筒連日訂景

箇凍泥排飲量傾三峽詞源導兩淮吾曹須底物
勝侶卽生涯

人物誰高下清言一味佳客無拘禮數吟不費安
排司馬仍遊蜀元龍本卧淮曠懷兼雅量一醉思
無涯

孔融尊劇滿杜甫句就佳襟向風前豁愁從醉裏
排高歌稀和郢大筆壯平淮好復尋觴咏鶯花未
有涯

花朝雨後

杜鵑詩五律

卷之五

冥冥春夜雨愁絕杏花寒曉起憑闌處東風吹未
乾龍孫知漸長鳩婦語相歡又見溪南路柔條學
拂鞍

寒食

寒食春郊路東風倍可憐無才題御柳有恨咽重
泉軟步茵初積晴樓月乍圓官橋看度馬放牧又
如煙

苦雨

紀雨兼書電黃雲盡白波未諾元父意其謂野農

何魚釜矜蛙氣鵝衣學鷺義憂天白無暇桑戶可
琴歌

遣民將入都邀之話別

故人辭我去剪燭叙離思細雨肥黃韭新醅寫白
瓷別長難盡話更短易遇期此去關河迅寧愁破
浪遲

三十明朝是教長慶

四首

三十明朝是黃門鬢已星思親彌隔歲望子漸添
丁遲暮嗟何及飛騰惜未經晨鷄且莫唱耐我

抱都廬詩草

卷之五

五律

八

燈榮

三十明朝是窮村正讀騷盤餐從婦儉鉦鼓信僮
嘈市市烹肥饒家家煖濁醪等閑新故代底事送
迎勞

三十明朝是茫茫感百端蹉跎憐極褐束縛奈備
冠放醉窮愁盡狂歌夜色闌老梅興不淺好作隔
年看

三十明朝是公然負歲華未知過此夜又作底生
涯世路覆萋鹿流光赴壑蛇祇應長閉戶焚掃對

楞伽

嘉蘭詩 四首

蕭齋靜夏枯蘭叢花既告同心爰徵金蒂
愁芳華之日臭傷播落乎國香惠而好我
庶幾入室以遊馨彼其何人豈曰當門而
齊怒荃茅數化魚鳥終肥悵焉染筆聊當
援琴云爾

北卧淹林影幽蘭結伴過求羊堪嘯咏劉阮一婆
娑似解明珠佩爭翻白雪歌鷄鳴蕭艾裏還歎手

無柯

松桂有真風連林秀晚容已知高和寡猶喜素心
從偶語時何禁同車客正逢馨香且延佇鴛浦月

溶溶

繞逕盈蕸葦丰茸盛有徒薇邊歌二士橘裏奔雙
雁共訝羲農久爭疑魏晉殊耦耕還結隱芳杜與

靡蕪

書帶結同心古著得盡簪鸛棲文翼暖燕語畫梁
深迎葦花非麗連房芝有陰孤根憐蕙草託所怨

繁欽

秋郊訪遺民

欲開南郭籬坐忘漢陰機鄰曲無奇賞丘園有避
肥半天霞薦爽萬樹葉爭飛漸近伊人室寒林露
短扉

疊前韻

苦厭塵中鞅時尋靜者機冲幽香入妙寥廓鶴難
肥傾爾詩篇富徵余骨肉飛攜將楓下坐錯錦照
山扉

抱朴廬詩草

卷之五 五律

十

村夜雨

雨動涼侵戶風鳴暗切窓暫時聲淅淅永夜澗淙
淙斷續清殘夢潺湲接遠江曉看新漲處陽浴自
爲雙

和李縣圃秋懷 十首

淒涼徒步客搖落况蕭晨萬壑濤聲怒羣山爽氣
新寒花空自覆病葉不成綦佗祭情何極長謠望
古人

莽莽平蕪盡荒荒野色浮杜陵吟自苦阮籍涕難

收江上青楓老淮南萊桂幽無邊風景切誰遣百
端愁

浪迹飄蓬似隨風不肯停落英和露掇哀角帶霜

聽鳥橫江湖白蠅飛天地青推顏憐鐵羽浩蕩未

梳翎

秋盡江南日平阜錦作堆山川相映發雲物自低

回楚澤空悲宋吳門漫隱梅余懷殊渺渺吟望獨

徘徊

風背秋風裏駢車到石頭板橋曾一別桃渡至今

抱鄒虞詩草

卷之五

五律

二

流夜月桓伊笛晨星李白樓十年空獻賦慷慨付

清謳

窮猿思絕嶺倦翮戀長林識寡才何用名浮道未

深曉霜羣木聳夕籟衆峰陰俛仰悲身世徒爲梁

父吟

枵材終合散瓠落故難肥失路驛驢蹶空倉鳥雀

饑斯人嗟不遇誰與賦無衣彈鋏非吾事西山有

歲薇

韋稊何淪落千秋少季和物情容遜遁世路轉平

披雲暗駢蒼狗沙明走白波庭槐生意盡颯颯掛
藤蘿

極口風塵合輪蹄着處忙砧聲暮雨外鴈影朔雲

旁水映芙蓉豔衣吹薜荔香文閣耽賦景消渴故

相妨

逆煥悲紈扇迎涼念褐裘滄江葭莢晚古道黍禾

秋俊鶻偏乘勢哀蛩故喚愁轅駒今局促何處命

雙輶

枕上聞雨憶落梅

抱鄒虞詩草

卷之五

五律

三

五更殘角後千樹落英時素素歸清影紅紅帶豔

思曉風臨笛遠流水繞絃遲睡起銀塘鷺窺香幾

上枝

瓶中牡丹

曉入露華蒙團枝壓砌同折來供硯北絕勝隱牆

東光拂花殘亂香沾彩筆融夜窻渾不寐憐爾肯

燈紅

以歌詩謁壽胥朱翁辱報贈言次韻

振衣欣得御問字黍升堂述作凌陶謝風騷擬馬

揚偶拈驢背草遂賞鴈門行却枉瓊瑤句投來徑尺強

張子惠顧兼餉魚鱗賦謝

警欬稀聞久何緣快盍簪覺然來步屨復此佐清談烹鯉加餐得持螯了事堪未能酬惠好立送只增慙

歲窮襟感三首時擬遠遊

雄心徒踴躍浪迹總荒唐居悔非廉讓交憐渺貢王念先旋握卜結客信擔囊收拾追隨具青錢管抱都廬詩草

宋之王五律

主

一床

飛光不假賒三十忽逾三繞指終難化低眉久未請呼喚歲且暮搖落樹何堪惟是雲霄客安駭萬

里南

儒冠幾誤我我亦負儒冠棄置休相怨疎狂強自寬步兵途欲盡洗馬恨無端願借長風便蕭蕭送

鍛翰

和阜公鐸卷十課韻

種竹

誰知蓮社侶更開兔園荒過雨彌天秀如雲蔭界長檀欒迷輞口搖漾對瀟湘會得真如意青青闕講堂

護筍

頭頭初地出箇箇宿根同解籜資風力抽梢借雨工會看成上番取次到庠空底事供禪味徒參玉版風

編籬

纏束非吾法周防豈拒來虎藁曾不害羝觸莫相抱都廬詩草

宋之王五律

主

猜聊衛荒葵足長西碩果胎寧須煩剖破眼界始應開

溶池

曹溪留一滴到此未全消定力穿溟滓弘慈呪石楸開山今是祖卓錫記誰朝疏得無波水風輪任動搖

澆蔬

生意初緣圃泉流正速增不辭抱甕力遂與灌園儕小摘看盈把長饑幸有涯神功存運水麗老木

同懷

淮桃

祇恐同僊李穠芳歷亂飄片時施法雨一溉長靈
苗荷粲花合潤蔣燕草競天何如武陵口溪路滿
英瑤

剪梅

刊却繁枝淨亭亭韻轉賒照顏一片雪索笑半檐
花蘭易高人致蒼寒壽者家但留標格在素對水
之涯

刪柳

若霧難分縷隨風易起波已將空作觀追惜手無
柯斷梗情何繫攀條感自多故園搖落盡漫逐笛
聲過

齋鳥

嗟爾常高舉齋時輒繞堂稻梁縱不羨飲啄詎能
忘守鉢依孤磬穿厨習衆香樹恩若有意因念古
翳桑

飼魚

萬族合生性纖鱗亦等倫但投無碍餌不罟一絲
綸命侶萍濠上投竿老富春我師多道感化雀滿
池濱

題畫

法自倪清閔神兼黃一峰全身佛開現半壁石泉
淙選勝憑幽屐敲詩信短筇洞天何用覓尺幅有
仙蹤

題西湖景 二首

最是西湖上繁華自古傳移來圖畫裏更與臥遊
北事廬詩草 卷之五 五律 其

便烟月資清賞山川結勝緣潭疑扶竹杖踏過六
橋邊

景色隨時得風光着處宜家餘吳越史寺滿白蘇
詩領略誰能盡纖毫更不疑晴窓懸素壁懷古細

探奇

輓令淵朱五兼慰其尊人及諸昆季 四首

荀氏無雙目何郎第五名誰能禁恨化我輩正鍾
情蘭失當門馥珠沉照乘明排間呼不出應賦玉
樓成

抱朴齋詩草卷之六

雲間周金然廣菴著

七言律

初春集遺民凝暉館分韻得催字

時主人將入都

日落春城凍未開一樽密坐喜追陪齊盟狎主誰
爭長落筆驚人盡倍才莫厭千巡金屈倒須拌一
醉玉山頽東風幾日添離緒又遣津亭柳暗催

晚春卽事次王西園見寄韻

眼見春光又暗殘草薰風暖試衣單好添綠蟻浮

抱朴齋詩草

卷之六

七律

一

杯瀲浮取青蛾舞珮珊隨意野花常嘒發盡情啼
鳥喚人看奚囊拈得尋春句待寄同心路渺漫

王子花時見招又屢訂卜鄰却寄

梅源竹塢路東西招我共閒志品題忍負斬新花
著雨爭教懶慢絮粘泥雲中鷄犬聞猶隔物外田
園望總迷爲有往還王十五草堂擬卜浣花溪

村居除々

又逢歲事到荆扉獨立蒼苔送落暉物色浸暎陽
候動年華荏苒壯心違辛盤漫逐明朝過村鼓

催暮景微回首浮生成底事紙窗燈火負相依

元旦作

不分陰霽動經旬取次雲光媚眼新紅破梅粧徐
送臘青合柳眼欲窺春時艱聊作晴東計吟苦猶
矜視北身載酒尋芳仍計日鷄行虎拜復何人

答朱信州周望見寄

近得西江雙鯉魚遙知清吏似閒居食看朝暮峰
頭爽數問平安篋裏書懷玉山人應入夢滕王江
閣幾停車折腰強項都無取臥起吁徐總晏如

抱朴齋詩草

卷之六

七律

二

送朱子牧從其婦翁黔陽令南遊

潯潯江雨暗牙橋送客南征道阻長問俗華英風
混合探奇大小酉中央未寒蘭芷思公子已寄愁
心向夜卽歸日不須嫌惹苒絲知珠玉滿詩囊

秋柳

慣倚東風弄翠翹不堪重整向秋颺楚宮舞罷綈
腰在漢苑眠回淺黛消搖落離亭知別苦折來楊
笛帶愁飄底須腸斷芳菲歇春至還看着舊條

送越九遊嚴陵

寒江渺渺送仙槎，翹首河梁別緒賒。天入桐廬秋
嶂直，路經楓岫夕陽斜。旅懷容易悲黃葉，良覩應
須趁菊花。自昔客星干氣象，于今文彩動天涯。

喬朱二子屏跡秋郊，以詩代書聊志神往。

盈盈一水悵離群，背郭園深好論文。林表烟晴時
薦爽，草頭霜薄未辭薰。坐看叢菊如人澹，佩得幽
蘭竟體芬。知爾素心吾共賞，可無延佇賦停雲。

同康小范唐次仲陸君賜艾賦堂夜集陸贈

路齋時小范將北上君賜卽席度曲

抱朴廬詩草

卷之六

三

繞樹蕭蕭落葉鳴，筆牀茶竈足幽清。已歡把臂逢
蘭友，更喜澆愁仗麴生。擲地賦聲京洛滿，倚天劍
氣斗牛橫。最憐江左人空老，腸斷龜茲一曲情。

元夕周宅樓頭話舊卽事二首

坐有按
梁州者

風物蕭條劇可憐，白頭行坐說唐玄。紫駝翠釜誰
長夜，寶馬香車幾少年。楊子宅荒塵跡少，庾公樓
靜月華懸。剪燈更續樽前話，何處悲笳雜管絃。
春城北望暮雲遮，腸斷長干舊狹斜。此夜月涼雙
鳳闕，當年人散五侯家。良辰不共沉灰劫，樂事猶

傳付夢華白傅青衫今敝盡，莫教妻切訴琵琶。

人日同趙子探梅遺民西園卽事二首

昨夜東風試薄溫，一枝紅綻出前軒。宿醒倦起還
高枕，人日題詩早到門。拂檻陰雲迷畫閣，鉤簾香
氣壓清樽。不須剪綵爭奇麗，自有生花筆底翻。
樓角橫斜報曉春，登樓恰共倚樓人。冷金箋拂光
千尺，毫瓦盆傾酒數巡。才子西園誰狎主，風流北
海幾留賓。招携不淺清狂興，况復尋芳值此辰。

雨後客至

抱朴廬詩草

卷之六

七律

四

稀疎夜雨過林塘，曉起平添一尺強。箇箇是雛爭
浴，喜雙燕予得泥忙。陶家鷄犬生成做，杜曲桑
麻各自長。肯愛吾廬過百遍，想蘇竟日主賓忘。

左生昆季雷連彌日欲歸阻雨

故人欲別重斯須，翻賴愁霖興不孤。轄已倦投仍
稅駕，甕餘未盡更傾壺。清談一室東西晉，疎雨連
牀大小蘇。似此晨昏差不惡，片帆明日再留無。

題舊苑荷

江南草長綠於天，古道斜通小苑邊。神許有粧昔

冉冉凌波無豔不田田棹歌非復邛溪舊御氣還
疑水殿年最是鴛鴦雙宿處一泓寒碧鎖愁煙

人日王子過訪

梅散風香盡日留東臯已覺綠莎柔春杯難買蘭
陵酒雪浦真停剡曲舟解榻草堂成勝節望衡村
路試清遊獨憐帶索行吟客鴈後花前句未酬

早春陰雨

蘭臯芳草動微薰轉覺沉陰近未分澤國平添三
峽水吳天不散八荒雲官橋柳眼仍含凍驛路梅
抱都蘆詩草

卷之六 七律 五

花已吐芬遲日東風門外至僞人春事故殷勤

春郊二首

郊外春寒物候遲點春雙燕始差池陰晴每日渾
難定吟醉隨時總莫辭陌上誰家人約約溪頭着
處柳絲絲與來吟望成孤往竹杖芒屨信步宜
一片風花遍禁烟郊原極目總堪憐半生避世
東地三月懷人渭北天管別柔條新客舍喚愁細
草接江邊卽看欲盡春如駛莫負新豐斗十千

寄懷曾道扶二首

握手曾要金石期論交天地許追隨華堂秉燭飛

觴夜蒲寺園爐話雨時自奉敦樂傾意氣每攜水

雪對風儀瓊瑤莫致增惆悵何以臨風寄所思

暮雲春樹幾踟躕鶴浦鴛湖久索居裴葛已更遊

子服鴈魚猶阻故人書恠來乾鵲傳音處喜值將

雛奏曲初聞得雄信見說臨邛能重客長卿車騎意何

如道扶素與
邑令相重

秋蘭

九畹猶餘舊日春肯隨衰葉混風塵寒芳莫厭秋

卷之六 七律 六

抱都蘆詩草

容晚入室偏宜爽氣新不共黃花三徑老還將藜

桂八公鄰瀟漫一帶湘江水不見行塗紉佩人

過諸姪野園

阮家南北自通村免俗聊呼倒一尊二月花繁高
玉樹百年人共老柴門久寬禮法從科坐頗著詩
篇好細論遂使野夫幽興慨應須百遍叩林園

越九席上贈歌史

誰家玉樹皎臨風灑灑初生日在東曾向人前窺
宋玉自從花底學秦宮柳眉淺拂含烟翠桃暈微

添着酒紅却枉周郎能顧曲紅牙按處不曾空

滬城春望

時方禦海氛

黃龍浦口暮潮生丹鳳臺前古木平萬里帆橋通
楚越千家煙火近清明雲連霞散隨時景花雜鶯
飛無限情問道安吳遺策在好憑橫鐵繫孤城

東弘執

眼見春愁愁未起那能一破此顏顏清狂恰得君
相過旁午偏逢我不開梅散簷牙虛共笑荆橫道
左定誰班重爲良晤知何日延佇松陰聽叩關

和郭虛詩車

卷之六

七律

七

題戎遊草

有序

戊戌秋遣民對策南歸探驢背奚囊中出
示遊略一冊山吳抵燕自燕返吳間月者
七累日成編若鱗次若貫珠其間山水之
經歷物態之變更交遊人事之酬接靡不
畢載所作詩歌或俊逸清新或慷慨歷落
或和厚而渾淥或滄莽而奔壯較前此更
進一格如龍門歷覽名山大川而益奇也
如工部客秦入蜀往來梓夔荆峽間而益

變化不測也如東坡晚年歸海外而益離

奇天矯其可端倪也宜其紙貴長安不啻

機雲入洛聲價自倍矣獨慨大雅云亡枳

棘克路才如遺民而不獲一邀異數若凌

雲興歎於漢帝清平見賞於唐宗而僅處

以常格困以青瑣必有不獲辭其咎者遺

民顧迢然曰杞菊無恙松桂猶存箕踞科

頭得少佳趣以文章傾動當途毋寧掉頭

歸里素心共賞也因相與呼酒盡醉爲之

和郭虛詩車

卷之六

七律

人

弁語而繫之以詩

罪屑玄言好細尋一編行坐共披襟百年交態吾
將老千里羈懷爾獨深映物雲霞成蜀錦許身天
地比南金齊門操瑟歸來去試秘寥寥太古音

贈王公獻北上次來韻

廿年願一識荆州忽漫相逢已白頭入洛久聞騰
紙價遊秦猶嘆敵貂裘才名似爾宜推轂草澤何
人且拜侯此去關河勞夢寐長風萬里好乘流

中秋集秣陵祝少府山客署齋

時祝將解組

休言獻賦向明光天與吾才老更狂慢世正平空
挾刺倦遊司馬尚爲郎月逢良會當軒澹桂值佳
辰滿院香聚散升沉皆逆旅莫辭承夜倒千觴

九日前二日雨坐東遺民病中

閉戶真成市隱名揮杯顧影好同傾雲封三徑真
如水雨近重陽正滿城未免有情傷叔寶何須不
遇感淵明微吟飯穎山前句苦憶詩人太瘦生

九日全王子集家升屋齋

次日王子歸梅源

何處相從爛熳遊吾兄呼酒爲消愁賞心又負重

抱都廬詩草

卷之六

七律

九

陽節逸思空悲萬里秋元亮去官常對菊仲宣能
賦獨登樓明朝聚散知難定飛葉江干送客舟

王西玖謝寒過村失晤却寄

驚聽颼颼動蕭林蓬徑荒荒斷足音何意門題凡
鳥去爭傳里有德星臨王猷嘯詠徒看竹周黨清
談未盡簪却愧衡寒村路遠一樽莫展故人心

新柳

脣峰春淺望盈盈宛轉溪橋幾度行帶長青蒲初
睡鴨歌飄黃縷微啼鶯承豐角裏真無緒碧玉年

時已解情惆悵千門鎖官殿曉風殘月夢華清

送張子遊金陵

西風重作石城游唱罷驪駒那可留黃菊尚宜陶
令酒紅亭偏悵李膺舟雄心鐵甕濤俱壯佳氣金
陵翠欲浮賦別倘投青玉案知君夙昔善言愁

與諸子上淞梁補九日登高作

諸君杖履故能閒暇日登臨好共攀漫喜幽人來
鶴浦相呼勝會補龍山三江迥合平蕪外九岫依
微落照開口極不知烟景暮沙鷗一帶起前灣

抱都廬詩草

卷之六

十

頻過遺民西園花下作

暇日相尋卽勝遊往來二老亦風流青鞋布襪西
郊路碧草春波南浦舟祇合麗公爲對宇最宜庾
亮共登樓花時更愛頻移席香雪千林一葉收

夏五送朱令方北上省其尊人司李河間

驪歌一曲動江城夾岸榴花照客旌已聽循聲流
渤海卽看文藻滿燕京太丘令子原齊譽伯虎承
家但守清此去浮瓜水暑裏南皮應念舊遊情

賀遺民舉雄

二首

玉樹初榮瑞靄長，弧懸旭日映蘭堂。鳳簫好奏將
雛曲，珠蚌方舒照乘光。萬里騰鸞徠赤汗，五車付
托啓青緇。鹿門未可成偕隱，期爾相攜鷁鷺行。
寬間佳氣正相宜，熊夢初占未是遲。乍報國香天
上賜，俄驚明月掌中持。徐家故有摩兒種，謝氏還
歌祖德詩。向夕開尊朋好會，宜男掩映菊花枝。

次韻贈徧音上人

物外翛然意不羣，閒看暮靄復朝暉。惟應二老成
來往，可但三峰不見聞。交遊剡歸長面壁，惠休楚

抱鄴廬詩草

卷之六

七律

七

客只吟雲籃輿便欲尋，蓮社招我何須倩麴君。

送拜石翁左遷饒州府幕

六十衰翁何所求，更為遷客向饒州。生教天馬安
卑棧，共說神鷹耻下韉。蚤晚定來宣室召，山川聊
復豫章遊。中年我亦離懷惡，好寄新篇慰百憂。

和馮水甄觀潮韻

有客同觀八月濤，慚無枚叔賦才豪。潮迴拔地奔
雷殷，風激粘天駭浪高。乘漢仙槎虛張望，凌波神
女或嬉敖。最憐侘傺江潭客，歲歲行吟老布袍。

暮春望夜同祝山客侯秬園攜曉芳女史集

越九張泰安齋卽事次秬園韻

謝公絲竹冷山房，油壁呼將蘇小裝。火齊吐來春

不夜

開前木
瓜爛漫

水輪映處玉爲香，輕塵宛轉飄歌席。

柔夢微茫入醉鄉，投轄寒帷俱此際。未容珠履散

華堂

酒半爲令公促主人
入署中仍留客盡醉

賀朱令淵乘龍次秬園韻

鵲爲橋處錦爲城，低亞雙星傍月明。孔雀屏開珠

箔麗，鮫綃帳映玉壺清。按宮曲盡調笙叶，泚筆花

抱鄴廬詩草

卷之六

七律

七

將拂黛生眵，且寢門猶未啓。早聞鸚鵡喚郎聲。

甲辰除夕

落落乾坤一敝袍，謾看歲序逼人勞。楊雄大度無

儋石，潘岳多愁長二毛。詩債未償終好避，醉鄉不

稅徑須逃。短檠爲照翳鬢，在夜久相依快讀騷。

乙巳元旦

荏苒風塵忽令辰，草堂此日保閒身。歷回稔歲宜

三子

周益公日記正月逢三子早豆收今年
元日戊子十三庚子二十五日壬子盤供

勞人合五辛，脉脉烟含堤上色。霏霏香報龍頭春。

向榮無限蒿萊意劇望陽和布氣新

次周望除夕韻

清齋晏坐一枯禪已覺飛騰畏少年掃室何關天
下計解衣寧受故人憐呼來婪尾杯仍滿數去當
頭月幾圓生怕明朝吟思苦空囊畱得杜陵錢

次周望元旦韻

火樹初銷一炬葩井桐枝上又翻鴉占雲徐視階
平日啓戶俄蒸天半霞守蟄龍蛇知氣候關情花
草閱年華野人片曝何由獻白獸鐫開說漢家

抱都廬詩草

卷之六

七律

七

次韻東程村莊園

四首

忽報蘭陵下客解一編貽我賞心遙芳菲綵藻三
春夢浩蕩詞源八月潮仙字飽餐空馱望霞標高
建失神囂印看投簡推梁苑大雅于今未次寥
侯生抱節古莢門著作庭中擅季昆力障江河思
倒挽筆排風雨欲驚翻家聲不愧廣成子和周爲
高成先
後素業還傳洛誦孫剩有雄心銷未盡摩挲一劍
好酬恩
車騎經過擁篲迎臨叩重客爲畱行劍浮寶氣干

雲物賦擲金聲動海城吾道千秋關絕續他時四

海共澄清入林把臂終相許却愧途窮老步兵

不辨朝光與夕暉空濛一望但熹微欲尋奇字玄

亭去稍待愁霖紫陌稀竹迥深深雲自度鷺田漠

漠雨交飛商歌獨奏誰相和搔首江天興尚遠

樹滋堂夜集卽事分韻得三肴

預起雙扉不待敲須臾促席進蘭肴范何同調諧
心賞羊杜忘年定石交艷想欲爲神女賦歡期還
卜盍簪爰更闌分手橋邊路烟暝霜寒柳外梢

抱都廬詩草

卷之六

七律

古

次越九贈倩扶校書韻

碧海沉沉怨素娥天寒脩竹倚輕羅銜碑有口輪
鳴鵠匪席無心學卷荷倩女神光離合近張衡愁
思往來多臨風疊就蠻箋字憑仗青驄掣電過

倩扶既至夜集柱頰山房卽事疊前韻

小院輕寒貯小娥玄雲袍壓絳雲羅越九爲倩
扶添衣生
憐東眼應眠柳猶怯空房未採荷人共燭花雙映
皎情通酒觥十分多殷勤油壁勞相待覽載今宵
離恨過

和郡侯張明府巡海詩 四首

禹甸澄清攬轡籌春風露冕遍遐陬平開展氣三
山外遙貢鯨綃五馬頭渤海一過循吏轍潢池已
息弄兵謀饒歌自奏滄波晏取次邊隅煥火收
早聞借箸定前籌已遣先聲播遠陬龍節到來臣
黑齒鯨波偃處卧黃頭森羅岳嶼彌縫陣鎖鑰門
庭保障謀更說大夫能作賦委輸勝槩一時收
文武才兼第一籌皇華奉使向東陬風流緩帶黃
堂上指顧投鞭瀚海頭吳服專城推最績漢家六
抱都盧詩草 七律 卷之六 五

出重奇謀封侯自昔先如帶麟閣勲名此日收
清時良牧擅長籌四牡駸駸歷四陬仗鉞星臨天
北極捲旗日映海西頭越裳翡翠應爭獻京觀鯨
鯢不自謀爲慰
至尊南顧切不須宵旰厯黃收

朱甥允蘇三十初度

弱齡文彩已摩天又及亭亭向立年王謝風流標
格迥荀陳子弟姓名賢高懷只愛賓盈座豪致常
呼酒滿船莫道元長猶寂寂八駟行到爾車前

和梁太保詠菊詩 十首

高秋幕府擁羣芳綠葉黃花互鬱蒼名喚楊妃堪
倚醉客同陶令不嫌狂錦屏色映輕裘燦燕寢香
隨緩帶揚况值昇平多暇豫雅歌字裏扶風霜
等閒幽卉倍輝光只爲曾分仗鉞黃宛爾桂枝初
沁露依然梧葉乍經霜泉澆金屑滋芳潔杯汎黃
流共色香若問平章花品第好將正色列中央
不競鉛華逐衆芳水晶簾下倚新粧餐英惟許水
心客顧影偏憐粉面郎梁苑秋深天欲霰庾樓夜
抱都盧詩草 七律 卷之六 五

靜月同涼白衣人至渾無辨好共花前倒玉觴
艷質居然淑且真籬邊小立態逾新水堪帳下教
歌舞便欲窺端貌笑嚬絕伐丰姿疑解語六宮粉
黛不勝春閒情自昔傳陶賦宜與曩桑梓宇隣人
容

秋籬偏發錦城香曾否香從木末揚靈運五言準
映日文君半面皎凝霜人披鶴氅朝行雪觀號瓊
花月轉廊幾度涉江寒未得亭亭素對得升堂
蓉

皓魄靈微映玉肌前身應是館娃姬錦帆似繞歌
聲細銀箭疑催舞袖遲沉醉態猶矜顧盼效顰影
亦辨妍媸扁舟自伴鴟羹去知化香魂到幾時月

施西

絳宮僊子紫荷裳濯錦江邊浣繡腸種向稼垣親

雨露移從芝嶺傲烟霜石家步障流蘇爰謝氏羅

囊佩玉香一自函關分紫氣剛容韓重醉花傍紫

雅

便擬黃金爲築臺珍禽貯得好徘徊蹁躚恐逐秋

也事黃帝重

卷之六

七律

主

聽去唯堪疑朝曉日來翡翠貢將奇木至茶更插

向畫屏開華堂玳瑁筵張處毛羽歲難映玉醅金

雀

洛陽傳唱麗詞頻那比秋英迥絕塵香欲染衣偏

淡蕩色非酣酒自鮮新月中桂子宜爲伴林下佳

人好結隣貞秀獨標霜下傑傲他金谷艷陽春國

香天

翩然二美照庭堦日對名花寄艷思客有同車疑

合璧人從初嫁想雄姿高低掩映連裾好大小生

成金帶宜銅雀臺高空鎖恨分香作伎笑人癡二
贈郡少府視邑篆范公二首

清露晨流初薦爽冰懷自激五絃中威看徙鯨猶

餘事術擅駟鷄得未工草合空庭延午鶴槐添古

縣譽秋蟲雅知休沐雖多暇撫字心勞大小東

循聲吳楚徧流傳仰止龍門北斗懸秋水爲神來

爽氣春風入座動薰絃河陽一縣人桃李海上三

山吏倥傯縱有恩波私潤轍敢將陽鱉漫爭前

賀曾菴陸甥移居荆桂堂堂爲潘氏故宅

抱都廣詩章

卷之六

七律

太

我家宅相有輝光內史重開騎省堂昔卧林泉爲

別墅今移棟宇近柴桑不分叅佐東西解已列賓

朋上下床試看竹苞松茂裏已占筮簪兆熊祥

戊申除夕次張泰安弘軒韻

漫學屠龍悔昨非技成終與世相違狂歌天地詩

偏瘦浪跡江湖道自肥吹律漸回寒谷暖灌畦早

息漢陰機聊憑村鼓催殘漏旋聽林鴉報曙暉

已酉元旦次泰安韻

腫臃彌望曉霞生依舊郊原閱歲更無分玉珂趨

北闕祇應慈帶向南榮
依人且欲同王粲
挾刺誰能識
禍衡最是壯心消
未得鶯花取次又關情

贈春暉堂主人

聞說賢豪迥不群
心如冰雪誼如雲
瓊觴留客花當午
篝火傳經夜每分
近市門庭偏肅穆
入林風雅最清芬
可知報答春暉意
倚杖溪橋送落暉

翰臣連日移尊過寓園卽事

載酒攜錢叩旅門
連朝愁破亦殊恩
細將人物論江左
合以風流數太原
夙勝便過安石墅
忘形但

抱郭盧詩章

卷之六 七律

完

若正平種更關堅
坐風燈亂鷄距全消
爛熳尊雞距

子卽林舍川以點湯能解中酒

劉石叟見過邀許潛壺對菊次韻

生有少年度曲

喜劇尋詩客到門
卽看浩蕩瀉詞源
交疎已慣省侵座
供薄猶誇菊滿軒
玄度言能傾彥會
公榮典小寄清尊
艷歌一曲人如玉
珍重燈前笑語溫

爲潘服成七十壽 二首

年行七十多
衰白踰健誰能似
此翁世路浮雲高
枕外生平樂事苦
吟中靜叅桑苧茶
三昧小隱淮

南桂幾蒙時向繞
庭看挺秀不須大藥駐顏紅
漫道稀齡自古難
天遺詩老盡情歡
風生南郭傳爲籟
露湛東籬裊作餐
不受秦封松五粒
能供渭釣竹千竿
北窓安穩羲皇上
甲子編邇又復殘

和朱明府庚戌除夕韻

賦就凌雲氣未舒
倦遊壁立愧相如
可無焚尾傳金梳
漫送斜暉下玉除
東海頻年穿木榻
南陽何事臥茅廬
放歌亦自無拘束
祇覺飛騰不似初

和辛亥元旦韻

抱郭盧詩章

卷之六 七律

辛

江天極望彩雲繁
九陌微薰動草根
書紀周正新甲子
詩成杜曲舊開元
若爲煦口分窮巷
誰遣條風到野園
寂是蹉跎虛七尺
難將馬鬣答親恩

和馬學師丹谷除夕韻

年來浪跡大江濱
一笑流光委路塵
筆退江郎無那老
囊羞杜甫故能貧
儘教土鼓催殘臘
付與官梅占早春
獨有舊愁除不得
生憎人說歲華新

和元旦韻

晴霞作意媚今朝
淑氣回如有信
潮儋石空儲歌

自壯百城坐擁輿偏饒好攜蠟屐探花夢預掃茅
櫺待柳條着處懷新占歲稔平疇蚤見惠風搖

和郡司農范繩斯先生除夕韻

雄懷徒與歲時關落洛江湖老鵬冠拂拭青萍終
減價棲遲烏几足加餐故人關塞書猶隔暮紀冰
霜律又殘天地勞生聊蹙息殷勤爲供五辛盤

和元旦韻

寂寞玄經幾歲年一編仍與我周旋天邊雲物開
韶景原上人家啓曙烟痛飲狂歌空復會尋花問
柳都廬詩章

卷之六 七律

三

柳且依然陸沉未敢隨時輩閒逐鷗鳬傍水眠

和谷山兄除夕韻

長吟抱邨此歲屏學易於今得遞肥蔬圃半蕪陳
狙薄糟牀不注引杯稀纔經春信回枯木已覺寒
威減敝衣欲枕不知更漏盡長鷄聲裡辨蒸微

和元旦韻

頻年春到命征車又值靈椒獻頌餘第祝荒村歌
有麥寧愁旅館食無魚漢家樽合開前殿鄭氏圖
誰上直廡且喜風光初媚眼重編野史紀年書

王正六日谷山兄招同父山夫趙雙白吳六

益盧文子朱韶九沈友聖黃闓石蒼水朱

楚鴻舜納家是則十經集仁壽堂疊前韻

掃除三徑啓雙扉俱得陶家雞黍肥開歲難逢風

日飛故人須惜髮毛稀漫愁出郭呼聯袂競賭藏

闕泥拂衣諸子半以戒禁先別餘復分曹劇飲促席飛觴忘夜永佳

言如肩轉霏微

斗酒相將下澤車賞心好及令辰餘青絲小摘堆

盤菜白雪兼誇入饌魚王謝門多揮麈客荀陳里

抱都廬詩章

卷之六 七律

三

有翠星廬明朝人日題詩處思發花前數寄書

抱朴廬詩草卷之七

雲間周金然廣菴著

五言排律

壽張香鼎前輩

今代稱騷雅伊人僅典型家聲垂閭閻時譽仰榛
苓太乙傳藜火高陽奏德星霜蹄猶伏檻雲翮未
梳翎窓畔鷄成慧塔前草亦霽縱橫一萬里上下
五千齡少小懷投筆詞華厭說鈴補天知煉石餘
地見新硯思發烟雲變毫端風雨冥彌年窮粉黛
繼聖聚流螢博奧窺三岳精靈屈五丁建安仍不
墜大曆未全零一字堪償絹千言若建瓴名期題
畫閣業豈用傳經鳳待輝南國鵬看振北溟中原
徒自命當路復誰慳騰衝寒斗蜚聲走迅霆世
無收逸駿志不羨侯鯖自採山中杜羣爭海畔鯉
行吟長廬頌不字獨妙婷氣吐三湘濶胸蟠五嶽
營蓬生仲蔚宅藥老子雲亭廣武空遙嘆燕然未
勒銘畏人時蔽竹乘輿即揚舲鱸膾秋風駕蘋花
細雨汀江湖蹤渺渺山水聽泠泠光耻爭魑魅

卷之七 五排

一

難鑿域煥杯添唯勸影門設但常局每恨梁江總

無慙漢管寧匣琴流水靜篝火綺窗熒世路危於

蜀狂瀾濁似涇孤高懸白雪意氣剝青萍講德玄

霏塵談經水在瓶灌花動小榭曬藥課疎櫺阮籍

唯埋照靈均本獨醒筆猶干氣象人共想儀刑雲

物秋偏麗松筠晚更青何庸求辟穀且復進耳醺

芝採南山曄蘭滋楚畹馨歡同華髮伴閒對白雲

停薄洛爭鏤簋淳風見土銅吾儕成汗漫靜者必

淵淳賦尚傳鸚鵡詩多咏鵲鴒蒲輪應有待早晚

抱朴廬詩草

卷之七 五排

二

下形廷

九日薄陰登高不果晚集徵鶴堂次韻

不遂登臨興蒼茫晚眺中烟迷村黯淡霧鎖徑冥

濛籬外頻過喚囊中幸未空開筵心自醉秉燭思

何窮彭澤文相賞南皮調更同騷壇爭拔幟鴈陣

共稱雄遐思驚王粲高懷愧孔融星搖橫匣劍月

掛傍簷弓下榻期徐子登樓嘯庾公誰回蓬鬢綠

相勸頰頰紅野圃凝霜菊幽庭度晚鴻漫憑詩紀

勝才盡笑文通

謝邑侯涂明府

不邑求神宰登車幸大賢人文兼領袖吳楚接山
川飛鳥西江外分符東海偏雨隨行轍至風向櫓
琴宜製錦猶三月銘鐘定百年戶歌民有父人美
令爲僊間政水壺湛衡材水鏡懸豫章生有數淦
海納無邊共願登龍上咸爭附鳳先隋珠應拾取
秦缶亦陶甄逸思娛篇翰公餘手藝鉛言期歸正
誦字必脫塵詮八代真能起三都益自妍摩挲新
彩筆拂拭舊龍泉猥辱奇文賞深蒙國士憐本非
抱郡廬詩立

卷之七 三

讀書秋樹根

讀書秋樹根懷抱欲誰論暴雨摧高鳳衰蘭畏

原愁侵玄鬢改窮捫素心存白墮新堪潑青瓊舊
得溫歌寧爲郢調瑟豈向齊門老我應呼爾從君
自處禪高風黃鶴遠野態白鷗尊敢謂餐僊字聊
堪頌橘園美人何耿耿雙眼任乾坤

村居春暮簡同學諸子

行藏堪約略身世任荒唐煮笋經時飽敲詩竟日
忙軒開堆嫩綠徑轉雜幽香元亮慙然喜華陽坐
處忘變聲時鳥換逐侯野花狂疎柳餐風軟斜藤
絡月涼鯉魚書未返蝴蝶夢偏長奇服鬼冠在春
抱郡廬詩草

卷之七 四

送遺民入對北上

挾策遊何處長安在口邊雲山一帳望去住雨茫
然伊昔曾分席相傾願執鞭蹉跎方學步驅駕敢
隨肩拂拂凌雲氣琅琅觸物宜霜蹄從躡蹤風關
必騰騫詎謂荆榛塞徒傷歲月愆紛吾長願頌嗟
子亦迫遘命豈文章憎才無國士憐棲遲仍鸚鵡
早晚遂驚遷芳草三春路長風萬里船皇州雲色

近僊掌日華懸明主臨軒日真儒對策年楊雄方
自蜀郭隗正遊燕經術由來尚聲名孰敢先同時
嗟漢武奕世重韋賢似爾宜殊遇前賢豈浪傳未
須耽絳帳應不困青氈東閣延嚴助西京館鄭虔
定知矜麗藻爭擬艷神僊柳折承明外花吟太液
偏輪看扶大雅節望保貞堅但遺文華國寧論影
各天中原愁攬轡東海任歸田掉臂聊爲爾排風
尚勉旃頻須郵尺素莫倦擲詩篇客夢梅花裏鄉
心萊桂前霜天尊餘好遲爾壯遊旋

抱朴園詩草

卷之七 五排 五

學使胡念齋先生徵詩誦其尊人廿五韻

衡岳千峰秀英靈獨鍾祥自天翔鳳羽匝地燦珠
光腹笥藏三古書城傲百王宏才兼述作正氣佐
綱常夢錫椽爲筆居名墨作莊題詞黃絹重講席
絳紗張桃李盈門爛申椒紉佩芳經明忠孝學質
美玉金相毫髮心無憾羹牆見不忘思親明發後
述祖几筵傍至德師鍾皓高名軼孝章語皆闢至
極矩不廢通方愛濟高陽美旋驅黍谷涼趨庭相
授受負劍特諄諄弓冶傳詩禮光輝麗構堂家聲

江漢濶世澤澧沅長文彩俄蒸變鈞衡任激揚圖
書開洛渚絲竹叶官牆識鑒冰壺迥品題翰墨香
羣披樂令鏡人仰鄭公鄉沙苑全收駿支機盡織
襄吳邦瞻岱斗聖代得賢良賴有先儒訓能令
吾道昌淵源思俎豆啓迪週行通德門猶舊新
綸下 九閭

堂下新竹

爲稟璇璣質將成蒼玉精膩香初着粉乾籜未辭
莖哀露肌全潤含風韻自生嬋娟無限好瀟灑有

抱朴園詩草

卷之七 五排 六

餘清蔭許松栢庇蹊從桃李成漸高君子節應保
歲寒貞嫩葉裁羅碎幽根透鮮明枝分搖塵尾幹
發聳瑤楨直操何人表虛心待鳳鳴宜臨春水淥
恰受曉烟輕冉冉龍蛇動森森矛戟并藩籬寧束
縛霄斗卽縱橫細切窻間影微敲枕上聲入簾雲
欲碍當戶月難盈翠羽翻銀漢青虬上玉京托根
幸得所長此拂軒楹

賀友乘龍

粵鼎鈞天奏鸞笙雜鳳簫香輿來鶴馭寶扇映難

翹翠羽簾紋細紅粧夢影遙書屏看展雀金屋盡
塗椒雲亂霜青帳霞輕瓊碧綃枕前珠不夜笈內
錦爲標雛鳳桐花小雕龍楊葉驕光儀何淑穆風
物洵清韶競進魚龍戲知填烏鵲橋麗情吟芍藥
美蔭就芭蕉蟾傍良宵吐蛾將史管描溶溶羅綺
夕習習艷陽朝想見雙仙會和鳴協古謠

阻雨不得過梅源遂愆訪梅之約西園主人
悵然有作次韻却寄

此際開東閣梅花半不存千林殘雪積八表凍雲

抱郭盧詩草

卷之七

七

昏姑射經時夢羅浮何處村美人思要收佳句得
清溫不少羣賢集終須吾道尊幽蘭並延佇瓊樹
獨招魂攜待東山妓歡畱北海鯨豈知江浦客蕭
械悵蓬門

題家釜山詩草

我家永嘉守池草足新篇溟漲鯨魚跋蘭苕翡翠
寧神鋒標奕奕腹笥富便便正始方策絕靈光獨
儼然火攻慚下策龍躍羨先鞭風雅千秋事終期
附驥傳

抱郭盧詩草卷之八

雲間周金然廣菴著

七言排律

郡司馬田明府頌言二十韻

政成五馬足風流節鎮新來駐絳騶名重漢宮題
柱客符分澤國富民侯應知清吏真能吏欲計邊
籌急海籌下邑經時驚蜃氣至尊遠地厯宸
憂獨憑旄鉞綏中外無復鯨鯢恣泳游猷畧經文
兼緯武禩期綏帶亦輕裘尺波不動黃龍浦畫角
抱郭盧詩草 卷之八 七排 一
空懸丹鳳樓城列萬家安織素野連百里服畊疇
相忘有鄆陽春煦盡仰無私執法道棘土繡苔蒼
玉滿松枝拂塵白雲悠焚香祝口心何愧鼓瑟歌
風韻自幽才抱鹽梅通帝夢操持水蘂與天遊高
文自與枚楊敵下士仍將杞梓收得遇品題皆琬
琰幸逢物色卽驂騑春風坐處疑醇飲明月前來
豈暗投猶未塞帷瞻北斗早聞懸榻待南州龍門
百尺登何幸驥尾千秋附得不遙聽風清鈴柝靜
徐看露湛李桃稠周官計吏廉平最漢代甄才德

業優聞道 御屏方紀績 璽書旋下鳳池頭

大蘇松風亭詩饒幽致而響不振前與遺民

周望梅下屬和頗爲所拘因更次以排律

永滄老幹占疎村春至香歸識舊魂得爾亭亭消

白晝何須寂寂悵黃昏山中霧合迴雲閣枝裏禽

啼出燕闌芳草路長遊迹香蕭齋書靜諷聲溫招

尋知已陪剛月點綴名花倚飽嗽似此好懷宜擊

鉢兼無塵事不開門眉州雅韻揮觥和滬濱飛才

拔幟言爲問花神能聽否只今酬唱有誰尊

抱朴齋詩草 卷之八 七排 二

郊未巷明府頌言

西江紫氣騰文蔚東海蒼生望澤單地迥衝虛襟

帶接天高吳楚斗牛含青螺峯時鍾靈秀白鷺洲

迴積渾涵自有史占星聚五徐膺 詔起轂推三

真儒學術登車試名世經綸指掌探列宿遙占宸

極北分符直下大江南惻然雲漢歌思苦雷爾山

川沛作甘棠蔭清風迴訟雀桑郊靈雨徧征驂門

虛寒谷初名黍烟爰原田欲字藍勾漏仙郎誰不

羨中牟異績古猶慚謳傳澤國生岐穗賦擬吳

貢八蠶的樂夜光還遠浦澄鮮朝爽挹晴嵐冰心

選士懸明鑑粉署論文盛盍簪千里已聞空冀駿

兼收仍說及燕函門如水處盈桃李薪且煎之盡

杞楠得遇賞音絃未絕何妨大度石無僭龍門百

尺豈非偶驥尾千秋附亦堪但使甄陶均瓦缶敢

嗟佗傑放江潭曳裾頗性腰圍懶授簡偏能筆墨

酣豈有涓埃酬顧盼惟餘圖史靜詰誦春風慶論

親函丈晦雨鷄聲祝一龕大道幾時歸鄭氏絕倫

久已服桓譚起衰文倘傳宗統雕朽材寧弛負擔

抱朴齋詩草 卷之八 七排 三

私喜人宗資敬近預愁奏最 聖明諱鴻猷借潤

蘭臺札繡斧行巡御史驛戶滿桑麻思召父人沾

橘井望蘇耽他時史傳書良牧循吏儒林好金

抱朴庵詩草卷之九

雲間周金然廣菴著

五言絕句

古意

四首

本自芙蓉根絲牽從作藕阿誰采蓮歸蓮子落人手

惆悵芳時秋深庭覆綠陰美人蕉葉吐空抱一生

心

春風蕩金塘塘上雙鴛鴦脂脂膠與漆儂情易自

抱都懷詩直

卷之九

五絕

一

持

乍展柳葉殘思往不知處已到叢蘭邊親見君來

去

梨花暮雨

正逐行雲去蕭蕭雨打門殷勤早春意喚起梨花

魂

別西園

幾度愁君去牽衣險欲分今朝真箇別無計駐南

雲

燈下贈花影

桂葉雲中碧梅根夢裏嬌高堂新列館翠黛夜深

描

花影荅

洛浦原無賴臨邛自不羈烏啼蘭盡薄辜負隔牆

窺

戲爲友賦惜別詞

二首

日影動流蘇碧翁苦相妬願祀陽臺神爲雲鬢爲

雨

抱都懷詩直

卷之九

五絕

二

夜夜打空堦邀儂得且住但吟喜雨詩不解愁霖

賦

春曉

晴鳥催窗曙春鐘撼夢微宿香還向爇倦眼辨垂

幃

移燈看水仙

長日幽人供宵分意倍親燈前看擁髻同證四禪

身

題書

白雲真有力亂負青山走有客此登樓蒼茫重回首

題花蝶圖

畫花如解語畫蝶如栩栩寫生入化工二物相爾汝

題畫花籃

六街春未歇齊唱賣花聲喚起深閨夢忙呼寫玉

贈友

扣邨癡詩章

卷之九 五絕

三

若木枝能秀丹山羽更鮮詩傳畫外意理得句中

禪

難忘曲 二首

依微蟬翼羅秋帳無端碧波迴癡若雲雙綠輭寒

積明姿映紅玉光動紫羅帷含笑學垂手低聲喚畫

斜

送張大歸四明爲其母稱觴

津亭霜葉丹岩岫煙光紫此地送君時高堂計程

始

憶梅源

此際水亭上寒梅幾吐花夢中猶識路未便隔天涯

題山房

精廬出古香幽壑敲懸滴長嘯衆峰間鳥聲千樹

卽景

山近意先登水遙日已涉何殊肉食人神勞利名

窟

扣邨癡詩章

卷之九 五絕

四

抱朴廬詩草卷之十

雲間周金然廣菴著

六言

歸隱次韻 四首

逃來蓬藿今我吟對軒窗此君憇帳已空俗駕草

堂休勒移文

蓮社倦與陶令龍門慵御李君童子五噫有作先

生十賚無文

焚香掃地容我載酒尋花讓君病起囊蓋子美吟

抱朴廬詩草

卷之十 六言

一

餘腰減休文

綺語都封筆塚微詞并戒墨君吾道非耶至此身

將隱矣焉文

村居 八首

草杜桑麻兩曲朱陳鷄犬通村酒香欣欲扶杖茶

熟喜聞叩門

列坐琴尊靜遠一方水木清華竹里館中嘯咏武

陵溪口人家

幽棲深谷名愚一編長伴漚夫極浦菰葦采采空

堂蟋蟀瞿瞿

君公避世墻東商丘潛身牖北城有時以復隍陵

或遷而爲谷

野老相呼入林量晴說雨無心撈得魚蝦鮮美濁

醪樹底同斟

四壁名山宗炳百籤小品殷源雲去雲來伴侶鳥

棲鳥散晨昏

步屨村村花塢開軒面面山坳畏人偶卜小築置

我其同一巢

抱朴廬詩草

卷之一 六言

二

青熒竹屋孤燈風雨胡牀寢興甲子標題逸史傳

文檢勘高僧

偶書壁 二首

再彈再咏元亮一壑一丘幼輿小酉洞藏人世大

槐國有吾廬

損又損以立操才不才而用神敢誇詞客前世願

證初禪後身

抱朴廬詩草卷十一

雲間周金然廣菴著

七言絕句

送顧子遊燕 四首

慷慨辭家意不平，獨攜文章事長征。
胡琴一碎長安市，知爾聲華滿帝京。

天涯芳草綠初肥，遊子乘風去未歸。
此地一爲折柳別，郵亭何處不依依。

閒闌樓高日月新，旌旗冠蓋滿紛紛。
好憑賦手摩挲都廬詩直 卷十一 七絕 一

空勢研練京都動要津

相如四壁故長貧，詞賦誰言可致身。
此去倘逢楊得意，凌雲端不恨沉淪。

蘭雲定情詩次道扶韻 四首

碁局中心故不平，卽今心地忒分明。
定情未待相於結，喚出瓊筵一見傾。

自背銀燈卸晚粧，羅襦襟解細開香。
行雲恰值雲日字，取蘭雲記莫忘 是晚爲長至夕

不盡嬌啼宛轉歌，恁情倚醉奈郎何。
明朝皓腕

一點宮砂剩幾多

隨湘水各分流，角枕熒熒淚未收。
最是曉魂消未得，含情倦整玉搔頭。

倚樓

層城闌榭望悠悠，日暮傷心在上頭。
總使閨風消息近，爲儂常署碧雲樓。

平黔口號 二首

石崖岡頭路坦平，馬塲江上風鶴驚。
粟紅諸軍飽葷食，解鞍蠻洞寶刀橫。

抱朴廬詩草 卷十一 七絕 二

巴子國中險且紆，夜郎南望易稱孤。
可知不少摩圍勢，無復登陴更援枹。

江南曲 二首

客從江北江南望，兩點金焦勝畫圖。
愁聽流亡傾士女，滿城寒騎盡橫戈。

墟畔朱欄映碧油，魚鱗雜遝遊可憐。
一夜墟成莽人指，瓜州古渡頭。

送友還越 二首

霜浣南波草樹空，孤猿如訴別離中。
錦囊載得蠻

簫清客路寒山好寄鴻

龍津送客水迢迢楊柳都成離恨
腰倘向餘杭山下過
十千換酒有金貂

夢中詩

紅燈闌闌月深深夢裏姮娥下
九岑爲道君心塵
上甚願將珠玉換君心

秋夜玉子見過小集次韻二首

故人能命剡溪舟
永夜觴飛玉露秋
醉後憑高興
不淺胡床嘯月樓

抱郭蘆詩草

卷十一 七絕 三

清笳畫角古城頭
月白風高海氣秋
盡是樽前驪
雅匠仲宣獨解賦登樓

秋望 三首

亭皋木落正蕭蕭
一望高天氣沈寥
最是悲秋腸
欲斷倚樓何處更吹簫

風緊雲輕落鴈孤
林烟起處渺平蕪
誰傳摩詰詩
中畫寫得秋原極望圖

經霜楓葉村村紫
出水蓉枝呷呷紅
一片晴空如
鏡裏寒鴉點破夕陽中

賦得柳花如雪 四首

龍煙黃柳正絲絲
忽漫輕狂入硯池
擬向幽蘭陰
楚曲芳叢昨夜亂餘曠

不與羣芳鬪冶姿
無憑踪跡遶天涯
分明一片梨
雲夢惹得梁園白燕疑

蕩漾風光不自持
寂寥寧綴綠陰枝
開簾聽唱雪
衣女愁緒而今似亂絲

舊板橋頭千尺絲
攀條曾與訴將離
只今吹雪渾
難聚學得狂夫太不羈

抱郭蘆詩草

卷十一 七絕 四

新晴謠 二首

蠶豆花香交葉齊
家家乘未入春泥
卽看烏弄新
晴日啼徧村南又舍西

燕掠鶯穿底恁忙
沿溪散步趁斜陽
桃花照水紅
于染妍柳青青圓菜黃

友人扇頭爲河橋柳色圖
畫船獨繫紫燕窠
人箇遠饒致索題二絕

望裏鬢髮百尺髮
蘭橈桂楫恣游閑
暖風輕扇平
湖曲紫燕飛來第幾灣

烟重沙明汎幾迴攀條春色想章臺試吟一曲

鳳裏 天子應知御柳才

挽朱拂鐘 五首

蒼天難問醉沉冥豈特人間怪獨醒始信蘭推兼

玉折癡肥多半享遐齡

曾訂寒梅玉破鮮聯吟驢背灞橋邊祇今不少溪

頭樹鈴落風流萬古烟

二仲蕭齋閉綠筠連床風雨共昏晨謝家兄弟文

章伯金駕中原少一人

拂鐘爲天襄弟

抱郡廬詩草

卷十一 七絕

五

大雅荆榛作者難寥寥今古恨漫漫迴瀾砥柱吾

無力何得同君挽逝湍

把君遺草不勝愁避俗攜來自校讐狗監未逢空

作賦更無明主茂陵求

南史宮詞十首

寓園讀史作

朱文帝好乘羊車經諸院潘淑妃以鹹水

灑地每至尸羊輒舐地不去帝曰羊乃

汝徘徊況人乎

宮車遙過殷輕雷粧好寧帷漸近來那得官家不

留戀長髯主簿也遲回

古今注羊一名長髯主簿

宋武帝寵殿貴妃妃薨痛念不已令巫攝

致帷內望妃貌若平生將前執手奄然便

歌乃擬李夫人賦以寄意使謝莊作諫

薄命真成負主恩披帷人在不堪捫嫋嫋環珮空

來往桂落苔荒堯母門

謝莊諫用漢昭母趙婕妤故事

帝常裸婦人以觀恭后以扇鄣面帝怒曰

外舍寒乞今共作樂何獨不視后曰爲樂

之事其方甚多豈有姊妹裸體爲樂外舍

抱郡廬詩草

卷十一 七絕

六

爲歡與此不同

內歡不共外歡同亂卸羅衣露守宮獨掩輕絛緣

底事樂方原自有貞風

貞風后諱

齊武帝令范貴妃羊貴嬪分居昭陽左右

荀昭華居鳳華殿每車駕發湖北埭鷄始

鳴宮人輒起粧飾

隱隱端門鐘漏長鳳華前殿隔昭陽鑾輿纔

鳴埭侍女開奩喚曉粧

博士韓蘭英吳郡婦人也宋初獻中

召入宮至武帝以爲博士教六宮書學以
其年老多識皆呼爲韓公

自獻中興賦入宮內家書體學韓公侍臣不少蕭
王法頭白爭如博士工

東昏鑿金爲蓮花帖地令潘妃行曰此步
步生蓮也起玉壽殿設飛仙帳貯之又苑
中立市以妃爲市令白爲市吏錄事開渠
立埭躬自引船以通沽販

帖地金花步步蓮遙看玉殿下飛仙聽傳市令三

抱郭寶詩草

卷十一 七絕

七

章約錄事開渠白引船

徐妃無寵以梁元帝眇一目每爲半面粧
以俟帝怒而出常題詩白角枕遺所私者
故有徐娘雖老尚多情之語帝逼令透井
死製金樓子述其淫行

角枕題詩密贈將多情老更說徐娘非魂欲洗金
樓穢忽照當年半面粧

沈皇后諱嫠華性端約通經史爲張貴妃
奪寵澹然無忌怨

學碑綈素擅捧觴恭儉天成椒闥模爲問中宮承
寵日嫠華得似麗華無

後主起三閣以張貴妃居結綺孔貴嬪居
望仙自居臨春複道交相來往每遊宴使
宮人爲女學士與狎客賦詩採其尤艷者
爲曲被以新聲

臨春結綺望仙通複道香交不斷風行樂朝朝還
夜夜新聲艷唱滿離宮

王季二美人張薛二淑媛袁昭儀何婕妤

抱郭寶詩草

卷十一 七絕

八

江脩容金有寵遞代進值每見有封事後
主置貴妃于膝上共決之

君王遊宴罷垂裳長日承恩值御床學士案前分
曲部貴妃膝上決封章

上元竹枝詞 八首

江城萬戶與千門縛竹家家慶上元海口只今
不屬燒燈底事費淇園 時議塞海塘

忽漫風光徹九衢南油西漆焰紛敷須臾漏盡
銷歇不信空簫背已枯

健兒炫服競招尋烟火喧酒肉林最是客愁聽
不得蠻語寧切問胡琴

六街火樹滿江南爲兆雙岐與八蠻頗惟喃喃燈
市裏舊徑新稅併難堪

鰲山傳是午門燈樂事何曾有廢興依舊金吾弛
禁夜愁遺野老說長陵

九天曲奏月分光繒綵懸知滿上陽十丈輪高燈
萬炬可能有燭照逃亡

一夕紅燈一眨光嬉遊處處是傀裝當筵不用更
抱都官詩草

卷十一 七絕

九

相笑鮑老何曾勝郎郎

漢家故事祀甘泉太乙今遊何處邊間殺窮經劉
子政蔡光小閣自年年

送楊宜尹省試 四首

丹陽古路塞驢輕十丈行塵接舊京不少揚鑣分
道者先鞭孰與祖生爭

陸沉已分老滄洲忽漫因君感昔遊話到金陵舊
風景板橋桃葉使人愁

人懷盈尺家千里羅網常虞失上才江左只今文

采盡棘闌端合爲君開

明遠樓高呼吸通式臨應在有無中好憑彩筆摩
空出玉律金科答至公

和范少府紅梅韻

漢水何人出弄珠水肌酣酒態偏殊壽陽白倚新
粧立錯向風前喚玉奴

題李長蘅小幅

松圓詩老骨已朽誰識檀園畫有詩猶有樸翁吟
片紙寒皁古木最相思

抱都官詩草

卷十一 七絕

十

題畫石

轉側勾來面面存依然西嶽繞兒孫誰將五寸青
鏤管攝取玲瓏透瘦魂

題張因刀書冊

丈夫雙眼濶於天鎮日沉埋手一編除却看書消
底用臥遊只合對山川

題石韓莊書海棠白頭翁

嬌歌艷舞春陰澁金谷園耶絮花筆羨他白首臥
芳藁不營羽衣香霧濕

范少府以逋稅解組嘯然行署感賦

四首

爲政風流迥異倫處膏不潤枉勞薪傳家故有萊
蕪僦借問今餘幾斛塵

素絲袖短自知寒宦拙爭教不掛冠賸有新民造
直在悔將逋賦失倪寬

如水臣心終不移清齋惟折露葵枝投簪大有何
曾輩廉吏將無不可爲

謝却嵇生七不堪傲居圖史足詰謫九天若更苛
糾察坐擁牙籤是一食

抱邪直詩草

卷十一 七絕

七

娛暉草亭

雲間周子廣菴刻其詩數種其一曰
娛暉草者以其作於山水之間取康
樂石壁詩句以名之也文章之道喜
真而惡廣推陳以致新前人之製雖
工轉相仍襲則失其所以爲美其不
囿於方隅不移於流俗卓然變而之
善者惟豪傑之士能焉當晉初年陸
士衡以詩名代其詩沉博有餘微傷
重滯贈酬篇什往往以晉室開基發
端而擬十九首樂府諸詩實開摹倣
之漸相沿迄于元嘉蓋有不勝其弊
者康樂以振古之材起而力變其格
因物肖像觸景會心警策天然得之

樂府集

一

獨創其作于永嘉石門者尤工蓋擬
古多步趨而當境須刻畫贈酬之詩
易緣飾而登臨之作宜清真所云得
江山之助信有之也雲間士衡所產
之地代有詞人自頃陳大樽諸君以
風華綺麗爲倡導後進師承淺以靡
弱譬之大官之庖經宿而不可以爲

樂府草序

二

饌剪綵而綴諸枝非不爛然生意盡
矣此亦窮而將變之一時也廣菴家
海上獨不喜爲華縟之體天才特高
無所不規模卒能自闢堂戶性好山
水每欣然獨往畱連移日形之詩歌
瀟灑清拔不減初日芙蓉生士衡之
鄉而爲康樂之詩其可謂大雅不羣

者歟廣菴方橐筆試南官其才宜爲
文學侍從之臣異日登朝風節皎然
能自樹立不爲習俗波靡類如此矣
余將拭目俟之

已未孟陬年家友人李天馥題於
長安邸舍



樂府草序

三

娛暉草自

卷之一

青溪道中曉望 玉峰山雲歌

鹿城夜泊懷友 玉峰道上

山塘竹枝詞五首 山塘卽景四首

書憶石軒 海湧峰

初夏虎丘登眺 登虎丘拾

虎丘雜題五首 千人座放歌

貞娘墓 吳閶水嬉四首

娛暉草目

卷一

山水間口號 漆園子歌

太湖秋汎 題第二泉

汲惠泉二首 梁溪行

毘陵晚泊 留別賀天士四首

淨香池館二首 登望湖亭觀練湖

寓園雜題十首 謝別賀天游

題賀瀛翁書扇 題張明我書扇

別張藩室 過毘陵二首

阻風憶家 舟雨

溪路二首 舟行雜題四首

歸舟阻風 過山居讀書處

朱涇晚發 臨高臺

登泖塔大韻 雨宿竹安齋

寓夜二首 細林山夜泊

酬別諸材石 春山曉霽

答遺民五首 訪梅疊韻五首

集萬竹園二首 夜集牡丹下二首

雨集西園草堂 寄園玉樹重花歌

娛暉草目

卷一

寓園卜書二首 練川夜泊

明月堂十二首 次荔裳韻六首

題明月堂 何匡山招小集

贈石羽明二首 桂下卽席四首

再集桂下四首 九日登惠山

梁溪道中 錫山曉發

疊前韻 野泊

秋深 蒜山北望二首

游焦山四首 題焦山寺壁四首

廣陵中秋

贈季滄葦

句曲道中

燕磯山閣四首

登燕子磯

登觀音山閣

馮子園居大韻

坐蒲公華笑軒

風霽曉發

桃葉渡歌

秦淮秋汎

長干行二首

冶城旅懷

祐國菴客夜

卽席壽樸園

爲陶鍊師壽

長干送客

舟次燕磯二首

娛暉草

卷一

三

張世鏞元發

門人王元弼良輔編次

金鉞次宴

娛暉草卷之一

雲間周金然廣菴著

青溪道中曉望東余諸峰

結習在林巒不遑任燕息晨征恐相負攬水伺聰
白推蓬彌望間羣山呈曉色烟嵐縷可數莽翠冷
欲滴雲開面面峰日射層層壁岡脊互起伏的爍
參紺碧平生賞心處盤薄領其悉風帆迅若駛應
接虞弗克忽漫激湍厓城郭盈咫尺

雨後觀玉峰出雲歌

娛暉草

卷一

一

雨過看山山露奇山頭泄雲雲若絲須臾變幻無
定姿白衣似耶若狗疑峰頂不應冠接羅怪底天
邊張總帷情枯夢斷巫陽期爲霖不繫蒼生思只
合山中供自怡昏曉盪胸無盡時

鹿城夜泊懷友

山郭帶沙流依沙纜客舟蒼烟千雉合黛色一峰
收戍鼓敲殘夢漁歌入暮愁美人應不遑宿莽隔

中洲

玉峰道上

馬鞍山外路單舸漫經過古岸荒祠廟額垣骨女
蘿雲迷陶峴里日迫魯陽戈矯首空林表栖鴉故
故多

山塘竹枝詞五首

紫燕掠波春晝長東風颺出焙茶香家家列肆如
鋪錦咄咄咨嗟色色良

袞連石竹翠分衣蘭漿油幢緩緩歸莫怪香風常
不斷半開柅子接薔薇

倚樓皎皎復盈盈柳外調絃掠一聲纔聽一聲隨

東華草

卷一

二

樽過無情却會惹多情

街頭接尾畫船迴半捲湘簾半露腮隔舫相期會

何處前山人衆後山來

五人塚頭荒草萋塚傍祠宇金碧題安能倒挽半

塘水淨洗白公百丈堤

山塘卽景四首

七里山塘路經過盡鴛舟凝香吹不散茉莉滿船

頭

高樓臨岸傍拂岸盡垂楊馬上誰家客依稀前度

郎

一簇笙歌沸遙知是酒船貪窺人倚牖歸騎數停

鞭

少年過酒家欲脫春衣典若個坐壚頭向人先賣

眼

初霽書悟石軒

李長蘅云虎丘無所不宜而獨不宜於遊

人襟袖之時蓋不幸與城市密邇遊者皆

以附羶逐臭而來非知登覽之趣者也初

娛暉草

卷一

三

夏午晴蹕屐而上管絃聲寂裙屐香稀名

山始露真面目矣

言尋虎阜勝端與午晴宜片石差堪語空山獨立

時林樾見生而洞壑出天姿翻厭佳風日羣遊沸

管絃

海湧峰

何年五丁手開鑿茲吳丘片石削不成戕戕冠兜

鑿周遭臺殿起層城接丹樓憑檻一以眺杳冥萬

象收遙嶽五明滅攢林鬱盤紆烟靄變晨暮蒼翠

無春秋巨靈亦何意敵此神界幽我來愜真賞靜
與心目謀圖間迹已陳生公法焉求遠思結虛寥
奇懷翻百憂浩歌忽激越谷響傳颺颺

初夏同王子虎丘登眺

乍雨乍晴新物候不衫不履故吾徒鼠鼯上下欺
松老鳥雀迴翔弄塔孤雲護烟封尋絕磴水窮山
盡起平蕪可無周昉王維筆爲寫天成吳苑圖

登虎丘埵

已登海湧峰更上峰頭埵躋攀不厭疲股栗背漸

泉韻草

卷一

四

豁蒼蒼平楚齊挺挺長松列城郭帶蜿蜒峴嶠羅
嵒嶺少焉丹梯窮神州僅一旋呼吸帝座通天風
何獵獵千峰拱遙翠萬壑紆迴合鴻濛但一氣瀕
洞欹變滅彷彿凌三山霞綺爭吐納恨無驚人句
搔首問天末義馭鞭倒景魯戈誰能掣羽蛇理空
傳浮生等枯葉目極千里心襟曠情彌結惘怳惘
霄間飛翰何由掇

虎丘雜題五首

刻畫名山面目殊紛陳俎豆滿山隅縱令樓觀

金碧已塊玉家舊雪圖

日暮招攜逐冶遊登登曲磴翠微幽燹光歸去真
娘死聽說盧家少莫愁

至今山勢烏衣舊簫鼓時喧短簿祠欲向五賢澆
一爵朝烟暮靄最相思

瘦藤簞笠與青輶搜徧山椒又水涯度肉調絲差
不俗笑他花底雅衙排

香樓貝宇麗人天正眼能留幾派禪一丈草深隆
祖地法兒都號飲中仙

泉韻草

卷一

五

千人座放歌

我昔乘黃鶴劃破吳天青偶然咳唾作風伯吹落
江湖成客星男兒生不能學向子平棄家遊五嶽
又不能學袁夏甫土室臥遊惜雙脚踏蛇惟踏虎
丘塵未探名山採大藥疎狂跌宕真宰爲仇喚起
閻閻冷然一丘山風陰森天倒立時見桀鶴駭驚
鷗嵯峨山尖開玉壁漱澗水底藏吳鉤吻渴直趨
陸羽宅詩狂快覓陳公樓陸羽陳登幾百年空餘
姓字凌蒼烟尚有轆轤哀清泉泉落冷泠響龍淵

悲風蕭瑟興欲仙吹過白雲千頃邊巖碧近拂亂
松顛平楚一望心悠然且著雙屐還山前山前磊
落千人座紅粉繡衣紛相污一拳頑石不點頭鶴
飛誰道神仙過

貞娘墓

虎溪橋畔古松邊猶賸香名漾碧川玉腕無情蝴蝶
蝶死雲山不老燕鶯憐西陵遺翠迷荒草南國哀
蟬咽暮烟欲向遙空酹尊酒秋風應有未歸紅

吳閶水嬉卽事四首

吳閶

卷一

六

畫梁蘭橈曲曲隨繞欄聯袂總情移怪他遊伴來
何事不有龍舟只看誰

吳歛齊唱水中央短袴單衫一色裝行傍酒缸欹
側過翻身承得逆風香

舫中有女顏如花舫外爭停上客槎柔幔疎簾遮
不住粧成自有鬢雲遮

見有新粧
幾障面者

闌闊城外遠紅塵夾道朱樓半露身續命五絲知
繫否却愁看殺倚欄人

山水間口號

愛閒到此幾曾閒不是臨溪卽看山溪爲照顏開
月鏡山能媚眼出雲鬟神飛野渚輕鷗外夢入層
霄杳靄間便擬浮家長散髮五湖浩淼不知還

漆園子歌贈醫士莊子凡

漆園子氣飄蕭仙風栩栩樂陶陶何年來隱吳門
市詩墅關前挂一瓢紅塵十丈飛不到壺公壺與
巢公巢漆園子心何勞岐黃之書等身讀占察膝
理纖無逃內照返觀得竅妙九還八法手自操漆
園子憂世之忘日常蒿飲上池水三十日見垣一

吳閶

卷一

七

方燭秋毫斟酌溫涼投以圭刀起我烟霞之痼疾
中我泉石之育膏漆園子強欲逃名名益高只愁
扶破天地祕驅使蟲豸傷天喬長齋繡佛亦徒爾
冲舉不得還仙曹漆園子仁心利物九州四海可
以遊敖何必痺臂兒醫帶下醫趨迎所在供禮牢

太湖秋泛

書機蘭橈泝沈寥羣峰衆壑正蕭條天迴萬頃開
秋色地圻三江接暮潮乘漢仙槎依斗近凌波神
女弄珠遙霸圖寂寞風濤濶悵望鴟夷不可招

題第二泉

江南水品多清絕九龍之麓井尤冽石罅紆徐瀉
玉珠短綆低垂濺乳雪乳雪飛來小洞天一甌風
味何甘鮮欸使文園消渴痊康王谷中冷泉底事
茶經第一傳

汲惠泉二首

彌年誤逐塵沙地幾度魂飛曲水亭今日照顏還
漱齒不將泥污愧山靈

載得瓷罌滿釣船擔夫爭道寫潺湲鷄鳴關吏休

吳軫吉

卷一

八

猜問寬大清時不稅泉

梁溪行

梁溪山水看不足梁谿女兒鬪粧束東船西舫競
春遊禮佛齊來惠山麓惠山禮罷錫山來隊隊牽
裾往復回若個傾城迷下蔡不勞爲雨夢陽臺興
盡還尋繹舟處斜暉已掛疎林樹調笑相過問酒
家指點銀鉗嘗且去珊珊門外誰家妹二九不足
三五逾鳴蟬薄髮簪青鳳香霧輕容襲絳襦近前
微步生百媚流盼翩然入酒肆常壚豈是卓家人

解珮疑從湘浦至低回掩抑意難明坐起傍徨若
有情枯絮粘泥吹不起殢人尤物底須卿天涯泛
值同飄梗幽思無端徒耿耿解維移泊只蓉湖柳
外橋邊月華冷

毘陵晚泊懷鄒程村

蘭陵城下水迢迢柳暗離亭繫小舸不見梁園詞
賦客暮雲春樹總寬消

過蔣墅畱別賀天士四首

吾家南浦南君家曲阿曲物疎道自親千里猶比

蝶暉草

卷一

九

屋昨歲子來遊覺然訪空谷一編投我去譚譚乖
信宿獨把雲錦章無由報青玉

報玉渺何許引領浮雲端願爲雲中鵠因風托羽
翰一朝果素期登堂接古歡侑我蘭陵酒飲我安

胡盤氣熱襟爲開綢繆向夜闌

夜闌話何長良會苦猶短旅食偶因人菟絲逐蓬

轉判袂卽茲辰勞結不可展君亮崇令德努力大

且違千秋以爲期榮名詎乃淺

榮名何足貴所貴能居之隋珠懸五都不言乃共

推君子重三立不朽安可知
鄙余奉棄韃勵志共
砥持古道雖次寥維衰倘在茲

淨香池館二首

翳然林木望中賒對此幽懷未有涯
解事桐陰當戶映趁人柳浪隔溪斜
清談幾見忘年味高枕由來到處家
莫謂周旋惟與我黃庭讀罷又南華
長日淨香池館上千章夏木迴淒清
臨淵不羨知魚樂山谷相求習鳥情
頗怪潛夫猶著論偶從社友論作
時虛疑巢父是逃名華陽洞口尋真處
一枕風軒

巢車草

卷一

十

夢未成

擬禮夢君未果

由曲阿郊外至日光寺登望湖亭觀練湖

逍遙越城闔延目得遐曠修坂帶洪河
屯雲冠遙嶂藁薄紛蔽虧桑麻鬱條暢
迎阜既迴緬度阡復下上已見練湖光
空明勢浩濊浮天不與波納流無盡藏
遠峰屢出沒縹緲非一狀斷霞散平沙
翔禽掠紋浪周歷窮蘭皋招涉愜登向
棲遲梵宇靜凌厲丘亭抗始覺氣象濶
萬頃收一望迴薄蒸混茫虛無穿溟漲
情逐羣鳥移胸臆與肩雲盪目極不

知還賞心更成脣

寓園雜題次杜工部遊何氏山林十首韻

寓園幽迴處宛轉帶溪橋密柳渾連水
疎桐總拂霄棲尋每獨往林壑况相招
便有羲皇意涼風午夢遙

到此從留滯能令百慮清
遽過戲蝶恰恰弄嬌鶯
紉以幽蘭佩供惟錦帶
美何須愁熱客蓬徑斷人行

懸嵬蘿磴接頽岸石牀支雲護翻書
幌花浮滌硯

巢車草

卷一

十二

池繁陰人不見落實鳥先知
招得疎風至煩襟快

一披

草合生書帶溪應冒浣花客來馴舞鶴
彥會集靈

蛇泉石東山秀榭壘北海賒願酬卜鄰
約衡宇對

麗家

寂莫談經處玄亭向水開橫行穿砌竹
巧綴傍簷

梅烟月隨宜得鳬鷺莫定來惟應二仲
侶蠟屐破

蒼苔

梅尉當年宅愚公此日泉紅霞紛掩映
綠雨暗迤

綿花外扶藜杖牀頭掛酒錢澄和天氣好班坐宛

斜川

石洞凝烟紫牆陰膩粉香墜颺濃蔭寂洗馬晚天

涼戶訝雲霞入窗疑星斗藏移牀臨碧澗的的照

顏蒼

鷺穿有底急燕掠故差池信步青絲履休冠白接

羅攀枝危杏子暖荇狎魚兒物色供搜句奚囊鎮

日隨

鑑湖休賀監芸閣臥楊雲庭映琅玕樹家傳琬琰

娛暉草

卷一

上

文咏觴容我輩風月恣平分莫問塵勞事爭求蠅

角紛

勝地堪高枕故園思若何欲窮幽賞遍其奈旅愁

多信美登樓賦歸來彈鋏歌盟心向水石興發更

須過

謝別賀天游主人亦適寓感

名園勝侶自相將忽引離心廣莫鄉汗漫故應憑

鵠首崦嵫不慣歷羊腸虛疑臯廡來童子却愧荀

門聚季方

同伯氏
舊園中

此去漣漪終日對寫懷惟諷伐

檀章

題爲賀瀛登書扇

野亭孤兀傲老樹迴扶疎有客臨流坐空鉤亦意

魚

題爲張明我書扇

蘼蕪青一片鴻鵠白相親孤棹餐猶處溪雲正媚

人

賦別張藩室

坐擁皋比席高譚快盍簪一爲文共賞不放酒盈

娛暉草

卷一

上

樹孤館燈前夢離舟雨外心弟兄肝膈在惆悵欲

分襟

過毘陵喜晤董文友陳椒峯詢知鄒程村正

遊我邑黃艾菴又客維揚穢舟遺發未盡

傾倒爲賦二律歸似程村却寄諸君

今代論才不易逢延陵博物有高蹤人工白雪賜

春調家擅黃初大曆宗傾蓋相於存古意離舟

繫惜惓惓還期更遇中原日鞭弭周旋尚許從

不見汪汪千頃波

艾菴

子居鄒各待如何曉雲自向

蘭陵沒夜舫空爲剡曲過百尺臥樓容嘯傲

三

年著策費編摩

文友嘲
經濟略

好憑作賦梁園客

程村爲寄

中流擁柁歌

阻風憶家

心怯家關近思家轉百端尺書前日寄重檢一回

看不奈陽侯怒猶歌蜀道難南飛烏鵲侶傲我得

風翰

舟雨

扁舟衝雨發滴瀝點蓬聲夾澗竹枕暗倚聽書帙

吳興草

卷一

古

明綠蘋侵岸急白鳥習波輕點濤浮雲意淒其遊

子情

溪路一首

人家喬木杪漁艇落英邊便欲尋源入求耕不稅

田

竹樹森森暗溝塍脉脉斜殷勤野鳥喚似喚我移

家

舟行雜題四首

竟離塵網此閒身景物無邊媚眼新已分灰心貪

著少泉聲山色奈橫陳

童子蘆中長鼓柁樵青竹裏漫煎茶綠簑青篛閑

家具定不催人兩異華

客囊惟有數編書愁倦聊憑此破除怪道雲陽無

地產往還載得老蟬魚

雲情只戀扶疎樹雨意常隨蕩漾舟僊倩畫師圖

此景着儂覓句在船頭

歸舟阻風題長句破悶

乘興而往前月之初駕言遊興盡而返今月之杪

吳興草

卷一

五

行歸休吾生逢轉天之末去來一任飄風發隨時

利鈍無定期始知跬步庸超越憶昨揚舫出浦東

布帆安穩乘長風枉渚不勞錦纜挽洪濤似與銀

河通計程百里只瞬息迢遞南徐逼咫尺經過勝

水兼名山應接不遑真可惜豈知物理太難憑若

遭石尤歸棹迎柔篙數尺逐泥滑短纜一絲帶雨

爭黃頭縮項氣凋喪僮僕舩眠倒相向跼踖蓬底

可奈何水落蒲塘不可上爲我謂飛廉出沒胡不

弇險誰能出意量緣蹇雷偏轟薦福時來風自

送滕王達人大觀盡若此書空咄咄徒爲爾須臾

繫棹前村近酒家滿眼酤來銷塊壘

過山居讀書處

山中桂樹白雲迷習習香風幾度吹記得秋燈明

滅夜萬蟲聲裏讀書時

涿涇曉發

鳴橈宿雨歇挂席曉風呼山色乍隱現人烟或有

無野荒遙入越天濶迴吞吳莽莽江湖外滔滔日

夜徂

吳軫直

卷一

去

臨高臺

臨高臺悲風萬里青冥間問風何所起蓋從談蕩

天門來延眺崑崙俯八垓白雲蒼烟入我酒杯欲

潑雲烟望去鵠高天爲我且徘徊

與諸同人登泖塔次壁間駱沆瀣先生韻

峯色波光何處尋扶筇聯袂此登臨峰迴縹緲層

層日波擁岩巖面面心幾輩驚人攜好句百年勝

賞共知音丹梯窮處平蕪淺一帶斜陽一半沉

雨宿竹安齋遲主人不至

何處滌煩襟解鞍憩幽獨虛館含清陰蕭林變羣
綠一編雜坐臥靜覺爽心日夜間疎雨過泠泠洗
修竹砌蛩若有意切夢聲相續曉看新晴色空翠
猶可掬吟嘯向此君不問主亦足

寓夜二首

虛館夜寒輕蕭然一榻橫鴈飛星萬點鷄鳴月三
更碧篠搖逾靜紅燈澹復明何當攜梵筴長此息
勞生

吳軫直

卷一

七

殘舞憶聞鷄起歌憐倚劍彈故關歸未得空問竹

平安

細林山夜泊約訪張漢度不果

石尤怒打船頭急江岸遙遙怯短絳客子長歌行

路難那得揮戈駐落日舟人移舟置壑中林深夜

半號悲風龍公衡宇應咫尺月黑巖扉何路通

訓別諸材石次原韻

滬上風波客春來汗漫遊素心歡命醉白雪唱還
酬黯淡村雲合微茫山雨收由來感意氣難別奈

難留

春山曉霽和王明府韻

宿雨萬峰收蒼然積翠浮烟嵐初媚日明遠欲過
秋景入王維畫吟邀謝客遊使君朝挹爽挂頰自
凝猶

答遺民兄約王園訪梅五首

膩雨粘雲次第消柳情花意未全嬌春光漏洩知
何處好共詩翁訪瀟橋

幽情已向白雲隈喜劇相呼尺素來爲問羅浮香

聚暉草

卷一

文

夢裏殷勤含笑待誰開

頻年辜負探梅約別墅他山自作化今歲花時應
不改祇添管領屬詩家

舊遊景物憶前年送爾維舟此別筵列炬中宵看
不足明朝分手各風烟

客歲適民北
上於此話別

休教鶴怨與猿驚君是孤山舊主盟驛路漫招逋
客駕彥倫原不縛塵纓

訪梅王氏山莊疊前韻五首

條風着處凍全消林外新鶯語欲嬌惟待隴頭消

息到好尋詩老過溪橋

瑟瑟蕭蕭南浦隄天風忽下好音來報我花冤如
有待水霜爲護幾分開

扁舟獨向僊源裏迷入千林萬樹花花底照顏還
索笑肯將清瘦讓君家

高燒銀燭夜如年四照繁英燦綺筵更上孤亭遲
華月山腰圍玉亂生烟

星移物換總心驚白石清泉好結盟憑仗花神臨
息壤草堂終不易簪纓

聚暉草

卷一

文

過梅華源與諸子集萬竹園二首

把臂入花陰披襟向竹林岸梅香未歇江柳綠還
沈擊鉢催詩就飛觴醉月深祇應結茅屋長此豁

幽心

若少羣賢集空爲萬樹梅晴光交近墅花氣散平
臺北海原多興西園最有才到來真意愜堅坐闌

深杯

夜集牡丹花下二首

鵲飛金谷會羣英拍徧雕闌唱麗情不數沉香亭

畔客金花醉墨寫清平

春色平分十二樓露凝香澹月如鈎寧辭百罰傾

三雅絳蠟高燒永夜留

雨集西閨艸堂分韻得憐字

山堂來舊雨密坐足清妍石布苔錢路雲昏麥浪

天分題繭紙貴洗盞燭花偏倚醉看雙玉嫣然亦

可憐時几頭供
兩白芍

寄園玉樹重花歌爲方伯修公作

南國句宜足膏雨自公多暇休林墅胡牀明月庾

樓驛草

卷一

辛

公樓綠水芙蓉王儉府良辰選勝集羣才抽毫授

簡盡柳枝堂開文譙名堂瑤華發閣俯澄虛名閣漢影

迴林木翳然帶濠濮時方避暑尋河朔沉李浮瓜

好納涼坐愛濃陰憩叢薄叢薄陰森清晝寒枝頭

盡掛水晶冠豈是素娥臨月下還疑王母下仙壇

瓊瑤繁英不知數誰信重開玉花樹回幹深知造

化功休徵定有神靈助太平瑞應見根芽麥有雙

岐禾有嘉手轉洪鈞深莫測八蠶再熟信非夸向

榮盡載陽和意不言亦備四時氣他時史傳紀嘉

祥遷與芝房薦郊祀

奉觀察荔裳招同董榕菴蒼水吳六益仲微

沈雪峰何九陞呂又東家釜山寓園卜晝

二首

芳筵開上日詞客集南園佳景觀甚劇南史既佳
光景當得

廟清流把釣尊榻期留孺子絲合繡平原未盡探

奇興城頭日漸昏

欲問楊雲字來陪謝傅遊觀濠魚白樂出谷鳥相

求雄辯千人失鴻篇萬象收真成竹林勝披豁見

樂驛草

卷一

主

風流

練川夜泊

蒲葦冥冥入暮天火雲冉冉墮吾前村醪滿眼過

橋得漁唱無心隔岸傳水而流螢光上下磯頭宿

鷺立聯拳筆牀書卷關何事也逐飄蓬數往還

客明月堂贈拒園主人次韻十二首

幽期從北郭別墅尚東偏曲水長流澤喬柯不記

年風塵昔瀕洞天日地邈及爾艱虞後還將舊

德傳

看花仍倚杖載酒更停輿人指高陽里星占太史
書敦槃存肅穆禮法信肅疎一片譚經席真成楊
子居

多難成吾老持躬覺汝賢人歸天寶後書紀義熙
年閭世難忘酒驚心却悟禪碧環聽外月幾度缺
還圓

軒題名
碧環

閉戶無晨暮樵蘇稍出烟簡編聊自綴詩律細能
聯吾道今寥絕宗風獨儼然折楊盈里耳莫使衆
人傳

銀車草

卷一

三

會心不在遠林壑望中起徑掃歲鞋樹門通宛轉
橋烟霞照舊侶雨露說先朝曳綬歌金石誰爲結
駟驕

未穩鶴鷄寄甲里栖江浦濱飄搖足風雨涼燠歛冬
春不改惟心洽何殊棟宇隣方知歲寒圃故有歲
寒人

開名
歲寒

愁霖三伏過灌木四垂陰蟬吹當風簾鷲和山谷
音賭棋矜落子灑翰奪來禽更向濠梁上科頭自
在吟

靈光開灌莽明德復馨香日月移陵谷精靈托吳
蒼守祧端不忝登俎未全荒志行兼忠孝由來學
素王

美復宗
祠也

最愛軒楹敞臨流把釣竿雨過荷葉淨風遞柳梢
寒好客攜供具清吟共倚闌逃名本我事發興借
騷壇

尹綠樓居好攀援老桂陰先生高臥口外物不關
心栖托乾坤大沉冥草木深漫勞招隱搽自撫一
弦琴

尹綠樓前
有古桂

銀車草

卷一

三

篝燈分洛誦細帙早傳芳新製篇篇綺奇葩字
香因知鴻羽吉殊有鳳毛祥庭際琅玕竹森梢亦
過牆

美令嗣
天存也

日涉都成趣冥搜任客爲甯題聊取次醉墨或傾
歌簪盍娛今日襟披想異時暮雲凝望裏蓬蒿各
低垂

又次荔裳觀察韻六首

懶性成何地浮生駐此軒淹留消坐隱曼衍出危
言落落琴書味遶遶枕簟魂方塘清淺水幾減漲

餘痕

修林環一碧瀟照切牕間洗研知魚樂釣簾見鳥
還興於閑獨寄情以澹相關詞賦吾何有中分大
小山

虛堂不受暑坐臥儘無妨竹影侵茶竈蓮香沁筆
牀每聞高士論自覺北風涼窈窕空潭月流輝故
故長

蟬飲齋中客肅神共一清梧邊銀露墜柳外玉繩
橫喧爾蘇門嘯休歇蝸角爭所須惟稼穡谷口足

集驛草

卷一

五

深耕齊名
蟬飲

金粟來儀候留賓檢鵲鵲八公推賦美四韻競才

良贈有瑤瑤佩餐惟沆漉漿醉看河漢皎天路好

梯航

時危存碩果老至托長鏡夢草悲難弟開械話阿

咸荒烟千雉合斜日一林銜知爾深埋照塵封古

劍函小阮大年
家報適至

題明月堂次嚴灝亭先生韻

大隱依然通德門惟將著述荅君恩入林帝鳥開

芳徑映竹疎花帶遠原水抱圃畦人抱甕天爲棟
宇室爲禪客來若笑無供具先出訶陵罰滿尊

何匡山先生招同拜石和園小集余以腹疾
不起謝之以詩

漂泊彌年遠几杖殷勤長者具盤飧更期高館成
良會且喜新篇得細論不分河魚相作苦空憐鄰
鶴故難翻霍然惟待枚生發芍藥雕胡數幾番

贈春暉堂主人石羽明大和園韻二首

應是君身握辟塵非關遺帶久逾新用石駟馬辟
塵犀帶事

集驛草

卷一

五

草堂佳句盧鴻乙谷口名花鄭子真欲報春暉存

世譜每當明發念先人異時獨行書惇史編用黃

全管用銀羽明方
輯家譜

鶴立何妨鷄鶩羣情高自爾薄天雲家聲建慶傳

千石古法邑斯辨八分羽明
工隸醲黍亦爲蘭菊味振

衣時作芰荷芬江城漫道無佳景吟望朝烟到夕

曛

中秋後一日同趙山子陸翼王朱拜石諸公

集和園古桂下卽席次山子韻四首

幽人結隱在牆東，置我平分一壺中。折簡更招松
竹友，開襟時納芰荷風。香傳金粟宜浮白，句擲瑤
華過北紅。忝附小山羣，彥後當筵才盡只書空。
草堂不限瀼西東，一片秋香滿院中。和霧襲來疑
作雨，白天飄下不因風。扶疎葉隱蟾光爛，低亞枝
搖蠟炬紅。酹向花神還共勸，高懷仙舉欲凌空。
銀漢迢遙書閣東，畱連佳景一宵中。澄潭倒瀉清
秋月，老桂微吹太古風。點筆濃濃垂露白，添杯灑
灑照顏紅。倚樓裁罷驚人句，四座無言氣已空。

東郭草

卷一

美

夜久沉沉皓魄東，最難分手月明中。隔溪彷彿猶
霏屑，聯袂虛無忽御風。竹徑烟深渾一碧，蓮房粉
墜不成紅。勝遊俯仰俱陳迹，邂逅愁總帳空。

再集秬園桂下送拜石北上余亦返棹次山

子韻四首

不淺諸君興，招攜更上樓。餘香畱促席，殘月待離
舟。酒國逃嵇阮，詩壇鬪項劉。蒼茫燈影裏，慘慄一
聲秋。

淹畱叢桂下，坐臥失將迎。好共傾三雅，安能羨五

鯖。頻催遷客駕，倦聽上林鶯。半醉仍分手，勞歌空
復情。

披襟風葉墜，覓句燭花斜。欲鼓蘆中柁，還行竹裏
茶。後期難再得，此會亦云嘉。問夜知何許，啾啾宿
鳥譁。

延賞從茲愜幽尋，豈待招紅蕖。憐的歷黃雪想飄
颻，此別俄南北。相思幾暮朝，蒼苔白露外隱隱斷
魂簫。

九日晚晴登惠山

東郭草

卷一

毛

望岫移輕舸，登高趁晚晴。霞分泉響厲，茗歷桂香
清。竹裏過僧話，林端出鶴鳴。不勞吹客帽，自欲濯
塵纓。

梁溪道中口占

十年漫浪梁溪道，七尺飄零滄海身。樹態相看相
次老，山容一上一回新。隨舟去住情何繫，酌水清
冷味自真。泛泛白鷗常在眼，經過應笑倦遊人。

重過錫山曉發似陸徐二子

徂夏又凌秋，復此梁谿路。榜人貪利涉，侵曉乘風

度披衣對山容良觀如逢故蒼翠平楚齊嶙峋石
骨露林鳥囀一聲飛破山腰霧呼起兩詩翁推蓬
參活句

疊前韻

青山爾何爲晨夕候征路忽感山前月鴻鴈先秋
度卽景已成新含情轉愴故梧桐無繁葉芙蓉有
墜露深林隱曙烟茅屋來宿霧喟焉發勞歌蒼茫
續短句

野泊

娛卿草

卷一

天

暮色遠蒼然依沙得自便長風迴大野遙吹撼孤
眠夜靜燈依客村荒犬妬紅懷人政愁絕祇隔淺
深烟

秋深

秋淺復秋深黃花已散金朔雲千里鴈暮雨萬家
砧地澗吳江冷天高楚岫陰將歸悲宋玉蕭瑟罷
登臨

蒜山北望二首

江天漠漠勢虛無兩點金焦似畫圖更向江南望

江北瓜州古渡渺平蕪

去年江口赴新潮隊隊看來東素腰正是月明搔
首處玉人還否憶吹簫

同宋荔裳牧仲譚長益遊宿焦山分韻四首
臨流方擊楫杖策復探奇靈境已終古幽尋又一
時平開島嶼色不盡海天吹寂寞焦仙跡蒼茫寄
所思

突兀雙峰壯捫蘿試一攀清風修竹裏丹竈翠微
開出岫雲何意投林鳥自還平生耽勝賞不敢負

娛卿草

卷一

天

名山

振衣還濯足信宿憩精廬鳥雀知齋磬蛟龍護賜
書山寺有宋高宗勅書僧歸落照下帆出曉烟初底事勞詹

尹江潭好卜居

莽莽亂雲堆青青數點開江吞京口去潮擁海門
迴處土星爲客登高賦有才遊將攜蠟屐長此快
追陪

題焦山寺壁次王阮亭先生韻四首

茫茫烟樹深漠漠江天遠一片斷霞飛漁歌齊唱

晚

山腰出帆影樹杪挂飛泉三詔渾閒事千秋此洞

天

寶墨何年碑摩挲得瘞鶴倒薤法猶懸崩雲勢欲

落

醉眠石堪枕清談桂可樵不奈催人別黃頭說起

潮

廣陵中秋

桂魄初盈廿四橋卅江八月壯新潮青樓夾道垂

銀車直

卷一

辛

長袖碧檻微風度短簫望久玉繩光欲灑立殘珠

露夜虛寥十千擬醉蘭陵酒調笑爐頭有翠翹

贈季滄葦侍御

先生昔在蘭臺上抗疏天門開謫謫當關虎豹亦

鬚髯一觸牙冠邪膽喪曾向上林鈎罪徒公然按

劾霍家奴須臾炙手成繞指恐防白簡來青蒲嶽

嶽昌言排灌絳綠章直達旋摧降舉朝盡憚張綱

嚴

天子亦知汲黯慙誰遣浮雲翳日重時清無事補

山龍却教安穩東山臥日拜秦封千歲松不少平

泉兼綠野連屋圖書對瀟灑手攜鈴藥肆討論天

假先生爲作者先生每餘念

先皇忠愛油然而見數章

侍御有晚先帝十律

鼎湖痛絕園林

外江海寧關魏闕傍聞道明廷新袞鉞激揚天

下思風節期君更起作舟楫慎勿怡情戀巖穴文

章經國亦千秋須慰蒼生望眼切

句曲道中見白蓮

何處凌波步盈盈釣磯香迷雲外桂色謝禁中

東華直

卷一

壬

微下瀨鷗能伴空梁鶴不肥仙姿翔宛約水魄濯

依稀露滴鰲人淚波騰素女暉幽蘭恨延佇飄絮

怨芳菲爲道瓊懷客風塵尚故衣

阻風燕子磯同荔裳訪蒲葦上人山間和韻

四首

畫舸侵晨發風濤正渺茫題尋石壁采隱到繩

牀浩蕩江天濶沉冥日月長聊因濟川客行止問

津梁

傑構倚山巔憑軒意豁然屈盤雙樹合秀削一峯

懸宿鸞依寒渚歸帆出暮烟那能嬰世網不共此
安禪

自昔驚人句多從物外工我觀霞上作君有贊公
風遠岫初迴鴈空江正落楓翹將支許意送難一
龔中

絕磴試躋攀蒼茫隔岸山苦吟黃葉老放蝦白鷗
閒一食清齋罷長依淨業閒却愁風力淺鼓棹出
江關

登燕子磯遇沈韓倬許鶴沙鄧玉書秦雷僊

蝶聯草

卷一

三

諸公有作

問天恨少驚人句恰值逍遙供奉班六代荒烟飛
鳥外千年戰血怒濤間滯留南國嗟司馬蕭瑟江
關倦子山便欲乘槎星漢上滔滔東逝幾時還

同諸公登觀音山閣

葭菼蒼蒼落日陰振衣縹緲度危岑亭臺面面開
圖書雲物悠悠變古今霸業孫吳餘氣象賦才燕
許共登臨青楓搖落秋江冷目極偏傷千里心
燕磯守風同蒲公訪馮子園居次芻蕘韻

蓮社名賢路不遙招尋只過虎谿橋坐聽風信潛
消長行見星文隱動搖落筆燦花生檻外小春庭
樹作花
倚樓紅葉滿山腰偶來彥會忘賓主茗椀楸枰破
寂寥

次早瀨發又被石尤雷住仍坐蒲公華笑軒
大荔裳韻

半日浮生過輕帆待曉飛那知風伯惡又叩遠公
扉詩律參逾細玄言析更微坐令塵事隔幸不賞
心違

蝶聯草

卷一

三

風霽曉發江上

冷然吹萬息蕩槩及朝晴遠埃孤烟外中流一鑑
平山山楓葉紫岸岸荻花明回首禪關路相思隔
磬聲

桃葉渡歌

秦淮渡口王家妾流傳小名喚桃葉春風吹過綠
楊枝寒雨離披白蝴蝶波中樓榭影中娥半揭花
簾顧盼多來往遊人自朝暮前舡歌接後舡歌
荔裳招同黃增岸李方山姜綺季王安節諸

公秦淮秋汎卽事大増岸韻

東溟宋公賢好德淵心秉物望鄭當時才華潘騎
省延納傾豪俊典發輒敦請選勝古秦淮畫舸
幽屏綠谿路不迷橋廻儼靈境澄鮮雲物淨塊
波光冷低垂臥堤柳細動牽風荷遠岫落尊前佳
氣要已領何當傷曲欄目成足莊靚依約呈半身
掩抑露交頸軟語若有吐不見驚鴻影薌澤或微
間疎簾映單裘遙岸涼颼起清切誰歌郢滄浪忽
唱晚知是歸漁艇懷古問陳迹何處景陽井且盡

集韻直

卷一

書

暇日鴈追歡逐清景李郭仙風舉莊惠玄譚靜紛
吾獨才盡處囊慚脫穎吟望思無端欲傾墨未整
輕鷗帶柔艣與波上下騁薄暮惜分攜茲情相與
永

長干行二首

朝陽門外蹇驢輕霧谷松聲九里清一自孝陵烟
靄盡荒臺麋鹿最合情
玉樹風翻石鼓堂鷄鳴蕭索走黃羊靈光基上秋
風早玄武池頭落日黃

冶城旅懷時逢七夕

楓落長辭鎖院旁無端更滯白門裝息機休送黃
姑巧病腸須迎白帝涼桃葉渡頭迷淺漢賣花聲
裏下斜陽盈盈劇有離愁客爲賦銷魂待曉光

祐國菴客夜

佛火龕猶細厨人語漸慵愁多難及曉夢冷若爲
逢點鼠欺孤帳荒鷄接斷鐘不知天闕外乘興得
扶筇

卽席爲周櫟園先生壽

集韻直

卷一

書

上客滿堂將進酒奉觴再拜爲公壽酒酣四座且
勿喧賤子請爲歌一言君不見鵬徙南溟六月息
培風不改扶搖力嗟爾鳩鵲又安知紛紛格磔徒
相喧又不見大椿春秋八千歲匝地撐天日月蔽
縱有斧柯當奈何蚍蜉震撼渾閒事丈夫曾爲
天子秉鉞兼司農曾爲問閭保障立奇功拂衣便
作青真鴻誰云今者吾道窮青山原屬謝安石綠
野儘容裴晉公坐擁牙籤千萬軸汗青著述連牀
星扶輪大雅障百川北面人宗齊肅穆齊肅穆問

先生先生三立何崢嶸嶽嶽鴻名摧不傾謠詠安
能滓太清大業千秋垂不朽此是人天真歲星

爲陶鍊師壽

君家弘景後早事紫陽君袖挾黃庭字囊攜赤伏
文秦淮五夜月鍾嶺四時雲別是人間世瑤京下
鶴琴

長干送客遊寧武

日氣炎雲灑晴雪黯黯江波縈九折金風剪剪散
綃霞霞散千林杜鵑血杜鵑啼徹長干鼓夜叫征
艖車草

卷一

美

人煙月中江水漾愁愁欲老江紋織得秋山紅汀
草迷離離芳芷江頭金盞遠行子蒹葭采采逗雲
帆心逐征途二千里

舟次燕磯昏夜不得訪蒲公二首

綠天深處暮鐘虛宿舸依沙返照餘悵望碧雲江
上合惠休吟思定何如

高座容聽雙樹法偏師幾困五言城蒲公五言擅場今來
繫纜空山下遙禮蘇門半嶺聲

娛暉草目

卷之二

渡江望金山

柳

舟中望月

渡黃河二首

行路難六首

枯魚過河泣

露筋祠

秋思引

江南

相逢行

君馬黃

邯鄲才人嫁爲厮養婦

旅館書懷五首

關山月

娛暉草目

卷二

辛亥除夕二首

壬子元旦二首

送友南歸

饒宋觀察二首

初夏伴體

題鄭寒村小景

走索行

都門雜詩六首

壬子除夕

癸丑元旦

送王韓山二首

送袁平陽

送秦方回

送王良輔二首

送山農南游

秋日旅懷

送石林先生二首

邵雋生見訪

別祖僣諸子

過琉璃河橋

東林庄堤

鄭州曉行

山行

傲來峰

蒙陰道中

新泰道中

行次桃源

楊補之梅卷

溪上

戲書長夏事宜

呂聖功故壑

太白酒樓

長安倦客行

遊龍泉寺

集中頂荷亭

九日登高二首

東坡草

卷十

二

和友九日二首

送董蒼水南歸

春雨二首

娛暉草卷之二

雲間周金然廣菴著

渡江望金山

秋濤方浩蕩一瞬下南徐日射江山暉煙開殿閣

虛乘風願未已擊楫意何如呼取盈尊酒長歌酌

望舒

柳

無限長堤柳依依管離別從茲唱渭城迢遞關山

月

東坡草

卷二

一

連夕舟中望月

明月復明月川塗猶滯淫高歌誰見賞碧海而難

禁咫尺豈能吼蒼茫龍一吟倚篷常不寐涼露滴

幽襟

渡黃河二首

青天飛破鏡沉湍照奔流一瀉奇胸盪長河萬里

秋

一輩中流險茫然百感多君看策高足較是困風

波

行路難六首

寒風蕭蕭雲亂飛木葉野烟何所歸寸心一夜天
涯合大江南北情依依心爲夢兮夢爲鳥有影無
形魂竊緲遍尋不見春原草但見千峰兀突離奇
夢高而天小吁嗟七尺軀憂患成蹉跎淚痕欲沒
紅巨羅那堪當哭之悲歌古來豪傑良已多淮陰
一餓夫登壇定干戈汾陽一老兵隻膽掌山河英
雄落魄能幾何

集驛草

卷二

二

昵昵深閨與單旅勞勞長別奈何許沙漠從軍未
得還悲笳吹斷邊城雨生死同掩抑饑渴共甘苦
空羨凌霄黃鶴舉咄嗟誰爲爲此語丈夫功成當
裂土錦帳華燈遞歌舞奉觴上壽樂更端歡娛無
方磊塊吐安能錯莫吳鉤照短檠常與書囚作僧
伍

燕市酒人真吾徒腕中匕首腰洪盧坐擁越娃弄
趙姝揮手意氣擲明珠報讐膽決爭須臾殺人颯
爽草不如男兒百鍊化繞指何乃區區爲情死海
波怒飛虎豹嗥夔魍森森石齒齒拔劍起遠殘尊

行萬里山川從此始

君不見重瞳氏拔山喑啞萬夫靡又不見隆準公
跣足嫚罵無英雄胡爲垓下虞兮歌且泣欲別不
忍何嗟及胡爲帳中楚舞愁殺人悲歌宛轉傷心
神茂陵豪氣跨八極一朝割愛除鉤弋消魂却在
延年妹姍姍來遲涕橫集人生別離真可哀天地
蒼莽山嶽頽試望雲烟皆黯澹不聲聲顰蹙淚成灰
男兒蹉跎過三十猶未成名百憂集一身葉落洞
庭波尺土何年歸親骨有烏哀鳴林毛焦戢伏寒

集驛草

卷二

三

枝飛不高天荆地棘何嗷嗷風雨漂搖戀故巢漫
擬鸞棲與鳳食何處孤桐拂霄直
羽聲變徵涕如瀑美酒如澗空百斛欲吞不能方
寸蹙胸中五嶽相起伏努力加餐愛此身途窮魂
夢多苦辛且學雙屈莫求伸豫章飽霜霰桃李悅
陽春胡爲長吁太息而傷神

枯魚過河泣

過大河莽以蕩中有魚逐屑浪自恨無鱗甲不得
飛騰疾若風且爲相泣呼神龍神龍龍不知得

勢寧憐失勢悲

露筋祠

貞女何年廟鬼裁
尚水滄呈身還改面
巾幘付男兒

秋思引

凉凉者風耶荒荒者西且東耶
解一湛湛江水與秋
爲一孤客其中奈何出入
解二粘天一髮白雲自飛
蒼茫孤望涕下沾衣
解三刺促上下荆荆棘棘夜半
恨開刀鳴四壁
解四奈何許不得語
養者甘蓼者苦

樂府章

卷二

四

韓幕謾謾繁淚如雨
解五夢魂低低蹙蹙路長禽呼
獸索渡河無梁
解六天之路在何處
夢夢者天愁不
可度征夫回互
解七

江南

江南何蒼蒼極目不可望
江南何蒼蒼極目不可
望白煙九點此爲九州三山在海似芥以浮仙人
下視城郭如鷗轉衛勞勞其意何求
蘭自薜兮芷自糝懷彼美兮安得知情愁絕兮誰能持

相逢行

少年游俠者足跡輕天下
青驄爲我馳紫驄爲君
駕青驄與紫驄千里如過
簿相逢不相識紫馬歡
相刺燕市高樓前一飲傾
一石起贈片言當綰紵
揮鞭前去各努力

君馬黃

君馬黃臣馬紫此馬豈是人間子
奔超滅沒形影空掣電追風
一氣中弟視兄兄爲龍胡乃伏櫪
膏枯草枯草蕭蕭不得飽瘦骨
峻嶒悲懷抱呼嗟今伯樂會我
思安得豁然一遇之泣涕雨而
振振而

樂府章

卷二

五

嘶聲割天雲海水怒飛伯樂往矣吾安歸

邯鄲才人嫁爲厮養卒婦

小小承恩澤榮華見兩宮
自矜能結束氣體敵椒
風似水流年度君恩那望終月
明思故苑秋老怨飛蓬聞說昭
陽寵施朱已太豐

旅館書懷五首

強欲飛騰羽翼微傳經心事總
相違夜溪分得餘明照猶爲東
鄰繡嫁衣

傳聞校獵方回蹕簪筆詞臣繞
建章鈴繫書生空

白首射熊何日賦長楊

門前十丈卷頭塵淨掃蕭齋一榻陳不信長安行樂處到來亦有閑關人

卻憶當年陳拾遺攜文百軸走京師碎琴酬得千金值此事將母史浪垂

尺鯁非龍亦有神蹄涔不慣作波臣漫勞升斗相濡沫爭似江湖縱涸鱗

關山月

蕭瑟邊城月長照征人路遙作空閨夢裏身幽魂

夢暉草

卷二

六

一髮光中度此時夢醒若爲情愁對羅幃皎皎明天涯夜夜圓又缺惟見星逐馬蹄沒

辛亥除夕二首

辭家忽忽背秋冬回首雲山隔幾重壯志未酬鄉夢斷尺書不至酒悲逢燈前顧影思投筆廬下從人識賃舂多少鴛鴦班齊待漏等閒聽徹未央鐘
燕市鐵頭倚放歌酒徒何處覓荆軻時方遲暮嗟何及人到他鄉感故多短髮旋隨窮律變歡場消得幾回過虞淵不管桑榆恨慷慨難揮返日戈

壬子元旦二首

乍報晨鷄第一聲占風已識泰階平登樓賦敢追王粲挾刺人誰薦禰衡景物殷勤供老去關河迢遞引情生鳴珂應盡趨仙仗芒屨無端客帝京
漸覺寒威減敝裘韶華次第滿皇州輪蹄紫陌戎戎暗宮闕紅雲霽霽浮往事低回如隔世新愁細數又從頭未堪作伴還鄉去蹀躞聊爲踏御溝

送友南歸

夢暉草

卷二

七

鄉心正怯獨登樓何處堪憑送遠眸屈指盧溝橋外路爭教一日不三秋
涼颼蕭瑟動鳴鞭衰草離披接暮天我亦懷歸歸未得江南望斷好風烟

餞宋荔裳觀察赴蜀二首

銜恩仍使節飲餞競追歡回首長安近休歌蜀道難馭應驅九折峰定歷千盤未忘庭堅祀懸知弼教寬

時祖席間出示
祭皋陶集府

君到錦官城三巴論檄行山川生氣象草木識威

名雨逐牽帷。澍星懸執法。明句宣旋後。命端不讓。

難兄

艾石方以蜀
集遷方伯

初夏俳體撥悶

蕭條旅館不勝情。爲憶江南百感生。小閣試茶新
殺雨。短橋踏草舊清明。采蘭葉葉春衫薄。競渡翻
翻彩鷁輕。慰我遙天一搔首。深泥沒馬謝將迎。

題鄭寒村小景

蒜山一點弄晴嵐。也與三山作子男。忽憶故園京
口下。小詞填取望江南。

集聯草

卷二

人

走索行

有女盈盈復窄窄。纖手舞繩足走索。囊裏綿繩麗
且柔。架空爛若虹霓色。低徊宛轉喚嬌娘。爲兒結
束著衣裳。裙拖羅襪偏宜短。袖縮紅巾不厭長。側
視錦繩身欲動。阿母鳴金走相送。素手持竿故上
遲。欲上不上如有思。鳴金漸促行漸速。乍却乍前
隨所欲。歛仄俄橫郭索行。趨跳或振商羊足。霍如
失脚千人怪。瘦藤欲墜猿猶掛。迴身一躍復上繩。
捷如十月翻風鷹。白日西斜伎亦畢。纖手徐徐整。

求立槃盤含笑乞。犒錢觀者如牆咸歎息。問女家

何住家本鳳陽城。阿爺前年死妾身無弟兄向來

生產一朝盡逢此百罹。誰見憫羞看面目倚鄉隣

寧作他鄉流落人妾身今年纔十七學得人前能

走索東家女子織流黃歲俟迴文百丈長西家女

子誇刺繡拈針挑出紫鴛鴦自從綠髻初垂額微

步何曾出畫堂人前獻媚真無計明朝忍恥還呈

伎天涯淪落總堪悲何必琵琶能迸淚

都門雜詩六首

集聯草

卷二

九

丹闕凌中天彷彿重華宮梧桐號瑋材氣象鬱何

葱好音動人懷清廟聲風颭颭輝豈無意六副未

咸耕

于役滯冀方春秋幾更變托處匪蘭林蓬麻充美

箭倪仰中自傷同心異鄉縣羣居仍子處今人第

交面

有美彼姝子婉孌事異梳膏沐市中行上客惠同

車贈貽盈紉佩兼用多令譽押手謝彼美敢銜華

裙裾由來翠袖薄秉性不願餘

東家酣拳兒經過皆趙李門停玉鞭聽庖膳金盤
鯉五陵裘馬客瓊筵錯珠履奉觴齊上壽長夜歡
未已西隣供藜藿蕙士蘭君子道故偶班荆一斗
亦醉止

崇楣冠虹霓甲第森畫戟長衢接飛蓋華館盈上
客咳唾落璣珠片言生六翮何用結同心青蚨兼
赤仄金張勢莫倫梁竇權何極一朝高臺傾輪蹄
竟聞寂荒荒蔣生徑寥寥揚子宅悠哉二仲侶覺
然問奇迹千秋稱達賢因茲悟損益

東車草

卷二

十

相逢當狹路凝睇不敢翔煜煜大秦珠充耳雙明
璫開襟納緒風懣金間都梁行者捋髭鬚毋乃紫
鴛鴦紅塵掩飛鞚顧歎心茫茫

壬子除夕

旅食京華歲月增浮雲世態莽相仍稍聞冠盜清

三輔幾見雄豪競五陵

時歲輔多獲暴客又初嚴服制

朔吹漸收

愁未散暮天極望信無憑歲時不作團圞話獨守

青瑩丙夜燈

癸丑元旦

原缺第十一葉

騰出霸圖不少登樓懷古意好憑錦字寄吾徒

送門人王良輔省其尊人撫州郡伯二首

綵服趨庭日行春五馬回金谿流潤澤銅斗望崔
嵬亭覽茱萸勝人誇竹箭材公餘承色笑欸欸話
燕臺

子去尋靈谷山川足壯遊太丘新政事內史舊風
流何處頻回首相思獨倚樓懸知庭訓切歸向簡
編求

送山農南遊

娛暉草

卷二

上

前年我躍燕山馬對君蕭館離懷寫浩歌何意忽
南轅獨撫朱絃嗟和寡君今復上昭王臺笑口勿
勿只覺開相遠已分空搔首相近何期又鑿坏不
得與君數晨夕飄然遂整圖南翔別卽經年會復
稀同心豈合參商隔滯留依舊賦登樓美殺騎鯨
汗漫遊火雲已散燕關暮玉露旋生梁苑秋闔山
越嶠奇觀最彩毫收得盈襟帶持贈何時傾豹囊
遲君槐市風雲會

秋日旅懷

渡落尋常事，胡爲迷馬塵。周旋仍與我，畱滯強因人。
足則非關楚，囊空敢怨秦。五湖波浩蕩，能不憶鱸尊。

送喬石林先生請假省觀二首

潯沐承王命，星言及早秋。情餘烏鳥疏，恩帶鳳池流。
舞綵絲綸繫，充庭杞梓收。王開分校未觴應色喜，豈必鼎烹謀。

方朔辭金馬，安仁奉板輿。況當晨省日，猶是晝游初。
意氣跨題柱，聲華慰倚閭。嚴程左計日，過上

紫宸居

卷二

七

邵雋生見訪慈慧寺，偕尋黃立鼎散步卽事。
阜城門外風光好，草樹爭春欲老盡。日輪蹄西復東，塵飛不到禪林表。
容膝蕭齋足自娛，圖史縱橫恣幽討。天涯兄弟漸晨星，聚散升沉思渺渺。
誰歎念我逃空谷，蹇蹇蹢躅尋清曉。敗意只愁俗客來，忽來俊物開襟抱。
譬如那能長在側，清談何止爲三倒。坐臥索攜冰雪文，淹留待爨樵蘇飽。
同病休憐骨相屯，相看依舊矜腰裏。由來我輩不言

有愁亦被公驅掃，乘興招尋得素心。步履巡畦穿木杪，摩挲碑底紛倒薤。
偃息松間擁翠葆，更瞻紺殿禮空王。老僧相向茗香繞，浮生似此遣亦得。
須臾陳迹隨空杳，羈棲况復去畱難。過從百遍猶嫌少。

南歸出阜成門至大井橋別祖饒諸子

驅馬出燕關，三杯壯別顏。紅塵違北闕，白霧隱西山。
悵望官橋小，蒼茫倦客還。浮生無去住，總在夢遊間。

集聖章

卷二

十四

過琉璃河橋

坡出先峰外，虹飛大兩陽。勢憑三輔險，氣壓九河涼。
沙渾無際牙，橋迴不妨未。成題柱客已倦，着鞭長。

東林庄堤

長堤連十里，疎柳帶蜿蜒。有水皆環趙，無雲不向燕。
蛙喧傳鼓吹，鷺靜學聯拳。投宿知何處，前村起暮烟。

鄭州曉行

化髮遠遶夢未成荒鷄喔喔喚將行疎燈明滅過
人語殘月蒼涼旭日生畏路不嫌垂橐盡薄寒偏
愛敝裘輕亦知畫繡非吾事驢背微吟穩稱情

山行

亂山何龍從馬頭呈曉色一徑入屈盤鳥道接行
跡初駭駁復吐浸淫上大宅溟滓泉竅通豁衍風
門闢微聞天鷄唱靈境渺難卽歷亂杜梨花無言
漫山白

傲來峰

集韻草

卷二

五

翠峰七十二峰峰拱告宗茲峰復何爲却立違衆
容吾間中國有聖人海隅日出無不賓猶餘巢許
倫偃蹇稱外臣但使清時永磐石如礪尋盟消反
側自去白來傲亦得

蒙陰道中次陳椒峰題壁韻

行旅誰相慰林巒着處迎黛看初日洗青對暮雲
橫桃艷村村接梨香樹樹盈解鞍詩思渴先索潤
泉烹

新泰道中卽景

峰回路轉鬱蒼蒼梨東連林間白楊身在畫中聞
不就生綃一幅倩河陽

行次桃源阻兵連日

鷄鳴遑啓處虎旅故逡巡已慰鄉園夢仍嗟畱滯
身關河驕戍卒天地困勞人亦是桃源路何從問
去津

廣陵程君出示楊補之書梅卷次原題韻

古人不作古心存淡墨畱將芳意早綠牕展卷寒
通人始信良工奪天巧香魂生面幾重開素對空

集韻草

卷二

六

山驚四照故應吳興標不凡消得太原歎婉好
恭題云補之寫梅梅不凡上
百數題云筆法乃更婉好大庾嶺頭春意動桓
伊笛裏霜華曉綺筆燦花才已盡鐵心能賦人今
老彌年驛使斷江南相逢急索瑤尊倒

溪上

一聲笛裏催梅急谿上桃花又解飛腸斷玉關歸
夢路江南春草綠微微

南歸一載復理北轅偶咏陶詩輒用爲起句

戲書長夏當意事宜

靜念園林好人間良可辭龍鬚延月冷蠅眼聽松
颺拋卷風如玉推窗蔭人帷荷香閒試酌梧雨細
裁詩池上殺紋遠樓頭蟾影移海榴長日艷盆蕙
偶然吹小浴披襟乍枯棋落子遲開堂敞虛界涼
閣薦遙思夏木千尋勝風篁十畝宜書仍南面擁
夢與北牕期揮手塵中去飢驅却爲誰

呂聖功故寮

富貴久銷沉顛蹶甯氏姓好語道傍兒此子亦叅
政

吳郡草

卷二

七

太白酒樓

昔年觴客此城樓賀監青蓮在上頭我來攜得驚
人句搔首長天可問不

長安倦客行

長安有倦客杜門仍息機朝來古寺看松歸道逢
青聰舉鞭揮朱顏不復同鬚眉藐姑之姿冰雪兒
低頭三思前致詞君常有術陟鼎司答言公等何
專愚公解鼓瑟今好竽金門總無山澤癯嚇哉腐
鼠魯國儒盍歸盍歸遂其初何水是樵山是漁輪

遶卜式上公車有口但讀計然書千足幾千石魚
東園禮錢三萬餘承旨揖公典石渠

丙辰夏日宋理藩牧仲招同徐翰編方虎暨
令季子昭民部遊龍泉寺卽事

廣平好古兼好客不爲簪纓廢泉石陶陶孟夏清
晝長折簡何須便敦迫長安貴遊盡若遺底事招
攜及故知知君炎蒸抱冰雪知余搜討僻耽奇入
門一掛對秋嘯軒脫帽高談傾二妙偉長本是西
園才季方雅量真同調餽罷遂作龍泉遊佛院沉

吳郡草

卷二

六

沉清梵流碧蔭攀茶及卷冊一洗萬斛塵埃愁青
溪之圖一峰匹孟津之書駕思白摩挲不休增感
慨眼看今古俱陳迹徐呼紅友引興長葵英錯錦
照飛觴軟語深杯坐移晷廳廳四起生微涼更乘
餘興隣園去愛此偃松盤互處斯須雲合雨沾濡
避向槐亭足幽趣勝侶招尋能幾多強欲踟躕奈
晚何歸馬濕衣殊不惡燒燭抽毫紀曼歌

王北山都諫招集中頂荷亭卽事分韻得葉
字

招攜出城園林壑紛相接選勝開彥會虛亭踞巖
巢澄澈方塘波濃遮高柳葉不受庾塵汚免遭眉
日悄涼颼穿腋過荷香宛可採解衣恣盤薄取次
傾壺饒列坐軟語交錯弓消娛浹怪來索居慣值
茲賞心愜稍縱凭檻目還迴步檐屨擊露葉田田
迎風華曄曄折取碧爲筒莫辭紅上頰更攜餘興
去名園足幽涉臨水漾新粧隱約呈半帶棲尋濠
濮間錦鱗爭鼓鬣少焉疎林外斜陽帶粉堞地偏
趣彌永游樂晚逾快迴車尚容與歸鞍聊蹀躞俯

樂曄草

卷二

七

仰迹已陳聚散爭一里好景入奇懷冥搜各圖捷
何處重追歡瑤華旋滿篋

九日黑窰殿登高二首

無邊木葉下平阜滿眼霜華拂素袍爽接西山雙
闕迴晴開東觀五雲高賞心須對黃花酒節物還
嘗芥棗糕何處登臨尋勝會崇丘鬱確枕城壕
霽色澄鮮入望來茱萸獨把思難裁千軍捷奏仙
霞嶺四韻詩傳戲馬臺哀鴈遠從雲外落飢鷹故
向水邊迴秋風時聽黃汾曲那有長楊獻賦才

和友九日韻二首

高天寥次望悠悠景物催人選勝遊爽氣平臨三
殿曉輕寒徐轉萬家秋登高幸未逢搖落載酒還
能散旅愁却憶故園風物好東籬信步晚香幽
映日丹楓已弄姿傲霜黃菊故開遲風流誰續龍
山會寂寞空吟彭澤詩已報提書驅虎豹猶看選
士盡熊羆佳辰喜見昇平象祇爲尊鱸動客思

送董蒼水南歸

吳會燕山有夢尋忽來一笑共披襟驚心節物過

樂曄草

卷二

三

秋夏屈指交遊半淡溪野嘶江楓齊疊錦霜天離
菊細堆金拂衣辭我衝寒去一卷長攜米雪吟

春雨二首

長安春過半韶景正遲遲潤色侵書幌停雲倚客
帷落花寒食候芳草故園思差喜塵囂斷幽居足
自怡

深院肅春陰空庭寒氣侵稍看凝薄霧取次沛甘
霖遠岫青難出疎鐘響易沉四郊今待澤應慰七
農心

和靖節集卷之一

雲間周金然廣菴著

四言

停雲四章

停雲自郊終陰及雨或屯其膏大澤斯阻我懷好
音朱絃罷撫矯首天末結蘭而佇

我瞻天末鬱華其濛滔滔逝波日下如江瞰之翳

矣或睨於牕美人悠邈泐泐安從

何憐不楚何慳不榮匪貞伊腕朝暮殊情拚拚翰

和靖節集

卷之一

一

音天路遐征我徒爾憂愧爾友生

鬱鬱者梧有虬其柯雲垂繁陰風扇微和婆娑其

下予懷孔多鳴鳥茂聞華萋庸何

時運四章

兼春懷友

離羣索處匪夕伊朝念我同人安得於郊仰瞻鶴

侶比翼昂霄俯瞰鷗儔啜啜溪苗

衣之垢矣純灰是濯心之蓬矣水鏡是矚嗟今之

人閉戶自足唱子和女何寧不樂

昔在洙泗童冠於沂以詠以風樂羣而歸春茲

莫日迨戈揮我企斯遊喟焉莫追

悠悠空谷迷翟之廬足音跼然曾莫我如有書萬

籤有爵百壺奇文疑義誰爲啟予

榮木四章

有榮斯木欣欣及茲穠芳一去霜霰倅之哲士勵

志撫運乘時嗟稗且狂年華棄而

有榮斯木其息維根當春載專遇冬祿存至人內

觀虛化之門繁枝落矣純氣是敦

壯盛漸徂長此寡陋愧彼羣卉懷新謝舊德不滋

和靖節集

卷之一

二

崇業不滋富莫予云魯寧弗斯疚

賁壘先澤一綫未墜曰予小子胡弗祇畏乘雲惟

鵠騁風惟驥大道匪遐景行斯至

歸鳥四章

有鳥有鳥歸集於林畏彼張羅北山之岑瞻雲戢

翼望岫息心戀茲清影以謝迅陰

有鳥有鳥遲遲倦飛遶林三匝呼羣是依他鄉雖

樂不如旋歸六翮斂矣腹毳安遺

有鳥有鳥再翔再徊上林一枝誰爲借棲雖啗之

鳴與世寡諸寧受爵敘以負夙懷

有鳥有鳥言擇其條載管載戢喬木之標下眎鵲
雀飲啄交交我之不羨殯緣徒勞

酬丁柴桑二章

有客同心周行爰止奏彼陽春及於下里洋洋哉
我其音正始

率爾傾蓋道故廡由芝之方采蕙又焉憂文螭九
盡容裔三休簪冠散矣式念同游

荅龐參軍四章

過友山居留別有作

和靖節集

卷之一

三

蕭蕭衡門遙遙鶴書中有幽人靜寄爲娛稀韋之

囿大隗之居晴雲團戶修竹覆廬

子也尚志什襲懷珍余鮮昆弟四海誰親樂與晨

夕曰素心人我負子戴願茲結鄰

載色載笑明德令孜載脂載率從子所之攀援桂

樹招隱賦詩悠悠子衷能弗是思

門掩蒿長一徑微分求羊或來楚然以欣試陟峯

巔餐霞弄雲呼吸話言帝座是聞

翩翩黃鳥嚶嚶其鳴我求友聲忍獨飄零相彼麋

鹿聚散京京衙革命侶悵也丁寧

麓今濛霧江今霾風我之繫思黯黯在中金石爲
期善始必終他日來遊以考厥躬

贈長沙公四章

題桂之樹堂故友喬遺民所居也

小山之幽桂樹扶疎菲菲襲予瀼瀼露初其室斯
在共人焉徂攀條執枝泫然躊躇

伊昔彥會討論斯堂義貫如珠道合如璋自丁迄
丙一隔十霜殘編塵生匣劍無光

炯炯斯心晦則匪同同心之言如旭在東荃化爲

和靖節集

卷之一

四

茅陸亦成江久要勿渝在幽能通

出不辭矣入亦不言憫悅音容流水高山淵淵金

石太古茫然不知誰子象帝之先

和靖節集目

卷之二 五言上

飲酒二十首

連雨獨飲

止酒

形贈影

影答形

神釋

讀山海經十三首

詠二疏

詠三良

詠荊軻

雜詩十二首

戊申歲六月遇火

擬古九首

和靖節集目

卷之二

一

和靖節集卷之二

雲間周金然廣菴著

五言

飲酒二十首

我本遺世人世亦幸棄之云何不樂天憂患無寧
時廓然對名酒真意忽在茲引滿捐百情細酌開
羣疑獨醉有餘適顧影還共持

種苗沒東臯種荳蕪南山勤動苦終歲簞車適空
言安得休糧方藉以保餘年不如營一醉此方竟

和靖節集

卷之二

一

誰傳

古有巢許倫偃蹇潛物情惜猶未聞道而徒高其
名邈哉上皇人莫若陶先生卷舒具有真寵辱兩
不驚委運任大化道在名亦成

遼遼莊周夢栩栩爲蝶飛物化本無分町畦良足
悲愚夫惑賅存蟬翼誤相依茶然日疲役罔或知
所歸亮非金石固恒幹有時衰但當飲醇醴莫使
形神違

晨光映竹戶幽鳥鳴相喧起瞻天宇淨假寐墻東

偏囂塵一以隔還猶空山鷄犬朝自出牛羊暮
來還春歸桃李下成蹊亦何言

往者昨已非來者今孰是是非兩莫辨顛倒任譽
毀達人自我貴浮沉聊復爾長歌採芝曲終當事
閑綺

魯連持特節傲儻稱豪英却金辭封爵列國仰高
情秦兵既解去聊城旋摧傾喟焉逃海上如聞鶯
鳳鳴斯人不可作稟稟氣猶生

赤驥何曉騰迥立生雄姿高蹄削蒼玉銳耳批竹
如青節集 卷之二 二

枝時無九方臯骨相徒權奇顧影私自矜惠養惟
所爲長鳴雙伏體龍性安可羈

春至覽羣物勾萌欣以開新醪解我顏和風入我
懷負暄誠樂方悉此時運乖時運不我與豈曰戀
卑棲舉俗皆泥濁誰爲拔淤泥剛腸物多忤高唱
和寡諧出岫本無心投林亦不迷乘流逝將去遇
坎行當回

每讀劉伶傳酒德太無隅醉不聽婦言荷鋤出載
塗山簡襄陽醉葛疆乃可驅愛公能騎馬歌曲固

其餘至今踴銅鞮音傳樊城居

湛湛江上水悠悠門前道經過日勞勞聞盡征人
老蕙草綠更衰蕙柳新復倚世態如朱顏轉盼變
醜好百年苦形役放逸以爲寶損益理何常悟者
見象表

有晉義熙間賢者感其時五斗羞折腰長歌歸去
辭愚生千禩後仰止猶在茲遺編日靜對了然釋
滯疑酒能祛百慮斯言寧我欺遙空酌一觴與公
斟酌之

和靖節集

卷之二

三

仙源有奇踪擬擬卽塵境樽壺妙理存彼昏謔醉
醒阮公識至味當杯默已領踈狂意有託埋照非
露穎咄咄大人賦高文何蔚炳

少壯猶未幾倏今遂齒至行樂當及時得酒且徑
醉衣食隨分齊婚嫁聊取次誰苑復誰枯誰賤復
誰貴榮名等鷄肋戀之餘底味

在昔楊子雲一區有遺宅終年事談經問奇恒接
跡簞瓢雖屢空大度過人百默然守太玄不知頭
已白晚節成美新投閑良可惜

束髮遊文囿卓犖穿羣經抗志青雲端羽翮稍已
成遲遲尚雌伏弱壯俄再更蕭條一畝居蓬蒿翳
門庭政懷大鳥意三年不蜚鳴設從君平卜升沉
寧繁情

矯矯梁夫子千載傳高風浩歌覽四海噫聲滿關
中舉世無與適乃先依伯通良禽洵擇本彈射驚
鸞弓

彝臯日無道拒諫恐不得伏甲攻宣子奈此狂且
惑誰歟爲公介倒戟禍斯塞翳桑念將毋酬恩寧

和靖節集

卷之二

四

負國隱約傳義風何其善語默

東方仕代農柴桑農代仕饑凍非不切矯厲重違
已食粟以養肥食薇以養耻章綬亦何榮徒取耀
問里學道三十年奄冉逼暮紀窮達洵有命消息
隨坎止萬變了不疑大鈞吾所持

世味混淆誰能別僞真所以江左流魂然但飲
醇飲中有真境神界敞一新桃源自人世不知漢
與秦彭殤等飄瓦貴賤齊埃塵沉冥有餘樂機智
徒辛勤三杯通神悅默與空王親一斗徑得仙不

勞學救津兀傲第笑下隨意脫簪巾孰謂羲皇還
羲皇復何人

連雨獨飲懷酒徒程鶴齋

素頗得酒趣無伴輒塊然時遇程嶽湖跌蕩醉醒
間醉醒亦常爾強名之曰仙同飲趣所獨各得全
其天形影惜分飛誰與探象先異地一舉觴中有
神往還賞會不可得迺此厄窮年真趣固無間誰
謂疎晤言

止酒

和靖節集

卷之二

五

酒泉固名郡酒亦如泉止泉止養其源不止潰其
裏古今止酒人何止二三子劉伶聞婦言其意初
不喜太白比太常如泥醉不起知止見酒心坎止
亦泉理止旃復遺旃古之飲爲已今也則不然未
見其止矣酒止與不止醒如投清淚吾欲勸坡翁
仍立杜康祀

形影神

形贈影

涼燠自有候枯榮自有時達人齊共致世復誰知

之春維予與汝合并適在茲日月非燈光明明無
盡期生滅不自我其中故可思我去汝何存空使
淚漣漣不見漆園叟終以耀滑疑顧予復顧汝微
笑各無辭

影答形

畫工視化工誰分巧與拙惡我不可逃好我寧自
絕左顧細相憐模稜態崩悅坐對明鏡照顰笑固
無別有如響應聲隨聲自起滅委蛇固在君吹之
誰內熱君去我亦去索觀日力竭所以收視人甘

和書節集

卷之二

六

同驥叟劣

神釋

大患吾有身誰微復誰著形影久相還漸次以明
故匪以尻爲輪豈因肘柳附有形即無形拘拘能
語語儵忽問渾沌窅妙竟何處二者不可岐一者
豈常住道在貴相忘揣摩皆術數索之絲竹前離
此樽罍具既不辨是非亦不因毀譽我怡君更佳
我醉卿且去合攝歸太虛妄言生喜懼萬相總一
心何思復何慮

讀山海經十三首

園柳不復密庭梧亦已疎天地皆龜暴何處認吾
廬十笏挂虎丘開搜伯益書穆轍周八荒惠卷空
五車神醫聚藥泉壤擷奇蔬洞涉既未能飄風
不可俱山海幾乎廢爐收九鼎餘異撰知潛驅玄
文豈譬如

無復區中理雕龍開奇顏儵魚音如鵲四首自忘
年神視司反景西照長留山日車能少駐靜與黃
人言

和書節集

卷之二

七

陸王至帝園費草被盈丘沙棠實無核黃英莫
倚章義多瑤碧下有丹粟流苗人高幾許迺及大
人游

翩翩羽民國比翼南山陽連臂爲司夜夜短晷苦
長若雪三珠樹葉葉自生光黑人可不死何以東
載黃

夏樂儻九代環瓊雲可憐兩龍翳華葆出入雲中
山徘徊君子國西謝白帝言鸞鳳自歌舞下壽八
百年

我愛無腸人把纓息長木三桑挺無枝十日焦湯
谷朱喙三足鳥西飛虞淵浴上枝挂朱光下枝噓
龍燭

壽麻無敗葉正立視其陰附禺有巨竹是日帝俊
林晏龍好歌舞幼耶琴瑟音巧倕指可斲爲鑿渾
沌心

騶吾日千里吉良壽最長蹀躞環玕馭驅景及服
常餐英有玉禾奚必禹餘糧焉知龍魚北白民罔
未央

和靖節集

卷之二

八

羅羅青虎文蚩蚩亦善走帝屋葉如椒其刺反相
負太歲靈以通馮生何不有相柳血尚腥臺向共
工後

博父聶耳東鹽澤南入海葱嶺發崑崙積石于茲
在重重君子北夕死熏無悔帝臺觴百神鼓鐘晨
相待

豎亥步青丘文命天帝旨視內務隅陽不救高陽
死開明守玉璽羿弓代劍履六巫空所搥咄咄詎
可恃

不夫有思女不妻有思士四鳥大阿山明星日月
止鞠陵近拆丹巒入東極爾常儀竊靈藥盍療捧
心子

炎裔互人國靈愍生獨才是能上下天天風道北
來柏高涉青水若木竟何猜不見海中山合作羅
浮哉

詠二疏

委質事夫君一朝忍言去二疏佐變理曷懷高尚
趣漢宣好綜覈庶事多毛舉年少奮功名非此兩

和靖節集

卷之二

九

保傅見幾辭簪紱長嘯東門路祖道集供帳望闕
幾回顧車馬走遶遶觀者有令譽愚夫昧卷舒達
者識時務帝能保股肱公亦遂恬素盛世之休風
吁嗟後不悟纖纖起虞貳岌岌防猜慮驕替交所
譏君臣道豈著

詠三良

天地挺英才宗社之所遺秦穆古賢君薦舉周側
微素服宿孟明一肯豈爲私倚賴子車氏濟濟侍
君帷殉葬豈治命康伯義殊虧得非纓譜者甚闕

厄所歸嗚呼此三良康命詎敢違當時無一諫在
廷忠鯁希百身曾莫贖國人徒哀悲至今歌黃鳥
弔古淚沾衣

詠荆軻

六國如連鷄不能報暴秦燕丹舉大事謾托一荆
卿白虹馬生角妖氣滿秦京圖藏一匕首豈能必
橫行悲歌易水上壯士髮衝纓武陽真小兒未聞
奮英英空負於期顧田光勿無聲吁嗟爲此謀兒
戲類書生環柱擊不中劍術何足驚亦知不復返
和靖節集 卷之二 十

雜詩十二首

蕙草遜幽蘭飛葦與同塵零落時所制譬此倦客
身投分豈不然轉盼詎相親萍梗苦爲役德孤誰
作鄰招招須叩友鳴鷄思嚮晨世無羊左交青松
空笑人
東不必扶桑西不必慈嶺縣亘九峯山泉石澗幽

景樓迤河上公微言一何冷冥靈短似薺誰悟朝
菌永夸父愚幽人勞勞逐其影滿腹飲未能驅馳
亦何騁何似坐空山日長山正靜

列宿不易數洪波不易量如錢蓮葉破伊誰葺葯
房綽約彼妹子舉權水中央秋霜復冬霞婉轉歌
春陽黃河九曲流大道厄羊腸

少壯能幾何蹉跎忽垂老繫臂無長繩華茂焉常
保五濁苦奔逐六慾煎枯燥良無精衛力補罅惜
不早屑火臥焚如掾薪不堪抱至人獨絲存冲淵

和靖節集

卷之二

十一

體大道

有客前致辭夫子若不豫遠志邁無成文苞高不
翥夙昔意陽陽今茲日月去惟抱一寸靈虛冲無
營慮如彼不繫舟無人恣所如風牽或自行無風
聊且任嗟彼望氣徒未識金銀處內守淵嘿觀雷
聲能無懼

青牛去流沙出關逢尹喜五千是何言一一落吾
事白黑與雌雄知守猶有意無意亦無累斯人安
可值長空盡太虛流年如雲駛塵勞那可了未了

姑山置

春山有子搗入夜何崩促哀聲感人起蹀躞垂楊
陌飛飛見鷗黃墜墜憐花白浮萍化又生頓使江
湖窄如何不學道光陰悲過客笑彼蟲處禪安知
廣莫宅

莽蒼腹猶果三宿不翳桑古人貧老死未忍厭糟
糠遠遊幾千里何物作齋糧騎鯨任汗漫晦冥戎
再陽春燕復秋鴻來往徒自傷心軫意爲輪踪跡
窮八荒近將問瑤池黃竹歌銜觴

和靖節集

卷之二

七

興至欣有會愁來復無端它鄉亦歲月恒河則易
遷無草不自萎無雲不自巖何以逐流末羊豕甘
同餐東魯有根宗白首究其緣參以瞿曇乘佐以
秋水篇

戎濤清間濁竹林侶阮嵇如何句曲子通欲拍洪
崖我腹本無累斯人非葛懷蜉蝣撼喬樹跬步隔
須彌種種笑癡絕莽莽索支離寧知及老大世網
尚相羈虹霓貫霄霄肯使浩氣虧

拍拍春風暮翻翻夏雨涼盈盈觀弦望側側怨河

梁詹詹兒女子咄咄思故鄉別鶴何年掄離鸞幾
度霜南山時曷旦奈此夜漫長

少年學聲詩心憐結襪子蹉跎悲老驥耿耿龍劍
倚誰能別雄雌萬古深玄理

戊申歲六月遇火 與客談丹頭養火之訣

中歲志遐舉息意事黃軒參同印靈質大火首山
燔天老諒非後地典或在前力墨及窺紀金精變
復圓妙于六月息七返將九還道級邈無等得一
錄自天蠶蠶蟪蛄輩悠悠希大年河車陸高樾火

和靖節集

卷之二

七

候未會開始知金石脆不如活火堅長晷然真鼎
中宵耘寸田塵勞固余苦跂脚仍安眠倘遂采真
遊餐芝從東園

擬古九首

落落西岡松茂茂南榮柳枝條罔不如根幹良獨
久芳歇知歲寒厄會思我友節義慷慨言平生盡
杯酒縱使霜雪殘前期敢重負奈何薄俗姿締交
不忠厚歎息告同心交替道則有

蜀黔儼厥始閩粵正其終八桂連蒼梧安忍猶興

戎昂昂隴西守氣奪萬夫雄鋒鋒范孟博碧血餘
英風所親及婦豎肝膽不謀同正氣塞天地流徽
春無窮惜無龍門傳表之鎮區中

閒登最高峯以望東南隅湖水如天覆晶晶白光
舒空明見古宅翳翳似吾廬吾身故萍梗飄蓬豈
定居但得遇幽勝不厭田園蕪佳麗昔陪京於今
復何如

仙笈紀閒風山經著大荒西琳王母宅東翹大人
堂扶木升高景五色光茫茫下顧人間世紛紜如

和靖集

卷之二

十四

鹿場洛陽鐘鼎客轉盼上北印珠福忽山出羊兒
亂低昂去矣餐玉訣微哉鍊石方七尺空儼然奄

化令人傷

瓊英易以折瓦缶固常完貂蟬徒自貴謝此鹿皮
冠向衰良匪慮玉膏長駐顏逍遙百尺樓睥睨九
重關永矢堅貞節且絕去來端端居懷良朋忽作
梅花彈夜呼天際鶴朝下烟中鸞清商激素節長
夏生嚴寒

朱絃淪大雅舉世譜龜茲新聲一何淫詎想太和

時破琴哭山水憂憂辨澠淄知希白寡和大音吾
不疑誰唱采薇歌復廢荷蘭辭黃農已逝沒秦漢
有餘思渺渺桃花津漁郎不我欺屈宋如可作旦
暮倡酬之但恐志弗遂爲君奏此詩

三冬雪淒淒春風亦不和常懷飯牛志中宵扣角
歌南山爛白石烈士短衣多卿雲不復旦辛苦爭
重華幽人遯世姿抱恨欲如何

曲阿久流滯駕言金陵遊金陵何寂寞縹緲昔神
州鍾阜千年時大江日夜流晉代遯吳宮伊誰識

和靖集

卷之二

五

古丘杜鵑啼咽咽風子叫周周既不辨牛馬吾其
問羊求

伊蘭生空谷國香誰見採蕭艾橫交加幽心長不
改人世不可羣提琴問東海寥寥太古音千載遙
相待洋洋不見知不知亦何悔

和靖節集目

卷之三 五言下

詠貧士七首

乞食

責子

九日閉居

蜡日

桃花源詩

共遊周家墓栢下

始作鎮軍參軍經曲阿

阻風於規林二首

遊斜川

爲建威參軍使都

歸園田居六首

始春懷古田舍

九月中西田穫早稻

和靖節集目

卷之三

赴假還江陵

問來使

與從弟敬遠

下潁田舍收穫

還舊居

和劉柴桑

怨詩楚詞

移居二首

和郭主簿二首

已酉歲九月九日

有會而作

酬劉柴桑

贈羊長史

和胡西曹

懷戴主簿

答龐參軍

歲暮和張常侍

與殷晉安別

示周祖謝三郎

聯句

王撫軍座送客

述酒

悲從弟仲德

和靖節集目

卷之三

二

和靖節集卷之三

雲間周金然廣菴著

五言二

詠貧士七首

勞勞空井雀枯稜復何依朔風捲白草寒雲催落
暉田中多罽羅稍將曠野飛子母躍相顧翻翻垂
翅歸豈不懷多稼農夫亦苦饑惻惻空井雀時運
獨餘悲

長饑口味道不以易華軒老矣東郭生白責守丘
和靖節集 卷之三 一

園睨跡朱斑輪懷漠似浮烟我有歸藏易精與連
山研義文同一意反躬在微言古來屢空內磨礪
多名賢

一絃五音備不如撫素琴無聲疑太始清于絃上
音陋巷絕塵鞅宴者多招尋樵蘇雖不費寒漿且
共斟憂道行自樂求仁固所欽貨殖戒端木庸非
有市心

子野直不聽昧昧必離婁象罔縱得之玄珠孰爲
酬巢許昔掛瓢遺義至殷周子桑歌閉戶橫號天

地憂石戶誰家農遊矣西山僑孔公歎浮雲執鞭
詎可求

老萊既負耆干木亦踰垣遠舉愈見軾誰能嚇一
官柳下甘三黜趙盾飢魚餐出處各有以桃哀不
共寒不義受萬鍾何加烈士顏侯嬴老勿頸千載
知抱關

崇蘭何郁郁墮落如飄蓬風塵一以汨意氣難爲
工漢世多節義人猶惜兩翼故知好名累貧非富
所同懸磬立四壁墮戶不可通吁嗟戰國人鷄尸
和靖節集 卷之三 二

笑牛從

士無宮半畝曠然懷九州其貧故非病顧影且爲
僞揚雄惟寂寞逐貧非其流嚴避百錢足垂簾復
何憂君子道固窮商歌樂倡酬鳳凰翔千仞六翮
何修修

乞食

四海囊已空我固無復之裘寒形立稿死夫亦何
辭咄咄東方生侏儒乃嗟來嗟來不可食矧可啣
其杯墻間今舉世竊竊笑陶詩乞人屑不屑妻妾

驕其才勸君勿言乞食力以自給

貴子

老櫟漫婆娑穉禾復不實眼看世家子青箱富彩
筆衰門何薄祐仰望邈難匹倥傯長渾沌攻鑿苦
無術未辨詩義六寧耽孟篇七前賢誠驕佚聖謨
訓寬栗勉旃早自植毋爲棄捐物

九日閒居

升恒如轉轂陰陽互化生重陰所剝蝕陽九乃擅
名秋河照潦水天漢共晶明颯沓井梧墜嘹唳旅

和靖節集

卷之三

三

鴻聲無錢沾滿眼何以遣餘齡一笑持空觴仰天
聊爲傾嚴霜見碩果勁風無繁榮榮悴亦何常觀
化深我情寄謝青松彥晚節共相成

蜡日

年年書甲子不復知永和山中一夜雪粲粲見梅
花隱几讀我書所得孰與多卒歲且莫憂曳杖有
商歌

桃花源詩

途中紀夢

夜夢入靈境邈然人間世秦人知何在流水但東

逝酌酒拂征衫頽然欲自廢拋書坐長嘯顧影恣
所憩偃臥懷先哲冥心託樹藝一陌長子孫命駕
將安稅族類繁鷄犬相過認鳴吠不識漢官儀何
如秦服製機巧鑿鴻濛迷津遂難詣青天幻凡石
洞門封凜厲千喚石不開茫茫付年歲冷落釣魚
磯漁郎爭智慧夜聽溪刺聲網罟悲世界人魚互
相瞰誰破貪逐蔽我久泥繃塵何時遊世外飛鴻
上有人招手結深契

諸人共遊周家墓栢下

尋貞娘墓

和靖節集

卷之三

四

昔人花已謝今人琴不彈勞勞倦遊客惻惻各無
懽泉爲咽悲風石爲隱紅顏而我有心人抱恨何
能殫

始作鎮軍參軍經曲阿

由曲阿至金陵

理棹復鞭轡區區上賢書繹絡烏兔怳我亦隨所
如丹陽古名邑薨棟照通衢行塵十丈高往來無
時疎涼颺動襟袂悠然逸興紆佳氣接鍾山松楸
澤有餘慷慨聞鷄客激昂敢寧居睨目龍門峻揚
鬚爭貫魚升沉久已定曠懷夫何拘江湖亦魏闕

金門猶故廬

庚子歲五月從都還阻風于規林二首

阻風江上

樓樓道上塵森森水中居行止非人爲飄風或倡
于崩騰一何恣天塹困疆隅往來如搏沙悵此羊
腸塗中唐亦九折而况客江湖登高馬側力遠眺
鬚眉疎何如一尊酒斟酌糟丘餘海唱再三歎古
人吾不如

浮雲終日揚遊子厭觀之作惡三日風消得百年

期鄭公爾何人樵渡分吹時消息有玄理振古已

和靖節集

卷之三

五

如茲達人齊物論刁調無異辭感此離箕月一枕
破琴疑

遊斜川

京口訪友汲山下真中冷品之

江步聞鈴柝夜行客未休曉霧籠簷簪彷彿當年
游長江變天塹迺有羽觴流勝日感金人雄譚
海陽乃知遠過者不在壑與丘中冷絕品清其實
非常儔一酌復一咏大雅更相酬冠彼惠山乳論
定千秋不關發冒其名消訛寧足憂吾意在真趣
虛聲復何求

山上有關發者亦名中冷泉

乙巳歲三月爲建威參軍使都經錢溪作

野行

宿老友家

離墨萬山尖青蒼黛如積故人隱其下因緣感疇
昔節節相與鳴崩雲忽頽翮風塵久相失聲氣未
云隔假驢子悠悠喪家我役役海水飛塵揚天河
明晦易奇絕夢經過開尊話離析孤心看墜星共
撫寒原栢

歸園田居六首

憶家園

愛悠翻成海塵勞積至山他日任无放大智強小

和靖節集

卷之三

六

年恒恐荒尺宅內觀銘遊淵習隱南郭几種苗東
臯田先人遺敝廬基置阡陌間修篁蔭其後高榆
拱其前陽春二三月村村吹綠烟鱗躍清江曲鸕
巢文杏顛人生謝塵羈得與魚鳥閒俯仰悟元化
浩歎亦泠然

文鳳不在笈青鱗不受執穎水與箕山其人有遐
想浮名復何物區區紫獨往我志殊不爾甘作良
農長仲叔客自稀太丘道彌廣已矣勿復陳骨相
合林莽

吾家叢桂樹芬蓋世所稀秋英霑繁露皓魄與同
歸景彙月中子迢迢上白衣因風語桂父良晤久
相違

羈棲無好懷安得際良娛據梧日下夕曳杖出烟
墟微逕妨田水茅茨宜菌居鍊形似枯木養魄成
豐株書空漫咄咄返照獨如如簡素螢光內羽陵
蟬化餘萬事不復言但言返太虛冥心友古賢書
挂牛角無

讀書隨淨土耕田喜山曲看山叨道心一飽願已
足物變日紛紛有似松間局白黑供眼光羸輪洞
于獨我今方用晦無然負朝旭

和靖節集

卷之三

七

昔與西郊叟度阡時越陌勝日相過存談譌有餘
適脫巾松竹下坐臥淹日夕農歌出林杪樵唱歸
籬隙此景良可懷何乃任形役直爲衣食謀筆耕
復心穢塵鞅徒勞勞終當悟損益

癸卯歲始春懷古田舍二首

吾族多明農少小迹所踐塵網牽物役胼胝亦不
免當門蘭欲鋤入林芝空緬平生志欲舒懷之卷

故善豈必買山隱地偏心即遠隴畝見青黃無人
獨徂返通識隨所遭行藏意匪淺

晴云足不辱憲曰病非貧生產吾不問不置或在
勤肥瘠三五頭佃丁十數人稻兄去其弟舊種播
其新厓陌時荷篠春鳩聽所欣壠盡通谿口漁郎
來問津得魚輒沽酒招手約比鄰相與忘機智居
然太古民

庚戌歲九月中于西田穫早稻

張子躬耕自
樂詩以志美

人生非麋鹿離合固無端咄咄琴張子負未爾所
和靖節集

卷之三

八

安象耕而鳥耘直可作是觀晨及飛鵲去暮及棲
烏還烏鵲亦何心君子守歲寒平生貴無逸勞勞
甘苦難不見伐檀者坎坎冥河干東郊望西隴秋
成開野顏攜幼復抱孫知子樂意關顧余不得往
偏仄坐長歎

辛丑歲七月起假還江陵夜行塗口作

思南
村

羽儀適不用孤鴻可自冥所乏逢世資敢云無世
情悠悠申江涘南村有柴荆竹溪梅影瘦可以息
勞生蠻觸方紛爭高臥眼自明鑄錯桑道茂傷心

補正平夜行非衣繡荷菱可遐征逝將禽尚侶
彼沮溺耕風歌見衰德往來亦何繁時無英雄人
孺子多成名

問來使

汝行迫杪秋禾黍紛在目不知東籬下已發幾枝
菊青想尊絲滑黃思橙類馥餽遂返衡茅應及新
醅熟

癸卯十二月中作與從弟敬遠

書懷

已作放廢身天路覺云絕蘭封不復出白板扉長

和靖節集

卷之三

九

閑編懷管幼安千載同歸潔簪裾匪吾分巾衫爲
誰設但得保敝廬樵釣吾所悅玄默爲稼穡翰墨
餘助烈寧以松柏姿而變歲寒節耿耿秘此懷巧
者噉吾拙吾自行吾意誰能爲別

丙辰歲八月於下溪田舍收穫

村居

老圃望老農田疇連岸隈鉅鎔時相索力作殷我
懷夾隴有嘉蔬日與良苗諧蔬禾密瓜葛薦薦聽
文鷄飛鳴來飲啄一日見幾廻坐有山叟嘯巷無
寡妻哀社酒自春蓄餅粢泥初開賽罷重相酬我

醉汝亦頽朕朕誠乃劬未曾歲運乖咄咄東家丘
何爲徒栖栖

還舊居

寄朱翁

此邦不我數胡爲苦思歸永念耆舊人悵快有餘
悲歸然靈光在吾道未全非吐納見風流亦猶古
之遺衡宇欣相望杖屨欣相依典刑日仰止大雅
謬見推毛羽不自持才力行當衰歎息規臚公下
拜涕欲揮

和劉柴桑

寄朱周望

和靖節集

卷之三

十

我久畏塵網中心躊躇以蹠未遂五嶽遊聊此一畝
居于世本無求憂來或叩廬倚倚芳蘭佩迺寘幽
谷墟埋照焉用文硯田蕪不畚辛苦骨肉情相望
心徒劬迅颺已凜冽敝裘山典無妙理尋濁醪庶
免形神踈寒樓日擁膝一編百不須想見柴桑翁
屢空終晏如

怨詩楚調示麗王簿鄧治中

寄王西戎

當會苦匆匆在瀾乃黯然嗟余勦朋好歷落頗有
年素交得太原風尚故未偏心苗華囀囀墨氣蒸

田田催科豈不用筆耕安一屨如彼袁高士雪中
恒晏眠粉吾好奇服壯志挫未還鬱紆遲暮悲無
因到君前矧茲搖落辰聚散渺雲烟詩乎可以怨
與子問湘賢

移居二首 寄梅源王西閣并沈澹思

湛湛水竹灣中有梅仙宅幽鳥相與朝香霞相與
夕靈威古丈人藏書六丁後寤寐欲往從展側費
枕席十年招卜鄰胡不移自昔集蓼自貽辛田園
空蕩折

和靖節集 卷之三 十一

我愛惻川子彈丸脫新詩棲托故好佳風流夢見
之惠然果來顧聯袂有濤思豁然對二妙忘我阨
窮時莫容夫何病斯文固在茲道言淡彌青素心
寧我欺

和郭主簿二首 寄同學諸子

昔別復何日新綠布清陰忽飄井梧葉寒颼侵我
襟惆悵私自憐有懷托素琴流水日以遠賞音詎
在今惟子古心人古調風共欽穆如對玄酒子酌
我亦斟如何撫枯桐而獨操哀音幽憂何由達倘

歸重盍簪剪燭尋翕翕相與話宵深

昔鐘今毀棄瓦缶鳴無節力追正始音相與蕩澄
澄誰知廣陵散一髮幾垂絕猗蘭傷不逢束之荆
棘列緬懷同岑者松竹標英傑大雅訂千秋未應
便與訣倘攜焦尾還湘絃對霜月

已酉歲九月九日 九日寄王淦洲

素秋將小極陽九日月交禽華吐中色夕英尚未
凋羣公大夫才作賦競登高而我胡兀兀井底望
赤符朋舊逸冬天斗酒空自勞醉耽首滿栽霜巖

和靖節集 卷之三 十二

漸欲焦江州老刺史念我當如陶幸有素襟存聊
可度菌朝

有會而作 寄趙半塘

艱危懷友生廓落如調饑譬彼五石瓠枵然終不
肥薄寒中羈人綈溫念故衣余美青雲姿慷慨歌
能悲風乘扶輪志詎令古道非恐思將予汝安樂
亦不遺斯意兩相望在遠可當歸管鮑有遺風吾
曹良足師

酬劉柴桑 寄楊宜尹

子雲談經處一區水四周弟子四五輩蘭菊擅春
秋離離架上書義盡兼箕噤顧我涉險餘其有憂
患不祇平倘無咎卒歲相優游

贈羊長史 寄米瞻洪

君爲皇甫謐我亦如摯虞鷄壇托末契公也首盟
書敦槃一以奉風聲傾國都相期保碩果俛仰廿
載餘剝廬行見辱噤云可得與慚無周身哲長與
狐虺居柔順以利貞撫躬重趺踟道喪千載後橫
流極所如元氣直上梗天地一榛蕪吾黨千城人
和靖節集 卷之三 三

憂時定渺娛臨河一不濟宜尼晉轍踈茲理誰復
論臨風爲君舒

和胡西曹示顧賊曹 寄陸柯坪

初冬氣蕭槭小噫林間颺羈客知早寒誰與念無
衣沫星燦以繁荻角捲少微良無術范力媿彼葛
與葵鳳羽日摧頽鳳德未應衰顧影聊自慰空腸
猶可揮故人許致酒青州來何遲親串日高會寧
知壯士悲

五月旦作懷戴主簿 寄酬張子

酬知惟素履百折道未窮讀易悟艱貞明茲且地
中疑譎滋修能豈必嘆節豐我友冰雪賜相於見
義風有初靡不然君子迺克終把袂思依依別顏
憂冲冲古處以爲期世態付宸隆贈言當編紵崇
德視恒當

答驢參軍 寄沈貴閣

寒山無片石誰堪與晤言猶餘華源人潛丘貴丘
園不知有漢魏所尚義皇篇物疎道彌親足音喜
寔然解悟無滯諦賞會多古緣握手重殷依曠懷

和靖節集 卷之三 古

多披宣片言勝萬卷蓬戶卽空山願言攜短筇理
咏終殘年

歲暮和張常侍 懷張弘軒

宵宵豐城獄黯黯埋龍泉不遇博物人誰爲知已
言願瞻斗牛際霞霽浮雲繁鐔空陸離象緯多
迷愆閱景一以煎崢嶸迫西山平生金石交蓄編
斷往還遙知行樂餘眷我疾患纏高談無與陳欲
吐已判年車笠有盟言久要諒匪還雷陳傳膠漆
望古增慨然

與殷晉安別 寄朱甥

與子爲骨肉少小長殷勤及爾就問字渭陽誼彌親爾宗既毅似我德愈有鄰棲尋文酒間高談夜鄉晨子從阮越遊形影遂乖分閔予遊憂患履霜未逢春注有來款曲情高薄層雲風露行常霽懽笑會有因幸託廣厦庇內顧寧憂貧羈客尚加餐好慰堂上人

示周續之祖企謝景彝三郎 懷朱廣文

我生靡樂方得友聊所欣鄭虔貧好客時呼杜陵

和蕭節集

卷之三

十五

人對酒旋忘形談諧輒相因酒徒四五輩尋歡亦響臻彈碁兼六博酣歌徹曉聞契濶逾半載言念心徒勤嗟我辭勝侶迺與殊族鄰永愧管幼安逃名東海濱

聯句 懷侯和園

停雲昏八表橫流無終極有懷苦莫從彌襟長歎息離索生鄙心艱危增道力緬維上谷人端居靜以飭縈行數十年甘老彝門側不逢盧左迎誰爲假羽翼形骸神莫拘梁月照顏色炯炯此寸心遙

映庶不惑

王撫軍座送客 贈友

大廈燕所棲大車人所腓豁達英雄槩賓至信如歸虛往良朋脈言交輒依依晏笑懷脣宇意氣合無違舊雨兼新知雲散易生悲山疆玉爲潤川媚珠白輝我賦金蘭篇訂交未恨遲願抒錦繡腸五色艷相遺

述酒 客有述勝國事者偶紀及之

艾節懸天中龍闕江上聞金鼓初未交天醉鼎系

和蕭節集

卷之三

十六

分獎貳燦南斗無諸荒大雲長星一杯酒灌地地以墳林林十夜歡咿嚶乳鷄晨紫色蒼蠅聲羊豕驕不馴秦庭鮮包胥雪涕徒賁身亦無山陽祀鬼餒誰復勤憐矣牛山淚迢遞至夫君賦也固瀾瑛藉乎乃亂薰三醉更三醒不磨中天文西宮歌舞散妻共異潢汾仲連赴東海沉酣未解紛油油歎禾黍狡童不與親烈火燃崑岡玉石俱同倫

悲從弟仲德 悼沈子

三宵頻夢君吞聲涕泗零猶疑感生別不知已入

冥嗟君無死法精神滿腹生慷慨許殉知感激思
扶傾奈何機不容謀裂事無成重厭哭未收絕殯
喪其齡收骨僅僮僕旅櫬寂無聲號哭此瘞孤呼
拾空蕭庭曰余方索居聞之盡傷情如雲誼不再
神理難爲形遙天奠一竿老淚襟已盈

西山紀遊題詞

都城西山是余所頻遊者所至頗留題咏今讀廣
菴諸游什覺樹光壑影別具森秀可見千古山川
游人所歷各有其時各有其胸次則景色亦各異
矣文士筆端能使名山生色於諸詩信然王崇簡
識

昌黎謂燕趙多悲歌慷慨之士非生於其地者然
也而遊其間者亦無不然故漸離之筑荆軻之劍
壯憤激烈聲振星虹志氣相感也若陳子昂登幽

西山紀遊序

州臺云前不見古人後不見來者念天地之悠悠
獨愴然而涕下乃知天下傷心人別有懷抱凡負
奇致遠之人皆鬱鬱不得志於鄉里一旦杖策走
國門捐妻子去閭閻風蕭水寒草枯木落登昭王
之宮觀樂毅之壘訪羊角哀之墟吊深井婦之墓
觀燕支之黃葉聽蘆管之孤吹卽欲不悲歌慷慨
而不得也廣菴英才灼爍文成最屬音發哀牢過
歷坎壈如王章陳澆牛衣糞火扣角城門真天下
傷心人也乃簡鍊揣摩羽毛豐滿疾走京師鴻輝

鼂采傾動公卿不數年僭譽凡掄魁蒞榜作賓
王家連鑣歸里豈非天下偉男子哉一時名震長
安其三都兩京諸賦不減張衡左思出其游西山
諸作以問世以俯仰登臨寄其悲歌慷慨也其沉
確似杜工部出塞曲其磊落似李青蓮臨高臺其
驚異似盧玉川月蝕篇其奇譎似李長吉金人辭
漢歌其蕭瑟激楚似岑嘉州隴中笳奏高達夫人
日草堂詩颯颯乎氣凌五岳而思翔九洲也余生
平數游西山杳杳若夢境讀周子諸作如見掌上

西山紀遊序

螺紋歷歷在目矣廣菴誠天下才也今天步艱難
軍書雲擾以彼其才方將覓軾西溟請纓南越六
詔狼烟入閩鯨浪廓清指顧間揮陳琳愈疾之檄
撰相如喻蜀之文刀頭磨墨柱下銘功非異人任
豈終擬江離山鬼之章巖桂幽蘭之標哉昔尊伯
父恒山夫子振鐸吳門余髫齡受知拔冠童子科
今稿項黃馘老馬伏櫪徒作漢南衰柳魏武車過
腹痛羊曇西陵洒淚心念舊恩沉吟泉壤今廣菴
譽凡翩翩繼起文采照耀豈非作人之報哉望浦

東之雲樹攬墓前之宿草渺渺予懷涕零如雨年
家世弟許自俊潛壺氏題

余十年宦京師未暇一覽西山之概廣菴周君以
公車之餘遂能策蹇而窮其勝此大快事君所游
必有詩詩辭必幽遠軒豁兼具衆美窮搜冥討而
出之尤足爲山中故寔士大夫卽不能盡游西山
讀君之詩亦可以盪煩襟而滌塵囂矣昔歐陽永
叔爲錢思公叅幕洛陽時偕諸名士游龍門山時
薄暮微雪公遣信具酒肴傳語且無歸慙留山中

西山紀遊序

賞雪不知今長安士大夫亦有從寂寞中爲君相
餽否不然恐山靈亦咲君作此冷淡生活也康熙
癸丑夏崑山弟葉方藹撰

夫人以無所不可之謂才若廣菴者爲龍爲螭一
日五化以其才發爲詩文莫可量已方龍之伏於
渚水蠕蠕若絲縷一朝乘風雷夭矯天末俄頃之
間風定雨散杳莫測其蟄蟠所際夫是之謂神物
也廣菴少年失意家計中落三年前與余相遇於
秬園一見恨晚是時廣菴携短簫握玉塵翩翩裙

展持杯啜苦茗篝燈拈韻或自起度曲聲出金石
午夜不少休興致蕭逸絕無用世志所刻詩文已
紙貴江左乃壬子秋走金臺射策已中而天下不
知爲廣菴也既而知交傳說方知廣菴帖括之菴
復爲世膾炙矣南宮不第後卒然與余遇於繹堂
先生座間恍若夢寐出其游西山詩示余披讀竟
慨然而歎意者山靈之故留廣菴以洩其靈秀耶
使廣菴今春得售方且揚鞭懷刺奔走紅塵不暇
又何能於琳宮梵宇清泉白石間坐卧吟嘯以發

西山紀遊序

四

抒其性情若此耶正撫几叫絕而廣菴顧謂余曰
我向工於射且善調馬今將窮其技無使幽并健
兒輕視吾輩也嗟乎廣菴其猶龍乎變化不測真
所謂無所不可之才矣讀其詩奇其人聊述數言
至於思理超雋音調壯越風格直在建安以上觀
覽者當自得之吳江弟趙雲山子題於旅舍
西山幸咫 箴輟游展所到題咏頗多客春見西
樵阮亭兩先生諸作歎其超脫今見廣菴紀游什
兼王孟錢劉之勝間爲小序更與考工水經証爭

奇柳州瞠乎其後矣快讀數過引我于雄青雌碧
崩雲湧雪間不特少文卧游聽山響也同學弟程
珩識

西山紀遊序

五

西山紀遊

雲間周金然廣菴著

將之西山道中小憩元福宮松下

西山日夢遊結侶今始成山郭見烟靄蒼然馬首

迎行經石壇靜坐愛松陰清續紛羽葆合拏攫蛟

龍爭畢宏與韋偃難狀窮丹青靈境迫人前美蔭

未遑寧松風颯然起吹我入杳冥

趙山子云品居陶謝間又不襲陶謝故佳

皇姑寺

西山紀遊

明英宗北征右昌尼者叩馬而諫口不利

英宗怒命捶之尼跌坐逝已師出紫荆關

果陷止焉忽忽兒尼擁護之及返居南宮

又見尼如有云者復辟後詔封皇姑爲建

寺祀姑肉身頂猶熱坐猶跌也

傳聞敕賜皇姑寺建自英宗復辟年北狩竟無迴

駁力南宮方得至尊隣盈廷當日皆徒爾跌坐千

秋獨儼然一過畏吾村畔路黃沙碧艸幾留連

孫凱似云一氣抒寫無限低徊

法海寺

翠微山畔行塵稀翠微山頭雲片飛群峰合沓藏

古寺枯栢半茸交帶圍上方鐘磬入寥廓下界不

聞仙梵落莫怪老僧禮法疎輦轂何人尋寂樂

程鶴天云蒼越如扣郭仙之鐵

高井月夜

天高浩露收月白四山靜犬吠出遙村荻花隱燈

影廣除群籟息猶鳴轆轤井汲流弄潺湲長歌託

冥頑

西山紀遊

徐電發云清景大難再舉止謂此

渾河四首

渾河故桑乾河也水濁名以渾猶溝黑名

以盧也其勢迅怒亦曰小黃河行橋上俯

瞰中流輒目眩進退皆窘步明神宗遊石

景山駐蹕板橋諸臣翼以度顧謂左右曰

觀此知黃河之險矣繼自今河臣其力營

隄岸毋善崩妨漕運

沖融來大漠湍悍歷居庸聖代朝宗日江河不

敢封時稍早

又

桑乾河水濁。墜錫以渾名。不信人間世。猶餘幾獨清。

又

板橋跨渺瀰。行步怕傾欹。底須策高足。始悟要津危。

又

目懾風波險。誰能釣急流。遙思絕壁上。千載一羊裘。

南山紀遊

三

裘

錢飲光、短吟俱含永意

萬壽寺戒壇

寺在馬鞍山。山後一峰遙。聳如紫駝峰。是

為極樂伏法妙峰。遼時祖師法。均說戒於寺。加壇

焉。崇塔三城以百廣。甚客受戒者。無算遺

鉢。是藏則瑜於壇下。瑜傾得舍利的。燦如

雨。緇徒什襲。乃得諦觀。寺又多松。率數百

年物。出寺門。不判里。偃松一株。尤奇。蔭可

敢許低徊盤薄。不能去云。觀止矣。未及問極樂峰路。

姜西溟云。詰曲未許。淺人上。

千盤鳥道鬱崔嵬。嚮落松濤萬壑哀。極樂峰如駝脊。出行吟客上馬鞍。來一燈猶照青蓮座。五飛空懸白石臺。珍重開山留舍利。靈光不墮劫餘灰。

題偃松三首

蜿蜒出蟄虬。龍菌蠢故張蒼鬚。有時噴薄風雷欲。圻過身鱗甲。

南山紀遊

四

又

不羨千尋梁棟。何愁中道斧斤偃。仰空山白日。紛披蔭界慈雲。

又

艷陽桃李爭妍。怪爾頽然寒拙輪。固不受先容。老大偏多屈折。

張謙章六以短節敵少陵長歌

龍泉山路多五色石子

龍泉山近路崎嶇。百折盤空石磴紆。怪是纍纍多

五色補天未待何如

東山農云巧不傷雅懷抱亦見一斑

遊龍泉山潭柘寺喜雨留宿

出都城西二舍許一山多泉匯為潭初潭

龍聽華嚴師法願施其宅一夕大風雨龍

躍去雙鷗忽涌出潭則平地地宜柘故名

及寺安鷗殿角岌然璀璨巧匠莫能作也

泉今徙山後龍子守焉形類青蛇脩五尺

出則兩兩瞻人器而貯之不擾晴雨輒響

西山紀遊

五

應是為大青小青柘則僅存曲榦一枯久

不朽大氏利益古蹟益奇語有之先有潭

柘後有幽州

鄧孝威云鴻一草堂諸序殊遜此質而與

燕多古名山罕出龍泉石潭封柘則寺幽州更其

後我來歷吸陀登頓令人瘦顏碧莽迴合草花紛

錯繡陰厓奇石積彷彿蒸餿遙見殿角鷗良久

未及雷叩關口已晴炯碎出懸溜未論人馬飢先

覓泉源漱破衲赤脚迎佛號喃喃祝蹣跚捧杵獻

山靈此中覆啓視得二青蛇服乃馴揉潭龍捨宅

去龍子守巖竇愈陽或秩祀響答曾不謬三農今

望澤是物果出岫俄聞雷殷殷斯須變氣候樹杪

颯沓來雷灑盈襟袖始知物有神不信天能漏茲

遊豈偶然失喜編朋舊既飽齋房芝還酌青樽耐

酣歌坐忘疲捫陣翻健闢秉燭過夜半坎段已嘶

旤殘夢餘帶騰更閱千峰秀

張素存云杜陵昌黎眉山劍南合為一人計子山云極奇與又極生動一字一呼絕

度九龍山

西山紀遊

六

龍泉之遊既愜將旋策磨石口且遊且憩

寺僧強解事為提徑慇懃隨取道九龍諸

嶺歷亂龍從殆不可狀徑似有而忽無山

疑窮而復起攀援上下若猿挂之相學步

騎相代若偏師之行詭最能濟勝者則樵

李郡伯張卓吾次則余與門人張予先更

次則同年李寅公蔣南麓張惕存家姪譽

凡也嚙以茲山之險自來好事者流未之

或至我輩顧狎而從之不憚煩豈幽巖絕

○幸○相○不○可○不○請○
經○必○待○人○而○顯○耶○又○以○歎○夫○耳○目○未○涉○杖○
履○未○經○負○奇○而○不○一○顯○者○何○可○勝○道○廼○選○
平○衍○得○一○丘○列○坐○而○酌○酌○而○歌○衆○山○傳○響○
望○之○悉○崢○嶸○然○拱○峙○我○下○則○起○而○相○賀○曰○
孰○思○吾○徒○樂○而○忘○其○憊○者○非○茲○山○歟○孰○使○
茲○山○幸○而○獲○所○遭○者○非○我○徒○歟○
王敬翁云子厚諸遊記不得專美於前

已辭潭柘山更問他山路山僧知我僻好奇尋入
山中險絕處陰經靈雲虎豹愁披榛覓徑如有求

西山紀遊

七

側身牽攀不可上上者股栗神憊恍一峰歷盡喘
未蘇前峰又復催憂虞我生筋力能幾多諸艱歷
試胡爲乎樵子尋常不肯至矧乃倦客冥搜強好
事磴危路滑將恐墜徒旅微聞雜嗟喟忽來片岫
平如掌相呼藉草狂歌賞斯時四望覺身高下視
群山離立皆兒曹白雲冉冉騰山坳便欲乘向間
闔隨道遙恨不攜將驚人句搔首問天天亦怖却
望居庸鳥道回茫茫絕塞風烟開燕昭遺烈安在
哉漁陽豪俠多蒿萊古今代謝復何有惟有茲山

突兀無衰朽呼取驢背酒一瓢酌我山神勸我友
長笛一聲出林藪蠻謳翻入龜茲部興發一齊開
笑口須臾雨過捲衣涼薄醉都忘山路長前于後
馬滿空谷山下人疑嘯鳳凰
沈繹堂云嶽嶽歷落中又具瀏灠頓挫之致

淨德寺

昨歲春前此抱琴重來猶未散春陰松花暗落香
臺上只道祇園有布金

石景山

西山紀遊

八

如帶如礪大言之也河之桑乾山之石景
奚遠不可以名以彼雲湧雷殷奔流直下
山則砥柱以隴巔其間用殺厥勢蜿蜒一
帶達虛溝矣山故產石採之無禁穿穴遂
多且且岩之洞之景出焉矣躋而眺焉景
更奇烟巒與城闕與關梁陵墓與入吾望
者皆以爲山之景也不足盡山如此石矣
山遊各取宜宜眺茲山最峻嶒倚絕壁面面供玄
對巖洞互出沒巨靈何狡獪拾級忽凌空遐想落

天外決滂河流奔迴薄亘如帶皆光穿溟滓身世
了不礙○知○虛○溝○底○明○見○飛○虹○背○蒼○茫○塞○上○山○山
山○盡○施○黛○黽○勉○躋○層○巔○城○郭○交○顯○晦○宵○然○萬○象○收
天○風○送○清○簾○延○賞○入○奇○懷○浩○蕩○自○我○輩○安○能○苦○牽
迫○白○日○紅○塵○內○疲○樂○理○則○均○喀○焉○寄○深○慨
顧見山云此是浣花翁得意處

隆恩寺

從磨石口折而西爲吳茂寺金大定間秦
越公主建明正統四年葺之易今名臺殿

西山紀遊

巍如廊廡翼如松檜蕭森竿簾間作故莊
嚴淨土也唐像大士最傑偉特閣之閣後
瑞墓鼎疊今爲王塚徙焉而守衛者居僧
舍十九矣從茲窮仰山之勝甚善如澗深
崖黑何

金家貴主營精舍丹碧于今煥彩檻每聽風來松
檜響還疑樓上鳳凰鳴仰山後院山泉細磨石前
村石路明一自王孫封馬鬣化城強半衛佳城
秦方回云又通沈宋知廣卷真未易才

寶珠洞

洞當山之翠微處地稍坦迤是曰平坡人
洞黝黑晝不見人旁出其上見若大蚌剖
而倚石壁者始悟其中嵌空矣洞背窪如
也磊塊如也古苔蝕繡斑斑駁駁如也白
屑雜和之月射而白光顯其珠絡寶髻乎
洞得名以此

西山紀遊

十

咏胎

宋牧仲云奇美磅礪筆有餘妍

平坡山龍王廟

平坡咏龍泉也明成化甲辰三春不雨命
中涓郭閏禱焉雨立霑廼廟祀龍王其上
從城下引泉爲沼鑿石爲甃漱之則甘且
鮮人魚交影荇藻間樂可知也後之遊者
烏知我非魚而同茲樂耶
彼平者坡有龍斯宅涓涓出泉唯潛之德

泉甘以清。載引載淳。石級覆之。琅然其冥。
魚樂于沼。訐訐甫甫。人影間之。參參伍伍。
維莫之春。我遊自東。酌言漱之。以盪我胸。

平坡四章章四句

賦齋云蘭亭會中遺響也

由盧師山上秘魔厓

山以盧師寺名。今寺圯已不存。曷爲襲其
名也。曰鐵鑪之步。鍛者不存也。雪泥鴻爪。
可復計耶。更折而上。爲秘魔厓。厓峻聳下。

西山紀遊

十一

視洄然石齒。齒葉卷卷耳。初盧師擢船來。
不設篙櫓。曰舟止吾止也。則至厓而止。跌
坐厓上。俄二童子侍側。執薪水師亦不之
異。爲祝髮久之。歲早忽白。師願施雨。卽委
身潭中。化雙龍飛去。澍雨果徧。今潭枯巨
石覆之。湏洞有氣。猶疑雲水出沒也。師手
栽一柏在厓石間。長僅咫尺。終古青青。噫奇
踪神界。廼有是哉。

我行盧師山。白石蒼岩恣憑乎。不見盧師寺。唯有

桑乾河故道。人去山空。往蹟稀。山名猶以人名。冒
撥棄勿復尋。一徑入蕭林。直上秘魔厓。麗駟開遙
岑。躋攀不少濟。勝具此身袞袞。隨風絮忽見洞門。
荒深白雲宿。云是盧師結跏處。手栽一柏幾星霜。
石罅青葱數寸強。下瞰二龍行雨窟。有時呼之若
或出。吾聞盧師昔駕一葉來。刺船厓下此徘徊。只
今絕經底莽莽。飛黃埃。陵谷移。人代速。清淺蓬萊
看不足。

李星巖云落筆如彈丸脫手駿馬走坂莫可方
物有是境不可無是序有是序不可無是詩

西山紀遊

十二

香山寺來青軒待月和王宗伯敬哉先生壁

問韻二首

香山不一勝。至乎軒而畢。收收翠色收爽
氣。收晨烟夕靄。雲去月來。此平賓餞松吟
泉。籟此乎響。答不必疲。節折展而奄有之
矣。軒故爲王宗伯讀書處。春秋佳日。輒來
遊。故其詩有青山饒有故人情之句。曰來
青者。明神宗舊題也。

開軒延皓月。遠岫正朦朧。十地泉流外。諸天色界

中林深遲出梵臺迴細含風指點山椒曲分明佛
火紅

又

憑高收幕景處處起炊烟雲氣晴偏濕山容晚更
妍丹條砂在井青對石爲蓮選勝何時再追謹話

昔年

李梅谷云自然合拍律體正宗

來青軒雨霽次王宗伯韻時將尋
碧雲寺

來青軒倚萬山橫微雨輕陰送鳥鳴好句恰來清

西山紀遊

夢隱幽亭偏稱早凉生烟歸山罅渾無路泉落松

根細作聲磴道莫愁騎馬滑碧雲日暮有餘情

徐蕤初云寫得靜細如元人作畫氣韻自覺生
動

由曲磴上洪光寺

寺於香山之絕頂曰洪光鄭長侍同所建

也鄭故高麗產入侍明宣宗仿金剛山千

佛繞毘盧式結圓殿焉顧奇不在此奇夫

所歷之磴百步一折折凡十有八而皆爲

列柏鄣之一折未窮不知一折復始也

玩山不異玩花驄能賞神駿惟支公香山古寺尋

奇蹤山耶寺耶將母同非關秀削青芙蓉不在輝

煌金碧濃咄咄奇賞生何從所嗟磴道蟠龍從故

故逶迤踏不窮曲似折旋槐蟻封疾如燕掠盤渦

中寺門未到先聞鐘心魂潛與杳冥通梵宇豈是

神仙宮飛昇還隔天重重道傍列柏交青葱離披

回互紛虬龍且行且憩攀蒙茸枝枝榦榦漏群峰

直教扶斷葛陂筇悠然騰入雲濛濛

王安節云與支公茶城一篇頗類雲表

西山紀遊

碧雲寺

寺之瑰麗爲殿爲階爲廊爲蓮像爲金碧

塑綰甲於衆刹然皆鱗爪耳驪珠是揆實

惟卓錫一泉泉淙淙下入寺而杖底迎矣

緣砌穿廡莫得其源得螭吻於墻陰謂吐

納茲在茲矣捫石壁更進有亭焉下臨方

池曰龍湫者泉匯也由則莫測其處經流

必受以石石爲曲窪連折如蛇行云是流

觴遺製

淨域開丹嶂。精藍倚碧天。登臨逃勝概。徙倚謝塵緣。幽圀從苔積。長廊信屨穿。堦前流水赴。樹杪落霞懸。風墮齋時磬。花飛象外筵。鬼神呼窟宅。日月暈樛聯。出洞龍湫得。捫蘿鳳嘯傳。快應聽雨過。倦可割雲眠。亭對娟娟竹。杯浮曲曲泉。終期結蓮社。長此習安禪。

李笠翁云。命體稱題。想見鑪錘方寸。程鶴天云。似右丞碧落風烟。及化感遊作而沉快處。尤覺超勝。大約廣庵詩文。無一不合于古。持其以省高邁。而理透關筆。致跳脫使讀者驚心動魄。不可以時代聲律求之耳。

南山紀遊

圭

南浦詞引

周子古今文雄。詠我黨益年甚少。而文壇已推爲大師。顧詩評書品。盡旨爽律。琴心曲髓。又悉入三昧。其所撰著。夥頤沉沉。南浦詞特其什一云。夫篇翰游戲。異曲同工。詞家者流。本趣稍別。往昔一二宗詰世號作者。逮問途樂府。持論者卽鼻間隱隱作氣。豈非以體尚當行。雖驚才絕藻。有不足矜許者乎。周子芳蘭竟體。超軼儕伍。薄遊詞苑。彌擅風流。覺落花如雪。分外生妍。蘭畹金盞。未或多讓矣。

南浦詞

序

一

曩朱子期望爲今道廣菴。潛靜方嚴。究心濂洛關閩之學。大義微言。庶幾不墜詎意。出其緒餘。猶堪僕命柳三變衙官。周待制若此。大都似靖節賦閒情。廣平賦梅花。無所不可者哉。年家同學弟壽世植減堂拜題。

滬城歲暮。申浦寒潮。予將別周子而歸瓊溪也。周子來餞西菴徘徊不忍去。手携一冊示予曰。南浦詞子其爲予言之。余惟風雅榛蕪。誰堪牛耳。廣菴出而高築騷壇。虎視東海。心竊怖之余。故有滬壘

周郎天下才今之作者擬鄒枚之句茲讀其詞又
何纏綿芳草畱連落雁也蕪學士銅綽板唱大江
東猶遜曉風殘月以視周子竟不數蔡七黃九矣
爲餉曾子道扶道扶之言曰唯唯否否廣菴尋微
之功不減輔嗣動關至極皆金華殿中語何甘與
花間尊前爭勝爲然以余之不敏亦曾爲曾子戒
綺語而捉鼻不堅食指復動知我周子斯編其有
所寄也急語曾子仍母以詞人視之璜溪年家同
學弟李蒸竹西識

南浦詞

片

二

填詞以妙理情至爲宗然必有別才天賦始能擅
場臻妙余少好效顰偶一爲之開口便成僞父自
知賦才有限從此不復措意柳屯田耆卿與余同
里故居相距僅兩舍許嘗得其手稿一冊絕寶愛
之出入自隨乙酉兵燹之後珍秘蕩盡此本亦在
灰劫中至今往來於懷茲得讀廣菴先生南浦詞
蘊藉風流幽妍香艷不獨頓還舊觀直前無古人
矣廣菴工臨池書法精妙人得其一縑半紙輒自
倭美安得如柳七真蹟遂落我手以慰飢眸耶雖

然帝青龍袂豈貧家所宜有敬書其後以歸之武
彞連客黃微之拜題

邇來詞家自命者所在多有往往以組織藻績爲
能事初閱之非不爛然可觀求其情致纏綿意思
深長者十不得一二惟梅村宮詹芝麓宗伯顧菴
學士荔裳觀察諸先生特推能品廣菴才氣縱橫
詞綵絢爛而以細心老手出之其精到處使人驚
心動魄永歎沉吟而不能置方是絕妙好詞無愧
當行本色八第見其雅贈高華而不知其骨肉停

南浦詞

序

三

勻聲調製貼非深於此道者不能也卽以質之四
公當無間然庚戌春仲貢園沈白拜書
廣菴先生綺年雄射虎早傳振雅之聲多士羨懷
蛟復擅倚聲之筆離亭惆悵兼葭路流水啼鴉別
賦纏綿楊柳外曉風殘月命名南浦抽秘思於瑤
華媲美大晟嗣家聲於水調以辛蕪之雄曠兼秦
柳之風流託興哀涼寄情驗空體具韋溫俱經百
鍊智慚游夏難贊一辭素邀流水之知聊識高山
之仰云爾後學王顥拜識於翠微吟社

從來顧曲數周郎翰墨風流獨擅場鏤管吟餘花
欲笑紅牙按處月如霜幽情半入烟霞夢艷語能
柔鐵石腸我亦自憐結習在白頭詞筆尚頗狂長
安夏日蕭寺讀廣菴表叔南浦詞敬題一律以誌
心折樗亭董俞

非霧非煙鏤管拂雲賤著意處最堪憐自解移宮
換羽歌珠字字輕圓爲道當家伎倆忒煞精研○
大晟樂府名尤擅人爭美待制當年情總絕語纏
綿翻調須教檀口倚聲好倩冰絃萬種風情誰似

南浦詞

序

四

有倚屯田石湖山亭柳讀廣菴年臺南浦詞偶題
請正弟高層雲

居同浦澈繞黃龍迴瀆走晴沙天與周郎才調鏤
管早生花雅擅凌雲麗賦更柔情顧曲弄琵琶仿
大晟樂府重填宮譜香艷鬪春葩○共客昭王臺
畔把新詞哦到日西斜一任唾壺敲缺痛飲忘天
涯我亦僻耽關曉調鬱輪袍待奏誰家擬旗亭貫
酒重聽小伎按紅牙燕臺旅次快讀廣翁年臺南
浦詞敬題請政調寄南浦同學弟路鶴徵

南浦詞目

卷之一

門人新治荆熊封較

憶江南

雜憶二十首

點絳脣

九日登丹鳳樓
次坡公韻四首

浣溪沙

憶秦娥

別

沁園春

施侍御研
山舉雄

子夜

晚景題文

明中好

二首

阮郎歸

閨空

上江虹

卽席限韻
王子四首

蝶戀花

長相思

轉應曲

南浦詞目

卷之一

一

賀新郎

賀友乘
龍二首

南鄉子

題友人壁

西江月

憶虎阜舊遊

秋波媚

憶仙姿

獨夜

虞美人

元夜

桂殿秋

四憶

念奴嬌

宋艾若觀察
秦淮納姬

望江梅

雨懷

玉樓春

春莫

意難忘

春雨

惜分釵

七夕二首

憶王孫

晚渡

清平樂

柳梢青

落梅和少
游韻二首

洞仙歌

夏夜和坡公韻

臨江仙

題隱居

垂楊鬟

春郊

思佳客

御街行 韓太史奉

鼓子詞 寒食

多麗 燕市燈宵詞

滿庭芳 聞六月七夕和舟州韻

鵲踏枝 雨中移花

風入松

醉紅粧 苦雨

卜算子 送別

減字木蘭花 對花作

霜天曉角

送陳天一
一斛珠 賀泉雄

南浦詞目

卷之一

二

南浦詞卷之一

憶江南 雜憶二十首

雲間周金然廣菴著

人何處人在萬花叢驛使頻題翡翠管梅精小立

玉華宮應是賦樓東

人何處人在月明村小犬吠花噴影亂侍兒驚麗

背燈昏應是攪離魂

人何處人在水雲天輕雨和烟籠舊恨暮山如夢

隔前緣應是裏紅綿

南浦詞

卷之一

一

人何處人在藕花居小扇臨風香拂檻亂英鋪水

色連裾應是風羅襦

人何處人在夜香亭抹麗清芬縈薄髻輕容文袋

捉流螢應是臥難寧

人何處人在碧雲樓薰草平鋪當路褥香綿亂結

打空毬應是倦凝眸

人何處人在悄書齋對鏡不言彈粉泪啓窗扶懶

攏弓鞋應是沒安排

人何處人在合歡牀金鴨篆消香戀枕繡鴛衾貼

夢牽郎應是度更長

人何處人在木蘭舟起看烟晴扶小玉驚吹波影

鴛鴦應是怯春遊

人何處人在曉梅根點額轉添螺子翠拂殘誤道

粉痕新應是步花茵

人何處人在筆牀間瘦墨數行畱絕照春風一笑

便舒顏應是寫幽蘭

人何處人在睡回初羅帳溶溶窺曙淺蘭心亂亂

向燈舒應是幾躊躇

南浦詞

卷之一

二

人何處人在醉來時蘇女剛傳風蕙氣楊家半彈

海棠姿應是倦難支

人何處人在菱花汀水國夜霜衣霧薄畫樓朝鏡

臉潮生應是黛愁橫

人何處人在鏡臺前杏臉乍勻宜自喜蓮花纔步

便生憐應是玉含烟

人何處人在試輕羅柳漲綠烟迷綺閣燕銜紅雨

墮香巢應是悵春過

人何處人在暮烟中樹裏人家秋色關水邊橋子

夜燈紅應是被初烘

人何處人在綠雲遮紫玉釵斜雙琢燕青絲髻綰

亂堆鴉應是懶簪花

人何處人在檢來書牒付鴛鴦端楷字詩鑒鸞鳳

短長吁應是最憐渠

人何處人在佛燈龕香案無塵焚柏子淨瓶瀉水

供宜男應是繡經函

點絳脣

九日登丹鳳樓次坡公韻四首

秋色佳哉黃香菊綻催芳宴行吟荒甸粉蝶攢飛

南浦詞

卷之一

三

觀○與客攜壺試上丹梯半濤聲遠烟橫雲亂滅

沒長空雁

高會龍山風流逸矣征西宴海城江甸寂寞丹樓

觀○破帽情多苦戀頭顱半天涯遠晚霞凌亂一

字排征雁

冷落東籬白衣酒送誰家宴風高吳甸獨上層層

觀○最愛秋光又惜秋過半平蕪遠寒鴉翻亂狎

入汀洲雁

飲露餐英筭來不讓櫻桃宴苾苾禹甸當作浮雲

觀○只惜年華壯盛空強半長安遠雄心撩亂目
斷隨陽雁

浣溪沙

簾外春殘繡帳寒桃根無機渡江難小垂翠袖倚
琅玕○纔啓朱唇疑欲近旋持薄怒覺難干綠窗
鸚鵡妬盤桓

憶秦娥 別

愁重疊陽關低唱聲嗟咽聲嗟咽一杯更盡催入
離別○匆匆草草輕拋撇絲絲縷縷難分割難分

南浦詞

卷之一

四

割斜陽古道亂遮黃葉

沁園春

施侍御研山舉雄

隱隱瓊簫一曲將雛吹徹瑤京是蘭臺深處蘭香
叶夢縐衣懷裏繡祿娛情未試啼聲已占英物煜
煜珠光掌上明從今有有詩歌祖德文揆天庭○
安排湯餅縱橫待索醉相呼倒玉巵笑客或爲書
誤題麋字僧纔摩頂便以麟名乍識之無矜伊風
慧白筆拈來四座驚我衰也偏頭顧如許項領先
成

子夜 晚景更文

暮烟荒艸沙邊路路邊沙艸荒烟暮堤拍浪聲齊
齊聲浪拍堤○棹歸爭罷釣釣罷爭歸棹村月掛
黃昏昏黃掛月村

閒中好二首

閒中好拾遍銀牀葉恐有暗相將其中小著行
閒中好低問穿簾月可是慰孤眠潛移角枕邊

阮郎歸 閨怨

寒風側側閃珠簾梅粧呵手添窺簷艷影闌莊嚴

南浦詞

卷之一

五

隨風舞態纖○擬柳絮比晶鹽蘭湯泚筆尖忙呼
小妹檢牙籤偏將險韻拈

上江虹

卽席限韻贈王子西園四首

磊柯英多早傾爾聲華藉甚生成就錦心彩筆天
孫機紅虎視騷壇誰抵敵龍蟠學海經沈浸迦耶
耶七葉會重光餘槐蔭○成梁棟先雕鏤斯事豈
異人任赴長沙英妙獻書清禁笑我肉生空撫髀
何年夢覺還高枕記連牀夜雨細論心深杯飲
清切秋容看庭際月華涼浸更叢桂扶疎爭吐露

香初沁作賦仲宣才藻美吹笙子晉風流甚恰道
占天上聚文星垂垂蔭○中原事男兒任待指顧
消氛祲望長安日下壯懷難禁酬得隆中伊呂志
還來窗下羲皇枕問人生誰復是賢豪狂歌飲
寶劍新硎乍出匣光芒特甚試斲松冲星紫氣霜
花寒沁縫就嫁衣針線密十年乃字徐施給儘難
消修竹與浮梅交清蔭○萬里志誰能禁千秋業
非輕任且沈冥藝苑如江河浸數卷晨昏吟抱膝
半窗風雨寒敲枕看他時寒慢酒壚旁三騶飲

南浦詞

卷之一

木

自笑疎狂只苦學屠龍做甚又愛把枯腸墨潑詩
脾花沁築就精丘客我老賜翻醋甕從渠訝似孤
松輪囷復離奇難爲蔭○憂時淚流泉滲傷時語
饑鳥噤怪蟠胸五嶽呼噪難禁射虎殘年隨匹馬
閒難中夜欹單枕問雄心如許倩誰降顏然飲

蝶戀花

記得雲鬟初覆額兩小無嫌隊隊樓頭劇却恨乘
鶯無羽翼瑤天花霧層層隔○不道仙踪仍咫尺
屏外簾前費盡秋波力已分蕭郎如路客東君休

更傳消息

長相思

長相思短相思長短相思無盡時蠻箋好護持○
對花枝祝花枝今世來生有定期花神折證之

轉應曲

新柳新柳樓外低垂纖手東風吹到離亭扶起肩
顰眼青青眼青眼悵望行人歸晚
蟋蟀蟋蟀豈有幽憂之疾呻吟只傍迴廊不管離
人斷腸腸斷腸斷幾部悲絲急管

南浦詞

卷之一

七

征雁征雁影帶南雲一片晚風陣陣吹來斷續聲
聲怨哀哀怨哀怨偏訴孤眠枕畔
霜葉霜葉滿眼離情堆疊層城一望霞紅忽唱吳
江落楓楓落楓落飄蕩東西天各

賀新郎 賀友乘龍 首

小苑寒收者正窗前海柏紅綻漏春光也錦帳繁
華映十里粧點藍橋圖畫盼天上雙星低亞寶閣
蟬枕猶未就早催粧新句傳羅帕聲欲擲秀堪把
○珠簾鈎動鸚哥打出重幃香塵一道碧車剛駕

金板玉簫花底奏，恰值迢迢良夜。夜漏靜，燕嬌鶯
咤，宜稱相看銀燭淺。漸霜華和月，堆鴛瓦，垂繡帳。
透檀麝。

瑞靄騰騰者，喜今宵紅搖燭影。玉人來也，帖就鴉
黃，猶對鏡，眉黛倚窗深。畫羅襦上花枝，交亞一路
笙簫歸院落。珮玲瓏，金縷同心，怕雙綰結不盈把。
○三更銀漏頻頻打，正多情風流年少。笑迎鸞駕
扇底仙姿，親認取試奏求凰永夜。似好夢，俄驚還
咤。瓊液纔傾，鸚鵡盡料春風暗度。琉璃瓦，描素手
南浦詞。

卷之一

八

動蘭麝

南鄉子 題友人壁

水曲搗茅齋幽草，名花繞砌栽。鳳軫龍閑俱潤碧。
悠哉寵辱沉冥兩不猜。○展齒破莓苔，知是南隣
二仲來。酬和新篇堆几案，高懷樽酒乾時典竹奴。
西江月 憶虎阜舊遊

柳外採茶，付舍桃邊織素。人家畫樓朱檻，闌繁華
常向章臺繫馬。○廣袖曾翻舞蝶，新粧猶學塗鴉。
幾回魂夢遶天涯。腸斷真娘墓下。

秋波媚

小院無人影，沉沉深坐理瑤琴。晶簾半捲，書樓高
映疎柳低陰。○自從粉冷香消，後瘦損到於今。相
思只有幾枝紅豆，數朵黃金。

憶仙姿 獨夜

吟落燈花，還吐睡起金籠鸚鵡。門外少人行，犬吠
殘星三五。淒淒淒淒，細數戍樓更鼓。

虞美人 元夜

昔遊故里逢元夜，火樹春無價。畫欄終夕繞如花，
南浦詞。

卷之一

九

直至玉驄嘶罷月西斜。○今來旅館逢元夜，遊冶
無心也。閉關濁酒滿壺，賒遮莫遊人爭逐七香車。

桂殿秋 四憶

臨曉鏡，剔春纖。憶他剛映水晶簾。爲彈紅怨，霏桃
瓣，略整金釵露笋尖。

歌宛轉，句分明。憶他百轉學新鶯。能翻妙諦，空蓮
藏，別理閒情和玉箏。

勞翡翠，倩良工。憶他欲現畫圖中。沉香供後，疑私
語，粉壁開時當好風。

難寫怨託水徽憶他譜作惜分飛曾題角枕投霜
夢誰啓雕籠放雪衣

念奴嬌 宋 艾若觀察秦淮納姬

鳳臺春早聽瓊簫度山新聲香艷南國佳人天上
落桃葉波生漱澗軟玉屏前鬱金卮底細把名葩
探六更宮漏只愁樂事還欠○笑指三五疎星盡
珠雲淨現山娉婷儼學畫蛾初月偃斟酌數臨
鸞鑑四角珠垂九華帳揭好築花壇占高唐雲雨
憑君賦手雄占

南浦詞 卷之一 十

望江梅 雨懷

深雨候殘夢鹿邊蕉睡起捲簾還似夢花期酒約
兩蕭蕭春水欲平橋○惆悵久無計曳綃旌料得
玉環初困酒凌波何路近層城誰與細調笙

玉樓春 春莫

紅塵滾滾爭馳驟早是酒闌人散從忙中白白放
春歸又看溪南新綠透○樓頭不見垂紅袖夢繞
天涯圖邂逅癡心未了待如何擬賦閒情消永晝
意難忘 春雨

踏踏幽窗早三春過半花褪殘粧綠穿鶯語滑紅
蹴燕泥香人正倦畫偏長看塵駝雕梁更灑將枝
頭葉上故弄悠颺○等閒斷送韶光赴乍晴時候
約畧尋芳濕雲低遠听臥柳蘼橫塘粘蝶舞帶蜂
狂待檢點斜陽奈依然苔階滴瀝添取蕭涼

惜分釵 七夕二首

樓頭望天衣颺微風碧漢無波浪鵲橋成會雙星
愁絕姮娥獨自娉婷冷冷○輕雲帳纖鈎上匆匆
纔得相親傍曉魂驚送歸程兩地恩情一水飄零

南浦詞 卷之一 十一

盈盈

吟蟬咽鳴蟻切薄帷孤枕新涼怯美嬋娟正良緣
今夜綢繆可訴從前懸懸○銀河沒金波滅荒雞
抵死催離別奈情牽暫留連此際堪憐一霎經年
綿綿

憶王孫 晚渡

斷霞微抹遠天低一帶平沙落雁齊野渡蒼茫水
滿堤路東西漁火分明近轉迷

清平樂

春情如酒芳思柔於柳輕暖輕寒花醉候生把人
兒消瘦○秋波欲動微茫春山時露低昂願作雙
飛蝴蝶偏成隔浦鴛鴦

柳梢青 落梅和少游春景韻二首

嫩草晴沙落梅風細嬾嬾斜斜一曲瑤琴數聲羌
笛催送寒花○那堪回首天涯人倦處堆殘鬢鴉
似剪推心如珠彈淚春瘦兒家

烏啄香沙東風情重欲起還斜猶記當筵落梅歌
好笑擁如花○春光爛熳無涯淒涼事濃陰暮鴉

南浦詞 卷之一

曲譜霓裳圖指仙子付與誰家

洞仙歌 夏夜和坡公韻

湘紋冷簟細細融香汗團扇裁成璧月滿恰涼生
池館荷氣悠揚風拂水暗通清芬歷亂○珍珠簾
捲處纖月初生似玉鈎斜掛銀漢漸露下疎桐螢
滅迴廊深院靜漏聲徐轉且莫問西風幾時同怕
又早驚秋玉顏凋換

臨江仙 題隱居

紅葉堆邊曳杖蒼松深處誅茅泉聲峰色帶人嬌

片塵飛不到清甯落山腰○經戶聞其肅穆披帷
人在虛寥兩九日月此中拋客來休放鶴風動不
噴瓢

垂楊鬢 春郊

新雨足釀出嫩紅嬌綠陌上誰家人似玉近前微
步蹴○苦處花濃草郁幾隊鶯翻燕簇歸去溫存
香夢熟春光休便促

思佳客

垂柳門低掩綠窗非烟非霧鎖橫塘自憐薄命如
南浦詞 卷之一

春草長日修齋禮玉幢○姑射態若耶粧花源何

日遇劉郎可能珠玉爲心者解惜書生錦繡腸

御街行 韓太史奉 假歸娶

御街一帶紅雲罩醉朝罷聽宣詔玉堂人賜
玉驄驕歸向藍橋尋約河填烏鵲屏開金雀衣錦
仙郎到○合歡卮底含濃笑親捧付同鸞語遠山
眉黛樣如何翠管描來新妙千行珠履齊聲爭美
美莫如韓樂

鼓子詞 寒食

眠柳毵毵風乍舉
顛峰癡蝶連空舞
小徑陰埋迷
激楚蛙兩部棠梨一樹深深雨
○芳艸無言招杜
宇
竊嫌堤上稀乾上九十韶光重細數餘幾許
湘桃葉暗懷春浦

多麗 燕市燈宵詞次程鶴天韻

帝京春倚誰彩筆傳真試看取三條五劇華燈列
市標新簇星毵銀河練吐結綺障瑞島葩芬戚里
平臺金蓮寶炬千行環衛麗鈎陳待齊唱月分光
曲行樂及佳辰更遙見玉鞭掣電暗逐紅塵○聽

南浦詞

卷之一

十四

遠隔歌鐘銷歇經過趙李朱輪閒想像甘泉故事
還冷落黎閭中人欲賦三都恐勞覆瓿漫誇人洛
擬機雲誰侍從傳柑燕賞杯奉萬年頻空凝望沉
沉驚禁雲護 嚴宸

滿庭芳 閏六月七夕同程村和金州韻

有分蹉跎無憑打算佳期暗阻風波人間底事歎
急景如梭偏是雙星會合捱時日餘閨爭多遠巡
處鵲橋遲駕行不得哥哥○橫拖銀漢影也應變
做恨海愁河更玉鈎斜掛似映顰蛾寄語七襄機

畔秋期近錦瑟旋和須知道良緣美滿常費許多

鵲踏枝 雨中移花

烟草迷離三月暮蝶去蜂迴誰作憐芳主收拾繁
香藏小圃無情最怕催花雨○黯淡雲山明滅樹
暗送韶華惹得愁千緒幽賞不隨春共去闌干拍
遍和誰語

風入松

垂楊爲帶束河邊望裏最幽妍樓頭有美凝眸坐

南浦詞

卷之一

五

梅花弄一曲水絃風靜書簾低捲香銷翠幙孤懸
○層城縹緲隱嬋娟絢扇更如天劉郎不見桃花
片人間世採藥空傳何似明珠三十盤中人美團
圓

醉紅粧 苦雨

頻櫛鎮日苦沉淪幾添衣病懶身潘愁沈瘦這回
春深院閉繡苔茵○美人延佇隔河湍空搔首悵
芳辰任是愁多天不管天想是也悲辛

卜算子 送別

遠浦暮潮平夾岸牽長鏡日斷天邊去鷁飛出沒
餘帆影○錦樹滿亭皋歷亂翻烟暝點染盈盈恨
望中一幅銷魂景

減字木蘭花 對花作

愁紅恨紫偏自無情開笑齒蔥約蘭期悄問東風
總不知○粉香輕惹疑是羅襦初解也翠影頻迴
那有盈盈小步來

霜天曉角 送陳天一南還

驪歌催御湖海人豪去此去勉旃調護蒹葭店外霜

南浦詞 卷之一 去

天曙○離愁同一縷分牽南北路欲寫黯然情味
裁不就江郎賦

一斛珠 賀東雄

槐陰庭院霏霏拂拂蘭風扇璇閣詫有珠光現一
曲將雛喚出投懷燕○早信神駒能逐電斯須便
覺龍文炫憑君搗上明光殿起草合香儘把鵲行
擅

南浦詞目

卷之二

江城子 早春懷舊

南歌子

訴衷情 秋晚

謝秋娘 別意十二首

滿江紅 風夜

少年遊

鳳棲梧 納采詞

南柯子 新晴

宴桃源 舟行

玉蝴蝶 春晴

惜分飛 展詩筵

春光好 春盡初晴

水龍吟 李方山見訪
旅舍賦

搗練子

南浦詞目 卷之二

碧雲深 春曉

浪淘沙 聽雨東正西閣

霜天曉角 蓋歷軒

柳枝 白門詞四首

永遇樂 集古王氏事
送西政北上

江月晃重山 與山農話
舊二首

雙雙燕 聽荔裳侍
史度曲

朝玉階 早春

明月斜

風入松 平聲卷兩像

重疊金 夏曉

瑞鷓鴣 詠染

驀山溪 次王西園
贈別韻

唐多令

桃源憶故人 悼沈
貞居

水調歌頭 燕子磯

山花子

鷓鴣天 舟次雨

千秋歲

燕歸梁 展箋

御街行

江上作

畫堂春

少年爲館甥

東坡引

羅夏川懸孤會

鳳凰臺上憶吹簫

懷程鵲湖

蕙帳遮

殘春

採桑子

客白門懷

洞仙歌

偶憩福緣菴用林豈應韻

一剪梅

秋夜

釵頭鳳

夏門

漁家傲

村居

憶舊遊

過程鶴於燕城話舊大韻

庭院深深

閑意

花非花

江南春

追和阮元

謁金門

月夜對酒有懷

雙荷葉

夜

南浦詞目

卷之二

二

乳鶯飛

送宋子昭惟燕湖

南浦詞卷之二

雲間周金然廣菴著

江城子

早春懷舊

蘭皋試暖漸融融市橋東塢烟籠野老依然鬪草
入兒童村酒家家邀作社拚一醉晚霞紅○徘徊
南浦夢何從憶相逢館娃宮夢斷章臺柳色繁花
聽裏取梅花一片雪消不得此情濃

南歌子

倦裏芙蓉紙慵薰豈蕊香心頭只好繫檀郎又聽

南浦詞

卷之二

一聲鶯催續宿鴛鴦

訴衷情

秋晚一

夕陽林外倚高樓荒草亂榮秋不分短長堤上衰
柳失風流○羅幕捲晚霞收漫凝眸千家冷月數
點昏鴉一段離愁

謝秋娘

別意十二首

人去也人去小橋東不管離愁門外馬故催溫夢
曉來鐘韻復近薰籠
人去也人去落花天乍暖半寒情倦憊欲吞似吐

語纏綿倦倚曉風前

人去也人去楚天遙遠樹和雲粘極浦小舸如鴨
逐迴潮滿目是魂銷

人去也人去畫船空短夢時偏千里雨五更頭忽
一江風吹斷語難終

人去也人去怨晴光喚枕荒雞剛黯絕催詩急雨
蹙相將昨夜幾多長

人去也人去展瑤翰碧聚雙峰差喚玉香霏五字
欲呼檀相勸只加餐

南浦詞

卷之二

二

人去也人去苦思伊記夢不明添懊惱譜愁成曲
只依稀欲凝描言詞

人去也人去贈香羅密語付來知鄭重用心收得
費摩挲爭奈此情何

人去也人去繡衾寒餘淚枕痕光宛宛贈香心字
曲團團擁足度更殘

人去也人去酒猶溫醉裏明知多恨語夢來拚得
數離魂誰復耐孤尊

人去也人去意難明恍惚宵來原是我淒涼今日

似他生脈脈恰人情

人去也人去墨花鮮別淚祇餘箋上竹同心惟有
書中蘭憶著幾回看

滿江紅 風夜

立水移山滿空際迴颼凜烈最惱是半殘庭萼霎
時飄屑攪起雙棲枝上烏欲棲不穩啼還咽聽颼
颼響漸逼羅幃何淒切○冷然起青蘋未浸淫上
屯雲結料鐘沉漏失幾更時節門外鷓鴣見不住吠
生憎卷葉頻翻跌更攪衣推枕看疎櫺昏黃月

南浦詞

卷之二

三

少年遊

微茫烟雨濕梨魂多半是啼痕香消玉褪粉嫌脂
懶拚負却東君○花時偏作愁時候羅帶緩湘裙
楊柳慵眠海棠思睡芳艸怨玉孫

鳳棲梧 納采詞

百寶籠紗遙似霧檻外輕寒人在幃深處纖手繡
絲垂幾許神仙知是雲華侶金屋新成閒信步
繡帳薰香只待嬋娟貯爲有桃華期尚誤亂雲遮
却藍橋路

南柯子 新晴

樹樹脂脂濕巫山雨意濃柳絲輕颺畫橋東翠綠
愁紅一霎變歡容○戲蝶過庭舞遊魚上水鳴重
陰曉去簾櫳從此遲遲春日再還中

宴桃源 舟行

溪口桃花初透野外春雲微皺細雨點輕帆歸色
匆匆如酒侵袖侵袖芳艸淥波爭秀

玉蝴蝶 春晴

九十日春能幾經旬雨斷送韶光野外鶯花無

南浦詞 卷之二

四

頻蜂蝶外柳拖翠黃鸝坐樹紫齊紅女持筐
最難忘輕寒輕暖陌上尋芳○徜徉誰家遊女路
青聯袂闌草成行漫啓朱唇教烹茗茗獻芽鉛採
玄芝低垂皓腕贈紅藥照耀明瑤恨偏長金錢低
擲風絮輕揚

惜分飛 展詩筵

小惜晶英霏黛綠掩映芙蓉脂肉宛宛傳心曲玉
簪敲斷湘江竹○團扇芳姿看不足空惹離愁萬
斛澆取杯中淥月寒花曉廻環讀

春光好 春盡初晴

紅影瘦綠陰肥嫩芳菲閣筆幾廻腸斷饒春詞○
橫雨喜窺蟾魄輕寒懶試羅衣還賸取三更燒夢
閉重幃

水龍吟

已酉秋般陽李方山見訪白門旅舍賦贈

冥茫五岳烟嵐一筇兩屐都收得綵毫題徧無邊
名勝還堪草檄桂發淮南雪深梁苑爭相虛席忽
思尊歸去經過白下乘興訪清狂客○喜劇論交
傾蓋奈飄蓬倦遊蕭槭酒壚何在多慚豪頓東山

南浦詞

卷之二

五

李白寥汰秋高晴光零亂菊黃楓赤但從君縱眺
吟餐霞句岸臨風憤

搗練子

愁似海酒如淮幾曲柔腸貯不開酒力到來愁轉
劇愁城不下酒先回

碧雲深 春晚

春將去問春此去歸何處歸何處斜暉遠岸落紅
飛絮○春偏不佳教儂住儂今有恨憑誰訴憑誰
訴當年杜牧這書春暮

浪淘沙

聽雨微曉東王西蜀

葉底響丁冬。漸暝房櫳孤幃單枕。忒惺忪。那更曉來敲短夢。斷角殘鐘。○晨起對冥濛。惱煞詩翁。美人芳訊若爲通。可向停雲延佇久。悵綠愁紅。

霜天曉角

益隆軒

清齋如水。一枕甘於醴。除却醉鄉寥廓。我將老何鄉矣。○世情真益睡。初遽聊復爾。莫遣覆蕉尋鹿。生混入華胥裏。

柳枝

白門詞四首

南浦詞

卷之二

六

白門新柳學藏鴉。春到三眠早吐芽。儂作博山懷裏熱。試郎心字一些些。番馬人作心字存

輕抽皓腕替紅粧。香氣虛無透被池。儂似玉蘭陳麝酒。帶郎睡到日移枝。

一從石上證三生。不用山盟更海盟。儂比朱欄杆外月。照郎九曲試分明。

王家桃葉復桃根。春去秋來渡水渾。儂學秦淮雙櫂猛。探郎深淺見涼溫。

永遇樂

集古王氏事送西政北上

經術流傳

承青箱家世

名重文度

講道河汾

龜嶠蟠北海

猛

土銼還如故

扁舟乘興

披將

鶴氅

恭

攜却如椽而去

徧長安驚人句滿

中秘

書更資談助

克

○明經射策

嘉

聞君陳說便欲封

狼居胥

立

淥水芙蓉

儉

彈冠爭美

陽物表瑤林樹

他時歸里

赤車千乘

朗

鄧禹笑人都悞

方知

道登樓賦客漢南獨步

集

江月見重山

與山農話舊邦江兼懷貴園雲士二首

鼎足翠微吟社貴園雲士

山農苦他驛使遞詩筒

南浦詞

卷之二

七

佳風日招我探花筇。○彈指飛光荏苒蘭亭觴咏成空。無端舊侶客途逢。燈前話認取鬢雙蓬。

扶破琴心畫隨參。同詩品書評。一朝驢背裏丹經。

拋人去占斷竹西亭。○君作壺公高隱我同王粲。

飄零二分明月最關情。來相照離思滿蕪城。

雙雙燕

聽荔裳侍史張雲度曲和鄧孝威韻

參橫斗轉悄四坐無言。一聲低放柔吞漫吐。生把閒愁暗釀。那更纏綿悠颺。揮不定眉間心上。知伊一往情深。解得傳神絕唱。○此曲令人細想。是三

疊霓裳吹來天壤千行珠履若個知音妙賞盡說
靈和一向曾占斷纖腰名狀怪他多事東君須著
周郎推獎孝威原唱有靈和舊物之句

朝玉階早春

新柳絲絲看乍蟒溪橋宛轉外半拖藍香霏梅玉
正清酣何來橫笛裏弄聲三○漸看節物過傳柑
六街燈市歇早眠蠶杏花春雨又江南一枝斷腸
處倚茅菴

明月斜

南浦詞

卷之二

八

口角碑啼不洩鏡裏看花寂寂春夢邊覓路荒荒
月

風入松平魯菴西像于松石間手拈北堂詩

不儒不釋不冠巾居士淨名身冷然行坐松風下
誰相伴泉石爲鄰試問一生幾兩飽經五嶽千巡
○白雲望裡苦思親手澤一編新虎頭縱解開生
面悲風木何處傳神僕本與卿同恨東西南北之
人

重疊金夏曉

疎林和答新蟬語桐衣出沐涼如雨啓戶數殘星
鴉烟點點青○雲封幽徑濕燕蹴香波急倚竹受
清風濃陰密密縫

瑞鷓鴣詠染

天工錯采圖生描初日芙蓉五色嬌猩血點成潘
氏靱蔚藍綰就趙家綃○澄江秋散餘霞綺蜀水
春明濯錦濤若把桃花形妾貌願將柳汁滴郎袍
舊山溪大王西園贈別韻

禹君不住攜手河梁道誰染此離情視霜林白蘋

南浦詞

卷之二

九

紅蓼還能念我言別黯消魂琴再抱翻新調坐惜
知音少○聯吟刻燭剛把金樽倒典盡却廻舟唱
驪歌愁腸牽繞輕鷗柔櫓遠浦送人歸斜月曉波
光森天外征鴻小

唐多令

柳線覆汀洲海棠曾綻不記花陰幾遍廣酬賸有
幽蘭心蒂在春怨罷怕傷秋○憶著醉餘眸魂銷
可自由繞天涯夢轍情郵欲待和他尋決絕詩重
展淚橫流

桃源憶故人 仲沈貞居

幾回信使傳消息，善病休文腰窄。何意賦樓催迫，悽斷山陽笛。猿吟鶴怨空朝夕，辜負松筠長碧。誰弔孤貞三尺，賸有清蠅客。

水調歌頭 燕子磯

咄咄巨靈手，狡獪弄珊瑚。鉸琢成紫玉，釵股簪上六。鰲頭閱遍興衰，代謝何事危巢無恙。不解處堂愁。萬頃烟波裏，安穩狎眠鷗。千尋鐵沉水底，霸圖休。唯見何在。惟見故壘秋花，秋漫說舊時王謝多。南浦詞 卷之十 十
少鳥衣簾，嫩減逐浮瀝，爭似磯邊石。高枕大江流。

山花子

掩抑紅情暈臉潮，支持翠恨攬蠻腰。蘭香不吐爲心焦。○扇底月深人寂寂，夢邊春遠路迢迢。知應憐我最無聊。

鷓鴣天 舟次雨

匝岸溝塍水亂漣，沿溪鵝鴨陣成圍。浮家泛宅玄真子，細雨斜風何處歸。○摩詰詩，樂天詩，筆牀茗。

梳共追隨相思猶阻羅浮約，霧鎖烟含幾萬枝。

千秋歲

棟花風細，撩亂鶯聲近。紅片片爭辭蒂，碧紗塵粉。泥寶篆沉烟，膩針繡懶。懶懶春瘦重，幃閉。○女伴尋遊戲，聯袂各圖媚。貽紅藥，初芳佩無端愁思起。別自關情味，春去也一聲吁似吹幽蕙。

燕歸梁 辰溪

柳帶同心疊恨長，一紙蕭娘。迴環四角又中央。真消得，斷人腸。○芳魂不逐流波去，曾凭遍幾迴廊。

南浦詞 卷之二 十

昨宵幽夢果端詳，顛倒字寫鴛鴦。

御街行 江上作

遙望日落浮雲暮，望不見沉沙處。江流依舊繞金焦。愁艸愁花無數，蕭條千里亂山，流水多是離人路。○青袍如草，紛屯戍嗟庚信，空題賦烏啼格磔。滿霜天零落殘霞孤鷺，沉吟惆悵，暗潮吞吐涼月生瓜步。

畫堂春 少年爲館男

流鶯學轉喚紗櫺，呢喃燕子新迎。好風吹到綵霞。

庭欲語還生○上客齊誇玉潤侍兒細說娉婷夜
深微醉倚銀屏心事分明

東坡引 羅夏川懸孤會

聯翩珠履客高會羅合宅儂家總在群仙籍奉觴
同一劇奉觴同一劇○仙翁笑倒展開瑤席把麟
脯虬絲擗流霞片片光浮珀鬢須一石留鬢須
一石

鳳凰臺上憶吹簫 同宋嘉泰遊白門懷程鶴湖于廣陵

燕子磯頭長干堤上飽看紅藥斜陽弔荒烟野草

南浦詞 卷之二

今古興亡最是多情宋玉工點綴秋氣悲涼哀滿

瀉詞源滾滾別作清商○蒼莽大江北望一點故

人心宛在中央賦停雲延佇怨雁愁鴛二十四橋

月下我亦欲背却吟囊從君醉較量莫愁湖畔風

光

蕓幙遮 殘春

濕雲深烟篆老怨蝶愁蜂懶向殘枝繞南浦離人
增懊惱滿地楊花空簇香毳小○霎時晴歡景少
百尺遊絲難綰斜陽倒野外王孫傷碧草從此夢

夢何日春重曉

採桑子 客白門懷賀天士

別君猶記江頭路柳外離亭霞外層城從此山程
更水程○思君只向江頭路夢裡分明醒却何曾
不是蘭陵是秣陵

洞仙歌 偶思福絲巷川林登塵垂虹橋韻

高林飭水一罇潭光曉樓外寒烟潤莎草望蕪城
景物幾度星移楊柳岸空被帆檣過老○禿衿危
帽江延誰如我浪影萍飄偶來畱住看鷗眠鶴舞

南浦詞 卷之二

半日浮生偷過也深院暮雲低鎖問家園荒頓復

何如料竹逕苔陰家僮倦掃

一剪梅 秋夜

風展蕉屏玉露鮮雲去星疎月上窗懸重移素簾
坐南軒草帶芊芊雁字聯聯○買得閒宵不用錢
白墮香纒紅藕絲牽擎杯試問月嬋娟底事天邊
也不常圓

釵頭鳳 夏閨

輕容軟鵲黃淺曉粧樓上簾幙捲葵榴血茶蘼雪

困人天氣把人輕撇別別別○花如面愁如線淚
痕恰似流波濺空鳴鳩聞金埒舞停春草歌畱桃
葉歇歇歇

漁家傲 村居

午枕竹樓風送抱一庭花草微香裊秋水細隨幽
徑繞人跡少忘機日對閒鷗鳥○網得鱸魚三寸
小樵青拍手烟波渺忽憶南隣求仲好門外到尊
絲綸纓橙薤檣

憶舊遊 遇程鶴洲于蕪城話舊大原詞韻

南浦詞

卷之二

十

與君爲晉楚狎王騷壇掉鞅名場相遇還相下若
醇醪十斛心醉周郎兼葭遠浦凝望一輩便堪杭
何意戴南冠鍾儀顛顛寫怨宮商○重逢廣陵客
轉追敘離情黯爾神傷迥黃山歸路更若溪旅館
通夢迴腸試捫我舌猶在鬢已點河陽願努力前
期從君避世金馬旁

庭院深深 閨意

池內殘荷初過雨荷珠點點圓明凌波仙子迥含
情湘簾低捲處幾度怯窺生○金雀屏前芳宴啓

蘭房猶自調笙羞看小妹笑相迎巫山雲暮也好
去會雙星

花非花

荷翻珠不露濕一霎來去何及來如燕子點波輕
去似鶯兒穿柳急

江南春 追和倪元鎮韻五首

昌谷園林透新筍烟啼露咽娟娟靜綠楊低鎖画
橋陰紫鸞斜窺珠箔影風前小立羅衣冷緋桃笑
倚鰾脂井一聲嬌鳥銜紅巾深閨香夢委黃塵○

南浦詞

卷之二

五

鳥飛遲夢飛急顛倒落英和淚濕朱顏隔天悵莫
及袖上唾珠成紺碧滿眼繁華變陵邑青山猶作
雲鬟立浮生無帶似飄萍精丘不築徒營營
春日春盤薦春筍春陰漠漠春禽靜漫引春醅消
晝長不知春去渾無影東風催暖還釀冷歷亂殘
紅覆臂并眼看素髮點烏巾蓬萊清淺間揚塵○
燕燕忙罵罵急坐樹穿花香霧濕美人遲暮嗟何
及王孫不歸萋草碧幽思無端坐於邑凝望天涯
空佇立柳綿無賴化流萍物猶如此人何營

建業歌鐘移簾筍春風暗度金塘靜萬年枝上轉
流鶯疑是子鳩啼夜影燕泥自落空梁冷楊花漂
沒景陽井哀南庾信更沾巾江關詞賦今如塵○
長歌疾短歌急玉樹聲殘雲外濕王謝風流杳難
及烏衣烟草年年碧龍蟠虎踞猶巖邑長江不改
天塹立六朝佳麗總滙萍蜂衙燕壘徒經營

誰家油碧露纖簫香塵一道遊絲靜真娘墓畔悄
停車翩然遙度驚鴻影春風不波劍池冷銀瓶試
汲龍鱗井低回拂拭整羅巾生憐羅襪疑苦塵○

南浦詞

卷之二

七

乍來遊催歸急日沉花暝露光濕美景良辰不再
及明日嫣紅變濃碧館娃自昔名都邑綺麗難忘
憑吊立星移物換轉蓬萍菟裘欲向山間營

二陸當年雙石筍空山婉戀遊人靜龍潭夜夜長
春潮画船消歇無留影暖律不同寒谷冷坐覺烟
花銷萬井搔首無言岸角巾夢華樂事付流塵○
春作苦春社急春郊無分春膏濕舊雉未罷新雉
及苔華苔葉空黃碧風景不殊故鄉邑白屋朱門
總壁立健兒衣繡佩青萍踏青蓮袂唱歸營

謁金門 月夜對酒有懷

堪浮白剛少却傳杯客促坐爾髡能一石曼歌空
昔昔○何處瓊樓吹笛手把霞卮頻拭去去廣寒
天海碧奈無雙羽翼

雙荷葉 夜泊

秋聲切板橋夜泊溶溶月溶溶月碧雲影外照人
離別○悲絲急管遙相發踏堤連袂歌新闕歌新
闕却教篷底羈魂愁絕

乳鷺飛 送朱子昭推燕湖

南浦詞

卷之二

七

持節之何許是當年謝公乘月浮槎江許估客吟
餘歡相載賞咏亭標千古試縱跳燃犀秋浦爲弔
謫仙過采石問風流豪頓今誰主把酒酬老蛟舞
○君家故擅梅花賦出薊門春遲柳暗催詩健舉
不得與君同形影悵望歸舟江樹便信美總非我
土明歲移筇探百子鵲驚人新句登牛渚搔短髮
問天語

南浦詞目

卷之三

沁園春 題孔釋抱送圖

青玉案 跋和詞次韻

於中好

賣花聲

夢江南 送春八首

鵲踏花翻 題小桃源二首

南鄉子 不寐

滿江紅 送陳山農出都

前調 送姚子南遊

菩薩蠻

意難忘

漁家傲 村夜踏月

前調 疊前韻別西園望江梅五日懷舊

南浦詞目

卷之三

源父 踏莎行 初夏

相見懽 喜晤家逸翁于維揚二首

哨遍 累括山水篇虞美人 春雨

聲聲令 付曉漁歌子 懷舊

法駕導引 山塘路八首捲珠簾 春莫重過梅源

山漸青 訪隱畱春令

醉桃源 茉莉

滿庭芳 荔裳席上聽侍史度曲

送我入門來 午日寓樓坐雨

眼兒嬌

乳燕飛 賀味崖翁編子假歸吳

荷葉杯

宣清 贈李秋張呂陳

偷聲木蘭花 展西園

風入松 夏景

玉樓春 合歡

醉江月 弔梅用子瞻赤壁韻

更漏子 題續課圖

如夢令 歲暮

江神子 月夜

憶難月 紅梅

點櫻桃 春雨

東風第一枝 都門遇程鶴天次韻

清商怨 書夢

奈樓月 木蘭花為風雨所摧

南浦詞目

卷之三

二

南浦詞卷之三

雲間周金然廣菴著

沁園春

題孔釋抱送圖賀大司農梁公再舉

春殿蘭堦紅雲擁出照乘珠明看瑤環瑜珥重添
國寶權奇倣儻又降星精應似成都雙雙石筍秀
過峩嶢第幾層還驚詫有休文紫志孝穆青晴○
玉書繡紱先徵况夙慧西來定有禿更誇甚三槐
垂陰王氏奇他二子抱送徐卿遲日相攜蟬聯劍
珮共贊昇平相業成君不信是非常英物先試啼
南浦詞

卷之三

聲

青玉案

梁苑宋牧仲東吳徐方虎以倡和詞
見示倚韻爲跋

詩筒絡繹黃塵路儘二老風流去寂寞玄經朝復
暮停雲蕭館吟風枯樹滿眼離愁賦○猶餘結習
難忘處拈取殘毫作葩語才盡江郎休漫妬梁園
詞客江東文度雙絕驚人句

於中好

慣倚嬌癡喚不前偶因誤識拜嫣然香奩剛見芙
蓉面錦席誰挑綠綺絃○翻綵袖却金釵遠山微

慶逝翩翩何當上已舉蘭會重解明璫貯洛川

賣花聲

嬾雨痴烟暗地將春侵削猛迴眸驚紅零落王孫
芳草正天涯離索聽聲聲無憑靈鵲○錦字封題
知否魚迷雁錯怕歸舟孟婆又惡一年一度把韶
華樽閣恨無根劇頭種著

夢江南

送春八首

春去矣春去幾時回楊白花飛千點亂牡丹枝壓
十分開呼取餞春杯

南浦詞

卷之三

二

春去矣春去逐流塵綺陌嘶殘金絡馬畫闌倚倦
玉樓人無計綰芳辰

春去矣春去綠爭肥蜀魄啼來花影瘦吳蠶眠處
柘陰稀散步試單衣

春去矣春去太暄妍鳩婦呼晴齊弄舌龍孫過雨
盡隨肩閒煞闌茶天

春去矣春去午陰長蘇荳接連梅荳綻藤花撒和
柳花香碎句滿奚囊

春去矣春去落誰家燕子雙雙私葺屋蜂兒個個

聽分衙各自赴生涯

春去矣春去矣無聊漫拂琴將流水續細拈香在

博山燒窗外落紅敲

春去矣春去思昏昏待遣興來誰遣興不消魂也

索消魂憔悴臥文園

鵲踏花翻

為黃波民題小桃源二首

翠嶽丹崖紅泉碧樹天生待異人棲託倩他鬼斧

神工屈曲雕鏤鴻濛一氣勢開鑿猿吟鶴怨久關

情今來不負名山約○寥廓洞口無人花落端詳

南浦詞

卷之三

三

靈境渾如昨多少芝草琅玕呼童為我採徧巖兼

登和風和月和烟霞煮成無上還丹藥

物外田園雲中難犬仙源本在人間世一朝樵逕

榛開豁路花迷窅然別具閒天地草芽薰始識時

和樹梢萎漸知風厲○不記何漢何秦何魏荷衣

蕙帶無新製藉令劉子聞之欣然欲往為道非吾

契軟紅十丈卷頭塵一丸封斷君知未

南鄉子

不寐

茅屋閑孤燈紙帳寒侵樹蛩驚最是霜鴻離思苦

聲聲叫斷黃昏又月明○欹枕帶愁聽絮被溫存

到幾更我累閒情情累我睜睜夢也和他做不成

滿江紅

送陳山農出都

宛洛風光問何似歌鐘帝里綠底事留君不住拂

衣而起無題携筇遊五岳不然命駕尋知己看長

亭一路柳依依猶如此○燦花筆紛如綺摩詰画

兼詩旨更撫琴動撥衆山響矣到處定傳韓伯價

重來不曳侯門屐料虎關遲爾壓群英營高壘

前調

送姚子南遊

南浦詞

卷之三

四

冠蓋京華厭肉食紛紛執綺誰信道風塵睚眦有

奇男子烏瘦郊寒詩滿篋吳頭楚尾人千里看山

川映發入毫端蒸霞起○題橋志差堪擬曳裾態

非長技且乘流隨坎陸沉行止悔學屠龍無所用

料應買駿從茲始待重聞諠語碎胡琴長安市

菩薩蠻

花陰深處弓鞋小香風一徑吹來巧未敢便關情

料難消受卿○思將製帶綰夢逐迴波遠未免有

情凝情痴不自知

意難忘

淡抹勻粧正盈盈樓上皎皎當窗輕移新繡履徐
揭薄羅裳離兩開出蘭房欲近更嬌詳最撩人朱
櫻微坼一縷脂香○其成百媚無幾數小喬錯嫁
枉殺周郎還珠應有淚解佩恐歎千疊恨幾迴
腸待訴與誰行更那堪低徊流盼暗滿春光

漁家傲 邨夜踏月

地老天荒秋欲暮江心灩灩銀盤吐醉踏村南村
北路人靜處蠻語清切翻新句○木末芙蓉輕墮

南浦詞

卷之三

五

露烟寒橘柚垂無數一片平蕪迷積素天欲曙斷
鴻叫入疎林去

前調 疊前韻別西園

目斷離亭烟景暮無端幽思憑誰吐渺渺愁余南
浦路凝望處黯黯難續銷魂句○錦樹丹楓團玉
路朔雲寒雁來無數此別頻須郵人素吟達曙斜
舟一葉橫江去

望江梅 五日懷舊

天中節爭佩辟兵符綵勝釵頭懸艾虎榴花觴底

泛菖蒲絲結合歡無○蘭橈渡幾曲武陵幽梅子
多情偏戀齒齧薇無賴欲牽舟攜手憶同遊

漁父

與作烟波老釣徒拘河生怕吏人呼沿荻雪沂江
湖意在垂釣不在魚

尺水無波也畏風檣頭艇子置蘆中樵青笑問漁
童人間不信穩於儂

雁雁烏鳥寫白沙烟烟月月醉蒼葭朝泛宅暮浮
家收綸捧釣傍幽涯

南浦詞

卷之三

六

載得前村滿眼韶華美清切泛霜鱸乘薄醉唱吳
飲一篷涼雨入菰蒲

踏莎行 初夏

芳草萋萋薰風庭院王孫歸路天涯遠小池荷葉
乍舒錢野田麥秀初堪剪○北里調笙南隣弄管
長攀惟有西家怨鴛鴦各自鎖金籠鵲鵲翻結風
波願

相見歡 喜君家逸僧于雅揚二首

相逢槐里人豪氣凌霄浩蕩詞源歆薄廣陵濤○

捋纔罷臂未把意先消自是吾家風味飲醇醪
騎鯨汗漫神州寄雙眸分作阮公清白富陽秋○
剛得遇嗟何暮惜難留記取春明相訪鳳池頭

昭君怨 謝新贈牡丹

澹日烘雲如醉正是養花天氣料得寶欄傍賽姚
黃○也供膽瓶幾朵腸斷粉香飄墮珍重更攀條
勝瓊瑤

哨遍 偶讀莊山木篇樂括其意

木老不材雁死不鳴二者同而異賢則謀不肖又

南齋詞 卷之三 七

遭欺甚乾坤容君其際嗟文豹豐狐伏于巖穴間
羅不免皮爲累材與不材問于焉中處莊叟言是
而非但浮游道德與時宜任上下龍蛇莫專爲縱
觸虛舟偏心不惹惡聲誰至○噫物固相夷騰猿
須攬豫章枝蟬正食美蔭螳蜋翳葉搏之因而有
雕鵲栗林來集不知執彈人還睨歎見利忘真忘
形見得大都同一危地物類中爭似鷓鴣智遠害
藏身以用其畏人寧犯人之忌以余聞大莫之
國無譽還無訾君其浮大江而涉海一望曾無涯

溪猖狂而往不知歸悠哉若自此遠矣

虞美人 春雨

東君偏與緋桃妬盡日廉纖雨閒來庭院步芳遲
惟見殘紅滿地濕胭脂○綺窗春事憑誰主小燕
商量語東風何處捻楊枝作意柔腰絕似楚宮時
聲聲令 邨晚

風歸竹迺霧欽柴門半溪沙草露青痕飛鷗點破
平蕪外白雲屯野渡微茫剝落暝○何處歌聞烟
柳岸釣魚津隔林和答又樵人星河淺澹正秋旻

南浦詞 卷之三 八

聽前村早一聲古寺鐘昏

漁歌子 懷舊

晚峰青相對賞花溪曾汎鴛鴦桹柳牽思雲繫想
怕向傷心樓上○句聯吟絃和響幽蘭猶結重襟
兩忍分離空傲懶揮手東風以往

法駕導引 山塘路八首

山塘路山塘路處處画船橫斜倚妙婷齊度曲細
調絃索合音吹笙一路嘯流鶯
山塘路山塘路曲岸小橋通舴艋舟攜宵月白騰

脂水潑夕陽紅澹蕩晚來風

山塘路山塘路一徑粉牆低襍樹梨花交婀娜曲

闌壘石映參差深院貯師師

山塘路山塘路茶熟客停驂新試龍團榆火細剛

浮蟹眼石泉甘品味那居三

潤口第
三泉

山塘路山塘路寫照欲生春葉葉生綃圖小小家

家軟障貼真真看煞往來人

山塘路山塘路遊冶最關情明月樓中沽酒肆斜

陽徑裏賣花聲止止更行行

南浦詞

卷之三

九

山塘路山塘路最美早黃時叢樹香初偏馥郁

山月午正歲寒然斷幾吟髭

山塘路山塘路忽轉薄陰天明滅遠山春樹裏微

茫古堦曉鐘邊平望半寒烟

捲珠簾

深坐粧樓安翠鈿喚出重幃簪若驚鴻現還帶平

山雲一片依稀宋玉曾窺面○纔向風前嬌欲顫

小颺寬裳低掩輕紈扇笑入屏山尋女伴微波一

轉情如線

山漸青 訪隱

烟霏霏草萋萋葑屋分明一水西蒹葭路欲迷○

前花蹊後瓜畦汲井鋤園不相齊於陵有逸妻

留春令

春莫重過梅源王氏山莊

扁舟曾入梅源路題詠偏麗詞新句重來花事已

闌珊還記取飛觴處○春去無端難畱住吹不起

粘泥枯絮好尋竹裏館中人參玉版禪和去

去年此日蒲塘路競鬪取送春歸句今年今日我

仍來念舊語知何處○聚散天涯常無住似飄蕩

南浦詞

卷之三

十

漫天飛絮薄陰細雨壓船頭載一棹離情去

醉桃源

困人天氣六銖涼風輕簾幙張鬱金裙繡紫鴛鴦

同心綰帶長○垂墜馬動鳴璫微吹語笑香屏山

幾曲當東牆剛餘半面粧

醉花陰

長菊

枝上繡毬團未就月下梅魂瘦開向晚涼幽蛩宿

蜂歸枉殺尋清晝○美人浴罷黃昏後蟬鬢金釵

溜人若未歸來香落枕痕一夜誰消受

滿庭芳 荔裳席上聽侍史度曲次杜茶村韻

綺麗難忘歡娛苦短燒殘絳蠟重更翩翩小史背
地度新聲深院無春可到寒威峭豈有啼鶯多應
是天風吹下逡巡繞梁清○分明凝望處微呈素
靨小屏丹櫻慣移宮換羽宛轉生情不禁奈何頻
喚長亭外欲別魂驚休笑我停樽駐拍顧曲枉知
名是晚唱長亭曲
余亦將別去

生查子 海棠

露滴小瓶鮮酒暈嬌難語辜負浣花翁埋沒春如

南浦詞

卷之三

七

許○碎錦剪蒲萄紅淚啼鸚鵡扶近粉香傍好映
眉尖嬌

送我入門來

午日南歸寓樓坐雨

滴破苔錢敲殘竹籜添入旅况蕭涼節物驚心草
草過端陽辟兵符借天河洗儘續命絲懸雨線長
○若較長安晴午十丈菴頭塵盆也覺差強便合
開懷引滿泛蒲觴停雲搔首聊東閣待明日看山
下野航

西江月

辛亥中秋北山重經廣陵次日過平山堂追和坡韻

美滿二分明月經過兩度秋中蟾光照我忽成翁
猶自雄心飛動○明發平山堂外瘦驢項鐸搖風
塵埃野馬攪天空遮莫前途如夢

眼兒嬌

橋火垂垂剪明霞隔岸小橋斜高唐未雨秦樓先
暗墮珥驚誇○微聞語笑風吹斷深院是誰家但
凝望處黃歸梅子紅上萱花

乳鸞飛

賀朱崖翰編予假歸慶

有詔來天上玉堂人玉鞭歸里玉京相傍孔雀屏

南浦詞

卷之三

七

問珠箔啓報道其弓言報看縹緲霞蒸蓬閣只待
仙郎親迎去聽催粧新句香風颺才吐鳳競傳唱
○合歡銀燭蔡光亮早榮來金泥花語錦堂親餞
一種良宵嘉慶事占盡風流駘宕更琪樹瑞花相
向斟酌雙蛾深淺黛且紆回史筆描新樣分勝月
九華帳

荷葉杯

珍重花牋一紙懷裏女伴捉迷藏鸞帶潛鬆墮那
廂忺麼忺麼忺

宜清 贈奔喪張呂陳西遊

暖玉方與樣儘紛紜虎鼠立黃蠻燭又誰能一着
爭先入咸陽得秦之鹿聞道長安百年世事祇如
棋局聊與子展楸枰銷得乾坤翻覆○甲子須臾
送君此去飽四山層綠便樵斧仙翁等閒相遇料
應一齊降伏何況人間昧乘除戰攻追逐

偷聲木蘭花 展西蘭

霏霏嫋嫋蘭風發烏几綠窗開小月逸態歛粧可
解低聲罵玉郎○含毫凝思初停筆髣髴芳姿春

南浦詞

卷之三

三

淺苗彈入玉琴別有幽香逗錦心

風入松 夏景

薰風尋路到窗前吹得月兒聞画樓十二珠簾敞
晚烟外魚戲荷田怪道深閨困也翩然吟向長天
○離亭一望草芊綿忽憶別君邊春山鎖得愁歸
去輕羅袖揜透紅泉何日子規催轉柳花倚戴香
簷

玉樓春 合歡

鵲橋水漾雙鴛影繡幕絲牽蓮燭秉春山皺處細

寒生窗曙何曾知夜永○瓊漿一飲儂應省青子
紅鹽侵齒冷撩入偷誦曉粧詞私語香霏情倦整

醉江月 弔梅用子瞻赤壁韻

翠禽啼苦是名園占斷幽情風物何處厮傭移植
向酒肆爐頭一壁瘴霧齊薰鑪烟直射埋沒千枝
雪連仙有意還應妻此英傑○正雨榛莽橫斜先
催綻了暗香浮發笛三聲瞬息間玉骨灰飛漸
減我亦多愁菱花羞照見數莖華髮羅浮夢醒曉
來惆悵寒月

南浦詞

卷之三

十四

更漏子

通鑑課圖

母綵絲兒洛誦竹屋篝燈霜重聽絡緯和熊九沉
沉更漏殘○教孝子成名士救水承顏有喜憑寸
草報春暉緋衣換綵衣

如夢令 歲暮

野外寒鴉千片落木悲風如剪歲又迫崢嶸去去
不堪把玩悽惋悽惋細雨和愁零亂

江神子 月夜

天街夜色轉悠悠月如鈎澹於秋料得多情獨自

上粧樓斜倚画欄垂翠袖看碧瓦露珠浮○也應
念我此時愁擁食桐數更籌一種清光兩地照離
憂何日人天齊美滿酬密約大刀頭

憶蘿月 紅梅

含嬌扶軟冷艷臨清淺小立風前紅袖短絕勝壽
陽粧晚○爭傳疎影幽香誰知一段風光合是貯
之金屋屈他弗舍村庄

點櫻桃 春雨

春雨深深酒香人語閒庭院迴風流霞點點梅花

南浦詞

卷之三

五

片○懊惱從前向後思量遍應憐見柳腰微線似
醉如嗔面

東風第一枝 都門遇程鶴天次見懷韻

浩蕩風塵崢嶸歲月把人逸興擔閣竭來燕市逢
君詒我新詞濯濯墟頭磕膝話別後形單影各正
中年哀樂無端重數離懷更惡○嗟彈缺馮驩落
拓笑問字楊雄寂寞都難較量榮枯得喪是非今
昨他鄉風味且莫辨尊羹羊酪倩東來一醺醺人
圓箇沉冥寥廓

清商怨 書夢

重逢翻似驚瞥見早生疎一半欲語還停兩情都
看面○此情如環宛轉不斷到海枯山爛好夢來
時抵相思百遍

秦樓月 木蘭花爲風雨所摧

心情弱捲簾早怯東風惡東風惡雨絲風颭花鬢
零落○春來幾度尋行樂生憐春半多蕭索多蕭
索玉容銷減水綃輕薄

和昌谷詩序

詩家謂太白近仙長吉近鬼蓋一爲飛揚一爲要眇此才之所殊而亦遇之所分也太白雖不得志於時然駿馬名姬遨遊齊魯晉趙吳越之間風流照耀天子賞其才使咏芍藥新詞親調玉管刺諷妃子而不河可曰一時寵遇之隆故其爲詩備逸豪宕飄飄欲仙長吉少而細瘦苦吟通眉長爪蕭然獨騎往來京洛投句錦囊心肝嘔出僅一受知昌黎年二十七始奉禮太常斯亦遇之厄塞矣宜其爲詩陰憂近鬼也余嘗有感于二李之所遭未嘗不悲其窮而窮之中固有幸不幸焉後世懷才抱奇之士爲

和昌谷詩序

一

之畱連悱惻傲其篇章次其音韻往往

以此自託而寄其牢騷讀周子和昌谷

諸詩真古詩之流亞也雄雉之詩曰我

思古人實獲我心非思古人也思古人

之懷才抱奇如我者也思古人之懷抱

如我而不得志者也思古人不得志如

我而同聲相應同氣相求唱予和女相

和昌谷詩序

二

周旋于千載下也今觀其所作嘯殺噉

喬沉冥鍛鍊有椎碎珊瑚踢翻鸚鵡之

槩鑿破混沌使鬼夜泣殆將奴僕命騷

矣夫咏落霞秋水之句致號王子安之

魂誦江離湘芷之詞而名屈靈均之駕

訴愁心于彩筆寫離恨于哀絃神者遇

之所固然也陸龜蒙叙長吉云潘歟漁

者謂之暴天物天物不可暴又可挾撻
刻削露其情狀乎長吉之妖東野之窮
玉溪生官不掛朝籍豈不坐是哉文人
薄命每犯綺語戒造化愛寶每生絕脉
懼士人有高才而無貴仕年踰長吉便
伊鬱佗傺好僻耽佳梯崖絕淵廣蒐隱
異至于簞簞搢腕以飾方言炎犢篠驂

和昌谷詩序

三

以文恒說六經百史變爲牛鬼蛇神國
家有才不用用者不才一旦憤激至此
天下後世咎必有歸非盡作者之過也
周子挾雕龍繡虎之才沐日浴月百寶
填胸厄于勞車冷席上不能歌景星卿
雲次不能賦甘泉驪山羊頭滿座狗監
無人四顧而茫茫也安得不呵天問于

郢廟記伽藍于洛陽哉昔人注長吉者
曰故之難微之難通之難故者訓詁也
小學有杜陵蒼頡故也微者指微也春
秋有左氏鐸氏微也通者通典也漢有
班固白虎通應劭風俗通也皆以窮幽
志古也周子綜三難以和之卽曰王弼
注易郭象注莊可矣仍當以舊錦囊盛

和昌谷詩序

四

之

年家同學世弟許自俊潛壺氏題
于燕臺之聽角樓



和昌谷集目

門人張天覺予先較

李憑箏篋引

殘絲曲

還自會稽歌

出城寄權璩楊敬之

示弟猶

竹

賦得御溝水

始爲奉禮憶昌谷山居

七夕

過華清宮

送沈亞之歌

詠懷二首

追和柳惲

春坊正字劍子歌

和昌谷集目

一

貴公子夜蘭曲

鴈門太守行

大堤曲

蜀國絃

夢天

唐兒歌

綠章封事

河南府試十二月樂詞

天上謠

浩歌

秋來

帝子歌

秦王飲酒

洛姝眞珠

李夫人

走馬引

湘妃

南園十三首

金銅仙人辭漢歌 古悠悠行

黃頭郎 馬詩二十三首

申胡子陂集歌 老夫採玉歌

傷心行 湖中曲

黃家洞 屏風曲

南山田中行 貴主征行樂

羅浮山父與葛篇 官娃歌

堂堂 勉愛行送小季二首

長歌續短歌 公莫舞歌

和昌谷集目

二

昌谷北園新筍四首 惱公

感諷五首 三月過行宮

艾如張 上雲樂

摩多樓子 夜坐吟

巫山高 江南弄

梁臺古意 神絃曲

神絃 神絃別歌

綠水詞 追和何謝銅雀妓

酬答二首 書角東城

謝秀才妾編練四首 昌谷讀書示巴童

巴童答 代崔氏送客

莫種樹 將發

追賦舊江潭花 潞州張大宅病酒

難忘曲 賈公問貴婿曲

夜飲朝眠曲 王濬墓下作

客遊 崇義里滯雨

馮小憐 贈陳商

釣魚詩 奉和二兄罷使

和昌谷集目

答贈 題趙生壁

感春 仙人

河陽歌 花遊曲

安樂宮 蝴蝶飛

梁公子 牡丹種曲

後園鑿井歌 秦宮詩

古鄴城童孺語 房中思

春歸昌谷 昌谷詩

沙路曲 銅駝悲

高軒過 貝宮夫人

蘭香神女廟 送韋仁實兄弟入關

谿晚涼 長平箭頭歌

江樓曲 塞下曲

染絲上春機 月漉漉篇

京城 題歸夢

南園 仁和里雜叙皇甫湜

致酒行 春晝

開愁歌 楊生紫石硯歌

和昌谷集目

石城曉 苦瓠短

章和二月中 自昌谷到洛後門

曉入太行山 五粒小松歌

將進酒 秋涼詩寄正字十二兄

猛虎行 日出行

苦皇調鼎引 拂舞歌辭

筌篲引 榮華樂

相勸酒 瑤華樂

北中寒 公無出門

上之回

洛陽城外別皇甫湜

官不來

塘上行

呂將軍歌

休洗紅

野歌

美人梳頭歌

官街鼓

許公子鄭姬歌

新夏歌

經沙苑

出城別張又新

假龍吟歌

感調 二首

莫愁曲

夜來樂

嘲雪

和昌谷集目

五

懷春引

白虎行

有所思

嘲少年

高平縣東私路

神仙曲

龍夜吟

崑崙使者

漢唐姬飲酒歌

聽穎師彈琴歌

送秦光祿北征

謠俗

和昌谷集

雲間周金然廣菴著

李憑箏篋引

孤墜天上寒秋秋花秋月凝碧流鯨女啼珠織
夜愁無端李憑箏篋篋空何處賓鴻叫天門王
女投壺笑芙蓉收淚嬌黃光斑竹搖波娛娥皇絲
絲瑟瑟斷腸處十二平山雲復雨鸚鵡夢寒喚阿
嬌驚起幽窗潛蛟舞鷄鳴城角鷄眠樹九乳雷聲
敲殘兔

和昌谷集

殘絲曲

寶馬春風遊冶兒陌頭日暖看花歸花底殘絲解
得客美人提壺香琥珀一杯一杯愁且去落紅猶
對纖腰舞石家酒籌不知數暝樹棲鳥啼滿路

還白會稽歌

縹碧顏江潭野燐落香殿夢迷前星沉幾篇酌銅
華淒涼遯禹穴衰颯歸鞍晚不待子山哀寒松甘
老賤

出城寄權璩楊敬之

寒鳥無分上林春敢美鵷行虎拜人錦瑟載將天
上去芙蓉劍佩尚隨身

示弟猶

落魄歸無那風驅敗葉餘擬賒千日酒共對一牀
書鴈接遙天在霜驚旅月無莫負池塘夢水邊萍
湛盧

竹

蒼梧流雲氣瀟湘千畝春矛蛇搖直幹髭虎拔方
根帝女拭殘淚任公投巨鱗世人嘆肉食未許傲

和昌谷集

二

龍孫

同沈駙馬賦得御溝水

深宮流一葉少婦罷流黃屢逐錦紋冷波添花雨
香不堪吹玉笛未忍泛金觴細認啼紅字纖腰惱
沈郎

始爲奉禮憶昌谷山居

蹢躅馬蹄痕星星騎出門折腰日復日埋骨春復
春鶴樓笑小棗澄江傲葛巾簪干愁適楚司馬倦
遊秦翻階無紅藥投簡有金根不知巖澗內誰煉

集芝雲

七夕

天上看牛女今宵小減愁慙動瓜果意縹緲芙蓉
樓乞巧針移線迎歡簾上鈎蛾眉宮尚半孤子桂
華秋

過華清宮

巢鵲又棲鷄長生殿裏花留雲何處散亞柳幾株
斜涼月行荒砌竦樞影破紗溫泉流亦冷誰浸鬱
金芽

和昌谷集

三

送沈亞之歌

舍元殿外柳花風乳酒千卮顏不紅紫驕嘶向王
門去短劍行吟橋市東鷄坊小兒笑負笈君向虞
淵取日夾阿誰能識神仙字寥寥棄落如槐葉送
君掩淚長楸下慷慨爲君歌天馬權奇汗血百不
論但問鹽車解鞍者古來千金買駿骨霜蹄動地
軍勃捩一朝帝車服上裏露布長征搖不律

詠懷二首

秋娘牽轆轤梧葉墜金井俯拾水華明照見飛蓬

影阿郎不歸來千山悲桃梗欲附仙人書往拜華山頂

黃鶯啼怨怨秋風生素絲蒲柳凋如此松柏焉可期得意命何人羣汁上宮衣魚在清溪水飲宜食不宜

追和柳惲

日暮汀洲上采蘋猶未歸生愁秋月冷促彼夜霜飛綠醞酣方靜珠絃彈正虛江南春寂寂盼殺琴高魚

和昌谷集

四

春坊正字制子歌

文鴛十八提秋乘雄入九軍提虎子鹿盧劇鼃嗽啾鳴正字千年樊風起大舞小舞盤雪霜老蛟牙落愁雌尾腥血絲絲冷糝糊紅濕魚王額上字春坊屋瓦米穀歟鬼斧不開千丈玉漫道斬龍破棟飛真離墳下無入哭

貴公子夜闌曲

打破玻璃杯笑殺陶弘景芙蓉夜夜秋不道鴛鴦冷

馬門太守行

太白入月妖星摧細柳營前甲燕開昨日孤軍圍城裏秋水橫腰陣雲紫拚殺囊沙與背水馬尾桀掀泥潭起斗間呼吸招搖動英雄不共鼓聲死

大堤曲

明月照殘雪風吹雪水香美人翠髮倭墮髻嬌觀耳邊大秦璫襄陽樂樊城春大堤曲思殺人儂愛枕歡臂歡愛嚙儂唇嚙嚙勿復道愁多歡亦不見芙蓉花俄成霜葉老

和昌谷集

五

蜀國絃

十二巫雲靜蠶叢吹桂影蛟舞錦水波猿掛青城嶺浣花溪上雨朱絲濕冷光子嵩聽不得楚客下瞿塘

夢天

熊熊爛爛空青色月桂飄丹星榆白天門九扇開清光日鳥飛下紅塵陌須臾太乙駟雲下天鹿猶騎乘黃馬再拜七漿不記誰酒星挹酒龍頭瀉

唐兒歌

火浣紅衫珍珠翠寧馨唐兒幽公子爲車初碾松
坂霜竹馬微蹣躑池水有時戲上九蜚尼秀骨隆
隆掉玉臂人間關關那配值瓊蕊仙姝呼小字愛
君年少爲君歌拍拍春風吹桃李

綠章封事

謝僊火篆呼燦神飛符焚青扣天門
霧風瑟瑟露津津碧落奇字賞秋雲上函直排元氣
父懸鷄點犬飛無主付留律令語啾啾石鼎香煤曳
塵土須臾似聽天鼓鳴南山誰作小兒聲鋪爐蝙蝠
引秋

和昌黎集

六

鬼雨工飛雲幾萬里

河南府試十二月樂詞并問月

正月

正月柳魂鳴喚歸雪花猶在染黃遲上元夫人燈
月畫簾眠細簾一絲絲鴈竿欲彈鵲絃冷登高舒
望天破曉楚女不禁心暗折九光霞綵同心結

二月

二月出香津蛇食變章妮殺人蘭芽如薺暖風黃
柳眼姁姁嬌上春闌青鞵小觀苦塵黃鳥天枝暗

紫雲花間醉舞石榴裙送君南浦淚如水碧草芊
芊望眼死

三月

三月花殘春復春香車翠幄愁佳人纖手按花彈
雀起嬌態百媚寫秋水一身獨攬平康里人倦花
眠柳困地細雨御溝流尚淺落紅花片日生煖倚
郎爲上遠春山章臺恰近芙蓉苑

四月

四月鴛鴦戲荷蓋飛花落盡池萍外蘇合都梁各

和昌黎集

七

芬蓋昭陽咫尺隔長門君懷如水注漣漪青鳳瑤
壘一處飛西山柳影拂參差

五月

五月燕天中蛾斜月在門折折百虎符刺刺五雲
紋續命巧如絲朱碧看成綠擊鼓奪龍標穿波命
如粟

六月

六月六蔭脩竹竹香嬋娟坐如玉蓮子香房手勞
開阿儂一心愁徘徊火龍不來赤鳳來

七月

七月銀河白到曉露珠圓盈盈別牛渚悵悵迷兔
園采頤張翰餚腰細沈郎錢舞怕羅衣薄歌愁生
夜寒眠鸞驚早鴈幾隻過闌干

八月

八月飛海槎泛泛似浮家玉繩碧漢冷姮娥泣桂
花星星秋子落兔寒露脚斜美人拾小翠猶擬夜
舒荷

九月

和昌谷集

九月哀鴻叫寒水鸚鵡噤鴉乾雀死蝦蟇冷光射
脉脉東籬黃花黃又白風雨恣涼歷百草霜濃露
濃翠華道白楊作柱月朧聰吳姬軋軋張秋桐

十月

十月籀限霜亦傾鳴鶴迢迢天未明瑟瑟碎驚菜
黃幙博山爐燼朝元閣蓬瀛月冷人未眠燕蓀花
謝九寒寒青銅幾賜謫仙環

十一月

冬十一月雪山光六飛晶晶散寒芳幽谷茶餘密

地酒笑問南山壽不壽爰玉辟犀題東素巫山巫
峽雲何處

十二月

十有二月冰雪灑黃金四日桃枝下梅魂酒魄伴
詩魔千門爆竹銷殘夜

閏月

歲云閏月有奇三百六十歸餘推黃楊漫笑葭灰
飛銅漏丁丁浮箭遲璿璣玉管古帝子欲鞭駿狼
走龍轡

和昌谷集

天上謠

天河歷歷白榆星清淺似聞語笑聲九芝瑤房花
窈窕口車欲繫須長纓羿娥掩戶愁天曉撲刺迷
離玉兔小王子吹殘颯颯笙笑掇雲梯殊草草蓋
珠未賜留仙袈裟已駕斗柄春間有天人騎天
馬掀翻海水自天下

浩歌

癡兒偷天倒平地袖刀欲割秋水桃花指白梨
花紅呼鹿宮人應弦死虎狼十萬攫人錢銅山金

穴沸雲烟無缺金甌成漏卮游游漾漾知有誰
載幾人丁都薩桀犬吠堯各爲主上書男子關作
泥招魂景景葬黃土骸體阿紫笑蟾蜍汝尻无无
我能梳十載春風幾回綠壯士未須歎促促

秋來

荷衫破盡蓮心苦少婦纖纖還纖素絡緯寒侵牀
上書中夜悲號五色蠹千迴百轉腸難直脉望不
成神仙客墨血淋漓平冷魂長虹不散秋空碧

帝子歌

和昌谷集

十

蓬萊泱泱九萬里西望洞庭一杯水斑竹啼殘鳳
聖死黃陵雙姬啼帝子君山父老聞酒香蛾眉冷
浸明月光怨殺青蓮去夜郎拍醉題詩空堂堂

秦王飲酒

秦王隻手撼極極鞭石成梁跨海碧大箭射魚曼
有聲魚背翻波海不平日邊酒旗搖天星擊缶鳴
鳴鼓振振僊人鶴駕過吹笙羣臣却聽酒不行星
辰爛爛照眼明驪宮月落夜三更虎枕高眠紆綸
綍卷衣宮女候華清山鬼白晝盜壺觥十二金人

衣甲輕扶蘇塞上淚泓泓

洛姝真珠

真珠小娘出花郭自言幼遇黃旂綽諳諳語日
猶光何人不愛解鳴璫筆架珊瑚裝翡翠細字嫵
媚偏餘思染就花詞帶月歸月壓瓊瑤憐夜醉迢
迢十二峰頭夢秋雨絲絲秋雲重鷓鴣驚啼越女
瑣桃花笑入秦人洞濕兔清蟾醒夜涼歲蕤蘭蕙
冷紅芳盤中瑟瑟玉生光踟躕白馬怨蕭郎

李夫人

和昌谷集

十一

朱鳥應前鏡不開鑾與嬾向銅仙臺是邪非邪精
霜歇玉漏沉沉飄聲咽黃花瓦上霜如月素鸞入
霧青虬發步搖髻髻聽鳴璫天上女牛遙相望阿
弟延年作優倡佳人難再鑄燹光

走馬引

我昔在深山中愁暮雲天馬爲我鳴梅花不敢
春馬鳴山月靜走馬山月冷報離頭擲人報恩重
一身

湘妃

苦淚滴筠筠不覺方節棱棱映秋水虞帝乘雲下
太空旌旗搖曳魚眼紅鈞天樂奏九疑中雲衣霞
佩凌波通玉露幾莊醉錦楓長波木葉愁飛龍

南園十三首

麝脂紫蕊細初開極暈春潮上玉腮一夜香魂留
不住東風畢竟楚良媒

美人春濃酒正酣尋巢燕子突珠簾隔青闌草歸
何晚小婦來稀愁臥簾

東家女兒油碧車西家女兒步搖斜斑斑指甲鴈

和昌谷集

主

爭冷竝坐春風來破瓜

射策金門落魄餘瓜田數肘學鋤蔬錦囊寶馬何

年少橫過柴門鎖讀書

蕭瑟春風減帶鉤平原落日夢幽州中庭莫奏漁

陽曲底事生封萬里侯

迢迢河上化沙蟲開道扶來未挂弓帳下美人歌

舞倦龍牙白馬嘶嘶風

平康小妓笑匆匆阿郎染鬚偷嫩容南園二十悲

華髮挑盡琴心懶惜公

春去南園蝴蝶飛香蛾翡翠遊不歸桃花香風魚
尾棹錯把扁舟繫釣磯

幾朵花枝壓帽垂鷓鴣唱罷酒遲遲痴兒不識江
南思摘取蓴絲并藕絲

北海于今逝李邕萬家冷落開元風隴西有客哭
秋鬼錦水無人弔杜翁

楊雄草屋鄭康家倦讀朝來冷日華因過溪頭移
翠竹葛巾臂亂葑蓀花

雕籠鸚鵡啄金粟寶殿春娘拜佛牙誰信仙郎悲

和昌谷集

主

綠鬢撥花淚染九光霞

瑤天秋水樹繡嶺并長煙每試鍾山屐還畊泥暈

田瞻雲雙闕遠愛日寸心懸忽忽行吟去虛涼不

繫船

金銅仙人辭漢歌

雲氣九層鐫仙客露盤金掌絕人跡茂陵羽化不
復回萬朵芙蓉冷秋碧黃河東去一千里赤龍子
怨青龍子銅雀宮娃遙相待斷烟破瓦悲漳水泣
辭故宮何可道白霧濛濛天地老不堪雪涕謝衰

蘭欲行不行車聲小

古悠悠行

終古何悠悠相望日迢迢故鬼積新人紅愁綠亦
飄高山碾野馬驅石斷秦橋雙丸跳天上沉碑水
底消

黃頭郎

黃頭郎錦衣天上歸扶掖拜阿母宮花帽簾垂出
門揮玉鞭一身侯日月銅山何太熏秋風悲衰葛
妖嬈未畢輪明王夢安發口輔笑騰蛇相君方耳
和昌谷集

熱

馬詩二十三首

雲鬣繁花錢霜蹄箭紫烟由來天上馬曾受玉皇
鞭

餵得天花甜龍卵結紅鹽化作渥洼種義皇試日

銜

穆王有遠略驅駿下天山輪蹄三十二匹匹總承

恩

宛宛王良御熒熒天駟星行空非俗駕雲裏四蹄

聲

吾聞食虎豹六駟不施鈞上林誰獻賦天子御長

秋

鷄斯染朱鬣龍文剪五花戲爲加九錫明日便宜

麻

秋秋婉姸駕觴帝酒龍乾瑤池歌未闕聞已到輶

轅

呂侯顧赤兔驥裏萬人騎誰知殺君者亦是路旁

兒

和昌谷集

五

赤驥元龍種長願侍飛龍玉山林朱草萬里馭天

風

驪立烏江水含淚向西風沐猴豈肉馬輪却火中

龍

六閭詔坊使官印印麒麟楊柳絲絲綠蘭筋颯絕

塵

紫燕翩翩影盤龍八尺身叱咤先奮稍此是飛將

軍

千金市駿骨解道死猶香郭生天下士不負燕昭

主

白鵲舊方新驚帆躍錦鱗試問華容道曾留銅雀

春

老馬登車耳孤竹偃餘威幾吾語小白六翮可天

飛

雄才高萬乘六驥憶唐宗矯矯昭陵像流汗尚追

風

秋高沙苑路苜蓿夾香莎蠶頭能試秣不待長龍

牙

補昌谷集

去

帝遣金人夢馱經天竺問白馬何駁駁青玉鉢中

山

風流京兆尹繡閣盡眉來不教知妬殺走馬向章

臺

神黃呼作駢牽來十二樓白民那解御僊種出高

州

桃花紫叱撥刺刺韋生腸愛妾何須換相俛等孟

光

哀哀香塵跡玲玲雪夜珂果老嵩山下無人識白

驃

肉翅解能仙驃驃駕綠烟世間多驚馬也學步青

天

申胡子威集歌

朔客平頭子橫吹蘆葉聲聲聲中商羽激戛鴛鴦

屏花娘方午睡嬌夢破星星誰歌上雲樂喧唱酒

方行袅娜花娘出百媚香風生零亂不自持長夏

清霜明平頭收威策朔客拂長纓暮涼客散後空

照花間螢

和昌谷集

七

老夫採玉歌

于闐秋水搖空碧玉氣含含光五色老夫本是玉

僊人斧柯猶帶藍田白月明道遇琦孖子暗拭卞

生千古淚連城徒剖魚目垂千丈白虹沉楚水

霧啞啞山鬼嘯玉屑霏霏復裊裊老夫拋斧下昆

丘乞余一握金光草

乞與也

傷心行

傷心復傷心投竿事柔素白髮五千長奇字泣風

雨蝌蚪箋蛟螭顰作林羅舞寂寂草玄亭如聞黃

衣語

湖中曲

楚子江洲香杜若春風采采沙漠漠弄珠日暮漢
皋女翠裳不紉荷衫薄瀟湘西望出秦渠山如瑤
黛草如書雲帆五兩愁霧鬢蒼梧九派何時盡

黃家洞

蘆笙卷卷吹刺促西原洞丁射金鏃篳竹捲蒼藤
甲光裊牙齒齒蕉皮服官軍畫角大旗斜銅鼓山
山擊獵花怪石懸崖壓鼉鼉赤鏢藥弩森如沙毒

和昌谷集

太

潘如此勞官家韓公疏聞止葉荏

屏風曲

珠綴翠恩書不開斬新花鏤文連錢玉人惹青飄
香蘭阿郎凝夢見釵蟬蛾眉自下唱秋烟愁情柔
態叙古惟桐烏一聲驚暮寒瓊子屈戌憐公眠

南山田中行

南山高野田白韓盧鵠皋呼嘖嘖短衣跨馬踟山
石風吹轡絡響秋色狡兔銚銚驚弩牙黃烟獵微
朱光斜鬼火出林噴如沙謝豹啼殘月隱花

貴王征行樂 詠馮浣夫人

錦繡晃晃見犀渠甲璆珞交疊千蓮葉男兒裝束騎
出城鴉黃沈却從軍征葡萄夜光香燭玉梨花槍
朶沉沉綠轅和盡角鳴鳴嗚嗚百隊蠻兵齊解衣
羅浮山父與葛篇

臂綺飛塵吳亭空羅浮弱越搖輕風軒轅道士蠶
蠶服摩機絡非人工中谷萋萋烟雨濕黃鳥低
飛蠻娘立明昨幾辨一絲絲并刀欲下銀葱澀

宮娃歌

和昌谷集

无

響屧玲玲香接空靈巖慈荷館娃宮西施春醉紅
玉暖翠趾纖纖花板板吳王騎獵趣黃昏公孫緒
甲血斑痕箭闕射殘九串月錦衣赤羽東西甌百
花飄零長洲渚康鹿縱橫蘇臺路布襪方袍緇羽
流遙逐巫娥行雲去

堂堂 讀明皇遺事作

花奴春睡老楊花墜雪香梅魂沉水鬱金梁馬嵬
履襪粉顏黃紅血猩猩惹恨長秋雨淋鈴燐火光
驪山泉冷恨蘭湯玉笛偷吹惱壽王

勉愛行送小季之廬山二首

妻械洛陽人秋風駘瘦馬儵爾賦西征五老拜山
下峰巒九疊屏瀑布流中夜月冷瓊瑜紅鴈聲到
咿啞

旅鴻幾行飛離情已在目送子空斷腸籬落黃金
粟馬頭分處愁雲斷客淚飄絲滴如綫中庭小婦
織流黃顧影魂銷獨不見豫章仙人千里餘尺素
何日致長鬢東林之畔虎谿水遠公白蓮知有無
欲別未別慙佩刀於陵井李笑嶢嶢嗟峨傲骨秋
和昌谷集 辛

山賦鶴立空使羣鷄號

長歌續短歌

長歌曼似雲短歌細似髮皓齒啓朱唇如花眼中
熱爲儂牽兔絲倩郎折鶯粟蔓斷安得長花盡枝
空綠青鳥隔雲端轆轤沉井底王母袖金桃獨立
鄉娘外簫史莫吹簫窈窕女朱顏改

公莫舞歌

九首猗猗侍兩楹矛頭浙酒開玉甕麾來美人持
反玷嘈嘈楚筑雜秦箏隆準光出貫五緯重曉叱

吃猩猩醉項莊小兒雙眼光拔劍拔劍樽前起巾
拂披披公莫舞大蛇闕斷赤龍子英雄未試黃石
書王孫尚釣濫陰水猿牙擁盾排重關欲出不出
刀上鏃截顱斷脛死不避卮酒斃肩安足論

昌谷北園新筍四首

一雨宵雷甲怒開龍孫自是不凡材千尋直上君
知否昨夜梢尖尚帶泥
淇園珪璧武公辭欲寫汗青粉陸離怪底無情偏
有恨江南斃唱竹枝枝

和昌谷集

壬

未垂綠葉紫抽莖長傍高岡桐樹生誰引鳳雛啄
金粟九苞桀尾尚青青

日對脩簾賦彩雲仙壇埽石未全食荔公何處騎
龍去月冷蕭蕭歷酒樽

憐公

憊復憊公佯羞面發紅柔情拈玉樹密意啼香
叢橫黛春山媚舒衫夏葉機臨箋傳蜀井泛酒憶
郭筒野菜依金粟鶯花漾水渼玎玎敲鐵馬點點
綴燈蟲簫局熏重幔桃笙貼細茸寶釵鬢銅合香

葦口脂融夢逐巫山雨襟披蘭晚風研裙題翡翠
紅袖隔芙蓉花結蜘蛛網粒餘鸚鵡籠翻翻多妬
蜨辛苦最憐蜂報李仍投玳瑁期桑東采蒙金錢央
市姬雨雷問山寶吳女悲臺鹿溪姬泣殿熊愁紫
細柳帳恨挂扶桑弓圓缺俱疑月雄雌盡怪虹娛
粧思聞苑舫駕想啞啞發彩黃先囑仙泥紫未封
飛霜幾隻鴈戲水一雙龍吹破簫爲玉滴殘漏是
銅鑪窺鳳子逕與謁巴兒蹤銀蒜開朝冷金猊吐
夜烘窗文交藻繪屏幃垂青慈暮思倚脩竹秋顏

和昌各集

三

望辭獨有情穿窬窺無字寄金癡苦跡驚靴小雪
花蝶鬢濃盡苦盡是薛錦徽嫁爲馮笛韻分椽竹
琴材出費桐燕鵲呼作匹紫驚話相從楊柳輕飄
絮簾燕弱拂籠魚龍欣舊曲鷄犬訝新豐觀茂窺
衡岳嶺笙奏少駐方懷絳雪婢忽憶丹砂儼詎弋
金梭鳳車鞭玉面驄留歡慚北里招婿或南容鏡
合安羞嚙香倫不避充迴文題錦上暗句寄盤中
遠水開魚腹行雲結馬鬣顛狂迷下蔡消渴客臨
邛愛海時時渡愁津處處通詩腰寒愈瘦色態病

兼慵碧玉難禁見羅敷遮莫逢鬱金銷磊結磁石
鎮怔忡月老催花厄冰魂怕酒肉漫飛燕子園且
愁蓬珠宮貝葉聽雙樹桃花訪少翁靈苗餐不死
法服著無縫呃咽吹霜角丁當撞月鐘夢回纔一
覺懊惱亦成空

感誠五首

蟻龍領下珠採得付奚奴錦囊鮮奪目口出心所
須明珠何瑟瑟龍子何蠕蠕片語蛻龍骨何止摘
龍鬚俗士耀浮雲仙人藏素書楊雄不曉事寂莫

和昌各集

三

譚經廬不上崑崙山安識五嶽小夸父行亦遲張
朔臂方掉東方朔駝石曾何益龜鼎自架梁冉冉
扶桑樹日照大八堂

鳳翽何翩翩麟蹄何躡躡文明今用晦濯足聊晞
髮石骨舊龍宮靈贖訝幽絕玉洞藏鴻文金簡青
未殺漠漠嶺頭烟開荒待來哲百丈聳大觀一拳
向小歇

茂陵化秋風青霜飛百草鳴鵲夜鳴悲白頭人自
老寂歷芙蓉苑歎息臨邛道消渴望金莖露盤待

及曉慙幸淮陽翁諫書徒勞擾

蟋蟀知宵寒鳴鷄知天曙壯士羞短褐披霜仗劍
去有客賦明光寶馬長楊路摩天鴻鵠飛寧共沙
蟲語

青草一何長白驃一何瘦纔折花出門歸來見葉
厚五色仙人芝山中傳三秀鶯啼深深樹曼聲隨
雲迴愁絕長門入海水添宮漏千載不相知當前
已衰朽

三月過行宮

和昌谷集

五

山鬼時登薜荔牆水螢學舞夜紅粧當年黃屋歸
何處柳線無人也白長

艾如張

千純纓五綵繻呼憂憂母將雛南山鳩啼愁風雨
莫向張羅北山去旂門艾艾綠滿空有單有單機
在中房幃一笑生春風馬首離披花血紅庖羲製
苦最踐刻焚雄饑雌既難測

上雲樂

天輪轉轉翻古春碧空踟躕生飛雲錦帆殿脚如

花女羯鼓驚笙天下聞初開七寶月中路霓裳欲
墜纖纖素天寒徙倚安羅樹玉杵無聲蟾蜍舞

摩多樓子

貳師嗜戰功橫行去萬里絕塞摩多樓酸辛鴨綠
水安搗秋閨練霜寒絲脆斷刀尺月稜稜不宵
未半雪花如雨粟堆積沒馬蹄淒涼雙玉筋苦夢
到遼西

夜坐吟

畢通烏尾鵲相過鵲汝無梁誰渡河靈渚蕩蕩吹

和昌谷集

五

銀波天孫擲石感雙蛾何況人間抱幽思頽鯉無
鱗青鳥飛桃花寶馬走西陲楚歌楚舞烏江涯帳
中美人垓下驩

巫山高

三峽連峰峰攢天裊裊波光吹白烟朝朝暮暮對
嫣然雲雨石頭冷翠錢陽臺香草夢年年新月照
彌叫古猿丹青碧落江水寒躑躅殘紅絕壁間

江南弄

錦帆柔櫓皺綠波吳娃睂角青峩峩雲吹飄颻引

絲竹珠窗綺榻花千幅阿郎不來愁萬斛南園百草銷新綠急管留儂子夜曲懊惱汝南劉碧玉

梁臺古意

滿空銀竹垂垂立兔園飛蓋金光入素鸞香影戲靈璽研紅粉磴脂涇黃屋穹窿夜有天鄒枚半醉失鷁班佳人只愁翠袖飄春風楊柳記當年繁臺轉眼無顏色黃河腥風吹脉脉古時烟月太惱儂蘆花秋水鴈池白

神絃曲

和昌谷集

美

椒花槭槭月昏昏蘭寮金香壁盡雲神君女將標號繁玉蠟眠堆太絕塵星袍霞髻巫孃子橫劍步虛呪妖死螺灰驗得九狐尾蕉葉蓬蓬滴鉛水白水香燒白鶴飛法座霧風颯颯起

神絃

荔枝紫釀香滿空齋壇杖鼓鳴鑾鑾章姑雀躍來當中搖鈴大叫焚輪風朱黃畫扇雙文鸞髣髴神姬月下彈百拜跪起舞踟躕白葛青衫寒未寒神來欲漲上宮灣神去遨遊碧落間雲馬風幡神破

顏流星隊隊天都山

神絃別歌

瑤妃窈窕垂雲鬋盤龍珠鬘花虬發簫鼓聲沉望翠輶天碧油幢光子子鑑江新水綠於羅桂裙穿雲何處過楮灰漸冷社丁散古廟神閒春自花

綠水詞

綠水蒲葉青小姑采蓮處阿侯望不來撥碎蓮心苦蒲生鈎蓮蒂蓮生結蒲根莫拔斷蒲根恐傷芙蓉魂

和昌谷集

三

追和何謝銅雀妓

美人憶分香高臺望千里折折西陵樹新宮故相似哭亦不須多恨亦不須起太后咄咤時蛾眉隱花机

酬荅二首

銀紅衫子杏裙長四月櫻桃似上方飽嚼紫漿愁內熱篆貌休噴麝脂香
影娥池畔古花春甚處光風轉綠蘋暢好紅牙傳樂句只愁傾國李夫人

畫角東城

四望蔚葭蕭紺珠梵頂高東風吹盡角雜佩鳴寶
刀驚洋呼海若踏浪浴春濤無限峰光發虎門月
送潮

謝秀才有妾編練改從于人秀才引畱之不得
後生感憶座人製詩嘲誚賀復繼四首
溪雨將濃雲千番妮輓春倉庚啼玉樹鳳子戲花
裙鏡破猶羞月蟾飛解妬人邇來憶薄倖帶減柳
腰身

和昌谷集

天

香櫬吹豔雪刀尺冷紅綿燕燕春方去鷓鴣夜正
寒雙星銀漢淚三月碧溪絃何待尋青塚盡圖郎
自看

蓮池思不禁日出水中心葉蓋遮殘鈿花鬢紫墮
替曲聲猶嬾娜鳥影過清深悄覺添珠淚前年夢
掃砧

淺水棲不長怨殺野鴛鴦別却青鸞鏡空拋朱鳥
聰三生離恨譜幾載合歡牀靡蕪山下路采采誤
都梁

昌谷讀書示巴童

憂汲知勞饒還聞語笑濃便應尋折券苦汝故相
從

巴童荅

咄咄李夫子耽書事苦吟奴于君亦爾不去爲情
深

代崔氏送客

渭城山祖帳馬上去翩翩一路看楊柳心心逐馬
鞭

和昌谷集

元

莫種樹

誰云莫種樹種樹儘銷愁生意長鋤裏青青直到
秋

將發

憶歡欲尋歡策馬橫塘去認取木蘭花莫過垂楊
路

追賦畫江潭苑

四首

萬樹鬱蒼蒼把酒驚兒黃看僧白髮短還妓翠眉
長燕尾差池纈龍涎漱澆香苑丘宮禁道鐘磬惱

樂王

羅敷剪中單佳人生薄寒熏籠舒筍玉步屐破苔
錢艷曲停雲絕弓腰貼地難鸞靴新進妓飛勒上
雕鞍

肉攫臂鷹斜春騎獵嘶花韓盧兼朱鵲逐逐復牙
牙射雉新亭渡懸瓠瓜步沙戎粧幾女隊歸騎閃
鉛華

宮苑總芙蓉晚變梳鏡紅文簫吹赤鴈彩甲引遊
龍露歇翠華寂霜飛寶帳空捨身亦自好愁絕臺

和昌谷集

三

城鐘

潞州張大宅病酒遇江使寄上十四兄

病酒東友

春水人將去梅花生薄寒狂魔中魯酒歸夢托吳
底飲戶輪雄伯詞場愧小鮮重城虛夜月一榻負
朝烟蟲篆絲絲柳金屏裊裊蓮難扶鷄骨杖高臥
豹皮錢不用歌長缺時情奏綠絃淒其思玉樹寂
歷託金蘭被識鸛鴦冷詩題翡翠殘風嘶冀北馬
雪返剡溪船子若箴三雅吾當謝四筵相逢忽相
別珍重陸機年

難忘曲

高樓大道間東風吹枝戟少婦倚流黃鸚哥憐艷
色博山大小爐沉檀裊篆碧君家誠難忘蕭條思
永夕

賈公問貴婿曲

七夕新婚詩

黃姑望牽牛天漢不可縫誰信中宵渡靈鵲駕重
重奇香能返魂何異裴航枕金屋鳳蠟光何異閨
風飲河陽花正艷雀屏開天碧擲果少年人眉憐
遠山色

和昌谷集

三

夜飲朝眠曲

梟盧大擲呼聲高蠻姬點籌夜勞勞碧梧朱鳳窺
人醉喚醒酒龍吹花氣花氣濛濛脂水冷香純
東牡丹紫東方楊柳亂啼鴉徐徐夢逐行雲子

王濬墓下作

墓木舞宛童尚歌水中龍千年江練白十里地衣
紅風利帆張錦臺荒雀化銅晉碑尋孔隧吳地失
遺封遼鶴語華表石馬臥秋蓬已矣英雄淚一灑
落花風

客遊

蠟夢拜黃衣南山歌白石履笑春申座缺嘲馮驩
客文章歎古人盜賊悲鄉國生計困樵漁癡心畱
竹帛

崇義里滯雨

痛哭書難上長安春易秋特特馬蹄苦雨氣白烏
頭落花日辭枝紅波漲御溝漏天誰補煉撒却海
僊簪寂寂楚襄王夢在巫山頭魂銷無可續齒冷
說封侯

和昌谷集

三

馮小憐

難得小憐憐琵琶舊日絃歌瓊橫寶曆舞月蹴荷
錢珠墜沉沉井花飛暉暉烟不才狗脚朕請爲鏤
金鞭

贈陳商

愛讀古人書其人骨已朽義農置我前秦漢充我
後未遇伯牙琴請酌劉伶酒夫子金閨秀長安快
聚首春風坐隄廡相對人如豆落落羊求踪滔滔
沮溺偶不羨子軒高獨憐我馬瘦青眼似草舒白

面如曇皴知子大海濤神仙獨鐔秀了義徹三車
雄才多入斗雲氣與雪肝錦胸而繡口佳句開長
夜微言永清晝顧此千秋名劇于三月柳得志昂
昂駒落魄纍纍狗謝彼粲粲服副茲若若綬達路
振羽儀寒光掃天帚蟄蟄匣中龍風雨時一吼

釣魚詩

秋風江上客剖腹仙人書短李堪爲餌長鯨釣作
魚噉嚼過河泣河伯想太虛禿尾煎蜩蚪水底逐
蟾蜍綸亂愁無緒直釣樂有餘便尋任公館寧逐

和昌谷集

三

馬牛裾

奉和二兄罷使遣馬歸延州

懷歸急似箭把酒醉如泥馬蹄看特特王路幾時
來淚咽隴頭水葭飛黍谷灰驚棲喧夜鵲別夢報
朝鷄郢客多零落吳儂最慘淒鶴鶴原上草歌哭
半成蹊

荅贈 賦得陰麗華

不願執金吾惟食陰麗華紫釵雙骨鳳寶髻半塗
鴉香爇闌金屋雲輕送狹邪箇儂偏有恨女伴指

燈花

題趙生壁 三婦麗

大婦唱竹枝中婦滙珠眉小婦調金香香動烟不
滅夫婿坐中堂絲管一齊發酒酣明月來桃花照
艷骨

感春

東風到九條楊柳綠騷騷舞蝶粘濃粉遊蜂鬪細
腰花僊春睡足書客夜思勞恨拭珊瑚淚新絲摘
阮槽

和昌谷集

僊人

風流賀監老早識謫僊人龜佩傾紅雪明珠擲白
雲鶴歸鑑湖水鯨戲采江濱裊裊蓬萊去桃花春
復春

河陽歌

河陽歌歌罷花無色不愛滿縣花爲愛栽花客滿
郎好少年二毛侵易老作賦怨秋蟲題詩憐春草
長夜秉燭遊終朝開玉譙醉鄉日幾何花飛君不
見儂有一片心隄石不可轉儂心若可轉海枯石

亦爛

花遊曲

看花復臨水寒食約春姿越女簪了髻湘娥盡十
眉歡情含玉尊醉態上金衣驕驄行蹀躞華燭夜
歸遲

安樂宮

柳絮如塵起飛墮池塘水新成十二樓宵娥酣夜
醉宮桃臨小巷日晒黃鸝翅王孫挾彈回不見司
花使腸斷張麗華一聲河滿子

和昌谷集

蝴蝶飛

海棠香睡弱魂熱蝴蝶飛來迷紅纈美人撲蝶不
教飛書藏香翅代郎歸

梁公子

蘭陵帝子家忽聽後庭花蓮子落淤泥走馬逐天
涯紫燕尋舊壘春風蕩狹邪誰令亾國恨錦字弔
吳娃

牡丹種曲

洛神夜怨宮娥老黃袖僊人種瑤草招根染就五

色霞火字兩行照清曉漢宮寒臘野吹烟誰家織
手護雕闌有客紫髯分綠玉花間拍臂張吾絃昭
陽漠漠夢黃昏姚家魏家昔承恩酒闌潑墨續紛
處露下無聲花不語

後園鑿井歌

輓輓沈沈銀牀轉井水深長繩漫可奈何愁曼倩
食蟠桃人閒不肯住小住三十年仍歸天上去

秦宮詩

監奴白馬驕春風一朶宮花插鬢紅爲雌爲雄釀

和昌谷集

美

雲雨纖纖當寵濃復濃唱桃割袖事渺茫鰓齒倭
粧孰短長赤鳳來時歌楊白牛金狎至醉流黃秦
宮點慧如鸚鵡愛者如花畏如虎轉盼風雷手鼓
弄咄嗟鸞鶴恣無煮天子不乘大宛馬相公威靈
龍是盡昔日霍家馮子都翩翩顏色似雲瀉漢室
金甌愁幾裂怪此變童身兩活誰云生女身生男
請看孫壽牀前月

占鄴城童子謠效王粲刺曹操

鼓田田黃塵起非公徒是公吏驅公車駕公馬宮

巍巍鄴城下提寶劍佩彤弓九錫文拜相公銅雀
臺好女兒聽豔歌相公歸

房中思

陌上花茸茸深紅間小綠此際思嬌郎鶯聲方斷
續長眉嬾施翠空房臥蕭澁風雨近不常芭蕉作
人泣

春歸昌谷

三十未逢年摧頽亦已早蕭瑟愁二毛蒲柳先秋
老明光思獻賦雲迷日尚暝目斷長安塵酸辛如

和昌谷集

毛

集夢漫逐時賢輩相逢且傾倒嵇阮大小兒食霞
共埋照不堪處聞聞跼踖天地小每思五嶽遊俗
網免鈎絞蹉跎終未遂刺促愁不少龍華堦亭亭
春申江浩浩優游齊物論卑約從吾道于後事天
末尋真華陽嶠囊琴束古書坐臥雜悲笑豚犬謝
景升細君懷德耀旅食漫悠悠踟躕涼渺同調去來
歌五噫俯仰無一樂將從詹尹卜龜筮豈我兆醒
慨當塗高牙與大纛英英曠達士贈贈更輕掉
相馬拘駘黃宮圖誤象貌虛擬帶吳鉤投筆事邊

微時清餘棄才丘壑容吾老塗中日曳尾守橫寧
困沼披帷人斯在南山霧藏豹衙門泌水洋魚麗
歸單單誰詠昌谷詩令我發狂蹤

昌谷詩

我敢蜻蜓飛天烘釀江水菁菁菜甲齊日高雲單
見鶯鶯四野韻蜻蜓粉千叢娟娟娟竹萬个偏反龍
得翠楚女不知愁雙眸從無淚了尋起良宵泥泥
十日醉彈指柳兼蠅浪重聲亦達蒼紅被渠沼俗
得動蘭溪葉葉老紫葦枝枝藏光賦若錢繡盤石

和昌谷集

美

藏象交成字去年秋杪歸白馬青驄時長髦雖鍛
落小翻迺起細腰蘭室內雲母珠光裏浸唇點
吐丹笥足纖娟紫飲以流霞液啖以青麟脂采采
琪樹華翳翳木禾穠宛宛白雉翬僮僮細雲帔藐
姑玉雪零瑟粟琅瑤墜梅帳羅九虬蘭窓臨相步
同心絲勝垂連理流蘇闕四照佛花魂盈念仙桂
氣颼颼白接離兀兀烏皮几意象隱清穆真霸黃
藻粹摩娑寶鼎鬻憑弔雕墻圯塵務妨風緒俗物
敗使思蛭蛭謝山精顛當逢木魅齷齪嗤儒賤說

和昌谷集

美

信腔吹流霞靜琬調沆瀣雙成漬醉捋僊髮笑
把安期臂偷與飛瓊箋草上王喬刺清淺綠玉河
崢嶸青羊肆彈冠白石生招手亦松子

沙路曲

兔目栗栗青槐樹鳳瞳娉娉沙堤路二十五點玉
漏遲何當夢逐金根去蒼龍闕下虎豹開莫遣淮
南大小山巫蠱神鷄憫縣官露華仙掌貯空盤平
津不語汲公語弘羊燿燿三更雨

銅駝悲

春草青復短悵望阿誰家亂石如羣羊薜衣披駝
駝門路無樵子空郊弔古人荆棘一何多桃李不
成春荒涼餘古燧星星夜熒燭牆角黃狐嗥劍鼻
蒼龍哭

高軒過

龍城山翠搖青蔥飛花拂蓋何瓏瓏下車顧盼驚
準陸離劍佩光如虹藉甚騷壇飛將天上鉅公
示我文字開心胸願我把臂入林中磊磊落落雙
眸空相期不朽德言功海天歸去挂飛蓬雲脚翻
和昌谷集

聖

翻小閭風公云我老戲賓鴻綠鬢少年矯如龍

且宮夫人

珠宮貝闕月如環素鱗黛甲敞雄開龍女寒花靚
且閒遨遊鯨背指三山隨風引去空妙年裊裊簫
聲聽彩鸞龍宿宮前金井寒千人拜舞琅霄天

蘭香神女廟

鳳嶺關天構龍城冷水雲秀色浮山曉驪珠照夜
昏昔人賦寶璐今我薦香芹蘭佩紛容衷冰姿映
繡珉龍母樂相樂青童春復春椒漿羅畫壁總帳

翠燈銀楚楚倪天姝洋洋邁塗莘旖旎漢上女縹
緲雲中君嘖舟收夢颺駕海鹹香裙花燈懸緝緝
腰降族鱗鱗俗緣眉思畫仙米手能勻茉莉穿華
鬢荔枝點絳唇胡麻流洞口蓮履解飛身豐年祈
五稔海水不揚塵雙鳥騰空霧朝朝拜殿門

送韋仁實兄弟入關

紅亭旗下歇酒不破君顏贈君以寶刀灼灼刀頭
鏤昂首望太乙迷離蒼莽間金晶射聆聆秋容君
自看軋軋壯士腹傷離眉亦攢愛君雙玉樹清颯

和昌谷集

聖

生羽翰我身何刺促肉食隔瓊田東海不可遊集
縞西入關迷君歸南園挂頰看青山

谿晚涼

秋蟲蠶柳吟晚風千枝殘帚掃晴空青梧濕月油
幢幢銀波緩緩涼溪東閒鷗天矯疑新鴻拍翼水
心濯溶溶百花潭底蟄秋龍長頸睨天醉碧筒

長平箭頭歌

戰場鬼火飛黃沙驚魂酸骨生眼花猩血斑斑銅
簇簇當年虎鬬折龍牙三脊射人或射馬搏拏旋

風如雨下塵埋土蝕鴈翎堙赤豹文狸嗥寒夜新
鬼離襪舊鬼瘦紙錢澆酒牛心炙煩冤髑髏相撐
柱溫東咸陽三月火揮涕淋零摩古鏃幾度醫瘡
剗無肉千年蜈腹白將軍貫索難盈南山竹

江樓曲

翠螺隔水巴陵道酒香不醒君山老洞庭秋月冷
氣風白雲取酒卿有功癡龍出入啼風雨越客攬
衣歌白苧斑斑刺竹淚痕垂蒼梧翠華久無主銀
管搖搖憑酒力龍宮滌滌隔波白夢逐桃笙伴謫

和昌谷集

聖

仙角韻狂歌餐秀色

寒下曲

黃花白草秋馬骨生寒水昭君塚上烟青冥千百
里刁斗叫寒霜繚絲沙漏刻皋蘭山上雲月光穿
太白阿郎青海頭泣月劇遶愁鵲鵲泉如雪斬水
作血流

染絲上春機

折花臺畔沉香井香沉墮落膳脂影細腰宮女曉
生愁絡絡新絲上翠樓染罷拋梭巧花機同心梳

子合歡葉君王取作錦纏頭妙舞迴風歌白雪

月漉漉篇

月漉漉寒光玉孤蟾急流沙饑烏號古木波上龍
松飄露濃雀腦溼斗帳冷金釧桂影綺寮入蕩子
初去時拔蒲蒲未齊歸來莒已花脂水滌紅泥

京城

春明門外柳搖折故鄉心王孫走馬去春風伴苦
吟

題歸夢

和昌谷集

聖

芝蘭愁不採腸斷在空谷灼灼撩人花道旁黃與
葉鄉縣夢當歸輾輾車輪腹盡燭照蛾眉躊躇千
里目

南園

荷衣蕙帶烏衫巾南園三月十分春鄰有茗溪漁
丈人手提臘酒開黃雲竹鉤松葉紅藤下共指池
崖記月痕濡首同傾穴石樽拚取吟魂付醉魂

仁和里雜叙皇甫湜

北風獵獵狐狸寒瘦馬短衫衝野垣白楊墜葉鴉

棲穩紅棗幾株鳥啄殘丈人角帶拂黃綬相從大笑旋呼酒盤釘柑橙高羅列鴟夷婪尾隨先後汲
取佳泉煎蠟眼茗鎗亂戰珠難斷山荒道僻無絲絃
龍頭信信遙吠犬尋常杯酌殊草草東籬蕪睡
菊花老醉餘欲喚九仙膏玉氣雖多金氣少一寒
如此弘農官顧我雕蟲君所憐君憐不憐我何有
大醉拍馬浪霜天

致酒行

春風飄零一杯酒長歌短舞爲誰壽日暮花飛鼓

和昌谷集

器

角哀夜烏啼起白門柳吾聞鄒枚老作梁園客授
簡揮毫人爭識一朝臺傾池水平秘思抽盡無餘
澤我似鷓鴣行不得桃紅漫慘征衫白便欲馭風
并衛雲逍遙鵬背免悲呃

春晝

鶯黃柳色催年轉吹香飄紅上金殿機織流黃粧
裁素練蜀國啼鵲漢宮飛燕日暖雀屏霧籠鮫薦
隱隱青山融融赤縣花依連理蠶眠雙繭楚女舒
衫吳姬却扇春日幾何春風無限

閒愁歌

紅葉滿林黃葉乾菊花翠萼帶霜寒我生三十如
秋悴蕭條九畹弔幽蘭英英白雲作蒼狗雄精夜
半牀頭吼黃金堆山我不羨但願生前一杯酒酒
酣呌天天門開白榆歷歷路不迷天書教我須鄭
重蹶蹶拽拽那相欺

楊生紫石硯歌

七星摩天光有神誰令穿坑斷紫雲沉沉水底出
蛟肝芭蕉白暈火焰痕將軍東歸梅花春柔毫發
和昌谷集

罌

墨芝蘭薰玉泓重潤製能勻縱無鴈鴒淚不昏文
房永寶千年新龍尾金星未足云

石城曉

霞動東方高寒鴉四散起石城好女郎朝眠猶夜
醉白雪在空梁郢歌記一曲別去洞庭船烟波幾
回綠相思腸斷剪春羅莫愁顏色嬌如花但恐東
風去如駛人面桃花不相似

苦晝短

安得長江盡變爲春酒痛飲不覺天高與地厚抱

取千鍾萬斛爲先生膏肉食自肥藿食自瘦銅山
金穴于吾何有君門遠萬里饑豹將毒龍吾欲蒸
豹胎鮮龍肉勿令堂陛間遊苑囿間伏咄咄東方
滑稽洛陽痛哭言念美人溫其如玉物態不可測
騏驎呼作驢朱雲拔劍請折檻張翰秋風思尊魚

章和二年中

棟花風盡鳩羽拂蕸蕸麥秀天雨粟去年寡婦嘆
無襦今年農父笑多租社酒黃鷄雲氣黑溝塍涓
涓湧泉脉喧彼悠悠路上兒寶馬朱纓驕逋客拍

和昌谷集

異

醉田家月三白松毛爲茵草爲席牧人夢魚獻天
子更道明年蟲蝗死

白昌谷到洛後門

長安春尚雪褐衣出國門道逢賓賓者翻疑天地
昏天地亦何意舒卷隨風雲我行四野肅小谷波
潯痕垂橐挂槁木疲馬及蕭晨羈旅日以異聚散
非故鄉感時既索莫遇物益酸辛尋常不可識况
乃澹宕人憶昔棄繻子駟馬西入秦豹鼠一以辨
意氣凌千春矯首麒麟閣英英達者魂靈書何事

爾細細泥枯芸不見南山下松楸摧作薪

七月一日晚入太行山

蒸雨濕隴糜秋烟潤資稊收代朱明庚庚謝其
模遙逕怪石生長桑倚雲熟一夕變微涼鈴鈴響

金鑑

五粒小松歌

母龍初生毛鱗蛻仙人幾粒青精伴眠沙釀水月
織纖三寸玉鬚君勿剪軒轅廟裏白松圍虬拏龍
攫驚拘儒恥受秦封五大夫司馬葵載封禪書

和昌谷集

聖

將進酒

碧玉鍾流霞濃絳仙織束研紺紅駝峰作羹銀縷
拾香塵漠漠嬌翔風鳴秦箏將羯鼓蹋歌垂垂
舞北堂明月春未暮屏笙夜奏瀟湘雨勸君日夜
須痛飲君不見北邙山上土

秋涼詩寄正字十二兄

天宇白顚顚雙星怨炎澗龍輓來何遲烏鵲曾欲
殺密意情誰將侵晨輪缺發七襄錦已製支機石
又折常恐韶令移慨此芬華歇脉脉復盈盈嗟嗟

忽節節波濤不可梁帛素誰爲達霧匹凉若斯安
云臥天闕空牀攬素光虛牖生孤月搔首盼銀潢
殷勤咏采芣

猛虎行

鬚不可料牙不可捭謂余徒手奈此兇獍或爲園
城或置艾旌南山之石將軍夜行困廼搖尾中心
不平玄狐噪噪以泉鳴葵藿不採是非惡聲王
母虎齒善嘯可聽

日出行

和昌谷集

吳

扶光代燭龍五色炫素綵駿狼何肅肅逝水令人
悲虞淵到咸池空際車輪轉廣都諸帝所禹中不
可見長繩莫繫解晷催人何不凌倒景躡崑崙乃
學夸父之奔竟與九鳥爭昏

苦篁調嘯引

嶰谷青青闕底事伶倫徘徊看數四巧手截取碧
琅玕節節足足鳴十二軒轅御之上崆峒無搖雨
精伏爾氣具茨七聖道迷時雌管雄管不會隨涿
丘沙霧竊濫吹凡音不能來威鳳湘江苦篁冷舜

祠

拂舞歌辭

長巾節嚴鼓秋水雙徘徊白鳩公莫舞空井生蒼
苔前有一樽酒斟酌與君壽人生有酒不肯乾彈
指松楸悲離露難露怨朝曦兒女痛哭時可憐騰
蛇游黃霧不及神龜脚下土神龜自言壽千載七
十二鑽爾安在不如結托酒中僊黃花紫柏流白
涎

筮侯引

和昌谷集

吳

公乎公乎渡河安所如天吳九首角鬐鬐彭咸淵
累一何愚公乎公乎中流失壺人爲魚前謝屏翳
子寄聲湖就姑蛟螭攫爪龍葫葫誰見沉淵白石
浮髮披披首泥泥公乎公乎亦不顧亂流而濟命
何如聽歌吹侯聲鳴鳴

榮華樂 一名東洛梁家謠

二十已過三十餘雙眉綠去口消朱熏天炙日水
下僂白髭雪鬢暗中更瓊枝不入仙人房東風落
花散無光香閨刺繡錦叢女褰綸却謝倚門倡四

十專城好兒郎蓮花七轉九靖旁稱昭陽第一國
士無雙龍燭芙蓉開焰紫煌煌洛陽市天津水華
堂上客踏珠履舞席香塵翠粘天歌管沸聲金擲
地噓氣稜稜龍成雲九天咳唾玉氤氛宮硯蟾蜍
階廢潑屈宋衙官左素臣焱焱揚揚火滿宅寶鴨
流蘇搖金碧黃門方角大誰權侍中不借平章力
昔時宣室會前席今日讒疑驚釜隔木朽蟲蟲龜
易楊蟾蜍蟬蟬妖蠱食金馬戕戕翰墨香消涓奇
禍中貂蟄上苑灼灼憐花並黃梁杳杳秋夢長天

和昌谷集

辛

門九扇偶然開浮丘前導子喬來玉女三號壺笑
箭井公六博電將雷飛瓊吹笙安妃舞東方小兒
前致語願抽一矢落陽鳥更控雙弦下皎兔自然
清靜守黃人不須五利拜將軍錦於絳景三燭雲
胎仙夜舞黃庭春

相勸酒

金蕤將玉兔雲廊飛不開我有一尊酒既取僊人
鞭仙人自樓閣苑將軍介馬樓蘭紫塞路迷千里
目黃河水落斗牛間但傾酒棧向雲端魚魚雅雅

呼所歡霸妃附耳細云云莫問桑田變海愚叟移
山紂不淫繇不惜伯彘牀頭千黃金世事難論皆
若此誰能漏破一生心相勸酒杯乍輟與爾長歌
短詠無休歇天寒罷采前溪葛望仙車駢駢不愛
曹瞞銅雀梁王兔園

瑤華樂

西王母不用媒白雲謠罷山子迴七萃奔崩玉册
開縣圖玲瓏引佩環瓊華琪樹赤殷殷黃竹之歌
何珊珊變成一笑破龍顏薜華瑟瑟墜瑤泉乘黃

和昌谷集

聖

衛電稅弁山槐霜蔭蔭玉屑承輪虎齒朱唇笑語
千春三足烏飛羣衆雲非烟若煙九光文浮金羽
壁何足云霞桑扶扶但憶君願君鍊取桃花骨爛
柯山中問王質

北中寒

狐裘白白貂裘紫百尺冰蠶僵不死紫軒宛頸肉
連理五更玉結天河水燕趙佳人工數錢陽焰燒
生離恨天黃金香地醉莫喧千絲萬絲瑤珂懸

公無出門

花迷迷柳密密春雨促香魂秋風銷艷骨後園舞
罷秋千索紅淚寄將邊頭客西望流沙星沒滅
輪鎗負牽牛輓公無出門出難還輕塵崩折不周
山鋸牙養養嚼巨環素龍火眼口流涎公乎何時
歸醉眠呼花品竹聲斑斑醺醺二千斛白眼向青
天天公醒未解解亦醺醺然如此不歸歸亦得妾
愁日對蔚藍天

上之回

上之回七萃喜振虎旗捲豹尾按六飛閑九龍雷
和昌本集

衝衝雲逢逢神馬山麓戴地拓幅幘八萬里

洛陽城外別皇甫湜

霧松束寒樹晴光裊白烟驪歌發古恨遊子悲遙
天踟躕飲此酒落日陵間恨絕桃花馬騎嘶不

宵前

官不來題皇甫湜先輩廳

官不來馬秋秋紅葉墜天四野愁聞道函關駕青
牛白髮老死君知不官不來天幽幽

塘上行

風涼蟬鬢薄藕斷荷枝澁誰道蓮子心不逢秋露

呂將軍歌

呂將軍千里兔人中英妙馬中龍赤光照爍五陵
樹草頭寒人欲上天鄉鄔宕宕金根閑手持黃紙
芙蓉鏑誰能爲人守閨閣狼牙盡戟冠前馬粉臉
朱唇歌帳下獻劍英雄輕舉槍聚塵已化斷頭香
大耳王孫深投刺縛虎欲急蹶霜驥銅雀高臺七
尺牀西陵松月照漳水陳兵自繞柵歸池三分割
和昌本集

據竟如此惟有潮海百尺樓當年會得饑鷹意

休洗紅

休洗紅未洗紅先淺秋老芙蓉愁錦書不相見歸
來投玉壺三驍壺中箭

野歌

俠骨未掛扶桑弓中野蒼蒼聽夜鴻荷衣衰颯當
寒風愁賦長楊獻回中縛柳爲車嗤送窮拋書欲
訪東園公共爾避世隱牆東芙蓉花枝坐濛濛

美人梳頭歌

泥蘇珠絡怯春曉金粟香篝裊白檀嬌柔輕素困
暖玉新雲弓滑芙蓉足纖纖繡袋菱花光寶袂微
開玳瑁牀千絲萬縷欲垂地秘裊烟霏清臙膩水
犀梳掠新蟬色皓腕盤旋誰捉得龍影徐徐轉墨
虹欲墮不墮紫釵力鄰女偷看最天斜朱華九色
撒瓊沙粧成顧盼櫻桃下搖裔蜂鬚撲髻花

官街鼓

咏天啓中事

長安城中槐蔽日長安城頭月將出街鼓聲聲官
欲來金吾氣焰炙人骨霞繡蟒衫韞底白擲雉梟

和昌谷集

五

盧呼不得妖姝蛾眉矜顏色前無號秦兩大國羯
鼓瑤瑤街鼓闌樓東梅魂愁正絕

許公子鄭姬歌

勃率五侯將七貴關鷄走馬青門醉鴟夷枵腹服
匿垂寶釵歷亂拋明翠鄭家女兒廣長袖櫻桃名
叶櫻桃口雙童不羨擲果車金谷珠玑價量斗博
山香馥閣夜惟嬌抱雲和月下彈可憐酩酊許公
子如泥不肯上雕鞍夜深酣臥芙蓉苑繡幙藏鶯
鶯不見日高銀蒜鈎尚垂花影游絲射一綫鸚鵡

前頭喚文君東窗起盡遠山雲黃衣夢渺凌雲賦
腸斷當爐滌器人茂陵園草園蒼柏白頭妻啼
蜀客少年雙美莫相忘白楊當作連理植

新夏歌

石園步幃驕文綵珊瑚七十二枝在綠珠樓上空
烟濛燕子泥香月不籠內人斜畔花成嬸妖紅妬
紫菁蔥重王孫錯認相思草合德已殘飛燕老灞
陵東走邯鄲道文園落花無人掃

經沙苑

和昌谷集

五

漢苑三十六官奴戲惹荷春風隨意羈鞭長弄沙
暖拭拂海西頭霜蹄昔曾展不見天馬徠銑吹同
赤馬

出城別張又新醉李漢

燕市一杯酒桃花不復春感激戀親串寧復似他
人方念馮唐老尤悲原憲貧拔劍倒相贈浩氣崩
秋雲瓜苦無甘蒂我悲邵陵門柳弱難勝折愁看
白日昏道上夸毗子車馬走轉轉爾我俱清流顧
茲濁水滯忽漫嘲鷺鶴誰復辨蛙蠅連牀七晝夜

瘳寐達衣茵明當與子別襟袂逐荆榛世路也雲
雷海內羅簪紳豈不剖玉石何用混鉛銀自嗟妾
薄命空懷日月新發櫛無停管十指如有神織纖
思抱甕泱泱欲傾盆小儂子山賦細與仲長論孔
公南入蔡柱史西去秦子方乘長颺快步行絕塵
虎符高半刺熊軾美雙轅關山開岸嶺劍水淬清
渾常有光貫斗不愁研磨穿玉筍班能卓黃金印
可懸卿杯時念我握簡豈忘君干邪終作合小別
一沾巾

和昌谷集

美

假龍吟歌

山叟渾癯骨突形瘁銅聲憂憂駭心動肺水林江
妃芝車荷蓋太乙天都近殊島雲根蟲鼠睡龍老
蒼牙皓鬚吐香涎貝宮盤屈赤玉爪微弄腥風枕
苔髮大角鳴鳴萬竹折羌笛梅花擲月孤敲殘幾
片峻嶒鐵

感調二首

津頭萬楊柳花粉飛清揚忽作長門思蘭心帶約
房素鸞烟筆閒驚鴻香筵牀伴羞拋翡翠故意斷

流黃羈雌誰是匹如殺紫鷺鴛鴦爲血成錦字模糊
寄朔方

鰈人淚織珠珠花圓而折幼小住愁城年年度華
節碧草隔春烟蟬老澁秋咽流盼天一涯新料不
成月

莫愁曲

艇子無五兩來往石城頭素腕秋月光劈破廿石
柁繫纍如貫珠一顆直萬牛繁然向郎笑打漿逐
郎遊繁絲張吳絃清唱上花樓儂名權口在懽心

和昌谷集

至

儂眼鈎蠶絲不得長桐竹易以秋勿忘鬱金色看
取名莫愁

夜來樂

綠盡銅鼓鳴蘇蘇尋春秘戲龍與魚雙桐樹下扣
金鋪胡姬美酒十千沽紅襟鷺子五桃株子都下
馬撒金麝嬌歌淥水舞白兒明妃蔡琰艷無餘一
聲兩聲絃索疎驚翻啞啞城上烏牀頭玉合香瓊
珠珊瑚雕枕拂龍鬚侵曙催人上直廬武陵屏幃
桃花孤五日歸來勾黃粉綠鬢光雲映玳梳

嘲雪

梅蕊放兼天柳花飛覆渚玉屑吐絲絲龜言答鶴
語白余封老條斑扇泣紈素培池黃竹歌王母憐
親故

懷春引

雨工收雷閉春洞銅漏無聲花睡重香魂漠漠叫
青鸞連臂蹋歌來赤鳳玉塵鎖關櫻桃夢蟾蜍抱
月冰壺凍俯視人間有野麝白茅藉藉勞相送

白虎行

和昌谷集

張

白虹貫日生怒雲狗屠游酒失其羣白衣白冠髮
上指可憐咄咄樊將軍六國愁逢此醉天割地質
子空年年太阿妖艷鑄白虎蓬壺寧有染腥僊地
脉已絕天鼓沸長城窟裏咽咽鬼鞠武無言田光
死膽骨不寒寒易水舞陽無勇荆卿苦所偕未來
頭輕許西風蕭蕭變徵歌漸離感慨筑中語督亢
圖藏數十鐵陰靈暗啞泣寒月斷足倚柱可奈何
俠氣崩騰一片血秦宮傳言傷賸死薊城懷懷燕
丹子

有所思

別時曾彈蜀絃曲原蠶已老還依蜀文君臺上弔
月魂薛濤井中藥雙竹秋思不可尋春夢誰能續
郎君去後月如弓桃花寶馬梨花風梨花隨君一
路白桃花似妾雙頰紅暗蛩唧唧禮秋河河鼓無
聲空逝波素心來往機上梭愁顏掠削鏡中蛾流
黃未忍輕斷絕雲際雙星半明滅天上無如秋淡
寥人間最苦蟾蜍圓缺江城芙蓉花別木芙蓉冷于
寒水玉錦衾如水夢金微憑君一問君平卜

和昌谷集

張

嘲少年

錦裘窄窄翠雲光杜曲花枝生晚香入門蹀坐喚
阿姊銅山金穴署阿郎桃李西園麗綠篠朱華弄
葢日香沼稚子提籠開關鷄佳人接花調語鳥許
史經過驕上客喚奴玉鞭撾一百時時錦索戲秋
千夜夜金籠鳴促織呼處跳擲輕劉殺灌夫魏其
爭使氣蜩斗無緣綠字疎珊瑚火浣誇豪貴但得
金甌千萬年白頭願種南山田長安浮雲如飛蓋
春風肯於年少偏年少少年少幾人在碧眼猿牙叢

相待

高平縣東私路

高木寒作花石鼓敲細雨野逕窮無人文狸往來
處蟋蟀爾何心山夜啼偏苦迷陽復迷陽莫負幽
人路

神仙曲

上元細字靈寶書勅下扶桑東華居若木四照光
玄虛希有小鳥觀小魚長胥不數西王母春山碎
玉飛何處柱下老人年幾許喃喃二馬五千語

和昌谷集

李

龍夜吟

老龍吹水津頭綠寒外兒童截霜竹李陵臺上月
兼霜十萬征人一時哭誰家翠管調纖指清商流
羽變宮徵三沽楊柳青木青曲中夜半催龍起聽
憂旬旬無限情竹風梅雨幾人聽北海長波平如
練三十六灣紫若線恍惚軒轅帝子吟萬年愁絕
攀尋心

崑崙使者

流沙萬里驥一息河源直下生海色淒涼博望斗

邊槎石榴蒲萄帶不得昆池石鯨鱗甲裂西宮扶
荔愁枝折可惜劉郎鞭箠心烏孫馬上彈明月

漢唐姬飲酒歌

琉璃生昔耶銅駝在荆棘非侯復非王騎乘如何
飾金縷亦以歌白蓮烟水隔千里叫青青十日卜
何益漁陽鼓莫攪日暮黃塵逼土伯橫索魂木公
難鑄魄相顧鼓鼙胡誰云歌激激冥茫長夜臺住
世如秋客羽觴苦隨波清酒無顏色仙人王子喬
來想陽九厄北邙塚累累黃腸慙文柏天上霧濛

和昌谷集

李

夢人問花寂寂惜欲扣帝閣九首泥開白酣眠來
夢中紅塵飛紫陌

聽穎師彈琴歌

三峽流泉下清渚海水茫茫七絃語夢逐峨眉秋
月高老嫠夜泣訴鄰姥花涼烟暖藍田玉戴瓊小
拍銜芝鹿藐姑儼子曳梅魂並珠佳人啼楚竹忽
作梵音鼓雷門彈指冰冰十六尊蛇腹橫波補百
納七十二閭青桐孫陳畱中郎帶音客驚蟬為汝
笑逃席師乎師乎孤棹歸于今不破彈何益

送秦光祿北征

當寧時推轂東方正鼓鼙霜風弓滿月瀚海劍下
寬肅角梅花落營門柳甲開綠符窺秘略黃石擅
奇才驍騎軍聲壯旄頭宿影低射鵬大漠去飲馬
長城嘶日出水初渡鴉飛草始齊電烟紛就蓐銀
釐敢辭泥國恥知嘗膽軍謀不噬臍機槍明月帶
肯蔚曉山齊青塚燕春語黃沙狐夜啼角笳小隊
至頸繫長纓來翼德銘刁斗尉遲捧玉壘暫辭光
祿饌往酌步兵杯露布看磨盾風聲聽剝犀投醪
和昌谷集

全

謠俗

愁心問東海豈敢怨夫君仄仄迷陽路鈎斷瀟湘
裙搔頭丹鳳閣醉眼黃龍雲百感何騷屑長謠託
古人

周廣菴全集三十八卷

浙江巡撫
採進本

國朝周金然撰金然字廣菴上海人康熙壬戌進士
官至司經局洗馬是編分爲七種飲醇堂文集八
卷抱膝庭詩草二十卷娛暉堂集二卷和陶靖節
集三卷和李昌谷集一卷西山紀遊詩一卷南浦
詞三卷金然與施閏章宋琬遊其才思格力亦介
於二人之間